







S A C R Æ  
ANTIQUITATIS  
MONUMENTA  
HISTORICA, DOGMATICA,  
DIPLOMATICA.  
TOMUS I.

- |   |   |
|---|---|
| <p>I. CONTINENS GERVASII ABBATIS PRÆMONSTRATI ET EPISCOPI SAGIENSIS EPISTOLAS.</p> <p>II. ANTIQUITATES ARCHI-PRIORATUS HIREVALLENSIS.</p> <p>III. ANTIQUITATES VALLIS-GALILÆÆ, vulgò S. DEODATI.</p> <p>IV. DIARIUM ET MEDULLA VOTORUM PATRUM CONCILII TRIDENTINI, AUTORE N. PSALMÆO ABBATE SANCTI PAULI ORDINIS PRÆMONSTR-</p> | <p>TENSIS ET EPISCOPO VIRDUNENSI.</p> <p>V. ELUCIDATIONES NON-NULLORUM LOCORUM SACRI CONCILII TRIDENTINI A S. R. E. CARDINALIBUS DICTI CONCILII INTERPRETIBUS, COLLECTORE NIC. PSALMÆO.</p> <p>VI. CHRONICA B. EMONIS ET MENCONIS, ABBATUM WERUMENSIUM, SIVE FLORIDI-HORTI, ORDINIS PRÆMONSTRATENSIS IN FRISIA.</p> |
|---|---|

NOTIS ILLUSTRATA

*A R. P. ac Domino*

**CAROLO LUDOVICO HUGO,**  
Abbate Stivagii, & Fontis-Andree Doctore Theologo,

SUÆ CELSITUDINI REGIÆ

A Consiliis & Historiis, Tractûs Stivagiensis Prælato Ordinario &c.



Opus Impressum *STIVAGII* in *LOTHARINGIA*,

Et venale

OFFENBACI ad MOENUM,



Apud **JOH. LUDOVICUM KÖNIG**, Bibliopolam,

Nundinis FRANCOFURTI & LIPSIAE tam Pascharos

quam Michaelides

M D CC XXXII.



S A C R Æ  
 ANTIQUITATIS  
 MONUMENTA  
 HISTORICA, DOGMATICA,  
 DIPLOMATICA.

TOMUS I.

- |   |  |
|---|--|
| <p>I. CONTINENS GERVASII<br/>             ABBATIS PRÆMONSTRATI<br/>             ET EPISCOPI SAGIENSIS<br/>             EPISTOLAS.</p> <p>II. ANTIQUITATES AR-<br/>             CHI-PRIORATUS HIREEVAL-<br/>             LENSIS.</p> <p>III. ANTIQUITATES VAL-<br/>             LIS-GALILÆÆ, vulgo S. DEO-<br/>             DATI.</p> <p>IV. DIARIUM ET MEDULLA<br/>             VOTORUM PATRUM CON-<br/>             CILII TRIDENTINI, AUTORE<br/>             N. PSALMEO ABBATE SAN-<br/>             CTI PAULI ORDINIS PRÆ-</p> | <p>MONSTRATENSIS ET EPIS-<br/>             COPO VIRDUNENSIS.</p> <p>V. ELUCIDATIONES NON-<br/>             NULLORUM LOCORUM SA-<br/>             CRI CONCILII TRIDENTINI<br/>             A S.R.E. CARDINALIBUS DI-<br/>             CTI CONCILII INTERPRE-<br/>             TIBUS, COLLECTORE NIC.<br/>             PSALMEO.</p> <p>VI. CHRONICA B.EMONIS<br/>             ET MENCONIS, ABBATUM<br/>             WERUMENSIUM, SIVE FLO-<br/>             RIDI-HORTI, ORDINIS PRÆ-<br/>             MONSTRATENSIS IN FRISIA,</p> |
|---|--|

NOTIS ILLUSTRATA

*A R. P. ac Domino*

CAROLO LUDOVICO HUGO,  
 Abbate Stivagii, & Fontis-Andræ Doctore Theologo,  
 SUE CELSITUDINI REGIÆ

Consilii & Historiis, Tractûs Stivagienfis Prælati Ordinario &c.



STIVAGII,

Litteris JOANNIS MARTINI HELLER, Typographi & Bibliopolæ.  
 MDCCXXV.

*Et veniunt*

*Stivagii, apud JOANNEM MARTINUM HELLER.  
 Nanceii, apud FRANCISCUM MIDON, Bibliopolam.  
 In Oppido S. Deodati, apud DOMINICUM BOVCHARD, Bibliopol.*





ILLUSTRISSIMO. CELSISSIMOQUE  
SACRI ROMANI IMPERII PRINCIPI

MARCO

DE

BEAUVAU-CRAON,  
REGIÆ CELSITUDINI

A SANCTIORIBUS CONSILIIIS, SUPREMO

LOTHARINGIÆ ARMIGERO, MARCHIONI DHAROUÉ,

COMITI DE GOURNAY, BARONI DE TURQUESTAIN,

LIBERO DINASTÆ DE MÛLHAUSEN AD NEKRUM,

DOMINO DE BAZEMONT, TOMBLAINE,

JARVILLE &c.

P RINCEPS CELSISSIME,

Prima nascentis Typographiæ nostræ specimina, Nomini Tuo devovimus, *PRINCEPS CELSISSIME*, Patronum in Te nacti & Judicem, qui artem promoveat, & nitentem ad arduâ scriptorem censoriâ dirigat benignitate. Utrique sustinendo muneri parèm Te fecit auctoritas quâ polles, varia quâ repletus es eruditio, ingenitus Tibi ergà litteratos amor, & in evolvendis veteris ævi monumentis ardor indefessus, quem liberali & Christianâ educatione excultum non imminuit turbulenta Bellonæ exercitatio, non restinxit incumbens humeris publicarum, domesticarum-ve rerum curâ ingens quâ distringeris, imò ut Patriæ & Principi natus, sic Tibi per furtiva otia consulens, avidissimam discendi cupidinem, assiduâ lectione explens, & animum melioribus imbuis disciplinis.

Hinc Politices præceptis ornatum Principem, moribus suavissimis instructum, sermonis amoenissimi & docti leporibus seracem, in consiliis providum, expeditum in difficillimis, suspexit in Te Gallia, Germania laudavit, experitur in dies Lotharingia.

Constans hæc est Nominis Tui fama, *PRINCEPS CELSIS-*  
*SIME*, & major inde assurgit Tuae laudis seges, quam si ex proavo-  
rum imaginibus antiquissimis, aut ex Tui Sanguinis, cum Borbonio, prisca  
conjunctione, ad feros Gallici throni hæredes foeliciter porrecta, aut ex  
Heroum Gentis Tuae stupendis belli facinoribus, laudabilem Te prædi-  
cavero. Aliena est quippe; licet paterna Tui generis inclyti, hæc gloria,  
quam vindicare sibi immerenti, usurpare est, quam factis propriis non  
assequi, piaculum est nepotibus, degeneri vitæ, virtutis avitæ simulacra  
deturpantibus.

Resurgent in Te, *CELSISSIME PRINCEPS*, Majorum  
tuorum imagines, & virtutibus conjuncta Nobilitatis semina, redivivos  
ip. Te offerunt belli pacisque Heroes, generosum Te, generose stirpis  
sursulem attestantes. Regale LEOPOLDI I. judicium, præjudicata est  
sententia. Quis enim argutos Ducis Regii oculos novit, qui tutam in  
probandâ hominum indole, sagacitatem illius non agnoverit, cui nec  
fucata virtus, nec larvata probitas possunt illudere. Dum Te igitur,  
*CELSISSIME PRINCEPS*, arcanorum LEOPOLDI conscium,  
benevolentiae, amoris, gratiae ejus effusè participem videmus, quis am-  
bigat, id non esse cæcipientis dilectionis munus, sed exploratae vir-  
tutis præmium.

Cæsaris calculo consecratus est LEOPOLDI sensus. Vix enim Tuo  
alloquio, Tuis consiliis fruius est Imperator, cum ecce ingenii Tui per-  
spiciam & morum suavitate delinirus, Collegio Principum Imperii, Te  
Principem ascribi voluit. Applausere proceres Cæsaris edicto, & Te  
novis redimitum honoris insignibus, ampliori dignum honore conclama-  
runt, si natalium attendatur dignitas, vel ingenio sua rependatur merces.

Quid mirum, *CELSISSIME PRINCEPS*, si tantam in  
Te reverentes mentium sublimitatem, Te quoque defensorcm ambia-  
mus. Exere ergo protectionis Tuae dexteram, & accipe munusculum  
istud, in argumentum inveteratae necessitudinis & venerationis intimæ  
quâ Tibi devinctus est

**CELSISSIME PRINCEPS**

CAROLUS LUDOVICUS HUGO;  
Abbas Stivagii & Fontis-Andree  
Sacrae Theologiae Doctor.



PRÆFATIO  
IN  
EPISTOLAS GERVASII,  
IN  
HERCULANI HISTORIAM,  
IN  
NICOLAI PSALMÆI DIARIUM  
CONCILII TRIDENTINI,  
IN  
CHRONICON EMONIS ET MEN-  
CONIS, ABBATUM FLORIDI-HORTI.

**G**ERVASIUS, cujus Epistolas offerimus tibi, Benevole Lector, erat 1. Episto-  
la Ger-  
vasii.  
natione Anglus, origine Lincolnensis, sanguine clarus. Post de-  
cursum humanioris & politioris litteraturæ stadium, Parisios pe-  
tiit; ut celeberrimæ Facultatis Theologicæ Magistros audiret &  
doctorem adipisceretur lauream. Quantum in Sacris litteris profecerit, vir  
à naturâ instructus ingenio perspicaci, testantur laudati à cœvis Scriptoribus  
commentarii, quos in Prophetas minores, & in Psalmos edidit; Testantur  
homiliæ & conciones quas ad populum habuit, aut in consensibus Ordinis  
dixit è suggestu; quin & ipsæ Epistolæ, quas orbi litterato tradimus,  
hominem profundioris doctrinæ, in versandis Scripturæ, Patrum, Cano-  
num-ve textibus sagacem, disciplinæ veteris indagatorem oculatissimum an-  
nuntiant. Lauream Theologiæ adeptus, Religionis statum ambiit, in quo  
se totum Deo & Sacris impenderet. Præmonstratensem Ordinem, magno  
pietatis odore tum fragrantem ingressus, in Abbatia Sti. Justi, Bellovacensis  
Diocesis, schema Præmonstratanum induit. Votis de more nuncupatis,  
paulatim ad disciplinæ & sollicitudinis monasterialis partes à Balduino Ab-  
bate vocatus est. Morum & studiorum præfectus, juventutem candidam  
informavit præceptis regularibus, scientiis ornavit, & Bellovacensis Diocæ-  
seos quasi publicus Magister, extraneos perinde ac domesticos erudit.

Ad Ordinis Præmonstratensis verticem promotus Petro S. Justi Abbate, &  
successore Balduini, in locum & dignitatem Abbatialem S. Justi omnium sub-  
lectus est suffragiis anno 1195. Gervasius. Proprio pastore quasi viduata  
Ecclesia Bellovacensis, suum Præsulem Philippum de Drocis, propinquitatem  
Regiæ, sed magis militari arte inclitum, gemebar ereptum sibi, & Aleman-  
nicis & Anglicis alternatim vinculis, post fatales armorum conspectus succe-  
daneâ captivitate constrictum; gemeabant, & disciplinæ leges, prostrato ca-  
pire vix enectæ, nec erat qui clerum, aut populum sui juris factum, monitis  
revocaret, terreret verbis, autoritate compesceret. Querulos clamores ad  
Celestinum III. detulit paucorum compatiens pietas, illos ingeminavit Ger-  
vasius, afflictæ Diocesis, iniquius ferens mores dissolutos: statimque ad  
saniorum & meliorum vota, regundo clero, erudiendæ plebi deputatus est  
à Summo Pontifice Gervasius magister.

Immensos pro resarciendâ disciplinâ in clero, labores insumpsit, totus  
primorum temporum spirans fervorem Abbas. Inveteratam licentiam nullo

## P R Æ F A T I O.

Vita Ger-  
vasii. Mss.  
Vico-  
nien.

pridem arctatam timoris, aut religionis repagulo, in concionando tentavit infringere rationum momentis & censurarum pondere conquassavit. Sed ne in conceditâ sibi provinciâ, defuisse videretur, aut in eâ complacuisse supra modum culparetur, mutatiâ honoris haud cupidus, imò propriæ dignitatis impatiens Abbas, non cessavit Celestinum pulsare precibus, ut pro suâ benignitate, proscriptum præfulem, & à Richardo Anglorum Rege detentum, revocari procuraret ad ovile, luporum incurfibus circumquaque patens. Moveatur, inquit, Vestra Beatitudo miserabili statu Ecclesiæ Belvacensis, nec rectorem habentis, qui eam gubernet, nec Ducem qui præcat, nec pastorem qui defendat. Si Sanguinis Regii claritas, si civitatis squalor diuturnus, ad compassionem non emolliunt cor Vestræ Sanctitatis, saltem non obturet aures vocibus incantantium, non dulciter, sed lamentantium flebiliter ovium balatibus, & jugi oratione libertatem sui Episcopi implorantium. Sperant enim, speramus & nos, flagellis justitiæ Dei emendatum, tantò redditum meliorem, quantò majori novimus tribulatione tentatum. Cæterum imposito nobis oneri à Beatitudine Vestrâ, succumbunt impares humeri, turbat tenuitatem nostram, non tam laborum magnitudo, quàm operis & officii periculosa sublimitas. Querat obsecro, Vestra Beatitudo, non obedientiorem, sed doctiorem administrum, ne fortè obedientiæ meæ obsequium vertatur in peccatum & in ruinam Ecclesiæ cedat.

Non acquievit Pontifex humili Abbatis supplicationi, imò auxit sollicitudinum pondus & in Ambianensis Dioceseos ardua negotiâ, jussit extendere providentiam suam, præesse Abbatum electionibus, lites intricatas dirimere, invigilare Canonum observationi, concordie dissidentium. Pro conciliandâ Monachorum Corbeie tumultuantium pace, & in Joannis eorum Abbatis electionem frementium, quam Pontificiâ auctoritate moderatus fuerat, ut præfex Gervasius, quantum insudaverit, nunc ut mediator, aliquandò ut judex prolixum foret dicere. Rebelles in Vilipendium superioritatis insolenter arrectos domuit, & pro eâ quam à Celestino acceperat supremi Judicis potestate, finali judicio domum scissam discordiis pacavit, revocavit ad unitatem.

Thenoliensis interim vacavit Abbatia, per obitum Goberti. De successore deligendo ancipites Canonicos flexit Petrus Abbas Præmonstrati, ut quem in San-Justo heredem habuerat suæ dignitatis, laborum in Ordinis regimine, consortem haberet tantò utiliorem, quantò viciniorem sibi. Itaque in personam Gervasii fecit eligentium vota consuere, sicque omnium suffragiis postulatus est Thenoli Abbas anno 1199. Gervasius. Postulationi annuit Petrus, Pater Abbas à quo fors pendebat electionis, & gratulatoriâ Epistolâ, Gervasium fortè reluctaturum invitavit ad obedientiam. Oportunam se subducendi ab onerosis occupationibus occasionem nactus Gervasius, promptum suadenti Petro præstitit obsequium. Migravit Thenolium gaudens, Laudunensis Diocesis Abbatiam. Illic vivendi genus tenuit, quale in San-Justo sectabatur, hoc solo diversum, quod alienis negotiis minus distentus, propriis fervidius incubuit. In hoc enim pacifico secessu, Scripturæ & Patrum lectioni jugiter intentus, Commentarios literales in Psalmos & Minores Prophetas composuit, docuit Theologiam, prædicationi institit, Petrum Abbatem Præmonstrati juxit consiliis, Ordini simul & Diocesi perinde utilis, & ad utriusque necessitates Doctor accommodus.

## P R A E F A T I O.

Hujus consilii vix triennio usus Petrus Præmonstrati Abbas, magno omnium luctu anno 1201. humanis exemptus est. In ejus locum Baldwinus ex Cathovorensi Abbatiâ ad Præmonstratensem assumitur. Dignus optimo decessore successor, qui cum Gervasio familiaritate conjunctus, communi zelo, Religioni promovendæ allaboravit. In brevi consummato Balduino successus est Vermundus, qui laborem & dolorem prohedrix uno expertus anno, ipsam spontè resignavit anno 1204. In apertum ovile mercenarius se illicò intrusit per abusum secularis potestatis, Willelmus de Sto. Audomaro, Abbatium Cuissiaci & Viromandix helluo vorax. Invasionis scelestæ crimen Gervasius horrens, ad expulsionem immeriti Patris, Canonum autoritate sollicitavit Capitulantes. Parent illi monitis, & ad Sanctam Sedem provocarunt usurpatorem. Romam ille petit oraturus. Coram Innocentio III. causam luculenter dicit, facundiâ pollens orator, ad innocentix suæ vindicias; sed minùs efficaciter. Gervasius enim nomine Ordinis fucatos larvatosque eloquentiæ lepores rationum evidentiâ sic fregit, & fugavit, ut intrusione probatâ, Willelmus famam Rhetoris, cum depositione reportavit. Amore igitur Willelmo, successerunt Robertum, ex Ardennenfi, Neustrie Abbatiâ secis Cadomum, plenario Fratrum consensu evocatum, & longævæ administrationis laudabilis sumâ probabilem. Anno 1206. apicem conscendit Ordinis Robertus & tota triennio, degenerè maculavit vitâ. Luxu, vanitatibus, prodigalitati, hominè mediocriter interveni, spem fraudavit, quam vita anterior ingesserat. Sarviore in eum censuræ Capitulum Generalium, & ad Gervasii tonantis animadversionem, deturbatus est à cathedrâ, procerum Ordinis æquifimo judicio; anno 1209. Nec morâ coeuntes Canonici conciliariter, Gervasium proclamarunt, Præmonstrati Abbatem. Electioni obstitit Gervasius, cunctantem cogunt Patres, renitentem urgent domestici, exteri compellunt, rapitur denique concordî Capitulantium suffragio & communi prece victum, imponunt cathedrâ. Ut primùm Norberti sedem adiit, de instaurando Norberti spiritu passim languente cogitavit, namque strenuam admovit operi.

Circumstantes Provincias lustravit, emarcidam excitavit Ordinis disciplinam, ad remotas deindè regiones progressus, nec labori parcens nec sumptibus, se totum superimpendit rescuscitandæ observationi statutorum, ædificandis Cœnobiis, sacrarum litterarum studio promovendo, sopiendis Canoniceorum dissensionibus, eliquandis dubiis, & unicuique monasterio sic invigilavit, quasi singula immediato regimine gubernaret. Hinc magnam zeli, doctrinæ, Religioni famam sibi peperit, toti notissimam Europæ; Hinc Pontifices, Episcopi, Reges & Principes, arctam amicitia, lincentium & orationum necessitudine iniere cum illo, & in difficillimis negotiis adjutores invocaverunt, interpellarunt ut Consiliarium, maxime Innocentius III. & Honorius itidem tertius. Dum enim vel causas majores in Gallix partibus Apostolicâ autoritate dissolvendas habuerunt, vel dum sacræ expeditionis accelerare voluerunt militiam, modò judicem, modò præconem publicum & Ducem Cruciatû exercitus in Franciâ, delegerunt Gervasium Pontifices ambo. Aptiorem designare vix poterant. In eo quippè eminebat dicendi facundia, dicentem suffulciebat vitæ morumque integritas, flagrabat dilandæ fidei zelo Apostolico, & Comes Apostolarû sibi adjunxerat Ordinis sui Praelatos, eruditione spectabiles, ut loca quæ personaliter invisere &

## P R Æ F A T I O.

in quibus crucem prædicare nequibat, per socios pari ferventes spiritu visitaret, armaretque ad ultionem crucis Christi.

Frequens & reciprocus manavit indè Epistolarum comiteus Pontifices inter & Abbatem, ut negotium Terræ Sanctæ, comuni consilio regeretur. Indè amicabile cum Joanne Briennensi, Jerosolimorum Rege litterarum consuetudo, & assidua cum Monfortio Albigenfium terrore & maleo societas prodiit.

Propagandæ fidei ardore magis ac magis succensus Innocentius III. Concilium Romæ indixit. Speciali mandato Gervasius à Beatissimo Paure invitatus advolat. Inter numerosos proceres Judex sedet, non quæ Generalis Abbas tantum, sed etiam ut Pontificis protoprenentiarius; hoc enim honore adventantem insignivit Innocentius, ut de Sanctâ Sede benè merentem muneraret. Magnam in faciendis decretis fidei, morum, disciplinæ & Cruciatæ partem habuit Gervasius, majorem retulit ex confedentibus Patribus celebritatem nominis, majoremque benevolentiam captauit, quam postmodum vel auxit contubernio, vel mutuis fovit Epistolis.

Quantam verò Summus Pontifex ex convicû Gervasii astinationem conceperit, ex donatione Monasterii Sti. Alexii in Urbe Sti. Quirici in Diocesi Reatinâ & Parvi-Pontis secus Brundisium, conjice. Has enim Abbatias Gervasio contulit, amoris prius Monachis, à tramite Religionis deviantibus. Qualem ab Innocentio gratiam obtinuerat, talem ab Honorio successore consecutus est. Potissimum enim Regni Gallici negotiorum Judex, aut Sequester Apostolicus exiit, belli sacri indefessus præco & promotor renunciatus est, ut provincias ad arma potenti voce provocaret, & scripto. Injunctum munus per incredibiles poenas dum exequitur, publicæ utilitati intentum & proprii commodi inmemorem, impetiverunt Præfules Gallicani, privilegia corrodescentes Ordinis, & Ordinis Caput lacescentes. Tempestatem precibus averruncare voluit, & humilibus litteris sedare cominus, sed implacatos hostes ipsa precantis demissio, audaciore effecit. Honorium continuo vindicem læsus appellavit Abbas, & ad Romanam Sedem, tutum oppressæ Ecclesiasticæ libertatis perfugium, provocavit ofores. Causam deffensus, Romanum iter aggreditur, blandè advolutum pedibus suis, Pontifex excipit, exaudit orantem, & litis, per sinuosos deductæ cuniculos, finem optatum imponit. Privilegia Ordini Præmonstrato pridem concessa roborat, nova adjicit & inquietos antistites adigit ad reverentiam & restitutionem.

Binis à regressu Gervasii annis, anno scilicet 1219. Honorius nolens ministrum tot cumulatum meritis, & Ecclesiæ tam providum, debitis frandari præmiis, Henricum III. Angliæ Regem per Legatos obsecravit, ut datâ occasione Gervasium redimiri procuraret Episcopalius insulis, dignum insigniri Nobilioribus, quem generis nobilitas, juncta virtutibus illustrabat. Commendabilem per se, & de facie, magis autem de famâ notum Gervasium, Rex lætatus est commendatum sibi à Pontifice. Spondet memorem se fore tanti viri, ut primùm vacabit Episcopalis sedes. Vacavit Sagienfis per obitum Silvestri. Rex ocyùs Gervasium jussit assumi ad Episcopalem Cathedralam. Applausere Capitulantes regali judicio, aggratulatus est Pontifex, & medias inter Cleri & populi acclamationes Gervasius in Cathedrâ collocatur.

Nihil de pristina consuetudine, nihil de mediocritate assuetâ, vir frugi,  
humilis;

## P R Æ F A T I O.

humilis<sup>9</sup>, modestus remisit, in dignitatis culmine constitutus, pompatilem apparatus, suppellectilem fastuosam dedignans, de patrimonio Christi fecit alimoniam pauperum. Sillesenses Canonicos frequenter invasebat, ut sepositâ ad tempus rerum Diœceseos curâ, totum se dederet interiori vitæ. Alternis vicibus vitam exegit, Marthæ & Mariæ studiis, tam aptè temperatam, ut Religiosum in Episcopo, & Episcopum in Religioso mirareris.

Anno 1228. iv. Kal. Octobris vitam laboriosam cum morte, seu potius cum vitâ felici commutavit. Testamentum nullum fecit, quia unde faceret pauper Christi, & sui legislatoris imitator, non habuit. Sepulturam elegit inter Fratres Sillesi qui venerabiles optimi Patris exuvias, eâ decentiâ condiderunt, quæ Sanctum decebat. Illius monumento epigraphen hanc inscripserunt.

*Anglia me genuit, nutritivt Gallia, Sanctus  
Justus, Thensolium, Præmonstratumque dedere  
Abbatis nomen, sed mitram Sagia, tumbam  
Hic, locus, oretur ut desur spiritus astris.*

Mortuum flevit Ecclesia Sagienfis, flevit Præmonstratenfis Ordo, ut hominem magni consilii, „ lucernam positam super candelabrum, lucentem & „ ardentem, sanâ & operibus veritatis micantem, columnam firmissimam „ domus Dei, decorem & honorem Ordinis ereptum extinctumque indoluit. In superflite spiritus solatium lenimentumque doloris quæsierunt moestî filii, opera Patris manibus terentes, mente contemplantes, calamo transcribentes. Quo fato horum pars maxima interierit, nescio, nisi calamitatem istam favienti vel Marti, vel Vulcano imputemus; utrumque enim passa sunt Coenobia penè omnia Ordinis Præm. bellorum, hostiumque incuribus obvia, nullis munita præditiis, in silvarum positâ plerumque abditiis, aut in camporum aperta planitie, consistentia. Adde quod edacitati temporis, & Martis, solitariorum oscitantia accessit, quæ ut potè, veterum monumentorum despiciatrix, obviare neglexit illorum interitui. Quisquilias nihilo minus operum Gervasii in scriniis latitantes, & ab utrâque ereptas clade feliciter reperimus, easque à timore cladis vindicatas, tibi subicimus amice lector, ad elucidationem antiquitatis & Reipublicæ litterariæ ornamentum.

Anno 1663. P. Norbertus Cailleu Facultatis Parisiensis doctor Theologus, Archi-Monasterii Præmonstratenfis Prior, & privilegiorum Ordinis adversus Launonium vindex acerrimus, typis evulgarat Valencenianis septuaginta Gervasii Epistolæ ex Bibliothecâ Viconiensis manuscripto codice excerptas quas otio favente, notis promiserat adornaturum, sed morte præoccupatus, rem in medio reliquit conatu. Ex illarum lectione, suborta est mihi voluntas exolvendi promissum demortui fratris. Cumque in San-Marthanis Fratribus legissem eandem Gervasii litteras extare apud Steinsfeldenses propè Coloniam Præmonstratenfes Canonicos, rogavi Rmum. D. Michaelen Küel ejus loci Abbatem, Vestphaliæ, & tractûs Rheni Vicarium Generalem, ut pro suâ humanitate, & in viros litteratos officiosâ benevolentia, mihi manuscriptum commodaret. Precibus annuit Præsul Doctissimus, & triginta quinque suprâ centum Epistolæ in autographo reperi quas publici juris facere audeamus. Quo successu, penes lectorem sit judicium. Quo animo novit Deus qui cordis scrutatur penetralia, quo fine, dicam ingenuè ut venerandæ antiquitatis monumenta quæ ad nostram doctrinam scripta sunt, ad seros tran-

## P R Æ F A T I O .

seant nepotes, ibique hauriant disciplinæ formam, historiæ fontem, morum regulas, & scribendi methodum. Singulis enim faciem præferunt & lumen Gervasii Epistolæ; paucosque hac ætate scriptores invenias qui poliori stylo, compendiosiori volumine, rerum transuaserint eventus.

Tumultuario Ordine confarcinatas in manuscripto litteras, ad chronologicum ordinem revocare nec debui, nec plerumque potui; sed illas cum eâ serie restituiimus quâ Amanuensis digessit, intemeratam ubique mei autographi servans scriptionem; Animadversionibus verò nostris, tempus, occasionem personas, & locum explicans, pro tenuitatis nostræ modulo, & quantum per furentis podagræ intermissiones licuit. Incautum, minùsve attentum decepit Ughelli lectio, dum Epistolam 25. notis adornaremus. Restituendum igitur Bartholomæi nomen, quod ex Trancensium Episcoporum elencho expunxeramus, huncque anno 1206. electum, fatis concessisse circa annum 1257. profitemur.

Cæterum Romanæ Sedi, Petrique successoribus religiosè addictum Gervasium, sapiunt passim scribentis Epistolæ. Nec mirum; hanc à Fundatore B. Norberto per traducem acceperat obedientiæ formam, hanc debebat primæ Cathedræ cæterarum Ecclesiarum matri & magistræ reverentiam. Hanc debebat gratitudinem Ordinis Protectores, largitoris, & vindicibus privilegiorum, qui vagientem à cunabulis Ordinem, indefinenti benignitate foventes, ab ingruentibus adversariis illarsum strenuè tutabantur.

11.  
*Herculani Hi-*  
*storia.*

**Q**UOD pridem in votis habuerat eruditus & illustris Riguettius, Sti. Deodati præpositus, hoc ego liberandi voti causâ exequor, amicus, fideijussor amici. Ecclesiam & Vallem-Galileæ variis ab eo elucubrationibus illustratam, editione Herculani adornare parabat, dum mors incumbens operi, eripuit orbi litterario. Manuscripta historia Herculani, brevibus ad marginem passim observationibus inspersa, ad me jubente Riguettio devenit, ut quod ipse auspiciatus erat, per otium absolverem.

Distentus aliundè negotiis manum consignato operi admovere prohibitus sum; imò nec tentatus, cum viderem ad vulgi fabulas, aut ex fontibus turbidis pleraque ab autore mediocris criteriis esse congesta in historiam. At postmodum sponsonis conficius, mentem de repente mutavi, ratus in multis rectè narrantem debere autorem auscultari, in aliis deficientem emendari utiliter posse ad veritatis elimpidationem.

Herculani ergò historiam crassâ elaboratam minervâ, stilo nihilominus scriptam sat eleganti, non tam perpolire, quàm ad critices regulas exigere aggressus sum, ut sanctæ & Sanctorum hospitio celeberrimæ Vosagiensis Provinciæ antiqua monimenta referarem. Non ex incertis aut æquivocis autoribus, deviantem Herculanium correxi, sed ex diplomatum inconcussâ & irrefragabili autenticitate chronologiam, & historiam emendavi, ut tuto pede remotioris ævi obscura tempora, sacrasque subiret obscuritates, avidus antiquitatis scrutator.

Vix in Europâ invenies fecundius Sanctis solum, vix theatrum nobilius ipsâ Vosago, monasteriis, cellis, asceteriis nullibi insigniorem, à primis monasticæ vitæ crepundiis, secessum. Præpositura S. Deodati, à suo autore nomen obtinens, omnibus antiquitate prævalet, si excipias Strivagium. Nunc omnibus nobilitate præit, ex Summorum Pontificum liberalissimâ largitate & Principum beneficiâ. Floruit olim præfidentium inclytis

## P R Æ F A T I O.

natalibus, floruit Eruditorum famâ, Sanctorum pietate, & quamvis grassans in Clero segnitie, alibi in otio Canonicos torpentes detineret, æmulus quidam scribendi ardor incessit sæculo decimo sexto incunte, istius collegii alumnos, politioni litteraturâ, Marone non inferiores.

Horum prior exstitit Petrus de Blaro-rivo, gallicè *de Blaru*, qui anno 1518. Renati II. Lotharingæ Ducis bellica facinora, heroicasque virtutes, heroico cantavit carmine in sex libris sub nomine *Nanceidos* evulgatis. Historicæ veritati, nihil detraxit artis poëticæ indulgentior libertas, nec veritas quidquam immunit de leporibus poëseos. Carolum audacem, Ducem Burgundiæ, opibus, potentiâ, victoriis insolentem sic pingit, & per omnes audendi, tentandi-ve ardua, deducit cuniculos, sic Renatum in ambitiosi Principis conatus temerarios assurgentem, resistentem, triumphantem denique, repræsentat, ut bellantium artes, pugnantium virtutem, vincentis modestiam velut oculis subjectas contempleris.

Haud ablimili elegantia Laurentius Pilladius ejusdem Ecclesiæ Canonicus, sub titulo *Rusticiados*, Illustrissimi Principis Antonii Ducis Lotharingæ & Barri gloriosissimam de scditiosis Alsatia Rusticis victoriam metricè sex libris celebravit & publici fecit juris anno 1548. Utrique coequalis Herculanus noster alio scribendi genere, aliam delibavit materiem, suis ut putavit profuturam Concanonicis, & in Ecclesiæ suæ celsuram ornamentum. Quo duce, quibus-ve auxiliis in abdito antiquitatis recessus penetrare tentaverit, mihi prorsus incompertum est. Richerium Senonensis Abbatiæ historiographum de fide historicâ suspectum, in chronologiâ insolentem, in rerum narratione improvidum exhibeat. Joannis à Bayono tanquam ignoti auctor non meminit. Joannes Ruyrius S. Deodati Canonicus & Cantor, necdum *Antiquitates Vosagiensis Provincia* emiserat in lucem, scrinia San-Deodatenis Ecclesiæ vix credam ab Herculano lustrata, aut si illa adiit, summâ tantum tetigisse manu suadent obvii errores quos diplomatum lectio correxisset.

Ergo ex populari traditione, ex agiologis, ex vitâ S. Deodati mendis scatente, & recentioris ævi referente autorem metaphrasticum, maximam historiæ suæ partem deprehensit vir credulus sæculo vivens censotiam ignorante virgulam, quam nos sobriè in Herculanum distinximus, ut hæc vos dilueremus veritatem obtinebrantes. Quin ut in majori luce veritas ipsa quandoque claresceret, dicta & gesta quadam compendiose aut raptim ab Herculano recitata, fusiori calamo distendimus. Non gravabitur lector in Notis ad calcem rejecis, Historiæ Ecclesiasticæ eventus memorabiles stricim in textu recensitos, uberiori elucidatione explanatos legere. Præsertim illos qui Monasteriorum, aut Ecclesiarum fundationes spectant, aut Prælatorum scriem attingunt, cum ex illorum notitiâ potissimum pendcat Historiæ certitudo & Traditionis autoritas.

**N**ICOLAUS PSALMÆUS anno sæculi decimi sexti octavo decimo natus est Calvomonte ad Erram (*Chaumont-sur-Aire*) in Barrensi Ducatu, Dicecesi Tullensi, propè Benedictam Vallem petruicis coelestibus prodigiis, votivisque peregrinationibus illustrem. Parentes habuit Petrum Psalmæum, & Delideriam Morel, tenuis fortunæ, sed probatæ virtutis, ex asse hæredes. A primâ surgentis pueritiæ vitâ, educandum filium, germano fratri, Francisco Psalmæo S. Pauli Virdunensis Oſdinis Præmonstratensis Abbati, submisērunt.

III.  
*Opéra*  
*Psalmæi.*

## P R Æ F A T I O.

Virtutis & litterarum femina, benè nato & ad majora anhelanti nepoci, inferuit assidua avunculi instructio, ac subindè ad Universitates Parisiensem, Aurelianensem, & Picaviensem, studiorum causâ dimisit. Annis pluribus jam exactis, ad patrum revertitur. Ille cum nepotis ingenium & indolem ad summa quæque nitentem, magnisque rebus gerendis parem agnosceret, anno sæculi duo-de-quadragesimo, suam ei Abbatiam beneficiariâ fiduciâ transcripsit, Paulo III. approbante. Paucis post mensibus, ad candidissimam religionem Psalmsus accessit, atque ex Abbate commendatario, regularis effectus est, vota expiciente Nicolao Goberti suffraganeo Ludovici à Lotharingiâ Episcopi Virdunensis, & spectante toto in lacrymas effuso patruo. Annum ætatis suæ vigesimum secundum vix absolverat, cum ecce sacerdotali unctione inauguratus, Lutetiam raptim petiit, ut extremam studiis theologicis manum apponeret. Theses propugnavit eâ eruditione, ut maximum ingenii ediderit specimen, magnamque sui nominis fecerit famam apud Carolum Cardinalem à Lotharingiâ, Guillelmum du Prat Claramontensem, Carolum de Bourbon Nivernensem, Episcopos, testes doctrinæ, & Doctorali lauræa aggratularores.

1538. Novo redimitus honore, monasterii sui regimen arripuit, novo zeli fervore astuans Prælatatus. Dilapsam disciplinæ severitatem instauravit, & quantum serebant tempora, mores Ordinis antiquos, tam in se, quam in suis rescuscitavit.

Interim miserabiliter de Ordinis Præmonstratensis aucupando regimine diffidebant avidi competitores, post fara Virgilii de Limoges. Horum ambitionem, rarâ ambitionis arte prævertens Franciscus Cardinalis Pisanus, Abbatia posuit, ex concessione Pauli III. Insuper usque modò, & regundo ordini minis aptum caput hoc exturbare pro viribus ordo ingemiscens statuit in comitiis generalibus Lauduni habitis, Psalmaumque uno calculo deligunt oratorem ad Franciscum primum, Regem Galliarum. Legationem obiit eâ sagacitate, tantâ peroravit facundiâ in sanctiore Consilio, ut regali judicio Abbas & Generalis fuerit conclamatus.

1542. Verum initam compositionem Psalmaum inter & Pisani Cardinalem, elusit Pisanus ex domesticis Galliarum tumultibus, opportunam nactus recantandi occasionem. Romam ut Procurator generalis ocus ablegatur, ut negotium in Galliâ susceptum, Sanctæ Sedis patrocinio conficiat, & publicum Sancti Norberti cultum jam à sæculis in coelitus tabulas relati, revocet. In illo mundi theatro, tum alios præstantissimos sæculi sui viros, intimâ sibi benevolentia devinxit, tum imprimis S. Ignatium, Alphonsum Salmeronem, & Guillelmum Postellum coluit, à quibus vicissim unice diligi meruit & honorari. Extant Postelli ad eum litteræ quibus nomine totius societatis, constitetur, perindè à prius Patribus honorari, & amari, ac sic in eadem familiâ censeretur. Hunc unum penè ex negotiationibus suis fructum reportavit Psalmaus; usque adeò Cardinalis Pisani autoritas aditum omnem occluserat intrudenti se passim oratori, ut Pontificem alloqueretur. Timebat suæ causæ diffusis Cardinalis, ne rationum pondere Pontificem moveret, Psalmaus, litteris Cardinalium Lotharingæ & Borbonii præoccupatum.

Ad propria redux Abbas, communi Ordinis voto sublegitur, qui Ecclesiæ & Ordinis incolumitati, apud Tridentinos proceres personaliter advigilet.

Provinciæ



## P R Æ F A T I O .

provinciam excipit, sed itineri dum se accingit libens, sistitur à Cardinale Lotharingo præconceptæ benevolentiae & amoris in Psalmarum memore. Viridunensem Episcopatum quasi exuberantem, Psalmaro, transcribit, jure regressus sibi reservato. Cunctantem parere jubet Cardinalis, & diplomate Apostolico munitum, in possessionem immittit duodecimo Julii 1548.

Applausere omnes electioni, & festivis laudibus exhilarata civitas, præfulcem suscepit, diuturnæ viduitatis experta amaritudines, ex longævâ pastorum absentia. Ad filium in sublimitate positum, humilis mater Desideria Morel, gratulabunda advolavit, & ne vestitu rustico, nati obscuraret dignitatem, bombycinâ veste, crinibus mutuatis, iisque calamistro vibratis, accessit. Hanc frigide, velut alienam, sibi quæ penitus ignotam admisit Psalmarus. Indignanti non-nihil, atque se matrem affirmanti subjecit, Benedicti XL. modestiæ æmulator, habere se matrem rusticanam & pannosam, ac proinde persuaderi sibi non posse, eam parentem esse, quæ & mundo muliebri niteret, & vestibus sericis uteretur. Atque ira matrem à se dimisit, quæ subinde amicorum usâ consilio, pannis obsita, cum ordinario corporis cultu, paganicoque ricinio rediisset, exclamavit eam demum suam esse matrem, & magnâ cum honoris & pietatis significatione, amplexu peramanter excœpit.

Innovatam Viridunensem insulam, se incio, conquiritur Imperator Carolus V. & quasi illatam Imperio injuriam, vindicare volens, ninacibus litteris terret Viridunenses magistratus, in Episcopum paratus savire atrociter. Cæsarem iratum illic convenit Psalmarus Bruxellis, sermonibus mulcet, humilitate placat, eloquio rapit, & investituram Comitatus Viridunensis, & Principatus clientelaris solemnî ritu recipit 5. Octobris 1548. Regali potestate cinctus, inveteratæ tyrannidis jugum à subditis excutere, excussis è subsellio magistratibus, populorum libertati & fortunæ imminentibus pridem, tentabat; verum ab audendo deterrebat religio Sacramenti quod præstiterat, de non movendis suo loco civitatis primoribus. Angebat piam animam, ille scrupulus, quem melioris boni intuitus frangere non potuerat. Nuntium Bruxellensem consulit anxius, anxietatem resolvit, relaxatione juramenti concessâ; statimque Psalmarus exhortatur senatores exosos civibus, probos substituit, legibus publicam quietem firmat, publicæ utilitati & paci totus consulens.

1549.

Joannes Comes ab Isenburg, Archiepiscopus Trevirensis, pro reformatione Cleri Synodum indixerat provincialeni. Psalmarus, unâ cum Hocedio Præfule Tullensi, & Legato Cardinalis à Lotharingiâ, Episcopi Metensis, Trevirin accurrit. Accessere Abbates, Archiepiscopi, & in ade metropolitana congregati, de summâ Christianæ doctrinæ & officio hominum Ecclesiasticorum accuratè tractarunt, & decreta saluberrimis referta documentis promulgarunt die decimâ tertiâ Maij. Quântam in dicendo laudem pepererit sibi Psalmarus in hoc Patrum congressu, quanto zelo rei Christianæ negotium promoverit, qualem in condendis canonibus habuerit partem testantur vitæ illius diaria, quæ Amanuensis ejus intemerata fides posteritati consignavit. Haud minorem assequutus est gloriam in propagandâ Decretorum observantia per suam Diocesim. Etenim ne quem de clero lateret quod ad cleri reformationem providè fuerat sancitum, in synodali conventu, leges à provinciali concilio constitutas curat evulgari, ac postmodum mandari typis.

## P R Æ F A T I O.

Spiritualibus intentum, non-nihil avocavit temporalium sollicitudo. Caducas Episcopalis Palatii aedes à fundamentis excitat, splendidiore quàm antea ornata & arte. Avulsas à dominio suo, per prædecessorum incuriam, aut necessitatem, dinastias, refuso pretio restituit. Wimbeum, gallicè *Wimbee*, tuitissimam ad Mosæ ripas, vagientis hærescos arcem, recuperat. Oppignoratas passim toparchias pari zelo repignerare aggreditur, frementium undique populorum minis nil terribus præsul; nequidem amabilibus Abbatibus de Chminione litteris peticulum vitæ præfagientibus, & Episcopatum Bajonensem offerentis, à proposito prosecutione dimoveri potuit. Animum omni periculo superiorem, Imperatoris præceptum, ad comparandum Concilio Tridentino, divertit ab incepto opere, dum magno molimine operi incumbit perficiendo.

1550. Vix primam sessionem à Concilii restitutione Patres erant auspicati, dum Psalmeus posthabitis utilitatibus privatis, festino cursu Tridentum appulit. Pro eâ quam sedis & doctrinæ Psalmæi reverentiâ, debebant Patres, in confessum assumptus est. Obvias & seriatim appositâs quæstiones, non eloquenter modò, sed profundè, sic versabat, dicendi eruditus Theologus, ut os & mens Concilii diceretur. In sessione decimâ tertiâ, dum ad Reformationis materiam velitando devenit, multa luculenter & opportunè dixit, præsertim adversus Commendas nuper invecas in Ecclesiam, ad Ecclesiæ & Monasteriorum extitalem ruinam. Non placuit liberior opinantis dissertatio, præsertim quod dixisset Commendas, instar baratæ, disciplinam Ecclesiæ, & bona crucifixi deglutire; sed homo, hominibus placere non ambiens, fortius inscit, & tentatam ab aliquibus Commendarum approbationem, tam nervosè confutavit, ut nullus deinceps in medium revocare agendam, sœvit ausus. Uti præceptus, inconsideratus, juvenculus pallam à non-nullis in confessu sugillatus est, & rem monachorum, tanquam monachum viriliter agere increparunt. Verùm ille patienter & modeste obloquentium dictis, Gratiani & Canonistarum opposuit sententias, veritati consulens, suæ samæ ac nominis prodigus. Fertur disputanti contra Commendarum abusum impropertum à non-nullis proceribus, & quasi subannando dictum. *Audite quomodò Gallus iste cantat*, ad quod frontis anæ præsul respondit: *O utinam ad Galli cantum Petrus resipisceret*, Commendas nimirum proscribendo edictis.

- Perrenoto Atrebatæ Episcopo concertationis totius eventum, litteris declaravit, ne ab alio præoccupatus, traduceretur apud Cæsarem ut iurgiorum auctor, vel quasi assertor errorum, subindèque rogavit, ut reditum ad suam Ecclesiam, Magistratuum impunè grassantium facinoribus dilaniatam impetraret à Cæsare. At nihil obtinuit iterata pro regressu ad suos instantia, Psalmæus, imò urgentem iussit Imperator Tridenti se continere, & publicam causam suâ præsentia juvare & provehere sub poenâ privationis honorum & iurium. Paruit Episcopus, & magno animi robore, liberioram quam sectatus erat opinandi formam hanc pro vindictis fidei, & disciplinæ tenuit, & probavit denuò Legatus qui ut impactam Psalmæo labem eluceret, Canonum confessionem ei in provinciam dedit die 2. Januarii 1552. At propter ingruentes tum temporis Reip. Catholicæ calamitates, inducias postularunt Episcopi.

Mauritius quippè Saxonum Dux, junctis cum Marchionis Brandebur-

## P R Æ F A T I O .

gici, & Hassia Landgravii, copiis, Augustam Vindelicorum expugnat, & Tridentum, victoriâ insolens, velle dicebatur invadere. Patres ad fugam rumor publicus convertit, & induciæ à Legatis datæ sunt, donec pace aut securitate restituta tutus foret accessus ad Tridentinam Civitatem.

Virdunum illicò repetiit Psalmeus, & infictas tam Ecclesie, quàm temporali jurisdictioni plagas, potenti manu curavit. Rebelles compressi, Imperatorem appellarunt, & iniquiorem Episcopi potentiam, in immeritos cives, & Imperio intimius devinctos furere calumniati sunt. Æquivocam Psalmæ fidem, fucata delatorum fides; non-nihil reddidit, & patronos nacti accusatores, amulos, accusatus in problema abiit apud Imperatorem, vir antehac Cæsari carissimus. Audiit eminus structas sibi insidias Episcopus, invisum sibi Cæsarem ex malevolorum relatu audiit, & apologiam adornat pro resellendis delatoribus. Cardinalem à Lotharingâ, antequam aggrediat, iter submonet causæ itineris breviter arripiendi, Consiliumque ab eo præstolari, à quo totam agendi volebat pendere rationem. Rem cum Henrico Galliarum Rege libravit Cardinalis, & ad Regis votum rescripsit, absti-<sup>28. Mai.</sup> nendum esse ab omni apologiâ, & itinere Germanico; satius fore ad Gallie partes venire, ut propius tractaturi negotium insinuat, de tempestivo remedio aptius convenirent. 1552.

Credit suadenti Cardinali Psalmeus; ad montem Sancti Joannis ubi Regia rum versabatur, se confert, Regis alloquio, inducente Cardinale, fruitur, & protectionis beneficio pellectus, protectorem habere Regem, modo salva sint Imperatoris jura, consensit. Quod, quâ fide, quâ arte conciliare potuerit vir argutus, penes cum sit reiolutio. Spe gaudens, & Regiis pollicitationibus exuberans dimittitur Episcopus. Revertentis vestigia terebat Cardinalis, qui civitatem ingressus, Regi proximè secuturo ingressum allucuravit. Die Junii duodecimâ, rebus ritè dispositis, è proximo quasi è latetris profiliens Rex, cum suo comitatu, nullo cive confuso, nullo resistente, portas subit, civitatem pervadit, & ad Episcopale Palatium descendit. Cardinalis cum Episcopo, hospitem quanto possunt honore excipiunt, & magno bellicorum tormentorum fragore, adventanti aggratulantur. Accurrunt ocus cives, confluent Magistratus, & magna populorum stipante cœtervâ, Rex ad Ecclesiam voti causâ pergit. Antè maximam templi portam, oratione officiosâ Regem salutavit Psalmeus. Tum Rex vultu ad populum verso, dixit, Virdunensem denuò civitatem, sub meâ speciali tutelâ, tamquam Imperii Vicarius, suscipiam, vestræ fortunæ & felicitati consulam, nunicipales leges, jura vestra, & libertates tuebor, inimicus ero inimicis vestris, & pro incolumitate & salute vestrâ totum me superimpendam. Si quid aut in moribus, aut moenibus vestris innovandum ad tranquillitatis vestræ stabilimentum, fuerit, id præstabit Cardinalis à Lotharingâ cui nihil antiquius est, quam ut vos & vestra promoveat. Ad erit consiliis & auxiliis suis D. de Tavannes quem vestræ civitatis præficio gubernatorem.

Faustis adeò omnibus, insaufa successerunt præfagia. Gubernator sub publicæ securitatis specie, suburbanas aedes & muris adjacentia templa, præcipit æquari solo. Celebrem & totius Gallie primariam Ecclesiam Sti. Pauli Ordinis Præmonstratani, artis miraculum, majoribus fenestris quinquaginta suprâ trecentis collustratam, fornice eleganti, Mausoleis procerum,

## P R Æ F A T I O.

aris marmoreis splendens, decimo nono Septembris, ad architectonis bellici, & Calvinistæ jussionem admotis machinis, fabri demoliantur, totumque diruunt monasterium, tanto impetu, ut vix exscribendi monumentorum lemnata spatium dederint impatientes Calvinistæ. Haud dissimilem experta est sortem Dominicanorum domus. Ecclesiæ navis, & claustraliū ædium pars maxima concidit. Quod residuum fuit, cessit vagis Præmonstratensibus ad azilum, & in hospitale, seu Xenodochium urbis, sequestrati sunt Dominicani Patres.

1553. Lugebat super desolatione Mōnasterii sui Psalmæus, in rusticano prædio de *Vanau-les-Dames*, propè Vitriacum exul voluntarius & gemens. Lacrimabilibus litteris Cardinalem à Lotharingiâ, velut autorem calamitatis suæ pulsabat jugiter, solatium quarrens, efflagitans remedium; sed non erat qui consolaretur eum. Imò majorem videt in dies crescere miseriarum segetem. Hinc Tavanneus Palatium Episcopale invadit, ut spem redditus, adversanti Episcopo præcludat. Illinc magistratūs Psalmæo insensī, prodicionis insimulant apud Imperatorem. Quid ageret utrobique vexatus Præsul, & penè in desperationem actus. Ad Deum qui fons luminis est & charitatis, cūso coram aris corde, convertitur. Animum altum, pristinasque vires resumpsit, Viridunum revertitur, dispersos fratres adunat, manum mittit ad ædificia, Ecclesiam struit, claustrum cingit & officinis, ornat domum, eâ celeritate, ut ad monasterium ritè aptatum migraverint anno sequiore, Canonici Præmonstratenses. Parem Dominicani impendit beneficentiam, quasi hospitalitati accomodatæ stipendium daturus. Ecclesiæ restauravit navim, prostratas erexit ædes religiosorum, & à Xenodochio transtulit ad primitivæ habitationis locum. Postea Synodum indicit ut obrepentem hæresim præfocet. Exerit adversus hæreticos arma suæ potentiz, eosque è Principatūs sui limitibus præcipit fieri extorres, alioqui refragos, perpetuo damnatos exilio, bonis forè spoliandos. Visitationem suæ Dioeceseos, instituit per se, ut fidem subditorum propius exploratam habeat, & promulgatz legis urgeat executionem. Vires addidit zelo, Nicolai Vademontani Principis Lotharingæ, & Caroli Minorennis, administri pieras, & promptum adjutorium. Sicque Psalmæus armis domuit, aut exilio ejecit, quotquot invenit perduelles.

1553. Unum supererat, illudque gravis momenti negotium, eluenda nimirum prodicionis labes, qua lamam ejus, apud Cæsarem, inspererant Magistratus Viridunenses. Arduum opus, sed cello ingenio minus. Trevirensē Archiepiscopum Cæsari gratum, & sibi amicitissimum captavit, eoque mediatore sic prudenter usus est, ut intactum Imperii jus, ex Galliz tutelâ suaserit, vel si in aliquo violatum, id non sibi, sed prævalenti potentiz imputandum, cui resistere piaculum fuisset, sola eluendum obsidione, & stæge civitatis. Verba factis confirmavit. Cum enim Viridunum, Rarecuriam, Rambercuriam, & Wimbeium, gallicanis legibus, & vœtigalibus subdere tentassent Regis ministri, Psalmæus omni molimine, tam in senatu, quàm in Regis consistorio, Principatūs sui regalia jura propugnavit & evicit, & quidem maximis laboribus & impensis, ipsoque vitæ periculo. Quibus Imperator motus, omnem à se suspensionem non modo amovit, sed & tributa remisit ex parte, miseratus angustiati præsulis conditionem.

Anno sequenti coegit Synodum, in quâ disciplina Ecclesiasticæ vigorem strinxit,

## P R Æ F A T I O.

strinxit, novis Canonibus, & librum pro veritate sacrificii Missæ, adversis oblatrantes Calvinistas, sub hoc titulo, evulgavit *Exposition de la Messe*. Mirum quomodo intèr obstrepentes armorum, vexationum, laborumque tumultus, scribendi, visitandi, prædicandi otia sibi fecerit. Nec mirum inanis videbitur, qualiter Inter corrodescentes substantiam Episcopalis mensæ vicinos, potuerit, salvâ sui status reverentiâ, tot piis sufficere operibus. Orphanotrophium, in San-Jacobi hospitali domo fundavit, docavitque provenibus amplis, & hanc fundationem laudavit Trivulcius Sedis Apostolicæ Legatus.

1558.

Vallatam legibus & providi pastoris vigilantiâ civitatem, subiit subdolos hæreticus Joannes Poincignon, Metis cum manipulo librorum transmissus Virdunum, ut veneno Calvinisticæ pravitatis inficeret cives. Corruptionis proposito savorat corruptus, & ipse urbis gubernator Boucardus, ejusque opitulante auxilio ostiatim libros seminabat. Rescit Psalmæus, nec mora, circumforaneum propolam juber in vincula conjici. Muslat Boucardus, captivum reclamation, ingeminat minas; non tectetur præsul, sed Cardinale consulit, ut zeli temperet, aut comprobet astutem. Respondit Cardinalis libertati restituendum esse Poincignonium, & sub tutâ manu remittendum Metas, ne suplicio donatus, ultricem Metensium iram armarct in Catholicos.

1561.

Obtemperavit Psalmæus; sed in sotorem Boucardum piè exasperatus, omnem movit lapidem, tum in Germaniâ, rum in Gallâ apud Franciscum II. Regem, ut exautoratus loco moveretur. Ferdinandi II. ad Franciscum II. vivaces literæ, Cardinalis à Lotharingiâ jugis intercessio, id tandem obtinuerunt, quod in votis habebat Episcopus. Boucardo sufficitur de Lossæ, vir apprime Catholicus, & Psalmæo addictus reverenter. Illo coadjutore recreatus & roboratus præsul, formulam fidei edidit, & virum singulos de populo & clero, ad subscriptionem compulit, ut posset oves ab hædis secernere. Primus ille apposuit signaturam, hunc exceperet Canonici, secuti sunt Magistratus & cives, nec quisquam effugiis suis, aut artibus potuit hanc suæ fidei tesseram declinare aliter, quam per spontaneam ad alienigenas secessionem. Fremuerunt in eum profugi, ad Cæsarem provocaverunt, ad Cæsarem ivit Psalmæus, & delatores Edicto Imperiali, religionis Catholicæ assertore, approbatore rationis agendi quam tenebat Episcopus Virdunensis, confregit Ferdinandus obloquentium detractiones.

18. Apr.

1562.

Pragâ redux, ad redintegratam Tridenti Synodum à die decimâ octavâ Januarii 1562. reverti pro injuncto sibi à Cæsare mandato, dum delibebat, & itineri se accingit, moram imposuit Cardinalis à Lotharingiâ, & ad decimum quintum Octobris dilationem rogat, ut comitem possit habere, & via solatium. Distulit Psalmæus & ad conditum diem, occurrit Cardinali in Abbatiâ Claræ-Vallis. Ambo Tridentum pervenere decimâ terciâ die Novembris, & communi Patrum applausu in Synodum admissi, ille Legati insignibus, iste secretarii munere, decorati. Quàm eruditè, quàm laudabiliter suas ambo obierint provincias, testes appello Concilii Patres, & Concilii historiographos. Diligenter & enucleatè perscripsit Psalmæus, quidquid in Congregationibus Patrum, tractatum est, & concinnato operi, hunc dedit titulum *Medulla votorum & sententiarum Patrum Concilii Tridentini super propisitis materiis ab adventu Cardinalis Lotharingi. Latebat ille liber Mss. in scriniorum latebris, luce publicâ dignus. Hunc è pulvere*

## P R Æ F A T I O.

1563. fuscitatum Reipublicæ literariæ offerimus. Hunc volvendo stupebit lætor, audiens Psalmum conficiendis Canonibus, exscribendis Theologorum velitationibus, sententiis, opinionationibus occupatissimum, frequentibus Ecclesiam suam visitasse Epistolis, quibus nunc paterno affectu, ad constantiam in fide, ad integritatem morum, ad hæreticorum devitationem adhortatur; nunc de conditis pro reformatione Canonibus admonet Clerum, ut suos mores universalis Ecclesiæ regulis accomodet; Nunc decretum pro institutendis collegiis, & seminariis transmittit, ut tam salubri sancito benevolum præstet assensum, & efficaces præbeat executioni manus. Quid plura, volumen integrum exaravit, ut titubantes in fide populos confirmaret, & typis editum sub hac epigraphe, *Preservatif contre le changement de Religion*, Viriduni civibus, & suburbanis plebibus, ad defectionem instigatis vehementer, trajecit. Usque adeo. suas oves, bonus pastor, ab eis licet longè positus, gerebat in corde, & sinu complectebatur.

*Mense Decem*  
1563. Ecclesiæ suæ redditus, post Concilii solutionem, Psalmus, omnes animi nervos, ad Canonum observationem intendit. Hinc primo quoque tempore, Canonēs, qui antea sparsim, & absque ullo ordine, prout occurrerant negotia, diversis temporibus propoliti fuerant, revocavit in artem, & in certa capita convenienti methodo digessit, prelo typographico subjecit apud Bagnetium anno 1564. & Cardinali à Lotharingiā nuncupavit, obestans eum per viscera misericordiæ Dei, ut dum expectatur Concilium provinciale, decreta reformationis morum, publicare & exequi non desierat. Addit constituisse se tentare in suâ Dioecesi quidquid conferre possit in plenam, integram & absolutam decretorum Synodi executionem, præsertim verò in tribus capitibus; Horum inquit, primum est, ut qui parochialibus Ecclesiis præfati sunt, resideant & sibi demandatas oves, bonæ vitæ exemplo, Sacramentorum administratione, & verbi divini prædicatione pascant, & enutriant. Deinde ut parochialibus Ecclesiis, animarumque regimini præficiantur viri graves, scientiâ, moribusque idonei, idque servatâ formâ, quam in Sessionis octavæ, Canone 18. Sacro-Sancta Synodus præscripsit. Postremò ut in hac nostrâ Dioecesi, quæ Franciæ, Lotharingæ & Germaniæ confinis est, profugis disciplinis, aliquod veluti azilum aperiatur, & adversus illiteratam, & plusquam ipse vellem, in his terris sævientem barbariem, optimorum studiorum veluti stationes collocentur, & seminaria erigantur, ex quibus clerici scientiâ, omnibusque pietatis, & Religionis officiis instituti, ad Ecclesiæ gubernacula evocari possint. Hæc ille & quidem viriliter prosecutus est: sed pastoralis officio sedulè intentum, abduxit temporalium intempestiva sollicitudo.

Arce intra claustrî ambitum, ad civitatis munimen exstruendam censuit gubernator, & ad inventoris desiderium, ædificationis curam demandat Loissio Carolus IX. Rex Galliæ. Vallorum & fossarum circumductiones architectas delineat. Ecclesia Sti. Vitonii extra muros, & Canonialium domorum pars maxima, intra propugnaculi circuitum comprehensæ, concidunt, aut concidere debent; Jam jamque muris domorum diruendis lapidarios admovet, spretâ Episcopi conquerentis admonitione, Loissius, Ecclesiæ suæ excidium plorantibus monachis, miscentur lamentationes Canonicorum; Præsulem obsecrant, suorum ejulatibus fractum, tantæ occurrere calamitati. Sed precibus geminatis Episcopi, obturat aures Loissius, suppre-

## P R Æ F A T I O.

mae auctoritatis mandato obsequens. Quid agat Pſalmæus? De repente cur-  
rum conſcendit podager, Regiam adit, & ſamulantium manibus & officio 1567.  
ſubvectus, in Regis, & Reginae matris conſpectu ſiſtitur. Cauſam Eccleſiae  
ſuae dicit, & imminentem templi Sancti Vitoni ſtragem artis elegantiae, &  
Sanctorum ſepulturâ venerabilis lugens, exorat lacrimabili voce Regem, ut  
parcat Sanctorum cineribus, & ne det Sancta in prædam hoſtibus Religio-  
nis. Epilcopi oratione, concuſſi Regis & Reginae animi læta ſpondent, ora-  
tori & ſauſta. Superſelluros ædificatione Arcis, pollicentur, idque volupta-  
bilis nuntii jubent deportare ad ſuos. Hac ſpe crectus præful Virdunum pe-  
tit: at contra ſpem videt proſtratis domibus, impoſitos aggeres, ſolique  
parcitum templo Sancti Vthonii, cui parcendum, Regina præceperat.

Calamitas, calamitatem excipit. Germani Equites vulgò *Reiſtres* dicti, in  
conſederatorum ac perduellium Gallorum opem accerçiti, Caſimiro Principe  
Palatino ductore, Virdunenſis Comitatus agros populandi ingrediuntur, 1568.  
ferro & flammâ donant omnia, & vaſtatis ruſticis, civitatem inhiant, ut  
devorent. Impendenti malo it obviam Pſalmæus, & Palatinum Comitum  
copias admoventem moenibus, de ſolvendâ obſidione civitatis Imperialis,  
admonet, rogatque ut in alios convertat vires Imperii, quàm in Principem  
clientelarem Imperatoris. Ad ſaniora conſilia reverſus Comes, Virdu-  
nenſem Comitatum deſerit, ſavienti peſtilentiae locum cedens.

Hoc enim flagellum conſumptis prius ruſticanarum villarum incolis,  
Virduni ſubiit muros, & cives largè meſſuit. Stabat interea Pſalmæus me-  
dia inter mortuorum, & morientium cadavera, intrepidæ charitatis obſe-  
quia cuique bonus paſtor exhibens, animam dare paratus pro ovibus ſuis.  
Fugam ſuadebant amici, ſuadebant & cives, patrem malentes ſervare incol-  
um, quàm vitæ discrimini, ad reipublicæ discrimen, cemere jugiter expoſitum.  
At ille, mercenarii perhorreſcens timidos ſpiritus, veritus aliunde ne diſ-  
ceſſu ſuo, lupus fureret in gregem, Calvinistarum inſidiis patentem, nec  
precibus ceſſit, nec periculis. Remiſſâ poſt rabiem peſte, languidas oves  
pabulo reſecit, ſublevavit beneficiis. Dein ad ſupplicationem Cardinalis à  
Lotharingiâ, Metenſem peragravit luſtravitque Dioceſim, cum plenariâ po-  
teſtate emendandi, corrigendi & ſtatuendi, quidquid ad ſpirituale & tem-  
porale bonum iudicaret conducere. Innumera ſunt quæ ad Eccleſiæ utilita-  
tem, multa quæ ad juſtitiae diſpenſationem præſcripſit. 1569.

Interea Gallicani exercitus Duce hinc Andegavenſi Principe; Illinc  
Thalaffiarchâ Colligeco Calvinistarum Prorege, coeunt ad Moncontorii pla-  
niticem, pro aris & focis dimicaturi. Die tertiâ Octobris, collato pede con-  
greſſi ſunt, & multorum virorum fortium morte, multorum ſanguine, &  
vulneribus Calvinistarum, victoriam eripuit Andegavenſis Princeps, rei Chri-  
ſtianæ ſceliciſſimam. Actis pro tam optato armorum exitu, gratis, egit  
Pſalmæus pro Religionis ſtabilimento, ut providus præful. Ediçio publico  
indixit, imperavitque omnibus hæreticis, egreſſum ex agro Virdunenſi  
infrâ menſem, & refractores tanquam lezæ majeſtatis poſtulatatos, vindici  
ſindico puniendos committit. Quia verò non-nullis datis antehac ad reſi-  
piſcentiam induciis, abutentes, hæreſim ſub larvâ Catholicitatis contexe-  
rant, mandat unicuique, ut intrâ octiduum fidem ſuam in manibus paſto-  
rum, aſtante loci juſtiſſiâ, proſiteatur, ſub ejuſdem majeſtatis crimine & poe-  
nâ. Hoc ſancito terrefacti Calviniſtæ, ex Comitatu Virdunenſi diſceſſerunt,

## P R Æ F A T I O.

alii ad Catholicæ Religionis transire castra. Periclitantem intra frementium  
belluarum rugitus, gregem circumdare munimento, sollicitius quam antea  
fatagens, de instituendo Virduni Patrum Jesuitarum Collegio efficaciter de-  
liberavit. Horum docendi, & vivendi normam, viderat Romæ, Ingolstadii,  
Tridenti, & probarat, ardebatque desiderio tales habendi operarios juven-  
turi instituendæ aptissimos. Oliverium Manare Provinciale Galliæ, & suis  
1570. & Magistratum Virdunensium litteris, ad deducendos Patres qui palestram  
aperiant litterarum, exorat; Sed Cardinalibus Borbonio & Strotio, & Episcopo  
Apamienſi, ad collegia Rothomagensis, Albigenſis, & Apamienſis,  
eodem fundanda tempore, idem expetentibus, non licuit præ operariorum  
paucitate, facere satis Virdunensi Episcopo. Ad Germaniam tum teracem  
Jesuitis, spem convertit Pſalmæus. A Rectore Florentis Collegii Colonienſis  
petiit religiosos, & continuo obtinuit. Itaque anno sæculi 1570. jam in  
Aurumnum devexo, Patres ad condium in Xenodochio Sti. Nicolai Collegium  
innisit, iisque Hospitalis proventus, cum mille Barrenſium francorum  
dote annuâ, simul cum domo quam in vico Sti. Pauli habebat, contulit,  
ad sustentationem. Tabulis solemnibus Collegii erectionem, & suæ conces-  
sionis donum consecravit 23. Septembris 1570.

In opere suo complacens Pſalmæus, frequens invisebat Patres. Recur-  
rente, quot annis Festo Sti. Nicolai, prandebat cum illis, & piacularia  
sacra faciebat in Templo, quod ipse extruxerat & ornat. Eodem quo-  
que die, ad patroni sui exemplum tres puellas à se dotatas, honesto collo-  
cabat matrimonio. Cardinali Lotharingiæ prosperos suæ novellæ plantatio-  
nis progressus alacri transcribens stylo, ad sui imitationem exhortatur, tali-  
que subsidio Metensem suam civitatem, hæresibus scaturientem indigere plu-  
rimum, suadet. Sed Cardinalis, contraditionibus dominantis sectæ attendens  
11 Aug. & prævisis, temperandum à zelo & ad tempora mollia differendum  
1571. opus respondit. Iisdem instantiis apud Carolum Lotharingiæ Ducem egit,  
secundiore exitu. Illo enim moderatore, illo promotore, surrexit anno 1574.  
Collegium Muſſipontanum, nec penes eum stetit, quin Abbatia Gorziensis,  
perpetuâ unione incorporaretur illi. Supplevit aliunde, variorum Prioratuum  
adjectionibus amplis, quas autoritate Legationis suæ confirmavit Cardinalis  
Lotharingus.

Invidebat inimicus homo pius Episcopi laboribus, timebat hæreticus  
sibi, & fortunæ suæ, sub Principe Catholico, inclementer & aperto bello  
errores & erraticos prosequente. Hinc perduelles Tilliaci (Tilly) ad Mosam,  
uno impetu adversus Principem seditionem commoverunt, & excusso domi-  
nationis jugo, Vitriaci præfecturam insigne hæreseos perfugium, implorarunt.  
Porrexerunt dexteram, reclamantibus opem, & originariæ Tilliaci servitutis  
nomen abradens, cives & villam, Provinciæ Campanicæ metis accluserunt. Ad  
Caroli IX. Regis Galliæ tribunal, causam provocavit Pſalmæus. Causam per  
seipsum egit servidius. Multiplicis documentis, ac perennate possessionis  
26 Jan. probatione superavit in judicio rebelles, obstinatæ infidelitatis arrogantia  
1573. attrita est.

Sibi, suisque restitutus Præful victor, novam laborum segetem repe-  
rit. Cardinalis à Lotharingiâ reformationis cupidus & tenax, rescriptum à  
Pio V. acceperat, quo monialium monasteria, intra legationis suæ fines  
constituta, ad professionis tenorem & Ordinis statuta revocare præcipiebatur.  
Impositum



## P R Æ F A T I O.

Impositum sibi munus, in Psalmarum exoneravit Cardinalis Romam coactus ire. Obierat Pius V. & citatoris litteris, ad futuram electionem Pontificis invitatus, proficiscebatur. Non abnuat Psalmarum oneri succollare humeros. Annum integrum visitandis parthenonibus, moribus reformandis, abrogandis abusibus insumpsit, tam prospero eventu, ut enectam, aut elanguiscentem passim disciplinam, emortuam paupertatem excitaret, publicis nihilominus Ecclesie commodis studiose vacans.

Quippe ut sub conspectum poneret omnium Ecclesie ordinum necessariam reformationem, singulorum remissos mores, in genuino prospectu delineavit, & remedia corruptelis eluendis suggessit opportunissima. Huic operi titulum præscripsit. *Portrait de l'Eglise*. Amicissimo suo Cardinali à Lotharingia nuncupatum, & sub initium Januarii 1574. transmissum Parisios. Acceptum perlegit Cardinalis, & legendum tradidit Episcopis, & Doctoribus qui curiam in San-Germano de Layo comitabantur. Omnes auctoris eruditionem, & zelum uno prædicarunt ore, & nomine omnium Psalmarum testificati in hæc verba.

„ Monsieur de Verdun j'ai reçu votre Livre du *Portrait de l'Eglise*, „ qui m'a été merveilleusement agreable, & à plusieurs doctes personnes „ ges de cette Cour, auxquels je l'ai communiqué &c. Ce 14. Janvier 1574. „ Votre meilleur frere & amy C. Cardinal de Lorraine.

His verbis, his intimioris amicitie protestationibus, suas ad Psalmarum epistolas concludere Cardinalis solebat. Et re verà arcanorum omnium, & cogitationum cordis sui participem faciebat Psalmarum, quem ab inveteratâ consuetudine, providum consiliis, secreti tenacem, vindicem fidei, gratitudinis nulli secundum noverat. Verùm antiquæ necessitudinis fœdus, mors invida dissolvit. Mortuo enim Carolo IX. & in defuncti thronum evocato Henrico III. Poloniarum Rege, obviam revertenti Principi occurrit Cardinalis à Lotharingia, & per diversas provincias divertenti, comitem se præbuit. Improvisò morbus Cardinalem oppressit Avenione, & ibidem Sacramentis faginatus, animam efflavit 23. Decembris 1574. magno Galliarum Catholicarum luctu, majore nutantis Ecclesie infortunio. Columnam Religionis, fidei sustentum, virum naturæ dotibus, omnigenâ eruditione, dicendi eloquentiâ, regimine politico, & Ecclesiastico incomparabilem flevit Gallia, flevit Psalmarum amicissimum cui strictissimo gratitudinis, amoris, zeli vinculo, quali alteri sibi conjunctus erat.

Testamenti curator institutus Psalmarum, pro morientis voto, Remos corpus Cardinalis develi, quanto potuit apparatu, adlaboravit. Funebrem curram, comitante Ludovico Cardinale à Guisa, Avenione Remos adventantem excepit Psalmarum 22. Januarii. Clerus populusque Remensis, funus lacrimabili rugitu prosequentes, & exsiccatum Ecclesie suæ verticem lanentantes amare, ad tumulum quem sibi vivens foderat Cardinalis, Psalmarum parentante, deduxerunt.

Supremas Screnissimi Principis voluntates, multis, assiduisque laboribus adimplevit religiosissimus curator, vitæ perturbatus, & imminenti mortis, si non impatiens, saltem conscius, à separatione sui Davidis, Jonathas alter. Lutetia redux, supplicationibus instat publicis. Adeundis nudo pede templis, distribuendæ populis quotidie cœlesti dapni, aliisque bonis operibus incumbens, ad avertendas divinâ ope Germanorum equitum turmas,

## P R A E F A T I O.

quæ cum Principe Condeo , magnâ manu Lotharingiæ ferro , flammâque minabantur , morbo correptus est vigesimâ septimâ Junii. Testamentum prius à se conditum novissimis conditionibus auget , & decimâ Augusti anni MDLXXV. sanctissimè in Christo moritur.

Funus à clero & populo Viridunensi , non solùm ingenti mœrore , sed etiam tenerrimo pietatis sensu celebratum est. Corpus sepulchro , quod sibi vivus exstruxerat præsul , hac epigraphe ornato intulerunt.

*Nicolaus Psalmaus è Calvo-Monte  
Ad fluvium Erram , humilibus quidem  
Sed piis parentibus ,  
Prius Sii. Pauli ad Viriduni monia Abbas ,  
Postea ad Episcopatum Viridunensem vocatus ,  
Sanctè & religiose  
De futurâ resurrectione cogitans ,  
Sepulchrum hoc , cum adhuc in vivis ageres ,  
Sibi extruendum curavit  
Anno Domini MDLXII.*

Hæc ille de seipso , sed quàm modestè ? quibus superstites addiderunt.

*In eo verò mortui corpus ,  
Clerus Populusque Viridunensis moestissimi  
Posuerunt*

*Anno Domini MDLXXV. die x. Augusti.*

Cor suum Patribus Jesuitis legatum , & solemni pompâ delatum , sub marmoreâ laminâ , ad infimum principis aræ gradum , cum hac inscriptione inhumari voluit.

*Nicolaus Psalmaus amicus vester  
dormit*

*Orate pro eo.*

*Obiit die x. mensis Augusti*

*Anni MDLXXV. ætatis suæ LVII.*

Altera grandior marmoris lucullei crusta , parieti ad cornu sinistram immissa est , his verbis inarata.

*Psalmæo Episcopo , qui Deum , Religionemque jugiter colens ,  
temporibus periculosis Episcopatum , & Civitatem servavit , orna-  
vitque quibus posuit , ædificiis , documentis & legibus Christum  
spirantibus , rapto suis morte inopinata , N. Campomusæus ex so-  
rore nepos , moestissimus posuit. Vixit annos LVII. præfuit Episco-  
patui XXVII. Obiit x. Augusti MDLXXV.*

Vivum elogii celebrarunt docti , celebrarunt mortuum , etiam indocti. De illo Mamerotus in præfatione sermonum super Jonam Prophetam , sic loquitur. „ Vir verè humani appellationem promerens , Vir cujus est tanta „ ingenii suavitas , tantus animi candor , tantaque erga hominum mores „ communitas & comitas , ut omnibus natus , omnia omnibus factus vi- „ deatur , ut omnia Deo lucrî faciat ; Vir inquam moribus aureis erga ho- „ mines doctrinâ ac pietate , elogio commendandus. Insummâ vir hujus „ sæculi locupletissimum ornamentum.

De illo Sachinus l. 7. n. 85. plura ad ejus laudem scripsit , majora scripturus , nisi modestiam viventis , rubore simulisset perfundere. Ast liberalius

## P R Æ F A T I O :

defuncti laudes cecinit Historiographus Viridunensis. Ad lemina cordi ejus inpositum alludens, hæc habet Gallico sermone.

Hoffen  
in vicā  
Palm.

Re verā *amicus vester dormit*, & dormiens amicitiam vobis successoribus suam tacitus probat, dum pingues Episcopatus possessiones, vel oppignoratas redemit, vel usurpatis à proceribus recuperavit, potentum faciem & minas nil veritus. Quanto ardore, impetitam fidem defendere debeatis, suo commonstravit zelo, dum post obitum Francisci II. Calvinianus furor, quasi receptis viribus, præfractisque legum repagulis, per totam Galliam impune volitans, ac decretoriâ religioni Catholicæ perniciæ, instare videbatur Viriduno, & suis inficere erroribus velle moliebatur, procul à vigile Episcopo amandatus est, eo studio & labore, ut Civitas in fide steterit incolumis.

*Amicus vester dormit*, O Canonici, quibus virtutum præluxit exemplo, quos paternâ fovit charitate, informavit eloquio, cumulavit beneficiis, & ad Venerabilis Sacramenti cultum, impensa liberali dote, animavit.

*Amicus vester dormit*, O Canonici Præmonstratenses, quibus cum religionis pari voto conjunctus, non cessavit intimum fraternæ necessitudinis vinculum, multiplici amoris testimonio roborare. Vos enim spoliatos ædificiis, & quasi exules, decenti habitatione suis structâ sumptibus excepit, & fortunæ vestræ angustias, prodigâ refarcivit manu.

*Amicus vester dormit*, Patres Jesuitæ, Ordinis vestri promotor magnificus, familiaritate cum fundatore vestro B. Ignatio connexus, collegiis propagandis, dilatandæ fidei & pietati, sedulâ vobiscum sollicitudine intentissimus amicus; cujus contubernio recreati, cujus parcimoniâ locupletati, cujus eruditione edocti, amicum omni tempore sensitistis.

*Dormit amicus vester*, Patres Dominicani, quos inimicus ptorex à monasterio expulerat, & diris ex parte claustrî & Ecclesiæ mœnibus, ad secessionem coegerat, nisi ultronea Psalmi pietas, hospitio invitasset profugos, ædes restaurasset, & paternæ subventionis præstitisset obsequia.

*Dormit amicus vester*, Patres Minimi, quos ad suam civitatem evocatos, benignè suscepit, & in domum suis constructam impensis, assignatâ prius ad quindecim religionum sustentationem, dote, introduxit.

*Dormit amicus vester*, Cives Viridunenses, quorum puellas dote castas, liberaliter dato auro, honestè collocavit; quorum fidem, rugientis hæreses tentatam blandimentis, servavit integram; quorum inopiam abundantia sua, inò parcitate, magno divitiarum suarum vedigali, sublevavit, Ernestredo Archidiacono Viridunensis Ecclesiæ haud dissimilis, qui Berthario teste, patrimonii carens, Regibus obsequendo, Principibus adharrendo, omnibus se submittendo, addam, sæculi fastum calcando, sobrie vivendo, multa acquisivit.

Talem ac tantum, ex paucis Psalmarum intellige, majorem intelliges dum opera illius, vel aliorum opinationes referentem, aut resellentem audies. Miraberis virum profundioris doctrinæ, vindicem disciplinæ veteris, in dicendo celerem, in scribendo expeditum, pro Ecclesiâ & fide defendendâ indefessum pugilem. Miraberis etiam quomodò per discordes sententias, in concordiam & unanimiâtem fidei adduxerit Concilii Patres, Spiritus Sanctus, conciliorum moderator, attingens à fine ad finem fortiter, & omnia suaviter disponens, ut columna veritatis quæ est Ecclesiâ, nullis obla-  
trantium, irruentiumve errorum fluctibus conquassetur.

## P R A E F A T I O.

Non habebit ultrà hæreticus, præclusæ in opinando libertatis suffragium, quo perduellionem suam obnubilet, dum peregrina, & plerumque à fidei criterio devia sensamenta audiet, jactata in medium, patienter audita, & confutata pacificè.

Cæterùm, reipublicæ litteraræ placebit, quantum auguror, munus quod ex intuitu promovendæ fidei, eliquandæ veritatis & historiæ, offéro, de virorum litteratorum, & præsulum Ecclesiæ consilio & hortamento. Ita in votis habui, & utinam votis exitus respondeat.

*Chroni-  
con E-  
monis  
& Men-  
conis.*

**P**AUCIS ab hinc annis, Clarissimus Vir Dominus *Mathieu*, de viris litteratis benè meritis, *Chronicon Emonis & Menconis*, prelo subjecit. Sed exemplarium paucitate novam aspirante editionem, hanc eò libentiùs eruditorum concessimus votis, quò tertium Frisiæ, nullibi descriptionem sivè historicam, sive chorographicam invenient, ab exordio sæculi decimi terti, ad finem usque perductam accuratius.

Ne verò editoris nudi & jejuni incurreremus nomen, curavimus ad exemplaria Mss. Bibliothecarum quas lustravimus, castigare passim lectiones D. Mathieu, supplere hiatus, emendare textum, & notis geographicis dilucidare. Pace indelessi veterum monumentorum collectoris dixerim, in eo potissimum deliquisse, quòd nullas ad historiæ & locorum intelligentiam apposuit notas, superflua canonum allegatione, quasi juris canonici tyrone, edocturus, limbos & calcem paginarum commaculans. Fortè lectori suo, vel sudantis preli celeritas, vel exterarum curiositati non satis indulgens obsequentia non tulit hominem poligraphum, id præstare officii, quod concivibus Frisiis judicabat non profuturum. Absit enim ut in rerum locorum-ve provinciæ, quam ut patriam terit, cognitione peregrinum suspicer, minùs gratum potius æstimabo, qui quod nullo labore exequi poterat incola, reliquit advenæ exequendum laborioso conatu. Utinam non casso.

Cum verò narrationis auctoritatem, ex narratoris scientiâ & probitate soleamus metiri, juvabit paucis vitam, & mores Emonis delibare, ut lectoris non celsipitet fides, erga autorem, cujus in dicendo sinceritatem, in discernendo sagacitatem exploraverit.

Emo Frisius origine, post emensa humanitatis studia, Parisios se contulit, ut audiret Theologos. Hinc Aurelianum profectus in juris canonici peritorum disciplinam transiit. Oxonium inde liberalium artium, & Theologiæ magistis eâ ætate Florentissimum petiit, & in utraq; facultate adeptus lauream, versùs natale solum relegit gressus. Presbyterii-insignitus caractere informandæ juventuti totum se addixit, eo successu, ut Monasteriensis Episcopus Otto, hominem ad majora natum, majoribus destinandum officiis, ad regimen parochialis Ecclesiæ Hufdingi vulgò *Hufinge* vocaverit. Impositum suscepit onus, cui se subducere, licet studiorum & privatæ vitæ amantissimus, nefas esse putabat.

Dum pastoris optimi, tam exemplo quàm doctrinâ prælucentis ovili, munia obiret, ad eum accessit cognatus ejus vir nobilis nomine Emo de *Romerwerf*, quem post uxoris fata, incesserat amor solitudinis. Propositi sui censorem & conscium Emonem facit, cui non modò arripit conversionis votum, sed & seipsum comitem velle esse laudabilis instituti declaravit. Nec morâ ambo vestitum Ordinis S. Benedicti induunt in *Fildwerf*. Consuevit probationis stadium in oratorio de *Romerwerf*, solitarii decurrentes, de repente

## P R Æ F A T I O.

pentē Consilium habitumque mutant, & Ordini Præmonstratano postulant aggregari. Varlaræ Abbatem adeunt, & jam Ordinem schemate profitemes, obsecrant votorum nuncupatione consociari. Supplices, & religionem moribus ut habitu spirantes ad Capitulum venire jubet, fraternitatem concedit, & solemnī professione vinctos, ad pristinam sedem præcipit reverti, curā nihilominus & regimine *Novi-Claustri* adjudicatis Emoni plebano.

Römerwerfensem Villam, candidæ militiæ inscripti repetunt tyrones disciplinam Ordinis in se susceptam, cum efflagitantibus avidè neophitis communicant. Crescit fratrum numerus, & magnæ gentis Emo factus Pater magnā sollicitudine, magnā gubernavit providentiâ gregem. Moribus efformandis ad Ordinis apices, sic invigilabat, ut excolendæ scientiæ sedulus adlaboraret. Scholarum quippè non minus quam monasterii præfectus, & suis, & exteris quos fama magistri alliciebat, nunc politionis litteraturæ, modò Theologiæ arcana explanabat, ad utrumque paratissimus doctor.

Accesserunt Virgines eum viduis zelo religionis astuentes & Emoneum voluerunt habere magistrum. Non potuit spiritu Dei impellente aetas, non admittere ad Ordinis consortium virgines. Habitaculum struxit illis, virorum habitationi adharens, donec anno 1215. ad Werumensem villam translatis canonicis, tota cessisset virginibus Römerwerfensis domuncula, quæ *Campus Rosarum* nomen obtinuit. Utriusque familiæ curam gerebat minister providus, quem licet invidorum torquerent vexationes, vel Ecclesiæ generalis necessitates quandoque avocarent, tamen suis consiliis tam prudenter occurrebat impendentibus malis, tam sapienter consulebat virtutibus, *vir Dei plenus spiritu sapientiæ*, ut quod ædificaverat præfens, eo absente in melius consurgeret.

Vaticinâ mente prænuntians futura, eventus prævertebat sinistros, aut ad sinistrorum tolerantiam, tantâ dicendi & suadendi energiâ animabat oppressos, ut latificaret consolatione patientes. „Habeat enim, inquit Men-„co, specialem gratiam consolandi per auctoritates sacre paginæ, quam „semper gerebat in pectore, & in ore nec-non & in opere.

Pollebat quoque prædicationis sono, quoquidem utiliter vel ad dissidentium concordiam, vel ad peccatorum conversionem, vel ad sacre militiæ expeditionem, mirantibus Frisus, usus est. Indè amorem, indè confidentiam suæ gentis affectus cunctarum penè in provinciâ litium arbiter, expetebatur. Nulli defuit, omnium precibus amicabiliter se inclinans & tenerrimâ commotus miseratione medebatur singulorum miseriis. Charitatis assidue labores, ab assiduitate poenitentis Emoneum non abducebant. Vigiliis redimens, diurnæ occupationis tempora, partim in oratione, partim in lectione, aut librorum compositione noctes transigebat ut plurimum insonnis.

Obvelabat tanti viri virtutes & scientiam intima animi demissio, & ad vilia quæque tam foris, quàm domi faciendâ, proclivitas. Superbiæ virus bonis operibus subtiliter insidians, & blandè irrepens, sic cavebat humilitatis præco, ut sub alieno, vel tertii nomine libros ederet, & gesta referret laudabilia. Non emollebat Christianæ generositatis vires, humilis modestiæ sensus, quoties vel pro causâ Dei, vel pro Ordinis vindiciâ audendum, tentandumve aliquid se offerebat. Legimus quàm celso animo, quàm heroico corde Herdicum præpositum *Schiltwoldiæ*, Religionis & canonum leges audacius calcantem, compresserit, ipsumque Theodoricum

## P R Æ F A T I O.

Monasterienſem Episcopum Herdrico patrocinantem iniquiùs ad Ordinem coegerit; Legimus qualiter ut Phinees alius, zelo Ordinis acensus, pro deſſentione jurium *Floridi-Horti*, per incredibiles corporis labores, nunc Romam, poſtea Coloniam pedes ivit cauſam dicturus, pro domo Dei fremen-  
tium undique hoſtium laniatibus diſcerptâ. Legimus denique quàm impa-  
vido corde oblatrantes ordini, & corrodentes ejus privilegia impetiverit,  
dum parochiales Eccleſias de *Emetba*, & *Sebiramme* traditas Florido-Horto,  
executere quidam malevoli attentarunt, quaſi illegitimè conſeſſas Ordini,  
quem à beneficiorum poſſeſſione & animarum curâ penitus excluſam con-  
clamabant. *Per non modicas offenſas, per varios malignantium inſultus*,  
injuriâ illatam ordini abſterſit, & multiplici canonum diſpoſitione contudiſ  
adverſariorum cavillos.

Alternis pacis & belli probatum fortibus, mors pacifica ſenilem, &  
ſanctum reddidit cœlo Emonem, Anno Incarnationis Domini 1237. „ in no-  
„ cte B. Lucie Virginis quam ſemper dilexerat, ac ei ſervicrat vigiliam ejus  
„ jejunando. Accedente feſto ejus, ſupplicaverat eidem Virgini, morbo in-  
„ vaſcente, ut ſi eo anno ſecundùm Dei ordinationem eſſet moriturus,  
„ eâ nocte, ipſius precibus, ad requiem tranſiret. Eâdem igitur, dictis ma-  
„ tutinis, coram poſitis Fratribus, & Sororibus in *Novo-Claſtro*, cui ipſe  
„ tamquam rigator nomen *Campus Roſarum* impoſuit, de laboribus, &  
„ ærumnis carnis ereptus dormivit cum patribus ſuis. Mortuî ſanctitatem  
miracula teſtata ſunt. Cœca mulier, viſum ad invocationem ejus recu-  
peravit Damæ. Murus loquelam, contracta greſſum, meritis & precibus  
Emonis obtinuerunt. Portentis ſimilibus celeberrimum Patrem, Friſii vene-  
rantes, Beatorum faſtis & patronorum albo aſcripſerunt.

Emoni ſucceſſus eſt Paulus, quo viam univerſe carnis ingreſſo tertîâ  
Auguſti 1242. in ejus locum, præſide Elgero Abbate Horti Mariæ, vocatus  
eſt Menco. Scientias ille excoluit, & gymnaſium ad juventutis Friſiæ inſti-  
tutionem aperuit in Florido-Horto. Aſſluentium undequâque ſcholarium  
concurſus, tranquillitatem religioſe domûs ſic turbavit, ut Capitulum Ge-  
nerale Ordinis, palæſtram decreveris, in *Emetbâ* transferrendam. Emonis  
chronicon proſecutus eſt Menco ad annum 1276. qui fuit ſupremus vitæ  
ejus. Anonymus ejusdem loci Canonicus ad finem penè ſæculi, ſed tempo-  
rum non ſatis ſervato ordine opus deduxit.



EPISTOLÆ

EPISTOLÆ GERVASII  
PRÆMONSTRATENSIS ABBATIS,  
POSTEA  
SAGIENSIS EPISCOPI.  
PROEMIUM.

*Hugo Gervasii Secretarius has Abbatis sui Epistolas dirigit ad Amicum,  
cui & eas maximopere commendat.*

**D**ILECTO & dignè diligendo, olim socio, nunc amico, (a) Simon Canonico Sanctæ Mariæ de Sancti Eligij-fonte, Frater Hugo Præmonstratensium Fratrum minimus, salutem, & modicum id quod ipse est in orationibus, & dilectionis affectum.

Nuper cùm ab Ethnicis secularium scholarum fabulis, ad excellentioris Philosophiæ studium transissemus ego & tu adolescentuli, in diversis claustris Religionis habitum assumentes: accidit quod ego post probationis meæ dies professus Regularem vivendi modum, & stabilitatem in loco, & factus Canonicus, vocatus sum pluries à Reverendissimo & amantissimo Patre Domino Gervasio Abbate meo, *qui me genuit in Evangelio*: ut quia scribendi usum asfueveram puerulus, sicut nosti, litteras coram eo scriberem, quas dictabat: quæ, tum quia sapiebant mihi, licet ignoranti discernere de eisdem: tum quia audieram à pluribus quod idem Abbas meus in modo dicendi, pariter ac dictandi commendaretur à multis, quasdam ab ipso me scribente dictatas, & quasdam alias, quas ante tempus meum recenter projectas inveni, litteras compilavi: ut sicut ipse erat adolescentiæ meæ Doctor pius, & benignus instructor: ita & ego essem ipsius tam in moribus, si concederetur à Domino, quàm in dictandi scientiâ humilis & diligens imitator.

Verùm quoniam nullum oblectamentum meum, quod non participaret mecum tua dilectio, integrum arbitrarer: compilationem à me factam, & Summam unam à sanctæ recordationis Gregorio Papâ VIII. (sicut dicitur) editam *de stylo Romani dictaminis*; & quandam aliam Summam, quæ intitulatur Magistri Transmundi, *de arte dictandi*, quas acquisivit mihi dictus Abbas meus, tibi censui transmittendas: ut degustans approbes, si tibi sapit hoc, quod mea jam approbavit esuries degustatum: licet fatietas tua fortè ex ingenii singularis perspicacitate proveniens, nauces reputare debeat avellanas, quod dicta esuries mea delicias reputat pretiosas.

A

Noverit

(a) Forte ille Simon est Abbatum ordine tertius, qui ad An. 1240. regimen Abbatiæ S. Eligii fontis protelavit. Est autem hæc Abbatia Ordinis S. Augustini uno lapide ab oppido Calniaci, gallicè *Chauvy* in Picardia, distans, & An. 1130. fundata.

Noverit autem dilectio tua, quod aliquas litteras misas supradicto Abbati meo, in praesenti libello censui inferendas; non tam propter elegantiam dictaminis, quam propter meritum dignitatem. Rogo igitur ex intima dilectionis affectu, & sub periculo ejusdem, quatenus dictam compilationem, quam jam plures viderunt, & ex parte lectam desiderant perlegendam, & forsitan transcribendam, tractes mundè, serves honestè, sed & remittas marurè: ne forte David, si aliter fiat, suum cogatur Jonathan non curare: vel (ut secundum Ethnicorum fabulas tibi loquar) ne Theleus abiuret Pirithoum, Pilades ignoret Orestem, Tisbe nesciat Pyramum.

Vale, Frater optime, & apud legentis animum ita valeant quæ transmittō, ut inveniantur & animæ commodum attulisse, dum occupatus in illis mundum nescias, quem liquisti. Datum Præmonstrati Anno gratiæ millesimo ducentesimo octavo-decimo, non multum post Festum B. Joannis Baptiste.



## EPISTOLA I.

*Gervasius Innocentio III. scribis, qualiter fueris celebrata Electio Fulconis  
Abbatis Corbeienſis, cui praeſuerat anno 1199. ex  
commiſſione Legati Apoſtolici.*

**R**EVERENDISSIMO Patri & Domino Innocentio, Dei Providentiâ Sacro-sanctæ Romanæ Ecclesiæ Summo Pontifici, humillimus ejus servus Frater Cervasius, mi-  
pinus Præmonstratensium Fratrum (♁) cum orationum instantiâ devotum obe-  
dientiæ famulatur.

Rogatus à viro Religioso Domino Joanne (b) Abbate Corbeienſi, ut ſuper electione ipſius, cui ego interfui, veſtre ſcriberem Sanctitati, timore duplici ſum conſuſus; hinc nimirum metuens præſumptionis notam, ſi Apoſtolice ſcriberem Celſitudini ſuper negotiis alienis: illinc flagellum conſcientie reformidans, ſi denegarem teſtimonium veritati; maxime ubi fraterna charitas pulſabat ad oſtium, poſtulus non injuſta. In eam denum partem judicium meæ deliberationis inclinans, pro quâ veritas & charitas allegabant, excuſſo timore, *quem perfectæ chariſſas foras mittis*, Sanctitati Veſtræ, cujus clementiam ſapius ſum expertus, humiliter cenſui intimandum, quòd vacante dudum Monafterio Corbeienſi Reverendus Pater & Dominus Guala, (c) Sanctæ Mariæ in Porticu venerabilis Diaconiſ Cardinalis, Apoſtolice Sedis Legatus, quem alia negotia occupabant, *exiſſimans ex me aliquid amplius forſſas quàm eſſes in me*, commiſit mihi (qui tunc temporis Thenolienſem Eccleſiam miniſtrabam) ut ad Monafterium ipſum accedens perſonaliter electionem Abbatis celebrandam ibidem regerem ſub hâc formâ; quatenus Fratres Monafterii, ſi eſſent diſcordes conſilio; vel rigore juſtitie ad eam concordiam revocarem, ut in aliquam perſonam idoneam convenirent; quia multas bonæſtas perſonas aut facie, aut per famam mihi credidit eſſe notas.

Cum igitur ad Monasterium ipsum cum honestis & Religiosis personis, sicut injunctum mihi fuerat, accessissem, Fratres Monasterii petita (sicut moris est) & obtenta à Domino Rege licentiâ eligendi, adventum meum tanquam obedientiæ filii benigni sume admittentes, in hunc, habito tractatu, conferunt electionis modum :

LIFE

(\*) Hęc epistola scripta fuit à Gervasio à limine adeptæ Abbatizæ Præmonstrati an. 1204.

(b) Joanne electo Abbate Corbeienſi anno 1199., contra cujus electionem nonnulli juniores Monachi tumultuantes ad Innocentium 3. querulam appellacionem intendant.

(c) Guala, alio nomine Walo Cardinalis Diaconus tituli S. Marie. Anno 1208. Concilio Parisiensi præfuit, tanquam Legatus Apostolicæ Sedis.



ut ego, adhibito mini teste, viro Religioso Radulpho, (a) quondam Abbate Sancti Joannis Ambianensis, examinarem singulos sigillatim, & confirmarem electionem illorum, quibus esse crederem melius revelatum. Quippe cum crederetur quod, licet vota eorum essent in plures personas divisa, omnes tamen utilitatem communem intenderent & optarent.

Factâ igitur examinatione ipsâ, cùm constaret quod tres partes Conventus, vel circiter, virum Religiosum Dominum Joannem Latorem præsentium, Monachum Beati Dionisii postularent: quartâ parte Conventus, in quâ erant adolescentes multi, & circiter sex aut septem maturæ personæ, divisâ per partes: conveni illos qui maturiores erant, & quævis ab ipsis, utrum pro bono pacis, majoris partitis Fratrum desiderio assentirent? ipsis vtro assentientibus, & petentibus instanter ut ad nominationem ipsius procedere festinarem: ego, qui de personâ ipsius audieram multa bona (utpote qui in Monasterio Beati Dionisii ab ineunte ætate conversatus fuerat laudabiliter & honestè, & commissâ sibi frequenter Monasterii bona fideliter ministraras) convocatis in capitulo Fratribus universis, nemine proflus contradicente, electionem factam de ipso, authoritate mihi traditâ confirmavi, & ipsum feci nominari solemniter in Abbatem. Si quæ autem zizania superfeminata sunt postmodum ab homine inimico, Monasterio, quod plurimum est afflictum, fraternâ condoleo charitate. Sed confortor in eo, quod Vestra Sanctitatis examen, cùm innotuerit vobis veritas, & medicinam dolori celerem adhibebit.



EPISTOLA II.

*Gervasius Innocentium III. super subsidio Terræ Sanctæ consulit.*

**S**ANCTISSIMO Patri & Domino Innocentio, Del Providentiâ Sacro-sanctæ Romanæ Ecclesiæ Summo Pontifici, humillimus ejus servus Frater Gervasius, minimus Præmonstratensium Fratrum, cum orationibus devotam obedientiam, & pedum oscula.

Zelus pro subsidio Terræ Sanctæ, & devotio quâ Vestræ teneor Sanctitati ira comedunt me, quòd licet quasi in mortis januis constitutus, tamen tacere non possum. Sanè misistis nuper in Franciam venerandum ip̃i Christo Patrem S. Tyrensem Archiepiscopum, cui dedistis potestatem promovendi Christi fidelibus verbum Crucis, & commutandi vota humilium personarum, quæ vel propter infirmitatem, vel nimiam paupertatem sunt inutiles subsidio Terræ Sanctæ. Interrogatur autem idem Archiepiscopus à pluribus, utrum Magnatibus Franciæ Cruce-signatis dedisset usque in annum futurum licentiam remorandi? respondit, Vos nihil mutasse circa majores vel minores de ordinatione Concilii Generalis *b*). Interrogatus etiam, utrum cogendi essent omnes ut irent hoc anno? respondit se nec recepisse, nec scire quòd aliquis alius recepisset à Vobis super hac coactione aliquam potestatem.

Dixit autem mihi idem Dominus Archiepiscopus quod Vobis super his quæ egerat cum Domino Rege & cum aliis de negotiis sibi commissis scripsisset statim post Concilium Meludini in ejus adventu solemmniter celebratum : sed ego non curavi quærere quid scripsisset, credens quod per eum de omnibus negotio necessarii essetis sufficienter instructi; nec ego aliud optare debebam. Verum quia quædam postmodum cruerunt, de quibus (quia tunc temporis non innotuerunt ei) Vestram non potui mansuetudinem præmonire, ea Vobis duxi breviter intimanda.

## Magistri

(a) Radulphus vivere defuit anno 1205.

(f) Generalis, Lateranensis, anno 1215, habiti per quod sancitum fuerat, ut cruce signati ad Kal. Iunii, Siciliam, Brundisium, vel Melfanum transfretandi causa, convenirent.

Magistri Parisienses asserunt quòd omnes peccabunt mortaliter, qui, ex quo nihil relaxatis de ordinatione Concilij Generalis, non ibunt hoc anno, & cadent à privilegio Cruce-signatorum, & etiam à peccatorum remissione, & indulgentiâ privabuntur, licet ad executionem voti redierint in futurum. Magnates autem [de quibus pro majori parte constat quòd non ibunt] non multùm curant de assignatione Parisiensium; quia nec spirituales poenam à Vobis, nec à terrenis Dominis temporalem in se metuunt descensuram. Inferioribus verò personis [utpote Burgensibus & rusticis, quorum magnus est numerus] intentatur occasione verborum istorum temporalis poena; quia dicunt Nobiles & Potentes & etiam Communiæ Civitatum, quòd statim post Nativitatem B. Joannis Baptistæ recipient ab eis exactiones & tallias sicut priùs.

Ipsi autem inferiores Cruce-signati, qui numero sunt non pauci, in multâ amaritudine & angustia cordium constituti respondent, se paratos esse stare Apostolicæ ordinationi, si fuerit eis denunciata expressè, ut-pote qui præparaverunt sibi expensas, & ardentè prosequi disiderant votum suum: sed subjungunt, se omnino nescire quomodò, aut quò vadant: quia, in quantum humano patet judicio, inutiles erunt proflus subsidio Terræ Sanctæ, nisi habuerint de terrâ suâ, & de idiomate suo milites præcedentes.

Super his igitur, Mansuetissime Pater tale, si placet, festinanter consilium habeatis, unde proveniat desolatorum solatium & subsidium oppressorum: ne fideles Christi, quos cum tantâ devotione vidi suscipere signum Crucis, & adhuc paratos esse prosequi quòd voverunt fideliter sine fraude, in desperationis soveam prolabantur, si crediderint se astrictos esse voto peregrinationis, & nihilominus propter hanc remotionem, quam inducit necessitas, non voluntas, ab omni privilegio & peccatorum indulgentiâ cecidisse.

Dico autem confidentè [ & credo quòd multi mecum sentiant in hac parte] quòd multùm expedit negotio, quòd Teutonici non vadant cum Francis, qui nunquam leguntur fuisse in aliquâ solemnè societate concordēs. Credo tamen, & plures credunt, negotio expedire, ut Dux Burgundiæ (a) & Dux Lovaniæ, (b) & alij, qui alicujus videntur esse nominis in Franciâ & in viciniâ Franciæ, quibus hæcenus pepercistis aliquantulùm, aliquantulùm arctiùs astringantur ad arripiendum iter in anno futuro, ita-ut tam majoribus, quàm minoribus tempus arripiendi iter denuntietur expressè sub poena.

Super quibus omnibus [ si Vestræ placuerit Sanctitati] poteritis scribere Bituricensi, Rhemeni, Rothomagensi, Turonensi, & Senonensi Archiepiscopis, & eorum suffraganeis & etiam pluribus, si volueritis, secundum quòd Beatitudini Vestræ ab Omnipotenti Domino fuerit revelatum.

Nec arctetis, si placet, Francigenas ut ad portus Apuliæ & Siciliæ laborent: sed ascendant naves ubicumque voluerint & potuerint commodiùs navigium invenire.

Nec Vos lateat quòd aliquis apud nos Episcopus, omisis Nobilibus, arctat inferiores per interminationem excommunicationis, ut vadant: non tam [ut creditur] ad negotium promovendum, quàm ut emungat bursas eorum.

Hoc autem negotium, cùm ad Sanctitatem vestram præcipuè pertinere noscatur, non erit qui procuret, nisi vel Latori præsentium, vel Notario, vel cuilibet alii illud expressè apud Vosmet-ipsos injunxeritis procurandum.

Cæterùm cùm sint multi in Franciâ excommunicati, pro eo quòd cum Domino

(a) Dux Burgundiæ, Odo, filius Hugonis III. qui anno 1192. ducatum adiit, Patre ejus in expeditione sancta satis functo Tyri.

(b) Dux Lovaniæ, Henricus filius Godefridi III. & Mattheidis Bononiensis.

mino Ludovico (a) in Angliam transierunt, cum quibus ego & alii periculosissime conversamur, de voluntate quorundam Vestrae suggero & supplico Sanctitati, quatenus (si placet) precipiatis, ut tanto in defensione Albigensium Ecclesiae commorentur, quanto in Angliā sunt morati; ut sic absolutionis gratiam mereantur. Sciatis etiam quod multi eorum, magis abstinent se ab ingressu Ecclesiae ex timore Dei, & ob reverentiam mandatorum ejus, quam per aliquam diligentiam Praelatorum. Valeat in Domino Sanctitas Vestra, quam Deus Ecclesiae suae conservet incolumem.



## EPISTOLA III.

*Innocentio III. pro praestitis Ordini Praem. beneficiis gratias agit, ipsumque rogat ut a praestandis non absteineat, licet immerenti. Anno 1214.*

**B**EATISSIMO Patri & Domino Innocentio, Dei providentiā Sacro-Sanctae Romanae Ecclesiae Summo Pontifici, & devotissimus ejus servus Gervasius Praemonstratensium Fratrum minister humilis, pedum oscula & cum orationum instantiā devotam obedientiae voluntatem.

Ex protestatione Sanctitatis Vestrae comprehensā in principio literarum, quas nuper ad convocandum Sacrum Concilium (b) destinasti, didici, cum legerentur Remis, & gavisus sum, ex quo divina providentia vos vocavit ad apicem Apostolicae Dignitatis, circa duo praecipue, vestra semper intentio versabatur, ut subveniret scilicet Terrae Sanctae, & ut Ecclesia Dei tam in moribus, quam etiam in personis incrementum semper susceperet honestatis. Commendabile quoque est sanctae pietatis propositum, & devotarum orationum suffragiis ab universali Ecclesia prosequendum. Ego verò pro modulo humilitatis meae, semper desideravi hoc ipsum, velut intentionis vestrae sanctae & in desiderio, humilis imitator, & in orationibus devotus adjutor. Unde cum jam pluries accessimus ad vestrae praesentiam sanctitatis, quia non inerat mihi prudentia, quā vobis obsequer in consulendo universali Ecclesiae, imo orbi, seu devotus, quod potui consilium pandens fidele pro parte, pro Praemonstratensi videlicet Ordine suscitando, qui modico auxilii vestri statu, & excuteret cinerem, sub quo dormit, & flammam gravissimae Religionis cum bono odore eminenter effunderet, atque late.

In principio siquidem promotionis vestrae, exaudistis me in multis, quae universitati Ordinis non mediocriter profuerunt, (c) & scio quod abundantius profuissent, nisi disceptatio quorundam, privata quarentium compoda, & inter se altercantium, gratiam vestram ab ipsis, & ab aliis avergissent. Absit tamen ab Apostolica pietate, ut pro peccatis paucorum univeris iras-

B

(a) Domino Ludovico VIII. qui anno 1216. Londinum ingressus, Rex Angliae salutus est, & pulso fugatoque rege Joanne regnum invasit. Walo Legatus Innoc. 3. tii ipse demum Innocentius 3. proscripti regis & sibi nuper reconciliati, infortunium-miserantes, usurpatorem Angliae Ludovicum. & illius affectas anathemate confixerunt.

(b) Sacrum Concilium, Lateranense.

(c) Profuerunt ordini quem an. 1193. 1198. 1200. 1209. variis privilegiis exornavit, ad disciplinae regularis fulcimentum, extant in Bibl. Praem. pag. 644. & seq.



saturus cum Cruce-signatis, quos videret inutiles Terræ sanctæ; & profectio- nem tam majorum, quam minorum concitato discreditorum consilio ordinare curaret. Sperabam autem quòd id maximè deberet fieri per Virum vene- rabilem Magistrum Jacobum (\*) Aconensem Clericum, cujus in Franciam ob idipsum de die in diem reditum expectabam.

Sed cum audissem postmodum, quòd & ille in partes secesserit trans- marinas, & Vos personis tantum sublimibus Cismontanis scripseritis pro in- terrogio Crucis Christi; nesciens utrum pusillus grex Domini (qui adhuc non minus devotè, quam nobiles Crucem gerit) in litteris vestris fuerit obmissus, crebras ejus & multiplices querimonias Vobis censui presentibus intimandas.

Conqueruntur enim milites inferiores & pauperes universi, quòd, cum ad admonitionem eorum, qui Ecclesiæ Dei præsunt, assumpserint signum Crucis, parati per omnia abnegare seipsos, & omnia sua ad tempus relin- quere pro Terræ sanctæ in statum debitum reformanda; jam nec in Poten- tibus sæculi (qui non curant) nec in viris Ecclesiasticis, (qui signandis eis promiserant pecunias, consilium, & ducatum) inveniunt qui jam signatis præ- stet aliquatenus vel consilium, vel solamen, vel etiam iustitiæ complemen- tum, quando contra privilegium peregrinationis, à Potentibus opprimuntur.

De hoc ipso quoque non silent, quod pecunia Truncorum, qui fue- runt in singulis Ecclesiis instituti, & vigesima Clericorum, vel à Templariis in quibusdam locis; in quibusdam verò ab Archiepiscopis, vel Episcopis, vel Officialibus eorundem, exigitur importunè: & quando quaeritur, quid inde fieri debeat? respondetur, quod debeat mitti N. Pauci autem inve- niunt, quando sonat in eorum auribus nomen N. qui non insurgant in Clerum, vel clandestinis detractionibus, vel objurgationibus manifestis, col- lectam dudum quinquagesimam recensentes; quam, quia non viderunt in usus nunc ordinatæ peregrinationis fuisse expensam, clamant tanquam in- discreti, quibus non redditur ratio de omnibus quæ fiunt; à N. fuisse absorptam.

Ex hoc autem jam contigit in plerisque locis, quod Trunci à quibus- dam Ecclesiis viliter sunt projecti; & vigesima aut omnino non colligitur; aut sic colligitur, quòd parum prodest Terræ sanctæ. Interpretantur enim omnes quòd quando verbum prædicationis pro subventionem Terræ sanctæ à Sacro- sanctæ Romana Ecclesia primò descendit, promissum fuit Cruce-signandis, quòd pecunia sive per Truncos, sive modis aliis per singulas Regiones, sive Pro- vincias colligenda, in pauperiorum refunderetur expensas, qui assumerent signum Crucis.

Præterea cum scripseritis, ut prædixi, quibusdam Nobilibus, utpote Duci Burgundiæ, & Gualtero Domino Avennarum, ut ad arripendum iter peregrinationis suæ in Pascha proximo sint parati: & ipsi Vobis rescripse- rint supplicando, ut detis eis, sicut dicitur, inducias anni unius: oritur consilio circumspecto, quia nescitur utrum debeant exaudiri.

Ut igitur super his omnibus salubre consilium apponatis; assumens ex necessitate cor grave, non sine deliberatione habitâ cum quibusdam, qui quid expediat scire creduntur, Vestre humiliter & veterandè suggero Sancti-

venimus ante annum 1225, sive propter incumbentem Albigenisium hæresim, cui opprimendæ tota & diu adlaboravit Gallia, sive ob fervens inter Anglos & Gallos bellum contumax, pro quo sopiendo Honorius Philippum, & suc- cessorem ejus Ludovicum 8. frustra precibus & litteris convenit.

(\*) Hunc crederem esse Jacobum de Vitriaco, factum postea Aconensem Episco- pum, Gervasio, necessitudinis sœdere conjunctissimum.



Provincia constituti, quod licet in eorum Privilegiis inhibita sit expressè, ne quis Archi-Episcopus, vel Episcopus, nisi in manifestâ necessitate in eorum grangiis hospitetur, quidam tamen Episcopi Remensis Provinciae & Archi-Diaconi, ac ipsorum Officialis, in singulis Grangiis eorundem fratrum, in suis Diocesis constitutis procuraciones (a) exigant annuatim. Quæ si eis fortè aliquando negantur, ministri eorum, de animalibus vel de bonis ipsorum fratrum prædas violentè abducunt, quas vel pignori obligant, vel alienant omnino, nec fratribus ipsis restituunt, donec pro requisita procuracione, certa pecunia persolvatur, qui ut avaritiam suam & exactionem excusent, frivolas exigendæ procuracionis causas assignant, vel quia ipsi, vel prædecessores eorum ibi quandoque fuerint hospitati, vel quia in grangiis ipsis decimæ colligantur, vel quia Canonici, qui Parochialem Ecclesiam in vicinis locis obtinere nesciunt, aliquandò commorantur in grangiis, vel quia in eis claustrum Sororum habetur, quæ ex accessu quorundam non multum proficiunt in his, quæ ad salutem pertinent animarum. Specialiter autem Abbas Præmonstratensis Ecclesiam suam super his & aliis à Domino Stephano Noviomensi Episcopo & Philippo Archi-Diacono suo importuniùs conqueritur aggravari, idem namque Episcopus præter alia damna, & multiplices injurias dictæ Ecclesiæ erogatas nuper, cum mandasset sibi in quadam grangia ipsius Ecclesiæ, quam nomine Ecclesiæ duo tantum cum familia modicâ custodiebant Laici sæculares, de procuracione & hospitio provideri, & quidam Canonicus cultos alterius grangie in vicino, cui hoc mandavit, respondisset, quod hoc sine Abbatis, sui licentiâ facere non auderet, dictus Episcopus non expectato responso Abbatis per quandam Decanum suum ruralem, & satellites grangiam ipsam de nocte ingressos, novem vaccas & duos equos inventos in domo, pro pastu, ut dicebant, suo Domino denegato, per violentiam abduxit, quia idem Episcopus reddere contradicit, donec de pastu sive procuracione prædictâ, & de expensis animalium detentorum ei fuisset satisfactum. Supplicant igitur Sanctissimæ Paternitati vestræ omnes conquirentes prædicti, quatenus oppressiones eorum pietate Apostolica miserantes, deis iudicibus in mandatis, & districtè præcipiatis eisdem, ut Episcopos & Archi-Diaconos Remensis Provinciae, nec non & officiales eorum monitione præmissâ, per censuram Ecclesiasticam appellatione remotâ districtè compellant, ut fratres prædictos contra indultam sibi à Sede Apostolica libertatem, nec in prædictis, nec in aliis aggravare præsumant, nec aliquas eis exactiones imponere cujusquam auli temeritatis attentent. Specialiter eundem Noviomensem Episcopum ad reddendam prædictam prædam, quam capi fecit, & ad satisfaciendum de damnis & injuriis illatis Ecclesiæ Præmonstratensi, Authoritate vestrà, remotâ nihilominus appellatione compellant, ne ipsius arrogantia, si remanserit impunita, aliis subministret fiduciam, similia præsumendi. Iudices petunt Decanum, Magistrum Gerardum, & Fromundum Canonicum, Remenses.

C

(a) *Procuraciones exigant*, hanc querelam Honorio 3. detulit Gervasius anno 1217. adversus Stephanum de Nemours Episcopum Noviomensem, electum anno 1188. & denatum anno 1220. privilegium verò quod sua exactione impetebat, ab Innocentio 3. concessum erat anno 1200. xlii. Kal. Junii in gratiam totius Ordinis Præm.

## EPISTOLA VI.

*Rescriptum Honorii III., quo Decanum Remensem, Gerardum & Fromundum Canonicos Remenses deputat iudices in causa Gervasii adversus Noviomensem Episcopum anno 1217.*

**H**ONORIUS Episcopus Servus Servorum Dei, dilectis filiis Decano & Magistro Gerardo, ac Fromundo Canonicis Remensibus salutem & Apostolicam benedictionem.

Gravem quorundam Abbatum & Fratrum Præmonstratensis Ordinis, Remensis Provinciæ recepimus questionem, quòd licet in eorum privilegiis inhibutum sit expressè, ne quis Archi-Episcopus vel Episcopus nisi in manifestâ necessitate in eorum Grangiis hospitetur, quidam tamen Episcopi vel Archi-Diaconi Remensis Provinciæ ac officiales eorum, in singulis Grangiis eorundem fratrum in suis Diocæsesibus constitutis, Procuraciones exigunt annuatim, quæ si eis aliquando fortè negantur, ministri eorum de animalibus & bonis aliis eorundem prædas violentè abducunt, quas pro pignore obligant, vel alienant omnino, nec fratribus ipsis restituunt, donec pro requisitâ procuracione certa pecunia persolvatur, qui ut avaritiam suam & exactionem excusent, frivolæ exigendæ procuracionis causas assignant, vel quia ipsi aut prædecessores eorum, in Grangiis fuerunt hospitati, sive quia in Grangiis ipsis decimæ colligantur, seu quia Canonici, qui Parochialem Ecclesiam in vicinis locis obtinere nesciunt, aliquando commorantur in grangiis, aut quia in eis claustrum fororum habeatur, quæ quidem ex accessu quorundam non multum proficiunt in his, quæ ad salutem pertinent animarum. Super his autem & aliis, dilectus filius Præmonstratensis Abbas specialiter asserit Ecclesiam suam à venerabili fratre nostro Episcopo & Archi-Diacono Noviomensibus importunius aggravari, proponens, quod cum dudum idem Episcopus peteret in quadam ejusdem Ecclesiæ grangia in procuracione sibi & hospitio provideri, & quidam Canonicus Abbatís ipsius, cui hoc Episcopus ipse mandaverat, se non posse hoc facere sine Abbatís sui licentia, respondisset, quidam ejusdem Episcopi Decanus ruralis eandem grangiam de nocte cum quibusdam complicitibus suis ingressus, novem vaccas & duos equos eorum pro pastu, sicut dicebat, suo Domino denegato violentè abduxit. Quos non prius Episcopus memoratus restituit, usquequò ei fuit pro procuracione petita, & detentorum expensis animalium pro suæ voluntatis arbitrio satisfactum. Nolentes igitur Præmonstratenses fratres, contra indulta eis à sede Apostolica privilegia molestari, discretioni vestræ per Apostolica scripta mandamus, quatenus Episcopos & Archi-Diaconos Remensis Provinciæ ac Officiales eorum, ut prædictos conquerentes contra indultam eis à sede Apostolicâ libertatem aggravare super his & aliis non præsumant, nec imponant aliquas indebitas exactiones eisdem, moneatis attentius, & efficaciter inducatís ipsos ad hoc, si necesse fuerit, districtione quâ convenit, appellatione postpositâ compellentes prædictum Noviomensem Episcopum, ad restituendam prædam eandem, & satisfaciendo congruè de damnis & injuriis conquerenti, districtione simili, veritate cognita coercendo, quod si non omnes his examinandis potueritis interesse, duo vestrum ea nihilominus exequantur. Datum Lat. Pontificatus nostri anno 2do.



## EPISTOLA VII.

*Honorius III. Sueffionensem Episcopum & Gervasium Abbatem Præmonstrati deputat, ut pallium Remensi Archiepiscopo tradant & fidelitatis ab eo Sacramentum excipiant.*

**H**ONORIUS Episcopus servus servorum Dei, venerabili fratri Hamardo (a) Sueffionensi Episcopo & dilecto filio Gervasio Abbati Præmonstratenfi salutem & Apostolicam benedictionem.

Licet Apostolica sedes pallium plenitudinis, scilicet officii Pontificalis insigne destinare soleat per suos Nuntios speciales, qui tradentes illud ab his, quibus traditur, recipiant juramentum, nos tamen plenam de fide ac diligentia vestra fiduciam obtinentes, pallium à nobis pro venerabili fratre nostro Wilhelmo Remensi Archi-Episcopo (b) cum debita instantia postulatam vobis de corpore Beati Petri sumptum, per dilectos filios V. Cantorem Remens. & V. Lingonensem Canonicum mittimus, ut illud vice nostra cum congrua solemnitate tradatis, ac recipiatis fidelitatis juramentum nostro nomine ab eodem; formas autem juxta quas debetis ipsum pallium tradere, ac fidelitatis recipere juramentum, vobis sub bulla nostra destinamus inclusas, devotionem vestram rogantes attentius, ac per Apostolica vobis scripta mandantes, quatenus formas ipsas, observantes per omnia, in ipso negotio procedatis, sic fideliter & prudenter, quod fidem & prudentiam vestram debeamus merito commendare: quod si quid humanitus interim alicui vestrum, quod absit, accidit, reliqua, quæ præmissa sunt, nihilominus exequatur, quidquid autem inde feceritis, nobis per litteras veraciter intimetis. Datum Romæ apud Sanctum Petrum 2.do nonas Maji, Pontificatus nostri anno tertio.

*Forma dandi pallium Archi-Episcopale.*

Ad honorem Dei omnipotentis & Beatæ Virginis & Beatorum Apostolorum Petri & Pauli, & Domini Papæ Honorii & Romanæ Ecclesiæ, nec non Ecclesiæ tibi commissæ tradimus tibi pallium de corpore Beati Petri sumptum, plenitudinem videlicet Pontificalis officii, ut utaris eo infra Ecclesiam tuam certis diebus, qui exprimuntur in privilegiis ab Apostolicâ sede concessis.

*Forma Juramenti.*

Ego W. Remensis Archi-Episcopus ab hac hora in antea fidelis & obediens ero Beato Petro, sanctæque Apostolicæ Romanæ Ecclesiæ & Domino meo Papæ H. suisque Successoribus Canonice intrantibus, non ero in

(a) *Hamardo*, lege *Haymardo*, cognomine de Provins, ex Canonico & Cantore Remensi fit Sueffionensis Episcopus anno 1207. Episcopatum abdicavit anno 1219. ut Caonicam S. Augustini Regulam profiteretur in monasterio Sti. Joannis de Vineis.

(b) *Wilhelmus Remensi Archiepiscopo*. Vilhelmus de illustri prosapia Dynastarum de Joinville satus, ex Lingonensi Episcopatu ad Remensem transfertur, mortuo Alberico Antistite, in Urbe Papiensi ad quam appulerat, post expleto aliquot in bello sacro menses, anno Christi 1218. in Vigilia natiuitatis Domini. Pallium Wilhelmo successori transmisit Honorius 3. anno 1219. juxta modernum computum.

Consilio aut consensu, vel facto, ut vitam perdant aut membrum, aut capiantur malâ captione. Consilium verò, quòd mihi credituri sunt per se, aut per Nuntios suos, sive per litteras, ad eorum damnum me sciente, nemini pandam. Papatum Romanum & regalia Sancti Petri adiutor eis ero ad retinendum, salvo meo. Ordine contra omnem hominem. Legatum Apostolicæ sedis eundo & redeundo honorificè tractabo, & in suis necessitatibus adjuvabo. Vocatus ad Synodum veniam, nisi præpeditus fuero Canonicâ præpeditio. Apostolorum limina singulis bienniis visitabo aut per me aut per meum Nuntium, nisi Apostolicâ absolvar licentiâ. Possessiones verò ad mensam nostri Archi-Episcopatus pertinentes non vendam, neque donabo, neque impignorabo, neque de novo infeudabo, neque aliquò modo alienabo inconsulto Romano Pontifice, sic me Deus adjuvet & hæc sancta Dei Evangelia.



## EPISTOLA VIII.

*Gervasius Honorium III. certiolem facit de executione mandati Apostolici & de traditione Pallii facta Wilhelmo Remensi Archiepiscopo.*

**B**EATISSIMO Patri & Domino H. Dei providentiâ sacro-sanctæ Romanæ Ecclesiæ summo Pontifici G. fratrum Præmonstratensium Servius humilis cum orationibus devotam obedientiam & pedum oscula.

Recepi litteras Sanctitatis vestræ Venerandæ memoriæ H. Sueffionensis Episcopo & parvitati meæ in hæc verba transmissas. Honorius Episcopus Servus Servorum Dei & ut supra. Licet igitur ante susceptionem præsentium de morte præfati Episcopi, qui erat, in quantum humano patebat iudicio, vir Sanctus & timens Deum, plurimum doluissim, in susceptione tamen vestri Mandati dolui acrius, eò scilicet, quòd in executione commissæ duobus, habere non potui, tantum Patrem, non solum Collegam, sed & Dominum & Rectorem, cum multâ namque festinatione vocatus occurrere Domino Remensi Archi-Episcopo apud Ecclesiam Sancti Theobaldi de Castro-Portuensi, (a) ubi occurrerunt nobis viri Venerabiles V. Cantor Remensis & V. Lingonensis Canonicus, postulatam pro eodem Archi-Episcopo & obtentum de gratiâ dignationis Apostolicæ pallium apportantes, qui & quasi pavore concussi dixerunt, quòd Clerici quidam; qui post ipsos recesserunt à curiâ, retulissent ipsis in via, quòd Sanctitatem vestram in infirmitate gravissimâ reliquissent, ita quòd diceretur, quòd infra biduum, cibum minimè sumpsissetis. Propter quòd rogavit idem Archi-Episcopus nunc nos, & quidam de maioribus Ecclesiæ Remensis, qui ob hoc venerant, & multi alii, ut devolutum ad me negotium exequi non tardarem, ne superveniret aliquis, qui nuntiaret de vobis aliquid humanitus accidisse; & sic oporteret ad curiam denuò laborare. Ego autem in angustia non modicâ constitutus; utpote qui de negligentia

(a) *Ecclesia Sti. Theobaldi de Castro Portuensi*, gallicè *Château - Portieu*, oppidum ad Axonæ ripas positum, binis à Regiense horis, octo à Remensi Civitate distantum; arce sive castro imminente munitum olim, nunc dirutum.

gligentiâ redargui posse timebam à vobis ; si extra Remensem Ecclesiam pallium assignarem , licet non esset in litteris vestris expressum ; vel in publica peccare commoda , si per tarditatem meam differretur Pontificalis officii plenitudo , cujus executionem multi in proximo expectabant. Denum de consilio multorum bonorum virorum , qui aderant , elegi potius , si esset alterutrini culpa mea , corripì & flagellari à vobis , quam ab eorum , qui maligna loquuntur , detractionibus , quasi fimbrias meas magnificans Crucifigi. Attendens igitur , quod nec per sacros apices vestros docebar , nec etiam per jus scriptum , ubi pallium esset reddendum , & quod etiam locus ille sollemnis esset infra ipsam Remensem Diocesin constitutus , clero & populo , Abbatibus videlicet , nec non & Canonici Remensibus , Lingoniensibus & multis aliis , qui aderant , convocatis , pallium saepe dictum nuptiali veste indutus , cum processionali solemnitate susceptum detuli ad altare , finitoque processioneis cantu , imprimis feci sacros apices vestros legi , & ipsum Archi-Episcopum ad præstandum fidelitatis juramentum , postmodum evocavi. Ipse autem veste indutus nihilominus nuptiali ; humiliter & reverenter ad altare accessit , & clarâ voce , nec non & altâ , sub Notâ in formâ data à vobis verbo ad verbum , petitum fidelitatis præstitit juramentum , ego etiam nihilominus clarâ voce tradidi ei pallium per eadem ipsa verba , quæ sub bullâ vestræ Sanctitatis inveni inclusa , ut à loco illo ad Ecclesiam Remensem , cum debitâ exultatione transiret , sicut et fecit. Cum itaque de illis nihil prorsus omissem , sicut credo , quæ in mansuetudinis vestræ litteris inveni expressa , si in eo deliqui , quod in ipsâ Remensi Ecclesiâ prædictâ non feci , tanquam servus humilis ad flagellum me humilio , volens & gratum modis omnibus habiturus , quod alii poena meâ docente , si opus fuerit , in consimili casu , futuris temporibus instruantur. Formas autem tradendi pallium , ac recipiendi fidelitatis juramentum presentibus litteris censui nihilominus includendas , sicut eas inveni sub bullâ Sanctitatis vestræ inclusas.

## EPISTOLA IX.

*Gervasius apud Honorium III. intercedit pro absolutione excommunicationis & irregularitatis quas incurrerant Canonici Capellæ ex convitiu & Colloquio cum Albigenſibus.*

**I**N præcedentis anni Capitulo Generali , venit ad me pîæ recordationis Joannes (a) Abbas Ecclesiæ Cappellenſis , quæ est juxta Tholosam , vir potens , dum viveret , in opere & sermone , qui non solum causa visitandi Capitulum in partes venerat gallicanas , sed ut subveniret cum aliis Episcopis videlicet & nuntiis , qui laudabile ei testimonium perhibebant , per salubrem exhortationem Ecclesiæ Albigenensi , quæ tunc temporis affligebatur graviter , nec adhuc credo , quod afflictio ejus cesset. De statu autem Ec-

D

(a) *Joannes Abbas Ecclesiæ Cappellenſis* : Capella est Monasterium Ordinis Præm. à Casa Dei filiali jure dependens , in eminenti monte positum , cujus radices ambiunt Garumna. B. Dominicum fundatorem Ordinis Prædicatorii , hospitio excepit Abbas Joannes dum apud Tholosates versaretur status.

clesiæ suæ interrogatus, dixit, quod in bono statu esse non poterat, quæ erat ita vicina Tholose, quia oportebat fratres suos pro repetendis ablatis, & pro releuatione oppressionum suarum civitatem intrare frequenter & communicare tam hæreticis, quam Defensoribus eorumdem, sicut faciebant Hospitalarij, Templarij, & Cistercienses contra Generalem inhibitionem Domini Cardinalis (a) super quo quia credebant prædictos privilegiatos, & se ipsos, per generalia privilegia suorum Ordinum esse tutos, divina, contra generalem excommunicationem Domini Cardinalis, officia celebrarunt. Quod cum Abbas ipse non fecit, quia si bene memini, per duos annos & dimidium factus, exul, Ecclesiam propriam non intrarat ego autem abhorruï, & præcepi, ut quidquid alij facerent, ipse fratribus suis mandando præciperet, ut cessarent à sepe dicto Domino Cardinali absolutionis & dispensationis beneficium petitori. Cum itaque ab ipso Abbate ad fratres suos super hoc litteræ emanassent, portitor earum vix pervenit ad Ecclesiam Cappellensem, quando secutus est alius, qui Abbatem factum esse de medio nuntiavit, unde contigit, quod quando fratres accedentes ad Dominum Cardinalem, qui Abbatem dicebatur plurimum dilexisse, invenerunt eum post mortem Pastoris sui, minus propitium, itaque non nisi duo, qui personaliter accesserant ad eum, absoluti fuerunt ab excommunicatione tantum, irregularitate manente aliis etiam universis & singulis excommunicatione ligatis, ita quod eis in Abbate providi non potest. Cum igitur ad causam afflictionis hujus, per ignorantiam, & ad ipsam afflictionem, quæ est intolerabilis, per suam scilicet, quæ prædicta est, confessionem spontaneam sint diducti supplico Sanctitati vestræ cum omni devotione, quâ scio & possum, quatenus latorem præsentium fratrem Wilhelmum dicti loci Priorem, quem Abbas suus, adhuc vivens cum duobus alijs, Joanne videlicet provifore & Ervaldo Sacrista mihi specialiter ac præcipue de fortissimâ in tribulationibus patientia commendavit, misericorditer dispensetis, & alijs, qui sunt domi, per aliquam, quæ sit sine suspitione, Personam beneficium absolutionis & dispensationis faciatis impendi, si inventi fuerint secundum ante acta, hoc beneficio non indigni, ne locus ille jam quasi ad extrema deductus, omnino vastetur & pereat in populo infelicioꝝ cum suâ familiâ, domus una.



## EPISTOLA X.

*Gervasius scribit Honorio III. in gratiam Philippi Cancellarii Parisiensis pro defensione sua fama romam citati & proficiscentis.*

**H**UMANITATIS officium est velle præstare auxilium proximo in angustia laboranti, & si ipsa voluntas non semper transcat in Effectum.

---

(a) *Domini Cardinalis*, Bertrandi tit. S. S. Joannis & Pauli, quem Honorius III. Legatum submisit ad conciliandos hæreticos Albigenſes an. 1217.

Nuper sanè occurrit mihi ad quædam Præmonstratensis Ecclesiæ negotia properanti, vir honore perspicuus, Philippus Cancellarius (a) Parisiensis, qui habito inter nos Sermone de pluribus, cum multa, ut videbatur, amaritudine cordis, inter cætera dixit mihi, quod fecisset eum citari in octavis Sancti Michaëlis, famam suam in vestra præsentia defensurum. Propter quod rogavit, ut ei apud Clementiam vestram, si possem vel precibus, vel testimonio subvenirem. Nec attendit instantia supplicantis, quod inter Reverendos Patres, Wilhelmum Remensem Archi-Episcopum, Stephanum Decanum, & alios quam plures præclaræ opinionis Viros, qui per suas patentes litteras, quas inspexi, celebre de ipso testimonium perhibebant, non plus humilitatis meæ parvitas apparet, quam inter cedros libani, modica & arefacta myrica deserti. Obscuro, nec mirum imprimis de eo, quod vir tanti nominis, tam instanter rogabat, ut rogarem pro ipso; Sed & hoc ipsum sine admiratione non fuit, quod rogandi causam intulerat ei, citatio supradicta, cum enim ab antiquis temporibus apostolicæ constantiæ familiare fuisse dicatur, quod non exaltet nisi desecrata opinionis viros, quos, postquam semel suscepit exaltandos, non solum exaltat in dies, sed & viriliter contra adversantium defendit insultus. Admirandum est meritò, qualiter fama ipsius apud vos potuerit obscurari, qui eum nuperrimè in tantam gratiam recepistis, quanta non nisi præclaris meritis & integræ famæ videtur potuisse competenter impendi. Verùm enim verò, quia ex humanâ fragilitate omnes proni sumus ad lapsum, & ipse post susceptam à vobis gratiam, quæ ipsum à præteritis omnibus emundasse videtur, potest tanquam homo in aliquo deliquisse, mei semper erat consilii, ut à fonte Apostolicæ pietatis, à quo hausit gratiam abundantem, amaram, si opus fuerit, disciplinæ corripientis & corrigentis humiliter & reverenter suscipiat potionem; sperans firmiter & constanter, quod accusatores sui, si verba eorum inventa fuerint carere pondere veritatis, quantum moverunt ei discriminis, tantum ei laudes acquirerent, quando experti fuerint in eo suam impiam voluntatem, & innocentiam suam, si inventus fuerit innocens, reddiderint clariorem. Ego autem sciens, quod sit homo affabilis & benignus, & eminenter litteratorum virorum judicio litteratus, illos quoque, qui testimonium perhibent famæ suæ, maxime Dominum Remensem Archi-Episcopum nostrum, & Decanum & Capitulum Parisiense integræ famæ esse, & tales, quod dignè debeat eis credi, licet peripsa aliorum, qui intercedit pro ipso, ad

---

(a) *Philippus Cancellarius Parisiensis*, de Philippo Parisiensi acædemie Cancellario narrat Raynaldus ad an. 1228. Episcopo suo Willelmo eunti de nocte ad Ecclesiam apparuisse, lugubrique voce exclamasse, æternis se inferorum incendiis damnatum quod ex sacerdotii sui redditibus egentes non levasset an ille idem sit Philippus pro quo Guillelmus de Joinvilla Remensis & Haymardus de Provinus Sueslonensis Antislites, & Gervasius Præmonstrati Abbas intercesserunt apud Honorium, dicere non ausim licet ad dicendum moveat me Philippi eruditio, cujus monumenta refert Trithemius ante an. 1226. pro accusati Apologia Epistolam suam scripsit Gervasius cum Ordinis clavo federet adhuc, quem an. 1220. deferuit ut Sagiensem adiret Episcopatum, imo cum Haymardus an. 1219. Scherpa Augustinianum induerit & pro Vindictis Cancellarii scripserit Episcopatu gaudens, necesse est an. 1218. nec serius provocatum fuisse ad tribunal Honorii Philippum.

pedes tamen Sanctitatis vestræ corde prostratus humiliter supplico & attente, quatenus eum, in quantum Apostolica permittet honestas, suscipiatis benignè tranſcundo, ita ut si fieri potest, intercessorum suorum preces sibi sentiat & gaudeat profuisse.



## EPISTOLA XI.

*Gervasius implorat Honorii III. auxilium adversus Clarholtenſem Abbatem depositum, Abbatie & fratribus insidiantem.*

**O**PORTET, ut ea, quæ vires parvitatæ meæ tranſcendunt, ad vestram referam Sanctitatem, & quandoque forsitan, secundum quod urgent necessitates, importunior esse compellor. Sanè accidit olim, quod generosus quidam de illustri prosapia Ortus Fridericus (a) nomine, in Clarholtenſi Ecclesia Præmonſtratenſis Ordinis, in Prælatum est promotus, cui cum non fuſſiceret profeſſionis ſuæ paupertas, coepit in brevi aspirare ad Monaſterienſem Eccleſiam, quæ vacabat. Cum autem à quibuſdam, qui adverſabantur ei, & meritò, fuſſet turpiter cum ſuæ tenuitatis conſulione repulſus, datâ iterum occasione, quia non potuit eſſe Epiſcopus, voluit eſſe Abbas mitratus, de ordine nigrorum Monachorum electus à quibuſdam ſeditioſis in Corbienſi Monaſterio in Weſtphalia, quòd Paſtore carebat. Verùm quia adverſabantur ei viri ſortes juſ ſuum viriliter defendentes, de bonis pauperis Eccleſiæ Clarholtenſis conatus eſt tandiù procurare intruſionem ſuam, quòd ex delegatione veſtra, nec non à generali Capitulo Præmonſtrati, pro eo, quòd deſiſtere noluerit, licet admonitus diligenter, ſententiam excommunicationis ſuſceperit: & quia nec ſic potuit coſcrteri, tandem à parvitate meâ. & à capitulo prædicto generali, ſententiam depoſitionis incurrit. nunc autem ſicut homo datus in reprobum ſenſum, & dereliſtus à Deo, quia non poteſt in alios utpote ſortiores, ſuam malitiam exercere, in Religioſum virum Luggerum Abbatem Clarholtenſem ſuccellorem ſuum & fratres ei ſubditos exacuere dentes ſuos tanquam in pauperes indefenſos & diripere bona eorum per ſatellites conſanguineorum ſuorum, ita quod fratres Eccleſiæ, qui Deo ſervire deberent, nudi remanent, & paupertate afflicti, exſpectantes quaſi de die in diem, nec non ſolum quaſi in rebus, verum etiam in perſonis contumelias & injurias patiantur. Cum igitur his omnibus obviari non poſſit, ſecundum quod meretur, niſi per materiam gladium, in quo Dominus Monaſterienſis Epiſcopus majorem, quam aliquis alius, habere dignoſcitur poteſtatem, ſupplico ſanctitati veſtræ, ut vel ſcribatis ipſi Monaſterienſi Epiſcopo, ut coërceat malefactores prædictos, vel quod magis deſidero, Oſnaburgenſi Epiſcopo, ut ipſum Monaſterienſem

(a) *Fridericus quidam de illuſtri proſapia in Clarholtenſi Eccleſia in prælatum eſt promotus, Clarholtum præpoſitura eſt Nobilitum Ordinis Præmonſt. in Diœceſi Oſnaburgenſi, ſub dynaſtia Rhedana à Rudolfo de Steuſfort inſtituta anno 1133. Fridericus ille oriundus de Stirpe Comitum de Tecklenburg Epiſcopatum Monaſterienſem vacantem per Hermannii obitum ambit, ſed prævaluit Otto Comes de Benthem Eccleſiæ Bremenſis Præpoſitus. Vide, infra Epiſt. 104. & 105.*

nientem ad hoc vestra autoritate compellat, ita quòd sepedictus Apostata, vel Ordinis sui obediatis institutis, vel transferat se ad alios Religiosos, qui sunt excellentiores Præmonstratensibus, quibus eligat obedire.

## EPISTOLA XII.

*Gervasius Honorium III. de imposto sibi Visitationis & correctionis munere erga Abbatem & Monachos S. Amandi informat.*

ACCEPIMUS dudum litteras Sanctitatis vestræ, ad instantiam Monachorum Sancti Amandi (a) in pabula, de Abbate, quem habebant tunc temporis, conquerentium, impetratas, ut ad prædictam Ecclesiam personaliter accedentes, ex officio visitationis corrigeremus & reformaremus ibidem ea, quæ lima correctionis & reformationis egerent tam in capite, quam in membris, nos autem mandato vestro, sicut debuimus, obtemperare volentes, emisimus litteras continentes, ut Abbas & Conventus nostrum certâ die expectarent adventum, cumque die statuto venissemus ad locum, exhibita sunt nobis quædam litteræ Præpositi (b) Warinensis, & conjugum ejus delegatorum à vobis, prohibentes sub interminatione excommunicationis, ne procederemus in officio nobis injuncto, nec dicti Monachi nos susciperent ad idem Officiū exequendum, pro eo videlicet, quod Abbatem Sancti Amandi cruce signatum, & Monasterium sibi commissum suscepatis sub Beati Petri protectione & vestra, & ipsum Warinensem & conjuges suos constituatis, per litteras vestras protectionis Apostolicæ defensores. Inspectis itaque litteris, quæ emanarant ad ipsos, licet non videretur quam pluribus discretis viris, & jure peritis, quòd protectio ipsa adversaretur visitationis officio nobis injuncto, quia tamen citatio nostra non apprehenderat Abbatem, qui tanquam sibi conscius, secundum quod postea clarum, in suis absconditis latitans nostram declinabant tam præsentiam, quam examen, præfiximus diem alium, & præcepimus, ut Abbas interim offerentes, eo verò die venit Prior Aquicincti (c) & quidam alii subdelegati cum eo à iudicibus memoratis, fulminantes verbis & comminationibus intonantes, ne præsumeremus procedere, nec Monachi nobis aliquatenus obedire. Sed & ex parte alterâ venit Nuntius cum litteris totiens dicti Abbatis patenter continentibus, quòd Prælationem Ecclesiæ Sancti Amandi penitus resignasset, & habitum Cisterciensium in Clare-Valensi Monasterio suscepisset. Perpenis itaque cum deliberatione circumstantiis negotiū videbentes,

E

- (a) Sancti Amandi Abbatia, tribus à Valencenis distita leucis, in pago & Diocesi Fornacensi secus Scarpam posita.  
 (b) Warinensis, Waren.  
 (c) Prior Aquicincti, gallice Anselm Abbatia Pagi Hammonienfis, ad fluvium Scarpam, binis infra duarum horis.

quod Ecclesia Pastore careret, consulimus Monachis, ut eligerent sibi Abbatem, & nos, si opus esset, postmodum exequeremur officium nostrum tempore opportuno. Cum igitur Monachi ipsi virum Religiosum, sicut credimus, commendabilem & ab omnibus commendatum dictum Walterum ejusdem Ecclesiæ Monachum sibi elegerint in Abbatem, & nos officii nostri executionem suspenderit usque modò, non tam formidantes vesaniam Præfati Warinenfis & conjugum suorum, qui adhuc proterviunt & instigant Monachos contra Abbatem, ut dicitur, quàm instrui desiderantes à vobis ea quæ sunt necessaria, de processu vobis fideliter duximus intimanda, Sanctitati vestræ humiliter supplicantes, quatenus exoneretis sollicitudinem nostram, & secundum justam petitionem Abbatis Sancti Amandi, & Monachorum ibidem residentium, qui pacem quærunt, finem optatum negotio imponatis.



## EPISTOLA XIII.

*Gervasius Stephanum Cantuariensem Archiepiscopum interrogat super  
statu Regni Angliæ & monita insinuat quibus  
irati Regis placetur animus.*

**G**ERVASIUS Stephano (a) Episcopo Cantuariensi. Sine sollicitudine necesse est esse dilectio, nec permittit charitas quiescere cor amantis, donec de dilecti statu aliquid certi cognoverit, unde debeat vel in adversis compari, vel in prosperis collatari. Solebant sanè sciscitanti mihi valde læta de vobis ab intermeantibus responderi, quod illa videlicet dilectionis aurora, quæ post longam irarum caliginem illucescens dudum erga vos serenavit cor Regis, jam in perfectum diem profecerit, adeo, ut non auderet quis casum ponere, quo, qui videbatur fervor, deberet in vespèram declinare. Lætatus sum satis hinc non immerito, quòd inde fuit nacta oportunitas, unde data facultas, ut in multitudine populorum, quæ vestræ sollicitudini est commissa, verbi Dei semina spargerentur, & lucra fierent animarum. Sed dum sustinui pacem, ut multiplicaretur in dies, dum quæsi desiderio mentis bona, ut scilicet lætis lætiora succederent, ecce quidam auribus meis nuper inter alleluja paschali gaudiorum triste aliquid infuderunt, videlicet, quod suscitata dissensio inter Regem (b) & Principes pacem regni turbasset, & iratis invicem, qui

(a) *Gervasius Stephano Episcopo Cantuariensi.* Stephanus cognomine de Langton S. R. E. Cardinalis procurante Innocentio 3. electus est Archiepiscopus Cantuariensis anno 1207, & Viterbii ab eodem Pontifice consecratus, obiit vir eruditione conspicuus 4. idus Julii 1228.

(b) *Suscitata dissensio inter Regem & Principes,* Regem scilicet Henricum 3. & Comites ac Barones Regni sibi insensos, quos expugnata Lincolnia in acie superatos edomuit, unde pax secuta est anno eodem 1217. inter Henricum & Ludovicum 8. Galliarum Regis filium incitorem perduellionis. Ab hujus tamen pacis Beneficio exclusit Anglus, Episcopos, Abbates, Priores qui Ludovico consilium præstiterant & auxilium maxime vero Simonem de Langton, Cognatum Stephani Cantuariensis Archiepiscopi quod vehementer angebat Archiepiscopum velut sceleris conscium, sic enim audiebat apud Regem cui fides suspecta erat ex anteriore discordia quàm sub Joanne Patre Henrici Regis 3. excitasse incusabatur in Conventu Lateranensi, Rege ipso Joanne per suos oratores de crimine rebellionis Archiepiscopum impetente.



regere videbantur, in discrimen tribulationis & angustiarum, qui Regi debuerant offendissent. His igitur auditis incommotis non potui, fateor, non sollicitari pro vobis, attendens nimirum, quia paternè curaretis tumultuantes filios mitigare, hinc plebium pusillanimitatem erigere, quæ præ timore consolationem vix rapiunt, hinc effrænes Principum motus reprimere, quæ præ feritate consilium non admittunt. Non enim potui de vobis præsumere, quòd sine mentis perturbatione possitis videre mala gentis vestræ, nec sine animi cruciatu majorum discordias, minorum formidines; & quod amplius est, intermissa animarum negotia sustinere. Sed postquam iratus fuerit, recordabitur misericordiæ suæ Deus, & rebus per gratiam suam, & laborem vestrum compositis, excocto jam semine lachrymarum; fructum vos faciet colligere gaudiorum, curretque, ut coepit, velociter sermo ejus, per quem in coelestes recubitus gregatim animæ inferentur. Sanè cum, sicut didici, desiderata pax inchoata sit, congratulor non immerito non modicum ipsi paci, quæ licet nondum consummata sit pro voto, quia tamen, ut ait Philosophus, dimidium habet facti, qui coepit, ipsam pacem inchoatam, non censui sine congratulatione debita relinquendam, plenam concipiens ex Dei benignitate fiduciam, quod qui coepit in vobis, ipse perficiet, firmabit, solidabitque, & pacem desideratam jamdiu, concludet exitu glorioso. Sanè quia culpa est, sicut scitis, persequi culpam totam, necesse est propter malitiam dierum præsentium, & frigescentem in pluribus, & sere in omnibus charitatem, ut cum moderamine exerceatur severitas, & aliquid habeat admixtum mansuetudinis rigor Ecclesiasticæ pietatis, ne peccator cogatur contempnere, cum venerit in profundum, & qui delinquit potuit invitari ad veniam, exacerbatus provocetur ad culpam. Profus cum jam Regis ferocitas in parte non modicè mitigetur, per quod dignè potest præsumi de eo, quòd Sanctæ Ecclesiæ sit satisfactorius ad plenum, si tamen tractetur non asperè; Sanctæ Paternitati vestræ consulo, quatenus in causâ Ecclesiæ, pro qua vos Dominus murum opposuit contra eum, in quantum permiserit justitia, & honestas, mansuetudinem exeratis, quæ si fuisset, ut credimus, exerta, jam pridem Ecclesia, pro quâ statis, non inferiorem fuisset gloriam consecuta. Valete.

## EPISTOLA XIV.

*Gervasius Honorii III. protectionem confirmationemque postulat pro Ecclesia de Heiligberg recens fundata.*

**S**ANCTISSIMO Patri & Domino Honorio, & cetera ut in præcedentibus. Vestræ insinuandum censui Sanctitati, quòd Illustris ac Deo devotus G. Comes de Werningerotâ in Terræ sanctæ subsidium profecturus ex assensu quinque Fratrum suorum Præmonstratensi Ordini contulit quemdam locum, vocabulo Heiligbergh, in Bremensi Diocesi constitutum, pro fundandâ ibidem ipsius Ordinis Abbatia, prout ex litteris dicti Comitis, quæ factam donationem confirmant, Vobis constare poterit evidenter.

(a) *G... Comes de Werningerotâ.. Gebhardus Comes Werningerodanus Senior cognominatus, anno 1260. factis sanctus, cujus posteritas in Gebhardo 3. decessit anno 1325.*

Attentissimè igitur Vestræ supplico Sanctitati, quatenus sub eâ protectione, quâ Clementia Vestra Præmonstratensium Ordinem suscepit, locum illum novellum velit suscipere, & donationem dicti Comitis, prout ab eo facta est, per Apostolicas litteras confirmare: ut Fratres Domino servituri eò possint multiplicari ibidem, quò locellus ille Apostolici Culminis favore fuerit ac protectione munitus. Hoc addito; ut Dominum Adulphum (a) Osnaburgensem Episcopum præfati loci & habitatorum ejus constituatis autoritate Apostolicâ defensores, si quis eis post recessum dicti Comitis injustè voluerit adversari. Valeat in Domino Sanctitas Vestra, quam Deus Omnipotens Ecclesiæ suæ conservet incolumem.

## EPISTOLA XV.

*Honorio III. gr̃atias agit Gervasius, ejusque protectionem implorat adversus Archidiaconum S.*

**S**ANCTISSIMO Patri & Domino Honorio, Dei Providentiâ Sacro-sanctæ Romanæ Ecclesiæ Summo Pontifici, Frater Gervasius dictus Præmonstrati Abbas, & ejusdem loci Conventus, cum orationibus devotam obedientiam, & pedum oscula.

Recepinus nuper nuntios nostros à Sanctitatis Vestræ clementiâ redeuntes, quibus ex consuetâ Sedis Apostolicæ benignitate abundantem gratiam impendistis. Gratiam autem ipsis impensam non eâ quâ debemus, sed ea quâ possumus, cum devotione & humilitate, omnimodâ gratiarum prosequimur actione; agentes in nostris orationibus apud Deum, ut, quod parvitas nostra non potest, retribuat piæ Paternitati Vestræ bonorum omnium Receptor.

Verùm quia dicti Nuntii narrationem nostram in quâdam petitione nostrâ minùs sufficienter contra S. Archidiaconum expresserunt: supplicamus Sanctitati Vestræ, quatenus mandatum vestrum in majorem, si placet, rigorem, auditâ plenius narratione, mutetis; ut ab oppressione, quas idem Archidiaconus infert nobis, sub protectionis vestræ præsidio respirare possimus.

Super ipsâ verò querelâ constituimus Procuratores dilectos in Domino Fratres nostros Bartholomæum & Paganum Presbyteros, ratum habituri quidquid super eadem querelâ coram vobis fecerint, vel ambo simul; vel alter eorum (si alterum contigerit quocumque casu abesse.) Valeat in Vero Sanctitas Vestra, quam Deus Ecclesiæ suæ conservet incolumem.

## EPISTOLA XVI.

*Gervasius conqueritur apud Honorium III. de ablata Canonicis S. Joannis, Ambianensis Parochia S. Germani.*

**S**ANCTISSIMO Patri & Domino Honorio, Dei Providentiâ Sacro-sanctæ Romanæ Ecclesiæ Summo Pontifici, Frater Gervasius, Fratrum Præmonst. servus humillimus, cum orationibus devotam obedientiam, & pedum oscula.

Tribu-

(a) *Adulphum Osnaburgensem Episcopum.* Gerardo ad Bremensem Ecclesiam translato anno 1211. Adulphus vir singularis industriz, & devotionis non vulgaris inquit *Cranzsius* l. 7. metrop. c. 19. Episcopus electus est, de Leprosi curatione per eum facta dum viveret, narrat & instar miraculi portendit idem Author & chronicon Osnaburg, apud Meimbomium; obiit anno 1232.

Tribularer & timore concuterer vehemēti, quando turbato per fraudem & malitiam petitorum aere Apostolica lenitatis tonitruosa descendunt ab illā Eminenti Sede mandata, nī scirem quōd etiam ipse Vicarius Jesu Christi, remigem Petri tenens, in similibus potest decipi tanquā homo: cujus diem setenandum esse non dubito, quando discusso per Solem Justitiæ nūbilo falsiatis, veritatis radius elucescet.

Nuper sanē cū Magister Bartholomæus Custos Peronenſis eſſet in Curia Romanā, occasione illorum Nobilium Virorum de consanguinitate (ut dicitur) felicitis recordationis Domini Celestini Papæ tertii atque Vestra (quos reduxit ad propria, cū de manu Illustris Regis Francorum militare cingulum accepissent) à Vobis, sicut asseritur, mediantibus prædictis nobilibus impetravit, ut Ecclesiam S. Germani Ambianensis, (a) quam Canonicè acquisitam Abbas & Conventus Sancti Joannis Ambianensis per suos diu Canonicos procurarunt, Bernardo pauperi Clerico præciperetis per Archidiaconum Atrebatensem, & ejus Conjudices sub conditione conferri.

Iidem verò Judices litteris appositæ non sequi, nec mentem (sicut certissimè creditur) mandatoris: præfatam Ecclesiam per definitivam sententiam adjudicaverunt Clerico memorato; nec ob reverentiam appellationis, quam interpoluerunt ab ipsā sententiā tanquā iniquā prædicti Abbas & Fratres, executionem sententiæ suspendere voluerunt. Creditur etiam quōd Dominus N. faveat Judicibus ipsis occultè, & Clerico pro quo agunt: utpote qui Regulares omnes à Curis Parochialibus libentissimè amoveret, & ad hoc, in Generali Concilio plurimū laboravit; non attendens honestatem quæ creditur esse in Religiosis, (qui etiam cū delinquant, possunt facillè amoveri) nec paupertatem quarundam Ecclesiarum Conventualium, quæ sine Parochialibus Ecclesiis antiquis sibi datis, unde viverent, non haberent.

Dicti siquidem Abbas & Fratres Sancti Joannis (qui in hospitibus recipiendis magis onerantur, quā aliqui Religiosi qui sint in Ambianensi Diocesi, sive Cistercienses, sive alii) attulerunt obventiones Ecclesiæ S. Germani, fabricæ cujusdam Ecclesiæ, quam inchoaverant in sede Conventuali, ut Deo in eā commodius deservirent, & exirent de quadam Capellā veteri & obscurā, in qua utcumque latitant modò tanquā sub caprinis pellibus veteris Testamenti.

Quia igitur non credo quōd membrum tam utile auferre intenderitis Fratribus memoratis, quorum magna est multitudo, ut provideretis unī tantū pauperi Clerico, cui potestis in qualibet unā de multis & quasi innumerabilibus providere: ad pedes Sanctitatis Vestre corde, quia non possum corpore, humillimè provolutus, affectuosè supplico & instanter, quatenus provisionem dicti Clerici in partem aliam convertatis, ne exterminetur de Præmonstratensi Ordine Tribus una, quæ huc-usque in statione suā firmiter figens pedem, viriliter & fortiter per gratiam Dei repulit Jebusæos, & Israëliticum populum confortavit: in cujus læsione, si nullum aliud fuerit vobis damnum, scire potestis quōd quantò rariores, Tribus illa, spirituales per depauperationem suam habuerit bellatores, tantò pauciores habebitis, qui pro

F

(a) *Ecclesia S. Germani Ambianensis.* Hæc parochia intra muros Ambiani, collata est à Widone Comite Ambianensi & Domino Fleſſicurtis in dotem Abbatiæ, eamque donationem ratam habuit Guarinus Ambiani Episcopus anno 1139. cum jam ab anno 1137. Innocentius 2. illam suo confirmasset diplomate.

Vobis manus & corda elevent apud Deum. Valeat in Domino Sanctitas Vestra, quam Dominus Omnipotens Fratribus nostris placabilem faciat & benignam.

## EPISTOLA XVII.

*Pro eadem causa Honorium III. litteris supplicibus conveniunt Abbates.*

**S**ANCTISSIMO Patri & Domino Honorio, Dei Providentiâ Sacro-sanctæ Romanæ Ecclesiæ Summo Pontifici, devotissimi Filii ejus J. (a) Sancti Petri antiquæ Corbeie, P. Sancti Martini de Gemellis, & Sancti Iustiani in nemore, Ambianensis Diocesis Abbates, cum orationibus devotam obedientiam, & pedum oscula.

Divina Providentia Majestatis eâ confœderatione compegit membra Ecclesiæ quam fundavit, ut, læso quolibet uno eorum, doleant universa. Cum igitur de unitate illâ esse velimus, quæ secundum Apostolum *omnes Fideles efficit unum corpus in Christo Jesu*: de læsione charissimorum in Christo Fratrum nostrorum Abbatis & Conventus Sancti Joannis Ambianensis non possumus non dolere; quos Bernardus Clericus, tenuis, (ur dicitur) in litteraturâ, & moribus affligit graviter. his diebus occasione quarundam litterarum Sanctitatis Vestræ, per quas ipsis Ecclesiam Sancti Germani Ambianensis auferre contendit.

Dolendum siquidem nobis est; nec mirum; quia propter charitativam compassionem quâ Fratrum nostrorum compati debemus & compatimur lætationi, timere possumus ne si in ipsis, quos inter alios Religiosos Ambianensis Diocesis quasi lignum viride reputamus, levi suggestionis inaltitose impulsu, talia admittuntur, in nobis, quasi in ligno arido facillè fiat idem.

Attendimus præterea quod nec fama eorum foetet (quod absit) apud eos qui foris sunt, sed fragrat suavi Religionis odore: nec latera pauperum eorum velleribus maledicunt: nec panem suum comedunt soli, propter quod debeant sic affligi: quin potius fametipfos in consolatione, & sua in sustentatione largè & liberaliter erogant pauperibus Iesu-Christi.

His itaque rationibus animati, Clementissime Pater, ad pedes Sanctitatis Vestræ cum ipsis, & pro ipsis, cordis genibus provoluti, cum omni humilitate quâ possumus & instantiâ supplicamus, quatenus dicto Clerico, secundum quod Vobis est facile, provideatis alibi, si tamen curaris promotionem ipsius: & præcipiaris ut pauperes Frates pacificè Ecclesiæ suæ possessione gaudent in futurum, & in tranquillitate cordium suo serviant Creatori, & devotiùs orent pro vobis; & nos ipsi etiam, necnon & alii plenius confidamus, quòd Religiosa loca & personas ad exemplar Venerandæ recordationis vestrorum Prædecessorum, quos temporibus nostris vidimus regere Navem Petri, contra malignarum insultus protegere & defendere velitis. Valeat in Domino Sanctitas Vestra, quam Dominus conservet incolumem, & placabilem nobis reddat.

(a) *Filijs eius J. Sti. Petri antiqua Corbeia, P. Sti. Martini de Gemellis & Sti. Fuffiani in monacho, primus horum Abbatum Ioannes vocabatur, ex priore Argentolii eligitur Abbas, an. 1219. obiit anno 1222. alter Abbas Petrus dicebatur, anno 1209. electus, moritur anno 1249. tertius Radulfus dictus, fuit Abbas S. Fuffiani anno 1215. denasceitur anno 1221. hinc collige epistolam hanc ante annum 1219. scriptam Honorio.*

## EPISTOLA XVIII.

*Abbatēs oñdecim pro eadem causa intercedunt apud S. R. E. Cardinales.*

REVERENDISSIMIS in Christo Patribus ac Dominis Sacro-sanctæ Romanæ Ecclesiæ Cardinalibus universis, J. Sancti Petri antiquæ Corbeiz, P. Sancti Martini de Gemellis, Sancti Fuffiani in nemore, Ambianensis Dioecesis Abbates, & alii inferius notati, salutem & cum orationibus devotissimæ reverentiæ famulatam.

Divinæ Providentiæ Majestatis, & cetera, ut in præcedenti epistolâ. Ego Hugo Sancti Richarii in Pontivo Abbas supplico, & sigillum meum appono. Ego Richerus Abbas S. Walerici. Ego Guido Abbas Sanctæ Mariæ de Augo. Ego Hugo de Ulteriori Portu. Ego Erardus Sancti Luciani Bellovacensis. Ego Rogerus Hamensis. Ego Petrus S. Quintini Bellovacensis. Ego Gualterus de Monte Sancti Quintini. Ego Reinaldus Sancti Projecti. Ego Mathæus Sancti Quintini de Insulâ. Ego Baldwinus Sanctæ Mariæ de Humblieres. Ego Mathæus Sancti Nicolai de Ribemont. Ego Eustachius Sancti Petri de Honcourt. Ego Hugo Sancti Sepulchri in Cameraco. Ego Bertinus Sancti Auberti in Cameraco. Ego Rogerus Sancti Joannis Morinensis. Ego Odo Sancti Vedasti Atrebatensis. Ego Desiderius de Montè Sancti Eligii, Abbates. Omnes isti apposuerunt sigilla sua litteris supra scriptis.

## EPISTOLA XIX.

*Gervasius rursus Honorium precibus laceffit pro restitutione  
Ecclesiæ S. Germani.*

SANCTISSIMO Patri & Domino Honorio, & cetera, ut in præcedentibus.

Scripti Sanctitati Vestræ dudum juxta quod sciui & potui humillimè supplicando, ut Abbatem & Fratres Sancti Joannis Ambianensis misericorditer & piè respiceretis tanquam graviter & injustè afflictos, liberaretis eosdem ab impetitione Bernardi Clerici, qui ipsos super Ecclesiâ Sancti Germani Ambianensis non mediocriter damnificavit laboribus & expensis, occasione quarundam litterarum, quas per subreptionem impetravit a Vobis, usque adeò (sicut dicitur, & ego credo) quòd Ecclesiâ deducta in litem usque ad septennium, non solveret expensas jam factas, præter illas quæ jam imminent faciendæ. Multi siquidem boni viri (inter quos inferui preces meas, licet aliorum peripsa) supplicaverunt Pietati Vestræ per litteras suas pro Abbate & Fratribus memoratis: nec video sufficientem causam, quare Clericus valde tenuis (pro-ut dicitur) in litteraturâ & moribus, tantam apud Vos debeat gratiam invenisse, ut tot Religiosis viris ad serviendum Deo congregatis in unum, plagam incutiat Indignationis Vestræ tam duram; ut in favorem unius personæ, quam multipliciter potestis ditare, si vultis, tot bonos viros depauperare velit.

Cum igitur eidem Clerico in Ecclesiâ Sancti Germani, de qua agitur, nihil omnino juris accedat, nisi tantummodò ex litteris vestris, & ex Vestræ Beneplacito Sanctitatis; nec aliquis de intentione Vestra judicare possit vel debeat melius, quàm Vos-ipsi: nesciens quomodò atque quomodo supplicem, quàm



Abbati infirmitate oppresso totam administrationem in temporalibus, & commisit eam cuidam Capellano suo Clerico seculari, & dissolutis prædictis: qui non sine gravi scandalo inordinatè viventes & dilapidantes Ecclesiæ bona, Abbati suo & Abbati Sancti Samuelis, qui est Pater Abbas loci, omnimodam obedientiam & reverentiam denegarunt: confortati nimirum à dicto Archiepiscopo, qui gerit se procuratorem vestrum, ut Jura vestra conservet, asserens Ecclesiam illam Vobis tantum debere obedientiam, & Præmonstratensi Ordini in nullo penitus respondere.

Cum igitur eadem Ecclesia à primâ fundatione suâ obedierit & Ordini & Ecclesiæ Præmonstratensi; & receperit, tam prædicationem, quam correctionem ab ea per Abbates Sancti Samuelis de Barolo successivè; & ordinatoribus, necnon & correctoribus suis onerosa fuerit non mediocriter in expensis; nec temporalem, nec spirituales fructum reddiderit usque modò: Sanctitati Vestræ humiliter supplico & devotè, quatenus, si placet Vobis, ut per Præmonstratensem Ordinem de cætero gubernetur, prædicti Archiepiscopi sua potius, ut videtur, quàm ea quæ sunt Vestra querentis, Apostolica severitate reprimatis insultus: & Abbati Sancti Samuelis de Barolo firmiter injungatis, ut Ecclesiam prædictam (eliminatis Belial, qui jugum obedientie dedignantur) ordinet in personis, quæ sacrificent Deo sacrificium laudis; & illorum, qui modò sunt, foetorem in suavis odoris oblectamenta commutent. Valeat in Domino Sanctitas Vestra, & cætera ut in præcedentibus.

## EPISTOLA XXI.

*Gervasius rogat Brundusinum Archiepiscopum ut ab illato gravamine  
Abbatie Parvi Pontis absterneat & emendet.*

REVERENDO in Christo Patri & Domino P. (a) Dei gratiâ Venerabili Archiepiscopo Brundusii, Gervasius, ejusdem patientiæ Præmonstrati dictus Abbas Salutem & cum orationibus sinceram ad obsequia voluntatem.

A primis diebus quibus vestram in notitiam veni, hanc habui de vestra honestate fiduciam, quòd ad altiora promoti semper æquitatem deberetis diligere, & illis præcipuum impertiri favorem, qui morum curarent, atque Ordinis honestatem. Specialiter autem (ut aliquid pro me loquar) eam me credebam apud vos invenisse gratiam, quòd non-nisi ex magna & evidenti causa meam offenderetis personam; nec Ecclesias vel personas, quæ meæ sollicitudini sunt commissæ, aliquatenus læderetis.

Nuper sanè mihi est significatum, quòd ad suggestionem quorundam, qui in Ecclesia S. Mariæ de Parvo Ponte (quæ est Præmonstratensis Ecclesiæ Filia specialis) dissolutè viventes pacem ipsius non modicùm turbaverunt, secessistis in res ipsius Ecclesiæ quasi pro Sedis Apostolicæ reverentia manum mitti, eripientes Abbati loci omnimodam in temporalibus potestatem.

G

(a) Reverendo in Christo Patri ac Domino P... Dei gratiâ Venerabili Archiepiscopo Brundusii... Peregrino qui ex Canonico Alteni creatus est ab Honorio 3. Brundusinus Archiepiscopus anno 1216. obiit anno circiter 1223. post cujus mortem diu vacavit Ecclesia Brundusina. Habetur Epistola Honorii inscripta Peregrino qua prohibet omnibus ad portum Brundusii venientibus, ne cum Theodoro excommunicato communicent.

Cùm igitur Reverendæ memoriæ Dominus Innocentius Papa III. nunquam intenderit eam eximere ab Ordinis disciplina, licet eam habere voluerit in quibusdam ad Apostolicam Sedem immediatè respectum, ut per hoc fortior esset adversus malitiam secularem: venerandæ Paternitati vestræ affectuosè supplico & attentè, quatenus ad exemplum pii Patris prædicti (qui dictum locum suâ protectione munivit, ut in eo tantò amplius vigor & rigor Ordinis haberetur, quantò ab insultibus malignorum suâ esset defensione securus) à capto gravamine per gratiam vestram desistatis; foveatis in loco Ordinem Præmonstrati, & prædictos dissolutos à sua sustineatis malitia per eundem Ordinem coerceri.



## EPISTOLA XXII.

*Pro eadem causa interpellat Gervasius protectionem Cardinalis  
tituli S. Adriani.*

REVERENDISSIMO Patri & Amantissimo Domino St. Dei gratiâ S. Adriani venerabili Diacono (\*) Cardinali Gervasius, Fratrum Præmonstratensium servus humillimus, Salutem & cum orationibus sinceram ad obsequia voluntatem.

Cùm me aliquod vel pulsât incommodum, vel urget necessitas, nescio ad quem potius tribulatus confugiam, quàm ad eum, quem auxilium ferre & posse scio, & velle confido. Meum est enim Ecclesiis, quæ Præmonstratensem Ordinem profitentur, & compati universis, ac subvenire pro posse; & reputare me læsum, quoties illarum alicui vel insertur læsio, vel injuria irrogatur.

Nuper sanè significatum mihi, quòd Reverendus Pater P. Archiepiscopus Brundusinus (quem credebam Ordini Præmonstratensi multum ob nri gratiam parcere ac deferre) ad suggestionem quorundam, qui in Ecclesia Sanctæ Mariæ de Parvo Ponte Brundusi (quæ est Præmonstratæ Ecclesiæ Filia specialis) dissolutè viventes, pacem ipsius non modicùm turbaverunt, in res ipsius Ecclesiæ fecit, quasi pro reverentia Sedis Apostolicæ, manum mitti, eripiens Abbati loci omnimodam in temporalibus potestatem.

Cùm igitur Reverendæ memoriæ Dominus Innocentius Papa III. nunquam eam intenderit eximere ab Ordinis disciplina, licet eam voluerit in quibusdam habere ad Apostolicam Sedem immediatè respectum, ut per hoc fortior esset contra malitiam secularem: venerandæ Paternitati vestræ affectuosè supplico & attentè, quatenus per litteras vestras (quas in hac parte credo multam esse efficaciam habituras) dictum Dominum Archiepiscopum moneatis, ut à præfati loci vexatione desistat, & in protegenda Ecclesia illa, se pii Patris memorati constituat adiutorem, petmittens, imò & cooperans, ut in ea &

(\*) Reverendissimo Patri & amantissimo Domino Dei gratiâ S. Adriani Venerabili Diacono. Stephanus vocabatur, & titulo S. Adriani post obitum Gerardi, ad Fridericum Siciliæ Regem quondam ablegatus, sufficitur ab Innocentio 3. variis diplomatibus ab Honorio 3. datis Ordini Præm. apographum apposuit.

Sub iisdem verbis, & pro eadem causa scripsit Gervasius Raynero S. Mariæ in Cosmedin Cardinali Diacono, variis in Hispania legationibus pridem perfuncto, ad pncis Reges inter procurandæ finem, sicut & in Vasconia, ad compressionem Hærescos Albigenium.



bonorum soveatur Religio, & dissolutè viventium malitia compescatur: moveor enim eò amplius super afflictione loci indebita, quò rarius ei possum à tam remotis partibus subvenire.

*Idem per omnia scripsit Domino Reinerio Sancta Maria in Cosmidin Diatono Cardinali.*

## EPISTOLA XXIII.

*Gervasius Abbatem de Parvo Ponte graviter increpat de subinducta in domum suam regula laxiori.*

**G**ERVASIVS Dei patientià Præmonstrati dictus Abbas, Venerabili in Christo Fratri R. Abbati Sanctæ Mariæ de Parvo Ponte Brundusii, salutem & sinceram in Domino charitatem.

Scribimus tibi tanquam homini, de quo nescimus utrum mortuus sit, an vivat? verumtamen, quia mortuis non scribitur, præsumentes utcumque de vita, Fraternitatem tuam attentè monemus, quatenus si convaluisti de infirmitate corporis, quâ (sicut dicitur) laborasti, in maiorem solitò animi vigorem confurgas; ut observantia Religionis in domo tuâ vacillans per tuam, si fieri potest, sollicitudinem refortetur, secundùm quod sperabamus de te quando te misimus sicut sagittam electam ad sagittandos adversarios Jesu Christi, non sine multo (quod meminisse deberes) gravamine expensarum.

Quid fecisti, homo miserrime? quid fecisti, quando (si tamen verum est) visitationem & correctionem recepisti ab Archiepiscopo Brundusino, & coram eo de inquisitione faciendâ præstitisti corporaliter juramentum? quis unquam Prædecessorum tuorum hoc fecit? nunquid ad hoc missus fueras à nobis? nunquid timebas nè tibi decisset panis Ordinis, si rediisses? vel quod te incarceraret Archiepiscopus Brundusinus, qui in te nihil juris habebat? siquidem super his omnibus eras merito gravissimè puniendus; sed parcimus infirmitati tuæ, parcimus & incolatui tuo, parcimus etiã tibi, dilecto nostro, quem dileximus à multis retro temporibus affectione sincerâ.

Tu ergo si videris quòd constringere possis ad pristinas vires corporis atque cordis; ita quod sufficiat ad Ecclesiam defendendam, & ad recuperandas pristinas libertates, viriliter age, & esto robustus & neminem reformides. Verùm si tanta aut corporis aut animi infirmitate laboras, quòd Ecclesia tibi commissa abeat in deteriorem statum, pro eo quòd ei subvenire non potes; consulimus discretioni tuæ & monemus eandem, ut in manus venerabilis in Christo Fratris Abbatis Sancti Samuelis de Barolo, Prælationem tuam resignare procures, vel reverfus ad nos, vel apud Sanctum Samuelem, si volueris, moraturus. Valeas in Domino, qui Spiritum consilii cordi tuo infundat.

## EPISTOLA XXIV.

*Gervasius committit Abbatem S. Samuelis de Barolo pro visitanda abbatia Parvi Pontis.*

**G**ERVASIVS Dei patientià Præmonstrati dictus Abbas Venerabili in Christo H. Abbati Sancti Samuelis (\*) de Barolo salutem & sinceram in Domino charitatem.

(\*) *Abbati S. Samuelis de Barolo.* Hæc Abbatia in diocesi Tarentina & Ducatu Apuliz sita, à Præmonstratensibus ad alienos transiit.

Attulit nobis exultationis non modicum, vestrarum prima facies litterarum; quarum, si finis respondisset principio, non deesset nobis in hac parte lætitiæ plenitudo. Exultavimus enim & lætati sumus; sed & grates egimus Deo Patri, audientes quòd unanimes habitetis in domo, & sit vobis in Domino anima una & cor unum: & quòd, licet foris fatiget vos mundus (utpote qui senescens in malo, semper in deteriora se porrigit) intus tamen spe mercedis æternæ gaudetis circa Divina obsequia intenti pariter ac devoti.

Adauxit autem nobis lætitiā, quòd, sicut dicitis, nihil de Ecclesiā Sancti Petri de Camerac (a) nobis scribere scivistis, nisi bonum. Verūm nulla fides Coelo quod manet rutilat; sed nec litteris, quarum frontem serenam textus subsequens decolorat. Subiunxistis siquidem quòd nihil nobis scribere poteratis super statu Ecclesiæ S. Mariæ de Parvo Ponte Brundusij, nisi malum &c.

Licet igitur rogaveritis nos, ne committeremus vobis negotium correctionis, utpote quod longè excedit & superat vires vestras: quia tamen non videmus ad præfens quomodò à partibus tam remotis possumus occurrere tanto malo, nec notæ sunt nobis aliquæ personæ Ordinem nostrum in Apuliā profectas, quarum humeris audeamus imponere tantum onus: Fraternitatem vestram rogamus, ac mandamus vobis, sed & in obedientiæ virtutē præcipimus, & in remissionem injungimus peccatorum, quatenus ad dictum locum personaliter accedentes, cum nostrā & Ordinis autoritate omnimodā, & plenitudine potestatis, modis omnibus videritis expedire, subveniat Ecclesiæ laboranti, non aliter compescentes malitiam perverforum, quā ut eliminati omnino nullum de cætero recursum habeant ad afflictā Ecclesiā, quā infamant.

Porro si creditis quòd sibi cornua sumant dissoluti ex defectu Abbatum, qui (ut dicitur) est remissus corde, infirmus corpore, invalidus in utroque: moneri eum faciatis ut cedat: cujus demissione susceptā, instituat alium loco ejus, qui pro malis reprimendis cor habeat, & pro Ordine reformando, resistenti cuilibet se opponat.

Ad hoc, quia pravi quilibet facilius insolecunt quando repressorem à remotis expectant, & sollicitius sibi cavent quando correctorem è vicino reformidant: volumus ut Ecclesiā illam reputetis vestram filiam specialem, sicut à principio nōscitur extitisse: ut in vicino positi immineatis cervicibus malignorum, si fortè contra Ordinem eos coluber lividus assumere voluerit in ministros: illos autem qui digni inventi fuerint, ut in loco resideant, faciatis jurare super Sancta; quòd nunquam Paternitatis vestræ jugum, vel successorum vestrorum à se tentabunt excutere quoquo-modo. Flagitiosos siquidem, si vestræ ordinationi resisterint, autoritate Ordinis atque nostrā, excommunicationis sententiæ supponatis, & denuntietis publicè eos eādem sententiā involutos, donec satisfacturi veniant Præmonstratum: nisi ita tolerabilis fuerit eorum rebellio, quòd vos volueritis circa eos misericorditer dispensare.

## EPISTOLA

(a) *Sancti Petri de Camerac*, est etiam abbatia Ordinis Præmonst. diocesis Policastrensis in Regno Neapolis.

## EPISTOLA XXV.

*Gervasius Archiepiscopum Trentinum exorat, ut Abbatem S. Samuelis in executione commissi muneris confortet.*

**R**EVERENDO in Christo Patri & Amantissimo Domino Bartholomæo (a) Dei gratia Venerabili Tranensi Archiepiscopo Gervasius, dictus Præmonstrati Abbas salutem & cum orationibus sinceram ad obsequia voluntatem.

Paternitati vestræ, de cuius Religione ac sinceritate confido plenius, attentè & obnixè supplico, quatenus virum Religiosum Abbatem Sancti Samuelis de Barolo in procurando viriliter quodam, quod injunximus ei, negotio confortetis: ne per ejus pusillanimitatem in castrum Domini Sabaoth irruptionem faciat inimicus ille homo, qui debellat virtutes, introducit propagines vitiorum. Qualitatem autem negotii, quod vobis videretur fortassis narratione prolixum, exponet vobis memoratus Abbas Sancti Samuelis, qui negotium totum novit.

## EPISTOLA XXVI.

*Gervasius à Friderico II. Imperatore postulat confirmationem cessionis Monasterii Sti. Quirici in Umbria.*

**I**LLUSTRI & Excellentissimo Domino Frederico Dei gratiâ Serenissimo Romanorum Regi semper Augusto ac Regi Siciliæ, Gervasius, ejusdem patriæ Præmonstrati dictus Abbas, salutem & cum orationibus paratam ad obsequia voluntatem.

Discretionem Regiam arbitror satis nosse, quod qui suo confirmat assensu & munit privilegio, quod ab aliis noverit esse concessum, ex confirmatione præstita in se trahit meritum concedentis: nec eo apud Deum inferior æstimatur in præmio, licet posterior videatur in dono.

Sanè, cum anno præterito (b) essem in Lateranensi Concilio constitutus, venerandæ memoriæ Dominus Innocentius Papa III. Monachos à Monasterio Sancti Quirici in Trodoco, pro eo quod Abbatem suum necaverant & luxuriosè viventes dissipaverant bona loci, fecit expelli, eisque per diversa Monasteria collocatis, commisit Ecclesiam illam mihi, ut ei facerem per Fratres Præmonstratenfis Ordinis deserviri.

H

(a) *Bartholomæo Tranensi Archiepiscopo.* In Elencho Archiepiscoporum Tarentin. apud Ughellum, non occurrunt Bartholomæus, nisi ille sit quem tacito nomine, post Gualteri 2. obitum anno 1216. contra juris formam electum refert ab Honorio 3. amotum fuisse anno 1218. in cuius locum Nicolaus 2. anno 1219. Archiepiscopus subleclus est.

(b) *Sane cum anno præterito,* anno 1215. in quo Lateranense concilium coluit, Gervasius Abbatiam Sti. Quirici pulsus inde monachis patricidis, accepit ab Innocentio 3. hæc in Umbria, & diocesi Reatina sita est. Licet verò Ecclesiastica potestate, in eam Præmonstratenfium agmen immisisset Gervasius, voluit & seculari Imperatoris auctoritate à quo Spoletanus pendebat ducatus, in possessione adita confirmari, ita suadente Honorio Pontifice.

Cùm igitur miserim Fratres conversatione honestos, ac Religione probatos, & Reverendus Pater Honorius, qui in Apostolicâ Sede nunc agit, Serenitati Vestræ scribendum duxerit pro iisdem: precibus tanti Patris annectendas censui preces meas, Magnificentiæ Regiæ supplicans humiliter & attentè, quatenus Monasterium memoratum sub Vestrà velitis Protectione suscipere, & concessionem Apostolicam Vestro Privilegio roborare: ut Fratres ibidem commorantes tantò sint apud Deum pro Vobis in oratione devoti, quantò à malitiâ seculari, Vestrà fuerint defensione muniti.



## EPISTOLA XXVII.

*Fridericus II. Imperator translationem Abbatie Sæi, Quirici ad Præmonstratenses laudat & approbat suo diplomate anno 1217.*

**F**REDERICUS Dei Gratiâ Romanorum Rex semper Augustus & Rex Siciliae, per præsens scriptum notum facimus tam præsentibus, quàm futuris quòd Nos Divinæ pietatis intuitu, & pro remedio animarum Divorum Augustorum Patris & Matris nostræ felicitis memoriæ; pro nostrâ quoque salute, de gratiâ & consuetâ benignitatis clementiâ, Monasterium Sancti Quirici in Diocesi Reatinâ, Abbatem ipsius, & Fratres cùm hominibus & obedientiis, Castellis, villis, & omnibus possessionibus suis, tam mobilibus, quàm stabilibus sub Nostrâ speciali Protectione ac defensione recepimus: Ordinem quoque & habitum, in quem olim Dominus Innocentius Papa ipsum Monasterium commutavit, ratum habemus, & ipsum præsentis scripti robore perpetuo confirmamus: mandantes & firmiter statucentes, ut nullus de cætero prædictum Monasterium de prædictis omnibus quæ nunc habet & possidet, & de his quæ dante Domino poterit iustis titulis adipisci, impedire aut molestare præsumat. Ut autem hæc rata & firma permaneant, præsens scriptum fieri curavimus, & sigillo nostræ Celsitudinis roborari. Datum apud Hagenovue Anno Dominicæ Incarnationis millesimo ducentesimo septimo-decimo, mense Aprilis, Indictionis quintæ, regnante Domino nostro Fredrico, Dei Gratiâ Magnifico Romanorum Rege semper Augusto & Rege Siciliae: Anno Romani ipsius Regni in Germaniâ quinto, & in Sicilia nono-decimo, feliciter Amen.



## EPISTOLA XXVIII.

*Respondet Gervasius ad interrogata Abbatis Sancti Quirici.*

**G**ERVASIVS Dei patientiâ Præmonstrati dictus Abbas, Venerabili in Christo Fratri G. Abbati S. Quirici salutem & sinceram in Domino Charitatem.

Quid actum sit de pecunia quam minùs sapienter asseritis Ecclesiæ vestræ fuisse collatam, tam per litteras nostras, quàm per Fratrem Richardum Canonum vestrum, latorem præsentium poteritis & debetis plenius edoceri.

Ad hoc autem quòd quaritis, utrum consilio Domini Leonis in omnibus acquiescere debeatis? respondemus quòd ita, cùm sit vir consilio providus, & vestræ domui bona volens. Videatis tamen ne ignem in sinu vestro minùs provide abscondatis: absconderetis etenim, si vel ex ejus,

vel ex alterius consilio reciperetis in claustrum vestrum Monachos Abruchiae, (a) qui nostrum voluerint Ordinem profiteri : sunt etenim Longobardi, astutissimi supra modum, & à diebus antiquis exercitati in adulationibus fraudulentis.

Præterea quia quæsitis, utrum vobis liceat distrahere libros vestros? Novitis quod satis nobis placet & bene volumus quod libri Ecclesiastici, & Monachorum Ordini congruentes (si quos habetis) vendantur ita, ut in alios libros vel comparandos, vel scribendos eorum pretium convertatur.

## EPISTOLA XXIX.

*Gervasius Fratrem Bartholomæum Visitatorem Sancti Quirici deputat.*

**G**ERVASIUS Dei patientiâ Præmonstrati dictus Abbas, Venerabili in Christo Fratri G. Abbati Sancti Quirici & charissimis Filiis ejusdem loci Fratribus, salutem & sinceram in Domino charitatem.

De vestro tam spiritali, quam temporali statu paternam, prout tenemur, gerentes sollicitudinem, Fratrem Bartholomæum, nobis & vobis in Christo charissimum, ad Ecclesiam vestram cum autoritate præsentium, gratiâ faciendæ Visitationis, & impendendæ vobis ex parte nostrâ consolationis, duximus destinandum : mandantes & præcipientes quatenus ad ejus consilium, si quæ in vobis corrigenda fuerint, salvo statu Capituli, corrigantur : & quæ secundum Deum, & Ordinis instituta fuerint reformanda, prout ipse ordinaverit, à vobis tanquam obedientiæ filii firmiter observentur.

## EPISTOLA XXX.

*Gervasius Cardinali Leoni secretum cordis aperit super revocatione Abbatis Sancti Quirici.*

**L**EONI (b) titulo Sanctæ Crucis in Jerusalem Venerabili Presbytero Cardinali Gervasius. Cum præsentium lator frater Bartholomæus consanguineus meus per me transitum faceret ad Apostolicam Sedem supplicandi gratia processurus, rogavit, ut scriberem vobis pro eo, quem habuistis semper in gratiâ, ultra quam ego petere præsumpseram. Ut igitur non solum satisfaciâ postulanti, verum etiam ut habeam occasionem salutandi humiliter Paternitatem vestram, & suggerendi vobis meæ memoriam parvitatis, scribo vobis pro eo, hoc solum petens

(a) *Monachos Abruchia*, hoc est Aprutii, gallicè *Labrousse*, provincia Neapolitani Regni, vetat Gervasius ut ad professionem in Ordine Præm. & in Abbatiam Sti. Quirici admittantur, sunt enim, inquit, *Longobardi*. Quid velit hoc epiteto innuere Gervasius, ambiguum est: an quia ex Mediolanensi ducatu, aut Pedemontana ditione erant oriundi? an quod seneratores & usurarii, aut usurariorum filii erant? haud scio. Putarem hoc nomine, quod convitium sapit, aut morum accusat pravitatem, innuere voluisse, monachos tales, quales è Sancto Quirico expulsi Innocentius 3.

(b) *Leoni titulo Sanctæ Crucis in Jerusalem Venerabili Presbytero Cardinali Gervasio*. Ille Leo ex Capellano Innocentii 2. in Senatum Cardinalium coopatus est anno 1216. cum antea ab eodem Pontifice ad Calo. Joannem Regem Bulgarum deinde in Germaniam annis 1204, 1206, 1207 & 1208. ablegatus fuisset.

& fufficere arbitratr abundanter, ut folitâ gratiâ non privetur. Carterùm quia de Ecclefia Sancti Quirici, quam fcio vos diligere plurimum, non poffum non effe follicitus, utpote circa quam aliquantulùm laboravi, & feci expenfas, anxietatem cordis mei, quæ furgit ex eâ, vobis cenfui detegendam, ut vos, fi placeat, & fieri poteft honeftè, confilium apponatis. In principio liquidem cum ordinaretur locus ipfe, præcipua intentio mea fuit, ut perfonæ Religiofæ ponerentur in loco, & Abbas faltẽ effet aliquiditer literatus. Hac autem intentione ductus de confilio plurimorum de mittendis ad locum perfonis, fecundùm quòd prius conceperam, ordinavi. Abbas in rei veritate literatus eft & fecundùm quòd certiffimè credo, valdè Religiofus, fed ficut nunc credo certius, quàm solebam, ita fimplex, ut videatur effe quafi planta vitis infixæ terræ, quæ virorem fuum fuum tantummodo retinens, nec in latum extendit palmites, nec in profundum extendit radices fine fructu & fine propagine, moritura, maxime cum nec in fratribus recipiendis, quòd pertinet ad fpirituale ædificium, nec in officinis conftituendis, quòd pertinet ad temporale cõmodum, proficere aſſeratur, nec in negotiis Ordinis fui in Romanâ curiâ promovendis in aliquo fructuosus exiſtat. Proin fi procurari poſſet honeſtè vellem ut perſuaderetur Abbati oftensâ ei inſufficienciâ ſuâ, ut infra inſtantiem Nativitatem Beati Joannis Baptiſtæ in Franciam remearet, relaxationem ſuper Prælationis ſuæ officio petiturus, turpè namque videretur mihi pro eo, quòd familiaris meus eſt, & Primus Abbas loci per innovationem, ipſum à partibus tam remotis, & quafi de ſub alis Sacro-Sanctæ Romanæ Eccleſiæ, datæ mihi authoritatis imperio turpiter revocare: Si autem contigerit, quòd Paternitas veſtra conſilium iſtud acceptet, & quòd idem Abbas de reſignandâ adminiſtratione ſuâ veſtro conſilio acquieſcat, ne Eccleſia periclitetur per diutinam ſive abſentiam, ſive carentiam præſidentis, miſi vobis litteras in cedula corii ſigillatas, in quibus committo veſtræ manſuetudini vices meas in recipienda reſignatione ipſius Abbatis.



## EPISTOLA XXXI.

*Gervafius morem & modum quem tenuit in adminiſtratione Abbatie  
S. Quirici apologeticè exponit Leoni Cardinali.*

**L**EONI titulo Sanctæ Crucis in Jeruſalem preſbytero Cardinali, Gervafius. Reſpondiſti nuper humilitati meæ per litteras veſtras ſuper quibusdam pertinentibus ad Eccleſiam Sancti Quirici, de quibus ſcripſeram vobis olim & ſatiſfactum eſt mihi, quas vobis porrexì, licet deſiderarem, quòd aliter eveniret, quia, ne haberent effectum, verecundia, quæ eſt valdè favorabilis, impedit. Verum, quia in calce litterarum veſtrarum erat expreſſum, quòd circa curam prædictæ Eccleſiæ mea videbatur diligentia tepuiſſe, vellem ſi placeret, qualiter ipſi Eccleſiæ prodeſſe poſſem, per vos expreſſus edoceri. In primâ enim ſuſceptione loci, ſeci expenſas magnas, & miſi perſonas libris, & veſtibibus & expenſis honeſtè munitas, quas loco impoſterùm credidi profuturas, & poſtmodum plures miſiſſem, niſi Abbas diſſuaſiſſet, paupertatem ſuam allegans, cum eum de mittendis pluribus præmonuiſſem. De ſpiritualibus autem credo, quòd non poſſim juſtè culpâri, cum deſtinaverim ad eam viſitatores idoneos, & corrigi ſecerim ea, quæ

quæ credidi corrigenda. Vidi siquidem Monasterium Sancti Martini de *Viterpio*, & Monasterium de *Cathacumbis* in spiritualibus, & in temporalibus languere diu à multis temporibus retroactis, & vos ipsi, sicut credo, vidistis hoc ipsum, donec Sanctæ recordationis Innocentius Papa tertius, & Dominus Cancellarius, (\*) & etiam Reverendus Pater Stephanus titulo duodecim Apostolorum ptesbyter Cardinalis loca ipsa in statum erigerent meliorem suâ sollicitudine & expensis, nec in aliquibus aliis locis vidi, quòd Patres Abbates Cisterciensis Ordinis, qui multò plus abundant in rebus, quàm Præmonstratenses, magnas secerint expensas, ut subditas sibi filias Ecclesias promoverent, nisi ipsas expensas reciperent aliundè, quàm de suo. Quod autem prohibui, ne Abbas Sancti Quirici nova construere attentaret, eâ feci intentione pariter & cautela, ne per simplicitatem suam immergeret se in pelagus debitorum, quod evadere nec sciret, nec posset; attamen si creditis, quod eodem loco, vel in prædictis, vel in aliis, quæ usque ad tempora in meam memoriam non venerunt, possim aliquatenus subvenire, paratus sum ea reverenter audire à vobis, & humiliter obedire.



## EPISTOLA XXXII.

*Eidem Cardinali commendat Abbatiam Sancti Quirici &c.*

**L**EONI Cardinali, Gervasius &c. Susceptis Paternitatis vestræ precibus dilectum in Domino Gerardum Abbatem Sancti Quirici super eo, quod non venit ad generale Capitulum Præmonstratense, & apud me ipsum habui excusatum, & cum apud alios excusavi. Potrò quia idem Abbas longè positus est à me; ita, quod nec ei possim aptatum præstare solarium, nec Ecclesiam suam, sicut oportet, personaliter visitare, supplico vobis humiliter, & instantèr, quatenus pia Paternitas vestra in negotiis suis, in quantum honestas vestra permittet, contra malefactores suos tam Abbati, quàm fratribus esse dignetur defensio & munimen, & stimulus quandoque, si placet, exhortantis pariter & imbuentis, ut benè agendo viriliter se accingant. Caterùm quia Præmonstratenses contra plerosque alios, & alii licet pauci, contra Præmonstratenses, quasi exasperati de privilegiorum suorum decurtatione protervè contendunt ad retinendas decimas laborum, quas per longum tempus, ante Concilium, & alicubi etiam post Concilium pacificè possederunt, sciatis, me velle, quod tam nostris, quàm aliis in perpetuum super decimis laborum usque ad Concilium sine contraditione solutis, imponetur silentium. Licet nulli magis quàm Præmonstratenses damnificari debeant in hac parte, maximè cum constet, quòd nulli moderatiùs ipsis, fuerint hoc privilegio temporibus retroactis.

## I

(\*) *Dominus Cancellarius*, Joannes qui ex Capellano Innocentii 3. creatus est ab eodem Pontifice Cardinalis Diaconus tituli S. Mariæ in Cosmedin, & Cancellarius S. R. E. Eo nomine ab anno 1207. Innocentii bullas scripsit, ut videre est apud Balisium in collectione Epistolarum hujus Pontificis anno 1682. edita Parisiis.

## EPISTOLA XXXIII.

*Archiepiscopus Tyrensis Gervasium rogat, ut collectas ipsi ab Apostolica auctoritate commissas pro sacra expeditione fieri procuraret quam citius per se vel per vicarios.*

**R**EVERENDO in Christo Fratri & amico speciali Gervasio Abbati Præmonstratenſi, S. (a) Dei gratiâ Tyrenſis Archiepiſcopus Salutem in vero Salutari.

Revertentes à Flandria per oppidum Peronenſe, multos audivimus conquerentes ſuper eo, quòd nec in propria perſona, nec per Vicarium aliquem, negotium vobis Authoritate Apoſtolica à nobis commiſſum fueritis executi. Id ipſum audivimus à Noviomeniſibus & Cathalaunenſibus Canoniciſ, quòd nec in partibus ſuis negotium prædictum conſummatum fuerit, vel etiam inchoatum.

Veruntamen cùm corporali ægitudine, ſollicitudo veſtra fuerit impedita (unde plurimum dolemus) & negotium iſtud non capiat dilationem: diſcretionem veſtram rogamus attentius & hortamur, quatenùs vel in propria perſonâ, vel per vicarios ad hoc ſufficientes & idoneos, ad Noviomeniſem & Cathalaunenſem Dioceſes accedatis; & ibidem ordinetis perſonas prudentes & fideles atque omni ſuſpicionem majores, quæ negotium ipſum prudenter & celeriter exequantur (Epiſcoporum tamen conſilio mediante) cùm enim in aliis Dioceſibus Epiſcoporum conſiliis uſi fuerimus, turpe eſſet & abſonum, iſtos ſolos ab executione negotii excipi & excludi: ſed ita eos in partem ſollicitudinis volumus evocari, ut ipſi nihil ſine ſuis conſentientibus, ſed illi poſſint exequi ſine iis.

Cùm autem iſtud negotium in aliis Dioceſibus ſerè jam fuerit terminatum, neceſſarium eſt in iſtis quoque Dioceſibus, ut infra menſem, vel paulò poſt, executioni demandetur, ſi tamen fieri poterit competenter. Renuntiate nobis de ſalute corporis veſtri, quam tanquam noſtram propriam exoptamus.

## EPISTOLA XXXIV.

*Gervasius rationem reddit Archiepiscopo Tyrenſi de collectis pecuniis in ſubſidium Terræ Sanctæ.*

**R**EVERENDISSIMO Patri & amantiſſimo Domino S. Dei gratiâ Venerabili Tyrenſi Archiepiſcopo, Frater Gervasius Præmonſtratenſium Fratrum ſervus humilis, Salutem & cum orationibus ſincere devotionis affectum:

De eo quod diſpenſationem voti circa Sacerdotes, & Clericos, & matronas inutilis ſubſidio Terræ ſanctæ, parvitati meæ (ſecundùm quod accepi à viro Venerabili Magiſtro Gerardo Capellano veſtro) committere voluiſtis; cum multiplici vobis gratiarum actione aſſurgo; attendens non impendendum

(a) S. Dei gratia Tyrenſis Archiepiſcopus. Simon, ſucceſſor Theobaldi in Archiepiſcopatu Tyrenſi.



mihî honorem, sed honorare volentis affectum. Verùm centuplo plures refero vobis grates de eo, quòd ab hoc proposito recessistis, considerantes nimirum necessitatem aliter ordinandi, quàm forma Apostolicæ commissionis diligenter inspecta vobis indicit.

Sanè de pecuniâ in votî commutatione receptâ, sicut injunxit mihî dictus Magister Gerardus ex parte vestrà, ordinare curavi: excepto quòd litteras Episcoporum & Capitulorum testimoniales super hoc nec quaesivi, nec quaesitum me credo: maxime cum quidam eorum sint indignantis naturæ, nec interfuerint personaliter (licet eorum intervenerit consilium & assensus) dispensationibus faciendis. Credo autem quantum ad faciendam fidem, & ad suspicionem tollendam sufficere debere, si pecunia singularum Dioecesium in aliquo Religioso loco deponatur cum testimonialibus litteris collectorum, continentibus quid, & quantum, & à quibus personis nominatim & sigillatim expressis receperunt in singulis Decanatibus, & in singulis Parochiis decanatum singulorum.

Catèrum doleo plurimum de pace Angliæ, (a) quæ, quando fuit quasi in januis, impedita est occasione tantummodò quatuor Clericorum, qui utinam nunquam litteras didicissent. Ad hoc, doleo de infirmitate vestra, desiderans salutem vestram atque meam; nam & *ego vobiscum infirmor*: Flagellum autem Domini cum gratiarum actione suscipiens, quo insolentiam carnis in illis, quos diligit, reprimit & castigat.

Ad hoc: in Alemanniam iturus in proximo, libenter loquerer vobis in reditu meo (si fieri posset) circa octavam B. Dionisii, antequam recederetis à partibus Gallicanis.

Pecuniam autem collectam in Noviomenſi Dioecesi de commutato Crucis voto; sciatís esse apud Ecclesiam Sancti Bartholomæi Noviomenſis: & eam quæ collecta est in Laudunenſi Dioecesi, apud Ecclesiam Sancti Martini Laudunenſis: & eam quæ collecta est in Cathalaunenſi Dioecesi, apud Monasterium Sancti Petri in Montibus; nisi à venerabili viro Magistro I. Archidiacono Cathalaunenſi fuerit aliter ordinatum. In illâ autem Dioecesi, quamvis paucissimi respectu aliarum Dioecesium (secundùm quod didici) sũt Cruce signati, non satis commendo obedientiam collectorum.

Licet autem negotium ipsum dicto Archidiacono & aliis Venerabilibus personis, cum eo vestrà dudum à me fuerit autoritate injunctum, & vos ipsi (secundùm quod ipse Archidiaconus dixit mihî) super hoc ei locuti fueritis vivâ voce; metuens tamen murmura & detractiones hominum, nihil adhuc in festo Sancti Laurentii fecerat de negotio memorato, sed se in proximo facturum esse promisit. Valeat in Domino Paternitas vestra.

(a) *Doleo plurimum de Pace Angliæ, qua impedita est occasione tantum quatuor Clericorum.* Pax illa tentata, forte illa est quam Walo Legatus Innocentii tertii tentavit, dum in Galliam missus Philippum Regem Franciæ avocare conatus est à præstando auxilio & consensu in expeditionem, quam Ludovicus filius ejus parabat in Angliam. Legati rationibus, teste Parisio, Rex motus, nec consilium, nec auxilium filio suo contra Romanam Ecclesiam, dare velle assensit: nihilominus renitente patre, suadentibus Magistro Simone de Langeton, Magistro Gervasio de Hobrugge præcentore Ecclesiæ S. Pauli Londinensis, Eustachio Monacho, qui sexcentas naves ad Caleri portum pro transfretandis Gallis militibus advexerat, iter Cismarinum aggressus est Ludovicus anno 1216. & ita pacis tentatæ spes omnis evanuit.

## EPISTOLA XXXV.

*Archidiacono Catalaunensi mandat Gervasius, ut collectam faciat  
pro subsidio Terræ Sanctæ.*

**V**IRO Venerabili & specialissimo amico I. Archidiacono Cathalaunensi, Gervasius, Dei patientiâ Præmonstrati dictus Abbas, salutem & sinceræ constantiam charitatis.

Dominus Tyrensis Archiepiscopus nuper significavit mihi & per litteras, & per Capellanum suum, ut pecuniam (si quæ recepta est à Cruce signatis) simul collectam per singulas Diœceses, facerem in loco tuto reponi, ubi infra festum Sancti Remigii sine ulteriori dilatione à suo possit nuntio inveniri.

Cum igitur in Alemanniam profecturus, ad vos personaliter accedere non possim ad præsens, supplico vobis in Domino Jesu Christo, quatenus in negotio vobis commisso, vel de consilio Domini Episcopi (quem super hoc nuper credo recepisse mandatum) vel cum aliquo collegarum vestrorum procedere festinetis, ne peccetis in negotium Crucifixi, & in pauperes Cruce signatos, quibus potest per vestram sollicitudinem subveniri.

## EPISTOLA XXXVI.

*Joannes Jerosolimorum Rex statum Terræ Sanctæ describit Gervasio.*

**J**OANNES (a) Dei gratiâ Jerosolimorum Rex, & Comes Brenensis, Gervasio Abbati Præmonstratensi totique Conventui, Salutem in eo, qui est Salus.

Discretionis vestræ statum Terræ sanctæ duximus intimandum. Sciat is itaque quod de die in diem sit deterior, cum nos summâ paupertate & defensorum paucitate laboremus. Treugas enim adhuc habemus, sed ex parte Saracenorum claudicantes: verum cum nos eisdem simus viribus impares, & ipsi nostram attendant debilitatem, præsumimus & timemus quod treugas debeant interrompere, & illud quod speramus auxilium prævenire. Unde vestram in Domino exoramus Humanitatem, ut Terræ Crucifixi, & nostri, prout & Filie nostræ in vestris orationibus sitis memores.

Præterea sciatis nos sanos esse & hilares, unâ cum Filia (b) nostra: quod de vobis audire peroptamus.

Ceterum vobis significamus, nos de consilio Prælatorum & Baronum nostrorum, Filiam Illustris Regis Armeniæ (c) duxisse in uxorem: quo videlicet interveniente matrimonio magnum auxilium est nobis acquisitum.

## EPISTOLA

(a) Joannes erat filius Erardi s. Brenensis Comitis & Agnetis de monte Bellicardo, gallicæ Montbelliard, Comitatum Brenensem rexit & Comitis assumpsit nomen ad annum 1220. donec Gualterus ejus nepos majoritatem attingisset.

(b) Filia nostra, Jolandis quam susceperat ex matrimonio primo, quod contraxerat cum Maria de Montferat.

(c) Filiam Illustris Regis Armeniæ duxisse in uxorem. De his nuptiis ne verbum quidem, Brenensis familiæ scriptores, sed tantum de Berengaria sorore Ferdinandi Regis Castellæ, in uxorem assumpta post Mariæ obitum loquuntur; in idque conjugium anno 1222. involasse Regem Joannem scribunt; sed de istis nuptiis informare

## EPISTOLA XXXVII.

*Joannem Jerosolimatorum Regem solatur Gervasius, salutaria ei suggeris monita, Canonicos Sancti Samuelis commendat.*

**I**LLUSTRI Domino & in Christo Charissimo Joanni, Dei gratiâ Jerosolimatorum Regi, Gervasius Fratrum Præmonstratensium servus humillimus & Conventus, Salutem, & cum orationum instantiâ sinceram ad obsequia voluntatem.

Receptis ac lectis in Capitulo nostro litteris Magnificentiæ vestræ, gavisus fumus & egimus grates Deo super eo, quod (sicut eadem litteræ asserbant) vos unâ cum Illustri Adolescentula Filia vestra, incolumitate gaudetis. Sed & de matrimonio, per quod magnum vobis est auxilium acquisitum, fumus plurimum (pro-ut decuit) jucundati; sperantes quod per illud disposuerit Dominus Terræ suæ in parte aliqua subvenire.

Verumtamen verbum illud, quod in prima facie litterarum audivimus, non potuimus sine mœnore animi ac dolore cordis audire: videlicet, quod status Terræ sanctæ sit de die in diem deterior, & laboratis præcipuè penuriâ defensorum; & vos insuper summâ gravamini paupertate: Treugæ quodque, quas adhuc habetis, idè claudicant ex parte populi infidelis, quia sibi videtur & rebus & viribus adversus populum Domini debere prævalere.

Sed quia *maledictus est, secundum Prophetam, qui confidit in homine, & in propria virtutis multitudine gloriatur*: habeat sibi gens incredula cursum & equites, & in servos Dei minas & blasphemias jaculetur: Vos verò totam confidentiam vestram conferatis ad illum, qui de Cœlo præsidens eò promptius adversas conterit potestates, quò sperantes in se videt ad se devotius confugisse, & in brachio virtutis humanæ minus confidere vel sperare.

Proinde Serenitatem vestram monemus attentius & exhortamur in Domino, quatenus attendentes quibus Regibus disponente Deo successistis (David scilicet & Ezechie quorum vellemus coram vobis historias recitari) illos vobis sumatis in exemplum, maxime in hac parte; ut in omni tribulatione, quam pro defensione Terræ sanctæ, & liberatione populi fidelis sustinetis, auxilium velitis à supernis sedibus prætolari. *Nec aliquatenus formidet cor vestrum, aut concidat vultus vester*, quantumcumque hostes Dei & vestri, fortes fuerint, sive multi, quia *si Deus pro vobis, quis contra vos poterit* (ut ait Apostolus) prævalere? Scire autem debetis (& satis credimus) quod Terram illam sanctam, quoties in diebus antiquis iugo infidelium premeretur, solet semper Omnipotens eò potentiori miraculo liberare, quò ad eam liberandam manus fuerit infirmior præstantis, & minor hominum fortitudo.

Sanè ad hoc quod rogastis nos, ut Terræ Crucifixi, & vestri, nec-non & Filie vestræ memores simus in orationibus nostris, scire vos volumus quòd

K

---

informare Gervasium Abbatem Præmonstrati non potuit Rex, ab annis duobus factum Sagiensem Episcopum. Ergo ignotam historicis secundam Principis uxorem, ab ipso-met addiscamus Principe, cui suffragatur testimonium Marini Sanuti lib. 3. p. 11. c. 9. referentis conjugii tabulas, asserentisque post expugnationem Damietæ & Regis Lievonis socii sui mortem, anno 1219. se conatuisse prolemaidem ut inde peteret Armeniam adeundi Regni causâ, quod hæreditario jure obtigerat filio suo, sed interea, hoc est anno 1220. uxorem & filium interisse ait.

jam anni aliquot transierunt, ex quo ad petitionem vestram (quam tunc, sicut & modo devote suscepimus) illi orationi, quæ pro Terrâ sanctâ ab universâ frequentatur Ecclesiâ, unam in Ecclesiâ Præmonstratensî collectam adjuicimus specialiter pro vobis dicendam in perceptione Hostiæ salutari: & nunc nihilominus Fratribus nostris injunximus pro vobis, & vestris orationem de Spiritu sancto specialem.

Porro quia de salute & hilaritate nostrâ veritatem desideratis audire : no-  
veritis nos sanitate mentis, & corporis incolumitate gaudere, paratos pro posse  
& facultate nostrâ ad vestrâ obsequium Dignitatis.

Pro reliquis autem Ordinis nostri, Fratribus scilicet Sancti Samuelis (quos ut in Terrâ sanctâ, memoria nostri Ordinis haberetur, voluit Dominus apud Accaron (a) residere) Excellentiam vestram affectuosè rogamus, quatenus foveatis eos in statu præsentis, & promoveatis, cum Dominus locum dederit, ad antiquum.

De hoc autem vobis referimus grates multas, quod quoties in partes Gallicanas litteras destinatis, humilitatem nostram dignamini per litteras & nuntios visitare.



EPISTOLA XXXVIII.

*Gervasius Hillinum Floreffia Abbatem Comitem Aconensis Episcopi & sacra  
petentem loca commendat Jerosolimitano Patriarcha.*

REVERENDO in Christo Patri & dilecto Domino (b) C. Dei gratia sanctæ  
Resurrectionis Venerabili Patriarchæ, Frater Gervasius Fratrum Præmon-  
stratensium servus humillimus, salutem & cum orationum instantia devo-  
iam ad obsequia voluntatem.

Licet sollicitudo omnium Ecclesiarum tam ipsius Præmonstratensis, cui specialiter præsidemus; quàm totius Ordinis, cui insufficientes præficimur, animum nostrum detinerit multipliciter occupatum: interno tamen affectu semper de Terræ sanctæ destitutione doluimus: & ut viderent oculi nostri diem, quo eam audiremus Christiano cultui restitutam, studiosè pro-ut permiserint negotia nostra, quæ nec differri poterant nec omitteri, interposuimus partes nostras; videlicet aut personaliter disseminando in populis verbum Dei, aut injungendo hoc-ipsam Fratribus Ordinis nostri, quos ad hoc credebamus & superiores vitæ, & clariores doctrinæ.

Sanè cùm Dominus Papa scripserit Venerabili & dilecto Fratri Hellino (c) Abbati Florentiæ Latori presentium pro suscipiendo ad petitionem

(a) *Accuram quæ & Cafarea* Palestina ab Herode dicta est; profcriptis è Campeſtri Abbatia S. Samuelis Canonicis Præmonſtratenſibus, ab irrupentibus Turcis, aſſignata eſt in refugii locum, ab Ioanne Rege.

(F) *Dilectio Domini Alberti de Castro Vakeri, antea Vercellensis Episcopo, deinde anno 1205. ad Patriarchatum Ierosolimitanum assumpto, ad quem prius Soffredus Cardinalis & Sedis Apostolicæ in transmarinis legatus communi cruce-signatorum suffragio fuerat electus, sed cui succollare humeros noluit. Erat Albertus Parmensis origine, Canonicus Regularis Murariensis professione, ex Bobiensi Episcopatu, ad Vercellensem translatus anno 1184.*

(c) *Helianthus*... Huius meminit Leodiensis Ecclesie Hystorioraphus Fifen ad annum 1213. meminerunt & falsi Florentines à Petro Herentalio confcripti, & Helianthus scientia, probitate, fecundia insignem claruisse in Gallia & in Palestina floruisse referunt.

Domini Acconensis (a) Episcopi peregrinationis onere transmarinæ: & idem Abbas laboriosa peregrinatione suscepta ad præsentiam vestræ Paternitatis accedat: vestræ pro eo Præminentie supplicamus, quatenus ipsi habeat in Domino commendatum; ut-pote virum vitam commendabilem, & qui multos labores in terra sustinuit, ut ad liberandam hæreditatem Domini fidei mentes & exemplo moveret, & verbo.

Specialiter siquidem vos rogamus, ut cum regratius populo suo Dominus funiculum hæreditatis suæ reddiderit adoratoribus crucis suæ, possessiones Ecclesiarum Ordinis nostri (videlicet Sancti Samuelis, & Sancti Abacuc, (b) quarum prima est Præmonstrati, secunda Florestæ filia specialis) eidem Abbati restitui jubeatis: ut, cum fidelis populus gaudebit gentium incredulitatem confusam, & terram debito cultui restitutam; nos quoque eo plenius possimus congaudere gaudentibus, quò prædictis possessionibus re- versis ad Ordinem, nihil nostro deesse gaudio lentemus.

Concessimus autem memorato Abbati tam in reconciliandis fugitivis, cum opus fuerit, quam in aliis operationibus, quæ ad Ordinem pertinere noscuntur, nostræ plenitudinem potestatis.



## EPISTOLA XXXIX.

*Bellovacensem Episcopum submonet Gervasius ut stet promissis  
factis Cardinali Gualæ.*

REVERENDISSIMO Patri & amantissimo Domino Ph. (c) Dei gratiæ Bellvacensium Episcopo F. Gervasius Præmonstratensium Fratrum servus humillimus salutem, & cum orationibus sinceram & constantem ad obsequia voluntatem.

Cum Paternitatem vestram magnis & multis negotiis frequenter implicatam esse sciam, nescio utrum ob multiplicatam eorum à memoriâ vestrâ exciderit, quòd Romæ in Generali Concilio nuper præterito constituti, Reverendo Patri Gualæ, titulo S. Martini Presbytero Cardinali promissis secundam præbendam, (d) quæ in Ecclesia vestra vacaret. Proinde hoc ipsum per præsentem litteras vobis censui ad memoriam revocandum, satis admirans quòd, cum in Ecclesia vestra plures postmodum præbendæ vacasse dicantur, hujus promissi vestri non fuistis memores cum effectu: maxime cum inter dona gratiarum plurima quæ habetis super hoc præcipue vestra soleat Paternitas commendari, quòd habeat & fidem in verbis, & constantiam in promissis.

(a) Domini Acconensis Episcopi, Jacobi scilicet, de Vitriaco, qui Hellinum utpote verbo & opere efficacem, socium transmarinæ peregrinationis sibi junxit, Innocentio 3. ad opus excitante Hellinum, profectus est autem Abbas anno 1213. suæ prælationis primo.

(b) Sti. Samuelis & Sti. Abacuc Ecclesias, quarum prima est Præmonstrati, secunda Florestæ filia. Hinc emendandus Lairuelius qui Sti. Samuelis Abbatiam, facit filiam Sanctæ Mariæ in Nemore, nunc Multisfontane.

(c) Domino Philippo de Dreux, filio Roberti Comitis Drocarum & Branz, Nepoti Ludovici 7. Galliarum Regis, electo in Episcopum Bellovacensem anno 1177. dato die 2. Novembris 1217.

(d) Promissus secundam præbendam. Audi Cardinalem non dedignari Canonicatum, imò sollicitationibus suis, stante Lateranensi Concilio, præoccupasse vacantem.

Porro non dubito, quin apud omnes bonos, vestro nomini non modicum debeat derogari, si apud tam Venerabilem virum in uno & eodem promisso vestro invenitur *est & non*: nec eidem aliquatenus gratum erit, cum audierit, quod in conferendis præbendis, quæ postmodum vacaverunt, nullus nominis sui fuerit recordatus; præsertim cum Dominum Regem ac personam nostram ac Regnum Francorum, in Romana Curia plus honoraverit, quam aliquis, quem videtimus legatione fungi in Francia usque modò: unde Paternitati vestræ benignè consulimus, quatenus quod hucusque distulit, explere non differat cum se tempus obtulerit oportunitum.

Licet enim idem Dominus Cardinalis modo agat in partibus Anglicanis, non idcirco Anglicus semper erit: imò adhuc & Francos fovere poterit & sovebit pro meritis personarum, & vobis utilis esse poterit atque vestris: ut-pote qui (quidquid dicatur de eo) & *fuit* semper, & erit *potens in opere & sermone*.

## EPISTOLA XL.

*Gervasius commendat Guala Cardinali & Legato in Angliâ Ecclesiæ Ordinis Præm. in eodem Regno constitutas.*

**I**NTER Patres Reverendissimo, & inter Dominos Amantissimo Gualæ, (a) Dei gratiâ titulo Sancti Martini Venerabili Presbytero Cardinali, Sedis Apostolicæ Legato, Gervasius, ejusdem patientiâ Præmonstrati dictus Abbas, Salutem, & cum orationibus sinceram ac devotam ad obsequia voluntatem.

Dudum habui, & adhuc habeo pro constanti, quod semper debeatis viros bonos diligere, & eorum negotia, in quantum honestas permiserit, promovere. Sanè quia rogaverunt me Fratres Ordinis nostri de Romana Curia revertentes, ut vestræ Paternitati cum ipsis supplicarem, tam pro suis Ecclesiis, quam pro aliis Ordinis Præmonstratensis in Angliâ constitutis: nolens eis debitum precum mearum auxilium denegare (licet alias Paternitatem vestram pro iisdem rogaverim) Sanctitati vestræ affectuosè supplico & attentè, quatenus memoratas Ecclesias pietatis vestræ curet sollicitudo protegere, & salvas ab insultibus malignantium (si qui apparuerint) conservare.

Specialiter autem vos rogo, quatenus cum satis vobis constet (ut credo) quod à solutione Vigestimæ dicti Ordinis Professores per venerandæ recordationis Dominum Innocentium sint exempti, eos ab exactione ejusdem faciatis securos pariter & immunes, si fortè super hoc ab aliquibus Episcopis fuerint molestati. Si quid autem in mea possibilitate habetur, unde vestræ possit Beatitudini obsequium exhiberi, paratus sum & ero semper vestræ obsequi beneplacito voluntatis.

## EPISTOLA

(a) *Amantissimo Guala*. Ab Innocentio 3. in Angliam missus Legatus anno 1216. Guala, vel Wualo, Ludovicum 8. Joanni Anglorum Regi ejusque Diademati invidentem, & armis tentantem surripere, anathemate confixit. In Legatione ab Honorio 3. confirmatus, Henrici 3. causam strenuè defendit, Anglos per duelles Regi reconciliando, pacis velut arbiter, condiciones sanxit inter Henricum & Ludovicum anno 1217. ad Fridericum 2. Imperatorem anno 1225. ab eodem Honorio Legatus destinatus est, intra primæ legationis spatium, suam scripsit Gervasius litteram, subindeque anno 1216. vel 1217.

## EPISTOLA XLI.

*Gervasius Gualo Cardinali suum erga Rom. Ecclesiam affectum  
prodit & de Pace Anglicana ei aggratulatur.*

**R**EVERENDISSIMO in Christo Patri & Domino G. Dei gratiâ tituli S. Martini Venerabili Presbytero Cardinali, Sedis Apostolicæ Legato, Gervasius, Fratrum Præmonstratensium servus humilis, salutem & cum orationum instantiâ sinceram ad obsequia voluntatem.

Inter flagella quibus visitavit me Dominus his diebus, lætatus sum plurimum, quòd idem Dominus castigatior meus quasi licentiam mihi dedit, ut Præminentie vestræ scribam, aperuitque litteris meis viam, quâ ad vestram perveniant Sanctitatem. (a)

Sanè nullatenus est credendum, quòd in causâ fuerit vel negligentia, vel charitas tepefacta, quare Sanctitati vestræ non scripserim usque modò: quin potius comiteatuum transitus interclusus & suspicio, à cujus nota servandam censui sicut conscientiam, sic & famam: nihilominus tamen sollicitus semper fui pro honore Sacro-sanctæ Romanæ Ecclesiæ & vestro: & tunc maxime, cum renunciaretur mihi de triplici formâ pacis, (b) quæ (ut dicitur) à Sede Apostolicâ emanavit: quarum quælibet (si fuisset ad effectum perducta) in totius Ecclesiæ & vestram nihilominus ignominiam redundasset.

Verùm quoniam ultra spem omnium operatus est Dominus contra homines Ecclesiasticæ censuræ contemptores, & per sollicitudinem vestram Ecclesiæ suæ victoriam contulit insperatam: & gaudeo, & gaudebo; non quòd alicui quæram malum, vel quòd alicujus confusioi congratuler: sed quia meum reputo quidquid Sacro-sanctæ Romanæ Ecclesiæ laudis accesserit & honoris.

Porro quia desiderare vos credo de statu meo cognoscere veritatem: noverit Paternitas vestra quòd, ex quo recessi à vobis, multa invenerunt me mala, & maxime his diebus, quibus ita detineor, quòd nostro non possum Generali Capitulo præsidere.

Cæterùm quia multi Ordinis nostri Professores in Angliâ contra inhibitionem meam expresse factam inciderunt in canonem, timentes hominem plusquam Deum, vestræ eos voluntati expono: hoc solum rogans, ut simplicitas mitius, quam malitia puniatur.

## EPISTOLA XLII.

*Narbonensis Archiepiscopus, Gervasio implorat auxilium pro extirpandis Albigenisum reliquiis.*

**V**ENERABILI Fratri & in Christo dilecto Gervasio Præmonstratensi Abati F. A. (c) Dei gratiâ Narbonensis Archiepiscopus, Apostolicæ Sedis Legatus, salutem in vero Salutari.

(a) *Ad vestram perveniat Sanctitas.* Hic Sanctitatis titulus passim Episcopis quoadque Imperatoribus & Regibus addici solitus, ad summos Pontifices ex privilegio dignitatis nec dum ætate Gervasii restrictus erat.

(b) *Forma pacis,* inter Henricum 3. & Ludovicum Principem, Gallie Regis primogenitum, conclusæ anno 1217.

(c) *F. A. Dei gratia Narbonensis Archiep.* Hoc est frater Arnaldus cognomine Amalric

Olim Petri naviculæ sapientissimus Gubernator ad extirpandam pestem Hæreticorum, quæ per Provinciam Narbonensem vicinalque partes multiformium dogmatum suorum urentissimum virus effuderat; ita quod à *planta pedis usque ad verticem vix ulla sanitas remansisset*, operarios destinavit *potentes in opere & sermone*: qui cum apud illud genus damnatissimum, quorum erat oculus obturatus & exorbitatus, & *insipiens cor eorum*, verbo prædicationis parùm proficere potuissent: auctoritate illius, qui eos miserat, vocati sunt ad subsidium negotii hujus *gens sancta, genus electum, & populus acquisitionis* Regni Franciæ, Principes & Barones, alique fideles Catholicæ fidei Zelatores.

Venientes itaque Christi exercitus, & miraculosè incipientes caput contere inimici; tandem consilio sibi divinitus inspirato præceperunt huic negotio, tanquam specialiter ad hoc missum à Deo, nobilem virum Simonem, Dominum Montis-fortis, obedientiæ quippe filium, atque *montem in quo beneplacitum est Deo habitare in eo*; sortem quidem in eo, qui est *fortis & potens in prælio*: per cujus Signatorum sudores virtus Dei altissimi, lux incomprehensibilis dispositionis clementiæ, tot & tanta est mirabiliter operata, quòd exclusis & destructis pro magna parte hæreticis, & fautoribus, & defensoribus eorumdem, maxima pars terræ, quam ipsorum spurcitia longo defœdaverat tempore, data est in manu fideli, & divino cultui restituta.

Cum autem de perditissima gente illa restent adhuc reliquæ, quæ, sicut latens vipera serpit humo, per occulta & abdita incedentes insidiantur calcaneo hujus negotii, & intendunt quòd lassetur Catholicorum devotio, & zelus Cruce-signatorum tepescat, necesse est ut nos, qui (aliis de sociis ad sollicitudinem istam nobiscum à Sede Apostolica deputatis jam coronatis martyrio, & aliis in sancta confessione vocatis) in onere Legationis soli remanemus, ad elidendam perverforum intentionem totâ vigilantia intendamus.

Quo-circa rogamus discretionem vestram in Domino, quatenus tam per vos personaliter, quam per alias personas idoneas sedulis exhortationibus Episcopos, & alios Clericos, Milites, & cæteros Christi Fideles, ut in subsidium præfati negotii contra hæreticos & fautores eorum veniant, moneatis attentius, & inducere procuretis; exponentes eisdem in prædicationibus vestris, quod illis, qui se accinxerint ad opus hujusmodi pietatis, eadem remissio peccatorum à Deo, ejusque Vicario est indulta, quæ transfretantibus in Terræ sanctæ subsidium indulgetur. Personæ quoque ipsorum, & terræ, possessiones & homines, & cætera bona eorum, ex quo crucem susceperint in pectoribus, in subsidium præfati negotii donec de ipsorum reditu vel obitu certissimè cognoscatur, sub protectione Sedis Apostolicæ existant.

Speramus autem in Domino Jesu Christo, cujus est ipsum opus, quòd per ejusdem gratiam, & succursum Fidelium Signatorum, consummationem prædictum negotium fortietur in brevi: nam si caput draconis contritum fuerit, Tholosa videlicet civitas, in qua se ferè totæ vires inimicorum col-

---

ex Abbate Populeti & grandis Silvæ, factus Cistercii Abbas anno 1202. ab Innocentio 3. Legatus Pontificus & hæreticæ pravitatis inquisitor adversus Albigeneses designatus anno 1206. duodecim secum adduxit Abbates focios prædicationis. Anno 1212. Narbonensis Archiepiscopus constituitur, strenuus pugil fuit adversus Albigeneses & ad quicquillas eorum extinguendas, Gervasii imploravit auxilium anno 1212. Tolosâ necdum subactâ moritur Arnaldus 1225.



legerunt (quæ olim à Clodoveo Rege Francorum propter hæresim Arrianam legitur fuisse destructa; & nunc in angustia multâ ob simile vitium esse dignoscitur constituta) tunc vel nihil, vel modicum de prædicto negotio supererit faciendum.

Ut autem plures tam libentius, quàm liberius ad Dei servitium memoratum accedant, concedimus discretionis vestræ, ut tam per vos, quàm per alios idoneos inceptoribus manuum in Ecclesiasticas seu Religiosas personas, (nisi eorum excessus extiterit difficilis & enormis, ut-pote si fuerit ad mutilationem membri, vel sanguinis effusionem processum, vel in Episcopum aut Abbatem violenta manus injecta) necnon & incendiariis valeatis absolutionis beneficium secundum formam Ecclesiæ impertiri, ut sic eos in succursum prædicti negotii transmittatis.

### EPISTOLA XLIII.

*Encyclica Gervasii Epistola per quam ex delegatione Archiepiscopi Narbonensis fideles ad expeditionem sacram contra Tolosates exhortatur.*

**U**NIVERSIS Christi Fidelibus ad quos litteræ præsentis pervenerint Gervasius, Dei patientiâ Præmonstrati dictus Abbas, salutem in Domino.

Noverit Universitas vestra quòd litteras Reverendi Patris A. Archiepiscopi Narbonensis, Sedis Apostolicæ Legati suscepimus in hæc verba: Venerabili Fratri, & in Christo dilecto Gervasio Abbati Præmonstratensi, & cetera ut supra.

Cùm igitur propter occupationes domesticas (præter negotia totius Ordinis, pro quo nos sollicitari oportet) non possimus personaliter circumquaque discurre: & idem Archiepiscopus non nobis tantummodò, sed & aliis, quos ad hoc negotium duxerimus evocandos, officium commiserit prædicandi: & indusserit etiam (prout ex litterarum suarum potest tenore perpendi) ut injectoris manuum in Clericos seu in Religiosas personas, & incendiarios absolvamus, dummodò accingi velint ad injurias fidei propulsandas in partibus Tholosanis: dilectum in Domino Guidonem Fratrem & Canonicum nostrum ad vos mittimus, Universitatem vestram rogantes attentius & exhortantes in Domino Jesu, quatenus illum eâ curetis devotione suscipere, quâ nos-ipsos: & attendentes quòd, cùm sola jam Tholosa refugium sit perverfis, labor quem indicare vobis intendimus est non grandis, & remuneratio copiosa; tempus peregrinationis non multum, & ipsa peregrinatio non longinqua; & super hæc omnia, fides in causâ; in succursum fidei memoratæ signum salutis nostræ (videlicet signum Crucis) assumere non tardetis: ut dum ipsa in pectoribus vestris assumitur, ita semper vobis præ oculis habeatur, ut & vobis sit jugiter ad munimen, & hostibus ad terrorem. Datum Præmonstrati mense Februario, Anno gratiæ millesimo ducentesimo duodecimo.

### EPISTOLA XLIV.

*Gervasius apud Noviomensem Episcopum conqueritur de violentiâ Decani Hamensis.*

**R**EVERENDO in Christo Patri & Domino St. (a) Dei gratiâ Noviomensi Episcopo Frater Gervasius, Præmonstrati dictus Abbas, salutem & tam devotum, quàm debitum reverentiæ famularum.

(a) Domino St. Stephano de Nemours de quo Epist. 5. apud Honorium fuerat graviter conquestus Gervasius, de eodem geminat querelas pro causa pari.

Decanus Hamensis, sicut quandoque novistis, Fratres nostros in vestra Diœcesi commorantes frequenter, valde ignominiosè tractavit; & nos ejus impetum sustinuiamus patiemur, credentes quòd aliquo tempore, cum haberemus apud vos gratiam, vestra compressus autoritate cessaret.

Nunc autem, quia de novo coepit ab hominibus vestris adjutus prædam & vecturas nostras, & etiam farinam in usus Fratrum & Sororum Bonolii (a) convertendam: & quædam istorum detinet occupata, quæ etiam per plegium reddere dedignatur: rogamus Paternitatem vestram, quatenus faciatis nobis cum debitâ & condignâ satisfactione reddi ablata: & nos, (si ipse erga nos aliquid habuerit questionis) parati erimus stare juri ubi debemus. Scitis enim quod secundum consuetudines Gallicanas (à quibus ratio non discordat) qui alienum capit, & requisitus vel non reddit præcisè, vel per plegium non recedit, manifestissimus prædo, & fere deterior ruptario reputatur.

Unde volumus ut sciatis quod, nisi per vos nobis fuerit satisfactum, justitiam quaeremus apud illos qui habebunt in ejus coërcitione per gratiam Dei plenariam potestatem: cum non minùs ignominiosum reputetur apud quolibet bonos viros à tali hoste sic gravari, quàm ignominiosum aliquid sustinere.



## EPISTOLA XLV.

*Gervasius apud Honorium III. pro afflictâ Ecclesiâ Veromanduenſi intercedit.*

**S**ANCTISSIMO Patri & piſſimo Domino Honorio, Dei Providentiâ Sacrosanctæ Romanæ Ecclesiæ Summo Pontifici, humilis ejus servi, Frater Gervasius, dictus Præmonſtrati Abbas, & Ecclesiæ V. Conventus (b) cum devotis orationibus, obedientiam, & pedum oscula.

Quotiescumque pungimur ab ignitis serpentibus malitiæ sæcularis, quæ contra Religiosos quotidie invalescit, unicum habemus refugium, Apostolicam Sedem, in quam quasi in serpentem æneum aspicimus, ut sanemur.

Ad hoc devenit hodie Ecclesiâ Dei, quod inter illos qui habent nomen & officium pastorale, non meritum, mercenarii sunt non pauci, de quibus multum gaudendum esset, si tantummodò mercenarii essent: ita - ut non plus nocerent, quàm quod lupo fugerent veniente: cum constat quod gregem Domini-

(a) *Sororum Bonolij.* Bonolium, Parthenium erat Canonissarum Ordinis Præm. non longè ab oppido Hami, gallicè *Ham*; Primum in Præmonſtrati Archicænobiò habitabant, uno tantum à Canonicis muro sejunctæ, deinde Roserias translatae sunt anno 1141. locum suppeditante Radulpho Dynasta Cociaci, gallicè *Coucy*; postmodum Fontenellam transmigrarunt; denique Bonolium ab Alardo Domino de Ham evocata. Illic ultimam fixere sedem, & sanctam monialibus cladem subierunt.

(b) *Ecclesiâ V. Conventus.* Ecclesiâ Veromanduenſis in eadem Noviomenſi Diœcesi constituta, iisdem Stephani Episcopi extortionibus gravata ingemiscebat. Gervasius, ut patrem & caput ordinis decebat, summi Pontificis invocat protectionem ad sublevamentum attriti membri. Est autem Veromandia binis à San-Quintino horis distans, fuitque antiquitus primariæ Veromanduum civitatis sedes, cujus extant hodiè rudera. Præmonſtratenſes habent illic Abbatiam suo situ, & ædificiis sat splendidam.

Dominicum, quem pascere deberent ex officio sibi injuncto, verbo pariter & exemplo, & contra malignantium defensare insultus, gravius & crudelius quam ipsi Laici seculares dissipant & discernunt: ad hoc solum, ut videtur, modis omnibus laborantes, ut gloriantur in domibus laqueatis; ut incedant in Regio apparatu; ut splendide procurentur in mensa; ut thesauros de rapina pauperum acquisitos, quos vita eorum licet voluptuosa non sufficit absorbere, congregent & conservent in loculis & in arcis: ut sic tanquam Principes accincti gladio timeantur, non ut amentur tanquam Pastores & Patres.

Cum igitur inter alios, & quasi præ aliis N. oppressioni immineat Ecclesie N. ita-ut indignatio ejus, redemptionibus licet pluries repetitis, nequeat fatuari: imò ex ipsa assuetudine rapiendi videatur crescere fames prædæ, utque adeò, quod flagellum persecutionis ejus sustinere ulterius non possimus; ad pedes Sanctitatis vestræ cum lachrymis & afflictione cordis humiliter provoluti, cum omni, quā possumus, affectione & instantiā supplicamus, quatenus extendatis virgam Vestræ Directionis in eum, & humilibus servis vestris, nihil querentibus nisi justum, exhibeatis justitiæ complementum.



## EPISTOLA XLVI.

*Gervasius obstinatus Noviomensis Episcopi vexationes exponit Honorio III.  
& promptam ab eo reposcit satisfactionem per Judices à  
sua Sanctitate designatos.*

**S**ANCTISSIMO Patri ac Domino Honorio, & cetera, ut in præcedentibus: Calamitas quam patior ad supplicandum propellit & incitat me invitum: metuentem nimirum ne petitiones & preces toties repetitæ fastidium generent audienti: verum quia qui pungitur & torquetur non clamare non potest ad Apostolicam Sedem, cui pietas deesse non solet; clamabo afflictus: & licet non multam ex merito, aliquantulam tamen fiduciam retinebo in eo, quod à prima juventute mea Sacro-sanctam Romanam Ecclesiam diligere coepi, & gessi me ejus servum in omnibus, in quibus se obtulit oportunitas serviendi: & certe (quod confidenter dico) pluries locum habui saltem inter vasa fidei domus Dei.

Nuper sanè cum Sanctitas Vestra commisisset Judicibus causas quasdam, quæ inter Noviomensensem Episcopum & Præmonstratensem Ecclesiam vertebantur; & ego, sicut decuit, ob reverentiam Episcopalem secissem eum, antequam à Judicibus citaretur, per duos Coabbates meos, ut à vexatione Ecclesie mihi commissæ desisteret, humiliter admonere: oblatis ei à iisdem Abbatibus sacris apicibus Vestræ, in quibus continebatur inhibitiō Apostolica de procurationibus in grangiis Præmonstratensis Ordinis minimè requirendis: idem Episcopus non solum non acquievit precibus & admonitionibus cum humilitate porrectis, sed Apostolicas litteras inspicere vel audire contempsit; & postmodum in ira indignationis suæ milit satellites suos, qui infra octo dies exturbaverunt omnia, quæ ad Præmonstratensem Ecclesiam in Noviomensis Diocesi pertinebant: alicubi annonam quæ Præmonstrato debebatur: alicubi decimas; alicubi ipsas grangias fassendo.

Cum igitur quotidie, ut-pote vir potens, possit & velit damna & injurias

innovare, supplico Paternitati Vestræ cum pauperibus Fratribus meis, in omni humilitate quâ possumus atque scimus, quatenus manum Protectionis Vestræ validius extendentes, præcipiatis Judicibus inferius exprimendis, ut nos ab ipsius Episcopi & suorum, quotiescumque fuerint requisiti, molestatione defendant, Justitiâ mediante: ne per defectum Justitiæ probrosè succumbamus sub homine; qui tam parum videtur aut timere Dominum, aut hominem revereri. Valeat in Domino Sanctitas Vestra, & cetera, ut in præcedentibus epistolis.



## EPISTOLA XLVII.

*Judices à Pontifice delegati Noviomensem Episcopum monent, adhortantur  
& peremptoriè citant in causa Abbatis Gervasii.*

VENERABILI & dilecto in Christo Patri St. Dei gratiâ Noviomenfi Episcopo; H. Decanus, & Magister G. Goin, & F. Canonicus Remensis, salutem & sinceræ dilectionis affectum.

Receptis dudum Apostolicis litteris per Viros Religiosos Abbatem & Conventum Præmonstratensem, qui inter Vos & ipsos asserēbant, & adhuc asserunt (unde dolent) controversiam agitari, emisimus litteras simplicis citationis, ut satageretis feriâ secundâ post festum B. Egidii Remis vestram nobis præsentiam exhibere, vel mittere Procuratorem idoneum, dictis Abbati & Fratribus ad ea quæ objicerent respondendum.

Verum quoniam ad præfatum diem non venistis, nec misistis alium loco Vestri: monemus Paternitatem vestram & exhortamur in Domino, sicut & per primas litteras meminimus nos fecisse, quatenus altâ magnanimitate cordis, motum indignationis omnimodè reprimentes cum pauperibus Jesu Christi, qui vobis non dubitantur esse impares in conspectu, amicablem convenire velitis, & satisfacere ipsis de datis injurijs atque damnis; attendentes quod ignominia sit Potentis pauperes opprimere indefensos, quos sola necessitas miserrimæ fortunæ ad resistendum impellit; non quod sperent victoriam, sed quod miserrimo, miserior non expectetur eventus.

Verum si exhortatio nostra (quod absit) non capit in vobis, peremptoriè vos citamus autoritate Apostolicâ, quâ fungimur in hac parte, quatenus feriâ sextâ proximâ post Festum Beati Dionysii Remis coram nobis vel personaliter vel per procuratorem sufficienter instructum, comparere velitis, dictis Conquerentibus responduri.

Hunc autem diem propter hoc vobis peremptoriè assignamus, quia spatium duorum vel trium continet edictorum; & quia vos quandoque agitis extra Diocesim vestram, & non potestis facillè conveniri. Datum Remis feriâ tertiâ proximâ post Festum Beati Egidii M CC XVIII.



## EPISTOLA XLVIII.

*Stephanus Noviomensis Episcopus exemptionem Ordinis Præm. agnoscit  
& pro illatis injurijs & damnis satisfactionem offert.*

VIROS Religiosos & Amicos in Christo charissimis Gervasio Abbati & Conventui Præmonstratensi, St. Noviomenfis Ecclesiæ Minister humilis, salutem & sinceræ dilectionis affectum.

Non ignorat discretio vestra, quod divites & Potentes sæculi aut seducti consilio alieno, aut errore decepti, à via plerumque deviant aequitatis, & multa faciunt, quæ postmodum poenitet eos fecisse, quando reversi sunt ad cor & ad notitiam veritatis.

Sanè suggestum fuit nobis olim, quòd in grangiis Præmonstratensium, quæ sitæ sunt in Noviomeni Diocesi, debebantur nobis annuæ procuratio-  
nes, ut pote quæ Prædecessoribus nostris à pluribus retrò annis fuerant per-  
solutæ. Nos verò nolentes ut temporibus nostris deprimerent aut minuerentur  
jura Noviomenis Ecclesiæ, cui, licet immeriti, præsidemus: institutis  
acriter & frequenter petendo procuraciones jam dictas. Et molestè ferentes  
quod nobis penitus negabantur, intulimus vobis molestias atque damna: &  
plura (ut verum fateamur) intulissimus, nisi motum iræ & indignationis  
nostræ timor scandali temperasset.

Nunc verò cum intellexerimus quòd muniti sitis privilegijs Apostolicis, quæ à solutione procurationum in grangijs Ordinis vestri eximant vos apertè, & Ordinem vestrum totum: nolentes indultè vobis à Summo Pontifice libertati temerè contraire, sinceritatem vestram attentè rogamus, quatenus assignetis nobis aliquem certum diem, ad quem in certo loco possimus convenire vobiscum, ad tractandum de pace reformanda inter nos & vos, quam tantò propensius desideramus habere vobiscum, quantò estis nobis vicini, & novimus vos esse pacis & concordie amatores: nec aliquatenus dubitetis, quin parati simus ad satisfaciendum de injurijs & ad restituendum damna quæcumque à nobis occasione sæpe-dictarum procuracionum vobis fuerunt irrogata.

Hoc autem volumus vos scire pro certo, quòd ad petendum procuraciones ipsas non induxit nos, vel desiderium comedendi alienum panem, (cùm per gratiam Dei benè sufficimus nobis) vel etiam intentio opprimendi aut gravandi Ecclesiam Præmonstrati, quam sincerè diligimus, & intendimus diligere ac fovere; sed solummodò zelus tuendi & conservandi Jura No- viomenis Ecclesiæ, quæ nollemus aliquatenus per defectum nostrum minui, ut prædicimus, aut perire.

EPISTOLA XLIX.

*Capitulum Cathedralis Ecclesiae Adurenfis, Abbatem Casa-Dei in  
Episcopum postulat sibi dari.*

CHARISSIMO in Christo Patri ac Domino Gervasio Abbati Præmonstratensi, Universitas Capituli Audurnensis, Salutem in eo qui est omnium vera salus.

Cum Pastoralis Regimine destituitur grex ovilis, non est per quem errantes oviculæ ad pabula revocentur: immo dilaniandæ luporum dentibus potius exponuntur, nisi gregi provisum fuerit in Pastore, qui eas revocet ad ovile.

Sanè cùm Adornendis Ecclesia honestissimæ conversationis & fidei religiosæ Pastorem habuerit virum (æ) professò providum & discretum, qui nunc peccatis populi exigentibus (quod non modico puncti doloris aculeo recitamus) diem clausit extremum: propter quod Ecclesia nostra procellis maris hinc-inde fluctuantibus periclitari compellitur, nisi mors Pastoris nostri, Successoris beneficio sit redempta.

(a) *Virus profecto providum*, Vitalem, nomine, humanis exemplum anno 1915.

Ad hæc sciatis (Pater charissime) quòd cum Abbas Casa-Dei, (a) subditus vester, præditus sit sanctitate & moribus, & laudabilis testimonii extiterit longis retrò temporibus; ipsum à vobis unanimiter & concorditer postulamus: vos modis quibuscumque possumus deprecantes, quatenus ipsum miseratione Divinâ & pietatis intuitu, Ecclesiæ nostræ orbatæ Pastore, dignemini concedere in Prælatum. Scriptum enim est, *Alter alterius onera portet, & sic adimplebitis legem Christi*. Quapropter vos Ecclesiæ nostræ doloribus compatiamini, onus ejus alleviantes per concessionem Pastoris, ut Ecclesiæ moror & lamentatio in exultationem & gaudium convertatur.



## EPISTOLA L.

*Gervasius Capitulo Adurenfi postulatum Episcopum concedit.*

**V**IRIS Venerabilibus & in Christo dilectis Decano & Capitulo Adurnensis, Frater Gervasius, Dei patientiâ Præmonstrati dictus Abbas, salutem & orationes in Domino salutares.

Receptis litteris Universitatis vestræ, nobis cum multâ devotione porrectis, non potuimus non moveri pietate, visâ primâ facie litterarum, pro eo quod scilicet Prælatum vestrum, qui in vitâ suâ vir fuit profectò providus ac honestate probatus, viam universæ carnis (sicut Domino placuit) sit ingressus; & quod Ecclesia Adurnensis tanto sit viduata Pastore, quæ (ut verbis vestris utamur) procellis maris hinc inde fluctuantibus periclitari compellitur, nisi mors ejusdem Prælati, Successoris beneficio sit redempta.

Verùm, cum ex voluntate Domini, non ex meritis personarum, apud vos ita vigeat Ordo noster, ut ex ipso vobis assumere velitis Pastorem: Venerabilem in Christo dilectum Fratrem Abbatem Casa-Dei (quem vobis unanimiter postulastis) amicabilem concedimus (b) & benignè: rogantes ut serenitas vestra, & devotio quam erga Ordinem memoratum cognoscimus vos habere, in posterum non tepescat. Supplicamus etiam vobis quatenus Ecclesiam Casa-Dei, cum sit pauper in rebus, foveatis in quantum vestræ discretio permiserit honestatis.

EPI-

(a) *Abbas Casa-Dei subditus vester.* Casa-Dei, Abbatia Ordinis Præm. Auxitanæ Diocesis, cæterarum Vasconiz, imò & Hispaniz mater, filia est Sancti Martini Laudunensis, proinde Præmonstrati Abbati non nisi mediâtè subiecta, ut Capiti Ordinis. Abbas ab Adurenti, Ayre, capitulo postulatus in Episcopum, vocabatur Joannes, vir laudabilis testimonii, præditus sanctitate & honestis moribus, qui Ecclesiam Adurentensem sanctè & laudabiliter rexit ad æonum 1222. Prædecessoris mediati & confratris sui Martini, ex Abbate Sti. Joannis de Castella in Episcopum Adurentem assumpti anno 1188. vestigia secutus. Sic porro in Vasconiz partibus florebat Præmonstratanus Ordo, ut non tantùm ex ejus gremio Episcopos eligeret, sed & Episcopi post aliquot regiminis annos valedicentes dignitati, ad Monasteria se reciperent, horumque antesignanus fuit Raymundus de St. Martin Adurentis Antistes, qui spretis insulis, Canonicam in Sto. Joanne de Castella regulam vovit anno 1266.

(b) *Amicabiliter concedimus.* Vides non licuisse, imò nec licere Præmonstrati Canonico, prælaturam sibi ultro oblatam, sine Superioris consensu acceptare, quantumvis ei licitum est in illam, per artes aut per abusum sæcularis potestatis procuratam involare, aut per sinuosos ambitionis cuniculos in illam se introducere.

## EPISTOLA LI.

*Gervasius & Capitulum generale precum participationem concedunt  
Reginæ Franciæ.*

**I**LLUSTRI & Amantissimæ Dominæ Ing. (4) Dei gratiâ Reginæ Franco-  
rum, Gervasius, Dei Providentiâ Præmonstrati dictus Abbas, & ejusdem  
Ordinis Capitulum Generale Salutem, & cum orationibus devotam ad obse-  
quia voluntatem.

Licet Religiosas omnes personas sincerè amplectamini & devotè, credi-  
mus tamen quòd spirituali quâdam affectione moveamini erga Ordinem Præ-  
monstrati, quam potius excitavit in Vobis (ut credimus) zelus vester, quàm  
aliud quod ex meritis nostris emanaret. Cum igitur omnibus teneamur  
astricti, qui se nobis propitios exhibent ac devotos, tantò magis Vobis esse  
volumus & debemus obnoxii, quantò vestra dilectio nobis esse poterit am-  
plius fructuosa.

Sanè petiistis ut orationes nostras dudum Vobis concessas curaremus  
per novas litteras innovare; quia fortè priores litteræ non fuerunt eâ quâ  
deceret diligentia custoditæ. Nos autem parati Vobis obsequi, non solum  
in hoc quod petitis, verùm etiam in omni eo quod nos possemus, & vestra  
gratum haberet devotio vel acceptum: participationem orationum, & omnium  
spiritualium beneficiorum, quæ perpetuò fient in Ordine Nostro secundùm  
quod Vobis ante annos aliquot est concessum, præsentibus litteris duximus in-  
novandam: addentes quòd, cùm obitus vestri dies innoverit nostro Capitulo  
Generali, sub præsentium testimonio litterarum tantum fiet pro vobis, quantum  
pro quolibet uno nostrum fieri consuevit in Missis, orationibus, & in Psalmis.

## EPISTOLA LII.

*Episcopus Bambergensis postulat à Gervasio & à Capitulo Generali  
participationem orationum Ordinis.*

**R**EVERENDIS in Christo Fratribus & Amicis Præmonstratensis Ordinis  
Abbatibus Universis, in suo Generali Capitulo ad honorem Domini con-  
gregatis, E. (5) Divinâ miseratione Bambergensis Ecclesiæ Minister humilis  
salutem & Spiritu consilii & fortitudinis abundare.

N

- (a) *Illustri & amantissima Domina Ing...* Ingeburgi filix Valdemari 1. Danic Regis  
& Sophiæ, Philippo Augusto deponata est die 14. Augusti 1193. Ambiani;  
sed tribus necdum à connubio rato & consummato, evolutis mensibus repu-  
diata, resumpta postmodum à Rege excommunicationis fulmine percusso, ma-  
ritalem thorum repetit anno 1201. Improbis moritur, 29. Julii 1236. Corbolii.
- (b) *E...* id est Ecbertus Meranix Dux, post obitum Conradi electus Bambergensis  
Episcopus anno 1203, verùm electionem ejus ob ætatis defectum, improbane  
Innocentio 3. Romam petiit, & à Pontifice placato rationibus, confirmatio-  
nis & consecrationis gratiam impetravit & jus pallii. De Crimine læsæ-Majestæ-  
tis in Comitibus Augustanis insimulatus anno 1207. quod cum Andrea Rege

Cum adeò, sicut scitis, inundaverit malitia & iniquitas super terram; quòd & servos Dei negotiis oporteat secularibus immisceri, quæ vix aut nunquam sine peccato geruntur: valde nobis timendum est, pariter & dolendum, quibus cum creditum sit Divinæ dispensationis officium, ut *mensuram tritici famula Christi demus*, super quam sumus, licet immeriti, constituti, nostrum tamen ministerium non implemus; unde *in illius manus timeamus incidere*, cujus iusto iudicio *servus inutilis plagis vapulabit multis*, & *durum fiet iudicium his qui præsunt*.

Inde equidem est (Fratres mei) quòd cum nobis apud Deum quasi nulla suppetant suffragia meritorum, *ne ex operibus iustitiæ qua fecimus nos*, aliquam ad ipsum fiduciam habeamus, ad vestras & aliorum virorum Religiosorum orationes assiduas, qui per vitæ celsitudinem montibus comparantur, *ad quos cum levaverimus oculos nostros*, speramus quòd *veniat auxilium inde nobis*, duximus recurrendum: ut per ipsorum orationes & merita nobis Divina propitiatur pietas, quæ per offensiones nostras continuas modis pluribus irritatur.

Sanè nuper existentes Romæ in concilio Generali, Venerabilem in Christo Dominum Gervasium Præmonstratensem Abbatem suppliciter exoravimus ac devotè, ut in orationes vestras, & participium beneficiorum Ordinis recipere nos misericorditer dignaretur: quòd cum nobis liberaliter concessisset, consuluit & suggessit quatenus idem curaremus à vobis diligentius postulare.

Licet igitur de nullis nostris meritis confidamus, ut vos super aliquo debeamus rogare; quia tamen de benignitate vestrà, bona plurima referuntur, fumpimus nobis fiduciam exorandi vestrum singulos & pariter universos, quatenus eam nobis liberalitatem & gratiam, per vestrarum concedatis testimonium litterarum, quam à dicto Domino Præmonstratensi Abbate, licet immeriti, meruimus obtinere: & nos inde vobis & toti Ordini Vestro tenebimur ad gratias, & ad id faciendum pro vobis, quod vestræ utilitati cedit & honori. Valete in Domino.

---

Hungariæ affine suo sædus pepigisset, Imperio & Philippo Imperatori funestum, suspicionem conspirationis eluit, quam anno 1208. auxit, dum testis, fortè & minister extitit, aut saltem approbator nefariæ mortis illatæ Philippo Imperatori per Othonem Vuitellesbachium. Tanti sceleris autores, publico edito proscripsit Otto 4. Hungariam ad fororium suum præcipiti fuga se contulit Ecbertus. Ad annum usque 1214. exul mansit, spectatorem interea infelix mortis cruentæ, quam Banchanus Regina Gertrudi Siccariorum more intulit, Ecberto, ut creditur, inhumano facinori ansam præbente. Fridericum Imperatorem habitu supplicantis assumpto, sic movit lacrimis pœnitens Ecbertus, ut in Principis gratiam, postea in Ecclesiam Bambergensem redierit. Vitam in melius coepit emendare, res Ecclesiasticas singulari cura instaurare, monasteria cumulare possessionibus. Concilio Lateranensi convocatus interfuit. Gervasium doctrina & pietate celebrem illic novit de convictu, & fraternitatis sacre petiit ab eo sedere consociari, stante Capitulo generali ordinis anno 1217. ut voti fieret compos suam Patribus submisit supplicationem. Anno sequente expeditioni sacre cui se devoverat, se committit, unde anno 1220. reversus, magis politicæ & rei militari incumbens, (in utraque enim peritissimus evaserat) quam pascendo gregi, obiit 32. sui Episcopatus anno, Christi autem 1235. & Bambergæ in Basilica Cathedrali tumulatus est. V. Aventin. & annal. Bamberg. apud Ledwig.



## EPISTOLA LIIL.

*Laudunensis Episcopus petit admitti in participationem  
orationum Ordinis.*

**V**IRIS Religiosis, & Venerandis in Christo Presbyteris & Amicis Gervasio Abbati Præmonstratensi, & sacro Coabbatum suorum Collegio, in suo Generali Capitulo congregatis, A. (a) Laudunensis Ecclesiæ Minister humilis salutem & Spiritu consilii abundare.

Cum ex necessitate oporteat nos terrena negotia procurare, & Martiæ sollicitudinem gerere in hoc mundo; variis & multiplicibus eorundem negotiorum curis tanquam quibusdam laqueis præpedimur, ne expedite possimus *currere ad propositum nobis brevium*; & mundanæ sollicitudinis pondere incurvati; vix valeamus aliquando erigere cor ad cælum, & quasi dimisso ad horam onere, respirando cælestia meditari: unde necessarium valde nobis est, ut sub pressurâ ponderis titubantes, eorum precibus & meritis fulciamur, qui à strepitu seculari & mente & corpore separati, quotidie *sedent ad pedes Domini* cum Mariâ, ut *audiant verbum ejus*, ac tantò puriores apud Altissimum fundunt preces, quantò habent mentes terrenarum cogitationum scetulentia non infectas.

Cum igitur sit credendum, quòd sicut exterius nitidi appàretis candore habitus, ita nitore mundæ devotionis intrinsecus fulgeatis: & quod eò-*ipso vestra conversatio sit in cælis*, quòd vobis nihil cum seculo est commune: Sinceritatem vestram affectuose rogamus, quatenus intuitu Dei, & habito respectu ad hoc, quòd Ordinem vestrum cunctis aliarum Religionum Professionibus semper in amore prætulimus, humilitatem nostram in participationem sanctarum orationum vestrarum colligere procuratis. Debetis autem credere, imò scire pro certo, quòd per hanc participationem, & nobis fructus non modicus acquireretur, & vestris meritis nihil penitus deperibit; ac inde nostra ditari poterit inopia, unde vestra in nullo abundantia minuetur.

## EPISTOLA LIV.

*Conceditur Episcopo Laudunensi precum petita participatio.*

**R**EVERENDO in Christo Patri & Domino A. Venerabili Laudunensi Episcopo, Gervasio, Dei patientiâ Præmonstrati dictus Abbas, & ejusdem Ordinis Abbatum Generalis Conventus, Salutem, & cum orationibus sinceram ad obsequia voluntatem.

Lectæ sunt nuper in auribus nostris litteræ Paternitatis vestræ, in quibus instantèr & humiliter postulastis, ut Vos orationum nostrarum partici-

(a) A... *Laudunensis Ecclesiæ minister.* Anselmus de Bercenaix, Roberto de Châtillon sufficiens est anno 1215. illius mortem assignat Albericus in anno 1238. errorem detegit sepulchralis Anselmi inscriptio, quam ex tumulo ejus excerpimus in monasterio Vallislucentis Ordinis Cistercii, *hic jacet Anselmus de Bercenaix natus, quondam Laudunensis Episcopus, qui obiit 3. nonas Septembris anno 1248.*



tunc gravi ægritudine laborabat, vestris orationibus memoriam haberetis. Nunc verò quoniam idem Dominus Episcopus (quod cum dolore intimo recensemus) in fata concessit: charitatem vestram monemus, pariter & rogamus in Domino, quatenus cum devotis orationibus finus prosequamini tanti patris: & infletis nihilominus piis supplicationibus apud Deum, ut vacanti Ecclesiæ, talem suâ ineffabili provideat pietate pastorem, qui subditum sibi gregem & à luporum moribus tueatur, & ad virentia sempiternæ vitæ pascua verbo dirigat & exemplo.

Dolendum sanè est non modicum de morte Præfulis memorati, in quo concussa est proculdubio una de firmioribus columnis Ecclesiæ Gallicanæ: nec apparet (unde magis gemendum est) quomodo possit faciliè restaurari. Licet enim in pompâ sæculi gloriari videretur, ut-pote vir præclarus & dives; Ecclesiam tamen sibi commissam regebat prudenter, pariter & potenter, & in eminenti ac prospero statu conservabat: & quamvis *in multis offenderet* ut homo; multa tamen laudabiliter faciebat, quæ creduntur fuisse accepta in oculis Dei, qui solus librorum est & censor operum humanorum.

~~~~~

## EPISTOLA LVI.

*Gervasius Cistercienses Monachos ad amicabilem pacem invitât.*

**R**EVERENDIS in Christo Patribus & Amicis C. Cistercii Abbati & sacro Coabbatuum suorum Collegio, in suo Generali Capitulo congregatis, Fratres Gervasius dictus Præmonstrati Abbas salutem & Spiritu consilii abundare.

Desiderantes habere pacem cum omnibus quantum in nobis est, pacem annuntiamus iis qui propè sunt, & iis qui longè: & utinam quidam non minus longè essent loco, quam videntur esse affectu. Vobiscum liquidem tantò propensius desiderantes habere pacem, quanto celebriori famâ & excellentiori Religione polletis.

Scripsimus vobis jam pluries pro vicissitudine temporum, secundum emergentes causas: & aliqua de quibus conquesti sumus nos & Fratres nostri, sed pauciora quam necesse esset; gaudemus esse correctâ; sed quædam esse dolemus, quæ sunt majoris ponderis, indecisa: ita etiam quòd veteribus injuriis atque damnis nova frequenter addantur.

Cùm igitur & nos-ipsi, & quidam fratrum nostrorum conquerantur de angustia pascuorum & de grangiarum limitibus non servatis, & maxime de claustris Sororum, quæ quasi in januis Conventualium Ecclesiarum nostrarum fundantur: (a) ad pedes vestros cum omnimodâ humilitate cordis geni-

O

---

Tot facinoribus bellicis, nullis Ecclesiæ obsequiis inclitus Præful, maximè proflus indulgentiâ, potentique intercessorum suffragio indigebat apud Deum, in cujus conspectu, haud scio, an elogium valuerit *tanti Patris*, quo mortuum prosecutus est Laudunensis Episcopus die 2. Novembris anni 1217. regiminiis quadragenarii, non Episcopalis, sed militaris, rationem redditurus ad suum Judicem Philippus.

(a) *De claustris Sororum, quæ quasi in januis Conventualium Ecclesiarum nostrarum fundantur.* Occurrerat uterque Ordo huic querelæ, & quasi prævererat suis concordatis anni 1142. quæ à generalibus Capitulis consecrata, omnem videbantur præcidisse litem. Sic enim legitur, „ Nullus in utroque Ordine locum



Lator praesentium Magister P. de Norhant, dilectus & familiaris noster, qui rexit scholas Parisius aliquanto tempore in Decretis, intendit facere moram Remis, & in facultate sua legere, si à vobis potuerit obtinere licentiam, ne marcescant otio dies sui.

Quoniam igitur desiderium ipsius honestum credimus & favorabile; nec videmus quod alicui esse debeat onerosum: pro ipso & cum ipso vobis supplicamus, quatenus ei docendi licentiam concedatis. Super quo ut preces nostrae (quae non confidunt in meritis peccatoris) apud benignitatem vestram faciliorem obtinere mereantur accessum, in ore Virorum H. Decani Sancti Petri Laudunensis, & Magistri G. Goin Concanonicorum vestrorum, quibus sumus notiores, quam vobis, posuimus verbum nostrum.

EPÍSTOLA LVIII.

*Scholastico S. Quintini commendat Gervasius Professore.*

**V**IRO Venerabili & discreto Magistro I. Scholaſtico S. Quintini, Gervafius  
 Dei patientiâ Præmonſtrati dictus Abbas Salutem & ſincerae dilectionis  
 affectum.

Attendentes quantum utilitatem Ecclesiasticæ conferat unitati diligens agricultura litterarum studiorum, per quam ab agro Domini Sabaoth vepes hærefum & alia hominis inimici zizanias extirpantur, atque è contrario tritice fidei Christianæ veritas elucescit: pium esse credimus intendere promotioni eorum, qui dies suos in scholis ponentes, pro lucro thesauros scientiæ effoderunt, de quibus absque ulla diminutione sibi facta, alienam possunt & sibi reficere pauperem.

Cum igitur praesentium lator à puerilibus annis sub scholastica defudans  
serula in tantum profecisse dicatur, ut jam per biennium Parisiis sederit cum  
Magistris in cathedra Magistrali, ea, *sine fictione didicit, absque invidia com-*  
*municans* atque docens; ipsum benignitati vestrae attentè duximus commen-  
dandum; affectuosè rogantes quatenus scholarum Sancti Quintini, quarum  
donario ad vos spectat, ad annum instantem, ei regimen concedatis, ea vide-  
licet intentione, ut loci profit scholaribus, (quorum utilitatem procurare de-  
betis) & ipse nihilominus fructum aliquem percipiat ex labore, unde habeat  
initiales expensas ad sacram paginam audiendam, ad quam (ut dicitur) fer-  
venti desiderio suspirat.

## EPISTOLA LIX.

*Gervasius rogat Episcopum Leodiensem, ut permittat Juvenule  
Claustrum ingredi.*

REVERENDO in Christo Patri & Domino H. (a) Dei Gratia Leodiensi  
Episcopo, Gervasius Fratrum Præmonstratensium servus humillimus salutem  
& cum orationibus sinceram ad obsequia voluntatem.

(a) *Domino H... Hugoni Petrepointis, gallicè de Pierrepont, electo Leodiensi Episcopo anno 1199. vivis autem exempto, anno 1229.*

Cum omnino pium sit, omnium in bono provehere voluntates; eorum maximè pium esse creditur desideria promovere, qui ita se volunt à tumultu mundi abscondere, ut sola possint cœlestia cogitare: & sic elongare hujus sæculi dies malos, ut *annos licitè meditentur æternos.*

Sanè significatum est nobis, quod mulier quædam, dilecti in Christo B. Prioris nostri ex Sorore neptis, ætate quidem juvencula, sed moribus præmatura, adhæsit jamdiu quarundam vestigiis foeminarum, quæ & nomen habent Religionis, & vultum exhibent pietatis: ex quarum salubribus documentis ita crevit in eâ semel coepta devotio, ut mandatis earum aliquid velit adiacere, & traditiones suarum supergredi Magistrarum. Consideravit enim sibi, ut dicitur, in Dicecesi vestrà quomodo inclusa nihil habeat commune cum sæculo, & orationi intenta vacet ac serviat soli Deo.

Cum igitur didicerimus à Venerabili & dilecto Fratri H. (a) Abbate Florentinensi, qui dictam juvenculam satis novit, quòd in conversatione ejus nihil habeatur impurum, nihil resideat scetulentum, sed mera versetur sinceritas & honestas: Paternitatem vestram affectuosè rogamus, quatenus attendentes devotionis ejus affectum, pariter & fervorem, quo sexum superat, ætatem vincit, magnanimitatem etiam antecedit virilem, pium ejus propositum habere velitis effectum: ut cum gratia & benedictione vestrà desideratum sibi latibulum concedatur, quo semel inclusa (b) soli suo de cætero serviat Conditori, & de numero sit eorum, quorum orationibus mundo pereunti Dominus miseretur.



## EPISTOLA LX.

*Gervasius ad postulationem Monasteriensis Episcopi, Canonicum Prem. & Parochiali Ecclesia revocatum, remittit ad Pastoratum & vicissim Episcopum rogat ne sit in posterum onerosus Varlaria.*

**R**EVERENDO in Christo Patri & Domino O. (c) Dei Gratiâ Venerabili Episcopo Monasteriensi, Gervasius Fratrum Præmonstratensium servus humillimus Salutem & cum orationibus sinceram ad obsequia voluntatem.

Litteras vestræ Paternitatis recepinus continentes, quòd Venerabiles Fratres (d) A. Cappenbergenfis, H. Knechtstedenfis, & F. Hamburnensis Abbates, fungentes

(a) *Fratre H...* Abbate Florentinensi. Littera initialis H. Hillinum insinuat, neque enim in syllabo Abbatum Florentinæ, quem Petrus de Herantal conscripsit, alius occurrit Abbas ætate Gervasii, cujus nomen à littera H incipiat, hinc arguit Epistolam anno 1213. nec serius esse scriptam, siquidem hoc anno Hillinus transmarinam peregrinationem arripuit.

(b) *Inclusa*, quænam illa fuerit reclusa Virgo, incertum est, an Juetta celebris eo tempore Virgo Nosocomii Hoiensis institutrix, quæ Florentinensis Abbatis Disciplinæ suberat? an Christina cujus sanctæ vitæ exitum laudat Leodiensis Chronographus Fizen?

(c) *Domino O.* Ottoni de Lippia qui post Ludolfum præfuit Ecclesiæ Monasteriensi, cui successit Willhelmus de Holte.

(d) *Venerabiles Fratres, A. Cappenbergenfis, H. Knechtstedenfis, & F. Hamburnensis Abbates.* Andreas Cappenbergenfis Ecclesiæ Abbas, electus anno 1210, vivere desinit anno 1232. Concilio Lateranensi generali 4. nomine Cleri Westphaliæ interfuit.

fungentes officio Circatorum (a) in Ecclesia Warlarenſi (b) Fratrem Brocardum Canonicum ipſius loci, qui remiſſus fuerat ad curam Parochiæ Coſveldenſis, revocaverunt in Clauſtrum, inſtituentes ejus loco dilectum in Chriſto I. quondam Abbatem, quem propter inſufficientiam ſuam amoveri fecimus ab adminiſtratione Eccleſiæ N. per cenſuram noſtri Capituli Generalis.

Poſtularis igitur ut eundem B. memoratæ Parochiæ reſtitui faciamus, utpote utilem illi loco, & à Civibus caſtri illius cum multâ inſtantiâ poſtulatam. Cùm ergo neque hoc, neque aliud, quod cum honeſtate poſſimus, veſtræ velimus Præminentiæ denegare: noverit Paternitas veſtra nos in mandatis dediſſe memorato A. Cappenbergenſi Abbati ut dictum B. remittat ad Parochiam ſupra-ſcriptam, dummodò poſſit ibidem Deo & proximo utiliter laborare.

Ad hoc; ſicut ad ea quæ petitis, eſſe deſideramus alacres & devoti, ita confidenter à veſtrâ Paternitate petimus quæ ſcimus conſona rationi: unde cum occasione guerrarum quas habuiſtis temporibus retro-actis, ſueritis & Vos & Veſtri, ut didicimus, ſupra-dictæ Eccleſiæ Warlarenſi non mediocriter oneroſi; Sanctitati veſtræ attentiffimè ſupplicamus, quatenus deinceps non tantùm parcatis eidem, imò & defendatis eam ab inſultibus malignorum, habentes ſpem firmam, quòd & in guerris & in aliis occupationibus quas haberis, plus vobis poſſint & debeant Religioſorum orationes prodeſſe, quàm quodlibet emolumentum temporale & modicum, quod perciperetis ab eis violentè extortum.



## EPISTOLA LXI.

*Commendat Gervasius Bartholomæum Episcopo Tuſculano.*

REVERENDISSIMO Patri & amantiſſimo Domino N. Dei Gratiâ Venerabili Episcopo Tuſculanenſi (c) Frater Gervasius, Fratrum Præmonſtratenſium ſervus humillimus, ſalutem & cum orationibus paratam ad obſequia voluntatem

P

interſuit. In Arduis tum Eccleſiæ, tum reipublicæ negotiis expeditiſſimus miſiſter, utrobique ſibi nomen grande fecit.

H. Kneſtedenſis. ignoro Abbatem cujus nomen ab H. incipiat, & qui ætate Gervasii flourerit. Godeſcalcum invenio qui ab anno 1216. poſt Fortini obitum, prælatum geſſit ad annum 1227. an catalogo Kneſtedenſi turò danda ſit fides, dicere nec auſim, nec licet. Eſt porro Kneſtadium Diœceſis Colonienſis florens Abbatia, paludibus circumciſa, & ſplendens ædificiis.

F... Hamborna Abbas; ne de nomine quidem notus eſt nobis Prælatus ille Abbatiz Hambornenſis. Eſt autem Hamborna filia Steinfeldæ, in Ducatu Cliviz, medios inter acatholicos ſita juxta Duſiburgium, & quaſi per miraculum ſubſiſtens. Nobiles tantum, iique Ordinis Equeltris, ad inſtar Capenbergæ, ad eam habent accessum.


(a) *Officio Circatorum.* Sic ſolent appellari Viſitatores Provinciæ, à Capitulis generalibus deputati, Etymon trahentes à circumcundo, quia tanquam exploratores per Monaſteria circumcunt, unde & Provincia quæ eis in ſortem viſitationis obigit *Circaria* ſolet nominari.

(b) *In Eccleſia Warlarenſi,* præpoſitura eſt celebris Virorum nobilium, unius horum ſpatio diſtans à Coeſfeldia, fundatur anno 1123. à Comitibus Capenbergæ Godeſfrido & Ottone. Præpoſituram regebat Jordanus anno 1216.

(c) *Episcopo Tuſculanenſi.* Nicolao nomine. Is fuit electus Episcopus & Cardinalis Tuſculanus anno 1205. in Angliam miſſus ſacrum promovit bellum, anno 1219. de eſſit, ſucceſſorem habuit Nicolaum de Claromonte Monachum Ciſterciienſem, variis in Germania legationibus perfunctum.

Licet satis timidè vobis scribam, pro eo quòd nulla se offert opportunità, quā beneficiis vestris respondeam secundum meæ devotionis affectum; attendens tamen quòd intuitu Dei, non personarum respectu, & mihi & aliis, secundum quod honestas sustinet, subvenitis; Sinceritatem vestram præsentibus interpellare præsumo, confidens plenius quod solitam bonitatem vestram, mea nunquam importunitas fatigabit.

Sanè cùm dilectum in Christo Fratrem Bartholomæum Canonicum lato-rem præsentium, ad Sedem Apostolicam curaverim destinare pro quibusdam negotiis Ordinis Præmonstratensis, & ipsius specialiter Ecclesiæ Præmonstrati, multis his diebus injuriis lacessitæ: Paternitati vestræ supplico humiliter & attentè quatenus eidem B. cùm ad vos accesserit aliquando gratiâ supplicandi, Paternitatem vestram, in quantum permittet honestas, inveniat asabilem & benignam.



## EPISTOLA LXII.

*Gervasius Præpositum & Præposituram de Heinelberg commendat  
Abbati Steinfeldensi.*

**G**ERVASIUS Dei patientiâ Præmonstrati dictus Abbas, Venerabili in Christo Fratri M. (a) Abbati Steinfeldensi salutem & sinceram in Domino charitatem.

Scripsistis nobis pro Viro Venerabili Præposito de Heinelberg (a) latore præsentium, ut absolveremus eum à curâ & onere pastoralis: sed & ille hoc ipsum cum multa instantia personaliter postulavit. Verum cùm idem apud vos subditorum alleget paucitatem, & credat se posse ac debere proficere in futurum, si haberet fideles in administratione sibi tradita adjuutores: gratum nobis esset admodum & acceptum, & rogamus vos etiam, quatenus attendentes quàm sit pium ad hoc instantius laborare, ut locus ille in statum debitum suscitetur, aliquos ei ex Fratribus vestris; quos idem utiles sibi fore crediderit, concedatis, ut eorum patrocinio possit ibidem aliquid ordinare, quod expediat & ipsi domui, & Ordinis honestati. Sin autem, cùm non possit solus regiminis onus sustinere, gratius nobis est ut autoritate nostrâ eumdem absolvatis, quàm ille in provisione domus expendat inutiliter dies suos: & cùm aliis prodesse non possit, sibi videatur obesse, cùm sit vir Religiosus & qui libenter æterna cogitet ac mansura.

Ad hoc, cùm locus ille sit à nobis remotus, & indigeat visitatione frequenti, Fraternitatem vestram rogamus obnixè, insuper & mandamus vobis, atque præcipimus quatenus, cùm requisiti fueritis, attendatis ad locum, & corrigatis quæ ibi apparuerint corrigenda, cum nostræ plenitudine potestatis.

Sanè cùm superius vos rogaverimus de Fratribus eidem concedendis, ut apud vos effectum habeant preces nostræ, ipsis precibus præceptum duximus annexendum.

(a) *Fratri M. . . Abbati Steinfeldensi*, Macario, qui anno 1211. Everardo subrogatus, ad annum 1247. Abbatiam tenuit.

(b) *Præposito de Heinelberg*. Hujus Præposituræ non meminit Pagius in Catalogo Monasteriorum Ordinis Præm. illam omisit Lairuelius in suo indice; si ab Amanvenfisbibus erratum fuit, putarem legendum Heinsberg, Præpositura Virginitum Nobilium Diocesis Leodiensis, intra circariam Steinfeldiæ constituta, geminum olim habens Monasterium, sed virile ab aliquibus sæculis extinctum est.



## EPISTOLA LXIII.

*Abbatem Fufniaci rogat Gervafius, ut procuret iuftitiam fibi fieri.*

VENERABILI & dilecto in Christo Patri N. Abbati Fufniaci (a) Frater Gervafius, Præmonſtrati dictus Abbas, ſalutem & ſinceram in Domino charitatem.

Credentes olim quòd in viris Religioſis; qui non ſolùm ſua, ſed & ſe ipſos Domino obtulerunt, verior & ſincerior deberet iuſtitia inveniri, Apoſtolicas impetravimus litteras ad Dominum Abbatem, & Priorẽ B. (b) & Virum Venerabilem Decanum Guilielmo contra quendam militem, qui nobis in quodam homine noſtro injuriam inferebat. Idem vero Abbas & Prior, invito Collegâ ſuo, negotium ipſum valdè turpiter & intolerabiliter protelarunt. Præfixerunt namque plures dies; atque aut veniendo, quaſi nihil penitus faciebant, aut non veniebant omnino, dicentes pluries; non quòd venire non poſſent, ſed manifeſtè quòd nollent.

Nos igitur, teſte ſcripturâ, credentes quòd (ut ſalvâ pacẽ veſtrâ, & Ordinis veſtri reverentia liceat nobis verum loqui) ſcëlus ſit idololatriæ mandatis Domini Papæ, qui ſedet loco Jeſu Chriſti, minime obedire; & admirantes non modicum quâ conſcientiâ dicti Abbas & Prior audeant ſic tractare libram juſtitie ſibi commiſſam: Paternitatem veſtram affectuoſe rogamus, quatenus eos monendo, exhortando, & mandando ad exhibendam juſtitiam taliter adhortemini, quòd non oporteat nos ex neceſſitate coactos ſuſpendere principale negotium, & agere contra ipſos: tantum autem inde faciatis, quantum in conſimili caſu pro vobis, aut pro veſtris fieri optaretis.

## EPISTOLA LXIV.

*Abbas Romersdorffii Fratrem Hugonem Gervafio commendat.*

REVERENDO in Christo Patri Gervafio, Dei gratiâ Præmonſtratenſi Abbati Frater B. (b) dictus Abbas in Rumerſtorp, promptam obedientiam cum debita & devota reverentia.

(a) *Abbatem Fufniaci.* Gallicè *Faigny*, Abbatia Ciſtercenſis Ordinis, Diœceſis Laudunenſis, in agro Teraſcie. Nullus in Elencho Abbatum, Abbas legitur qui tempore Gervafii nomen à littera N. incipiat, Simonem lego cui proximè ſucceſſit Mathæus, qui anno 1232. reformationem invenit in Monaſteria Benedic-tinorum Provinciæ Remenſis.

(b) *Ad Abbatem & Priorem B. . . .* Haud dubito eſſe Bonifontis Abbatem, eſt vero Bonuſfontis Monaſterium Ordinis Ciſtercenſis, Provinciæ Remenſis & Dynallæ de Ruminacio, cujus fundator ſuit anno 1152. Nicolaus Dominus Ruminaci.

(c) *Frater B. dictus Abbas in Rumerſtorp,* alias Patrio nomine Romersdorff, Abbatia Ordinis Præm. Provinciæ Trevirenſis, tribus infra Confluentiam horis, quondam Benedic-tini Schematis & ad Præmonſtratenſes translata anno 1135. procurante Alberone Trevirorum Archiepiſcopo. Monaſterium regebat ab anno 1214. Bruno de Braunsberg Prædicator Crucis ad Partes Rhenanas ex Apoſtolica commiſſione depuratus, vir pietate & doctrina ſpectabilis, qui ad annum 1136. magno Reipublicæ bono vitam & Regimen protraxit.

Frater Hugo præsentium lator non valens ulteriùs mansionem extra patriam suam cum patientia sustinere, & nimis durum sibi reputans locum nostrum, in tantum nostro Conventui se gravem exhibuit & molestum, ut victi importunitate ipsius, & Fratrum nostrorum consulentes commodo & quieti, permiserimus eum ad præsentiam vestram redire cum præsentium testimonio litterarum. Rogamus autem benignitatem vestram attentius, (sicut vos præsentem rogavimus vivâ voce) ut si nequaquam restitutionem in Ecclesia sua potuerit obtinere, saltem alicubi intra patriam suam eum locare velitis.



## EPISTOLA LXV.

*Conradus ex Abbatia Augia in Vallem-Secretam translatus, Fratres suos solatur super elongatione sua.*

**F**RATER Conradus (a) peccatis suis exigentibus, dictus Abbas Vallis-Secretæ, suis in Christo dilectissimis & semper diligendis Priori & Fratribus, nec-non & Sororibus Augiæ, salutem & gaudium in Spiritu Sancto.

Virtus obedientiæ, quæ Jonam trajectum per fluctus maris & per ventrem ceti misit in Ninivem ad prædicandum, misit me nescio ad quam Vallem-Secretam, ac si in Augiâ peccata mea sufficienter deslere non possem. Super quo, licet adhuc non possim sufficienter confortare me-ipsam, vellem tamen dilectissimam Congregationem vestram in Domino confortari, de quâ magis doleo, quàm de me-ipsa.

Rogo igitur Discretionem vestram, & moneo, & exhortor in Domino Jesu Christo, quatenus elongationem meam corporalem velitis æquanimiter sustinere; quia per Dei gratiam, affectu & devotione cordis, vobis in perpetuum præsens ero.

Hoc autem ante omnia rogo, ut unanimes habitetis in domo, nec ab invicem discedatis; sed & in Pastore alio eligendo exhibeatis vos Venerando in Christo Patri Alberto (b) Præposito Rotheni tractabiles & benignos.

Sufficiant vobis pauca, quia præ angustia cordis, ad præsens multa loqui non possum. Valere in Domino, & orate pro me.

## EPISTOLA

(a) *Frater Conradus*, ex Abbatia Adelbergenfi ubi vota emiserat, ad Præposituram minoris seu Candidæ Augiæ vocatus est anno 1203. est autem Augia minor germanicè *Weissau*, Circuli Suevici Imperialis Abbatia, semi horæ spatio distans à Ravensburgo, fundatorem habens Gebizonem de Wisemburg. Ab hac Præpositura translatus est Conradus ad Abbatiam Vallis-Secretæ anno 1217. post demigrationem Petri de Orcheio ad Cuissiacensem Abbatiam. Vallis-Secreta à Castro-Theodorici, gallicè *Chateau Thierry*, sesqui horæ distat, primitus in ipsomet Castro erat condita à Theobaldo Comite Campaniæ fundatore, anno 1133. ob tumultuantes curiæ sollicitudines, quibus interior quies Monasterii turbabatur, ad secessum solitarium deportata fuit anno 1140. Conradus Gervasio ad Sagiensem Episcopatum subleto, successus est in Abbatem Præmonstrati anno 1220.

(b) *Patri Alberto Præposito Rothenfi*. Albertus in Præpositorum Rothi Catalogo undecimus est, & Præpositorum antepenultimus; in Abbatiam quippe sub Conrado 2. sublimata fuit Præpositura Imperialis, Suevici Circuli insignis Cœnobium, Regalia jura exercens, haud procul à Memingen situm in Diœcesi Constantiensî.

## EPISTOLA LXVI.

*Gervasius consolatur Augienses de translatione sui Abbatis eosque hortatur, ut de alio sibi per electionem provideant.*

**G**ERVASIUS Dei patientiâ Præmonstrati dictus Abbas, suis in Christo charissimis Priori & tam Fratribus, quàm Sororibus universis Augiensis Ecclesiæ, salutem & sinceram in Domino charitatem.

Recepimus litteras devotionis vestræ pietate plenas, & affectum scribentium (sicut veraciter credimus) exprimentes; quibus sicut præbuimus aurem libenter, ita & concessissemus eis suæ petitionis effectum, si possent ratione aliquâ exaudiri. Verum quia scripsimus vobis dudum, nec est modò necesse figillatim eas repetere, quas tunc ostendimus, rationes: oportet ut adhuc iisdem rationibus innitatur, nec debet pueriliter sperare Discretio vestra, quòd factum nostrum, Ordinis autoritate suffultum, & à multis bonis viris solemniter approbatum, debeamus aliquatenus revocare: maxime cum translationes Abbatum nec sint insolitæ, neque novæ, neque nostris temporibus introductæ.

Monemus igitur devotionem vestram in Domino, & attentissimè exhortamur; quatenus translationem charissimi nostri Conradi Abbatis vestri, qui generaliter toti Ordini utilior esse poterit, quàm prius, æquanimiter sustinentes, alium in Domino eligatis, sub cuius regimine probare possitis, utrum doctrina, quam plantavit & irrigavit in vobis per annos quatuordecim dictus Abbas, radicem adhuc alicujus habeat firmitatis.

## EPISTOLA LXVII.

*Gervasius Priorem Sancti Mariani Altiissiodorensis monet, ut remissum Canonicum recipiat.*

**G**ERVASIUS Dei patientiâ Præmonstrati dictus Abbas dilecto Filio O. Priori Sancti Mariani Altiissiodorensis (a) salutem & sinceram in Domino charitatem.

Cùm ante dies aliquot scripsissemus Venerabili Fratri L. Abbati Dei-Loci pro recipiendo Stephano quondam Canonico loci vestri, si non demeruisset in perpetuum domum suam: rescribens nuper insinuavit nobis, quòd cum venisset in Capitulum vestrum, nostrum executurus mandatum, & interrogans nihil invenisset peremptorium contra eum, & ob hoc præcepisset ut idem Stephanus restitutione gauderet; vos, cum Venerabilis Frater Norber-

Q

(a) O... Priori S. Mariani Altiissiodorensis. S. Mariani Abbatia anno 1139. fundatur ab Iterio, cui Consilium & auxilium in operis consummatione subministrarunt Hugo Episcopus, Guillelmus Nivernensis, Theobaldus Campaniensis Comites. Varias translationes passum est hoc Monasterium, quas Robertus Canonicus S. Mariani & Chronographus recenset. Nunc populari lingua Sta. Maria extra muros, *Ste. Marie de dehors*, & per sincopen, *Ste. Marie de la dors* dicitur.



affensum, mandamus eum recipi, ut vestro aggregatus consortio, conscientie  
sue labefacta restauret, & dies perditos devotione recuperet innovare.

Vobis autem districte præcipimus, ne pro contradictione interposita aliquatenus molesti sitis, vel Provisoribus, vel Priori; quin potius honoretis eisdem sicut sincerissimos & ferventissimos claustralis munditiæ zelatores: sciri quod si fuerit secus factum, in eum aggravabimus manus nostras, quem didicerimus reum esse.

Ceterum quia domus vestra (prout didicimus) debitis detinetur, & aliqui vestrum instant ad ædificandum refectoryum Conversorum: monemus vos quatenus bono & æquo animo sustineatis ut debita primitus exolvantur, & postmodum (si in vestris potuerint loculis inveniri unde ædificetur refectoryum memoratum) faciatis in nomine Domini & illud, & alias officinas, quibus Ecclesia videbitur indigere ædificari de novo, & veteres si opus fuerit reparari.

EPISTOLA LXIX.

*Gervasius dispensat cum vidua habitum Religionis postulante.*

**G**ERVASIVS Dei patientiā Præmonstrati dictus Abbas, Venerabili in Christo Fratri G. (♁) Abbati de Nehus Salutem & sinceram in Domino charitatem.

Non debet calamitas animum patientis obnuere, quæ spei plena ad statum meliorem viam aperit, & dolori diutino finem parit. Sanè significastis nobis quòd, cum ad partes aquilonaris Angliæ transiretis, executuri vestræ visitationis officium, dilectam in Christo N. quàm sincerè diligimus intuitu suæ prolis, invenistis in Domino de Ghines merore confectam, & animo consternatam; defunctòque Marito, ac perditâ substantiâ suâ, consilio destitutam? Petitioni igitur vestræ, quam nobis porrexistis pro ea, Discretionis vestræ consilium adjunxistis; ut secundùm desiderium cordis sui, quod per instantiam lacrimarum & precum satis supplex exponit, in domo illa, ei Religionis habitum concedatur, dispensatione habitû circa illam.

Porro attendentes quod Dominus circa horam undecimam venientes à cultura vineæ suæ non repellit; imò aequat eos in pramio, his qui pondus digi & æstus ab adolescentia portaverunt: ejus commendamus propositum, volentes ei assistere in hac parte in quantum cum honestate possumus; ut effectuo jam corpore, Deo serviat jam annosa, & immolet ei saltem sacrificium vespertinum.

Verum quia domus illa de Ghines (b) nobis est omnino ignota; nec aliquid scimus de numero illo, quem (ut dicitis) in instituendis Sororibus non licet supergredi, cum jam sit integer & perfectus: Fraternitati vestrae committimus in hac parte omnimodas vices nostras, ut dispensetis secundum quod

(a) *Fratr. G. Abbati de Nebus.* Hæc est prima Ordinis Præmonst. Abbatia in Lincolnensi Episcopatu à Petro de Goffa anno 1147. fundata, & cæterarum mater quæ in Anglia pullularunt, matrem ipsa habuit Liskam, gallicè *Lesques*, quatuor à Caleto leucis separatam Abbatiam.

(b) *Ghmer*. Hujus Parthenonis non meminit *Monasticon Anglicanum*, illum præterit *Harsfeldius* in *Catalogo Religiosorum Ædium*. Non legitur in *Præmonstratensis*, neque in *Sillabo Lairueli*. Est porro ille Parthenon situs in Agro *Northumbrensi* & *Dioecesi Dunelmensi*, matrem habens *Alnewik*.

vobis visum fuerit circa eam; quatenus à seculi impedimentis jam libera, in orationibus & colloquiis divinis claudat vesperam vitæ suæ; & dolorem, qui ex morte mariti & damno rerum accidit, moderetur & temperet adepta quies corporis, & ampliata animæ spes salutis.

Videtur autem nobis quòd ei satis competenter concedi potest habitus regularis: ita tamen quòd ab usu veli suspendatur usque ad Capitulum Generale, in quo curabimus ei super hoc per Dei gratiam providere.

~~~~~

## EPISTOLA LXX.

*Supprior Præmonstrati, Benedicto Abbati de Alnewick fratri suo  
salutaria scribit anno 1212.*

**R**EVERENDO in Christo Patri ac Domino Benedicto, Dei gratiæ Abbati de Alnewic (a) Frater R. dictus Supprior Præmonstratenfis, Salutem & dilectionis Fraternæ debitam firmitatem.

Recepi litteras vestras, quæ utinam crebriores existerent, ne videretur ex parte vestra Fraternitatis affectio deperisse: quia, licet vulgariter dici soleat *omne rarum charum*, illas tamen non facit earum raritas, chariores: nec si sufficiunt vestra vobis, (unde refero grates Deo) ideo deberetis vestros negligere; eos maximè, qui nullum à vobis expetunt commodum temporale: quia (ut aliquid pro me loquar) nec ad vos fortasse veniens in manus vestras respiciam, ut à vobis subascellatus recedam; nec, si veneritis Præmonstratum, curabo ut dextera vestra exeniis repleatur. Absit igitur ut in vobis naturam vincat tenacitas: quia apud me non est pretiosa dilectio concinnata muneribus: quoniam favor emptus ad interiora non penetrat, nec per cum voluntates consentiunt, corda simul non veniunt, animi non coherent.

Sanè legens in litteris vestris quòd fedet in tristitia Mater vestra, mortuo jam marito: fateor (& indulgeat mihi Deus) quod parum dolui de dolore quo premitur, pro eo quod lætificavit me ampliùs mors mariti, quem & durè flagellatum (ut didici) ex longo langore transmisit ad requiem (sicut ctedo) & Matri vestræ, cui languens, fuerat onerosus, ad statum meliorem viam aperuit; & dolori diutino finem fecit.

Gratanter siquidem hoc accepi, quod ab omnibus sæculi impedimentis jam libera, religionis Propositum, quod ante hos triginta annos concepit me conscio, jam sexagenaria vult ad effectum perducere, & laxatis pellibus, consumptâ jam carne, immolare vult Domino rugas suas, & effœctum corpus in obsequiis divinis fatigans, diem ultimum expectare. Super hoc noveritis quod factum est verbum Domini Præmonstratenfis ad Venerandum Patrem G. Abbatem de Nehus committentis eidem plenarie vices suas, ut autoritate suâ dispenset prout ei visum fuerit circa eam: quatenus in domo de Ghines habitum desideratum suscipiens, in vitæ suæ vespera sacrificio redimat vespertino, quod omisit junior, ex laudibus maturinis.

Ceterùm si subiectis fas esset consilium dare majoribus & Prælatis, benignè vobis consulere & fratetnè, ut Præmonstratensem Ecclesiam Matrem vestram

(a) *Benedicto Abbati de Alnewick.* Est prima Nehulis proles in agro Northumbrensi Dioceseos Dunelmensis, fundatorem agnoscens Eustachium de Velsy.

vestram sapiùs, quàm huc-usque feceritis, vestro honoraretis accessu, vel litteris saltem per nuntium specialem, vel per aliquem sine expensis vestris intermeantem directis, quod quidem Præmonstratenses pro loco & tempore sufficiens reputarent: quoniam si vos movet carnalis affectio ut Matrem carnis vestræ secundum litteram legis, quæ attente hoc præcipit, honoretis, & ex hoc mereri vos creditis apud Deum; proculdubio tempore gratiæ revelate quo jubemur spiritu ambulare, si spiritualem Matrem vestram debito frequentetis honore, tantò ampliùs meritorium vobis erit, quantò non erit in causa caro & sanguis, sed qui ab alto hoc inspicit solus Deus.

Præterea cùm (ut didici) multa sit dissolutio domus vestræ (sed in aure hoc dixerimus, non prædicaverimus super te) ex familiaritate habità cum Domino Præmonstratensi Abbate incuteretur vobis ad eam reprimendam tam sufficiens, quàm necessaria fortitudo: sumeretis enim ab eo cornua, quibus efficaciter & confidenter possetis in omnes, quantumlibet fuerint vehementes in malo, impetum facere; & omnem, si qua est, subditorum proterviam ventilare. *Possent audacter arripere iudicium manus vestræ, & gladius oris vestri viventes in carne devoraret.*

Nunc autem dicitur quòd Abbas de Alnewic comparatur subiectis insipientibus & similis factus est illis, fatagens ut inter eos cum honore & pace transigat dies suos. Sed verba huiusmodi, quæ sortè disseminavit relator incertus, vaniloquus, & mentitor, refellunt evidenter litteræ Patris-Abbatis vestri de vobis sic loquentes in fine: *homo vità laudabilis bonique testimonii, & apud eos qui foris sunt gratiam multam habens.* Cui testimonio tanti Patris subjungo: utinam; adeò ut (sicut desidero & sicut forsitan res se habent) in parte sollicitudinis vestræ erexeritis labefacta Ordinis ruinosi, & lucra feceritis animarum, ac reddideritis domum vestram debitis liberam, temporalibus opulentam, religione famosam.

Ad hoc: videtur mihi secundum rationes neque invalidas neque paucas, quòd deberet vobis cedere ad gloriam & honorem, quòd *de stirpe vestra suscitaverit Dominus sibi virum*, cui sedenti in Cathedrâ Præmonstrati inclinentur cervices omnium, quicumque Præmonstratensem Ordinem profitentur, non tantum à Dan usque Bethsabæ, imò usque ad terminos Orbis terræ: cui si ita noti essetis devotione & familiaritate, ut nomine; scio cui credidi & certus sum quòd magnum esset hodie nomen vestrum, non tantum in aquilonari Anglia, imò in ipso Capitulo Generali; ubi multi qui magni in se creduntur & prominent apud suos, præ multitudine & respectu majorum modici reputantur.

Sane si in scribendo ista nimius vobis fui, indulgete obsecro, quia tactus sum quasi plenus rimis, verbis affluens ex vestræ desiderio honestatis: *effluavis in me spiritus meus*, cum multi multa de Fratre meo aliter, quàm volui, loquerentur; & *defeci ferrè non sustinens*, cum nuntium invenissem, qui cogitationes cordis mei vobis per præsentes litteras præsentaret.

Valeatis in Christo, & super commissis vobis filiis hominum bonam possitis coram Deo reddere rationem.

Hoc autem inter modica præcipuè caveatis, ne, quoties Abbati Præmonstratensi scribendum fuerit, in salutatione præmissa nomen *obedientiæ* taceatur, ut videlicet sic dicatur: *Salutem & devotam obedientiæ voluntatem*: possent ob tacitum verbum illud litteræ tam vestræ, quam Patris vestri Abbatis indignanter suscipi, sed Matris vestræ negotium non debuit remorari.

Salutetis, obsecro, & attentè & intimè Matrem meam, quæ jam nihil habens commune cum sæculo, sit apud Dominum memor mei, ut quæ mundo me peperit filium iræ & virum dolorum, charitatis viscibus & orationum instantiâ pariat Christo in adoptionis filium & gloriæ possessorem.



## EPISTOLA LXXI.

*Pro reparatione Ecclesiarum Sancti Joannis Ambianensis fideles  
ad Eleemosynam provocat.*

UNIVERSIS Christi Fidelibus, ad quos litteræ præsentis pervenerint Ger-  
vafius, Dei patientiâ Præmonstrati dictus Abbas, & Abbatum ejusdem Or-  
dinis Generalis Conventus salutem in omnium Salvatore.

Cùm ex Evangelio moneamur *dare eleemosynam, ut omnia munda sint nobis*; æquum est & salutare, ut fidelis quisque, qui ipsius veritatis, quæ Christus est, magisterium recognoscit, eleemosynas faciendo vocem Domini monentis ita obedienter audiat, ut in executione mandatorum ejus, & ipse honoretur instructor, & mundationem promissam consequatur auditor.

Verùm cùm inter opera charitatis illud credatur esse præcipuum, quod Ecclesiis fuerit reparandis oblatum: ad Ecclesias Dei vel faciendas de novo, vel reparandas post lapsam, quisque ex eo se debet exhibere devotum, quo munus ejus coram Deo creditur pretiosum: quia nimirum si grata est Deo eleemosyna quæ reedificatur domus proximi, proculdubio gratissima erit illa, quæ reparatur diruta domus Dei: & tantò potest quis expectare securiùs mercedem à Domino, quantò quod Ecclesiis reparandis contulerit, impensum creditur ipsi Deo.

Sane cùm Ecclesiæ, quæ ad Ecclesiam Sancti Joannis Ambianensis, quæ est nostri Ordinis, pertinebant, in illo incendio, quod nuper magnam partem Ambianensis Civitatis involvit *a)* (quod sine dolore non dicimus) redactæ sint in favillam: condolentes plurimùm Sanctæ Ecclesiæ, quæ in duarum Ecclesiarum suarum conflagratione dignoscitur non mediocriter læsa esse: Universitatem vestram cum ipsa & pro ipsa cui ad reparandas illas non suppetunt facultates, affectuose rogamus & exhortamur in Domino, quatenus intuitu & amore illius, qui Ecclesias manutentas constitui sibi decrevit in terris, ut cultoribus suis longè gloriosiores redderet non *mansuissimam in celis*, ex bonis ab ipso collatis ad reparationem dictarum Ecclesiarum aliquam velitis transmittere portionem, copiosam ab Altissimo percepturi mercedem, cui inter homines præparaveritis mansionem.

Nos verò, ut devotionem Fidelium, qui obtentu retributionis æternæ aliquam illuc miserint pecuniæ portionem, eâ quæ possumus gratitudine compensemus, communicationem omnium spiritualium beneficiorum, quæ in Orationibus, Missis, Psalmis, vigiliis fiunt, vel fiunt, per Ecclesias Ordinis nostri universas, devotâ eis concedimus charitate, obsecrantes humiliter ut devotionis suæ percipiant ibi fructum, ubi est & veritas Beatitudinum & æternitas præmiorum.

*(a)* Incendio quod magnam partem civitatis involvit. Hoc incendio, quod tempore Everardi Episcopi accidit, & ipsa conflagravit Cathedralis Ecclesia, quam à fundamentis, & in ingentem, sicut nunc visitur molem, erigere cepit, perficere non potuit morte præventus præsul.



## EPISTOLA LXXII.

*Gervasius Cancellario Wellensi amico suo quadam salutaria scribit.*

**V**IRO Venerabili & speciali Amico Magistro L. Cancellario Wellensi (a) Gervasius, Dei patientiâ Præmonstrati dictus Abbas salutem & sinceram constantiam charitatis.

Jucundum est nobis & dulce, sed & solatium reputamus vestræ scribere charitati, cum nobis vel offertur nuntius, vel oportunitas commendatur. Sanè credentes non immerito quòd in desiderio habeatis, ut de statu nostro vobis veritas intimetur, hoc vos ad præfens scire volumus, quòd præter incolumitatem corporis, quâ gaudemus, illa mortificatio status nostri, de quâ vobis aliquando conquesti sumus, jam per Dei gratiam (prout nobis videtur) in melius convalescit, & quasi post langorem diutinum jam sanitatem recuperat & resurgit: in multis enim Ecclesiis Ordinis divinâ operante clementiâ (quæ sollicitudinem nostram & prævenit & comitata est usque modò) Ruinosa Ordinis restaurari incipiunt; quæ plenam in brevi restitutionem recipere, si haberemus in spiritualibus & in temporalibus adjuutores.

Porro quia ex litteris vestris didicimus, quòd plurimos habeatis litteratissimos auditores, cum quibus & in quibus multum proficitis; desideramus scire quis sit ille profectus, quem habetis in illis, pariter & cum illis? quia, cum illi sint litteratissimi, docendo illos quid aliud agitis, nili quòd mari rivus infunditis, & solem facibus adjuvatis? Sed & illi audiendo, quid aliud faciunt, quàm quasi pleno stomacho cibos ultra satietatem intrudunt? Multo ergo salubrius & vos doceretis indoctos, & illi quasi per Orbem diffusi ex abundantia literaturæ, quam habere eos dicitis, jacerent semen bonum, ut viderentur didicisse, non sibi ad gloriam, sed aliis ad salutem. Credimus igitur pro constanti, quòd is est profectus, quo debent proficere litterati.

## EPISTOLA LXXIII.

*Gervasius Canonicum Tuamensem in Hibernia Viciniam ad tempus mittit.*

**G**ERVASIVS Dei patientiâ Præmonstrati dictus Abbas, Venerabili in Christo Fratri W. (b) Abbati Vicinæ salutem & sinceram in Domino charitatem. Lator præsentium Isaac Canonicus Ecclesiæ Sanctæ Trinitatis (c) in suburbio

(a) *Cancellario Wellensi*, Cathedralis Wellensis, quam Joannes Episcopus, de Consensu Willelmi Regis, Bathoniam transtulit anno 1092, teste Parisio.

(b) *Fratri W. Abbati Vicinæ* Walterus, Radulpho sponte cedenti successit anno 1211. Prælatuæ Vicinæ. Est autem Vicinia Cœnobium insigne in Hannoniæ partibus, bino à Valencenis milliari distitum, cui Guido, Præmonstrati quondam incola, initium fecit & Præmonstratensibus transcripsit anno 1129. primumque illic Abbatem constituit Garinum è Laudunenti submissum Monasterio, Gualterus.

(c) *Isaac Canonicus Ecclesiæ Sanctæ Trinitatis*. Hæc Ecclesiæ in suburbio Metropolis Tuamenfis fundatorem habuit Clarum Mac-Mailin Archidiaconum Elphinensem circa annum 1215. juxta Varæum lib. de *Antiquitatibus Hiberniæ* p. 263. Quæ sequuntur verba Gervasii, æquivocationem pariunt. *Subdet enim in sub-*



Ecclesiis Ordinis nostri, ad quas venerit, autoritate Ordinis & Nostrâ, & suâ etiam ubi locus & opus fuerit, corrigat quæ invenit corrigenda. Vobis igitur presentium autoritate præcipiendo mandamus, quatenus ei in omnibus, quæ in locis vestris ordinanda viderit aut mutanda, obediatis per omnia tanquam nobis. Cæterum est quoddam verbum secretum, quod de consilio, & pro utilitate ipsius Ordinis posuimus in ore ipsius, in quo ei similiter volumus & præcipimus obediri.

## EPISTOLA LXXV.

*Archidiaconum Parisiensem rogat ut inducias peregrinationis Cruce-signato concedat donec Edicto Apostolico ceteri milites iter arripiant.*

**R**EVERENDO Patri & speciali Amico Archidiacono Parisiensi (a) Frater Gervasius Fratrum Præmonstratensium Servus humilis, salutem & cum orationibus sincere dilectionis affectum.

Cum lator presentium G. serviens Ecclesiæ nostræ, olim signatus Cruce ut iret in Terram-sanctam, propositum suum non fuerit aliter executus, nisi quod ivit in partes Constantinopolitanas cum illo solempni exercitu, qui ibidem posuit itineri suo metam; consulimus ei ut in partes Albigensum proficiscens, indultam aliis pro peregrinatione illuc factâ indulgentiam obtineret cum induciis prosequendi votum suum, donec solemne edictum proficiscendi in Terram-sanctam à Sede Apostolicâ emanaret: maximè cum non credamus expedire ad præsens, ut partes adeat transmarinas. Proinde Paternitatem vestram rogamus, quatenus secundum quod Parisiis loquuti fuimus vobis nuper, tam super indulgentiâ, quàm super induciis Patentes ei litteras concedatis.

## EPISTOLA LXXVI.

*Gervasius Abbatem de Perrodio præsidem nomine suo ablegat, qui cessionem Abbatis Stelle admittat, & successorem ei designet.*

**G**ERVASIVS Dei patientiâ Præmonstratensis dictus Abbas, Venerabili in Christo Fratri D. (b) Abbati de Perreio Salutem & sinceram in Domino charitatem.

S

(a) *Archidiacono Parisiensi.* Credo esse Guidonem, qui & Guillelmus appellatur in historia Albigenium sub annum 1210. c. 58. „Tempore illo Guillelmus Venerabilis Archidiaconus Parisiensis, & quidam alius Magister Jacobus de Vltrico, de mandato & ad preces Episcopi Uticensis, quem D. Papa pro negotio fidei contra hereticos Legatum præfecerat... prædicationis officium assumpserunt. „ Biterrensem Episcopatum ad quem communi Canonico-rum suffragio adlectus fuerat recusavit.

(b) *Venerabili in Christo Fratri D. . . Abbati de Perreio.* Nullum reperio Abbatem in serie Abbatum Perreii, gallicè *Perray-neuf*, qui nomen suum à D. auspicietur, usque adeo muris est catalogus, neque enim illud D. Dominum indicat, titulum ætate Gervasii prorsus inutilitatem in Ordine Præmonstratensi, Perreium pagi Andegavensis cænobium primum in Bosuo-Ranulphi situm, Robertum dynastam Sabolii, gallicè *Sablé*, fundatorem habuit, translatorem verò Guillelmum de Rupibus Senescallum Andegavia.

Venerabilis Frater Abbas de Stella (*a*) *laborem & dolorem* in administratione *considerans*, quos jam experimento cognoscit, cum multâ nos rogavit instantiâ, ut relaxaremus eum ab onere, quod fastidit: & ut efficacius quod postulat assequatur, quasdam causas allegat, quarum intuitu dignum & justum est eum exaudiri.


Cum autem hæc Abbatis voluntas non lateat Fratres loci; illi de successore solliciti in quandam personam (ut didicimus) unanimiter consenserunt, quam postulant in Pastorem.

Verum attendentes quòd, si mulier viro suo vivente postulaverit aliquem in maritum; cum ille decesserit, non potest legitime contrahere cum petito, prout in Ecclesiastico Jure plenius est expressum: petitioni dictorum Fratrum nequaquam censuimus annuendum, ut Abbate suo adhuc agente concedamus eis quem postulant in Rectorem.

Quia tamen preces eorum nolumus nec omnino repellere, nec penitus exaudire; mittimus vobis tribus clausa sigillis trium nomina personarum, quarum, una est persona, quæ est à Fratribus postulata.

Fraternitati igitur vestræ præcipiendo mandamus, quatenus ad locum illum personaliter accedentes, Abbatis dimissione susceptâ, faciatis in Conventu Missam de Sancto Spiritu solemniter celebrari; & in Capitulo postmodum eodem Spiritu invocato, habeatis in manu tria sigilla prædicta, ut accedens unus è Fratribus, coram cunctis unum accipiat quodcumque voluerit ex sigillis, & cujus nomen inventum fuerit illo fracto, ille indubitanter & sine refragatione aliquâ suscipiatur ab omnibus in Abbatem. (*b*)

Factâ ergo obedientiâ ei quem Dominus taliter suscitaverit in Rectorem, frangantur & alia sigilla, ut cognitis nominibus aliorum, quos Dominus in hac parte videbitur reprobasse, comperiatur à cunctis cum quanta sinceritate processerimus in hoc facto.



## EPISTOLA LXXVII.

*Gervasius Huberto Angliæ supremo Judici gratias agit de protectione ab eo data Ecclesiæ S. Radegundis, pro aliis Ecclesiis partem rogat protectionem impendi.*

**I**LUSTRI & amantissimo Huberto (*c*) de Burgo Justic. Angl. Frater Gervasius, dictus Præmonstratensis Abbas, Salutem & cum orationibus sinceram ad obsequia voluntatem.

(*a*) *Venerabilis Frater Abbas de Stella*, quintus ordine erat, isque Michaël vocabatur. Cessionem fecit anno 1218. de consensu Gervasii, ad eam excitatus sanè ob devastatam incendio Domum, cui reparandæ imparem se sentiens, in alium transmisit onus, est autem Stella filia Præmonstrati, in Pago Vindocinensi posita, tribus à Castro-Reginaldi milliaribus.

(*b*) *Suscipiatur in Abbatem*. Insolita prorsus eligendi forma, quæ nec juri Communi, nec Statutis Veteribus, neque novis Præmonstratensibus concordat, imitatus nihilominus Apostolicæ electionis normam, quam fortè secutus est Gervasius, de concurrentium merito æquali certus, & de præponendo ambiguus, electionem forti commisit.

(*c*) *Huberto de Burgo*. Factus est magnus Angliæ Justitiarius anno 1205. post obitum Huberti Cantuariensis Archiepiscopi. Anno 1232. ab Henrico 3. amovetur ab officio per Consilium & artes Petri Vintonienfis Episcopi.

"Gaudemus plurimum quòd *Justus Dominus diligens*, imò & remunerans *equitatem*, respexit ab alto constantiam atque fidem, quam inter varios eventus habuistis; & vos *super principes exaltavit*, ut in Angliæ Regno *Judicium & Justiciam faciatis*, ac per Strenuitatem & Discretionem vestram quiescant semitæ perverforum, & bonorum simplicitas sit secunda: & quidem hoc semper obtinet apud Deum fides constans & veritas perseverans, ut à magno provehatur ad majus, & ascendens in altum sedem habeat inter summos.

Sanè super eo quod domum Sanctæ Radegundis (b) (quæ ab initio pauper fuit, & post direptiones quas nuper sustinuit, nunc, ut didicimus, quorundam calumniis laceffitur) sub vestra Protectione voluistis intuitu pietatis suscipere, & favorem ei impendere specialem: grates vobis referimus copiosas, rogantes attentius, ut à gratia eidem impensa non sint aliæ Ecclesiæ nostri Ordinis alienæ, sed quod cœpit benevolentia vestra circa illam, piè velitis prosequi circa omnes: scituri quod dum studium vestrum exercueritis circa illam, Ecclesias Dei contra insultus malignantium protegendas, retributor omnium bonorum Deus honorem vestrum ampliabit in terris, longè ampliorem vobis reservans in cœlis.

Porro licet ex favore domui memoratæ præstito, debeantur vobis non immeritò orationes & spiritualia beneficia Ordinis Universi, & eadem petieritis Vobis per patentem litteras concedi: quia tamen non solemus uti sigillo nostri Capituli Generalis, nisi in ipso Generali Capitulo, non sit Vobis molestum aut grave, per Abbatem aliquem vel nuntium, qui venturus est Præmonstratum hoc anno, hanc petitionem vestram ipsi Capitulo præsentare. Nos enim ut exaudiatur petitio ipsa adhibebimus dante Domino operam efficacem.

Cæterum quia *bonum est & jucundum Fratres in unum habitare*, & securius pugnat contra hostem visibilem, & invisibilem, qui habet à latere adiutorem: desideravimus dudum pro animarum salute, & nostri Ordinis honestate, ut Ecclesia Sanctæ Radegundis & Ecclesia Langhedonæ (quarum utraque tenuis est & pauper) in unam Ecclesiam conflarentur, & conferrentur ad commodiorem locum, qui haberet aquam officinis Ecclesiæ servituram.

Rogamus igitur Discretionem vestram, quatenus attendatis diligentius, quanta salus animarum, & quanta custodia honestatis ex hoc facto valeat provenire: & laboretis ut desiderium nostrum hæc in parte consequatur effectum. Nec reformidetis difficultatem operis inchoandi, scituri pro certo quod gratiam Omnipotentis Dei in hæc parte habebitis adjutricem.

Valete in Domino: & Venerabilem Amicum nostrum Lucam Capellæ vestrum ex parte nostræ præcipite salutari.

De Fratre autem Thomâ, quem pro Domini Regis servitio retinetis, satis patienter sustinemus, dummodò non faciat aliquid, quod non conveniat Religioni, & quod non deceat honestatem Ordinis.

(b) *Domum Sta. Radegundis*, in Cantiz Provinciâ non longè ab oppido Dubriæ sitam, & à Galsindo Comite Pertici fundatam tempore Richardi primi Regis. Tenuem Monasterii fortunam auxit Hubertus collatione Parochialium Ecclesiarum de *Porteslade* & de *Adelstume*. Benefactores alii miserantes sortem exiguam loci præverterunt ejus casum, & incorporationem cum Langdona postulant.

## EPISTOLA LXXVIII.

*Abbatēs Teplensem & Lutomiſſenſem Viſitatores Monafterii  
conſtituit Gervafius.*

**G**ERVASIVS Dei Patientiā Præmonſtratenſis dictus Abbas, Venerabilibus in Chriſto Fratribus Wilhelmo de Teplā & Hermannō de Lutomiſſel Abbatibus, (a) ſalutem & ſinceram in Domino charitatem.

Quā ſincero affectu Venerabilem in Chriſto Fratrem A. Abbatem N. dilexerimus uſque modō, novit Deus cui nihil occultum, & ipſa etiam operis exhibitio comprobavit: ipſi ſcitis.

Nuper autem venit ad nos Frater Wilhelmus ejuſdem loci Canonicus, cum litteris teſtimonialibus fide dignis: & conqueſtus eſt, quod prædictus Abbas ipſum de ſervitio Domini P. Episcopī (*qui perſecutionem patitur propter juſtitiam*) & cum litteris ipſius Episcopī revertentem recipere recuſabat: propter quod & ſupplicavit, ut cum recipi faceremus.

Cum igitur ſcripſerimus eidem Abbati & Conventui ſuo, rogando, monendo, mandando, præcipiendo, ut prædictum Wilhelmum Collegio ſuo aggregare curarent. Fraternalitati veſtræ mandamus, & in virtute obedientiæ diſtrictè præcipimus, quatenus ſi idem Abbas & Conventus mandato noſtro contempſerint obedire, vos ſæpe-dictum Wilhelmum Authoritate Ordinis atque Noſtræ recipi faciatis, & charitative tractari, injunctā ei aliquā moderatā ſatiſfactione propter Ordinis honeſtatem, ſi inveneritis eum in aliquo deliquiſſe.

Caterū licet dictum Abbatem diligamus plurimū, ſicut prædiximus, & honoraverimus uſque modō, & intendamus eum in poſterum in quantum cum Deo poterimus honorare: quia tamen *Deo* præcipuè ſumus debitores, volumus, & ſub præſatā diſtrictione præcipimus, quatenus ad Eccleſiam N. perſonaliter accedentes inquiratis de ſtatu interiori & exteriori, plenariè veritatem & de poſitione Fratrum redactas in ſcriptis, ſub ſigillis veſtris nobis ad Generale Capitulum tranſmittatis incluſas: ut habeamus unde vel poſſimus excuſare & abſolvere innocentiam hominis accuſati injuſtè; vel unde debeamus (quod abſit) gladium ultionis exercere contra ipſum: ne Dominus Papa, qui eſt Caput Univerſalis Eccleſiæ, negligentiam Ordinis atque noſtram corrigi faciat per diligentiam aliorum. Datum Præmonſtrati anno Gratie miſſimo ducentefimo decimo-octavo, quarto nonas Maji.

EPISTOLA

(a) *Wilhelmo de Tepla & Hermannō de Lutomiſſel Abbatibus.* Iſte Wilhelmus deſicit in Elencho Abbatum Teplæ, ejuſque loco Joannem commentitium ſubiogarunt, quem primū Monafterii in tota Bohemia, ex ſui Regii fundatoris *Hru. nate* ſtemmate, inſignis, Abbatem fingunt. Nec eſt ſcrupulus in hac nominum emendatione: cum temporibus Gervafii, anno ſcilicet 1300. hæc Abbatia nata promovente Gervafio adoleverit. Hermannus Abbas Lutomiſſenſis Monafteriū ab Henrico Episcopo Olomucenſi in Bohemia fundari anno 1145. Hiſtoriam narrat Dubravius & Hageſius, ipſumque ajunt in ſedem Episcopalem ſuffraganeam Prægi fuiſſe ſubjectam, ſervato tamen ibidem Ordine Præmonſtratenſi, eamque immutationem accidiſſe referunt ſub anno 1324.

## EPISTOLA LXXIX.

*Gervasius rogat Episcopum Roffensem, ut confirmare dignetur  
Donationem de Grenviz.*

REVERENDO in Christo Patri & Domino Benedicto, (a) Dei Gratiâ Venerabili Roffensi Episcopo, Gervasius, ejusdem patientiâ Præmonstrati dictus Abbas salutem &c.

Insinuatum est nobis, quod Vir Nobilis Galfridus de Sai (b) intuitu Dei & suæ salutis obtentu, Ecclesiæ de Begeam, quæ est Ordinis nostri, contulit in perpetuam eleemosynam Ecclesiâ de Grenviz, quæ est vestræ Diocesis, & cujus donatio spectabat jure patronatus ad ipsum.

Cum igitur operi charitatis præmineat Religiosarum domuum fundatio; nec sit inferioris meriti apud Deum fundatis locis collata firmare, quam bona conferre, Paternitati Vestræ supplicamus attente, quatenus dictam donationem Nobilis memorati vestro confirmare velitis assensu pariter & sigillo, ut eleemosyna Nobilis sæpe-dicti, quæ ex donatione est sua, ex confirmatione vestra fiat, & pares sint conferens & confirmans in præmio. Valeat in Domino Paternitas Vestrâ.

## EPISTOLA LXXX.

*Begehami Abbatem deputat Visitatorem Ecclesiæ Sanctæ Radegundis.*

GERVASIVS Dei patientiâ Præmonstrati dictus Abbas, Venerabili in Christo Fratri Abbati de Begeam, Salutem & sinceritatem in Domino charitatem.

Cum Ecclesiâ Sanctæ Radegundis, quam habemus solam in Angliâ filiam specialem, (c) indigeat consolatione frequenti, utpote novella, & pau-

T

(a) *Domino Benedicto ... Roffensi Episcopo.* Successit Gileberto de Glanville anno 1216: cum esset antea præcentor Sti. Pauli Londinensis, consecratus est anno eodem 7. Kal. Martii, moritur anno 1227, ei successit est Henricus de Stanford Cantuariensis Archidiaconus.

(b) *Vir Nobilis Galfridus de Sai ... Ecclesiâ de Begeam contulit Ecclesiâ de Grenviz.* Ecclesiâ de Begeham in Comitatu Suffexiano & Diocesi Cicerstrensi, surrexit tempore Henrici 2. Regis fundum & dotem concedente, Radulpho de Dene, in loco qui *Ottbam* dicebatur, unde Canonici ob soli & cœli intemperiem transfugerunt in *Begeham*, multos à translatione, eosque beneficos sensit proceres, quos inter eminuit Galfridus de Sai miles, qui præter varia donaria, tradidit Ecclesiâ de *Grenviz*, de assensu Gileberti Roffensis Episcopi, sed quoniam scripto non approbat istam unionem, Benedictum successorem Cathedræ interpellavit Gervasius, ut ipsam diplomate suo roboraret.

(c) *Ecclesiâ Sæc. Radegundis quam habemus in Angliâ solam filiam specialem.* Miro tot filias Præmonstratensi Ecclesiæ à Pagio ascriptas in Circaria Angliæ, cum unicam prolem sibi vindicet Gervasius, eamque novissimam. Sed mirari desino, attendens ad immutationem paternitatis, quam anno 1294. Capitulum generale, ad cautionem disciplinæ & regiminis accuratorem providentiam, in-  
vexit, post habito plerumque originis & filiationis naturæ, titulo.





## EPISTOLA LXXXII.

*Abbati executori apostolicæ commissionis mandat Gervasius, ut emendet quod contra juris ordinem fecit.*

**G**ERVASIVS Dei patientiâ Præmonstrati dictus Abbas, Venerabili in Christo Fratri H. Abbati de F. (a) salutem & sinceram in Domino charitatem. Scripsit nobis acerbè nimis & crude Vir Illustris R. (b) Comes Sueffionensis, conquerendo insinuans, quòd Petrum Filium Hugonis de Amblegny Ballivi sui, Canonicum S. Petri in foro Laudunensi, quadam præbendâ suâ spoliaveritis, juris ordine prætermisso.

Quia igitur de præbendâ illâ multa audivimus, quæ & famam totius Ordinis generaliter, & quarundam personarum in Sueffionensi & Laudunensi Diocesis, specialiter denigrarunt: mandamus vobis, quatenus (cum in causâ ipsâ collegas habeatis, qui sicut & vos habeant cognoscere de eodem) sustineatis ut ipsi exerceant vices suas: & si quid fuerit à vobis contra juris ordinem attentatum, non erubescatis corrigere incunctanter: nec ex pronitate subveniendi aliquibus familiaribus vestris in causâ, vobis arrogetis in officio iudicis, præ collegis vestris aliquid singulare, unde notari possitis, & unde innocentia gravetur: maximè cum non solum dictus Comes, verum etiam Petrus (c) Triflanus, Camerarius Domini Regis (qui se gerit cognatum dicti Clerici) nobis scripserit pro eodem: nec credimus quòd minus possit nobis nocere in hoc statu suo, quàm Comes.

## EPISTOLA LXXXIII.

*Gervasius pro Abbate iniquius vexato apologeticam scribit Epistolam Episcopo præiudicii affectu.*

**R**EVERENDO in Christo Patri ac Domino Dei Gratiâ Venerabili A. Episcopo, Frater Gervasius dictus Præmonstratenfis Abbas, Salutem & cum orationibus sinceram ad obsequia voluntatem.

Litteras sinceritatis vestræ suscepimus, quibus quorundam Fratrum V. voluistis conamina prævenire; qui (prout vobis suggestum esse comperimus) in Abbatis sui gravamen intendunt, & ut discurrentes licentius mores exerant juveniles, in dejectionem senis aliquid machinantur.

Sanè non est nostræ consuetudinis aurem rumusculis inclinare, nec de Abbatum gravitate malè sentire, de facili ad suggestiones varias subjectorum; nec in Ecclesiâ memoratâ aliquem credimus ita ausum, qui contra honestatem

(a) *Abbati de F. Salutem.* Nullam lego in tota Circaria Franciæ Abbatiam, cujus initialis littera ab F. incipiat, nullam video in Pontini Circaria, nullam in Florentiæ, si Florentiam exceperis, sed Abbatem non invenio, cujus nomen ab H. auspicietur, si Hellinum demas. Putarem Abbati Fusniaci inscriptam Epistolam, nisi præceptiva vox mandamus, adhiberetur à Gervasio, superioritatem inuens, quam nullatenus in extraneum Abbatem exercere poterat.

(b) *Vir illustris R...* Radulphus 2. Comes Sueffionensis.

(c) *Petrus Triflanus*, erat ille filius Gervasii Triflani, Camerarii Philippi Augusti, Regis Franciæ.

Abbas nobis aliquid persuadere præfumeret : cum liquidò constet universis, quod partes ejus foverimus usque modò, & contra omnes obloquentes exaltaverimus cornu ejus.

Scire tamen vos volumus, quòd longo fractus senio, & ætate decrepita fatigatus, in debilitatem jam incidit corporis atque mentis; ita quòd apud subiectos nec reverentiæ sit nec timori: unde licet olim litteratus fuerit & honestus: licet in diebus suis exterius benefecerit Dominus loco illi, & interiorius vigere secerit Ordinis disciplinam: quia tamen anni ejus recedentes secum, hæc omnia adinere jam cœperunt, expedire credimus dicte domui, secundum utrumque statum, ut emeritus jam cingulum militiæ solvar, & de futurâ vitâ cogitans privatus vivat, qui huc-illuc publicis commodis militavit.

Verumtamen ne videamur aut suggestione adversantium moti esse: aut vestro interventui (cui devotè assurgimus) adversari, ipsum in administratione sibi credita censuimus sustinendum, ut ex detrimento Ecclesiæ vobis constet, quòd amoto eo oporteat alium subrogari, cui adsit plenius & robur mentis, & ad bene operandum efficacia voluntatis.

Sane si forte cesserit, curabimus Deo dante, ut instituaturs alius, qui Ecclesia supra-dicta sufficiat, & honorifice eam traheat, prout decuerit tantum virum. Super predictis autem rescriptum Vestrae Beatitudinis praestolamur.



## EPISTOLA LXXXIV.

*Gervasius unâ cum Capitulo Generali aggratulatur Joanni de Brenna super  
exaltatione ad Ierosolimam Coronam, & suffragia Ordinis spondes  
pro felici armorum successu.*

**G**ENERALE Capitulum Jerofolymorum Regi. (a) Oblata nobis ex parte  
veſtrâ petitio inter curas multiplices, quibus circa negotia noſtri Ordinis  
occupamur, exhilaravit nos plurimum, & ex promotione veſtrâ in Regem, (b)  
lætiniâ attulit cordi noſtro. Licet enim in vobis reſulgeat probitas militaris,  
& multos potentes ac nobiles, ſicut generoſitate natalium, ita etiam virtute  
militiæ tranſcendatis, ex eo tamen, quod non intenditis in gladio veſtro poſ-  
ſidere terram, ſed jaſtatis cogitatum veſtrum in Domino, & de cælo auxi-  
lium poſtularis, ex eo quidem fiduciam cepimus, & ſpem bonam, quòd per  
inamum veſtram diſpoſuerit Dominus, & gentium incredulitatem confundere,  
& noſtræ fidei injurias vindicare. Proin poſtulationibus veſtris hilarem præ-  
bentes aſſenſum, participationem omnium ſpiritualium beneficiorum, quæ in  
Eccleſiis Ordinis noſtri ſunt, & futuriſ temporibus ſunt faciendâ, devotâ  
vobis concedimus charitate, ſtatuentes, ut illi orationi, quæ ſolet fieri pro  
ſubſidio Terræ Sanctæ, una ſpecialis collecta pro vobis, per omnes Eccleſias  
noſtri Ordinis adjungatur. Veſtræ igitur Præminentiæ affectuoſiſſimè ſupplika-  
mus, ut cum confirmaverit Dominus vos in regno, ad quod ſua providentiâ  
vos vocavit, loca illa, in quibus Ordo noſter ante ſubverſionem Terræ Sanctæ  
aſcendit.

(a) *Generale Capitulum Ierosolimitanum Regi Joanni Breppenfi.*

(b) *Promotione vestra in Regem*. Anno 1209. in Regem assumptus est unanimi procerum voto, & à Regno amotus anno 1223. Friderici Imperatoris ambitione & potentia.

antiquitùs habebatur, personis Ordinis nostri per vestram gratiam restitui faciatis, recepturi pro gratiarum munere tanto uberius ab eisdem orationum suffragia, quanto per munificentiam vestram se sentierit locis suis restitui, & restitutos vestrà magnanimitate protegi pariter ac defendi.

## EPISTOLA LXXXV.

*Episcopo Bellovacensi Concambium petenti, locum & diem offert pro ejusmodi permutatione ineunda.*

**G**ERVASIUS Bellovacensi electo (a) Episcopo. De domo vestrà de Nauvel, de quà locuti estis nobis pluries, non possumus vobis per nuntium sufficienter respondere, sed si volueritis, ut concedatur vobis, assignetis nobis aliquem diem, & locum distantem per diariam unam ab Ecclesià Præmonstratensi, infra quindenam, quæ præcedit ascensionem Domini, vel infra quinque dies sequentes ipsam ascensionem, & nos ad præsentiam vestram libentissimè accedemus, Vobis pro utilitate vestrà, & honore nostro de hoc & de aliis locuturi. Notetis etiam diligenter dies vacationis nostræ superius memoratos, ne videamini hoc, quod mandamus vobis, quasi in speculo inspexisse, & propter occupationes vestras statim tradidisse oblivioni, serè quidquid vobis duximus intimandum, quod ex litteris vestris videtur posse colligi manifestè, quæ insinuationi nostræ nunquam plenè respondent.

## EPISTOLA LXXXVI.

*Scribit Gervasius Episcopo Tullensi Ecclesiam non esse alligatam debitis alterius Ecclesie, nec unam alterius esse vadem in Ordine Præmonstratensi.*

**G**ERVASIUS Tullensi Episcopo. (b) Super eo, quod vestra nobis insinuavit Paternitas, ut quibusdam vestris civibus, qui se dicunt Ecclesie de Belleval (c) pecuniam credidisse, satisfieri autoritate & potestate nostri Ordinis faceremus, id vestræ discretionis volumus esse notum, quod dudum ex parte Generalis Capituli, vestræ civitatis hominibus fuit per litteras denunciatum; ut nullus eorum aliquam crederet summam pecunie Ecclesie supra-dictæ. In nostro enim ordine hæc consuetudo habetur, ut unaquaque Ecclesia per se

V

- (a) *Gervasius Bellovacensi electo Episcopo.* Miloni de Chastillon de Nanteuil, qui anno 1217. Philippo de Dreux subrogatus est. Priusquam sacra-retur Episcopus, in Terram Sanctam profectus anno 1219. captivus abducitur ante Damietam. Libertate restituta Galliam repetit anno 1220. qui fuit supremus regiminis Gervasii.
- (b) *Tullensi Episcopo.* Reginaldo Boutillier de Senlis, destituti per Innocentium 3. Mathæi à Lotharingia, successori anno 1210.
- (c) *Ecclesia de Belleval.* Pagi Argonenfis, anno 1133. ab Alberone Episcopo Virdunensi fundata in Diocesi Remensi. Præerat Abbatiz anno 1214. & 1218. Odo, ille idem est forsan, qui mutuo pecuniam accepit à Tulli civibus, ut villam Belli Clari (*Beau-clair*) edificaret communibus expensis, cum Goberto Dynastâ Asperi montis.

teneatur propriis debitis obligata; nec reliquæ teneantur super aliarum debitis respondere. Inde est quod à vobis petimus & rogamus, quatenus à civibus vel hominibus vestris, occasione, quâ dicta est, non permittatis alicui personæ, vel Ecclesiæ nostri Ordinis gravamen inferri, vel pecuniam, nisi ab his, quibus fuit credita nominatim, aliquatenus extorqueri, cum sit justum & omni consentaneum rationi, ut ab eo, cui quidquam creditur, vel committitur, idipsum principaliter & non ab alio exigatur.

## EPISTOLA LXXXVII.

*Commendat Gervasius Cancellarium Parisiensem Cardinali Reginaldo.*

**G**ERVASIUS Magistro Reginaldo Diacono Cardinali. (a) Vir Venerabilis Philippus Cancellarius Parisiensis (b) dum olim Cathedralium Ecclesiarum Provinciæ Remensis, tanquam Generalis Procurator, in Romanâ curiâ negotia procuraret, mihi & Ecclesiis insufficientiæ meæ commissis, & quibusdam aliis devotis vestris, non solum, sicut vos meminisse credo, fuit inutilis, sed damnosus, propter quod indignationem vestram extunc incurrisse se credit, & eam adhuc non esse omnino deletam. Super quo, cum ex suscepto procurationis officio, cui honestè deesse non poterat, apud quemlibet discretum virum sufficienter possit & debeat excusari, vellem, ut si ego, vel aliqui ad humilioris meæ regimen pertinentes, occasionem dederint, quia affectus vestri obligaretur ab ipso, reconciliationis impetrandæ essemus apud vestram clementiam adiutores, maxime cum ego eum in omnibus suis locis & causis invenerim satis amicabilem & benignum. Cum igitur nuper irruerit super eum, sicut ipse retulit mihi vivâ voce, inopinata quædam & repentina tempestas ex suggestionibus quorundam, qui famam suam apud Dominum Papam plurimum obtulcasse dicuntur, & propter hoc teneatur coram ipso. Domino Papâ certo tempore comparere, suam innocentiam defensurus, Paternitati vestræ obnixis precibus supplicamus, quatenus deletâ, intuitu Dei & precum mearum instantiâ, præteritorum memoriâ delictorum, ipsum in affectionem paternam & gratiam admittatis, ita ut manus protectionis vestræ, in quantum sustinebit honestas, in hac afflictione suâ dignetur esse eum eo. Videtur enim ei, ut asseritur, nec credo quod fallat, quod pro felicitare præcipuâ reputabit, & cum universis hominibus suis audebit congregari confidenter, si tantummodo gratiam vestram habuerit adiutricem, qui per misericordiam Dei, & subventionem à fornace tribulationis hujus ereptus, vestris, tanquam devotus filius, de cætero acquiescet consiliis & mandatis.

## EPISTOLA LXXXVIII.

*Inquiris Gervasius de conversatione & moribus suorum Religiosorum apud Episcopum Thebanum, rogatque ut bonos protegat & corrigat malos.*

**D**OMINO Hardumunio Episcopo Thebano (c) Gervasius. Sicut jucundum esse consuevit plantare vires, quæ extendunt palmites suos latè,

(a) *Magistro Diacono Reginaldo Cardinali.*

(b) *Philippus Cancellarius Parisiensis.* Vide quæ diximus de hoc Philippo in Epistola X.

(c) *Episcopo Thebano*, id est Thebæ Philippi Urbis Thebaniæ in Græcia, quondam Episcopalis & suffraganeæ Larissæ, nunc verò Archiepiscopatu gaudens, nomine *Zestun*.

& reddunt suis temporibus fructum bonum, ita in fastidium verti soles, quando propagantur tales, quæ propagatæ latius degenerant in labruscas. Dudum sanè significatum est nobis, quod fratres quidam Præmonstratensem Ordinem profitentes in Dioecesi vestrà (a) fortiti sunt locum, ut ibidem Domino famularentur, secundum Ordinis instituta, de quorum conversatione, quoniam diversa audivimus à diversis, non possumus solliciti non esse de ipsis, utpote qui desideramus, ut universi & singuli ad humilitatis nostræ regimen pertinentes, regia viâ incedant, & sic currant in studio, ut æternæ beatitudinis braviū apprehendant. Verum quia singulas Ecclesias, ad Præmonstratensem Ordinem pertinentes, non possumus personaliter visitare, nec subvenire eisdem, nisi vestrum, & aliorum Patrum & Dominorum vestrorum, auxilium sentiamus, Paternitati vestræ humiliter supplicamus, quatenus intuitu Dei, & respectu orationum ac Spiritualium beneficiorum totius Ordinis, quorum participationem devotâ vobis concedimus charitate, prædictos Fratres, si videritis, quod habeant facies euntium in Jerusalem, & quod habeant quasi cor unum & animam unam, ad serviendum Domino Jesu Christo, protegere, ac manutenere velitis, & contra insultus malignantium, si qui fuerint, defendere. Porro si videritis, quod conversatio eorum limam correctionis exposcat, super hoc ipso ut corrigantur, vellemus, dummodo non esset vobis molestum, quod vestræ Paternitatis diligentia vigilaret: nollemus enim ut Præmonstratensis Ordinis Professores, sive nobis vicini, sive remoti à nobis, essent aliquibus odor mortis in mortem, sed odor vitæ in vitam. De statu autem eorum desideramus, & petimus certificari per vestræ litteras sanctitatis, cum vel à vobis, vel à nobili viro Thoma Domino Salone, aliquem ad partes nostras contigerit nuntium destinari.

## EPISTOLA LXXXIX.

*Wilhelmum Archiepiscopum Remensem pro resarcienda pace inter Episcopum  
Virdunensem & Abbatem Sancti Pauli implorat.*

**D**OMINO Wilhelmo Remensi Episcopo Gervasius. Dominus Virdunen-  
lis Episcopus, à primâ promotione suâ, pauperculæ Ecclesiæ Sancti Pauli  
Virdunensis (b) cœpit esse valdè molestus, & adhuc ad eam gravandam sum-  
ptâ qualibet levi occasione, cum minori, quam deceret honestatem suam,  
gravitate movetur: Ego autem personaliter accedens ad locum, aliquando  
eam reconciliavi gratiæ suæ, quam cum crederem diutius esse duraturam,  
nescio, quis Borealis ventus eam, tanquam non habentem, unde erubescō,

(a) *Pramonstratensem Ordinem proficentes in Diocesi vestra, Nomen silet Monasterii Gervadius, quod in Thebana Diocesi consistebat. In Catalogis Pagii & Lauerlii nullum invenio cœnobium in hac Diocesi positum, usque adeo lacunis abundat.*

(b) *Eufefia S. Pauli Virdumenfis*. Cœnobium antiquitus Ordinis Sanchi Benediſti, quod prius anno ſcilicet 973. Clericis Regularibus mancipatum erat, Alberone de Chifneio, ad Epifcopalem Cathedralẽm fubleſto, pulſis procul monachis, rurfus ad primigenium ſtatum rediit anno 1135. dum Canonicos Præmonſtraſenſes innoxit e Præmonſtrato accerſitos Epifcopus, Ordinis zelator, quem poſtea abdicata dignitate proſecutus eſt.



litterarum, tantum in singulis Ecclesiis Ordinis nostri fiat pro vobis, quantum pro singulis fratribus in loco suo fieri consuevit; brevia autem obitus vestri distribuenda per singulas Ecclesias, continere debent hæc verba. Tali die obiit Venerandæ recordationis Dominus Petrus Venerabilis Wintoniensis Episcopus, Fundator Abbatie de (a) Hales, Præmonstratensis Ordinis, cui in eodem Ordine debetur in singulis Ecclesiis, quicquid in orationibus & elemosinis debetur Fratri, qui in loco suo decedit. Vos igitur tanquam discretus Pater provideatis, si placet, dum licet, ut animæ vestræ negotium fidelibus executoribus & nuntiis committatis. Darum in translatione Beati Augustini. Anno gratiæ 1219.

## EPISTOLA XCI.

*Capitulum Generale participationem suffragiorum Ordinis concedit Archiepiscopo Senonensi.*

**D**OMINO Senonensi Episcopo (b) Capitulum Generale. Cum omnibus, qui Ordini nostro vel beneficia conferunt, vel collata conservant, simus non immerito, in communicandis orationibus debiores, vos tamen inter præcipuos computamus, quibus in communicandis orationibus renemur astricti, pro eo, quod, prout litteræ vestræ perhibent, & res ipsa testatur, Ecclesias nostri Ordinis, quæ in vestra potestate consistunt, diligitis, & in dilectionis ejusdem argumentum, illas a pravorum vexationibus conservatis. Petitis igitur tam vos, quam amicos vestros commendatos orationibus nostris haberi. Proin petitioni vestræ, cui devotâ mente censuimus assurgendum, benigno animo faventes & prompto, participationem omnium orationum & spiritalium beneficiorum, quæ in Ecclesiis nostris sunt, vel futuris sunt temporibus facienda, vobis eâ devotione concedimus, quâ vos eam credimus postulasse, optantes, ut concessio vobis orationum participio, eundem fructum consequi valeatis, quem nobis optamus terribui, qui in illis transigemus dies nostros. Sanè ad hoc, quod pro Nepote vestro H, qui de medio, ut didicimus, est sublatus, postulastis vobis concedi, ut quilibet presbiter nostri Ordinis celebret missam unam, & ab alio quolibet ipsius Ordinis Professore aliquod ei orationis suffragium impendatur, respondemus, quod tam pro ipso, quam pro aliis omnibus jam defunctis, pro quibus rogamur in nostro Capitulo Generali, celebrari statuimus, infra instans Dominicum natale, tres missas à quolibet nostri Ordinis non emerito Sacerdote, ab aliis autem, qui vel non sunt Sacerdotes, vel ab hoc officio aut debilitate, aut senio sunt exempti, psalterium unum infra terminum memoratum, præter alia totius Ordinis benefacta; hoc ipsum autem & vobis concedimus, cum per præsentem litteras nobis constiterit de obitus vestri die, statuentes, ut tantum fiat pro vobis in missis, orationibus, & in psalmis, quantum pro defuncto Abbate Ordinis fieri consuevit.

X

- (a) *Abbatia de Hales.* Filia de Welbeck, in Diocesi Wigornienfi fundatur anno 1218.  
 (b) *Dominus Senonensis Episcopus,* Petro de Corbeil, à Cameracensis Ecclesiæ Cathedrali ad Senonensem translato, anno 1199. obiit Junii 3. 1222. omnium sui temporis, & posteroris ævi scriptorum elogiis consecratus.



## EPISTOLA XCII.

*Gervasius commendat Waltero Episcopo Candidæ Casæ, religiosos  
Ecclesiæ Cathedralis Canonicos.*

**D**OMINO Waltero Episcopo Candidæ Casæ, Gervasius. Fratres nostri, qui viderunt faciem vestram, quam & nos utique vidissemus, annuntiaverunt humilitati nostræ multa bona de vobis, & dederunt nobis spem certam, quòd religiosos personas diligere debeatis, quas merito vitæ & morum honestate credideritis diligendas. Cum igitur pauperibus Fratribus nostris, & illis maximè, qui sunt remoti à nobis, non compati non possimus, pauperes Fratres illos, qui in Ecclesiâ vestrà Deo deserviunt, (a) Paternitati vestræ humiliter & attentè in Domino duximus commendandos, rogantes, ut exhortemini eos paternâ benignitate ad bonum, & ipsos in Domino confortantes, effectum probantes, quod velitis, ut sine offendiculo perturbationis cujullibet observent sui Ordinis instituta. In hoc enim honori vestro nihil decrescet, sed accrescet potius meritum apud Deum, in cujus domo mansiones multæ sunt, & ad eam per diversas, licet non adversas vias & semitas pervenitur, nec impedit professionum varietas, sicut scitis, quin sicut diversa membra unius corporis unum corpus, ita & diversæ professiones unius Diocesis, in Episcopalis apice Dignitatis, habeant unum Patrem, cujus faciem venerantur. Nos autem & Fratres nostri, licet in quantum ad disciplinam Ordinis pertinet, innitatur privilegiis nostris, Episcopos tamen nostros, tanquam Patres & Dominos reverenter & humiliter intendimus honorare, quibus per privilegia nostra non honorem subtrahimus, sed laborem.



## EPISTOLA XCIII.

*Ivoni Cracoviensi Episcopo reddit gratias Gervasius de affectione quâ  
Ordinem Præmonstratensem prosequitur, ejusque  
perseverantiam enixè rogat.*

**G**ERVASIVS Ivoni Episcopo Cracoviensi. (b) Audivimus & lætati sumus plurimum in his quæ dicta sunt nobis, videlicet quod reversi à scholis Pari-

(a) *In Ecclesia vestra . . . Domino deservunt.* Cathedralis Candidæ Casæ Ecclesia, in Galluyeyæ provincia Regni Scotiæ, tempore Christiani Episcopi, anno 1177. Præmonstratensibus cessit, è Viridi-stagno evocatis, primusque post Christiani obitum Episcopus præfuit Walterus, qui antea sub Prioris titulo fratres regēbat, & cui Adamus Præmonstratensis soliloquiorum *librus duos* nuncupavit, nunc primum luci editos in *Theſauru anecdotorum Patris Pez* tom. 1. par. 2. pag. 337. ex codd. mss. Carthusiæ Gemnicensis & Monasterii Mellicensis. En tibi verba, „Dominis suis venerandis & amicis in Christi viscēribus, dilectis viris „ illustri Domino Waltero priori, & universis Fratribus in Ecclesia Sancti Andree Christi servitio mancipatis, frater Adam, Dei & servorum Dei servus „ inutilis & indignus „ Waltero mortuo, ad Episcopatum Candidæ Casæ assumptus est ipse Adamus, unde & in fronte *soliloquiorum*, à coequali scriptore hæc fuit apposta Epigraphes, *Adami Præmonstratensis Candidæ Casæ in Sanctæ Abbatis & Episcopi, Soliloquiorum libri duo.* Demptis tres in Candida Casâ existisse Ecclesias Ordinis Præmonstrat. asserit, Cathedralē, Abbatialem, & Prioralem.

(b) *Gervasius Joanni Episcopo Cracoviensi.* Gervasius tam stricte necessitudinē vincu-



sensibus, ad regimen Ecclesiæ Cracoviensis divinâ fueritis, sicut certissimè credimus, vocatione assumpti, super quo duplici nobis ratione gaudendum esse censuimus, quia scilicet talem constituit Dominus in Ecclesiâ suâ Pastorem, qui creditur, imò scitur esse fidelis & prudens, & quia indubitanter speramus, quod pauperes Fratres nostros benigniori affectione debeatis complecti, quàm vester fuerit antecessor, qui licet fuerit pluribus commendandus, non tamen erga nostros, in quantum potuit per exteriora perpendi, nam, quam debuit, non habuit charitatem. Cum igitur divinâ gratiâ per promotionem vestram, saltem ex conceptâ spe bonâ serenaverit diem nostrum, Paternitati vestræ attentissimè supplicamus, quatenus intuitu Dei, & orationum totius Ordinis Præmonstratensis, quarum participationem devotâ vobis concedimus charitate, pauperes Ecclesiæ nostri Ordinis, in Poloniâ constitutas, paternâ recipiatis affectione fovendas, & animetis Prælatos eorum, ut ad exercendam regularis disciplinæ virgam in subditos fortius solito convalescant, discretâ tamen pietate, admixtâ, quam excludere non volumus, nec debemus. Sanè quia rogastis in concilio Generali de Sororibus in Plocheta (a) constitutis, & promissistis, cum formidarem curam earum, quod ad fundandum & construendum claustrum Canonicorum Conventuale, quorum Prælatus regeret eas, impenderetis bonâ fide, si commodè fieri posset, studium & operam diligentem, rogamus discretionem vestram obnixè, quatenus pro diligentiori observantiâ Ordinis, nec non & honestatis, memores sitis illius promissi, & ad hoc laborare velitis, in quantum honestas vestra permittet, ut promissio procedat in effectum; cæterum quia devotus noster ac fidelis Randolphus, quondam Supprior noster, circiter illud tempus, quo recessistis à Franciâ, concessit in fata, rogamus, ut faciatis rogari pro ipso.



## EPISTOLA XCIV.

*Excusationem Præpositi Scheidenfis admittit Generale Capitulum ex intuitu intercessoris Engelberti Archiepiscopi Coloniensis, cui Capitulum commendat Clarbolsensem Abbatiam.*

**E**NGELBERTO (b) Episcopo Coloniensi, Capitulum Generale. Sanctæ Paternitatis vestræ litteras recepimus continentes, dilectum in Domino Fratrem nostrum Præpositum Skeidensem (c) occasione quorundam nego-

lum nexuit cum Ivone, dum Parisiis studiorum causâ degeret, ut vix ad propria redux Ivo benevolentie signa, quæ Gervasio exhibere absenti non poterat, præsentibus Hebdovicensibus Canonicis Præm. Ordinis in Polonia dederit, decimas illis patrimoniales concedendo, ut referunt Cromerus & Bielscius.

- (a) *De sororibus in Plocheta constitutis.* In civitate scilicet Plocensi constitutis anno 1190. Istud Parthenium fundatum est à Viro Episcopo Plocensi. Ab Ivone eodem additum est Parthenio virorum cœnobium, præposituræ titulo gaudeas, & utrique Monasterio præsidet præpositus.
- (b) *Engelbertus Episcopus Coloniensis* de Altena, filio Comitis Adolphi de Berg. Ex primicerio Coloniensis metropoleos, ad Archiepiscopatum assumptus, anno 1216. pro defensione libertatis Ecclesiasticæ trucidatur 16. idus Novembris 1225. à Friderico Isemburgi Comite cognato suo.
- (c) *Præpositus Skeidensem*, erat ille Volmarus rerum agendarum peritissimus, doctrinâ præcipuus, & in regendâ Diocesi Coloniensi Engelberti administrator, eo præsertim tempore quo Fridericus secundus Cæsar moderatorem Henrici Filii

tiorum vestrorum, quibus exequendis ipse multis aliis peritior habebatur, à nostro Capitulo Generali remorari, & humiliter petiistis, ut haberemus, intuitu vestri, ejus absentiam excusatam. Nos autem peritionem vestram hilariter & benignè duximus admittendam, utpote qui Præminentie vestræ nihil penitus negaremus, quod cum nostrâ possemus concedere honestate. Ceterum Reverendæ Paternitati vestræ cum affectione multimodâ supplicamus, quatenus Ecclesiam Clarholtensem, quæ graves & multas afflictiones jam longo tempore toleravit, nec non & Abbatem ejusdem loci nuper promotum, quem credimus esse virum providum & prudentem, ac zelum religionis habere, piâ & paternâ benevolentia protegere, ac fovere velitis, & consilium adhibere, ut Ecclesia ipsa diutinis adversitatibus flagellata, diu desideratæ respirationis solatium assequatur. Valeat vestra Sanctitas. 1218.



## EPISTOLA XCV.

*Wilhelmum de Rupibus Senescallum Andegavia rogat, ut favorem non impertiatulur ultra Abbati Perrodi-inovi, pro quo amovendo commissarios ablegavit Gervasius.*

**W**ILHELMO de Rupibus Senescallo Andaviæ, Gervasius. Scripsimus vobis olim, & rogavimus cum affectu, ut pauperem Ecclesiam de Bosco Ranulfi, (a) quæ in vestra ditione consistit, vestro foveretis auxilio, & illis præcipuè solatium præstaretis, qui in eâ & virtutes inferere, & vitia satagerent extirpare; ita ut labor, quem impenderetis ad illud, & Ecclesiæ fieret incrementum Ordinis, & vobis cederet ad augmentum salutis. Verum cum nuper nobis significatum sit, quod illum Pastorem (b) reprobum foveatis, qui in eâ nomen Rectoris occupans, bona Ecclesiæ, quæ pauca, efficit pauciora per hoc, quod ad captandum favorem secularium delitiosè & frequenter convivatur cum ipsis; miramur plurimum, si tamen hæc vera sunt, quod vos, qui tanti estis nominis & tantæ discretionis & famæ, ad hoc aliquatenus ponistis vel mentem vestram inducere, vel animum inclinare, ut illum aliquâ ratione revocaretis in gratiam, cui vos ipsi exprobrando objecistis in faciem quoddam verbum, quod dignum memoriâ nullatenus esse debet. Proin cum à longis retro temporibus consistet

nobis,

sui & Germaniæ pro-Regem constituit Engelbertum. Skeida in Comitatu Markano, non procul à Civitate Unna & in Diocesi Colonienfi, filia nobilis est illustris Capenbergæ, fundatores habens anno 1143. Dominos de Ardeya.

- (a) *Ecclesiam de Bosco Ranulfi*, Gallicè *Baismould*, nunc verò *le Gaulx*, Diocesis Andegavenfis, anno 1189. illic fundatum, & anno 1209. ad Perterium secus Ripas Sartæ translata à Guillelmo de Rupibus Senescallo Andegavenfi, & Sabolii, (*Sablé*) Toparchæ, cui ex hoc Capite accessit Fundatoris Titulus ab Innocentio 3. assertus, in suo diplomate anni 1209. Hunc quoque assumpsit Guillelmus ipsemet in Carthâ translationis ab eo conscriptâ anno eodem, nihilominus primam nativatem & dotem suam debet Cœnobio Roberto Domino Sabolii, & Petro de Brion. Primigeniæ suæ originis appellationem, multis à translatione suâ annis retinuit Monasterium.
- (b) *Ilum reprobum Pastorem foveatis*, Stephanum Abbatem Perterii ordine quintum, Epulis frequentibus & delitiosis captantem secularium benevolentiam, Christi & pauperum bona convivii decoquentem, & ob id criminis, à sua dignitate amotum anno 1216. primo regiminis dilapidatorii anno.

nobis, quod sitis vir bonus faciens iustitiam & promovens aequitatem, cum etiam è contrario per multorum relationem veridicam nobis constet, quòd Abbas ille ob multimodam insufficientiam non tantum inutilis, imò & damnosus sit loco illi, cujus bona plus dilapidat, quàm dispensat, magnanimi-  
tatem vestram affectuose rogamus, quatenus cum nuntii nostri, quibus ordi-  
nationem loci commissimus, injunctum sibi negotium exequentur, si opus fuerit, in auxilium sitis eis, ut à vite, quam plantavit dextera Domini, amoveatur ille ficulneus inutilis, ille spurius oleaster, & instituaturs Abbas alius, qui sicut oliva in Domo Domini, ita bonorum operum ubertate fructi-  
ficet, ut & exemplo ipsius informetur subjecti, & bonis temporalibus prom-  
ptuarie repleantur.



EPISTOLA XCVI.

*Blancbam Cemitissam Campanie informat de excessibus Canonici Bellil-  
centis, eamque rogat ne pro flagitioso, suam protectionem  
intercessionemve interponat.*

**B**LANCHÆ Comitissæ Campaniæ, Gervasius. Cum ad Ecclesiam Belli-loci, quæ ratione Ecclesiæ, cui permittente Domino præsidemus, nobis subiecta est, (a) personaliter accedentes quosdam ipsius Ecclesiæ Fratres, tum pro suis excessibus, tum pro necessitate Ecclesiæ invensissimos emittendos, & illos vellemus emittere in aliis claustris pro tempore moraturos, Frater H. jam dictæ Ecclesiæ Canonicus, pro quo vestras ad nos litteras direxistis, ut Ordinis justiciam eluderet, & censuram, quosdam sæculares de suis, ut dicebatur, consanguineis, quos nobis præparaverat, eduxit ab insidiis, qui manu armatâ in Capitulum venientes, tam nobis, quam Abbatibus & aliis Fratribus, qui nobiscum erant, crudelissimè minabantur. Nolentes igitur, quòd aliqui, qui dicunt, quod nihil fecerit, pro quo ei debeat venia denegari, vestram circumveniant excellentiam verborum composita falsitate, rogamus vos divinæ miserationis intuitu, quatenus si ipse filius Belli in suæ nequiriæ nutrimentum ad vos accesserit, ipsius preces nullatenus admittatis, scientes quòd cum non excludimus à veniâ, licet ad propriam Ecclesiam non remittamus eundem, quam perpetuò demeruit secundum Ordinis instituta, sed parati sumus ob vestri gratiam, cum ad aliam Ecclesiam destinare.

Y

(\*) Cum ad Ecclesiam belli loci, quae ratione Ecclesia, cui permittente Domino prae-  
sidemus, nobis subiecta sit. Bellus-lodis Filius Praemonstrati in Campaniae agro,  
ad Albæ ripas & à Barrensi oppido septem milliariibus distans, in Diocesi Tre-  
centi positus, anno 1112. in Monasterii formam sub B. Augustini Regulâ coarctat.  
Anno 1140. ad Praemonstratenses eorumque vivendi noisam sponte transie-  
runt Augustinianiani, quibus Hugo Praemonstrati Abbas praefecit Odonem Abba-  
tem. Tempore Petri Abbatis Belli loci accidit illa tumultuantium fratrum re-  
bellio, quam Gervasius describit.

## EPISTOLA XCVII.

*Aleidis uxor Simonis Montfortii Gervasium de sui conjugis morte certum facit, ejus preces & auxilium implorat.*

**A**LEIDIS Comitissa Tholosæ, & Filii ejus Amauricus & Guido (a) Abbati & Conventui Præmonstratensi. Venerabilibus in Christo Patribus Dominis suis charissimis & amicis specialibus Gervasio Abbati, totique Conventui Præmonstratensi A. mulier miserrima quondam Domini Simonis montis-fortis & A. & G. montis-fortis filii orphani miserrabiles, & miserorum miserrimi salutem, quam non habent, & paratam ad obsequia voluntatem.

Luctus, dolores, suspiria, angustias & lamenta, quæ pro infelici morte, imo glorioso Martirio clarissimi Patris & Domini nostri, & amici vestri specialissimi, totiusque cleri, dum viveret, singulibus verba nostra intercipientibus, vobis, voce vel litteris non possumus explanare. Cum enim hæretici Tholosani, Scismatici, Apostatæ cum filiis perditionis, ruptariis, qui omnes venerat ibidem, ex improviso insultum facerent in exercitum Jesu Christi, dictus Pater noster more solito dicti hostis viribus præ aliis se opponens, & ipsos usque ad fossatæ suæ potenter repellens, tandem prohi dolor! percussus fuit in capite super galeam quodam lapide de quadam machinâ Tholosanâ emissio, & paulo post peccatis nostris exigentibus, vel occulto Dei judicio, percurso vice stadio ad cælestæ bravium evolavit, pro labore martyrii promissam recepturus coronam. Nos igitur in mœrore tanto positi, & serè omni consilio desolati, ad vos tanquam ad fontem scientiæ, consilii, & virtutis recurrimus universitatem vestram exhortantes, obsecrantes per viscera Dei nostri, quatenus sacris orationibus, exhortationibus, prædicationibus vestris in Jesu Christi & subsidium nostrum, consilium vestrum & auxilium apponatis. Confidimus enim in misericordia Jesu Christi, & in potentiâ virtutis ejus, quod si nobis consilium & auxilium exhibueritis, terram multorum Martyrum sanguine acquisitam, ad Honorem Dei & Sanctæ Ecclesiæ poterimus retinere. Sin autem sciatis, quod nos moriemur cum eo, & quod hucusque tantis laboribus est promotum, totaliter destruetur, & in chaos revertetur antiquum. Cæterum super omnia vos rogamus quatenus pro dicti Patris nostri anima, qui sicut vos non latet, pro pace, fide & Ecclesiâ tuendis laboravit fideliter, quoad vixit, tanquam pro uno fratrum vestrorum mortuorum faciatis officium celebrari, in omnibus bonis, quæ per domos vestras fient, ipsius memores existentes. Datum in obsidione Tholosæ in vigilia Apostolorum Petri & Pauli Anno Domini 1219.

(a) *Aleidis Comitissa Tholosæ & Filius ejus Amauricus & Guido.* Aleidis filia Bochar-di de Montmoranciaci & Lauræ de Hannonia, nupsit Simonis 3. filio Almaurici Comitis de Monteforti & Amiciæ Comitissæ Leycestrensis. Ille Simon Machabæus Evangelicus, secundâ disertus, affabilitate comis, contubernio amabilis, castitate mundissimus, humilitate præcipuus, sapientiâ præditus. . . . in militiæ exercitiis sedulus, in suis actibus circumspectus, in incipiendis arduis, in perficiendis indefessus, totus Divinis Servitiis mancipatus, inquit Petrus Vallisfarnensis, dum urgeret Tolosæ obsidionem, ac perduelles illic in perfugio constitutos vellet edomare, Tholosani ex Urbe erumpentibus, totoque impetu in Castra penetrantibus cum eos repulisset, stareque fortiter ad novos eorum Conatus excipiendos, lapide à balistâ contorto, ictus corruit, ac

## EPISTOLA XCVIII.

*Gervasius consolatur Aleidem & pro sponsi animæ orationum suffragia spondet, jam ex parte præstita, temporalibus quoque auxiliis superstitem juvare paratum esse proficitur.*

**G**ERVASIVS *Personis supra.* Amantissimæ in Christo Dominæ Ducissæ Narbonensî, & Comitissæ Tholosæ, & illius tribus viris, ac dilectissimis in Domino filiis ejus A. Duci Narbonensî; & Comiti Tholosæ, nec non & G. Comiti Bigorensî, frater Gervasius & in eo, qui est salus omnium sperantium in se, solatium atque salus.

Litteras sigillis vestris munitas recepimus in hæc verba: Venerabilibus in Christo Patribus, Dominiis suis Charissimis, & amicis &c. *ut supra.* Inspeciis itaque litteris Excellentiæ vestræ, & fuscitatâ memoriâ illius invictissimi athletæ Christi, non potuerunt non innovari suspiria dudum concepta de morte ipsius, quem, dum viveret, tenerimè dileximus, sed & ipse, secundum quod credimus tenerrimè nos dilexit. De morte siquidem dilectissimi nostri nec potuimus, nec possumus, quia hoc habet naturalis affectio, non dolere, sed solatium percipimus in eo, in quo & vos confortari debetis, quia pretiosa est in conspectu Domini mors Sanctorum ejus, quod autem rogastis, ut in auxilium, & consilium vestrum, imo Ecclesiæ Dei & fidei christianæ orationibus, exhortationibus, & prædicationibus confurgamus, secundum quod intelligimus nobis esse concessum à Domino, libentissimè faciemus. Sed Apostolica, sicut scitis, autoritas, vel saltem litteræ Domini Cardinalis, qui apud vos est, super hoc valde necessariæ vobis essent, in eâ scilicet formâ, quod vel Dominus Papa, vel saltem, sicut dudum dixit, Dominus Cardinalis (a) mihi Abbati destinaret litteras, ut per Fratres & Coabbates meos super hoc negotio prædicari facerem, & indulgentiam Apostolicam recitari. Verum quia & hoc adjecistis, ut pro inclitæ recordationis Domini Comitissæ animâ oraremus, & faceremus de ipso, sicut de uno fratrum nostrorum, sciatis, quòd ante receptionem litterarum vestrarum feceramus hoc ipsum, & ego Abbas post solutas tres missas, quæ eis à singulis Sacerdotibus debebantur, & alias orationes, nec non & eleemosinas secundum consuetudinem Præmonstratensis Ordinis faciendas, obsequium iterum in ipsâ Præmonstratensi Ecclesiâ, & in multis aliis Ecclesiis tam imperii, quàm regni, quas visitavi, postmodum feci solemniter innovari, & in illis quas visitabo, infra nostrum Generale Capitulum, & in ipso Generali Capitulo innovabo, ipsius dum vixero,

mox vulneribus quinque à sagittariis confossus, ut Christo morienti similis, Christi miles moreretur, felicem animam cælo exhalavit anno 1218., & juxta Parisium 1219., cui concordare videtur Epistolæ Aleidis, chronologicus character.

Ex matrimonio susceperat Almauricum V. militiæ Christianæ Ducem post fata Patris. Guidonem Bigerrensem Comitem, qui unâ cum Matre, Gervasio lamentabilem Patris occasum litteris transmittunt. Præter illos filios habebat Simonem Leycellensem Comitem, Amiciam Galterio de Joigny deponsatam, Lauram uxorem Gerardi de Pequineio, Vicedominum Ambiani, denique Petronillam Monialem Sti. Antonii in Campis Parisiorum.

(a) *Dominus Cardinalis.* Bertrandus tituli S. S. Joannis & Pauli presbyter Cardinalis Legatus ab Hononio 3. missus contra Albigenes anno 1217.

per gratiam Dei, devotam in orationibus memoriam habiturus, quem, dilectus ab ipso à tenerâ suâ juventute, dilexi. Valeat & confortetur in Domino dilectio vestra.



## EPISTOLA XCIX.

*Ottocaro Regi Bohemie pro Abbate Montis-Syon intercedenti  
respondet Gervasius.*

**P**ORRECTAS nobis litteras Serenitatis vestræ per quendam Nicolaum Canonicum Montis-Syon suscepimus eâ reverentiâ & veneratione, quâ decuit, & quæ continebantur in illis, legimus ac notavimus diligenter: siquidem commendastis in eisdem dilectum in Domino Adam Abbatem Montis-Syon, (a) utpote virum providum, mansuetum, benignum, & domui suæ utilem providorem, sed à subjectis suis, qui malevolè quærunt eludere Ordinis disciplinam, apud nos ideò falsis accusationibus impetitur, quia propter distantiam terrarum facilius potest rei veritas nos latere, quàm illos, qui habitant in vicino. Ad quod vestræ Præminentie respondemus, quòd cum Doninum Papam, qui homo est sicut & nos, lateat veritas super multis, quæ etiam in regionibus diversis ac remotis aguntur, qui tamen in loco suo habitat fidem adhibens referentibus fide dignis, non debetis mirari, si nobis licet modicis respectu ipsius constet de veritate multorum, quæ sunt in Ordine Præmonstratensi, licet ad singula loca, quorum statum facinus inquiri per alios, nequaquam personaliter accedamus, speramus autem in Domino, quòd, cum cognoveritis, quàm sincerè dilexerimus personam Abbatis, & quandiu perpercerimus ei, compescentes omnes obloquentes eidem, donec nos vinceret conquerentium multitudo, & honestas referentium, quibus oportuit dignè credi, favorem vestrum & illustri viri H. Marchionis Moravie Fratrìs vestri, quem dicitis domui illi, & aliis nostri Ordinis subtrahendum, nisi detrahentibus illi silentium imponatur, non modò non subtrahetis, sed ampliabitis Deo dante, cum videritis Ordini nostro tantùm inesse vigorìs, rigorìs, & zeli, ut quantumlibet magnos puniat, si inventi fuerint Ordinis transgressores, nec tamen hoc dicimus ideò, quòd dictum Abbatem gravare citra justitiam intendamus, sed potius ad preces vestras deferre eidem, in quantum poterimus salvâ conscientia & Ordinis honestate: volumus autem Præminentiam vestram nosse, quòd licet sæpe dictus Abbas à vobis fuerit plurimùm commendatus, multùm tamen & famæ & causæ ejus detrahit vestrarum portitor litterarum, qui comparentibus contra cum duobus de domo suâ Fratribus coram nobis, disparuit, quia malè sibi conscius, & recessit nec datâ sibi licentiâ, nec petitiâ.

EPISTOLA

- (a) *Adam Abbatem Montis-Syon.* Adamus Abbas Strahoviz, seu Montis-Syon, in Urbe Pragenfi, ordine quintus, ab authore *Montis-Syon incliti* ubertim laudatur, & de propagatione Norbertinæ Religionis & de præventuum incremento, nullatenus autem veræ aut falsæ accusationis aliquando lahe aspersum fuisse refert. Mons-Syon insigne & primarium est totius Bohemiz Monasterium Ordinis Præm. filius Stinfeldiz & Seminarium Episcoporum Olomuci & Pragæ, ab Henrico Zdik Olomucensi Episcopo fundatum.

## EPISTOLA C.

*Respondet Gervasius Henrico Marchioni Moravia Fratri Ottocari II.  
Regis, pro eodem Abbate Adamo, intercedenti.*

**G**ERVASIUS, Henrico Marchioni Moravia Fratri Otacri Regis Bohemiar. Porrectas nobis litteras Serenitatis vestrae per quendam Nicolaum Canonicum Montis-Syon, suscepimus ea reverentia & veneratione, quae decuit, & quae continebantur in illis, legimus ac notavimus diligenter. Siquidem commendastis in eisdem dilectum in Domino Adam Abbatem Montis-Syon, utpote per quem rite & recte administratur Ecclesia sibi commissa, sed à Domino Pragensi Episcopo (a) gravibus idcirco injuriis laceratam, quod apud Illustrem O. Regem Bohemiae Fratrem vestrum, cujus fideles idem Episcopus gravat ubique, propterea prout potest, gratiam creditur invenisse. Novit igitur Praeeminencia vestra, quod si dicti Rex & Episcopus sunt discordes, nos in neutrius favorem interponimus partes nostras, sed oramus pariter pro utroque, ut pax Christi exultet in cordibus eorundem; ita ut & de charitate mutuâ & de subiectis sibi bonam possint coram Deo reddere rationem, sed cum de dicto Abbate nobis aliqua reteruntur, quae vel tangunt Ordinem, vel in suam cedunt Ecclesiae laesionem, non permittit nos conscientia nostra surdis auribus praeterire, quin de auditis laiciamus inquiri diligentius veritatem, & puniamus secundum Deum & Ordinem vel praevicatorum Abbatem, vel relatores mendacem, cum nos, qui sumus omnibus Praemonstratensem Ordinem profitentibus debitores, non deceat habere pondus & pondus in dictandis sententiis, vel judiciis proferendis. Cum autem dictum Abbatem &c. *ut supra.*

## EPISTOLA CI.

*Agneti Abbatissae Sancti Georgii & Sorori Regis in gratiam ejusdem  
Abbatissae intervenienti respondet Gervasius.*

**A**GNETI (b) Abbatissae Sancti Georgii Sorori Regis Bohemiar. Recepimus Nobilitatis vestrae litteras, in quibus pro Abbate Montis-Syon nos rogastis, quem utique virum bonum creditis & honestum, continebatur autem in ipsis

Z

- (a) *Domino Pragensi Episcopo.* Andrea, qui anno 1214. Danieli Milik successus est. Graves cum Rege Ottocaro 2. discordias, ex zelo vindicandae libertatis Ecclesiae habuit, & teste Jaroslao Regem & Regnum anathemate perculit anno 1216. septem annis sub interdicto gemuerunt. Anno 1221. Gregorius Cardinalis illud relaxavit. Favebat Regis factioni Abbas Montis-Syon, unde ab Episcopo postulatus est reus apud Gervasium Abbatem & Ordinis Caput; pro causa accusati steterunt fortes apologizae, qui quod rationibus non potuerunt evincere, nominis pondere obtinuerunt & Abbatem firmaverunt in sua sede nutantem.
- (b) *Agneti Abbatissae Sti. Georgii Sorori Regis.* Agnes Vladislai Regis & Gertrudis Pilia, Praemonstratense institutum professae est Doxanae donec anno 1200., Ottocaro Rege & fratre Germano agente ad Sti. Georgii Abbatissatum promotae est. Vide Cruregium & Balbinum tomo 2. hist. Bohem. p. 53.

litteris, quod Fratres illi Theobaldus, scilicet, & Conradus, qui apud nos accusaverant Patrem suum, alter de vestro, alter verò de alieno quodam clau- stro duas abduxerint Moniales; sustineat itaque Reverentia vestra; ut, si vera sunt, quæ asseruntur à vobis, ex evidentissima ratione minùs commendabilem judicemus, quem nobis attentius commendastis, Abbatem prædictum, de quo quidem manifestum se porrigit argumentum, quod cæterorum subjectorum suorum malè alligaverit alas vinculis disciplinæ, aut custodiâ Magistrali, qui transgressoribus memoratis tam permissè evagandi tribuit libertatem, ut passim per claustra Religiosarum Fœminarum discurrant in dispendium honestatis. Verùm licet administrationi sibi creditæ in spiritalibus & temporalibus ipsum inutilem noverimus, & insufficientem omnino, ne tamen putetis quod illustrium Dominorum O. Regis Bohemiæ, & H. Marchionis Moraviæ Fratrum vestrorum, vestrasque simul preces & litteras admittere recusemus, intuitu vestræ Magnificentiæ & gratiæ noveritis vos, noverint & illustrissimi Patres vestri, nos tantum pro nominato Abbate facturos, dummodò non insufficienter, imò mediocriter, valeat excusari, quod in parte, ut credimus, lædi oporteat & nostram & Ordinis honestatem; vellemus autem sumnopere, quod ad Fratrum vestrorum non ambigimus pertinere præfens commodum & tutum, quatenus quæ ex liberali eorum munificentia Ecclesiæ Montis-Syon sunt collata, aut instantè expeterent, aut saltem cum benevolentia sustinerent prudenti ac discreto dispensatori committi.



## EPISTOLA CII.

*Gervasius Abbati Tepla præcipit, quæ ab eo utpote suo commissario sint agenda in Monasterio Montis-Syon circa Priorem & Suppriorem amotos &c.*

**G**ERVASIUS Wilhelmo (a) Abbati de Tepla. Cum significatum sit nobis, quod in Ecclesiâ Montis-Syon quidam Fratres à suis obedientiis sint amoti occasione inquisitionis quam per vos & collegam vestrum fieri fecimus in eadem, discretionis vestræ præsentium autoritate mandamus atque præcipimus, quatenus ad dictum locum personaliter accedentes, Priorem & Suppriorem, qui dicuntur amoti, & omnes alios perturbatos occasione prædictâ in gradum pristinum restitui faciatis, nec non & dilectos filios Theobaldum & Conradum, qui ad nos venerunt ex parte Conventus, faciatis benignè recipi, & charitativè tractari, omnes quoque illos, quos cognoveritis in obedientiis suis damnosos, amoveri ab eis, & institui alios in eisdem, donec nobis super dictâ fuerit inquisitione responsum; specialiter autem præcipimus Fratrem Nicolaum Cellarium amoveri, quem intelleximus loco suo non tantum esse inutilem, sed damnosum; ipse verò veniens Præmonstratum, ut Abbatem suum super impositis sibi ostenderet innocentem, in hoc & causam & famam dicti Abbatis non modicè pejoravit, quod comparentibus contra eum dictis Theobaldo & Conrado Fratribus coram nobis; evanuit ab oculis nostris velut malè sibi conscius, & disparsens recessit nec datâ licentiâ, nec petitiâ. Cum eo etiam

(a) Gervasius Wilhelmo Abbati de Tepla. De hoc Wilhelmo Consule quæ observamus in Epist. 78.



precipimus amoveri Fratrem G. qui moratur apud sorores de Dochan, (a) si tamen intellexeritis, quòd se & famam suam custodierit minus cautè: sanè omnes illos quos in his vel in aliis horum contradictores inveneritis, vel rebelles, excommunicationis sententiæ districtissimè supponatis nullius formidantes personam, nullius metum habentes præ oculis, nisi Dei.

## EPISTOLA CIII.

*Priori & Suppriori Montis-Syon à suo Abbate motis officio scribis  
Gervasius, quid lite pendente agere debeant.*

**G**ERVASIUS Priori & Suppriori Montis-Syon. Recepimus litteras devotionis vestræ, quas nobis per dilectos vestros Th. & C. Concanonicos vestros mittere curavistis, & eas penes nos conservamus tempore opportuno, si opus fuerit, profèrendas; ut autem taceamus multa in ipsis litteris comprehensa, quæ non habent locum ad præsens, hoc solùm volumus memoriter vos tenere, quod in calce earum petebatur ex parte vestra, ne adhiberemus fidem quibusdam litteris præterito anno dictatis, donec reciperemus vel certos nuntios Venerabilium in Christo Fratrum Wilhelmi de Tepla, & Hermannii Lutomisel Abbatum, vel ipsos Abbates facie ad faciem videremus, qui ad inquirendum de Ecclesiæ vestræ statu constituti fuerunt examinatores à nobis, quia verò petitio ipsa videbatur esse: conveniens rationi, admisimus eam benignè, & suspendimus totum negotium usque ad instans Capitulum Generale, nec acquievimus Fratri Nicolao, qui prævenerat nuntios vestros cum litteris memoratis, nisi in eo solo, quòd per ipsum & per litteras Illustribus & Charissimis in Christo Dominis O. Regi Bohemiar, & H. Marchioni Moravie, qui nobis pro dilecto nostro Adam Abbate vestro scripserant, volumus respondere, si idem Nicolaus ipsas litteras voluisset expectare, qui visis nuntiis vestris, subito & clanculò à facie nostra disparuit & recessit. Nunc verò quia solliciti sumus de statu Ecclesiæ vestræ diu, & adhuc sumus, & etiam erimus, donec veritas illucescat, ita ut eà cognitā possimus reprimere malè agentium potestatem, & illos absolvere, qui opprimuntur injustè, devotionem vestram monemus, & attentius exhortamur in Domino, quatenus insistatis attentis & devotis orationibus apud Deum, ut concedat nobis in Spiritu Sancto recta sapere, & ea, quæ iusta fuerint de fratrum & Coabbatum nostrorum consilio judicare, nec aliquis vestrum contra Ecclesiæ vestræ Prælatum irreverenter interim insoleat, salvo tamen eo, quod bona Ecclesiæ vestræ, quantum in vobis erit, & in quantum vestra possibilitas se extendet, interiori & exteriori conservetis illas. De Ordinis observantia sitis solliciti, ita ut omnes tam obedientiani, quam alii, simul jaceant in dormitorio, comedant in refectorio, & sedcant etiam quandoque legentes in claustris, restricti se habentes, quasi Ecclesia vestra plenā pace gauderet, ne obiciatur vobis ab æmulis vestris, quòd ad hoc susciteris lites, ut possitis excutere obedientiæ jugum, & effugere Ordinis disciplinam. Præterea si prædicti nuntii vestri pro necessitate supplendi expensas

(b) *Qui moratur in Dochan.* Dochan scribendum esset: Parthenium insigne Ordinis Præm. in Bohemiâ & in Diocesi Prageni fundatum, anno 1144. à Gertrude Conradi Cæsaris sorore & Vladislav. Bohemorum Regis conjuge piissimâ ibidem anno 1152. tumulata.

necessarias viæ suæ contraxerint aliquod debitum moderatum, faciatis illud sine difficultate perfolvi. Porro si qui fuerint inter vos usque adeo inordinatè ambulantes sive Canonici, sive Laici, ut etiam portent arma, vel de nocte vel de die exeant extra terminos sibi præfixos, vel extra infirmitorium, cum infirmi fuerint, & licentiam habuerint, vesci carnibus (a) non formident; tales omnes haberi volumus à vobis tanquam ethnicos & publicanos, & vel ab Ecclesia omnino expelli, vel ut misericorditer agatur cum eis, infra Ecclesiam arctiori custodia deputari & debitâ penâ puniri. Ad hoc si aliqui fuerint, qui faciant de incontinentia sua, vel aliquo alio criminali scandalum, volumus ut sicut fit apud nos, ita apud vos generaliter observetur, videlicet, ut tales omnes sive convincantur, aut confiteantur, sive non, dummodò scandalum sit de ipsis; emittantur à domo ad Ecclesias remotas, ut in illis sub gravi penitentia moraturi per longum tempus, utpote per biennium aut triennium ad minus, donec totum scandalum conquiescat. Verùm si fuerit tam grave, quod factum non possit sine aliquâ tergiversatione negari, & apud honestas personas & graves fuerit divulgatum, ejiciantur ab Ecclesia in habitu seculari, (b) nec recipiantur de cætero sine præcepto Capituli Generalis, aut nostri. Valete.



## EPISTOLA CIV.

*Gervasius Arnulfo Episcopo Osnaburgensi & Abbatibus Hambornæ & Arnsbergæ mandat depositionem Friderici Præpositi Clarbaltensis.*

**G**ERVASIVS Arnulfo Osnabrugensi Episcopo & Hamburgensi & Arnsbergensi Abbatibus. (c) Recepinus nuper litteras Reverendis Patribus Conrado

(a) *Extra infirmitorium vesci carnibus non formident &c.* Vides strictam, ætate Gervasii, carnis abstinentiam floruisse in Ordine Præmonstratensi, solisque infirmis, & quidem in infirmitorio tantùm, licuisse vesci carnibus, adeo ut prævaricatores æquiparentur Ethnicis. Nunc aliis vivunt moribus Præmonstratenses Canonici, si paucos exceperis, qui Reformationem sequuntur à Layruelio Abbate S. Marie Mussipontanæ investitâ, cæteri ex dispensatione Pontificia carnes comedunt.

(b) *Eficiantur ab Ecclesia in habitu seculari.* Ex antiquâ Ordinis disciplinâ grande facinus, idque pervulgatum, projectionem è societate operabatur, & incorrigibilitas constans ex frequentiore lapsu, quem coercere non potuit medicinalis penitentia.

(c) *Gervasius Osnaburgensi Episcopo & Hamburgensi & Arnsburgensi Abbatibus.* Nul- lum in Crantzio & in Chronico Episcoporum Osnaburgensium apud Meim- bium Episcopum reperi Arnulsum nomine, Arnoldum invenio annu 1186. humanis exemptum. Adolphum lego Gerardi successorem, qui tempore Gervasii Episcopatum gerebat, & huic credo inscriptam Epistolam, mutilato per amanuenses nomine & converso in Arnulsum.

Abbas Hamburgensis, Fridericus vocabatur à Gervasio Circator Provinciæ depu- tatus, magnam in Ordinis Regimine partem habuit, & in negotiis publicis obcundis dexteritate pollebat. Anno 1227. obiit.

Abbas Arnsbergæ Hermannus de Stophenberg dictus anno 1219. Prælaturam adiit anno eodem à Gervasio Judex in Causâ Friderici Clarbaltensis delegatus est. Passim Arnsbergæ, dicitur & Windeghusâ à Philippo Arnsbergæ Comite fun- data anno 1170. in Diocesi Colonienâ.

Courado Abbati de N. Præposito de N. & Th. Scholastico de N. nobis per dilectum in Domino L. Corbeyensem Monachum destinatas, quibus iidem Patres insinuare curarunt, quod cum ex mandato Domini Papæ causam Ecclesiæ Corbeienfis, quæ inter Abbatem Sancti Michaëlis in Hildesem, & dilectum olim Iridericum Præpositum Claholtensem vertitur, suscepissent, & ipsi auctoritate commissionis sibi factæ cum sape ac legitime in iudicium evocassent, ipse nec personaliter venire, nec pro se curavit procuratorem idoneum destinare, unde juris tandem necessitate coacti, cum licet inviti pro absentia contumaci, excommunicationis sententiæ subjecerunt, denuntiantes, cum nobis eadem sententiâ innodatum, & instituentes memoratum Abbatem Sancti Michaëlis in penam & omnimodam administrationem Ecclesiæ Corbeienfis, contradicente quolibet, excommunicationis vinculo involuto. Recepimus nihilominus litteras Paternitatis vestræ, Reverende Pater Episcopo, continentes, quod cum ex parte Ecclesiæ Claholtenfis deferrentur ad vos querimonie & multiplices & frequentes super eo videlicet, quod pestilentes quidam damna intolerabilia eidem inferrent, insuper & annonam & certa victualia, nec non & pannum ad Prætrorum vestituram paratum, imò etiam & ornatus Ecclesiæ, calices scilicet, thuribula & casulas, & alia ad asilationem marcarum quingentarum & amplius, sustulissent, vos cum Abbatibus, quibus super hoc scripseramus, accedentes ad locum, & causam dilapidationis Ecclesiæ diligentius inquirentes, ex confessione dicti F. Præpositi loci ipsius, qui & electus Corbeienfis dicitur, didicistis, quod omnia damna hæc de mandato ipsius & per eum Ecclesiæ eadem incurrisset, unde rogavit humiliter, & ut videbatur, devotè, quatenus veniam sibi dignaremini super tot excessibus impertiri, quam ut à vobis plenius impetraret, promisit firmiter, quod si posset usque ad pascha præteritum, tolerari ex tunc aut omnino ad Corbeienle Monasterium se transferret, aut illà intentione deposita, in loco suo residens restitueret damna, quæ intulerat, prout posset. Impetrato igitur, quod petebat, ex indulgentia sibi præstita pejor factus, velut promissi immemor provisorum laicum, qui omnia pro voluntate suâ ordinet, & disponat, instituit, & damnis prioribus, nova super addere non formidat, unde cum citatus à vobis secundo & tertio minime compareret, excommunicationis sententiam in eum protulistis. Rogastis igitur nos ut Ecclesiam Claholtensem serè usque ad exanationem exhaustam respicientes pietate paternâ, secundùm rigorem iustitiæ, consuleremus eidem. Quocirca intelligentes subversum esse hominem huiusmodi, quem ita cecavit ambitio, ut nec Deum timeat, nec censuram Ecclesiasticam vereatur, de correctione ipsius, si amplius toleretur, spem aliquam non habemus, nisi supernus inspector auferat lapideum cor ab eo, & det ei cor carneum, quod tremat ad minas, quod & flagella sentit, quod denique igne S. Spiritus coqui possit, proin cum correptus totiens, nec correctus à suâ nequaquam ambitione desistat, per quam Ecclesiam suam lædit vehementer, de consilio Coabbatarum nostrorum sententiam in eum depositionis protulimus, excommunicationibus prioribus nostram & Ordinis adjungentes, si forte timore Dei postposito, huic nostræ sententiæ præsumperit contraire. Denuntiavimus etgo cum vobis non velut inutilem, sed damnosum, & Petri gladium contemnentem, & extra Ecclesiam per lras in eum sententias constitutum, auctoritate Ordinis atque nostra depositum & fratres Claholtenfes ab ejus obedientia penitus absolutos. Rogamus igitur affectuosè Paternitatem vestram Reverende Patet Episcopo,

Aa



## EPISTOLA CVI.

*Monet Gervasius Priorem & Conventum Claholtenfem, qualem debeant  
Abbatem eligere, qui Friderico defuncto succedat.*

**G**ERVASIUS Priori & Conventui Claholtenfi. Intelleximus ex quibusdam literis vestris, quæ non erant sigillo munitæ, quibus tamen satis credidimus & ex aliis, quæ habebant sigilla, quod Venerandus Pater A. Osnaburgensis Episcopus & Collegæ ipsius, videlicet de Sceida & de Arnesberg Præpositi, quibus commiseramus electionem in Ecclesiâ vestrâ, vice nostra regendam, electionis diem usque ad quintam feriam ante Latare Jerusalem propagarunt, eâ fortassis intentione, ut Fridericus olim Præpositus vester, interim à vobis obtineat restitui in prælationem Ecclesiæ vestræ quam ad majoris Prælationis culmen nimis avidè aspirando, amisit, hinc volumus ut sciatis præ certo, quòd non est nostræ intentionis, quidquid contingere debeat, ut cum vobis restituamus invitis. Volumus autem, ut ob reverentiam supradicti Osnaburgensis Episcopi, præfixus ab eo & Collegis suis terminus expedietur, quo completo, sine dilatione qualibet procedatis in electione Pastoris, adjuti à Reverendo Patre Monasteriensi Episcopo, cui super preces & literas duximus dirigendas. Monemus igitur vos attentè, & exhortamur in Domino, quatenus præsentis temporis malitiam attendentes, talem vobis eligatis personam, qui non sit in exteriorum providentiâ nimis simplex, cum dicat Beatus Gregorius quod tales præficiendi sunt in Ecclesiarum regimine his diebus, qui non solum de cura cogitent animarum, verum etiam in administratione temporalium sint providi & prudentes, sciant quoque à contemplatione Mariæ, ad Marthæ sollicitudinem se transferre. Hoc autem, quod petitis vobis concedi sigillum, (\*) sciatis esse contra Ordinis instituta, nec vellemus temporibus nostris novas in Ordine consuetudines introduci, quæ imposterum Ecclesiæ vestræ & aliis præjudicium generarent.

## EPISTOLA CVII.

*Abbatem Capenbergæ, Hamburnæ & Varlarie hortatur Gervasius, ut  
Claholti Abbati electo & assilio subveniant.*

**G**ERVASIUS Capenbergensi, Hamburnensi, Varlariensi Abb. Si considerassetis verbum illud Ethnicum sed & ethicum: *Nam tua res agitur, paries cum proximus ardet*, non reliquistis virum religiosum Fratrem & Coabbatem vestrum de Claholto (b) solatio & consilio destitutum, pro quo nullus vestrum,

- (a) *Petitis vobis concedi sigillum.* Petebant Claholtenfenses, vacante Ecclesiâ, sigillum concedi sibi, illud negat Gervasius, quia in Ordine Præmonstratensi solus Abbas sigillum habere antiquitus consueverat, solum postea habuit quisque Conventus idque perpetuum, præsertim à tempore quo commendæ invaluerunt, aut mensarum separatio inducta fuit.
- (b) *Non reliquistis religiosum virum fratrem vestrum & Coabbatem de Claholto solatio & consilio destitutum.* Electione factâ Henrici in locum Friderici, illico provincie illius Magnates & consanguinei Friderici vexaverunt neo-electum Abbatem, in personam ejus attentarunt & ex insidiis appetitum, traxerunt inhumanitus, circumvicinos Abbates, oppresso contrari minùs compatiētes, ad vindictam & auxilium stimulat Gervasius.

ut dicitur, movet pedem, ut saltem pro eo supplicet, vel apud illos qui eum gravant, ut cessent, vel apud illos, qui eum juvare possunt, ut subveniant homini indefenso. Quia igitur alter alterius onera portare debemus, rogamus discretionem vestram, & exhortamur in Domino, nec non & in meritum obedientiæ, sed & in remissionem injungimus peccatorum, quatenus ad subveniendum ei, magnanimitate debitâ confurgatis & adeatis cum eo & pro eo Episcopos & terræ vestræ Magnates, adhibitis obsecrationibus tam importunis, quam opportunis, ut reprimat hominem derelictum à Deo, videlicet Fridericum, qui benefactorum nostrorum oblitus, prædictum Abbatem, qui, quantum in eo est, desiderat pacem habere cum omnibus & sincero corde Domino sanulari, per se & per alios conturbare non timet. Timere quidem possunt & meritò idem Fridericus & omnes fautores sui, ne vox sanguinis fratris sui clamet contra eos de terrâ, & inducat super eos maledictionem Cain, qui sine causâ fratrem suum Abel iustum & simplicem interfecit. Si enim de similibus idem iudicium, qui pares sunt in flagitiis, pares in suppliciis esse debent, & dignum est, ut potenter peccantes, tormenta potentius aliis patiantur.



## EPISTOLA CVIII.

*Præpositum & Conventum Burgalensem informat Gervasius de statu  
& itinere Eskili Canonici.*

**G**ERVASIVS Præposito & Conventui Burgalensi. (a) Porrectas nobis litteras vestras recepimus, quibus nos rogastis, ut siquid certum haberemus de Fratre Eskilo, qui dudum ad Sedem Apostolicam profectus pro negotio domus vestræ, necdum ad vos, ut asseritis, est reversus, nostro vobis significarem rescripto; super quo scire vos volumus, quod idem E. in Lateranensi Concilio nuper præterito ad nos venit nudus & pauper, & ita egenus, ut videretur, quasi de manibus non hominum sed Dæmonum evasisse. Super quo scire vos volumus, quod idem etiam bene vestitus videretur, quasi miser & inops. Venit idem E. tunicâ solâ contentus & pallio, vel cappâ, sublato caputis (b) in modum pallii transformatâ, unde nos afflictionum & miseris condolentes, dedimus ei statim cappam & scapulare nostrum, sed & quidam amicorum nostrorum ob gratiam nostri dedit ei viginti solidos pruviniensium pro tunicâ comparandâ. Expensas, quas fecerat seu pro victu, seu pro hospitio, quod nimirum

(a) *Præpositum & Conventui Burgalensi.* Burgalensis Præpositura, in Lundensi Archiepiscopatu, & in Regno Daniæ, nunc verò Sueciæ sita, vix habet rudera, quibus illustri Monasterii typus cognoscitur, fundatorem habuit Eskilum Archiepiscopum Lundensem anno 1178.

(b) *Tunicâ solâ contentus & pallio, vel Cappâ sublato caputis.* Incedentes Præmonstratenses cappam gestare solebant, cui adharebat caputium, hanc habitus formam itinerantes Dominicani retinuerunt, veterum Ordinis Præm. statutorum sequaces, hoc solo excepto, quod diffusum & cappæ superpositum caputium amplum habeant. Ut moribus vivant diversis, sic vestitu diverso quoad formam & usum incedunt modo Præmonstratenses. Cappam divinis deputantur per hiemem officiis, cui propensum penè ad talos quædam Provinciæ imponunt caputium, alie verò brevius: & ut Canonicos seculares æmulentur, subtus utrumque, rochetum lineum gestant Flandrica & Gallicana Circariæ, limbos caputii ornantes pellibus Armenicis.

tempore Concilii carum fuit, nos integrè solvimus atque planè. Sed & Notario, qui petitionem ejus habebat, cum quo nihil habebamus omnino, jussimus solidos C. dari rogantes quendam alium Notarium amicissimum nobis, ut si ille Notarius repidus esset in ejus negotio promovendo, ille intuitu nostri illud celerius promoveret. Cùmque postmodum discessissemus à curiâ & ille adhuc moraretur ibidem, remisimus ei viginti solidos à Viterbio Civitate. Porro cum in anno jam ferè præterito proficisceremur, ad colloquium habendum in octavâ Apostolorum circa Saxones apud Confluentiam super Rhenum, invenimus cum Calendis Julii apud Helencinas (a) Ecclesiam scilicet nostri Ordinis in Hasbano, ubi didicimus ab eodem macie & languore confecto, quod multam moram fecisset tum ibidem, tum apud Steinvelt, ubi ei una tunica data fuit, pro eo, quòd illuc venerat compassionem egens, & miseratione dignus, utpote qui in reditu, ut dicebat, inciderat in latrones. Ostendit autem nobis litteras quasdam obtentas à Curia, de Domo vestrà in loco idoneo transferendâ, quæ aliquantulum bonæ erant, excepto quod in eis de Ecclesiâ vestrà nulla mentio facta fuit, quod esset Ecclesia Catholica. Postmodum verò veniens Præmonstratum circiter Calendas Septembris, moram fecit nobiscum usque ad Capitulum Generale. Sanè, quia tunica, in quâ venerat, dura ei & aspera videbatur, & verè sic erat, data sunt ei apud nos & tunica & alia, quibus cum vidit vestiarius indigere. Verùm quia quidam Reverendus Pater Innocentius Papa jam fuerat factus de medio, consulimus ei, licet esset duri animi vix consilium admittentis, ut pro innovandis literis suis, quæ aliàs non haberent effectum, ad Sedem Apostolicam laboraret. Recedens igitur à nobis tulit secum privilegium Ordinis transcriptum, & quoddam aliud de non recipiendis Sororibus, (b) quorum utrumque muniri fecimus Sigillo Capituli Generalis. Hæc ut præscripta sunt, de eo novimus, quò postea deveniret nos nescimus.

Bb

(a) *Apud Helencinas*, vulgò *Helissem*. Abbatia Ordinis Præm. in confinio Leodiensis pagi, Dormaliæ præfecturæ membrum, à Tenis, gallicè *Tillemont* oppido Brabantie, altero lapide distitum, fundatur anno 1130. à Renero de Setru.

(b) *De non recipiendis foraribus*. Istud Pontificium diploma aut ignoravit, aut dissimulavit Pagius Bibl. p. 354. absolutum enim decretum de non recipiendis foraribus mansisse negat ab Apostolica Sede, sed modificatum, hoc est de non recipiendis simul, & in idem contubernium cum viris, licet primitus fuerat factitatum. Sed pace auctoritaticam, absolutum penitus fuisse illud Apostolicæ Sedis sancitum, de quo loquitur Gervasius, cui Synchronus Gervasio, Jacobus de Vitriaco concinit, Capituli Generalis statum referens, quo unanimi Patrum suffragio firmatum est, quod femine de cetero in Ordine non reciperentur, in cujus decreti vim producit Pontificia Sanctio, illud idem decernens, ad instantiam Ordinis. Quo tandem evanuerit istud decretum Romanum haud scio, fortè in Archivis Præmonstrati latitas, nec placuit Pagio, erga sexum femininum indulgentiori, evulgare, scio equidem, si per intercessionem Principum, si per monialium resistentiam, in plerisque Europæ provinciis, irritam cassamque abiisse Pontificum Sanctionem: unde Marchallenses, Stingadenes, & alii Prælati, ut robur restituerent enervato Pontificis statuto, solemniter se ligarunt Sacramento, de non admittendis ad habitum monialibus, ut paulatim deficientibus Canonissis, earum Monasteria interirent.

## EPISTOLA CIX.

*Excusat se Gervasius apud Abbatem Sancti Auberti à concessione gratie quam pro moniali relapsâ postulabat.*

**A**BBATI S. Auberti Cameracensi (a) Gervasius. Solemus plurimum & non possumus non confundi, quòd cum erubescentiâ compellimur non admittere preces urgente causâ peremptoriâ sed occultâ, quæ vobis non potest sine dedecore nostro & Ordinis aperiri. Veruntamen cum illa, pro quâ nuper rogastis, non desistat pro reversione ad domum, per Viros Venerabiles & Nobiles nos rogare, ipsa instantia precum compellit, ut causa repulsæ in medium deducatur. Sanè cum ante paucos annos oportuisset eam à Domo suâ, culpâ exigente, emitti, & ad preces multorum & magnorum Virorum permixta esset in Domo sine titulo loci cum Sororibus habitare; de peccato suo fecit ibi scandalum, ob cuius peccati scandalum etiam Fratres loci infantiâ sunt respersi. Postmodum verò cum ad interventum multorum & magnorum Virorum ex multâ dispensatione & gratiâ illuc permitteretur reverti, iterum incidit in idipsum, propter quod oportuit eam emitti secundò, etiamsi fuisset ipsius loci conversa. Emissâ autem illâ, facta est occasione ipsius institutio in nostro Capitulo Generali, quod si aliqua conversa nostri Ordinis totiens & taliter deliquisset, emissâ de ceterò nullum reversionis suæ beneficium expectaret. Verum cum nec adhuc multi & magni Viri desisterent intercedere pro eadem, licet ei nihil ex ordine deberetur, ex multâ tamen gratiâ & abundanti pietate obtentum est, ut ad Domum de Harcies, (b) ubi nunc habitat, mitteretur, in quâ honestè poterit, nisi per eam steterit, conversari, eo quòd ei suppetere & temporalia ad corporis victum, & fororum conversatio ad honestatis exemplum, ita ut ex peccato, propter quod coacta est domum relinquere, videatur non tam poenam, quàm præmium reportare. Proin discretionem vestram attentè rogamus, ut inspicientes diligentius & factum ipsius, & impensam ei gratiam & institutionem factam, contra quam non est licitum sine Generali Capitulo dispensare, addiscatis ex ipsis, utrum debeatis in eo, quod rogastis, vel desistere, vel instare. De eo autem, quod ad Domum reverti desiderat, sic argumentamur vobiscum, quod si bona est, illuc erubescet, imò & nolet omnino reverti, ubi constat eam tam enormiter & toties deliquisse. Si mala: illuc reverti non debet, ne reversa ad locum revertatur pariter ad peccatum.

## EPISTOLA CX.

*Mandat Gervasius Priori Præmonstrati nihil posse relaxare de sententiâ quam tulit adversus Priorissam & socios ejus criminis reas.*

**G**ERVASIVS Ruperto Priori Præmonstratenfî. Vitare non possumus, quin scandala quandoque eveniant, sed si per præsumptionem nostram aliqua

(a) *Abbati S. Auberti Cameracensi.* Abbatia Canonicorum Regularium S. Augustini, quæ prius erat sæcularium, quos Lietbertus Cameraci Episcopus amovit anno 1066. ut regulares mystas induceret.

(b) *Ad Domum de Harcies.* Harcia olim Monasterium Virginum pendens ab Abbatia Viromandix, nunc autem prioratus simplex & regularis, de jure patronatus Abbatis Viromanduenfîs.



tenus evenirent, deberet nos nostra super hoc conscientia remordere. Sanè quod petitis, ut Priorissam & socias delicti sui à latà in eas sententià, timore scandalì absolvamus, nobis nec honestum videtur, nec justum, cum melius sit, ut oriatur scandalum, quàm veritas relinquatur. Nobis autem videtur & evidenter est verum, quod justitiæ veritas deperiret, si absolveremus eas, nisi per interpositum juramentum, maxime cum jam contempto mandato nostro, quod virtute obedientiæ fuerat & poenà excommunicationis subnixum, non videamus restare, nisi juratoriam cautionem, quā eis absolvendis credere debeamus; Porro cum ad immoderatam & inordinatam satisfactionem post præstitum juramentum processerimus contra eas, poterunt cum favorabili colore excusationis ad Dominum Noviomensem (a) Episcopum, vel ad Consanguineos suos recurrere, vel potius ad Patres ordinis, ad quos est, cum fortè excesserimus, recurrendum. Verùm ne aliæ sorores vel fratres etiam contaminentur ex societate illarum; in hoc latam sententiam temperamus, ut licitè eis ubique communiunt, præterquam in Ecclesià, & in mensà, & in consilio dando, ut in suà contumacià non perseverent; Quod si fecerint eadem sententià induantur. Proin mandamus vobis, quatenus illuc personaliter accedentes, eis & rationes nostras & temeritatem suam attentius exponatis, & moneatis easdem, ut de salute ipsà sollicitè curent, & humiliter obediant, quia etsi absolveremus eas non præstito juramento, cum præcipiamus eis ut jurent, scire debent, quia imaginaria absolutio nihil prodest. Unde & vos & eas scire volumus, quòd cum inobedientes absolvi non possint, & in hoc inobedientes se exhibeant manifestè, quòd indictum juramentum præstare detrectant, eas nisi præstito juramento ipso, nullatenus absolvemus, quantumcunque inde debeat scandalum exoriri. Porro ut etiam servorum Naamani verbis utamur, etsi rem grandem præcepissemus eisdem, certè facere debuissent, maxime cum satis parvum sit in actu, licet magnum in virtute, hoc ad petitionem nostram facere, ad quod de jure sine juramento tenentur.



## EPISTOLA CXI.

*Abbatem Laudunensem pro resignatione acceptandà Viconiensis Abbatis & electione successoris regendà deputat Gervasius.*

**A**BBATI Sancti Martini Laudunensi. (b) Transmisit nobis litteræ Venerabilis in Christo Fratris Abbatis Viconiæ (c) insinuare curarunt, quòd idem

- (a) *Nisi ad Dominum Noviomensem.* Stephanus de Nemours, intra cujus Diocesim erat Parthenium, in quo Priorissà deliquerat, quod aliud esse non potest à Bonolo, seu Fontanellà matricis Præmonstrati Ecclesiæ filià, aut Harchià filià Viromandici, hæc enim gemina tantum habebat Ordo Præm. Virginum asceteria, in Diocesi Noviomensi, quibus postea accessit Geniacum.
- (b) *Abbati Sti. Martini Laudunensi.* Reinaldo de Ribemont, qui ex Canonico Sti. Martini, monachus Sti. Vincentii evasit, postmodum verò facti poenitens, ad prima vota rediit de Consilio metropolitæ. Sui levitatem animi, virtutis constantià, morum gravitatē & doctrinā abstergens, in Abbatem eligitur anno 1206.
- (c) *Abbas Viconiæ.* Radulphus Canonici Viconienis, primi Abbatis Castelli super Moritaniam, unde ad Viconiensem anno 1197. mortuo Arnulpho, evocatur. Viam egit virtutibus & miraculis illustrem, sed humilitate præfens admirandam. Anno 1211. ex animi demissione prælaturam abdicavit, & anno 1217.



grossiores fuissent transvehendas. Proin cum vos carros habeatis, qui ad hoc opportuni creduntur, sinceritatem vestram affectuosè rogamus, quatenus duos nobis vel tres carros ad hoc urgens negotium concedatis, & quia in instanti Pascha iter estis, ut audivimus ad Cartiliensè Capitulum arrepturi, dilectionem vestram iteratò rogamus, quatenus si apud vos locum habuerint preces nostræ, ante recessum vestrum taliter ordinetis, ut cum fratres nostri in partes illas venerint ante Penthecosten, quod instat, eos habere possint pro negotio memorato.

## EPISTOLA CXIII.

*Encyclicas litteras & exhortationes scribit Gervasius.*

**G**ERVASIUS Abbas, Omnibus fidelibus. Quoniam, ut ait Apostolus, omnes stabimus ante Tribunal Christi, recepturi, prout in corpore gesserimus, siue bonum fuerit, siue malum, oportet nos diem messonis extremæ, misericordiæ operibus prævenire, & ea pie seminare in terris, quæ Domino reddente, fructu multiplici colligamus in Coelis. Quoniam qui parçè seminat, parçè & metet, & qui seminat in benedictionibus, de benedictionibus & metet vitam æternam. Cum igitur Vir religiosus Walterus Prior Ecclesiæ in quâ corpus Beati Cobani Martyris requiescit, (a) secundum quod quibusdam nostrum aperuit vivâ voce, quibusdam per hunc titulum insinuare curavit, corpus ipsius Martyris, quod ligneo vase repositum requievit, ob reverentiam ipsius Martyris, in pretiosiori vasculo, collocare disponat, nec ad perficiendum, quod pio concepit intuitu, propriæ suppetant facultatis, universitatem vestram rogamus, monemus & exhortamur in Domino, quatenus ad opus tam commendabile consummandum, ex bonis vobis à Deo collatis, secundum quod inspiraverit vobis ipse bonorum omnium Retributor, partem aliquam destinetis, ut ex honore impenso Beato Martyri possitis ad ejus consortium in cœlestibus sublimari. Nos verò omnibus, qui memoratum opus rerum suarum largitione promoverint, plenam participationem orationum, & spiritualium beneficiorum, quæ in Ecclesiis nostris vel nunc fiunt, vel perpetuis sunt temporibus facienda, devotâ concedimus charitate, ut nos ipsi Beati Martyris intercessione ac meritis adjuvemur, qui concessione orationum nostrarum ad locum requisitionis ejus honorandum alios adhortamur.

## EPISTOLA CXIV.

*Permittit Gervasius Abbati Bellipodii & quibusdam Religiosis ingredi Ordinem Carthusianum.*

**A**BBATI Casa-Dei, Gervasius. (b) Scripsit nobis W. Bellipodii Abbas arroganter & temerè, ut ipsum à Prælationis suæ onere absolutum cum qui-

Cc

(a) In quâ Corpus Beati Cobani requiescit. In nullo biographo invenire potui Sanctum qui vocetur hoc nomine, fortè Corbicanum scribere voluit, cujus festum die 7. Junii occurrit. Invaluerat pridem in Ecclesiâ mos circumcurfandi per vicus & civitates, & per manticularios emungendi fidelium Bursas, ad Ecclesiarum aut ipsanarum instaurationem; hac arte, vastata à Normannis templa resurrexerunt, atque ut efficacius ad liberalitatem Girovagi quæstuarii emoverent fideles, sacra secum pignora deferrebant, quandoque etiam supposititia, ut testatur Guibertus de Novio.

(b) Abbati Casa-Dei. Vasconiz Monasterium & cæterorum parens, est Casa-Dei.

busdam fratribus suis Ordinem Carthusii permitteremus intrare, (a) alioquin licentiâ non obtentâ nihilominus pertransiret, tutus venerandæ recordationis Innocentii Papæ tertii decretali, per quam allegat denegato sibi etiam superioris assensu, ad vitam se posse arctiorem transferre; attendentes igitur, quod Ecclesiæ, cui præest, non minus, sicut dicitur, fuerit utilis usque modò, & præterea, quod nolimus super prædictæ decretalis iuribus disputare, quam inclytæ memoriæ prælibatus Pontifex promulgavit, cujus anima in benedictione sit, qui nos dilexit in vitâ suâ & plurimum honoravit, mandamus vobis atque præcipimus, quatenus prædictum W. denuntiatis depositum, & fratres Ecclesiæ Bellipodii ab ipsius obedientiâ penitus absolutos, ne idem forte W. materiam habeat conquerendi de nobis, quod impediremus votum suum. Inhibeatis autem tam eidem W. quàm fratribus, qui secum decreverunt exire, sub poenâ excommunicationis, ne ultra triduum, postquam depositus fuerit, in Domo morentur, sed statim effectui mancipent, quod voverunt, hoc provisò sub poenâ latæ sententiæ pariter & adjecto, quod nec equos ducant secum, aut domus mobilia deferant, nisi tantum singuli cappas singulas, scapulare unum, & tunicas duas, ut ipsius habitus mediocritate prætendant, quod vitæ melioris frugem in veritate expectant sub titulo paupertatis. Quod si post ipsum exire triduum recusarint, de cetero pro non fratribus habeantur in loco, sed ab omnibus tanquam Ethnici & publicani districtius evitentur.



## EPISTOLA CXV.

*Regi Jerosolymorum plura ad ejus laudem, & ad acuendum  
animum ejus rescribit Gervasius.*

**J**EROSOLIMORUM Regi, Gervasius. (b) Serenitatis vestræ benigna mansuetudo dedit nobis fiduciam scribendi vobis, quia humilitatem nostram in benedictionibus dulcedinis prævenistis, scribentes nobis affectuosè pariter & attentè, nec non & rogantes, ut pro vobis & pro Serenissima Domina Regina Uxore vestra, & pro inclytæ indolis Regiâ prole Filiâ vestrâ, quam de priori suscepistis Uxore, preces effunderemus ad Dominum, qui omnem disponit & continet Principatum. Fecimus siquidem, quod rogastis, & fecisse gaudeamus,

gallicè *la Case-Dieu*, anno 1135. à Frelone fundatum in Diœcesi Auciensi episcopante Wilhelmo, primum Abbatem primosque inquilinos ex Abbatiâ Sancti Martini Laudunensis eduxit, paternitatis jus ex hinc consecuta.

- (a) *Ordinem Carthusii permitteremus intrare.* Willemus Abbas Bellipodii frater Decretali Innocentii 3. demigrationem istam primus in Ordine Præm. tentavit, vetitam usque modò Summorum Pontificum decretis, ut videre est apud Pagium in bullis ab eo recensitis. Qualis porro fuerit itinerantis Religiosi Præm. habitus, præscribit iterum in hac suâ Epistolâ Gervasius, Cappa nempe, Tunica, & Scapulare. Bellipodium in Cataloniæ Principatu, & Diœcesi Urgelensi locatum, binis à Balagar leucis, patrio idiomate *Bellagui* dictum filius est Case-Dei, fundatores habens Armengaudum Comitem Urgellæ & Dulciam ejus Conjugem anno 1154. Congregationi Hispanicæ unitum fuit illud Cœnobium anno 1577. sed unitatis rupit paulo post vinculum, suis ut viveret legibus.

- (b) *Regi Jerosolymorum.* Joanni de Brienna, de quo superius actum est epist. 36. ubi ex primo matrimonio cum Maria Montis-ferrati inito, prolem habuisse advertimus, Iolandem scilicet nuptam Friderico Imperatori.

credentes firmiter & constanter, non quod meritis nostris, qui ultimi sumus aliorum, & quasi peripsema religionis, sed sanctis intercessionibus aliquorum, qui majores sunt nobis, & gratiores forsitan apud Deum, in hac parte sumus cum aliis exauditi. Ostendit namque Divina Potentia probabilibus argumentis, quòd Rex Regum & Dominus Dominantium, qui pendens in cruce Joanni Virgini Matrem Virginem commendavit, in his diebus novissimis, novum sibi Joannem elegit, in quo, quia Joannes interpretatur gratia Dei, Divina gratia resideret. Videtur enim Terræ Sanctæ, quam suo sanctissimo sanguine consecravit, cum videret eam foedatam spurcitiis Paganorum, & quali stantem & lugentem juxta crucem illius, qui natus est, & secundum hominem nutritus in ea, dixisse: terra Juda, quam elegi in hereditatem mihi, ecce tuus filius haeres meus, & vobis nihilominus dixisse videtur: ecce non Francia, non Campania, non Brena, sed Jerusalem mater tua, contra contumelias volo, ut vindiceas, & à loco, à quo cum victoria ad patrem meum ascendisti, quoque post triumphatas ignominiose gentilitatis exprobrationes ad me victor ascendas, nec dubitandum de solutione promissi, cum ipse, qui verax est, & solvere potest, in apocalypsi, primo Joanni promiserit, nec deficiet in secundo, adhuc quotidie clamans & dicens: qui vicerit, dabo illi sedere mecum in Throno meo, sicut & ego vici & sedi cum Patre meo; audivimus siquidem non ratione unius, sed omnium, qui redeunt de partibus transmarinis, quam legitime & quam viriliter certetis die & nocte in negotio vobis commisso, pro corona quam Deus diligentibus se promissit, quantum prosit providentia vestra in consiliis, quantum valeat manus vestra in praeliis, quæ non educit gladium otiose, nec eductum reponit sine confusione & diffusione gentilium, in vaginam. Gaudemus itaque & exultamus in Domino, & cum jucunditate gratias agimus bonorum omnium Largitori, qui sicut speramus, per vos perficiet, quod incepit: nec deerit prævenienti gratia, gratia quæ conservat; nostræ autem humilitatis devotio, licet cum materiali gladio non possit in praelio stare vobiscum, offert tamen, sicut hucusque fecit, cum intimâ devotione cordis, sacrificium labiorum, nec cessabimus clamare ad ipsum, manus cum Moyse elevantes, donec ipso miserante, cujus miserationes multæ, & misericordiae ejus super omnia opera ejus, cedat cum gloria sui Athletæ insatigabiliter certantis pro ipso, adversitas praeliorum. Verum ne occupatis auribus fastidium importemus hucusque locuti ex abundantia cordis, cum conceptum gaudium non cohibeatur de facili, quin erumpat in vocem, eruptioni exultationis nostræ ponemus modum. Serenitatem Regiam togantes pariter & monentes, ut cor vestrum in Domino confortetur, & nos interim repulsâ exclamatione exterius, ad clamorem orationis silentium interius convertertemur. Ceterum de fratribus Sancti Samuelis, qui Præmonstratensem Ordinem profitentur, nec unquam per aliquam adversitatem, quantumcunque eis gravis fuerit, à suâ potuerunt professione divelli, mansuetudini vestræ cum omni, quâ possumus affectionis instantiâ supplicamus, quatenus eos, ubicunque inventi fuerint, dignos protectione regiâ censeatis, ita ut saltem jure suo gaudeant, cum Dominus restituerit hereditatem suam cultui Christiano, & propagent, si placeat, palmites viris suæ, secundum quod Dominus dignatus fuerit vestræ Dominationis terminos dilatare in fine. Latorem præsentium Magistrum O. qui in Ordine nostro sub quodam avunculo suo Ordinis nostri Canonico, Viro religioso & artifice glorioso in adolescentiâ suâ, quæ secundum modum scholarium fuit laudabilis & honesta, nutritus fuit, & de vobis prædicat multa bona,



litteras plus angustiat, quàm gaudii continentes, unde non potuimus post subitum gaudium, subito non dolere, maximè cum non haberemus penes nos, unde vobis subvenire possemus. Cum enim habuimus de relaxata nobis à Domino Papà vicissimā, quinque paria testimonialium litterarum, in Generali Capitulo proximè præterito dedimus ultimas litteras in Piétaviam deferendas, quæ propter emergentes casus usque ad ipsum Capitulum fuerant reservatæ, nunc autem quia nescivimus aliam viam subveniendi vobis, nisi, quòd Romam misimus dictum Rabodonem, consulimus & etiam mandamus vobis, quatenus sustineatis patienter & fortiter; donec idem R. de præfata Curiâ redierit Domino annuente. Super hoc autem non estis sine culpâ, quòd nunquam aliquis vestrum veniat Præmonstratum, ut vel ipsam Ecclesiam, & nos, vel ut Generale Capitulum visitaret, cùm jam à tempore Concilii quadriennium sit elapsum; parcimus tamen vobis & parcemus ad præsens propter afflictiones instantes, sed inandamus vobis atque præcipimus, quatenus vos & alii fratres nostri Abbates Hungariæ, anno sequente venire curetis, nisi legitimâ fueritis excusatione detenti, eo etiam tenore, quòd de impedimento singulorum, qui non venient, constet nobis per litteras patentes & per nuntium competentem. Valete in Domino & orate pro nobis, & Spiritus Consilii sit vobiscum.



## EPISTOLA CXVIII.

*Commendat Rabodonem Cardinali.*

**G**ERVASIUS. . N. Diacono Cardinali. Malaria hominum, quæ invalescit in dies, compellit me, Sanctitatem vestram precibus importunis tantò crebriùs fatigare, quantò frequentius à pauperibus fratribus meis opem postulantibus, ego ipse fatigor. Sanè in Hungariâ, sicut credo, quatuor tantummodò Abbatiz Præmonstratensis Ordinis, & non plures, & illæ etiam satis de novo plantatæ, nec mirum, cum & ipsa Præmonstratensis Ecclesiâ ab eo die, quo fuit primùm primo fundatori suo à Sede Apostolicâ confirmata, non habeat adhuc integrè nonaginta quinque annos, quæ tum propterurbationes Regis & regni, tum propriam paupertatem suam & impotentiam resistendi, damna frequenter gravia patiuntur. Inter alias siquidem angustias, quas patiuntur ad præsens, imminet eis Venerabilis Dominus Acontius Domini Papæ Subdiaconus, & ejusdem aut nuntius, aut legatus, qui ex inopinato petit ab eisdem vicissimam attitulatam subsidio Terræ Sanctæ. Cum igitur litteras, quas misisti mihi, dudum in diversas destinaverim partes olim, & eadem literæ licet cum multâ difficultate, locum tamen demum habuerint apud omnes, præterquam apud quem, nescio, Romanum, qui colligit vicissimam in Hispaniâ, & apud Episcopum Tullensem, (a) Paternitati vestræ supplico eâ devotione, quâ possum, quatenus latori præsentium, qui ad me venit, ut auxilium postularet, quem etiam ad vos mitto, auxilium, quod

D d

(a) *Episcopum Tullensem.* Odonem nomine qui Gerardo de Vadanomonte successit est anno 1218. juxta Alberticum, ad illum ergo spectat querela Gervasii, quam quadriennio à Lateranensi Concilio instituit, ut habet Epistola præcedens, anno igitur 1219.

ego non possum, & consilium impendatis, ut vel cum literis apostolicis, si eas habere potuerit, vel cum vestris, si creditis, quod sufficere debeant, latus ad Dominos suos & ad propria revertatur.



## EPISTOLA CXIX.

*Abbatem Milovicii visitatorem & reformatorem monasteriorum  
Bohemiae, Moraviae & Hungariae constituit.*

**A**BBATI Milovicensi, Gervasius. (a) Rumores, quos audimus frequenter de Personis & Ecclesiis nostri Ordinis in Bohemia, Moravia & Polonia constitutis, grave super nos doloris & sollicitudinis onus inducunt, eo quòd pauci inveniantur, aut nulli, qui adhibitas infirmitatibus, admonitionis, & obsecrationis & correctionis sentiant medicinas. Misimus visitatores & correctores non semel, sed pluries, de quibus ita contigit, si fideles habuimus relatores, quòd vel commissum eis officium neglexerunt, vel ab illis, ad quos fuerunt missi, cum condignâ admissi reverentiâ non fuerunt. Proin omnibus aliis commissi-  
onibus, quas fecimus temporibus retroactis, quarum executio adhuc pendet, penitus revocatis, fraternitati vestrae mandamus, & in meritum obedientiae districtè injungimus, quatenus accito vobiscum aliquo nostri Ordinis Abbate, quem ad hoc judicatis idoneum, Ecclesiam vestram propriam in primis, & postmodum singulas Ecclesias Ordinis nostri in Bohemiâ & Moraviâ constitutas singillatim personaliter visitare curetis, & corrigere in eisdem quaecunque secundum Deum & Ordinis honestatem judicaveritis corrigenda, potestatem super hoc, autoritate Ordinis atque nostra plenariam habituri, tam in capite, quam in membris, nec respiciatis, gratiam personarum, sed quantò diutius expectata est infirmantium in moribus correptio, quæ non venit, tantò severiorem, ubicunque opus fuerit, sentiant disciplinam, ita quòd diligentia vestra in omnipotentis Dei honorem & honestatem Ordinis convertatur. Quod ipsum etiam in Ecclesiis Poloniæ & Hungariæ per vos fieri vellemus si possèt eo tenore; quod si de finibus vestris nequiveritis sine gravi dispendio exire, liceat vobis sub presentium litterarum testimonio committere cuilibet alii vices vestras, dum tamen persona sit talis, quòd de ipsius zelo & discretionem sufficenter fidere debeatis. Sanè quia crimen proprietatis in partibus vestris usque adeò invaluisse asseritur, ut quidam dicunt, non esse proprium, si quid datum fuerit eis vel à Parentibus, vel à familiaribus, vel quod laboribus manuum suarum acquiritur, vel quod mercimoniis augmentatur, miramur plurimum quâ cœcitate seducti aliqui nutriti in Ordine ad tantum errorem devenierint, ut hoc dicant, cum audierint in Regulâ B. Augustini, quæ legi debet eis singulis septimanis, hæc verba: *Nemo sibi* &c. & alibi: *Omnia opera vestra in unum fiant majori studio & frequentiori alacritate, quàm si vobis singulis propria faceretis*, & in sequenti Capitulo, quod sic incipit: *Consequens ergo est* &c. de rebus collatis prohibet manifestè,

(a) *Abbati Milovicensi.* B. Gerlaco primo Milovicii Abbati visitationis munus committit Gervasius, meliori & sanctiori non poterat committere, quem virtutes, doctrina, regularis disciplinæ zelus exornabant, quique ob crebra curationum miracula, ad sacros ejus cineres patrata, sanctorum factis ascriptus est. Anno 1200. fundatæ Milovicensi Canonie in Diocesi Pragenfi, haud procul ab Arce Præbenerensi, à Bavore Comite de Strakowitz, immissus est Abbas à Siloenfi Abbate, Gerlacus.



ne recipiantur occultè, subjungens, quod si aliquis rem sibi collatam celaverit, furti iudicio condemnatur, & in actibus Apostolorum legitur de Anania & Saphira, quod quia prius acquisita, cum coram Apostolorum Principe renuntiarent propriis, temerè occultarunt, subitanè morte ad increpationem Petri sunt percussi. Per prædictas autem auctoritates & multas alias satis patet, quod undecunque res proveniant ei qui renuntiavit propriis, intelligendum est, quod acquiritur Ecclesiæ non personæ, & reduci debet protinus in commune, ut à Prælato, cui necessarium fuerit, tribuatur; cum igitur fures & proprietarii singulis annis excommunicentur in Generali Capitulo, & denuntiari debeant in singulis Ecclesiis Ordinis cum infamatoribus; conspiratoribus, falsariis & incendiariis eadem vinculo subiacere, advertant miseri & miserabiles, in quanto periculo versati fuerint usque modò, qui vel in excommunicatione susceperint sacros ordines, vel præsumperint fungi susceptis, qui omnes procul dubio irregulares sunt, & in criminali peccato, nec celebrare debent aut possunt, nisi dispensetur misericorditer circa ipsos. Cum autem contineatur in institutionibus, quod proprium dicimus, quidquid habetur contra vetitum, vel sine debita licentiâ, mandamus vobis, quotquot invenieritis præfato crimine irretitos, denuntiatis excommunicationis vinculo immodatos, nec ipsos, nisi valdè humiliter petierint veniam, absolvatis, irregularitate mansurâ, donec circa eos fuerit dispensatum. Credimus autem, quod circa eos, qui non fuerint in erroris sui defensione hætenus pertinaces, à nobis possunt absolvi ex indulgentiâ Domini Honorii, cujus transcriptum, cum transcripto cujusdam alterius indulgentiæ vobis duximus transmittendum. Ceterum, quia claustra fororum à quibusdam tam clericis, quàm conversis, in partibus vestris nimis licitè frequentantur, ita ut discurrant per officinas & confabulentur cum eis seminantes verbum Diaboli, & non Dei, mandantes vobis, in virtute obedientiæ districtè præcipimus, quatenus familiaritatem illam omni sollicitudine, quâ potueritis extirpetis, sub interminatione gravis poenæ districtius inhibentes, ne aliquis frequentet Grangias, sive curtes, in quibus sorores habitant, nisi ipsum ad hoc alicujus negotii exequendi necessitas manifesta deducat. Illi autem, qui pro diversis officiis certam habent in fororum domibus mansionem, claustrum earum non intrent, nisi duabus de causis, videlicet ut vel administrent infirmantibus Ecclesiastica Sacramenta, vel ut ordinent ædificia reparanda vel facienda de novo. Vestram itaque fraternitatem obsecramus in Domino & coram Domino, cujus conspectum opera vestra latere non possunt, quatenus circa prædictorum executionem eam diligentiam impendatis, unde possitis & debeatis iusti iudicis, qui non decipitur, & etiam hominum Deum diligentium gratiam promereri, habituri in prædictis perpetuam potestatem, donec fuerit revocata vel à Generali Capitulo, vel à nobis. Datum &c.

## EPISTOLA CXX.

*De relaxatione Panarum indulgenter concessa Willelmo Canonico Sanctæ Mariæ Brundusii, monet Abbatem S. Samuelis.*

**G**ERVASIVS Abbati Sancti Samuelis apud Barolum. Licet multò terrarum spatio sitis remoti à nobis, propinqui tamen estis nobis sollicitu-

dine & affectu, nec minori, imò tantò majori curâ & affectione sollicitamur pro vobis, quàm parati sumus ostendere in tempore opportuno, quantum propter interjacentium distantiam regionum difficilius & rarius nobis potest de statu vestro, aut Ecclesiæ vestræ certum aliquid nuntiari. Sanè missimus vobis olim diversis temporibus, si bene meminimus, duo paria literarum, unum scilicet per quendam Laurentium negotiatorem Trecarensem, de quo quia non rescripsistis, nescimus, utrum ad vos fortè pervenerit, aliud per quendam Rog. nostri Ordinis Professore, qui quasdam à vobis literas reportavit, quas quidem licet susceperimus satis latè & perlegerimus multò latius, intelligentes ex illis, quòd institutiones Ordinis & servetis veteres & novas insuper postulatis, tamen latissimum Nobis esset & Ecclesiæ vestræ, si quas fortè sicut & illæ, quæ in circuitu vestro sunt, tribulationes sustinet aut pressuras, cedere possent, ut credimus, ad munimen, & Ordini nihilominus ad profectum, si quando vel per vos, vel per aliquem ex vestris visitaretis matrem vestram Ecclesiam Præmonstrati, sicut fecerunt nuper quidam ex remotis sinibus Hybernæ, & alii, qui nobiscum morantur, adhuc tam ab occidente Arragones, quàm ab oriente Frisones, qui pro conscribendis his, quæ sive in spiritualibus, sive in temporalibus suis creduntur Ecclesiis protutura, in Præmonstratensi Ecclesia convenerunt, visitati frequenter à Dacis, Polonis, Anglis, qui omnes Præmonstratense magisterium recognoscunt, solos Appulos expectamus, ut eorum adventum fraterno suscipientes affectu, eis statu illorum cognito, & congaudeamus, si gaudent, & feramus auxilium, si eorum aliter res se habent. Ceterum latorem præsentium W. Canonicum Sanctæ Mariæ Brundusii, sicut dicit, qui ad nos laboravit à partibus Brundusinis cum multâ difficultate itineris & periculo sanitatis, ad vos duxi destinandum mandantes vobis, quatenus attendentes, quòd si quid in Ecclesia sua deliquit, dummodò eam demeruerit per excessum enormem, totum expiassè debet tam longi itineris difficultas, & laboris plurimi magnitudo, curetis eum vel restituere loco suo, vel penes vos, si malueritis, retinere, vel apud S. Stephanum in nemore collocare; nec tepidiùs aut remissiùs mandatum nostrum exequamini circa eum, si deferentes vobis, hoc vobis simpliciter & mansuetè mandamus, quòd vicinis Abbatibus solemus dare arctius in præceptis, & in vestræ præterea salutis periculum redundaret, si mandato præsentì tepidiùs effectui mancipato, ad nos cogeretur denuò laborare.



## EPISTOLA CXXI.

*Super irregularitate quondam contracta ab Abbate de Tumpelm  
respondet Gervasius Episcopo Lundenſi.*

**C**ARDINALI Episcopo Londenſi, (a) Gervasius. Accessit ad nos lator præsentium venerabilis in Christo Frater H. Abbas de Tumetolph proponens, quòd cùm olim, in apostasiâ Diaconatûs ordinem suscepisset, & postmodum

(a) *Cardinali Episcopo Lundenſi.* Is erat Andreas Sunonis, susceptus anno 1201. Abſaloni, cujus è fratre fuit pronepos, à Regibus genus ducens. Cardinalitia purpura insignitum ignoravit Diaconus, Pontanus, discimus ex Gervasio Legatione Apostolicâ, & Archiepiscopali dignitate, apud Danos claruit. Cessit anno 1222. Abbatia Tumpthol, seu potius Tumetolph, in Archidiazecesi Lundenſi sita est.

modum à quodam apostolicæ sedis legato circa ordinem susceptum, fuisse misericorditer dispensatum, processu temporis à vobis fuit in Presbiterum ordinatus ad petitionem pariter & ad preces nostri Capituli Generalis; cum autem nuper promotus fuerit canonicè in Abbatem, dicitis vos mirari, quare prohibeatur in majori altari divina officia celebrare, cum ipsum sufficientia & honestas, Ecclesiæ suæ necessarium esse probent, quia igitur, quòd si ei prohiberetur, penitus ignoramus, quidquid à Paternitate vestra circa ipsum actum est, habemus humillimè & gratantissimè approbatum, ex quo sufficienter dispensatum est cum eo, & vos possitis adhuc, si opus esset, cum ipso ex vestræ legationis officio dispensare, & quoniam ipsum tam de sufficientiâ, quàm de fidelitate administrandi habetis in literis, quas ex parte vestrà recepimus, commendatum, volumus ut administrationis suæ officio pacifice gaudeat atque plenè, & tam in majori altari, quàm ubicunque necesse fuerit, cum eâ solemnitate, quâ decet Prælaturam, Divina officia celebrare, non obstante aliquo constituto edito in nostro Capitulo Generali contra ordinatos in apostasia, vel aliquibus literis per surreptionem à nobis, vel à nostro Generali Capitulo impetratis. Valet.

## EPISTOLA CXXII.

*Scribit Archiepiscopo Colonienfi causas extraordinarias & criminales Ordinis, non nisi à tribunali Ordinis debere examinari & judicari.*

**D**OMINO Archi-Episcopo Colonienfi, (a) Gervasius. Ex concordii testimonio Fratrum & Coabbatum nostrorum, nec non & ex humilitate, quam in scribendo nobis, servastis, aliquando præsumimus vehementer, quòd omnes illos diligere debeatis pariter & fovere, qui honestatis & religionis procurant & diligunt incrementum. Nec est dubium, quin discretio vestra satis attendat, quòd omnes, qui piè volunt vivere, persecutionem patiuntur pro nomine JESU CHRISTI. Nuper sanè significatum est nobis, quòd viri Religiosi M. (b) Steinfeldensis & B. de Romerldorff, Abbates, H. Saynensis,

E c

(a) Domino Archiepiscopo Colonienfi, B. Engelberto de Altena.

(b) M. Steinfeldensis, Macario qui anno 1211. Prælaturam iniit, anno 1247. vita defungitur.

B. de Rumerlarp. Brunoni de Braunsberg Abbati Romersdorffii electo anno 1214. denato anno 1236. sacre expeditionis per Rheni tractum famoso prædicatori, Ludovico Landgravio Hassiæ & S. Elizabeth ejus conjugi à conscientie & statûs Consiliario.

H.... Saynensis, Hermannno primo Abbati Seynæ in Diocesi Trevirensi, non longè à Confluentia Abbatie, ab Henrico & Everhardo Seynæ Comitibus fundatæ anno 1202.

J.... Hinsbergensi Joanni, primo Hinsbergæ præposito, insignis ut dictum est, Canonistarum, Ducatus Juliacenfis, parthenonis.

Magistram de Vossensich, vulgo Fassnich, Virginum Ordinis Præm. Cœnobium Hambornæ filiale, in Diocesi Colonienfi, prope Tulpetum, gallicè *Talbiac*, constitutum anno 1146. ab Hermannno & Petra ejus conjugè civibus Colonienfibus. Hæc Magistra, quam falsæ accusationis temeritas impetiverat, vocabatur Imza, ab anno 1180, ad annum 1226. prænobilis Cœnobii, gubernio præfecta, quod-

& J. Heinsbergenſis Prapoſiti, excitati à vobis ad clauſtrum Sororum de Voſſenich perſonaliter accedentes inquiſierunt diligenter, ſicut debuerunt veritatem de quibuſdam querelis, quæ inter Abbatem Haburnenſem & Magiſtram de Voſſenich ex unâ parte, & quaſdam Sorores adjutas ab omnibus ſerè converſis Laicis de Voſſenich, ex parte alterâ verſabantur: qui cum in inquiſitione ſuâ maniſeſtiſſimè comperiſſent, quod præſatæ Sorores cum ipſis Converſis ab hoſte antiquo ſeducitæ ſamam Abbatis, quem certiſſimè credimus eſſe virum religioſum, nec non & Magiſtræ niterentur malitioſis infamationibus in-cruſtare, pepercerunt accuſantium multitudini propter ſcandalum, & denuntiaverunt Abbatem, nec non Magiſtram habere zelum Dei & religionis; & eſſe ſuper his, quæ eis imponebantur, penitus innoxios & immunes. Verùm quia conſuetudo eſt hoſtis antiqui, nec non miniſterialium ſuorum, per quos operatur, ut licet ſæpe conſuſi & victi, ad prælium tamen reverti minime reformident, dictum eſt nobis, quòd quidam prædictorum accuſantium in ſua malitiâ adhuc perſiſtentes obtinuerunt à vobis, ut inquiſitio jam facta, perſonis aliis committatur, licet memorati Abbates & præpoſiti omni ſint exceptione majores, & in negotio longè majori debeat eis credi, ne tamen Paternitati vestræ quiſquam ſuſpicionis ſcrupulus relinquatur, ſuſtineamus ut ſecunda inquiſitio ruruſum fiat. Rogamus tamen diſcretiſſimam benignitatem vestrâ, quatenus ſecundi inquiſitores de Ordine Præmonſtratenſi exiſtant, & ut adjungatur eis Venerabilis in Chriſto frater dictus Abbas de Rumerſtorp, apud quem non eſt, ſicut publicè creditur, acceptio perſonarum. Cauſas enim Ordinis noſtri extraordinariis perſonis apoſtolica committi privilegia non permittunt. Præmiſſis autem adjicimus humiliter ſupplicando, ut coërecatis tam converſos, quàm ſorores, qui contempſerint ſui ordinis diſciplinam, ſuſtineatis etiam ſi placet, ut ſororum numerus determinatus ad vestrâ petitionem in noſtro Capitulo Generali tam in præſato Clauſtro, quàm alibi obſervetur. Valete.



## EPISTOLA CXXIII.

*Episcopus Tornacensis petit sibi in Socium & Contubernalem concedi  
Canonicum Clari - fontis.*

**E**PISCOPUS Tornacensis Abbati Præmonſtratenſi. Viro venerabili amico in Chriſto chariſſimo Abbati Præmonſtratenſi, W. (a) divinâ gratiâ & miſeratione Tornaceniſ Eccleſiæ miniſter humilis, ſalutem & paratam ad obſequia

que tam laudabiliter rexit, ut Adolphus Colonienſis Archipræſul illud in ſuam protectionem ſuſceperit anno 1194, *Monasterium inquit Dominarum in Wifmich, in quo ſanctæ & religioſe Deo ſervitur ſub noſtram & . . .* anno 1216. S. Engelbertus Adolphi ſucceſſor, Canoniſſarum Fuſſnichii coconverſatione ſancta motus in ampliacionem dotis, contulit illis jus patronatus Eccleſiæ in *Bettenboven*. Tale donum arguit bonos magiſtræ mores, necdum calumnioſa inſperſos labe, ergò hoc tempore poſterior debet eſſe Gervatii Epistoſa.

Abbas verò Hambuonenſis de crimine inſimulatus, erat Fridericus qui innocentia ſua in diverſis tribunalibus abundantius probata, Circator Proviocie à Capitulo Generali fuit renunciatus anno 1220.

(a) *W. . . divina miſeratione Tornaceniſ Eccleſia miniſter.* Walterus de Marvis anno 1218. Goſcelino ſuſſectus, fundator Abbatie monialium de Pratis, è vivis eximitur 16. Febr. 1251.

voluntatem. Qui me segregavit de utero matris meæ, ut essem initium aliquod creaturæ ejus, eidem placuit nos nuper vocare in gratiam suam, videlicet, constituere caput populi sui, ut simus non salus illi, sed saluti, nam ipse de se solo dicit: salus populi ego sum, credita sanè est mihi dispensatio. Ascendi in montem, non propterea tutiorem, sortitus sum locum, sed difficiliorem, sed periculosiorem: cum itaque difficultatibus & periculis circumdatus sum & tenebris, quid restat, nisi ut invocem de tribulatione, & loquatur os meum in amaritudine animæ meæ, & advocem non solum à sinistris fideles dispensatores rerum temporalium, verum etiam à dextris viros probatos in sanctimonia & conversatione, viros religiosos, qui orationum sint focii, sint invitatores, sint denique suâ præsentia mihi memoriale, quoniam Maria optimam partem elegit, idcirco eam me debere summopere imitari. Ego igitur, quem quasi opem argumentosam esse deceret, & expediret, de ordine vestro & re & superficie florido, unum de Canonicis Ordinis vestri non excerpere, sed quasi mutuare cupiens, vestram dilectionem, quo possum, exoro, affectu, quatenus Fratri Nicolao Canonico Clari-fontis, (a) quem in socium & collateralem meum mihi elegi, mecum commorandi licentiam benignè concedatis, sic autem has primitias precum nostrarum exaudiat, ut toti ordini vestro me meritò efficiatis familiariorem & loco & tempore favorabiliorem. Valet.

XX

## EPISTOLA CXXIV.

*Episcopo Fornacensi concedit Nicolaum Clari-fontis Canonicum.*

**E**PISCOPO Turnacensi, Gervasius. Recepimus literas Paternitatis melleam devotionis dulcedinem sapientes, & ea quæ continebantur in ipsis, notavimus diligenter. Postulastis autem, ut fratri Nicolao Canonico Clari-fontis concederemus licentiam morandi vobiscum in officio Capellani, ut idem ipse tanquam vir contemplationi addictus, sollicitudini vestræ inter discurrentes Marthæ turbationes, Mariæ sedentis ad pedes Domini, quandoque memoriam repræsentet. Laudabile liquidem Propositum, & omni acceptione dignum, ut Patres in Pontificatûs apice constituti querant & faciant sibi latera bona, per quæ possint in sui statûs resilitudine sustentari, ne declinent ad dextram vel sinistram. Et utinam idem Nicolaus talis esset, qui in alterutro vobis prodesse posset, videlicet vel in contemplationis studio, vel in discursibus actionis. Verùm quia non semel accidit, quod fratres nostros à magnis viris cum instantia magnâ petitos, & cum integritate famæ decenter emissos, cum confusione & scandalo quandoque recepimus revertentes, fornidamus, nec mirum, plures rerum eventus, utpote, qui experti sumus, quòd, quamvis lucerna non debeat poni sub modio, sed super candelabrum, cautè tamen providendum est, ne ventorum discursibus exponatur. Tutus sanè locus est claustrum, ubi quot oculi, tot custodes, ubi claustralis viri non aduritur fama de facili uredine boreali. Ad has itaque rationes circa subditos nostros habentes sollicitâ consideratione respectum,

(a) *Canonici Clari-fontis.* Abbatia est in Pago Terascæ & Laudunensi Diocesi anno 1130. Ordini Præmonst. transcripta, quæ prius à Clericis solitariam sub Alberico Magistro vitam profitentibus incolebatur, nunc autem ad Villeriam, gallicè *Villers-Cosse-Rez*, translata subsistit languens.



Virginis abstineat à divinis. Præterea volumus & mandamus vobis, quatenus ipsum in Ecclesia aliqua nostri ordinis, in qua faciat obedientiam, colloceatis, salvo eo, quod nec in Ecclesia de Wellbec, nec in Ecclesia de Croixtone, aliquatenus commoretur. Sanè si ad Cisterciensem Ordinem duxerit divertendum, sufficere poterit poena illa pro omnibus supra dictis. De Ecclesia verò de Eglestone, quia videtur, quod tu Frater de Neuhus & collega tui de Croixtone, de Wellbec Abbates in hoc concordetis, quod Ecclesia de Eglestone maneat Abbatia, ea quæ ibidem facta sunt de restitutione Abbatis, & de aliis, sustinemus & sustinebimus patienter, nisi nobis contraria, quod absit, de eadem Ecclesia fuerint nuntiata, alia verò quæ per falsatas litteras facta fuisse noscuntur, ut irrita esse censemus. Adhæc quia Helias quondam Canonicus Sanctæ Agathæ (a) falsavit sigillum nostrum, sicut confessus est Frater R. propriâ manu suâ, mandamus vobis, quatenus si in partes vestras venerit, faciatis eum ab omnibus arctius evitari, donec vel absolutionis sententiam à nobis receperit, vel se super objecto crimine purgaverit compctenter.

EPISTOLA CXXVI.

*Præcipit Suppriori Sancti Mariani Altissiodorensis electo Abbati Dei-  
loci de Jardo acquiescere suæ electioni sub pena  
excommunicationis.*

**A**BBATI Dei-Loci, (b) Gervasius. Si attendissent dilecti nostri, & utinam diligendi Abbas (c) & J. Supprior Sancti Mariani Antifiodorensis, quod primus sit humilitatis gradus, secundum beatum Benedictum, obedientia sine mora. Si iterum in memoria habuissent, quod quasi peccatum sit ariolandi, nolle obedire, & quasi scelus idololatriæ nolle acquiescere; neuter eorum contexuisset occasiones vel excusationes, per quas perturbarent sollicitudinem nostram multipliciter occupatam, vel Ecclesiæ Dei-Loci in Jardo, (d) quæ vacat, negotium retardarent; alter siquidem eorum, videret Supprior, injunctum sibi in virtute obedientiæ administrationis onus stultè, ne verò parcamus, & pertinaciter recusavit; alter verò Abbas scilicet, & Fratres Loci-Dei, qui ad eum de longinquo venerant, misit ad nos, quasi ruptis loris modulum querituros, ut Præmonstrati consulerent sapientiam Salomonis, qualiter Supprior, quem præceperamus cogi, si contradiceret electioni suæ, per ipsum Abbatem cogi deberet, mirabilis questio, & utinam nunquam facta, cum satis constet religioni & discretioni suæ,

- (a) *Canonicus Sancta Agatha*, hæc Abbatia fecus Richmundiam in Diœcesi Eboracensi, Roaldum habuit fundatorem Regis Angliæ Conflabularium.  
(b) *Abbat Des-Luci, gallicè Dider*, Diœcesis Senonenfis Abbatia, à metropoli quinque diffita horis, filia Vallis-secrete anno 1132. à Ludovici cognomento Craffi liberalitate fumpfit initium. Præerat tempore Gervafii ifti Abbatiæ Petrus.  
(c) *Abbas & J. Supprior Sti. Mariani Altitfodrenfis*, Abbas ille Norbertus erat, qui ex prioratu ad prælaturam afcendit anno 1207, quam anno 1222. fato urgente dimifit.  
(d) *Des-Luci in Jards*, Abbatia Ordinis Præm. Diœcesis Piftaviensis, cujus fundacionem & dotem fibi vindicat Richardus Angliæ Rex in fuo diplomate dato sub annum octavum Regni fui, id eft sub annum 1196.

quod nec per mutilationem membrorum, nec per incarcerationem compellimus ad obediendum subditos nostros, sed per virtutem obedientiæ, quæ debet esse cuilibet religioso quasi tuba de celo sonans, & per excommunicationis sententiam, quæ rebelles & obstinatos afficit tædio, donec ab errore suo consultius relinquantur, maximè cum vexatio stolidis, & indurati cordis hominibus dare consueverit intellectum. Quia igitur neuter eorum, unde gravissimè conturbamur, ea quæ Dei sunt, in hoc facto ostendit, nec suum aliqua autoritate, vel exemplo potest excusare peccatum, quantumcunque abundant scientiâ litterarum. Fraternitati vestræ præsentium auctoritate mandamus, & in virtute obedientiæ districte præcipimus, quatenus ad Ecclesiam Sancti Mariani personaliter accedentes sapiedictum Suppriorem, sive præfens fuerit, sive absens, excommunicetis in Capitulo publicè, & faciatis eum tanquam excommunicatum ab omnibus artibus evitari, donec electioni de se factæ humiliter acquiescat, sciturus pro certo, quod nunquam à nobis per alterius, vel per aliquorum quantumcunque potentium preces absolutionis beneficium obtinebit, donec susceperit onus sibi injunctum, & ierit ad Ecclesiam Loci-Dei, & receperit obedientias Fratrum, & administraverit in officio suo ad minus usque ad proximum Capitulum Generale, & interim à Domino Picavienfi Episcopo, vel ab alio per ipsius, vel Ecclesiæ suæ mandatum receperit, quantum in eo erit, benedictionem Abbatis, nec speret aliquatenus, quod ad nos veniens animum nostrum, de cujus mollitiæ plusquam deceret, plerique confidunt, ab hujus executione mandati debeat revocare.



## EPISTOLA CXXVII.

*Rogat Abbatem Brane, ut Clericum secularem ad Religionis habitum admittat.*

**A**BBATI Branensi, (a) Gervasius. Cum exigente charitatis affectu nulli Ecclesiæ gremium debeat esse clausum, profectò manifestum se porrigit argumentum, quod non debet illis claudi, qui sibi columbæ pennas assument, ut volent, & elongent hujus sæculi dies malos, & in solitudine claustrali manentes expectent eum, qui cor humiliatum nunquam despicit & contritum; sanè cum lator præsentium B. Clericus ad nos veniens rogarerit nos humiliter & devotè, ut ei religionis habitum concedere curaremus, nos attendentes piam ejus devotionem, quam in modo petendi præterevidere videbatur, nos recepissimus eum, sed sumus satis onerati receptis, & vellera nostra non sufficiunt ad omnes, qui ad nos venerint, vestiendos. Nos tamen ipsius B. devoto proposito nolentes omnino deesse, ipsum Fraternitati vestræ, de quâ plurimum confidimus, duximus transmittendum, rogantes attentè, quatenus tum charitatis intuitu, tum precum nostrarum interventu ipsum recipiatis in Canonicum, & in Fratrem, ut in Ecclesiâ vestrâ annos suæ immolans juventutis sicut oliva fructifera in domo Dei, bonorum operum fructificet ubertate, & nos inde vobis teneamur ad gratiarum uberes actiones.

(a) Abbati Branensi Stephano, qui Abbatiam adiit anno 1244. postquam, Benjamin ejus prædecessor Monacellum postulatatus migravit.



## EPISTOLA CXXVIII.

*Abbati d'Alnewic scribit Gervasius pro admissione Clerici  
ad habitum Religionis.*

**A**BBATI de Alnewic, Gervasius. Si secundum Apostolum mutuiam inter nos volumus charitatem habere, non debemus avertere manum nostram ab his, qui consilium nostrum in animâ suâ ponunt, & sic dum tempus habent, illuminare curant oculos mentis suæ, ut relicta Ægyptiacâ servitute confugiant in desertum, ubi vacent ac serviant soli Deo. Sanè lator præsentium Philippus clericus, quem, secundum quod dictum est nobis, esse credimus vitæ ac conversationis honestæ, hujus mundi vanitates attendens ac cupiens ad exemplum pueri Samuelis sub tunica ad mensuram suæ humilitatis parva, tabernaculo deservire, nobis humiliter supplicavit, ut ipsum in Ecclesia vestra recipi faceremus, in qua possit secundum ordinem suum Domino famulari. Nos verò attendentes, quod debemus devotis non solum viam ostendere, quâ possint in Jerusalem proficisci, verum etiam aperire portas ut ingressi consecrantur ac serviant Jesu Christo, ipsum Philippum ad vos duximus transmittendum, rogantes, quatenus intuitu Dei & nostri, eidem religionis habitum concedatis, tantum inde facientes, quod preces nostras sibi sentiat profecisse, & nos vobis teneamur ad gratiarum uberes actiones. Valete.

## EPISTOLA CXXIX.

*Archiepiscopus Rothomagensis Epistolam Portuensis Episcopi sibi inscriptam  
suis suffraganeis notificat, ut comprimendis Albigenisibus  
auxiliatrices manus suppeditent.*

**G**ROTH. Episcopus Suffraganeis suis. (a) G. Dei gratia Archiepiscopus Roth. Venerabilibus Fratribus omnibus Suffraganeis suis salutem, gratiam & benedictionem. Litteras Venerabilis Patris C. (b) Portuensis & Sanctæ Rufinæ Episcopi Apostolicæ Sedis legati recepimus in hæc verba. Venerabilibus Patribus Dei gratia Archiepiscopo Rothom. & ejus Suffraganeis, Abbatibus, Prioribus, Decanis, Archidiaconis, Capitulis in Rothom. provincia constitutis C. ejusdem miseratione Portuensis & sanctæ Rufinæ Episcopus Apostolicæ Sedis legatus salutem in Christo Jesu. Dum pro sponsa veri crucifixi vestrum cogimur auxilium postulare, potius compellimur lacerare singultibus, & plorare. Ecce enim derelicta est filia Syon ut umbraculum in vinea, sicut tugurium in cucumerario, & sicut Civitas quæ vastatur. Dicere compellimur cum

(a) *G. Roth Episcopus suffraganeis suis*, Gaufridus Rothomagi Archiepiscopus creatus anno 1111. eloquentia pollens, clero & populum catholicè docuit, Ecclesiæque Dei septemdecim annis præfuit, inquit Gossridus Brito. Obiit 4. Kal. Decembris 1228.

(b) *C. Portuensis Episcopi* Conradi, qui anno 1210 Legatus Apostolicæ Sedis aversus Albigenes ab Honorio transmissus, concilia indixit anno 1223. Parisiis & Senonis pro extirpatione hæreticos Albigerisum, & Epistolam hanc scripsit, quam ex parte transcripsit Parisius & post Parisium Raynaldus sub annum 1223.

Propheta: Noli incumbere ut consolemini me super vastitate filiarum populi mei. Dies enim est interfectionis, conculcationis & fletuum, non est, qui sustentet eam ex omnibus filiis, quos genuit &c. Ecce annus retributionis Syon, possidet eam onocratulus, hericius, & ibix. Ecce extenditur super eam mensura in desolationem, & perpendiculum, ut redigatur in nihilum. Ecce pro foribus in facie nostra lamiae nudatis mammis catulos suos lactant, irruunt in Dominum, servus videntibus & presentibus vespiliones & ysaure perfidie, nec est qui attripiet gladium ultionis; qui derident Sabbathata nostra, & Dominum dereliquerunt, blasphemant sanctum Israël, nec est, qui causam astruat crucifixi. Clamat Propheta, sed altissimus per Prophetam: surdi audite, & cæci intuemini ad videndum, qui cæcus, nisi servus meus, & surdus, nisi ad quem nuntios meos misi? quem non moveat, quod Dagon erectus est contra arcam, conculcatur & confringitur. Ecce quod vidimus loquimur, & quod audivimus testificamur. Ille homo perditus est, qui extollitur super omne quod colitur, aut quod dicitur Deus, jam habet perfidiam suæ præambulum hæresiarcha, quem hæretici Albigenenses Papam suam vocant, habitantem in finibus Burgarorum, Croacie & Dalmatiae juxta Hungarorum nationem: ut per Antipapam de cætero moras Anti-christi breviores esse minimè dubitetur, dum novus Lucifer novis arrogantia foliis intumescens sedem suam contendit ponere in lateribus aquilonis, non tam ut sit similis altissimo, Apostolorum principis successor, quam ut ipsum cum universali Ecclesia deprimat, & annulet. Hinc est, quod Papa perfidia, qui maceriam vineæ Domini Sabaoth jam magna parte dedit in direptionem, & singularis servus vineam depascitur & conculcat; ad eum conflunt hæretici Albigenenses ut ad eorum consulta respondeat, ejus inhiantes doctrinis, & ejus damnatae sectæ judicia complectens. Iste Sathan quendam suæ perversitatis hominem usque in Agensem Dioccesin destinavit nomine Bartholomæum Cartes, (a) est enim de Carcaffona oriundus, vices illius Antipapæ agentem, ut illis corruptis partibus propinet uberius fel Draconis in calice Babilonis. Cui Bartholomæo Vigoroso de Barcelona Episcopus functam exhibendo reverentiam, sedem & locum suum concessit in villa, quæ dicitur Poreus, & se ipsum transtulit in partes Thosolanas. Iste est Bartholomæus, qui in litterarum suarum undique discurrentium pio salutationis alloquio se intitulat in hunc modum: Bartholomæus servus servorum hospitalis sanctæ fidei, tali salutem. Ipse etiam, quod est detestandum dictum, & horrendum auditum, creat Episcopos, & Ecclesias perfidie ordinare contendit. Et inter has & alias enormitates nullus prosiluit Mathathias, qui irruat in Judæum idolis sacrificantem; nullus est Orthoniel, qui velit liberare Israël à jugo Chusan Rasathaim; nullus ascendit Samgar, qui vomere percutiat Philistæos; non est Gedeon, qui liberet Israël de manu Madian. Ecce vir levites concidit in duodecim frustra uxorem, quam acceperat de Bethlehem Juda, & misit in terminos Israël, quâ habitatores turpiter Gabaa sunt abusi; sed heu filii Israël pariter non congregantur, ut hujus perpetratores flagitii persequantur. Queritur fides Jesu Christi, & non est, & qui opponat se murum pro domo Israël, non est, qui ex adverso ascendat, & tandem sanguis perditorum de manu negligentium requiritur. Hinc est, quod vos monemus instantius,

(a) *Bartholomæum Cartes*, hic Albigenisium pseudopapæ vicarius, Barcinonensem Episcopatum, ex cessione Reverentissimi titularis Episcopi invasit. Mutilatam hinc agnosce, à Parisiensi relationem Epistolæ Portuensis Episcopi, in qua superior ista nomen & rerum narratio omissa est.

instantiis, rogamus attentius, & per aspirationem Sanguinis Jesu Christi propensius obsecramus, atque autoritate Domini Papæ, quâ fungimur in hac parte, districte præcipientes, quatenus veniatis Senoniam in octavis Apostolorum Petri & Pauli proximè futuris, ubi & alii Prælati futuri favente Domino congregabuntur, parati consilium dare negotio prædicto, & cum aliis, qui tunc aderunt, providere super negotio Albigeni, alioquin inobedientiam vestram Domino Papæ curabimus significari. Datum vi. Nonas Julij 1223.

EPISTOLA CXXX.

*Fridericum Imperatorem pro restitutione Sancti Samuelis &  
Sancti Abacuc exorat.*

**D**OMINO Imperatori Gervasius Præmonstrati Abbas. Magnifico & Serenissimo Domino F. Dei gratiâ Romano Imperatori semper Augusto, Regi Jerusalem & Siciliae illustri, Gervasius, Dei patientiâ Præmonstrati dictus Abbas salutem, & cum orationibus paratam ad obsequia voluntatem. Congratulari & gaudere debet meritò devotio populi Christiani, pro eo, quòd in negotio peregrinationis transmarinæ providit Dominus Deus spirituum omnis carnis hominem, qui ante multitudinem signatorum possit intrare & exire, scilicet vos, (a) qui, secundum quòd speratur de gratiâ conditoris, sub cujus potentiâ omnes nationes existunt, posuit vos quasi alterum Josue, ut in terram promissionis introducatis populum Christianum dexterâ Domini adjutricæ, & ab eadem spurcitiis gentilium extirpetis, ut effugatâ idololatricæ seditate inferatur ibidem & servitus & religio JESU CHRISTI, & mater nostra Jerusalem, quæ peccatis exigentibus sub jugo infidelium permansit ancilla, restituatur pristinae libertati. Sanè cum inter alias religiones, quas in orbe terrarum summus agricola mirâ varietate plantavit, professio- nis nostræ semen suderit in terrâ, quam proprio sanguine consecravimus, in duabus Ecclesiis, videlicet Sancti Samuelis & Sancti Abacuc, quæ fundatæ fuerunt ibidem & destructæ postmodum, cum gentes venerint in hæreditatem Domini, & templum sanctum suum ex spurcitiis suis polluerint, Magnificentie vestræ attentissimè in Domino supplicamus, quatenus intuitu Dei, & totius Ordinis orationum, in hoc per gratiam vestram sentiamus auxilium & consilium vestrum in tempore opportuno, cum dexterâ illa sanctâ expulsi fuerint Chananæi gentium incredulitate fusa, quòd illæ duæ prænomi- natæ Ecclesie, quarum alteri, videlicet Ecclesie Sancti Samuelis præfecimus latorem præsentium virum venerabilem Magistrum Ægidium Capellandum vestrum, Ordini nostro reddantur, ut quasi Jordane transito Fratres nostri quasi duodecim lapides in testimonium & memoriam ipsius Ordinis de arcâ profes- sionis reponantur, & collocentur ibidem:

CR

(a) *Providit Dominus Deus Spirituum . . . qui ante multitudinem possit intrare & exire, sicut vis.* Hæc Epistola anno 1220. scripta est, dum Fridericus I. Imperator in Norimbergicis Comitibus pollicitus est Honorio 3. velle incunctanter transmarinum iter aggredi, quod usque modò variis fucatifque coloribus distulerat arripendum.



## EPISTOLA XXXI.

*Gregorius nunc suam promotionem Archiepiscopo Remensi, ejus Suffraganeis & Provinciæ Abbatibus denuncias, ac cruce signatas ad sacram peregrinationem suscipiendam cogendos esse suadet.*

**G**REGORIUS Papa Remensi Archi-Episcopo. Gregorius servus servorum Dei Venerabilibus Fratribus Archiepiscopo Remensi & Episcopis ac dilectis Filiis Abbatibus, Prioribus, Decanis, & aliis Ecclesiarum Prelatis, & eorum Capitulis in Remensi provincia constitutis salutem & Apostolicam benedictionem. Alto illius, qui est sacerdos in æternum secundum ordinem melchisedec, concilio agitur, ut cum ejus Vicarii sibi succedentes vicissim morte prohibeantur diutius permanere, interdum ad sponsæ ipsius regimen infirmitate circumdati assumantur, ut ex seipsis cognoscant, qualiter infirmis compati debeant, & his qui ignorant & errant, valeant condolare, non sibi fumentes honorem, sed tanquam Aaron divinitus evocati, ac manifestè appareant, quod non ab homine, nec per hominem, sed ab ipso solo, qui est benedictus in sæcula, regatur sponsa sua. Sanè bonæ memoriæ H: Papa prædecessore nostro, decimo quinto calendas aprilis (\*) soluto debito carnis de præsentis sæculo nequam erepto, & in crastinum juxta morem ejus celebratis exequiis, & ipsius corpore ad tumulum deportato, unâ cum Fratribus nostris ad eligendum convenimus successorem, & Missâ, ut moris est, in honore Sancti Spiritus devotè & solemniter celebratâ, post aliquantulum tractatum de substitutione pontificis, omnes pariter ad imbecillitatem nostram quasi divinitus inspirati oculos direxerunt, & nobis renitentibus & invitis cum multâ instantiâ & etiam violentiâ conati sunt humeris nostris imponere onus istud, cujus gravitatem pertimescendo non modicè non posse portare; licet suscipere suserimus plurimum reluctati; mentientes tamen, ne videremur inspirationi Divinæ resistere, tandem submissimus humeros ad portandum, sperantes in eo, qui jugum suave misericordiâ suâ facit & onus leve præduce charitate; quod ipse qui vota Fratrum aspirando prævenit, adjuvando etiam prosequetur: fiduciam enim talem habemus per ipsum ad Deum, non quod sufficientes sumus aliquid cogitare à nobis, quasi à nobis, sed nostra sufficientia ex Deo, qui nos suos voluit esse ministros. Sollicitudine igitur Ecclesiasticæ provisionis susceptâ & de vobis plenâ conceptâ fiduciâ, quos nobis providentia conditoris ad tanti oneris gravitatem facilius perferendam, ad participium nostræ sollicitudinis evocavit, universitatem vestram rogandam duximus & monendam exhortantes in Domino, quatenus insufficientiam nostram apud Deum, qui dat omnibus affluenter, & non improperat, orationibus adjuvetis, ut quod possibilitas nostra non obtinet, suâ nobis gratiâ largiatur, & sic susceptum ministerium peragamus, qui ad Dei cedat honorem, nostram salutem, & totius populi Christiani. Vos ergo Fratres Archiepiscope, & Episcopi circa commissam vobis Domini gregis curam diligenter & utiliter vigilantes nostrum satagatis

(\*) *Quinto Calendas Aprilis soluto debito carnis.* Anno autem 1227. moritur Honorius 3. & Hugo Cardinalis tituli Sti. Eustachii natione Campanus de Anagnina & de Comitibus Signinæ, Pontifex assumitur sexta sexta hebdomadæ quintæ Quadragesimæ.

humiliter supplere defectum, & adjunctam nobis pastoralis oneris gravitatem vigilantī studio comportetis; nos enim vos tanquam principalia membra Ecclesiæ honorare intendimus, & in quantum concesserit Dominus, in vestris necessitatibus adjuvare. Ad hoc volumus & mandamus, ut singuli vestrām cruce signatos suarum Dioecesium efficaciter moneant & inducant, si necesse fuerit, sublato appellationis obstaculo, Ecclesiasticā censurā compellant, ut se viriliter & potenter ad iter peregrinationis transfretantes ad Terrā Sanctæ subsidium in instanti passagio disponant, & sic reddituri Domino vota sua, quod in oculis Divinæ Majestatis complacent, & præmium vitæ recipere mereantur ab eo in retributione justorum. Valete.



## EPISTOLA CXXXII.

*Parcensis Abbas pro avertenda calamitate imminente suo  
Monasterio Gervasium interpellat.*

**P**ARCENSIS Abbas (a) Abbati Præmonstratensi. Reverendo Patri & Domino suo in Christo charissimo Domino G. Dei providentiâ Abbati Præmonstratensi Frater H. Parcensis Ecclesiæ dictus Abbas, salutem & cum debitâ obedientiâ devotissimam reverentiam. Viri illustres & magnifici Principes Dux Brabantiæ, & Comes Flandriæ (b) collecto exercitū, sicut pro certo tenetur, præparant se ad bellum mutuum, & ad sæviendum in terram alterutrius propter vecordiam conceptam inter eos, quæ ex negotiis Domini Engelberti de Algeri, & Domini Sigeri filii ejus maximâ ex parte processit. Cum autem idem Dominus Sigerus indignationem suam effuderit super nos, eo quod à Domino Duce ad virum nobilem Comitem Flandriæ pro legatione suâ fuerimus destinati, timemus utique, ne fortè, si Dominum Comitem cum virtute exercitūs in terram Brabantiæ intrare contingat, Dominus S. occasione acceptâ sæviat in res & bona Parcensis Ecclesiæ, abducendo prædia de ipsius rebus, vel ædificia & domos per incendiū penitus subvertendo. Inde est, quod quasi de ventre inferi & de tribulatione ingruenti clamamus ad vos, venerande Pater, vestram clementiam humiliter implorantes, quatenus à Domino Ingelrammo obtinere dignemini, ut litteras suas ad Dominum Sigerum & ad Dominam de Ninive dirigat, ne per eos, vel suos fiat violentia in rebus Parcensis Ecclesiæ, sicut nec fieri debet, cum à nobis, vel à Fratribus Ecclesiæ nostræ nihil prorsus sit actum vel dictum, quod in eorum sit contumelia convertendum. Valete.

(a) *Parcensis Abbas.* Hivanus, sive Ivuanus clero Bierbacensium Baronum Genere satius, ad Abbatiam Parcensem promotus anno 1212, illam morte interveniente deseruit anno 1226.

(b) *Viri illustres Dux Brabantiæ & Comes Flandriæ.* Henricus I. Brabantiæ Dux, & Ferrandus ex Joanna Coniuge, Flandriæ Comes, quos inter bellum sævisse, dum narrat Abbas, ex negotiis Engelberti de Algeri procedens, factum refert, quod in Chronicis Flandrensibus & Brabantinis nusquam legi.

## EPISTOLA CXXXIII.

*Abbas Sancti Judoci in Nemore excusatorias absentiae suae à Capitulo Generali litteras scribit Gervasio.*

**A**BBAS Sancti Judoci (a) Abbati & Capitulo Præmonstratensi. Reverendo Patri & Domino G. Dei gratiâ Præmonstratensi Abbati, ceterisque Abbatibus ad Generale Ordinis Capitulum in Christi nomine congregatis, Th. ejusdem patientiâ Sancti Judoci in Nemore qualiscunque dictus Abbas, salutem in Domino & filialis obedientiæ humilem in omnibus famulatum. Quamdiù & quam libenter vestrum Capitulum nostra parvitas frequentare sægerit, Vestram Sanctitatem non credimus ignorare. Nunc autem disponente Domino de nobis, in manu cujus mors & vita hominum, qui flagellat omnem filium, quem recepit, tam gravi & tam periculosa corporis invaletudine laboramus, quòd vobis ad præfens nostræ parvitatæ præsentiam non possumus exhibere. Unde dilectum Suppriorem nostrum P. latorem præsentium ad vos procuravimus destinare cum ipso & pro nobis vestram misericordiam exorantes, quatenus causâ tam rationabili præsentiam nostram sufficeret excusatam absentiam habeatis. Nos enim per gratiam Dei semper fuimus, & vitâ comite semper parati erimus unitati Ordinis obedire. Valete.

## EPISTOLA CXXXIV.

*Gervasius prohibet ne quisquam immutare præsumat formam cantûs & ceremoniarum, nec non constitutiones quas Emo Abbas Floridi-Horti ex Præmonstrato exscriptas, invexerat in suum Monasterium.*

**G**ERVASIUS Dei patientiâ Præmonstratensis dictus Abbas. Venerabilibus in Christo Fratribus Ordinis Præm. Abbatibus universis, has litteras inspecturis, salutem & sinceram in Domino charitatem. Non faciliè debet convelli, quod cum labore conficitur, nec à filiis immutandum, cui patrum auctoritas suffragatur, quin potius in sua debet semper integritate persistere, quod constat esse, & multâ diligentia comparatum, & providâ patrum sanctione statutum, sed & propriâ insuper honestate subnixum. Sanè dilectus in Christo Emo (b) Floridi-Orti Provisor nuper veniens Præmonstratum, multo sætegit studio,

- (a) *Abbas Sti. Judoci*, postea Domni Martini à translatione sedis, Abbas dictus. Thomas erat Joannis I. successor factus anno 1210, mortuus mense martio anni 1214. Est autem Abbatia hæc in Artesiæ agro. Primum rectorem habuit B. Milonem Taruaniensium anno 1131. electum antistitem. Anno 1124. in Sti. Judoci eremo fundamenta Canonice locata sunt, & anno 1163. ex Sti. Judoci nemoroso secessu, ad Domni Martini prædium ædes transtulit Adamus Abbas.
- (b) *Emo Orti-Floridi Provisor*. Emo primum plebanus fuit Hufdingi, hodie *Hufinge*, uno à Groninga milliari, vitæ solitariæ succensus desiderio, cum æquivoco Emone de Romerwerf, in Werumensem secessum, dimisso pastoratu se recepit, & factus

studio, multâ curavit instantiâ, ut in Ecclesiâ suâ, quæ adhuc nova est libri Ecclesiastici haberentur secundum usum omnino & ordinem quo ipsa Ecclesia Præmonstratenfis utitur in cantu. Ordinarium quoque ad exemplum nostri, & Institutiones conscripsit, & quas in scriptis non invenit expressas. Quoniam ergo omne totum pulchrius elucescit, si partes à se ipsis non discrepant, & membra eò rectius disponuntur, quò suo capiti coherrentia, conformantur, Nos ipsum Emonem, qui ad hoc sollicitius laboravit, ut Ecclesia sua, suo toti, hoc est Ordini conveniret, & suo capiti, videlicet Ecclesiæ nostræ per identitatem consuetudinum cohereret, attentius in Domino commendamus, præcipientes districtius in virtute Spiritûs Sancti, & sub poenâ excommunicationis, quatenus usus legendi, pariter & cantandi, quem ad uniformitatem Ordinis conservandam, secum tulit à nobis, in Ecclesia Floridi-Orti, perpetuò modis omnibus habeatur. Nec Priori, Abbati, nec alicui Ordinis nostri Professori aliquatenus liceat, omnium eorum quæ notavit, aut scripsit, jota unum, vel unum apicem immutare: sciturus qui hoc fecerit, se ex câ horâ sententiam excommunicationis incurrisse, quâ aliquid prædictorum omnium immutare præsumpserit, nisi mutationem illam in Præmonstratensi Ecclesiâ factam esse noverit & receptam. Datum Præmonstrati VI. Idus Junij anno MCC XIV.



## EPISTOLA CXXXV.

*Gervasius Hortum-Floridum ut Filiale Monasterium in se suscipit  
& Præmonstrato adjicit.*

**G**ERVASIUS Dei patientiâ dictus Abbas Præmonstratenfis, omnibus in perpetuum. Notum esse volumus tam præsentibus quàm futuris, quòd cum Ecclesia Floridi-Orti in Prisiâ per gratiam Dei dilatari cœpisset, ita quòd surgens de paupere fundamento, jam haberet incrementum, quoniam vir religiosus Emo ejusdem loci præpositus, qui fuit unus de duobus primis habitatoribus & fundatoribus dicti loci, idem præpositus tandem veniens ad Generale Capitulum Præmonstrati, se obtulit, & locum suum, Ecclesiæ & Ordini Præmonstratensi, quem elegit & professus fuerat, à primis Ecclesiæ sibi commissæ fundamentis, ipsamque Præmonstratensem Ecclesiam inmediate matrem elegit, ut Ecclesia Floridi-Orti, tanquam filia specialis Præmonstrati, (\*) per Præmonstratensem Abbatem, tamquam per Patrem regatur, secundum


Hh

& factus est multorum discipulorum Pater, quos secum normæ Præmonstratensi ascripsit. Florebat ingenio, eruditione, pietate & doctrinâ Emo. Chronicon scripsit à Clar. D. Mathieu typis vulgatum. Multis post mortem miraculis refulsit, à continuatore Chronici relatis. In beatorum albo locum Emo obtinuit etiam apud externos, qui ante subversionem Floridi-Horti ad tumultum supplices concurrebant, gratias sanitarum sæpius experti.

**Floridus** - Hortus patrio idiomate, & à villa in qua situs erat, denominationem repetens, *Witrum* dicebatur, Groningam inter & Dammonam positus, anno 1214. Ordini Præm. attitulus est, & anno 1561. in vim diplomatis Pii 4. Collegio Cathedralis Ecclesiæ Groninganz celsit. Paulò post & Monasterium & Cathedralē deglutivit hæresis.

(\*) *Tanquam filia specialis.* Ratione paternitatis, acquirit Abbatia paterna iurisdic-

quòd Ordinis exigunt instituta. Nos autem devotionem ipsius & suorum, in Domino commendantes, sicut erat meritò commendanda, recepimus eum in filium & Ecclesiam suam in filiam spiritualem. Ne igitur futuris temporibus super hoc possit aliquis scrupulus suboriri, præsentēs litteras, in testimonium rei gestæ conceptas, sigilli nostri appensione duximus roborandas. Añum anno gratiæ MCC XVII.



## EPISTOLA CXXXVI.

*Honorius III. Cives Flandriæ & Brabantiae ad auxilium  
Terræ Sanctæ adhortatur.*

**H**ONORIUS Papa, Flandriæ & Brabantiae Fidelibus. Honorius Episcopus Servus Servorum Dei universis Christi Fidelibus per Flandriam & Brabantiam constitutis salutem & Apostolicam benedictionem iustus Dominus in omnibus viis suis, qui unicuique pro meritis condignâ retributione respondet, circa negotium Terræ Sanctæ spem populi Christiani fovit aliquando prosperis, & aliquando debilitavit adversis. O quantum Christicolis videbatur arridere prosperitas; O quantum illuxisse videbatur Fidelibus foeliciū aura successuum, quando cruce signatorum exercitus Ægyptum aggrediens post turrim captam, post transitum fluminis, post hostes exterritos, in adversariorum stationibus castra fixit, & Damiatam quæ robur censebatur Ægypti, duris obsidionibus & angustiiis coarctavit. Res quidem agebatur mirabilis, cum Dominus, qui elegit infirma mundi, ut confunderet fortia, civitatem expugnationi difficilem eo tempore tradidit gentibus belli ejus, quo invaluerat multum partis adversæ potentia, & abbreviatus erat non modicum nostrorum numerus bellatorum, habebat autem in his universitas Christiana, unde protenderet quasi certæ spei fiduciam in futurum. Verum succedentibus prosperis victores oblitum nomen Domini post triumphum; dato virtutibus libello repudii sic contraxere cum vitiis, quod detrahebatur fidei, ubi convertendi fuerant infideles, & major erat peccatorum commissio, ubi major remissio sperabatur. Quapropter provocatus Dominus dexteram in sinistram, & gratiam mutavit in iram, citharam nobis vertit in luctum, & gaudium transtulit in mœrorem, cum nostris in manu hostili conclusis & prædictâ Damiatâ, brevi dierum numero sic exinaniti sunt temporis longi labores, quòd non solum blasphemorum injuriis nomen est expositum Christianum, verum etiam quod ad aliquos, qui aliquando communicaverant fidei, contemptui datus est ipse Christus; unde facta est durior post prosperitatem adversitas, & eo minus habuit consolationis afflictio, quò minus argumenta prosperitatis præteritæ subsecutæ jacturæ pati poterant esse jacturam. Sed licet iniquitates nostræ quandoque dividerint inter nos, & Deum nostrum, non est tamen aggravata ejus auri, ut non exaudiat, nec abbreviata manus ejus, ut salvare non possit, misericordiam quippe non continebit in ira, quia saltem propter nomen suum, ne ulterius blasphemetur in Gentibus, potenter exurgens judicet causam suam, & exaltans humiles in fa-

---

Ætiopem & præminentias in filiale monasterium; jus nempe visitationis, correctionis morum, præcedentiæ, appellationis, & alias prerogativas quæ tam in veteribus, quàm in modernis constitutionibus Ordinis Præm. exprimuntur.



lutare, iniquos abigat & consternat elatos. Ecce ipsius inspiratione, ut firmiter credimus, charissimus in Christo filius noster Fridericus illustris Romanorum Imperator semper Augustus, & Rex Siciliae emissis multis arduisque negotiis, quorum onus honorem imperialis celsitudinis sequebatur, venit ad nos Campaniam nobiscum de prædictæ terræ subsidio tractaturus, ibique præsentibus venerabili Fratre nostro Patriarchâ, atque aliis, quos ad tractatûs hujusmodi de diversis partibus mundi vidimus adhibendos, singulis quæ natura negotii requirebat, diligenti meditatione pensatis, idem Imperator ad nostrum beneplacitum, & consilio prædictorum transfretandi terminum in festo S. Joannis Baptistæ post biennium proximè secuturo paratâ voluntate suscepit corporale super hoc exhibens spontaneus juramentum. Denique ut ad id plenius suum manifestaret affectum, & plus fidei daretur negotio, ac omnis suspicionis contrariæ scrupulus tolleretur, ad instantiam Patriarchæ prædicti se ducturum in uxorem legitimam filiam Regis, eidem jusjurandi religione firmavit. Sanè probabili præsumptione probamus, quod à Domino factum est istud, & ut vobis fidelium optatæ rei successus exsolvat. Sanè quia tempus, ut tollatur confusio, quâ filii ancillæ insultant in filios liberæ, terram nostri principis detinens miserabiliter occupatam, tempus est, ut hi, qui arte peccatorum se diabolo vendiderunt, amissam recuperent libertatem, & per salutiferæ redemptionis remedium animas redimant à fraude Diabolicæ captivitatæ. Exurgat nunc, qui dormit, & ab operibus mortis excitetur, ut illuminet eum Christus. Nos autem juxta generalia statuta Concilii personas & bona eorum, qui crucis charactere insigniti, recipientes sub protectione sedis Apostolicæ speciali, omnibus qui laborem istum in propriis personis subierint, & expensis, plenam suorum peccaminum, de quibus corde veraciter fuerint contriti, & ore confessi, veniam indulgemus, & in retributionem istorum salutis æternæ pollicemur augmentum. Eis autem, qui non in propriis personis illuc accesserint, sed in suis duntaxat expensis juxta facultatem & qualitatem suam viros idoneos destinarint, plenam suorum concedimus peccatorum remissionem. Hujus quoque remissionis volumus esse participes juxta quantitatem subsidii & devotionis affectum, omnes, qui ad subventionem ipsius terræ, de bonis suis congruè ministraverint, aut circa prædicta consilium & auxilium impenderint opportunum. Valete in Domino. (a)

---

Sed & Filia exigere potest & debet ex paternâ Abbatiâ auxilium, consilium, defensionem, protectionem &c.

Porrò jus paternum procedit ex multiplici fonte, nunc ex collatione fundi in quo structa est filialis Abbatia; aliquando ex transmissione coloniarum primorum fratrum; quandoque ex spontanea deditione acephali cœnobii, aut quod erat alterius Ordinis. Aliàs ex recuperatione amissi, aut restauratione ruentis aut lapsi monasterii, sive in disciplinâ, sive in ædificiis. Sub finem sæculi 13. Capitulum Generale plerarumque Abbatiarum paternitates, spreto originali earum jure, attento meliore & commodiore Ordinis bono, transtulit in alias Abbantias.

(a) Hoc breve Apostolicum scripsit Honorius anno 1223, postquam Fridericus 2. Jolandum Comitis Brenæ & Jerosolimorum Regis filiam desponsaturum promissit, & tabulas matrimonii approbante Honorio 3. Rege Jerosolimorum præsentem & laudante, firmavit suo sacramento & apographo Romæ existens Imperator in mense Julio.



## EPISTOLA CXXXVII.

De Morte Gervasii.


**D**IRI vulneris novitate percussus & tacti dolore cordis intrinsecus in effusione lacrymarum, & cordis amaritudine vestræ scribinus charitati, (a) nimirum, cum, sicut nobis nuper veraciter est relatum, sublarus sit de medio venerandus Pater, homo magni consilii, vir honestus, Dominus videlicet Gervasius, Episcopus Sagienſis, in cujus siquidem occasu vergit decus Ordinis ad occasum, & honor ejusdem pro parte maximâ detrimentum sortitur; dum hic, qui tanquam lucerna sub modio non absconſa, sed posita super candelabrum lucens & ardens, lucebat in mundo famâ & operibus veritatis, extinctus est tam subito, & subtractus est à nobis, & qui super conversabatur inter homines potens in opere & sermone, asumptus ex hominibus, inò raptus nunc tanquam abortivum, quod de vulva projicitur, reputatur. Cecidit, cecidit corona capitis Ordinis Præmonstratensis, concussa est una de columnis firmissimis domus Dei, unde non immerito cythara convertatur in luctum, & organum Ordinis in moerorem. Heu, heu, quis dabit capiti nostro aquam, & oculis nostris fontem uberrimum lacrymarum, ut in lachrymis absque mensurâ lugere possimus Dominum & amicum, virum prudentem, servum fidelem, quem constituerat Dominus super familiam suam, tanquam dispensatorem strenuum & fidelissimum suo gregi, & valeamus sinus prosequi tanti Patris. Fortim sublatus, & nusquam comparet, ut vel saltem exanimi debitas exequiæ impendamus, & defuncto corpori congruis honoribus assistamus. Suscipiat eum Christus, qui vocavit eum, cui devotissimus, dum viveret deservivit; & animam ejus cum sanctis ac fidelibus collocet in excelsis, ubi laborum suorum fructum recipiat centuplò cumulatam. Verè confidimus, quòd à Deo, 'apud quem est misericordia copiosa, misericordiam consequetur, quia etiam mors peccatorum pessima, mors tamen bonorum in conspectu Domini pretiosa. Verùm quia non possumus non dolere defuncto charissimo, difficile lachrymas cohibemus; unde & sollicitudo maxima sollicitat mentem nostram, ut Ordinem rei gestæ plenius cognoscamus, qualiter videlicet obiit dictus Pater, & de rebus suis, priusquam moreretur, qualiter ordinavit, quare Fraternitatem vestram attentè rogamus, & mandamus vobis, quatenus per litteras vestras speciales, & per latorem præsentium nos de prædictis abundantius instruatis, videlicet qualiter & ubi obierit, & quâ die, & quomodo de rebus suis ordinaverit, & quale fecerit testamentum, & si fortassis, dum legaret aliis, memor fuerit Ecclesiæ Præmonstrati, quam plurimum diligebat, & quæ eundem etiam honoravit non modicum & dilexit. Valet.

ARCHI-

- (a) Hujus Epistolæ author est Conradus Abbas Præmonstrati & Gervasii successor. Ad Sillesienſes, aut Falesienſes Præmonstratenses intra Diœcesim Sagienſem constitutos scripſisse illam suspicor, utpote eventus jam divulgati certiores, & à quibus certitudinem requiritur obitus & circumſtantiarum mortis Gervasii, hanc subiit anno 1228. & in Ecclesia Silley sub hac Epigraphe tumulatus est:

*Angha me genuit, nutritus Gallia, Sanctus  
Jussus, Thonolium, Præmonstratumque dedere.  
Abbatis nomen, sed matrem Sagia, tumbam  
Hic locus, vretur ut dicat spiritus astris.*

ARCHI-PRIORATÙS  
HYREEVALLIS,  
ORDINIS  
CANONICORUM  
REGULARIUM  
S. AUGUSTINI  
IN VOSAGO,  
SACRÆ  
ANTIQUITATES.





## ANTIQUITATES HYREEVALLENSES.

**H**YREE-VALLIS, sive Aspera-Vallis, gallicè *Hérival*, Prioratus est Canonicorum Regularium Ordinis Sti. Augustini, intra Vosagi montium fauces, uno, ultra Romaricomontum lapide, bino à Plombariarum Thermis, positus est, suo situ solitudinem spirans, imò horrorem incutiens suo aspectu. Hinc enim à Septentrione, incumbentis proceri montis, (a) jugo constringitur. Illinc ab imminente cacumine montis altius, (b) clauditur ab Oriente. Ab Meridionali plaga, confurgit mons alius (c) minaci fastigio nubibus illudens. Ab Occidente verò, sinuosos inter collium flexus, panditur iter angustum ad Vallem Ajonensem, gallicè *Val d'Ajo*.

Mediis hisce in montibus, porrectis in amphitheatrum, vernantibus abietibus, & gracili aquarum dilabentium murmure, fecundis, quæ piscinas efficiunt, & serrata molendina in suo vertunt decursu, assurgit lepida domus, dormitorio eleganti & templo venusto instructa, sed ex aquis passim scaturientibus, uliginoso satis. Primus solitudinis hujus horridulæ incola exstitit Eugibaldus patriâ Romaricomontensis, nobilis genere, qui spreto stemmate seculari, opibus & vitæ commodis post habitis, totum se contemplationi & poenitentiae tradidit, in secessu, hominibus impervio.

Monasterio Sti. Romarici præerat Gisla, & Tullensem regebat Episcopatum Pibo, dum Eugibaldus latebras Hyreevallis petiit, sæculi decimi anno supra septuagesimum quarto currente, & Theodorico Lotharingæ moderante Ducatum. Laudabilis propositi primos conatus, Gisla probavit, & ad ardua nitentem Eugibaldum provocavit verbis, fovit beneficiis, largâque manu, sub proprietatis titulo, allodium Hyree-Vallis transcripsit religioso solitudinis accolæ. Socios illicò instituti sui sectatores, non paucos adunavit Eugibaldus, quos inter claruerunt Wichardus Eugibaldi germanus frater, & Constantinus collecti gregis futurus aliquando Dux & Magister.

Austeram poenitentium vitam, laboribus temperatam & orationibus, nulli speciali regulæ attitutam inierunt ab origine in tuguriolis abditi fratres, patris sui æmulatores fervidi, charitate concordēs, hominibus ignoti, absconditi in Christo. Wichardus congregationis nomine, fratrem submonuit ut Oratorium strueret, in quo sacris operaretur, & sodales divino reficeret pabulo, in quod suspirabant omnes. At Eugibaldus humilis ultra mensuram sacerdos, indignitatis suæ conscius, & quasi alienæ interpres, nec sacra facere, nec sanctis participare voluit fratres, quibus desiderium sufficere communionis, aiebat, manducationem verò corporis Christi præsumere, temerarium putabat esse & arrogantiae scelus. Delirantis devoti errorem Pibo Episcopus increpavit, sed, ut ejusmodi hominum pietas cæca, & proprii consilii

Ii ij

tenax ferre affolet, frangere contumaciam non potuit; quare Wichardus fratris consortium dissolvens in cremum vicinam se recepit, cui Comites se junxerunt nonnulli, sicque paulatim diffuens multitudo, de deferenda Hyree-Valle cogitabat, donec Riquinus de Commercy anno 1107. Episcopatus Pibonis successor, *multo consilio* & frequenti concertatione domuisset pervicaciam superstitiosi hominis. Tum enim ad sanam reverfus fidem, se suosque pavit Eucharistiæ Sacramento, & dilapsam ex parte tyronum turbam revocavit.

Ægritudine paulò post correptus, vivendi fecit finem Romaricomonte Eugibaldus, qualem antea vitæ labores, jejunia, humilitas spondebant, utique plebis oraculo, beatum, & promissum humilibus. Successorem quanto cyus mortuo patri fuisseerunt fratres Wichardum, quem excepit Constantinus presbiteratus honore insignis, genere clarus, socialis & Augustiniani contubernii sectator. Impositi sibi oneris partes, quas non licuit suffigere, humiliter suscepit ad instantiam fratrum: sed ne fluctuans congregatio ad rectoris arbitrium, per incertas vivendi, agendive regulas traheretur imposterum, Henricum à Lotharingia Tullensem Episcopum & Lambertum Abbatem Cisterciensem adiit, à quorum consiliis voluit pendere vitæ & regulæ genus quod proficeretur.

Judicarunt ambo, standum esse Apostolicæ vitæ quam gesserant, & Augustini adhaerendum regulæ, certis modificandæ constitutionibus quas usus invexerat. Horum approbatione munitus, erexit Oratorium, leges conscripsit, partim ex S. S. Basilii, Benedicti & Norberti regulis decerptas. Stupentes ad aspectum severioris disciplinæ, rigorem monachilis statûs, longè transcendentes, nisi in Victorinis & Sti. Petri-Montis in Lotharingiâ, constitutionibus, similem austerioris vitæ formam legeres, si tamen pedum nuditatem excipias, Hyree-Vallis canonix specialem, & ab Honorio III. superpressam, à festo S. Martini ad Kalendas Aprilis.

Abstinentiam carniû, etiam infirmis præscriptam, sine ullâ relaxatione, & sub quocunque infirmitatis prætextu interdictam, ad annum usque 1245. strictim observarunt Hyree-Vallenses Canonici. Votum quoque paupertatis tam arctis strinxerant limitibus, ut pecorum, animalium-ve greges possidere in communi, nequidem auderent: & ex utroque hoc capite, in temporalibus patiebatur ordo grande dispendium, cui ut tempestivè per oportuna occurreretur remedia, ad Innocentium IV. ablegarunt Willelmum Presbiterum, Joannem Diaconum Hyreevallis Canonicos, qui coram Pontifice Lugduni constituto, pro suâ causâ orantes, dispensationem reportarunt 4. Kalendas Novembris, anni 1245. quam veteribus statutis, ad rigoris lenimentum, inserverunt recentiori manu, dispensationem.

Quanto tempore religionis ille servor vigerit apud Hyree-Vallem, vix dicere ausim, conjectare tamen liceat, cadente sæculo decimo quarto, ad laxiorem descivisse regulam, cui se ultrò manciparant comobitæ, primitivi spiritûs impatientes & oneris, quod vix patres eorum portare potuerant. Reformationem à Patribus Tridentinis præstitutam, seriùs amplexati, in Congregationem coalescere, cæteris Lotharingiæ Canonis, minime id postulantis, non cogitarunt; specie quadam melioris observantiæ contenti, quam Sebastianus Valdenaire, Prior, sive ut antiquatæ consuetudines loquuntur, Magnus Hyree-Vallis Magister, in solemnî fratrum omnium Capitulo, de Capitulantium consensu evulgavit 20. Aprilis, Anni M D LXXIV. Verùm qualis.

qualiscunque reformatio hæc, inducta, degenerem omnino spiritum, & nihil de pristina severitate referentem, exprimit. Usum carnis per anni curriculum; solo Mercurii dempto die, & Adventu Domini, excepto, indulget. Laborem manuum abrogat, vel saltem non præcipit. De observatione silentii, & aliis praxibus quas primarum legum conditores, ad Ordinis decus; & Religionis munimentum providè imposuerant, nil penitus renovatum erga posteros. Visum est satis Valdenario, consuluisse essentialibus votis, potuisse in tuto divini officii pensum, Regulam S. Augustini, formam habitus Ecclesiastici & civilis, de reliquo parum sollicitus, nihil omnino decrevit.

Quod fuerat incautè, vel indulgentius prætermissum à Valdenario, rescarcire aggressus est; æqui bonique amator Cardinalis à Lotharingia Episcopus Argentinenfis & Metensis, ratione legationis suæ, septima mensis Julij 1595. Omnes Abbates & Priores Monasteriorum Ordinis S. Augustini in Diocesisbus Tullensi, Metensi & Virdunensi consistentes, pro restauratione & stabilimento disciplinæ regularis, passim collapsæ aut elanguidæ, Nanceium ad indicatam superius diem, convenire iussit, & citatoris convocavit litteris. Comparuerunt singuli per se; aut per procuratores, in Capitulo fratrum minorum, ibique præhabita solemnî Missæ de Spiritu Sancto, in negotium reformationis totus incubuit Cardinalis eminentissimus per tres sessiones, in quibus varia sanxit, tum pro rescandis abusibus, tum pro instauranda disciplina, eoque rem provexit; ut sub uno capite generali, Patre Joannè Mario Abbate Petri-Montis, canonicè electo, omnes & singulas Abbatis, nec non Prioratus, intra legationis suæ terminos, existentes, supposuerit; ad formam congregationis gubernandos.

Comitiolum decretis applausit Carolus III. Lotharingæ & Barri Dux, suoque diplomate, commissam Abbati Petri-Montis provinciam approbavit 22. Octobris 1595. Geminâ suffultus autoritate Marius, Hyree - Vallem pro sui muneris debito; visitavit canonicè tertia die Novembris anni ejusdem. Edidit statuta & discretionem, & pietate, præcipuâ, in eo capite non laudanda tamen, quod distributiones & peculium permiserint Canonicis. Equidem læsæ paupertati ut medelam adhiberet qualitercunque legislator, possessionem ejusmodi proventuum subjecit superiorum discretioni, & ad ostensionem paupertatis, voluit ut in die Ccenæ Domini, congregati capitulariter fratres, se suaque resignarent Priori quotannis per traditionem clavium, & indicem bonorum suorum mobilium.

Die 8<sup>a</sup>. Novembris anni 1604. Cardinalis idem à Lotharingia, propagandæ ac promovendæ reformationis ergo, Generale Capitulum rursus in Abbatia S. Remigii Lunevillaris congregavit, ibique ad pleniorum votorum, & canonicæ vitæ observantiam, multos edidit canones, qui faciem generali reformationi præferentes, & reserantes viam planiorem, tentandæ & auspiciandæ Congregationis incentivum subministrarunt Venerabili Viro & Sanctorum fastis dignissimo Petro Fourier, cujus zelum Cardinalis Lotharingus subiecto protectionis suæ munimento sic succendit, ut interriti animi heroicam constantiam, nullâ potuerit frangere perduellium contumacia. Congregationi adultæ, omnia trium Episcopatum Monasteria ultrò dedere manus. Sola Hyree-Vallis, velut acephala, seu potius sibi sufficiens, nunquam in unionem corporis convolare voluit. Se etenim velut congregationis caput,

in Prioratus d'*Abiey* & Bonæ-Vallis exercens magisterium, putavit dedecere, alieno subesse capiti. Urgebat renitentes Concilii Tridentini auctoritas irrefragabilis, at Hyreæ-Vallenses pondus auctoritatis elevabant, objecto capitis nomine quo gloriabantur, & sub istius tituli umbraculo steterit ad novissima tempora Hyreæ-Vallis, summum Pontificem venerans ut caput supremum, Priorem uti subalternum & ministeriale agnoscens. Proprii honoris & præminentiarum ultrix usque modò Hyreæ-Vallis, ad vocem D. Francisci Blouet Episcopi Tullensis, aut conterrita, aut emollita, Tullenses præfules, amotis Pontificibus, imposuit sponte super capita sua. Sedem Apostolicam cui immediatè à tot sæculis & tam strictim se addixerant, jure an injuriâ postponentes, Episcopali scrulâ se subdiderunt tertiâ die Julii Anni MDCCX. inconsulto Clemente XI. de cujus causâ agebatur potissimum; immemores jactatæ pridem verticis & capitis, gloriæ, quam ultroneâ deditione obscurarunt.

Ex duplici enim Prioratu *Abiey* & Bonæ-Vallis, tamquam ex membris compaginatam congregationem venditabant, quibus accesserat Prioratus in *Rombec*, qui & Sanctus Mons dicitur. Est autem *Abiey*, latine Abierium, Prioratus sat insignis ad Castrum secus Mosellam, gallicè *Chasté sur Moselle*, consistens, & Hyreæ-Valli transcriptus ab Juditha Romarici-Montis Antistita, de consensu Monialium Anno 1078. sub annuo censu unius libræ Thuris, & viginti quinque solidorum Tullensium. Bellis Lotharingiam instantibus sæculo decimo quinto mediante, in prædam data est Hyreæ-Vallis phalangi acatholicæ, & depauperata adeò, ut pro salute matricis Ecclesiæ, Ecclesiæ filiales oppignorare debuerit. Abierium cecit in pretium redemptionis matris suæ; sed à Renata de Dintheville Abbatissa Romarici-Montis, penso creditotibus auro, iterum Hyreæ-Valli restituitur anno 1570.

Bonæ-Vallis primitus Eremitorium, postea Prioratus, prope S. Basili-Montem, vulgò *Saint Basle - Mont*, villam præfecturæ Mirecurii, gallicè *Mirecourt*, Wichardo, Eugibaldum minùs christianè opinantem de participatione Eucharistiæ, fugienti, præbuit habitaculum, quod paulatim ex fidelium largitionibus crescens redditibus, crevit & habitantium numero, & in Prioratum evasit, nunc tenuis fortunæ, & vix uni Cano-nico victum suppeditantis.

Hiscæ Beneficiis quæ claustralia nuncupamus, & quorum rectores ex designatione Magni Prioris Hyreæ-Vallensis pendebant, accessere Pastoralia beneficia in remedium subventionis pauperculi Monasterii, collata à Romarico-montensibus Abbatissis. Anno 1421. Isabella de Dominica-Villa, gallicè *de Demengevelle*, tam suo, quàm sui Monasterii S. Petri de Romaricomonte Ordinis S. Benedicti nomine, Parochialem Ecclesiam Vallis d'*Ajo*, Dicecesis Bisuntinæ, & Lotharingæ Ducatûs, concessit, & ad instantiam gemebundi Patris Bonvoisin Prioris, super desolatione sui Monasterii, perpetuis univit temporibus. Unionem ratam habuit Theobaldus Bisuntinensis Archipræsul, die 5. Februarii; eam Martinus V. quarto Idus Aprilis anni ejusdem, suo firmavit diplomate. Anno 1394. Joanna de Acrimonte, vulgò d'*Aigremont*, Abbatissa totusque Convexus Monasterii sive Ecclesiæ Romaricensis Ordinis S. Benedicti, Parochiam Belli-Fontis, cum Plombaria succursali contulerunt Hyreæ-Vallis Fratribus, & ne unquam tali dono fraudarentur Canonici, Plombariano Xenodochio, cujus Magisterium penes Priorem Hyreæ-Vallis stabat, legali unionem junxerunt utrumque simul; Porro Xenodochium illud anno 1390. ab Ancello Toparcha de *Darnieuille* & Aloisia de *Montjustin* nobilissimis



conjugibus ; ad pauperum solamen & hospitium piè fundatum est ; ut quotquot Plombarianas Thermas recuperandæ sanitatis causâ affluerent , illic & refugium invenirent & victum. Publicæ utilitati , institutum isthoc providè consulens , privilegiis magnificè cumularunt Lotharingæ Duces. Inter quæ illud primum esto , quod spolia extraneorum in oppido Plombarienti decedentium , cedant Xenodochio. Intactum ad nostram usque ætatem , voluit Leopoldus I. Dux , 25. Julii 1717. ad quartam spoliolum partem , jus illud hereditarium reduci , ne à salutaribus aquis arcerentur forenses , ob periculum amittundæ fortunæ.

Licet verò Hyree-Vallis Abbatissas Romaricomontensès tanquam suas fundatrices beneficas colat , non tamen , eripete laudes & negare gratitudinem debet munificis benefactoribus , qui collatione prædiorum rem auxere domesticam. Talis extitit Joannes de *Fougerolles* , qui aravi sui Alardi de Fougerolles carpens vestigia , decimas in nonnullis Comitatus Burgundiæ villis , Hyree-Valli tradidit , & paterno advocatiz juri succedens , potenti mariu , invasores bonorum Hyree-Vallis oppressit. Oprino protectori sepulchram in Ecclesiâ suâ dederunt grati Canonici , & ad latus sinistrum inclinata ad patientem tumba , hominis cataphraçi effigiem exhibens , hoc lemmate ornatur :

CY GIST MESSIRE JEHAN DE FOUGEROLLES ET GRANS , QUI TREPASSA L'AN DE JESUS CHAIST M CCCC. ET XXV. LOU VI. JOUR DOU MOIS D'HAOUST. PRIEZ POUR LY QUE DIEU AIT L'AME. C'EST LE SIRE GUILLAUMB DE FOUGEROLLES QUI AURE'S FAIT BASTIR CETTE TOMBE.

Scutum sinistro brachio appensum , ancoraria cruce , gentilicium stemma representante , instructum est. Proceræ & gigantææ molis fuisse Johannem de Fougerolles , seriatim in sepulchro composita ossa nuper explorata testantur. Dentes binos molares longitudine & diametro portentosos , ex ejus capite recens avulsos ipse contrectavi 6. Junii 1724. dum versarer Hyree-Valli , scriniis evolvendis incumbens , & obstupui , fraudem suspicari paratus , ni strutura dentium , & quod majus , ipsa R. D. Prioris , oculati testis assertio , omnem hæsitantis animi abegissent scrupulum.

Proloquio finem impositurus , pauca dicam de modetno statu Hyree-Vallis. Ad Augustinianæ regulæ apices , vivunt Canonici , viram communem sectantur , uno cellario passu , uno vestiario induuntur. Pastorales curas regunt , divino vacant assidue officio. More Canoniorum toga candida , cingulo nigro , & Rochetulo lineo à dextro humero , subtus sinistrum desluente , procedunt induti , pallium & pileum coloris nigri foras eundo , gestant. Constitutiones quasdam sibi per traducem transmissas stricte sequuntur , Superioris Ecclesiastici subnixas approbatione.

Jam verò venit indagandum , an habitus forma & color , ab antiquo tales fuerint Hyree-Valli , quales nostris temporibus usitantur. Statuta primitiva omnem religiosi suppellectilem sic definiunt „ Si loci sufficientia permiserit , liceat unicuique fratrum , tres tunicas habere , pellicium , pelles , mantellum simplicem , duo paria caligarum , & duo scapularia Clericis , conversis autem duo caputia & duo paria caligarum , pedules & sotulares. Clericis concessum à Domino Papâ calceis uti à festo S. Martini usque ad Kal. Aprilis.

De colore tunicarum , aut pelliciorum , nihil definiunt hæc statuta , formam verò satis explicant. Tunicam talarè , & pro temporis , aut loci opportunitate , pellibus astrictas gerebant vestes , scapulari superimposito semi-

tectas, ne labori & operibus manuum constanter addicti Canonici, vestes deteriorarent. Mantello super humeros dilabente, tegebant capita sua Canonici, quæ stricto & scapulari adherente, conversi operiebant caputis.

Canonicus Hyree-Vallensis, qui sæculo quinto decimo, rubricis & postillis statuta illustravit, nullam adhuc suæ ætatē innovationem in forma vestimentorum accessisse, innuit, & æquivocæ latinæ articulum, gallico sic reddit idiomati. *Si la maison y peut suffire, il est licite à chaque frere d'avoir trois robes, scavoir un saye ou pelice, une grande robe, & un manteau simple, deux paires de chaufes, & deux scapulaires ou amietis, & ceux-cy sont pour les clerics. Car pour les convers & laïcs, suffiront deux capuces, deux paires de chaufes, avec les bas de chaufes & les souliers, puisqu'il a esté permis de nôtre S. Pere le Pape aux clerics d'user de souliers depuis la feste S. Martin d'hyver jusqu'aux Kalendes d'Avril.*

Postea sequitur commentarius sub his verbis: *Encore n'est pas beaucoup different cette rubriche, de la reigle de S. Augustin, ou il ordonne qu'on soit vetuz d'un meme vestiaire, toutefois les fraires, par la permission de leur propre se doivent vestir desamant & comme la coutume l'a depuis obtenu. Mais je vous prie lisez icy comme l'origine de cet Ordre d'Herival approchoit la vie apostolique.*

Joannes Marius in visitationum cursu pleraque edidit decreta 3. Novembris 1595. De vestitu Herce-Vallis Canonicorum pauca hæc, & ad elucidationem quæstionis parum conducentia habet. „ Habitus, inquit, monasterii deferant semper & ubique, tam Prior, quam Canonici, tam in curiis Principum, quam aliis in locis, ut per delationem ejusmodi vestium dignoscantur professores Ordinis S. Augustini. Omnes autem Canonici ferant habitum secundum constitutiones loci.

Ex epistola quam Joannes Perini Secretarius & visitationum Marii comes scripsit ejus nomine 7. Novembris; anni ejusdem, ad Priorem Hyree-Vallis, mandat & præcipit ex Visitatoris jussu, ut imposterum scapulare lineum deferant. *Mr. le General vous commande de prendre un scapulaire de soie, à la façon des autres, & de quoy il vous baille à tous permission.* Lineum igitur antea, scapulare portabant, quod à Marii tempore in lineum commutarunt. De colore vestis nihil decernit, sed ad tenorem & usum loci, retinendum imperat. Ita cetera, nec aliter poterat definire vir sagax, propter variantes in Ordine, imo in eadem Provincia, Canonicorum in vestitu colores. Anxiam, & in antiquitatis indagine avidam mentem, nulla veteris ævi monumenta, etiam muta, explevere potuerunt. At vivæ traditionis oraculo, didicimus, quod ex tacitis testibus inquiseramus frustra. Ergo traditione autore pannus coloris albi, à limine foundationis assumptus est ad vestitum, tantò congruentior, quantò familiarior discipulis Augustini. Sequitur Priorum sive magnorum Hyree-Vallis Magistrorum series, prout ex Carthis & Chronicis eruere licuit.

1. Eugibaldus, ad Riquini Episcopi Tullensis tempora vitam & regimen produxit, & circa annum 1112. mortuus est.
2. Wichardus Eugibaldi germanus frater, ob reverentiam prædecessoris, & laudabilis vite conversationem, quam in Bonævallis Eremitorio agebat, comuni fratrum suffragio, in Priorem sublektus est. Obiit anno 1145.

3. Con-

3. Constantinus congregationis minister, ejusdem legislator exitit. Ad annum 1245. interpolatus est Priorum elenchus, hiatum claudit
4. Vincentius, qui rigorem abstinentiæ, & paupertatis votum arctiori limite confictum relaxari ex parte obtinuit ab Innocentio IV. anno 1245. Successit
5. Stephanus, qui anno 1287. exemptus est à vivis.
6. Clemens abalienatum Prioratum Abierii redemit anno 1300.
7. Guillelmus de Fougerolles ab anno 1302. præfuit ad annum 1316.
8. Varnerus obiit anno 1324.
9. Guericus excepit anno 1329. tabulas donationis quas Guillelmetà à Sancto Lupo conscripsit, in favorem Xenodochii, in villa S. Lupi ab anno 1301. fundati ab Helvide de Jeinvillè, Domina de Montigny & Joannis Domini de Faucogney piissima conjugè. Magisterium hujus Hospitalis à fundatrice collatum Priori Hyree-Vallis, penes eundem perseverat hodie.
10. Hugo floruit usque ad annum 1351.
11. Vinetus in vivis agebat anno 1357.
12. Clemens 2<sup>us</sup>. obiit anno 1361.
13. Joannes Durandi moritur anno 1368.
14. Varnerus Paget obiit anno 1379.
15. Dominicus de Vicherey Magisterium Xenodochii Plombariensis ab Ancello de Darnieulle erecti, dotati, & uniti monasterio Hyree-Vallis anno 1390, à fundatore suscepit. Moritur Dominicus anno 1402.
16. Guillelmus Bonvolfin, patriâ Romaricomontensis, Parochialem Ecclesiam Vallis-d'Ajo obtinuit ab Isabella de Demangeville Abbatisâ Romarici-Montis, anno 1421. Obit anno 1439.
17. Joannes Gerardi de Chastel, novo jure, electionem suam Bullis Apostolicis roboravit. Disciplinam regularem paululum imminutam, ejusdem Apostolicæ Sedis interventu, & per præpositum S. Deodati, commissarium ad id specialiter delegatum, refarcivit anno 1450. & fecit vivendi finem anno 1463.
18. Joannes Scutifer, alias Thouvenin, more prædecessoris sui confirmationem electionis suæ obtinuit à Pio II. Obit anno 1497.
19. Gerardus Marius de Castro, instar decessorum à Summo Pontifice confirmatus, Coadjutorem postea filii assumpsit anno 1502. Hilarium Petrum d'Agécourt, de concessione Alexandri VI. Vivere desuit anno 1507.

20. Hilarius Petrus d'Agecourt decimo administrationis anno fungitur vitæ 1517.
21. Sebastianus Valdenaire, monasterii sui annales gallico idiomate conscripsit, & dignitati cessit anno 1543.
22. Nicolaus Tocquart obiit anno 1556.
23. Sebastianus Valdenaire moritur anno 1592.
24. Remigius Valdenaire electionis suæ confirmationem obtinuit à Carolo Cardinali Lotharingæ anno 1592. triennio tantum rexit.
25. Theodorus Remy ab eodem Cardinali & Legato confirmatus anno 1595, obiit anno 1608.
26. Claudius Remy Theodori frater, obiit anno 1639.
27. Sebastianus Conat, coadjutorem sibi procuravit Tuffanum Moulin anno 1647. Prioratum dimisit anno 1658.
28. Tuffanus Moulin obiit anno 1677. In perennem gratitudinis memoriam hoc illi monumentum posuit Successor.

Piis manibus  
 Honorandi admodum Domini, ac Rmi.  
 in Christo Patris Domini Tuffani Moulin,  
 hujusce domus olim Prioris vigilantissimi,  
 regularis observantiae studiosissimi,  
 Heryvallis reparatoris indefessi,  
 nec non integerrimæ vitæ lustrorum  
 duodecim  
 sanctitate multum conspicui.  
 Unde & pretiosæ mortis 111. Kal. Martij  
 Anno Domini MDC LXXVII.  
 felici examine summe laudabilis  
 Patris benemeriti,  
 nepos & successor haud obliviosus  
 Jacobus Moulin,  
 æternum amoris & mœoris monumentum  
 posuit.

29. Jacobus Moulin obiit anno 1682.
30. Sebastianus Moulin, Jacobi frater, Prioratum urgente ægra valetudine abdicavit, anno 1722.
31. Paulus Barbier, pastoralis officio dudum probatus, integerrimæ vitæ, & morum candore clarus, regularis disciplinæ ultor, & exemplar, Fratrum votis expetitus, Prioratum nunc moderatur & honestat.

## VETERA HYREEVALLIS STATUTA.

### Incipit Prologus in Regulam Hyree-Vallis.

**O**PTIMUS Ordo est, ut totius aut verbi, aut operis & à Deo sumatur origo: & ad Deum consummatio referatur. Igitur de exordio Ordinis hujusce Vallis, cooperante Deo, disseramus.

Temporibus Domni Pibonis, præclari Tullensium Episcopi, Sacerdos quidam Eugilbaldus nomine, de locis Vosagensibus oriundus, multis sæculi pressus adversitatibus, magnis rerum suarum afflictus incommodis, fluctibus, ut ita dicam, ad portum impellentibus heremum quandam, Hyree-Vallera scilicet, juxta Romarici-Montem petiit. Sed in portu magis timuit ne oriositate, quæ inimica est animæ, torpesceret, quàm antea timuerat ne procellis obrueretur. Licet enim mare transierit, licet Pharaonem & Ægyptios jam submersos cognoverit, quoadiu tamen per desertum hujus sæculi ad cælestem Jerusalem tenditur, novit hostes latere in insidiis: Ad hos itaque inimicos superandos, quosdam tyrones animis fortiores quàm corpore, sibi sociat: armat aciem spiritalibus telis, famem, sitim, laborem, frigus, nuditatem & cæteras angustias quas in Dei militiâ sustinere necesse est, & desiderantur cum suis commilitonibus amplectitur. Sanè quemdam fratrem nomine Wichardum in seculo habebat, quem mundum postponere & bajulare crucem, Christumque sequi & verbis hortatus est & exemplis edocuit. Animavit germanum ad certamen, stipendia certaminis innouit, ut qui carnali propagine jungebantur, jungerentur & præmiis. Veruntamen in aliquibus zelum Dei habuit, sed non secundum scientiam. Judicans enim se indignum Sacramentis ecclesiæ, contra morem ecclesiasticum instituit, in suo loco ecclesiam non construere, non celebrare missam, nusquam communicare, nec cantare psalmodiam juxta ritum ecclesiæ. Hujus, ut putabatur, Erroris scandalo motus venerabilis Riquinus qui Domino Piboni decedenti, in episcopatum successit, Domnum Eugilbaldum ab hujusmodi proposito multotiens revocare temptavit. Domnus autem Eugilbaldus monita præsulis & multorum scandala parvi pendens, ab hoc quod proposuerat per annos aliquot noluit immutari. Quapropter Wichardus frater ejus ab eodem dissensiens ad aliam secessit heremum, in quâ sub vitæ heremiticæ disciplinâ conversatus est, quoadusque Domnus Eugilbaldus divinâ prævencus gratiâ, multo; Domni Riquini consilio & labore, ab illo suo respiceret instituto. Sacra namque comunione perceptâ apud oppidum Romaricense occumbens vitæ æternæ beatitudinem quam quotidie ut ita dicam moriendo, dum viveret, emeritus fuerat, adeptus est. Sicut scriptum est: Beati mundo corde, quoniam ipsi Deum videbunt. Ad videndum quippe Deum timore cor mundatur, scilicet à cupiditatibus divitiarum, honorum & possessionum quæ sunt quasi pulvis injectus oculis cordis; & à carnalibus voluptatibus ferculorum exquisitorum, & pculorum exquisitè delicatiorum ac vestimentorum prætorum, atque mulierum

quæ sunt velut humor superfluous oculis cordis nocivus, & ab iniquitatibus malarum cogitationum quæ sunt quasi pili oculis cordis infixi. His enim omnibus oculi cordis sordantur, obscurantur, excœcantur. Sicut enim impossibile est in sedato speculo, vel in aqua scœnulentâ & turbida imaginem aspicientis posse intueri, sic nultanus videbitur Deus ab hominibus, nisi mundentur corda à supradictis voluptatibus & desideriis & cogitationibus immundis. Quod perpensens Dominus Constantinus ardentissimus amator extremæ paupertatis & tranquillæ pacis, precibus & iussis Domini Lamberti Cystericiensis Abbaris, (a) & Domini Henrici Tullenfis Episcopi instinctu & benedictione remansit Hyree-Valli, loco utique pacis & quietis, ac ydoneo penitentiar & satisfactioni; saragens se suosque commilitones à supradictis vitiis emundare, & ad videndum Deum, mundando corda preparare. Proponit itaque sicut Apostolus & patres antiqui labore manuum victando secundum regulam S. Augustini, Hyreevalli, mores suos, & fratrum suorum artibus solito corrigere, & animas sibi commissas, suamque pariter, spiritali medicamine sanare, præstante Domino nostro Jesu Christo qui habitare facit unanimes in domo, Qui vivit & regnat &c.

*De horis canendis & de silentio & jejuniis.*

Omni tempore quando clerici surgunt ad vigiliis, pulsato signo surgant, & Converſi. Qui Ecclesiam ingressi, divina officia sicut injuncta sunt ita persolvant. Finitis Matutinis converſi possunt recedere, si tamen volunt, quia licentiam inde habent. Clerici verò statim post Matutinas, de beata Virgine cantare incipient, & postea laudes pro defunctis. Nam quæ ad defunctos pertinent, post Nonam licentiùs cantabunt. Hoc expleto redibunt ad lectos suos ut modicè pausent. Inde pulsatur prima, & post primam Missa. Inde converſi exeunt ad labores, & ibidem horas suas cantant sœcuentes genua sua ad *Pater noster*. Similiter qui laborant intra curiam, si voluerint, ibi cantent. Clerici verò nunquam in curiâ cantabunt, nisi forte aliquis à Priore jussus ibi cantet. A sesto Sanctæ Crucis usque ad Pascha post Tertiam exeunt ad laborem. Ad Nonam redeunt. Hoc tempore jejunant & post vespertas cœnant. Si quis alienus supervenit dum fratres sunt in labore, nemo colloquatur illi, præter eum qui prior est in labore. Iste etiam breviter loquatur & seorsum. Item magister laboris nullum fratrem mittere præsumat ad villam pro qualicumque causâ sine licentiâ magni Magistri. Item, magister laborum suggerere potest magno Magistro, vel clericis ejus quid operandum est, & quando. Cogere verò nec satis æquum est, neque in aliquâ domo Canonici Ordinis unquam consuetum.

*De genu-flexione.*

A die Natalis Domini usque ad octavas Epyphanie & à Pascha usque ad *Deus omnium*, & omnibus diebus novem lectionum vel trium solemniū, genua non sœctuntur ad orationes. Ordo verò dierum tribus lectionibus solemniū à vespertis incipit, & die crastinâ, post Nonam desistit. Dies autem novem lectionibus solemnis, incipit à Nonâ, & deinceps tota die crastinâ persistit.

*De*

---

(a) Lambertus Golvino successit anno 1153.

*De Confessione.*

In Ebdomadâ vident omnes semel ad minus ad confessionem; hoc est in omni sextâ feriâ, nisi solemnitas novem lectionum obstitit. Item quotiens fratres laici recipiunt disciplinas, nisi in Coena Domini. Item quotiens fratres communicare debent, unâ die ante, currere tenentur ad confessionem. Sunt autem isti dies quibus generaliter omnes communicant, Nativitas Domini, prima Dominica Quadragesimæ, Coena Domini, Pascha, Pentecostes, Assumptio S. Mariæ, solemnitas omnium Sanctorum; si quis in viâ directus fuerit primâ Dominicâ quæ competenter occurrerit post festum quo communicare debuerat, præsentet se & communicet.

*De observatione silentii.*

Silentium ubique tenere debemus, ut nunquam & nusquam loquamur fratres, nisi prærequisita licentiâ Magistri. Sunt etiam sacro-sancta loca in quibus talis licentia neque peti debet, neque dari, nisi suprema necessitas exegerit, qualis est in comportandis trabibus, aut sublevandis, & in huiusmodi. Qui enim in monasterio, in claustro, in dormitorio, in refectorio silentium suum fregerit, dignum est ultro poeniteat & dignæ disciplinæ subiaceat.

*De hospitibus supervenientibus.*

Si necessitas hospitem supervenerit post completorium, Magister provideat quis fratrum loquatur cum hospite, si fortè Cellarius non fuerit præsens, cui de procurando hospite cura generalis incumbit.

*De Lectione prandii.*

Dominicis diebus & festis quibus non laboramus propter pacis & caritatis custodiam simul omnes congregati prandeamus, & ab uno Clericorum in libro uno brevis lectio recitetur: ut sicut beatus Job sanctificabat filios suos, sic nos comedentes de lectione sacræ paginæ sanctificemur.

*De paupertatis amore.*

Nulla animalia licet nobis possidere præter apes & catos, & canem unum, & equitaturam unam sive duas.

*De proprio.*

Cuiquam non liceat aliquid proprium habere præter simplicem vestem quam sibi Magister & suus Ordo contulerit, & præter instrumentum suæ artis, quæ tamen ad numerum recipiet, & ad numerum resignabit: quotiens requisitus fuerit; vel quotiens labor ejus aut mutabitur ei, aut completus erit. Item quicumque sine iussione Magistri dat aliquando, licet nummum, excommunicatum se noverit, usquequò manifestaverit, & inde satisfecerit. Item, si quis fuerit cum proprio defunctus, ipse & res ipsa quæ circa ipsum reposita est, foras extra atrium ejiciantur.

*De eodem.*

Si loci sufficientia permiserit, liceat unicuique fratrum tres tunicas habere; pellicium, pelles, mantellum simplicem. Duo paria caligarum, scapu-

larium, Clericis. Conversis autem duo capucia, & duo paria caligarum, pedules & sotulares. Clericis concessum est à Domino Papâ calceis uti à festo Sancti Martini usque ad Kalendas Aprilis.

Fratres in dormitorio dormiant singuli per singulos lectos, qui strati sint panno uno & cervicali. Jaceant autem vestiti tunicâ, & caligis, & cingulo, ut ad opus Dei paratiores surgant. Coquinarius jaceat in coquinâ, quia servat ostia. Idem adjuvat in pistrino, sicut constitutum est.

Furnerius manè prandeat, quod ei Cellarius ministrabit, & ad panem tornandum Clerici adjuvabunt, cum eis licebit; & si ante Tertiam furnus coquit, eâ die parcitur clericis de alio labore.

#### *De Segete.*

Conversi qui servant segetes, caveant ne cadant in illam sententiam quæ prohibet dare vel accipere, sine Magistrî jussione, quia graviter punirentur.

#### *De numero Fratrum.*

Fratres laici usque 20. recipi possunt, & de litteratis quantum redditus & proventus se extendunt.

#### *De Novitiis.*

Frater qui noviter venit ad Ordinem & pulsatur ut recipiatur, audiat prius austeritatem Ordinis, & si firmavit propositum suum, adducatur in Capitulum, misericordiam petat. Sæculo & voluntati propriæ renunciât. Obedientiam junctis manibus faciat, postea à deputato ei Magistro, tondeatur & de observatione Ordinis instruat.

#### *De modo excommunicationis.*

Secundùm modum culpæ debet extendi vindictæ mensura, & hic modus correptionis, in Prioris pendeat arbitrio. Si quis publicè peccaverit, coram omnibus arguatur. Qui pro levioribus culpis sæpe correptus non emendatur, quandiu Prior judicaverit à fratrum consortio segregetur, aut singulis diebus verberetur, donec ejus humilitas veniam mereatur. Si autem frater qui culpæ gravioris nexu constringitur, non solum à fratrum consortio, sed ab Oratorio sequestretur. Denique qui verbis usque quater ammonitus in contumaciâ suâ persistit inobediens, penitus excluditur à totâ domo. Proiectus autem si reverti voluerit, & omnem emendationem sponderit vitii pro quo egressus est, aut ejectus, tertio potest recipi. Si deinceps ejici meruerit, aut sponte exierit, omnis ei obstruatur introitus. Si quis autem frater præsumpserit fratri excommunicato, vel expulso foras, se conjungere, vel loqui, vel mandatum dirigere, similem fortiturge excommunicationis vindictam.

#### *De excommunicatis.*

Omni sollicitudine curam gerat Prior circa delinquentes fratres, quia non est opus sanis medico, sed malè habentibus, & ideo vel per seipsum, vel per alium sapientem & discretum virum consolari properet, & revocare ad humilitatem, fratrem fluctuantem, ne tristitia absorbeat, orari faciat pro eo, & ei ministrari in aquâ & pane solo. Similiter & ei qui ad portam redit, ministretur die unâ, sed non ulterius, nisi de Prioris consilio, vel imperio.



*De infirmis Fratribus.*

Ad Magistri refectitur curam, id quod à discipulis delinquitur, & ideo provideat Magister diligentem servitorem qui de infirmis curam gerat, & quicquid domus ministrare sufficit, huic Cellarius hilari pietate procuret: ut à Domino audiat, *infirmus fui & visitastis me*. Nam qui affidet decumbenti, vel qui necessaria perquirat ei, non tam infirmo, quam Christo veraciter servit, Christum comportat, Christum pascit & ungit. Ipsi verò infirmi nec inordinata, nec superflua requirant. A carne & à sanguine semper abstineant. Sextâ feriâ cibo quadragesimali vescantur.

*De removendâ mulierum suspitione.*

Mulieres neque sub curâ nostrâ recipere debemus; neque per cœnobii sacrarum monialium visitationes facere. Sed aspectus earum & loca confinia devitare. Fœminæ curtem fratrum non ingrediuntur, & quæ vicinæ sunt nosse debent consuetudinem portæ nostræ, ut de vespere non veniant, quia neque beneficium, neque responsum à portâ reportarent:

*De Officiis Solempnibus.*

In majoribus Solempnitatibus, Prior pro reverentiâ diei festi faciat officium, incipiens à Vesperis & Completis, usque post majorem Missam, fratribus per omnia ministrantibus & adjuvantibus, sive canentibus solempniter, quantum possunt. In quibus diebus Sacrista provideat de altaribus festiviis paulò adornandis. Item Prior in capite jejuniî, cineres benedicat & distribuât, & tam ipse, quam ceteri exsolvant orationes quæ ante Missam sunt. In ultimâ illarum Prior præparat se ad Missam, similiter & ministri ejus, & isti calcant se, & parati locis manibus procedunt ad altare. Alii fratres sustinent usque post Evangelium, & tunc se recalcant, & manus lavant, & Missas suas celebrant. Si autem festum aliquod vel in hac die, vel in diebus aliis inciderit, prima Missa sit de jejuniis, secunda de festo, quæ dux sine intervallo sibi continuantur. In Cœnâ Domini Prior debet Missam & in parasceve, & in Sabbatho:

*De his quæ plui bono usu sunt; quam scripto.*

Scriptum est, *Omnia fac cum consilio, & post factum non penitebis*. Consilium recepimus à viris discretis & benè litteratis conferendo cum eis; de usu nostræ parvæ domûs & usibus aliarum domuum quæ sunt numerosæ multitudinis gentium, & magni apparatus & expensarum, qui viri serè uno ore responderunt, usum nostrum potius nobis armandum fore, quam aliquod scriptum. Scilicet ut teneamus idem quod tenere consuevimus de rursus capitum, de diebus processionum, de lege solempnitatum, & communionis fratrum, vel confessionis eorum, de temporibus minutionum, de pitanciis infirmorum, sive hospitum, de cibis & vestibus & numero, vel mensurâ, vel horâ distribuendorum, & edocti sumus ut omnia fiant qualiter hoc anno sunt; sed tantummodò confidemus in administrando necessitudines indigentium, non malas voluntates indigentium. Nam ideo quorundam improbitas & inexpléta cupiditas castiganda est. Quia infernus, & os vulvæ, & ignis; tria insaturabilia sunt. Qui legit intelligat quia non sufficimus omnibus dare; quod omnes petunt.

*De Pitanciis.*

Solent habere solemnitates anni pitancias suas. Solent boni vicini sæpe quasi cogere nos ut de oblationibus suis aliquam pitanciam faciamus in generali. De quibus visum est aliquando laïcis fratribus, ut qui vellet reservare partem suam, liceret ei. Non mirum, qui nesciunt scripturas, neque usus aliarum congregationum didicerunt. Si sua simplicitate sunt decepti. Si stultâ pietate gula sunt impii. Si ignorant quia venter quasi novus Deus est. Qui tale requirit Sacrificium quod de unâ die transferatur in alterum. Igitur contra se audiant illud Moyfi. Sacrificium quâ die conficitur, consumatur. Neque enim Moyfes contra Aaron. De hedi partibus non comestis frustra caufatur. Quod si ad spiritalem sensum referas, fides & scientia & linguæ cessabunt, & prophetiæ evacuabuntur. Si autem ad simplicem litteram hoc accipis, de cibis reservatis intelligo, quantus pudor est aliquos fratres, ventribus suis offerre quod die illâ in generali non habetur. Unde ad probationem hujus rei sufficiat saltem ille versiculus: *omnia tempus habent*, sed non habet omnia tempus. Cellerario præcipitur ut omni die ministret fratribus quod manus ejus invenerit. In serò recolligat quod de cœna remanserit, ubi si quid viderit integrum & reservabile, in communes expensas id redigar. Quod imminutum erit, vel in eleemosinam devolvat, vel in usus alios fideliter expendat: & sicut facit de rebus aliis secundum nutum Prioris, ita ut de ista re faciat, ut nihil reservet ipse cuiquam, neque patiatur ante aliquem quicquam inordinatè poni.

*De eligendo Priore.*

Quando Prior decesserit, præmissis orationibus, completoque jejuniu triduo, eligatur à fratribus quis ei succedat. Vita autem merito & sapientiæ doctrinâ eligatur, qui ordinandus est, etiamsi fuerit ultimus congregationis. Et sicut fit in omni electione, quemcumque major pars fratrum meliore zelo elegerit & saniori consilio, huic assentire debet cætera multitudo. Fratres appellamus non solum illos qui serviunt in Hyree-Vallibus, sed qui in Abyé & qui in Bona-Valle, qui omnes debent interesse novæ spiritualis Patris sui electioni, quia istæ tres domus, sunt una cûra animarum, & non tres curæ.

*De Officio Elekti.*

Electus aliquis & ordinariè promotus, caveat elationem & servet bonum nomen Ordinis hujus qui heremiticam, seu anachoreticam vitam redolet, & favorabilem simplicitatem. Igitur Magister hujus Heremi, contentus erit cibis communibus, & libris & vestibus & utensilibus universis, ut ex hoc ipso humilis ipse, alios humiliter, & quæcumque discipulos docebit esse contraria, in suis operibus magis indicet non agenda. Necessè est ei necessaria domui providere, præsumptiones & novitates noxias, in ipsâ radice principii, sicut inutiles propagines vitis evellere, & dicere, tempus putationis advenit. Debet & discretè labores temperare, simulationes & invidiam cautè deprehendere, benignè consolari pusillanimes, rebelles potenter conterere, alacriter inertes exhortari, misericorditer levis, vel infirmos, beneficiis refovere, ut omnibus omnia factus, nunc ut pater, nunc ut magister, uno mediocritatis vestigio, viam mandatorum Domini. cutrat expeditius. Dirum magistri

magistri, pium patris prætendat affectum ut sit pater humilium, quod est contra immoderatæ severitatis periculum, ne fugiant cum omnes & dicant, Urfus insidians, princeps malus super populum. At magister sit indisciplinatorum, quod est contra remissæ lenitatis vitium. Ne licentiosa insolentia, vel dissolutio, vel risus habeat locum suum, ne dicatur de subditis: *Vaccas Berboven* adoraverunt. Id est stultè, impudenter & insolenter se habuerunt. Igitur qui pater est, percutiat filium suum virgâ, & liberet animam ejus à morte. Sciat culpæ pastoris incumbere, quicquid minùs utilitatis ille magnus pater familias cui ratio reddenda est, poterit in suis ovibus invenire. Semper ergo se præparet pro eâ quam redditurus est, de sibi creditis ovibus, rationem.

*De querelis & accusationibus.*

Philosophus admirans super diversis moribus hominum, & super murmure, vel querelis, vel causis istorum, exclamat & ait, nemo sine crimine vivit. Nam vitis nemo sine nascitur; optimus ille est qui minimis urgetur. Et quod sacra pagina dicit, devorabunt homines linguas suas, ad murmuraciones & clamores hodierni temporis, tam in hoc ordine, quàm in aliis referri potest. Nam si homines appellantur qui terrena sapiunt: viri religiosi qui sicut Dii inter homines esse debuerant, jam nomine hominum appellandi sunt. Jam alii alios causis & plagis involunt, quorum propositiones magis terram sapiunt, quàm aliquid terrenum. Unde si inimici hominis sunt domesticus ejus, si contra eos quos defendere, vel à quibus defendi solebant, armis iracundiæ debacchantur, si necesse est venire scandala ut electi probentur: completa est prophetia, & homines manducant linguas suas: at contra beati sunt qui persecutionem patiuntur propter justiciam. Si crescente pugna, crescit pugnantium gloria, si quis palam arguit, pacem facit: si contra Balaam sua loquuta est asina: forsan utile erit Hyrcævalli, si proponit aliquis in Magistrum ejus aliquid quod dignum censuerit emendatione magnâ, quia nec importabile dedecus Ordinis, nec detrimentum inemendabile rei familiaris, nec violentam oppressionem alicujus innocentis, nec odibilem avaritiam quæ austeritas vocatur, & non est, nec cœcitatem nescientem quæ sæpe simplicitatis nomine se tuetur, quisquam ferre potest aut debet. Igitur qui proponit in tantum virum calumpniam, servet semper humilitatis formam, verborum modestiam, reverentiam Capituli, honorem Ordinis, timorem Dei, testimonium sanæ conscientiæ, zelum justiciæ & disciplinæ. Hoc est, ut nichil moveat propter inanem gloriam & contentionem, nichil per insidias & de suspitione, nichil per invidiam & detractionem, nichil propter turpe lucrum, vel aliam abusionem. Ne quando more stulti reperta sit virga superbiæ. Ne quis repercutiat cum virgâ quam intenderat super judicem suum, & confundatur propheta malus à suâ visione. Igitur præcedat ordinariè negotium & magister respondeat ad Capitulum simul, & clamantem suum; & si reus est, humiliet se eo modo quo debet, vel si nescit se conscium, purget sicut debet & decet, aut probationes, aut testes si se contra eum offerunt, questionem deferant ad Episcopum, & ad ejus officiales, qui auditis utrique partibus dignè puniant culpam, & dignè absolvant innocentiam. Si aliter non possunt, & tanta est culpa, deponant eum qui declinavit Capituli sui judicium, & sustinuit fatigare fratres suos, tam procul, quàm intra Hyrcam domum, & alium dispensatorem constituent in ejus locum.

*De concordia fraternitatis & de intentione fundatoris Hyreevallis  
& Abyé.*

Qui legit Machabæos & pugnas eorum, unam judicat verè trium fratrum intentionem & parem sollicitudinem, & mutuum auxilium, vel charitatem, quòd ideo dicimus, quia nos de Hyree-Valle, & qui in Abyé, & qui in Bona-Valle sunt, unum sumus, unum penitus & in Domino & in seculo, licet diversis in locis pugnemus, nunc contra spirituales hostes, nunc contra terrenos persecutores, nunc contra corporeas passiones, hoc bene intelligit si quis est qui sciat nos habere unam solam curam animarum, quia ibi pugna est contra spirituales inimicos & unam sententiam excommunicationis pro quolibet de fratribus illis qui in Abyé & in Bonâ-Valle sunt, sicut pro nobis fieri debet per sigillum nostrum, quod est contra terrenas potentias & persecutores, & nos cum illis esse familiam unius panis, unius vestis, unius possessionis, ut sicut vulgò dicitur, familia nunquam partita, semper fuerimus & simus, quod est contra corporeas importunitates, id est famem & sitim & nuditatem. Nam quotiens aliquo indiget aliquis auxilio, sive sit prope nos, ut in Hyree-Valle, sive procul ut in Abyé, & in Bona-Valle, ad eum regreditur à quo exiit, hoc est ad Magistrum Hyree-Vallis, & Magister quod pro seipso faceret, hoc pro discipulo illo, facere semper studet. Jussus etiam ille abire, ibit, jussus facere hoc, faciet, una est per omnia disciplina, & compassibilis necessitatum omnium cura. Unde si quis non est nobiscum, contra nos est. Inobediens enim videbitur qui resistet, juxta eum qui ait, Si quis non colligit mecum, hic dispergit. In primâ Dominicâ Quadragesimæ debet legi & in Capitulo exponi sententia de observatione quadragesimæ & injungi peculiare orationes quæ singulis diebus ante Tertiam privatè in Ecclesiâ fiant à singulis fratribus. Hac ipsâ Dominicâ judicamus utile fore ut cum stolâ & candelâ ardente excommunicentur conspiratores & incendarii, & qui proprietatem habent, & fures usque dum poenitentiam receperint à Magistro; & sciendum quòd de criminalibus culpis, nullus alius quàm Magister debet dare poenitentiam. Sed si quis petit eam, Confessor remittat eum bene instructum usque ad Magistrum, & dicat ei, frater, nos minores Sacerdotes non habemus in criminalibus potestatem.

*Incipit sententia de observatione Quadragesimæ.*

Licet omni tempore, viri religiosi vita debeat habere observationem Quadragesimæ, tamen quia paucorum est ista virtus, ideo suademus istis temporibus Quadragesimæ, omni puritate vitam suam custodire, & omnes pariter negligentias aliorum temporum in diebus sanctis diluere, quod tunc dignè fit, si ab omnibus vitiis nos temperemus, orationi cum fletibus, lectioni & compunctioni cordis, atque abstinentiæ operam demus. Igitur unusquisque supra mensuram sibi indictam aliquid propriâ voluntate cum gaudio Spiritus Sancti offerat Deo, id est, subtrahat corpori suo de cibo, de potu, de somno, de loquacitate, de scurrilitate, & cum spiritualis desiderii gaudio sanctum Pascha expectet. Hoc ipsum tamen quod Deo offert, Magistro suo suggerat. Nam quod sine assensu Patris spiritualis fit, præsumptioni deputabitur & vanæ gloriæ, non mercedi. Ergo cum voluntate & oratione Prioris omnia faciendi sunt.

*Quando fit exeundum Clericis.*

In Quadragesimâ non exeant Clerici extra Claustrum, nisi per licentiam Prioris, sed vacent lectioni & orationi usque ad Tertiam plenam.

*De Mandato pauperum.*

In Cœna Domini, cantatâ jam Missâ, discooperiuntur altaria, & eadem die post refectionem fratrum, vino lavantur, sed primò lavantur aquâ. Providear magister laboris, ut circa meridiem festinanter redeant de labore, ut temperiùs circa Nonam cum Clericis faciant Mandatum pauperum. Isti ergo quibus Prior injutxerit, adducunt rot pauperes in Claustrum, quot Fratres in toto Monasterio esse sciunt. Interea Cellarius providet de vasis & lineis abundanter, ut cum Clerici de Nonâ exeunt, lavent pedes pauperum, laicis ministrantibus vasa & lineâ. Prior autem tribus lavar. Interea cantantur Antriphonæ, & ad ultimam Cellarius parat nummos pro singulis pauperibus, singulos, & distribuit lavatoribus, à Priore incipiens & per ceteros dividens. Hi nummi flexis genibus dantur, & manus pauperum osculantur, & cum omnibus dederint, tunc omnes fratres simul ante pauperes veniam petunt super genua, dicant hunc versum, *Suscepimus Domine misericordiam tuam in medio templi tui*, tunc surgentes, & inclinantes discedunt, pauperes autem ducuntur in refectorium & ministratur eis & comedunt. Et notandum quòd de silentio fratribus ignoscitur die isto, dum serviunt pauperibus, aut sibi invicem in Claustro, quod fit & pro mandati sancti letitiâ, & pro simplicirare\*corum qui non inrelligunt signa. Item notandum quòd omnes supervenientes hospites, vel pauperes reficiendi sunt die isto pane & pulmento, pro sancto mandato, & dum alii pauperes quibus pedes loti fuerint comedunt, Prior mittit aliquam partem fratrum, qui ad portam reficiant alios, & qui portent panem & pulmentum largum & copiosum.

*De Mandato fratrum & parafceve.*

Post lavationem altarium pulset Sacristarius pro Mandato fratrum, & paratis omnibus quæ expediunt, resident laici fratres & Prior duobus Clericorum lavat pedes, socii ejus ceteros, percurrunt omnes, lavantes & tergentes. Inde sibi invicem lavant, ad ultimum manus lavant & resident. Prior autem aliquem sermonem de Scriptura Sancta propter adificationem laicorum tenet: inde exhortatur eos de devotione parafceve, ut tora parafceve parati sint ad horas omnes. Docet eos ne unus alium orantem juxta se inquietet, & per omnia quæ agere debent singula prædicit, ut præinstruati possint omnia seriatim & laudabiliter complere. Ipsi Clerici, sicut in libris suis est notatum, Officium de parafceve sic tenent. In parafceve cum jam crux adorata est, pulsatur tabula propter vespas & inde propter refectionem. Nullus à refectorio se subtrahet. Si non vult comedere, saltem ibi sedet & ibidem gratias omnes solvant, propter formam Ordinis, quia sic ubique faciunt omnes Congregationes.

*De Annuntiatione Domini, vel de alio Festo.*

Annunciatio Domini si venerit à Ramis Palmarum & deinceps, cum deinceps locum vacuum habere non possit ut fiat, debet ante Palmarum Ramos

per prævenientiam locari, ut in Sabbato ante Ramos Palmarum fiat. Ambrosius & Benedictus dimittuntur.

*De Festorum transportatione.*

Singulæ Dominicæ de Adventu, & singulæ à Septuagesimâ & deinceps usque ad Pascha, propria servitia habent, & transponi non possunt, nec differri, nisi pro solo Purificationis Festo, si die Dominicâ venerit. Igitur si aliquod Festum, vel in Adventu, vel in Septuagesimâ, vel in aliquâ Dominicâ venerit, transponetur in crastinum, & Dominica fiet.

*De Præbenda non promittenda.*

Districtè præcipimus, ut nulli hominum promittatur Præbenda Ordinis nostri, neque pro gratiâ, neque pro servitio, neque pro munere, quoniam si tardat aliquis accipere quod petit sæpe mutantur res in contrarium, & honorosus postea venit. Et etiam aliquam speciem simoniæ promissio talis respicit, quando qui repetit quasi per vim & non per ostium gratiæ domum subit.

*De dispensationibus Prælatorum.*

Dispensatores per similitudinem dicuntur aliquando ministri minores, quasi strenui portitores, vel paratores ciborum. De istis enim est modò sermo. Item dispensatores dicuntur officiales, quia liberaliter & alacri vultu quibus videtur dandum, citò donant, & quibus negandum est rationabiliter, negant, ut Cellerarii & infirmarii. Sed modò de istis nichil.

*De vera dispensatione.*

Vera dispensatio est certè, causæ consideratio, ut aliquid de communi consuetudine, vel Ordinis constitutione necessariò relaxetur. Certa causa dispensationis triplex est. Fit enim dispensatio pro supremâ necessitate, vel afflictione, vel discretionè. Necessitas est ut in *insulis* aquarum, vel Alpium, vel alterius *Nivosi* loci, unde non potest aliquis fugere, vel moveri, ibi vel dispensabitur ei, vel comedet carnem in Quadragesima si eam invenerit, deficiente omni alio cibo. Induet & Monachus claudem auream nudus, si nudatus est omni indumento. Causa supremæ afflictionis est, si quis ad mortem gravatur, & carnes desiderat, dantur ei pro reparationis usu, etiam contra propositum suæ religionis. Si Conventus jejunit in pane & aquâ, & lassitudine laboris, & continuatione jejunii fatiscere videbitur, Prælati eorum de pulmento dispensabit, vel de pitantia. Hoc etiam faciet aliquis Abbas vel Episcopus, si transeat per domum illam, pari misericordiâ. Suprema dispensationis est causa, ut si quis in festo Natalis Domini carnes comedat, etiam si venerit in feriâ sextâ, quod est contra superstitiosos, quales sunt Populicani, vel Albigei. Isti enim non putant per virtutem obedientiæ posse jejunium relaxari, vel posse de carnibus dispensari, unde supremâ discretionis fit ut quod superstitiosus aliquis voverat se nunquam contingere, hoc cogatur si captus fuerit in plenâ Ecclesiâ manducare & erubescere multâ confusione. Ecce quomodo cogi potest aliquis etiam in Quadragesimâ jejunium frangere, si ita infirmi sit capitis ut non debeat jejunare, sed bis reficere. Igitur si quis ista bene consideraverit, pauca dispensabit suo ventri, pauca fociis & cognatis, multa laboriosis & afflictis, plurima decrepitis & infirmis.

# CAPITULUM GENERALE

## CANONICORUM REGULARIUM

### ORDINIS

## S. AUGUSTINI

Ab Eminentissimo Cardinale Lotharingæ convocatum  
& eo Præfide habitum Nanceii, pro reformatione eorundem  
Canonicorum, anno MDXCV.

**A**NNO Domini millesimo quingentesimo nonagesimo quinto septimâ Julii, Abbates & Priores Abbatiarum Canonicorum Regularium Ordinis Sancti Augustini in Diocæsisbus Tullensi, Metensi & Virdunensi constitutarum, Mandato Illustrissimi & Excellentissimi Domini D. Cardinalis à Lotharingâ, Sanctissimi D. D. nostri Papæ Clementis octavi, & Sanctæ Sedis Apostolicæ Legati, convenerunt Nanceii, videlicet Reverendus Dominus Joannes Marius Abbas Petri-Montis, Dominus Franciscus Pasticier Abbas de Calmonfia, Dominus Jacobus Magnien Abbas de Lunarivillâ, Dominus Christianus Malrior Abbas Sancti Salvaroris in Vosago, Dominus Nicolaus Laurent Abbas de Atreio, Dominus Theodorus de Lunevillâ, Abbas Montis Sanctæ Trinitatis, aliâs Beatæ Mariæ de Bello-Campo, D. Albericus Nicolaus Prior Sancti Leonis in Tullo, D. Florentinus la Niepce Prior divi Nicolai à Pratis, extrâ muros Virdunensis civitatis, in absentia Dominorum Priorum Sancti Montis & Eri-vallis citrà Romaricum-Montem sitorum, pro quibus dicti Domini Abbates de Calmonfia & Bello-Campo nomen dederunt, qui omnes in unum in eodem Nanceii oppido congregati, auditâ de Spiritu Sancto Missâ celebratâ in Capitulo Monasterii Fratrum Minorum à Reverendissimo D. D. Episcopo Basilitano, nomine Antonio Fournier, ejusdem Illustrissimi & Excellentissimi Legati Vicelegato, & Primicerio Metensi, causam suæ convocationis audierunt, videlicet, ut dicti Abbates & Priores media convenientia diligenter perquirerent, ad Canonicam regularem disciplinam in multis Monasteriis collapsam restaurandam & stabilendam, nullumque expeditius videri, quàm si omnia prædicta Monasteria in unam congregationem adunarentur juxta decretum reformationis Conc. Tridentini Sess. 15. Cap. 8. quibus auditis dicti Abbates & Priores, quorum aliqui superioritatem Reverendissimi D. D. Episcopi Tullensis non subterfugientes, alii suorum Monasteriorum Patrum, rogarunt sibi tempus concedi, consulendi illis. Et sic finita est prima Sessio.

### SECUNDA SESSIO.

Die verò sequenti, octavâ nempe dicti mensis Julij, non sine maximâ in dictum Ordinem benevolentia, affuit in dicto Capitulo prædictus Illustrissimus & Excellentissimus D. D. Cardinalis, cui cum supplicem libellum prædicti Abbates porrexissent ac dictum tempus dilationis efflagitarent, tandem

eo ventum est, ut præfatus Illustriss. Dominus sit protectus, neque Summum Pontificem, neque dictum Concil. Trid., neque se velle cujusquam juribus præjudicare, solum eo tendere ut disciplina regularis & canonica in integrum restitueretur. Ad cuius protestationis instrumentum sibi faciendum iussit dictam congregationem nominare Secretarium, quem & eâ de causâ fecit Notarium Apostolicum, ad cuius nutum & mandatum præfata congregatio libenter & humiliter dilectum confratrem & Canonicum Dominum Joannem Perrin, aliâs Grezille Monasterii Sti. Leonis Tullenfis nominavit, ac ejusmodi instrumentum publicum per eundem liberè concessit.

Qui Dominus Secretarius & Notarius continuo iussus est suffragia & voces prædictorum Abbatum excipere, ad affectum Generalis & visitatoris triennalis dictorum Monasteriorum eligendi, quorum pluralitas, eodem referente Secretario, in personam prædicti Domini Joannis Marii Petri-Montis Abbatis cecidit. Cui electioni concorditer ab omnibus applausum est. Protestatum tamen ab omnibus commendatarios Abbates vocem nec activam, nec passivam in dictâ Congregatione habituros.

### TERTIA SESSIO.

Horâ verò pomeridianâ præsentè præfato Illustrissimo & Excellentiss. Cardinale, eadem Congregatio Canonorum Regularium divi Augustini protestata est libenter amplexuram omnem reformationem canonicam, juxta regulam professam, præcipuè votorum essentialium observationem.

Quoad obedientiam, R. D. D. Joannis Marii Abbatis Sti. Petri-Montis effecti Generalis & Visitatoris in triennium mandatis & constitutionibus de consilio confratrum Abbatum, & Priorum ejusdem Congregationis faciendis, se per omnia submittit.

Item quoad castitatem quam intendunt Deo volente, non solum servare, sed etiam suspicionem omnino mali evitare, cupiunt nullas omnino foeminas ad sua loca regularia, videlicet Claustrum, cellas & dormitorium admittere.

Quoad paupertatem, professione factâ non posse fieri hæredes bonorum paternorum & maternorum.

Se aliquid testamento non posse instituere.

Item nullius rei dominium sive mobilis, sive immobilis se habere non posse fatentur, at usum cum licentiâ Superioris necessariorum sibi prohibitum non existimant, cum sint Canonici non Monachi.

Ita tamen quod unusquisque Canonici claustralium singulis annis, die Cœnæ Domini, ante, vel post Confessionem in Capitulo existentes tenebuntur omnia quæ sibi ad tales usus concessa fuerant, voluntati ac potestati Superiorum per traditionem suarum clavium, ac scedulam, eadem in veritate continentem exhibere. Foris autem in parochiis degentium, & eisdem desertientium idem quique præstabunt in die divi Augustini.

Supplicat humillimè eadem Congregatio, velit sua Illustrissima & Excellentiss. Dominatio, eandem & omnes Canonicos, tam Abbates Claustrales, quàm Parochos ejusdem Ordinis in suam protectionem & patrocinium suscipere, & se esse talem palam declarare.

Item ut Domino Domino Visitatori seu Generali potestas absolvendi omnes prædictos Canonicos ab omni crimine, irregularitate, & apostasiâ concedatur.



In quolibet Monasterio præfatæ Congregationis divinum Officium verè; devotè & reverenter secundùm veteres cujuslibet Monasterii constitutiones, donec aliter proviſum fuerit, celebrabitur.

Depucentur ab Abbatibus, vel Prioribus in Abbatibus commendatariorum, unus vel plures casibus Conſcientiæ imbuti, qui audiant omnium confessions, nec cæteris fas sit fungi officio.

Silentium in Oratorio, Dormitorio & Refectorio, idquè potissimum lectionis tempore observetur.

Omnes unam & communem mensam habeant, nec cuiquam seorsum vel prandere, vel cenare liceat, licentiâ à Superiore non obtentâ, nec familiares ad eam admittantur, nisi mediante eadem licentiâ.

Elemosinæ quæ ab antiquo in Monasteriis fieri consueverunt, de cætero fideliter fiant.

Hiat lectio quotidiana, vel à religioso, vel ab alio quolibet ad arbitrium Superioris.

Non liceat in receptione novitorum quidquam accipere quod Sacris Canonibus improbari possit, potest tamen exigi à novitorum parentibus & amicis promissio & fidei-jussio de illis alendis, & vestiendis, promovendisquæ ad studium, quoadusque grammatici & rethorici efficiantur, & Sacrorum Ordinum capaces existant.

Ad professionem nullus admittatur ante sextum decimum ætatis annum.

Non tantùm Abbatix sed etiam Prioratûs in quibus degunt Canonici, ab eadem Congregatione dependentes visitabuntur.

In qualibet Abbatia ubi necesse erit constituatur domus citrioni infirmorum apta.

Nullus septa Monasteriû absque licentiâ Superioris impunè egrediatur interdiû, nocte verò incarcerationetur.

Cætera hic minus specificatâ supplebit, Deo volente, Reverendus Dominus Generalis in constitutionibus cum tempore faciendis, qui consensum Domini Prioris Sanctæ Mariæ Beau-Chantp nuncupati, requiret ac in præfatam Congregationem non sine ejusdem habitûs & regulæ professione si fieri potest, inducet.

Sequens autem nostra Congregatio in Monasterio Beate Mariæ Calmonstasensis conveniet, post triennium, in feriis Translationis beati Patris nostri Augustini, quæ incidunt in undecimam mensis Octobris.

In quorum omnium fidem & testimonium manu propria subscripserunt præfati Domini Abbates & Priores, sub protestatione & expressis conditionibus quòd non intendunt præjudicare suis immunitatibus, privilegiis & juribus quibus hætenus canonicè, & secundùm consuetudines Canonorum Regularium legitime antiquitus observatas, nec aliorum quorumcunque præcipuè Reverendissimorum Episcoporum, in quorum Dioecibus degunt.

Ego quoquè subscriptus prædictus Secretarius & Notarius Apostolicus prædicta omnia fuisse sic facta, lecta & ordinata testor, nonâ ejusdem mensis Julii 1595. Sic signatus

JO. PERRINI

*De mandato R. D. Generalis.*

„CAROLUS, miseratione divinâ Sanctæ Agathæ S. R. E. Diaconus Cardi-  
 „nalis à Lotharingiâ nuncupatus, & in Lotharingiæ ac Barriducis Ducatibus,  
 „nec non Metensi, Tullensi & Virdunensi Civitatibus & Dioecesis San-  
 „ctissimi Domini nostri D. Clementis Papæ octavi & Sanctæ Sedis Apostolicæ  
 „à latere Legatus, Episcopus Argentinenfis & Metensis. Ad perpetuam rei  
 „memoriam. Decori Domûs Dei & divini ejus cultûs augmento, pro lega-  
 „tionis nostræ munere meritis licet imparibus, quantum cum Deo possumus  
 „intendi, in iis per quæ Monasteriorum omnium cujusvis Ordinis in districtu  
 „nostræ legationis sitorum status feliciter dirigatur, & regularis vitæ institutio  
 „conservetur, incessanter elaborandum esse duximus, ut si quid temporum  
 „injuriâ & iniquitate in dictis Monasteriis & Ordinibus & eorum personis re-  
 „ligiosis, sub suavi religionis jugo Domino famulantibus, contra regulæ suæ  
 „puritatem & morum integritatem deperis-  
 „se, aut correctione & emendatione  
 „indigere dignoscatur, in suum pristinum statum reslorescat & antiquo can-  
 „dori, divinâ opitulante gratiâ restituatur. Sanè cum ad effectum piæ hujus-  
 „modi nostræ intentionis & propositi salutaris, hoc opus in Ordine Sti. Au-  
 „gustini prosecuti simus, illiusque Monasteriorum in districtu nostræ legatio-  
 „nis sitorum Abbates & Priores, à nobis ad hoc Nanceii convocati, & per-  
 „sonaliter coram nobis in Ædibus Sacris Franciscanorum ibidem constituti  
 „ad mandatum & instantiam nostram, sese juxta Sacro-Sancti Concilii Tri-  
 „dentini præscriptum in Congregationem redegis-  
 „sent, eam deinceps juxta for-  
 „mam constitutionis Innocentii tertii scilicet recordationis quæ incipit: *In sin-*  
 „*gulis* firmiter observaturi; tandem-que divinâ opitulante gratiâ, hinc inde  
 „seculum sit ut dicti Abbates & Priores multa ad sui Ordinis, voti, regulæ  
 „& instituti restaurationem, manutentionem & augmentum pertinentia statue-  
 „rint, quæ articulis his annexis continentur. Rogantes nos suppliciter quate-  
 „nus eisdem & electioni Reverendi in Christo Patris Domini Joannis Mariæ  
 „Abbatis Monasterii Sti. Petri-Montis ejusdem Ordinis, Metensis Dioecesis in  
 „generalem Abbatem & visitatorem dicti Ordinis per districtum nostræ lega-  
 „tionis factæ, autoritatis nostræ Apostolicæ robur adjicere dignaremur. Hinc  
 „est quod nos desiderantes laudabilem eorum intentionem & proposita, eo-  
 „rumque electionem prænominati Generalis, de cujus singulari pietate vitæ &  
 „morum probitate & doctrinâ, nec non Religionis zelo sufficienter infor-  
 „mati sumus, favore prosequi gratiæ specialis dictam electionem, nec non  
 „supradictos articulos, quatenus in iis nihil sit quod Sacro-Sancti Concilii  
 „Tridentini decretis repugnare dignoscatur, confirmavimus, laudavimus, &  
 „approbavimus, confirmamus, laudamus & approbamus illisque approbatio-  
 „nibus nostræ & perpetuæ ac inviolabilis firmitatis Apostolicæ robur adjici-  
 „mus, præfatumque Generalem & successores ejus ad effectum præsentium in  
 „peculiarem nostram protectionem recepimus, Abbatibus verò, Prioribus &  
 „Religiosis Monasteriorum dicti Ordinis Sancti Augustini, per districtum le-  
 „gationis nostræ sitorum, sub excommunicationis lætæ sententiæ & priva-  
 „tionis, tam activæ, quàm passivæ vocis penâ districtius inhibentes, ne visi-  
 „tationes in posterum à prænominato suo Generali, aut personis ab eo de-  
 „putatis, juxta Regularis Ordinis instituta liberè faciendas per se, vel inter-  
 „positas personas, directè vel indirectè, aut aliâs quoquo modo impedire, au-  
 „deant vel præsumant: sed eum, seu eos, visitare volentes toties quoties ex-  
 „pedire videbitur, & dicti Ordinis bonum aut necessitas postulabunt, benignè  
 recipiant,

„ recipiant, eisq[ue] & eor[um] mandatis ad ejusmodi visitationis officium perti-  
 „ nentibus pareant & humiliter obedi[ant]. Decernentes extunc appellaciones  
 „ aut quascunq[ue] alias reclamaciones Abbatum, Priorum aut Monachorum  
 „ pro tempore interpositas, vel interponendas, ac processus desuper habitos,  
 „ vel habendos, vel inde secuta & sequenda quæcunq[ue] nullius for[is] roboris,  
 „ vel momenti, ac dictum Generalem Abbatem ad correctionem & punitionem  
 „ delinquentium Monachorum & personarum Ordinis hujusmodi, appel-  
 „ lationibus, provocationibus & réclamationibus nequaquam obstantibus pro-  
 „ cedere posse & debere. Nonobstantibus contrariis quibuscunq[ue]. In quo-  
 „ rum omnium majorem fidem præsentibus hisce litteris manu nostrâ propriâ  
 „ subscriptis & à Secretario nostro infra-scriptis sigillum dictæ legationis nostræ  
 „ appendi curavimus. Datum Nanceii die duodecimâ Juliï, anno salutis Mille-  
 „ simo quingentesimo nonagesimo quinto, Pontificatus Sni. in Christo Pa-  
 „ tris & Dni. nostri Dni. Clementis Papæ octavi anno quarto. Legationis verò  
 „ prædictæ nostræ anno quinto. Signatum Carolus Cardinalis Legatus.

De par le Duc de Calabre, Lorraine,  
Bar, Gueldre &c.

„ **A** Tous nos Baillifs, Prevosts, Lieutenans, Procureurs Généraux, leurs  
 „ Substituts & autres nos Officiers & Justiciers qu'il appartiendra Salut.  
 „ Il nous a été remontré de la part de Reverend nôtre très cher & bien  
 „ aimé Damp Jean Marius Abbé de St. Pierremont de l'Ordre de St. Au-  
 „ gustin, qu'il auroit été élu & commis, par les autres Abbés & Prieurs &  
 „ Religieux dudit Ordre, pour Général Abbé & Visiteur d'iceluy par tous  
 „ les Monasteres en dependans & situez au district de la legation de nôtre  
 „ très cher & bien aimé Fils le Cardinal Legat de la Sainteté, lequel au-  
 „ roit aggréé & confirmé icelle élection par ses patentes données en cette nôtre  
 „ Ville de Nancy le douzieme de Juillet presente année. Comme par l'exhi-  
 „ bition desdittes patentes ledit de St. Pierremont nous auroit fait voir,  
 „ suppliant très humblement lui pennetter l'exécution de telle commission &  
 „ charge. Nous ayant ces choses meurement considéré & désirant non seule-  
 „ ment la permission requise accorder, mais aussi de nôtre part y apporter  
 „ tout ce que nous estimerons convenable pour l'effect d'un si saint sujet  
 „ pour la reparation des deffauts que le temps, la misère, ou licence des  
 „ guerres pourroient avoir causés. Vous mandons & à chacun de vous or-  
 „ donnons bien expressement, que vous n'ayez à empêcher aucunement le-  
 „ dit Marius, Abbé de St. Piermont, en procedant aux visitations des Ab-  
 „ bayes, Prieurs & autres lieux en dépendans, ains qu'en ce faisant & afin  
 „ qu'il y puisse vaquer avec tant plus de liberté & assurance, vous lui don-  
 „ niez aydes, secours, assistance, & tous autres remedes & fa-  
 „ veurs de justice si besoin fait, & en êtes requis, sans souffrir lui être fait  
 „ ou donné aucun ennuy, trouble ou détourbier au contraire. Car telle est  
 „ nôtre volonté & intention. Donné audit Nancy le vingt-deuxieme jour  
 „ d'Octobre mil cinq cents nonante cinq.

Signé Charles & contresigné du Secretaire d'Audenet.

*Indictio Visitationis Hyrëevallis.*

**J**oannes Marius, Generalis electus monasteriorum Ordinis Sancti Augustini, humilis Abbas Sti. Petri-Montis, Reverendo Domino Priori de *Eri valle* & Canonicis ejus Salutem in Domino. Noveritis quod nos secundum provinciam susceptam die tertiâ mensis Novembris. præsentis anni, visitandi initium facere volentes, ad vos venire cogitamus ad visitandum Ecclesiam vestram, Fratres & Canonicos vestros, eo animo, eoque consilio, ut quantum in nobis est divinâ benignitate adjuti, omni diligentia, sollicitudine & pietate ac pastoralis officio iis potissimum incumbamus, ac sedulam nostram operam navemus quæ ad cultus Dei rationem, animarumque salutem spectare judicabimus, in eâque visitatione nostrâ quam statuto die jam aggredimur, etiamsi eo ipso die absolvere non poterimus, tandiù adesse pergemus, quod omnibus iis quæ ad eam pertinent, quæque nos necessaria & opportuna censuerimus, perfectis, illam omnino absolverimus. Itaque ut nihil omittamus, volumus omnes Concanonicos, Parochos aliosque vobis subditos vestrâ diligentia & monitione, indictâ die, ad nostram visitationem convenire. Et ut hæc nostræ litteræ notarii nostri manu scriptæ & sigillo nostro munitæ, quas edicti publici vim ac robur habere decernimus, omnibus iis quibus prædiximus, ac aliis quorum id interest vel intererit, notæ & manifestæ planè esse possint, volumus præsentibus valvis monasterii vestri affigi & vigore earum ita teneri, ac si ipsi personaliter moniti ac citati fuissent. Datum Calinoulisæ secundâ supradicti mensis anni millesimi quingentesimi nonagesimi quinti.

Signatum Jo. Perini de mandato Domini mei Generalis.

*Statuenda in Visitatione Monasteriorum.*

Monasteria & Prioratus in antiquum statum quantum fieri poterit restituantur.

Nullus Abbas aut Prior recipiatur ad capiendam professionem, nisi priùs editâ in manibus superioris pro tempore existentis confessione fidei Catholicæ, ex formulâ à Sanctâ Sede præscriptâ.

Abbates & Priores regulares atque etiam exempti & commendatarii, si ætatem præscriptam à jure ad suscipiendos Sacros Ordines attigerint, intra annum promoveantur, tonsurâ utantur ampliori quàm sacerdotali, habitu proprius ad regularem accedente, nec existiment sibi commendatum Monasteriorum & Prioratum regimen ad luxum & prodigalitem, aut ad augendam rem suam & consanguineorum familiam, sed ad piam & justam alienarum rerum dispensationem, Deoque de omnibus reddendam esse rationem.

Visitator inquirat & provideat de his omnibus quæ ad Dei cultum & servitium spectant in Monasteriis & Prioratibus, ut totum, & debitis horis cum decenti reverentiâ fiat, surgaturque mediâ nocte ad matutinas, si fuerit loci aut regulæ constitutio, postea videat si saltem ad satisfaciendum divinis officiis, numerus religiosorum sufficiat pro fundatorum institutione, aut saltem pro facultatum copiâ.

Deinde an suppetant in Ecclesiâ omnia quæ ad serviendum sunt necessaria, an ipsius Ecclesiæ & locorum regularium sint facta tecta.

In quâcunque religione professio non fiat ante decimum sextum ætatis annum completum, neque qui minori tempore quàm per annum, post susceptum habitum in probatione steterit, ad professionem admittatur.

Professio antea facta sit nulla, nullamque inducat obligationem ad alicujus regulæ, vel religionis, vel ordinis observationem.

Finito tempore novitiatus, Superiores ipsi novitios quos habiles invenierunt, ad professionem admittant, aut monasterio ejiciant.

Abeuntibus, ad regulæ quam sunt professi præscriptam vitam instituire & componere debent, atque in primis observare obedientiæ, paupertatis & castitatis vota, ac præcepta, ad communem vitam, victum & vestitum pertinentia, neque enim possunt à Superioribus ea quæ ad substantiam regularis vitæ pertinent, relaxari.

Abeuntibus verò ante professionem omnia restituantur quæ sua erant, deductis alimentis & vestimentis.

Constituto, in regulari vitâ cujusunque qualitatis fuerit, non licet bona mobilia, vel immobilia etiam quovismodo acquisita, tanquam propria, aut etiam nomine Conventus possidere, vel retinere, sed statim ea tradere Superiori, Conventuique incorporari.

Sit in omnibus religiosis mensa, vestitus, cohabitatio & clausura communis.

Omnes officarii Monasteriorum & Prioratuum teneantur singulis annis rationem reddere de suis officiis & coram visitatore, vocato Abbate etiam commendatario, vel ejus procuratore, seu vicario ne quid reticeatur quod in administratione fuerit perperam gestum.

Nullus in eodem clauistro plura exerceat aut possideat officia, est enim æquum ut omnes pro suâ antiquitate honorentur & invitentur ad benè agendum.

Nullus tamen teneat beneficium obtinere, aut claustrum egredi ad beneficiorum regimen, nisi cujus spectata aut probata fuerit fides & sanctitas, ut laicis potius ædificationem, quàm scandalum asserat.

Abbas vel Prior nulli religioso det licentiam egrediendi monasterium sine urgente necessitate, nunquam autem, ut ad nundinas, vicinorum pagorum festa, vel consanguineorum nuptias, vel ad Missas per parochias aut pagos celebrandas, nisi ob maximum defectum presbiterorum rogati vadant.

Mensa & victus, regularium statui paupertatis quem sunt professi non deroget, sed si quid frugali sumptui superfuert, colligatur & detur pauperibus.

Et ut paupertatis publicæ erga omnes, sed maximè pauperes, maneat in monasteriis aliquod vestigium, admoneantur Abbates & Priores ut hospitalitatis & pauperum curam habeant, & non tantum scipfos, sed & pauperes pascant quotidianis elemosinis.

Ad Prioratus in quibus vigere debet regularis observantia, ut regulares mittantur ad divinum explendum officium, quot ex fundatione requiruntur, aut quot ferre possunt eorum facultates.

Quicumque regularis prætenderit se per vim, aut metum ingressum esse religionem, aut etiam dicat professum fuisse ante legitimam ætatem, velitque habitum dimittere quâcunque de causâ, aut etiam cum habitu discedere sine licentiâ Superioris, non audiatur nisi infra quinquennium tantum à die professionis, quòd si prius habitum dimiserit, nullatenus ad allegandam quamcunque causam admittatur, sed ad monasterium redire cogatur & tanquam apostata puniatur.

Abbates & Priores, etiam de monasterio suo, minores aliquos emittant ad famosas universitates, qui tamen in conventibus, si fieri potest habitent, eisque assignent portionem congruam ad victum & vestitum ut postea benè instituti, prosint monasterio; cæteri quæ in clauistro remanentibus provideatur de Magistro.

Constitutiones Prioratûs Herivallis, editæ die 3<sup>a</sup>. mensis Novembris anni Domini millesimi quingentesimi nonagesimi quinti, in Visitatione factâ per Reverendûm Dominum Joannem Marium Generalem electum Canonorum Regularium Ordinis Sancti Augustini.

*Incipiunt Statuta Prioratûs Herivallis.*

**Q**uia non potest continuari congregatio religiosorum, nisi ex frequenti novitiorum introductione in eadem familiâ, ideo incipiendum erit à novitiorum receptione, secundum regulam D. Augustini.

Ad quorum receptionem scribitur cap. 15. sess. 25. Concilii Tridentini quod in quacunque religione, tam virorum, quam mulierum, professio non fiat ante decimum sextum annum expletum, nec qui minore tempore, quam per annum post susceptum habitum in probatione steterit, ad professionem admittatur. Professio autem antea facta sit nulla, nullamque inducat obligationem ad alicujus regulæ, vel religionis, vel ordinis observationem, aut ad alios quoscunque effectus; siquidem Concilii Tridentini decreto cavetur.

Forma autem admittendi & recipiendi novitios secundum constitutiones loci quæ in Ordinario reperiuntur, diligenter observabuntur.

Qui receptus non statim ad professionem admittetur, sed ei probationis assignabitur annus.

*De Professione Novitiorum.*

Novitius probatus volens facere professionem, factâ generali confessione peccatorum suorum, post Offertorium veniat ante majus altare, & convectus in circuitu, & dicat Novitius genibus flexis, Priore Missam celebrante, hunc versum ter: *Suscipe me Domine secundum eloquium tuum & vivam, & non confundas me ab expectatione meâ.*

Fratribus respondentibus: *Suscepimus Deus misericordiam tuam in medio templi tui.* Coniulatur ordinarius.... Forma autem in professione hæc est:

Ego Fr. N. offerens trado meipsum Ecclesiæ S. N. & promitto obedientiam secundum canonicam regulam Sti. Augustini, Domino N. Prefatæ Ecclesiæ Priori & successoribus ejus canonicè electis.

*De Officio divino & boris canonicis.*

Totum Officium divinum pariter & nocturnum, secundum formam in Ordinario descriptam, maturè cantetur à Canonicis simul congregatis, qui valentes interesse poterunt, nullo modo se absentes sine expressâ licentiâ à Superiore obtentâ, quæ nec nisi magnam ob causam admittatur quolibet prætextu remanente.

Et quia in aditis ipsis templi & penitioris sacrationeque loco decantantur horæ Canonicæ, illic & summâ honestate & modestiâ opus est, ut & habitus ille oris, & gestus corporis, & tenor vocis nihil indecorum habeat, nihil inconcinnum, nihil inhonestum: sed omnem religiosam moderationem, reverentiam in Deum atque pietatem præferant & sapiant.

Caveant

Caveant à variis colloquiis & confabulationibus, nec minùs vereantur eam gestulationem scenicam more minorum agere in conspectu Dei, coram sancto altari, ne Pfalmistæ talibus vox aptetur: *Non est timor Dei ante oculos eorum.*

Horis verò & temporibus constitutis, officii ordo observetur.

Ab officio nundùm absoluto nullâ ratione recedant, si autem causâ graviter urgente aliquem è choro exire oportuerit, exhibitâque reverentiâ altari, reverenter licentiam à Priore poscat & patienter expectet.

Prostrationes & genuflexiones integrè ab omnibus absolventur in choro, potissimùm in Missâ, in quâ ab Offertorio ad Communionem usque, nullatenus furgatur.

Quantùm ad Missas ordinarias, præscriptum ordinem, pro ratione loci & fundatorum intentione observent.

### *De eo qui est rebellis.*

Si aliquis post admonitionem Abbatibus, & duorum, vel trium Canonicorum testimonium, rebellis inventus fuerit, admonetur diligenter à Senioribus, & secundùm Superioris arbitrium emendatoriam fubeat vindictam, quam si ferre recusaverit, Prior de consilio discretorum & majoris partis Capituli rebellem & contumacem & incorrigibilem poterit ejicere.

### *De Canonicorum confessione.*

Ne temerè quispiam Canonicorum nostrorum & impræparatè accedat ad reverendum istud & summè venerandum Sacrificium Deo offerendum, arcam inprimis conscientiæ perscrutentur. Propterea hortamur omnes ut in qualibet hebdomadâ bis ad minùs sacramentaliter constentur. Nullus tamen absque Prioris sui licentiâ quorumcunque confessiones, aut e contrario alteri cuilibet confiteri præsumat, quàm eis qui fuerint ab eo deputati, qui quantùm poterunt casibus conscientiæ & pro diligentia invigilabunt.

### *De suffragiis mortuorum.*

Benefactorum jugis memoria habeatur.

Statuit Dominus Generalis & præcipit ut inposterum admoncantur Abbates & Priores, diei obitus cujuscunque Canonicorum, ut eâ ratione pro animâ illius defuncti fratris in quolibet monasterio fiat anniversarium generale.

### *De votis, ac primùm de obedientiâ.*

Memoriâ jugi teneant nostri Canonici omnes obedientiam esse fundamentum Religionis, quâ non perseverante, tota corruiat necesse est, quemadmodum Deo omnipotenti nihil æquè gratum offerri potest quàm propriæ voluntatis abnegatio, sic & ejusdem philapsiæ & amore nihil indecentius; quare, juxta sententiam beati Patris Augustini, Præposito tanquam patri obediat, ut patens diligitur & quidquid ille præceperit salutare credatur.

Jubet ergò Dominus Generalis inobedientes ad arbitrium Superiorum & Capituli graviter puniri, non resipiscentes autem ejici.

Superiore absente pareant leniori & subjiciantur illius jussis, & ad unguem obtemperent.

Cum sibi obviaverint, nudato capite mutuò sibi reverentiam exhibeant.

### *De Castitate.*

Mundamini qui fertis vasa Domini, inquit Propheta. Non ad vasa materialia deferenda: sed ad vas illud admirabile deferendum in quo omnes virtutis & gratiæ thesauri reconditi sunt, & non modò ad deferendum; sed ad offerendum Domino atque sumendum.

Itaque & ratione voti cui astringimur & ratione patrum decreti, volumus nullas omninò foeminas ad loca sua regularia, videlicet claustrum, cellas & dormitorium admitti, ut hac ratione omnis mali suspicio tollatur.

Neque verò eam animi castitatem & munditiam observari volumus in claustro, dormitorio & cellis tantum, verum etiam in oratorio & ubicumque foeminae sunt; air enim regula: quando estis in Ecclesià, aut ubicunque foeminae sunt, invicem pudicitiam servare; Deus enim qui habitat in vobis, etiam isto modo custodiet vos. Ex quo non tantum factum impudicitiae improbat, sed etiam appetitus. Apperere enim foeminas & ab ipsis appetiri velle, criminofum est.

Caveant Canonici, quamvis officarii, conversari cum famulabus Prioratùs, sub poenà quæ videbitur Priori infligendà.

### *De Paupertate.*

Ut ratio habeatur cap. 2. in quo prohibetur ne quid dicatur proprium, Canonici distributiones suas, ac bona quæ ab officiariis accipiunt, ita possideant ut semper, pro discretionem superiorum, iis uti parati sint.

Nullius rei mobilis, sive immobilis dominium habeant, sed solummodò usum rerum necessitatarum quarum de indulto Prioris concedetur usus.

Ne quis tamen abusus irrepat, statuimus ut quolibet anno in die Cœnæ Domini quo in capitulo solent congregari Canonici, quilibet Canonicorum regularium teneatur per traditionem suarum clavium, ac scedulam sua omnia in veritate continentem resignare; foris autem degentes in parochiis idem præstabunt in die Sancti Augustini.

Priori verò aut Canonicis non licebit testamento aliquid instituire.

Cæterum lex communis est quòd quidquid acquirunt Prior & Canonici, Monasterio & Superioribus, acquirunt, ut Conventui incorporetur, sibi verò nihil proprium habere queat.

Jubet interea Dominus Generalis dēinceps summam viginti francorum cuilibet religioso, ut sibi vestimenta comparent, distribui.

### *De jejuniis, abstinentià & sobrietate.*

Attendite vobis, inquit Salvator noster, ne fortè graventur corda vestra crapulâ & ebrietate, omnes enim qui ebrietatem sectantur, filii Belial vocantur, nam venter mero æstuans facillè despumat in libidinem, propterea licet Canonicis nostris nihil detrahi velimus ex præbendâ consuetâ, intelligamusque unicuique distribuendam eandem & eo modo quo institutam à prædecessoribus accepimus, hortamur tamen omnes, in quantum possumus, ut Canonici nostri toto tempore Adventus Domini, non solum à carnibus abstinere, sed etiam jejunare teneantur.

In Quadragesimâ verò continentiae vela pandenda sunt & rota aurigæ reticula equis laxanda properantibus. Jejuniis quatuor temporum, omnibus



denique aliis vigiliis quæ sunt de præcepto Ecclesiæ, & nonnullis quæ non sunt, videlicet Purificationis & Nativitatis, in quibus omnibus tantum semel reficiantur in die, collatione serotinâ antiquitùs observatâ contenti. Diebus autem Veneris quibus ex laudabili consuetudine jejunatur, præcipimus observari.

Quod pertinet ad portionem consuetam, volumus quantitatem & qualitatem panis & vini, æqualiter omnibus distribui, idque secundùm formam & regulam antiquitùs à prædecessoribus observatam & quorum omnium extant instrumenta.

#### *De modo & ordine sumendi refectiorem.*

Cum Apostolus præcipiat, ut omnia honestè & secundùm ordinem fiant, non solum nos cibo & potu temperatè uti, sed etiam constitutas horas observare debemus, ne cuiquam de vitâ nostrâ præbeamus offendiculum. Igitur singulis diebus refectiione paratâ, ad signum campanæ omnes convenient horâ assignatâ, nempe decimâ pro prandio, horâ vero quintâ pro cœnâ.

Omnes unam & communem mensam habeant, nec liceat cuiquam seorsum vel prandere vel cœnare, licentiâ à Superiore non obtentâ, nec seculares ad eam admittantur nisi mediante eadem licentiâ.

Omnes nisi qui ex licentiâ Superioris fuerunt occupati, postquam manus abluerint benedictioni mensæ intersint, quæ ad signum Prioris fiat.

Ad mensam quotidie legatur, lectioque fiat vel ex regulâ Patris nostri, vel ex Bibliâ ex ordine, quæ non terminetur priusquam visum fuerit Superiori, omnesque ita audiant, secundùm verbum Patris Augustini, ut magis aures verbum Dei, quàm alimenta fauces esurire videantur.

Diebus autem Sabbathi legatur regula integra.

Denique tamdiù federint, quamdiù signo accepto à Priore surgant ad habendas gratias more consueto, curabitque Prior, ut mora prandii, vel cœnæ horam non excedat.

#### *De iter agentibus.*

Canonici nostri iter longum aggressuri priùs confiteantur peccata sua ac celebrent, nec omninò exeant, si eos, quod absit, in statu gratiæ non esse contigerit. Deinde obedientiam ac licentiam eundi habeant, secùs si secerint ac monasterii seceptâ egressi fuerint, severè puniantur.

Habitum monasterii deferant semper & ubique, tam Prior quàm Canonici, tam in curiis Principum, quàm aliis in locis, ut per dilationem ejusmodi vestium, dignoscantur professores Ordinis Sti. Augustini.

Fugiant Canonici omnes congressus & nimias laicorum familiaritates, eorum studia & vanitates ne imitentur, ne vagentur per plateas, sed domi potius se contineant, ut in Ecclesiâ.

Commestrationes diurnas, sive nocturnas, & publica sugiant convivias, præsertim quibus mulieres, mimi, hystriones interfunt, idque sub poenâ gravissimæ culpæ.

Canonicos omnes & singulos, per Christi Domini, cui inserviunt, viscera misericordiar, obsecramus & monemus, ut se in ejus sortem assumptos esse meminerint, non ut ipsi modò cultum præstent fidelem, sed alios etiam ipsorum exemplo ac vitæ sanctitate Deum ritè colere, atque in ejus præceptis ambulare doceant, & quas esse muneris sui partes intellexerint, omni ejus studio ac diligentiâ implere studeant & conentur.



Non recipientur ante decimum quartum annum saltem inchoatum, eis-  
que tempore novitiatus assignabitur instructor aliquis, qui eos Ordinis insti-  
tuta, constitutiones & caeremonias doceat, & circa humilia Monasterii opera  
exerceat.

Liberum autem erit Abbati annum probationis protrahere, ac tem-  
pus professionis differre, prout expedire judicaverit, qui illud maximè ad-  
vertat, ne quem admittat incapacem, & qui non attigerit (si hoc fieri po-  
test) saltem Rhetoricam.

Servetur forma Professionis quæ in Pontificali Romano describitur.

Nihil autem à parentibus Novitii quocunque prætextu exigatur, nisi fortè  
vicius & vestitus tempore novitiatus in monasterio, sive in scholis versetur.

Monebuntur omnes parentes novitiorum, nullo tamen exactio juramento,  
ut pro suo virili studeant prodesse monasterio, & curare ne quis ei quacun-  
que ratione incommodet.

#### *De officio divino & horis canonicis.*

Quia uniformitas maximè necessaria est, ut hæc Congregatio semel inita  
nunquam deficiat: in posterum unus & idem persolvendi divinum officium  
modus in omnibus & singulis Monasteriis & Prioratibus servabitur; atque  
adeò ex præscripto Ordinarii Romani, tum horæ canonicæ, tum etiam Missæ  
celebrabuntur, cæteræque caeremoniæ servabuntur.

Ne tamen sumptus in hanc rem necessarij cuiquam graves esse possint,  
statutum est ut nemo id ante proximum Capitulum quod post triennium celebra-  
bitur, complere teneatur, ita tamen ut dicto tempore id omnes compleverint.

Dabitur signum ad matutinum horâ quartâ, vel aliâ prout expedire ju-  
dicaverint Domini Abbates, quorum etiam erit cæteris horis tempus præfi-  
gere: qui autem hætenus matutinum mediâ nocte persolverunt, servabunt lau-  
dabilem consuetudinem.

Horæ autem & reliquum officium persolventur tum debitâ devotione & at-  
tentione, juxta caput *Dolentes* de celebratione Missarum.

Curabit Sacrista ut sacra Ecclesiæ supellex debitè & ut par est conservetur,  
& ut ea semper munda sit à pulvere & sordibus.

Curabit item ut perpetuus ignis alatur de more coram Sanctissimo Sacra-  
mento, & ut statutis semper horis pulsetur ad officium divinum, neque id  
unquam prætermittat, nisi ex mandato Abbatis vel Prioris.

Superpellicijs decenter induti, iisque mundis, horis diurnis & nocturnis  
aderunt singuli, ac modestè & religiosè, sese in Ecclesiâ continebunt.

#### *De Capitulo.*

Ad minùs fiet semel in hebdomadâ Capitulum, feriâ verò sextâ, qui ta-  
men solent sæpiùs adesse hujusmodi Capitulo, servabunt ejusmodi consuetu-  
dinem, & singulis hebdomadis legetur saltem semel Regula in Ecclesiâ, vel  
Capitulo, aut choro. Quotidiè legatur Martirologium.

#### *De penis delinquentium.*

Quia pro mensurâ delicti debet esse plagatum modus, neque omnia de-  
licta ejusdem sunt gravitatis, visum est ea in quatuor ordines distinguere, juxta  
quos poena delicti proportionata assignabitur.

Primus ergò est peccatorum levium, quorum hæc est poena, ut qui aliquid eorum commiserit, dicat in Capitulo coram Prælato aut Priore flexis genibus altâ voce: *Confiteor Deo* &c. quod si emendatus non fuerit, gravius in eum postea pro ratione culpæ & negligentiz animadvertetur.

Secundus ordo est gravium, qui verò unum ex iis commiserit, vino abstinebit uno die, si perseveraverit, gravius deinceps ad arbitrium Prælati punietur.

Tertius ordo est graviorum, sub quo comprehenduntur peccata mortalia, leviora notoria & sine scandalo: qui aliquod eorum commiserit ad arbitrium Superioris in nuda humo, sine vino & cum pane crassiore manducabit uno die vel pluribus, & continebit se cum silentio in claustro.

Quartus ordo est gravissimarum culparum, sub quo comprehenduntur omnia peccata carnis notoria, omnes ingressus & egressus de nocte absque licentiâ, omnes conspirationes adversus Superiorem, & cætera id genus: poena autem horum delictorum erit incarceration in pane & aquâ: advertetque Dominus Abbas ut pro ratione culpæ & scandali, modò plures, modò pauciores dies, hebdomadas, aut menses imponat. Curabitque ut ea poena infligatur quâ & peccans ad meliorem frugem revocetur, & scandalum tollatur è populo.

Exempla autem delictorum his ordinibus attributorum infra in fine Constitutionum reperientur.

#### *De Confessione Canonicorum & Sacrà Communione.*

Hortamur omnes Canonicos ut quàm frequentissimè poterunt confiteantur, quod omnes Sacerdotes singulis septimanis saltem facturos confidimus; juniores autem decimo quinto quoque die idipsum esse facturos speramus, eique, qui excipiendis à Superiore confessionibus expositus fuerit, confiteantur.

Sacerdotes quàm crebrò & devotè poterunt, Missas celebrabunt, Diaconi & Subdiaconi octavo quoque die, juniores quolibet mensè & festis celebrioribus communicent.

Nullæ omninò Missæ præscriptæ aut ex fundatione debite omittantur.

#### *De silentio servando.*

Servetur silentium in Ecclesiâ & mensâ dum lectio fiet, in cæteris locis licebit colloqui tempore à Superiore præscripto, extrâ quod servetur omninò silentium.

Ab eodem Superiore hora præscribatur in quâ quisque ad cellam suam recedere debeat, sese quieti daturus.

#### *De Officiariis.*

Abbas Officiarios puta Priorem, Sacristam, Thesaurarium & cæteros adhibito consilio Conventûs curabit & instituet.

#### *De votis & primò de obedientiâ.*

Præposito juxta regulam tanquam Priori obediatur, & ut parens diligatur, & quidquid ille præceperit, salutare credatur, nec de majoris sententiâ judicet, is cujus officium est implere quæ jussâ sunt.

Deinceps autem Priori cæterisque Senioribus pareant & subjiciantur, seque invicem, juxta Apostolum, honore præveniant.

Nullus extra septa Religiosorum egrediatur sine licentiâ tacitâ, aut expressâ Abbatis, aut Prioris, aut in eorum abtentiâ deinceps Senioris.

*De castitate.*

Nullæ omninò mulieres quocunque prætextu in septa Religiosorum, hoc est, in ea loca quæ Religiosi habitant & frequentare solent, admittantur, nisi fortè in claustrum tempore processionum.

Curabitur autem ut cubiculum aliquod decens paretur pro hospitibus suscipiendis, in quo cum mulieribus cognatis extra septa Religiosorum colloqui de licentiâ Superioris poterunt Religiosi.

Mulierum omnium familiaritatem, tanquam sibi maximè noxiam, devitent diligentissimè omnes Canonici.

*De paupertate.*

Optandum erat ut in hac congregatione restitui posset in monasteriis ordinis perfectâ communitas victûs & vestitûs, & hæc quidem faciuri erant Domini Abbates, si tempora & hominum consuetudo id paterentur, ut suæ conscientix securitati consulere. Intereâ tamen dum voluntates à Domino præparabuntur, & Domini Abbates modum invenient quo legitimè fieri possit; statutum est, ut nullus in posterum rebus sibi ad usum concessis uratur sine dependentiâ à voluntate Superioris. Idque tantum in usus pios, necessarios, utiles & honestos, & ut teneantur omnes earum exactam rationem reddere coram Superiore, quando id is expedire judicaverit. Atque singulis annis saltem semel ad nutum Domini Abbatis reterre claves superiori, simulque schedulam omnia quæ penes se habent in veritate continentem tradere, ut hac ratione profiteantur se iis omnibus uti de licentiâ & dependentes à voluntate Superiorum. Viderint autem Religiosi ut in eadem schedâ describant verè omnia debita activa & passiva. Quod ipsum etiam intelligitur de Religiosis beneficiatis.

*De jejniis & abstinentiâ.*

Servabuntur diligenter & studiosè præcepta ab Ecclesiâ jejunia, quod autem attinet ad abstinentiam aut jejunium Adventûs & Feriæ sextæ, aliaque id genus, quod hætenus quantum ad ea servatum est in singulis Monasteriis, servabitur etiam in posterum, donec aliter statuatur.

*De mensâ, tonsurâ &c.*

Habeatur ex aliquo libro pio, ad arbitrium Superioris, lectio in mensâ, legentem nemo inturbet.

Non prius à mensâ surgant, quam surgendi à Superiore signum acceperint.

Omnes unam & communem mensam habeant, neque liceat cuiquam seorsum prandere aut coenare, sine licentiâ Superioris, neque seculares ad eam admittantur absque eadem licentiâ, quod rarò fieri debet, neque propterea intermitteri lectio, nec tempus prandii, aut coenæ horam excedat.

Barbam recenter resectam, præcipuè in labio superiore semper ferant, neque in eâ aliquid contra honestatem religiosam irreat.

Curet etiam quisque ut tonsura, seu corona pro more Religiosorum appareat.

*De eleemosinis faciendis.*

Eleemosinæ aliaque charitatis & pietatis opera quæ à prædecessoribus fieri solita sunt, & ea maximè quorum instituta extant, eorumque voce probantur, in Monasteriis fideliter fiant. Secus Canonicorum erit rem ad Congregationem referre.

*De habitu religioso.*

Solito habitu semper utantur, neque eum, nisi necessitas urgeat, exuatit, iter autem facientes, eam tunicam quæ ad genu usque saltem extendatur ferant; & quia uniformitas difficilè servatur in moribus, si ea non adsit in habitu, custoditur ut de eorum ad quos id spectat licentiâ, hæc in omnibus Monasteriis ac Prioratibus inducatur, maximè cum indecorum sit ejusdem regulæ Ordinis & Congregationis Canonicos, diversum habitum gerere.

Promiserunt autem ii Domini Abbates diligenter curaturos & prout seget eis impositi oneris ratio, laboraturos, ut in posterum in suis monasteriis tum maximè à se ipsis, tum etiam à suis subditis omnia statuta observentur & ad unguem executioni demandentur.

Id verò ut fiat melius, neque qui speratur inde fructus retardetur, statuerunt iidem Domini Abbates & Priores, quòd in posterum fiet de triennio in triennium eo loco & tempore quæ designabuntur ab eisdem, Congregatio: cui interesse tenebuntur omnes & singuli per se, ibique diligenter perquirent, num supradicta observentur: ubi verò non observari compererint, modis omnibus congruis curabunt ea restitui, animadvertentque pro ratione delicti in negligentes au contumaces.

In eâ etiam Congregatione omnes quarimonix tum superiorum, tum inferiorum excipientur, terminabuntur, & componentur pro more & consuetudine Canonicorum regularium; Curabiturque diligenter ne cuiquam impunitas mareriam præbeat delinquendi.

*De Seminario erigendo.*

Cum perpenderent Patres, fulciri Sacros Ordines maximè industriâ & beneficio virorum litteratorum, si ii non solum scientiâ, sed pietate præcipuè sunt instructi, se ultrò ad erigendum in Universitate Mussipontanâ seminarium pro religiosis suis, qui imbuendi erunt litteris, obligaverunt & astrinxerunt communibus expensis.

Atque adeò infra Festum proximum Paschatis si commodè fieri poterit, omnes suos qui in eadem Universitate vel alibi student, cogent sub aliquo ejusdem Ordinis Canonico, eique id muneris imponetur qui & pietate & scientiâ zeloque disciplinæ restituendæ plurimum polleat, eique omnium studentium in eodem Seminario, sumptibus necessaria subministrabuntur.

In eodem Seminario alentur pretio, pro ratione annonæ, rationabili, studentes, sumptibus Monasteriorum aut parentum.

Intereâque dum conqueratur domus aliqua venalis omnium Monasteriorum sumptibus comparanda & pecuniis, in eam rem spontaneè & liberaliter à Dominis Abbatibus & Prioribus oblatis, aliqua locabitur quantò fieri poterit commodissima. Ad quod deputatus est in præsentī Congregatione Reverendus Dominus Abbas de Bello-Campo qui hujus negotii curam gerat, & oblatas pecunias

pecunias colligat, Seminariiue erectionem curet quàm fieri poterit citissimè.

Quia autem agrè scolaribus Seminarii regulæ in præsentì præscribi possent, hujus rei cura relinquetur usque ad proximam Synodum, præfecto Seminarii, qui adhibito Consilio præfectorum aliorum Seminariorum Religiosorum, eas statuet & observari curabit; ita tamen ut eæ regulæ sint conformes Divi Augustini, & supradictis hujus Congregationis Constitutionibus.

Librum verò erit unicuique Monasterio tot in eodè seminario ex suis alere, quot ei videbitur expedire, ita tamen ut unumquodque teneatur unum saltem in eo educare, si sint in eo aliqui capaces & idonei.

### *De janitore Monasterii.*

In singulis Monasteriis sit unus fidelis & diligens janitor loci regularis, religiosus vel secularis, cujus erit diligenter advertere, itum sint aliqui ex Canonicis qui exeant sepia Monasteriũ sine licentià, quod ut adverterit statim referat Abbati aut Priori.

Protestantur tamen omnes Domini Abbates & Priores se nullà ratione intendere derogare juribus, consuetudinibus, libertatibus, immunitatibus, privilegiis aut exemptionibus suis & sutorum Monasteriorum, aut obedientiæ debitæ Superioribus suis ordinariis, sed ea omnia non obstantibus supra dictis Constitutionibus, remanere salva & integra, atque cum eà protestatione se iis submisserunt, easque omnes amplexi sunt; in quorum omnium fidem iidem supradicti Domini Abbates & Priores manu propria subscripserunt. Acta sunt hæc omnia in domo Abbatiali de Lunevillâ diebus octavâ nonâ, & decimâ Novembris, anno Domini millesimo sexcentesimo quarto.

Supplicat etiam humillimè eadem Congregatio ut velit sua excellentissima & illustrissima Dominatio eandem & omnes Canonicos, tam Abbates, Priores, cæterosque omnes sive Claustrales, sive Parochos, in suam protectionem & patrocinium suscipere, & se talem palàm declarare.

Item constitutum est, ut in posterum conservetur numerus Canonicorum regularium in singulis Monasteriis & Prioratibus, donec aliter statuatur à Congregatione, habitâ ratione facultatum cujuscumque loci.

### *Leves culpe sunt.*

Signo dato statim ad Ecclesiam non accedere, aut sine licentiâ ante peractum officium egredi.

Malè in choro legere.

Divino officio non esse intentum, vagis oculis, vel motu irreligioso.

Inquietudinis aliquid facere in Ecclesiâ, aut alibi.

Lectiõnem aut cantum statuto tempore non prævidere.

Legere vel cantare aliquid quàm communis approbat usus præsumere.

Ridere, vel alios ad risum provocare in Choro & Ecclesiâ.

Ornamenta Altaris vel Ecclesiæ negligenter, aut irreverenter, aut im-mundè tractare.

Dormire in Ecclesiâ, aut negligenter cantare.

Juramento aliquid negare, vel affirmare.

Sermonem scurrilem dicere; aut vaniloquium.

Oculos vagos per plateas & vicos avidè ad vanitates dirigere.

Capitulo, seu collationi, vel refectioni ex negligentia non interesse.  
 Librum in quo legendum est negligenter omittere.  
 Utensilium aliquid frangere, perdere, vel non apportare ad locum proprium.  
 Vestes aut libros sibi ad usum concessos statuto tempore non reportare,  
 vel negligenter tractare.  
 Lectioni statutis temporibus non interesse.  
 Reprehensus à Superiore petulanter, arroganter, aut irreverenter loqui.  
 Negligere officio deputatum.  
 Contendere & in contentionem pertinacem esse.

*Graves culpe sunt.*

Absentem esse ab hora integrâ.  
 Contendere inhonestè cum aliquo.  
 Opprobrium alicui dicere.  
 Mendacium dicere ex deliberatione.  
 Improperare culpam satisfactam aut vitium naturale.  
 Defendere protervè culpam suam vel alienam.  
 Minas vel maledicta in quemlibet proferre.  
 Moram trahere ultra tempus sibi assignatum à Superiore.  
 Confessiones excipere absque Superioris licentiâ.  
 Susceptoris in confirmatione aut baptismo, munus suscipere.  
 Testamentorum executorem se præbere, aut testem in processibus.  
 Contractibus aliisque id genus secularibus negotiis.

*Graviores culpe sunt.*

Non obedire Prælato, aut cum eo contendere. \*  
 Peccare mortaliter.  
 Jejunia Ecclesiæ sine causa excusante frangere.  
 Obedientiam vel potestatem Prælati defugere.  
 Revelare secreta Ordinis vel Capituli.  
 Oblatum & quæ accipi prohibentur, recipere.  
 Celare rem sibi oblatam.  
 Legere aut penes se retinere libros hæreticos, aut impudicos.  
 Erigere se adversus Prælatum per conspirationem, vel conjurationem, seu  
 malitiosam concordiam.

*Gravissime culpe sunt.*

Incorrigibilem se præbere & non formidare culparum commissionem & recusare penas injunctas.  
 Peccatum carnis committere.  
 Furtum committere.  
 Litteras clausas & fallaciter imitando adulterare.  
 Sigilla fallaciter imitando adulterare.  
 Sigillis adulteratis scienter uti.  
 Prælato manus violentas injicere.  
 Percutere aliquem lethaliter, seu graviter & atrociter.  
 Actus venereos committere.  
 Peccatum mortale proprietatis ad unum ex his quatuor ordinibus revocatur, *pro materia quantitate.*



## BULLA

Honorii III. approbantis & confirmantis Bona Hircevallis,  
nec non Canonicos à nuditate pedum ex parte dispensantis.

Anno 1216.

**H**onorius Episcopus, Servus Servorum Dei, dilectis filiis Prioribus Prioratum Ordinis Sti. Augustini Yrevallis & Abiey salutem & Apostolicam benedictionem. Avolantis in solitudinem columbæ desiderium æmulati, mundi vos delectationibus subduxistis, ut liberè federe possitis circa pedes Domini cum Maria, attenditis enim gloriam supernorum, & pro utroque irriguo deplorantes incolatum vestrum prolongari, diutius suspiratis. Sanè optimam partem elegistis, qui calcatis divitiis & honoribus hujus mundi, abjecti estis in domo Domini.

Nos autem pium vestrum propositum in Domino approbantes, personas vestras & locum, in quo divino estis obsequio mancipati, cum omnibus bonis, quæ impresentiarum rationabiliter possidetis & in futurum justis modis præstante Domino poteritis adipisci, sub Apostolicæ Sedis & nostræ protectione suscipimus. Possessiones quoque quas infra statutum à nobis terminum acquisistis, decimas etiam terrarum acquisitarum à vobis ante Concilium Generale, quas propriis manibus, aut sumptibus colitis, sicut à quadraginta annis possedistis canonicè & quietè, vobis & personis Ecclesiæ vestræ, autoritate Apostolicâ confirmamus & præsentis scripti patrocinio communimus. Ad hæc illam rigoris austeritatem quæ Clerici vestri consueverunt, semper nudis pedibus ambulare, temperare volentes, autoritate præsentium, vobis duximus indulgendum, ut à festo S. Martini, ad Kalendas Aprilis, Clericis de Collegio vestro liceat calceamenta portare. Nulli ergò hominum omnino liceat hanc paginam nostræ protectionis & confirmationis infringere, vel ei ausu temerario contraire &c. Datum Laterani nonis Novembris Pontificatus nostri anno primo.

*Breve Apostolicum quo Canonicis Hyreecallis conceditur usus carnis  
in infirmitate constitutis, cum facultate possidendi &  
nutriendi animalia. Anno 1245.*

**W** Miseratione divinâ Sabinensis Episcopus (a) dilectis in Christo Fratribus, Priori & Conventui Yrevallis, Tullensis diocesis, salutem in nomine Jesu Christi.

Seriatim nobis confratres nostri Willelmus Presbiter & Joannes Diaconus Latres præsentium ex parte vestrâ exponere curaverunt, quod præter Beati Augustini regulam quam professi estis in Ordine regulari, quibusdam constitutionibus statuistis, quod nunquam aliquis vestræ Congregationis, etiam infirmitate depressus carnibus vesceretur, nec præterea vobis liceret unquam ullo tempore animalia possidere: propter quod in temporalibus enormiter destitutus Ordo

(a) Guillelmus S. R. E. Vicecancellarius, & Episcopus Mutinensis anno 1222. ad Prussiam Livoniamque ablegatus est ab Honorio 3. ubi fructus uberes fecit. Redux, ab Innocentio 4. Sabinensem Episcopatum obtinuit anno 1244. Lugduni decessit Anno 1251.

vester est & non sine animarum periculo subtrahitur, quod debetur. Unde super his salutaris consilii remedia humiliter postularunt. Nos igitur in Summi Pontificis præsentia quaestionem huiusmodi referentes, de ipsius licentia speciali, licet vobis id de jure aliàs liceat, ad cautelam vobis duximus concedendum, ut & vestris infirmis carniū subsidia ministrētis, ac greges valeatis & armenta animalium possidere. Datum Lugduni Decimo quarto Kalendas Novembris Pontificatus Dni. Innocentii Papæ quarti anno tertio.

*Carta traditionis & unionis Pastoralis Vallis d'Ajo cum Prioratu Hyrevallis. Anno 1421.*

Nos Isabella de Dominicavilla, (*Demengevelle*) ceteraque in Christo religiosæ Dominæ totius Conventus sive Monasterii B. Petri de Romaricomonte Ordinis S. Benedicti Tullenis diocesis, ad Romanam Ecclesiam sine medio pertinentis. Notum facimus universis præsentibus inspecluris, & præsertim Rmo. Patri in Christo ac Domino patientiā divinā D. Bisuntinensi Archiepiscopo, seu ejus in spiritualibus Vicario, aut locum tenenti. Quod Venerabilis ac Religiosus in Christo Frater Guillelmus Bonivici Prior, suo ac aliorum fratrum suorum Ecclesiæ & Prioratus B. Mariæ Virginis Yrevallis Ordinis S. Augustini, prædictæ Tullenis diocesis, nomine seu nominibus, nec non discretus Vir D. Walterus de Rancuria presbiter curatus, sive rector Ecclesiæ Parochialis recolendæ Virginis Mariæ, Vallis de Ajo Bisuntinensis diocesis, in nostrā personaliter constituti præsentia, dictus Prior oculis quasi gementibus, lamentando exposuit, piæ recordationis nobilem Eugebaldum Venerabilem presbiterum, Christi sequentem vestigia sub honore & ad laudem memoratæ Virginis gloriose, intra metas, & jurisdictionem dicti nostri Monasterii Romaricensis, in loco qui ab antiquis Vallis-Alpera vocitabatur, nunc verò à modernis Yrevallis nuncupatur.... Potentiā laicorum incurfu malignantium.... in nihilum redigi, seu quasi. Cum quibus asseruit suam & fratrum suorum inopem non posse defendere vitam.... In quā quidem Ecclesiā sive Prioratu causantibus præmissis, tamdiu obmutuit, laus in divinis quod dolenter referebat, nihilominus tamen novissimè diebus istis nutu divino, in dicto Prioratu supercrevit zelo Religionis gerendæ fratrum pluralitas, jugi desiderio quod in divinis siluerat officium recitare cupientium. Idcirco ad id nostras de iis quæ gratis accepimus, eis gratis daremus, & cum charitate primā, manus deposcebat adiutrices, quatenus videlicet Ecclesiam Parochialem Vallis de Ajo, quæ circa seu prope fines dicti Prioratus existit, cum suis Annexis fructibus, Juribus, & Emolumentis, cujus Parochialis Ecclesiæ provisio, præsentatio, ac omnimoda dispositio quando vacavit aut vacabit ad nos Abbatissam & Conventum prædictos communiter dignoscebatur pertinere, ad Ecclesiam & Prioratum fratrum prædictorum committeremus ac uniri perpetuò concederemus atque nostrum præberemus assensum. Hinc fuit quod nos Abbatissa & Conventus prælibati condigno relatu præmissa reperimus veritate fulciri. Scientes igitur in longè benefamatam regionibus vitam & laudabilem fratrum in Christo affectum, cupientesque regem dominicum & ejus cultum augere in Domino, credentes ex devotis fratrum ipsorum precibus ad æternam felicitatem participes effici, vocem præcantem in gemitum, paupericunque oculis intuentes, & auribus piis, charitate præviā exaudivimus, non denegando assensum, sed consilio ac deliberatione maturā

maturâ præhabitis, ne prædicta Ecclesia Parochialis cum suis Annexis diù foret orbata pastore, aut in suis valeret defraudari obsequiis, prælibatis Priori & fratribus tanquam bene meritis dictam parochialem Ecclesiam cum suis annexis tenendam, habendam, regendam & possidendam, curamque sollicitudinem & administrationem cum regimine animarum totius gregis christiani ipsius parochialis Ecclesie, prædictos Priorem ac fratres ad hoc idoneos communiter gerendam, & exercendam more bonorum partorum commisimus, ac contmittimus vices nostras sæpe dictamque parochialem Ecclesiam cum suis annexis & Juribus quantum in nobis fuit & esse potest, dictis Prioratui, Ecclesie atque fratribus præsentium tenore litterarum donavimus & etiam contulimus, quotiescûmque vacare contigerit; volentes insuper & concedentes pro tunc & in perpetuum quod omnia bona, res & jura elapsis temporibus, curatis sive rectoribus prælibatæ parochialis Ecclesie ab antiquo pertinentia & pertinentia, Ecclesie ac Prioratui in augmentum vitæ fratrum supradictorum uniantur sive incorporentur; verum propterea nec intendimus quod officium in divinis cum aliis administrationibus super gregem pastoribus iisdem commissis quovis modo negligatur, sed potius augmentetur, ac etiam juribus, redditibus, & emolumentis nostris, nobis Abbatie & conventui communiter seu divisim olim debitis ac in futurum debendis, omnibus, nec non aliis solemnariis ac obedientiis per rectores & parochianos dicte parochialis Ecclesie hæcenus fieri consuetis, reservatis & reservandis quibuscumque; ad quæ præmissa dictus Dominus R. Walterus rector sive curatus præfatæ parochie quantum in eo fuit sponte, scienter ac providè suum præbuit consensum, omni dolo & fraude penitus exclusis. Volumus etenim quod cedente, vel decedente dicto rectore ut ex nunc prout extunc, & ex tunc prout ex tunc per sæpe dictam parochialem Ecclesiam cum suis annexis acceptare & pacificè obtinere Prior ac fratres sæpe dicti possint & valeant absque aliâ provisione à nobis de novo faciendâ. Supplices prælibato Reverendissimo Patri seu ejus in spiritualibus vicario aut locum tenenti, quatenus in præmissis suum præbeant assensum & quantum in eis fuerit ad perpetuum ratificare & approbare sæpe dictisque Priori & fratribus quos eidem paternitati Reverendissimæ ad hæc præsentamus, omnia & singula quæ suæ dignitati seu suo incumbit officio in præmissis & etiam præmissa impartire dignetur generosè, suamque autoritatem & decretum velit in præmissis interponere cum effectu, prout in talibus est fieri consuetum. In quorum omnium & singulorum fidem ac testimonium præmissorum subscriptum & signatum scribi præsentibus litteras & fieri fecimus, sigillique prælibati nostri Monasterii appensione unâ cum signero jamdicti Notarii communiri sub anno Nativitatis Domini millesimo quadringentesimo vigesimo primo, die vigesima mensis Januarii præsentibus discretis viris Nicolao Rolland de Vezelisia magistro hospitalis, Alberto de Domna-Libaria, Joanne Turmeti Canonicis, Laurentio Ferati de Plomberis, Roberto Walteri beneficiatis in dicto monasterio presbiteris & pluribus aliis testibus ad præmissa vocatis specialiter & rogatis.

*Carta redemptionis & restitutionis Prioratus Abierii. Anno 1570.*

**R**Enée de Dintheville, par la permission divine humble Abbessé, Marguerite de Choiseulx, Doyenne & tout le Chapitre de l'Eglise Saint Pierre de Remiremont, au Sr. Siege Apostolique immédiatement sujette, A tous ceux qui

Tt

ces présentes lettres verront, salut en nôtre Seigneur. Comme ainsi soit que feu d'heureuse memoire Judith, Abbessé de nôtre Eglise, du consentement & aveu du Chapitre d'icelle, meüe de bon zele & sincère devotion, pour & afin de donner meilleur moyen au Prieur & Religieux du Prieuré d'Herival, Ordre Saint Augustin, Diocèse de Toul, de vivre & vacquer plus librement au service divin en iceluy, dès la premiere fondation dudit Prieuré, ou bientôt après leur auroit baillé, donné & concédé à perpetuité pour eux & leurs Successeurs en augmentation de leurs revenus, la Maison d'Abiey, avec toutes ses dépendances & appartenances jadis auparavant appartenants à nôtre Eglise, & ce sous condition que lesdits Prieur & Religieux d'Herival, en reconnoissance de cette donation, payeront tous les ans à la Dame secrete de nôtre ditte Eglise le jour de fête St. Romary au lieu de Remyremont un cens annuel d'une livre d'encens, & aussi que lesdits Prieur & Religieux, ny leurs successeurs audit Prieuré, ne pourroient pour l'avenir en maniere que ce fût aliener, ny transferer laditte Maison, sans le consentement & volonté de l'Abbessé & Chapitre de nôtre ditte Eglise, & ce nonobstant après quelque laps de tems, aucuns Religieux dudit Prieuré ayans pour lors le gouvernement de laditte Maison entre leurs mains, mal conseillés, de leur plaine autorité, sans le consentement desdittes Abbessé & Chapitre, eussent fait transport de laditte Maison d'Abiey en autrui Religion & icelle translation indhüement faite, venue à la connoissance desdittes Abbessé & Chapitre de nôtre Eglise, nos predecesseurs à la poursuite du Chancelier d'icelle auroit été par voye de justice non sans grands frais & dépends revoquer, & laditte maison reduite en son premier état & depuis par nosdits predecesseurs, avec confirmation desdits donation, bail & concession restitué au Prieur & Convent dudit Prieuré pour eux & leurs successeurs sous conditions toutesfois que lesdits Prieur & Convent & leurs successeurs en recompense des frais & dépends faits à la poursuite de laditte revocation, seroient tenus à l'avenir payer chacun an à nôtre Eglise, avec la livre d'encens avant ditte, les jours de fête Saint Romary vingt cinq sols & demy, Toullois de cens annuel avec certaines autres conditions contenües aux lettres sur ce expediees, que nous voulons avoir & avons en cet endroit pour toutes expresses, & tant desdittes lettres de donation & concession, & celle de confirmation & restitution de laditte Maison par divers transports & remüemens des lettres & chartes dudit Prieuré, fait à cause des guerres & autres inconveniens que le tems amene avec soy depuis quelques ans en ça se seroient égarées, & aussi le paiement desdits cens, tant par la négligence des receveurs de nôtre Eglise, comme par l'inadvertance desdits Prieur & Convent par quelques années passées intermis & delaisés, & pour ces causes & autres lesdits Prieur & Convent se seroient retirés près nous & nous auroient requis pour & afin que nul ne puisse douter pour l'avenir des choses devant dittes en nous payant tous les ans lesdits cens comme d'ancienneté, de vouloir confirmer, ratifier & approuver laditte donation, bail, concession, confirmation & restitution devant dittes, faite comme dit est par nos predecesseurs: sçavoir faisons que nous capitulairement en la maniere accoustumée au Chœur de nôtre Eglise, qui est le lieu de nôtre Chapitre, deüement assemblées en consideration de la bonne & sincère affection desdits Prieur & Convent, qui de leur plain gré en reconnoissance du bien reçu, s'offrent à payer pour l'avenir lesdits cens annuels, en suivant les vestiges de nos predecesseurs, avons loué, confirmé & approuvé, & par ces présentes loüons, confirmons & approuvons

pour nous & nos successeurs non seulement la premiere donation & concession, mais aussi la confirmation & approbation d'icelle, avec la restitution de laditte Maison, faite comme dit est par nos predecesseurs, tout ainsi qu'elles se contiennent aux lettres & chartes sur icelles depêchées, lesquelles nous avons en cet endroit pour toutes expressees & au cas que metier soit pour mieux asseurer lesdits Prieur & Convent, nous avons de nouveau donné, baillé, octroyé & concédé & par ces présentes donnons, baillons, octroyons & concedons audit Prieuré, Prieur & Convent pour eux & leurs successeurs à tousjours-mais ladite Maison d'Abiey pour par eux ou leurs Commis icelle tenir, regir & gouverner & des fruits & émoluments en provenants jouir & disposer à leur bonne & franche volonté, comme ils ont fait du passé, & ce moyennant que lesdits Prieur & Convent & leurs successeurs payeront à l'avenir lesdits cens, à sçavoir tous les ans une livre d'encens, ou de cire bonne, à leur choix, à laditte Dame sacrete, & vingt cinq sols & demi Toullois au clerc & receveur des aumônes de nôtre Eglise au lieu de Remyremont le jour de fête St. Romary, & que pour le bien venu, tant de nous que de nos predecesseurs, toutes les personnes de nôtre Eglise, de quel état quelles soient, seront participantes en tous bienfaits & oraisons qui se feront audit Prieuré & autres lieux en dépendans & à iceluy sujets, & seront tenus lesdits Prieur & Convent étants requis d'envoyer un ou deux de leurs Religieux aux exequies & funerailles de chacune des personnes de nôtre Eglise, pour y assister personnellement, comme ja d'ancienneté ils étoient obligés & pour observation des choses susdites seront tenus lesdits Prieur & Convent nous bailler leurs lettres en bonnes & authentiques formes depêchées pour nous en servir quand metier sera. En témoignage desquelles choses, Nous Abbessé, Doyenne & Chapitre susdits avons fait faire & signé lesdites présentes par le Notaire suscrit & icelles sceller du scel de nôtre dite Eglise, qui furent faites & passées l'an de nôtre Seigneur mil cinq cens septante, le quatorzième jour de Décembre, en présence des venerables & discrettes personnes Messire Nicolas Brisouini, Protonotaire du St. Siege Apostolique, Chanoine en nôtre dite Eglise, & Maître Jean Cholet, Prêtre dudit Diocèse, demeurant à Remyremont, témoins à ce spécialement appelés & requis.

Par le commendement desdites Dames, Abbessé, Doyenne & Chapitre-Thierry Bled Notaire.

---

*Transactio inter Priorem & Canonicos Hyrevallis, ex una parte,  
& Episcopum Tullensem ex altera, quâ se Episcopali  
jurisdictioni tradunt. Anno 1710.*

PAR devant les Notaires Royaux Apostoliques Héritaires de l'Evêché & Diocèse de Toul, résidents en cette ville, soussignés sont comparus en personne l'Illustrissime & Reverendissime Seigneur Monseigneur François Blouët de Camilly, Evêque, Comte de Toul, Prince du Saint Empire, d'une part, & les Reverendd. PP. Sebastien Moulin, Prêtre, Chanoine Regulier, Prieur Titulaire du Prieuré Nôtre-Dame d'Herival, ancien Ordre de St. Augustin, au Diocèse de Toul, & Pierre Barbier & Anthoine Verny, aussi Prêtres Chanoines Reguliers dudit Prieuré, comme ayant charge & se portants forts des autres Religieux leurs Confreres faisant & composans le Corps & la Communauté du Prieuré d'Herival, d'autre part, lesquels pour terminer les difficultés meües entr'eux, au sujet de la juridiction gratuite & contentieuse que mondit Sei-

gneur soutenoit être en droit & possession d'exercer sur ledit & les Religieux y résidans, sont demeurés d'accord de ce qui s'en suit, sçavoir

*Primò.* Que ledit Prieuré, lesdits Prieur & Religieux d'Herival & ses dépendances seront soumis à l'autorité & juridiction contentieuse & gracieuse de Monseigneur l'Evêque Comte de Toul & de ses Successeurs, ainsi & de même que Messieurs les Chanoines Reguliers de S. Victor de Paris, sont soumis à Monseigneur l'Archevêque de Paris.

*Secundò.* Que mondit Seigneur l'Evêque de Toul & ses Successeurs pourront visiter ledit Prieuré, lesdits Prieur Religieux d'Herival & ses dépendances, toutesfois & quantes que ledit Seigneur Evêque & ses Successeurs le jugeront à propos, & y faire toutes lesdites ordonnances & réglemens nécessaires, suivant les règles & les statuts observés d'ancienneté dans ledit Prieuré, qui y seront toujours gardés, à moins qu'il ne s'y trouvât quelque abus à reformer.

*Tertiò.* Que mondit Seigneur Evêque & lesdits Successeurs feront laditte visite en personne, & ne commettront pour la faire que dans les cas, ou ne pouvant la faire eux-mêmes, ils en feront priés & requis par les Religieux, ou par quelqu'uns d'entr'eux.

*Quartò.* Que moyennant les articles cy-dessus convenus, toutes les difficultés nées entre mondit Seigneur l'Evêque & lesdits Prieur & Religieux d'Herival, demeureront terminées & comme non avenues, & que lesdits R. Peres Moulin, Barbier & Verny seront ratifier incessamment capitulairement & dans six semaines au plus tard le présent concordat & transaction, par les autres Religieux dudit Prieuré leurs Confreres, & qu'ils en fourniront un acte en bonne forme à mondit Seigneur. Le tout que dessus a été ainsi convenu, conclud & arrêté entre lesdites parties qui ont promis d'y satisfaire, & de s'y conformer, tant pour eux que pour leurs Successeurs. Fait double à Toul au Palais Episcopal, en présence des Notaires Apostoliques Royaux, soussignés ce jourd'huy troisième Juillet mille sept cens dix, François Bloüet de Camilly, Evêque Comte de Toul, F. N. Moulin, Prieur d'Herival, Barbier, A. Verny Monnaçts avec parafse, Peignier aussi avec parafse N. R. Apostolique.

Au Chapitre d'Herival légitimement convoqué ce jourd'huy dixième Juillet mille sept cens dix, par Reverend Sr. Messire Sebastien Moulin, Prieur Titulaire du Prieuré dudit Herival à la maniere accoutumée & au son de la cloche, les Srs. Prieurs Religieux & Convens desdits Chanoines Reguliers dudit Herival, Diocèse de Toul, ayant pris communication & lecture du Concordat fait le troisième Juillet dernier par les Srs. Moulin, Prieur titulaire dudit Prieuré & Barbier & Verny aussi Chanoines Reguliers dudit lieu, avec Monseigneur l'Illustrissime & Reverendissime François Bloüet de Camilly, Evêque Comte de Toul, au sujet de la juridiction qui appartient à mondit Seigneur sur notre Maison, nous ayant eus sur cela une meure deliberation, l'avons reçu, agréé, approuvé & confirmé, l'agréons, acceptons, approuvons & ratifions selon la forme & teneur, & consentons qu'il soit son entier effet, promettans de n'y faire oppositions, ny contradictions, reconnoissants à cet effet mondit Seigneur Evêque, Comte de Toul & ses Successeurs pour notre veritable Supérieur Ecclesiastique. Fait audit Herival les an & jour susdits, Double, S. Moulin, Prieur d'Herival, Barbier, Curé de Fougerolle, F. L. Richard, F. A. Verny, Fr. C. L. Nurdin, P. A. Roussel, F. M. Dechaumeux.

JOAN-

JOANNIS HERCULANI  
PLEINFISINI  
HISTORIA

DE

ANTIQUITATIBUS  
VALLIS-GALILEÆ.





# ANTIQUITATES VALLIS-GALILÆÆ.

VENERABILIBUS, AC DOCTISSIMIS VIRIS  
DOMINIS

DECANO ET CANONICIS SANCTI DEODATI,  
DOMINIS SUIS ET FRATRIBUS COLENDISSIMIS,

JOANNES HERCULANUS  
PLEINFISINUS

PERPETUAM FOELICITATEM OPTAT.



UONIAM antiquitas venerandam majestatem, & energiam ad excitandos humi jacentes hominum affectus in se habet, & continet, &, juxta Catonem, otii reddenda ratio est: ipsa etiam vitæ ratio à nobis jure exigere videtur, ut rerum origines, ex quibus commoda ad nos perveniunt, minimè negligamus, operæ-premium mihi visum est, DOCTISSIMI VIRI, Vallis-Galilææ, quæ me non genuit solùm, (a) sed & alit, & fovet, locorumque adjacentium antiquitates, & origines, jam olim ignorantia tenebris propemodùm consopitas, seu, ut ita loquar, letheis obrutas undis, ad hominum memoriam revocare, & illustrare. In eam rem autem eò liberius & alacrius operam haud mediocrem insumpsi, quòd cernerem commentarios cujusdam fratris Richerii, (b) nullâ certè rerum coherentiâ, nullo ordine, nullâ annorum rectâ supputatione, iis antiquitatibus non parvas ef-

Vv ji

- (a) *Vallis-Galilæa qua me genuit.* Pleinfesinum, undè oriundus erat Herculanus, Vallis-Galilæa vicus est ad radices montis, qui *Bonus homo* nuncupatur, quo iter est in Alsatiâ, & in *Cæsaris Urbem*, germanicè *Kaisersberg* dictam. Tribus à Sandeodato horis distat Pleinfesinum, vulgò *Pleinfain*, Matricis Ecclesiæ Frasiæ, gallicè *Fraisè*, membrum succursale, ubi Murtha originem habens, per flexuosos vallium sinûs in Sandeodati oppidum, cursu rapido illabitur. Herculana familia quæ patrio idiomate *Herquel* dicitur, subsistit adhuc hodiè Pleinfesini, sicut accepimus à Clarissimo D. Perrotey, Sacrorum Canonum & Theologiæ Doctore, Agri Sandeodatenfis Officiali, & Frasiæ Pastore optimo.
- (b) *Cujusdam fratris Richerii Commentaria.* Richerius Monachus Senonensis, historiam Abbatæ Senonensis in Vosago, tribus à Sandeodato horis distat, scribebat anno 1263. Hanc Dacherius in spicilegiis, tom. 3. curavit inserere, & pro more suo, nullis adornavit notis, quibus tamen egebat, ut errores passim obvii emendarentur. Multa enim ad vulgi famam autor nullius criterii, multa ad votum conficta scripsit, vel, ut Herculanus verbis utar, *nullâ certè rerum coherentiâ, nullo ordine, nullâ annorum rectâ supputatione.*

fundere tenebras. Quanquam non usque adeò ingratus esse velim, aut malignus ingeniorum interpres, ut non maximas etiam gratias Richerio habeam, qui acta tot incendiis concussa, maluit mutila & impolita nobis relinquere, quàm omninò non eripere ab interitu. Ex illius autem mole indigesta profectò, à tudi, quò gratià, & oblectatione lectorem retinerem, eà potissimum narrandà selegi, quorum cognitio antiquitati addens decus, pro ingenioli tenuitate non solum jucunda, sed etiam utilis mihi visa est. Nam ejus sententiæ sum, ut nihil existimem jucundum, quòd utilitate vacet; porrò cum habeam compertum, rerum ignaros, non tutiore modo, verùm & commodius narranti vera audituros; historiæ veritatem in rebus tam remotis à patrum memorià, quoad licuit, sum sequutus. Hos autem industriæ meæ labores existimavi vobis & dicandos, DOCTISSIMI VIRI, quòd in locum eorum successeritis, qui potiores partes in hac narratione tenent. Et certè ut est vestra devotio ergà paternum nobis communem gloriosum Dei Confessorem Deodatum, & ejus piam & sanctam conversationem propensa, favore & gratià vos prosequuturos hanc laborum illius narrationem non diffido, quò & illius major surget gloria, & mihi animus alacrior ad honestissima quæque studia capeßenda addatur. Valete, DOCTISSIMI VIRI, & studioso eò usque favere velitis, quoad honestatis studia & amare, & sequi possit. Ex Lacydio nostro (a) III. Kal. Decemb. 1541.



*Descriptionis, situs, locorum, & montium terre Vallis-Galileæ  
& locorum vicinorum adjacentium.*

## CAPUT I.

SCRIPTURUS antiquitates Vallis-Galileæ & locorum adjacentium, à re shaudquaquam alienum putavi, à montis Vosagis descriptione, in quo prospecta jacet, ducere initium. Qui enim totius cognitionem animo complectuntur, partium situs & descriptiones facilius multò percipiunt. Quare nobilitatem & præstantiam Vosagi, tum hujus rei gratià paucis repetendam duxi, tum ut nostris hominibus appareat, Vosago suam celebritatem nunquam defuisse, si pulcherrimarum rerum simul & honestarum admiratores non defuissent, sed scriptorum penurià, potius quàm rei, evenisse, ut res præclaras & dignas, quæ nunquam à memorià hominum excidant, tempus, rerum sepulturâ exesas, & oblivione obductas, è memorià & celebritate sustulerit: quarum tenebras illuminare, etsi laboriosum & difficile sit, tamen per antiquis Commentariorum fragmentis, & sedulò inquirendi labore adjutus, neque patriæ, (quàm ab interitu vindicare honestissimum est,) neque rerum antiquarum studiofis, per ignaviam, & desidiam deesse volui.

Mons itaque Vosagus, ut traditum est ab antiquis, & nos oculis percipimus, in finibus Lingonum incipit, & protenditur in Septentrionem usque ad fines Trevirorum, separans Lotharingiam, & vastum regnum, à Germaniâ

(a) Ex Lacydio nostro 3. Kal. Decembris 1541. Temporibus ergò Ducis Anthonii sum concinnavi historiam Herculeus, Sandeodati Canonicus, præposituram gerente tum Friderico de Cleisenteines, ad quam fuerat assumptus anno 1426, quamque anno 1456, fatis urgentibus dimisit.

maniâ Cis-Rhenanâ; ad Orientem quidem Alsatiâ, ab Alsâ fluvio denomi-  
natam, & ad Occidentem Lotharingiam respiciens. Præterquàm autem quòd si-  
tu, fertilitate, amœnitate, accolis & oppidis ad utrumque latus positis,  
mirum in modum exornatur, etiam varietate fluminum, quæ diversis in lo-  
cis varia effundit, nobilitate metallorum quæ inde oriuntur, & Thermarum  
quoque, ut interim non commemorem loca pietati dicata, quæ multa re-  
stant ab Eremicis, & Deo vacare cupientibus constructa, abundè meretur  
scriptis & litterarum custodibus illustrari, etiam magis quàm Parnassus, quàm  
Olympus, quàm Cinthus, & cæteri montes à Poëtis celebrati. In finibus  
enim Lingonum, Matronam & Mosam, versùs Austrum Ararim, non longè  
à Luxovio supra Romaricum-Montem, Mosellam; in exordio Vallis-Galilææ,  
non longè à Plinseio patriâ meâ, Murtham, & paulò inferius ad Septentrio-  
nem Samam, fluvios non postremi nominis effundit. Matrona Celtas à Belgis  
definiens, per Catalaunum rapido cursu in Sequanam festinat, cui miscetur  
parùm supra Lutetiam. Mosa placidis undis Verodunensium, Eburonum &  
Menapiorum fines irrigans, in Oceanum insluit; Arar Cabillinum, ac Ma-  
tisconem, Heduarum oppidum interfecans, Lugdunum prolapsus Rhodano  
jungitur. Mosella amœnis per Leuchorum, Mediomatricum & Trevirorum  
fines tacito rumore in Rhenum labitur. Quid referam limpidissimos fontes,  
quorum aquæ nonnullæ sunt potu suaves; aliæ amaræ & falsæ, undè sal can-  
didum in vasto regno conficitur; aliæ calidæ, inter quas Plomberianæ no-  
tissimæ sunt: (a) nam hominum corpora cujusvis morbi diuturnitate, lan-

Xx

- (a) *Inter quas Plumberiana aqua...* *Plumberia*, gallicè *Plombières*, oppidulum in-  
tra sinus arcuos Montium Vosagi, tribus à Romarico-Monte leucis, versùs  
Orientem positum, Thermis salutaribus, ab omni ævo celebre. Temporibus  
Augusti restitutas Plumberiarum Thermas testatur monumentum lapide inci-  
sum, ab aliquot annis in ruderibus Plomberianis effossum, & in Clariss. Viri  
D. Bagard Regii Ducis Lotharingæ Archiatri, musæo asservatum, in quo hæc  
leguntur: *Therma Plumberiana ab Augusto Casare restituta*. Ad tutamen affluen-  
tium infirmorum, arcem illic erexit Ferricus Dux Lotharingæ, eamque Fer-  
rico filio suo, unâ cum Bremonis-curiâ contulit in feodum, cui accessit ex  
Gerardi Abbatis Stivagienfis placito, dimidiatum dominium Villæ-Eginonis,  
gallicè *Envaux*, jure concomitantie, ad posteros derivatum & antio 1291.  
tabulis assertum authenticis. Hinc Dominum de *Plombières*, de *Bremoncourt* &  
de *Envaux* passim in diplomatibus voluit inscribi. Ferricus ille, Ferrici 2. Du-  
cis filius, Canonicatum in Cathedrali Ecclesiâ Tullenfi adeptus à crepundiis,  
ad Præposituram Sandeodati postulatus est Minorennis, post mortem Joannis  
de Fontenois. Postulationem laudavit Joannes 21. his verbis. „Exhibita nobis  
„vestra petitio continebat, vacante nuper Ecclesiâ vestrà, Præposito, vos pro  
„futuri substitutione Præpositi sollicitè cogitantes, ad dilectum filium Ferri-  
„cum, natum Nobilis Viri Ducis Lotharingæ, Canonicum Tullensem, gene-  
„ris nobilitate conspicuum & laudabilem, meritorum titulis insignitum, ocu-  
„los direxistis, sperantes quod eadem Ecclesiâ multis dispendiis jam depressâ,  
„ipsius Canonici & Consanguineorum potentia relevetur à noxiis. Verùm  
„quia idem Canonicus patitur in Ordinibus & ætate defectum, nos attendentes  
„... vestris supplicationibus inclinati, ut ipsum eligere in Præpositum possitis...  
„plenam concedimus auctoritate præsentium potestatem. Datum Viterbii Idibus  
„Januarii Pontificatus nostri anno primo (1276.)”. Hanc dignitatem ætate  
provehctus, in æquivocum fratrem, postea Aurelianensem Episcopum, transmi-

guida, dum his foveantur sine morâ sanitatem recuperant; nec solùm usibus hominum, sed etiam avaritiæ subservire videtur & luxui, dum diversi generis metalla subministrat. Et quidem in Comitatu Ferretensi, in loco *Planchier* nuncupato, argentum; in Valle-Galileæ & ibidem in Valle-Labro (a) haud procul ab Echerio, non solùm argentum, verùm, & æs, & plumbum; apud Grandefontem, ferrum; apud Valderphingam, quod oppidum in vasto regno situm est ad ripam Saræ, colorem illum cæruleum & pretiosissimum, *Assiurum* vulgò vocant.

fit, ad nuptiarum vota involans, ex quibus Jacobum suscepit Dominum Plomberiarum, Bremonis-Curiæ, & Eginonis-Vallis, nuptum Isabellæ de Puligny. Hi anno 1317. Dominium Eginonis-Vallis & Calvimontis vendiderunt Mathæo à Lotharingiâ, nepoti, toparchæ de *Teintru*, de *Passavant* & de *Flornes* improli mortuo, nupto licet Mathildi de Bethuniâ.

- (b) *In Valle-Labro haud procul ab Acherio.* Vallis-Labri, sive Vallis-Leporum, gallicè *Val de Liepures*, unâ penè ab Oppido Stæ. Mariæ in Fodinis, gallicè *Stæ. Marie aux-Mines*, tribus à Scelestadio horis distans, nomen suum protensæ valli indidit. Prioratus filialis Abbatiz Sti. Dionisii in Franciâ à Fulrado Abbate S. Dionisii illic fundatus est, ex concessione Stephani Papæ, circa annum 757. Extant in regio Lotharingiæ scrinio diplomata Caroli Magni, anni 801; alterum Lotharii Imperatoris anni 855. Tertium Lotharii junioris, anni 866, in gratiam Prioratus constituti in *Valle-Lebrath*, sic dictâ à præterfluente Amne *Leberâ*, nunc mutato nomine *Liepure* nuncupato. Theodoricus Lotharingiæ Dux quondam Cellæ Leporensis infestus, restitutionem vovit, & hoc sequenti diplomate executus est. „Ecclesiæ Christi fidelibus tam futuris quàm præsentibus gratia, & pax & communicatio S. Spiritûs. Quanquam terrenæ potestatis principibus regni ad hoc concedi credatur sublimitas, quatenus hominum tuta suffragiis, nihil adversi patiatur Ecclesiastica facultas. Tyrannicæ tamen cupiditatis, tanta exarlit violentia, ut ab ipsis quoque defensoribus, mira & intolerabilis, irrogetur sævitia. Præposterè siquidem homines, toto conamine studentes obesse, quibus ne deviant à veritatis proposito, debuerant prodesse; Infœlicis itaque hominis obstinata cœcitas, creatoris perfectæ quens domicilium, unde meritum adipisci præmia poterant, incurrit æternæ damnationis supplicium. Ego igitur Theodoricus Lotharingorum Dux & Marchio, divinæ ultionis metuens sententiam, Deo & Sanctis ejus condignæ satisfactionis propono efficaciam. Decimam namque de S. Mariâ & de S. Blasio, dicam seu collectam & forum quod est in Valle-Leporis, imprimis à Patre meo, postmodum à me quoque hæcenus injustè pervasum, nunc autem feliciori usus consilio, S. Dionisio, & Abbati ejus Ivoni, nec non Præposito qui vocatur Mapasses, restituo perenniter habendum, ac ne quis ulterius nostræ occasionis exemplo, auferre præsumat, legali stipulatione manere dispono inconcussum, hujus etiam cartæ trado munitionem, ad defendendam infra signatorum testimonio veritatis, intentionem. Pibo Tullen. Episcopus, Theodoricus Viridun. Episc., Comes Rembaldus, Comes Hugo, Comes Quascello, Gerardus, Valterus, Drogo, Adelardus, Richerus, Eglaisus, Hommoncio, Vultoldus, Eglaisus S. Deodati Præpositus, Fulcherus presbiter, Stephanus presbiter. Anno ab incarnatione Domini 1078. Epactâ 1. indict. 4. Actum est autem hoc apud Sandeodatum, regnante Rege Henrico; Hildebrando Romanæ Sedis Apostolico.

Appensum est autographo sigillum exhibens hominem cataphractum, & ad limbos hæc legitur inscriptio. *Theodoric. D. G. Lotharingorum Dux.* Asservatur in Cartophylaciò S. Georgii Nanciani, cui prioratus ille unitus est.

*Quod Beatus Maternus, Belgarum Apostolus, Alfatas primò  
conversit, & de situ terræ & montium.*

## CAPUT II.

**E**T quanquam inter juga, saxis arcuum instar erectis, ardua conspicuaque, profundissimæ pateant valles, abietibus, sapinis, & fagis ita confitæ & densæ, ita ut etiam audacissimo horrorem incutiant; tamen utrumque latus habitabile est, orientale ob naturam soli vitium feracis, occidentale quod pascuis abundet: tam & si non . . . . inficias, non fuisse æquè habitata ut nunc sunt, quod faciliè colligitur ex cœnobii quæ multa restant passim ædificata ab eremicolis, qui solitudinis gratiâ huc confluerunt, quorum antesignanus & princeps fuit Maternus ille, Belgarum Apostolus, (\*) qui in eâ parte quæ Alfatiâ respicit, Novietum vulgò Eberwinster eo tempore occupavit, quo prædicatione, & miraculis Alfatas initiabat Christo, nimirum circiter annum humanæ salutis sexagesimum quartum.

*De Sancto Columbano & Vergavillâ, ubi reliquie Sancti Eustasii  
venerantur, & Romarico Sancto edificatore.*

## CAPUT III.

**L**ongo tempore post Columbanus Vir doctrinâ, & pietate insignis, genere scotus, Luxoviensè Cœnobium in ejusdem montis parte quæ Burgundiæ Comitatu adjacet, construxit, cujus doctrinâ & vigilantia Eustasius pietate insignis, & Deicolus, Lurensis Cœnobii primus erectôr, suave Domini jugum susceperunt. Eustasii reliquie hoc tempore apud Vergavillam vasti Regni pagum repositæ (b) circum-adjacentibus populis magno sunt solatio. Nam ibi ejus

(a) *Maternus ille Belgarum Apostolus . . . miraculis Alfatas initiabit Christo circiter annum . . . sexagesimum quartum.* Popularem errorem de missione apostolicâ B. Materni Trevirensium, Congrorum, & Colonienfium Episcopi, sequutus est Herculanus; venialem culpam, communis effecit fides, nec dum præjudiciis expedita: at mirum quòd Trevirensis historiæ Patres, sagacioris ingenii, & ætate puratâ scribes, eandem fabellam exambierint, ut antiquitati Ecclesiæ suæ patrocinarentur, quam Apostolicis temporibus voluerunt esse cœqualem: certè Maternum ex monumentis ecclesiasticis non novimus, ante annum 314, dum Conciliis Romæ, & Arelati convocatis in causâ Donatistarum & Cæciliani interfuit iudex. Quidquid ultrâ hanc epocham evehitur, gratis fingitur.

(b) *Eustasii reliquie hoc tempore apud Vergavillam vasti regni pagum repositæ.* Vergavilla, gallicè *Vergaville*, Abbatia Monialium Ordinis Sti. Benedicti in Lotharingiâ, haud procul ab oppido Decempagi, sive *Dieuze*, salariis aquis percelebri, fundatur à Sigerico Comite Salinensi & ejus uxore Berthâ in Diececi Metensi, anno 986. Theodoro 1. tum Episcopante. Abbatissas nobilitate conspicuas ad nostra usque tempora habuit; Sanctimoniales, non ita pridem, admittere eas tantùm solebat, quæ essent equestris ordinis. Ast ubi Deodata de Ligniville regimen adiit, & invexit reformationem, natalium splendorem noluit ampliùs inter conditiones voventium desiderari, jam jamque ab anno 1636, promiscuè plebeias & nobiles ad habitum & professionem recipiunt.

In vasto regno. positam esse Vergavillam, ait Herculanus, ad Austrasiæ regnum attendens, cujus primaria olim urbs erat Mediatrix.

meritis ingens dæmoniacorum turba in dies sanatur. Columbano Contemporanei fuerunt Sanctus Amatus, Patricii romani filius, etiam apud Luxovium professus monachum. Sanctus Romaricus quondam Dux, cujus corpus in æde Beato Petro dicata apud Romaricum-Montem locatur. Sanctus Arnulphus ex Mediomatricum Episcopo factus anachoreta, & Sanctus Adelphius Romarici nepos qui omnes habitaverunt apud Romaricum-Montem, in jugo ad Mosellam, quod olim vocabatur Rhombach nunc autem Sanctorum-Mons.



*De Sancto Gundelberto, Ecclesie Senoniensis Fundatore; item  
de Abbacia Stivagiensis narratione.*

#### CAPUT IV.

**P**RÆTEREÀ & Gundelbertus Senonensium apud Sequanos Archiepiscopus, (a) relicto Archiepiscopatu, relictis honoribus, & dignitate, hac quoque vivendi ratione delectatus, ad vallem excelsis circumvallatam jugis, quæ citra Murtam, orientem respicit, anno restitutæ salutis sexcentesimo vigesimo (b) pervenit, quam à Rege in Austrasiæ tunc temporis regnante impetratam, civi-

tatis

(a) *Gundelbertus Senonensium apud Sequanos Archiepiscopus.* De Episcopatu Sti. Gundelberti apud Senonensium Sequanorum tabulas nihil invenies, nec illi locum dedere in Archiepiscoporum serie, fratres San-Maritani. Monumenta sexti sæculi & sequioris ætatis episcopalem illi insulam non imposuere. Richerius Senoniensis Abbatiz monachus & historiæ parens, & Hugo Altissiodorensis itidem monachus, primi Senoniense Archiepiscopatu fundatorem Senoniarum monasterii, decorarunt. Præceptum Childerici Regis filii Clodovei junioris anno 661. editum pro monasterio Senoniensi, Gundelbertum, *Episcopum sive Abbatem* appellat, cujus verò sedis exiit Episcopus, non explicat. Dubium evolvit Richerius, antiquitatis taciturnæ, liberior interpret, sed modestior Mabillonius. l. XV. annal. p. 462. rem in bivio reliquit, & Hugonem monachum Antissiodori, assertorem Episcopatus Gundelberti damnat de inversa serie Archipræfulum Senonensium, ut suo Gundelberto locum faceret, in eamque proclivis esse videtur Mabillonius sententiam, ut magis in Chorepiscoporum, quàm Episcoporum Senonensium albo reponatur Gundelbertus.

(b) *Anno salutis sexcentesimo vigesimo, pervenit Gundelbertus.* Malè exordia Abbatiz Senoniensis, & adventum Gundelberti assignat Herculanius. Neque enim anno 620, sed 660. Vosagi petiit montes, nec ante annum 661. monasterii fundamenta locavit. Cum enim ex concessione Childerici 2. Regis, litum & prædia ad constructionem Abbatiz obtinuerit, anno tantum 661, non potuit antè ædificiis admoveere manum & discipulos adunare. Prætereà, Gundelbertus Sto. Deodato cœqualis fuit, & vix Senoniensis Cœnobii prima surrexerat mœnia, dum Deodatus juncturæ monasterium condidit, at non nisi anno 669, huic operi se accinxit, impetrato priùs Childerici 2. diplomate. Demum quis necessitudines intercessisse somniaret inter utrumque sanctum, siquæ reverà intercessisse, easque diuturnas protestantur historici, si adventum Deodati, adventu Gundelberti posteriorem supponamus quadraginta sex annis; prorsus ante abdicationem Episcopatus, provectæ, & ad minùs quadragenariæ ætatis erat Gundelbertus, quibus si junxeris annos quadraginta sex, in Senoniensi eremo jam exactos, ante Deodati ad partes Vosagi accessum, octoginta sex efficient, & consumptum annis & laboriosâ penitentia Gundelbertum supponunt.

tatis in quâ Archipræfulem egerat memor, Senonias vocavit, ibi oratoria, & cellas fibi, & fratribus ædificavit. Nam ad eum confluebant viri fanctioris vitæ cupidi, quos collectos secundum Divi Columbanî institutum vivere edocuit. Porro antequam Gundelbertus ad Senonias se contulisset, fanum ædificatum erat ad occidentalem Murtæ ripam in vastâ, & horridâ solitudine. Eum locum ut fertur monachi Columbanæ Familiæ, deinde Vestales, tum sæculares Canonici, postremò Ordinis Præmonstratensis Regulares Canonici incoluerunt, hodieque incolunt, & Stivagium vocatur. (a) Quo tempore vel à quibus fuerit

Yy

(a) Porro antequam Gundelbertus Senonias se contulisset, fanum ædificatum erat... & Stivagium vocatur. Stivagium, gallicè *Estruat*, *Estruat* & *Struat* dictum, ultrâ Murtham, ad orientem, in monticulo consistens, fluviolo desuper alluente irriguum, cui imminet ad septentrionem mons constitus abietibus, ad meridiem agros latè fustis habet, quos nemorosa montium juga in semicirculi modum cingunt. Antiquissimum totius Vosagi Monasterium est Stivagium, autorem, nulla sinceræ antiquitatis monumenta exhibent, nequidem ipsa Stivagii scrinia, quæ supra nonum sæculum, nihil offerunt. Scriptor nec dum editus Vitæ Episcoporum Tullenium, cui Mahilonius plus æquo hdem dedit, integrum Bodoni honorem foundationis detulit, quo titulo, quâ authoritate, suppar anonimus scriptor id evulgarit, haud scio? scio tamen nœniis & anachronismis scatere opus anonimi, fidem quoad reliqua elevantibus. Scio ad Apostolorum tempora revexisse originem Episcopatus Tullenis, & alias intrusisse posteriorum temporum fabellas Adde quod duodecim Canonicos aggregatos fuisse à Bodone in Stivagiensi Cœnobio narrat, quod efficere non potuit, nisi ante ademptionem Episcopatus initam anno 664. Si enim seriùs rem gestam supponamus, actum est de prioritate originis Stivagii, assertæ ab omnibus: at quis suspicabitur Bodonem antehac Monachum in Cœnobio Laudunensi, Canonicis addixisse conditum à se monasterium, qui Bodonis-monasterium, vulgò *Benmuetter*, in asceterium Monacharum crexerat.

Successionem variorum Ordinum in Stivagio per Herculanium & Richerium inductam, nulla testantur antiquiorum temporum vestigia. Si Canonicos Regulares exceperis in Ottonis 1. diplomate recensitos, quibus ex textu Bullæ Lucii 3. Præmonstratenses subrogati sunt 1146. Si Monachos præcessisse quis dicat, illos Columbanos non Benedictinos fuisse, suadet regula Lexovii tum florens, & per Australiam propagata. Nono sæculo labente, Richardis Caroli Crassi conjux Stivagium in dotem & possessionem obtinuit. Quales tunc temporis fuerint ascetæ non explicat Imperatricis diploma, quos sub ambiguis, *Servientium Domino* vocibus exprimit, clarius postmodum expressos in Ottonis primi præcepto anni 965, dum Canonicos appellat, *sub regulâ B. Augustini, Deo deservientes*.

In Præposituram decussata tunc erat illustris pridem Abbacia. Honorem & Bonam ejus, Richardis ex parte supprefferat, ut Eleonis Abbatiæ, sive Andelacum, apud Alsatas Parthenium, dotaret fundatrix. Detruncatis enim & avulsis à Stivagio prædiis & præminentis, Regalia jura in Tractum Stivagiensem Abbatiæ transtulit, quæ posteriorum sæculorum æquiores Prælatæ restituerunt, sub approbatione Frederici 1. Imperatoris. Jurisdictionem temporalem ex Principum beneplacito exercent Stivagienses Prælati, in villas quindecim, & gradualis ordine lites à Præfecto, quem Galli *Marre* nuncupant, disimptæ, ad Judicem Cameræ Abbatialis, vulgò *Juge du Buffet de l'Abbé*, provocantur per appellationem, & inde ad Senatû supremum Lotharingæ devoluuntur. Spiritualis jurisdictione in pagos septemdecim diffusa viget integra. Tribunal habet à sæculis Abbas, Ecclesiasticum. In gravioribus & contentiosis rebus plenâ gaudet potestate, soli Summo Pontifici subjectâ, & ab eodem tantum reformabili.

erectum non liquet. Gundelbertus autem post multos & varios sui incolatus labores, quos assumpsit, dum cellas diversis in locis construeret, ad vitam nullis turbatam molestiis vocatur, sed quo anno tum ætatis, tum reliqui Episcopii, parum constat.

~~~~~

*Deodatus Romonum venit cum suis, ubi miraculum fecit.*

## CAPUT V.

Ceterum & Deodatus ex generosa Francorum Occidentalium Familiâ ortus, <sup>(a)</sup> Nivernensem Episcopatum in Arvernâ, quem doctrinâ singulari, & mortui pietate meruerat, ad hanc quoque commigraturus Eremum, reliquit, quò pietati quam à teneris imbiberat, satisfacere, unâ & Deo optimo maximo purius inservire posset. Igitur anno à partu virgineo, sexcentesimo vigesimo nono, octavo autem Dagoberti, qui in Franciâ mortuo patre Clotario secundo, regnavit quatuordecim annis, ipse assumptis Vuilgodo & Donniolo itineris Comitibus, cum magnâ alacritate patriam relinquens iter aggressus est ad Vosagi solitudinem. Eo autem tempore quo Gerbaldus apud leucas Episcopum agebat, venerunt ad plana adjacentia Vosago, atque in viculo qui Romonum dicitur pedem sistunt, <sup>(b)</sup> paululum se recreantes. Itineris enim labor ac molestia eos aliquantulum moestos, ac fessos reddiderat. Et ecce se se obrulit occasio quæ declararet, viros sanctos, charitatis opera proximis sedulò exhibere. Viculi Dominus Asclas domum ædificabat, & trabs modò tortitudine, modò brevitate fabris lignariis non parvum negotium facesserat, quod postquam Deodatus rescivit ex puero, fabrorum supellecilem, interim dum ipsi pranderent, custodiebat, supremo numine invocato trabem retortam addidit aptavit, ac se mox itineri accinxit. Asclas autem re cognitâ abeuntem revo-

- (a) *Deodatus ex generosa Francorum occidentalium familiâ ortus . . . anno à partu Virgineo 629, octavo autem Dagoberti, qui in Franciâ, mortuo Patre Clotario 2. regnavit, . . . iter aggressus est ad Vosagi solitudines.* Author noster in hac narratione dupliciter peccat. Stî. Deodati, cujus Pontificatum Nivernensem, magis traditione auctore, quàm Ecclesiasticis monumentis evincimus, asserit adventum in Vosagi solitudines anno 629, quem ante annum 660. ponere non debuit. Licet enim lustrasse Vosagi secessus constet, & inde ad Alfatas migraverit, steteritque illic aliquantulum, regressurus postea ad Galileæ Vallem, iter istud paucis confecit annis, nec longiores protexit moras, primæ solitudinis amore captus, quam repetiit, sedem ibi fixurus permanfuram. At quia locus ille de fisco erat Regio, proprietatem ejus à Childerico 2. impetravit, Jurisdictionem verò spiritualement à Numeriano Archiepiscopo Trevirensi circa annum 664. accepit. Non Geribaldus tum præerat Leucorum Ecclesiæ, sed Eborinus.

Errat quoque Herculanus, dum annum 629 in actum Dagoberti incidisse refert. Quippe Dagobertus subiit regni fasces anno 628, & mortem oppetiit, juxta Henschenii computum, anno 638.

- (b) *In viculo, qui Romonum dicitur pedem sistunt.* Romonum, gallicè *Romon*, villa ab oppido Rambervillaris unâ horâ distans, Prioratu Ordinis S. Benedicti nobilitata, fortè ex occasione patrati ibidem à Sto. Deodato miraculi, quamvis ex Bezuana Abbatiâ nunc pendeat Prioratus, ubi asservabatur Corpus S. Villigodi comitis peregrinationum S. Deodati, & quantum conjicere fas est, primi incolæ Prioratus vel Cellæ quam Deodatus ad petriionem Asclæ illic erexit.



cans diligenter sciscitatus quis esset, & peregrinationis causas. Perspectâ viri sanctitate, hunc apud se retinere studuit, sed cum Deodatus votis illius obsequi recusaret, liberalis Asclas in miraculi memoriam, eidem quinque argentifidos annuatim persolvendos super fundum suum assignavit. Ipse verò Deodatus ad Argentillam vulgò Arantellam cum suis progressus, (a) quietis cupidus, in saltu conquisitis expensis modici tugurioli, fundamenta jaciebat, cum incolarum injuriis offensus (militari enim libertate quidvis audebant) per omnia avia, & montes nemorosos, foelicem & fertilitate beatam petiit Alsatiam.



*De peregrinatione Beati Deodati ad diversos Eremicolas in diversis locis  
exsistentes, item de Sanctis Hunone & Huna ejus amicis  
apud quos multa egit stupore digna.*

## CAPUT VI.

Pervenit autem ad Eremicolas commorantes non longè ab Oppido Hagnovia, locus Silva Sta. vocatur, (b) germanicè autem *Hellenald*, ex quo iterum invidorum contumeliis propulsus, ad Novietenses Eremicolas se contulit (c) qui sub Clodoveo Rege Francorum primo Christiano Novietensis fani quondam à Beato Materno Belgarum Apostolo instructi, explosis ibidem Idolis Mercurii, & Dianæ ex ruinis iterum excitaverant circiter annum Domini quingentesimum. Ibi replantatam sub Clodoveo Rege christianam religionem salutaris sapientiæ aqua irrigans, cujus sanctitate & doctrinâ per Alsatiam divulgatis, ne dum rudis plebecula, verùm & primores hujus regionis, cibo vitæ & intellectûs cibari cupientes, Novietum advolant; inter quos & Atticus tunc Germaniæ & Alsatiae Dux Stæ. Othiliæ Parens, cujus ditioni Novietum suberat, una cum conjuge suâ, verbum Dei auditurus, Novietum ire sapius frequentabat. Nobilis item Huna Attici cognata, cum Hunone thori consorte, Domini verbi semen in fertilem pectoris sui agrum Deodato ferente exceperunt. Hujus nempè mellisluo Domini verbi præconio pectus

(a) *Deodatus ad Argentillam, vulgò Arantellam progressus.* Vicus ille omnino nunc deletus est; ad cognominis rivuli ripas situs, qui rivulus infra oppidum Bruyeriæ, gallicè *Bruyeres*, originem habens, vicus Granvillaris, Petræ pontis, & Stagni alluens in Villam Stæ. Helenæ, haud procul ab Abbatia Alteriaci, vulgò *Autrey* illabitur, & in Mortaniam, *la Mortagne*, se exonerat Rembervillare paulò infra festino cursu intrantem.

(b) *Pervenit autem ad Eremicolas commorantes non longè ab oppido Hagnovia, locus, Sylva Sancta vocatur.* Locus ille ad ultimos Alsatiae fines exsistens, hodie *Heiligenvaldt* dicitur apud Germanos.

(c) *Ad Novietenses Eremicolas se contulit, qui sub Clodoveo Rege Francorum primo Christiano, Novietensis fani à B. Materno quondam instructi &c.* En tibi juxta Herculanum prima Novietensis Monasterii incunabula. Antiquitatem B. Materno cœvam, hoc est Apostolicis temporibus æqualem invehit. Quâ fide, penès authorem sit fides. Ætate S. Deodati confluisse illuc Eremicolas, palmam est; sed in Monasterium non adolevit solitudo, nisi ex munificentia Ducis Attici, patris Stæ. Odiliæ. Est porro Monasterium illud in Alsatia ad Illam fluvium, binis penè infra Scheffstadium leucis positum, vulgò Aprimonasterium, germanicè *Ebersheim-Munster* appellatum, ex quo S. Arbogastus evocatus est ad Episcopatum Argentinensem.

Hunæ jampridem à teneris annis virtutum rore imbutum, adeò inflammatur, & continuè Deodati appetentis, Huna quò illum crebriùs viferet, eundem sollicitarit: cujus sanctæ postulationi vir Dei obsequitur sapiùs ex Novieto cui præerat; ab Huni-villari duobus lapidibus distante (a) Hunam adire solebat, quem tam gratum hospitem nullo non hospitalitatis officio devotissima Huna excipiens, nunc velut anxia Martha, cibo, potu-ve refovet, nunc in Magdalenæ morè ab ore prædicantis contemplando pendet. Quocircà divini amoris fervore in dies reddita cumulatio, opera misericordiæ sedulò pauperibus exhibebat. Et quanquam aquarum inopià fonticulum longè à domo suâ distantem, pauperum sordes lotura quotidie sèrmè adiens, ut mente capta, plebi suæ ludibrio haberetur, nunquam tamen à charitatis officio fuit averfa. Cui Deodatus compatiens, ut proximè domum aquas haberet, intruso baculo vicinioris colliculi faxo, divinà opitulante gratiâ, vivas & uberinnè scaturientes aquas mox elicit, quibus nedum beata Huna dum viveret, usâ, verùm & variis ægritudinibus affecti, eisdem se proluentes, interventu ejusdem matronæ salutem experiuntur. Sed cum hæc scriberemus, anno post salutiferam mortalium reparationem 1540. Lutheranae factionis perniciēs, animos & plebiculæ, & Magistratum quorundam Germaniæ & Principum ita invaserat, ut negligenti verâ religione, calcatis S. S. reliquiis, quorum mors pretiosa est in conspectu Domini, loca ubi eduntur miracula per Sanctorum intercessionem non solum prophanare, sed & destruere, temerè, & crudeliter ipsi religionis Christianæ desertores ausi sunt, undè factum est, ut veluti bello cælitibus indicto, crudelitatem quam exercere non poterant in eos, quos egregia probitas in coelum transvexit, in eorum statuas, simulacra, reliquias, & memorias mote belluino transtulerint. Quare obstruserunt, & obsignarunt hunc fonticulum, de quo nobis est sermo, Dominicæ pietati, majestati & potentiae per quam miracula eduntur, obstinatâ malitiâ veluti resistentes, & beatæ Hunæ reliquias quas antè annos viginti, Leo decimus Pontifex, precibus Uldarici à Wirtemberg motus, jusserat è sepulchro transferri; quæ quidem translatio facta est in magnâ Cleri & populi utriusque sexus præsentia decimo sexto Calendis Maji. Ipsi præposterè Evangelici, ex adiculâ Hunni-Villaris sublatas, calcatas, & spretas nescio quò projecerunt. Sæviant autem quantum velint, atque ut sunt improbi, improbè in Sanctos agant, & sæviant, tamen suâ improbitate non efficient, ut is mentiatur qui dixit, memoria iusti cum laudibus.

•••••

*Quomodo Beatus Deodatus ad Arbogastum Episcopum, & ad Florentium Argentinensem, & ad vicum Wilræ venerit.*

## CAPUT VII.

Cæterùm ut ad inceptum redeamus à quo Lutheranae Sectæ innovationis perversitas nos abduxit, cum bonus odor probæ vitæ Deodati undique sparge-

(a) Ex Novieto . . . ab Huni-villari duobus lapidibus distante &c. Sanctus Deodatus accurrentium populorum multitudine fessus, Novietum deseruit, & in vico, qui *Wilra* dicitur, duobus supra Colmariam lapidibus, non longè ab Almarici villa, secus montis radices, sectum sibi fecit, in quo ab Hunnâ Nobili Comitissâ invisitur, vitæ Christianæ regulas à tanto magistro exceptura. Villa Hunni-villaris, Comitissæ sedes, *Hunneveiler* germanicè, gallicè *Honni-ville* dicitur, à suo conditore Hunno habens ethymon. Distat ab oppido *Marrivilla* & à *Wilra* duabus leucis.

spargeretur, fragrantia ad Arbogastum (a) Ecclesiæ Argentinenſis Episcopum pervenit, quare motus S. Antistes Deodati familiaritatem & necessitudinem percupidè amplexus est, ac magni fecit. S. quoque Florentius Arbogasti successor, Deodato familiariter usus est. Boni namque ad bonorum convivium, etiam non vocati, juxta parcemiam accedunt. Hic è Scotiâ egressus, in loco qui dicitur *Hafelach* / in introitu *Bruckæ-Vallis*, anachorita vixit, antequam ad Episcopatum vocaretur: ubi hoc tempore corpusculum ejus conditorio exceptum veneratur. Cernens autem Deodatus tumultum sæculi quem in Episcopatu reliquerat, se denuò incurrisse, relicto Novieto, locum à tumultu remotiorem petiit. Fuit eo tempore viculus inter (b) *Almarici-villam*, & *Hungaris-villam*, Vuilra nuncupatus, apud quem sors etiam hoc tempore perspicuus, & potu salubris est. Ibi erecto sibi habitaculo consedit. Sed Sanctitatis osor Diabolus repentino furore adversus Sanctum Virum quasi alienarum rerum pervasorem (nam fideles & pī, Viro Dei aliquid de prædiis propriis conferebant ad victus supplementum) eò usque instabile vulgus concitavit, ut hunc dirè & inhumaniter expulerint. Sux autem inhumanitatis præmium tulerunt, Deo Sanctum suum vindicante, nam ab eo tempore, quotquot in *Wilrâ* nati sunt infantes, strumulos in gutture habuerunt, quæ res destructionis *Wilræ* causa fuit, ut reor.



*Hic Deodatus ad Hunonem se per tempus recipit, & filium eorum à baptismo levavit.*

## CAPUT VIII.

Deodatus igitur, ingratos inhumanosque relinquens ad Hunonem & Hunam sibi familiares & amicos, in Hunavillare appulit, quo in loco perhumaniter acceptus aliquot egit annos. Interim Huno ex conjuge suo uterum ferens, filium peperit, quem Deodatus ad parentum instantiam, ex salutaris lavacri undis levans, suo quoque nomine Deodatum appellavit: quem nonnulli adulciorem factum, Monasticæ vitæ in Novieto operam dedisse, nihilque à maternâ sanctitate degenerantem, foelici fato ibidem fundum ferunt. Porro Deodatus perpendens se non reliquisse, tum patriam,

Zz

(a) *Ad Arbogastum Ecclesiæ Argentinenſis Episcopum pervenit.* Arbogastus & Florentius Scotiâ oriundi, ut fama fert, in Alfatæ agrum se receperunt, monasticen profitentes in Novieto Cellulis. Ad Episcopatum Argentinenſem successivè sublimati sunt, Arbogastus, juxta Guillimanum, anno 641. Florentius autem anno 668. defuncto sodali succedens est ex *Hazelacensi* (*Hafelach*) monasterio assumptus, cui originem dederat, Dagoberto Rege fundum suppeditante & locum, ubi *Hafela* fluviolus, *Bruckæ* inabitur, multà tum *Silvâ* circumseptum. Jam pridem ad Sæculares Canonicos defectit *Hazelacum*, sus nihilominus fundatoris corpore ornatum, quod à Rhecone Episcopo divinitus admonito, translatus est ex Ecclesiâ D. Thomæ Argentinenſis, octavo sæculo desinente.

(b) *Viculus inter Almarici-villam, & Hungaris-villam.* Almarici-villa, *Mariville* à Gallis, ab Alfatibus dicitur *Amersdorf*. Hungaris-villa, *Singersheim* / oppidula superioris Alfatæ in agro Colmarienſi.

tum Episcopatum, nisi eâ re, ut à curis mundi avocatus, soli Deo vacaret, (a) clanculùm Alfatiâ discedens, in Voségi montana, nemine concio, secessit. Et quanquam abstinentiâ & ætate, corpore fatigato esset, tamen per juga montium scopulosa, per squalidorum montium concava, tandem infracto animo fuit, donec in vallem spatiosam (b) quam postea Galilæam vocavit, anno restitutæ salutis sexcentesimo sexagesimo nono, qui fuit Regni Childerici, perveniret. Hæc vallis ante Deodati adventum nullo nomine erat insignita, utpotè quæ deserta esset, quanquam multum amoenitatis habeat, tum ex eo quod irrigatur Murthâ piscoso, tum quod undique cingitur montibus, & nemoribus, & nec usque adeò infertilibus. Nam ad orientalem plagam, Vimontem, seu ut alii volunt, Auremontem (*Ormont*) habet, & montium juga quibus separatur Lotharingia ab Alfatiâ; ad septentrionem Aufontem. Liberior autem planities fertilissimis collibus inæqualis apud Austrum diffunditur, cui ab occidente imminet Clarus mons (*Claimont*) & Quemberg (*Kamberg*) (c) in cujus sinu quem Murthâ alluit, cum Vir Dei omnia lustrasset, amoenissimum fontem, & speluncam frondibus contextam reperit, ad quam accedens, herbis & radicibus, Sanctorum Anachoritarum exemplo, ad aliquot dies vixit.

~~~~~

*Beata Huna, per vocem coelitus edocta, mittit ad Sanctum Deodatum  
necessariis egentem, annonam.*

## CAPUT IX.

Interèa Dominus, nunquam justum derelinquens, religiosam Hunam de Doctoris salute, & incolumitate anxiam, voce coelitus lapsâ admonet, O Huna, inquit, cur Deodato tuo, panem dare negligis, cui quo loco inveniri possit se ignorare respondens: (d) Impone, inquit, asino, annonam liberumque abire sinas, gressus namque illius dirigentur. Huna his mandatis obtemperans, asinum alimentis oneratum, itineri præparat, adjuncto Agasone, qui tantùm locum quo asinus divertat, observet. Nullo igitur humano ductu asinus Hunivillare exiens, per deserta & inculta Voségi montana, retè tamdiù gradiebatur, donec in eam vallem in quâ famelicus Deodatus morabatur, tandem perveniret. Deodatus actis Deo gratiis, de cujus bonitate ista provenerant, asinum comætu exoneratum, cum famulo domum

(a) *Clanculùm Alfatiâ discedens*, &c. Inter concava montis, qui nunc *Bonur homo*, germanicè *Dietels-Haus* vocatur, iter arripuit, ibique per aliquot dies subsistisse ferunt, unde & à Sancti Viri mansione nomen obtinuit mons ille.

(b) *In vallem spatiosam, quam postea Galilæam vocavit*. Vallis ista, septem in longitudine, quinque in latitudine suâ leucas habens, nomen Galilææ sortita est, ex recepto tunc temporis usu, qui stationem ultimam consueverat appellare Galilæam. Fallitur Herculæus, adventum B. Deodati in Vallem Galilææ assignans sub annum 669.regnante Childerico. Childerici supremus annus 667. fuit, & Numeriani diploma seriùs dari non potuit anno 665, cum Gislaoldus Virdunensis Antistes, anno eodem satis functus, Numeriani cathæ subscripserit.

(c) Aliàs Mons Sancti Martini ex condito illic oratorio nuncupatus.

(d) *Impone asino annonam*. Hujus miraculi historiam litteris mandatam, lapideis sculpturis in Ecclesiæ Sandeodatenfis frontispicio expresserunt super Canonicis, dum veteri protyro, novum idque elegantius addiderunt.

remittebat, quem postea nemine comitante singulis septimanis annonâ onustum ab Hunâ, in Sancti Eremitæ sustentationem transmissum fuisse, atque illud rediisse constans asseverat fama. Verum à lupo inediâ laborante, eodem asino post aliquot menses devorato, Huna raptori imperat, ut vice necari asini defungens, Deodato victum apportet, quod munus animal rapax more jumenti mansuetissimè multos dies executum est. Sic Viro Dei reperto, non solum Hunâ, sed & aliquot religiosi viri, necessaria ad vitam tuendam ministrarunt.



*Qualiter Rex Childericus Vallem-Galileam Beato Deodato donavit,  
in quâ divinitus Ecclesias Beate Mariæ Virginis &  
Beati Mauritiî edificavit.*

## CAPUT X.

CUM autem sanctitatis ejus fama ad hujus regionis homines pervenisset, commigrarunt ad sanctum virum & pietatis studiosi quod ejus vitæ imitatores fierent, & opulenti, & magnates quoque prædia & expensas ad Cœnobii ædificationem conferentes. Præterea & Childericus Rex Vallem-Galileam ab exortu annuum cum rigantium, usque ad, ipsorum ab eâ exitum, Deodato, successoribusque donavit, quod inibi commodius cellas fratribus erigeret. His rebus fretus, oratorium Beato Martino Turonum Antistiti dicandum, & cellulas sibi & fratribus erigebat. Cum unus ex discipulis præfectus fabris lignariis, materiam in Urimonte parantibus ad ædificium, singulis noctibus ad cellam redire solitus, aliquando fessus in colliculo quem postea *Juncturas* vocaverunt, quoniam Murthâ & Robachus ad illius radices junguntur, pernoctavit. Ibi dormiens, per oraculum admonetur de erigendâ ibidem æde in honorem Dei-Paræ. Die etiam noctem sequente ad Deodatum rem defert, locum erecto lapide signavit; nec mora absoluto Beati Martini oratorio, Virgini Dei-paræ ædem ponunt in quâ etiam hoc tempore sex Vicarii sacris operantur. Ad hanc versus austrum non longius decem aut duodecim passibus Beato Mauritiô, & sociis similiter ædem ponunt, sed formâ paulò augustiore, nunc ornatur tum Beati Patris Deodati reliquiis, tum collegio viginti septem Canonicorum Sæcularium. Has, cellulis fratrum ac discipulorum destinatis cinxit, quæ cum multitudini non sufficerent (nam quotidie quàm plurimi Deo & sibi vivere cupientes consuebant) duodeviginti cellulas in Valle-Galileæ spatiosa, & habitationi non incommoda construi curavit, quæ nunc mutata in vicaria delubra, ob incolarum frequentiam (a) sollicitu-

(a) Sollicitudini Præpositi Ecclesiæ Sancti Deodati commiserunt. Episcopalem enim jurisdictionem in omnes Vallis-Galileæ Ecclesias exercet Præpositus Sti. Deodati, eamque potestatem à Numeriano Archiepiscopo Trevirensi imperasse Deodatum & successores ejus gloriantur, confirmatam postea à Sergio & Leone 9. Summis Pontificibus. Ne autem ex Numeriani concessione quis suspicetur Tractum Sandeodatensem in finibus Tullenis Dioceseos esse constitutum; opinatur cum Masenio Doctissimus Vir Riguetius, quondam hujus Ecclesiæ præsul & ornamentum, fuisse tunc temporis Trevirensium Metropolitam ad Belgas, Gallos, Alsatias diffusam. Unde non quia Tullensium Metropolis id juris indulgit Stô. Deodato, potius id præstitisse credas, quâ Argentinensis aut Balicensis Ecclesiarum Archipræsul, cum extremos utriusque Diocesis



repetens, & migrandum est ex hoc luteo habitaculo, quare horum te patrem relinquo. Tum levi febre correptus, (a) beatam animam multo cum fervore Deo reddidit XIII. Kalendarum Julii, annò autem à salute restitutà sexcentesimo octogesimo, & ab ingressu in hanc Vallem - Galileam (b) decimo. Hydulpheus autem & discipuli beata Sancti Patris membra, ad Sancti Mauriti àdem deferentes, Hymnos & Psalmos de Christianà traditione decantant. Deinde in tumulo saxeo locata, ante altare Sanctæ Crucis, quod nunc est parochiale, in humum recondunt. Sic vir decorus aspectu (procerà epim staturà fuit) moribus facillimis, alloquio affabilis & humanus, pietatis & religionis Christianæ studiosissimus cultor, suæ peregrinationis scopum attingit, nempe beatam immortalitatem in quâ vivere, miracula à morte illius edita certo comprobant. Nam variis affectû aggritudinibus, ad hujus mausoleum precibus patrocinia implorantes, præsentissimam senserunt opem, quorum catalogum, & seriem recensere, longum esset, & fortassis à nostro instituto alienum, qui tantùm antiquitates, non miracula scribere conamur. Unum autem ex multis adscribere non gravabit, quod multis exemplar esse poterit, ad libertatem paulò studiosius excolendam. In viculo Alsatiz, qui (c) Sigolsheim vocatur, erat vir quidam prædices, qui pietate motus, Deodato, dum in Alsatia degerat, prædium contulerat, unde ipse cum suis viveret. In eo prædio erat vinea suavissimi feracissima vini. Hic aliquantò post Deodati decessum, charitatis tam sanctæ ductus poenitentia, prædium prius elargitum, avaritiâ stimulante occupavit. Evenit autem ut convocatis aliquot amicis, celebrè convivium afferet, quod volens exhilarare, vinum ex eâ vineâ, utpotè excellens, iussit afferi. Sed mirum dictum famulus vinum asferre quidem non potuit, verùm muscarum examen, quæ dominum eò usque vexarunt, adduxit, ut ipse nil prius habuerit, quàm in se redire, & recisam donationem denuò sarcire, quod ubi factum est & se à diris muscarum redemit vexationibus, & suæ cupiditatis veniam invenit. Quod certè prodigium satis superque declarat maximas penas, cruciatibusque dirissimos Ecclesiasticorum prædiorum invasoribus parari, tametsi summa supremi Numinis bonitas, & clementia non statim puniat turpiter, & sceleratè admittit: sed & eodem anno quo noster Deodatus obdormivit, beata quoque Huna ex hac procellosi maris navigatione in portum salutis deducitur. Anima corporis ergastulo liberatà, hujus corpus in ædiculâ Hunneville sepelitur.

A a a

- (a) *Levi febre correptus Deodatus, beatam animam . . . Deo reddidit 13. Kal. Julij, anno . . . 680.* A veteribus historiis Sancti Deodati, discordat Herculanea, in quibus annum 679. ultimum vitæ assignant Biographi, diem decimum nonum Junii & indictionem septimam.
- (b) *Ab ingressu in hanc vallem decimo.* Si de primo ingressu loquitur Herculanus, errat. Si ab instituto Cœnobio computum facit, hallucinatur pariter. Siquidem anno 663. jam Cellas & Cœnobium erexerat Sanctus Deodatus, testante Numeriani diplomate. Si autem de ultimo ingressu sermo sit, post fundationem scilicet Apri-Monasterii, quam per seipsum ordinavit Deodatus, verum dixit Herculanus, siquidem exordia hujus Cœnobii anno 668. auspiciatus, consummavit anno sequenti.
- (c) *Sigolsheim / est oppidulum Alsatiz, uno quadrante ab oppido Rünghheim distans, semi-horà à Cæsaris-monte, vulgò Rünghersberg. Jus patronatus Ecclesiæ Parochialis, fundatæ in Alodio Strivagiensi, pendet ab eadem Abbatia, uti patet ex Carthâ Richardis Imperatricis anni 884. in quâ hæc leguntur, Ecclesiam de Sigolsheim, cum Alodio in quo sita est Ecclesia. Item ex diplomate Ottonis Imper. anno 973. Henrici 4. anno 1104. Ex Bullâ Innocentii 2. anno 1140.*



*Quòd Hydulpbus vlginti oçto annis rezerit Deodati, & de flatu Medianenſium in Canonicos verſo.*

## CAPUT XII.

POſt deceſſum autem Sancti Patris Deodati, Hydulpbus commendationis ſibi factæ memor, curam fratrum ad Juncſuras commorantium, ſuſcepit, atque vlginti oçto, quibus poſt obitum Deodati ſuperſuit annis, ſedulo ac diligenter, non ſolum hos in officio pietatis continuit, verum & trecentos quos apud Medianum-Monaſterium collegerat. Ex quibus memorande pietatis cultores extiterunt, hi tres videlicet, Spinulus, Joannes, & Benignus (a) in Cellâ Bergonis converſans, beatæ ſollicitatis præmia etiam ante Hydulpbum adeptus eſt Spinulus, cujus reliquiæ translatae ſunt ad Cellam Bellevalis, anno, à Chriſto naro, milleſimo centeſimo quarto. Joannes & Benignus uterini fratres, & uno editi partu, mirabile dictu, ac ſi una anima inſuſa eſſet in duo corpora, idem vivendi inſtitutum ſecuti ſunt, & altero mortuo, ne quidem unum diem alter ſupervivit. Quapropter uno & eodem die mortui, in unum tumulum conditi, nullam ſeparationem, neque in utero parentis, neque in vitâ, neque in morte, neque in ſepulchro, perpeſſi ſunt. Quamdiu autem Monachi rum Juncſurarum, tum Mediani-Monaſterii ſanctorum fundatorum Deodati & Hydulpbi veſtigia ſequentes, lectioni, parcimoniæ, pietati, & orationi ſtrenuè vacaverunt, ipſa innocentia eos reddebat charos Deo & hominibus. Verum poſtquam recedentes à veterè religionis diſciplinâ, otio & luxui indulgere coeperunt, & pro lectione ignaviam, pro parcimoniâ profuſionem, & luxum & crapulam & ebrietatem, pro pietate, neglectum Dei & religionis, pro oratione detractiorem, & murmur, & invidiam, pro innocentia, inexplebilem habendi cupiditatem amplexati ſunt, ipſi quotidie in deterius prolabentes; non ſolum iram Dei, ſed & ludibria hominum in ſe concitaverunt & odium. Quam ob rem circiter annum octuogefimum ſextum ſuprà centeſimum (b) à diſceſſu Hydulpbi, Dux Lotharingæ Gondebaldus perpendens Mediani

(a) *In Cellâ Begonis.* A Begone prædii donatore ſic denominata, nomen commutavit in vicum Sti. Blaſii, propter Sti. Blaſii Reliquias, illic à B. Gerardo Epifcopo Tullenſi depoſitas. Jam à multis retrò ſæculis Prioratus ille, territorii & proventus anguſtioris, ad Murthæ ripas, ſemi-leuca à Stivagio, verſus Ravonum poſitus, deſecit.

(b) *Circa annum octuogefimum ſextum ſuprà centeſimum . . . Hillinus . . . Abbatem cum Monachis expulſit.* R. P. ac D. Humbertus Belhomme, Medianenſis Abbas, in editâ Argentina: *Hiſtoriâ Mediani-Monaſterij* pag. 170, immutationem iſtam ex autographo ſuo contigiffe refert anno 896. ſub Zuendeboldo Lotharingæ Duce, filio Imperatoris Arnulphi, & Hillino Abbate-Comite. Depravatos cænobitarum mores ſubticet ſcriptor Herculano antiquior, & in Abbatis avidi, non in Monachorum luxuriantem vitam, rejicit totius innovationis cauſas. Richerius, Joannes Bayonenſis ſupparis ævi autores, in corruptionem morum apud Medianenſes tum ſævientem refundunt cum Herculano, ſtatûs priſtini extinctionem. Miratur eruditus Abbas undenam poſteri argumenta licentioris vitæ Monachorum hauſerint. Mirarer & ego, ſi gratiſ conſtât à Richerio proprii ſchematis vindice hiſtoriam poſſem ſuſpicari; vel ſi neſcirem Joannem à Bayono Medianenſis-Monaſterii hoſpitem & Hiſtoriographum, exceptum humanitatis, inſpectis tabulis confeſiſſe narrationem ſuam. Forſan ex vulgi famâ ſcripſerunt ambo, aut ambos ſugit Codex Miſ. quem publici juris fecit laudatus Abbas.



Monasteriū Monachos à germanā pietate & simplicitate reſcripſiſſe, Monasterium & cenſus omnes Hillino Comiti de ſe benè merito, jure beneficii donavit, qui ſtatim Pipinum tum temporis Abbatem cum Monachis expulſit, indignum ratus Abbatem & vix decem Monachos inſcitā notabiles, opes trecentis datas occupare. Canonicos autem ſeculares in Monachorum locum reponit, qui ſtudioſius Monachis, ſacris operarentur.



*Continet caput ſequens miſeram rerum annonam, famem, vaſtationes, mortes, & minorationes devotorum Monachorum.*

### CAPUT XIII.

Ceterum per idem tempus cum non ſolum in Monachis charitas, & verus pietatis cultus reſcripſiſſet, ſed & pietate contemptā, vulgi malitia quodidē invaleſceret, nec ullus modus, aut ſinis nequitiae poneretur, Dominus Deus, ut eſt bonus & clemens, ſervos nequam & minus fide ſtantes, & quos luxus, ebrietas & commeſſatio in omne nefas præcipites egerat, agrorum ſterilitate, annonæ penuriā, & fame ad frugalitatem, & virtutes frugalitatis comites, more indulgentiſſimi parentis paulatim erigebat, & in viam revocabat; ſed ut eſt hominum obſtinata malitia intractabilis & ſecti neſcia, ipſi, Dei præſens flagellum, mite proculdubio & ſalutiſerum, nihili facientes, ſibi perniciem ex obſtinatione compararunt. Nam famēs quæ à principio utcumque tolerabilis erat, è veſtigio in rabiem verſa eſt; & quidem eo uſque, ut, quod eſt execrandum, carne humanā homo veſceretur, quemadmodum in Jeruſolimitanā obſidione Joſephus factum memorat. Huic malo acceſſit, quòd Huni, gens Scithica, ereptionem ex propriis agris facientes per Hungaros in Germaniam hoſtili agmine moventes, ad Belgicam uſque Galliam pervenerunt, ferro ac flammā omnia vaſtantes, quæ dira famēs reliqua fecerat. Quorum rabida ſeritas, nullā prorsus habitā ratione neque ætatis, neque ſexus, neque conditionis, non infantium ſanguine, non virginum ſtupris, non matronarum injuriis, non ſenum jugulatione, non templorum ſpoliatione, & incendiis, non Cœnobiorum ruinis, non Monachorum, in quos poſitiſſimū crudeles apparuerunt, cruore & mortibus ullo modo ſatiari poterat, aut mitigari. Unde hac regione planè depopulatā lachrymis undique ſeſe offerebat. Quid multis opus? Cœnobia prius numeroſa Monachorum multitudine corruſcantia, ſpoliationibus, ruinis, & ſolitudine, neglecta jacebant. Sed ita ut apud Juncūras, Styvadium & Senonias vix ſex Monachi remanſerint.



*Quod Fridericus Dux Lotharingia Canonicos expulſit & Benediſtinos reſtituit in Medianum - Monasterium.*

### CAPUT XIV.

Porrò ſexageſimo anno (a) poſtquam Canonici ſeculares Medianum - Monasterium inhabitare cœperant, Fridericus Lotharingæ Dux à Benediſtino

(a) Porrò ſexageſimo anno poſtquam Canonici ſeculares Medianum Monasterium inhabitare cœperunt, Fridericus Dux Lotharingia . . . Benediſtinos revocat. Ergò non ante annum 959. reſtituti ſunt Benediſtini, cum Friderici Principatus hoc anno inceperit in Lotharingiā Anonimus Medianenſis, redintegratos fuiſſe Benediſtinos ſcribit anno 962.

follicitatus Canonicos amovens, Benedictinos revocat & reponit (a) omnia restitui jubet, quæ prius habuisse constabat, præter corpus Sancti Joseph Arimatensis, olim allatum ad Medianum-Monasterium à Fortunato Patriarchâ Jerosolimitano Sarracenis Palaestinam & Syriam vastantibus, fugiente : quodque tempore persecutionis Hunorum à peregrinis Monachis sublatum fuerat, restitui non potuit. Sic itaque restitutos cupiens ad antiquam eorum religionis disciplinam revocare (b) Adelbertum Gorgiensem Monachum cumprimis eruditum, & pium, atque in his, longo versatum tempore quæ Benedictinos decet, Mediano præcitus Monasterio. Hic cum prudentia haud vulgari polleret, nihil eorum neglexit, quæ ad antiquæ & puræ religionis decus spectabant.

*De Blydulphe & Acherico Eremiticis in Valle-Lebrach, ubi Ecclesia fundata sunt, & de Argenti fodinis inventis.*

CAPUT XV.

**E**O tempore quo hæc agebantur, Bidulphus, Ecclesie Mediomatricis primicerius, vir purioris Christianismi appetens, impios mores Christianorum

(a) *Omnia restitui jubet, prater corpus S. Joseph Arimatensis, olim ablatum ad Mediamum-Monasterium à Fortunato Patriarcha Jerosolimitano. Ex Richerio id commentii hausit Herculanius, quod prius eberiber Richerius in ipsa Medianensi historiâ. Series Patriarcharum Jerosolimitanorum accurate diducta per succedaneos præfules, Fortunatum expungit, totamque facit nutare corporis S. Joseph Arimatensis advectionem in Medianense Monasterium. Si Caroli Magni sæculo invaluisse mos in Ecclesiâ Latinâ creandi Episcopos, ut ajuñt, in partibus, fortè intrusum hunc Patriarcharum albo Fortunatum, bullæ beneficium, veneremur, at certè suffugium istud occludit inventionis novitas. Ut rationibus istis occurrat utcumque Medianensis historiæ nuperus autor, erratum fatetur in designatione sedis Fortunati, & Amanuens per oscitantiam scripsisse Jerosolimitanum, loco Graducensem, vel Gradensem. Ingeniosus conjecturis opinionationem suam firmat, nulla auctoritate suffulcit. Nos veritatem querimus, non pascimur conjecturis.*

(b) *Adelbertum Gorziensem Monachum Mediani praefecti Monasterio. Gorziense conobium, à rivo Gorzia, gallicè Gorze denominationem petens, tribus à civitate Metenli horis, totidem Mullipunto distans, inter angustias duorum hinc inde pendentium montium, fundatur à Chrodegango Metensi Przefule anno 761. non 661. ut scribit Meuricius Annalista Metensis, non fatis attendens ad cartham quam ipsemet exscripsit ex Catharali Gorziz, quod nos in Museo nostro asservamus, & in quo hæc leguntur. *Acta sunt hæc omnia in conspectu gloriosissimi Regis Pipini secunda XVII. Kal. July, anno quoque DCC. LXII. ab Incarnatione Domini.**

Seriùs fundationem Gorziæ ex posteriori Carthà Grodegangi posuerunt San-Marthani fratres, anno 765, in hunc anachronismum lapsi, ob ignotum antèrius Grodegangi diploma. S. Gorgonio martyri templum Gorziense dedicatum est, sacrumque ejus corpus Româ advectum, in Basilicam illatum est, Episcopis viginti quatuor, ipsoque Rege Pipino astantibus.

Carolus Magnus, ad petitionem Theomari Abbatis, Ludovicus pius ad infantiam  
Abbatis Magalfi, Otto I. ad preces Alberonis Metensis Episcopi, ingentibus  
bonis & honoribus Gorziam locupletarunt. Horum privilegia publici facerem  
juris, necdum edita, nisi preoccupare vererem Virum Doctissimum, fastis  
Lotharingie

tum temporis degentium detestatus, in (4) Vallem-Lebracensem, solitudinis gratiâ, fecerit, atque in clivo montis ad meridionalem plagam cellam crexit, loco nomen imponens Bellimontis. Non defuerunt qui viro pio, ducti religionis & puritatis amore, se adungerent, inter quos cum genere, tum virtute nobiles Wilhelmus & Achericus sine controversiâ fuerunt. Horum alter Wilhelmus clarere miraculis fertur. Achericus Wilhelmi successor tantâ probitatis famâ circumfultus, ut loco nomen dederit, nam Achericus vocatur. Decursis indè aliquot annis, viri potentes & nobilitate clari, in eadem valle argenti fodinas reppererunt, ex quarum quaestu & proventu Arx Acherica constructa est. Verùm cum ad excoquendum argentum ligna non sufficerent, relicti sunt putei, quos nostro tempore Germani iterùm fodere coeperunt, nempe circiter annum Domini 1536. Praterèa in eâ vallis parte quæ vèrgit ad Septentrionem Carolus Magnus Germanorum Imperator, & Gallorum Rex, jampridem sanum in honorem Beati Dionisii, Galliarum Apostoli, ædificaverat, quòd magnificè constructum & donatum corpore Sancti Alexandri, primi Papæ & Martyris decoravit, exornavitque. Locus vocatur *Lebrach*, unde vallis nomen accepit.

## Bbb

Lotharingæ & trium Episcopatum illustrandis incumbentem, cui officiosè cartophilacium Gorziense commodavi. Quo tempore ad Principatûs titulum sublimata sit Gorziensis Abbatia, necdum mihi constitit. Carolus de Remencourt, Caroli 2. Lotharingæ Ducis filius spurius, Principem Gorziæ innotetis ibidem cufis, se inscripsit, *Carolus à Lotharingâ Dei & S. Sedis Apost. gratiâ supremus Dominus Gorziensis Abbas*. A parte autem sinistrâ, *Moneta nova Gorziæ cufa*. Illo possessore & consentiente, unita fuit Abbatia, neo-erectæ Primatiali Nanceianæ, Bullis Apostolicis, ad Primatis dotem: sed cum unio finem suum sortiri non deberet ex pactis, nisi post decessum possessoris Caroli, ad effectum non fuit deducta, obstitentibus victoris Ludovici 14. armis post subactam Gorziam, & Lotharingiam occupatam; sed ne Primas Nanceianus omni dote spoliaretur, ex concordatis Ludovicum 14. inter & Carolum 4. Ducem initis, Mensa Abbatialis Insulæ, Ordinis Cister. in Agro Barrensi, sublituta est Gorziensi Abbatiz, & ista unio & commutatio fundi, nullo interveniente Sedis Apostolicæ consensu, solo Principum suffragio, perseverarunt ad Regii Ducis Leopoldi novissima tempora. Nuper enim, ex famâ didicimus, egisse apud Summum Pontificem Innocentium 13. P. M. & impetrasse audivimus canonicam unionem Insulensis Abbatiz cum dignitate Primatis.

Carolus Cardinalis à Lotharingâ, re & nomine magnus, Archiepiscopus Remensis & Metensis Episcopus, extinctionem Abbatiz Gorziensis, & omnium ejus proventuum annexionem Mussipontano Collegio tentavit ab anno 1570. Sed casso conatu. Feliciore secularitatem monasterii prosequutus, monachilem statum in Canonicorum Sæcularium vitam, favente Pontifice Gregorio 13. convertere, aggressus est anno 1574. Paulò post morte præventus, successorì suo æquivoco, Cardinali à Lotharingâ, Episcopo Metensi & Abbati Gorziæ, opus transmisit inchoatum. Absolvit successor anno 1580. & monachos superstites ad vicina monasteria secedere cogens, cum vitalitiâ pensione, quancumque Canonicos induxit, quibus præfecit Decanum, servata nihilominus Abbatìs dignitate, & ejus Mensa. Hinc Gorziensis Ecclesia, Abbatem ab eâ ætate semper obtinuit, cui subest Decanus, & Capitulum.

(4) *In Vallem Lebracensem secessit Bidulphus*. Eadem quæ supra *Val de Liepore* dicta est, & ad quam Bidulphus, paucis à restituto monachatu in Medianensi Abbatia, annis, se recepit, cellamque instruxit, ad quam concurrerunt discipuli, quos inter emicuit Achericus, qui nomen Cellæ, & circumpositæ villæ imposuit. Ad



*Qualiter & quo tempore Monachi Sancti Deodati facti & mutati sunt in Canonicos Saculares.*

## CAPUT XVI.

VERUM & redeamus ad Mediani-Monasterii & Juncturarum Monachos, anno quinto postea quam Fridericus Benedictinos ad Medianum revocavit, ipse considerans Cœnobium Sancti Deodati ad Juncturas Abbate viduarum, pro pietate quam gerebat erga Numinis cultores, illud Adelberto Gorgienſi quem Mediano præſecerat, moderandum commiſit. Primò verò obnixè reculanti tantum munus, blandè perſuadens id non incommodè poſſe agi beati Patris Hydulphi exemplo, Adelbertus provinciâ aſſumptâ, id aggreſſus eſt agere quod Principi placere compertum habebat; verùm cum res non ſuccederet, & bibere cum ebrîis, diſſidens ſe poſſe tanto oneri ſufficere, Encherbertum Mediani-Monasterii monachum prudentiam præ ſe ſerentem, quam in reſeſſu minimè habebat, Monasterio Juncturarum, Friderico minimè reclamante, præſecit. Is tantùm, poſt ſuſcepta gubernacula coepit manducare, & bibere cum ebrîis, quemadmodum ſervus ille apud Marthæum, & Cœnobii facultates per imprudentiam & prodigalitatem turpiter dilapidare, quod poſt-quàm Fridericus reſcivit, ipſe rei indignitate commotus, monachos cum dedecore & cum deſectore Abbate expulit, & Cœnobium (ut multa paucis comprehendam) in Collegium Canonicoꝝum Sæcularium inſtituit, (a) qui uſque in hanc diem Sacris maximâ cum Religione, & ſedulitate operantur. Erat autem annus quo hæc acta ſunt, quinquageſimus quartus ſupra nongeſimeſimum à Chriſti

Medianum-Monasterium Prioratus ille, ſiali dependentiâ ſpectabat, & ut primùm Monasterialis Eccleſia *Eſiberiſch*, in Parochialem evalit, juſ obtinuit Patronatûs Abbas Medianenſis, à quo per vaſtatoꝝem hæreticū excidit ſæculo decimo ſexto deſinente.

- (a) *In Collegium Canonicoꝝum Sæcularium inſtituit.* Fridericus primus, Lotharingæ Dux illam immutationem ſtatûs & ordinis in Sandeodatenſi Eccleſiâ effecit. An verò ad ſæcularitatem, ut ajunt, Canonicos redegerit, planè mihi videtur falſum, & falſitas eruitur ex Bullâ Leonis 9. anno 1049. conceſſa San-Deodatenſi Eccleſiæ, ab ipſo inibi commorante Pontifice, & propius explorante ſtatum & regimen vitæ Canonicoꝝum, in monachorum hæreditatem nuper vocatoꝝum. Atqui in hac Leonis Bullâ, *Monasterium* appellatur, congregatio Canonicoꝝum illic degentium, vetaturque cuius Epifcopo, ſine permiſſione aut invitatione totius congregationis, *Monasterij ipſius ſepta intrare*. Præterea Regule addiſti erant quam profitebantur fratres hujus Monasterij; *Si autem*, inquit B. Pontifex, *aliquam tranſgreſſionem Regule ſuæ fecerint fratres, & à proprio paſtore objurgari noluerint, nec non Prælatus qui & idem eorum Epifcopus, ſeditionem congregationis ſedare per ſe nequiverit, tunc alios ſub eadem regula Deo ſervientes, ad ipſum Monasterium convocet, qui ſententiâ regulari ſcandalum deprimerent.*

Bullâ ejuſdem Leonis, anno 1061. ad confirmationem juriū & bonoꝝum San-Deodatenſis Eccleſiæ, indulta, *Carabij*, & *ſratrum* voces paſſim adhibet. Si non illud nobis Pontificiū diploma, nemo eſt qui, terminoꝝum ſignificatione perpenſa, non agnoſcat, Regulares Canonicos in San-Deodatenſi Eccleſiâ extiſſe, Monasterij ſeptis, & regule profeſſione arctatos, an Chrodegangi, an S. Auguſtini? incertum. Niſi ex viciniâ Stivagii regulam S. Auguſtini anno 965. ſeclantis, conjicias eidem regule San-Deodatenſes fuiſſe mancipatos.

Iesu incarnatione, & ab obitu divi Patris Deodati septuagesimus quartus supra ducentesium. Quam ob rem facile colligitur Monachos hic habitasse ducentos & septuaginta quatuor annos.



*Bosserium construitur à Gauzelino, Episcopo Tullensi, cui successit Beatus Gerardus, ipsi donatum Galilea - Vallis Monasterium.*

## CAPUT XVII.

**S**ed tribus annis ab hujus Collegii institutione lapsis, Gauzelinus, Leucorum Antistes Monasterium Sanctimonialium, quod Bosserianum (a) vocant,

(a) *Gauzelinus Leucorum Antistes Monasterium Sanctimonialium quod Bosserianum vocant . . . construxit.* Buxeria in montis vertice, cujus radices Murtha alluit, uno ab urbe Nanceianâ lapide, versùs Mushpontum, sita, Fundatorem agnoscit Gauzelinum, Tulli Episcopum. Primam instituto cœnobio Abbatissam præfecit Rhotildem anno 946. Fundationi accessit, beneficiorum largitate Adelaidis. Hujus interventu confirmationis majestates litteras Otto Imperator unâ cum conjuge dedit Gauzelino, anno 960. Cujus ordinis illæ sanctimoniales fuerint, non liquet ex primigeniis diplomatibus. Benedictinum professas esse institutum vix ambigo, quod anno 1453. penitus abjecerunt, assumptis Canonissarum Sæcularium habitu, & moribus. Francisca de Lydres ad Abbatissatum provecta, sæculo decimo sexto mediante, pristinum revocare vivendi genus adlaboravit, sed arduam rem laudabiliter ab eâ tentatam, irritam fecit Petrus du Chastelet Episcopus Tullensis, & normam vivendi sæcularem inveteratâ consuetudine firmatam, judicio suo firmavit. Ab hinc nullius voti vinculo constrictæ, coelibatum sine necessitate servantes, mundano circumamictæ vestitu in publicum prodeuntes, Canonissatum angustiori & linteâ fasciâ pendente ab occipite ornato, annuntiant. Assiduâ chori frequentatione mercantur sportulam, generis equestris & probatæ nobilitatis virgines. Ottonis diploma en tibi subijcio Lector.

In nomine sanctæ & individue Trinitatis. Otto divinâ clementiâ Imperator semper Augustus. Notum sit omnibus fidelibus nostris præsentibus scilicet & futuris, quod Venerabilis Tullensis Ecclesiæ Pastor Gerardus unâ cum fratris nostri Brunonis Archiepiscopi subventu, nostram adiens præsentiam pro quodam loco Buxerias dicto, ubi constructum in honorem Sanctæ Dei-Genitricis Mariæ constat Monasterium, in quo divinos cultus sanctimoniales sub regularibus institutis Domino exhibere videntur, petiit, ut res quas pro amore Dei eidem loco contulit, & ab aliis Christianorum fidelibus collatæ sunt, nostræ Imperialis munificentia authoritatis firmaremus. Quod nos benignè annuentes nostræ authoritatis præcepto, quod fidelibus præsentibus & in futuro succedentibus firmum ac stabile permaneat, signavimus. Loca siquidem ad ipsum Cœnobium pertinentia & ab ipso Episcopo, seu ab aliis Dei cultoribus in sustentationem victûs ipsis sanctimonialibus quæ ibidem Deo militant, concessa, nulli aut in beneficium dentur, aut aliquo modo subtrahantur, volumus & ideo quæ in præsentibus videntur habere acquisita loca quæ sunt in futuro acquirenda, firmiùs possideant subrogari iussimus. In Comitatu Ecerponensi (*Charpeigne*) Ecclesiam Leverduncensem (*Leverdun*) & quæ ad illam pertinent, tam in terris, quàm in pratis, vineis, mancipiis utriusque sexûs. Ecclesiam etiam in eodem Comitatu in villa Salsiriaco (*Saisey*) & quicquid ad eam pertinet, cum quâdam vineâ. Prædictus quoque Gerardus Pontifex dedit Ecclesiam in villâ Pompanio (*Pompey*) & Ecclesiam villæ quæ dicitur Rosariis, & in ipsa villâ octo mansus & dimidium. Ecclesiam quoque de Torreio-villa & capellam Bodonis-villæ dicatam in honore

singulari ductus pietate, à fundamentis construxit. Sexto autem anno post absolutum opus, ipse tum senio, tum abstinentiâ & laboribus confectus, ad immortalitatis gaudia evocatus, Gerardum patriâ Agrippinensem, virum sine controversiâ, & sanctimoniâ & morum pietate insignem successorem reliquit. Cujus temporibus, cum Comes Campaniæ Belgicæ incursumus & rapinis Lotharingorum agros popularetur, Fridericus Dux Lotharingorum nihil prius habuit quàm in prædio Episcopi Tullenis, cum nullus commodior locus se offerret, propugnaculum sibi construere, & forti munire præsidio, quò non tam facilem aditum, ut prius, Comes ad Lotharingos haberet, quod postea ampliatum, & in oppidum redactum, etiam hoc tempore *Barrum-Ducis* vocatur. Verùm Gerardus prædium Episcopi ademptum agrè ferens, sæpe de eâ re conquestus apud Othone[m] Imperatorem; tandem Fridericus ab Othone compulsus restitutionis titulo Collegium Canonicorum Vallis-Galileæ, (a) & Medianum-

Sancti Desiderii, & capellam de Blanziac (Blanzey) Ecclesiamque de Domna-Maria (*Damme-Marie*) ibidemque quatuor mansos terræ & dimidium, & unam fortem sitam in Cirseio, & unum mansum in Villare. Similiter etiam aliam Ecclesiam in villâ Angeliaco (*forte Angeville*). Berhardus Primicerius dedit Ecclesiam quandam in Girunvillâ (*Girunville*) in Comitatu Bedensi super fluvium Mosam, quam emit à Botberto, & quicquid ad eam pertinet, & quandam vineam sitam in monte Barrisino, in Comitatu Tullenensi. Dedit etiam quandam Ecclesiam Gerberga filia Framberti, in quodam monte in honore S. Remigij (*St. Remymont*). Dedit etiam Ecclesiam in Comitatu Sanctensi cum pratis, terris & domibus ibidem pertinentibus. Et ad Acia-cum (*Essey*) dedit Frambertus terras, prata, vineas, servientes utriusque sexus pro filiabus suis Emma & Tinedrada. Prædium autem dedit Willermus nobilis vir, jacentem in Dahervilla (*Daherville*) cum terris, pratis & unam vineam cum deservientibus utriusque sexus. Odericus Abbas dedit Ecclesiam in Comitatu Sanctensi nomine Wixiliensem (*Wexelæ*) & quidquid ad eam pertinet, tam in terris, quàm in pratis & servientibus utriusque sexus, & quoddam farinarium & omnia quæ Herodo Presbyter possidebat in villâ Buxerensi. Prædium quoque dedit Herfindis in Porteriaci curte (*Portieux*) Urso dedit prædium in Muricurte (*Murcourt*). Humbertus dedit prædium in villâ Befangia (*Bézange*). Hedemarum mansum cum vineâ in Comitatu Salnensi dedit. Walterus dedit prædium Woldefinguesilla (*forte Vaudrevange*) Teutbertus Comes dedit prædium pro sepulturâ uxoris suæ Judithæ & oblatione filiarum suarum nomine Rodindis, scilicet Haveringivillam (*Haveranville*) & quidquid ad eam pertinet, sitam in Comitatu Hornense, cum pratis, sylvis, pascuis, terris cultis & incultis, mancipiis utriusque sexus. Siricus & uxor ejus Herta dederunt duos mansos cum vineis, terris, in loco quî dicitur Sutfolingas. Immo dedit dimidium Ecclesiam & Medietatem alodij in loco quî dicitur Canaverias (*Chevenere*) quod partius est cum fratre suo Wilfrado cum pratis, sylvis, terris cultis & incultis. Stephanus dedit prædium in Lusciacovillâ (*Luxeville*). Abbatissam etiam eligendi liberam habebant secundum Regulam S. Benedicti facultatem. Ut autem hujus nostræ institutionis auctoritas firmius pro succedentiâ temporis conservetur, manu nostrâ eam subfirmavimus & annuli nostri impressione insigniri iussimus.

Iussu Domini Ottonis Maximi & Invisibilissimi Imperatoris Augusti.

Willigisus Cancellarius.

Bruno Archiepiscopus.

Data 4. Nonas Junij anno Dominicæ Incarnationis 965. indictione 8. Anno regni Ottonis 31. Imperij scilicet 4. Actum Coloniz palatio, in Domino scilicet.

(a) *Fridericus ab Othone compulsus, restitutionis titulo Collegium Canonicorum Vallis-Galileæ & Medianum-Monasterium Gerardo donavit.* Penè verbis iisdem eventum

Medianum-Monasterium Gerardo donavit, atque cessit. In cujus cessionis fidem baculos Pastorales utriusque loci secum detulit Gerardus, quo utriusque loci Sacerdotes alium in pastorem quàm Antistitem Tullensem eligendi sibi jus ademptum intelligerent. Sed quo tempore hæc cessio fuerit infracta, & baculi redditi, hætenus non potui reperire. Hic Gerardus Ædem Sti. Protomartyris Stephani apud Leucum, reparavit, Beato Gengulpho templum construxit, divi Apri Reliquias exhumavit, & in translatione beati Gœrici apud Spinalium adfuit, cum à Theodorico, Mediomatricum Episcopo, solemnî pompâ perageretur.

Ccc

eventum hunc memorat Joannes de Bayono, Mediani-Monasterij Historiographus, eumque sub annum 967. contigisse asseverat, sed falsò. Chiffetius, in Commentario Lothariensi refert ex libello Successorum S. Hydulphi à B. Leone, ut credit, conscripto, seriem historię, qualem ex Bayono audivimus relatam. Accedit ad narrationis confirmationem Diploma Ottonis 2. 15. Kal. Aprilis 974. sub hoc tenore.

- „ Otto . . . . noverit omnium industria . . . quod adierint nostram celsitudinem fideles nostri, Eppo videlicet & Lezzo, cum quibus Echbodo, noster dulcis nutritus, & Benno Dux Saxonum egregius, condolendo, & compatiendo, deplangentes, paupertatis onus, apud nostram Serenitatem, Stæ. Tullensis Ecclesiæ cui præest venerabilis Gerardus Episcopus, ad cujus molem inopiæ subveniendam, totis nisibus orando, consuluerunt forè decentissimum ac iustissimum . . . quod pro supernæ mercedis intuitu, jam dictæ Tullensi Sedi, Abbatiam Sti. Deodati redderemus, quam olim *Jacob Episcopus ipsius Sedit, Apostolicus vir acquisierat à Pipino antiquo Rege Francorum*, sed postea pro incuriâ, violenter præsertim injustâ invasione malignorum, à loco sublata fuerat, de quâ tamen adhuc temporis præfati Regis præceptum pro testimonio, in ipsâ urbe retinetur. Quorum consiliis & petitionibus consensum benevolentię nostræ præbentes . . . pro perpetuâ delegatione, delegamus jam dictam Abbatiam Sti. Deodati, quæ de Galilæa nuncupatur, sitam ex omni parte infra Diocesim ejusdem urbis Tullensis . . . Folgriarius Cancellarius vice Villegiti Archicapellani subscripsi. Data 15. Kal. Aprilis anno Incarnationis Domini 974. Indiçt. 2. anno regni Domini Ottonis XIV. Imperii VII. Actum in civitate Bunna juxta fluvium Rhenum.

Simile profertur Ottonis ejusdem præceptum anni 979. his verbis.

- „ Otto divinâ favente clementiâ Rex. Noverit omnium fidelium nostrorum . . . . industria, quod adierit Serenitatem nostram venerabilis Gerardus Tullensis Episcopus, reposcens reddi suo loco quandam Abbatiam S. Deodati, quæ & Galilæa dicitur, sitam in Volago saltu, in territorio undique *Tullensis Ecclesiæ*, debitam funditus à primo fundo ex antiquitate ipsius constructionis, suæ sedi, Stæ. scilicet Mariæ & Protomartyris Stephani, quam olim *sui prædecessores cum omni integritate tenuerant*, habente ad hæc jamdicto Episcopo regale ex hoc præceptum & Apostolicum Romanæ Sedis privilegium, licet per incuriam & odium, & maxime Lotharii Regis excommunicati tyrannidè & violentiâ, à loco, usurpativâ fraude sublata fuerit, tenente eam in beneficio, tempore genitoris nostri Ottonis, Friderico Duce cum conjuge suâ Beatrice, Nepte nostrâ, post mortem autem Ducis, eadem nostra Neptis, quæ ipsam Abbatiam ut senior suus tenebat, cognoscens & perpensens

„veram rectitudinem jam-dictæ Tullenfis sedis in assiduâ reclamatione  
 „persistentis, existens benevola circa Tullensem locum, noluit nec nobis  
 „si non redderemus, nec sibi, si ultrâ teneret, peccatum & offensam Dei  
 „incurrere, *licet loco cui competens, & pertinere videbatur habere eam*  
 „*peroptavit, (textus obscurus)* dignamque adjudicavit. Postea jam-dictus  
 „Episcopus pro benevolentia eidem Dominæ indomiticum Monaste-  
 „rium & quidquid pertinet ad præbendam Canonicoꝝ, & totum al-  
 „tare, decimasque minæ argenti, censusque hominum ad Altare perti-  
 „nentium, cum decem mantis vestitis in ipsâ valle, cum omni eorum di-  
 „stricto ad ipsos manfos pertinente in investiturâ retinens, reliquam par-  
 „tem Abbatiz, nostræ nepti Duâtrici tempore vitæ ejus, & post se uni  
 „filio suo, quem ipsa & Episcopus elegerit, habere consensit. Similiter  
 „de Abbatiâ Mediani-Monasterii, quam prædecessor suus *Gauzelinus*  
 „*Episcopus* ad relevandam paupertatem Tullenfis Ecclesiæ acquisierat  
 „ab avo nostro, cum regali præcepto, de quâ prius jam-dictus genitor  
 „noster ipsi venerabili Gerardo Episcopo imperiale fecit præceptum, eâ  
 „ratione, ut post obitum jam-dicti Ducis, cum omni integritate, Tul-  
 „lensis deserviret sedi... Nos denique residentes Spiræ ad colloquium,  
 „quia rata & condigna fideles nostri hæc censuerunt per interventum  
 „genitricis nostræ Theophaniz & Ducum nostrorum Henrici & Cononis,  
 „Archiepiscoporum *Willigisi Moguntinensis, Novarini Coloniensis, Er-*  
 „*chebaldi Strasburgensis Episcopi*, consensum nostræ autoritatis, iustis  
 „præbuimus Tullenfis Episcopi petitionibus, constituentes & regali de-  
 „creto sancientes, ut sicut supra dictum est, Episcopus Monasteria, &  
 „quæ supra sunt, in investiturâ retineat, & jam-dicta Duâtrix, ejusque  
 „filius, ab ipsis nominatim exprimendas ceteras partes Abbatiarum jam  
 „dictarum similiter possideat, & rationis tenore, ut per obitum jam  
 „dictæ Dominæ ejusque filii, Tullenfis Sedis tam dictus Episcopus,  
 „quàm omnes successores sui eas Abbatis in dies sæculi cum omni in-  
 „tegritate & sine diminutione & contrarietate, tam nostra quam omni-  
 „um successorum nostrorum, principum & mediocrium possideat....  
 „Anno Incar. Dominicæ. DCCCCLXXIX. Regni autem Domini Otho-  
 „nis 2. primo. Datum Spiræ.

Regalibus Ottonianis præceptis, Ecclesiam S. Deodati asserentibus Tullenfi Eccle-  
 siz, suffragatur judicialis sententiâ Friderici Ænobarbi, cujus epocha ex sub-  
 scriptionum apographis, nec prior anno 1173. nec posterior anno 1176. esse  
 potest. Nam Theodoricus, renuntiatus est Metensium antistes anno 1173, &  
 anno 1176. humanis eximitur, Mathæus verò, Lotharingæ Dux, anno 1176.  
 vitâ defungitur, ambo testes Imperialis Edicti, quod apponimus.

„Fridericus Dei gratiâ Romanorum Imperator Augustus... Noverint uni-  
 „versî quod nos familiari nostro Egeloni, multiplici rogatu ipsius dede-  
 „rimus feodum S. Deodati & ei manutenere volebamus, quia ipse nobis  
 „insinuaverat, quod Leucorum Episcopus nullum penitus in eo jus ha-  
 „bebat. Veniens autem ad nos dilectus Leucorum Episcopus Petrus in  
 „curiâ nostrâ quam in Civitate Metensi habuimus, contra prætaxatum  
 „Egelonem de præfato feodo causam subiit, & quod prædecessores sui  
 „Tullenfes Episcopi ab antecessoribus nostris Rom. Imperatoribus, &  
 „à nobis prædictum feodum, ab antiquissimis temporibus tenuerant,  
 „sicut curiæ nostræ judicium edictavit, factâ probatione ibidem in nostrâ



„præsentia, prænominatum feudum in quietam possessionem suam & Ecclesiæ suæ legitimè retinuit. Quod ut de cæterò pacificè possideat, ut nullam inde ab aliquo vexationem sustineat, volumus, & sigilli nostri munimen ei, & Ecclesiæ suæ in perpetuum conferimus. Testes adfuerunt Theodoricus Metensis electus, Richardus electus Viridunensis, Dux Lotharingiæ Mathæus, Comes de Castre Folmatus, Comes de Vardenne Guerlardus.

Quantacunque sit tot diplomatum congesta autoritas, quid de illis, quid de eventu in eis relato sentire debeamus, salvo sanius sapientis iudicio, liberè dicam. Ac primò quantum ad primum Ottonis 2. præceptum, observare juvabit, non à Gerardo Episcopo Tullenfi initium sumpsisse unionem Ecclesiæ S. Deodati, & Mediani-Monasterij, sed à Jacob Episcopo, qui è vivis excesserat anno 767. Hoc verò stare non potest cum historicorum narratione, asseruntque ad indemnitàtem Barrensis castri, in territorio Tullenfis Ecclesiæ exstructi à Friderico 1. Lotharingorum Duce anno 951. teste Flodoardo, transcriptas fuisse Gerardo Episcopo, Ecclesias S. Deodati & Mediani-Monasterij, ab eodem Friderico. Rem ita contigisse scribunt autor Fundationis Abbatiae S. Michaelis, Du Chesnien in sua Barrensi Ducum Historiâ, P. Benedictus Picard Franciscanus in Hist. S. Gerardi, & Episcoporum Tullenfium. Ergò jam ex hoc capite erroris arguendum venit diploma Ottonis, unionem utriusque Abbatiae revocans ad Episcopatum Jacobi, bino ante Gerardi inaugurationem sæculo.

2. Doubletius pag. 704. & Mabillonius *Annal. Bened.* l. 14. Ex diplomate Caroli Magni probant *Monasterium* S. Deodati in Vosago situm, donatum Basilicæ S. Dyonisij anno 769. Quis collatum paucis ab hinc annis Monasterium Tullenfi Ecclesiæ, Jacobo Episcopo ereptum putabit à Carolo Magno ut Dyonisiannæ faciat Ecclesiæ, deserte donatum.

3. Willegisus sufficiens est Archicancellariatus & sedi Moguntinæ anno 977. post obitum Ruperti. Ita post Trithemium, Lambertum, Marianum, Serrarium, Malsinkrot, docet Wenckerus l. de *Archicancellariis Rom. Imp.* à quibus Christianus Joannis scriptor nuperus Hist. Moguntinæ T. 1. p. 450. dissentiens, ad annum 975. exordia Archiepiscopatus Willegisi revocat. Sed etsi indulgeamus hanc epocham, necdum obtinebit suam Ottonis diploma, quod anno 974. conscriptum dicitur subindeque antequam Willegisus Archiepiscopatu potiretur. Nisi fortè dicas annorum initia à festo Annuntiationis consuevisse computari. At non evacuatur difficultas, tali solutione. Etenim Willegisus non debuit adire munus Archicancellarij, antequam Archiepiscopus consecraretur, uno quippe pede procedebant hæc munia, atqui non ante annum 975. inauguratus est, siquidem eo tantum anno, juxta veterem computationem, Pallium à Benedicto 7. ei submissum est, referente Historiographo Moguntino, non igitur anno 974. Archiepiscopalem inaugurationem acceperat, non ergò Archicancellariatus officio defungebatur.

In secundo diplomate occurrunt & menda quæ ejus autenticitatem elevat. Nam si primum manavit ab Ottone præceptum anno 974. Secundum, cur ab eodem Principe, pro causâ eadem, anno 979. prodit? An Fridericum rebellem, iterato mandato cogere voluit? at quis suspiciabitur Ducem clientelarem ausum esse reluctari Imperatoris præcepto? Certè alterutrum falsitatis notam præfert, si obedientem supponamus Fridericum, voluntati Otthonis restitutionem Ecclesiæ San-Deodati, imperantis.

Deinde Abbatiam S. Deodati, in territorio undique Tullenfis Diocesis sitam dicit, & improvidè dicit, cum Basileensem & Argentinensem ab oriente & meridie contingat Diocesis, San-Deodati districtus.

2. A Prædecessoribus suis San-Deodatensem Ecclesiam cum omni integritate possessam ait querulus Gerardus in diplomate. Ergò in commutationem & indemnitàtem territorij arcis Barrensis, Donatam futiliter allegant Abbatiam S. Deodati.

4. Fridericum Ducem supponit mortuum, *post mortem*, inquit, *Ducis Friderici*. Attamen ad annum 984. dies protraxit suos, nec quisquam ante hujus diplomatis concinnatorem, annum obitus Friderici ausus est prævertere.
  5. Beatricem Ducis sponsam, inscribit neptem Ottonis 2. Erat illa filia Magni Hugonis Ducis Franciæ & Hadevidis de Saxonîâ fororis Ottonis primi, Imperatoris, cognata ergo non neptis erat Ottonis 2.
  6. Donationem Mediani-Monasterij factam fuisse, ait Gauzelino, ab avo Ottonis 2. Henrico nempe primo, ex intuitu & commiseratione paupertatis Ecclesiæ Tullensis. Non igitur ut ganniant, scriptores, ex intuitu indemnitis usurpati territorij arcis Barrensis.
  7. Nullus in Archiepiscoporum Colonienfium Catalogo, Novarinus invenitur, sed *Varinus*. Erchebaldus, quem suppono eundem esse cum *Erkanboldo*, vocatur Episcopus *Strasburgensis*, prorsus in totâ re diplomaticâ, illius & posterioris ævi, Strasburgi nomen non offendens, sed Argentiniæ; seriùs enim invaluit apud scriptores rei diplomaticæ in Germanica gente, vox illa Strasburgum, ex idiomate Germanico etymon derivans.
- Denique Falsarii digitus & ignorantia se produnt manifestè in caractere chronologico quem apposuit regno Ottonis. Non enim primus regni annus concurrit cum anno 979. sed septimus, cum patri sublatò è vitâ, mense Majo anni 973. successerit, jam ante patris fatum proclamatus Cæsar. Quod spectat ad Friderici 1. Imperatoris cartam, multiplices ex capite suppositionis insinulatur. Etenim ex Bullâ Leonis IX. pro immunitate Ecclesiæ San-Deodatenfis, inscripta Udoni Tullorum Episcopo, anno 1051. in universum San-Deodati tractum, Præposito reservatur, *providentia temporalium & regimè animarum*. Advocato & Defensori Theodorico, partes suæ supremæ jurisdictionis definiuntur, quæ Præpositi auctoritatem relinquunt integram. Quæ cum ita sint, arduum est designare qualem in Ecclesiâ San-Deodati potestatem exercuerint Tullenses Episcopi, *ab antiquissimis temporibus*. Nullam sanè in præbendas fratrum, nullam in feudum advocati ab imperatoria derivatum potestate, nullam in regimen parochiarum, Præpositi censuræ & jurisdictioni à Numeriani temporibus assertum.
- A Theodorico ad Leopoldi 1. ætatem, Lotharingiæ Duces per traducem, advocatiam S. Deodati tenuerunt, & sacramento ad aras nuncupato, illud defensionis officium & beneficium adierunt. Quærat nunc Petrus Tullensis Episcopus anno 1174. feudum S. Deodati injusè sibi ademptum? sed alium quærat præter eum qui Advocato competit, alium ab eo qui penes Præpositum & Canonicos ab omni ævo residet.
- Hinc dubiam Richerii & Herculani Hilloriam, utpote dubiis, dicam apocriphis monumentis innixam exsuillamus.



*De translatione Sancti Hydulphi per Adelbertum Abbatem. Pariter de  
relevatione Corporis Sancti Deodati, per Beatricem Ducissam  
Lotharingiæ, quæ edificavit ejus Ecclesiam.*

## CAPUT XVIII

**A**Nno Domini nongentesimo septuagesimo tertio Adelbertus Abbas Mediani-Monasterii, in magnâ populi frequentia, & magno cum apparatu, Corpora Sanctorum Confessorum, Hydulphi, Joannis & Benigni, extumulari fecit, & in capsulis ligneis honestè reponi. Sed & vigesimo sexto anno post hanc reliquiarum Beati Hydulphi translationem, Fridericus Lotharingorum Dux, quem diximus Benedictinis Medianum restituisse, ex hac vitâ decedens,

cedens, Theodoricum filium suum Ducatûs hæredem reliquit. Verùm cum, ob ætatem nondum his rebus instructus esset, quæ Ducatui regendo necessariae sunt, Ducissa mater pueri, nomine Beatrix, (a) ex illustri Austriacorum Archiducum stemmate orta, vice pueri Ducatum studiosissimè administrabat. Anno autem quarto post hujusmodi administrationem susceptam, ipsa muliebri audaciâ & temeritate succensa, ad hanc Vallem-Galilæam se contulit Canonicos vexatura, si quomodo ansum arripere potuisset: Quo autem faciliùs id, quod animo conceperat, ad effectum perduceret, Canonicos minatur abrogationem immunitatis, quâ gaudebant, nisi Patris Deodati, in cujus favorem ista immunitas à Principibus elargita fuerat, sancta membra ostendant, quæ latere in sarcophago saxeo constans fama erat, id quod vanum & futile arbitrabatur. His minis perterriti Canonici, convocatis undique Viris Religiosis, triduanoque jejuniò indicto, vigiliis, orationibus & multis lachrymis sese expiantes, à Deo piis precibus audaciæ veniam, & tantæ rei successum postularunt. Deus autem omnipotens pro suâ clementiâ, quâ piorum vota exaudire dignatur, piæ petitioni annuit. Igitur Anno restitutæ salutis millesimo tertio, decimo Kalendas Julii, Sti. Patris Deodati Corpus in medio ædis divi Mauriti, ante altare Stæ. Crucis, ubi sepultum delituerat annos trecentos, & viginti tres, Dei nutu inventum, reverenter, & cum magnâ exultatione, & lætitiâ exhumatum, atque in capsam ad hoc paratam decenter conditum in loco reponunt, unde piè venerari possit.

Ddd

- (a) *Beatrix . . . ex illustri Austriacorum Ducum stemmate orta . . . Ducatum administravit.* Originem Austriacam frustra in proavis Beatricis finxit sibi Herculanus. Hugo Beatricis pater, Adelaidem, vel Hadewidem de Saxoniâ sibi desponsarat; Henricus Adelaidis pater, Mathildi item Saxonicæ junctus fuit matrimonio, & quo plures maternæ lineæ gradus ascendimus, tantò minus Austriacæ gentis sanguinem in Beatrice confluisse reperias. Ex patris capite, Hugone Magno, Duce Franciæ, vix guttam sanguinis Austriaci deduces. Hugo patrem habuit Robertum Regem Galliæ, matrem verò Beatricem de Castillione, vulgò *de Chastillon*. Robertus ex cognomine Roberto, nuncupante *Forti*, & Burgundica Principe satus, avos habuisse fertur in Galliâ; aliud si quæras, nullibi invenies.

Beatrix Ducatum rexit ad annum 1005. teste Chronographo Senonensi. Filios habuit Theodoricum Ducatûs hæredem, Fridericum & Adalberonem Metensem Episcopum. Nuptam postea Comiti Rinsfeldensi, docet Doctissimus Eccardus, de eruditione laudandus, sed de conversione ad Catholicam fidem nuperà, laudabilior. Joannes de Bayono administrationem Ducatûs ad annum 1011. gestam à Beatrice sic memorat cap. 46. „Friderico Lotharingæ Duce defuncto, Beatrix uxor ejus aliquanto tempore, ut dictum est, Ducatum rexit. Qui Deodoricus à Beatrice matre, anno millesimo undecimo, cum non posset petitione, regimen violentiâ extorsit. & anno 1017. Deodoricus Dux prædictus, contra Vidricum Comitem Castri, cui nomen est Clarimons, qui cum Almarico fratre suo, Lingonicæ urbis Archidiacono qui villicos populabatur famosissimus, cum paucis contra ingens agmen penes Barrense oppidum dimicavit, ubi inter multas strages, Dux ipse à prædicto satellite, non clerico, qui hujus confictus autor erat, licet fuerit crudeliter vulneratus, illum tamen cum improprio illico extinguens, victoriam sumpsit. Et cap. 48. Deodoricus Dux obiit anno MXXIX. cui Fridericus ex filio nepos, quia filius æquivocus ante obierat, succedens, paucis diebus Lotharingiæ præfuit . . . anno MXXXI. obiit admodum adolescentulus.

Hujus translationis festivitas, eo die quo acta est à clero, & populo Scti. Deodati, singulis annis recolitur. Beatrix autem postquam divi Patris Deodati sanctas vidit Reliquias, non solum à molestiis clero Scti. Deodati inferendis cessavit; verum & pro satisfactione audacie, quâ temerè, & muliebriter nullâ pietate, aut Religione ductâ, venerandas Reliquias effodi jussarat, ædem Scti. Mauritii, unde effossæ fuerant, vetustate collapsam restauravit, & in augustiorem formam redegit. Sed & Bertoldus Leucorum Antistes, & Ludovicus Comes à Dalspour, avus Scti. Leonis noni Papæ, hujus institutionis adjutores fuerunt.



*De Sancto Leone, Tullensi Episcopo & Papâ, & Sancto Theobaldo.*

## CAPUT XIX.

Ceterum quoniam hunc Leonem Ecclesiæ Scti. Deodati Proposituram gefuisse fama est, res postulare videtur, ut de ejus vitâ, singulari laude dignâ aliquid in medium afferamus. Bruno vocabatur ante Pontificatum, & cum esset Tullensium Episcopus, circa annum, ab orbe redempto, millesimum quadragesimum tertium (a) Cœnobium Portus-suavis, à suo prædecessore Hermanno inchoatum, absolvit, (b) & Vestalibus inhabitandum concessit. Verum circiter annum Domini quadragesimum octavum supra millesimum in Episcoporum & procerum apud Maguntiam ab Imperatore Henrico, Legatis Romanæ Ecclesiæ optimum Pontificem postulantis, offertur. Vir certè pie-

(a) Cum esset Episcopus Tullensium circa annum 1046. Bruno Episcopus factus est anno 1026. post obitum Hermanni.

(b) Bruno . . cum esset Tullorum Episcopus . . Cœnobium Portus-suavis à suo prædecessore Hermanno inchoatum absolvit. Portus-suavis, gallicè *Poussay* & *Poursa*, Cœnobium in monticulo, ad præterlabentis Madonis amnis, vulgò *Madem*, ripas structum est, non ab Hermanno, ut scribit Herculanius, sed à Bertholdo Episcopo Tullensi. Ultimam Bruno, adhibuit incepto operi, manum, pietatis Bertholdi haud degener hæres. Factus postea Romanus Pontifex & Lotharingiam lustrans, munimine Apostolico Parthenonem confirmavit anno 1049. Quamvis instituti illic ordinis, & investæ regulæ non meminerit Pontifex, Benedictinam à principio vovisse sequioris Papæ Lucis 3. Bulla explicat. Ad sæculum decimum quintum isthoc vitæ genus floruit in Portu-suavi, donec paulatim elanguescente spiritu fervoris, ad sæculares defecit mores, & monachico habitu spreto, popularem assumere vestem sanctimonialis, nec ultrâ professæ regulam S. Benedicti, Canonicis se ritibus, Canonicorumque laxiori regulæ, ad arbitrium efficit, devoverunt. Ne tamen viderentur pristinæ religionis desertrices, curaverunt in actibus publicis, statûs profligati nomen affectare. Claudia d'Anglurre Abbatisa, tentavit anno 1578. vetus institutum renovare. At Canonissæ, liberioris vitæ jugo levissimo assuetæ, causam ad Caroli 3. Lotharingæ Ducis provocarunt tribunal. Exitu fortunato, irritas fecerunt Abbatisæ conatus. Judicio Principis necdum fracta Abbatisa, appellavit vindicem Carolum à Lotharingiâ Cardinalem Vadani Montis & Episcopum Tullensem. Partibus hinc inde auditis, Canonissæ defectionem suam à primigenio statu fatentes, sed præscriptionis longevæ titulo defectionem excusantes, protectorem nactæ sunt, qui quod in moribus invectandum, quod in disciplinâ informe, emendans, permisit quoad statum manere integras, usque dum à Sta. Sede aliter foret ordinatum. Tali sententiæ 28. Augusti 1582. provisionaliter datæ non acquievit Abbatisa, majoribus inde

tate, innocentia, benignitate, gratia, hospitalitate insignis, cujus domus peregrinis & pauperibus semper patuerat; & ut refert Platina in vitis Pontificum cum semel ad fores suas leprosum pauperem invenisset, cum ipse misericordiam collocari in lectulo suo mandasset, apertis mane à janitore foribus, nusquam pauper inventus est, Christum autem pauperis nomine, eo loci recubuisse credidit. In rebus præterea ad Religionem pertinentibus, tantâ diligentia & solertia usus est, ut & in Concilio Vercellensi, Berengarium Hærescos auctorem damnaverit, & Constantinopolitanum Imperatorem suis monitionibus impulerit, sepulchrum Domini Jerosolimis à Barbaris dirutum, restituere, eo maxime tempore, quo & Theobaldus nobilis Francus sanctitate vitæ apud Vincentinos in pretio fuit. Moritur autem Leo, Pontificatus sui anno quinto.

*Qualiter Sanctus Romaricus Cynobium in Romarico - Monte edificavit,  
& de combustione ejusdem, & vitâ monialium. Item de  
edificatione Cella Longi-marîs.*

CAPUT XX.

**R**omaricus, de quo in præcedentibus mentionem fecimus, ædi Beato Petro Apostolorum Principi apud Romaricum-montem à se posita, Cœnobium Vestalium adjunxit, ubi nobiles Virgines, pudicitia Deo consecrata sanctæ & castè viverent. Harum autem incuria, Cœnobium cum æde sacrâ combustum est, anno Domini millesimo quingentesimo septimo. Ædes sacra postea reparata, hujus conflagrationis nullum aliud vestigium retinet, nisi quod paries, qui ad austrum vergit, exultis lapidibus idipsum testatur. Ab eo tempore Vestales, (a) cum Cœnobitis essent, hoc est in communè viverent, & nec

zeli stimulis percita, Romani Pontificis interpellavit iudicium, litem intentavit, cui mors impofuit finem anno 1886. à pofteris necdum inftauratam. Et ita placide poffeffionis beneficio, fecularitate fruuntur impavidæ quatuordecim nobilitatis antiquæ & ordinis equeſtris Canoniffæ, quibus præſt Elizabeth de Gramont, filia illuſtris viri Philiberti, Comitis de Gramont Ruppelæ Gubernatoriſ, & Elizabethæ d'Hamilton, virgo & genere, & eruditione, magis adhuc pietate, inclinata.

(A) *Ab eo tempore Vestales cum Carnobis essent, hoc est in commune viverent... amicos communitate... singula singulariter sibi domos adificare ceperunt. Igitur anno 1517. in Romarico-Monte, vulgò Remirmit, vitium proprietatis & regularis observantiae despectus invalescere ceperunt. Tellis oculatus, narratur tutus est, cui denegare fidem, crimini infidelitatis, par crimen est. Antiquitus sub B. Columbani, dein sub S. Benedicti Regula militasse Romarici-Montis Moniales, nullus est qui ambigat, tenaces sui instituti ad decimum sextum saeculum persistere, nec ante illud tempus Canonisfarum usurpare nomen & insignia. Immutationi statús applausit Lotharinga nobilitas facilem ex laxiore viâ inveniens locum in quo puellas, velut in honorifico azilo segregarent expectaturas sponso. In comitis generalibus anni 1614. timentes ne Abbatissa primævum religionis rigorem inveheret, supplices obsecravit Henricum Ducem, ut non pateretur quidquam attentari in splendorem & secularitatem Collegii Romarico-Montani, quod quia Dux per se exequi non poterat, per Romanæ autoritatis approbationem id præstiturum spondit. Nihilominus Abbatissa Catharina, Ducis Germana foror, pro conscientie suæ debito, nihil Romæ & Nanceii intantum relinquens, totam se superimpendit pro rescussandâ monastica disciplina. Tantæ Principis zelum & zeli exitum*

possessionum proprietas, nec sententiarum dissentio, aut pugna, nec turbatio, aut lis aut contentio esset ulla, sed communia haberent omnia, & animi sententias & corpora nutrent, atque curarent, sicque firmissimum tutamen ex morum ac mentium conspiratione concepissent, amotâ communitate & commodis inde provenientius spretis, singulæ singulares sibi domos ædificare cœperunt, in quibus quantâ libertate vivant, nolo in præsentiarum persequi. Octo annis ab hac conflagratione exactis, itidem sacræ Jundurarum ædes à quibusdam peregrinis incensæ arserunt, ut difficile fuerit & operosum eas restaurare. Per idem tempus Bilonus servus Gerardi Ducis Lotharingæ, vitæ pertasus aulicæ, & semetipsum corripiens ob vitam absurdè actam, in solitudinem secessit, atque in saltu, qui *Longum-mare* (gallicè *Gerard-mer*) vocatur, facellum Divo Bartholomæo, & sibi Cellulam erexit ubi mirabili constantiâ Vir in aulâ præcipuus, emeritus perseverasse fertur. Est ibi lacus, unde Volu-mna Fluvius originem habet, qui præterfluens Vallem Camporum, in Mosellam paululùm infra Docellas (*Docelles*) labitur. Hic fluvius Baccas, sive uniones fert magnitudine & colore subrubro, orientalibus non inferiores.



*De sterilitate terra, & frigore nimio. Item de Regnerio Anabertâ & fundatore Celle-mari.*

## CAPUT XXI.

**A**Nnus ab incarnato Verbo millesimus septuagesimus multum calamitosus extitit, tum ob sacrum ignem, quem constat per hominum corpora in hoc tractu Voslegi dirè grassatum: nam multis exustus, truncata alia reliquit; tum ob sterilitatem, nullos enim fructus, nullum annonæ proventum, aut admodum pusillum terra studiosissimè culta produxit. Annus sequens prioris miseria, inopiamque auxit, ex eo-quod æquè propemodum sterilis, ob frigorâ vehementiâ supra quàm quis credere possit, inopes eluserit Colonos. Relatum est Mare mediterraneum eo anno alicubi rigore frigoris congelasse. Cæterum temporibus Bertheri Abbatis Senonienfis, fuit quidam Monachus Senonienfis, nomine Regnerius, qui cum studiosius, quàm cætera omnia, vitam anachoreticam expeteret, impetratâ à Berthero abeundi licentiâ, in vastâ solitudine, supra Senonias, ad parvum lacum sibi cellulam & facellum, quod *Mare* dicitur, ædificavit. Sacellum nonis Maji, in honorem Stæ. Trinitatis, à Pibone, Tullenfi Episcopo, dicatum est. Erat autem annus à Natali Domini millesimus nonagesimus.

*De*

---

reformidans equestris nobilitas, supplici libello Ducem, comitiorum anni 1619. præsidem convenit, & tam suo, quàm Capituli Romarico-montensis nomine, obtestata est, ut à novitatibus inducendis in hoc insigne Canonissarum Collegium, Abbatissam dimoveret, suâque autoritate, ut protectorem Collegii decebat, compesceret. Promisit indulgentior Princeps, procerum suorum suffragiis, ut ferebatur tempora, indigens. Fraternalis precibus victa Abbatissa, à proposito urgendo abstinuit, & reformationem quam persuadere aliis, nec cogere potuit, amplexata est, schemate & professione religionis assumptis in monasterio monialium Stî. Benedicti in urbe Nanceianâ.

*De articulo Digni Sancti Nicolai deportato ad vicum Portus per militem Lotharingum, ubi miracula operantur.*

## CAPUT XXII.

Porro excursis inde octo annis, negotiatores Barri, quæ civitas est Apulæ, quæstus gratiâ ad Antiochiam tendentes, cum navibus frumento oneratis, ad Myram Liciæ civitatem, ubi Corpus Divi Nicolai, septingentis septuaginta quinque annis sepultum delituerat, præter spem appulerunt. Considerantes autem Myram habitatoribus prope destitutam, ob Sarracenorum incursiones, qui omnia populabantur ac vastabant, nullo negotio se sacras divi Nicolai Reliquias adepturos existimant. Igitur, ut rem in pauca referam, ex ardituo Ecclesiæ semi-dirutæ, de loco ubi condebantur, edocti, magnâ cum lætiâ beata membra emunt, atque in suam patriam Barrum secundis ventis transferunt. Hujus translationis miles quidam Lotharingus factus certior, ut erat speciali obsequio huic Divo addictus, statim Religionis gratiâ Barrum petit, votoque salutari multis precibus contendit, ut in solatium obsequii, aliquid ex Reliquiis Sti. Nicolai obtineat. Reliquiarum custodes, ut viderunt viri religiosam assiduitatem, unum ex articulis digitorum Beati Nicolai depromptum, religioso militi dederunt, qui lætior, quàm si ingentem thesaurum accepisset, pretiosum munus in patriam detulit, atque in janum vici ad Murthæ ripam positi, qui dicitur *Portus*, reponit; ubi interventu ejusdem Divi multa ac magna quotidie eduntur miracula.

*De fundatione Celle Bellæ-vallis per Gerardum Comitem Vadani-montis, prius incipit per Hugonem Mediani-Monasterii Anachoretam.*

## CAPUT XXIII.

Sed & eodem sævè tempore Mathæus, Ducatus Lotharingæ, & Comitatus Vadani-montis hæres, & possessor, fraternâ motus pietate, fratri suo Gerardo Comitatum Vadani-montis cessit, quò haberet unde vitam honestè tueretur. Gerardus autem singulari ductus pietate, ut qui à teneris Deum revereri & colere didicerat, Cellam Bellæ-vallis in (a) dominio Castrensi à Hugone Mediani monacho, sed factò anachoretâ, inceptam ampliavit, absolvit, atque tot redditibus dotavit, quot necessarios sex monachis alendis existimavit, in quâ postea sepultus est. Fuerant etiam eo tempore viri fideles, & divini cultus amantissimi, qui Cœnobium Calmosiacum (b) non

Ecc

(a) Gerardus... Cellam Bellæ-vallis in dominio Castrensi... inceptam ampliavit.

Cella Bellæ-vallis, nunc Prioratus, haud procul à Castro ad Mosellam, gallicè *Châté-sur-Moselle*, Abbatiz S. Leopoldi Nanceiani unitus anno 1616. Gerardus Comitem Vadani-montis fundatorem habuit anno 1107. unâ cum Helvide uxore suâ & filio eorum Hugone. Gerardus, ille secundò genitus erat Gerardi Alfatici filius, & Vademontanæ gentis origo, facinoribus bellicis & pietate conspicuus. In Bellæ-vallis Ecclesia tumulatus jacet, & in ea posteri ejus plerique, hæreditarium sibi effodere sepulchrum.

(b) Eo tempore viri fideles... Cœnobium Calmosiacum non procul à Spinali inchoarunt,





id est opes, frugalitati & pauperum alimonie consecratas dilapidans, ac prophanans, non solum à Canonicis, penes quos Episcopi electio est, ludibrio & contemptui habitus est. Verum malæ dispensationis apud Innocentium tertium Pontificem maximum delatus, ab eodem visus est se abdicare Episcopatu, in cuius locum subrogatur Regnaldus filius pincernæ Regis Franciæ, (a) homo cum eruditione, tum morum probitate excultus. Cæterum Maherus dissimulatæ iræ quam conceperat ex huiusmodi abdicatione, ad præposituram Sti. Deodati relictam ob Episcopium, sese conferens domum inter duas Basilicas, & lapidibus turris lapsæ per incendium, cuius mentionem fecimus in præcedenti Capite, erexit. Ibi genio & libidini indulgens, etiam propriæ filiæ, quam ex Spinalensi Vestali susceperat, commiscebatur. Quod nefandum facinus, postquam frater ejus Fridericus Dux rescivit, fratrem tam impie se suamque familiam polluentem detestatus, mulierculam quæ abutebatur, in carcerem conjecit, domumque impuritatis & sacrilegii consciam funditus evertit. Sic Maherus non solum ope, verum etiam & certâ destitutus habitatione, ara enim, quam in rupe Clari-montis extruxerat tempore Simonis patris sui, optimatum consilio jampridem fuerat eversa; sæpius se conferebat ad Eremitas commorantes in cellis sacelli divæ Magdalene, quas in jugo Clari-montis Hugo Anachoreta ex Mediani Monacho factus, circiter annum Domini millesimum nonagesimum, construxerat. Quo in loco Maherus venationi & rapi-

(a) *In ejus locum subrogatus est Regnaldus.* Richerius in chron. Senonensi, & Ruyr l. *Antiquitatum Psagi*, depolitionem Mathæi referunt sub annum 1205. Alhericus anno 1210. sistentiam scribit ab Innocentio 3. ad quem Clerus Tullensis graves querelas contra dilapidatorem, & lascivum præfulem, per Archidiaconum Fridericum detulerat. Regnaldus ille non ex Guidone de Turri, ut summiavit Ecclesiæ Tullensis nuperus scriptor, furculum fingens sibi Turritanæ Gentis fuisse Regnaldum, sed ex Guidone Silvaneſti tertio, Domino de *Chantilly*, d' *Ermenonville* Franciæ Pincernâ, & Margareta de Claromonte factus erat. Quæ quidem Margareta, teste Chesnio in historia Barrensi p. 25. Reginaldi Claromontani apud Belloyacos Comitum & Clementiæ de Barro erat filia. Subindeque Regnaldus Episcopus Tullensis, non Reginaldi 2. Comitum Barri cognatus, sed nepos dicendus venit, cum Clementiâ & Regnaldus 2. ex eodem patre & matre eadem fuerint progeniti. Quare Tullensis historiographus emendandus est, qui ad instantiam Reginaldi 1. Barri Comitum, Reginaldum de Senlis ejus cognatum pervenisse scribit ad Episcopatum Tullensem. Certe Regnaldus 1. Clementiæ Pater, Margareta de Clermont avus, proavus esse debuit Episcopi Reginaldi, non cognatus, ut ex hoc schemate perspicuum est.

Regnaldus 1. Comes Barri.

Regnaldus 2. Barri Comes.

Clementia Barri nupta Reginaldo  
Comiti Claromontano apud Bel-  
loyacos.

Margareta de Clermont uxor Guidonis 3  
de Silvaneſto Franciæ Pincernæ.

Regnaldus de Silvaneſto Episcopus Tul-  
lensis renuntiatus anno 1198.

Et ut ampliùs mendum Tullensis historici elucescat, observare juvabit Regnaldum primum Barri Comitem, debitum mortis solvisse ante annum 1151. Hoc enim anno Regnaldus 2. Ducatum regebat, & multis diplomatibus probatur patris defuncti adisse hæreditatem.

nis operam dabat. Interea Regnaldus, Leucorum Antistes, viris doctis & religiosis comitatus visitationis gratiâ, monasterium Sti. Salvatoris in Vosago adiit, (a) quod enim à Bertholdo Tullenfi Episcopo constructum, & dotatum, cum prius Bodonis Monasterium (b) paulò inferius à Bodone etiam Tullenfium Episcopo

(a) *Monasterium Sti. Salvatoris in Vosago adiit, à Bertholdo constructum.* Sæculo undecimo incunte, Abbatia S. Salvatoris à Bertholdo Episcopo Tullenfi fundata, Monachis Ordinis S. Benedicti addita est; ad canonicos regulares paulò post translata, usque modò ab eis possidetur. Anno 1569. dum Lotharingia bellicis hæreticorum irruentium ex Germaniâ & Galliâ tumultibus quateretur, Dux militiæ De Genly in Vosagi fauces hostiliter irruens, Monasterium S. Salvatoris apposito igne consumpsit. Securiorem sibi mansionem & inimicorum insultibus minùs obviam Canonici quærentes, ad vicum Domni-apri, gallicè *Domp-eure*, primordialis donationis patrimoniali villam, ab oppido Albi-montis (*Blamont*) uno separatam lapide, secesserunt, & in monticulo prominente Ecclesiam, & officinas circomposuerunt.

(b) *Bodonis Monasterium*, gallicè *Bon-Moutier*. A Leuduno, seu Bodone, de quo supra, Tullenfi Episcopo, erectum & sanctimonialibus dedicatum, ab autore suo Bodone, nomen sortitum est. Thietbergam filiam suam anno circiter 656. Abbatissam Bodo præfecit. Cum verò sæculis labentibus, à fervore antiquo lapsæ sanctimoniales, in degenerem vitam abiissent, Bertholdus Tullenfis Præsul non modo Moniales extinxit, sed & Cænobium in superiori loco ædificavit à fundamentis, & S. Salvatoris indita appellatione, innovavit per omnia Monachos, profligatis sanctimonialibus substituens; sed non diù subsisterunt. *Inde expulsi Monachis*, inquit Richerius, *Ordinis Sti. Augustini Canonici, sicut usque nunc ibidem permanent, sunt introducti.* Ergò Bodonis Monasterium à Monialibus ad Monachos, & à Monachis ad Canonicos Regulares migravit. Trinæ hospitem mutationi triplex loci respondit mutatio. A Bodonis Monasterio, ad S. Salvatorem, & à S. Salvatore ad Domnum-Aprium factus est successivè inquilinorum transitus. Displicet Canonicis Regularibus Domni-Apri narratio Richerii & Herculani. Nolunt expulsi successisse Monachis, sed ab origine suâ, Monasterium S. Salvatoris à Bertholdo Tullenfi antistite institutum & destinatum fuisse Canonicis Regularibus, anno sæculi undecimi, decimo asserunt, & quasi ad aspectum recentioris coloniæ, pravos Monachorum mores, regulari disciplinâ suâ, condemnantis, suffusos pudore Bodonis-Monasterii ascetas, à S. Salvatore uno vix lapide diffitos, aufugisse ajunt, loco cedentes & bonis. Ita autore traditione, foundationis suæ historiam concinnant Canonici, & certè, si pauca excipias quæ in primitivo suo Vosagi secessu possident prædia, cætera ex Bertholdi patrimonialibus allodiis processisse palàm est, unde fundatoris honorem cum Bodone non dividunt grati filii, nec dividendum putant ratione fundi in quo Ecclesia primitus erecta est, cum alius fuerit & discretus à Bodonis-Monasterio locus, quem vel ad Episcopalis mensæ dominium pertinuisse, vel de paternâ hæreditate manasse suspicantur.

Ut ut sit, inductos in S. Salvatoris domum Canonicos dotavit villis Domni-Apri, Barbesii, Aracuriæ, Bartholomæi-montis, gallicè *Barthelemon*, Bassi-montis, *Basemont*, *Fousfré*, Bertricuriæ, *Burthecourt*, Lupi-curie, *Lupcourt*, & Azeloti, quas de proprio patrimonio possidebat Bertholdus cum *bannis, fundis, omni jurisdictione* .... *abique aliquorum dominorum temporalium aliquâ reclamatione.* Municipii dotatoris æmulata pietatem Agnes Comitissa, quam de Salmis dicunt, & utinam probarent, medietatem Ecclesiæ & villæ de Ravono ad aquas, gallicè *Ravon lez l'eau*, contulit Canonicis pro remedio animæ suæ, & successorum suorum, Præterea, inquit, confirmo ea quæ ab antecessoribus  
» meis

Episcopo constructum, circiter annum à Christo nato millesimum decimum, Sanctimonialium in eo versantium improbitate & lasciviâ motus, evertisset. Regnaldus igitur Paschali solemnitate apud Sanctum Salvatorem celebratâ, Senonias profectus est; Cujus profectonis Maherus factus certior, duos ex his qui sibi adhærebant Senonias misit, qui clam sciscitarentur quâ viâ inde esset discessurus: nam invidiâ virus in Regnaldum jam pridem animo conceptum injustè & præter meritum, effundere decreverat. Qui missi fuerunt, negotio fideliter peracto redeuntes, Maherò significant Regnaldum iter facturum per Medianum-Monasterium, Stryvadium, & Ccenobium Altreia-

„ meis Principibus Salms & Dominis hujus mez terræ donata sunt eis.  
 „ Confirmo quoque eam medietatem Ecclesiæ de Raoum quæ data est eis  
 „ pro animâ Godefridi Comitis mariti mei, nec non medietatem ejusdem  
 „ villæ, cum banno quam dedi similiter pro filio meo Willelmo qui illuc  
 „ jacet... saltus verò ejusdem villæ perducitur usque ad locum qui dicitur  
 „ *busdamont*... Datum xi. Kal. Aprilis anno ab incarnatione Domini MCXXXIV.

Temporalibus auctam bonis canoniam, spiritualibus auxere Bertholdi successores Petrus anno 1185. & Odo anno 1195. Tullenfes Episcopi, jurisdictionem ordinariam & quasi Episcopalem impetiendo Abbatibus S. Salvatoris in Ecclesias parochiales de *Harbucy*, de *Cirey*, de *Valmoutier*, de *Petit mont*, de *Chastillon*, de *Dum-Evre*, de *Raven les'eau*, de *Barbas*, & donum illud ab Archidiacono Tullensi Gerardo irreverenti impetitum, strenuè à delegatis judicibus Pontificiis anno 1245. vindicatum est, & ipsemet aggressor audacioris facti penitens, ultionæ impetitionis temeritatem scripto protestatus est his verbis.

Notum fieri volumus universis quòd cum nos impeteremus coram judicibus à Domino Papâ delegatis, virum honestum & religiosum Abbatem S. Salvatoris Vogienfis & conventum ejusdem loci, pro vicariis nobis representandis, & à venerabili Patre Episcopo instituendis, ad Ecclesiâ de *Barbas*, d'*Harbucy*, *Dum-Evre* & de *Cirey*, & quasdam alias in confinagio dictorum locorum sitas, quæ ad ipsos ab antiquo spectare dignoscuntur, nos eorum privilegiis, carthis ac monumentis, ac ipsorum possessione pacificâ quinquagenariâ videlicet & amplius, quæ iidem super his habebant, diligenter intellectis, & inspectis, querelam ipsam iisdem remisimus, confidentes tam coram ipsis judicibus, quàm coram venerabili Patre Tullensi Episcopo & etiam quibuscunque, de consilio bonorum & jurisperitorum recognoscentes, quòd secundum quod ipsi per sua legitima documenta, quæ ab ipsis Episcopis, & à Decano & Capitulo, & etiam à Domino Papâ habebant, docuerunt, & probare curarunt, nullum jus pro representatione & institutione talibus, habeamus, & si quid juris, etiam & facti habebamus, illud piè & devotè, & sine conditione qualibet, in perpetuum contulimus & concessimus. In cujus rei testimonium &c. Datum anno Domini 1245. menle Decembri.

D. Franciscus Blouët, Episcopus Tullensis, Pontificum & antecessorum suorum decreta, nec veritus, nec veneratus, Abbatem S. Salvatoris Petrum Collin ad Metensem provocavit senatum, jurisdictionis spiritualis causam, acturus. Abbas ratus non licere sibi ad tribunal ejusmodi confugere, falsis conscientiæ & Ecclesiæ suæ S. Sedi immediatè subjectæ, iuribus, abstinuit à comparitione, & inde reus & indefensus spoliatur jure antiquo tot titulis acquisito sibi, per sententiam severientem an. 1708. in parochias à parte Galliz, in alias sevirè nequeunt. Romam appellavit Abbas & Pontificem; sed appellationi obturavit aures suas Episcopus, & ita parto per sæcularem potestatem jure fruitur litigatoris hæres pacificus.

Quo tempore Lutherana hæresis Lotharingiam populabunda subijt, Monasterium S. Salvatoris ferro donavit & flammæ, anno 1524. Dirutum domum excitavit è rudibus impiger Abbas Gerardinus Jacob. Sed iterum reviviscens

hæresis & Calvinistas facibus armans, irrupit in Lotharingiam, anno 1565. iteratisque incendiis Abbatiam concremavit. Ad tutiorem locum, ædes monasterii transferendas, saluti suorum consulens Nicolaus Malriat Abbas, censuit. Ad Domnum-Aprum, profugos colligit Canonicos, situm suâ naturâ gratum, præterlabente Vezouziâ utilem, Albi-montis viciniâ securum judicans, Pontificis Pii V. consensum efflagitat, & obtinet pro translatione, anno 1569. Fœstinâ manu Ecclesiam struxit, aptavit officinas, instruxit loca regularia, quæ Dux Bullonius anno 1587. veluti turbo Lotharingiæ vastator decoxit. Templum & Claustrum, invito hoste, salva evaserunt è flammis. Dudum prostrata domus, gravata alieno ære, non potuit surgere ex ruinis. Reformatis Canonicis tantus debebatur honos. Ut primùm enim Canonici Domni-Apri accessit spontanea deditione sua, ad congregationem Nostri Salvatoris, hoc est anno 1625, protinus ab excidio convaluit, & viri fortes ex favillis monasterium excitarunt, quod quia pro temporis hujus angustii, Canonicorum parvo cœtui sufficiebat, archiùs structum fuit. Modernus Abbas, majus & majori numero continendo, commodiùs ædificare incipit.

Ab origine suâ, an per Abbates regi solitum fuerit S. Salvatoris monasterium dubitant aliqui, eo maximè nixi fundamento quòd Sigibaldus, quem Abbatum catalogo præponunt, rexisse dicant ad annum 1085. At quis faciliè crediderit, hominem ætate maturum, (neque enim alius nascenti congregationi destinandus erat rector) per annos septuaginta quinque gessisse administrationem? Sigibaldo successit est

Sigebertus anno 1117. denatus.

Hugo obiit anno 1130.

Bertramus anno 1133.

Otho anno 1140.

Imerius anno 1170.

Theobaldus anno 1206.

Claudius anno 1223.

Richerus anno 1239.

Ægidius de Vendieres anno 1260.

Petrus anno 1276.

Henricus anno 1282.

Simon anno 1305.

Reginaldus anno 1330.

Lietardus anno 1332.

Thomas anno 1334.

Gerardus anno 1343.

Valterinus anno 1355.

Joffridus anno 1383.

Joannes Aubertin anno 1414.

Joannes de Vaxenville anno 1425.

Joannes Stephani anno 1456.

Joannes Desiderii anno 1470.

Joannes Gadetti anno 1486.

Claudius Hozolet anno 1515.

Gerardinus Jacob anno 1540.

Nicolaus Malriat anno 1570.

Sebastianus Malriat anno 1574.

Christianus Malriat anno 1594.

Christianus Fabri anno 1614.

Joannes Marchal anno 1630.

Clemens Philippe anno 1668.

Carolus le Begue anno 1689.

Mathias Alluine anno 1704.

cenſe. (a) Die autem ſequentē Regnaldus à Senoniis diſcedens per Styvadium properabat ad Coenobium Altreiacenſe, cumque Bergonciam trans-

Petrus Collin anno 1722.

Joannes Baptiſta Piar Abbās modernus, Procurator Generalis in Curia Romanā, & pridem Theologiæ Profeſſor, vir acris ingenii, & rerum agenda- rum ſagacitate commendabilis, electus eſt anno 1722.

- (a) *Cenſuum Altreiacenſe.* Abbatia Canonicorum Regularium Ordinis S. Auguſtini, cujus muros allambit amnis Mortania, vulgò *la Montagne*. A Ramberti-villā, gallicè *Ramberville*, diſtat uno lapide, tribus à Stivagio verſus Occi- dentem. Stephanum à Barro, Metenſem Epiſcopum habuit fundatorem anno 1144. confirmatorem Theodoricum anno 1176. Eccleſia Monaſterialis ele- ganti ſplendet architecturā, & ſeneſtris, mirabiliori adhuc arte pictis coruſcat. Alia, Chriſti genealogiam à Jeſſe deduſtam, ad Chriſtum uſque, per heroum imagines appictas repræſentat. Secunda, Annuntiationis miſterium exhibet, & ad tabellam adgeniculatus ſiſtitur Ludovicus de Dom-Martin, Baro Fonteneti. Tertia, Chriſtum cruci, medios inter latrones appenſum, ſtipante cinſtum ca- tervā, in ſanctuarii meditullio, offert introeuntibus in Templum. Quarta na- tivitatem Chriſti, quinta aſſumptionem Beatæ Mariæ Virginis, vivaci penicillo delineatas exprimunt. Sanctuario adhærent facella S. Huberti & Nicolai. Horum prius, columnis ſultum lapideis, fornice lapideā & planā clauditur, ſeneſtris micans eximie pictis, hiltoriam referentibus S. Huberti, inter Alte- riaci Patronos aſcripti à fundacione ſuā, & ditati articulo digiti illius, à fun- datore Stephano. Inſignibus miraculis, magnum, apud exteras etiam na- tiones, nomen ſibi fecit, hæc reliquia, & frequenti rabidorum curatione, æmulum quodammodo Atudenſi Abbatiz, evalit Altreiacenſe Monaſterium. Vaſtatam à Burgundo Principe Catolo audaci, Eccleſiam ſuam, reſtaurarunt, ſacri pignoris circumalatione, Canonici Altreiacenſes. Felicitibus queſtuariis bellum indixit Arduenenſis Abbas, & coram Epiſcopo Tullenſi Olrico de Albo- monte, poſtea coram Lotharingiæ Ducibus Renato 2. & Antonio, velut pa- trimonii ſui ſuffratores, ſub obtentu exuviz ſuppoſitiæ, credulæ plebis emungentes donatā, provocavit. Litem ad utrumque tribunal, maximo utrin- que æſtu ventilatam, ſelecti hinc inde iudices, Hugo deſ Hazards Tullenſis Epiſ- copus, & Olricus Witz de Gillivillari, gallicè *Gerbviller*, Baillivus Nanceii, amicā compoſitione terminarunt, anno 1513, ſancientes, nullam ab hinc lici- tam fore Altreiacenſibus, ſacræ reliquie per Provincias deportationem, præ- terquam in vallem S. Drodati; oblationes tamen à peregrinis adventantibus recipere, juxta mores antiquos, permiſerunt, & in compenſationem queſtu- riæ ſubventionis, ſtatuerunt, ut Arduennenſes quotannis penderent Altreia- cenſibus quadraginta ſupra centum francos Barrenſes. Nicolaus de Maleze, At- duennæ, & Nicolaus Mercier Altreiaci Abbates, arbitrale judicium venerati, ſuccelloribus ſuis tranſmiſerunt, legis reciproce inſtat, auſcultandum.

Aroſiæ congregationi ſuberat Altreiacum, ejuſque ritibus & moribus vixit, donec Nicolaus Seranville Abbas, ſe ſuumque monaſterium ſubdidicet congregati- oni noſtri Salvatoris, anno 1656. Præſuerunt ad noſtra tempora, Altreiacenſi monaſterio Abbates ſequentes.

1. Anſelmus.
2. Milo, cui Lucius 3. Bullam inſcripſit anno 1182. confirmativam bonorum & ſtatūs Altreiaci anno 1182. Villam Wapriæ (*la Vaux*) ab Ottone milite de *Damelieure*, collatam Altreiaci, Milone ſupplicante approbavit Petrus Leuco- rum antiſtes anno 1183.
3. Widricus collatæ ab Epiſcopis Metenſibus bona, Bertrandi diplomate munivit, anno 1187, & is ſupremus fuit vitæ aut regiminis Widrici, nam ſequiore anno floruiſſe legitur.
4. Ancelinus, cui anno 1208. ſubrogatur.
5. Rodolphus, qui hoſtium paſſus incurſiones & incendia, fundatoris hæredes ad

- pietatem & miserationem sic movit, ut anno 1209. tria prædia in *Monte gauduri*, loco nunc ignoto, obtinerit ad solatium afflicti monasterii. Ab hoc Abbate, ad annum 1290. hiatus intercurrit, quem domesticæ carthæ non suppleant.
6. Dominicus super jure pascui in Villâ S. Gergonii, pasciscitur cum Abbatissâ Spinalli, anno 1294.
  7. Joannes Gerson, à Gerardo Metensi Præfule, novam impetrat donationum penè antiquatarum, confirmationem, anno 1299.
  8. Gerardus agebat in vivis anno 1307.
  9. Joannes obiit anno 1340.
  10. Mathæus impetitus in privilegiis & bonis, Ademarum Episcopum Metensem, illatæ injuriæ ultorem interpellans anno 1347. defensorum probavit, & benefactorem expertus, quippe qui ab eo duos salis modios, ex Medii-vici salinâ pensandos annuatim obtinuerit anno 1352.
  11. Jacobus satis cessit anno 1389.
  12. Jeanne de Pontretrin moritur anno 1417.
  13. Joannes Gemel obiit anno 1439.
  14. Desiderius Chailley abiit è vivis anno 1469.
  15. Joannes Du Chassel Coadjutor electus, & ab Abbate Strivagij, per deputationem Abbatis Araosiæ confirmatus 19. Octobris 1468. Abbatiam rexit ad annum 1481.
  16. Joannes Renaud, ad promovendum S. Huberti cultum, indulgentias concurrentibus ad solum illius procuravit anno 1483. apud Sixtum 4.
  17. Nicolaus Mercier Abbatiam adeptus ab anno 1500, pro defensionâ autenticitate reliquæ S. Huberti, vividè & efficaciter pugnavit adversus Arduennenses monachos, & litigatores. Salvâ prius certitudine sacri pignoris, per amicabilem concordiam, compescuit litem anno 1513.
  18. Claudius Steveney, Ecclesiam vastatam reparare aggressus, à Sanctuario, & coherentibus illi Capellis, auspicatur anno 1537. hortante & auxiliatricem subministrante manu Nicolao Episcopo Metensi. Nicolaus Thirion, & Desiderius Marfaut, cives Spinallenses & architectonici eximiam quam spectamus structuram absolverunt anno 1545. & in stipendium & pretium operis acceperunt viginti refalia tritici, totidem filiginis, duo pisonum refalia, & fabarum totidem unum refale salis, Francos quatuor ad comparisonem casei & butyri, sexdecim vini mensuras, porcos septem & bovem unum, vel eorum loco, francos duodecim monetæ Barrensis, libras calibis duodecim; & mille francos Barrenses. Fenestris ornavit Templum, in quibus ad vivum effigiatu cernitur. Obiit 4. Septembris 1548. mortuo hoc Epitaphium appendit gratus successor.

Cy gist le corps d'un Prélat sans saintise,  
 Qui plus aime Dieu, son Cloître & son Eglise  
 Qu'oïseaux, ni chiens, ou chevaux somptueux.  
 Cy gist le corps d'un Prélat vertueux,  
 Qui plus aime charité pure & monde.  
 Que les honneurs & la gloire du monde.  
 Las! c'est l'Abbé tant notable en surnom,  
 Dit Steveney, & Claude en propre nom,  
 Lequel dressa. sans grand support avoir  
 Le Chœur icy tel comme tu peux voir,  
 Plus par bon sens, que par grand revenu,  
 Et si l'esprit se fût encor tenu  
 Avec le corps, quelques ans d'avantage,  
 Il eût parfait le surplus de l'ouvrage;  
 Mais celle mort qui les bons fait revivre,  
 Voulant du tout rendre l'esprit delivre

Du grand travail qu'il avoit jour & nuit,  
 L'an mil cinq cents avec quarante huit  
 Posa le corps sous cette basse lambe,  
 Pour élever dessus les neuf cieus l'ame,  
 Et lui donner avec son Seigneur lieu,  
 Où il connoit qu'il fait bon aimer Dieu.  
 Si reciter je voulois, & toy lire  
 Les grandes vertus qu'en ce corps on voit luire,  
 Possible n'est que premier en disant,  
 Las je ne fusse, ou toy en les lisant,  
 Mais les grands cousts & peines qu'il a mises  
 A ériger cette tant belle Eglise,  
 Te donneront, ô passant, temoignage  
 Du demeurant de ce bon personnage.  
 Celui qui a dressé ce Chœur icy tant beau,  
 N'a point dressé pour lui quelque riche tombeau,  
 Pourquoi? il est couvert d'une vive memoire,  
 Plus riche qu'un tombeau de fin marbre ou d'ivoir.

*Ante pavimenti renovationem, exabat Claudij Berlandier epitaphium, ab eodem  
 poëta gallico, his conscriptum versibus.*

Cy gist Claude Berlandier,  
 Qui n'eût science, ni métier,  
 Néanmoins vequit longue vie  
 Joyeux, content, & sans ennui.  
 Passant, ce fût un fol plaissant,  
 Fol, qui souloit donner à rire,  
 Fol, sans malice, ou pour mieux dire,  
 Ce fût un tout simple innocent.  
 Il fût grand, robuste, homme fort,  
 Qui fit paroître sa vigueur  
 En l'érection de ce Chœur,  
 Par son laborieux effort.  
 Il portoit charge double & triple,  
 S'il étoit flatté dextrement,  
 Mais ne faisoit rien autrement,  
 Ni pour maître, ni pour disciple.  
 Il continua son service  
 A quatre Prélats de ce lieu,  
 Puis rendit sa belle ame à Dieu,  
 Nette de pechés & de vices.  
 C'est la vie & mort, c'est l'histoire,  
 De ce fol, mais fol nullement,  
 Car Dieu l'a reçu en la gloire  
 Qu'il donne aux sages seulement.

Il décéda l'an MDLVI. le iv. Septembre.

19. Thomas Pierrel morbo & morte correptus Ramberti-villæ, ibidem tumulatur anno 1554.
20. Joannes Chastelain, Abbatiam dimisit anno 1577.
21. Claudius Chevalier ex resignatione Abbas factus, ex cessione, desit esse Abbas anno 1593.
22. Nicolaus Laurent, cognomento Malote candidam vestem, concedente Clemente 8. in nigram commutavit, anno 1608. Abbatiam nepoti suo Nicolæ Seranville transcripsit anno 1634. quem sibi coadjutorem asciverat anno 1631.
23. Nicolaus Seranville, monasterium suum congregationi Nostri Salvatoris junxit anno 1656. Tanto bono, junxit malum, dum Abbatiam Midotio Canonico Tullensi, restaurationem ædificiorum, & alia mira spondenti resignavit anno 1660.

24. Carolus Midot, Bullas provisionis obtinuit die 1. Aprilis 1660. sub hac clausulâ, ut ipso cedente, vel decedente, aut aliâs dictum monasterium quomodolibet dimittere, illud ampliùs non commendetur, sed in pristinam tituli naturam reverti, eique de personâ regulari & idoneâ provideri debeat. Humanis exempto Midotio 20. Augusti 1699, per diuturnioris commende spatium, pristinae pollicitationis immemore, in defuncti locum immisus est.
25. Joseph Sulpitius Pastoret, Canonicus Regularis, Augustâ Prætoriâ oriundus, vivis ereptus 1. Aprilis 1721.
26. Claudius Franciscus du Val, Canonicus Regularis, Coadjutor electus & confirmatus 16. Novembris 1720, ex San. Ludovici Argentinenfis Pastoratu, quem per annos 27. summâ cum laude rexit, Abbatie Alteriacensis clavum ascendit anno 1721. diu, si fata votis respondeant, moderaturus.

*Diploma Theoderici, Episcopi Metensîs, pro Abbatia Alteriaci.*

**I**N nomine sanctæ & individue Trinitatis. Ego T. Dei gratiâ Metensîs electus. Domui de Alteriaco eam libertatem quam Stephanus beate memorie Prædecessor noster Metensîs Episcopus, in pratis, campis, nemoribus & pascuis concessit, & confirmavit, eidem concessimus & confirmavimus. Et insuper tres serfas quas apud vicum prædicta domus possidet, liberâs ab omni redditu & exactiõne concessimus in perpetuum. Testes sunt Dominus Barnerdus Sacerdos, Magister Albricus, Magister Driamicus, Dominus Carolus, Dominus Teodoricus Advocatus de Rambervillâ, Widericus frater ejus, Dominus Poncio Dapifer, Bertrandus miles de Merlat, Balduinus miles de Danubrio. Anno ab incarnatione Domini 1176. indictione 9. epacta 7. concurrente 4.

*Bulla Lucij III. pro Abbatia Alteriaci.*

**L**ucius Episcopus servus servorum Dei. Dilectis filiis Miloni Abbati Ecclesie Sanctæ Mariæ Alteriacensis ceterisque fratribus, tam præsentibus, quàm futuris omnibusque aliis, Apostolicam benedictionem in perpetuum. Religiosam vitam eligentibus Apostolicum convenit adesse præsidium, ne sortè cujuslibet temeritatis incurfus, aut eos à proposito revocet, aut robur (quod absit) sacre religionis confringat. Ea propter dilecti in Domino filii vestri, justis postulationibus clementer annuentes, & præfatam Ecclesiam Sanctæ Mariæ Alteriacensis, in quâ divino mancipati estis obsequio sub beati Petri & nostrâ protectione suscipimus, & præsentis scripti privilegio communimus. Imprimis siquidem statuentes, ut Ordo Canonicus qui secundum Deum & beati Augustini regulam, in eadem Ecclesia institutus esse dignoscitur, perpetuis ibidem temporibus inviolabiliter observetur. Præterea quascunque professiones, quæcunque bona eadem Ecclesia impræsentiarum justè & canonicè possidet, aut in futurum concessione Pontificum, largitione Regum, vel Principum, oblatione fidelium, seu aliis justis modis, præstante Domino, poterit adipisci, firma vobis, vestrisque successoribus, & illibata permaneant, in quibus hæc proprius duximus exprimendâ vocabulis. Locum scilicet qui nuncupatur Alteriacum, in quo Ecclesia præfata fundata est, cum decimis, & omnibus appenditiis suis, in terris cultis, & incultis, pratis,



aquis, sylvis, per terminos designatos, scilicet per duos Chillimontes, (*Chillemont*) per montem Alteriaci, per Chelmini guttam, (*La goutte ou source de Chillemont*) usque Mortaniam, & ex aliâ parte per Vadium sapinei (*Le void du sapiné*) usque Mossur, (*Mossoux*) & cunctas terras de Nuisai, censum minimè solventes, cum pasturis totius banni Rambertivillæ; locum de Guandebozoch, (*la Souche*) cum decimis & pasturis totius banni de Nozuncurt (*Nozuncourt*) perpetuo jure tenendas, sub tali conditione quòd prædicta Ecclesia duodecim nummos Metensis monetæ capitulo Sti. Stephani singulis annis in synodo post festivitatem omnium Sanctorum persolveret, ita tamen quòd si aliqua in finibus Alteriaci ad ædificationem Ecclesiæ Dei sint in usibus utilia, nullo prohibente vii contradicente sumantur. Theodorico de Danubrio ejusdem loci Advocato, & cæteris ministerialibus annuentibus & laudantibus. Dimidium molendini de Anglemont, sub censu unius nummi à Stephano quondam Metensi Episcopo vobis concessum. Alodium quod Theodoricus Advocatus Rambertivillæ habebat apud Vicum, terram apud Nozuncurt quam Widericus miles de Spinis, consensu Widerici filii sui vobis dedit, cum decem jornalibus terræ, pro quibus & pro reliquâ terrâ sex nummos singulis annis villico ejus in festo Sancti Remigii persolvitis. Decimas de propriis laboribus vestris quos fratres vestri in horreo in prataxatâ terrâ sito colligunt. Piscariam aquæ quæ Mortania dicitur inter Mossur (*Mossoux*) & Baldincham, (*Baldonchamp*) quam Theodoricus quondam Metensis electus quietè & absque omnium circummanentium inquietatione, possidendam vobis dedit. Ea libertate quod nullus infra meras, contra vestram voluntatem piscari præsumat, ita tamen quòd prædictus Electus castores & bannum ipsius loci in manu retineat. Sedem Molendini in banno de Nuzuncurt à prædicto Electo cum conductu aquæ per pratum suum quantum molendino necessarium fuerit vobis concessam. Tres ferias quas apud Vicum liberas ab omni redditu & exactiōe possidetis. Pasturas in banno de Volmecurt quas Theodoricus ejusdem Villæ advocatus sub censu unius nummi Tullensis monetæ vobis concessit, ita quòd in festivitate Beati Martini sive infra octavas villico de Volmecurt annuatim persolvitis. Decimas laborum vestrorum quas Guarinus sacerdos Rambertivillæ, & Albricus nepos ejus sub censu septem nummorum singulis annis in Kalendis Octobris persolvendorum vobis concessit. Decimas laborum vestrorum quas Cono presbyter Dillonis-villæ assensu Petri Leucorum Episcopi tam in fegetibus quam in pratis & nutrimentis imperpetuum vobis concessit, sub censu duodecim nummorum Tullensis monetæ in Kalendis Octobris persolvendorum, & quidquid Willelmus miles Rambertivillæ in decimis Ecclesiæ vestræ & grangiarum vestrarum se fatebatur habere. Et quidquid fratres vestri ab Atrio de Joannemini (*Jeanmenil*) & de Thiamenni & supra elaboraverint, uxore sua laudante cum liberis suis, & Raynaldo clerico fratre suo, assensu Petri Leucorum Episcopi imperpetuum sub censu sex nummorum in festo Sancti Remigii persolvendorum, vobis concessit. Terras & decimas ad Ecclesiam Dillonis-villæ (*Glorville*) pertinentes quas Hermannus quondam Mediani Cœnobii Abbas assensu capituli sui tali conditione vobis concessit, ut in festo depositionis Sancti Idulphi pro decimis uniuscujusque carrucæ singulis annis duos solidos Tullensis monetæ Ecclesiæ suæ persolvitis. Deci-

nam quam habetis à Gerardo Abbate Cœnobii Senoniensis, assensu Capituli sui à Villâ de Berrue & supra, & à Villâ de Thiermeuil & supra, tam in nutrimentis quàm in agriculturâ sub censu duorum solidorum in nativitate Beati Joannis super altare Sancti Stephani in cellâ Danubrii (*Denewre*) persolvendorum fundum qui in communitatibus duarum Parrocchiarum Disborchii (*Defford*) scilicet & sanctæ Helenæ includitur, quem Galterus quondam Decanus Sti. Deodati assensu Capituli sui, sub censu decem & octo nummorum Tullensis monetæ annuatim in festo Sancti Deodati persolvendorum vobis concessit. Et quidquid Albertus miles de Froville habebat in pasturis nemorum Sti. Stephani, & in toto banno Rambertivillæ, & partem nemorum banni Danubrii præfixis terminis suis ab aquâ quæ Mortenia dicitur, usque ad alteram quæ dicitur Murz. Libertates præterea quas bonæ memoriæ Stephanus quondam Metensis Episcopus, & Theodoricus ejusdem Ecclesiæ quondam electus domui vestræ in pratis, campis, sylvis, pasturis in elemosinam concesserunt vobis, nihilominus confirmamus. Sanè novalium vestrorum quæ propriis manibus aut sumptibus colitis, sive de nutrimentis animalium vestrorum, nullus à vobis decimas exigere præsumat. Liceat quoque vobis clericos vel laicos è sæculo fugientes liberos & absolutos ad Ecclesiam vestram recipere & eos absque contradictione aliquâ retinere. Prohibemus insuper ut nulli fratrum vestrorum post factam in eodem loco professionem fas sit absque Abbatis sui licentiâ de eodem loco nisi arctioris religionis obtentu discedere, discedentem verò absque communium litterarum cautione, nullus audeat retinere. Cùm autem generale interdictum terræ fuerit, liceat vobis, clausis januis, exclusis excommunicatis & interdictis, non pulsatis campanis, suppressâ voce divina officia celebrare. Inhibemus insuper ne Ecclesias aut terras seu quodlibet beneficium Ecclesiæ vestræ collatum liceat alicui personaliter dari, sive alio titulo alienari, sine totius Capituli consensu, aut majoris & senioris partis ejusdem. Si quæ verò donationes, vel alienationes aliter quàm dictum est factæ fuerint, eas irritas esse censemus. Ad hæc autem adjicimus, ne aliqui Canonici, seu Conversi, sub professione Domûs vestræ adstricti, sine consensu & licentiâ Abbatis & majoris & senioris partis Capituli vestri pro aliquo fide jubeant, vel ab aliquo pecuniam mutuò accipiant ultra pretium, Capituli sui providentiâ constitutum, nisi propter manifestam Domûs vestræ utilitatem. Quod si facere præsumpserint, non teneatur Conventus sine cujus licentiâ & consensu hoc egerant pro his aliquatenus respondere. Præterea licitum sit vobis in causis vestris fratres vestros idoneos ad testificandum adducere, atque ipsorum testimonio si rectum fuerit, & propulsare violentiam & justitiam vindicare. Pro Crismate verò, oleo sancto, consecrationibus Ecclesiarum, ordinationibus Clericorum, qui ad sacros fuerint Ordines promovendi, sive Abbate deducendo ad sedem, sive ponendo, vel quibuslibet aliis Ecclesiasticis Sacramentis, nullus à vobis, aut sub obtentu consuetudinis, aut quolibet alio modo, quicquam audeat postulare. Si quis autem contra hoc venire præsumpserit, portionem cum Giezi se noverit habiturum, cujus factum exactione turpis muneris imitatur. Sepulturam præterea ipsius loci liberam esse decernimus, ut eorum devotioni & extremæ voluntati qui se illic sepeliri

isset, (a) venit ad viam arctam, cui ex unâ parte mons, arborum densitate equitibus inuius imminet, ex alterâ palus. Ibi Maherus ex insidiis erumpens Reginaldum nil tale suspicantem invadit, ipsum crudeliter trucidat, & comites

Hhh

sepeliri deliberaverint, nisi fortè excommunicari, vel interdicti sint, nullus obstitat, salvâ tamen iustitiâ illarum Ecclesiarum à quibus mortuorum corpora assumuntur. Paci quoque & tranquillitati vestræ paternâ sollicitudine providere volentes, auctoritate Apostolicâ prohibemus, ut infra claustras locorum, seu grangiarum vestrarum, nullus violentiam, vel rapinam, furum committere, ignem apponere, seu minimè capere, truncare, vel morti dare præsumat. Decernimus ergò, ut nulli omnino hominum fas sit, præfatam Ecclesiam temerè perturbare, aut ejus possessiones auferre; vel ablatas retinere, minuere, seu quibuslibet vexationibus fatigare, sed omnia integra conserventur, eorum, pro quorum gubernatione ac substantiatione concessa, sunt usibus omnimodis profutura, salvâ Sedis Apostolicæ auctoritate, & Diocesani Episcopi canonicâ iustitiâ. Si qua igitur in futurum Ecclesiastica secularive persona hanc nostræ Constitutionis paginam sciens, contra eam temerè venire tentaverit, secundò tertiove commonita, nisi reatum suum dignâ satisfactione correxerit, potestatis honorisque sui dignitate careat, reamque se divino iudicio existere, de perpetrata iniquitate cognoscat, & à sanctissimo corpore & sanguine Dei crucifixi Redemptoris nostri JEsu Christi aliena fiat, atque in extremo examine divinæ ultionis subjaceat. Cunctis autem eidem loco sua jura servantibus sit pax Domini nostri JEsu Christi, quatenus & hic fructum bonæ actionis capiant, & apud districtum judicem præmia æternæ lucis inveniant. Amen.

Ego Lucius, Catholicæ Ecclesiæ Episcopus.

Ego Petrus, tituli Sanctæ Sufannæ presbiter Cardinalis.

Ego Vivianus, tituli Sancti Stephani in Celio-monte presbiter Cardinalis.

Ego Cynthius, presbiter Cardinalis tituli Sanctæ Cæcilie.

Ego Arduinus, presbiter Cardinalis tituli Sanctæ Crucis in Jerusalem.

Ego Matheus, presbiter Cardinalis tituli Sancti Marcelli.

Ego Laborans, presbiter Cardinalis S. Mariæ Trans-Tiberim tituli Calixti.

Ego Petrus, presbiter Cardinalis tituli Sancti Laurentii in Damaso.

Ego Theodinus, Portuensis & Sanctæ Rufinæ Sedis Episcopus.

Ego Petrus, Tusculanus Episcopus.

Ego Paulus, Prenestinus Episcopus.

Ego Jacobus, Diaconus Cardinalis Sanctæ Mariæ in Cosmedin.

Ego Arditio, Sancti Theodori Diaconus Cardinalis.

Ego Gratianus, Sanctorum Cosmæ & Damiani Diaconus Cardinalis.

Darun Velletri... per manum Alberti, Sanctæ Romanæ Ecclesiæ presbiteri

Cardinalis & Cancellarii 14. Kalendas Julii, indictione 15. Incarnationis

Domini 1182. Pontificatus verò Domini Lucii Papæ tertii anno primo.

- (a) *Cumque Burgonciam transfret (Reginaldus) venit ad viam arctam... ibi Maherus ex insidiis erumpens.* Burgoncia, galliè *la Burgence*, villa tractûs Stivagiensis, horâ & sesqui à Stivagio distat. In proximo, & qua iter est Alteriacum, imminet montes abietibus feraces, ad quorum radicem paludosa vallis dilabentes è montium jugis, aquas excipit. Eò loci paravit insidias Maherus, illic Reginaldum ex insidiis petitu interfecit, & in perenne necis cruentæ monumentum crucem lapidem erexere posterî, nunc extantem. Richieri scribit, non à Mahero, sed à Joanne servo Maheri, *cultello arrepto quem penes se*

spoliat. Quo perpetrato facinore ad arcem Domini à Horbourg, (a) quæ *Wiltstein* in Alburis appellatur, aufugit, ibique cum militibus impietate sibi similibus ad sequentem Pentecosten usque latuit.

Verùm cum animus sibi male conscius nusquam tutus, aut quietus sit, de suâ salute sollicitus anxie occasiones impetrandæ veniæ disquirebat. Intercè autem dum has animo verteret curas, Theobaldum Ducem, Friderici successorem Religionis gratiâ, Pentecosten apud S. Deodatum acturum accepit. Eò autem se clam conferens, rumores captabat, an aliquâ occasione veniam, tam nefandi facinoris apud Ducem & juvenem, & suum ex sorore nepotem impetrare posset. Sed postquam intellexit Regnaldi parentes Duci improperare, suo veluti consensu hoc perpetratum facinus, nisi ulcisceretur, ratus nullam spem veniæ sibi relictam, ad Clarum-montem, ubi solitus erat commorari, clanculum se contulit. Theobaldus solemnitate peractâ, feriâ tertiâ Pentecostes discedens à Sto. Deotato per Bellum-montem equitabat cum suis, & ecce Maherus factus ei obuius apud viculum, qui *Nompatelise* (b) vocatur, veniam supplex orabat. Theobaldus vehementi percitus irâ, cum imperasset proximo Simonî à Iglovillâ, hunc perfodere, & Simon manum in Christum mittere recusaret, ipse arrepto telo supplicem patrum perfodit, atque relicto ibi cadavere abiit, quod postea ad Sanctum Deodatum sepulturæ gratiâ à fautoribus & amicis delatum, Christianorum sepulchrâ indignum iudicatum est. Quam ob rem deportatum ad Clarum-montem, quem vivens incoluerat, sub lectum facelli Divæ Magdalene in ligneo sarcophago appensum, aliquandiu permansit. Tandem in fossam, in quâ feræ præcipitate capiuntur, projectum, lignis & lapidibus obrutum est. Talem meretur exitum impietas.

Atque hæc hætenus, nam nequaquam ulterius progredi in pervestigatione antiquitatum hujus Vallis eò mihi visum est, in primis quòd existimem, hæc utcumque digesta, & rudiora fortassis, quam ut teneræ aures ferre possint, abunde sufficere ad favores eorum, qui antiquitates admirantur ac magni faciunt, mihi conciliandos. Deinde quòd iniquum reputem ita desperare de ingeniis nostrorum, ut eorum sedulitati nihil reliquum fiat. Ne itaque conqueri possint occasionem sibi peremptam, præter eâ quæ studiosè omisi acta, gestaque trecentorum penè annorum vestiganda & exornanda studiosius multò quàm mihi licuerit, relinquo. Lectores interim orans, ut nostrum hunc laborem boni consulant, ut eò loci apud se sinant esse, quæ suæ utilitatis gratiâ parata sunt.

*habebat, Episcopum ter, in tribus locis, fuisse perpassum, in pectore, scilicet, & bis à tergo. Rem ita gestam narrat Joannes de Bayon c. 100. Quare Herculanus qui actorem & autorem facinoris Maherum efficit, emendatione indiget. Corrigendus quoque, in eo quod Theobaldum 1. Ducem Lotharingæ nepotem dicit Maheri ex sorore: non ex sorore, sed ex proprio capite Maherus erat Theobaldi patruus, quippe qui frater Friderici, patris Theobaldi Ducis primi.*

(a) *Ad arcem Domini de Horbourg quæ Wiltstein in Alburis vocatur, aufugit. Est arx eadem, ad quam Dux Fridericus concubinam Maheri compedibus alligatam misit, referente Joanne Bayonensi, cap. 97. Erat autem castrum in Alsatiâ, juris sui filij Theobaldi ratione uxoris filia Comitis de Dasporch unica, quam desponsaverat Fridericus.*

(b) *Apud viculum qui Nompatelise vocatur. Nompatelise, latinè Neopardus, vicus est Stravagienlis agri, sicut & Bellus-Mons, hodie vocatus S. Michael, ab Ecclesiâ in ejus honorem illic consecrata. Ex Richerii chronico, non in villâ Neopardi, sed in rivulo decurrente secus Neopardum Maherus à Theobaldo, confossus est lanceâ. Rivulus ille patriâ lingua *Vuid de Paru* appellatur.*

COLLECTIO  
ACTORUM  
ET  
DECRETORUM  
SACRI OECUMENICI  
CONCILII  
TRIDENTINI  
IN DUAS PARTES DIVISA

*P R I M A*

CONTINET ACTA ET CANONES AB ANNO MDLI.  
AD ANNUM MDLII.


*S E C U N D A*

MEDULLAM VOTORUM ET SENTENTIARUM  
PATRUM CONCILII SUPER PRÆCIPUIS MATERIIS PRO-  
POSITIS IN CONGREGATIONIBUS AB ADVENTU EMI-  
NENTISSIMI CARDINALIS LOTHARINGICI CUM EPIS-  
COPIS GALLIS, AB ANNO MDLXII. AD FINEM CONCILII.

A U T O R E

NICOLAO PSALMÆO

Canonico Præmonstratensi, Abbate Sancti Pauli, & Virdunensi  
Episcopo, ejusdemque Concilii Secretario & Canonum Redactore.



PRIMA PARS  
A C T O R U M  
E T  
D E C R E T O R U M  
S A C R I C O N C I L I I  
T R I D E N T I N I

Ab anno MDLI. usque ad 28. Aprilis MDLII.

*Copia Litterarum quas Dominus Psalmeus recepit à Metropolitano suo  
ad comparandum in Concilio Tridentino.*

Reverendo in Christo Patri Domino Nicolao Episcopo Virdunenſi  
Amico nostro Charissimo.

**S**ALUTEM & mutuz benevolentiz incrementum. Reverende in Christo Pater, amicè charissimè, Cum aliàs Superioribus annis, sicuti dilectio vestra novit, felicis Recordationis Paulus Papa tertius, ad tollenda Religionis nostræ dissidia, quæ potissimè in Germaniâ longo jam tempore, non sine totius Christiani orbis perturbatione & scandalo viguerunt, sacrum œcumenicum universale & Generale Concilium ad Civitatem Tridentinam indixerit, in quo plures publicæ & solennes habitæ Sessiones, pluraque tam in causâ fidei, quàm reformationis promulgata decreta fuerint, & tandem dictum Concilium, ob certas legitimas causas suspensum, & prorogatum, nec sine debito consensu, extitit. Quapropter Sanctissimus in Christo Pater & Dominus noster Dominus Julius Papa tertius modernus, summopere affectans Ecclesiam ad perfectam, & integram unitatem pacis, ac veram, sinceram & orthodoxam doctrinam reducere, & reponere, & nationis Germanicæ tranquillitati quantum potest consulere, dictum œcumenicum Generale Concilium continuandum, & in eo statû, in quo reperitur, resumendum & prosequendum ad ipsam Civitatem Tridentinam reduxit, & reposuit, atque ad proximas Calendas Maji rursus indixit, nec-non in proximis habitis & celebratis Comitibus Imperialibus Augustanis, omnibus & singulis Principibus, cæterisque

Sacri Romani Imperii Proceribus, & Statibus præsentibus intimavit & notificavit, Nunciusque ejusdem Sanctissimi Domini nostri, ad Cæsaream Majestatem cum potestate Legati de latere destinatus, nobis Bullas indictionis & reductionis ejusdem Concilii porrexit, ac injunxit, & demandavit, ut hoc Concilium œcumenicum latius suffraganeis nostris insinuaremus. Præterea ex injuncto nobis à dicto Nuncio Apostolico, officio, & uti ex jure Metropolitico astringimur, exemplar dictarum Bullarum Apostolicarum collationatum, & manû Notarii publici subscriptum, præsentibus annexum dilectioni vestræ mittimus, eandem plurimum adprecantes, ut pro communi reipublicæ orthodoxæque nostræ Religionis utilitate, tranquillitate, & observantiâ ad proximas Calendas Maji in Tridentinâ Civitate, hujusmodi sacro universali Concilio continuando, & ad optimum finem deducendo, sub jurisjurandi, quo Sedi Apostolicæ astricta est, & sanctæ obedientiæ penâ, personaliter adesse, & interesse non postponat. At ubi justo & legitimo aliquo detenta fuerit impedimento, suos nuntios & procuratores probatos, & graves viros sufficienti mandato instructos, ad dictum Concilium, tempore & loco prædictis, mittat & deleget, ac se de personali comparitione excusari faciat, ac impedimenta deducat. Et si qui Prælati sub diocesi dilectionis vestræ resederint, qui de jure, aut consuetudine, vel privilegio Conciliis Generalibus interesse debent, & sententias in eis dicendi, ipsis permissa fuerit potestas, iidem, & eorum singulis Concilium hoc Generale denunciari ac insinuari quàm primùm procuret, in hoc faciet dilectio vestra quod suo officio pariter incumbit. Quod autem hæc nostræ litteræ dilectioni vestræ tardè afferantur, in causâ est noster à Comitibus Imperialibus Augustanis tardus recessus. Hæc volumus dilectionem vestram scire, ne de præmissis imposterum ignorantiam aliquam præterhabere possit. Quæ valeat foelix & incolumis. Data ex arce nostrâ Crenbreitslein die quartâ mensis Aprilis Anno millesimo quingentesimo & quinquagesimo primo. Joannes Dei gratiâ Archiepiscopus Trevirensis ac Princeps Elector.

*Cæsaris Litteræ, quibus eos ipsos ad Concilium invitat, quos Papa vocavit. Ergo ad Pastores Ecclesiarum nostrarum non pertinent, quia bi non fuerunt à Papâ vocati.*

**N**OS Carolus &c. Electoribus, Principibus, & Venerabilibus omnibus Archiepiscopis & vocatis ad Generale Concilium indictum Tridentum 1. Maji aut qui ratione aut laudabili consuetudine eò venire debent, Salutem. Conspectum habemus Sanctitatem Papalem suâ paternâ & bonâ voluntate secundum officium quo novissimè functus est, per litteras & per Legatos in ultimis Comitibus Imperialibus destinasse suos Legatos, ad incipiendum in nomine ejus Sanctitatis, Concilium Generale qui debeant ad eum diem comparere, ut rem aggrediantur. Et quanquam non dubitamus quin probè considerare sciatis paternas & mites admonitiones, quibus ob eam rem usi sumus tum ad vos, tum ad statûs Sancti Imperii in istis Comitibus, & quod nobis considerandum sit, quantum momenti habiturum sit, cum ad universam Christianitatem, tum ad hanc laudabilem nationem Germaniæ, ut componantur negotia & diffidia quæ nunc sunt in nostrâ Sanctâ Religione, Ideoque sine dubio, sitis in illo comparituri Concilio ad diem, & negotia tractaturi ad id Concilium pertinentia, ad Dei gloriam & Christianæ doctrinæ,




ad omnium salutem & pacis conservationem, & tranquillitatem ac concordiam Sancti Imperii: Volumus tamen pro autoritate & officio nostro, & propter Christianam affectionem, quâ merito cupimus promoveri tam sanctum & divinum opus, ut id primum ad honorem omnipotentis Dei, deinde ob Christianam tranquillitatem, & concordiam, possit ad exitum perducî, Christianè & laudabiliter concludi, & difficultates & dissidia Christianæ Religionis secundum veram Apostolicam doctrinam ac intelligentiam componi & explicari, & omnes Scetæ, malæ institutiones aboleri & extirpari: nolumus omittere, ut nos admoneremus vos omnes paternè & humanè, ut quisque vestrum suo fungatur officio, utque ad id Concilium compareatis ad diem, ad Concilii negotia tractanda, & ad consultandum & tractandum de omnibus punctis & articulis, propter quos id Concilium instituendum est, ita ut nichil affectioni privatæ indulgeatis, sed negotium tractetis secundum veram intelligentiam & doctrinam antiquorum Patrum & Sanctorum Apostolorum, ut Christianè omnia dissidia feliciter componantur, quâ quidem in re, nos vobis plenè confidimus. Nam si non faceretis, & propter absentiam vestram hæc negotia differrentur, non conveniret istud cum vestro & Statuum consensu; sed esset contra officium & obedientiam, quam quisque vestrum debet Sancto Petro & nobis, id quod nobis valdè displiceret. Itaque hac de re admonitos unanimiter volumus, ut deliberetis, & ita vos uti decet geratis, si enim istud facietis, unusquisque vestrum ex officio suo, nostræ voluntati parebit. Datum Augustæ Martij 23. 1551.

*Alie Caesaris Littere quibus mandat suis subditis, ut ad Concilium accedant, & illis omnibus saluum conductum & securitatem largitur.*

Carolus Quintus, Dei gratiâ Romanorum Imperator semper Augustus &c. Mandamus omnibus & singulis nostris Electoribus, Principibus & Statibus secularibus Imperii, & omnibus dilectis fidelibus nostris subditis cujuscunque status & dignitatis sint, qui huc usque observarunt nostram Sanctam Religionem, qualem leges & statuta veteris Catholicæ Ecclesiæ præscripserunt; Sed & iis quoque qui ab eo tempore admiserunt & tenuerunt mutationem aliquam prædictæ Religionis, salutem & benevolentiam. Certò edocti sumus, Sanctitatem Papalem paternâ & propensâ voluntate exequendi promissâ sanctitatis suæ, tam litteris quàm per Legatos in postremis Imperii Comitibus oblata; deputasse Legatos qui Sanctitatis ipsius nomine inchoent Concilium Generale Tridentinum indictum ad Calendas Majas, quo die Legati prædicti comparere debebunt & procedere in negotio Concilii, & quamquam non dubitamus quin omnes nostri Electores, Principes, & Prælati, spirituales & alii, qui vocati sunt ut compareant in illo Concilio Generali, aut qui aliquin jure vel laudabili consuetudine interesse tenentur, sine omni difficultate obedientes sint futuri, & certò comparituri prædicto die, ut operam navent in his quæ concernunt ipsius Concilii actionem, maxime quia postremis Comitibus, hic actis, vobis & aliis electoribus Principibus & Statibus Sancti Imperii obtulimus, & adhuc offerimus omnem operam & diligentiam nostram: ut juxta Comitiorum anni 1548. decreta, Concilium procedat, statusque mutationem Religionis experti, & Confessioni Augustanæ adherentes, possint comparere, Legatos ad Concilium mittere, eoque ire, venire & securè liberèque redire, ac causam suam abundè (ut æquum est) exponere,

quo hæc negotia ad foelicem finem perducantur, ipsique Electores, Principes & Status Sacro-Sancti Imperii & alii qui Religionis mutationem admiserunt, sollicitè monerentur, ut sese ad futurum Concilium præparent uti decet, ne in posterum conqueri aut prætexere possent, commoditatem, aut tempus sibi defuisse, & ad opiniones suas proponendas, quemadmodum hæc omnia fusiùs in actis utrorumque Comitiorum habentur: tamen quia & officii nostri Imperialis est & Christianus affectus noster impellit, ut tam divinum opus in gloriam primùm Dei Omnipotentis, deindè ad pacificationem & concordiam reipublicæ Christianæ promoveamus, ut ad Christianum & laudabilem exitum perducatur; Nolumus omittere quin vos paternè & clementer moneremus, eos maxime qui de Religione suâ ambigunt, & mutationem admiserunt, simulque omnes quos suprà attingimus, cuiuscumque statûs ac dignitatis sint, ne parcatis labori, & diligentia, quin potius omni sollicitudine necessariâ incumbatis, ut exoneretis & tranquilletis conscientias vestras, proponendo intrepidè & liberè, vosmetipsi præsentés aut per Legatos coram Concilio. Virtute etiã officii, authoritatis & potentia nostræ, vobis omnibus & nominatim iis qui sibi non satis in Religione constant, & Concilio interesse voluerint, dedimus & permisimus, damus & permittimus comiteum tutum & liberum, cundi & redeundi securè & liberè, sine cuiusque contradictione & impedimento, id quod clementer vobis significare volumus, ut secundùm hæc vos gerere non dubitetis. Valete. Augustæ nostræ Vindelicorum 23. Martii 1551. Imperii nostri 31. & Regni nostri 36.



## SESSIO PRIMA

### CONCILII TRIDENTINI.

**D**ie Veneris primâ Maji anno MDLI. celebrata fuit Sessio in Æde Cathedrali Tridentinâ, in quâ Reverendissimus D. Marcellus de Crescentiis S. R. E. Cardinalis ad Sacrum œcumenicum Concilium Legatus, celebratâ de Spiritu Sancto Missâ, & invocatione ejusdem Spiritûs Sancti factâ cum Litanis & orationibus solemniter dictis, jussit mandatum suæ Legationis perlegi. Deinde decretum sessionis per R. d. Archiepiscopum (a) Turritanum ex suggesto pronuntiatum fuit; quæquidem sessio futura ad Calendas Septembris prorogata fuit, ob penuriam Episcoporum. Interim nihil ibi gestum est præterquam quòd habitæ fuerunt orationes à Doctõribus Hispanis diebus solemnibus, quibus Capella congregata fuit, ut penè deplorata essent Concilii negotia, nisi interim paulò antè Calendas Septembris advenissent præter multorum expectationem, Maguntinus & Trevirensis Archiepiscopi Principes Electores.

Die Lunæ ultimâ Augusti congregati sunt Patres in ædibus residentia Domini Legati, ubi tractatum fuit de loco sessionis Principum Electorum; & conclusum ut præcederent omnes Archiepiscopos, sine ullo tamen præjudicio aliorum. Deindè cum nihil esset huc usque in Congregationibus agitarum quod in sessione proximâ decidendum & publicandum foret: visum fuit Patribus prorogationem denuò faciendam ad quadragesimam usque diem tantùm; & interim discuterentur materiae de Sacramento Eucharistiæ & de residentia Prælatorum.

SECUNDA

---

(a) Salvatorem Alexo.

## SECUNDA SESSIO.

**D**ie Martis, prima Septembris celebrata fuit Sessio in Æde Cathedrali, in qua Archiepiscopus (a) Calariensis celebravit Missam de Spiritu Sancto. Post Evangelium habita fuit Oratio exhortatoria ad benè beatèque vivendum; per Secretarium Concilii. Finita Missa Reverendissimus Legatus, post invocationem Spiritus Sancti, inchoavit Sessionem cum caeremoniis & precibus adhiberi solitis. Deindè decretum prorogationis ad quadragesimum diem, qui erat dies undecimus Octobris, in ambone per dictum Calariensem lectum fuit, quod omnibus placuit, nisi quòd Dominus Calagurritanus dixit sibi placere, exceptis his quæ in Congregatione maturinà antè Missam factà, proposuerat coram Patribus: nempe quòd in decreto adjicienda foret clausula *Sacra Synodus universalem Ecclesiam representans*, (b) non tamen sine contradictione Legati, qui quidem Papam esse caput, nos verò membra allegavit, & quod pendente Concilio Constantiensi non erat Pontifex, saltem erat schisma; Insuper Generosus Comes de Monfort (c) exhibuit cum omni modestià & oratione in scriptis habità, eaque per Secretarium Concilii lecta, Mandatum Cæ-

Kkk

(a) Balthasar de Erodia.

(b) Hæc clausula stante Concilio, & in variis Congregationibus, à Patribus nonnullis desiderata sæpe fuit, præsertim in Congregatione habita 22. Jan. 1546. à Baccio Marcello Episcopo Felusano & pluribus Episcopis expetita fuit, ad majorem Concilii auctoritatem, & à Conciliis Constantiensi & Basileensi usitatam. Augustinus Bonuccijs generalis magister servorum, expungendam potius dixit ex novitate suà, & veteribus Synodis ignotam. Favit opinioni Pighius Rotæ auditor, addens superfluum fore, cum *Synodus universalis & œcumenica*, paris essent significationis, majoris auctoritatis, & propter consuetudinem, minoris invidiæ. Joannes Maria Cardinalis de Monte, Concilii Protopræses, utraque sententià humaniter laudatà, ad posteriorem accessit, tum quia Lutheranorum obtestationibus non pateret, tum quia tempori opportuna non esset, ob Patrum paucitatem, & absentiam Oratorum. Subdidit non debere trahi in exemplum quod à Synodo Constantiensi & Basileensi gestum erat, cum ambæ in schismà abierint, & fortè ob incertum schismatis tempus, hanc judicaverint apponendam esse clausulam suis canonibus, ut major eis conciliaretur auctoritas. Abstinerunt pro tunc Patres, ab urgendâ appositione hujus clausulæ quæ alteram inserebat ab iisdem Conciliis adjectam, qua Papalis dignitas tenebatur obedire sancitis à Synodo Ecclesiam universalem representante. Sed paulò post auctà Patrum frequentià, vehementius insisterunt Episcopi Galli, Hispani & Itali, ut canonibus hæc clausula præfigeretur. Magno inde æstu agitata fuit questio, cui supersedendum dixit Cardinalis Paceco, ne calumniandi occasionem inde arripere hæretici. Medius inter litigatores surrexit Hyeronimus Seripandus Augustinianæ religionis magister, dixitque pro tunc non agi, an perpetuò esset excludenda hæc clausula, sed an sponenda ad numerosiores & florentiores Concilii statum, & iis tantum præponenda decretis, quæ altiora dogmata complecterentur. Hoc temperamento deliniti Patres quieverunt. Recruduit nihilominus iterum in Sess. 3. diei 4. Februarii. Rursus eam instauravit in Sess. 18. anni 1562. Archiepiscopus Granatensis, sed irritò conatu, & sub universalis & œcumenicæ Synodi titulo, canones prodierunt.

(c) Hugo Comes de Monteforti, Hermanni Comitis, & Cæcilie de Liechtenstein filius, Veronicam de Sonnenberg desponsarat, & improlis moritur.

faris, quo deputabatur Orator Imperii ad Concilium : post cujus lectionem humanissime exceptus fuit. Subinde lectum fuit Mandatum Regis Romanorum quo R. D. Federicus Nauceri Episcopus Viennensis Orator ad idem Concilium deputatus fuit, qui pari modo admittus fuit. Deinceps intervenit Generosus quidam Prothonotarius Reverendissimi Cardinalis Turnonii, ex parte Regis Francorum, qui litteras regias Legato præsentavit, & petiit se admitti ad declarationem nonnullorum articulorum nomine Regio, prout idem jam exposuerat Smo. D. N. Julio & Senatui Cardinalium. At verò cum Litteræ Regiæ nonnullis Episcopis Hispanis primâ facie viderentur Concilii authoritatem minuire, propterea quòd in litteris Concilium vocaret Conventum, non sine contradictione & tumultu admittæ tandem fuerunt, & lectæ sine tamen præjudicio dictionis Conventus, deinde declaratio Regia per eundem Oratorem lecta fuit, & Synodus respondit prout dictum est sine præjudicio, & quod responsum daretur Regi ad futuras Sessiones, & sic post Benedictionem Legati soluta fuit Synodus.

*Nomina Cardinalium, Oratorum, Archiepiscoporum, qui aderant in hujusmodi Sessione, sequuntur.*

- R. mus Marcellus de Crescentiis, Cardinalis Legatus.
- R. mus Cardinalis Tridentinus.
- R. dus Episcopus Sypontinus, Præsident.
- R. Episcopus Veronensis, alter ex Præsidentibus.
- R. mus Sebastianus Archiepiscopus Maguntinus, Elector.
- R. mus Joannes Archiepiscopus Trevirensis, Elector.
- Generosus D. Comes de Monfort, Orator Imperii.
- D. Franciscus de Toledo, Regis Hispaniarum Orator.
- R. Federicus Nauceri, Episcopus Viennensis, Orator Regis Romanorum.
- R. Archiepiscopus Turritanus.
- R. Archiepiscopus Antiberensis.
- R. Archiepiscopus Panormitanus.
- R. Archiepiscopus Calarritanus.
- R. Archiepiscopus Granatenfis.
- R. Episcopus Segobricensis.
- R. Episcopus Majoricensis.
- R. Episcopus Castellarianensis.
- R. Episcopus Laucianensis.
- R. Episcopus Algarensis.
- R. Episcopus Miciensis, Suffraganeus Maguntinus.
- R. Episcopus Siracufensis.
- R. Episcopus Pzarenfis.
- R. Episcopus Auriensis.
- R. Episcopus Pacensis.
- R. Episcopus Constantinensis.
- R. Episcopus Ofsensis.
- R. Episcopus Soloniensis, Suffraganeus Episcopi Herbipoliensis.
- R. Episcopus Calagurritanus.
- R. Episcopus Elnensis.
- R. Episcopus Monopolitanus.
- R. Episcopus Leczionensis.

R. Episcopus Onetenfis.  
 R. Episcopus Tudenfis.  
 R. Episcopus Lacorienfis.  
 R. Episcopus Cadinenfis.  
 R. Episcopus Astoricenfis.  
 R. Nicolaus Pſcaume , Episcopus Virdunenfis.  
 R. Episcopus Salaminenſis , Suffraganeus Majoricenſis.  
 R. Episcopus Boſſanenſis.  
 R. Episcopus Mutinenſis.  
 D. Franciſcus , Fiſcalis Hiſpaniarum.  
 D. Secretarius Concilii.  
 Doctores Theologi non copioſa hominum turba.

*Sequitur Decretum Prorogationis.*

**S**acro-Sancta œcumenica & Generalis Tridentina Synodus in Spiritu Sancto legitime congregata, quæ in proximè præteritâ Sessione ſequentem hanc hodie habendam, & ad ulteriora procedendum eſſe decreverat; cum ob indicte Germanicæ Nationis, cujus præcipuè cauſa agitur, abſentiam, nec non magnam caterorum Patrum frequentiam procedere hæcenus diſtulerit, de Venerabilium in Chriſto fratrum, & filiorum ſuorum Moguntini & Trevirenſis Archiepiſcoporum, ſacri Romani Imperii Principum & Electorum, & complurium ipſius, aliarumque Provinciarum Episcoporum, ſub hanc ipſam diem Adventu in Domino exultans, & dignas ipſi Omnipotenti Deo gratias agens, firmamque ſpem concipiens quàm plurimos alios tam ipſius Germaniæ, quàm aliarum Nationum Prælatos, & ſui officii debito, & hoc exemplo commotos propè diem eſſe venturos, futuram ſeſſionem ad quadrageſimam diem, quæ erit undecima menſis Octobris proximè ſequentis, indicit: & Concilium ipſum in ſtatu in quo reperitur proſequendo. Cum in præteritis ſeſſionibus de ſeptem Sacramentis novæ legis in genere & in ſpecie, de Baptiſmate & de Confirmatione definitum fuerit, ſtatuit & decernit de ſanctiſſimæ Euchariſtiæ Sacramento, nec non quod ad reformationem attinet, de reliquis quæ ad facilitatem & commodiorem Prælatorum reſidentiam pertinent agi & tractari debere. Ac monet & hortatur omnes Patres, ut interim Domini noſtri JESU Chriſti exemplo, quantum tamen humana fragilitas patietur, jejniis & orationibus vacent, ut tandem placatus, qui in ſæcula ſit benedictus Deus, corda hominum ad veræ ſuæ fidei agnitionem, & Sanctæ Matris Eccleſiæ unitatem, ac rectè vivendi normam reducere dignetur.

*Sacro-Sanctæ Synodi proteſtatio ante Gallie Regis Litterarum lectionem facta.*

**S**acro-Sancta Generalis œcumenica Synodus, interpretando verba Litterarum Chriſtianiſſimi Regis, ubi illam, *Conventum* appellat, in bonam partem prout de tanto Rege Chriſtianiſſimo credendum eſt, ita ut de Conventu hoc legitimo, œcumenicum ac Generale Concilium faciente intelligantur, & proteſtando ſi aliter Litteræ intelligerentur, non eſſe ad ipſam Synodum directas, paſſa eſt quòd Litteræ Regis prædictæ legantur, & proteſtatur legi ſine aliquo ejus præjudicio.

*Litteræ Missivæ Regis Gallie (a) ad Concilium Tridentinum.*

**H**enricus divino beneficio Francorum Rex. Sanctissimis in Christo & observandis summopere Patribus Tridentini Conventus. S. P. D. hoc imprimis visum est convenire, cum cuidam singulari observantiæ nostræ, majorumque nostrorum in universam Ecclesiam, tum egregio præterea studio erga ordinem vestrum, Patres ornatissimi, quod apud vos minime nos quidem dissimulandum duximus, quibus causis, quam iustis quamque necessariis non modò adducti vel impulsus, verum etiam coacti simus; nullum Episcopum qui nostræ ditionis esset, Tridentum mittere, ad eum Conventum celebrandum, qui esset à Beatissimo Patre Papâ nostro Julio, indicatus, nomine publici Concilii, eaque de causâ præscribenda breviter ad vos omnia curavimus, & quæ pro nobis exponenda, & quæ vobis ipsis, istâ dignitate, istâ gravitate hominibus diligenter & attentè perpendenda videbantur. Præsertim cum nobis doctum non esset, valde alienum à sapientiâ, prudentiâ, integritate vestrâ sanctissimi Patres, factum aliquod aut nostrum aut alterius cuiusvis temerè condemnare, quod perspectâ *dijudicatâque causâ vobis* facillimè probaretur. In iis itaque quæ pro causâ nostrâ scripta mittimus, sunt quæ partim communi omnium, *partim* quæ præcipuo jure aut prostemur ultro, aut *asferuntur à nobis*, ac deprecamur, necessario quodam & *explorato* penè injuriæ ac contumeliæ metu, si quis à vobis retineatur humanitatis sensus, aut benignitatis, nimis vehementer ac præter modum videbimur oppugnari à nonnullis. *Quibus tamen* ne repugnaremus quidem si liceret nobis, ab omni iustitiæ atque æquitatis instituto & suscepto semel patrociniò recedere. Sed *hec omnia Sanctissimi Patres* non secus ac honorarii arbitri comiter ac benè *ut audiat, ab eoque recitari* patiamini, cui has ipsis litteras ad vos nullâ aliâ de re dedimus, vos vehementer etiam atque etiam obtestamur, eaque sic accipiat obsecramus, non tanquam ab ignoto, aut alieno, aut adversario profecta, sed velut ab eo qui hæreditario nomine Maximus, aut sicuti loquimur, Primus, & perhibeatur, & sit Ecclesiæ Catholicæ filius: quo quidem in domestico ornamento *obtinendo*, & in sustinendâ majorum nostrorum & virtutis & pietatis opinione pollicemur vobis, præstantissimi Patres, idque adeò nobis sumere audemus freti benignitate Domini nostri JESU CHRISTI recipimus, spondemus nos mirificam illorum animi magnitudinem, vigilantiam, sollicitudinem, fortitudinem, religionem *omni genere* præstaturus esse studiorum officiorumque nostrorum; tantùm abest, ut dum factam & illatam ab aliis injuriam necessario cogimur repellere, aut traditam nobis à majoribus nostris Ecclesiæ Catholicæ charitatem deponere queamus, aut nostrâ sponte desinere prosequi quicquid ab eâ pertractatum, decretum, constitutum fuerit. Quomodo *vide licet* ab illâ pertractari, decerni & constitui par est: dum æ quid inæreâ sincero atque integro ab hæreticorum vecordiâ, Principi immerenti atque innocenti, aut captiosum comparetur aut contumeliosum. Sit Dominus noster Jesus Christus ipse qui auctor est, custos, etiam & conservator Patres *ornatissimi*, salutis, incolumitatis, dignitatisque vestræ. Valete. Ex Villâ Regiâ quæ fontis Bellæ-aquæ dicitur ante diem Id. Aug. 1551. Sic signatum HENRY. Et inferius DU THYER. In dorso litterarum fuerat scriptum: *Sanctissimis & observandis imprimis in Christo Patribus Conventus Tridentini.* Pro-

(a) Has Henrici 2. litteras ex parte mutilatas, ad autographum Psalmæi restitui-mus, & emendationes italico caractere designamus, nec tamen inde clariores evadunt.

*Protestatio Regis Christianissimi nomine facta.*

**H**Æc sunt Sanctissimi Patres, quæ post susceptum primum agri Patmenfis patrociniũ à Christianissimo Rege, post exortam deinde eã de re gravissimam, *sed injustissimam* illam quidem querimoniam, post oblatum potestemò proximũ hunc tumultum, & certissimũ civilium armorum, intestinique belli terrorem ostentatum, Rex ipse Christianissimus iussit, tum Beatissimo Patri Papæ nostro Julio, tum Sacro-Cardinalium Collegio, profiteri denuntiarique, *quæ totidem propè verbis sunt deinceps exposita.* Cum facta quædam sua, quæ non modò reprehensione nullã, sed etiam summã laude digna essent, trahi tamen atque vocari in invidiam animadverteret, idque hominum quorundam iniquã interpretatione fieri, eoque dissensionum semina jaci, quæque materiam armorum, illud inprimis sedulò curavisse, ut *quoad* res integra esset, & consilii & facti totius rationem illius Sanctitati Collegioque accuratissimè redderet Paulus à Termis Orator suus vir Equestri dignitate clarissimus, idque de Concilio à se factum esse, ut si qua in animis illorum minus commoda de se opinio insedisset, ingenuã illã satisfactione revelleretur. Atque ita imminetibus malis, si repudiatã pace occasiones armorum cupidius arriperentur, iret ipse obviam, & quoad ejus fieri posset, *tanto* ante refutaret. Itaque primum omnium illud proposuisse, id quod secisisset, ut ejus propugnationem susciperet, qui in fidem suam quasi in portum aliquem confugisset, se non videre quã ratione à *quoque* jure possit improbari; quippe cum id non magis communis cujusdam esset humanitatis ad incertos & rerum & temporum casus, quam optimi maximique ac verè Regiũ & liberalis animi officium, nec æquum esse se deteriori conditione haberi quam ceteros. A se nihil astutè actum, nihil subdolè cogitatum, nihil commodi alicujus sui causã gestum, sed unius Ecclesiæ tantummodò habitam esse rationem, pro perpetuã quadam Francorum Regum ac majorum suorum consuetudine, qui illam ipsam non opibus solũ suis exornarunt, aut armis extulerunt, sed corpora etiam sua, gravissimis illius temporis periculis omnibus opposuerunt. Idque quod fieret illius causã coeptum esse, his conditionibus esse testatissimum quas *- ipsas* pacis, concordizque constituendæ obtulisset; quæ quidem eo semper *spectarent*, uti quã de re agebatur, ea res ne Ecclesiæ aliquando, vel surriperetur, vel eriperetur, quam vellet perpetuò juris ejusdem ditionisque esse, idque unum tantoperè contenderet. Quæ cùm hujusmodi essent, neminem sanæ mentis existimare posse, *quæcunque* à se vel actum, vel susceptum, quod non maximum generosissimumque Regem *deceret*, & hoc loco, & hoc animo Principem, qui se non modo abstinentissimum præstitisset, sed etiam suis maximis sumptibus ac nonnullo suarum rerum dispendio Italiæ pacem, otium, libertatemque *obtulisset*, & omni suo studio conatuque Ecclesiæ dignitatem atque auctoritatem *procurasset*; se præterea palàm denuntiassè ac testatum esse, si Beatissimi Papæ nostri Sanctitas hanc justam esse causam armorum decrevisset, ac providè Italiam atque adeo universam penè Europam bello implicavisset, ex quo Ecclesiæ status convelleretur, tum mores, tum Religio, tum fidei ipsius causa in ultimum discrimen adduceretur. Maximo id quidem suo cum dolore futurum, sed sibi tamen nihil eorum merito imputatum iri, qui omnia antè secisisset, quominus illa acciderent: omnesque propterea conditiones quæ modò & honestæ, &

temporis illius essent, non solum ferre, verum etiam *arripere* voluisset. Denique Concilii quod nuper indictum esset solutionem, quali ad arma iretur, necesse erat consequi, sibi minimè assignari posse; Orare etiam, atque etiam obtestari enixius Summi *nostri* Pontificis Sanctitatem, considerare etiam atque etiam, quanta ex bello semel suscepto damna atque incommoda Reipublicæ Christianæ impenderent, eaque ne evenirent, quod pro pace tuenda facilitum erat, efficeret. Attamen cum hæc tot ac tanta ipse prole per supra dictum illum oratorem *suum* egisset, monuisset, denunciaisset, hortatus esset, tantum abesse ut illis omnibus, quæ summopere jure omni divino humanoque niterentur ullo modo Summus Christianorum Pontifex moveretur, ut *cum* pacem tranquillitatemque tueri *deberet*, controversias, dissidia, lites, si quæ ipsis inter se Principibus Christianis essent, vel minuere, vel funditus tollere, *ocium* atque securitatem omni ratione celebrando Concilio parare; Italix tamen funestissimum bellum concitare, quo totam mox Europam conflagrare necesse esset, nova excitare animorum dissidia, aditus ad Concilium omnes præcludere maluisse videretur, eamque omnibus suspicionem inducere, istam ipsam Concilii Tridentini indictionem non communis universæ Ecclesiæ utilitatis gratiâ repetitam esse, sed factam potius conditionem cum iis quorum privatis rationibus ac commodis illic inserviretur, nullo reclamante, nullo repugante; videri certe Summi Pontificis *nostri* Sanctitatem se excludere, ac bructu optatissimi Concilii privare voluisse, id rerum initia, progressus, exitus Conciliorum Sanctitatis ejus videri declarasse, cum illâ de causâ, nec hoc tempore, nec hoc auctore, aut bellum tam perniciosum, tanto *universæ* reipublicæ periculo suscipi, aut tantâ ejusdem *reipublicæ* jacturâ & calamitate geri debuerit. Claros sæpe-numero & admirabili quadam animi magnitudine Principes dissimulandis gravioribus injuriis pacem retinuisse, eoque modo restrinxisse initia communis incendii. Nunc quaesitam videri ultro & adornatam à quo minimè debuit flammæ istius perniciosissimæ ac luctuosissimæ materiam, constituendam fuisse, aut revocandam magis exemplo sanctitatis illius, Concilio ipso jam indicto veteris Ecclesiæ severiorem disciplinam ac speciem non labefactandam aut deformandam eam, quæ cum paucissimorum hominum religione nititur, tum pauciorum multò honestate ac moribus agnoscitur, nec spargenda Christianis Principibus odiorum semina, nec obijciendam Petri Principis Apostolorum naviculam majoribus propè fluctibus quàm unquam ullâ majorum nostrorum memoriâ objecta sit, nec se ab eo Concilio, quod magnopere *expedivisset interclusis itineribus arceri opportuisse*. Regem perpetuo suo sensu, non modo nomine Christianissimum, cujus cum tanta majorum beneficia in Ecclesiam existant, ipse in communi fidei atque Religionis causâ non hæserit *usquam* nec offenderit, nec titubavit ullo modo nec animo futurus sit unquam ab Ecclesiæ Catholicæ rationibus alieno, se facere non potuisse, quin apud illius Sanctitatem, apud Sacrum Cardinale Collegium *dolorem suum exponeret*, ac verè & ex animo conquereretur, illudque tamen querendo tum precando postularet, *nec alienum existimaret* aut suo, aut majorum suorum more, quod deprecaretur quædam, hoc est (ut nunc loquimur) protestaretur ipse, quomodo quidem omnino protestatus est; sicut ab ipso sibi jure permissum esse non ignorabat, *videlicet* ne sibi gravissimis bellicorum motuum difficultatibus implicato, necesse esset Tridentinæ ad Concilium mittere suæ ditionis Episcopos, quippe quibus nec liber, nec tutus rō pateret accessus, neve ad ipsum Concilium, à quo excluderetur



*invitissimus, Generale*, totius Ecclesiæ Catholicæ aut haberetur, aut appelleretur, quin potius privatum existimaretur Concilium, quod videretur quidem quæsitum & expetitum, non reformandæ, restituendæque disciplinæ, nec *seclætarum comprimendarum* studio, sed quibusdam obsequendi, *quorum* privæ utilitatis magis quam publica ratio *inita* esse videretur. Denique nec Concilii hujusmodi, eorumve decretis aut ipse, aut populus Gallicus, aut *ulli Ecclesiæ Gallicæ ministri* in posterum tenerentur. Imò verò se testari palam ac denunciare, ad eadem se remedia ac præsidia *descensurum* si necesse videretur, quibus majores sui Francorum Reges in re consimili, causæque uti consueviscent, nec sibi quicquam antiquius torè secundum fidei ac Religionis integritatem, libertate & incolumitate Ecclesiæ Gallicanæ. Nihilominus hoc se profiteri tamen, non hæc ita à se dici, quasi aut cogitaret ullo modo, aut haberet in animo meritam ac debitam à se Sanctæ Apostolicæ Sedi observantiam, & obediendi conditionem, aut excudere, aut imminuere, contra operam datum esse, ut magis ac magis in dies se dignum probaret hoc christianissimi Regis cognomine, hocque maximi Ecclesiæ, & fidei protectoris elogio. Animi hujus sui ac studii *propensiones*, ad feliciora melioraque tempora refervari, cum scilicet hoc humano generi, ac præcipue republicæ Christianæ summis ipsius, ac populi totius Gallici votis Dei Optimi Maximi gratiā tribuisset, ut honestè depositis armis quæ essent parùm modestè illata, & motiones componerentur, & hoc modo pax ipsa conveniret. Se præterea cum ab ejus sanctitate, tum ab ipso *sacro* Collegio postulare, uti ne molestè *ferrent*, si suam ipse professionem, *inflationem*, denunciationem, deprecationem in acta referri peteret, sibi que instrumenta his de rebus publicè confici, quibus quoties, aut tempora, aut res *sue proposcissent*, uti posset ad superiorum omnium fidem, sibi que ut ad singula responderetur, rogare, ut his de rebus omnibus *cæteros* Christiani nominis Principes, populos, civitates liceret certiores facere. „Nunc itaque, Sanctissimi Patres, cum vobis promptum sit „ac facile, nudum Christianissimi Regis animum, & explicatam apertamque „facti Concilii sui mentem prospicere, potestis etiam statuere nec hunc „Ordinis istius Convenum ab illo sperni, nec autoritatem gravitatemque „non magni fieri, sed præreptam potius hujus celebrandi facultatem quod „vos ita accepturos confidit, Ornatissimi Patres, ut nec de illius Religione „dubitare possitis, nec de animi erga vos totamque Ecclesiasticam administrationem secus ac commodum est judicare. In quo uno vestro judicio „adversus malevolorum & iniquorum hominum sermones satis sibi præsidij „esse putat, satis adversus suggillationes argumenti, ut in sui conscientia, „& recordatione officiorum suorum conquiescat. HENRY. DU THIER.

*Responsio (a) Synodi post Litterarum lectionem.*

Sacro-Sancta & Generalis Synodus in Spiritu Sancto legitime congregata intendens consultò & maturè, ac causæ cognitione adhibita & publicâ Sessione, prout vos facere elegistis, nec-non ipsius negotii qualitas requirit, vobis respondere, monet vos ut ad audiendam & recipiendam responsonem hujusmodi, primâ proximè futurâ Sessione, quæ erit die undecimâ Octobris proximè venturi, coram ipsâ Synodo omnino comparere debeatis. Dum-

(a) Hæc responsio, discordat ab eâ quam refert Pallavicinus l. 11, hist. c. 17. licet sensum eundem præferat.

que Christianissimus Rex vester in suis litteris affirmat in civitate Tridentinā adesse Concilium, acceptat admittitque libenter, personam verò vestram pro legitimā ac omnia alia per vos dicta non admittit, nisi quatenus de jure id facere tenetur. Protestans nihilominus nullum interea ipsi Sacro-Sanctæ Synodo, ac prosecutioni ipsius Concilii, etiam per quæcunque per nos acta & gesta præjudicium generari, ac interim inhibet omnibus notariis ne instrumentum istius actus vobis aut alicui tradant, nisi unā cum adjectione suæ responsionis, & sui notarii subscriptione, aliter protestatur de nullitate.

### CONGREGATIO.

**D**ie Martis octavā Septembris 1551. inchoatæ fuerunt Congregationes Patrum in palatio Legati, ubi propositi fuerunt articuli de Sacramento Eucharistiæ per D.D. Theologos examinandi, an hæretici essent, & per Sanctam Synodum damnandi, videlicet.

#### PRIMUS ARTICULUS.

In Eucharistiā non esse reverā corpus & sanguinem, neque divinitatem D. N. Jesu Christi, sed tantum ut in signo.

#### SECUNDUS.

Exhiberi in Eucharistiā Christum, sed spiritaliter tantum manducandum per fidem, non autem sacramentaliter.

#### TERTIUS ARTICULUS.

In Eucharistiā esse quidem corpus & sanguinem Domini nostri Jesu Christi, sed simul cum substantiā panis & vini, ita ut non sit transubstantiatio, sed unio hypostatica humanitatis, & substantiæ panis & vini, ita ut verum sit dicere, hic panis est corpus Christi, & hoc vinum est sanguis Christi.

#### QUARTUS ARTICULUS.

Eucharistiam institutam esse ob solam remissionem peccatorum.

#### QUINTUS ARTICULUS.

Christum in Eucharistiā non esse adorandum, neque in festis venerandum, neque in processionibus circumgestandum, neque ad infirmos deferendum, & ejus adoratores esse veros idololatrias.

#### SEXTUS ARTICULUS.

Non esse reservandam Eucharistiam in Sacrario, sed statim consumendam, & præsentibus dandam, & aliter facientes abuti hoc Sacramento, neque licere ut quis seipsum communicet.

#### SEPTIMUS ARTICULUS.

In hostiis seu particulis consecratis, post communionem remanentibus, non remanere corpus Domini, sed tantum ibi esse dum sumitur, non antè vel post summationem.

#### OCTAVUS ARTICULUS.

De jure divino esse sub utraque specie, etiam populum & parvulos communicare, & propterea peccare eos qui negant populum alterā specie uti.

#### NONUS ARTICULUS.

Non contineri sub alterā specie, tantum, quantum sub utraque continetur, nec tantum sumere communicantem sub alterā specie, quantum sub utraque.

#### DECIMUS ARTICULUS.

Solam fidem esse sufficientem præparationem ad sumendam Eucharistiam; neque ad id confessionem esse necessariam, sed liberam præsertim doctis, neque teneri hominem ad communicandum in Paschate.

*Bulla*

*Bulla S. D. N. D. Julii divinâ providentiâ Papæ III. Novæ monitionis & requisitionis penalis Prælatorum, ut ad Concilium quantocius possint personaliter, & non per procuratores accedant.*

**J**ulius Episcopus servus servorum Dei. Ad perpetuam rei memoriam. Licet nos alias ex certis tunc expressis rationabilibus causis, Sacrum œcumenicum Generale Concilium per sœlicis recordationis Paulum Papam tertium prædecessorem nostrum indictum, ad civitatem Tridentum reducendum esse duxerimus, ac Venerabiles Fratres nostros Patriarchas, Archiepiscopos & Episcopos, nec non dilectos filios Abbates, omnesque & singulos alios de jure, vel consuetudine aut privilegio, Conciliis Generalibus interesse debentes, ut tunc proximè futuris, & nunc præteritis Cal. Maji in ipsâ civitate Tridentinâ, legitimo cessante impedimento convenire & se congregare, ac ipsius Concilii continuationi & prosecutioni incumbere velleut, per nostras litteras hortati fuerimus, prout in illis plenius continetur, ac dilectus filius Marcellus tituli Sancti Marcelli presbiter Cardinalis de Crescentiis nuncupatus, noster & Apostolicæ Sedis ad dictum Concilium legatus, & Venerabiles Fratres Sebastianus Episcopus Sypontinus, ac Aloysius Episcopus Veronenſis, nostri & dictæ Sedis, ad in eodem Concilio, unâ cum præfato Marcello Cardinali & Legato nomine nostro præsidendum Nuncii, eisdem Cal. in dictâ civitate adfuerint, & Concilium ipsum resumpserint, ac Sessionem in Cal. Septembris proximè futuris fieri ordinaverint, jamque æstivi calores præterierint, & ex ipsius Dei benignitate, annonæ aliquantò uberior nobis reddita sit, nec res humano victui necessariæ hoc tempore defint. Nihilominus præter Legatum & præsidentes præfatos, ac nonnullos Hispanicæ nationis Episcopos, pauci admodum Prælati in dictâ civitate convenerint, in maximum prosecutionis ejusdem Concilii præjudicium, & in eo tractandorum dilationem. Nos qui indictionis & alias quascumque desuper confectas & publicatas ipsius prædecessoris litteras, cum omnibus & singulis in eis contentis litteris, clausulis & decretis in suo robore permanere voluimus, & quatenus opus esset innovavimus, ipsius prædecessoris, qui Prælatos & alios vocem in eodem Concilio ut præfertur habentes sub diversis poenis iteratò monuit, vestigiis inhærentes, habitâ desuper cum Venerabilibus fratribus nostris S. R. E. Cardinalibus maturâ deliberatione, de eorum consilio & assensu, eisdem Patriarchas, Archiepiscopos & Episcopos ac Abbates & alios in Conciliis Generalibus residendi & in eis sententias dicendi potestatem habentes, de novo hortamur & moneamus, ac in Domino requirimus, eisque in virtute sanctæ obedientiæ & in juramenti quod nobis & aliis Romanis Pontificibus prædecessoribus nostris præstiterunt, ac sub omnibus de jure, vel consuetudine in celebrationibus Conciliorum adversus non accedentes ferri & promulgari solitis, aliisque in litteris prædecessoris hujusmodi, contentis, per eos nisi præsentibus cum effectu paruerint, incurrendis poenis districtè præcipiendo mandamus, quatenus ipsimet personaliter per seipsos, & non per procuratorem aut procuratores, quos solum ad se in eodem Concilio, si fortè justo impedimento detineantur excusandum, & de eorum impedimento fidem legitimam faciendam, ita tamen quod eodem impedimento cessante, ipsi personaliter & non per procuratorem aut procuratores comparere omnino teneantur, constituere posse volumus, quantò citius poterunt ad eandem civitatem Tri-

dentinam accedere & continuationi & prosecutioni Concilii hujusmodi adesse & interesse velint. Nec mandata procuratorum pro aliquibus Prælati, aut aliis vocem, ut præfertur, habentibus, nisi ad eos ut præfertur excusandum & eorum impedimenta deducendum & probandum recipere aut acceptare præsumant. Nos enim omnia & singula mandata per Prælatos & alios prædictos ad aliud quàm eorum justum impedimentum in Concilio hujusmodi allegandum & probandum, hæcenus facta & in posterum facienda, nulla, irrita, & inania, nulliusque roboris & momenti fore, ac solum Prælatos & alios Patres in dicto Concilio præsentibus, & pro ipsi-met præsentibus tantum & non pro aliis, etiam si ab eis mandata cum quacumque & plenâ & liberâ facultate & potestate habuerint, vocem in dicto Concilio habere posse. Sicque in præmissis omnibus & singulis per quoscumque, quavis auctoritate fungentes, sublatâ eis & cuilibet, quavis aliter judicandi & interpretandi facultate & auctoritate judicari & interpretari debere, ac quicquid fecus super his à quoquam, quavis auctoritate scienter vel ignoranter contigerit attentari, irritum & inane decernimus. Non obstantibus quibus-vis confessionibus, indultis & litteris Apostolicis, sub quibuscumque tenoribus & formis, & cum quibuscumque etiam derogationum derogatoriis, aliisque efficacioribus & insolitis clausulis, nec non irritantibus & aliis decretis, quomodolibet, etiam motu proprio concessis, ac etiam iteratis vicibus approbatis & innovatis, quibus omnibus, eorum tenores præsentibus pro sufficienter expressis habentes, illis aliter in suo robore permanens, hac vice dumtaxat specialiter & expresse derogamus, contrariis quibuscumque. Etiam si Patriarchis, Archiepiscopis & aliis præfatis ab eadem sit sede indultum, quod interdicti, suspendi vel excommunicari non possint, per Litteras Apostolicas non facientes plenam & expressam, ac de verbo ad verbum de indulto hujusmodi mentionem. Ut autem præmissa omnia ad eorum quorum interest notitiam deducantur, nullusque de eis ignorantiam justè prætere possit, volumus & Apostolicâ auctoritate decernimus, quod præsentibus litteris per aliquos curiæ nostræ cursores vel notarios publicos, in Basilicâ Principis Apostolorum de Urbe & Ecclesiâ Lateranensi, dum inibi multitudo ad divina audiendum conveniret palam & clarâ voce legantur, & lecta in earundem Basilicæ & Ecclesiæ, ac Cancelliariæ Apostolicæ valvis, nec non in Acie Campi-floræ affigantur, ubi ad lectionem & notitiam cunctorum aliquamdiu affixæ pendeant, & cum inde amovebuntur earum exempla, eisdem in locis remaneant affixæ, per quæ earum transumptis manu notarii publici subscriptis & sigillo alicujus personæ in dignitate Ecclesiasticâ constitutæ munitis, certa & indubitata fides adhibeatur, prout præsentibus adhiberetur si fuerint exhibitæ vel ostensæ. Nulli ergo omnino hominum liceat hanc paginam nostræ hortationis, admonitionis, requisitionis, mandati, voluntatum, decretorum, & derogationum infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei ac Beatorum Apostolorum ejus Petri & Pauli se noverit incursum. Datum Romæ apud Sanctum Petrum anno Incarnationis Dominicæ 1551. sexto Cal. Septembris, Pontificatus nostri anno secundo.

Gal. Aquinas à Latata.

Pro R. D. M. Cardinali Crescentio

Joannes Lamiens.

A tergo supra scriptæ Bullæ hæc erant descripta.

**A**Nno à nativitate Domini 1551. indictione nonâ, die verò ultimâ mensis Augusti, Pontificatûs Sanctissimî in Christo Patris & D. N. D. Julii divinâ providentiâ Papæ III. anno secundo: Præsentés retrò scriptæ litteræ affixæ, publicatæ & lectæ fuerunt, juxtâ formam retrò scriptam litterarum Apostolicarum, ut moris est, dimissis copiis, affixis ad valvas seu portas Basilicarum Principis Apostolorum de Urbe, & Ecclesiæ Lateranensis, & Cancellariæ Apostolicæ, ac in Arce Campi-floræ, dimissâ Bullâ originali affixâ per aliquod temporis spatium, & deindè dimissis copiis affixis ut suprâ per nos Thomam Roger, & Joannem Freyle Præfati Sanctissimî D. N. Papæ Cursores.

Registrata apud Galeatium Secretarium. P. Gomez Magister Curforum.

Articulis de Sacramento Eucharistiæ tam per Theologos quàm per Patres Synodi usque ad diem Lunæ Septembris 29. discussis, examinatis & condemnatis, confecti sunt Canones super hujusmodi Sacramento per deputatos ut super his Patres vota sua proferrent die Lunæ quintâ Octobris.

*Canones de Sacramento Eucharistiæ in proximâ Sessione publicandi  
& in decimâ tertiâ tantum promulgati.*

#### CANON PRIMUS.

**S**I quis negaverit in sanctissimo Eucharistiæ Sacramento contineri verè & realiter & substantialiter Corpus & Sanguinem unâ cum animâ & divinitatè Domini nostri Jesu Christi, ac proindè totum Christum, sed dixerit tantummodò esse in eo ut in signo, vel figurâ, aut virtute. Anathema sit.

#### SECUNDUS CANON.

Si quis dixerit in sacro-sancto Eucharistiæ Sacramento remanere substantiam panis & vini, unâ cum corpore & sanguine Domini nostri Jesu Christi: negaveritque mirabilem illam & singularem conversionem totius substantiæ panis, in corpus, & totius substantiæ vini in sanguinem, manentibus dumtaxat speciebus panis & vini: quam quidem conversionem Catholica Ecclesiâ aptissime transubstantiationem appellat. Anathema sit.

#### TERTIUS CANON.

Si quis negaverit in Venerabili Sacramento Eucharistiæ sub unâ quâque specie, & sub singulis cujusque speciei partibus, separatione factâ (a) totum Christum contineri: Anathema sit.

#### QUARTUS CANON.

Si quis dixerit peractâ consecratione, in admirabili Eucharistiæ Sacramento, non esse corpus & sanguinem Domini nostri Jesu Christi, sed tantum in usu dum sumitur, non autem ante vel post, & in hostiis seu particulis consecratis, quæ post communionem reservantur, vel supersunt, non remanere verum corpus Domini: Anathema sit.

(a) Addita sunt hæc verba, *separatione factâ* ad petitionem Joannis Emiliani, Tudætanî antistitis Hispani, propter variantes Theologorum sententias, circa modum præsentis Christi in Eucharistiâ. Num scilicet sub qualibet particulâ hostiæ integrè Corpus Christi existeret, an verò post divisionem repeteretur tantum sub particulâ qualibet. Delendas ejusmodi voces, plerique opinabantur, sed Patrum prævaluit sententia, quæ ad hæreses damandas, non ad Theologorum opinionones proscribendas Concilium coisse dicebat.

## QUINTUS CANON.

Si quis dixerit, vel præcipuum fructum sanctissimæ Eucharistiæ esse remissionem peccatorum; vel ex eâ non alios effectus provenire. Anathema sit.

## SEXTUS CANON.

Si quis dixerit in sancto Eucharistiæ Sacramento Christum unigenitum Dei filium non esse cultu patriæ etiam externo adorandum, atque ideò nec festivâ peculiari celebritate venerandum, in processionibus secundum laudabilem & universalem Ecclesiæ sanctæ ritum & consuetudinem solemniter circumgestandum, vel non publicè ut adoretur populo proponendum; & ejus adoratores esse idololatrias. Anathema sit.

## SEPTIMUS CANON.

Si quis dixerit non licere sacram Eucharistiâ in sacrario reservari, sed statim post consecrationem astantibus necessariò distribuendam, aut non licere ut illa ad infirmos honorificè deferatur: Anathema sit.

## OCTAVUS CANON.

Si quis dixerit Christum in Eucharistiâ exhibitum, spiritualiter tantum manducari, & non etiam sacramentaliter, ac realiter: Anathema sit.

## NONUS CANON.

Si quis negaverit omnes & singulos Christi fideles utriusque sexûs cum ad annos discretionis pervenerint, teneri singulis annis saltem in Paschate ad communicandum, juxta præceptum sanctæ matris Ecclesiæ. Anathema sit. (a)

## DECIMUS CANON.

Si quis dixerit non licere Sacerdoti celebranti, seipsum communicare, Anathema sit.

## UNDECIMUS CANON.

Si quis dixerit solam fidem (b) esse sufficientem præparationem ad sumendum sanctissimæ Eucharistiæ Sacramentum Anathema sit. Et ne tantum Sacramentum indignè, atque ideò in mortem & condemnationem sumatur: statuit atque declarat ipsa sancta Synodus, illis quos conscientia peccati mortalis gravat, quantumcumque etiam se contritos existiment, habitâ copiâ Confessoris, necessariò præmittendam esse confessionem sacramentalem. Si quis autem contrarium dicere, prædicare, vel pertinaciter asserere, seu etiam publicè disputando defendere præsumpserit eò ipso excommunicatus existat.

## CONGREGATIO.

**D**ie Martis & Mercurii sextâ & septimâ Octobris Congregatio Patrum celebrata fuit in ædibus Reverendissimi Legati, ubi responsio ad Regem Francorum lecta, & omnium suffragio probata fuit: Deinde salvus conductus Protestantibus concessus. Postmodum visum fuit Patribus Canonem de communione sub unâ specie Laicis ministrandâ, usque ad diem Conversionis Sancti Pauli differendam esse, ut interim Protestantes super eâ re audirentur. Postremò Patres super Canonibus suffragia tulerunt. *Articuli*

(a) Joannes ab Ortega Franciscanus, Caroli V. Theologus, Canonem 9. temperandum volebat, adjectione explicante præceptum illud esse, non divini, sed Ecclesiastici instituti. Ambrosius Pelargus Dominicanus, Electoris Trevirensis Doctor acriori, sed iniquiori censurâ, hunc Canonem perstrinxit.

(b) Censuræ nonnulli ad majorem Canonis elucidationem, debuisse Patres addere, fidem vivam, sed scrupulosa hæc distinctio displicuit, cum fides viva, charitatem importet, mortalis peccati nesciam.

*Articuli in Materiâ Reformationis septimâ hujus mensis Octobris Patribus exhibiti.*

PRIMUS.

Quòd Episcopus non moneatur ad comparendum personaliter, nisi pro  
causa pro qua venit deponendus.

SECUNDUS.

Quòd testes super indiciis etiam debeant esse omni exceptione majores.

TERTIUS.

Quod causa debeat referri in consistorio & terminari per sanctissimum  
Dominum nostrum.

QUARTUS.

Quod Episcopus possit procedere ad verbalem & realem degradationem constitutorum in sacris, absque numero Episcoporum, (a) sed illorum loco sufficiat habere juris peritos, in dignitate Ecclesiastica constitutos, si reperiantur.

QUINTUS.

Quod ab Episcopo in causis criminalibus correctionis, visitationis, & habilitatis, vel inhabilitatis non possit appellari, nisi à diffinitivâ, vel à gravamine irreparabili &c.

SEXTUS.

Quòd causa familiam appellationum si committi contigerit in Partibus,  
committatur Metropolitano, vel vicinioribus Episcopis.

SEPTIMUS.

Quod reus appellans in casu, quo appellare licet in causis criminibus prædictis, teneatur coram Iudice ad quem, producere processum primæ instantiæ, & illi infra certum terminum debeat concedi.

Ο-CTAVVUS.

Quod Episcopus possit agnoscere tanquam delegatus Sedis Apostolicæ super surreptione & obreptione litterarum, in quibus Clerici absoluntur à delictis vel poenis, in quibus per ipsum Episcopum fuerunt condemnati. Super quibus Patres dabunt vota die Veneris horâ XIX. in Congregatione Generali.

### SESSIO TERTIA.

**D**ie Dominica xi. Octobris celebrata fuit Sessio perquam solemnitas in aede Tridentina, in qua D. Episcopus Majoricensis (b) Missam de Spiritu Sancto celebravit. Archiepiscopus Turritanus (c) orationem doctam & prolixam.

Deindè Legatus Sessionem inchoavit cum debitis Cæremoniis.

Non

(\*) De jure antiquo ad degradationem Episcopi, numerus decem Episcoporum requirebatur. Pro degradatione presbyteri, sex Episcopi desiderabantur. Vide Can. XI. Concilii Carthag. t. an. 349. & Can. X. Conc. s. Carth. an. 390.

(b) Ioannes Bapt. Campegius.

(c) Turritanus Arch. Salvator Alexo orationem habuit de Vener. Sacramento, Urbe Turritana à Lombardis anno 569. deleta, Archiepiscopus ad Suffraganeam civitatem ab Eugenio IV. translatus est anno 1441.

Orator Marchionis Brandenburgensis Electoris (a) mandatum suæ legationis exhibuit, orationem habuit, in quâ nomine procuratorio submittibat se diffinitioni Concilii Tridentini, quem Synodus obviis ulnis excepit.

Decreta tum doctrinæ & Canonum de Sacramento Eucharistiæ, tum reformationis morum per eundem Majoricensem è suggestu publicata, & omnium Patrum consensu probata fuerunt. Subindè Archiepiscopus Turritanus ascendit ambonem & cedulam (b) legit dilationem Canonis de Communionem sub unâ specierum, continentem, quodque futura Sessio celebranda foret die Beatæ Catharinæ proximè sequenti, in quâ decideretur materia Sacramentorum pœnitentiæ & extremæ unctionis. E vestigio lecta fuit copia litterarum securitatis, sive salvi-conductûs Protestantibus in amplissimâ formâ concessarum.

Insuper Episcopus Biduntinus, nomine Cornelius, legit responsum (c) Synodi ad Regem Francorum, & sic benedictione acceptâ soluta fuit Sessio.

*Decretum de Sacramento Eucharistiæ publicatum in tertiâ Sessione Tridentinâ, sub Julio III. Pont. Max. die 11. Octobris MD LI.*

**S**acro-Sancta œcumenica & Generalis Tridentina Synodus in Spiritu Sancto legitime congregata, præsidentibus in eâ eisdem Sanctæ Sedis Apostolicæ Legato, & Nunciis; Etsi in eum finem, non absque peculiari Spiritûs Sancti ductû & gubernatione convenerit, ut veram & antiquam de fide & Sacramentis doctrinam exponeret, & ut hæresibus omnibus, & aliis gravissimis incommodis, quibus Dei Ecclesia miserè nunc exagitur & in multas ac varias partes scinditur, remediû afferret; hoc præsertim jam indè à principio in votis habuit stirpitus convellere zizania execrabilium errorum & schismatum, quæ inimicus homo his nostris calamitosi temporibus in doctrinâ fidei, usu & cultu Sacro-Sanctæ Eucharistiæ superfeminavit, quam aliqui Salvator noster in Ecclesiâ suâ tanquam Symbolum reliquit ejus unitatis & charitatis, quâ Christianos omnes inter se conjunctos & copulatos esse voluit. Itaque eadem Sacro-Sancta Synodus sanam & sinceram illam de venerabili hoc & divino Eucharistiæ Sacramento doctrinam tradens, quam semper Catholica Ecclesia ab ipso Jesu Christo Domino nostro, & ejus Apostolis erudita, atque à Spiritu Sancto illi omnem veritatem in dies suggerente, edocta retinuit, & ad finem usque sæculi conservabit, omnibus Christi fidelibus interdicit, ne post hac de Sanctissimâ Eucharistiâ aliter credere, docere, aut prædicare audeant, quam ut est præfenti decreto explicatum atque definitum.

(a) Joachimi, cujus orator Straßius, obsequia & obedientiam Concilio præstitisse creditur, ut Pontifex amoveret obstacula, quæ suscitaret, ne Fridericus Marchionis filius Archiepiscopatum Magdeburgensem adipisceretur ad quem fuerat à Canonis postulat.

(b) Orator Cæsaris Comes de Monteforti petiit à Patribus, ut superederent à definiendis articulis de Eucharistiæ Sacramento, donec Protestantes accessissent ad Concilium. Varii in varias abiire sententias. Tandemque Legatus judicavit quæstiones de usu Calicis, de communionem parvulorum, nec non de sacrificio Missæ, Sessioni futuræ esse reservandas.

(c) Cum Amiotus Tridento discessisset tertio 7.bris absque Patrum responsis ad litteras Henrici 2. Regis Galliæ, ad fores Ecclesiæ citatus est orator, vel quispam procurator Regis, qui Patrum responsa exciperet. Nemine comparente, ad Promotoris requisitionem & de præsidum assensu, lecta publicè fuit Concilii responsio, à Biduntino præfule.



## CAPUT I.

*De reali præsentia D. N. Jesu Christi (a) & Eucharistie Sacramenti.*

**P**Rincipio docet Sancta Synodus, & apertè ac simpliciter proficitur, in almo Sanctæ Eucharistie Sacramento, post panis & vini consecrationem, Dominum nostrum Jesum Christum, verum Deum atque hominem, verè, realiter ac substantialiter sub specie illarum rerum sensibilium contineri. Neque enim hæc inter se pugnant, ut ipse Salvator noster semper ad dexteram Patris in coelis assideat juxta modum existendi naturalem, & ut multis nihilominus aliis in locis sacramentaliter præfens sua substantia nobis adsit, eà existendi ratione, quam etsi verbis exprimere vix possumus, possibilem tamen esse Deo, cogitatione per fidem illustratâ assequi possumus, & constantissimè credere debemus. Ita enim majores omnes nostri quotquot in verâ Christi Ecclesiâ fuerunt, qui de Sanctissimo hoc Sacramento dislicerunt, apertissimè professi sunt. Hoc tam admirabile Sacramentum in ultimâ cenâ redemptorem nostrum instituisse, cum post panis vinique benedictionem, se suum ipsius corpus illis præbere, ac suum sanguinem, disertis & perspicuis verbis testatus est. Quæ verba à Sanctis Evangelistis commemorata, & à Divo Paulo postea repetita, cum propriam illam & apertam significationem præ se ferant, secundum quam à Patribus intellecta sunt, indignissimum sanè flagitium est, ea à quibusdam contentiosis & pravis hominibus, ad fictitios & imaginarios tropos quibus veritas carnis & sanguinis Christi negatur, contra universum Ecclesiæ sensum detorqueri, quæ tanquam columna & firmamentum veritatis, hæc ab impiis hominibus excogitata commenta, velut satanica, detestata est, grato semper & memore animo præstantissimum hoc Christi beneficium agnoscens.

## CAPUT II.

*De ratione institutionis hujus Sanctissimi Sacramenti.*

**E**RGÒ Salvator noster discessurus ex hoc mundo ad Patrem, Sacramentum hoc instituit, in quo divitias divini sui erga homines amoris velut effudit, memoriam faciens mirabilium suorum: & in illius sumptione colere nos sui memoriam præcepit, suamque communicare (a) mortem donec ipse ad judicandum mundum veniat. Sumi autem voluit Sacramentum hoc tanquam spiritalem animarum cibum, quo alantur & confortentur viventes vitâ illius, qui dixit: qui manducat me, & ipse vivet propter me; & tanquam antidotum quo liberemur à culpis quotidianis, & à peccatis mortalibus præservemur. Pignus præterea id esse voluit nostræ futuræ gloriæ, & perpetuæ felicitatis, adeoque symbolum unius illius corporis, cujus ipse caput existit, cuique nos tanquam membra arctissima, fidei, ipsi & charitatis connexionem astrictos esse voluit, ut id ipsum omnes diceremus, nec essent in nobis schismata.

## CAPUT III.

*De excellentiâ Sanctissimæ Eucharistie super reliqua Sacramenta.*

**C**OMMUNE hoc quidem est, Sanctissimæ Eucharistie cum cæteris Sacramentis, symbolum esse rei sacræ, & invisibilis gratiæ formam visibilem.

(a) In Editis legitur, In Eucharistie Sacramento. (b) Annuntiare.

Verùm illud in eâ excellens & singulare reperitur, quod reliqua Sacramenta tunc primùm sanctificandi vim habent, cum quis illis utitur. At in Eucharistiâ, ipse sanctitatis auctor ante usum, est. Nondùm enim Eucharistiam de manu Domini Apostoli susceperant, cùm verè tamen ipse affirmaret corpus suum esse quod præbebat. Et semper hæc fides in Ecclesiâ Dei fuit, statim post consecrationem verum Domini nostri corpus, verumque ejus sanguinem sub panis & vini specie, unâ cum ipsius animâ & divinitate existere, sed corpus quidem sub specie panis, & sanguinem sub vini specie, ex vi verborum, ipsum autem corpus sub specie vini, & sanguinem sub specie panis, animamque sub utrâque vi naturalis illius connexionis & concomitantiae, quâ partes Christi Domini, qui jam ex mortuis resurrexit non amplius moriturus, inter se copulantur. Divinitatem porrò propter admirabilem illam ejus cum corpore & animâ hypostaticam unionem. Quapropter verissimum est tantumdem sub alterutrâ specie, atque sub utrâque contineri totus integer Christus sub panis specie, & sub quâvis ipsius speciei parte, totus item sub vini specie, & sub ejus partibus existit.

## CAPUT IV.

### *De Transubstantiatione.*

**Q**Uoniam autem Christus redemptor noster, Corpus suum, id quod sub specie panis offerebat, verè esse dixit, ideò persuasum semper in Ecclesiâ Dei fuit, idque nunc denuò hæc sancta Synodus declarat, per consecrationem panis, & vini, conversionem fieri totius substantiæ panis in substantiam Corporis Christi Domini nostri, & totius substantiæ vini in substantiam sanguinis ejus, quæ conversio convenienter & propriè à sanctâ Catholicâ Ecclesiâ Transubstantiatio est appellata.

## CAPUT V.

### *De cultu & veneratione huic Sanctissimo Sacramento exhibenda.*

**N**ULLUS itaque dubitandi locus relinquitur, quin omnes Christi fideles, pro more in Catholicâ Ecclesiâ semper recepto, Patriæ cultum qui verò Deo debetur, huic sanctissimo Sacramento in veneratione adhibeant. Neque enim ideò minùs est adorandum, quòd fuerit à Christo Domino, ut sumatur institutum. Nam illum eundem Deum præsentem in eo adesse credimus, quem Pater æternus introducens in orbem terrarum dicit, & *adorent eum omnes Angeli Dei*, quem Magi procidentes adoraverunt, quem denique in Galilæâ ab Apostolis adoratum fuisse scriptura testatur.

Declarat præterea sancta Synodus piè ac religiose admodùm in Dei Ecclesiam inductum fuisse hunc morem, ut *singulis annis peculiari quodam & festo (a) die præcellsum hoc & venerabile Sacramentum singulari veneratione ac solemnitate celebraretur: utque in processionibus (b) reverenter & honorificè*

(a) Hoc festum ab Urbano institutum pro universali Ecclesiâ, jam invaluerat in Diœcesi Leodiensi ab anno 1230. Roberto Episcopo ad instantiam B. Julianæ de Monte Corneli, approbante.

(b) Usus & ritus circumferendæ Eucharistiæ processionaliter exordium sumpsit à Joanne

honorificè illud per vias & loca publica circumferretur. *Æquissimum* enim est sacros aliquos statutos esse dies, cum Christiani omnes singulari ac rarâ quâdam significatione gratos & memores testentur animos ergâ communem Dominum & redemptorem, pro tam ineffabili & planè divino beneficio, quo mortis ejus victoria & triumphus repræsentatur, ac sic quidem oportuit victicem veritatem de mendaciò & hæresi triumphum agere, ut ejus adversarij in conspectu tanti splendoris, & in tantâ universæ Ecclesiæ lætitiâ positi, vel debilitati & fracti tabescant, vel pudore affecti & confusi aliquando resipiscant.

## CAPUT VI.

*De asservando Eucharistiæ Sacramento & ad infirmos deferendo.*

Consuetudo (a) asservandi in sacrario sanctam Eucharistiam adeò antiqua est; ut eam sæculum etiam Nicœni Concilij agnoverit. Porro deferri ipsam sacram Eucharistiam ad infirmos, & in hunc usum diligenter in Ecclesiis conservari, præterquàm quòd cum summâ æquitate & ratione conjunctum est, tum multis in Conciliis præceptum invenitur & vetustissimo Catholica Ecclesiæ more est observatum. Quare hæc sancta Synodus retinendum omninò salutarem hunc & necessarium morem statuit.

## CAPUT VII.

*De preparatione quæ adhibenda est, ut dignè quis Sanctam Eucharistiam percipiat.*

SI non decet ad sacras ulla functiones quempiam accedere, nisi sanctè; Scertè quò magis sanctitas & divinitas coelestis hujus Sacramenti viro christiano comperta est, eò diligentius cavere ille debet, ne absque magnâ reverentiâ & sanctitate ad id percipiendum accedat; præsertim cum illâ plenâ formidini verba apud Apostolum legamus: *Qui manducat & bibit indignè, judicium sibi manducat & bibit, non dijudicans Corpus Domini.* Quare communicare volenti revocandum est in memoriam ejus præceptum, *Probet autem seipsum homo.* Ecclesiastica autem consuetudo declarat eam probationem necessariam esse, ut nullus sibi conscius mortalis peccati, quantumvis sibi contritus videatur, absque præmissâ sacramentali confessione ad sacram Eucharistiam accedere debeat. Quòd à christianis omnibus etiam aliis sacerdotibus, quibus ex officio incubuerit celebrare, hæc sancta Synodus perpetuò servandum esse decrevit, modo non desit illis copia Confessoris (b). Quòd si necessitate urgente sacerdos absque præviâ confessione celebraverit, quàmprimùm confiteatur.

O o o

Joanne XXII. si auctori historiæ Leod. Chapeville credimus T. 1. c. 16. Antiquiorèm hunc usum, probat Mabillonius à sæculo XI. viguisse in Normanniâ. Acta Eccles. Tornacensis an. 1225. & Carnot. an. 1330. anteriorem Joanne XXII. hunc fuisse cultum evincunt in Occidentali Ecclesiâ, quem nescivit Orientalis, hunc fuisse cultum evincunt in Occidentali Ecclesiâ, quem nescivit Orientalis, hunc fuisse cultum evincunt in Occidentali Ecclesiâ, quem nescivit Orientalis.

- (a) Consuetudinem asservendæ Eucharistiæ in Sacrario, testatur usitatum à primis sæculis, facultas indulta etiam laicis, illam ad proprios deferendi lares. Vide Cyprian. Tract. de lapsis. Basilium Epist. ad Cæsariam Patriciam. Gregor. Magnum. l. 3. Dialog. C. 36. Concil. I. Toletan. an. 405. &c.
- (b) Circa necessitatem confessionis respectu hominis conscij peccati mortalis diversa fuit Theologorum & Patrum opinio. Alii votum, contritioni junctum fuisse

## CAPUT VIII.

*De usu admirabili hujus Sacramenti.*

**Q**Uoad usum autem, rectè & sapienter Patres nostri tres rationes hoc sanctum Sacramentum accipiendi distinxerunt; quosdam enim, docuerunt sacramentaliter dumtaxat id sumere, ut peccatores; alios tantum spiritualiter, illos nimirum qui voto propositum illum coelestem panem edentes fide vivâ, quæ per dilectionem operatur; fructum ejus & utilitatem sentiunt; tertios porro sacramentaliter simul & spiritualiter, hi autem sunt qui ita se prius probant & instruunt, ut vestem nuptialem induti ad divinam hanc mensam accedant. In sacramentali autem sumptione semper in Ecclesiâ Dei mos (\*) fuit, ut Laici à sacerdotibus communionem acciperent, sacerdotes autem celebrantes seipsos communicarent, qui mos tanquam ex traditione Apostolica descendens, jure ac merito retineri debet.

Denum verò paterno affectu admonet sancta Synodus, hortatur, rogat & obsecrat, per viscera misericordiæ Dei nostri, ut omnes & singuli qui Christiano nomine censentur, in hoc unitatis signo, in hoc vinculo charitatis, in hoc concordie symbolo, jam tandem aliquando conveniant, & concordent, memoresque tantæ majestatis, & tam eximii amoris Domini nostri Jesu Christi, qui dilectam animam suam in nostræ salutis pretium, & carnem nobis dedit ad manducandum. Hæc sacra mysteria Corporis & sanguinis ejus, eâ fidei constantiâ & firmitate, eâ animi devotione, ac pietate & cultu credant & venerentur, ut panem illum super-substantialem frequenter suscipere possint. Et is verè eis sit animæ vita, & perpetua sanitas mentis, cujus vigore confortati, ex hujus misera peregrinationis itinere, ad coelestem patriam pervenire valeant, eundem panem Angelorum, quem modò sub sacris velaminibus edunt, absque ullo velamine manducaturi. Quoniam autem non est satis veritatem dicere, nisi detegantur & resellantur errores, placuit sanctæ Synodo, hos Canones subungere, ut omnes jam agnitâ doctrinâ Catholicâ, intelligant quoque quæ ab illis hæreses caveri, vitarique debeant. *Canones vide supra.*

cere autumarunt post Cajetanum, Adrianum 6. Joan. Rossensem, Paludanum & Richardum, Ambrosius Pelargus Dominicanus, Melchior Canus, Reginaldus à Genus, quibus se adjunxit Franciscus Villarva Hyeronimitanus Grana-tensis Archiepiscopi Theologus, asserens obligationem hanc confitendi non ex divino mandato, sed ex laudabili Ecclesiæ consuetudine descendere. Alii verò oppositam sententiam tenentes, gravissimis Patrum & Theologorum dictis eam suffulcierunt, & laxiorem quorundam Doctorum opinionem, hæreseos notâ inusserunt. Legatus Concilii præses, utrique parti, volens indulgentius parcere, judicavit abstinendum à qualificatione hæreticâ, sed tantum rejiciendam esse sententiam & damnandam, quæ homines peccati mortalis confcios, asserbat immunes à necessitate confitendi. Jacobus Nanclantus Clodiensis Episcopus, vocem *Sacerdotis* prius in Canonis contextu positam, in *confessarii* vocem immutari obtinuit, ne Sacerdos quilibet excipiendæ confessioni idoneus putaretur.

- (\*) Mos ille quem Concilium dicit in Ecclesiâ viguisse semper, non ad primæ Ecclesiæ tempora, nec ad omnes Ecclesias protendendus est, cum ætate Augustini mulieres exciperent lintheaminibus corpus Christi. ser. 252. & Antissiodorensis Concilium an. 578. Can. 36. statuat, non licere mulieri Eucharistiam nudâ manu accipere. For-san Tridentini Patres hoc tantum definire intenderunt, laicos à Sacerdotibus Eucharistiam consuevisse ab inveterato usu accipere, non verò per se ipsos hanc in altari accepisse manducandam.

*Decretum super Reformatione, publicatum in Sessione habita  
11. Octobris MDLI.*

**E**Adem sancta Tridentina Synodus in Spiritu sancto legitime congregata, presidentibus in eâ ejusdem sanctæ Sedis Apostolicæ Legato & nunciis, intendens nonnulla statuere, quæ ad jurisdictionem pertinent Episcoporum, ut juxta proximæ sessionis decretum, illi in commissis sibi Ecclesiis eò libentius resideant, quò facilius & commodius sibi subiectos regere, & in vitæ ac morum honestate continere potuerint. Illud primum eos admonendos censet, ut se pastores non percussores esse meminerint, atque ita præesse tibi subditis oportere, ut non in eis dominantur, sed illos tanquàm filios & fratres diligant, elaborentque ut hortando & monendo ab illicitis deterreant, ne ubi deliquerint, debitis eos poenis coercere cogantur. Quos tamen si quid per humanam fragilitatem peccare contigerit, illa Apostoli est ab eis servanda præceptio; ut illos arguant, obsecrent, increpent, in omni bonitate & patientiâ: cum sæpè plus ergà corrigendos agat benevolentia, quàm austeritas, plus exhortatio, quàm comminatio, plus charitas, quàm potestas. Sin autem ob delicti gravitatem virgâ opus fuerit, tunc cum mansuetudine rigor, cum misericordiâ judicium, cum lenitate severitas adhibenda est, ut sine asperitate disciplina populis salutaris ac necessaria conservetur, & qui correpti fuerint emendentur, aut si resipiscere noluerint, cæteri salubri in eos animadversionis exemplo à vitiis deterreantur; cum sit diligentis & pii simul pastoris officium, morbis ovium lenia primum adhibere somenta. Post ubi morbi gravitas ita postulat, ad aciora & graviora remedia descendere. Sin autem ne ea quidem proficiant illis submovendis, cæteras saltem oves à contagionis periculo liberare. Cum igitur rei criminum plerumque ad evitandas poenas, & Episcoporum subter fugienda judicia, querelas & gravamina simulent, & appellationis diffugio judicis processum impedian, ne remedio ad innocentiam præsidium instituto, ad iniquitatis defensionem abutantur. Utque hujusmodi eorum calliditati & tergiversationi occurratur, ita statuit & decrevit.

PRIMUS CANON.

In causis visitationis & correctionis, sive habilitatis & inhabilitatis, nec-non criminalibus, ab Episcopo seu illius in spiritualibus vicario generali, ante diffinitivam sententiam, (a) ab inter locutoria, vel alio quocumque gravamine, non appelletur, neque Episcopus seu Vicarius appellationi hujusmodi tanquàm frivola deferre teneatur. Sed eâ, ac quâcumque inhibitione ab appellationis judice emanatâ, necnon omni stylo & consuetudine, etiam immemorabili contrariâ non obstante, ad ulteriora valeat procedere, nisi gravamen hujusmodi per diffinitivam sententiam reparari, vel ab ipsâ diffinitivâ appellari non possit, quibus casibus sacrorum Canonum statuta, illibata persistant.

SECUNDUS CANON.

A sententiâ Episcopi vel ipsius in spiritualibus Vicarii Generalis, in criminalibus appellationis causa: (ubi appellationi locus fuerit) si Apostolicâ autoritate in partibus eam committi contigerit, Metropolitano seu illius etiam in spiritualibus Vicario Generali, aut si ille aliquâ de causâ suspectus foret,

(a) Vide Cap. 20. sess. 24. hujus Concilii.

vel ultra duas (a) Legales dietas distet, seu ab ipso appellatum fuerit, uni ex vicinioribus Episcopis seu illorum Vicariis, non autem inferioribus Judicibus, committatur.

#### TERTIUS CANON.

Reus ab Episcopo, aut ejus Vicario in spiritualibus Generali, in criminali causâ appellans, corâ judice ad quem appellavit, acta primæ instantiæ omninò producat, & judex nisi illis visis, ad ejus absolutionem minimè procedat. Is autem à quo appellatum fuit, intra triginta dies acta ipsa postulanti gratis exhibeat. Alioquin absque illis causa appellationis hujusmodi prout justitia suaserit, terminetur.

Cum verò tam gravia nonnunquam sint delicta ab Ecclesiasticis commissa personis, ut ob eorum atrocitatem ex sacris ordinibus deponendæ & curiæ sint tradendæ sæculari, in quo secundum sacros Canones, certus Episcoporum numerus requiritur, quos si omnes adhibere difficile esset, debita juris executio differretur; si quando autem convenire possent, illorum residentia intermitteretur: propterea statuit & decrevit.

#### QUARTUS CANON.

Episcopo per se, seu illius Vicarium in spiritualibus Generalem, contra clericum in sacris etiam præbiteratûs ordinibus constitutum, etiam ad illius condemnationem necnon verbalem depositionem, & per se-ipsam etiam ad actualem atque solemnem degradationem ab ipsis ordinibus & gradibus Ecclesiasticis, in casibus in quibus aliorum Episcoporum præsentia in numero à Canonibus definito requiritur, (b) & jam absque illis procedere liceat, adhibitis tamen, & in hoc sibi assistentibus totidem Abbatibus, usum mitræ & baculi ex privilegio Apostolico habentibus, si in civitate aut Diocesi reperiri commodè inveniri possint. Aliòquin aliis personis in Ecclesiasticâ dignitate constitutis, quæ ætate graves ac juris scientiâ commendabiles existant.

Et quoniam per fictas causas, quæ tamen satis probabiles videntur interdum accidunt, ut nonnulli ejusmodi gratias extorqueant, per quas poenæ illis Episcoporum justâ severitate inflicte aut remittuntur omninò, aut minuuntur; cum non ferendum sit, ut mendacium quod tantòperè Deo displicet, non modò ipsum impunitum sit, verùm alterius etiam delicti veniam impetret mentienti, idcirco ut sequitur statuit & decrevit.

#### QUINTUS CANON.

Episcopus apud Ecclesiam suam residens, de surreptione & obreptione gratiæ, quæ super absolutione alicujus publici criminis vel delicti, de quo ipse inquirere coeperat, aut remissione poenæ, ad quam criminosus per eum condemnatus fuerit, falsis precibus impetratur, per se-ipsam tanquam Sedis Aposto-

(a) Id est viginti milliaria sive decem leucas in die, juxta paragr. Qui autem. Instit. de Excusat. Tutor. vel Curat.

(b) Verballi depositione Clericus remanebat adhuc sub Episcopi potestate, & restitui ad pristinum poterat gradum. Actuali autem sive solemnî degradatione clericus ad laicorum sortem redactus, recuperandæ dignitatis spem amittebat. Hinc à Theodosio sancitum, *Quicumque clericum indignum officio suo Episcopus judicaverit, & ab Ecclesia ministerio segregaverit, continuo eum sibi curiam vindictæ, ut liber ibi ultra ad Ecclesiam reversionis esse non possit.*

Apostolicæ delegatus, etiam summarie cognoscat, ipsamque gratiam postquam per falsi narrationem aut veri taciturnitatem, obtentam esse legitime constiterit, non admittat.

Quoniam verò subditi Episcopo, tametsi jure correcti fuerint, magnopere tamen, eum odisse, & tanquam injuriâ affecti sint, falsâ illi crimina obijcere solent, ut quodquo pacto possint, ei molestiam exhibeant. Cujus vexationis timor plerumque illum ad inquirenda & punienda eorum delicta segnitorem reddit. Idcirco ne is magno suo & Ecclesiæ incommodo gregem sibi creditum relinquere, ac non sine Episcopalis dignitatis diminutione vagari cogatur, ita statuit & decrevit.

## SEXTUS CANON.

Episcopus nisi ob causam, ex quâ deponendus, sive privandus veniret, etiam si ex officio, aut per inquisitionem seu denuntiationem, vel accusationem, sive alio quovis modò procedatur, ut personaliter compareat, nequaquam citetur vel moneatur.

## SEPTIMUS CANON.

Testes in causâ criminali ad informationem vel indicia, seu alias in causâ principali contra Episcopum, nisi contestes, & bonæ conversationis, existimationis & famæ fuerint, non recipiantur, & si odio, temeritate, aut cupiditate, aliquid deposuerint, gravibus poenis mulcentur.

## OCTAVUS CANON.

Causæ Episcoporum, cum pro criminis objecti qualitate comparere debeant, coram Pontifice maximo referantur, ac per ipsum terminentur. (a)

*Decretum prorogationis 4. articulorum de Sacramento Eucharistiæ, & Salvanducti Protestantibus dati, publicatum in tertiâ Sessione Tridentinâ, die 11. Octobris MD LI. sub Julio III. Pontifice Maximo.*

EAdem sancta Synodus errores omnes, qui super hoc sanctissimo Sacramento repullularunt, tanquam vepres, ex agro dominico evellere, ac omnium fidelium salutem prospicere cupiens, quotidianis precibus Deo Omnipotenti piè oblati, inter alios ad hoc Sacramentum pertinentes articulos diligentissimâ veritatis Catholicæ inquisitione tractatos, plurimis accuratissimisque pro rerum gravitate disputationibus habitis, cognitisque præstantissimorum Theologorum sententiis, hos etiam tractabat. An necessarium sit ad salutem, & divino jure præceptum, ut singuli Christi fideles sub utraq; specie ipsum venerabile Sacramentum accipiant, & num minus sumat qui sub alterâ quam qui sub utraq; communicat, & an erraverit sancta mater Ecclesia, Laicos & non celebrantes sacerdotes, sub panis specie dumtaxat communicando, & an parvuli etiam communicandi sint. Sed quoniam ex nobilissimâ Germaniæ

PPP

(a) Ob reverentiam Stæ. Sedis, causæ criminales & majores Episcoporum, quæ prius, docente Petro de Marca, à Provincialibus Episcopis, Metropolitana præside judicabantur, Summis Pontificibus judicandæ reservantur à Concilio Tridentino, anteriorum Conciliorum renovante disciplinam.

provincia, ii qui se Protestantes (a) nominant, super his ipsis articulis, antequam diffiniantur, audiri à sancta Synodo cupiunt, & eam ob causam fidem publicam ab illa postularunt, ut ipsis tutò huc venire, & in hac urbe commorari, ac liberè coram Synodo dicere, atque proponere quæ senserint, & postea cùm libuerit recedere liceat; sancta ipsa Synodus licet magno desiderio eorum adventum multos antea menses expectarit, tamen, ut pia mater quæ ingemiscit & parturit, summopere id desiderans, ac laborans, ut in iis qui Christiano nomine censentur, nulla sint schismata, sed quemadmodum eandem omnes Deum & redemptorem agnoscunt, ita idem dicant, idem credant, idem sapiant, confidens in Dei misericordia, & sperans fore, ut illi in sanctissimam & salutarem unius fidei, spei, & charitatis concordiam redigantur, libenter eis in hac re morem gerens, securitatem & fidem (ut perierunt) publicam, quam *Salvum-Conductum* vocant quòd ad se pertinet, ejus qui infra scriptus erit tenoris dedit, atque concessit, & eorum causà diffinitionem illorum articulorum ad secundam sessionem distulit, quam ut illi commodè ei interesse possint, in diem festum conversionis Divi Pauli, qui erit xxv. die mensis Januarii anni redemptorem indicxit. Illudque præterea statuit, ut in eadem sessione de Sacrificio Missæ agatur: propter magnam utriusque rei connexionem. Interea sessione proximà de Pœnitentiæ & Extremæ-Untionis Sacramentis tractandum. Illam autem diē festo Divæ Catharinæ Virginis & Martyris qui erit 25. Novembris habendam esse decrevit, simul ut in utrâque materiam reformationis prosequatur.

*Salvus - Conductus.*

**S**acro-Sancta Generalis Tridentina Synodus in Spiritu Sancto legitime congregata. Præfidentibus in eâ eisdem sanctæ Sedis Apostolicæ Legato & nunciis, omnibus & singulis sive Ecclesiasticis, sive secularibus personis universæ Germaniæ, cujuscumque gradûs, statûs, conditionis & qualitatîs sint, quæ ad œcumenicum hoc & Generale Concilium accedere voluerint, ut de iis rebus, quæ in ipsâ Synodo tractari debent, omni libertate conferre, proponere & tractare, ac ad ipsam œcumenicum Concilium liberè & tutò venire, & in eo manere, & commorari, ac articulos, quot illis videbitur, tam scripto, quàm verbo offerre, proponere & cum Patribus, sive iis qui ab ipsâ sanctâ Synodo delecti fuerint, conferre & absque ullis vitis & contumeliis disputare, nec-non quando illis placuerit, recedere possint & valeant, publicam fidem & plenam securitatem, quam *salvum conductum* appellant, cum omnibus & singulis clausulis & decretis necessariis & opportunis, etiam-si specialiter & non per verba generalia exprimi debeant, quæ pro expressis haberi voluit, quantum ad ipsam sanctam Synodum spectat, concedit (b). Placuit præterea sanctæ Synodo, ut si pro majori libertate ac securitate eorum, cer-

(a) Protestantis appellatione Lutherani designantur, & suam denominationem à Carolo V. Imperatore sic eos compellente in Comitibus Augustæ Vindelicorum anni 1530. obtinuerunt.

(b) *Salvum conductum*. Sub alia verborum formâ, & ad tenorem illius quem Bohemia concefferant Patres Basileenses, consecravit Imperatoris juris-consultus, & per Franciscum Toletanum Legato consignavit, sed placuit præfidi alium offingere, qui à Lutheranis equivocæ securitatîs insimulatus est, quasi locum daret Pontifici, salvo Concilii honore in Lutheranos sæviendi pro sua voluntate. Sed cavillus est hæretici sibi malè confecti.



eos tam pro commissis, quam pro committendis per eos delictis, Iudices eis deputari cupiant, illos sibi benevolos nominent, etiamsi delicta ipsa quantumcumque enormia ac hæresim sapientia fuerint.

*Sacro-Sanctæ Tridentinæ Synodi adscripta Christianissimo  
Francorum Regi Responsio.*

Cum ex proximâ sessione maximam hæc sancta Synodus lætitiâ voluptatemque cœpisset, non solum propter auctam Patrum frequentiam, adventu amplissimorum Germaniæ Præsulum, & eorundem Principum ac sacri Romani Imperii Electorum (a), verum etiam quod à piissimo Imperatore, & ex Hungariæ ac Bohemiæ regnis, à serenissimo Romanorum Rege, Legati (b) viri ornatissimi cum litteris ac mandatis venerant, quæ fuerunt in eâ ipsâ sessione recitata, ac per eosdem dies ex litteris duorum clarissimorum Regum (c) Lusitanæ & Poloniæ cognitum fuerat, illos quoque inclitos Reges in animo habere, Legatos suos ad sacro-sanctam hanc Synodum mittere, omnes tunc Patres collaudato Imperatoris & illorum Regum officio, atque ergâ hanc sanctam Synodum reverentiâ, cum meritis Deo gratias egerunt, quod post tam diuturnas tenebras, maxima subito lux Christianæ Reipublicæ fulcisset, tum minime dubium habuerunt, quin Rex Christianissimus pro suâ & majorum suorum dignitate suos ipse quoque Legatos Episcoposque missurus, ac in insigne quoddam studium Religionis & pacis atque unitatis Ecclesiæ esset declaraturus. Namque cum omnibus gentibus notum, quod egregia Francorum Regum merita in rempublicam Christianam extiterint; cumque illum Regem putandum sit, nec pietate ergâ Deum, neque studio fidei Orthodoxæ, neque adeo magnitudine animi quoquâ illorum esse inferiorem: quis non existimavit firmum præsidium sanctæ huic Synodo & Catholicæ Ecclesiæ in ejus virtute & autoritate esse constitutum. Verum cum ipsius nuncius in concessum Patrum processisset, & litteræ allatæ unâ cum scripturâ quâdam illis adjunctâ, recitatæ fuissent, magno mox Synodus dolore & sollicitudine affecta est: quanquàm enim illæ modestè admodum scriptæ erant nec parvam reverentiæ, quâ ille Rex hunc conventum prosequitur, significationem habebant, tamen difficultatem inde videri obijci, unde auxilium expectabatur, quis non & vehementer admiraretur, & magnopere doleret, sed etsi propter quasdam causas, opinionesque incommodas Regis animum offensum, & exulceratum esse apparebat, non propterea tamen hæc sancta Synodus spem de illo pristinam sibi abjiciendam putavit. Optimorum enim Consiliorum sibi & rectissimæ voluntatis conficia, præter spem quam in Deo Omnipotente sacrorum Conciliorum auctore & præside habet maximam, ipsum Regem confidit, pro suâ prudentiâ melius secum perpensâ habiturum esse,

(a) Joannis d'Isenburg Trevirensis, Sebastiani Henseisten Moguntini, Adolphi de Scanenbourg Colonienfis.

(b) Hugo Comes de Monteforti Tridentum ingressus est 13. Julii, Orator nomine Imperii. Guillelmus à Pictaviâ, ex parte Belgicarum Provinciarum, ablegatus, 2. Sept. 1551. Synodo comparuit. Franciscus Toletanus Hispaniarum Orator, jam à die 29. Aprilis Tridentum advenerat & hi tres à Carolo V. Imperatore deputati. A Ferdinando autem Rom. Rege destinati Oratores accesserant, Gregorius Episcopus Zagubienfis, & Fridericus Nausa Viennensis Antistes.

(c) Rex Lusitanæ Joannes 3. cujus Oratores die 5. Martii 1552. Tridentum pervenerunt, iique erant Jacobus de Sylva à sanctioribus Conciliis, Jacobus Gonsæ Theologus, Joannes Peez juris peritus.

cum officii ac dignitatis suæ rationem, tum communis Ecclesiæ utilitatis; atque adeo salutis, ne plus apud Deum autoritatis & ponderis habitura esse, minus recta foras Concilia, quam sanctæ œcumenicæ, illiusque amantissimæ Synodi monita; quam quidem libenter audire, & ejus auctoritate moveri Christianissimus Rex debet, memor ejus quod Dominus dixit: qui vos audit, me audit: ac primum illa quam Rex Christianissimus non retulit, omnibus omittenda suspicio est. Si qui sunt qui existiment, ab hoc sacro Concilio non communi Ecclesiæ utilitati, sed privatis alicujus commodis & rationibus inserviri. Etenim quibus de rebus agendum sit, discretè præscriptum ac diffinitum est binis litteris duorum Summorum Pontificum, quarum alteris, Concilium huc à Paulo III. sel. record. hujus prædecessore indictum est; alteris ab hoc ipso Pontifice Maximo in eandem hanc Urbem restitutum. Res autem hæ sunt, extirpatio hæresum, reformatio morum, pax Ecclesiæ. Quæ tandem harum rerum cum toti Ecclesiæ utilis ac potius necessaria est, tum ab omnibus piis, ac verè Christianis principibus expetenda, & summis studiis adjuvanda. Hæreses jam pridem longè lateque non per Germaniam modò, unde ortæ sunt, sed per reliquas etiam ferè Provincias omnes, non sine miserabili animarum interitu atque strage, & maximà divini cultus diminutione, pervagantur, corroborantur. Ea pestis, & in dies latius serpit, non absque novarum rerum periculo, qui tanto malo obviam ire cupiunt, hi proprio cujusque commodo ac non Dei Opt. Max. honori & animarum incolumitati inservire putandi sunt: Vetus illa & sancta majorum nostrorum disciplina jam pridem negligitur, populorum mores depravati majorem in modum atque corrupti sunt; qui Ecclesiasticam disciplinam restituere, qui mores reformare, qui populos ad rectiorem vivendi rationem revocare conantur privatim, principi cuiquam consultum volunt? Postremò ob Principum discordias, quis nescit quantas respublica Christiana calamitates acceperit; quibus hoc propositum est, cum Dei honori & animarum saluti prospexerint: verum ii videntur uni alicui obsequi & gratificari cupere? an cum Principibus, tum eorum populis Regnisque prospicere? non cadit suspitio in hac sancta Synodo hæc suspitio. Aliena est atque abhorrens ab ejus fide & gravitate constantia, nisi verò existimandum est Patres in eâ congregatos, tam longè à sedibus & Ecclesiis tanto suo & suarum rerum incommodo, in hanc Urbem convenisse, quo cuiuspiam Principi fidem & religionem, & animas addicerent: illi verò pro loco, pro munere, pro ministerio ad quod à Deo vocati sunt, Principi Principum Christo primum, deinde sanctissimæ ejus Ecclesiæ deserviant, neque præcipuum alicujus commodum spectant, sed communem Christiani populi utilitatem & salutem intuentur. Quod quidem cum principium ipsi indicare jam potuit, tum rerum exiis Deo juvante apertius declarabit. Quamobrem movere Christianissimum Regem minimè suspitio hæc debet, quominus sinat Episcopos regni sui huc venire: neque cum huic sacro conventui tantum in litteris suis tribuat, cumque perhonorificè semper appellet, de eo hujusmodi quidpiam debet suspicari. Quod verò ad eam controversiam attinet, quæ propter Urbem Parmam exorta est, non dubitat hæc sancta Synodus, quin Pontifex Maximus totius sit facti & Concilii sui rationem redditurus, ipsis quidem Patribus nihil potest esse gratius quam ut res ad pacem concordiamque deducatur, utcumque autem ea res se se habet, nihil privatum illud negotium, ad hoc quod publicum est pertinet, neque ob eam controversiam

Christia-

Christianissimo Regi recusandum censet hæc Synodus, quominus ad Sacrosanctum hoc Generale Concilium sinat regni sui Episcopos venire, pluris enim à tam pio & Orthodoxo Rege universa Ecclesia facienda est, quam unus ab eo in fidem, & is alienus cliens & stipendiarius receptus, neque Christianissimum Regem decet, propter privatam offensionem, officium ergà communem matrem deferere, & rem Christianæ reipublicæ maximè salutarem non adjuvare. Nam quòd accessus huc illis esse parùm tutus videtur, propter bellicos scilicet motus, hac excusatione minimè uti licet Episcopis, qui nec bello domi tenentur, & in locum quietum & pacatum & omni tumultu vacuum ad Concilium vocantur, & tutò illuc possunt pervenire: etenim fortasse metuant, ut si fortè aliquà de re actum fuerit, quæ illis minùs probetur parùm illis liberè quòd senserint liceat dicere? quod nequaquam illis verendum est. Non-ne Regius Nuncius, cum litteras à Rege attulisset, illas quidem non nimis huic Sanctæ Synodo jucundas, in Patrum concessum admissus est, & cum liberè quidquid ei videretur diceret, attentè & patienter auditus est? an verò privato homini tantà uti libertate permissum fuit, Episcopis illo honore, illà dignitate præditis minùs liberè proferre quod senserint in hoc fratrum suorum cœtu licebit? illis verò liberè loquendi potestas erit: etsi venerint omni honore & studio cum suà tantùm Regis causà ab omnibus Patribus excipiantur. Sin autem (quòd credere difficile est) muneri atque officio suo defuerint, quod more exemploque aliorum Generalium Conciliorum indictum, & in Spiritu Sancto jure & legitimè congregatum est, & huc tandem iustis de causis restitutum, ubi ex compluribus provinciis Episcoporum adventus atque concursus, quotidie fit frequentior, nec ejus acta atque decreta Sanctæ Apostolicæ & universalis Ecclesiæ minùs autoritate nituntur, unus est enim Christus, una ejus sponsa, unum corpus, catholica unica Ecclesia, quæ ut illa D. N. tunica fuit inconsutilis, ita ipsa singularis extat atque unica.

„ Quod verò testatur Rex (a) atque denuntiat, se si necesse fuerit ad eadem esse remedia descensurum, quibus majores sui aliquando usi fuerint, adduci „ non potest hæc Sancta Synodus, ut ita sentire arbitretur, aut omninò hujusmodi quidpiam nec temporis quidem in causà, unquam esse facturum, „ etenim quid tam alienum à Christianissimo Rege esset, quam ea instituta (b) „ quæ significat, revocare, quæ gravissimis de causis, non sine maximo Francorum Regum commodo fuerunt jampridem abrogata atque sublata, quæ „ porrò tanta capiendi ejusmodi Concilii necessitas unquam poterit existere? „ nonne quoddam subire incommodum satius fuerit, quam tantam nobilissimam „ mo illi Regno labem aspergere, tanto scandalo Deum omnipotentem & Ecclesiam Catholicam offendere? quàm verò alienum à prudentiâ Christianissimi „ Regis esset præter offensionem Dei atque Ecclesiæ, præter animæ & salutis æternæ periculum, omnibus seipsum commodis, beneficiisque privare, tum „ à Sede Apostolicâ antea concessis, tum ab hoc ipso Pontifice Maximo tri-

Qq q

- (a) Franciscus Vargas Regni Castellæ Syndicus generalis, asterisco sequentia verba notaverat, & dixerat expungenda, ne Regem Galliæ læderent, Patribus aliunde, sed præsertim Summo Pontifici insensum.
- (b) Ea instituta, quibus alludit responsio, innuunt Pragmaticam sanctionem ex decretis Concilii Basileensis constata, & in Conventu Bituricensi anno 1438. confirmatam, sed à Leone X. uti *corruptelam Regni Francia*, abrogatam xix. Decembris, anni MDXVI, Francisco primo Rege annuente.

„butis? hæc Sancta Synodus minimè timet ne Rex tam turbulentum consilium, tanque inutile unquam capiat, neve plus dolori indulgeat, quam obtemperet rationi, „ illud ab eo potius expectat, ut Dei honori, Ecclesie tranquillitati, animarum saluti consulat atque prospiciat. Quibus quidem rebus servire eas quas potiores habere omnes debent. Imprimis tamen quia constituti sunt Reges atque Principes, ut quò altiore honoris ac dignitatis gradu locati sunt, hoc in illum existant gratiores, tantum & opulentum Regnum Dei munere Rex adeptus, tantis præterea beneficiis affectus, non operam dabit, non enitetur, ut quàm gratissimus esse in eum videatur, nec cum charissimæ Christi Domini nostri Sponsæ, & sanctissimæ nostrum omnium parentis Ecclesie, diuturnæ miseriæ calamitatesque movebunt? Jampridem vexatur, scinditur, laceratur, crescit in dies malum & vehementius ingravescit, nullam amplius dilationem ac moram interponi patitur. Cum tandem aliquando Sacra hæc Synodus in Spiritu Sancto excitata ad ejus salutem incumbere coperit, Christianus simul Francorum Rex Henricus tam piorum & salutarium Conciliorum expertus esse sustinebit? Non opem & fidem suam imploranti dexteram porriget? non fulciendis ejus ruinis manus admovebit? Nescio quam aliam occasionem expectabit, cum ille perpetuus Ecclesie adversarius atque hostis aliud minimè ipse tempus expectet, sed eam oppugnare, vexare, lacerare non desinat? absit ut ille nunc in tam gravi & necessario tempore desit Ecclesie! absit ut tantam quotidie fieri animarum jacuram negligat! Propria hæc quidem Episcoporum curatio, proprium hoc munus est Ecclesie unitatem tueri, & saluti animarum prospicere; sed tamen pii semper hoc Reges Principesque fecerunt, ut hujusmodi Episcoporum Conventibus autoritate & studio adessent suo, civitatum suarum Episcopos non ire ad eos solum sine- rent, verum etiam hortarentur, Legatos suos mitterent, pietatem denique in eo suam toti terrarum orbi declararent, hoc idem facere clarissimum illum Regem, & huic sanctæ Synodo amabilem Principem oportet, si officio ac muneri suo satisfacere, si se dignum illo eximio præbere, cognomine *Christianissimi*, si Galliarum Ecclesius quæ merito illi Christianissimo subsunt studet consulere, si denique patrem suum vult pie memorie Regem imitari: etenim is pro suâ præstanti pietate, & unitatis Ecclesie studio in hanc ipsam urbem ad Concilium lætissimos Regni sui Episcopos venire non solum non prohibuit, verum etiam unâ cum eis Legatos (a) ornatissimos viros misit. Et eò magis hoc facere debet, quod jam Episcopi Galliarum à Pontifice Max. per litteras de restituto huc (b) Concilio certiores facti & ut venirent ipso sciente & consentiente Rege admoniti fuerunt. Quæ cum ita sint fratres illos suos hæc sancta Synodus amantissimè ac studiosissimè in Domino hortatur & rogat, ut ad ipsam in cursu tam piam actionum adjuvandam omni cunctatione omissâ huc se conferant; quod ipsorum munus sit, quod officium, quod tanta Ecclesie necessitas ab eis postulet ac potius efflagitet, quid Deo, quid Ecclesie suæ, quid univer-

(a) Franciscus 1. Legatos ad Concilium direxit 3. Kal. Aprilis 1545. Camerarium suum Claudium Dulseum, Jacobum Lignerium, in Curia Parisiensi, tertio Judicium Decuriz præsidem, & Petrum Danesium Suseonarum præfectum & postea Episcopum Vaurensem. Tridentum pervenerunt 26. Junii MDXLVI.

(b) Ex decreto Sess. 8. transcriptum est Concilium Bononiæ an. 1547. ob grassantem Tridenti popularem morbum. Reclamavit cum antistitibus septemdecim, Cardinalis Paceco, sed sprete eorum oppositione, Legati die 12. Martii, iter Bononiæ ter arripuerunt. Illuc Rex Gallie Oratores transmisit, cum Episcopis Gallicanis.

fali Synodo præstare debeant, minimè ignorent, ne recusent à Pontifice Maximo evocati atque admoniti, à fratribus suis & universali hac Synodo expetiti, ad res sanctissimas salutaresque gerendas, ad instaurandam Religionem, ad reformandos mores, ad pacem & unionem Ecclesiæ constituendam, accedere. Regem verò Christianissimum eadem hac sancta Synodus per viscera misericordie D. N. Jesu Christi obtestatur, ut animi sui offensionem, ipsi Christo redemptori nostro velit submittere, & cæteris rebus omnibus Christianæ reipublicæ commoda anteponere, imitetur eos ipsos Principes quos propter hujus modi moderationem ac magnitudinem animi, & ob dissimulatas interdum pacis retinendæ causâ graves injurias laudat; imitetur superiores Francorum Reges ac majores suos quos ob Ecclesiam non solum illorum opibus exornatam, verum etiam armis & corporibus ipsorum periculis oppositis defensam, magnis meritò laudibus extollit: meminerit præclari illius cognominis, quod ab illis acceptum perpetuo habens, de Christianâ republicâ merendo non invidiam quàm regnum ipsum tueri & conservare debet, in quo si hujus sanctæ Synodi spei opinionique responderit, & fidelissimis ejus amantissimisque consiliis paruerit, maximam ab omnibus laudem & æternum à Deo præmium moderationis & pietatis suæ consequetur. Deus in cujus manu mentes & corda Principum sunt, Regium animum ad hæc consilia dirigat, quæ & Regi gloriosa, & Christianissimæ Reipublicæ futura sunt salutaria.

*Prælati qui interfuerunt Sessioni III. Tridentine sub Julio III.  
Pont. Max. die 11. Octobris MD LI.*

Reverendissimus & Illustrissimus D. Marcellus S. R. E. Presbiter Cardinalis Crescentius nuncupatus, Sacri Concilii Legatus & primus Præfident. Romanus.  
R. D. Sebastianus Pighinus Archiepiscopus Sipontinus, 2dus Præfident. Regiensis.  
R. D. Aloysius Lippomanus Episcopus Veronensis, 3. Præfident. Venetus.

*Cardinales.*

R. mus & Ill. mus D. Christophorus Madruccius, tituli Sci. Cæsarii in Palatio, S. R. E. Cardinalis Presbiter & Episcopus Princepsque Tridentinus & Administrator Brixienfis. Germanus.

*Sacri Imperii Principes Electores.*

R. mus & Ill. mus D. Sebastianus Hensestein, Archiepiscopus Maguntinus. Germanus.  
R. & Ill. D. Joannes ab Isenburgh Archiepiscopus Trevirensis. Germanus.  
R. & Ill. D. Adolphus ex Comitibus de Scanemburgh, Archiepiscopus Coloniensis. Germanus.

*Oratores Cæsaris.*

Illustr. D. Hugo Comes à Monfort, & Rotenfels. Germanus.  
Illustr. D. Franciscus à Toletto. Hispanus.  
R. D. Guillelmus à Pictavia, Archidiaconus Campiniæ. Flandrus.

*Oratores Ferdinandi Romanorum Regis.*

R. D. Paulus Gregorian, Episcopus Ragubrienfis. Hungarus.  
R. D. Fredericus Nanferi, Episcopus Viennensis. Germanus.

*Oratores Electoris Brandenburgensis.*

Excell. D. Christophorus à Strassen, J. U. Doctor. Germanus.  
Mag. D. Joannes Hoffmannus, Secretarius. Germanus.

*Archiepiscopi.*

R. D. Salvator Salaputius, Archiepiscopus Turritanus.	Sard.
R. D. Ludovicus Chiregritus, Archiepiscopus Antibarenfis.	Vicentin.
R. D. Olavius, magnus Archiepiscopus Upsalensis.	Gothenf.
R. D. Petrus Tagliania, Archiepiscopus Panormitanus.	Siculus.
R. D. Petrus Gnerrero, Archiepiscopus Granatenfis.	Hispanus.
R. D. Balthazar de Heredia, Archiepiscopus Calaritanus.	Sard.

*Episcopi.*

R. D. Thomas Campegius, Feltrenfis.	Bononiensis.
R. D. Gaspar Jostredus, Episcopus Segrobricensis.	Valentinus.
R. D. Coriolanus Marticanus, Episcopus Sti. Marci.	Neapolitanus.
R. D. Jo. Baptista Campegius, Majoricensis.	Bononiensis.
R. D. Becardus Bonjoannes, Camerinenfis.	Romanus.
R. D. Joannes Fonscea, Episcopus Castellinaris.	Hispanus.
R. D. Joannes Salazar, Episcopus Laucianensis.	Hispanus.
R. D. Balthazar Vausipan, Miliensis suffraganeus Maguntinus.	Germanus.
R. D. Petrus Vagnier, Episcopus Algarenfis.	Hispanus.
R. D. Hieronimus de Bononia, Episcopus Syracusanus.	Siculus.
R. D. Richardus Patu, Episcopus Vigorniensis.	Anglus.
R. D. Erasmus à Limpurgh, Argentinensis.	Germanus.
R. D. Cornelius de Mussis, Bituntinensis.	Placentinus.
R. D. Jacobus Jacobellus, Bellicastrenfis.	Romanus.
R. D. Franciscus Manrique, Episcopus Auriensis.	Hispanus.
R. D. Franciscus de Navarra, Pacensis.	Hispanus.
R. D. Joannes Jobinus, Constantianensis.	Hispanus.
R. D. Petrus de Augustinis Olcensis.	Hispanus.
R. D. Jacobus Naclautus, Olodienfis.	Florentinus.
R. D. Gregorius Elarh, Episcopus Solonen. Suffragan. Herbipolensis.	Germanus.
R. D. Joannes Bernardus Diaz de Luco, Calagurritanus.	Hispanus.
R. D. Michaël Puccius, Episcopus Elnensis.	Hispanus.
R. D. Michaël à Turre, Sctenensis.	Utinens.
R. D. Octavianus Preconis, Monopolitanus.	Siculus.
R. D. Joannes Ferdinandi Tefrino, Legionensis.	Hispanus.
R. D. Christophorus Roscius, Onctensis.	Hispanus.
R. D. Joannes Emilianus, Tudenfis.	Hispanus.
R. D. Antonius Codina, Laconensis. Suffraganeus Barchinotensis.	Hispanus.
R. D. Martinus Aliala, Guadicensis.	Hispanus.
R. D. Petrus de Acuqua, Astoricensis.	Hispanus.
R. D. Nicolaus Picaume, Episcopus Virdunensis.	Lotharingus.
R. D. Christophorus, Constantiensis.	Germanus.
R. D. Franciscus Salazar, Salaminensis.	Hispanus.
R. D. Vincentius de Leone, Boslanensis.	Siculus.
R. D. Ægidius Falcarraris, Mutinensis.	Mutinensis.

*Abbates.*

R. P. Gerardus de Hamercourt, Abbas Sti. Martini, Marinenfis Diocesis.	Flandrus.
	R. P. Mar-

R. P. Marcus de Brixia, Abbas Sancti Vitalis de Ravenna.

R. P. Eusebius de Parma, Abbas Sanctae Mariae Gratiar. Placentin. Dioecel.

*Alii Episcopi.*

R. D. Lacier de Caravalla, Episcopus Placentinus. Hispanus.

R. D. Franciscus de Benavides, Episcopus Meridionensis. Hispanus.

R. D. Gerardus de Pambaldi, Episcopus Civitatenfis. Veronensis.

R. D. Petrus Ponz de Leon, Episcopus Cinitatenfis. Hispanus.

R. D. Gaspar del Stuniga, Episcopus Segobriensis. Hispanus.

R. D. Angelus Bragadinus, Episcopus Vicentinus. Venetus.

R. D. Alvarus Meicosus, Episcopus Pampilonensis. Hispanus.

R. D. Thomas de Plantanis, Episcopus Turienfis.

R. D. Julius Phutqius, Episcopus Neumburgensis. Germanus.

R. D. Christophotus Patavinus, Generalis Ordinis Heremitar. S. Augustini.

*Doctores Theologi missi à S. D. N.*

Jacobus Lainez, Hispanus.  
Alphonfus Ferneco, Hispanus. } Congregationis Jesu.

*Missi ab Imperatore.*

Petrus Malvenda, Hispanus.  
Joannes Arle, Hispanus. } Clerici Sæculares.

Melchior Canus, Ordinis Prædicatorum. Hispanus.

Alphonfus de Castro, Ordinis Minorum. Hispanus.

*Missi ab Universitate Lovaniensi & Serenissimâ Regina Hungariæ Mariâ.*

Quardus Quaper, Decanus & Cancellarius Universitatis Lovan. Flandrus.

Joannes Leonhardus Fassolensis, Clericus Sæcularis. Flandrus.

Franciscus Sonnius, Clericus Sæcularis. Flandrus.

Jodocus Ramensthein, Ciletanus Clericus Sæcularis. Flandrus.

Joannes Valtheri, Ordinis Prædicatorum. Flandrus.

Joannes Mautius, Aldernandensis Ordinis Minorum. Flandrus.

Rogierius Juvenis, Ordinis Sancti Augustini. Flandrus.

Alexius Candidus, Ordinis Carmelitarum. Flandrus.

*Qui sunt cum Sacri Imperii Electoribus.*

Ambrosius Pelargus, Ordinis Prædicatorum cum R.mo Trevirensi. Germanus.

Joannes Troperus Clinis cum R.mo Colonienfi. Germanus.

Eberardus Billicus, Ordinis Carmelitarum cum R.mo Colonienfi. Germanus.

Joannes Delphicus, Sæcularis Clericus cum R.mo Trevirensi. Germanus.

*Qui sunt apud D. Prælatos Clerici Sæculares.*

Martinus Malo, familiaris R. D. Onetenfis. Hispanus.

Jacobus Ferrusius cum R. D. Segobriensi. Hispanus.

Franciscus Joto cum R. D. Granatenfis. Hispanus.

Martinus Claveus, Procurator R.mi Cardinalis Augustensis. Hispanus.

Melchior Vosmediano cum R. D. Episcopo Pacensi.	Hispanus.
Petrus Frago cum eodem R. D. Pacensi.	Hispanus.
Joannes Caballus cum R. D. Auriensi.	Hispanus.

*Regulares Ordinis Predicatorum.*

Reginaldus de Genua.	
Aloizius de Catavia cum R. D. Panormitano.	Siculus.
Bernardinus de Colloredo cum R. D. Lenentensi.	Utrinensis.
Didacus Xanes, Socius Patris de Cano.	Hispanus.
Desiderius de Verona in Sancto Laurentio, Ordinis Minorum de observantiâ.	Hispanus.
Alphonfus de Contreras, Socius Patris de Ortega.	Hispanus.
Antonius Ulla, Socius Patris de Castro.	Hispanus.

*Ordinis Sancti Augustini.*

Marianus Feltring, Prior Sancti Marci.	Tridentinus.
Adeodatus de Senis cum R. mo D. Panormitano.	
Franciscus cum Generali.	

*Ordinis Minorum Conventualium.*

Sigismundus Feduus Dedicuta Umber cum R. mo Tridentini.
---

*Ordinis Carmelitarum.*

Desiderius de Panormi cum R. D. Boslanensi.
---

*Ordinis Sancti Hieronimi.*

Franciscus de Visargia cum R. D. Granatensi.	Hispanus.
--	-----------

*Litteræ Cesaris ad R. dum in Christo Patrem & Dominum D. Nicolaum Episcopum Virdunensem, quibus monetur ne à Concilio Tridentino recedas.*

Venerabili Nicolao (a) Episcopo Virdunensi Principi nostro devotè dilecto.  
Carolus divinâ favente clementiâ Romanorum Imperator Augustus.

**V**enerabilis Princeps, devotè dilectè. Relatum ad nos est, devotionem tuam, nescimus quo colore aut prætextu, è Sacro-sancto Concilio cœcumenico Tridenti congregato, discedere, ac domum redire constituisse, eamque professionem suam summopere urgere; quoniâ verò discessus ille tue Devotionis hoc præsertim tempore, quo res Concilii in satis bonam spem erectæ sunt, non posset non ingens scandalum parere, arque adeò aliis Patribus in Concilio congregatis, occasionem præbere, de reditu ad suos cogitandi, deque causâ publicâ deferendâ, ideò hortamur Devotionem tuam seriò requirantes, ut istic omninò sese continere, ac nullo modo inde movere, sed publicam causam suâ præsentia juvare & provehere velit. Aliòqui enim non possemus tuam professionem non ægro animo ferre, neque prætermittere, quin ad privationem, & alias poenas in novissimis nostris litteris monitorialibus ad Metropolitanos, & alios Imperii Prælatos directis, contra Devotionem tuam,

(a) Occasionem responsioni Cesaræ dedit instantissima littera quam Palmarum Perrenoto Atrebatum Episcopo scripserat pro impetrando regressu ad suam Ecclesiam. Tantæ verò & tam urgentis instantiæ geminam causam præbuerat Cardinalis Crescentius Concilii præses, qui in Congregatione habitâ mense Septembris, in quâ de reformatione & commendarum abusu agebatur; Palmarum liberius in commendas assurgentem, corripuerat in fellis amaritudine.



pro casus qualitate, procedere faceremus. Etsi meliora nobis de tuâ Devotione pollicemur, quam ut causam dare velit, quidquàm durius adversus illam cogitandi. Nam quòd ad Devotionis tuæ causas & controversias attinet, quas cum rectoribus Civitatis Virdunensis habet, nos interim daturi sumus operam omnem, ne quid præjudiciū iuribus ac præminentis tuæ Devotioni competentibus, propter hanc suam absentiam, generetur, sed omnia illi salva permanent; etsi quid interim Ecclesiæ tuæ acciderit, quòd nostram provisionem requirat, in eo, neque muneris nostro, neque Ecclesiæ illius rebus defuturi sumus. De quâ re Devotionem tuam certiore reddendam duximus, quæ in parendo huic nostræ monitioni, & officium suum præstiterit, & voluntati nostræ morem gesserit. Datum in Civitate nostrâ Imperiali Augustâ Vindelicâ die tertio mensis Septembris. Anno Domini MDLI. Imperii nostri XXXI. Et regnorum nostrorum XXXVI.

CAROLUS.

Ad mandatum Cæsareæ & Catholicæ Majestatis proprium.  
JOERNBURGER.

Locus Sigilli.

*Litteræ S.mi D. N. D. Julij, divinâ providentiâ Pape III. ad Christianissimum Regem Francorum Henricum II. Ratione Belli Parmensis.*

**C**harissime in Christo fili mi, salutem & Apostolicam Benedictionem. Con tutte l'injurie & danni che mavete fatti, non posso se non desiderarui augmento & prosperità, senza detrimento pero del stato mio, & di questa Sede. Per il che diro libera mente quel chè mi occorro, cossi per honorè & comodo vostro, come per il mio proprio, massime chè vedo, chè non havetè persona, laquale ardisca di dirui la verità, per distorui, la diò piacerà dall' impresa di Parma, mi bisogna di mostrarvi scia injusta. Dico adunque chè voi non havetè causa alcuna privata ne publica di pigliare protectione d'Ottavio contra di me, ma dovevate per causa privata, & publica conteneruene, quanto allo privata, egli non era vostro congiunto, ne dependente, ne servitor, n' in alcun modo interessato con voi, ma era bene congiunto dell' Imperatore essendo suo genero, & era dependente, & servitore, & interessato con me, essendo egli discepo de Papa Paulo per naturâ del quale io descendo per adoptione, & essendo mio feudatario & stipendiato, & consalloniere, & Capitano Generale. Quanto alla publica, la ragione che l'Imperator non intrasse in Parma, non milita per che tutta Italia stava quieta, ne si vadevasegno o preparamento alcuno di nova gente in Lombardia, & io davo à Ottavio tre milia scudi il mese che li bastavano davanzo per guardarsi, fin che non si vedesse major necessita; oltra che ne ancora alla sede vacante, q'n l'haverebbe potuto fare senza offesa di persona particolare, ne di poi L'assumptione mia al Pontificato, s'era veduto movimento alcuno d'arme d'alla banda, d'esse Imperator, il quale era occupato à ridurre alla veia strada gli desviati dalla sede & religione nostra in Germania, & à tranquillare quella provintia; & l'impresa era tale, che si poteva pensare che gli bastasse, & non havesse da d'ar molestia a chi non ne desse alui, come ancora si poteva pensare che una tale innovatione, la quale non si vedessi che potesse esser causata d'altra intentione che perturbar, i stati suoi l'havesse d'excitare apigliat l'armi contra chi si fosse, & dolersi di me, & riputar me ne colpevole & partecipe, quando io non havessi comandato à Ottavio

che defistesse, & poi che gli haveno comandato, & c'egli perseverava nella sua disubedientia, come poteva far di manco, di non procedere per ogniva contra di lui! dovevate dico contènervene per causa publica, vedendo offendevate, me tanto vostro amico! che forse non havete in altro maggiore, massime poi ch'io haveno risposto ad vostro Ambasciator d'Urfé, ch'io non potevo in alcun modo contentarmene; & poi ch'haveno scritto al mio nuncio una lettera longa piena di ragione, per le quali voi dovessè contènervene, & poi che cento volte haveno fatto il medesimo officio con li Cardinali di Turnone, & di Ferrara, monstrando che potevate più commodamente da mericever & d'allo stato mio ch' da Ottavio & se pur non volevate contènervene, non dovevate rispondere ad mio nuncio con parole contumeliose, ne publicare ad medesimo tempo, l'editto del Concilio nationale, ne correre così à furia à capitolar con Ottavio, ma andar un poco più ritenuto, & cercar d'havere il mio consenso, & di persuadermi con ragione come si fa fra gl'amici. Qual causa di diffidentia vi haveno yodato che vi dovessè anteporre, l'amicitia d'Ottavio alla amicitia mia! voi mi chiamate ingrato, per che essendo mio feudatorio il Duca di Ferrara, & il Duca d'Urbino, & casa Colonna, & casa Ursina, & casa Contesca, & casa Savella, con centenara d'altri signorotti, non ho voluto comportare, che con l'esempio d'Ottavio pernizioso imperpetuò à questa sede, il minimo di loro venisse col favore d'un Principe secolare a dar à me, & alli successori, miei delle ditte ne gl'occhi tutte le volte, che ben le venisse. Se per ordinatione della providentià divina m'havete ajutato à fallire à questo grado, quo me buttat in faccia, & io nò l'ho negato mai, dovevate volere mantenermi honorato, & non vituperato, & scornato; Potrei bene chiamar voi con quel nome che si conviene à un Re, il quale hafatto tutto quello ch'è puo, per che ries cha Papa uno suo amico, & di puoi fa subdito tutto quello ch'è puo per opprimerlo, vituperarlo, & fottarlo, & farlo schiavo d'altri. Paragoni si un puoco il procedere vostro verro dime & il procedere mio verro di voi fino al giorno d'hoggi. Lasciaro i primi principii, & le justificationi ch'è sonno dal canto mio, per non replicar più volte il medesimo. Quando ho veduta la ostinatione vostra, ch'è non vi havete vossuto lasciare, pregare, ne da tante ragioni, & precè mie, ne pur rispondermi una buona parola, non ho fatto ogn'opera non ho usato d'ogni humilta per restar vostro amico? non ho pregato li Cardinali, Ambasciator & tutti gl'huomini vostri, che sonno stati dalle bande di qua, che volessino far uffitio con voi, che facendo voi tutto quello che vi piaceffi per mantenere Ottavio nella sua disubedientia & rebellione, nel resto stessi l'amicitia ferma fra voi & me: & voi subito con tutte le demonstrationi vi sete voluto publicar per mio inimico in ogni conto. Mando Ascanio mio nipote, & vostro amore volmo servitor apregarvi di pace, & concordia, & amicitia, & voi il giorno Inanzi che gl'arivassi alla presentia vostra spedessè Horatio à farlo mio ribello, & Pietro Strozzi, & altri fuorusciti & sbanditi quali non voglio nominare, & Capitani & gente dal Piamonte à Farmasà allà Mirandola: Do comissione alli miei conduttieri, che si discostino dal paese della mirandola, come dal foco, per rispetto vostro, & gli vostri senza alcuna provocatione venqono, al medesimo tempo a invadere tanto dishonestamente, il paese mio di Bologna. Io a tutte l'hore ho detto, & dico a ogn'uno ch'l vuole intender, che per amor vostro voglio capitulàr con uno mio subdito,

subdito, far pace con carico mio, pur chevi fosse l'honor vostro, & voi in parole & in fatti, fate tutt' il peggio ché possete per dishonorarmi, levato di qua il vostro Ambasciator, havete levato gli Cardinali & Prelati, li quali yo potevo ritener justamente, havete licentiatò il mio Nuntio, cosa che non fece la gloriosa memoria di vostro Padre, verso di Papa Leone, ché gli fosse lo stato di Milano, del quale era pacifico possessore, ne verso P. P. Adriano, che gli fece la legua, contro: yo ho salvato il Cardinal Farnese, & il Cardinale Sto. Angelo ch' andavano in prodizione, ho lo stato di castro in Mario, & fo grossa spesa per la custodia di esso, & non fo co un picciolo di quelle contrade, non obstante la voluntaria rebellione d'Horatio, gli strosfizzano il valore di pui d 100. mil. Scudi in su le porte di Roma, & non s'a dato ancor a loro danuo alcuno, n'al Fregoso, n'al Bentivoglio, n'a molti altri miei subditi, ché possedeno molta robba nel dominio mio, per star sempre con le braccia aperte, per potermi riabbracciarli con voi; & voi minacciate di tuormi l'ubedientia di regni vostri: & credete di seusarvi con dio, & con gli huomini per di re che conferverete l'amicitia con la Sede Apostolica non so s'intendete la sede di legno, o della persona che sede in essa. Qual necessita vistringe a far una tanta novita? qual gratia m'estata mai domandata in nomine vostro, che non l'abbia subito concessa? Voi date gli beneficii elettivi, qua li non do yo: & si bene nelli concordati sono ecertuati li beneficii vacanti in questa corte sonno non dimeno trovatè le cautele di huomini particolari, per le quali venite adar quelli ancora: mettete decime adosso alle chiese a piacer vostro, commandate a Cardinali, vesconi quello che vi pare & piace; nissuna causa ni matrimoniale, ni beneficiale, ni spirituale vien mai in questa corte: finalmente voi sete piu che Papa nelli vostri Regni; sete amato, honorato, & rispettato da me, & sarete sempre se vorrete. Non so à che proposito vogliate diventar schismatico. Quando m'haverete fatto tanto dishonore che non possiate andar piu oltre, non pensate ch' io ancora m'habbi da cavar i quanti per pigliar la penna in mano, & far canoni canot. & ragione volmente pro defensione della authorita mia, d' le cause che potrebbero dispiacer à voi ancora! si e nitafo il vostro grande risentimento de la lettera ch' yo vi scrissi, querelandomi dell' insulti fallominel paese mio di Bologna, non ch' parola sia ni quella littera che ni potesse offendera non dovete cosli irritarvi delle parole vi dice un Papa chesso na attione della conscientia vostra, & sua. Se rivederete l'Historia de Franza troverete ch'i Papi, per cause assai piu legieri & piu excusabili hanno parlato piu seriamente, con i re, & proceduto piu inanzi. Minacciate di mandar grosso exercito, & venir personalmente in Italia: achefine, & con qual certeza di guadagno volete metterui in tanta rivoltura e dispendio. Doue e gita la prudentia, la cautela del Connestabile. Non dico del Cardinale Loreno, per che ho inteso, che egli non e in tutto netto di colpa in questa impresa di Parma; & alcune lettere sue le quali ho vedute me ne fanno qualche fede. Douena il Cardinale di Loreno non solamente, non consentire, che fossino levati di quali Cardinali Turnone, & Ferrara li quali per taloro providentia & conscientia che portano a voi & a me potavono operar gran bene; ma douena egli ancora venire qua personalmente per ridurre l'amicitia & bona intelligentia fra voi, & me, vedendo che il disparer nato fra poi, non era causato d'altro, che dal non essersi intese le cose per il verso suo, per diseto

di ministri (poco intelligenti) di mala natura. Dissegia uno senatore antiquo Romano che la vecchiezza, & la indignita sua lo facevono impavido: potrei dire il medesimo, & aggiungere che la buona giustizia qual so certo esser dal canto mio, & la conscientia di non vi haver mai offeso, ne mai di haver havuto penfamento d'offenderui in un pelo, ma disarui sempre cosa grata, mi fanno impavido. Et se pure in qual che parola i fusse pavido, confessò non esser meno per beneficio vostro, che per mio ho da star poco in questo mondo: & in quel punto che fui eletto Papa pensai di esser eletto al martirio: & forse sarà mio successor uno nemico mio: voi sete un giovane, & hanno da succederui li figliuoli vostri medesimi: & pero trovandoui, voi il pui felice Re. di christiani, & meglio ordinato nelle cose sue, dovete haver gran confidratione di non vi porre in tanto disordine, che si atropo à contideratione d'uno Ottavio contra a un Papa, il quale nessuna cosa desidera piu che l'amicitia vestra: sono stato injuriato, vilipeso, & dannificato, non de meno vi dimando pace, con ogni humilta, non per paura la qual non cognosco per le cose supradette, ne per chivar spesa, ma per evitar il paragone di haver a esser superato d'uno amico, & benefactor mio, qual sete voi, o vero disuperar voi, non mi parendo che questo paragone metta conto ne a voi, n'a me; ma che metta conto a voi, & a me, di finir. Si contie, & non andar piu manzi con la discordia: nella pace s'ha da lervar l'honor nostro, & la securazza d'ell' Imperator, & mia, la quale non vi potrebbe esser, s'Ottavio non usassi di Parma, l'honor nostro vi sarebbe ogni volta ch' Ottavio haveffe honesta ricompensa, la quale non si mancherebbe di dargli, ancora che egli non la meriti, & casa Jarnesa fussi conservata indemne: al ch'io credo che l'Imperator quanto alla parte ch'i farnesi hanno nello stato suo condescenderebbe per sua bonta, & per amor vostro & mio, & se vorrete accio ch'il mondo conosca che venite alla pace per vostra virtu, & con per alcuna necessita, o forse ch'io vi mandi uno Cardinale, o un mio nipote a pregarvene lo farò molto voluntieri, etsi bisognassi ch' io anclassi dall' Imperatore, & ch' yo venisse da voi permetter pace fravoi dui, no' ricussarei fatica, ne pericolo alcuno della persona mia, pur che vedessi yo di poter far qualche buono effetto. L'Eletto di Burdeos hadetto al mio nuncio che voi mi chiamate inconstante, per che pare che vi parli in un modo, & facci in un altro. Di nessuna cosa in questo mondo io manco professione che dell' inconstantia, ne credo di meritar questo nome: vi dimando la pace hora con tutta l'inconstantia ch' yo posso, & con ogni summissione: & non dimeno non resto di farle debite provisioni, & diligentia per poter resistèr alla forza: & questo Giorno d'hoggi che scrivo la presente mando denari allo exercito: non per questo penso, o credo di possèr esser ch'iamato inconstante, nevedo repugnantia alcuna, che per esso effetto Jo vi habbia fatto demandar la pace: & per mie littere vi habbia Chiesto Ristoro & emendationi didanni, liquali vi ho dimandato, non per irritarvi, ma excitarvi tanto piu alla pace, come Principe Christianissimo, al quale delba dispiacer il danno che li innocenti patiscono, massima mente pro la guerra. Ne vorrei che in questo v'ingannassi, che la colpa fosse la mia, come intendo che solete dire tal volto, per che yo non ve toglio le littere vostre, dessendo li subditi disobedienti, & non ho cercato altro, ne cerco, che diri durre il mio vassallo & subdito all'obedienza, & chi lo dessendo & aiuta a mantenersi nella disubedientia, & la resistentia al

braccio secular invocato pro giustizia; & servati tutti i termini della ragione, si puo dire ch' habbia la colpa della guerra, & ch' offenda Dio, & il proximo: & sel vostro Confessore, & qualunque altro vi persuade altra, non amano l'honor vostro, ne la salute dell' anima vostra. Faro qui fine con pregar Dio ch'ui ispiri a pigliar deliberatione degna di voi stesso, & corrispondente al saggio ch' avete dato prima ad mondo della pietà & religion' nostra, & a farui cognoscer qual sia il vostro debito verso di me, suo Vicario in terra ben ch' indignissimo com' io conoscerò sempre qual sia l'mio debito verso di voi. Datum Nel Palazzo mio Apostolico alli 4. di Settembre 1551.

## JULIUS III.

*Risposta Santissimo Padre.*

**P**ER il Secretario del veseovo di Mirapoys ch' questi Giorni prossimi verso me, e arrivato in questo luoqo, jo ho ricevuto la lettera di XIII. del passato ch' a. V. Sta. hapiacciuto di Serivermi, in laquale mi fa intender, ch' in breve ella mi deve inviare uno suo Legato, il quale yo ricevero conquello honore & riverentia che debbo & porto a quella da parte del quale verra: & mi trovava disposto a tutte le cose raquonevole per provenire alla reconciliatione tra noi, laquale no desidero meno di quello che fa un figliolo labuona gratia del Padre: & non era punto necessario Pater Ste. usare queste cernionie meco, per che tutto qllo che verra, in buona parte sa ra preso & riceputo da me, come per una rimonstratione & admonitione paterna, alla quale yo maccomodaro, & confermero sempre secundò la ragione, & lubedienza figliale, ch' io l'hoportata ordinariamente, voranno & promette ranno, & quanto al primo capo, dove olla dice, che con tutte l'injurie & danni ch' yo l'ho fatti ella non puo si non desiderarmi augmento & prosperita, senza pero il detrimento dello stato suo, & della Sede Apostolica. Io non posso che affettamente ringraziarla del suo buono & honesto desiderio: supp. la acceder che io non ho hauto, ma di far ingiuria alluoqo, al quale yo debbo di finire, ne molto meno, daugmentarvi, & preservarvi dalle spese del stato detto del quale di miei predecessori sono stati in ogni tempo augmentatori, defensori & conservatori, & volendo in questo sequire & imitar: labuona & laudabile intentione loro: yo mi sono ingerito colli inanzi alla assumptione di V. Sta. al Papato, & durante la vacatione di quella come di poi, a intercessione del Duca Ottavio, di pigliar la protectione di Parma, per conservar alla Sede Apostolica il suo feudo, & il suo Vassallo, al quale si cercava di farli perder, come per l'usurpationi cominciate sopra quello, & altre verisimili conjecture, & stato assai apertamente notorio per tutta Italia, per che non ho yo per questa causa suscitata la guerra, ne si disturbi: anzi pensavo esser mezzo per evitargli pigliando questa protectione in mano mia, movendo mi quella id profitto lucifica & lacreiffimento che si puo vedere: & non dimeno si sonno sparsi in questa parte li miei buoni officii per pessimi, correndo pervia hostile & inhumana sopra il territorio & subditi della Mirandola, li quali dal tempo del Rè mio Padre si fa esser nella protectione della corona di Franza, allegando per colorir la cosa alcune incursionì fatte sul Bolognese da certi di quelli, che yo tenevo nella Mirandola, solamente perfavorir la ricolta, li quali per nostra loro quanto io haveffi grato quello che fecero, furono incontimente

cacciati & mandati via, prima che legenti di V. Sta. Venissero nel territorio della Mirandola, laquale ella tiene ancora assediata, piu (come in penso) per satisfattione alvolere, & appetito de glialtri che per male che la mi voglia, ne per consequentia a quello che mi focca, io mi debbo assicurar come fo, sopra le parole & discorsi che V. Sta. mi fa, in detta sua. Et quanto a me mi sento in tutte le mie attioni cossi ben questificato verso Dio, & il mondo, circa le differentie che sonno tra noi, che nissuno mi puo impugnare, ch' io habbia fatto cosa da poterli frovar altio che bona & ragionevole, ne che sia cotio la conscientia, honor, & debito mio. Jo comprehendo parmiente che V. Sta. per le ragioni che discorre in detta sua, vole inferire altro tapro del caso suo, ma in tutto questo non ci e ch' un sol punto da notar', cioe ch' ella desidera la pace, & me la dimanda, ancora che non posso mancar d'ilcurfar mi verso la Santita vestra, quanto a i termini ch'ella usa vel dimandarmela con tanta humilita ch', e, quello ch' sapprene a me come a figliolo: & cossi con tutta l'humilita, obedientia, & divotione filiale yo gliela consento potendola ben assicurar, ch'io non faro mai frovato in alcun modo discorde in quello ch'io porio, & dovero far, con il filo della ragione, & della conservatione dell' honor mio, li quali mi saranno di continuo dua testimonii per quistificarmi quanto al debito, nel quale yo mi voglio metter di gratificarla in quello che potro. Pregando in tanto Dio che voglia longamente mantener, preservar & guardar la Sta. V. pro lo regimento & governo della nostra sancta madre Chiesa. Scritta in Orviet. alli vi. d'Ottobre MD LI.

*Articuli super Sacramentis Pœnitentiæ & extreme unctionis per Doctores Theologos disputandi, an scilicet hæretici sint & à Sanctâ Synodo damnandi.*

#### PRIMUS.

Pœnitentiam non esse propriè Sacramentum ad reconciliationem pro lapsis post Baptismum à Christo institutum, nec rectè à Patribus secundam tabulam post naufragium appellari, sed Baptismum, verè esse ipsum Sacramentum Pœnitentiæ.

#### SECUNDUS.

Non esse tres Pœnitentiæ partes, contritionem, confessionem & satisfactionem, sed duas tantum, terrores scilicet incussos conscientii agnito peccato, & fidem conceptam ex Evangelio vel absolutione, quâ credit quis sibi per Christum remissa peccata.

#### TERTIUS.

Contritionem quæ paratur per discussionem, collectionem, & detestationem peccatorum non præparare ad gratiam Dei, nec remittere peccata, sed potius facere hominem hypocritam & magis peccatorem, eamque contritionem dolorem esse coactum & non liberum.

#### QUARTUS.

Confessionem Sacramentalem secretam juris divini non esse, nec apud antiquos Patres ante Concilium Lateranense ejus factam fuisse mentionem, sed publicæ tantum pœnitentiæ.

#### QUINTUS.

## QUINTUS.

Enumerationem peccatorum in confessione non esse necessariam ad illorum remissionem, sed liberam & tantum hac aetate utilem ad erudendum poenitentem & consolandum, & olim fuisse ad satisfactionem canonicam imponendam; nec necessarium esse confiteri omnia peccata mortalia, utpote occulta & quae sunt contra duo ultima decalogi praecepta, sed neque ullas circumstantias peccatorum, quas homines otiosi excogitarunt, vel leque omnia confiteri esse nihil relinquere divinae misericordiae ignoscendum, imò neque licere confiteri venialia.

## SEXTUS.

Confessionem omnium peccatorum, quam Ecclesia faciendam praecipit, esse impossibilem, traditionemque humanam à piis abolendam, neque confitendum esse tempore quadragesimae.

## SEPTIMUS.

Absolutionem Sacerdotis non esse actum judiciale, sed nudum ministerium pronunciandi & declarandi remissa esse peccata confitenti, modò credat se esse absolutum, etiamsi non sit contritus. At Sacerdos non serio sed joco absolvit, imò etiam sine confessione peccatorum Sacerdotem eum absolvere posse.

## OCTAVUS.

Sacerdotes non habere potestatem ligandi & solvendi, nisi Spiritus Sancti gratia & charitate sint praediti, & non eos solos esse ministros absolutionis, sed omnibus & singulis Christianis esse dictum: *quodcumque solveritis super terram, erit solutum & in caelo*, quorum verborum virtute absolvere possunt peccata, publica quidem per correctionem, si correctus accieverit, secreta verò per spontaneam confessionem.

## NONUS.

Absolutionis ministerium, etiamsi contra prohibitionem Superioris absolvat, verè nihilominus absolvere coram Deo, ideò casuum reservationem non impedire absolutionem, nec Episcopos habere jus eos sibi reservandi, nisi quoad exteriorē politiam.

## DECIMUS.

Totam poenam & culpam simul remitti semper à Deo, satisfactionemque poenitentium non esse aliam quam fidem, quā apprehendunt Christum pro eis satisfecisse: ideòque satisfactiones canonicas quondam exempli tantum vel disciplinae, vel probandi fideles, causā fuisse à Patribus institutas, & in Concilio Nicæno exortas, nunquam autem ad remissionem poenae.

## UNDECIMUS.

Optimam poenitentiam esse novam vitam, poenisque temporalibus à Deo inflictis minime satisfieri, sed neque voluntariè susceptis, ut jejuniis, orationibus, elemosinis, & aliis bonis operibus non praeceptis à Deo, quae super erogationes vocantur.

## DUODECIMUS.

Satisfactiones non esse cultus Dei, sed traditiones hominum, doctrinam de gratiâ & verò Dei cultu, atque ipsum beneficium mortis Christi obsecrantes: & fictiones esse quod virtute clavium æterna supplicia in poenas temporales commutentur, cum illarum munus non sit poenas imponere sed absolvere.

*De Extremâ Unctione.*

## PRIMUS ARTICULUS.

Extremam Unctionem non esse Sacramentum novæ legis à Christo institutum, sed ritum tantum acceptum à Patribus aut figmentum humanum.

## SECUNDUS.

Extremam Unctionem non conferre gratiam, nec remissionem peccatorum, sed neque alleviare infirmos, qui olim per gratiam curationum sanabantur, atque ideo eam cum primitivâ Ecclesiâ cessasse, sicut & gratiam curationum.

## TERTIUS.

Extremæ Unctionis ritum & usum non observari ab Ecclesiâ Romanâ, juxta Beati Apostoli Jacobi sententiam, ideoque commutandum esse, posseque à Christianis absque peccato contemni.

## QUARTUS.

Extremæ Unctionis ministrum non esse solum Sacerdotem, præbiterosque Ecclesiæ quos Beatus Jacobus adducendos ad infirmum ungendum hortatur, non esse Sacerdotes ab Episcopo ordinatos, sed ætate seniores in quavis communitate.

Die Martis xx. Octobris incepterunt Congregationes Theologorum in Palatio Rmi Legati, quarum primi à Summo Pontifice missi, articulos confutaverunt, scripturis, traditionibus, & rationibus. Deinde Decanus (a) Lovaniensis unâ cum aliis Doctoribus Lovaniensibus à Reginâ Hungariæ missis. Tertio Doctor Melchior (b) Cano Dominicanus Hispanus à Cæsare missus. Deinde Doctor Clambe. (c) Culperus Doctor Illustrissimi Colonienfis magnâ cum sui nominis laude sententiam dixit, qui obiter suggestit Synodo uti simplices Sacerdotes hortaretur ne aliis in Paulum homiliis, quàm Christostomi uterentur in suis concionibus; quodque Confessores memoriâ tenerent, Augustinum in Sermone super Psalmum L. sive libellum de utilitate poenitentiae. Pelargus (d)

(a) Quardus Quaper Cancellarius & Decanus Lovaniensis cum aliis septem Doctoribus à Mariâ Reginâ Hungariæ & Germaniæ inferioris administratrice nomine Cæsaris fratris sui, ad Concilium ablegatus est orator.

(b) Melchior Canus origine Toletanus, professione Dominicanus & Salmanticæ Doctor & Magister, defuncto Francisco de Cerda Tridentum proficiscenti sufficitur, & Canariæ Episcopus renuntiatur à Philippo 2. Hispaniarum Rege, anno 1552.

(c) Adolphus de Schawenburg Hermannus de Weda exautorato ob hæresim, in Archiepiscopatu Colonienfi subrogatus anno 1547. Doctores Clampe & Culperum, misit ad Synodum Tridentinam pro Catholicæ fidei causa acturos.

(d) Ambrosius Pelargus Niddanus Ordinis Prædicatorum à Trevirensi Archiepiscopo destinatus ad Concilium an. 1546. Maji 2. admissus est, sedem supra Abbates & Ordinum Generales habens in sessionibus. 23. Augusti 1547. à Cæ-



Licentiatuſ Trevirenſis, Doctores (a) Reverendiſſimi Trevirenſis ſententiã dixerunt, deinde Doctores Hiſpani.

Interim venit ad Concilium R. Machatius (b) Archiepiſcopus Heracleæ Græcuſ, miſſuſ à Patriarchâ Conſtantinopolitano, qui cum aliquot dieſ apud me egiſſet conviſor tandem receſſit.

(c) *Capita Reformationis ſuper quibus Canones formabuntur  
per Doctores deputatos.*

PRIMUM.

Quòd illi cui à ſuo Prælato fuerit interdictuſ aſcenſuſ etiam extra judicialiter ad Sacroſ Ordineſ, aut qui fuerit à ſuiſ Ordinibuſ ſuſpenſuſ, quacumque licentia de ſe promoveri faciendo, ſeu reſtitutio ad Ordineſ prioreſ pro tempore conceſſa nullatenuſ ſuffragetur.

SECUNDUM.

Quòd Epicoſcopuſ titulariſ non exercenſ Pontificalia pro aliquo loci Epicoſcopo, etiamſi in loco nulliuſ Dioceſiſ reſidens, vigore cujuſvis privilegii ſibi de promovendo quocuſcumque ad ſe venienteſ conceſſi, alteriuſ ſubdituſ abſque ſua licentia ad aliquoſ ſacroſ aut minoreſ Ordineſ, etiamſi prætextu familiaritatiſ ſuæ promovere non præſumat. Contraſcienci ab exercitio Pontificaliũ per annuſ, ac taliter promotuſ ab executione Ordinuſ ſic ſuſceptoruſ, donec ſuo Epicoſcopo viſuſ fuerit ipſo jure ſint ſuſpenſi.

TERTIUM.

Quòd Epicoſcopuſ quocuſcumque ſuoſ Clericoſ præſertim in ſacriſ conſtitutoſ, abſque ſuo præcedenti examine, aut literiſ commendatitiis qualitercumque & ubicumque promotuſ, quos minùſ habileſ & capaceſ repererit, à ſuſceptoruſ Ordinuſ executione, ad tempuſ de quo ei videbitur ſuſpendere poſſit.

QUARTUM.

Quòd homicida voluntariuſ, etiam occultuſ, nullo tempore ad Sacroſ Ordineſ promoveri poſſit, nec illi aliqua beneficia Eccleſiaſtica conſerri, ſed omni Ordine, & beneficio & officio Eccleſiaſtico perpetuò careat, nec ad hoc ei aliqua diſpenſatio prodeſſe poſſit.

ſare revocatuſ, iteruſ reſtitutæ Synodo interfuit Archiepiſcopi ſui Theologi 20. Auguſti 1551. Ad Patreſ habuit concionem è ſuggeſſu, & variis voluminibuſ pro fide aſſerenda claruit.

(a) Præter Pelarguſ alioſ ſecum deduxerat Doctoreſ Joanneſ ab Iſemburg Trevirenſiſ Archipræſul, nempe Joanneſ Delphicuſ ſeculareſ clericuſ & ſeptem Doctoreſ Hiſpanoſ ſeculareſ.

(b) Meminit Pallavicinuſ hiſt. l. 12. c. 10. Macarii Archiepiſcopi Theſſalonice, forſan in apellatione ſediſ hallucinatuſ eſt. Patriarcha Conſtantinopolitanuſ à quo fuit miſſuſ, erat Fabiuſ Columna, qui etſi latinuſ, anno 1550. electuſ eſt. Antequam Archiepiſcopiſ aſſideret Macariuſ, diſertam fidei Catholicæ profeſſionem ab eo exegerunt Patreſ Tridentini.

(c) Horuſ articuloſuſ elenchuſ non judicavit Pallavicinuſ hiſtoriæ ſuæ intruſdenduſ.

## QUINTUM.

Quòd quando homicidium non ex proposito vel per industriam, sed casu vel sui defensionem, necessariam commissum fuisse asseritur, ex quo etiam ad Sacrorum Ordinum & altaris ministerium ac beneficia jure quodam-modò dispensatio debeat, committatur loci ordinario, quod non nisi causâ cognitâ & probatis precibus dispensare possit.

## SEXTUM.

Quòd omnes Ecclesiasticæ personæ quæ aut in sacris fuerint, aut dignitates seu beneficia qualiacumque Ecclesiastica, vel annuas pensiones detulerint, si postquàm ab Episcopo suo & per edictum publicum moniti fuerint, honestum habitum clericalem, juxtâ ipsius Episcopi ordinationem non detulerint, per suspensionem ab ordinibus, ac officio & beneficio ac fructibus ipsorum, nec non si semel correpti denuò in hoc delinquantur, etiam per privationem coerceri possint & debeant. Constitutionem Clementis quinti in Concilio Viennensi editam, quæ incipit, quam innovando.

## SEPTIMUM.

Quòd nulli cujusvis conditionis quoad causas criminales, aut civiles, aut mixtas, in quibus ipse tanquàm actor alium conveniret, aliquæ litteræ conservatoris cum quibus vis clausulis, & quorumcumque Judicum deputatione suffragentur. Si verò in criminalibus causis, in quibus ipse reus extiterit, Judex tanquàm conservator ab eo electus ab adversario contra eum agente allegatus fuerit suspectus, aut inter ipsum judicem conservatorem & ordinarium super competentiâ jurisdictionis differentia orta fuerit, in causa non procedatur donec per arbitros in formâ juris electos, super suspitione aut competentiâ jurisdictionis pronunciatum fuerit.

## OCTAVUM.

Quòd Episcopus in Ecclesiâ suâ residens Clericos quoscumque seculares, & qualitercumque exemptos, qui alias suæ jurisdictioni subessent, de illorum successibus & delictis, etiam extrâ visitationem tanquàm Sedis Apostolicæ delegatus, corrigere & castigare possit ac debeat, nec illis aut illorum familiaribus & capellanis consanguineis aut quibuscumque aliis illorum intuitu, quominus omnes debitè ut prætertur puniri possint, quoquomodò suffragentur aliquæ exemptiones cujuscumque tenoris extiterint.

## NONUM.

Quòd cum regulares translati, à suo superiore facilè licentiam standi extrâ monasterium obtinere soleant, nemo superior alicujus ordinis, religiosum alterius Ordinis vigore cujusvis facultatis ad habitum seu professionem admittere possit, nisi ut in ordine ipso ad quem transfertur, sub sui superioris obedientiâ, & in claustro perpetuò maneat, & taliter translati etiam si Ordinis Canonorum Regularium fuerint ad beneficia secularia etiam curata omninò incapaces existant.

## DECIMUM.

Quòd quicumque Episcopus vel Ecclesiastica persona habens privilegium  
in

in certis atrocibus delictis puniendi quoscumque clericos, etiam sibi non subditos, procedere non valeant, contra Episcopi in Ecclesiâ suâ residentis subditos, sine illius vel alterius ab eo deputandi licentiâ.

UNDECIMUM.

Quòd beneficia unius Diœcesis, Ecclesiis seu locis etiam piis alterius Diœcesis non uniantur, decretum Sanctæ Synodi jam promulgatum, quatenus ex legitimâ causâ, uniones recto modo & formâ permittit in hoc declarando.

DUODECIMUM.

Quòd regularia beneficia in titulum regularibus professis provideri consueta, cum illa per obitum aut resignationem, aut aliàs illa in titulum obtinentes vacare contigerit, regularibus tantùm illius Ordinis conferantur.

DECIMUM TERTIUM.

Quod nemo cuiusvis dignitatis ad aliqua beneficia etiam de novo erigenda, etiam ratione augendi cultum divinum, aut numerum beneficiariorum, vel aliâ quâcumque de causâ nisi is Ecclesiam ipsam fundaverit, seu jam erectam, quæ sine sufficienti dote fuerit, de suis propriis & patronalibus, non autem de fructibus beneficiariorum unitorum, competenter dotaverit, jus patronatus impetrare possit aut debeat.

QUARTUM DECIMUM.

Quod non liceat patrono cujusvis privilegii prætextu aliquem ad beneficium sui juris patronatus, nisi loci ordinario ad quem cessante privilegio primo seu instituto ipsius beneficii jure pertineret præsentare, alias præsentatio & institutio forsan secuta nulla esse censentur.

DECIMUM QUINTUM.

Quòd ætas legitima quæ jure in obtinendis beneficiis in titulum requiritur, eadem ad obtinenda beneficia in commendam requiratur.

#### SESSIO IV.

**D**IE 25. Novembris 1551. celebrata fuit Sessio in aede majori. Orationem Episcopus (a) Divi Marci Italus. Doctrinam de Sacramentis Poenitentiae & Extremae Unctionis perlegit & suggestu Turritanus, deinde Auriensis (b) Canones eorumdem Sacramentorum & reformationis, ita finita fuit Synodus benedictione Legati accepta circa 23. horam.

*Doctrina de Sanctissimis Poenitentiae & Extremae Unctionis  
Sacramentis publicata.*

**S**acro-Sancta œcumenica Generalis Tridentina Synodus in Spiritu Sancto  
legitimè congregata, præfidentibus in eâ eisdem Sanctæ Sedis Apostolicæ  
Vvv

(4) *Coriolanus Marticanus*.

(b) Franciscus Menrique, totius Castellæ antiquior Episcopus à Perrenoto ordinatus olim ut testatur in Epistola quam tertio Novembris 1551. illi conscripsit dum Tridenti ageret.

Legato, & Nunciis. Quamvis in decreto de justificatione multus fuerit de poenitentiae Sacramento, propter locorum cognitionem necessariam quadam ratione, sermo interpositus: tanta nihilominus circa illud nostram hac aetate diversorum errorum est multitudo, ut non parum publicae utilitatis retulerit de eo exactiorem, & pleniorum definitionem tradidisse, in qua demonstratis & convulsis Spiritus Sancti praesidio erroribus universis, Catholica veritas perspicua & illustris fieret, quam nunc Sancta haec Synodus Christianis omnibus perpetuo servandam proponit.

## CAPUT I.

### *De necessitate & institutione Sacramenti Poenitentiae.*

SI ea in regeneratis omnibus gratitudo erga Deum esset, ut iustitiam in baptismo ipsius beneficio & gratia susceptam constanter tenerentur, non fuisset opus aliud ab ipso baptismo Sacramentum ad peccatorum remissionem esse institutum. Quoniam autem Deus dives in misericordia cognovit signum nostrum, illis etiam vitae remedium contulit, qui sese postea in peccati servitute, & demonis potestatem tradidissent, Sacramentum videlicet poenitentiae, quo lapsi post baptismum beneficium mortis Christi applicatur, fuit quidem poenitentiae universis hominibus, qui se mortali aliquo peccato inquinassent, quovis tempore ad gratiam & iustitiam assequendum necessaria, illis etiam, qui Baptismi Sacramento ablui petivissent, ut perveritate abjecta & emendata, tantam Dei offensionem cum peccati odio, & pio animi dolore detestarentur. Unde Propheta ait, Convertimini & agite poenitentiam ab omnibus iniquitatibus vestris, & non erit vobis in ruinam iniquitas. Dominus etiam dixit: nisi poenitentiam egeritis, omnes similiter peribitis. Et Princeps Apostolorum Petrus, peccatoribus Baptismo initiandis, poenitentiam commendans, dicebat: poenitentiam agite & baptisetur unus quisque vestrum: porro nec ante adventum Christi, poenitentia erat Sacramentum, nec est post illius adventum cuiquam ante Baptismum. Dominus autem Sacramentum poenitentiae tunc praecipue instituit, cum a mortuis excitatus, insufflavit in discipulos suos, dicens. Accipite Spiritum Sanctum, quorum remisistis peccata, remittuntur eis, & quorum retinueritis retenta sunt. Quo tam insigni facto & verbis tam perspicuis potestatem remittendi & retinendi peccata, ad reconciliandos fideles post Baptismum lapsos; Apostolis eorumque successoribus legitimis fuisse communicatam, universorum Patrum consensu semper intellexit, & novatianos remittendi potestatem olim pertinaciter negantes, magna ratione Ecclesia Catholica tanquam haereticos expulit, atque condemnavit. Quare verissimum hunc illorum verborum Domini sensum Sancta haec Synodus probans & recipiens damnat eorum commentitias interpretationes, qui verba illa ad potestatem praedicandi verbum Dei, & Christi Evangelium annunciandi, contra huiusmodi Sacramenti institutionem falso detorquent.

## CAPUT II.

### *De differentiâ Sacramenti Poenitentiae & Baptismi.*

CETERUM hoc Sacramentum multis rationibus à Baptismo differre dignoscitur. Nam praeterquam quod materia & forma, quibus Sacramenti essentia perficitur, longissime distat: constat rectè Baptismi munus judi-

tem esse non oportere, cum Ecclesia in neminem iudicium exercent, qui non prius in ipsam per Baptismi januam fuerit ingressus, quid enim mihi, inquit Apostolus, de iis qui foris sunt iudicare? secus est de domesticis fidei, quos Christus Dominus lavacro Baptismi sui corporis membra semel effecit. Nam hos si se postea crimine aliquo contaminaverint, non jam repetito Baptismo abluui, cum id in Ecclesia Catholica nullâ ratione liceat; sed ante hoc tribunal tanquam reos sibi voluit, ut per Sacerdotum sententiam non semel, sed quoties ab amissis peccatis, ad ipsum poenitentes confugerent, possent liberari. Alius præterea est Baptismi, & alius poenitentiae fructus; per Baptismum enim Christum induentes, nova prorsus in illum efficiuntur creatura, plenam & integram peccatorum omnium remissionem consequentes; ad quam tamen novitatem & integritatem per Sacramentum Poenitentiae sine magnis nostris stribus & laboribus, divinâ id exigente iustitiâ pervenire nequaquam possumus: ut merito poenitentia laboriosus quidem Baptismus à Sanctis Patribus dictus fuerit. Est autem hoc Sacramentum Poenitentiae lapsus post Baptismum ad salutem necessarium, ut nondum regeneratis ipse Baptismus.

### CAPUT III.

#### *De partibus & fructu hujus Sacramenti.*

**D**Ocet præterea Sancta Synodus Sacramenti poenitentiae formam, in qua præcipue ipsius vis sita est, in illis ministri verbis positam esse. Ego te absolvo &c. (a) Quibus quidem de Ecclesiae Sanctae more preces quaedam laudabiliter adiunguntur: ad ipsius tamen formae essentiam nequaquam spectant, neque ad ipsius Sacramenti administrationem sunt necessariae, sunt autem quasi materia hujus Sacramenti, ipsius poenitentis actus, nempe contritio, confessio, & satisfactio. Qui quatenus in poenitente ad integritatem Sacramenti ad plenamque & perfectam peccatorum remissionem ex Dei institutione requiruntur, hac ratione poenitentiae partes dicuntur. Sanè verò res, & effectus hujus Sacramenti, quantum ad ejus vim & efficaciam pertinet, reconciliatio est cum Deo, quam interdum in viris piis, & cum devotione hoc Sacramentum percipientibus, conscientiae pax, ac serenitas cum vehementi spiritus consolatione consequi solet. Hac de partibus & effectu hujus Sacramenti Sancta Synodus tradens, simul eorum sententias damnat qui poenitentiae partes incussos conscientiae terrores, & fidem esse contendunt.

### CAPUT IV. (b)

#### *De Contritione.*

**C**ontritio quæ primum locum inter dictos poenitentis actus habet, animi dolor ac detestatio est de peccato commisso, cum proposito non pec-

(a) Formam Imperatoriam nescit Orientalis Ecclesia, & antè saeculum undecimum Occidentalis ignorabat, ut multiplici argumento probare nititur Morinus l. 8. de Administr. Sacramenti Poenitentiae. Varians utriusque Ecclesiae ritus, fide nihilominus intactâ, arguit, Sacramentorum quorundam formas à Christo non fuisse institutas in specie.

(b) Caput hoc integrum adversus dogmata Lutheri structum est. Ex contextu verborum ansam arripuerunt Scholastici degladiandi in invicem, an attritio quæ ad Lutheri mentem, peccatum agebat, magisque hypocrisiam faciebat

candi de cætero. Fuit autem quovis tempore ad impetrandam veniam peccatorum, hic contritionis motus necessarius, & in homine post baptismum lapsō, ita demum præparat ad remissionem peccatorum, si cum fiduciâ divinæ misericordiæ, & voto præstandi reliqua conjunctus sit, quæ ad ritè suscipiendum hoc Sacramentum requiruntur. Declarat igitur Sancta Synodus, hanc contritionem non solum cessationem à peccato, & vitæ novæ propositum, & inchoationem, sed veteris etiam odium continere, juxta illud, *projicite à vobis omnes iniquitates vestras, in quibus prævaricati estis, & facite vobis cor novum, & spiritum novum.* Et certè qui illos Sanctorum clamores consideraverit, tibi soli peccavi & malum coram te feci. *Laboravi in gemitu meo, lavabo per singulas noctes lectum meum. Recognitabo tibi omnes annos meos in amaritudine animæ meæ.* Et alios hujus generis, faciliè intelliget eos ex vehementi quodam ante actæ vitæ odio, & ingenti peccatorum detestatione manasse. Docet præterea, etsi contritionem hanc aliquandò charitate perfectam esse contingat, hominemque Deo reconciliare priusquam hoc Sacramentum actu suscipiatur, ipsam nihilominus reconciliationem ipsi contritioni sine Sacramenti voto quod in illâ includitur, non esse ascribendam, illam verò contritionem imperfectam, quæ attritio dicitur quoniam vel ex turpitudinis peccati consideratione, vel ex gehennæ & poenarum metu communiter concipitur, si voluntatem peccandi excludat, cum spe veniæ, declarat non solum non facere hominem hypocritam, & magis peccatorem, verum etiam donum Dei esse, & Spiritus Sancti impulsus, non adhuc quidem inhabitantis, sed tantum moventis, quo poenitens adjutus viam sibi ad justitiam parat. Et quamvis sine Sacramento poenitentia per se ad justificationem perducere peccatorem nequeat, tamen cum ad Dei gratiam in Sacramento poenitentia impetrandam disponit. Hoc enim timore utiliter concussi Ninivite ad Jonæ prædicationem plenam terroribus poenitentiam egerunt, & misericor-

---

hominem, per se sufficeret cum spe veniæ sine charitatis saltem remissa initio, ad obtinendam remissionem peccati in Sacramento Poenitentia. Si Theologorum Patrumve Concilii Trid. sententiam, ex referentis Pallavicini historia lib. 12. c. 10. consulas, intelliges omnium Ordinum Theologos censuisse Sacramento Poenitentia necessaria esse timorem, dilectionem, contritionem, absolutionem. Addit quod, „ Canon quoque paratus fuerat, ubi „ damnabatur, quisquis negaret, contritione quâ poenitens divinâ gratiâ „ per Christum cooperante dolet de peccatis propter Deum, cum proposito „ confitendi & satisfaciendi, remitti peccata. Sed Balthasar Eredia Calaritanus Archiepiscopus admonuit, cum ea esset Cajetani & Adriani sententia, damnandam non esse. „ Abstinerunt ergo Patres à promulgatione hujus Canonis ob duorum Theologorum reverentiam, & certè tantò facilius, quò, ut Pallavicinus ait, mens Theologorum erat damnare errorem hereticorum improbantium poenæ timorem, non verò ferre sententiam de scholastica questione, an hujusmodi timor, absque eo quod ullus excitetur amor imperfectus, sufficiat ad peccatorum remissionem in Sacramento. Ita Pallavicinus. Sed etsi à definiendâ hac questione Patres superederint, proclives imò unanimes fuisse constat, ut improbarent cum Clero Gallicano in Comitiis anni 1700. propositionem asserentem, attritionem ex gehennâ metu sufficere etiam sine ullâ Dei dilectione, sine ullo ad Deum offensum respectu. Oppositâ doctrinam nunc omnes sanioris doctrinæ, & melioris notæ Theologi profitentur. Vide Havermannum, Natalem Alexandrum, Iveninum ex instituto materiam tractantes eruditè.

misericordiam à Domino impetrarunt. Quamobrem falsò quidam calumniantur, Catholicos scriptores, quasi tradiderint Sacramentum poenitentiae abique bono motu suscipientium gratiam conferre. Quod nunquam Ecclesia Dei docuit, neque censit: sed & falsò docent, contritionem esse extortam, & coactam, non liberam & voluntariam.

## CAPUT V.

*De Confessione.*

EX institutione Sacramenti poenitentiae jam explicata, universa Ecclesia semper intellexit, institutam etiam à Domino integram peccatorum confessionem, & omnibus post Baptismum lapsis jure divino necessariam existere, quia Dominus noster Jesus Christus è terris ascensurus ad coelos, sacerdotes sui ipsius Vicarios reliquit, tanquam praesides & judices ad quos omnia mortalia crimina deferantur, in quae Christi fideles ceciderint, quo pro potestate clavium, remissionis aut retentionis peccatorum sententiam pronuntient. Constat enim hoc Sacerdotes judicium incognita causa exercere non potuisse. Nec aequitatem quidem illos in poenis injungendis servare potuisse, si in genere dumtaxat & non potius in specie ac sigillatim sua ipsi peccata declarassent. Ex his colligitur oportere à poenitentibus omnia peccata mortalia quorum post diligentem sui discussionem, conscientiam habent, in confessione recenseri, etiamsi occultissima illa sint, & tantum adversus duo ultima decalogi praecepta commissa, quae nonnunquam animum gravius sauciant, & periculosiora sunt iis, quae in manifesto admittuntur. Nam venialia quibus à gratia Dei non excludimur, & in quae frequentius labimur, quamquam rectè & utiliter, citraque omnem praesumptionem in confessione dicantur, (quod piorum hominum usus demonstrat) taceri tamen citrà culpam multisque aliis remediis expiari possunt. Verum cum universa mortalia peccata etiam cogitationis, homines irae filios & Dei inimicos reddant, necessum est, omnium etiam veniam cum aperta & verecunda confessione, à Deo querere. Itaque dum omnia quae memoriae occurrunt, peccata Christi fideles confiteri student, proculdubio omnia misericordiae divinae ignoscenda exponunt. Qui verò secus faciunt, & scientes aliqua retinent nihil divinae bonitati per Sacerdotem remittendum proponunt. Si enim erubescat agrotus vulnus medico detegere, quod ignorat, medicina non curat. Colligitur praeterea etiam eas circumstantias in confessione explicandas esse, quae speciem peccati mutant, quod sine illis peccata ipsa nec à poenitentibus integrè exponantur, nec iudicibus innotescant, & fieri nequeat ut de gravitate criminum censere possint, & poenam quam oportet pro illis, poenitentibus imponere. Undè alienum à ratione est docere circumstantias has ab hominibus otiosis excoGITATAS fuisse, aut unam tantum circumstantiam confitendum esse, nempe peccasse fratrem, sed & impium est confessionem quae hac ratione fieri praecipitur, impossibilem dicere, aut carnificiam illam conscientiarum appellare. Constat enim nihil aliud in Ecclesia à poenitentibus exigì, quam ut postquam quisquam diligentius se excusserit, & conscientiae suae sinus omnes, & latebras exploraverit, ea peccata confiteatur, quibus se Dominum & Deum suum mortaliter offendisse meminerit: reliqua autem peccata quae diligenter cogitanti non occurrunt, in universum eadem confessione inclusa esse intelli-

XXX

guntur, pro quibus fideliter cum Prophetâ dicimus. Ab occultis meis munda me Domine. Ipsa verò hujus confessionis difficultas, ac peccata detegendi verecundia, gravis quidem videri posset, nisi tot tantisque commodis & consolationibus levaretur. Quæ omnibus dignè ad hoc Sacramentum accedentibus per absolutionem certissimè conferuntur. Carterùm quoad modum consistendi secretò apud solum sacerdotem, etsi Christus non vetuerit, quin aliquis in vindictam suorum scelerum, & sui humiliationem tum ob aliorum exemplum, tum ob Ecclesiæ offensæ edificationem, delicta sua publicè confiteri possit. Non est tamen hoc divino præcepto mandatum, nec satis consultè humanâ aliquâ lege præciperetur, ut delicta præsertim secreta, publicâ essent confessione aperienda, unde cum à sanctissimis & antiquissimis Patribus, magno unanimique consensu secreta confessio sacramentalis, quâ ab initio Ecclesiæ Sancta usâ est, & modo etiam utitur, fuerit semper commendata, manifestè refellitur inanis eorum calumnia, qui eam à mandato divino alienam, & inventum humanum esse à Patribus in Concilio Lateranensi congregatis initium habuisse docere non verentur. Neque enim per Lateranense Concilium Ecclesiæ statuit, ut Christi fideles confiterentur, quod jure divino necessarium, & institutum esse intellexerat, sed ut præceptum confessionis saltem semel in anno ab omnibus & singulis cum ad annos discretionis pervenissent, impleretur. Undè jam in universâ Ecclesiâ cum ingenti animarum fidelium fructu, observatur mos ille consistendi salutaris, sacro illo & maxime acceptabili tempore Quadragesimæ, quem morem hæc Sancta Synodus maxime probat, & amplectitur, tanquam pium & meritò retinendum.

## CAPUT VI.

### *De ministro hujus Sacramenti & absolutione.*

Circa ministrum autem hujus Sacramenti declarat Sancta Synodus, falsas esse & à veritate Evangelii penitus alienas, doctrinas omnes quæ ad alios quosvis homines, præter Episcopos & Sacerdotes (a) clavium ministerium perniciosè extendunt: putantes verba illa Domini, quæcumque alligaveritis super terram, erunt ligata & in cælo, & quæcumque solveritis super terram, erunt soluta & in cælo, & quorum remisistis peccata remittuntur eis, & quorum retinueritis retenta sunt: ad omnes Christi fideles indifferenter & promiscuè contra institutionem hujus Sacramenti, ità fuisse dicta ut quivis potestatem habeat remittendi peccata, publica quidem per correptionem, si correptus acquieverit; secreta verò per spontaneam confessionem cuiuscumque factam. Docet quoquè etiam Sacerdotes, qui peccato mortali tenentur, per virtutem Spiritûs Sancti in ordinatione collatam, tanquam Christi ministros functionem remittendi peccata exercere, eosque pravè sentire, qui in malis Sacerdotibus hanc potestatem non esse contendunt. (b) Quamvis autem absolutio Sacerdotis alieni beneficii sit dispensatio, tamen non est solum nudum ministerium vel annuntiandi Evangelium, vel declarandi remissa

(a) Wiclefi & Waldensium errorem, circa ministrum Sacramenti Pœnitentiæ instauraverat Lutherus, asserens cum illis spectato solo jure divino, quemque fidelem posse credentes absolvere.

(b) Hoc dogma prævum Waldensibus impingit Reinerus, Bonus Laicus inquit, habet, non verò malus Sacerdos, habet potestatem absolvendi.



esse peccata, sed ad instar actus judicialis, (a) quo ab ipso velut à iudice sententia pronuntiatur. Atque ideo non debet poenitens à Deo sibi de sua ipsius fide blandiri, ut etiam si nulla illi adsit contritio aut Sacerdoti animus seriò agendi, & verè absolvendi desit, putet se tamen propter solam suam fidem verè & coram Deo esse absolutum, nec enim fides sine poenitentia remissionem ullam peccatorum præstaret, nec is esset, nisi salutis suæ negligentissimus, qui Sacerdotem jocose absolverem cognosceret, (b) & non alium seriò agentem sedulò requireret.

## CAPUT VII.

### *De Casuum Reservatione.*

**Q**UORUM igitur natura & ratio iudicii illud exposcit ut sententia in subditos dumtaxat feratur, persuasum semper in Ecclesiâ Dei fuit, & verissimum esse Synodus hoc confirmat, nullius momenti absolutionem eam esse debere, quam sacerdos in eum profert, in quem ordinariam aut subdelegatam non habet jurisdictionem, (c) magnoperè verò ad Christiani populi disciplinam pertinere, sanctissimis Patribus nostris visum est, ut atrociora quædam, & graviora crimina non à quibuscvis sed à summis dumtaxat sacerdotibus absolventur. Undè merito Pontifices maximi pro supremâ potestate sibi in Ecclesiâ universâ traditâ causas aliquas criminum graviore suo poterunt peculiari iudicio reservare, nec dubitandum est (quandò omnia quæ à Deo ordinata sunt) quin hoc idem Episcopis omnibus in sua cuique Diocesi (in ædificationem tamen non in destructionem) liceat pro illis in subditos traditâ supra reliquos inferiores sacerdotes authoritate, præsertim quo ad illa, quibus excommunicationis censura annexa est. Hanc autem delictorum reservationem, consonum est divinæ authoritati non tantum in externâ politia sed etiam coram Deo vim habere. Verumtamen piè admodum, ne hac ipsâ occasione aliquis pereat in eadem Ecclesiâ Dei custoditum semper fuit, ut nulla sit refer-

(a) Jam supra advertimus apud Græcos formam absolutionis deprecatoriam fuisse, eamque Clemens 8. in Instructione editâ super Græcorum ritibus anno 1595. laudavit. Apud Latinos eadem forma viguit usque ad Sæculi 13. cadentis finem, ut liquet ex opusculo 22. c. 2. Sti Thomæ & testimonio Francisci Mayronis. Sed postmodum prævalente formâ imperativâ, eam assumpsit Ecclesia penes quam stetit semper autoritativa potestas præscribendi certas condiciones, quibus non adhibitis, Sacramentum nullum est, quæ maxime locum habent in Sacramento Poenitentia, quod actum judicialem essentialiter includit.

(b) Ex his verbis, inquit Pallavicinus l. 12. c. 10., potest quisquis ea legerit, conijcere, haud esse expunctam sententiam Catharini, aliorumque Theologorum opinantium Sacramento, quo ratum sit, sufficere in ministro voluntatem seriò agendi, & abesse tantummodò jocum, quem Sacramentum suscipiens cognoscere possit.

(c) Veteres & novos Theologos carpit Synodus, qui Sacerdotes nec ordinaria, nec delegata potestate instructos, putant idoneos esse Sacramenti Poenitentia ministros. Invite œcumenice Synodi sanctione, portentosos autores saculorum præteritum produxit, qui spretâ ordinariorum delegatione & posthabita reservatione casuum, docuerunt, in vim consecrationis, aut privilegii excoleti, posse Sacerdotes in foro conscientia absolvere à peccatis, etiam reservatis, non obtentâ licet Episcoporum facultate. Vide censuras & declarationes Conventus Generalis Gallicani an. 1700.

vatio in articulo mortis, atque ideo omnes sacerdotes quoslibet poenitentes à quibulvis peccatis, & censuris absolvere possunt, extrà quem articulum Sacerdotes cum nihil possint in casibus reservatis, id unum poenitentibus persuadere nitantur, ut ad Superiores, & legitimos iudices pro beneficio absolutionis accedant.

## CAPUT VIII.

### *De satisfactionis necessitate & fructu.*

**D**Emùm quoad satisfactionem, quæ ex omnibus poenitentiae partibus, quemadmodum à Patribus nostris Christiano populo fuit perpetuo tempore commendata, ita unâ maximè nostrâ ætate summo pietatis prætextu, impugnatur ab iis, qui speciem pietatis habent, (a) virtutem autem ejus abnegarunt, Sancta Synodus declarat falsum omnino esse, & à verbo Dei alienum, culpam à Domino nunquam remitti, quin universa etiam poena condonetur perspicua enim & illustria in sacris litteris exempla reperiuntur quibus præter divinam traditionem hic error quàm manifestissimè rejicitur. Sanæ & divinæ justitiæ ratio exigere videtur, ut aliter ab eo in gratiam recipiantur, qui antè baptismum per ignorantiam deliquerint, aliter verò qui semel à peccati & demonis servitute liberati, & accepto Spiritus Sancti dono, scientes templum Dei violare, & Spiritum Sanctum contristari non formidaverint, & divinam clementiam decet, ne ita nobis absque ullâ satisfactione peccata dimittantur, ut occasione acceptâ peccata leviora putantes, veluti injuriæ & contumeliosi, Spiritui Sancto in graviora labuntur, thesaurisantes nobis iram in die iræ, proculdubio enim magnoperè à peccato revocant, & quasi frenò quodam coherent hæ satisfactoriæ poenæ, cautioreque & violentiores in futurum poenitentes efficiunt, medentur quoque peccatorum reliquiis & vitiosos habitus malè vivendo comparatos contrariis virtutum tollunt actionibus, neque verò securior ulla via in Ecclesiâ Dei unquam existimata fuit ad amovendam imminentem à Domino poenam, quàm ut hæc poenitentiae opera homines cum vero animi dolore frequentent. Accedit ad hæc quod dum satisfaciendo patimur pro peccatis, Christo Jesu qui pro peccatis nostris satisfecit, ex quo omnis nostra sufficientia est, conformes efficiuntur, certissimam quoque inde Arrham habentes, quod si compatiuntur & conglorificabimur. Neque verò ita nostra est satisfactio hæc, quam pro peccatis nostris exolvimus, ut non sit per Christum Jesum, nam qui ex nobis tanquàm ex nobis nihil possumus, eo cooperante qui nos conlortat, omnia possumus.

Ita

- (a) Non modò ætate Patrum Concilii Triden. sed Valentiniani senioris tempore, Audiani, teste Theodoro lib. 4. hæretic. fabular. adversùs satisfactionem insurrexerunt. Deindè, inquit, confessis dant veniam, non tempus ad poenitentiam definientes, sicut leges Ecclesiæ præcipiunt, sed potestate condonantes. Hos sectarii novissimis temporibus imitati, satisfactionis non modò necessitatem, sed & nomen expunxerunt. Vehementer odi, ait Lutherus *in Affert. art. 5.* & sublatum vellem hoc vocabulum *satisfactio*, quod non modo in scripturis non invenitur, sed & periculosum habet sensum, quasi Deo quisquam possit, pro ullo peccato satisfacere, cum gratis ille ignoscat omnia. Idem docent Philippus Melancthon in Apologiâ Confessionis Augustanæ. Kemnitius in suo examine par. 2. Calvinus in suis Instit. l. 3. omnes scripturarum & traditionis hostes apertissimi, & poenitentialium canonum ab exordio nascentis Ecclesiæ observatorum subverfores audacissimi.

Ita non habet homo undè gloriatur, sed omnis gloriatio nostra in Christo est, in quo vivimus, in quo morimur, in quo satisfacimus, facientes fructus dignos poenitentiae qui ex illorum habent, ab illo offeruntur Patri, & per illum acceptantur à Patre. Debent ergò sacerdotes Domini quantum spiritus & prudentia suggererit, pro qualitate criminum, & poenitentium facultate, salutares & convenientes satisfactiones injungere, ne si fortè peccatis conniveant, & indulgentius cum poenitentibus agant, levissima quaedam opera pro gravissimis delictis injungendo aliorum peccatis participes efficiantur, habeant autem prae oculis, ut satisfactio quam imponunt, non sit tantum ad novae vitae custodiam & infirmitatis medicamentum sed etiam ad praeteritorum peccatorum vindictam & castigationem. Nam claves sacerdotum non ad solvendum dumtaxat, sed etiam ad ligandum concessas etiam antiqui Patres & credunt, & docent. Neque propterea existimarunt Sacramentum poenitentiae esse forum irae vel poenarum, sicut nemo unquam Catholicus sensit, ex hujusmodi nostris satisfactionibus vim meriti & satisfactionis Domini nostri Jesu Christi, vel obscurari, vel aliquà ex parte imminui, quod dum novatores intelligere volunt, ita optimam poenitentiam novam vitam esse docent, ut omnem satisfactionis vim & usum tollant.

## CAPUT IX.

### *De Operibus Satisfactionis.*

**D**Ocet praeterea tantam esse divinae munificentiae largitatem ut non solum poenis spontè à nobis pro vindicando peccato susceptis, aut sacerdotis arbitrio pro mensurà delicti impositis, sed etiam (quòd maximum amoris argumentum est) temporalibus flagellis à Deo inflictis & à nobis patienter toleratis, apud Deum Patrem per Christum Jesum satisfacere valeamus.

### *De Sacramento Extremae Unctionis.*

**V**isum est autem Sanctae Synodo praecedenti doctrinae de poenitentia adjungere ea quae sequuntur de Sacramento extremae unctionis, quòd non modò poenitentiae sed & totius Christianae vitae, quae perpetua poenitentia esse debet, consummativum existimatum est à Patribus. Primum itaque circa illius institutionem declarat, & docet quòd clementissimus redemptor noster, qui servis suis quovis tempore voluit de salutaribus remediis adversus omnia omnium hostium tela esse prospectum, quemadmodum auxilia maxima in Sacramentis aliis praeparavit, quibus Christiani conservare se integros dum viverent, ab omni graviore spiritus incommodo possint, ita extremae unctionis Sacramento finem vitae, tanquam firmissimo quodam praesidio munivit, nam etsi adversarius noster, occasiones per omnem vitam quaerarat & caperet, ut devorare animas nostras quoquomodo possit, nullum tamen tempus est, quo vehementius ille omnes suae versutiae nervos intendar ad perdendos nos penitus, & à fiducia etiam (si possit) divinae misericordiae deturbandos, quam cum impendere nobis exitum vitae prospicit.

Instituta est autem facta haec unctio infirmorum, tanquam verè & propriè Sacramentum Novi Testamenti à Christo Domino nostro, apud Marcum quidem insinuatum, per Jacobum autem Apostolum ac Domini fratrem fide-

libus commendatum ac promulgatum. Infirmatur, inquit, quis ex vobis, inducat præsbiteros Ecclesiæ orent super eum, ungentes eum oleo in nomine Domini, & oratio fidei salvabit infirmum, & alleviabit eum Dominus & si in peccatis sit dimittentur ei. Quibus verbis & ex Apostolicâ traditione per manus acceptâ, Ecclesiâ didicit, docet materiam, formam, proprium ministrum, & effectum hujus salutaris Sacramenti: intellexit enim Ecclesiâ materiam esse oleum ab Episcopo benedictum. Nam unctio aptissime Spiritûs Sancti gratiam, quâ invisibiliter anima ægrotantis inungitur, representat. Formam deinde esse illa verba, per istam unctionem &c. Res porro & effectus hujus Sacramenti illis verbis explicatur. Et oratio fidei salvabit infirmum, & alleviabit eum Dominus, & si in peccatis sit dimittentur ei. Res etenim hæc, gratia est Spiritûs Sancti, cujus unctio delicta si quæ sint adhuc expianda ac peccati reliquias abstergit & ægroti animam alleviat, & confirmat, magnam in eo divinæ misericordiæ fiduciam excitando, quâ infirmus sublevatus, & morbi incommoda, ac labores levius fert, & temptationibus daemonis calcanco insidiantis facilius resistit, & sanitatem corporis interdum, ubi salutis animæ expedierit consequitur.

Jam verò quod attinet ad præscriptionem eorum, qui & suscipere & ministrare hoc Sacramentum debent, haud obscure fuit illud etiam in verbis prædictis traditum, nam & ostenditur illic proprios hujus Sacramenti ministros esse Ecclesiæ præsbiteros, quo nomine eo loco, non ætate seniores, aut primores in populo intelligendi veniunt, sed aut Episcopi, aut Sacerdotes ab ipsis ritè ordinati per impositionem manuum præsbiterii. Declaratur etiam hanc esse unctionem infirmis adhibendam, illis verò præsertim qui tam periculose decumbunt ut in exitu vitæ constituti videantur, undè & Sacramentum exeuntium nuncupatur. Quod si infirmi post susceptam hanc unctionem convaluerint, iterum hujus Sacramenti subsidio juvari poterunt, cum in aliud simile vitæ discrimen inciderint. Quare nullâ ratione audiendi sunt, qui contra tam apertam & dilucidam Jacobi sententiam docent, hanc unctionem vel figmentum esse humanum, vel ritum à Parribus acceptum, nec mandatum Dei, nec promissionem gratiæ habentem. (a) Et qui illam jam cessare asserunt quasi ad gratiam curationum dumtaxat in primitivâ Ecclesiâ referenda esset, & qui dicunt ritum, & usum, quem Sancta Romana Ecclesiâ in hujus Sacramenti administratione observat, Jacobi Apostoli sententiæ repugnare, atque ideo in alium commutandum esse, & denique qui hanc extremam unctionem à fidelibus sine peccato contemni posse affirmant. Hæc enim omnia manifestissime pugnant cum perspicuis tanti Apostoli verbis, nec profectò Ecclesiâ Romana, aliarum omnium mater & magistra, aliud in hac administrandâ unctione, quantum ad ea quæ hujus Sacramenti substantiam perficiunt,

- (a) Waldenses, Wicleffus, Hussitæ, Sacramentum extremæ unctionis inter humana figmenta amandasse, culpantur à Reinerio, Aenea Sylvio, Philedorfio & Bellarmino. Hos suæ infidelitatis præcursores habere gloriantur sectarii, sed attentâ Waldensium professione fidei, & Hussitarum, vix credas patronos aut præcones fuisse hujus hæresis, quam Lutherus *lib. de captivitate Babilon.* Calvinus *lib. 4. c. 19.* Institut. §. 18. novo portento excogitarunt, extremam unctionem, pro ficticio Sacramento, & histrionicâ hypocrisis deridentes. Jacobi Apostoli Epistolam subsanctantes itidem uti apocrypham, licet consuetudine, ait Lutherus, auctoritatem obtinuerit. Tamen si etiam esset Apostoli, subdit, dicerem non licere Apostolo, suâ auctoritate Sacramentum instituire, hoc enim ad solum Christum pertinebat.

observat, quàm quod beatus Jacobus præscripsit. Neque verò tanti Sacramenti contemptus absque ingenti scelere & ipsius Spiritûs Sancti injuriâ esse posset.

Hæc sunt quæ de poenitentiae & extremæ unctionis Sacramentis Sancta hæc œcumenica Synodus profitetur, & docet atque omnibus Christi fidelibus credenda & tenenda proponit. Sequentes autem Canones inviolabiliter servandos esse tradit, & asserentes contrarium perpetuò damnat, & anathematizat.

*Canones de Sacramenti Poenitentiae & Extremæ Unctionis  
publicati in supradictâ Sessione.*

CANON PRIMUS.

Si quis dixerit in Catholicâ Ecclesiâ poenitentiam non esse verè & propriè Sacramentum pro fidelibus, quoties post Baptismum in peccata labuntur, ipsi Deo reconciliandis à Christo Domino nostro institutum. Anathema sit.

SECUNDUS CANON.

Si quis Sacramenta confundens, ipsum Baptismum Sacramentum poenitentiae esse dixerit, quasi hæc duo Sacramenta distincta non sint atque idèò poenitentiam, non rectè secundam post naufragium tabulam appellari. Anathema sit.

TERTIUS CANON.

Si quis dixerit verba illa Salvatoris, accipite Spiritum Sanctum; quorum remisistis peccata remittuntur eis, & quorum retinueritis retenta sunt; non esse intelligenda de potestate remittendi, & retinendi peccata in Sacramento poenitentiae, sicut Ecclesia Catholica semper ab initio intellexit; detorserit autem contra institutionem hujus Sacramenti ad auctoritatem prædicandi Evangelium: Anathema sit.

QUARTUS CANON.

Si quis negaverit ad integram & perfectam peccatorum remissionem, requiri tres actûs in poenitente, quasi materiam Sacramenti poenitentiae, videlicet, contritionem, confessionem & satisfactionem, quæ tres poenitentiae partes dicuntur, aut dixerit duas tantum esse poenitentiae partes, terrores scilicet incussos conscientiae agnito peccato, & fidem conceptam ex Evangelio, vel absolutione, quâ credit quis sibi per Christum remissa peccata. Anathema sit.

QUINTUS CANON.

Si quis dixerit eam contritionem, quæ patatur per discussionem, collectionem & detestationem peccatorum, quâ quis recogitat annos suos in amaritudine animæ suæ, ponderando peccatorum suorum gravitatem, & multitudinem, seditatem, amissionem æternæ beatitudinis, & æternæ damnationis incursum, cum proposito melioris vitæ, non esse verum & utilem dolorem, nec præparare ad gratiam, sed facere hominem hypocritam, & magis peccatorem, demum illam esse dolorem coactum, & non liberum ac voluntarium: Anathema sit.

SEXTUS CANON.

Si quis negaverit confessionem sacramentalem, vel institutam vel necessariam esse ad salutem jure divino, aut dixerit modum secretè confitendi soli

Sacerdoti, quem Ecclesia Catholica ab initio semper observavit & observat, alienum esse ab institutione, & mandato Christi, & inventum esse hominum. Anathema sit.

## SEPTIMUS CANON.

Si quis dixerit in Sacramento poenitentiae ad remissionem peccatorum, necessarium non esse jure divino confiteri omnia & singula peccata mortalia, quorum memoria cum debita & diligenti praemeditatione habeatur, etiam occulta, & quae sunt contra duo ultima decalogi praecepta, & circumstantias quae peccati speciem mutant; sed eam confessionem tantum esse utilem ad erudiendum & consolandum poenitentem, & olim observatam fuisse tantum ad satisfactionem canonicam imponendam; aut dixerit eos qui omnia peccata confiteri student, nihil relinquere velle divinae misericordiae ignoscendum, aut demum non licere confiteri peccata venialia: Anathema sit.

## OCTAVUS CANON.

Si quis dixerit confessionem omnium peccatorum, qualem Ecclesia servat esse impossibilem, & traditionem humanam à piis abolendam, aut ad eam non teneri omnes & singulos utriusque sexus Christi fideles, juxta magni Concilii Lateranensis constitutionem semel in anno, & ob id suadendum esse Christi fidelibus ut non confiteantur tempore quadragesimae. Anathema sit.

## NONUS CANON.

Si quis dixerit absolutionem sacramentalem Sacerdotis, non esse actum judicalem, sed nudum ministerium pronuntiandi, & declarandi remissa esse peccata confitenti, modò tamen credat se esse absolutum. Aut Sacerdos non serio sed joco absolvat; aut dixerit non requiri confessionem poenitentis, ut Sacerdos ipsum absolvere possit. Anathema sit.

## DECIMUS CANON.

Si quis dixerit Sacerdotes qui in peccato mortali sunt, potestatem solvendi atque ligandi non habere, aut non solos Sacerdotes esse ministros absolutionis, sed omnibus & singulis Christi fidelibus esse dictum, quaecumque ligaveritis super terram, erunt ligata & in coelo, & quaecumque solveritis super terram erunt soluta & in coelo, & quorum remisieritis peccata remittuntur eis, & quorum retinueritis retenta sunt; quorum verborum virtute quilibet absolvere possit peccata, publica quidem per correptionem dumtaxat si correptus acquieverit, secreta verò per spontaneam confessionem. Anathema sit.

## UNDECIMUS CANON.

Si quis dixerit Episcopos non habere jus reservandi sibi casus nisi quoad externam politiam, atque ideò casuum reservationem non prohibere quominus Sacerdos à reservatis verè absolvat. Anathema sit.

## DUODECIMUS CANON.

Si quis dixerit totam poenam simul cum culpa remitti semper à Deo, satisfactionem poenitentium non esse aliam quam fidem, quā apprehendunt Christum pro eis satisfecisse. Anathema sit.

DECIMUS

## DECIMUS TERTIUS CANON.

Si quis dixerit pro peccatis, quoad poenam temporalem minimè Deo per Christi merita satisfieri, poenis ab eo inflictis, & patienter toleratis, vel à Sacerdote injunctis, sed neque spontè susceptis, vel jejuniis, orationibus, elemosinis, vel aliis etiam pietatis operibus, atque ideo optimam poenitentiam esse tantum novam vitam. Anathema sit.

## DECIMUS QUARTUS CANON.

Si quis dixerit satisfactiones quibus poenitentes per Christum Jesum peccata redimunt, non esse cultus Dei, sed traditiones hominum, doctrinam de gratiâ & verum Dei cultum, arque ipsam beneficium mortis Christi obscurantes. Anathema sit.

## DECIMUS QUINTUS CANON.

Si quis dixerit claves Ecclesiae esse datas tantum ad solvendum, non etiam ad ligandum, & propterea Sacerdotes dum imponunt poenas confitentibus agere contra finem clavium, & contra institutionem Christi, & fictionem esse quod virtute clavium, sublata poenâ aeternâ poena temporalis plerumque exolvenda remaneat. Anathema sit.

*Canones de Sacramento Extremae Unctionis.*

## PRIMUS CANON.

Si quis dixerit extremam unctionem non esse verè & propriè Sacramentum à Christo Domino nostro institutum, & à beato Jacobo Apostolo promulgatum, sed ritum tantum acceptum à Patribus, aut signum humanum. Anathema sit.

## SECUNDUS CANON.

Si quis dixerit sacram infirmorum unctionem non conferre gratiam nec remittere peccata, nec alleviare infirmos, sed jam cessasse, quasi olim tantum fuerit gratia curationum. Anathema sit.

## TERTIUS CANON.

Si quis dixerit extremae unctionis ritum & usum quem observat Sancta Romana Ecclesia repugnare sententiâ Beati Jacobi Apostoli, ideoque eum mutandum, posseque à Christianis absque peccato, contemni, Anathema sit.

## QUARTUS CANON.

Si quis dixerit præsbiteros Ecclesiae, quos Beatus Jacobus adducendos esse ad infirmum inungendum hortatur, non esse Sacerdotes ab Episcopo ordinatos, sed aetate seniores in quavis communitate, ob idque proprium extremae unctionis ministrum non esse solum Sacerdotem. Anathema sit.

*Decretum de reformatione publicatum in eadem IV. Sessione Tridentinâ.*

Cum propriè Episcoporum munus sit subditorum omnium vitia redarguere hoc illis præcipue cavendum erit, ne clerici præsertim ad animarum curam

constituti, criminosi sint, neve inhonestam vitam ipsis conniventibus ducant. Nam si eos pravis & corruptis moribus esse permittant, quo pacto laicos de ipsorum vitiis redarguent. Qui uno ab eis sermone convinci possent, quod clericos ipsis patiantur esse deteriores, quâ etiam libertate laicos corripere poterunt Sacerdotes, cum facile sibi ipsi respondeant, eadem se admisisse quæ corripiunt. Monebunt propterea Episcopi suos clericos in quocunque ordine fuerint, ut conversationes, sermone & scientiâ commissio sibi populo præeant, memores ejus quòd scriptum est. Sancti estote quia & ego sanctus sum : & juxta Apostoli vocem. Nemini dent ullam offensionem, ut non vituperetur ministerium eorum; sed in omnibus exhibeant se sicut ministros Dei, ne illud prophetiæ dictum impleatur in eis. Sacerdotes mei contaminant sancta, & reprobant legem. Ut autem ipsi Episcopi liberiùs id exequi ac nullo prætextu desuper impediri queant, eadem Sacro-Sancta Tridentina Synodus præsentibus in eâ eisdem Apostolicæ Sedis Legato & Nuntiis hos qui sequuntur Canones statuendos & decernendos duxit.

#### PRIMUS CANON.

Cum honestiùs ac tutiùs sit, subiecto debitam præpositis obedientiam impendere, in inferiori ministerio deservire, quàm cum præpositorum scandalo graduum altiorum appetere dignitatem, ei cui ascensus ad Sacros Ordines à suo Prælato ex quâcumque causâ, etiam ob occultum crimen, quomodolibet etiam extrajudicialiter fuerit interdictus, aut qui à suis ordinibus, seu gradibus, vel dignitatibus Ecclesiasticis fuerit suspensus, nullâ contra ipsius Prælati voluntatem concessâ licentiâ de se promovere faciendo, aut ad priores ordines, gradus & dignitates, sive honores restitutio suffragetur.

#### SECUNDUS CANON.

Et quoniam nonnulli Episcopi Ecclesiarum quæ in partibus infidelium existunt, clero carentes, & populo Christiano, cum ferè vagabundi sint, & permanentem sedem non habeant, non quæ Jesu Christi, sed alienas oves, inficio proprio pastore, quærentes, dum per hanc Sanctam Synodum se pontificalia officia in alterius Diocesi, nisi de loci ordinarii expressâ licentiâ, & in personas eidem Ordinario subiectas tantùm exercere prohibitos vident in legis fraudem & contemptum, quasi Episcopalem cathedram in loco nullius Diocesis suâ temeritate exigunt, & quoscunque ad se venientes, etiam si suorum Episcoporum seu Prælatorum litteras commendatitias non habeant, clericali eâracterè insignire & ad sacros etiam præbiteratus ordines promovere præsumant, quo plerumque fit ut minus idonei & rudes ac ignari & qui à suo Episcopo tanquam inhabiles & indigni rejecti fuerunt, ordinati, nec divina officia peragere, nec Ecclesiastica Sacramenta rectè valeant ministrare. Nemo Episcoporum qui titulares vocantur, etiam si in loco nullius Diocesis, etiam exempto aut aliquo monasterio cujusvis ordinis residerint aut moram traxerint, vigore cujusvis privilegii sibi de promovendo quoscunque ad se venientes pro tempore concessi, alterius subditum etiam prætextu familiaritatis continuæ commensalitatæ suæ absque proprii sui Prælati consensu expresso, aut litteris dimissoriis ad aliquos sacros aut minores ordines, vel primam tonsuram promovere, seu ordinare valeat: contra faciens ab exercitio pontificalium per annum, taliter verò promotus ab executione ordinum sic susceptorum donec suo Prælato visum fuerit, ipso jure sint suspensi.



## TERTIUS CANON.

Episcopus quoscumque suos clericos, præsertim in sacris constitutos, abique suo præcedenti examine, & commendatitiis litteris, quâcumque auctoritate promotos, licet tanquàm habiles ab eo, à quo ordinati sunt probatos, quos tamen ad divina officia celebranda, seu Ecclesiastica Sacramenta ministranda minus idoneos, & capaces repererit, à susceptorum Ordinum exercitio ad tempus de quo ei videbitur suspendere, & illis ne in altari aut aliquo ordine ministrent, interdicare possit.

## QUARTUS CANON.

Omnes Ecclesiarum Prælati, qui ad corrigendos subditorum excessus diligenter intendere debent, & à quibus nullus clericus per hujus Sanctæ Synodæ statuta cujusvis privilegii prætextu, tutus censetur, quominus juxta Canonicas sanctiones visitari, puniri & corrigi possit, si in Ecclesiis suis resederint, quoscumque seculares clericos, qualitercumque exemptos, qui alias suæ jurisdictioni subessent de eorum excessibus, criminibus & delictis, quoties & quando opus fuerit, etiam extra visitationem tanquàm ad hoc Apostolicæ Sedis delegati, corrigendi & castigandi facultatem habeant, quibuscumque exemptionibus, declarationibus consuetudinibus, sententiis, juramentis, concordiis, quæ suos tantum obligant auctores, ipsi clericis ac eorum consanguineis, capellanis, familiaribus, procuratoribus & aliis quibuslibet ipsorum exemptionum contemplatione & intuitu minimè suffragantibus.

## QUINTUS CANON.

Insuper eòdem nonnulli qui sub prætextu quod super bonis & rebus ac juribus suis diversè eis injuriæ, ac molestiæ inferantur, certos judices per litteras conservatorias deputati obtinent, qui illos à molestiis & injuriis hujusmodi tueantur, & defendant, & in possessione seu quasi bonorum rerum ac jurium suorum manuteneant, & conservent, neque super illis eos molestari permittant, ejusmodi litteras in plerisque contra concedentes mentem in reprobum sensum detorqueant. Idcirco nemini omnino cujuscumque dignitatis & conditionis sit, etiamsi capitulum fuerit, conservatoriæ litteræ, cum quibuscumque clausulis aut decretis & quoruncumque judicum deputatione, quocumque etiam alio prætextu aut colore concessæ suffragentur ad hoc, & coràm suo Episcopo sive alio Superiore ordinario, in criminalibus & mixtis causis accusari, & conveniri, ac contra eum inquiri & procedi non possit. Aut quominus si qua jura ei ex cessione competierint, super illis liberè valeat apud judicem ordinarium conveniri, in civilibus etiam causis, si ipse actor extiterit, aliquem ei apud suos conservatores judices in judicium trahere minimè liceat. Quòd si in his causis, in quibus ipse reus fuerit, contigerit ut electus ab eo conservator ab actore suspectus esse dicatur, aut si qua inter ipsos judices, conservatorem & ordinarium controversia super competentia jurisdictionis orta fuerit, nequaquam in causâ procedatur, donec per arbitros in formâ juris electos, super suspicione, aut jurisdictionis competentia fuerit judicatum. Familiariibus verò ejus qui hujusmodi litteris conservatoriis tueri solent, nihil illæ prosint, præterquam duobus dumtaxat. Si tamen illi propriis ejus sumptibus vixerint, nemo etiam similium litterarum beneficio ultra quinquennium gaudere possit. Non liceat quoque conservatoribus judicibus ullum habere

tribunal erectum. In causis verò mercedum aut miserabilium personarum hujus Sanctæ Synodi super hoc decretum in suo robore permaneat. Universitates autem generales, ac collegia Doctorum seu scholarium & regularia loca, nec non hospitalia actû hospitalitatem servantia, ac universitatum collegiorum, locorum, & hospitalium hujusmodi personæ in præsentî canone minimè comprehensæ, sed exemptæ omninò sint & esse intelligantur.

#### SEXTUS CANON.

Quia verò etsi habitus non facit monachum, oportet tamen clericos vestes proprio congruentes ordini semper deferre, ut per decentiam habitûs extrinseci, morum honestatem intrinsecam ostendant. Tanta autem hodiè aliorum inolevit temeritas religionisque contemptus, & propriam dignitatem & honorem clericalem parvipendentes, vestes etiam publicè deferant laicales, pedes in diversis ponentes, unum in divinis, alterum in carnalibus. Propterea omnes Ecclesiasticæ personæ quantumcumque exemptæ, quæ aut in sacris fuerint, aut dignitates, personatûs officia, aut beneficia qualiacumque Ecclesiastica obtinuerint, si postea quàm ab Episcopo suo, etiam per edictum publicum moniti fuerint, honestum habitum clericalem, illorum ordini ac dignitati congruentem, & juxta ipsius Episcopi ordinationem & mandatum non detulerint, per suspensionem ab ordinibus, ac officio, & beneficio, ac fructibus, redditibus & proventibus ipsorum beneficiorum, nec non si semel correpti, denuò in hoc deliquerint, etiam per privationem officiorum, & beneficiorum hujusmodi coerceri possint & debeant. Constitutionem Clementis V. in Concilio Viennensi editam, quæ incipit, quoniam innovando & ampliando.

#### SEPTIMUS CANON.

Cùm etiam qui per industriam occiderit proximum suum, & per insidias, ab altari avelli debeat, qui suâ voluntate homicidium perpetraverit etiamsi crimen id nec ordine judiciario probatum, nec aliâ ratione publicum, sed occultum fuerit, nullo tempore ad sacros ordines promoveri possit. Nec illi aliqua beneficia Ecclesiastica, etiamsi curam non habeant animarum conferre liceat: sed omni ordine ac beneficio, & officio Ecclesiastico perpetuò careat: si verò homicidium non ex proposito, sed casu, vel vim vi repellendo, ut quis se à morte defenderet, fuisse commissum narretur, quam ob causam etiam ad sacrorum ordinum, & altaris ministerium, & beneficia quæcumque ac dignitates jure quodammodo dispensatio debeat, committatur loci ordinario, aut ex causâ metropolitano, seu viciniore Episcopo, qui non nisi causâ cognitâ, & probatis precibus, ac narratis, nec aliter dispensare possit.

#### OCTAVUS CANON.

Præterea quia nonnulli, quorum etiam aliqui veri sunt pastores, ac proprias oves habent, alienis etiam ovibus præesse queunt, & ita alienis subditis quandoque intendunt, ut suorum curam negligant. Quicumque etiam Episcopali præditus dignitate, qui puniendi alienos subditos privilegium habuerit, contra clericos sibi non subjectos, præsertim in sacris constitutos, quorumcumque & atrocium criminum reos, nisi cum proprii ipsorum clericorum Episcopi, si apud Ecclesiam suam refederit, aut personæ ab ipso Episcopo

Episcopo deputandæ interventu, nequaquam procedere debeat, aliis processus, & indè secuta quæcumque viribus omninò careant.

## NONUS CANON.

Et quia jure optimo distinctæ fuerunt diœceses & parochiæ, ut unicuique gregi proprii attributi pastores, & inferiorum Ecclesiarum rectores, qui suarum quisque ovium curam habeant, ut ordo Ecclesiasticus non confundatur, aut una & eadem Ecclesia duarum quodammodò diœcesum fiat non sine gravi eorum incommodo, qui illi subditi fuerint. Beneficia unius diœcesis, etiam si parochiales Ecclesiæ, vicariæ perpetuæ, aut simplicia beneficia, seu præstimonialia, aut præstimonialia portiones, fuerint etiam ratione augendi cultum divinum, aut numerum beneficiorum, aut aliâ quâcumque de causâ, alterius diœcesis beneficiorum monasterio, seu collegio, vel loco etiam pio, perpetuò non uniantur, decretum hujus Sanctæ Synodi super hujusmodi unionibus in hoc declarando.

## DECIMUS CANON.

Regularia beneficia in titulum, regularibus professis provideri consueta, cum per obitum aut resignationem, vel aliâs illa in titulum obtinentis, vacare contigerit, religiosis tantum illius ordinis, vel his qui habitum omninò suscipere & professionem emittere teneantur, & non aliis, ne vestem lino lanæque contextam induant, conferantur.

## UNDECIMUS CANON.

Quia verò regulares de uno ad alium ordinem translati faciliè à suo superiore licentiam standi extrà monasterium obtinere solent, ex quo vagandi & apostatandi occasio tribuitur; nemo cujuscumque ordinis, Prælati vel Superior, vigore cujusvis facultatis aliquem ad habitum & professionem admittere possit, nisi ut in ordine ipso, ad quem transfertur sub sui Superioris obedientiâ in clauistro perpetuò maneat, ac taliter translatus, etiam si Canonico regularium fuerit, ad beneficia secularia etiam curata omninò incapax existat.

## DUODECIMUS CANON.

Nemo etiam cujusvis dignitatis Ecclesiasticæ, vel secularis, quâcumque ratione, nisi Ecclesiastica beneficia aut capellam de novo fundaverit & construxerit, seu jam erectam, quæ tamen sine sufficienti dote fuerit, de suis propriis & de patrimonialibus bonis competenter dotaverit, jus patronatûs impetrare, aut obtinere possit, aut debeat, in casu autem fundationis, aut dotationis hujusmodi, institutio Episcopo, & non alteri inferiori reservetur.

## TERTIUS DECIMUS CANON.

Non liceat præterea patrono, cujusvis privilegii prætextu, aliquem ad beneficia sui juris patronatûs, nisi Episcopo loci ordinario ad quem provisio seu institutio ipsius beneficii, cessante privilegio, jure pertineret quoquomodò præsentare, aliâ præsentatio ac institutio forsitan secutæ nullæ sint & esse censeantur.

Declarat præterea Sancta Synodus in futurâ Sessione quam ad xxv. diem Januarii subsequens anni MDLII. habendam esse jam decrevit, unâ cum sacrificio Missæ agendum & tractandum etiam esse de Sacramento Ordinis & prosequendam esse materiam reformationis.

*Articuli (a) de Sacramento Missæ & Sacramento Ordinis per Doctores Theologos examinandi, an videlicet hæretici sint, & per Sanctam Synodum damnandi.*

#### DE SACRIFICIO MISSÆ PRIMUS ARTICVLVS.

Missam non esse sacrificium, nec oblationem pro peccatis, sed tantum commemorationem sacrificii in cruce peracti. Vocari autem à Patribus translatò nomine sacrificium, at verè & propriè non esse, sed tantum testamentum & promissionem remissionis peccatorum.

#### SECUNDVS ARTICVLVS.

Missam non esse ex Evangelio, neque à Christo institutam, sed inventum ab hominibus, neque eam esse opus bonum, aut meritorium, immò in ea committi manifestam & multiplicem idolatriam.

#### TERTIVS ARTICVLVS.

Blasphemiam irrogari sanctissimo Christi sacrificio in cruce peracto, si quis credat Dei filium denuò à Sacerdotibus in Missâ Deo Patri offerri, Christumque pro nobis mysticè immolari, & offerri, non aliud esse, quàm illum nobis ad manducandum dari, & Christum illis verbis: hoc facite in meam commemorationem, non ordinasse ut Apostoli offerrent corpus & sanguinem ejus in sacrificio Missæ.

#### QVARTVS ARTICVLVS.

Canonem Missæ erroribus & seditionibus scaterere, abrogandum esse, fugiendumque non secus ac pessimam abominationem.

#### QVINTVS ARTICVLVS.

Missam nec vivis, nec mortuis ut sacrificium prodesse, & impium esse applicare eam pro peccatis, pro satisfactionibus & alijs necessitatibus.

#### SEXTVS ARTICVLVS.

Sicut nemo pro alio communicat, vel pro alio absolvitur, ita nec in Missâ Sacerdos pro alio sacrificium offerre potest.

#### SEPTIMVS ARTICVLVS.

Missas privatas in quibus scilicet solus Sacerdos, & non alii, communicat, antè Gregorium magnum non fuisse, & illicitas esse atque abrogandas, ac cum Christi institutione pugnare, & representare magis excommunicationem quàm communionem à Christo institutam.

- (a) Hi omnes articuli ex nuperis hæreticis Luthero & Calvino deprompti, Doctorum & Episcoporum examini subiecti fuerunt, & uno quoque die bis conveniebant in privatis congregatienibus, Doctores, ut nihil esset prætermissum ad veritatis & fidei elucidationem. Eliquatà post varias concertationes veritate, ad canonum confessionem deputati sunt Patres, quos inter erat Coloniensis Archiepiscopus, sed adventus Oratorum Ducis Wirtembergici, Urbis Argentoratensis & Mauricii Saxonum Ducis ab ulteriore progressu cessatum est.

## OCTAVUS.

Vinum non esse materiam sacrificii, neque aquam miscendam cum vino in calice, idque esse contra Christi institutionem.

## NONUS.

Ecclesiæ Romanæ ritum, quo secretâ & sumissâ voce verba consecrationis proferuntur; damnandum esse, Missamque nonnisi in linguâ vulgari quam omnes intelligant, celebrari debere, imposturamque esse certas Missas certis Sanctis attribuere.

## DECIMUS.

In celebratione Missarum omnes ceremonias, vestes & externa signa irritabilia impietatis esse, magis quàm officia pietatis: & sicut Missa Christi simplicissima fuit, ita quântò Missa illi primæ omnium viciniori & sumiori sit tantò magis esse christianam.

*Articuli de Sacramento Ordinis.*

## PRIMUS ARTICULUS.

Ordinem non esse Sacramentum, sed ritum quemdam eligendi & constituendi ministros verbi & Sacramentorum, imò quòd ordo Sacramentum sit, signamentum esse humanum excogitatum ab illis rerum Ecclesiasticarum imperitis.

## SECUNDUS ARTICULUS.

Ordinem non esse unum Sacramentum, nec infimos & medios ordines velut gradus quosdam tendere in sacerdotii ordinem.

## TERTIUS ARTICULUS.

Nullam esse hierarchiam Ecclesiasticam, sed omnes Christianos ex æquo esse Sacerdotes, & ad usum seu executionem, opus esse vocatione magistratûs & consensu populi. Et qui Sacerdos semel fit, eum laicum rursus posse fieri.

## QUARTUS ARTICULUS.

Non esse in Novo Testamento sacerdotium visibile & externum, neque potestatem aliquam spiritualem, sive ad conservandum corpus & sanguinem Christi, sive ad offerendum, sive ad absolvendum coram Deo à peccatis, sed officium tantum & ministerium prædicandi Evangelium, & eos qui non prædicant prorsus non esse sacerdotes.

## QUINTUS ARTICULUS.

Uctionem non solum non requiri in ordinum traditione, sed esse perniciosam & contemnendam, similiter & omnes alias ceremonias, & per ordinationem non conferri Spiritum Sanctum, proinde impertinenter Episcopos cum ordinant dicere, accipite Spiritum Sanctum.

## SEXTUS ARTICULUS.

Episcopos jure divino non esse institutos, neque præbiteris superiores, neque habere jus ordinandi, aut si habent id esse illis commune cum præbiteris, ordinationesque ab ipsis factas sine plebis consensu irritas esse.

*Sententiæ per Theologos dicendæ, deducuntur (ut aliàs præscriptum est) ex Sacrà Scripturâ, traditionibus Apostolicis, sacris & approbatis Conciliis, ac Summorum Pontificum, & Sanctorum Patrum Constitutionibus, & auctoritatibus & Ecclesiæ Catholicæ consensu &c.*

**D**icant ea brevitate quæ decet viros pios & non contentiosos & verbosos propterea abstineant omninò à superfluis & inutilibus.

Incipiant primi diæ Lunæ quæ erit septima Decembris horâ XVI. dein prosequantur alii eâdem diæ horâ XXI. & successivè singulis diebus bis in diæ eisdem horis.

#### *Congregatio Patrum.*

**D**ie 2. Januarii 1552. more Romano Congregatio Episcoporum ad dicendas sententias celebrata est, in quâ Legatus posteaquam dixit Theologos convenisse in condemnationem articulorum, proposuit Patribus modum quem observarent, nempe ut doctrina sinul cum articulis tradatur, super quibus dicerent sententias quantâ fieri posset brevitate, deinde novi deputati electi sunt ad conficiendos Canones, cæteraque Synodi negotia pertractanda, in quorum numerum ascriptus fuit Psalmaus.

*Articuli de Missâ, & Ordine omnes judicantur damnandi à Theologis, neque adnotationes alicujus momenti factæ sunt. Ut tamen quibusdam Patribus satisfiat, hæc minutula ex sententiis ipsorum Theologorum excerpta fuerunt.*

#### IN PRIMO DE MISSÂ.

Quidam nollet simpliciter damnari, Missam esse testamentum, cum possit habere bonum sensum, & alius quidam nollet verba illa translato nomine vocari Missam, sacrificium, damnari simpliciter, quia dicit posse esse vera in aliquo sensu.

#### IN SECUNDO.

Missam inventam ab hominibus &c. Cuidam non videtur hoc simpliciter falsum, quòd possit esse aliquid à Deo & ab hominibus inventum. Quidam censet illa verba (neque esse opus meritorium) non damnanda, quia derogatur ipsi Sacramento.

#### IN SEPTIMO.

Aliquis admonuit ultimam partem hujus articuli non asseri à Lutheranis, quidam veller etiam damnari in hoc loco alium articulum; videlicet singulis diebus unam Missam, & illam publicam in unâ Ecclesiâ celebrandam esse. Item & alium. Videlicet non licere Missas privatim ob devotionem celebrare.

#### IN OCTAVO.

Vinum non esse materiam hujus sacrificii: quidam admonuit considerandum hanc assertionem non ita poni ab hæreticis.

#### IN NONO.

Quidam non putat expedire, quod hic articulus damnetur generaliter, sed

sed tantum quoad Ecclesiam Romanam & Latinam, cum Græci, Æthiopes & quædam aliæ nationes contrarium observent &c. vel non damnetur sub censurâ aliorum articulorum. Vellet quidam edi à Sanctâ Synodo decretum, quod in Missis publicis semper aliqui interpretarentur, Evangelium & Epistolam in linguâ vulgari. Quidam vellet etiam damnari quod verba illa, hoc facite &c. pertineant ad administrationem, non autem consecrationem & oblationem. Item quod etiam damnetur formæ diversæ consecrationis, & declararetur quæ sit vera formâ consecrationis.

### *De Sacramento Ordinis.*

#### IN PRIMO.

Ordinem non esse Sacramentum: quidam vellet addi, novæ legis à Christo institutum, cum id negent hæretici, & verba, incogitatum à viris &c. monuit animadvertenda, quia non credit esse hæreticorum.

#### IN SECUNDO.

Quidam censet abstinendum omnino in decisione, an inferiores ordines sint Sacramenta propter opiniones Doctorum.

#### IN TERTIO.

Sed omnes Christianos &c. quidam vellet hunc articulum clariùs poni cum non videantur illa vera adversativa, & posset dici, quin imò omnes &c. vel quia simile, cum possit esse Ecclesiastica hierarchia & omnes esse ex æquò Sacerdotes. Et qui Sacerdos semel fit &c. Quidam ita vellet dici & Sacerdotes non differre à laicis nisi ministerio, atque ideo qui Sacerdos semel fit &c.

## BREVE APOSTOLICUM.

*Julius Papa III. Venerabilibus Fratribus Moguntinens & Trevirens. Episcopis, S. R. Imperii Principibus Electoribus.*

**V**enerabiles Fratres salutem & Apostolicam benedictionem. Magnam nuper molestiam nobis attulerunt litteræ dilecti filii Marcelli, Cardinalis Crescentii, Legati nostri & venerabilium fratrum Prælatorum Sacto œcumenico Concilio præsidentium, per quas certiores facti sumus novos quosdam motus in finitimis fraternitatum Ecclesiarum vestrarum locis concitatos; ex quibus tam & aliæ Ecclesiæ detrimendis & calamitatibus non mediocribus affectæ fuerunt, & in ipsos Moguntinenses & Trevirenses grave immineat periculum. In tantâ tamen ac inopinatâ re, ea nobis occurrit consolatio: quod charissimus in Christo filius noster Carolus, Romanorum Imperator semper Augustus. Unus omnium tam nostrâ, quàm Patrum memoriâ maximus & potentissimus. Hanc causam non solum communem, sed etiam propriam existimare debeat, ejus opibus consilio & autoritate, facillè hujusmodi tumultus sedari, & extingui posse speremus. Ad quam curam cum in vos cogitationes suas conversurum minime dubitamus: cum ut nobilissimæ illius regionis incolunitati consulat, tum ut suo ipsius imperio hanc tam seditionum factionum pestem arceat, quod illi haud quaquam difficile fore ar-

Bbbb

bitramur, cum illam nefariam tumultuaria militum manus nullâ rectâ ratione subnixam furendi, ansam intelligamus. Quare per seipsum delapsuram & ejus omnes conatus brevi in irritum casuros facili, ut credamus adducimus. Vos quidem fratres, cum ex eisdem litteris acceperimus in animo habuisse, Isthinc discedere, ut Ecclesiis vestris opem ferretis, talem divinâ adjuvante clementiâ earum seditionum exitum fore confidimus, ut ipsis etiam speretis Tridenti maneat Dei operi insistentes, ad quod vos magnoperè hortamur; & quoniam Concilium œcumenicum vestrâ imprimis præsentiâ & autoritate prosperos usque huc habuit progressus, pro singulari prudentiâ & pietate vestrâ, cogitatis velim, ne ipsius Concilii tam exoptati omnibus nationibus, & ab ipsâ præcipuè Germaniâ efflagitati, & in quo orthodoxæ religionis atque otii & tranquillitatis universæ reipublicæ Christianæ stabiliendæ spes certissima repocita esse debet, causam deferatis. Neque enim dubitandum est, quin ex vestro discessu, tam sanctum, tam salutare, tam necessarium opus quodammodo titubare incipiat, cum vester adventus ei tantum atrulerit adjumenti. Atque ut eò libentiùs permaneat, & Concilii ipsius acta securiore animo prosequamini, illud sciatis volumus ad omnem periculi metum funditus tollendum (quod facere neque ante unquam desimus) in præsentiâ nihil à vobis prætermitti, neque officii, neque sedulitatis, quo inter Christianos Principes pax & gratia reconcilietur. Immensâ Dei præpotentis benignitate ac misericordiâ, cum in ejus manu sint ipsa Regum corda & concilia, brevi successurum confidimus. Quamobrem & (ut nobis persuademus) fraternitates vestræ publicam Christi Redemptoris nostri & religionis Catholicæ causam, quibuscumque privatis vestris rationibus, quibus etiam absentes ipso præsertim Cæsare adjuvante prospicere poteritis, potiore duxeritis, præterquam quòd & ipsius Dei gratiam promerebuntur, nobis etiam qui vos paternè diligimus, vestrumque honorem quantum cum Deo poterimus, augere cupimus, plurimum satisfaciatis. Hæc erant quæ pro summâ nostrâ in vos charitate & rei gravitate scribenda habuimus, nam illud ut vos moncamus supervacaneum ducimus ne scilicet quicumque rerum eventus fuerit aliquid de discessu vestro incon-sulto Cæsare & contra ipsius Sanctæ Synodi sententiam pernicioso aliorum exemplo statuatis. Reliqua cum ex ejusdem dilecti filii nostri Cardinalis Crescentii Legati, tum verò ex Petri Camazeni intimi cubicularii nostri quem etiam hac ipsâ de causâ ad Serenissimum Cæsarem mittimus sermone plenius fraternitates vestræ recognoscent. Datum Romæ apud Sanctum Petrum sub annulo piscatoris die 24. Decembris 1551. Pontificatus nostri anno secundo.

ROMUL. AMASÆUS.

**D**ie x. Januarii 1551. ad calculum Romanum, Rumor sparsus fuit Tridenti, Georgium quemdam Monachum Transilvaniæ gubernatorem, qui paulò antè Cardinalis creatus fuerat à Julio III. ob suspicionem prodicionis Regni in manibus Turcæ, nuper fuisse à quodam Regis Romanorum Capitano interfectum, de quo multi multa dixerunt, inter quos unus retulit mihi de illo dici, non propter prodicionem, non propter peccatum, sed perniciosè illum occiderunt.



*Copia litteræ super obitu Fratris Georgii, Cardinalis, Gubernatoris in Transilvaniâ, Regis Romanorum Tridentum transmissæ. (a)*

**P**Er piu particular aviso di quanto gia duoi giorni scrissi à V. Sa. Ill.ma & R.ma circa la morte di fratre Georgio, ho voluto aggiungerle per questa mia quanto dipoi circa cio autenticamente me venuto à notitia. Et è ch' havend' il sudetto fratre in tutto questo negotio, di Transilvania & guerra passata sempre proceduto dopdamente, talmente ch' il Castaldo alquante volte hebbe a scriver a sua M.ta ch' in vero non cognosceva ne sapeva cavar costrutto di costui, il quale in un instante rideva, piangeva, mentiva, il vero diceva, pur alla fine dette sì chiari inditii dell' ambition sua, & nell' impresa il lippa, tantosi scoperse, che si puote toccar con mano il gran veneno, che nascosto teneva, impero ch' essendo Vlamabech l'occhio dritto del gran Turco con 2000. della sua compagnia de la expugnato terra ritirato nel castello loco debile & mal fornito di vettu aglie, ne sperando piu so corso dalli fugi come gia da pregioneri le caputo, havea fatta deliberatione per il giorno seguente di rendersi a discretione, ma parendo al frate che tal conquisto fosse contr' il suo disegno, prima li dett' aviso ch' è si tenessero per un poco di tempo ch' farebbe procurato la loro liberation, & s' impedirebbe che non se li desse assalto. D'indi ad alcuni giorni fu d'un Ongaro visto & udito un familiar suo aprossimarsi alle mura, e disse aquelli di dentio in Turchesco che stessero faldi & non dubitassero, per ch' in breve fariano liberati, il che essendo venuto à notitia del Sign.re Castaldo, volse in pleno Concilio che si facesse examination ditaleosa, ma fu impedito dal frate, & la querela rigettata come frivola & impertinente, dipoi lui medesimo propose che si dovesse accettar' il castello, salvo le robbe & le persone de li Turchi n'allegava altra ragione che non se ben sapeva lui come far si douca la

- (a) Georgius Episcopus Varadinensis, cognomento *Monachi*, tutor Joannis Sigismundi Regis Hungariæ, unâ cum Petrovitio creatus est anno 1540. Monachi nomen habuit non à familiâ quæ *Utissenovich* dicebatur, eaque inter proceres Croatia, illustri, sed à professione Monachatus in Ordine S. Pauli primi Eremitæ. Joanni Vaivodæ addictus potiorum ei Hungariæ partem asseruit, à quo deinde, opulentissimâ Varadinensi Ecclesiâ remuneratus, publicis quoque muneribus præfectus est. Demùm à moriente Joanne Vaivodâ, tutor minorennis filii renunciatus est. Sed anno 1551. cum Isbellâ Regina & matre pupilli, altercatus, & partæ autoritatis gloriâ intumescens, Regiam coegit Transilvaniâ cedere Ferdinando Regi Hungariæ. Strigoniensis deinde Archiepiscopus factus, paulò post eodem procurante Ferdinando Cardinalitâ dignitate insignitur. Solimannus de Transilvaniâ Ferdinando dedita certior factus, ingentem exercitum ad eam recuperandam immisit. Castra & arces occupat. Georgius armorum & victoriæ velut autor, ab invidis traducitur apud Ferdinandum, suspiciones augeat Castaldus Cassani Marchio vir Italus & vafes, Thesauris & potentia Georgii anhelans, rapit Ferdinandum consiliis, & mutabilis ingenii Archiepiscopum ultrò se offert, ligatum aut occisum tradere Regi. Annuit Ferdinandus, & ecce perditissimus Castaldus in Binitium Castellum favente Ferrario Alexandrino admissus, Georgium summo mane matutinas perfolventem adoritur, & simul cum Sfortiâ, Pallavicino, Scaramuciâ, Campegio, aliisque ejusmodi nominum ac hominum monistris irruit in præsulem & repetitis ictibus confodit crudelissimi, proferentem *Jesús Maria*, in iisque verbis efflavit animam. Vide Natalem l. 4. & 5, Thuanum l. 9. Flavius Afcanium Com. de Bellis Daciciis.

guerra con Turchi, & che non accadeva render conto dogni cosa allaquale proposta d'el castaldo ne quei altri capi con tutta la ragion del mundo potterno obviar, ma furono astretti d'haver' pazienza, concludendo che talera il voler suo. La notte la liberation de quelli Turchi, Vlamabeck si ritrovò nel pavigliori del frate à ragionamento con lui, per ne trare di poi mesolo nel suo cocchio favorito & fornito d'archibusi, lo fece accompagnar a salvamento: Erò el esercito regio per il volontario soccorso di quelle gente come ho inteso del cuginato di V. S. Ill.ma accressuto al numero di 80000, & sufficiente & bastante di soffocar quanti Turchi ch'avevano passato il tibisco, m'a ogn' occasione & bon' opera s'impediva de costui, & alla fine per ordine suo, senza consenso del General tutti li comandati in un giorno tutti si dilegarono, ritornando alla casa loro: si sonno ritrovate l're sue ad gran Turcho, Pustan Bassa & Belierbei, ch'excusavano questo suo fatto, con promissione d'esser fidele & obbedientissimo algram Sig.re & ch'al fine si saperebbe la causa de questa tumultuatione, com era apparecchiato di darli il tributo solito con' buono vantaggio, & metter Allemani sue quanti Allemani & Spaholi se trovavano in quelle parti, & tanto era la confidenza sua nel mal far; che qualche volta gli bastava al animo, di mandar le copie dital lettere a sua M.ta Regia, dicendole che per tal maniera voleva trapolar li Turchi, & per haver gioco al molinello, mandava ancora al Turcho, copia di quanto scriveva a sua M.ta, shaveva ancor lassiato intender in Transilvania voler tener un mezzo che mai Spagnoli ne Allemani piu intrarebbero nel paese loro, & pensava fort'il pretexto del sott il praticar poter' coppingr' ognicosa: ma questo fu senza aperta che venne in leve come lui havea gran quantita di vettovglie nelle mane & tamen faceva morir li poveri soldati di fame. Si seppe ancor come pro intelligentia & practica sua il beglierbei havea passato il fiume, il qual altrimenti con quella suo gente non si sarebbe messo à tal pericolo & giamai pervenuto à tanta licenza, che essendo il Castello di Theben loco forte & importantissimo patronnegiato da doi Capitani in nome di sua M.ta e uno di esso frate pochi giorni sonno che d'authorita propria licentiette uno delli Regi alio che in quel locho tra S. M.ta & esso lui l'autorita fosse ignalmente compartita, & che poi tanto meglio potesse giocar del resto: il fine a donche di questo traficho era questo prima di accortarsi con questa M.ta per haver occasione & mezzo di rimover da quel regno dove concorrenti suoi la Regina Isabella & Petto. Fatto questo con la mossa de Turchi, non lasciar pigliar piedi in quelle bande l'esercito regio; ma travagliando tener le forze sue in equilibrio con le Turchesche, accioche rimanendo le cose pari, & debilitate esso rima nelle arbitro & superiore in quel locho, dal quale & Re & Turco, shavesser a depender'. La conclusion del tutto era di tradir & condurre alle beccharie le reliquie delle genti regia, impetrar' del Turco ch'accettasse il solito tributo, & che lo lassiasse ivi principe solo & senza compagno, il che tutto havea da concluder con li duoi chiausse presi nel tempo della dieta che gia era publicata per li 18. Febraro in Albagulia, il tutto si rebbe facilmente potuto haver miserando exito, siddio pro sua misericordia non ei haveffe posto il concedente & opportuno remedio. Per obviar dunche a tanto pericolo, fù gia aliquante setti mane di questa corte espedito mercaldo falconier maggiore di S. M.ta il qual con la sua gionta hebbe dar resolutione al negotio, & mancava solamente loccazione di puoter clesquir la sudetta impresa  
lenza

senza scandalo; Ilche dal viaggio che si fece dalippa in Albagliulia fù impedito dalle 200. holidoni archibufieri, ch'il frate tenuia pro guardia, & l'intrato fosse nella terra, reusciva il disegno quas' impossibile. Par qñ. iddio volse alli 16. di questo gionse il frate in uno suo Castello Rintoga, lontano d'Albagliulia circa 3. legue, ove il Sig.re Castaldo con pochi campagna con esso lui insieme fù alloggiato, & per la Strettezza del locho, havea il frate mandato la maggior parte della sua guardia avanti con le Regie & l'altra parte alloggiata fuori del Castello in uno villaggio: fu in tempo antiveduto questo & dar ardire che 100. Spagnuoli come per negligenza partiti piu tardi dell' altri arrivassino in quel locho quasi à un hora di notte con in qual color, ben che con grandissima difficulta si puote obtener & impetrar dal frate che potessero alloggiar ivi vicino 25. di quelli secundo l'intentione havuta, la mattina seguente avanti giorno si presentarono alla porta del Castello & ivi presa occasione che sapprisse le porte per forza & parte per amor fecerno l'intrata stava il Sig.re Sforza Palavicino con doi Secretari del Castello Marcant Sr. Ferraro Alexandrino & Franciso strepato Milanese attenti per tal neg.o quali subito che viddeno di Spagnoli in casa de longo andarno alla camera del frate ch'allora si levava dal letto & aventatolegli adosso luno con il pugnale l'altro con laspada di radoppiati colpi gli passorono quel petto traditor, & il Sig.re Sforza sfendendogli la testa dun colpo mando quell anima astar con Giuda: Erano in cam.a doi suoi servidori ch'Ongari Chiamano Garmel, si vollero intrometter a difesa del patron mà indarno & furono scritti morte. Occorse che dipoi essendo quelli genti del Castello convocate, & narrato loro questo successo insieme con le cause & processo del tradimento rispose uno de quella molto famigliar del frate confirmando quello segli haveva recitato, A se ch'è vero: & io tante volte gli predissi che si dovesse guardar & mutar camino. Spagnoli non potreno contenere che non sualis assero il Castello; nella camera del frate furono trovati xv. fionnini, & dipoi stata presa l'obedienza d'Albagliulia, & altri Castelli che dal frate si tenevano senza tumulto, per che crano stracchi della malignita & perfidia del frate. Si dice ch'in orial Castello inespugnabile haveva il tesoro, nostro se nireso ancora seti habbi piglia so il possesio.

*Congregatio Deputatorum.*

**D**Ie Jovis 21. Januarii actum fuit inter Deputatos de Sessione differendâ ad instantiam Cæsaris, & in gratiam Protestantium, qui postquam obtinuerunt Salvum-Conductum in ampliori formâ, audiri voluerunt, & proponere Patribus suam fidem.

*Alia Congregatio eorundem.*

**D**Ie verò sequenti 22. disputandum fuit inter eos, an nuncii Wirtemburgenses audiendi forent in Concilio, vigore procuratorii quod ipsi exhibitori essent in Congregatione Generali, ad proponendum doctrinam quamdam fidei Wirtemburgensium. Visum fuit audiendos fore omni cum charitate & patientiâ, prævia tamen protestatione aut declaratione, pro conservatione juris Synodi, & quod pro responso Synodus provideret. Quoad Salvum-Con-

ductum, quem missi à Duce Mauritio petierunt in ampliori formâ, ad instar Salvi-Conductûs Bohemis concessi in Concilio Basileensi, Sessione quarta, visum fuit dandum esse adhibitis aliquot animadversionibus, videlicet quòd ab initio dicatur. Sacro-Sancta Synodus &c. præsentibus &c. prout moris est. Item quòd tollantur verba disponendi, & concludendi. Item quòd loco verborum quibus dicitur, Sanctissimus Dominus Romanus Pontifex, dicatur Sanctissimus Dominus noster Summus Pontifex, prout visum fuit Legato, quæ sententia cum non omnibus placeret, dissoluta fuit Deputatorum Congregatio, & totum negotium ad Congregationem Generalem relatum, quæ 23. Januarii futura erat.

### *Consultatio Generalis.*

**D**ie Sabbati 23. Januarii consultatio habita est, an Pontifex dispensare deberet cum filio Marchionis Magdeburgensis, juvene nato annos circiter 22. ut præiceretur Ecclesiis Magdeburgensis & Halberstatis, ad quas fuit postularus per Capitula Ecclesiarum, in quâ Patres diversa senserant, cum propter ætatis delectum, & hæresim de quâ suspectus erat; tum quia Concilium vetat quemquam præfici duabus Ecclesiis: deinde actum fuit de audiendis Wittembergensibus & de Salvo-Conductu impertiendo nunciis Ducis Mauriti; placuit autem Patribus dandum esse Salvum-Conductum in amplissimâ formâ, & præfigendum illis terminum pretemporium, intra quem venirent, ne deluderetur Synodus tantis dilationibus, atque interim prorogandam esse promulgationem materiarum ad 50. ulque diem, eâ tamen lege, ut interim non intermitteretur discussio articulorum de Sacramento Matrimonii, aliorumque proponendorum, quòd & decretum fuit die 24. in Congregatione matutinâ. Deinde venerunt ad Congregationem duo missi à Duce Wittembergensi, unus Nobilis, alter verò utriusque Juris Doctor, qui habitâ oratione ad Synodum exhibuit mandatum, & nonnullas scripturas fidem & confessionem Ducis Wittembergensis continentes, petens responsum à Synodo. Responsum est quòd Synodus cum deliberatione provideret. A meridie autem auditi fuerunt Oratores Ducis Mauriti, quorum alter, videlicet Doctor orationem habuit satisfacundam, sed perniciosam, deinde tradidit dictam orationem in scriptis Synodo.



## SESSIO QUINTA.

**D**ie verò Conversionis Sti. Pauli 25. Januarii celebrata fuit Sessio 5. in æde Divi Vigili. Episcopus Catinensis, Italus, celebravit Missam de Spiritu Sancto, Majoricensis orationem habuit facundam. Legatus inchoavit Sessionem cum ceremoniis consuetis. Deinde finito hymno, *Veni Creator*, cum versu & collecta, præfatus Catinensis ex suggesto legit clarâ voce, decretum prorogationis materiarum hujus Sessionis ad diem Divi Josephi, qui fuit 19. Martii. Deinde lectæ fuerunt per eundem litteræ Salvi-Conductûs concessæ Protestantibus.

*Censura Reverendissimi Domini Coloniensis in doctrinam conceptam pro Sessione celebrandâ in die Conversionis Sancti Pauli.*

**Q**uamvis ea quæ de statuendâ doctrinâ ex dictis Theologorum sint eruditè admodum & piè tradita, fideique nostræ Catholicæ, & Patrum anti-

quorum scriptis per omnia ferè consentanea, quædam tamen videntur non-nihil saltem verbis discrepare, & posse accuratius paucis immutatis tradi. Quod non velimus in suggestionem illorum dictum, qui formam hanc conceperunt, quibus potius cenlemus pro labore & studio habendas maximas gratias, quos etiam non arbitramur ita abundare, in sensu suo, ut nostram sententiam non sint æquanimiter & piè laturi. Præsertim cum in eis quæ ad fidem & religionem nostram orthodoxam pertinent, debeat quisque quoddam sentit absque omni dissimulatione liberè & apertè, potissimum verò in Conciliis, in quæ omnium nationum gentes suspiciunt pronunciare. Nam & nos vicissim quæcumque dicimus, pro nostro tantum dicimus suffragio, nemini præjudicantes, rectiori judicio libenter acquieturi.

Et in primis placet satisfactio, quæ datur in præfatione super eo, quare hoc loco doctrina de sacrificio tradatur, quanquam nostro judicio, rectius adum fuisset si non eam adeò Synodus ab Eucharistiâ separasset, sed utriusque & Eucharistiæ & sacrificii doctrinam, cum circa idem versetur, tradidisset simul, quo nulla daretur simplicibus causa, alterum ab altero diversum esse, suspicandi aut hereticis alteram supprimendi.

#### DE CAPITULO PRIMO.

Quæ priori hujus capituli articulo dicuntur, de novo sacerdotio, novoque sacrificio, cum lege novâ susceptis, per placent, ubi tamen verbis illis, ut sub novâ potius & longè præstantiori lege viverent, vellemus adjecitâ voculam, *Christi, aut fidei lege*. Idque propterea ne adversarii hoc legentes continuo exclament, nos redigere iterum fideles subservitutem, & legem imponere liberis, Ubi Spiritus Domini, ibi libertas. Item, *justo non est lex posita*. Item, *si Spiritu ducimini* &c. Quæ loca obijcere ut solent, non poterunt, si disertis Scripturæ verbis utamur, & legem novam appellemus novam Christi legem, aut spiritus, aut fidei legem. Quemadmodum facit Apostolus Paulus, qui veterem appellat, nunc factorum, nunc operum, nunc damnationis mortis, aut litteræ legem, novam autem legem Christi, aut fidei, aut spiritus.

Articulo sequenti ejusdem Capituli, rationibus efficacissimis convincitur Missam esse sacrificium, probanturque nobis omnia quæ huc afferuntur, præter unum hoc quoddam dicitur *Christus in cruce perfunctus sacerdotio Aaron*, quoddam non videbatur nobis ullo pacto perferendum, propter multas rationes, ut prætereamus hoc quoddam Christus non ducit originem ex tribu Levi, aut Aaron, sed de tribu Juda, cui non licuit offerre sacrificia Aaronica. Aaron & sacerdotes ejus offerebant meras figuras, nec quidquam amplius, Christus autem ipsam rem figuris illis adumbratam. Proinde quantum distat res à suâ umbrâ, tantum distabat Christi sacrificium, à sacrificiis Aaronicis, erantque Aaronica sacrificia omnia imperfecta & infirma, nec poterant auferre peccata, sanguis autem Christi & ejus sacrificium emundavit nos à peccatis. Etsi percurramus Epistolam ad Hæbreos, Apostolus totâ ferè Epistolâ hoc agit potissimum, ut collatione sacrificii Christi & sacerdotii ejus, cum Aaronico sacerdotio & sacrificio facta, ostendat hæc divertissima esse, nec Christum ullo pacto, sacerdotio Aaronico perfunctum. Expressa Apostoli verba ad Hæbreos sunt. Si esset super terram sacerdos, non esset, cum essent qui offerrent secundum legem innumera, qui exemplari & umbræ deserviant cœlestium. Nunc autem melius sortitus est ministerium, quanto & melioris testamenti mediator est &c. Si dicimus autem Christum, qui seipsum in cruce obtulit, functum fuisse sacer-

dotio Aaronico, multò potiùs fatendum erit, Sacerdotes Ecclesiæ qui eandem hostiam in Misa offerunt, Aaronis Sacerdotio perfidigi, magis enim videtur ad legis umbras accedere, quàm Christus, qui nihil umbratici in cruce exhibuit, quòd minus absurdum videtur. Neque ad hunc inodum Patres, de Christi sacerdotio vel sacrificio crucis unquam locuti sunt, undè non videtur nova ista loquendi forma ullo pacto recipienda. Ad rationem autem quã videtur dictum illud in doctrinã probari, scilicet, quòd Christus in cruce fudit sanguinem suum, & sacrificiorum cruentorum quæ in lege præcipiebantur, figuras implevit. Dicimus implere figuras, non esse Aaronicum: nec Aaronici Ordinis aut sacerdotii est offerre sanguinem proprium, sicut fecit Christus, sed alienum. Undè ratio hæc adeò non confirmat dictum illud ut infirmet potiùs. Quin etiam Apostolus planè contrarium docet, multisque rationibus convincit Christum non obtulisse secundum ordinem Aaron, nec ejus sacerdotio fuisse perfunctum. Ad Hebr. 9. sic ait. In prius tabernaculum semper intrabant sacerdotes sacrificiorum officia consummantes. In secundo autem semel in anno, solus Pontifex non sine sanguine quem offerret pro suâ & populi ignorantia. Christus autem assistens Pontifex futurorum bonorum, per ampliùs & perfectiùs tabernaculum non manu factum, id est non hujus creationis, neque per sanguinem hircorum, aut vitulorum, sed per proprium sanguinem semel introivit in sancta, æternã redemptione inventã, & semetipsum obtulit immaculatum Deo &c. Item ad Heb. 10. umbram habens lex futurorum bonorum, non ipsam imaginem rerum, per singulos annos eisdem ipsis hostiis, quas offerunt indefinenter, nunquam potest accedentes perfectos facere alioquin cessassent offerri. Impossibile enim est sanguine hircorum aut taurorum auferri peccata, sequitur. Omnis quidem sacerdos præsto est quotidie ministrans, & easdem sæpè hostias offerens, quæ nunquam possunt auferre peccata: hic autem unam pro peccatis offerens hostiam, sedet in sempiternum in dexterâ Dei. Tales facit Apostolus Antitheses sacerdotiorum & sacrificiorum Christi & Aaronis per universam ferè Epistolam illam. Tantùm abest ut consentiat Christum Aaronis sacerdotio fuisse perfunctum. Sed ordinem ei asserit Melchisedecis toto capite 7. nec verò id propter panem tantummodò & vinum quæ Melchisedech obtulit, quæ tanquàm vulgaria præterit Apostolus, sed propter sacerdotii præstantiam, quòd in Melchisedech præfigurabatur. Primum quidem inquit, interpretatur Rex justitiæ. Deindè Rex Salem, quòd est Rex pacis, sine patre, sine matre, sine genealogiâ, neque initium dierum, neque finem vitæ habens, assimilatus autem filio Dei, manet sacerdos in perpetuum. Intuemini autem quantus sit hic, cui & decimas dedit de præcipuis Abraham Patriarchâ &c. Et cur magis restringamus Christi sacerdotium cruentum, ad sacerdotium Aaronis, quam ad illorum Patrum qui Aaronem præcesserunt sacerdotio, qui & hostias cruentas obtulerunt, Christi sacrificium utique præfigurantes: Abel obtulit agnum Gen. 4. Christus autem scripturâ teste est Agnus ille qui occisus est ab origine mundi. Abraham pro Isaac filio obtulit arietem hærentem cornibus inter vepres, Gen. 22. quo utiquè Christi caro significabatur cruci affixa. Cæterùm Christus nequè ordinis eorum, qui legem præcesserunt, nec istorum qui sub lege fuerunt, est sacerdos, sed sicut Apostolus ad Hebr. ait §. non semetipsum clarificavit, ut Pontifex fieret, sed qui locutus est ad eum, filius meus es tu ego hodie genui te. Intellige, sic eum clarificavit ut Pontifex fieret; Undè subdeur quem  
admodum

admodum & in alio loco dicit , tu es Sacerdos in æternum secundum ordinem Melchisedech, nec tantum ita secundum ordinem Melchisedech, ut non præstantius quam ille, sacrificium obtulerit, Melchisedech enim tantum panem & vinum legitur obtulisse, quæ umbræ & figuræ erant. Oportet autem tantò esse sacrificium Christi illo præstantius, quantò Christus præstantior est Melchisedech, & quantò res suâ umbrâ est præstantior. Significatur autem pane sacrificato, corpus sacrificatum & vino sacrificato, sanguis sacrificatus. Quamobrem Christus, quoniam Sacerdos erat secundum ordinem Melchisedech, figuras quidem panis & vini retinuit in sacrificio, non autem agnos, vitulos, & legales hostias, sed tamen res illas, in res præstantiores & sacrificium potius convertit, & Patri cœlesti in cœnâ offerens sub speciebus istis, corpus & sanguinem suum obtulit suis manibus in sacrificium, quòd in cruce manibus aliorum consummaretur & perageretur. Spectat igitur Melchisedech sacrificium non solas species, sed etiam res significatas. Et sicut sacerdotium Melchisedech, Christi divinitimum sacerdotium adumbrabat, ita & ejusdem edibile & frangibile panis & vini sacrificium. Christi sacrificium divinitimum quòd in cruce atterebatur, sed non consumebatur, à nobis verò in Sacramento editur, significabat. Quamobrem falluntur qui sacrificium Melchisedech in ipsis terminant speciebus, corporis verò & sanguinis sacrificium soli Aaronis sacerdotio tribuentes, cum utriusque significatio sit in ipso Melchisedechis sacrificio, ut non obscure Apostolus in cap. 5. ad Heb. indicat. Cum enim dixisset, tu es Sacerdos in æternum &c. Statim velut sacerdotii illius munus quod in carne gereret, indicaturus subjunxit, qui in diebus carnis suæ preces, supplicationesque ad eum qui possit illum salvum facere à morte, cum clamore valido & lachrymis offerens, exauditus est pro suâ reverentiâ. Et quidem cum esset filius Dei didicit ex iis quæ passus est obedientiam, & consummatus factus est omnibus obtemperantibus sibi causa salutis æternæ, appellatus à Deo Pontifex in æternum secundum ordinem Melchisedech &c. Ecce quòd offert, patitur & consummatur, certè non alibi quam in cruce. Apostolus disertis verbis tribuit sacerdotio ejus secundum ordinem Melchisedech, ad eundem modum c. 7. cum de præstantiâ sacerdotii Melchisedechis & infirmitate Aaronici sacerdotii multa disseruisset, tandem ita inquit, alii quidem sine jurejurando sacerdotes facti sunt, hic autem cum jurejurando, per eum qui dixit ad illum, juravit Dominus & non poenitebit eum, tu es Sacerdos in æternum, in tantum melioris testamenti sponsor factus est Jesus, & alii quidem plures facti sunt sacerdotes, idcirco quòd morte prohiberentur permanere, hic autem eò quod maneat in æternum, sempiternum habet sacerdotium undè & salvare in perpetuum potest, talis enim decebat, ut nobis esset Pontifex, sanctus, innocens, impollutus, segregatus à peccatoribus & excelsior cœlis factus, qui non habet necessitatem quotidie quemadmodum sacerdotes, prius pro suis delictis hostias offerre, deinde pro populi, hoc enim semel fecit seipsum offerendo. Ecce & hic oblationem quâ Christus seipsum obtulit in cruce, Apostolus ascribit sacerdotio non legis, sed secundum ordinem Melchisedech, & hoc ipsum appellat melioris testamenti sacerdotium, & quidem æternum. Et si Christi in cœnâ actionem & verba spectemus, idem planè apparebit; gratias enim agens Christus panemque frangens & benedicens, cum eum Patri offerret discipulisque postea porrigeret. Significanter dixit, hoc est corpus meum quòd pro vobis datur, tra-

ditur, frangitur, & calice accepto, hic est calix sanguinis mei qui pro vobis funditur, quæ ipsa jam tum agebantur quia venerat hora ejus quâ traderetur in manibus peccatorum, & transiret ex hoc mundo ad Patrem. Illâ itaque horâ cum jam adesset, se obtulit Patri suis manibus. Mali verò quibus tradebatur, ab eo tundendo, atterendo, flagellando & crucifigendo non cessabant, donec sacrificium quod in pane & vino offerebatur in cruce consummassent. Fatendum quidem est, Christi sacrificium cruentum non Aaronicis modò, verum etiam aliorum Patrum oblationibus & figuris plurimis fuisse adumbratum, sed non propterea rectè dicitur Christus secundum ordinem umbraticorum sacerdotiorum illorum, sacrificasse, sed potius & ordinem illos & sacerdotia sustulisse. Sed manet Sacerdos in æternum secundum ordinem Melchisedech, cui & incruentum & cruentum competat sacrificium, non sustulit, sed perfecit, & id in cruce. Cui sententiæ concordant omnes Scripturæ & Patres, qui à sacrificio coenæ sacrificium crucis non separant, sed eidem includunt eo modo, quo ei poterat includi, hoc est modo incruento, quo tamen modo non erat aliud quàm ipsissimum illud sacrificium, quod jam offerebatur visibiliter in specie propriâ, vendebatur, tradebatur, conspuebatur, flagellabatur, attollebatur in crucem, donec consummaretur. Quæ cum sit verissima & catholica sententia, videntur nobis pauca quædam doctrinæ verba, quæ possent in diversam sententiam trahi, mutanda esse, & loco ejus quod ibi ponitur, etenim cum sacerdotio hoc functus Dominus &c. ita legendum, sed enim eum Christus in cruce sui corporis oblatione & sanguinis effusione sacrificiorum cruentorum figuras, quæ in lege præcipiebantur, impleverit constetque cum sacerdotali munere perfunctum fuisse, nec tamen appareat secundum ordinem Melchisedech sacrificasse, nisi in pane illud ostendatur & vino, & necesse sit jurisjurandum Dei in eo impletum esse, consequitur utique tunc munere illum sacerdotii Melchisedech perfunctum, quando in coenâ sub panis & vini specie eam oblationem quam in cruce consummabat Patri obtulit, & per sacerdotes qui ejus ministerio funguntur &c. quæ clarissima est sententia & cætera omnia ut sint doctè & catholicè posita retineri.

Quæ articulo ejusdem Capituli tertio, de institutione hujus sacrificii in coenâ facta habet doctrina, planè consentiunt eis quæ nos modò in secundum articulum dicemus, & putamus nihil immutandum.

## CAPUT SECUNDUM.

**A**rticulus prior, qui incipit, *satis constat* &c. nobis probatur. Articulus secundus, qui incipit, *quamquam autem* &c. habet quædam, quæ optaremus nonnihil, salvo aliorum judicio, mutata. Nam quod initio dicitur, non decuit Christi oblationem, nisi semel tantum secundum plenam suam efficaciam applicari, videtur divinæ bonitati ponere modum & leges miserendi, suæque passionis meritum, ubi & quibus voluerit applicandi, cum verisimile sit multos esse casus in quibus Dei bonitate plenissimam peccatorum remissionem consequamur. Dimissa sunt peccatrici femina peccata multa, quoniam dilexit multum, *cui autem minus dimittitur minus diligit*. Et indubitatum est martyrio plenissimam indulgentiam conferri, ad quam etiam digna poenitentia, quamquam per partes & gradatim est pervenire. Certè nostrum non est dicere Deo, quid ipsum facere deceat, vel non. Potest autem locus ille restitui, mutatione unius vel alterius voculæ, & sic poni: *non tamen illa nisi*



*semel, ut semel tantum in cruce oblata fuit ab ipso, secundum plenissimam efficaciam per Sacramenta applicatur, idque in baptismo &c.* Verum quòd postea allegatur locus ad Hebr. 9. Christus per proprium sanguinem introivit semel in sancta, æternâ redemptione inventâ. Et ad Hebr. 10. unicâ oblatione consummavit in æternum sanctificatos, ad probandum quòd semel tantum & id in baptismo sacrificium secundum plenam efficaciam nobis applicetur, non videtur ex istis locis effici posse, neque item sufficienter & clarè ostendetur quomodò loci illi, qui de unico Christi sacrificio loquuntur, non tollant neque eripiant nobis sacrificium Christi quotidianum, quin potius injiciunt scrupulum, quem sanè aliter quàm hic fiat, nempe solâ pronuntiatione, & non etiam, per scripturarum collationem tollere oportet, alioqui hærebit in mentibus hominum qui dicent, si unicâ oblatione consummavit ille sanctificatos, in æternum, quid iterum sacrificamus? cui quidem difficultati, & aliis quæ hic prætereuntur, leguntur tamen apud Apostolum, non succurritur distinctione hostiæ inter cruentam & incruentam, de quibus ita hic differitur, ac si sint hostiæ duæ, quarum altera in baptismo, altera in sacramento applicetur. Cum tamen unica omninò & eadem sit hostia, quæ nunc cruenta, nunc incruenta dicitur, ut rectè habet doctrina in calce hujus articuli. Dicitur autem cruenta propterea quòd aliquando sic pendit in cruce. Incruenta verò quòd non amplius in eâ formâ sit, nam desit esse cruenta, semel enim Christus introivit in sancta per sanguinem, quomodò non amplius intrat, & semel inortuus est, nec amplius moritur, & cum ipse sit hostia illa viva & sempiterna, manet in ipso incruento Christo, quidquid in eo cruento erat, proinde ut hoc tempore altari applicetur cruentus, alteri incruentus, & fingantur duæ esse hostiæ, una cruenta major, altera incruenta minor, prorsus displicet. Melius & absque omni reprehensione diceretur, totam sacrificii sive cruenti, sive incruenti efficaciam & vim applicari in baptismo ubi Christo commorimur, non autem totam in Eucharistico sacrificio, ut sacrificii gratiâ distinguatur, non ipsa hostia, gratia enim sacrificii non datur omnibus eadem, cujus ipse Pontifex Christus est dispensator, etiam si hostia detur atque applicetur.

Tertius hujus Capitis articulus qui incipit, *tantum autem abest &c.* eadem difficultate laborat. Initio enim quòd dicitur, *tantum autem abest ut incruentum hoc Eucharistiæ sacrificium, illi cruento crucis vel repugnet, vel quidquam derogat, ut efficacia expiandi, ab eo mutuatâ cum ipsius sine maxime consentiat. Unumque enim asserimus à Christo Domino offerri &c.* quæ sic ponuntur, quasi diversæ sint hostiæ, & Eucharistiâ non illam cruentam, quæ pendit in cruce contineat, sed mutuet sibi ab eo efficaciam quæ certè valdè absurda sunt, cum nulla sit in Eucharistiâ hostia alia, quàm illa quæ pendit in cruce. Ut jam antea diximus, quàm verè enim idem est Christus qui tunc pendebat in cruce cruentus, & nunc sedet ad dexteram Patris incruentus, gloriosus, atque exaltatus, tam verè eadem est hostia quæ nunc offertur incruenta in Eucharistiâ & tunc pendebat cruenta in cruce; nunc autem amplius non est cruenta, proinde displicet hæc loquendi forma, quæ res una in duas distinguitur, ubi in duos modos, non autem in res duas poterat dividi. Ubi dicitur in doctrinâ. *Utrumque sacrificium asserimus à Christo offerri*, dici poterat idem sacrificium utroque modo, & cruento & incruento asserimus à Christo offerri. Poterit igitur scrupulus iste tolli, si paucis mutatis, ita in doctrinâ legatur. Tantum autem abest, ut incruentum hoc Eucharistiæ sacrificium, illi cruento crucis, vel repugnet, vel beneficio ejus ut adversari

volunt, quidquam derogat, ut etiam ipsissimum illud crucis sacrificium in se contineat, quamquàm non in eâ formâ, & ne nunc quidem cum idem sit Christus, & in coelis advocatus noster in eâ sedet formâ, quâ pendit in cruce. Et incruenta ista hostia vim & efficaciam eandem habet, quam ipsa cruenta habebat in cruce, percipimus autem de efficaciâ ejus sive in hoc Eucharistico, sive in aliis Sacramentis, quantum ejus dispensator summus ille Pontifex Christus, qui eam Patri offert, nobis impartit seu applicat. Nec verò maxima illa &c. quæ sententia etiam iis consonat quæ in sequentibus per totam de hoc sacrificio doctrinam traduntur, eo tantum excepto, quod paulò infra de efficaciâ, quam alterum ab altero mutuari dicitur. Sed de hoc jam satis diximus.

#### DE CAPITE TERTIO.

**A**rticulus primus qui incipit, *quantus & quam varius* &c. omnibus numeris videtur esse perscūs & perplacet. Tantum ubi dicitur, in quâ idem illud sacrificium offertur, quod à Domino in cenâ fuit immolatum, appositum vellemus, & consummatum in cruce, ut intelligeretur idem esse sacrificium, quoniammodum infra hoc in eodem articulo dicitur, in Eucharistiâ contineri eum sanguinem, qui in cruce effusus est. Et post, articulo tertio dicitur, eadem est hæc hostia cum illâ quæ in cruce oblata fuit.

Articulus secundus, qui incipit, *illud quoque Sancta Synodus* &c. similiter Articulus tertius, qui incipit, *modus porro* &c. perplacuit salvo tamen aliorum judicio meliori, cui libenter accedemus.

#### DE CAPITE QUARTO.

**Q**uæ hic dicuntur de ceremoniis, sive in genere, sive in specie. Item de canone & linguâ quâ in sacrificando uti conveniat, probantur nobis, donec audiamus aliorum sententiam meliorem, nemini enim volumus à nobis præjudicatum.

*Hæc in præfens de Sacrificio.*

*Item de doctrinâ confertâ pro Sacramento Ordinis, quam brevissimè dicemus, ut etiam aliis relinquamus locum.*

#### DE PRIMO CAPITE.

**A**rticulus primus qui incipit, *illud antè omnia* &c. hic articulus non videtur nobis aliquid continere incommodi, nisi quod hic statim à principio dicitur non solâ revelatione constare, quod Sacramentum Ordinis sit necessarium &c. sed nusquàm de hac revelatione quod quidem nobis veniat in mentem, legitur. Indicetur igitur Scripturæ locus, qui revelationem illam probet, aut vox illa, non solâ revelatione, tollatur. Sacramenta enim non innuntur quibuslibet revelationibus, aut instinctui naturæ, cujus caput excedunt, sed institutioni divinæ. Præterea dicitur hic, *in quo sub sensibili impositionis manuum signo* &c. quasi impositio manuum esset proprium hujus Sacramenti signum, quod & infra innuitur. Cum constet autem Sacramentum ordinationis gradu septuplici, & ordinationes minores, non ad ipsum Sacramentum, sed ipsius Sacramenti sint gradus, sicut Canones Conc. 4. Carthag. de uno quoque dicunt, ostiarius cum ordinatur, lector cum ordinatur, exorcista cum ordinatur &c. & ex iisdem ordinationibus præscriptum sit, subdiaconum & alios inferiores quando ordinantur, manûs impositionem

impositionem non accipere, expendendum videtur, utrùm pro signo hujus Sacramenti, ut ordinationem omnium ordinum comprehendit, impositio manuum propriè assignetur. Apparet enim huic Sacramento signum generalius quòd omnibus gradibus, ne à Sacramento ratione excludantur, competat, tribuendum. Quòd sine dubio est, missio seu vocatio visibilis ad certum ministerium formâ verborum ordinationis expressum, ut apertè satis colligitur ex Ambrosio in c. 4. *ad Epbes.* cum inquit, rectores & cætera officia in Ecclesiis sint ordinata, ut nullus de clero auderet, qui ordinatus non esset, præsumere officium, quod sciret non sibi creditum vel concessum. Cui astipulatur, Innoc. III. in c. *cum ex injuncto, de heret.* Cæterum singuli ordines, seu gradus hujus Sacramenti sua propria & singularia signa habent, ut traditur in memorato Concil. Carthag. 4. & Pontificalis, & sacerdotii quidem ordo, illustribus quibusdam signis datur. Ut sunt post manuum unctionem, & patenæ cum pane & vino mixto traditio, sub certâ verborum formâ, & impositio manuum cum insufflatione per verba, *accipite Spiritum Sanctum, quorum remisistis &c.*

Articulus secundus qui incipit, *Quamobrem Dominus &c.* Hic innui videtur potestatem ordinis sacerdotalis, continere tantum facultatem duo Sacramenta administrandi. Nobis verò sæculis apparet, ut infra dicemus; præterea hic dicitur sacerdotibus conferri potestatem & Spiritum Sanctum per quem habiliores ad peragendum opus divinum redderentur, quasi etiam aliàs sint habiles idcirco pro (habiliores) poni habiles redderentur. Deinde inter alia dicitur Apostolos elegisse septem Diaconos, potius ut munus spiritale exequerentur & dispenserent calicem Domini fidelibus, quam ut fervirent communibus mensis viduarum &c. quòd est contra expressam scripturam. Act. 6. ubi ad hoc dicuntur ab Apostolis, & totâ multitudine discipulorum electi, ut ministrarent mensis; Apostoli verò orationi & prædicationi verbi Dei instarent. Idcirco venit hic locus, juxta scripturam emendandus. Quòd autem Apostolus hortatur Diaconos ut misterium fidei habeant in conscientia purâ, non probat id quod hic dicitur, multa sunt enim misteria fidei, quæ nihil habent cum calice Domini commune, sed hoc tam est clarum ut non requirat ulteriorem discussionem, quin etiam eodem loco vocationem Diaconorum expressis verbis Apostolus describit, probentur inquit primum & sic ministrent, nullum crimen habentes, quòd extrâ controversiam omnium Patrum sententia de ministerio mensæ dicitur. Idcirco volunt eos non multo vino deditos esse, aut turpe lucrum sectari, Hieronimi de hoc sententiam est videre in Epistolâ ad Evagrium. Ubi Diaconorum elationem reprehendens, sic inquit, quid patitur mensarum & viduarum minister ut super eos tumidus se efferat ad quorum preces Christi corpus & sanguis conficitur. Et post aliquanta, sciant Diaconi quare constituti sunt, legant acta Apostolorum, & recorderentur conditionis suæ &c. Interim tamen verum est, eos fuisse etiam sacerdotum præcipuos ad altare ministros.

Articulus tertius. *Jam verò ad banc manuum impositionem &c.* Hic disertis verbis dicitur, ordinem inter Ecclesiæ Sacramenta jure optimo annumerari, quòd sit nimirum efficax sacræ rei signum, & invisibilis gratiæ visibilis forma &c. si propriè loquamur omnium Theologorum sententia. Ordo potestas quædam est Ecclesiastica quæ per ordinis Sacramentum confertur, nempe per ipsam ordinationem; Oportet autem doctrinam quæ à Concilio

Eccc

traditur minimè ambiguum esse, idcirco arbitramur ità dicendum, ordinationem, seu Ordinis Sacramentum inter Ecclesiæ Sacramenta, jure optimo annumerari &c. Ipse enim Ordo effectus est Sacramenti, non Sacramentum, nec signum est ullius gratiæ, sed est ipsa gratia gratis in sacramento data, videlicet spiritalis potestas. Paulò post sequitur, quod variæ Ecclesiæ functiones per gradus distinctæ, multos diversæ potestatis ministros postulent; ubi malimus, expunctis his vocibus *multos diversæ potestatis* legi, sui ordinis ministros, ubi populosus est locus postulent.

Subditur deindè, *dubitari non debet, quin graduum omnium novi Testamenti & Sacramenti per quod ordines ipsi conferuntur, Christus Dominus auctor atque institutor fuerit.* Expendendum putamus hunc locum; utrum consonet sacris Canonibus & Patrum sententiis, Christum instituisse omnes gradus novi Testamenti & Sacramenti, per quod gradus ipsi conferuntur. Certè Cyprianus sic ait. Meminisse autem diaconi debent, quoniam Apostolos, id est Episcopos & præbiteros Dominus elegit: Diaconos autem post ascensionem Domini in cœlum, Apostoli sibi constituerunt, Episcopatus sui & Ecclesiæ ministros. Et 21. *distinct. in summâ §. banc ergò formam*, dicitur, hanc eandem formam Apostoli secuti in singulis civitatibus Episcopos & præbiteros ordinarunt. Levitas autem ab Apostolis ordinatos legimus, quoniam maximus fuit Beatus Stephanus. Subdiaconos & Acolytos procedente tempore Ecclesia sibi constituit. Hactenùs Gratianus. Quamvis tamen eatenus rectè dicatur, Christum omnes ordines instituisse, quatenus omnes sacerdotio insunt, ut Ambrosius ait, quòd Christus instituit. Cùm igitur ordinantur inferiores, vocantur per Episcopum in partem ministerii à Christo instituti distributione quâdam spiritalis potestatis, cujus plenitudo est in Episcopo. Sic & illud expendendum putamus, utrum omnes ordines etiam minores ad Eucharistiæ consecrationem, tanquam ad unum finem (sicut hic dicitur) referantur. Præsertim propter ordinem lectorum & Exorcistarum. Lector enim ordinatur, ut sit lector verbi Dei habiturus partem cum eis qui verbum Dei ministraverunt. Exorcista verò ad imponendum manum super energumenum, sive baptismum, sive catechumenum. Ut habetur in Concilio Carthag. 4.

Articulus quartus incipit, *statuit præterea Sancta Synodus &c.* totus placeat & probatur, illo excepto quòd hic dicitur *statuit*, Ecclesia enim non habet potestatem statuendi, ut Sacramentum Ordinis conferat caracterem, sed potest declarare. Itaque pro verbo, *statuit*, ponatur verbum *declarat*, vel *docet*, vel simile.

## DE CAPITE II.

Articulus primus incipit, *quia multi &c.* Hic articulus sacerdotii duas tantum ponit functiones, cùm tamen & Evangelii prædicatio, & baptisandi, Sacramentaque administrandi munus propriè ad hunc ordinem pertineant, sicut magno consensu Patres omnes testantur, & liquet ex Evangelis ubi dicitur, *Ite prædicate Evangelium omni creature, baptisantes eos &c.* Sic misit Christus & septuaginta duos discipulos qui prædicarent, in quorum locum utique successerunt sacerdotes, quin immò nihil æquè ab eis exigitur Act. 6. *non est æquum nos relinquere verbum Dei &c.* Item Apostolus, *ut mihi si non evangelisavero*; quòd verò postea in articulo sequenti citatur, Apostolus, quasi is munus sacerdotale præcipuè constituat in offerendis sacrificiis, perperam citatur. Nam Apostolus ibi loquitur de sacerdotibus legalibus, non de sacerdotio

Novi Testamenti, quòd longè plures habet functiones, & præstantiores. Sed clara sunt hæc, nec requirunt longam probationem. Istud tamen interim addimus, ut sicut non potest, nec debet sacerdos absque jurisdictione seu legitima vocatione absolvere, vel ligare, ita nec prædicare debet absolute ordinatus, nisi vocatus, videlicet ne falcem suam mittat in messem alienam. Proinde non probatur nobis quod hic dicitur, ad ordinem præbiteratus per se non spectare prædicationem verbi, sed eam esse tantum jurisdictionis, posseque illam & non ordinatis conferri. De quo videatur Divus Ambrosius in c. 4. ad Ephes. & Epiphan. in multis locis. Quod deinde ad probandum sacerdotes ungi debere, sumitur argumentum ex nomine Christi & Christiani, quæ ab unctione deducta sunt, infirma sanè sunt argumenta, & non probant solos ungendos sacerdotes. Multum decedit ab autoritate Sacri Concilii, si tam infirmis rationibus innitur, & velit causam suam agere. Præbiterat istis expunctis quæ nihil profectò ad rem conferunt, solis inniti traditionibus Apostolicis, quæ hac de re habentur, certissimæ. B. Cyprianus in sermone de unctione chrismatis ait; non tamen cessantibus his quæ ritu antiquo inoleverant unctionis misterium, Christiana religio contempsit, sed cæteris Generali Sanctorum consensu damnatis, in Regibus & Sacerdotibus unctionis honor permanfit. Porro quod statim sequitur, nequè movere debet, quod Christus Rex & Sacerdos sit, nec tamen aut Reges, aut Judices, aut externos Doctores tollit, ita nec Sacerdotes abrogare cogitandum est, veremur ne adversarii irideant, aptius forsàn diceretur, non enim propter Reges sustulit, aut nullum in sua lege voluit esse sacerdotium, sed novum & quidem veteri illo longè præstantius instituit.

### DE CAPITE III.

**A**rticulus primus incipiens, *cum in hoc visibili mundo &c.* Ecclesiasticæ hierarchiæ institutionem probat esse à Deo, hic nihil est quod non mereatur nostros calculos, tantum vitio scriptoris in loco ex Apostolo allegato, pro verbis ad consummationem Sanctorum, ponitur ad confirmationem Sanctorum, quod facillè potest emendari.

Articulus secundus incipit, *Sancta autem Synodus.* In hoc articulo etsi non nihil desideremus, quò doctrina pro Concilii autoritate perfectior exiret, & ordo hierarchicus per omnes gradus suos & officia explicaretur, pro Ecclesiæ cum ornatu, tum communionem & nexu ordinatissimo, tamen volumus hac de re potiùs aliorum expectare & audire sententias. Interim tamen hoc duximus prætereundum non esse, quod ubi hic dicitur, cujus dispensatione sic reliquis omnibus membris officia distribuuntur; eo loco propter adversariorum virulentissimas suggestiones & calumnias quas huic ad plebem, studio sedem illam omnibus injustam reddendi detonabant, sic poni malumus, cujus universalis sollicitudine & autoritate, quam in Ecclesiâ ut Christi vicarius obtinet summam, omnes ordines in officio retinentur, ut suis quique in ordinibus & stationibus collocati munera, &c. ut in doctrinâ norunt qui adversariorum scripta legerunt. *Quo pacto, c. in Novo Testamento 21. dist.* qui est Anacleti Pontificis. Et tractat. B. Cypri. de simplicitate Prælatorum ad elevandam huius Sanctæ Sedis autoritatem exaggerent, ubi aliàs neque B. Anacletum, neque B. Cyprianum magni pendunt.

Articulus 3. incipit, *docet deinde.* Hic nihil offendimus, quod non probetur nobis, donec audiamus aliorum sententias, nisi quod loco verborum, *(declarat autem essi nomina, præbiteri & Episcopi nonnunquam in primitivâ*

*Ecclesiâ temporibus præsertim Apostolorum confunderentur, quod pauci tunc Sacerdotes fierent, qui non statim tunc in Episcopos eligerentur & consecrarentur, functiones tamen Episcopatus & Sacerdotii distinctas semper & dissimiles fuisse &c.*) ob non leves quasdam causas poni velimus; declarat autem etſi nomina præbiteri & Episcopi nonnunquam apud Apostolum indifferenter accipiantur, semper tamen quasdam eminentes functiones, non præbiteris, sed solis competiſſe Episcopis, in quibus, ut Ambrosius inquit, omnes ordines sunt, & sacerdotii plenitudo, ad solos enim Episcopos &c. ut in doctrinâ.

Paulò infrâ cogitandum an rectè dicatur, *nunquam ad simplices Sacerdotes &c.* Cum Ambrosius testetur Sacerdotes apud Ægyptum consignare infantes, si præſens non sit Episcopus. Et B. Gregorius idem præbiteris suo seculo permisit. *in c. penituit dist. 95.*

Articulus ultimus qui incipit, *postremò insigniter &c.* videtur nobis circumspectè ponendus, ne Patres videantur secis de hac re diffinire quam olim in multis Canonibus constitutum est, qui habetur 24. & 63. *dist.* inter quos unus incipit, *ne quis invitis & non petentibus detur,* & nullam rationem sinere ut inter Episcopos habeantur, qui nec à Clericis sunt electi, nec à plebibus expetiti, videatur de hoc & B. Cyr. *Epist. 4. lib. 1.* ubi inter alia inquit, ordinationes sacerdotales non nisi sub populi assistentis conscientia fieri oportere, ut plebe præſente detegantur malorum crimina, vel bonorum merita prædicentur, undè & allocutio Episcopi ad populum de ordinando præbitero sic habet, nec frustra à Patribus reminiscimur institutum ut de electione eorum, qui ad regimen altaris adhibendi sunt, consulatur & populus &c.

Quæ sint in doctrinam de Sacrificio Missæ compositam, pro nostro suffragio dicta, salvo tamen aliorum iudicio meliori.

## PRÆFATIO.

*Doctrina Theologorum, proponenda Patribus, circa Sacrificium Missæ & Ordinationem in futurâ Sessione.*

**E**Xposcebat instituta à Sanctâ Synodo de Sacramentis omnibus tractandi ratio, ut post explicatam eorum Sacramentorum doctrinam, quæ ad omnes homines ex æquo pertinent, de Ordinationis Sacramento ageretur, quo illi soli initiari solent, qui sunt aliorum Sacramentorum administrationi præficiendi. Verùm quoniam Sanctissimum Missæ Sacrificium tum arctè est cum hoc Sacramento copulatum, ut ad illud omnes ordines spectare ejusque gratiæ præcipuè instituti videantur, visum fuit Sanctæ Synodo nihil de eo tunc statuere cum de Sacræ Eucharistiæ Sacramento tractabatur, sed ejus potius diligentem excussionem in hoc tempus reservare, cum omnia quæ ad ipsius explicationem atinent, commodissimè poterunt, unâ cum sacerdotii doctrinâ tradi: quemadmodum enim sacerdotium & sacrificium mutuo sibi respondent, sic eorum etiam tractatio & decisio, ita inter se conjunctæ & alligatæ sunt, ut alteræ ab alteris exactè & dilucidè nequeant declarari. Quibus summâ cum diligentia per hanc Sanctam Synodum discussis jam & constitutis, hæc nunc primum de venerando & tremendo Missæ sacrificio doctrina fidelibus omnibus tenenda profitendaque proponit.

## CAPUT

## CAPUT I.

*In Missâ verum & proprium esse Sacrificium à Christo  
Domino institutum.*

UT semper in Ecclesiâ Dei creditum est per veteris legis abrogationem, factum non fuisse, ut Christiani omni lege carerent, sed ut sub novâ potiùs & longè præstantiore lege viverent, qualem novum & tantò excellentiùs testamentum postulabat. Ita Sancta Synodus multis Scripturarum testimoniis adducta & constante veterum Patrum traditione confirmata, ac divino Spiritûs Sancti magisterio instructa. Nunquam in ipsâ dubitandum fuisse declarat, novum sacerdotium, Christianis simul cum novâ lege suscepisse, nec veterum sacrificiorum abolitionem omnem illis sacrificandi rationem sustulisse: quin imò novum & plane divinum sacrificium Christianis sacerdotibus esse relictum, quod ipsi non tantùm in gratiarum actionem, sed pro peccatis etiam quotidie offerant. Missam igitur veri & proprii sacrificii habere rationem, illud in primis Dei Patris iusjurandum ostendit, tu es *Sacerdos in æternum secundum ordinem Melchisedech*. Hujus etiam sacerdotii munere tunc Christus Dominus sanctus est, cum se suo Patri sub sensibilibus panis & vini signis, in ultimâ cœnâ obtulit, & per sacerdotes qui ejus ministerio funguntur, usque ad judicium offerre non cessat, sicut ipse Melchisedech, panem & vinum in sacrificium Deo obtulerat. Confirmat deinde oblatio illa munda, quam Dominus per Malachiam priori populo & ejus munere reprobato, suo nomini in omni loco sacrificandam & offerendam prædixit, quod nomen suum magnum futurum esset in gentibus, nam ad eò sanè munda illa est, ut inquinari malitiâ offerentium nequeat, offertur enim per eam, is qui mentes hominum ab omni peccatorum pollutione mundare potest, tam assiduè etiam illa in omni loco quàm latè vera Christi redemptoris nostri fides extenditur, per Christianos sacerdotes offertur, ut meritò à Daniele iuge sacrificium sit appellata. Paulus quoque ad Corinthios scribens. Videte, ait, Israel secundum carnem: nonne qui edunt hostias participes sunt altaris? quid ergò dico quod idolis immolatum sit aliquid? aut quod idolum sit aliquid? sed quod quæ immolant gentes, immolant dæmoniis & non Deo, nolo autem vos socios fieri dæmoniorum. Non potestis calicem Domini bibere & calicem dæmoniorum. Non potestis mensæ Domini participes esse, & mensæ dæmoniorum. Quibus verbis dum manifestè connumerat inter victimas Israelis & immolatas dæmoniis, Eucharistiam colligitur illam esse sacrificium, ergà quod, ea semper veterum Patrum pietas & religio fuit, ut certatim præclaris & magnificentissimis elogiis augustissimam ejus dignitatem commendarent, & suam ergà ipsum reverentiam & devotionem declararent. Itaque appellatum id invenimus. sacrificium verum, incruentum, purum, summum, plenum, vivificum, singulare, rursus salutarem hostiam, holocaustum semper permanens, sacrificium sacro-sanctum, omnes excedens victimas, afferens honorem, tremenda mysteria, aliis denique hujus generis nominibus honorificentissimis.

Ad hæc cum constet rem externam mysticâ sacerdotis operatione consecratam ac Deo oblatam, sacrificium esse propriè dictum, nihil causæ dici potest quin Eucharistia, quàm sacerdotes Christi sacrâ benedictione, quæ

Ffff

verbis fir, quibus Catholica Ecclesia utitur, tanquam formâ Sacramenti, conficiunt, atque Deo offerunt, verum ac proprium sacrificium dici debeat.

Instituit autem Christus Dominus pro suâ divinâ sapienciâ hoc mirabile sacrificium, cum in novissimâ cenâ verus ipse secundum ordinem Melchisedech, sacerdos, panem & vinum in suum corpus & sanguinem convertens, æterno suo Patri, sub panis vinique speciebus obtulit, suisque se discipulis sub eorumdem rerum symbolis communicavit, præcipiens illis, hoc facite in meam commemorationem; quibus verbis Ecclesia Sancta Dei præceptum esse sacerdotibus intellexit, ut sacrificium in Christi memoriam offerrent. Proinde in sacro Canone Missæ, eos dicere voluit; undè & memores nos Domine servi tui offerimus præclaræ majestati tuæ, hostiam puram &c. Eo autem tempore cum novum ipse Dominus sacerdotium suis Apostolis contulit, tum partes illas quæ ad perfectum & consummatum Missæ sacrificium pertinent, consecrationem videlicet, oblationem & communionem instituit, quemadmodum veteres Ecclesiæ Patres magno consensu tradunt: Nam quòd nonnullos movere solet, Eucharistiam donum Dei esse, sumique solere, commemorationem denique & signum existere salutaris illius sacrificii, quod semel à Christo Domino in cruce peractum est, veram sacrificii rationem, Eucharistiæ non ademit. Constat enim etiam illum Judæorum immolaticium agnum donum fuisse Dei, edique solitum, ipsumque à Judæis in memoriam exitus ab Ægypto immolari consuevisse. Nec verò quòd sanguis in Missâ consecratus testamentum à Domino vocetur, idèò minus ad sacrificium pertinet. Ob id enim sanguinem suum Dominus testamentum vocat, quòd per eum novum testamentum confirmetur, quemadmodum sanguine animalium vetus olim confirmabatur. Ex his quæ dicta sunt perspicuum evadit, Christum Dominum Missæ sacrificium instituisse, idque primum omnium in novissimâ cenâ eum celebrasse, quod per Apostolos postea sanctosque Dei ministros continuè in Ecclesiâ Deo oblatum exitit. Quare vehementer hallucinantur, qui eam opus bonum esse negant, cum Missæ opus, Christi ipsius sit, ut præcipuè sacrificantis, non autem hominis, nisi ut ministerium exhibentis, qui dum dignè & in charitate sacrificat, opus proculdubiò meritorium & Deo gratum exercet.

## CAPUT II.

### *De necessitate sacrificii Missæ, & ejus cum crucis sacrificio convenientiâ.*

ET si nunquam in Christi Ecclesiâ sit dubitatum, quin vis æternæ purgationis, unicæ illi cruentæ crucis hostiæ adfuerit, per quam solam aditus ad salutem & reconciliationem nobis patet. Quia tamen duplex ratio, divinâ lege est hominibus demonstrata, querendi per externum cultum, fructum & applicationem illius hostiæ in Sacramenti videlicet, quæ solis suscipientibus profunt, & in sacrificiis quæ non offerentibus modò, sed aliis etiam atque adeò toti Ecclesiæ utilia sunt. Idcirco semper etiam in ipsâ Ecclesiâ creditum est, conveniens & necessarium fuisse, mundum hoc & salutare sacrificium Eucharistiæ in Christo Domino nobis esse relictum, ut per id meritum passionis ejus non ad unum & alterum tantum hominem, sed ad universam etiam Ecclesiam posse applicari. Nec decessisset sanè legem novam quæ omnibus perfectionis numeris est absoluta, caruisse omni extremo & visibili sacrificio, quo Christiani homines Dei opem & gratiam in suis rebus omnibus implorare, & uti illud



maximum reconciliationis nostræ remedium quod in Christi morte omnibus fuit expositum, sibi & aliis applicet, possent impetrare. Igitur ut olim Patres antè Christi adventum sacrificia habuerunt, quibus spem in suis animis excitabant futuri illius magni sacrificii, quod aliquando per ipsum mundi servatorem erat offerendum, & fiducia in eo per fidem defixa, admirabili quâdam anticipatione ejus in se fructum, antequam offerretur, transferebant. Ita Sancta Synodus docet hanc omnium Sanctorum Patrum fidem fuisse, Christianos sacrificium in Missâ habere, longè quidem illud efficacius & sublimius omnibus antiquis hostiis, atque ejusmodi quod expectationem futuri Christi sacrificii nequaquam affert, sed memoriam renovat jam peracti, nec illud figura tantum quemadmodum vetera, sed rem ipsam in se comprehendit. Eandem etenim corporis & sanguinis Christi hostiam in Missâ offerri, quæ fuit in cruce immolata, eundem agnum non alium & unum ubique Christum sacrificari, unum etiam eundemque præcipuè utrobique esse Pontificem, qui simul hostia, simul sacerdos est. Nam Christianos Sacerdotes ministros dumtaxat Christi esse, atque ipsius cum Eucharistiam conficiunt & offerunt personam sustinere. Discrimen autem in variâ tantum ratione offerendi constitutum esse. Quòd nimirum in cruce seipsum Christus absque ullius hominis ministerio, secundum corporalem existendi rationem morte intercedente semel immolaverit, in Missâ autem, quotidie sacerdotum ministerio secundum existentiam sacramentalem in commemorationem mortis se offerat. Quare etsi verissimum est, quod Apostolus ait, Christum Dominum unâ oblatione, cruentâ videlicet consummasse in sempiternum sanctificatos, oportuit nihilominus eandem oblationem jugiter in Ecclesiâ incruento modo offerri, ut nos recolentes quotidie in hac incruentâ oblatione illius cruenti memoriam, & gratias agentes pro beneficiis, quæ per eam redemptor noster universis hominibus promeruit atque contulit, ea ipsa beneficia cum nobis, tum aliis applicentur & conferantur, neque enim illa maxima dona quæ nobis quotidie Deus per hoc sanctissimum sacrificium confert, quidquam aliud sunt quàm præmium & fructus quos Redemptor noster ex illâ summâ obedientiâ nunc percipit, quam Patri mortem pro nobis subiens exhibuit. Sic enim Paulus ait eum cum filius Dei esset didicisse obedientiam & consummatum factum esse omnibus obtemperantibus sibi causam salutis æternæ, appellatum à Deo Pontificem juxta ordinem Melchisedech. Atque hinc profectò ratio sumitur quæ necessitatem & commodum sanctissimi Missæ sacrificii vehementer commendat, quòd videlicet per id ipse Redemptor noster se sacerdotem esse secundum ordinem Melchisedech perspicuè omnibus patefaciat, dum quotidie sacerdotii hujus munus, per Ecclesiæ sacerdotes gerit, qui tametsi multi sint & infirmitate circumdati, in eo tamen sacerdotes veteris legis superant longè, quòd sub uno & immortalis sacerdote constituti, eandem semper hostiam offerunt, eandemque omnes litant propitiationem. Quorum oblationibus qui maximum tribuunt honorem, tantum quidem abest ut excellentiam & dignitatem mortis Christi imminuant, ut nullâ aliâ ratione extollere illam magis ac commendare possent. Nam ut orationes nostræ, Christi interpellationi per quam sanctificantur & valent, nihil detrahunt, nec martyrum holocausta ejus passioni derogant, à quâ dignitatem suam & meritum accipiunt. Ita haud dubiè Missæ oblario, vim & excellentiam passionis Christi non obscurat, sed magis ac magis illustrat: quare gravissimè profectò peccant qui per eam blasphemiam Missæ sanctissimo sacrificio derogari calumniantur, atque hi scelestum planè & nefarium admittunt facinus,

dum in summam Dei benignitatem tam impiè ingrati sunt, ut se ac reliquos homines tanto ipsius beneficio privare velint.

### CAPUT III.

#### *De fructibus sanctissimi Missæ sacrificii & ejus applicatione.*

Quantus & quam varius ex venerando hoc Missæ sacrificio in Christianos fructus redundet, illi demùm rectè noverunt, qui commoda omnia, quæ universis legis sacrificiis parabantur, diligenter enumerantes, ea viderunt in hoc uno & singulari sacrificio, cujus illa umbræ fuerunt copiosius & abundantius, quàm in illis omnibus esse comprehensa. Et certè qui omnia sacrificia considerare velit, quibus olim populus Dei utebatur; hos præcipuos institutionis eorum fines extitisse comperiet, susceptorum beneficiorum memoriam renovare, ac spem futurorum significando erigere, quæ duo ab Agno paschali imprimis efficiebantur, maximum Dei supra res omnes imperium commendare, hominesque cum optimo & supremo suo Domino, commercio aliquo & consuetudine copulare, fœdera Dei confirmare, & promissionum ejus fide altè in mentibus impressâ eos ad summas ipsius laudes excitare, ut holocausto fieri solebat, largitori bonorum omnium gratias agere, operumque ejus & auxilium in futurum tempus implorare, hac tantùm hostia pacifica spectabat admisorum delictorum ac scelerum remissionem ex fide & devotione offerentium impetrare. Quod per ea præsertim sacrificia præstabatur, quæ pro peccatis nominatim erant instituta. Denique animos hominum sanctis actionibus & meditationibus occupare, & ne pravis ullis desideriis serviant (quod omnium sacrificiorum munus erat) inhibere. Hæc autem omnia beneficia, etsi quæ alia magna & salutaria fuerunt quæ ex quibuscvis, ullo unquam tempore sacrificiis perciperentur, declarat Sancta Synodus uberimâ & præstantissimâ quadam ratione per unicum Missæ sanctissimum sacrificium Christianis nunc præstari. Nam illud primum quidem nemo nescit memoriam beneficii redemptionis nostræ, & immensæ illius charitatis, quam Pater æternus in nos servos suos, cum adhuc inimici essemus, ostendit, gratissimâ commemoratione in Missâ celebrari, dum ob oculos nobis, divino hoc misterio redemptoris nostri, mors tanquàm in imagine proponitur. Negari etiam non potest, vehementer per ipsam futuri æterni convivii spem in illis confirmari, qui panem sibi in eâ Angelorum proponi intelligunt. Dominium verò Dei in nos & summam ejus providentiam, quâ nam re profiteri evidentius potuissimus, quam credendo nos mortè filii ejus vivificatos, per eundem in hoc sacrificio viventem sustentari. Commertium autem non esse aliud majus hominibus cum Deo potest, quàm ut per hanc divinissimam hostiam quam Patri ut nostram offerimus, nobiscum præsens sit omnibus diebus usque ad consummationem sæculi, ut potiori nunc jure dicere nos quàm Judæi olim, possimus. Non est alia natio tam grandis, quæ habeat Deos appropinquantés sibi, sicut Deus noster adest cunctis obsecrationibus nostris. Constat porro fœdera non veteris, sed novi testamenti, nec temporalis, sed æternæ hereditatis sacrâ hac oblatione, tanquam attractione confirmari. Neque enim si nos Deus aliquandò perdere voluisset, tale nobis unquam sacrificium dedisset, aut de nostris manibus accepisset. Cum maximum etiam fidei misterium sit Eucharistia, rectè religiose creditum, aliorum

aliorum misteriorum fidem vehementer corroborat, & maximum in nobis charitatis & devotionis ardorem excitat, ut hoc sacrificium tanquam verum holocaustum Deo offerre possimus. Jam verò ut commodior nulla ratio inveniri potuit ad agendas Deo gratias pro summo redemptionis nostræ misterio, quàm si Patri filium suum unigenitum in quo complacitum est ei, & sanguinem ab eo effusum pro nobis offerremus, dicentes cum Propheta, *quid retribuam Domino pro omnibus que retribuit mihi? calicem salutaris accipiam & nomen Domini invocabo*, ita nullâ planè rectiore viâ, uti possumus ad exposcenda & impetranda quævis ab ipso dona, quàm hac per quam majores hostri, non gratiam tantum & vitam æternam, sed quæcumque præterea vel animis, vel corporibus usui essent, modò spiritui deferrent postulabant, nulla etenim dona à Patre luminum, in Christi fideles descendunt, quæ non etiam ab eo per hostiam hujus salutaris sacrificii impetrari possint: cujus assidua celebratio tam sanctam fidelibus omnibus, non sacerdotibus modò, verum etiam cæteris occupationem, tantamque à vitis distractionem affert, dum eos orationibus, laudibus, & canticis, vel piis meditationibus, aut aliis utilibus vitæ christianæ actionibus, maximo cum spiritus fructû detinet, ut eâ de populo christiano sublata, necessum etiam sit, nutare fidem, claudicare spem, charitatem refrigerare & muta aut clausa ora laudantium Dominum reddi. Cæterum ex omnibus hujus sacre oblationis fructibus, ille est longè maximus, quòd cum Dominum nostrum Jesum Christum contineat, qui est propitiator, propitiatio & propitiatorium & expiatorium sacrificium, iratus Dominus placatur, non solum ut peccata venialia condonet, & pœnas temporales remittat, sed ad tantam nonnunquam misericordiam flectitur, ut ingentibus quoque criminibus propitiatur, cõsuerens hominibus per hoc sacrificium prævenientem gratiam, & auxilia quibus excitentur ut ad Ecclesiæ Sacramenta accedant, in quibus immediata salutis remedia includit, neque enim Catholica Ecclesia unquam docuit, ita hoc sacrificium valere ad mortalium delictorum expiationem, ut bonos morûs mentis, aut Sacramentum excludat pœnitentiæ, sine quo actu, vel voto suscepto, nullum peccatum mortale remittitur.

Cum autem hoc sacrificium Sancta Synodus expiatorium appellat, non hanc vim illi pro solis viventibus tribuit, sed etiam ad mortuos omnes in Christo, qui aliquo pœnarum reatu sunt obstricti, eam extendi docet ex perpetuâ & constantissimâ Ecclesiæ traditione, quæ ab Apostolis erudita, etiam pro mortuis sacrificium hoc offerre consuevit, de cujus tam solemnî more velle dubitare, insolentissimæ prorsus superbiæ est. Nam cum fideles omnes vivi & mortui unum constituent in Christo corpus, sicut aliorum bonorum, ita & hujus sacrificii communionem habent, cujus beneficio æternæ quoque gloriæ citius præmia consequuntur. Hanc verò fructuum participationem, particularis applicatio promouet, quæ per sacerdotem legitimum Christi & Ecclesiæ, in sacrificio offerendo ministrum secundum justitiæ & charitatis regulas, ipsi Deo notas, efficitur. Nam si oratio specialiter applicata ei pro quo funditur, utilis haud dubiè est, etsi sacrificia antiqua certis de causis quibusdam applicabantur, nulla ratio est cur hoc de excellentissimo sacrificio negetur, quod cum omnibus antiquis successerit, omnium illorum virtutem eminenter continet.

## CAPUT IV.

*De ritibus ac caeremoniis, quæ in Missæ celebratione adhibentur.*

Quoniam rudis hominum natura, quæ nihil absque sensuum anticipatione percipit, difficilè contineri in officio, & erudiri in religione, ac ad pietatem & devotionem excitari absque sensibilibus caeremoniis & externis aliis adminiculis potest, noluit Deus Christianam Religionem hoc tanto præsidio esse destitutam. Declarat igitur Sancta Synodus Ecclesiasticas caeremonias, neque scripturarum testimoniis, neque misteriorum ratione carere. Quamquam autem non omnes peculiare ritus & caeremoniæ quæ in Missæ celebratione adhibentur, in scripturis expresse inveniuntur, nullas tamen absque Spiritûs Sancti instinctu in Ecclesiâ introductas fuisse, & tam constanter ac tam religiosè tot sæculis observatas affirmat. Atque illæ quàm sint necessariae populo in officio continendo, ipsi Ecclesiæ hostes declarant, qui postquam veteres & receptas caeremonias rejecerunt, novas excogitare & inducere coacti sunt. Nihil igitur in ritibus hujusmodi vel abrogandum est omnino, vel immutandum. Quare totum Missæ canonem Synodus asserit sanctissimè esse constitutum, nec quidquam continere, quod pietatem & religionem non spiret. Quòd si quæ sortè sint obscuriora loca & quæ explicationis lucem desiderent, qualia per multa in scripturis reperiuntur, consultis orthodoxis Patribus, qui ea suis expositionibus illustrarunt, piè ac catholicè intelligi debent. Ideò nonnisi pernitioso ac pravo consilio abrogari quidam canonem Missæ suadent, vel tanquam erroribus, mendaciis & seductionibus scatentem impiè traducunt, propterea religiosè & sapienter etiam observatur, ut consecrationis verba & maxima pars canonis tacitè & submissâ voce à sacerdote recitentur. Hac enim secreti ratione & majestas hujus ineffabilis misterii rectius servatur & populus excitatur, ut de eo reverentiùs & majori cum devotione cogitet. Lingua enim latina quæ in titulo crucis Domini tanquam quoddam divinum instrumentum est consecrata, misterii Missæ in occidentali Ecclesiâ celebrandis, maximè convenit, quæ cum tot gentes magnâ diversitate sermonis distinctas, & frequentissimè inter se communicantes brevi terræ spatio complectatur, uno hoc profectò sermone qui omnibus communis est, in peragendo hoc communionis sacrificio uti debuit: præsertim cum hac ratione plurimis incommodis obviam eatur, quæ ex tantâ evulgarione & tam variâ translationum in misterii fidei diversitate nasci possent. Quod si quæ intersit, omnibus esse nota (us veteris & novi testamenti lectiones quæ in Missâ recitantur) & per concionatores debent saltè diebus festis populo declarari, quemadmodum in illis omnibus Ecclesiis fit, quarum Pastores officiis suis non defunt.

Quantum autem de vestibus, luminaribus atque aliis externis rebus quæ in Missæ cultum adhibentur, & ad Deum peculiari consecratione per verbum Dei & orationem sanctificantur, moneri homines soleant ut revocent animos à cogitatione rerum prophanarum, & rem ibi sacram ac divinam agi cum reverentiâ cogitent, nemo est qui nesciat. Est enim in his omnibus utilissima & sanctissima significatio, quam qui intelligunt, vehementer excitantur, ut in vero Spiritu Patrem adorent, & illam puritatem ac mentis elevationem quoad ejus fieri possit imitentur, quam redemptor noster in illâ novissimæ suæ cœnæ Missâ habuit: quæ ideò simplicissima fuit, & his externis signis & ornamentis caruit, quoniam nec ullis externis adminiculis quibus excitaretur ille indi-

gebat, nec tempus quoque aut locus ut ea adhiberet, poscebat. Ideò idem Spiritus, qui ad sacrificandum eo modo Christum impulit, Ecclesiam docuit decentes & pias pro temporis ratione Cæremonias addere.

Porrò Missæ in quibus nulli præter sacerdotes celebrantes communicant, immeritò ut privata & illicita traducuntur, nam cum Missa omnis commune sacrificium sit, & à publico ministro celebretur, privata profectò Missa dici non potest, in quâ pro universâ Christi Ecclesiâ sacrificium offertur. Publicæ igitur omnes Missæ sunt, & non absque maximo totius Ecclesiæ, & multorum membrorum ejus fructu ubicumque illæ fiant, frequentantur. Nec profectò excommunicationis ullam faciem habent, cum populus qui hujusmodi sacrificio adstat, à sacerdote salutetur, pacis osculum & benedictionem recipiat, atque etiam communionem si velit accipere possit; Nec verò earum usus à Magno Gregorio primum fuit inductus, sed longè vetustissimus est, ut ex antiquorum Patrum scriptis patere potest, cum crebrius illis temporibus Missæ celebrarentur, quàm fideles in eis communicarent. Nihil est quoque quòd offendere quemquam debeat, in illis Missis quæ pro intercessione aliquorum Sanctorum, in eorum etiam memoriam & honorem particulari ratione celebrantur, cum sit certum nec alii quàm Deo sacrificium in eis offerri, & Sanctorum commemorationem dumtaxat fieri, quia & in illorum gloriam & in Christi fidelium utilitatem, semper in Dei Ecclesiâ creditum est.

Jam verò quoniam controversia de aquâ cum vino in hoc sacrificio miscendâ, jam pridem extincta, his denuò temporibus est excitata. Declarat Sancta Synodus juxta Ecclesiæ Catholicæ fidem & sanctorum Patrum traditionem & consensum aquam vino esse admiscendam, tum quòd ita Christus Dominus fecisse credatur, tum quòd illa fluxum nobis aquæ & sanguinis ex latere Domini nostri in cruce pendentis significet, ac ipsius Domini cum populo suo conjunctionem repræsentet.

## CAPUT I.

*Doctrina de Sacramento Ordinis examinanda per Patres. De necessitate & institutione Sacramenti Ordinis.*

**D**E Sacramento Ordinis illud antè omnia Sancta Synodus docet ordinem adeò necessarium in Christianâ Religione esse, ut institui debuisset, non divinâ tantum revelatione cognoscamus, sed ex ipsâ propemodum naturâ hauriamus. Nam si naturæ lumine, qui religionem aliquam coluerunt, hanc imbuisset persuasionem videntur, ut nefas ducerent, sacras actiones ab aliis tractari, quàm ab iis, qui illis obeundis peculiari aliquo ritu essent dicati, quomodo nos existimabimus Christum Dominum summam Dei sapientiam, nullum in Ecclesiâ suâ Ordinis sacramentum reliquisset, quo initiarentur & à reliquo populo separarentur, qui sacris in eâ misteriis essent præficiendi? præsertim cum sint multa ex illis tam sublimia, ut ad ea exercenda, idoneus nemo esse possit, qui divinam aliquam præ cæteris & supernaturalem potestatem non acceperit. Necessum igitur haud dubiè fuit, sacramentum Ordinis in Ecclesiâ Christianâ existere, in quo sub certis signis ac ritibus, qui ad diversos ordines pro variâ ipsorum ratione essent accommodati, potestas & gratia conferretur, ejusmodi sacra munera ritè & inculpate exequendi. Itaque Dominum qui porrecto sancto pane & calicis benedictione suis Apostolis, dixit, hoc facite in meam commemorationem, insufflasse etiam in illos & dixisse legimus, accipite

Spiritum Sanctum, quorum remiseritis peccata remittuntur eis, & quorum retinueritis retenta sunt, atque ita potestatem illis super utrumque suum corpus, & verum & mysticum contulisse. Scriptura quoque memorat, Apostolos post Domini in coelum ascensionem, misso jam Spiritu Sancto, jejunantes & orantes, Paulo & Barnabæ manûs imposuisse, atque ipsos quidem Paulum & Barnabam in ordinandis & constituendis per civitates presbiteris eundem ritum esse secutos. Quo ritu certum est magnam virtutem & gratiam iis qui ordinabantur fuisse collatam. Quare meritò ab eodem Apostolo videmus, quasdam vitæ sanctioris leges ministris illis qui ordinati essent, fuisse præscriptas. Nam & diaconos jubet esse pudicos, non bilingues, non multo vino deditos, non turpè lucrum sectari, deindè habere ministerium fidei in conscientia purâ. Ideo autem Sacramentum hoc nomen accepit ab ordine quo variæ Ecclesiæ functiones per gradûs distinctæ, distinctos ministros à quibus exerceantur postulent, qui certum quemdam ordinem inter se servant. Nam si in veteri testamento plures ministrorum gradûs ad varia templi munera constituti fuerunt, non minùs profectò, oportuit diversos etiam ordines esse in hoc Sacramento, quod pro novâ lege instituit. Quod ipsum ideò unum rectè est appellatum, quia omnes ejus gradus ad Sacro-Sanctæ Eucharistiæ consecrationem atque administrationem tanquam ad unum finem referuntur.

Docet præterea Sancta hæc Synodus & veterum Patrum traditione commune esse huic Sacramento, cum Baptismo & Confirmatione caracterem indelebilem imprimere. Proindè minimè licere semel ordinatos etiam si in hæresim incident, aut à gradibus suis deiciantur, denuò ad eosdem ordines promoveri. Si enim in veteri lege præcipiebatur, ut quicquid Domino semel consecraretur Sanctum Sanctorum illi foret, multò magis hoc erit observandum in ministris Evangelii, qui peculiari consecratione, & longè excellentiori, quàm quæ unquam in veteri lege extiterit, per hoc ordinis Sacramentum Deo dedicatur. Et certè cum per id quædam sacerdotii Christi participatio fidelibus impertiatur, necessum est si Christi sacerdotium sit æternum, ut reverà est, omnem etiam consecrationem quæ per illud fit, re consecratâ, in auctoritatem esse perpetuam. Constat autem immortales animas hominum esse, qui hoc Sacramento consecrantur. Quare Synodus hæc Sancta execrandum esse tanquam impium & sacrilegum eorum errorem declarat, qui affirmant sacerdotes novi testamenti temporariam & mobilem potestatem per populi vocationem accipere, eaque ejusdem populi voluntate detractâ, rursus ipsos laicos effici, illos quoque in crasso & gravissimo errore versari ait qui Sacramentum Ordinis contendunt Ecclesiæ Catholicæ ignotum olim fuisse, & figmentum esse ab hominibus excogitatum. Quoniam perspicuum factum est sanctam ipsam Dei Ecclesiam non-nisi per consecratos hoc Sacramento ministros genitam, auctam, & propagatam esse, neque sine illo conservari in hunc usque diem, & perducì potuisse. Nam ut corpus sine animâ, & mundus hic visibilis absque sole consistere nequit, sic utique nec Christiana Ecclesia absque Sacerdotio stare potest.

## CAPUT II.

*De visibili & externo Ecclesiæ Sacerdotio.*

**Q**uia multi hac nostrâ tempestate ignorantes scripturas & virtutem Dei,  
externum

externum & visibile sacerdotium, cum interno & spiritali, quod omnibus fidelibus unctiōnem Spiritūs & gratiam Christi participantibus commune est, confundunt: propterea nunc Sancta Synodus adversus eorum sacrilegium & execrandum errorem declarat, ut in Ecclesiā Dei sacrificium externum est, ita visibile & externum esse sacerdotium, hoc est peculiarem illam sacrae Eucharistiae conficiendae, offerendae atque aliis dispensandae, nec non remittendi & retinendi peccata facultatem; atque ita sanè oportuit, ut qui in Ecclesiā quae supra montem posita abscondi non potest, excelsiorem & nobiliorem locum acceperunt, & aliorum necessitatibus subvenire ex officio debent, noti & conspicui redderentur, praesertim illi à quibus populus & doctrinam, & Sacramentorum dispensationem expectare & petere debet. Quare Dominus in creandis sacerdotibus, plures sensibiles caeremonias, orationis, impositionis manuum, & unctiōnis adhiberi per Ecclesiam voluit, ut sensibiles & notā consecrationis comprehensibiles esse agnoscamus. Qui autem unctiōnis huiusmodi ritum, tanquam caeremoniam judaicam infestantur, & illum inutilem & condemnandum esse pernitiōse docent, primum quidem Dei Ecclesiam gravi contumellā afficiunt, quae tam multis saeculis hanc unctiōnem religiose servavit, imò in ipsum Deum blasphemi sunt, cujus Spiritu ea eruditur ac regitur. Deindē patrum attendisse videntur unctiōnis ritum utilissimam habere significationem. Aptissimē enim unctiōnem eam spiritalē repraesentat, quam Sacerdotes per ordinationē à Christo Domino trahentes, participes quodammodo sunt regni, prophetiae & sacerdotiū ejus, quatenus ad regendos & docendos populos, atque ad offerendā pro eis sacrificia idonei redduntur. Atque ita quidem divinum Christi unguentum per ipsos Sacerdotes, quasi per barbam Aaron in reliquos fideles, tanquam in oram vestimentis descendit. Neque movere debet quod Christus immortalis sit Sacerdos ad interpellandum pro nobis semper vivens, ut enim ipse Rex immortalis, unus ac supremus mundi Judex, unicus & solus magister, nec tamen aut reges, aut iudices, aut externos doctores tollit, ita nec Sacerdotes, qui Dei ministri, praebiteri & dispensatores misteriorum Dei in novo testamento appellantur, eum abrogare cogitandum est. Certē si Dominus ipse cum adhuc in terris ageret, Apostolos baptizare, morbos curare, atque alia huiusmodi officia suo nomine gerere voluit, dubitandum non est quin nunc ille in caelis residens, & summus ac aeternus noster Sacerdos existens, velit etiam à Sacerdotibus Christianis, quos ministros suos & suorum misteriorum dispensatores esse iussit, hostiam sui pretiosi corporis & sanguinis, Sanctissimae Trinitati suo nomine quotidie offerri.

Porro omnes Baptismo initiatos constituere, illisque parem potestatem in Eucharistia conficiendā & peccatis remittendis tribuere, quid aliud est quam sacris litteris quae quosdam selectos & à populo distinctos ad sacrum ministerium promovendos, aut promotos esse docent, manifestē contradicere? vileque Christi Sacerdotium non paucis ut olim, sed omnibus indifferenter & promiscuē concessum reddere, nec nisi frustra in multis qui illud per se nunquam exercere possent constituere, maximamque per hanc aequalitatem, in Ecclesiā confusionem inducere. Quae profectō cum Spiritum qui ex Deo est acceperit, ut agnoscat quae sibi à Deo donata sunt, hanc dignitatem omnibus filiis suis per Christum esse communicatam nunquam intellexit. Agnoscit verò omnibus Christianis, qui fidem per dilectionem operantes ag-

Hhhh

ceperunt ac retinent, sacerdotium & regnum spiritale, ac jus spiritales & viventes hostias offerendi acceptabiles Deo, per Jesum Christum competere, ut jure ac merito à principe Apostolorum, sacerdotium regale, & à dilecto discipulo, Reges & Sacerdotes nuncupentur. Summo verò in errore illi versantur, qui sacerdotibus Evangelicæ legis nullam permittunt oblationem, sed ita eos ad unicum concionandi officium astringunt, quòd negent sacerdotes eos esse, qui Evangelium populo non annuntiant. At longè aliter Apostolus Paulus nos docet, qui munus sacerdotii in offerendis donis & sacrificiis, pro suis & populi peccatis præcipuè constituit, nullâ prædicationis mentione factâ; quare non omnes sacerdotes prædicatione uti solitos esse, etiam in illâ primitivâ Ecclesiâ, cum tanta erat ministrorum penuria, ex alio ejusdem Apostoli loco colligi posse videtur, nam cum ille Thimotheo scribens præbiteros qui benè prælunt, duplici honore dignos esse docuisset, addidit, maximè qui laborant in verbo & doctrinâ, insinuans utique hac sermonis restrictione, non omnes præbiteros qui benè prælunt, prædicationi verbi incumbere, cujus facultatem ad ordinem præbiteratûs per se non spectare, argumento nobis sunt Apostoli Domini, qui prius hanc potestatem prædicandi acceperunt, quam sacerdotes ab eo fuissent creati. Et certè cum constet varia esse dona Dei, multosque sacerdotes inveniri, qui etsi donum verbi affecuti non sint, in sollicitudine tamen sanctissimè prælunt, alios qui impulsî à Domini spiritu ab hominum consuetudine se abducunt, & secretioris vitæ rationem eligunt, in quâ etsi aliis verbum Domini non prædicent, puritatem tamen mentis & corporis tueri, contemplationi vacare, sacrificia & orationes offerre, commodissimè quotidie possunt, absurdissimum profectò esset hos à sacerdotum numero excludere, quod munus concionandi non obeant.

Sed hoc cum docet Sancta Synodus negare non intendit, prædicandi ministerium ad Episcopos & alios sacerdotes, qui Ecclesiis ut pastores præficiuntur, maximè pertinere. Novit enim Apostolum docuisse, Episcopum tantum doctorem esse oportere, ut potens sit in doctrinâ sanâ exhortari, & eos qui contradicunt arguere, novit ab Episcopis & aliis pastoribus legem Domini ut olim à sacerdotibus requirendam, juxta Malachiam sententiam. Verum nunc hoc solum statuit, hanc prædicandi facultatem non ordinis, sed jurisdictionis esse, posseque illam & ordinatis detrahi, & non ordinatis ab Episcopo conferri, proinde vanissimum commentum eorum, qui in eâ universam vni sacerdotii constituunt.

### CAPUT III.

#### *De Ecclesiasticâ hierarchiâ & Episcopi ac Præbiteri differentiâ.*

CUM in hoc visibili mundo nihil sit, quod auctoris ejus sapientiam æquè commendat, nihil quod contemplantium oculos ita moveat, & delectet, nihil denique quod ipsius statum, magis stabilem & firmum reddat, quam ordo tot dissimilium & diversarum rerum, quæ tam aptis & accommodatis locis in eo collocatæ sunt, ut supremæ, mediæ, atque infimæ consentire inter se & maximam convenientiam habere videantur. Cum præclaram etiam hanc & eximiam ordinis pulchritudinem, idem auctor naturæ Deus in Angelicis spiritibus posuerit, quod dispares donis & distinctos naturæ perfectione creavit: vehementer profectò in Christi sapientiam contumeliosi sunt, qui omnem ex ejus Ecclesiâ hierarchiam tollentes, ac summam



eorum omnium confusionem inducentes, nullos in eâ asserunt varios & distinctos personarum ordines esse, nullos in ministeriis gradus, nullam superiorum & inferiorum, (quantum quidem ad spiritalem & Ecclesiasticam potestatem attinet) diversitatem; sed blasphemum hunc errorem abundè Apostolus confutat apertissimè aliquot in locis indicans, hierarchicum ordinem & Ecclesiasticorum officiorum discrimen divinitus institutum esse; In Epistolâ enim ad Ephesios de Christo Domino loquens. Et ipse dedit, inquit, quosdam quidem Apostolos, quosdam autem Prophetas, alios verò Evangelistas, alios autem pastores & doctores ad consummationem sanctorum in opus ministerii, in ædificationem Corporis Christi. Ad Corinth. autem scribens, postquam eandem officiorum diversitatem enumeravit, dilucidè demonstrat, non omnibus omnia ministeria in Ecclesiâ esse permixta, subdens, *nunquid omnes Apostoli? nunquid omnes Prophetæ?*

Sancta autem Synodus tollere volens omnem perturbationem ex distincto & pulcherrimo visibilis Ecclesiæ ordine, hoc primum declarat, dubitari à Christianis nequaquam debere, tam visendam & insignem formam illius hierarchiæ esse, quam Christus Dominus in suâ Ecclesiâ constituit, & tam aptam omnium partium ejus compositionem, ut nulla illius humanæ politiæ species ne excogitari quidem pulchrior & convenientior possit. Hanc etenim novam Jerusalem de celo descendente meritis appellari posse, quod per antiquæ Hierusalem, id est veteris Ecclesiæ ordinatissimam politiam adumbrata, ad celestis Jerusalem formam & exemplar exacta sitcrit. Nam ut illa sub uno supremo rectore varios & diversos ministrantium continet ordines, ita visibilis Christi Ecclesiæ summum ipsius Vicarium pro uno & supremo capite in terris habet, cujus dispensatione sic reliquis omnibus membris officia Ecclesiasticæ hierarchiæ distribuuntur, ut suis quæque in ordinibus & stationibus collocata, munera sua in totius Ecclesiæ utilitatem, cum maximâ pace & unione exequantur, in quâ unionem quamdiu ipsa per supremum unum pastorem ac ducem, tanquam castrorum acies ordinata continebitur, adeò erit fortis ac terribilis, ut ne portæ quidem inferi adversus eam possint prævalere.

Docet deinde Sancta Synodus, illos non esse audiendos, qui dicunt Episcopos jure divino constitutos non esse, cum ex Evangelicis litteris manifestè constet, Christum Dominum Apostolos, in quorum locum Episcopi subrogati sunt, per seipsum evocasse, eosque ad Apostolatûs gradum promovisse. Nec illud in cogitationem nostram venire debet, quòd hic tam necessarius & eminens gradus in Ecclesiâ, humanâ institutione introductus fuit, quod esset divinam providentiam tanquam in nobilioribus deficientem suggillare. Pacem quoque Ecclesiæ summo perè perturbant, qui nihil inter Episcopos & presbiteros interesse arbitrantur, existimantes eadem omnino munera jure divino illis esse permixta, quorum error explosus jam pridem & damnatus est, in Ecclesiâ, etsi nomina Presbyteri & Episcopi nonnunquam apud Apostolum indifferenter accipiantur, semper tamen eminentes quasdam functiones non ad presbiteros, sed ad solos spectasse Episcopos, in quibus omnes ordines sunt & sacerdotii plenitudo. Ad solos enim Episcopos, administrationem Sacramenti Ordinis & Confirmationis, consecrationem sancti Chrismatismatis & olei, altarium item & Ecclesiarum benedictionem semper pertinuisse constat, nunquam ad simplices sacerdotes, quorum irritus & vanus esset conatus, sic hæc munera obsequia aggregerentur; quòd si absque contradictione qui minor est à majori benedicatur, sacerdos autem benedictionem consecrationis ab Episcopo

accipit, non autem è conversò, colligitur haud obscurè præsbyterum divino jure, Episcopo esse inferiore. Atque hoc quidem discrimen insinuat nobis in veteri testamento fuit, in quo Dominus Aaronem in summum sacerdotem, quasi in Episcopum consecravit, filios autem ejus per ipsum variis caeremoniis adhibitis, diversis functionibus tanquam minores sacerdotes, vel inferiores alios clericos dedicavit. Verùm illud postea redemptor noster expressit & manifestavit, dum multis documentis ostendit, se non eodem numero & loco septuaginta duos discipulos, ac duodecim Apostolos habuisse, sed hos, quos Episcopi referunt, officio & dignitate illis prætulisse, quorum partes simplices sacerdotes in consilium & adjutorium Episcoporum electi nunc sustinent. Quid enim est præsbyterium, ut Gloriosus Martyr Ignatius scripsit, nisi institutio sancta conciliarii Episcopi.

Postremò insigniter desipiunt, & Dei regulas confundunt, qui eligendi Episcopos & reliquos Ecclesiæ ministros potestatem ad magistratus sæculares suffragante populi voluntate transferunt, quasi illis hæc autoritas jure divino competat? Nam quod ad consecrationem & ordinationem attinet, perspicuum ex scripturis, & ipsa constanti traditione evadit, illam ad solos Apostolos & Episcopos ritè ordinatos pertinere, illud evidenti argumento est, quod pastores & præsbyteri qui per eos manûs impositionem ac promotionem acceperunt, Episcopi à Spiritu Sancto constituti appellantur: undè Paulus ad Ephesinæ Ecclesiæ præsbyteros congregatos, attendite, inquit, vobis & universo gregi in quo vos posuit Spiritus Sanctus Episcopos regere Ecclesiam Dei.

Quod verò ad vocationem & nominationem Ecclesiæ ministrorum attinet, non est illa divino jure Magistratuum, aut laicorum quorumcumque, quos eligendi autoritate multis in conciliis privatos invenimus, cum hæc divina potestas ad eos potius divinâ institutione spectare videatur, quorum est Ecclesiam Dei regere & pascere, nempe Episcopos, eminenter verò ad Petrum ejusque successores, cui universæ Ecclesiæ cura est à Domino mandata: non est tamen negandum olim in creatione pastorum plebem convocari solitam, tum ut omnes fidei & moribus eorum qui essent promovendi, testimonium suis suffragiis impertirentur, tum ut ei, in cujus electione acquiescerent, libentiùs & reverentiùs obsequerentur. Verum hæc non ostendunt autoritatem nominandi pastores ad regendas Ecclesias, ipsis laicis à Domino communicatam fuisse.

Hæc sunt quæ de Sacro-Sancto Missæ Sacrificio atque Ordinis Sacramento Sancta Synodus tenenda proponit, in cæteris quæ prædictis addenda necessario fortè videbantur, ad orthodoxorum Patrum scripta qui his de rebus fusiùs disseruerunt, pium & fidelem lectorem transmittens. Contra verò universalis Ecclesiæ dogmata perperam sentientes & docentes more suo, juxta hos qui deindè sequuntur Canones perpetuò anathematizant & damnant.

### *Canones de Sacrificio Missæ examinandi per Patres.*

#### PRIMUS.

Si quis dixerit in Missâ non esse sacrificium, nec oblationem pro peccatis, sed tantum commemorationem sacrificii in cruce peracti, aut vocari translato nomine sacrificium, & verè & propriè non esse. Anathema sit.

#### SECUNDUS.

— SECUNDUS.

Si quis dixerit Missam esse tantum testamentum & promissionem remissionis peccatorum. Anathema sit.

TERTIUS.

Si quis dixerit Missæ sacrificium non esse ex Evangelio, nec à Christo institutum, sed inventum ab hominibus, neque illud offerre, esse opus bonum, aut meritorium, immò in eo committi manifestam & multiplicem idolatriam. Anathema sit.

QUARTUS.

Si quis dixerit blasphemiam irrogari sanctissimo Christi sacrificio in cruce peracto, ab iis qui Dei filium à sacerdotibus in Missa Deo offerri credunt. Anathema sit.

QUINTUS.

Si quis dixerit Christum pro nobis mysticè in Missa immolati & offerri, non aliud esse quàm ipsum nobis ad manducandum dari, aut illis verbis, hoc facite in meam commemorationem, non ordinasse ut Apostoli & alii Sacerdotes offerrent Corpus & Sanguinem ejus. Anathema sit.

SEXTUS.

Si quis dixerit Canonem Missæ erroribus & seductionibus scaterè, abrogandum esse, fugiendumque non secus ac pessimam abominationem. Anathema sit.

SEPTIMUS.

Si quis dixerit Missam nec vivis, nec mortuis ut sacrificium prodesse, aut impium esse applicare eam pro peccatis, pro satisfactionibus & aliis necessitatibus. Anathema sit.

OCTAVUS.

Si quis dixerit neminem pro alio sacrificium offerre posse, sicut nullus pro alio communicat & absolvitur. Anathema sit.

NONUS.

Si quis dixerit Missas privatas, in quibus videlicet solus sacerdos & non alii communicant (quæ diù antè Gregorium Magnum fuere) in Ecclesiâ illicitas esse atque abrogandas, & cum Christi instituto pugnare, aut repræsentare magis excommunicationem, quàm communionem à Christo institutam. Anathema sit.

DECIMUS.

Si quis dixerit vinum necessariam materiam non esse hujus sacrificii, neque aquam esse miscendam cum vino in calice, idque esse contra Christi institutionem. Anathema sit.

UNDECIMUS.

Si quis dixerit Ecclesiæ Romanæ ritum quo secreto & submissâ voce verba consecrationis proferuntur, damniandum esse, Missamque non-nisi in lingua vulgari celebrari debere, ac imposturam esse certas Missas certis Sanctis, sicut Ecclesiâ intendit, attribuere. Anathema sit.

## DUODECIMUS. - -

Si quis dixerit cæremonias, vestes & externa signa quibus in Missarum celebratione Ecclesia Catholica utitur, irribabula impietatis esse, magis quàm officia pietatis. Anathema sit.

## DECIMUS TERTIUS.

Si quis dixerit Missam minùs Christianam esse, quia cum pluribus cæremoniis celebratur quàm fuerit à Christo celebrata. Anathema sit.

*Canones de Sacramento Ordinis examinandi per Patres.*

## PRIMUS.

Si quis dixerit Ordinem non esse verè & propriè Sacramentum à Christo Domino institutum: sed tantùm ritum quemdam eligendi ministros verbi, & Sacramentorum, aut figmentum esse humanum quod Ordo sit Sacramentum. Anathema sit.

## SECUNDUS.

Si quis dixerit Ordinem non esse unum Sacramentum, aut infimos & medios Ordines velut gradus quosdam non tendere in sacerdotium. Anathema sit.

## TERTIUS.

Si quis dixerit nullam esse Ecclesiasticam hierarchiam, aut omnes Christianos ex æquo esse Sacerdotes, seu ad usum & executionem Ordinum opus esse vocatione magistratûs secularis, vel consensione populi. Anathema sit.

## QUARTUS.

Si quis dixerit ordinationes ab Episcopis factas sine plebis consensu, irritas esse, aut cum qui semel est sacerdos, laicum rursùs fieri posse. Anathema sit.

## QUINTUS.

Si quis dixerit in novo testamento non esse sacerdotium visibile & externum, nec spiritualem potestatem consecrandi, offerendi & à peccatis absolvendi, sed officium tantùm & ministerium prædicandi Evangelium, aut eos qui non prædicant prorsùs non esse sacerdotes. Anathema sit.

## SEXTUS.

Si quis dixerit unctionem non requiri in Sacramenti Ordinis traditione, imò esse perniciosam & contemnendam, similiter & omnes alias cæremonias. Anathema sit.

## SEPTIMUS.

Si quis dixerit per Sacramentum Ordinis non conferri Spiritum Sanctum, ac proinde Episcopum dum ordinat frustrà dicere: accipite Spiritum Sanctum. Anathema sit.

## OCTAVUS.

Si quis dixerit Episcopos non esse jure divino institutos, nec præbiteris superiores, aut non habere jus ordinandi, vel id etiam præbiteris competere. Anathema sit. (a)

(a) Hæc doctrina, Canonibus comprehensâ, à Patribus consecrata est, in Sessione 22. & ætiori sermone, ac paucioribus Canonibus promulgata, die 17. Septembris anni 1562. sub Pio IV.

*Decretum prorogationis publicationis decretorum in Sessione  
habita 25. Januarii 1552.*

Cum ex eo quod proximis Sessionibus decretum fuit, Sancta hæc & universalis Synodus, per hos dies accuratissime, diligentissimeque tractaverit ea, quæ ad sanctissimum Missæ sacrificium, & ad Sacramentum Ordinis spectant, ut hodiernâ Sessione, quemadmodum Spiritus Sanctus suggessisset, decreta de his rebus, & quatuor præterea articulos ad sanctissimum Eucharistiæ Sacramentum pertinentes, in hanc tandem Sessionem dilatos publicaret, atque interim assuturos esse putaverit ad hoc Sacro-Sanctum Concilium eos, qui se Protestantes vocant, quorum causâ eorum publicationem articulorum distulerat, & ut liberè, & sine cunctatione ullâ huc venirent, fidem eis publicam, sive saluum-conductum concesserat, tamen cum illi nondum venerint, & eorum nomine supplicatum huic Sanctæ Synodo fuerit, ut publicatio quæ hodiernâ die facienda fuerat, in sequentem Sessionem differatur, certè spe allatâ assuturos esse omnino multò antè illam Sessionem, salvo conductu amplioris formæ interim accepto, eadem Sancta Synodus in Spiritu Sancto legitime congregata, iisdem Legato & Nunciis præsentibus, nihil magis optans, quàm ex præstantissimâ natione Germanicâ, omnes de religione dissensiones & schismata, ac ejus quieti, paci, otioque consulere parata, ipsos si venerint & humaniter accipere & benignè audire, confidensque eos non fidei Catholicæ pertinaciter oppugnandæ, sed veritatis cognoscendæ studio esse venturos, & ut Evangelicæ veritatis studiosos decet, sanctæ matris Ecclesiæ decretis ac disciplinæ, ad extremum esse acquieturos, sequentem Sessionem ad edenda & publicanda ea quæ supra commemorata sunt in diem festum Sancti Josephi qui erit dies 19. mensis Martii, distulit, ut illi satis temporis & spatii haberent, non solum ad veniendum, verum etiam ad ea quæ voluerint, antequam is dies veniat, proponenda, quibus ut omnem diutius cunctandi causam adimat, fidem publicam sive Saluum-Conductum, ejus qui recitabitur tenoris & sententiæ libenter dat, & concedit. Interea verò de Matrimonii Sacramento agendum, & de eo præter superiorum decretorum publicationem, definiendum esse, eadem Sessione statuit, & decrevit & prosequendam esse materiam reformationis.

*Salvus-Conductus datus à Sanctâ Synodo Protestantibus in  
Sessione habita 25. Januarii 1552.*

Sacro-Sancta œcumenica Generalis Tridentina Synodus in Spiritu Sancto legitime congregata, præsentibus in eâ eisdem Sanctæ Sedis Apostolicæ Legato & Nunciis, inherendo Salvo-Conductui in penultimâ Sessione dato, & illum juxta tenorem infra scriptum ampliando, universis fidem facit, quod omnibus & singulis Sacerdotibus, Electoribus, Principibus, Ducibus, Marchionibus, Comitibus, Baronibus, Nobilibus, Militaribus, Popularibus, & aliis quibuscumque viris, cujuscumque statûs & conditionis aut qualitatis existant, Germanicæ Provinciæ, aut nationis Civitatibus ac aliis locis ejusdem, & omnibus aliis Ecclesiasticis & Sæcularibus, præsertim Augustanæ Confessionis personis, qui aut quæ unâ cum ipsis, ad hoc Generale Tridentinum Concilium venient aut mittentur ac profecturi sunt, aut huc-usque venerunt, quocumque nomine censeantur, aut valeant nuncupari tenore præsentium, publicam fidem, & plenissimam verissimamque securitatem, quam Saluum-Conductum appellant, liberè ad hanc civitatem Tridentinam, veniendi, ibidem-

que manendi, standi, morandi, proponendi, loquendi unâ cum ipsâ Synodo, de quibuscumque negotiis, tractandi, examinandi, discutiendi & omnia quæcumque ipsis libuerit, ac articulos quoslibet tam scripto, quam verbo liberè afferendi, propalandi, eosque scripturis sacris & Beatorum Patrum verbis, sententiis & orationibus declarandi, astruendi & persuadendi etsi opus fuerit etiam ad objecta Concilii Generalis respondendi, & cum iis qui à Concilio delecti fuerint disputandi, aut charitative absque omni impedimento conferendi, opprobriis, convitiis, ac contumeliis penitus semotis, & signanter quòd causæ controversæ secundum Sacram Scripturam & Apostolorum traditiones, probata Concilia, & Catholicæ Ecclesiæ consensum, & Sanctorum Patrum authoritates in prædicto Concilio Tridentino tractentur. Illo etiam addito ut religionis prætextu, aut delictorum circa eam commissorum aut committendorum minime puniantur, impartitur & omnino concedit, sic etiam ut propter illorum præsentiam neque in itinere aut quocumque locorum eundo, manendo aut redeundo, nec in ipsâ civitate Tridentinâ à divinis officiis quovismodo cessetur & ut his peractis vel non peractis, quandocumque ipsis libuerit aut majorum suorum mandato & assensu ad propria reverti optabunt, aut aliquis eorum optabit, mox absque ullâ renitentia & occasione aut morâ salvis rebus eorum & suorum pariter honore & personis viceversa possint, juxta beneplacitum liberè & securè redire, de scientiâ tamen ab eadem Synodo deputandorum, ut tunc opportunè eorum securitati absque dolo & fraude provideatur. Vult etiam Sancta Synodus in hac publicâ fide salvoque conductu omnes & quascumque clausulas includi & contineri, ac pro inclusis haberi, quæ pro plenâ efficaci & sufficienti securitate, in eundo, stando, ac redeundo necessariae & opportuna fuerint, illud etiam ad majorem securitatem, & pacis ac conciliationis bonum exprimens, quod si quispiam aut illorum aliqui sive in itinere Tridentum veniendo, sive ibidem morando, aut redeundo, aliquid enormè, quod absit, egerint aut commiserint quo posset hujus fidei publicæ & assecurationis beneficium eis concessum annullari aut cessari, vult & concedit, ut in hujusmodi facinore deprehenso ab ipsis dumtaxat, & non ab aliis condignâ animadversione cum emendâ sufficienti per partem ipsius Synodi meritò approbandâ & laudandâ mox puniatur, illorum assecurationis formâ, conditionibus & modis omnino manentibus illibatis. Pariformiter & vult ut si quisquam, vel aliquis ex ipsâ Synodo sive in itinere, aut manendo, aut redeundo aliquid enormè, quod absit, egerint aut commiserint, quo posset hujus fidei publicæ & assecurationis beneficium violari, aut quoquo modo tolli, in hujusmodi facinore deprehenso, ab ipsâ Synodo dumtaxat & non ab aliis condignâ animadversione & emendâ sufficienti per partem Dominorum Germanorum Augustanæ Confessionis tunc hic præsentium meritò laudandâ & approbandâ mox puniantur, præsentis assecurationis formâ, conditionibus & modis manentibus omnino illibatis. Vult præterea ipsa Synodus quòd liceat ipsis Ambasciatoribus omnibus & singulis toties quotiescumque opportunum fuerit, seu necessarium ad auram capiendam exire de civitate Tridentinâ, & reverti ad eandem, nec non nuntium vel nuntios suos ad quæcumque loca pro suis necessariis negotiis ordinandis liberè mittere, seu destinare, ac ipsos missos, seu destinatos, seu missum & destinatum suscipere toties quoties eis videbitur expedire. Ita quòd aliqui, vel aliquis per deputandos Concilii sociatus qui

corum

eorum securitati provideant, vel provideat. Qui quidem salvus-conductus & securitates stare ac durare debent, & à tempore, & per tempus quo in ip-sius Synodi & suorum tuitionis curam ipsos suscipi contigerit, & usque ad Tridentum perduci, ac toto tempore mansionis de re ibidem & rursum sufficientem audientiam habitam spatio viginti dierum præmissis cum ipsi pe-tierint, aut Concilium habitâ huiusmodi audientiâ ipsis recessum indixerit à Tridento, usque in quem quisque elegerit sibi locum tutum Deo favente restituet, dolo & fraude prorsus exclusis. Quæ quidem omnia pro universis & singulis Christi fidelibus, pro omnibus Principibus tam Ecclesiasticis quàm secularibus quibuscumque, atque omnibus aliis Ecclesiasticis ac secularibus personis, cujuscumque status & conditionis existant, aut quocumque nomine censeantur, inviolabiliter observanda esse promittit & bonâ fide spondet. Insuper omni fraude & dolo exclusis verâ & bonâ fide promittit ipsam Syno-dum nullam vel manifestè, vel occultè occasionem quæsituram, aut aliquâ autoritate, potentiâ, jure, vel statuto, privilegio, legum vel canonum, aut quorumcumque Conciliorum, præsertim Constantiensis & Senensis, quâcum-que formâ verborum expressâ in aliquod hujus fidei publicæ & plenissimæ assecurationis, ac publicæ & liberæ audientię ipsi per Sanctam Synodum concessæ præjudicium quovis modo usuram aut quemquam uti permitturam, qui-bus in hac parte pro hac vice derogat. Quod si Sancta Synodus, aut aliquis ex eâ, vel suis cujuscumque conditionis, vel status, aut præminentię existens præscriptæ assecurationis & salvi-conductûs formam & modum in quocum-que puncto, vel clam violaverit, quod tamen avertere dignetur omnipo-tens, & sufficiens emenda mox non fuerit subsecuta, & ipsorum arbitrio merito approbanda & laudanda habeant ipsam Synodum & habere potue-runt incidisse in omnes poenas quas jure divino, aut humano, aut consue-tudine huiusmodi salvorum conductuum violatores incurrere possunt absque omni excusatione, & quâvis in hac parte contradictione.

*Copia orationis Saxonum habitæ in Congregatione Episcoporum: quod bonum felix ac faustum sit Christianæ Reipublicæ.*

Reverendissimi & Amplissimi quarumcumque dignitatum & ordinis ac status Viri, Patres ac Domini debitâ reverentiâ observandi.

**I**llustrissimus Princeps Mauritius, Dux Saxonie, Sacri Romani Imperii Ele-ctor, & Archimarcallus, Præses Turingie, & Marchio Misnie, & Dominus noster clementissimus misit nos ad vestras Reverendissimas & Amplissimas di-gnitates ac præstantias, & precatur primum omnium à Deo optimo maximo Patre Domini nostri Jesu Christi, ut Spiritum Sanctum suum benignè largiri ac aspirare dignetur, quo omnia quæ hic agit, acturique estis ad sui san-ctissimi nominis, & Christi filii sui Domini ac Salvatoris nostri gloriam & ho-norem, Ecclesiæ suæ pacem & incrementum, atque cunctorum Christi fidelium veram & æternam salutem tendant & dirigantur. Deindè notum vult esse universo huic ordini vestro, quod tamdiu secum constituit, & animum suum ita declaravit, si quando propitio Deo contingeret universale, liberum & chris-tianum Concilium congregari, in quo controversia Religionis nostræ, seposi-tis affectibus, secundum Sacram Scripturam tractari & dijudicari, omnes tutò admitti ac audiri, atque christiana reformatio tam in capite, quàm in membris

Kkkk

institui deberet, quod ad tale Concilium suos quoque Theologos viros pios, doctos, ac pacificos mitteret. Et quia putat hoc nomine congregatos nunc esse, & in hoc convenisse hic vos omnes, ut eo quo dictum est modò procedatur. Ideò convocatis suis Theologis, qui antecessorum suorum, & partim etiam suo tempore scribendo claruerunt, mandatum dedit, ut missis ex suo numero quibusdam suæ doctrinæ confessionem in hoc cœtu vestro faciant, & eam Sacræ Scripturæ testimoniis confirment, atque in omnibus quibus secundum Sacram Scripturam possint, vobiscum convenient & concordent, id quod illi se facturos prompti ac volentes in se receperunt, quod verò hoc hæcenus factum non sit, & illi hic nondum comparuerint, causam hanc habet, quòd Princeps noster admonitus fuit, cujusdam Constitutionis Concilii Constantiensis quæ habet, quod de hæreticis, & de hæresi suspectis nulla publica fides, nullusque Salvus-Conductus, sive per Imperatorem, sive Reges, seu alios datus, quocumque vinculo illi ad servandum se astrinxerint, servare debent. Quin imò si confisi aliqui, super hujusmodi salvo conductu venerint, alias non venturi, ad potestatem Ecclesiasticam possint, non obstante ejusmodi salvo conductu, nihilominus puniri: ut habetur tenor illius Constitutionis in .18. Sessione Concilii Constantiensis, cujus Constitutionis exemplar si fortè ad manum non sit, jam dabimus. Et movit hæc Constitutio Principis nostri animum eò magis quòd timore hujus etiam Bohemi tempore Basileensis Concilii, accedere ad illud nequaquam voluerint, nisi eis plena & perfecta securitas veniendi eò, & ibi commorandi, atque inde redeundi in propria, à Concilio daretur, cum derogatione dictæ Constitutionis Constantiensis, & cum aliis quibusdam clausulis. Undè & Concilium illud Basileense plenissimam securitatem salvi conductus illis concessit, cum memoratæ Constitutionis Constantiensis expressâ derogatione, & multis aliis clausulis, ut est videre in quartâ Sessione ejus Concilii, cujus formam priori subjecimus. Ejusmodi ergo saluum conductum petivit Princeps noster dari etiam suis Theologis, Consiliariis & aliis quos huc emissuros esset cum eorum ministris & familiaribus, quos secum adducerent, ut tutò huc venire, hic morari, ac redire hinc securè possint. Et spem certissimam conceperat fore ut quod Basileensis Synodus Bohemis benignissimè concesserat, id hic Tridenti Germanis non negaretur. Verùm oblata est illi antè dies non multos, quædam membranca Icheda aperta sine sigillo, cum significatione hac quod per istam satis cautum ac prospectum suis esse deberet, cujus copiam quoque exhibebimus. Sed quia multum discors hæc ab illâ fuit, & cum Basileensi salvo conductu, vester salvus conductus in plurimis articulis, minime conveniebat, ob id id grave & periculosum judicatum est, non impetrato eo qui petitus, & qualis Bohemis datus esset salvo conductu concedere, maxime cum ex præmio & aliquot decretis hic Tridenti promulgatis, quæ typis excusa in publicum prodierunt, manifestum sit eos pro schismaticis & hæreticis hic haberi ac culpari, cum tamen nequaquam huc vocari, multò minùs auditi fuerint. Et nihilominus prompti sint doctrinam suam testimoniis Sacræ Scripturæ corroborare. Quare petit Princeps noster ut enumeratis causis, & se & suos quominus hic hæcenus comparuerint excusatos haberi, & quæ, rogant, formâ, quæque Bohemis in Basileensi Concilio datus fuit salvus conductus, eadem nunc suis etiam dari, atque quam primùm sibi transmitti. Præterea certior est redditus Princeps noster, quamvis ut dictum est, sui Theologi neque vocati, neque auditi fuerint, & propter defectum pleni atque integri salvi conductus venire huc, & comparere



hic nondum potuerint, quòd tamen nihilominus sine morâ, hic procedatur & concludatur etiam in illis articulis religionis, qui controversiam habent, sicut videmus quod nunc sessionem habere, & decreta super articulis in controversiâ positis, publicare velitis. Id quod Principi nostro præjudiciale, & tam divino, quàm humano, tum naturali, tum positivo juri contrarium existit, quæ jura omnia volunt, quod non auditi, non debeant prægravari. Cum itaque velit Princeps noster suos Theologos huc mittere, doctrinæ suæ confessionem faciuros, & eam Sacræ Scripturæ testimoniis corroboraturos, quamquam in omnibus quibus cum verbo Dei possint & velint & debeant vobiscum concordare, sed ex defectu salvi conductûs id facere hætenus impediuntur, manifestum est culpam nullam illis attribui posse. Unde rogamus nomine Illustrissimi nostri Principis, ut tractatio illorum articulorum religionis qui controversiam habent, & prius instituta Sessio, decretorum publicatio eò usque differantur & protrahantur, dum ipsius etiam Theologi tutò huc adveniant, & ad plenum audiantur, qui jam nunc in itinere sunt, & ad sexaginta milliaria Germanica huc processerunt, expectantes vestrum Salvum-Conductum, ut eo accepto, mox huc porro progrediantur, & quam primum fieri poterit, hic apud vos compareant, doctrinam suam ejusque testimonia sacra edant ac in lucem proferant. Tertium est quod relatam fuit Principi nostro, quòd illa decreta quæ superioribus annis hic Tridenti tractata fuerunt, pro decretis conciliaribus & firmis conclusis, habere articulos qui controversiam habent, & in quibus qui Augustanæ sunt Confessionis, dissentiant non reassumere, neque audire suos super illis velitis, cum verò declaratum illi sit, pleraque eorum decretorum etiam in præcipuis capitibus religionis, nostram justificationem concernentibus errores non leves continere, qui per sacram scripturam ostendi ac declarari possint, summè necessarium ut ipsi & plerique alii semper judicarent, & adhuc judicant, ut sui Theologi etiam super illis decretis audiantur, & sic in controversiâ positi articuli reassumantur. Quapropter orat Princeps noster ut illa decreta in articulis qui controversiam habent, omnino reassumantur, & tum sui, tum alii Augustanæ Confessionis Theologi super illis planè audiantur, eorum rationes & argumenta ex sacris litteris expendantur, quòd pium & Dei verbo consentaneum fuerit, admittatur, atque suffragiis omnium nationum Christiani orbis laudetur, recipiaturque. Adhuc sunt ista decreta tunc tractata quando paucissimi eorum qui ad universale liberum & Christianum Concilium requiruntur, pauci Prælati, paucique Legati statuum Germaniæ præsentés fuerunt, ut patet ex catalogo nominum eorum, qui unâ cum illis decretis, typis exculis in publicum prodierunt: Unde etiam pro decretis universalis Concilii illa decreta haberi aut vendicari nequaquam possent. Nam ad universale liberum & Christianum Concilium requiruntur universæ totius Christiani orbis nationes, & ut omnes securè admittantur, liberèque audiantur, utque eorum rationes, causæ & argumenta, secundum sacram scripturam expendantur, dijudicenturque, alioquin ea quæ habetur Congregatio, nomen universalis, liberi & Christiani Concilii minime meretur, & quòd in eâ decernitur, pro decretis œcumenici, liberi & Christiani Concilii haberi & accepti minime potest. Quarto loco referre & in memoriam revocare debemus, vestris amplissimis dignitatibus & præstantiis, quòd articuli controversiam habentes fidem nostram Christianam, & aliqui, eorum Pontificem præcipuè concernunt. Cum autem & jura & Concilia, tum Constantiense, tum Basilicense expressè constituerint, quòd in causis fidei & quæ ipsammet Pontificem contingunt, Pontifex Concilio subjacens,

& Concilium suprâ Pontificem sit, & esse debeat, conveniens fuerit illud hoc etiam in loco omninò ita servare, & antè omnia confirmare, sicut in Basileensi Synodo factum est, & in secundâ Sessione ejusdem habetur. Et quod per hoc Prælati & reliqui à Concilio cujuscumque gradus ac ordinis fuerint, à suis juramentis quibus Pontifici obstricti erant, quantum ad Concilium & causas in eo tractandas pertinet, liberi sunt. Et censet Princeps noster quod hujusmodi liberatio etiam sine expressâ Pontificis relaxatione sequatur clarè ex conclusis Basileens. Concilii in multis locis, ubi ponitur, quod etiam Papalis eminentia & dignitas in talibus casibus Concilio subiecta sit. Si ergò subiecta est Papalis eminentia Concilio, sequitur quod personæ Concilium repræsentantes, ab ejus nexibus & ipsis præstitis juramentis quantum ad fidei articulos, & Christianam reformationem tam in capite, quàm in membris instituendam spectat, liberæ sint, Etiam si Pontifex nollet eis juramenta ea remittere, quod tamen ut ex virtute prædictarum Constitutionum Constantiensis & Basileensis Conciliorum jam liberæ sint & quod hoc ita declarari meritò debeat.

Si enim liberum debet esse Concilium, in quo semotis affectibus de controversiis religionis & Christianâ reformatione capitis & membrorum tractari, atque omnia secundum Sacram Scripturam fieri conveniat, necesse est liberæ esse personas, quæ liberè de his omnibus disserere & judicare debeant, liberi autem & sine affectibus nunquam erunt, qui Pontifici subiecti, & ab ejus imperio quantum ad causas in Concilio tractandas pertinet, non soluti censi debebunt. Rogat itaque summopere Princeps, ut prædictas Constitutiones Constantiensis & Basileensis Concilii, quod nimirum in fidei articulis & qui Pontificem ejusque potentiam contingunt, Pontifex Concilio subiectus sit, antè omnia confirmari Basileensis exemplo, quod ab initio decretum Constantiensis Concilii in articulo quod universale Concilium suprâ Pontificem sit, antè omnia repetivit, approbavit, ratificavit, atque etiam de verbo ad verbum actis illis inseruit, quemadmodum fidem sessionis ejus Concilii acta manifestissimè demonstrant. Et negari nunquam potest quod & Pontifex & reliquorum Clericorum status ac vita magnâ & gravi omninò reformatione opus habeat: quamquam enim proxima antè centum & aliquot annos celebrata Concilia, tempora certa præfinierunt, intrâ quæ semper Generalia Concilia celebrari debuissent, quod præviderunt jam tunc absque dubio prudentiores ejus seculi, futuros & secuturos hos articulos quibus occurrendum in tempore esse rectissimè judicarunt: tamen sequentium temporum Pontifices neque eas, neque alias bonas Patrum institutiones, quas bonâ cum conscientia potuissent & necessario debuissent observare, servaverunt. Et sic perniciosos hosce errores & abusus succrescere permiserunt, undè plurima & infinita mala & multiplicia schismata Christianum orbem invaserunt, exorta bella, odia, dissensiones, tumultus, & latissima occasio data, ac relicta est grassandi in populum Christianum miserè, seivissimo, crudelissimo, nefandissimoque Christiani nominis hosti perpetuo. Quis non videt, aut quis dubitat difficillimum fore hos abusus tollere, piè & christianè emendare atque corrigere, pro quibus ita prophetatum esse constat statum Ecclesiasticum, ut species & fucus quidam religionis, potius quàm religio appareat, quis emendabit, aut quomodo emendabit hoc Concilium, si personæ Concilii ad nuntium & voluntatem Pontificis vivere, ad ejus præscriptum agere omnia, ad ei obediendum & conservandum ejus honorem, statum & potentiam juramentis debeant esse & manere obligata?

Decla-

Declarandum ergò & exprimendum hoc ampliùs fuerit, quod quicumque sunt in Concilio Cardinales, Archiepiscopi, Prælati, atque omnes omninò omnium ordinum & officiorum homines, per talem Constitutionem suis juramentis Pontifici præstitis, quantum ad Concilii causas & ejus reformationem spectat, debeant esse liberi & soluti, & quod per illam ipsam Constitutionem liberi & soluti declarati esse debeant, ut eo consili & eà libertate freti, liberius quod sentiant dicere in mediumque consilere ac suffragari liberè secundum Sacram Scripturam possint, si verò etiam præterea à Pontifice hoc impetrari posset quo sua dignitas pro honore Dei & juvanda Christiana reformatione, atque provehendis communibus commodis ultrò relaxaret ac remitteret, eis illa sua juramenta, hoc verò laudabile, rectum, integrum atque celebrè fuerit, & apud idiotas hæc res singularem at ingentem favorem conciliatura plus fidei & fiduciæ paritura, memorem obedientiam auctoritatemque datura Concilio, & omnibus quæ in eo decreta & conclusa fuerint, quod confiteri omnes necesse esset, verè libenter & christianum hoc esse Concilium in quo liberi homines, libera lingua & voces, libera suffragia essent, & non ad hujus aut illius nutum aut voluntatem sententias dicere oporteret, si ad Christi verbum & præscriptum tractare & judicare omnia liceat; Certò hoc mirabilem assensum, ingentem favorem, & singularem auctoritatem Concilio ejus reputationi daturum esset.

Et quòd hoc ita urgeat & fieri adeò hæc Princeps noster quæ ordine dinumeravimus, id non vitio sibi verti, neque in aliam quam ipse facit partem accipi etiam atque etiam orat, testem Deum habet, quòd cuncta hæc fidelissimo & optimo animo & affectu scilicet jucundissimo faciat, quo ergà religionem & Christianam rempublicam afficitur, quòdque ipsius causæ gravitas, negotii magnitudo, hæc ita exigere & requirere omninò videtur, neque dubitat quin quicumque pii, prudentes & sapientes estis, quibusque curæ & cordi est Christiana respublica, Christiani orbis calamitas & præsens rerum status, intellecturi ipsimet sitis, hæc summè necessaria esse & requiri omninò ad celebrandum verè liberum, & christianum, atque universale Concilium, in quo de communi omnium salute, de verà fide, verò Dei cultu & divini numinis sincerà invocatione & veneratione tractari debet, de tollendis erroribus, de abusibus, formandis moribus Christiani populi & tam capitis, quàm membrorum emendatione reparandà, verà pace Ecclesiæ propagandà, fide & regno Christi. Quare quò cuique hæc sunt chatiora, quò magis his quisque moveretur & afficeretur, quò propius tangit sua quæque propria & suorum omnium patriæ, sua & communis totius populi salus, pax & tranquillitas, quò magis amat & diligit quisque Deum, & filii Dei gloriam propagari cupit, quò beatius & in hoc & in futuro sæculo vivere omnes desideramus, & majori studio, fide & diligentia in hoc quisque incumbat. Quà in re & Deo omnipotenti & toti orbi Christiano gratissimum ac verè bonum opus præstabitis, & vestræ vestrorumque atque omnium saluti consulitis, quod ut fiat Christus Jesus Dominus & Salvator noster, cui cum Deo Patre & Sancto Spiritu sit honor, laus & gloria.

Quæ voce dixi eadem in scriptis offerimus cum copiis earum Constitutionum, quarum mentionem petorando fecimus. *Dixi.*

*Die Martii 16. Februarii.*

Reverendissimus Trevirensis Archiepiscopus, Elector, à Tridento in patriam reversus est. Die verò 11. hujus Colonienfis & Moguntinenfis Electores post acceptum nuntium de tumultibus exortis in Germaniâ, ministerio Mauriti & Alberti, aliorumque Principum Germanorum à Tridento in patriam quoque remigrarunt. Die verò Veneris 18. Martii Oratores Wirtembergenfes, Brentius cum Doctõribus Argentinenf. Tridentum appulerunt. Die verò Sabbati 19. Martii Sessio celebrata non fuit, propterea quod interim nullæ materiæ fuerant discusse, interim Congregatio tamen facta fuit in quâ Orator Regis Portugalie cum Doctore Theologo Goatano & alio utriusque juris Doctore produxit mandatum, & à Synodo fuit admissus. Prætereâ placuit Patribus Sessionem differendam ad Calend. Majas.

*Oratio Legatorum Wirtembergenfium.*

**I**llustrissimus Princeps ac Dominus, Dominus Christophorus, Dux Wirtembergenfis . . . . Dominus noster clementissimus, reversis ad Celsitudinem ipsius prioribus quos in gratiam & debitam observantiam Cæsareæ Majestatis, & secundum decreta Comitiorum Augustanensium, huc ad præsens Concilium Tridentinum antè aliquot menses misit, nos alteros Legatos Celsitudinis ipsius ad ea quæ in communi negotio religionis, & aliis necessariis punctis, adhuc peragenda & deliberanda supersunt, omni studio ac operâ promovenda & absolvenda huc ablegavit: simulque injunxit, ut initio adventus nostri amplissimis Dignitatibus vestris exhiberemus nos, illisque nos quàm humiliter commendaremus; deinde in Cæsaris ipsius nomine amplissimis dignitatibus vestris amicas atque benignas ageremus gratias, pro singulari Dignitatum vestrarum amplissimarum studio, gratiâ ac benevolentia, quâ priores Celsitudinis ipsius Legatos in expediendis negotiis commissis & mandatis suis, tam apud amplissimas Dignitates vestras, quàm apud communem Congregationem Concilii, complexæ sunt, idque Celsitudinis ipsius oblatâ occasione, & benignè referre & gratosè agnoscere non est dedignatura. Quantum verò ad adventum C. ipsius Theologorum attinet, ordinaverat quidem Celsitudo suâ eo etiam tempore quo priores suos Legatos ablegavit, quosdam Theologos qui præsens Concilium visitarent, quemadmodum nunc etiam à Celsitudine ipsius quidam Theologi destinati atque itineri accincti sunt, quorum etiam adventum intrâ paucissimos dies speramus. Verùm cum certa quædam gravamina, quæ per Ducis Saxonie Electoris, partim per C. ipsius Legatos proposita sunt incidissent, absque quorum resolutione & revelatione parùm utilis & frugifera erat futura tractatio Theologica de doctrinâ, ideò hæcenus negotium cum Theologis commodè promoveri non potuit.

Nobis autem discedentibus, sæpè dictus illustrissimus Princeps noster, de novo in mandatis dedit, ut amplissimis Dignitatibus vestris, gravamina in memoriam iterùm revocaremus, ac quàm diligentissimè pro resolutione & revelatione eorum apud amplissimas Dignitates vestras laboraremus. Etsi enim quantum ad securitatem datam attinet Celsitudo ipsius de securitate, & de fide, atque constantiâ in servandâ eâ nihil dubitet, nec habeat quæ Celsitudo sua præcipuè in securitate desideret, tamen cum Celsitudo sua conferret exemplum ejus securitatis & salvi-conductus, qui in Concilio Basileensi

Bohemis datus , & cujus similis forma postulas est , cum eo exemplo quod Celsitudini ipsius transmissum ; atque à Concilio publicatum est , comperit re ipsâ non cum levi Celsitudinis ipsius & aliorum Augustanæ Confessioni adherentium Theologorum præjudicio , quædam necessaria partim omiſſa , partim mutata esse , nam ubi in Basileensi salvo-conductu hæc verba habentur , & signanter quod in causis controversis lex divina , apostolica & Ecclesiæ primitivæ , unâ cum Concilio Doctoribusque fundantibus se veraciter in eadem pro verissimo & indifferente iudice admittantur , pro his verbis in novo exemplo alia substituta sunt , videlicet , & signanter quod de controversis secundum Sacram Scripturam & Apostolorum traditiones in prædicto Concilio Tridentino &c. Est præterea & ea deliberatio in propositis gravaminibus unâ cum aliis nondum resoluta , quod Papa pro præside Concilii nec agnosci , nec haberi , sed quod ipse Concilii cognitioni se submittere debeat , quodque omnes personæ quæ Congregationi Concilii interfunt , & intererunt atque ipsi juramento astrictæ & obligatæ sunt , suis liberentur , quantum ad præsentem tractationem pertinet juramentis & obligationibus , quibus sanè non expeditis , nec resolutis , nulla utilis & salutaris tractatio de doctrinâ cum Theologis institui potest . Licet enim in communi congregatione & communi consensu , atque Concilio aliquid pium , & christianum & salutare constitueretur , quod tamen Papæ non placeret , id certè suâ voluntate & autoritate facilè & mutare & respuere posset , indèque nihil aliud sequeretur , quàm quod omnia studia , omnia concilia , omnes labores , ac denique omnes actiones planè essent frustra institutæ atque susceptæ . Quare adhuc petit illustrissimus Princeps noster , ut amplissimæ Dignitates vestræ pro summo suo studio , quo hætenus universum negotium complexæ sunt , in eo etiam laborare & operam dare velint , quo enarratorum & aliorum antea propositorum gravaminum antequàm ad theologicam tractationem perveniatur , fiat resolutio & relevatio .

Illustrissimus Princeps ac Dominus , Dominus Christophorus , Dux Wirtembergens. Dominus noster clementissimus , certo ordine Tridentum quosdam è Theologis suis qui oblatam Confessionem , autoritate Sacræ Scripturæ & veræ Catholicæ Ecclesiæ consensu defendant ac tueantur , & si opus fuerit copiosius explicant , sed priusquàm Theologi suscipiant explicationem , petit Illustrissimus Princeps noster de quibusdam gravaminibus suis sententiam Tridentini Conventus audire .

#### PRIMUM GRAVAMEN.

Quòd ad audiendam Theologorum explicationem , nondum sint ordinati & constituti ex utriusque partis consensu , idonei iudices aut arbitri , qui de præsentis controversiæ religionis legitimæ , juxta scripta Prophetica & Apostolica & juxta verum veræ Ecclesiæ Catholicæ consensum cognoscant . Nam cum Illustriss. Princeps noster intellexerit maximam partem doctrinæ suorum Theologorum pugnare cum doctrinâ & sententiâ Pontificis Romani & eorum Episcoporum qui sunt Romano Pontifici juramentis & aliis obligationibus addicti , nullo jure , nullâ æquitate fieri potest , ut Pontifex & Episcopi ejus in hac causâ in quâ ipsi sunt pars , sive accusatores , sive rei , pro idoneis iudicibus aut arbitris agnoscantur . Petit Illustrissimus Princeps se certiores reddi qui sint futuri hujus rei iudices aut arbitri .

#### SECUNDUM GRAVAMEN.

Quòd Conventus Tridentinus non videatur servari , juxta recessus Comi-

tiorum Imperialium Augustanorum, in quibus decretum fuit quodd Concilium Tridentinum continuari, & omnia christianè & honestè ac congruenti ordine tractari debeant. Hæc verba Illustrissimus Princeps noster nunquam aliter intellexit, quàm quod Concilium Tridentinum antea anno 46. institutum, non sit ita continuandum & proseguendum, ut decreta in eo facta pro conclusis & ratis habeantur. Quæ enim hæc esset honestas & congruentia, ea decreta pro ratis & sacro-sanctis habenda imponere, quæ parte alterâ nondum auditâ, sunt constituta; sed quod ab initio omnia capita religionis nostræ de quibus controvertitur, iterum tractari, & iis audiendis & dhudicandis verè legitima, & æquitate conveniens actio observari debeat. Quod cum hoc Tridentinum Concilium, cum videatur hoc modo institutum peti Illustrissimus Princeps, ut recessui Comitiorum Imperialium hac in parte satisfiat.

### TERTIUM GRAVAMEN.

Quod in Sessionibus non solum ejus Concilii quod anno 46. Tridenti institutum est, verum etiam hujus Concilii quod jam continuatur decreta sint multo aliena à sacris litteris & confirmati multi veteres errores, sicut Theologi Illustrissimi Principis sese coram idoneis judicibus aut arbitris declaratos recipiunt. Petit igitur Illustrissimus Princeps, ut talia decreta non habeantur pro conclusis & ratis, sed tantum pro discernendis & judicandis, donec idonei judices & arbitri ex utriusque partis consensu eligantur, & ab his legitima juxta sententiam Sacræ Scripturæ & consensum, veræ Ecclesiæ cognitio fiat. Cum igitur Illustrissimus Princeps etiam in hoc præcipuè incumbat ut vera & pia concordia in Ecclesiâ constituatur, non dubitat æquum esse & his jam commemoratis gravaminibus levetur & exoneretur, ac vicissim recipit se ope & auxilio divinæ clementiæ nullum officium Christiano & pio Principe dignum intermissurum, quo sperat se Deo Patri Domini nostri Jesu Christi fidem & obsequium suum probare, & incolumitatem, & tranquillitatem veræ Sanctæ Apostolicæ & Catholicæ Ecclesiæ posse juvare.

### *Oratio Legatorum Wirtembergensium & Argentinensium.*

**I**llustrissimi, Generosi & Rdi. Domini. Cum Illustrissimi Principis nostri Ducis Wirtembergensis nomine amplissimis Dominationibus vestris, à superioribus Legatis gravamina quædam plena æquitatis, & rationi consentanea oblata atque à nobis repetita sint quibus etiam Respublica Argentinensis interea se conjunxit, neque tamen tolerabilem eorum resolutionem à dignitatibus vestris obtinere hætenus potuerimus: ut tamen nihilominus videri possit quantopere suprà dictus Princeps, atque Respublica studiosi sunt atque cupidi publicæ pacis & concordiæ, deinde nec causæ tractatio longius extrahatur, Theologos nostros ad suscipiendum negotium, cujus causâ missi sunt admittimus & exhibemus. Cum hac tamen solemnî protestatione, quam omni meliori modo ac formâ hic facimus, ut hac ipsâ admissione & Theologorum exhibitione, ea omnia quæ Principi nostro & suprà dictæ Reipublicæ & universæ causæ, & memoratis Theologis & nobis de jure communi aut consuetudine, aut etiam ex decretis Augustani Conventus competunt, integra nobis & inviolata ac inprimis reservata esse velimus. Actum Tridenti die 22. Martii anno 1552.

Illustrissimi

Illustrissimi ac observandissimi Domini Cæsareæ Majestatis Oratores dignissimi. Gùm multi optimi Viri vestram insignem humanitatem & egregiam in administrando Ecclesiastico negotio, cujus gratiâ hæc Tridentina Synodus congregata est, prudentiam & æquitatem magnâ laude nobis prædicaverint, speramus forè ut Celsitudo vestra, non solum ea quæ his supplicibus litteris petimus, boni consular, verùm etiam pro singulari suo ergâ veram Ecclesiam filii Dei studio, nostrum institutum approbet, ac pro virili adjuvet. Postquàm enim spes nobis facta est, ut die 19. Martii publica de articulis in religione nostrâ controversis, tractatio coràm R. P. in Synodo susciperetur, ac nos mandato Illustrissimi Principis nostri Domini Christophori Ducis Wirtembergensis, & inclitæ Reipublicæ Argentorinensis huc Tridentum, ad ea quæ in confessione piæ doctrinæ, antè Synodo exhibitâ, minùs probata viderentur, explicanda & confirmanda obligati essemus, summam operam dedimus, ut definito die 19. Martii, Tridentum divinâ clementiâ perveniremus. Sed ut ipsi comperimus, quòd non solum præfato die nihil de controversis articulis Religionis agi coeptum sit, verùm etiam universum hoc negotium in longum tempus rejici videatur, & si autem fieri potest ut multa & varia negotia incidant, quæ fortassè publicis tractationibus aliquid remoræ afferunt, tamen postquàm in animo nostro reputamus, hanc Synodum idcirco institutam, ut legitima & Christiana fiat expositio piæ doctrinæ de Religione, ac viris amantibus veritatem & studiosis veræ tranquillitatis Ecclesiæ, nihil priùs esse debere, quàm primâ quaque occasione, in hoc studium incumbere, ut regnum Filii Dei promoveat & æternæ salutis Ecclesiæ consulatur, speramus Celsitudinem vestram nihil curæ ac studii intermissuram quò sine omni tergiversatione, ea negotia, quorum causâ huc missi sumus, tractanda suscipiantur. Neque enim ullum est officium, aut sacrum, quod Filius Dei majori favore prosequitur, quàm si viri in hoc mundo dignitate & nobilitate insignes, omne studium suum ad illustrandam gloriam Dei, ad juvandam veram Ecclesiam ejus, his temporibus afflictissimam conferant, at res ipsa quoque postulare videtur, ut importunè fortassè, nostræ autem professioni necessariò hanc causam urgeamus. Nam in decretis quæ hætenùs in hac Synodo edita sunt, non ferè legimus nisi dira doctrinæ nostræ Anathema. Et non nulli ex nobis audiverunt his diebus, monachum quendam publicè in lectionibus suis, quas in Apostolum Paulum proficitur, non solum absurda de salute impiarum gentium, adversùs omnium ferè veterum piorum authorum sententiam, verùm etiam manifestas calumnias adversùs piam doctrinam nostrarum Ecclesiarum evomentem. Etsi autem quidam affirmant hunc monachum non esse autoritate Concilii institutum, tamen videmus eum non mediocri frequentiâ & assécutione audiri. Etsi non alia causa est, cur ad hunc Conventum professio nobis suscipienda fuerit, quàm ut simus hominibus spectaculo, & non audiamus nisi convitia, calumnias & doctrinæ nostræ depravationem, & damnationem, potuissimus de iis domi, vel per litteras, vel publicis scriptis certiores fieri. Quare illustrissimi ac observantissimi Domini, oramus & obsecramus vestram Celsitudinem, obediētissimè, ut dignetur propter Filium Dei unicū Salvatorem nostrum apud Reverendissimos Patres hujus Tridentini Concilii efficere, quò tandem nobis significetur quid in eâ confessione, cujus suprâ mentionem fecimus, desiderent, ac vicissim nostrum responsum publicè audiant. Quo beneficio Celsitudo vestra non solum nos sibi devotissimos reddet, verùm etiam præstabit

Mmm

Filio Dei, hoc præsertim tempore quo maxime omnium præcipuis sacris opera dari solet, cultum gratissimum. Postremò precamur, ut Celsitudo vestra hanc petitionem nostram clementer interpretetur, & nos commendatos habeat.

Vestræ Celsitudinis studiosissimi & observandissimi Wirtembergenses & Argentorinenses Theologi.

*Nomina, cognomina, dies promotionis, ac Patriæ hodiè Tridenti in Concilio existensium Prælatorum anno Domini 1552. quintâ Martii.*

Reverendissimus & Illustrissimus D. Marcellus, Tituli Sancti Marcelli, Sanctæ Romanæ Ecclesiæ Præbiter Cardinalis Crescentius nuncupatus, Sacri Tridentini Concilii Legatus ac primus Præsidens. Romanus.  
Rmus. D. Sebastianus Pighinus, Archiepiscopus Sipontinus, secundus Præsidens.  
Rmus. D. Aloysius Hyppomanus, Episcopus Veronensis, tertius Præsidens.

*Cardinales.*

Rmus. & Illustr. D. Christophorus Madrucius, Tituli Sti. Cæsarii in Palatio, S. R. E. Præbiter Cardinalis ac Episcopus & Princeps Tridentin. Administrator Brixienfis.

*Sacri Imperii Electores.*

Rmus. & Illustr. D. Sebastianus Hensenthain, Archiepiscopus Moguntinus.  
Rmus. & Illustr. D. Joannes ab Isenbergh, Archiepiscopus Trevirensis, qui relicto Concilio ad suos reversus est 6. Februarii.  
Rmus. & Illustr. D. Adolphus ex Comitibus, Archiepiscopus Colonienfis.

*Oratores D. Caroli V. Cæs. semper Augusti.*

Illustr. D. Hugo, Comes à Montfort & Rothfels.  
Illustr. D. Franciscus à Toletto.  
Illustr. D. Guillelmus à Pictavia, Archidiaconus Campiniæ.

*Oratores Romanorum ac Bobemiæ Regis.*

Rdus. D. Paulus à Gregorianis, Episcopus Sugabrienfis.  
Rdus. D. Fredericus Nansea, qui obiit 6. Februarii 1552. dum vixit Episcopus Viennensis.

*R. D. Archiepiscopi.*

Salvator Alypus, Archiepiscopus Turritanus & Salsarenfis. Promotus 29. Januarii 1524.  
Ludovicus Chiregatus, Archiepiscopus Antibarenfis. 25. Augusti 1528.  
Petrus de Alagon, Archiepiscopus Arborensis. 1537.  
Olaus Magnus, Archiepiscopus Upsalensis.  
Petrus Tagliavia de Aragoniâ, Archiepiscopus Panormitanus. 1544.  
Petrus Gualtero, Archiepiscopus Granatenfis. 15. Octobris 1545.  
Balthazar de Heredia, Archiepiscopus Calarritanus. 1548.

*R. D. Episcopi.*

Thomas Campegius, Episcopus Feltrenfis. 1. Junii 1520.  
Guttierrus de Carnafal, Episcopus Placentinus. 1524.  
Gaspar Joffredus, Episcopus Segobricenfis. 1530.



Coriolanus Marticanus, Episcopus Sancti Marci.	1532.
Joannes Baptista Campegnus, Episcopus Majoricensis.	1532.
Hieronimus Moirig, Episcopus Chiennensis.	1536.
Nicolaus Maria Caracidas, Episcopus Cathinensis.	7. Jan. 1537.
Bernardus Bonjoannes, Episcopus Convernienfis.	5. Febr. 1537.
Antonius de Laquila, Episcopus Zamorensis.	16. Apr. 1537.
Joannes Fonseca, Episcopus Castellinaris.	14. Junii 1537.
Stephanus de Almerda, Episcopus Carthaginensis.	1. Junii 1539.
Joannes Salazar, Episcopus Lancianensis.	ultima Aprilis 1540.
Petrus Vagnier, Episcopus Algarensis.	4. Junii 1540.
Balthasar Vathman, Episcopus Missiensis, qui ad suos reversus est.	20. Aug. 1540.
Julius Plonch, Episcopus Nembergenfis.	Jan. 1541.
Hieronimus de Bononia, Episcopus Siracusanus.	29. Apr. 1541.
Richardus Palus, Episcopus Wormiensis.	8. Jul. 1541.
Erasmus à Limpurg, Episcopus Argentinenfis.	11. Aug. 1541.
Franciscus de Benavides, Episcopus Mnidonienfis.	Octo. 1541.
Cornelius de Muscis, Episcopus Bitonenfis.	1541.
Jacobus Jacomellus, Episcopus Bellicastrenfis.	Jan. 1542.
Franciscus Manrique, Episcopus Auriensis.	Ap. 1542.
Alvares de Quadra, Episcopus Vernisfin.	22. Jan. 1542.
Franciscus de Navarra, Episcopus Pacensis.	22. Junii 1542.
Joannes Thobinus, Episcopus Constantinensis.	27. Junii 1542.
Ferdinandus Loazes, Episcopus Illerdensis.	24. Aug. 1542.
Petrus de Augustinis, Episcopus Oscanis.	6. Aug. 1542.
Jacobus Naclaurus, Episcopus Clodiensis.	1544.
Gregorius Flacz, Episcopus Solonenfis.	15. Julii 1544.
Joannes Bernardus Diaz, Episcopus Calagurritanus.	17. Apr. 1545.
Michael Puccius, Episcopus Elinensis.	Junii 1545.
Gregorius Siricher, Episcopus Danaliensis Suffrag. Spuenf.	7. Junii 1545.
Michael à Turre, Episcopus Genatenfis.	Feb. 1547.
Octavianus Preconius, Episcopus Monopolitanus.	15. Apr. 1546.
Joannes Fernandi Theuma, Episcopus Legionensis.	14. Jul. 1546.
Christophorus Ruscus, Episcopus Onetenfis.	8. Octo. 1546.
Joannes Emilianus, Episcopus Tudenfis.	1. Junii 1547.
Joannes de Mello Episcopus Sylvenfis.	2. Martii 1547.
Antonius Codma, Episcopus Lacorensis.	7. Maji 1546.
Martinus Ayala, Episcopus Guadicensis.	16. Maji 1548.
Petrus de Slimiga, Episcopus Astorienfis.	4. Junii 1548.
Nicolaus Pseume, Episcopus Virdunensis.	8. Junii 1548.
Christophorus Metzler, Episcopus Constantienfis.	2. Jul. 1548.
Thomas de Platanis, Episcopus Curienfis.	
Franciscus Salazar, Episcopus Salaminensis.	16. Decem. 1548.
Vincentius de Leone, Episcopus Bosfanensis.	16. Decem. 1548.
Angelus Bragadinus, Episcopus Vincentinus.	17. Maji 1550.
Ægidius Folcararius, Episcopus Mutinensis.	13. Maji 1550.
Gerardus de Rambaldi, Episcopus Civitatenfis.	30. Maji 1550.
Gaspar, Episcopus Segobrienfis.	25. Junii 1550.
Petrus Pons, Episcopus Civitatenfis.	25. Junii 1550.
Alvarus Moschofius, Episcopus Pampilonensis.	25. Junii 1550.

Joannes Kridz, Episcopus Achonenfis Suffrag. Monasterienfis. 8. Sept. 1550.  
 Achilles de Grassis, Episcopus Montis Flascenensis. 1551.

*Abbates.*

Gerardus de Zumericourt, Abbas Sti. Bertini Morinenfis Dioecesis.  
 Marcus de Brixia, Abbas Sancti Vitalis de Ravenna.  
 Eusebius de Parma, Abbas Sctæ Mariæ Gratiarum Placentinenfis Dioecesis.

*R. Patres Generales.*

Christophorus Patavinus, Generalis Sti. Augustini.  
 Franciscus Romeus Castiglionenfis, Generalis Ordinis Prædicatorum.  
 Julius Mananus, Placentinus Vicarius Generalis Ordinis Minorum Conventualium.

**D**ie Jovis 28. Aprilis 1552. celebrata fuit postrema Sessio in æde Divi Vigili, in quâ post Missæ celebrationem, R. D. Pighinus Præses, absente D. Legato ob morbi gravitatem quo intereâ laboravit, inchoavit solemniam Sessionis, assistente illi D. Veronensi præfidente. Deindè decretum suspensionis Concilii lectum fuit à D. Senedenfi ex Ambone, quod quidem placuit serè omnibus, præterquam Archiepiscopo Turritano qui maxime contradixit, prout in cedulâ infrâ scriptâ, aliisque Episcopis Castellimaris, Laucianensi, Pacensi, Calagurritano, Elmenfi, Gadicensi, Astoricensi, Tudenfi, Pampilonensi, Civitatenfi & Segobrienfi.

*Copia decreti suspensionis Concilii in Sessione ultimâ Tridenti publicati,  
 per Reverendum Dominum Senedensem.*

**S**acro-Sancta œcumenica & Generalis Synodus Tridentina in Spiritu Sancto legitime congregata, Præfidentibus in eâ Rmis. D. Sebastiano, Archiepiscopo Sipontino & Aloysio, Episcopo Veronensi, Nunciis Apostolicis, tam eorum proprio, quam Rmi. D. Marcelli, Tit. Sti. Marcelli, S. R. E. Cardinalis Crescentii Legati nomine, ob adversam ejus gravissimam valetudinem absentis, non dubitat Christianis omnibus patere, hoc Concilium œcumenicum Tridentinum primò à Paulo foel. record. convocatum & collectum fuisse, deindè à Smo. D. N. Julio III. efflagitante Carolo V. Augustissimo Imperatore, eâ præcipuè de causâ fuisse restitutum, ut Religionem in multis orbis partibus, & præsertim in Germaniâ, in diversas opiniones miserabiliter distractam, in statum pristinum revocaret, abusus & mores Christianorum corruptissimos emendaret. Cumque ad hoc agendum quam plurimi Patres nullâ laborum suorum periculisque habitâ ratione, è diversis regionibus alacriter confluxissent, resque strenuè magno fidelium concursu sollicitèque procederet, ac spes esset non levis, illos Germanos qui eas novitates excitant, in Concilium venturos, sic animatos ut veris Ecclesiæ rationibus unanimiter acquiescerent, lux denique quædam rebus affulxisse videretur, caputque artollere inciperet, profligata antea & afflicta Respublica Christiana hi repente tumultus, ea bella hostis generis humani versutiâ exarserunt, ut Concilium velut harere ac suum cursum interrompere satis incommodè cogeretur, spesque omnis ulterioris progressus hoc in tempore tolleretur, tantumque aberat ut Sancta Synodus Christianorum malis & incommodis uinceretur, ut multorum mentes præter animi sui

fui sententiam irritaret potius quàm placaret. Cum igitur ipsa Sancta Synodus omnia, & præcipuè Germaniam armis ardere, & discordiis videret, omnes ferè Episcopos Germanos, præsertim Principes Electores suis consultum Ecclesius è concilio abiisse, decrevit tantæ necessitati non reluctari, & ad meliora tempora reticere, ut Patres quòd eis nunc agere non licet, suis ovi-  
bus prospectum, ad suas Ecclesias regredi valerent, ne diutius utrobique inutili otio conterantur, atque ita quoniam sic temporum conditio tulit, hujus œcumenici Concilii Tridentini progressum per biennium suspendendum forè decrevit, prout præsentì decreto suspendit, eà tamen lege, ut si citius pacata res sit, ac tranquillitas pristina restituatur, quod sperat Dei Opt. maximi beneficio non longo forsan spatio futurum, ipsius Concilii progressus, eodemmet tempore suam vim, firmitatem, vigoremque habere censeatur. Sin autem, quod Deus avertat, peractò biennio prædicta legitima impedimenta non fuerint submota, quam primùm cessaverint, talis suspensio eo ipso sublata esse intelligatur, ac suus vigor & robur Concilio sit restitutum, & esse intelligatur, sine alià novâ Concilii convocatione: accedente ad hoc decretum, consensu & autoritate Sanctitatis suæ & Stræ. Sedis Apostolicæ. Interea tamen eadem Sancta Synodus exhortatur omnes Principes Christianos & omnes Prælatos, ut observent, & respectivè quatenus ad eos spectat, observare faciant in suis regnis, dominiis & Ecclesiis omnia & singula quæ per hoc Sacrum œcumenicum Concilium fuerunt hætenus statuta & decreta.

Reverendissimi & Illustrissimi Domini Reverendique Patres, placent ne hæc omnia vobis? omnibus placuit exceptis supramemoratis. Laus Deo.

*Scedula exhibita à Reverendo Domino Turritano in Sessione  
habita 28. Aprilis 1552.*

CUM hoc Sacrum œcumenicum Concilium antè tot annos à toto orbe Cristiano desideratum, tantis laboribus procuratum tandem Tridenti ad extirpandas hæreses, tollenda schismata, reformandos mores, pacemque inter Principes Christianos componendam, fuerit convocatum, neque post ejus convocationem fuerit adhuc satisfactum, nedum omnibus, sed nec planè alicui ex causis, propter quas convocatum est, præsertim reformationi necessariæ abusuum, undè mala omnia quibus vexatur Ecclesia, exorta esse, apertum est. Nos infra scripti Archiepiscopi & Episcopi nostrarum conscientiarum testimonio compulsi, huic decreto suspensionis Concilii, cum omnibus in eo contentis circumstantiis & conditionibus, tam quoad substantiam ejus, quàm quoad formam, contradicere decrevimus, prout de præsentì contradicimus & repugnamus. Tamen quia causæ suspendendi quæ in eo assignantur, bella scilicet, & Germanici tumultus, quos brevi sedatos iri & componi hoc in ipso decreto sperari dicitur, usque adeò non videntur urgere, ut sit propter eas ità à Concilii prosecutione cessandum, saltem in his quæ ad reformationem attinent, quin imò ad sedandas Principum discordias aptissima visa est Concilii convocatio, subindèque prosecutio & continuatio: tum etiam quia dicta suspensio magis dissolutionis, quàm moderatæ aut necessariæ superfectionis speciem præ se ferre videtur, neque enim etsi cæteræ difficultates decerint quas timere nos docuit experientia, tam celebris Prælatorum conventus, ex tam diversis remotisque Provinciis haberi facile poterit, nec deerunt

Nnnn

impugnatoribus Catholicæ Ecclesiæ occasiones & rationes ad seminanda alienaque bella & discordias, quibus hujus Concilii, cujus nomen apud eos tam est odiosum, vel assumptionem impediunt, quòd nunc eos conari, variisque rationibus tentare videmus: si præsertim viderint conatus hujusmodi prosperè eis cedere, nosque eò adègisse ut ab incepto opere cessaverimus. Præterea nos deterret ingens scandalum, certaue hæresum propè confirmatio, quam ex tali & tam diuturnâ suspensione nedum ipsi Ecclesiæ adversariis, sed & Catholicorum plerisque orituram esse manifestum est, cum Dominica Castra, publicamque causam deferere nos non aliâ ratione magis quàm persecutionum metu, laborumque impatientiâ, & quod pejus est, causæ ipsius & divini auxilii desperatione opinabuntur: Cum tamen in hoc loco ab omni bellicâ injuriâ remoto esse nos viderint, ubi aliàs cum non minùs periculosa bella gererentur, nihilominus ipsa Synodus fiducialiter in divino hoc opere perseveraret, quod professio inficiari nec nos possumus. Cum itaque è manibus nostris repetendæ erunt animæ quæ periturae sunt per subtractionem hujus salubris, atque unici remedii, aliisque de causis conscientias nostras moventibus, huic decreto non expresse contradicere non possumus, imò ei contradicimus & quantum possumus absolute repugnamus. Ne tamen non omni Concilio consentiendi rationem quaerere videamur, neve abhorreere credamur à suavi rerum dispositione, cum & nos difficultatis temporum, recessusque Prælatorum Germanicæ nationis ferè omnium, rationem aliquam habendam esse nos improbemus, petimus ut hæc Sancta Synodus sequendo viam quam hætenùs tenuit atque servavit; Sessionem ad proximas Cal. Majas indictam, ad moderatum aliquem terminum proroget, diemque declarez qui ipse ità pro hodie interpellet, ut alia convocatio, declaratio, aut intimatio minimè sit spectanda quominus ad hunc locum Concilii omnes Prælati convenire & possint & teneantur, addentes nihilominus quòd si infra dictum declarandum terminum prædicta impedimenta cessaverint, curet Sanctitas sua Prælatos omnes ad prosecutionem Concilii revocare quos interim ad proprias Ecclesias remeare (si libeat) licebit. Ultima verò decreti verba quibus continetur decretorum hujus Sanctæ Synodi observatio, placeant utique, si absque his verbis, *quatenus ad eos de jure spectat*, publicetur, quæ litium occasio esse videntur, & seminarium, quæ quidem omnia ita & non aliter fieri petimus. Protestamurque si secus fiat nullum nobis, nec Sanctæ Synodo præjudicium fieri quovis tempore, tam propter hujus decreti suspensionis publicationem, quàm ob quemcumque alium actum, factum, vel faciendum, attentatum, vel attentandum, per quascumque personas contra hujus œcumenici Concilii auctoritatem & potestatem, Conciliorumque œcumenicorum omnium. Petimus insuper à Synodi hujus Notario, ut hanc nostram scèdulam contradictionis, attestationis, ac protestationis inter acta Synodi unà cum decreto hoc inferat, indeque ipse, vel alii nobis, unum, vel plura authentica instrumenta exhibeant. Ita subscriptum.

S. Archiepiscopus Turritanus.  
J. Episcopus Castellimaris.  
Alvarus, Episcopus Venusinus.  
Jo. Episcopus Tudenfis.  
P. Episcopus Astoricensis.  
Petrus, Episcopus Civitatenfis.

Jo. Episcopus Laucianensis.  
Franc. Episcopus Pacensis.  
M. Episcopus Elnensis.  
M. Episcopus Guadicensis.  
Alvarus, Episcopus Pampilon.

*Sessione finitâ, liberum fuit cuique ad propria redire.*

SECUNDA PARS  
ACTORUM  
ET  
DECRETORUM  
CONCILII  
TRIDENTINI

Ab Anno MDLXII. usque ad Concilii finem ,

CONTINENS  
MEDULLAM  
VOTORUM ET SENTENTIARUM PA-  
TRUM CONCILII TRIDENTINI, SUPER PRÆCIPUIS  
MATERIIS PROPOSITIS IN CONGREGATIONIBUS,  
AB ADVENTU EMINENTISSIMI CARDINALIS  
LOTHARINGICI CUM EPISCOPIS GALLIS,  
AD CONSENSUS SOLUTIONEM.

*EX DIARIO MANUSCRIPTO ILLUSTRISSIMI  
ET DOCTISSIMI DOMINI*

NICOLAI PSALMÆI,  
EPISCOPI ET COMITIS VIRDUNENSIS.

ADDUNTUR  
ELUCIDATIONES NON-NULLORUM LOCORUM  
EJUSDEM CONCILII A SANCTÆ ROMANÆ ECCLESIAE  
CARDINALIBUS, INTERPRETIBUS, DEPUTATIS,  
PRÆLATIS, ET ALIIS CONCESSÆ.



**D**ie Veneris decimâ tertiâ mensis Novembris anni millesimi quingentesimi sexagesimi secundi, appulit Tridentum Cardinalis Lotharingus cum comitatu, cui obviam occurrerunt multi Episcoporum, Oratorum, & Legatorum Pontificis, honoris gratiâ, cum Tridentino Cardinali.

Die Lunæ decimâ sextâ ejusdem mensis Novembris Congregatio facta est in æde Sanctæ Mariæ, in quâ dederunt vota super doctrinâ & canonicis Sacri Ordinis, in medium propositis, duo Hispani, & tres Itali Episcopi.

Die Martis decimâ septimâ, horâ vigesimâ primâ, primus votum dedit Urbanus de Rüere, Januensis, Episcopus Scnogaliensis, (a) qui multum moratus est in allegatione Scholasticorum, ad probationem actûs septimi, in quo agitur an Episcopi sint jure divino instituti, presbyteris superiores & eodem jure, Romano Pontifici subiecti.

Dionysius Græcus, Ordinis Minorum Sancti Francisci de observantiâ, Episcopus (b) Milopotamensis, alterius Episcopi, qui priûs dixerat, subscripsit sententiæ.

Petrus Danesius, Gallus, Episcopus Varensis oravit, ut Synodus provideret, quatenus Patres simpliciter sententias dicerent clarè & dilucidè. Tandem suasisit, ut Synodus magis ageret ea quæ reformationem spectabant in hac tantâ calamitate, ne essent aliis ludibrio.

Joannes De Munnatones, Hispanus, Ordinis Sancti Augustini, Segobriensis in Celtiberiâ Episcopus, eodem tendebat, ne illud contingeret, vè mihi quia tacui, & quoniam tacui inveteraverunt ossa mea, dum clamarem totâ die, sed quia (dixit) audio maximam inter Patres natam de hoc septimo Articulo discordiam, an Episcopi sint de jure divino instituti, presbyteris superiores, & eodem jure Pontifici Romano subiecti, in quâ terimus tempus, cum aliò nos avocet in præsens cunctæ Ecclesiæ discrimen, quod citius excitabit incendium, quod nos tempestivè restinguere possemus, ut jam adversarii clament, Ecclesiam Catholicam, insaniam nostrâ & Christianum orbem in summum discrimen adduci, nisi Deus Pater misericordiarum, misereatur Ecclesiæ suæ, faciatque nos tandem idem sentire & loqui in Domino. Itaque satius fuerit circa reformationem attendere, cum etiam Catholici libere fateantur, varios esse in Ecclesiâ abusus, mores Cleri turpes, & opus esse magnâ reformatione.

Multis nominibus laudata Confessio Polonica, autore Osio, *fides nostra*. „ Me, adjuvante Deo, neque minis paratæ cædis, neque objecto exemplo tyranni, quisquam avertet à veritate Catholicæ fidei, quam confiteor „ ad eò integrè, ut si venulam in corpore meo ullam communem cum secularis esse scirem, eam secarem, avelleremque, tantum abest ut hæreses „ possim probare Lutheri; precor autem Deum, ut me vasculum aliquod „ esse velit misericordiæ suæ, ac si res ita postulet, minimè dubitem martyr

O o o o

(a) In Ducatu Urbini.

(b) Castrum Insulæ Candie; vulgò *Milopotaini*.

„ pro veritate veri Evangelii, contra falsum fidumque Evangelium Lutheri,  
 „ honestam mortem constanter oppetere.

„ Inter hæreticos. & Catholicos in hoc convenit, quòd lapsa sit Eccle-  
 „ siastica disciplinà, in eo verò discrepatur, quòd hæretici hierarchiam om-  
 „ nem, & sacerdotalem ordinem cupiant evertere; Catholici autem unita-  
 „ tem comprobantes deformatam Ecclesiam verè deplorent, & ut ea resor-  
 „ tuatur votis omnibus orandum est. Quod nisi fiat, video (quod Deus  
 „ avertat) Ecclesiæ maximum impendere periculum. Volo malè oppinari,  
 „ sed vereor ne hic cancer, in dies latius serpat, cui tollendo, nec ferrum,  
 „ nec flamma satisfuerit. Longe satius esset Pontifici Romano, à Christo tra-  
 „ ditam, & Conciliis confirmatam potestatem ita prædicare, & plenariam il-  
 „ lam potestatem, de quâ in septimo canone, & intereà admoneat eum,  
 „ non ad Ecclesiæ ruinam, sed ædificationem esse concedendam.

„ Potestas Ordinis non est humana, nec civilis, sed omnem nostram  
 „ virtutem excedens.

„ *Ex libro explanationis articulorum per Universitatem Lovaniensem.*  
 „ Apostolus Paulus, ad majores natu Ecclesiæ Epbesine, attendite, inquit,  
 „ universo gregi, in quo vos Spiritus Sanctus posuit Episcopos regere Eccle-  
 „ siam Dei, & Christus ipse est, qui dedit quosdam Pastores, Doctores,  
 „ & Sacerdotes.

„ Electio Episcoporum, & Pastorum, atque Diaconorum, aliquandò fa-  
 „ cta est in Ecclesià, suffragio plebis: Beatus Cyprianus, divinà traditione  
 „ & Apostolicà observatione sic esse observandum docet, Ex divinà (ait)  
 „ descendit auctoritate, quòd Sacerdos plebe præsentè, sub omnium ocu-  
 „ lis deligitur, & dignus atque idoneus publico judicio atque testimonio  
 „ comprobetur. Aliquandò à solo Clero constituitur, tamen ordinatus &  
 „ consecratus semper fuit apud solum Episcopum. Beatus Leo in *distin.* 63.  
 „ vota civium, testimonia populorum, honoratorum arbitrium, electio Cle-  
 „ ricorum, in ordinatione Sacerdotum constituatur.

„ De hac diversitate constitutionis Episcoporum & Pastorum Ecclesiæ  
 „ (ait) Gerson, Cancellarius Parisiensis, de *potestate Ecclesiæ confid.* 12. Præ-  
 „ lati Ecclesiæ, majores & minores, quandoque sunt instituti à toto populo  
 „ & Clero, quandoque à Clero tantum, quandoque à solis Canonicis ca-  
 „ thedralis Ecclesiæ, novissimè crebrius per Romanum Pontificem, ideò  
 „ namque variatum est, quia nihil de hoc Christus constituit.

Die decimà octavà Novembris Franciscus Blanco, Hispanus, Episcopus  
 Aurientis, dixit super septimo Canone, confirmans multis auctoritatibus ex  
 Basilio, Gregorio Magno, Cypriano & aliis, Episcopatum esse jure divino à  
 Christo institutum, non quoad potestatem modò, sed etiam jurisdictionem,  
 ac procedere à Christo tanquam fonte, & principali causà, & ab eo per  
 Papam, tanquam per ministrum & instrumentum. Eodemque jure presbyteris  
 esse superiores, ità quoque antè Granatensis & Segobienfis senserant, & mor-  
 dicus probaverant, Episcopatum juris esse divini, contra mentem quorundam  
 Itolorum, qui juris esse positivi asseveraverant, tribuentes totam potestatem Papæ.

Donatus de Laurentiis de Asculo Apuliæ, Episcopus Minorensis (a), dixit  
 instar sacrilegii esse disputare de auctoritate Pontificis Romani, sine expresso  
 ejus mandato & legatorum, & probavit verba illa (tibi dabo claves Regni

(a) *Minori* Civitas Episcopalis in Regno Neapolis.

Cœlorum) non solum Petro dicta, sed & Apostolis, ex Cypriano & aliis. Et C. *firmiter de summâ Trinitate*, sunt qui Canonem septimum subterici malunt, ex quo tot dissidia inter Patres nata sunt; & quæ totam Patrum Congregationem perturbaverunt.

Georgius Drasovicius, Orator Regis Hungariæ, Quinque Ecclesiensis Episcopus, dixit sibi displicere, quod tantoperè defenderetur auctoritas Episcopalis, cum ferè Patres non laborarent de confirmando primatu Petri, quem eversum cupiebant hæretici, dixitque Episcopos à Deo institutos, sed per hominem, Papam scilicet; allegavit Hieronymum ad Cap. 1. ad Galat. Ubi Apostolus dicit missum non ab homine, neque per hominem, sed per Jesum; Hic Hieronymum tria Apostolorum genera assignare, quosdam à Deo tantum, ut Paulus, alios à Deo, sed per hominem, sic Josue per Moysen, sic Eliseus per Eliam, alios ab hominibus & favore humano, alios à seipsis, ut hæretici.

Die Dominicâ, vigesimâ secundâ ejusdem mensis Novembris, est celebrata Missa submissâ voce, in æde majori, præsentibus Legatis, Oratoribus, Episcopis & Theologis, deindè habita est Oratio per Dominum Franciscinum de Ferraria, de signis adventus Domini, & de abominatione desolationis, admonens Patres, ne quis vos seducat, neque turbemini de mysterio iniquitatum nostrarum, sed vindictæ divinæ & judicii, nisi poenitentiam agamus, proponens exempla diluvii, & destructionis Sodomæ, & devastationis Hierosolymæ, captivitatis Ægyptiæ, & quid æchum sit de Ecclesiâ Orientali, timendum de Occidentali, nisi seriò reformemus nos ipsos, & quod prædicatum est Evangelium Regni in universo mundo, undè sequetur consummatio sæculi, videtis hæc omnia (inquit) & structuram templi, amen dico vobis, non relinquetur lapis supra lapidem, qui non destruat. Quâ concione finitæ secutæ sunt preces in hunc modum.

Capella Legatorum prostrata antè Altare incepit antiphonam cum musicâ, deindè Litaniam more Italico, & dicto *Sancta Maria ora pro nobis*, surrexerunt omnes, & facta est processio extrâ ædem, & in reditu quisque rediit in locum suum, & finitâ Litiâ, unus ex Episcopis stans coram altari, dixit preces cum versiculis & orationibus aliquot pro tranquillitate Ecclesiæ & progressu Concilii, & dicto *Benedicamus* quisque recessit in domum suam.

Die Lunæ vigesimâ terciâ Novembris, horâ vigesimâ, facta est Congregatio in loco solito, ut in æde Divæ Mariæ, non procul à residentiis Dominorum Legatorum, ubi primùm Oratores Galli exhibuerunt Legato, & Patribus litteras Regias, in Idioma latinum traductas, hujus qui sequitur tenoris.

Carolus Dei gratiâ Francorum Rex, Sanctissimis & Reverendissimis Patribus in Sacro-Sancto Tridentino Concilio congregatis salutem.

Etsi ea fuit Dei Optimi Maximi voluntas, ut jam indè ab ineunte ætate nos ad tanti hujus Regni Imperium vocaret, ejusque altæ & infinitæ judiciorum providentiæ placuit, nobis committere hujus principatus initia, adeò tumultuum & civilium bellorum plena, ut nulla illius vel minima provincia inveniri possit, quæ hisce calamitatibus careat. Oculos tamen pueritiæ nostræ, hæc ipsa divina bonitas ita aperuit, ut tantorum malorum causam faciliè judicaverimus, non aliundè quam ex variâ & multiplici de Religione opinione, quâ populus noster imbutus est, processisse. Cognovimus etiam hujus gravissimi morbi remedium, non ab hominum prudentiâ esse petendum, sed à Deo vivo, & inexhausto misericordiarum fonte, qui requirentibus eum ex animo, suisque nominis tantum gloriam & honorem spectantibus, nunquam



defatigatur beneficia & gratias conferre. Itaque eodem Spiritu ducti cum primùm Regià coronâ sumus insigniti, nihil nobis magis fuit in votis, quàm cum majorum nostrorum exemplo, ad Sacros Conventûs, velut ad ejus ægritudinis unicum & præsens medicamentum confugere, tum in bonæ memoriæ Francisci Regis Domini & Fratris nostri Amantissimi vestigiis permanere, & quanto potuimus studio & diligentia hanc ipsam, in quam nunc ex variis orbis terrarum partibus convenistis celeberrimam Synodum expectere. Ac illud quidem gravissimè tulimus, nos qui hujus instituti adeò piî & optati auctores fuimus, non tamen efficere potuisse, ut Prælati nostri in hoc generale Concilium primi convenirent. Sed hujusmodi dilationis causam, & alii omnes, & vos ipsi necessariam judicastis: Cumque amantissimum & dilectissimum Confobrinum nostrum Cardinalem Lotharingum, Archiepiscopum, Ducem Remensem, primum Franciæ Parem, inque illius comitatu aliquor Regni nostri Episcopos, & Abbates adventare videatis, nihil quidem à nobis cum simulatione, aut exquisitis diffugiis, sed omnia seriò, piaque & sanctâ voluntate gesta esse facile existimabitis. Causa autem, Sanctissimi Patres, propter quam Confobrinum nostrum ad vos misimus, duplex est, altera quod ille muneris sui non oblitus, quique optimè novit quid Ecclesiastica protectio horumque temporum calamitas ab eo, sui que ordinis hominibus requirat, sapiùs & vehementer istuc eundi facultatem à nobis petiit & optavit: Altera quod ille à teneris annis ad secretiora nostra consilia evocatus, & in Regni nostri gravissimorum negotiorum administratione educatus, optimè novit fontes, & origines tumultuum nostrorum, & quibus rebus egeamus ut sedari possint, eique in mandatis dedimus ea apud vos exponere, & quæ à prudentiâ vestrà & amore paterno remedia jure expectari possunt, non solum propter Regni nostri tranquillitatem, sed etiam totius Republicæ Christianæ salutem à vobis impetrare. Cum enim præ oculis, quod est veri & puri Dei cultûs semel habuerimus, poterimus tandem ad laudatam illam & adeò expetitam rerum emendationem, quæ temporum injuriâ & hominum malitiâ funditus perierat pervenire, ac in honorem & exaltationem Dei nominis, unitatemque Ecclesiæ, antiqua illa Carholicæ Ecclesiæ Majestas & integritas splendet, quam rem velut munere vestro dignam univèrsus orbis jure suo à vobis expetit & exquirît, eamque si feceritis, accedet vobis incredibilis remuneratio à manu illius liberali, qui se harum rerum liberalissimum remuneratorem profitetur. Reges item, & Republicæ, Principesque omnes, vobis se meritò devinctos existimabunt, vestramque pietatem magnâ cum vestrà laude posteritati commendabunt. Et quoniam eo est ingenio Confobrinus noster, ut ea planè noverit quæ nos speciatim scire cupimus, obsecramus vos, Patres Sanctissimi, illum ut æquo & lubenti animo audiat, eamque illi fidem, quam nobis si istic essemus, adhibeatis. Petentes intèrè à Deo optimo maximo, ut vos suo præsidio, nobis, totique orbi Christiano, diutius conservare dignetur.

Datum Rouville die septimâ Octobris MDLXII.

Literis quæ suprà per Secretarium Concilii lectis, Cardinalis Lotharingus habuit orationem exponens animum Regis, ut seriò procedatur ad negotia Synodi, & ut sequitur loqui cœpit.

*Illustrissimi*

Illustrissimi D. D. Reverendissimi Episcopi, Christianissimus Rex Carolus, Reginae matris Christianissimae, auctoritate, ac praecipue Regis Navarrae assensu, procerumque omnium conscriptorum consilio, has literas quae modò perlectae sunt, decrevit, mihi quae ad vos perferendas dedit. Quarum praecipua ea capita, quae majorem ex me explicationem desiderant, pro ea quae mihi credita est fide, explicabo, quam brevissimè potero. Hæc ut meministis, statim in initio Regni illius nobilissimi, amplissimi ac florentissimi quondam, summæque ergà Regem fidei & observantiae, statum & conditionem testantur, dicam uno verbo, non sine incredibili dolore, fuimus Galli, fuit ingens gloria Francorum, hæc rerum omnium, Clarissimi Oratores, sunt vicissitudines. Manus Domini tetigit nos, Viri, Patres & Fratres: hoc nobis justum intra suum judicium, provocaverunt corrupti omnium ordinum mores, ac Ecclesiastica collapsa disciplina: has turbas excitantur hæreses non suppressæ, & à Domino Deo nostro instituta remedia, tamdiù neglecta: hinc illæ lachrymæ, ac per totum Regnum dissidia, odia, rapinæ, bella intestina & plus quam civilia: luctus ubique, ubique dolor, & plurima mortis imago, nec sacro-sanctis Dei templis parcitur, presbyteri & Religiosi viri ad aras usque, quas amplexantur morientes, trucidantur. Visibilia Sacramentorum signa pedibus conculcantur; passim erecti apparent rogi ex omni genere Ecclesiasticorum ornamentorum, accensa ex imaginibus dissectis pyra, additis non solum omnium Ecclesiarum, sed antiquissimarum Bibliothecarum libris: nec quicquam ex charis publicis & instrumentis, quæ ad dotationem pertinent reservatur. Sanctorum reliquæ ruptis altaribus in cineres rediguntur, quæ supersunt in profluentem post hæc projectæ; horresco referens nec à Summarum Pontificum, Imperatorum, Regum, Principum, Episcoporum, & sine discrimine passim aliorum omnium sepulchris abstinetur, eorum maxime qui de Ecclesiâ Dei benè meriti per monumenta teperiuntur. Nomen Domini ubique blasphematur, spiritus mendacii in ore omnium est, qui falsò verbi Dei ministerium usurparunt, atque ita expulsi pastoribus, alienæ ovis, custos, fuit & latro in ovile ascendit. Postremo, quod longè omnium est gravissimum, iuge & sacro-sanctum Sacrificium apud eos ubique cessat. Quod intermissum, quantam ruinam secum adferat, ac quantam Regibus jacturam & meministis, Viri doctissimi, ex Prophetarum Oraculis, & experientiâ jam in magnis Imperiis, florentissimis Regnis, amplissimisque Provinciis didicistis, atque in Galliâ nunc aspicietis. Regis enim Majestas minuitur, lurperia detrahantur, non modò vastigalia, sed proventus etiam negantur, jura omnia, & leges silent, quilibet vindictam quam exercet ex privato odio metitur, ad dejectionem populus excitatur, & excusso Monarchiæ quod appellant, iugo, anarchia in concionibus publicè proponitur. Hæc omnia apud vos cogitate, Clarissimi Oratores, & quod in Galliâ vobis nunc videre otiosis licet, serâ nimis poenitentia experiemini, si modò suo Galliâ ex viciis vos in ruinam trahat. Sed quid vos, Sanctissimi Episcopi, detineo, aut diutius assilgo, supersunt tanto huic malo nostro opportuna remedia: habemus enim magnæ spei pupillum Regem, non tam Regni ex legitimâ successione Monarcham, quam Religionis & virtutum omnium avitarum hæredem, quem pater Henricus & avus Franciscus excitat, & in quo jam Francisci fratris demortui omnis generis virtutum igniculi relucet; nec desunt Catharinæ viduæ Reginae, & Navarrae Regis optima consilia & infractæ procerum vires: nullis opibus

parcitur, undique auxiliares copię comparantur, sitque via vi, sed in nostra viscera, quantumcumque victrix dextera sit, ferrum convertitur: erunt ut opus & sit lamentabile Regnum; jamque nulla ad sedandos tantos tumultus aptior via, nullum presentius remedium, quam quod ab hac sacrosanctā universalis Ecclesię, legitime in Spiritu Sancto congregatā Synodo expectatur. Huc nos majorum exempla trahunt, hoc Dei verbum docet: ac ut speremus ex promissis suis, quę nunquam fecit irrita, imperat atque ita demum ex hoc loco pax Dei, quę exuperat omnem sensum, expectatur, templum enim Dei sanctum est, quod sumus, nos viri fratres, & tamen si divisiones gratiarum sint, omnes tamen nos in uno Spiritu, qui in nomine Domini nostri Jesu Christi congregati sumus, quod & dicere necesse est pro ut Spiritus Sanctus dabit eloqui, quę omnia ut magis scire potestis, ad bene beatęque decernendum ex divino pręscripto sunt omnino necessaria: hæc omnia Christianissimus Rex cum sibi satis persuadeat, nec quicquam alienum à nobis expectet; Duo tamen præcipua sunt ea de quibus vos admonet, pro suā in hanc Synodum observantiā, & pro eā quam sentit ex his de Religione diffidiis, summā molestiā. Primum itaque à vobis postulat, ut quantum fieri poterit, nova diffidia vitemus, novas inquam, & infructuosas quæstiones, relinquamus, ac demum quantum nobis licebit, nitamur, ut Principes, ac Provincię omnes ab armis, religionis ergo abstineant. Ab hoc desiderio excitandorum bellorum prorsus nos alienos oportet: ne qui ex nobis discesserunt, & se ab Ecclesiā Dei præciderunt, existiment magis hoc Conventu Principes ad arma provocari, & societates & fœdera iniri ad bellum quantumcumque sacrum, quàm de universali omnium animorum in unam fidem reconciliatione decerni. Solliciti antè omnia servare unitatem pacis, si quid in eā sententiā peccatum est, parcite quæso, Patres amplissimi, Hentius Pater, author suit pacis, quę in Christiano orbe tam feliciter hæcenus servatur, eam quasi testamento paulopost moriens filio Francisco Regi commendavit, hanc Franciscus frater, si nobis tam citò ereptus non fuisset, magnā prudentiā retinere conabatur. Pupillo & viduę iniquissimas semper turbas & bella intestina Rex & Regina mater valdè pertinuerunt, & pacatos subditorum omnium animos, ne quies publica inturbaretur, summā prudentiā, ac ut ætatem & sexum decet, perpetuò exoptarunt. Quod etiam si, ut negari non potest, infœliciter successit, infœliciores belli eventus sunt pertimescendi: ne si omnes in eodem periculo versentur, eadem & tempestate acti, nemo periclitantes adjuvet, & sic unum idemque naufragium faciamus. Summam propterea rationem haberi desiderat eorum qui lapsi sunt, ut & illis quantum ex Deo poterimus condonemus, quibus & nos amicos esse liceat, sed usque ad aras. Alterum legationis meę caput est, quod jam à principio Regi meo Christianissimo, cum Serenissimo Imperatore & reliquis Regibus & Principibus viris, quorum hic Oratores viros clarissimos habetis, suit commune, nempe ut de reformatione, & morum & Ecclesiasticę disciplinę omnino decernatur. De hac iterum iterumque admonet, ad eam seriò amplectendam, quā potest observantiā hortatur, & per Dominum nostrum Jesum Christum qui iudicaturus est vivos & mortuos obtestatur. Si Ecclesię auctoritatem integram esse vultis, si ejus dignitatem conservare, si jam inclinatam nobilissimum Gallię Regnum retineri posse judicatis, nec verò ex vestris commodis nostra incommoda metiri æquum est, si enim universa hæc Italia, si Hispania sedem adhuc & clavum tenet, gratulamur vobis Patres Illustrissimi: nos puppi

excidimus, & vix supremo digito gubernacula retinemus, hic vobis liceat jure vestro causas à nobis tantæ tempestatis exquirere, quem accusabimus Coepiscopi fratres? Quem tanti mali authorem facimus? Memini quid velitis, nec memoriâ excidit vestrum de eâ re commune omnium judicium. Hoc non sine innato pudore, & magnâ ante-actæ vitæ, poenientiâ dicere me oportet, propter nos tempestas hæc orta est, viri Patres, propterea mittite nos in mare, quid addam ampliùs, habetis contentes reos, in eos ut liber animadvertite. Nunc judicium incipiat à Domo Dei, & mudentur qui serunt vasa Domini: attendamus nobis & universo gregi, quicquam perversè agere, & discamus bene agere; Imò potius tu milericors & bone Deus per viscera misericordiæ tuæ, attende, placare, & adauge nobis fidem, ut sine timore de manu inimicorum liberati serviamus tibi. Nunc viribus opus est, Patres, nunc peccatore firmo. Sed vereor Illustrissimi Domini & Reverendissimi Episcopi, ne nimis importunè agam, non est enim sponte currentibus, addendum calcar, sinem igitur faciam, est enim mea expedita à Rege legatio, sed quod scire vos ampliùs oportebit, hæc omnia Clarissimi Regii Oratores curabunt. Ego verò, & mecum unâ qui ex Galliis advenerunt Reverendissimi Episcopi in hac universalis Ecclesiæ Sacro-Sanctâ Synodo, testamur Beatissimo Papæ Domino Pio Pontifici Maximo, post Deum in perpetuum subditos esse velle. Ejus enim nos in terris primum super omnes Ecclesias agnoscimus, cujus nunquam Imperia detrectabimus, Ecclesiæ autem Catholicæ, ac Sacræ Generalis Synodi decreta veneramur, vobis Illustrissimi & Reverendissimi Legati fasces submittimus, Sanctissimis Episcopis dexteras Societatis offerimus, & Clarissimos Oratores testes sententiarum nostrarum huc adesse vehementer gratulamur. Ut Spiritu Sancto Duce in omnibus per omnia, & semper honorificetur Deus & Pater Domini nostri Jesu Christi.

Finitâ oratione Legatus à Mantuâ respondit satis breviter Cardinali Lotharingo. Deindè eleganter & disertè nomine totius Concilii Archiepiscopus de Zara.

Illustrissime & Reverendissime Domine, inter ceteras Christianæ Reipublicæ miseras & calamitates, quarum memoriâ Sacra Synodus neque depingere, neque sine lachrimis repetere unquam potest, nulla ejus animum cura, magis anxium & sollicitum semper habuit, quàm seditiones, & bellici tumultus, qui Religionis causâ in florentissimo Galliarum Regno conynoti ac concitati dicerentur. Nam cum omni tempore, Regnum illud firmissimum Catholicæ veritatis præsidium & columen jure optimo habitum fuerit, cogebatur Sancta Synodus incredibili dolore affici, cum intelligeret ejusmodi factam esse rerum commutationem, ut non in unâ aut alterâ, sed in pluribus ejus Provinciis omnia ferè impietas, cædes, vastitas occupasse videretur. Accedebat præterea ad augendam doloris acerbicatem, quod nunciabatur, nobilissimos gentis vestræ proceres, quod scilicet alii Orthodoxam fidem labefactam, & everfam, alii defensam & conservatam maximè cuperent, tantò ardore ad arma concurrisse, quantò olim Christianissimi Reges vestri totius gallici nominis consensu, pro Christianâ Religione propagandâ, ejusque dignitate recuperandâ, difficillima sæpè bella suscepissent & consecissent, verum antea cum hæc mala Sancta Synodus multorum famâ & auditione accepisset, graviter sanè dolébat, & præsentem inclyti Regni statum maximè deplorabat. Ita tamen sit facile credetis multò, si miserabiliorum ejus fortunam videre

posset, quam aurium sensu perceperat, cernere etiam oculis, & propius omnia ejus vulnera intueri ac penitus pernoscere licuisset. Quod quidem illi nunc inperato quodam modo contigit. Etenim Illustrissima & Reverendissima Amplitudo vestra, Christianissimi Regis litteras, quæ nuper recitatae sunt, oratione suâ subsecutâ, eâ verborum copiâ, gravitate, prudentiâ, Gallicarum rerum statum & conditionem exposuit, ut eas non commemorasse, sed earum veluti expressam imaginem omnium oculis subjecisse videatur. Quare constanter Sancta Synodus affirmat se nullas ei proprias doloris partes concedere, verum eò acerbius hanc calamitatem ferre, quò Amplitudo vestra, Matris Charissimæ, ac Dulcissimi Filii ærumnas & incommoda desiccat ac conqueratur, sed tamen in tantis malis animum erigit & confirmat, siquidem brevi futurum confidit ut Deus reddat puero Regi pristinam majorum suorum, & præsertim avi, parentis ac fratris Clarissimorum Regum virtutem & fortitudinem, quâ non solum nefarios hostium conatus reprimere, & audaciam ulcisci queat, sed in tenerâ etiam ætate singulare aliquod pietatis exemplum ad pulcherrimi facti imitationem posteritati prodere; Deinde verò cum divinâ clementiâ, atque misericordiâ, & S. D. N. Pii Pontificis Maximi operâ & auctoritate hoc Sanctum Generale Concilium coactum sit, si unquam antea, nunc certe maxime sperandum est fore ut verus Dei cultus, discussa errorum caligine, ab omnibus agnoscat, mores emendentur, pax & tranquillitas Ecclesiæ restituantur. Quâ in re quemadmodum adhuc Sancta Synodus omnem diligentiam adhibuit, ut quæ sui muneris & officii esse intelligebat, adjuvante Domino perficeret, ita in posterum nihil se de eâ curâ remissuram, verum si fieri possit, aliquid potius ad eam studii & industriae addituram esse pollicetur ac spondet. Neque verò, Illustrissime Domine, te impulsore tantum atque hortatore, sed multò magis (quò summæ felicitatis loco habendum existimat) adiutore & Consiliario id faciet; Novit enim quanta tua sit optimarum artium, & præcipuè sacrarum litterarum scientia, maximarum rerum usus, atque apud Regem potentissimum tractatio, summosque Principes existimatio & auctoritas, & quòd caput est, pietas in Deum, vitæ integritas & innocentia, ac veræ & Catholicæ Religionis sincerum studium, quæ quidem tot & tanta sunt, ut quid potissimum in te homines laudare debeant, maximarum virtutum cumulum, an in quoque genere absolutam & perfectam earum formam, meritò dubitari possit. Illud autem exploratissimum Sancta Synodus habet, tam multa ab Illustrissimâ Amplitudine vestrâ, ad communis causæ utilitatem adjumenta allatum iri, ut sibi nunquam minùs jucundam ejus adventûs memoriam futuram confidat; quàm ille ipse dies quò venientem excepit lætissimus, & jucundissimus omnibus illuxisse visus est. Itaque Illustrissime Domine, omnes hi Sci. Patres, quòd tam longo difficili & periculoso itinere suscepto, ad tuendam Sæc. Matris Ecclesiæ dignitatem, tantâ animi alacritate occurreris, quòd salvus & incolumis cum tot gravissimorum Patrum comitatu adveneris, quòd tuâ præsentia, auctoritate, splendore, frui liceat, primùm Deo immortalî maximas gratias agunt, deinde tibi ex animo gratulantur, faustaque omnia, ac foelicia à Domino precantur. Cæterùm quæ vel de communibus Catholicæ Ecclesiæ rebus, vel de privatis Gallicarum Ecclesiarum commodis proponenda erunt, ea Sancta Synodus quotiescumque Regiis Oratoribus, Viris præstantissimis, vel Illustrissimæ Amplitudini vestræ, de iis dicendi locus & potestas dabitur, libentimè assuet. Neque enim dubitat quin ejus Regis nomine qui

pueritiæ

pueritæ commendationem, à pietatis acerrimâ defensione duxerit, cujuscumque in omni vitâ præcipuum ornandæ atque amplificandæ Religionis studium esse debeat, illa proponantur quæ inprimis cum verâ Dei gloriâ, perpetuâque Stat. ejus Ecclesiæ utilitate, & summâ Apostolicæ Sedis dignitate & amplitudine conjuncta esse videantur.

Deindè Dominus Renaldus Ferrerius, Præsidens in Parlamento Parisiensi, Secundus Orator Regius in Concilio Tridentino, habuit Orationem ad Synodum ut sequitur.

Orationibus quas nunc audistis Illustrissimi Domini Sanctissimi Patres, nihil est quod à nobis quicquam addi aut detrahi debeat, tantum unum dicemus bonâ veniâ Paternitatum vestrarum, pro muneris nostri ratione: Christianissimi Regis pius, religiosus, & in Catholicam Ecclesiam propensissimus animus, antea quidem erat omnibus satis perspectus & cognitus: Nunc autem adventu & oratione Illustrissimi Principis, & Reverendissimi Cardinalis adeo est illustratus, ut ne illius quidem dubitationis locum relinquat, nam quò minùs antea tanti viri adventus ab hominibus prudentibus & peritis rerum humanarum sperabatur, eò magis cum venerit, nemo est vel mediocri ingenio præditus, qui non planè videat, quanti nos Galli Catholicæ Ecclesiæ consultum velimus: Quique non intelligat, pluresque easque gravissimas esse causas quibus adductus Rex Christianissimus, illum ad vos miserit, cujus singulari Consilio in rebus magnis agendis, cum antea semper usus est, tum maxime his miserrimis & calamitosissimis Galliæ temporibus. Qui autem existimant privato magis commodo, quàm Reipublicæ Christianæ causâ hæc à nobis fieri, vehementer falluntur. Potest, si modò velit) Rex Christianissimus, vel triduo seditiones omnes ac motus suorum componere, inque officio & obsequio Gallis intato, subditorum omnium animos retinere, sed non tam quæ sua sunt quarit, quàm quæ sunt Catholicæ Ecclesiæ, & Pontificis Maximi, cujus dignitatem & auctoritatem ut fartamrectam in Galliâ retineat, non dubitat tanti Regni Imperium, vitam, fortunas, magnorum Principum & nobiliorum in periculum adducere. Hic est Galliæ nostræ status, hæc fundi nostri calamitas. Quòd si quis nos roget, quid tandem illud est quòd vos, Ecclesiæque vestra Gallicana tantoperè à Concilii Tridentini Patribus expetit? non sumus, Patres sapientissimi, in petitionibus nostris admodum morosi, & difficiles; nihil aliud petimus quàm quod totus orbis Christianus efflagitat, quod à Concilii Nicæni Patribus petit ille Magnus Constantinus, hoc ipsum à vobis requirit Rex Christianissimus: omnia illius postulata continentur, aut sacris Bibliorum literis, aut vetustis Ecclesiæ Catholicæ Conciliis, aut antiquis Pontificum & Patrum Constitutionibus, Decretis, & Canonibus. Hæc sunt, hæc inquam sunt, quorum nomine Rex Christianissimus, Ecclesiæ Catholicæ primogenitus filius, Ecclesiæ, inquam, Catholicæ petit restitutionem in integrum, apud vos quos Dominus noster JESUS CHRISTUS prætores legitimos creavit: neque hoc ipsum petitur ex clausulâ, ut dicitur, generali, sed ex verbis expressis Edicti illius divini, & perpetui, adversùs quod nunquam fuit, neque unquam erit usucapioni, aut præscriptioni locus. Redeant quasi postliminio in sanctam Dei civitatem, & in lucem hominum tandem prodeant, quæ antiquus hostis Sathan vi eripuit, & longo tempore suppressit. Sic Darius, Persarum Rex, motus in Judæa propter Religionem excitatos sedavit. Non enim ad arma continuo, verùm ut majorum

suorum leges & antiqua Edicta inquirerentur jussit, inventumque Regis Cyri Edictum de reditu Judæorum in Judæam, & de Templi instauratione à majoribus suis neglectum, & mandavit executioni & ita pacati sunt tumultus. Josias, Rex laudatissimus, & sincerissimus Ecclesiasticæ disciplinæ exactor, & reformator, librum legis ab Helciâ magno Sacerdote repertum (posteaquam hominum malitiâ longo tempore suppressus fuerat) primum legit diligentissimè, deindè lectum recitavit populo: tum ex illius præscripto ritus & præcepta divina Judæis restituit: strenui illi Nehemiæ milites quos tantoperè commendat Chrysostomus, alterâ quidem manu telum tenebant, alterâ muros Hierusalem ædificabant, hoc est, Ecclesiam ex antiquis Patrum legibus restituebant: nisi hæc fiant Patres Sanctissimi, frustra à vobis rogabimus num etiam pacata est Gallia? nos enim vobis respondebimus quod Jehu Joram roganti, num pax? num pax? & quomodò, inquit ille, pax, cum adhuc superflui & vigeant noster cætera. Nisi his rebus diligens detur opera: nos frustra confugiemus ad potentissimū illius, & maximi Regis Catholici affinitatem, singularem amicitiam, incredibilem liberalitatem; frustra fidem & auxilium implorabimus Pontificis Maximi, Serenissimi Venetorum Ducis, Lotharingæ, Allobrogum, & Hetruriæ, Principum auxiliares copias: fallax enim, mihi credite, erit equus ad salutem, nisi hæc à vobis fiant: turbabitur brevi nimia quorundam securitas, & quod caput est, qui interea peribunt, tamen id illis suâ propriâ iniquitate, & peccato eveniet, vobis tamen peribunt, hoc est, sanguis illorum de manu vestrâ requiretur: Sed priusquàm nos ad ea veniamus, quæ suo loco & tempore sumus dicturi, secundumque mandatorum nostrorum formulam agemus, petimus à vobis Sapientissimi Patres, à vobis, inquam, quos vestrâ sponte, scimus esse satis incitatos, quorumque pietatis, Religionis, & in omnes homines charitatis, sumus non solum auctores, sed etiam oculati testes; ut ea de quibus jamdiu coepistis deliberare, quàm brevissimè fieri poterit, absolvatis, quò citius possitis de multò gravioribus, & magis hoc tempore necessariis, sententiam vestram dicere, & his conventibus Ecclesiasticis finem imponere, ad laudem & honorem Dei Patris Omnipotentis, ejusque Filii Domini nostri Jesu Christi.

Fertorio Oratori responsum est paucis etiam per eundem Legatum de Mantuâ, quod Synodus maturè deliberaret de omnibus quæ propoluerat, & tandem responderet.

Gaspardus de Casal, Lusitanus, Ordinis Sancti Augustini Episcopus Lencienfis; Inter alia quæ prolixè dixit die vigesima quartâ, visus est dixisse omnes Episcopos simul collectos non esse æquales Papæ, & quòd Papa habebat majus jus in quâlibet Ecclesiâ Episcopali, quàm ipse Episcopus; & quòd idem in consecratione alicujus Episcopi, quando ipse consecrabat, concurrebat cum Deo, sed minùs principaliter, sicut minister se habet tanquàm instrumentum ergâ principalius agens.

Idem dixit, Joannem de Turre-crematâ fuisse in eadem sententiâ, ut Christum solum Papam, non cæteros Apostolos instituerit. L. 2. de Eccle. C. 3.

Die vigesima quintâ Novembris postquàm Antonius à Gorronero Almerienfis, & Antonius Augustinus Illerdenfis, Episcopi Hispani, copiosè dixerunt sententias. Hieronimus Scripandus Cardinalis Sanctæ Susannæ Legatus egit apud Synodum de prorogandâ Sessione, quæ die sequenti celebranda erat, admonuitque Patres ne in dicendo adeò prolixi essent, arguens quòd per eos steteret quominus celebrata fuisset.

Tum Cardinalis à Lotharingâ excusavit se quòd ad indictam Sessionem non venisset, & obtinisset à Synodo hujusmodi prorogationem in sui gratiam & Coepiscoporum, sed videri sibi non oportere ut Patres tandiù immorarentur circa quæstiones interminatas, quò fieri posset ut nulla spes esset finiendi unquam Concilii, & quòd graviora negotia tractanda forent quæ exposcebat sæculum, citòque redeundum esse ad oves illis, & sibi concreditas, ne in discrimen adducerentur. Tum dixerunt aliqui prorogandam esse Sessionem, & tandem cum consensissent omnes, dictum est id faciendum quod proposuisset Legatus.

Surrexit tunc quidam Episcopus Italus, clamans, & hos volumus audiri, undè negotium istud ad diem sequentem dilatum est.

Sequentibus diebus dixerunt admodum prolixè multi Patres.

Dic Divo Andreæ Sacro Melchior Avolsmediano, Hispanus, Episcopus Gnadicensis, dixit sententiam, & visus est sentire quòd aliqui Episcopi fuerunt ab Archiepiscopis consecrati sine ministerio Romani Pontificis, is reprehensus est à Ludovico Symonetta Cardinali tituli Sancti Cyriaci in terminis, Legato, quòd ista diceret, & dixit quòd Archiepiscopi isti, si qui fecerant, hoc habuerant ex privilegio Sedis Apostolicæ, indigne sctis quòd iste Episcopus non satis tueri videretur auctoritatem Romani Pontificis, quæ tamen pro viribus extollebat. Continuo Episcopi Itali applaudentes dicto Legato coeperunt vociferari, & pedum strepitu interpellare dictum Gnadicensem Episcopum, tanquam anathema non audiendum, sed per iudices (cui dari petebant) puniendum, quod ægrè tulit Cardinalis Lotharingus, ut satis demonstravit in sequenti Sessione.

### DECEMBER.

**D**ie Mercurii primâ Decembris, Legatus Mantuanus in Congregatione vespertinâ sermone monuit Patres, ne uterentur in posterum hujusmodi strepitu & clamoribus, dum sententiæ dicerentur, sed eas placide & quietè audirent, prout tantos viros decebat, in rebus tanti momenti & ponderis. Deinde egit de prorogandâ Sessione ad decimum septimum diem ejusdem mensis, ea lege, ut si quid remaneret de doctrinâ, & canonibus, & reformatione discutendum, hoc ad sequentem Sessionem prorogaretur.

Placuit Cardinali Lotharingo, tam sancta gravis, & modesta, Legati admonitio, & dixit indecorum admodum esse Patribus in tanto consensu congregatis talia dicere, vociferari, & verbis anathematis uti adversus eos, qui minus ipsis placerent, censuitque constituendum esse diem decimum septimum ejusdem mensis ad futuram Sessionem, juxta proposita à Legato Mantuano, eâ lege tamen & conditione, ut deinceps quæcumque spectare viderentur ad reformationem circa sacrum ordinem, ad illum diem referrentur. Quæ quidem sententia placuit pluribus Patribus, qui etiam Sessionem proximam in dictum decimum septimum diem Decembris, secundum Legati sententiam, censuerunt; quamquam essent aliqui Patres contrariæ sententiæ, & eandem Sessionem ad decimum quartum Januarii sequentis differendam dicerent, quòd in illo tantillo tempore, ea quæ tractanda habebantur, determinari non possent.

*Votum meum (Psalteri) fuit hujusmodi.*

Non possum non vehementer probare seriam, piam & sanctam Illustrissimi Legati admonitionem. Et primum quidem diligentissimè curandum esse



puto, ut quisque propriam breviter, sincere, sed liberè tamen sententiam dicat, sine interruptione, indignatione, & tanto strepitu, quæ maxime dedecent tantum Senatum: Deinde ut tam vanæ, anxie, & proluxæ disputationes quibus tempus frustra terimus rejiciantur, lites enim & contradicendi libidines, tantum abest ut Ecclesiam piâ aliquâ doctrinâ ædificent, quin potius plurimum nobis & Ecclesiæ noceant. Ea enim est earum natura & conditio, ut si unam definire atque determinare conamur, exoriantur velut hydræ capita plurima, quæ nobis non minus facessunt negotiû plerumque, quam superiores. Quare mirum non est si nullum hic finem dicendi facimus. Tollendæ sunt igitur harum morarum causæ, si moras ipsas sublatas esse volumus, & si quid in nobis residet animi, terram nostram maturius invisere, in quâ dum hic disputamus ipsi, aut alios disputantes audimus otiosi, fortasse adversarii indignè prophananæ sanctuarium Dei. Denique quoniam rerum præsentium status exigit, ut Sessio aliquantisper differatur, differendam quoque & ipse sentio, Illustrissimi & Reverendissimi Cardinalis Lotharingi Domini mei observantissimi suffragium sequutus. Certum autem constitutumque præfigere diem Sessionis habendæ, partes erunt Illustrissimorum Legatorum, qui pro suâ & prudentiâ & operâ dabunt, ut dictæ Sessioni dies certus assignetur, & de his rebus interim maturius tractetur, quæ propius facere videbuntur ad veteris disciplinæ reparationem, & morum nostrorum correctionem maxime necessariam, quam ad otiosam disputandi subtilitatem.

Die tertiâ mensis Decembris, inter alios dixit Franciscus Delgado, Hispanus, Episcopus Lugensis, sibi non placere septimum canonem, prout confectus & propositus erat à Patribus, & quod idem non esset, esse institutum jure divino, ut sunt Episcopi in Ecclesiâ, atque Episcopos esse jure divino institutos: Nam in simili, jure divino institutum est ut sint leges, non tamen propterea leges juris esse divini censentur, neque si assumantur à Pontifice, esse propterea Episcopos cum auctoritate consecrationis; nec sibi placere ultimam particulam, ex quo canone relinquuntur multa dubia, itaque potius (ait) reformandus esset, juxta eam formam quæ ab initio proposita fuerat. Dixit præterea Episcopos jure divino immediatè à Christo institutos, sed per Romanum Pontificem, non tamen quoad potestatem ordinis, sed tantum jurisdictionis, cum à Deo constituti sint, ad regendam & gubernandam Ecclesiam. Deinde quod dicantur assumi à Romano Pontifice secundum quid, & quod non desinant propterea esse Episcopi, licet non sint à Romano Pontifice confirmati, ut de Orientalibus, qui non agnoverunt Romanum Pontificem. Quid est (inquit) si quispiam electus Bononiis, non possit venire Romam, an desineret esse Episcopus? quod si esset tanquam Ecclesia, sine sacerdotio, & sacerdos sine lege, non quod propterea imminuatur auctoritas Sanctissimi Pontificis, qui in Ecclesiâ primum tenet, & est Successor Petri & Vicarius Christi prout in Concilio Florentino; qui potest Episcopum deponere prout libuerit, non tamen propterea potestas illa Episcopalis desinit esse juris divini; sic Rex eligitur à Provinciâ, & tamen potestas Regia juris divini est, cum omnis potestas à Deo sit. Multa alia dixit, dictus Episcopus Lugensis, in eos qui aded laborant in augendâ auctoritate Summi Pontificis, quam nemo negat, modò usus non vertatur in abusum; sed omnia potest quæcumque expediunt pro universali Ecclesiâ, in ædificationem, & non in destructionem, sic & Episcopus in regendâ suâ Ecclesiâ, omnia potest, quæ ad eam gubernandam pertinent.

A meridie

A meridie dixit inter alios Jacobus Gibertus de Hogueras, Hispanus, Episcopus Aliphanus, eloquenter & doctè, sed visus est valdè minuere auctoritatem Summi Pontificis: propterea reprehensus est (modestè tamen & benignè) à Legato Warmiensi, quod conveniret cum adversariis, Episcopos à Deo institutos esse, sed quia qui assumuntur à Romano Pontifice in partem solitudinis, sunt veri & legitimi Pastores, invicem dissidere, & jure probandum erat: verùm acerbius suam prosequutus est sententiam, atque inter alia dixit simpliciter, Episcopos à Deo esse institutos immediatè quoad omnimodam potestatem, confirmans suam sententiam variis scriptorum multorum & priscorum monumentis, doctè & eloquentissimè dicens, nolle se credere Doctores, qui à Divo Bernardo huc usque scripserunt, nisi quatenus consentirent primoribus.

Tribus Regi Ecclesiam ex Augustino dixit, scripturà, traditione universali, & consuetudine. Ut Petrus nullam dedit Apostolis potestatem, sic nec Pontifex Romanus Episcopis, quoad regendam Ecclesiam.

Innocentius tertius in Epistolà ad Patriarcham Constantinopolitanum, *sicut misit me*, & hic esse potestatis genus datum Apostolis Chrysost. in homilià 85. & lib. de sacerdo. Ambrosius in Paulum, item alii Doctores, Ephesiorum 4. Hieronimus lib. 1. contra Jovianum. Chrysostomus exprimens de electione Matthiæ, in Paulum *& ipse dedit*, Ephesiorum 4. affirmans formam perpetuò duraturam, ut primò Christus dederit omnimodam potestatem, & postmodum instituerit Petrum, ut præfesset illis, ad conservandam unitatem & vitandum schisma, reprehendit eos qui dixerunt, Paulum vocatum, non Petrum, sed ex privilegio; quid enim de Timotheo & Tito, quibus Paulus *transfudit* potestatem absque Petro. Tertullianus vocat sanctissimum vicarium Christi. Plura dixit idem Aliphanus.

Die quartà Decembris, manè multi dixerunt, sed breviter, inter quos doctè quidem Andreas Duditijs Sbardellatus, Hungarus, Tinniacensis Episcopus.

A meridie, Cardinalis Lotharingus solus suam dixit sententiam, tam suprà doctrinà, quàm canonibus. In doctrinà multa reformanda dixit cum observationibus: circa canones maxime verò & eloquentissimè & prudentissimè dixit de potestate Episcoporum, quæ à Deo, ut totus ordo sacer, est instituta; primum Petri etiam confirmavit indubitatis Scripturæ testimoniis, per quem & ejus successores vocati sunt Episcopi, in partem solitudinis, nec unquam visum, quòd per Romanum Pontificem Episcopi eligerentur, sive instituerentur, aut providerentur de Ecclesiis, sine explicità ejus voluntate, vel implicità; cujus Primatum magis augere, stabilire, & confirmare debemus, quantò magis ad unitatem servandam, & stabiliendam omnes nostri conatus tendere debent; & quantò adversarii expugnare nituntur, ut totum postea ordinem Ecclesiasticum confundant.

Septimum Canonem sic censuit reformari. Si quis dixerit Episcopos non esse à Deo in Ecclesià institutos, ac presbyteris superiores, anathema sit.

Octavum Canonem adjiciendum putavit, ut sciretur anathemate, qui negaret Petrum esse unum & summum Christi in terris vicarium, & Papam successorem Petri.

Die quinto manè dixit Gabriel de Veneur, Gallus, Episcopus Ebroidensis, ex scripto & doctè; egò verò statim post illum sic votum dixi.

Rrrr

Illustrissimi Domini & amplissimi Patres, summâ veneratione dignissimi, Etsi de propositis in medium super sacri Ordinis doctrinâ & canonibus disputatum sit luculenter, & copiosè à plerisque Patrum, ab aliis verò accuratè & acutè, ab omnibus certè ita doctè & prudenter, ut nihil quantum ad hujus argumenti explicationem pertineat, intactum videatur; decreveram nihilominus unum aut alterum minutum in Gazophilacium Domini mittere, nondum planè deterritus id facere ingentibus divitum muneribus, scilicet post exactas Patrum sententias, nonnulla quæ animum meum tenent suspensum animus erat adferre, & de his nostram qualem qualem dicere sententiam. Verùm hesternâ luce eâ de re Illustrissimus Cardinalis Lotharingus tam diligenter & acutè, doctrinæ & canonum expurgationem excussit, & quæ ad suam sententiam facere debebant, ea tam ornate & distinctè pro stupendâ ingenii sui felicitate complexus est omnia, ut nemini non abundè satisfactum putem. Certè ut ingenuè fatear quod sentio, illa quæstio quæ multorum Patrum ingenia exercuit & torfit, num Episcopi sint jure divino à Christo instituti, immediatè, non tantum quoad potestatem Ordinis, sed etiam omnimodam jurisdictionem, me non parùm commovit. Quodque eo nomine semper habui exosum, quòd Sanctissimi Domini Papæ primariam illam & plenariam auctoritatem, & dignitatis Pontificiæ fastigium, videretur in dubium nonnihil revocare, aut imminuere: sed hujus quæstionis veritatem idem Illustrissimus Cardinalis pro suâ incomparabili doctrinâ, tam validis & irrefragabilibus Scripturæ testimoniis, firmam, munitam & stabilitam ostendit, ut exactissimæ illius sententiæ mihi per omnia subscribendum potius esse putarim, quàm actam agendo, scilicet differendo prolixè post eum de eo argumento, & tempus frustra terere, & vestras alioquin patientissimas aures ingenii & sermonis nostri rusticitate obtundere. Meam igitur sententiam sic uno verbo explico. Horum judicio qui piè & christianè affecti sunt, quique veritatis potius quàm placiti rationem sectantur, dubium non est, quin doctrina canonibus permixta veritatem Catholicam & simplicitatem Ecclesiasticam ita redolere videatur, ut de eâ subdubitare, aut contentiosius disputare, meo judicio impium sit, & eorum qui nimio contradicendi studio laborant. Hanc igitur doctrinam mihi videri omnino sanam, Christianam, & Catholicam, dignamque quàm Sanctæ huic Congregationi à Spiritu Sancto afflatam agnoscamus; eâ tamen lege & conditione, ut sacra deputatio rationem habeat eorum quæ doctissimè & prudentissimè animadversa sunt atque observata, cum à plurimis Patribus, tum à præfato Reverendissimo Cardinali Lotharingo. Idem est meum de Canonibus judicium, nisi septimus ille Canon, de quo tantoperè certatum est, & nondum lis dirempta est, mihi modis omnibus non satisfacit, nisi efferatur ad eum modum quem censuit idem Reverendissimus, omnino necessarium esse existimo, ut præscriptis ab eodem Cardinali verbis, adjiciatur Canon de primatu Petri, & plenitudine potestatis Sanctissimi Domini Papæ, quam habet in universas totius Ecclesiæ Catholicæ oves, ut universalis Ecclesiæ auctoritate Ecclesiomastigium, hæreticorum improbitatem recutamus, eorumque tecnas & Consilia dissipemus, quorum conatus & vires omnes tendunt, & in hoc uno mutuo inter se conveiunt, ut Monarchiam Papalem, supremamque ejus auctoritatem funditus evertant, & jacto suæ impietatis fundamento, hierarchiam Ecclesiasticam, veluti Castrorum aciem ordinatissimam, minori negotio è medio tollant, Ecclesiam primò sine Papâ constituent, & deinceps sine Episcopo, sine Sacerdote, sine Sacrificio, sine lege, &, quod

omnis blasphemiae & impietatis est caput, sine Deo. Hæ sunt Sathanæ & ministrorum ejus artes, hi sunt fructus novi & quinti Evangelii, seu potius cacangelii. Sed quoniam plerisque Patres diutius immoratos, & nonnullos se torfisse in septimi illius articuli expositione, de quo in diversas distrahuntur sententias video, ratus id non temerè fieri à sapientissimis & prudentissimis Patribus, ipse quoque meam, licet jejunam & renuem, ferre sententiam, quam licuerit per ingenii imbecillitatem, cum ratione, tum auctoritatibus tultus conabor: priusquam tamen rem aggrediar, hoc semel præfatum velim, Patres præstantissimi, me neque de hoc, neque de quovis alio argumento dicturum, pronuntiaturumve, quod judicio & censuræ hujus gravissimi consensûs submissum nolim, neque me nullius, aut perexiguae conditionis hominem, mihi in erudiendis in Sacrarum Scripturarum abditis sensibus, aut explicandis & solvendis earumdem difficillimis questionibus exercitatum, subtilius quicquam aut acutius videre me posse, existimo, quam viderint tot Docti & perspicaces Viri, undeque huc evocati, tanquam & omnis doctrinæ cumulatißimi Patres, de quorum excellenti judicio, doctrinæ sinceritate, & eximia in Ecclesiam Christi pietate dubitare, hominis esset nullius iudicii, doctrinæ, & pietatis.

De hoc septimo Canone sententiam meam paucis aperio.

Doctrina hujus Canonis quatuor videtur absolvi posse Capitibus. In primo agitur de Episcoporum institutione. In secundo asseruntur Presbyteris superiores Episcopi. In tertio tractatur de potestate Beatissimi Papæ. In postremo, quomodo eâ quam hætenus habuerunt, potestate potiri debeant.

Ad primum quidem membrum, Apostolos, atque adeo eorum successores Episcopos à Domino institutos esse, præter ea quæ Matthæi 18. Lucæ 22. Joannis 20. scripta habentur, non-nulli convincunt notissimi Scripturæ loci. Inprimis act. 20. *Attendite vobis & universo gregi in quo vos Spiritus Sanctus posuit Episcopos regere Ecclesiam Dei quam acquisivit sanguine suo*, ubi institutio tribuitur Spiritui Sancto. Hinc actum Apost. 13. scriptum legimus *segregate mihi Saulum & Barnabam in opus ad quod assumpsi eos*. Et quid apertius verbis Pauli, & ipse quosdam Apostolos dedit? Ubi Ambrosius non erubescit Episcopos surrogare in locum Apostolorum. Ad Galat. 2. Paulus ait *qui operatus est Petro in Apostolatam circumcisionis operatus est mihi inter gentes*, sic autem fuit Christus. Igitur Paulus non suscepit hujusmodi officium à Petro, sed à Christo Salvatore nostro; Quemadmodum ipse fatetur initio hujus Epistolæ, se vocatum Apostolum, non ex humanâ, sed divinâ institutione, asserens se Apostolum *neque ab homine, seu per hominem, sed per Jesum Christum*, quanquam hoc credo fuisse in Paulo speciali ex privilegio; neque enim intelligo Episcopos sic à Christo institutos esse immediatè, ut non crediderim opus esse vocatione externâ & ministerio hominis, scilicet Romani Pontificis, sine cujus auctoritate, aut voluntate verâ, vel præsumptâ, explicitâ vel implicitâ, nemo Episcopatum adeptus est unquam à temporibus Apostolorum huc usque, aliâs extraordinariam vocationem oporteret probari miraculis, ut in Paulo qui ad Ananiam missus est, aut oraculis Prophetis, ut Joannes, Pauli præceptoris sui sequutus sententiam. Dyonisius lib. 5. de hierarchiâ Ecclesiasticâ, sic, inquit, lex divina Pontificalium ordinationum sanctimoniam, consecrationem unguenti, sacramque altaris consecrationem, Pontificum officis atque virtutibus contrariâ sorte distribuit. Ex quo colligere est munia hæc Episcopis convenire, non ex institutione humanâ, sed divinâ. Præterea Apostoli sunt à Christo instituti. Ergo eorum successores Episcopi qui locum

eorum tenent, sicut Presbyteri, septuaginta Discipulorum. In cuius rei confirmationem, innumerorum Doctorum possunt auctoritates adduci. Anacleus in Epist. ad Patriarcham primā & Epist. Dam. in Epist. de Episcopis & Coepiscopis. Isidor. in quodam sermone de Synodo; Beda lib. tertio in Lucam Cap. 15. Clemens in Epistola 2. ad Jacobum fratrem Domini, Epiphan. contra hæreses lib. 3. tract. 35. Omisi rationem quā movebatur, figura non potior figurato, atqui Pontificatus veteris legis, est typus & figura, ergo veritas non debet esse deteriore loco & conditione quam Pontificatus Aaronicus à Deo introductus. Exod. 25. & Num. 4. Ex quo tamen colligitur Pontificatum Aaron, majorem esse sacerdotio filiorum Baal. Ignatius quoque in Epistola 3. ad Magnesianos assignans rationem obedientiæ quæ debetur Episcopo & quam ipse vehementer commendaverat, ait, quia Episcopus non ab homine, sed à Deo habet promotionem; etsi autem potestas Episcopalis sit à Christo instituta, etiā quoad jurisdictionem dependentem ab ordine, non tamen propterea dicendum est non assumi, vel vocari in dignitatem Episcopalem, & in partem sollicitudinis per Romanum Pontificem, tanquam legitimum Christi Vicarium & præpositum Ecclesiæ Christi, à quo videlicet jurisdictionis Episcopalis, post Christum pendere dignoscitur cap. nono dist. 21. quis autem nostrum putat se aliundè in Episcopum promotum quàm per Romanum Pontificem, cum hæc sit praxis & consuetudo in Ecclesia hæcenus invariabiliter observata. Venio ad secundum caput, presbyteris superiores esse Episcopos, facit auctoritas Pauli, primæ ad Timotheum 5. *adversus presbyterum accusationem noli recipere*, hæc autem verba, si attentius considerentur, apertè faciunt nobiscum, nam recipere accusationem in aliquem cum testium examine, haud dubiè dicit jurisdictionem & superioritatem quandam in tempus, & eum qui apud Episcopum accusatur. Omisi locum Pauli ad Titum. *Reliqui te Crete, ut ea quæ desunt corrigas, & constituas per civitates presbyteros, sicut & ego disposui tibi*. Simplex autem sacerdos hoc non potest, non sunt igitur idem Sacerdos & Episcopus; deinde nullus dubitat Apostolos singulati quidam prærogativā, & merito, & dignitate cæteris discipulis superiores fuisse, atqui Episcopi sunt eorum successores. Idem dicit Beati Joannis Evangelistæ, discipulus Ignatius in Epistola ad Magnesianos, sicut Dominus sine Patre nihil facit, non enim (inquit) possum à me ipso quicquam, sic etiā & vos sine Episcopo, sive presbyteri, sive Diaconi, sive laici. Epistola quoque ad Smyrneneses idem docuit apertius. Cum (inquit) omnia vobis bene ordinatèque mandata sunt in Christo, laici Diaconis subditi sunt, Diaconi presbyteris, presbyteri Episcopo, Episcopus Christo, sicut ipse Patri. His subscribit Innocentius Papa, hujus nominis primus, Vir & doctrinā clarus, & vitā innocens cap. 3. ad Decentium Heugubinum Episcopum. Nam presbyteri licet sint Sacerdotes, Pontificatū tamen apicem non habent, hæc autem Pontificibus solis debent, ut vel configurent, vel paracletum Spiritum tradant, non sola consuetudo Ecclesiastica demonstrat, verum etiā illa lectio Actuum Apostolorum quæ asserit, Petrum & Joannem esse directos, qui jam baptisati, traderent Spiritum Sanctum. Huc præterea faciunt Canones Apostolorum 130. 133. & 41. Item Canon septimus Concilii Romani sub Silvestro celebrati, qui omnes docent tempore Apostolorum, & deinceps Episcopos à presbyteris proculdubio distinctos esse, & obedientiam quæ ab inferioribus, Episcopo debetur inculcant. Quare qui negat jurisdictionem Episcopi in presbyteros, qui asserit presbyterum

presbyterum ex æquo cum Episcopo excommunicate, absolvere, aliaque munia Episcoporum exercere; is ante mille annos Aërii impij, Idiotarum Valdensium, antè trecentos, Armacani Hybernici, antè ducentos annos, Joannis item Wiclef & Joannis Hus, non ita pridem damnatam hæresim & sepultam revocat. Quorum quidem hæreticorum major pars in eam lapsa est hæresim, ut Episcopalem dignitatem quam assequi non poterant, & contemptibiliorer redderent, & in odium hominum adducerent, ut de Aërio testatur Divus Augustinus lib. de hæres. cap. 53. & de Joanne Wiclef recentiores historiae. Quod attinet ad plenitudinem potestatis, quam Summus Pontifex habet à Christo Domino & servatore nostro in universalem Ecclesiam, quod & corde credo, & ore confiteor juxta C. sacro-sanctam 22. distinct. qui est ipsius anacleti. Ego, inquam, Sanctissimum Pontificem eadem præditum potestate agnosco, quam Evangelium Christi & Catholica Ecclesia illi hætenus tribuit. Idemque de eo, ut successore Petri sentio, quod de Petro post Chrysostomum Theophylactus in Lucam sentit. Cujus sunt hæc verba: *Tu vero conversus, confirma fratres tuos*, planus hujus loci intellectus is est, quia te habeo ut principem discipulorum, postquam me negato flevisti, & ad poenitentiam veneris, confirma ceteros. Hoc enim te decet, ut qui post me, Ecclesiae petra es, & fundamentum. Agnosco igitur Summum Pontificem Christi Vicarium in terris, legitimum Petri successorem, ut vetustissimi quique scriptores constantè affirmant, qui est *caput scilicet ministeriale*, quod Christus instituit in terris, ut servetur unitas & ordo, & ad vitandam omnis schismatis occasionem, qui est omnium Episcoporum in omnibus totius orbis Christiani Provinciis, unus tanquam communis Pater, Ecclesiasticae dignitatis apicem tenens, ex quo pendent Episcopi, cujus auctoritatem sequuntur, & ad quem de causis majoribus omnibus referuntur omnes, qui ab aliis Episcopis in hoc tantum differt, quod illi in partem sollicitudinis sint vocati, partes hunc verò est plenitudo potestatis, omisi verba, nam si ex æquo omnes possent omnia, retineri unitas non posset, cui etiam Christus Joan. ultimo committens agnos & oves, totum ovile, universalem Ecclesiam, illi commissam esse ostendit. Quamobrem, amplissimi Patres, nobis qui sumus populus ejus & oves pascuæ ejus, non tam de Sanctissimi Pontificis potestate disputandum esse judico, quam piè rogandum esse Christum, ut Sanctissimo Domino nostro Papæ, & eis qui ejus successores futuri sunt, inspiret mentem, eà potestate utendi ad ædificationem, ovilis Christiani, nobisque, qui hic adsumus, ea cogitandi quæ faciant ad veteris disciplinae nostris moribus propemodum extinctæ reparationem & reformationem.

Sequitur ultimum Caput 7. Canonis, quod expungendum sentio. Quod si Synodus aliter decernat apponi in Canone, desiderarem declarari quantum sit illa potestas Episcopalis in doctrinâ. Propterea que rota nostra Episcopalis jurisdictio hodie videtur saltem apud nos, propemodum absorpta, partim ex parte Principum & magnatum secularium, qui sibi arrogat multa jura Ecclesiastica contra caput *decernimus* de Jud. præpeditur ne nostra jurisdictio suum sortiatur effectum in excommunicationibus, in citationibus, in causis Ecclesiasticis, in causâ hæreseos, in reparationibus parrochiarum, & aliis spectantibus ad visitationem, partim ex parte Ecclesiasticorum maxime emptorum. Quod si Episcopus velit cogere plebanos ad residentiam, continuo

aut se exemptos asserunt, aut petunt portionem congruam undè vivant, quàm ut æquum est, non est nobis liberum assignare obstantibus his quorum interest, ita sit ut simus stipites & trunci. Præterea si sic videatur Synodo, aut sacræ deputationi, ut adjiciatur ultima illa clausula, in quâ dicitur, *Episcopus potiri debere eâ potestate quam hæcenus habuerunt*, opportunum esse videtur, ut paucula hæc verba etiam adjiciantur, secundum Canones Sacrorum Conciliorum, & Patrum decreta, propterea quòd Episcopalem potestatem explicatiùs & certius assignant, & videntur illis os obstruere qui maligniùs Canonem interpretantes, eo ad reformationem morum viam præcludi existimant. Qui enim sibi nimium blandiuntur, suæque libidini tantoperè favent, ut voluptatum amatores sint potiùs quàm Dei, eo Canone niti possent, eaque uti potestate deberent asserere quàm hæcenus obtinuerunt, si quando nostri & Ecclesiasticorum mores castigandi essent. Atque utinàm Præstantissimi Patres, hùc mentem & oculos nostros converteremus potiùs quàm ad quaestiones istas, quas Paulus Apostolus vocat pugnas legis ad subversionem audientium utiles, ad salutem autem minime necessarias, videmur hodiè Patres, ut ingenue fatear cum omni tamen quâ decet reverentiâ, non ad œcumenicum venisse Concilium, in quo potiùs agendum foret (quoniàm præcedentibus Conciliis bonâ ex parte determinata sunt, quæ de fide sunt controversa) de formandis & reformandis moribus, tollendis abusibus, & scandalis removendis, quæ irrepserunt in agrum Dominicum nobis fortè dormientibus, sed magis ad scholas, ubi ingenia ostentemus, & quantum utramque in partem Ethicorum Academicorum more disputando possimus ostendamus, hoc interim minùs curare videmur quàm de restaurandâ Ecclesiæ veteri disciplinâ, dùm hîc otiosi quærimus nùm Episcopi sint jure divino instituti, aut alios disputantes audimus, fortè ovile Christi fidei nostræ commissum à lupis devoratur. Scio quamobrem hæc dico Patres Sanctissimi, & ipse testis abundè esse possum, quantum profit præsentia pastorum, & noxia sit absentia, & quàm parum profit ad revocandas plebeculas mentes in gremium Ecclesiæ, istarum rerum tam anxia hîc in loco discussio, ut dehis ista non esse omittenda, sed hæc primum facienda. Cogitandum est primo loco de tollendâ causâ horum malorum quæ hodiè patitur totus Christianismus, corrigenda sunt vitia quibus omnium ordinum homines ubivis propemodùm terrarum corruptos cernimus, in quam curam nisi incumbimus, non video quomodò hîc officio nostro fungamur, & quibus modis Zizania ab arâ Domini purgari posse speremus. Hinc igitur Sanctissimi à nobis ipsis & à domo Dei sumendum esse initium existimo, si quis zelus Domini Dei comedit nos; alioqui minime dubium esse debet, quin magis ac magis in posterum fiamus spectaculum Deo & hominibus, & ne nostrâ incuriâ Christianus orbis in summum adducatur discrimen, qui ingenti cum desiderio expectavit & expectat hoc sacrum œcumenicum Concilium, tanquàm postremum azilum & remedium ad sedandos hosce fluctus, & turbulentissimarum procellarum impetus componendos, deformatæ Ecclesiæ vicem deplorat, & ut reformetur votis omnibus exoptat, ne hæreditas nostra vertatur ad alienos, & domus nostra ad extraneos. *Ibren. ult.* neque impleatur quòd habetur Danielis nono, & erit abominatio desolationis in templo, & in finem & consummationem durabit tribulatio. Videtur ergò Patres, ne fallatis expectationem, quam totus penè orbis de vobis concepit. Hæc autem æquo animo accipite quæ dixi, ut minimus Episcoporum omnium, & indignus vocari Episcopus, non ut vos Magistros & Dominos

meos sapientissimos & prudentissimos astantes extimulem, sed ut vobis spontè ad tam necessarium reformationis negotium currentibus gratuler, ac Deo gratias agam, qui tam sanctam mentem vobis inspiravit, ut nullius egeatis exhortatione. Unum est dicendum, cuius me coepere oblitio, dum de doctrinâ iudicium erat ferendum, in quâ habetur non necessariò requiri in ordinationibus Clericorum consensum plebis, aut cuiusvis magistratûs secularis. Mihi dubium non est, Amplissimi Patres, quin hæc sententia sit verissima, atqui commodum videretur mihi hoc in tempore infortissimum, quo nihil necessarium magis esse existimo, ad continendum in officio populos, quàm suo munere dignos eligi ministros Ecclesiæ, ut in reformatione restituatur Canon ille Concilii Carthaginensis. C. 22. quo caveretur Episcopos sine Consilio Clericorum ordinari, ità ut civium assensum convenientiam & testimonium quærat *Cap. Episcopus 22. distinct.* cum eâ ordinandi ratio videatur ab Apostolis accepta. Scribit enim Paulus oportere Episcopum, sive Presbyterum, habere bonum testimonium ab his qui foris sunt, nec aliud putandum est significare Leonem Pontificem Maximum Epistolâ 78. Vota, inquit, civium, testimonia populorum, honoratum arbitrium, electio Clericorum in ordinationibus constituantur *Cap. vota distinct.* 63. Non quòd propterea Laici habeant liberam potestatem vel eligendi dignos Sacerdotes, vel indignos recusandi, cum institutio sacerdotis non sit, nec unquàm fuerit nisi penès Episcopum, sed quòd liceret cuilibet è populo, si quod vellet crimen ordinando obijcere, solamque haberet potestatem dicendi, an idoneus esset, nec ne, quod facillè colligi potest ex Cypriano lib 1. Epistolâ 4. „ Coràm „ omni synagogâ, inquit, jubet Deus constitui sacerdotem, instruit & ostendit „ ordinationes sacerdotales, non-nisi sub populi assistentiâ conscientia fieri oportere, „ re, ut præsentè plebe deregantur malorum crimina, vel bonorum prædicentur „ merita, & sit ordinatio iusta & legitima, quæ omnium suffragio & iudicio fuerit „ examinata. Cujus rei in hodiernum diem quoddam remanet vestigium, dum in sacris ordinationibus rogantur qui interfunt, an ordinandus sit dignus nec ne, respondet autem quispiam nomine plebis, est dignus. Quod utinàm tam seriò ageretur, quàm hoc necessarium esse existimo, arque idèò cuperem ut saltè Synodus Sancta decerneret, hujusmodi ordinationes imposterùm fieri debere publicè cum solemnitate, in Ecclesiâ Cathedrali, præsentè Capitulo & Clero, idque per seipso, & non per mercenarios & conductitios. Hæc habui, Patres Reverendissimi, quæ tanquàm duo minuta mitterem in gazophylacium Domini, de proposito argumento dicere, quæ omnia & me ipsum, censuræ & iudicio hujus sacratissimæ Synodi submitto.

Finitâ & solutâ Congregatione, Cardinalis Lotharingius dixit, me nimis prolixum fuisse, & extrâ propositum egisse de iis, de quibus postea agendum erat, scilicet de reformatione, cui responsum est à me illa de industriâ dixisse, quia nesciebarur, quæ, qualisve esset nostra jurisdictio, & quòd in ordinandis essent quam plurimi abusus.

A meridie doctè dixit inter alios Franciscus de Baucaire, Gallus, Episcopus Metensis, sed ita, ut visus sit paulò acerbior in obscurandâ & extenuandâ auctoritate Pontificiâ, maximè cum dixit de Paulo, quia de Petro nihil accepit, nec fuit in eo privilegium, quòd nequè ab homine, nequè per hominem vocatus sit, & de Marthiâ fustigato in locum Judæ, & quòd Pontifex maximus dictus esset 1æ sedis Episcopus non œcumenicus, undè solutâ



Congregatione, dictum fuit submissâ voce ab Episcopis Italis, à scabie Hispaniæ incidimus in morbum Gallicum, intelligentes de Aliphano, Episcopo Hispano, qui sententiam dixerat antè Metensem, Gallum.

Dixerunt deinde septem Galli Episcopi, inter quos doctè Carolus Dagenies, Gallus, Episcopus Cenomanensis, & dixit, nullam esse differentiam & dissimilitudinem, inter Apostolos & Episcopos, & quod omninò etiam quoad omnimodam jurisdictionem, Episcopi sunt à Christo instituti.

Die Dominicâ sextâ Decembris celebratâ Missâ in aede, more solito, ubi habita concio, per Franciscanum, qui doctè admonuit Pares sui officii in hoc sacro Concilio, ut medeantur morbis, & hæresibus ubique grassantibus, lugebat Germaniam, Britanniam, aliasque Provincias maximè verò Galliam, quæ olim fuit fidei Catholicæ observatrix, nunc verò plena monstis, ad quæ tollenda Regis animus erat paratus, sperabat futurum, ut ejus ope, nec non Patrum Episcoporum qui huc conveuerant, remedium adhiberi; direxit sermonem ad eosdem Gallos Episcopos, sed absentes tunc temporis. Pro more absolvit per piam orationem ad Christum servatorem, ut inspiraret mentem senatoribus & proceribus Ecclesiæ præsentibus, tractandi ea quæ spectant ad gloriam Dei & Ecclesiæ, ut doctrinâ & vitâ gregem pascere.

Die Lunæ septimâ ejusdem mensis inter alios dixerunt duo Itali de institutione Episcoporum, & quòd verior esset sententia Christum solum unum Episcopum constituisse videlicet Petrum, & quòd decreta & decretales Pontificum haberi debent tanquam Sanctæ Scripturæ, & quòd omnis jurisdictio esset à Papâ.

A meridie dixit inter alios Abbas Cisterciensis maximè pro tuendâ dignitatē Pontificiâ, citavit Chrysostomum in illa verba, *tu es Petrus, & super hanc Petram ædificabo Ecclesiam meam*, ubi plus tribuitur Petro, quàm cæteris Apostolis, & quòd non ex æquo claves traditæ Petro & Apostolis; certuitque, Episcopos sic esse à Christo institutos, sed per Petrum & summum Pontificem, à quo post Christum, ordo sacerdotalis pendet. Damnavit eos qui dixerunt ex æquo potestatem Apostolis datam.

Hieronimus, Gallus, Abbas Claravallensis, formavit deinde aliquas conclusiones de Episcoporum institutione.

#### PRIMA CONCLUSIO.

Episcopi à Christo immediatè instituti, eo sensu, quicumque promoventur ad dignitatem Episcopalem, per actionem Sacramentalem, scilicet per consecrationem, sed Sacramenta immediatè à Christo sunt instituta, igitur potestas ordinis non-nisi per Sacramentum confertur, minor nota est.

#### SECUNDA CONCLUSIO.

Episcopus à Christo aliquid potest ut sit major Presbyteris, in quantum est minister Sacramenti Ordinis; id autem non competit simplici Sacerdoti, qui ordinare non potest &c.

#### TERTIA CONCLUSIO.

Jurisdictio Episcopî à solo Christo non est; duplex autem est missio interna & externa. Interna qua Deus facit aliquem idoneum pro suâ voluntate, ita

Ita vocatus est Paulus à Deo internâ vocatione & donis internis, quæ requiruntur in Apostolis, divisiones gratarum sunt, 1æ. ad Corinthios. 12. Rogate Dominum messis ut mittat operarios in messem suam. De quâ internâ missione loquitur. Alia est exterior quâ quis canonicè promovetur ad ministerium Ecclesiasticum ab eo qui habet potestatem, & qui per hanc vocatur, non est fur nec latro. Dico igitur jurisdictionem Episcoporum, in quantum interna est, à Deo esse immediatè, sed est imperfecta sine externâ, & auctoritate superioris, scilicet Romani Pontificis, sine quo non potest exercere quæ sunt jurisdictionis, undè Papa consecrans Episcopum, non solum dat ei materiam, sed & jurisdictionem.

Dixit ex loco illo *qui operatus est Paulo inter gentes*, Christum determinasse jurisdictionem Paulo erga gentes. Romanus Pontifex in omnibus functionibus Christi minister, sicut ceteri, sed dico diversos gradus ministeriorum & cooperationum.

Nullus censetur Episcopus institutus qui non sit, vel à Contiliis genericis, vel à Romano Pontifice, & ex consensu illius explicito, vel implicito, aut si casus occurreret quominus adiri posset Pontifex; interpretative tamen non est ita dicendum, quod Romanus Pontifex omnia possit pro arbitrio, sed secundum regulam & ad finem, scilicet ad ædificationem Ecclesiæ, & ad salutem nostram.

Abbas Cassinensis dixit, Papam, os, manum, & linguam Christi.

Franciscus Zamora, Hispanus, Generalis Sancti Francisci de Observantiæ, dixit, scopum omnium hæreticorum esse, ut omnibus machinis sedem apostolicam & hierarchiam Ecclesiasticam expugnent, quibus resistendum est, ut ait Ireneus lib. 3. cap. 2. ad Valen. vocavit Papam creatorem Episcoporum. Dixit Lutherum vocare Episcopos indoctas larvas papales, & quod questio de institutione Episcoporum, non solum inutilis erat, sed etiam scandalosa, & quod potius agendum foret de executione jurisdictionis Episcoporum, & si Episcopi essent Apostolorum successores, rogavit, ut imitarentur eorum opera.

Die Martis octavâ Decembris, celebratâ Missâ in æde majori per D. Antonium de Muglitio, Moravum, Archiepiscopum Pragensem, Oratorem Cæsareum, præsentibus Legatis & Oratoribus & Patribus, habita est oratio per D. Andræam Dudiciûm Sbardellatum, Hungarum, Episcopum Tinniniensem, de laudibus Maximiliani, Regis Bohemiæ, docta quidem & elegans, idque præagendis Deo gratis ob ejus electionem in Regem Romanorum, unanimi Principum Electorum consensu, Francofordiæ factam.

Die Mercurii nonâ Decembris manè dixit Dominus Antonius de Sapientibus, Augustanus, Generalis Conventualium Minorum Sti. Francisci, & alii.

A meridie Jacobus Laynez, Hispanus, præpositus Generalis Societatis Jesu, dixit, sed non admodum satisfecit.

Die Jovis decimâ ejusdem mensis à meridie, primus dixit Cardinalis Lotharingius super Canone residentia.

Imprimis, tria hinc orta esse damna, quod abfuerint Prælati ab Ecclesiis suis. Hinc enim tempestas hodierna exorta est. Secundò idololatria. Tertiò, ovium dispersio: & in exemplum multa dixit de Jonâ, Moyse, & lupis oves dispergente, ut est in Evangelio, quibus morbis medendum esset uno aut altero decreto.

In causâ nostrâ nos esse iudices dixit & reos, atque ideò desiderare se audire Theologorum sententiam, ut aptior esset ad iudicandum locus. Ad residentiam (inquit) vocat nos Pastor ille bonus, Joannis decimq, unusquisque ascendat per ostium, nisi fur & latro censeretur, & tria observavit.

Primò, ut cognoscat oves, & vocet eas nominatim, quod vicariâ operâ præstari non potest.

Secundò, ut defendat gregem à lupis.

Tertiò, ut benè pascat gregem sibi concreditum.

Quoad primum, de ingressu idonei pastoris hîc agendum esset, subiecit imprimis antè oculos diligentiam Jacob in pascendo grege, de quâ Genesis 31. ubi tria sunt observanda.

Quoad causas absentiae in decreto declaratas, dixit quòd omnis residentia de jure divino est imperata, sed ista affirmativa lex est attendenda, nomine legis, videlicet ut liceat quandoque abesse ad utilitatem Ecclesiae universalis, vel particularis, ad modicum tempus, modò non adsit evidens ruina gregis, vel ex causâ Reipublicae, sicut Episcopi, Electores Imperii, quandoque vocantur ad Comitata Imperatoria, & proceres Ecclesiastici in Regno vocantur à Rege ex justis causis, & quòd ipse abundè testis esse potest, quantum possit praesentia pastoris apud Principes; sed qui agunt Romae, aut in Curia Principum, debent recedere & reverti ad Ecclesias.

Ex tot tantisque causis docuit apertas esse fenestras ad non residendum, & citavit Augustinum contra Faustum Manich. lib. 22. cap. 6. qui voluerit abesse, etiam ad modicum, debet causam probare absentiae coràm Metropolitanò, aut antiquiori suffraganeo, absque eo quòd mittat Romam, juxta decretum Concilii tempore Pauli tertii, non tamen quòd semper sint obligati ad residendum.

Quòd dicitur de Episcopo absolvendo à Confessore, non placuit. Imponitur nobis jugum, quod & ego, & Patres portare non poterunt, satius adjiciendum esse putans, si velit redire Episcopus, ut suspendatur, excommunicetur, vel aliter puniatur.

De licentiâ quae conceditur Episcopis, ut absolvant à casibus reservatis, non placuit, maluitque reticere, quia aliàs pauci ad modum ituri sunt Romam, ut petant se absolvi, etiam ab irregularitate, potius restituenda esset poenitentia publica.

De residentia Curatorum, inveniendâ via ut in posterum constituantur pii & docti plebani, cum plerumque mallems habere Vicarios probos in Parrochiis, quàm pastores proprios, quorum praesentia nihil aut modicum prodesset. Unde renovandus esset Canon, *ut nemo absolute ordinetur*. Sed ista materia suo loco relinquenda est.

Duo verba in Canone illi non placuerunt, videlicet ubi dicitur, modò ipse vocationem suam non procuraverit. Deindè quod postremo loco dicitur, porro tam decretum hoc quàmque illud &c: Cum istâ lege potius in Conciliis Generalibus, quàm in compitis, quod etiam displicuit Reverendissimo Madrucio, qui se ferè subscripsit eidem Illustrissimo Domino Cardinali Lotharingio.

Hic dum agitur de residentia, potius desiderat factum, quàm ordinationem, & quisque ad oves pascendas eat, aliàs malos malè perdet, & locabit vineam aliis agricolis. Frons est occipitio potior, id est ac si dicat, praesentia est melior quàm non residentia.

Die Veneris undecimâ manè inter alios sententiam dixit D. Petrus Anto-

nus de Capuâ Neapolitanus, Archiepiscopus Hydruntinus, cui decretum non placuit. Imprimis Episcopi non sunt præmissis & gratis ad residentiam invitandi, causas absentię hic inferendas non censuit.

Non imponendam esse poenam peccati mortalis Episcopis non residentibus.

Gravamina à Principibus secularibus illata Episcopis proposuit, quibus adhibendum esset remedium.

Non videri sibi aliquid de Episcoporum residentiâ tractandum, cum eâ de re tractatum sit in eodem Concilio tempore Pauli tertii, & non ita pridem Pius quartus constitutione suâ tractaverit, & satis doctè dixit.

Petro Guerrero Archiepiscopo Granatensi omninò decretum non placuit, quòd si placuisset, sententię Illustrissimi Cardinalis Lotharingi subscripsisset, & ex eo deduci posse residentiam Episcoporum juris esse humani. Sicque præterit remedium aptissimum ad cogendum Episcopos personaliter residere, quod est tale, ut Synodus statuatur residentiam Episcoporum personalem esse de jure divino præceptam: undè præcluditur via his qui iustis de causis prætexunt se non residere, nam ex non residentiis nascuntur omnia incommoda, & hujusmodi non residentia est origo & radix omnium malorum. Itaque rogandus esset Deus ut mitteret operarios in messē suam, & simpliciter esset statuendum residentiam juris esse divini (nisi casus occurreret in quo Romanus Pontifex posset iustā de causā excusare) sic non haberentur tot dispensationes de non residendo, quæ meritò dici debent dissipationes. Undè Bernardus ait, dispensare, est potenter infernum intrare.

Præterea sibi visum fuit, parvam esse gratiam Papæ, quā liceat Episcopos absolvere à casibus reservatis, præterquam his qui habentur in Bullā in *Cenā Domini*, qui cum sint multi, vellet ut concessio hujusmodi esset liberior, ut & Episcopi ab hujusmodi casibus absolverent, aliās vix fieri poterit, ut quisquam petat, aut migrat Romam ad petendum absolutionem, tantum abest ut pecuniam aliquam det.

Joannes Baptista Castaneus, Romanus, Archiepiscopus Rossanensis, à meridie dixit inter causas absentię, pauca de visitatione liminum, ad quam omnes tenentur Episcopi.

Ludovicus Beccatellus, Bononiensis, Archiepiscopus Ragusinus, pius admodum, dixit residentiam partem esse reformationis, & quod omninò sit residendum Episcopis & Curatis, & ad id compellantur per poenas, non tantum spirituales, sed corporales.

Hydruntinus admodum eloquenter dixit, perindè ac si orasset, nempe causam omnium malorum & calamitatum esse absentiam, & pastorum negligentiam.

Bartholomæus de Martyribus, Lusitanus, Ordinis Prædicatorum, vir religiosissimus, dixit, residentiam abbreviatum quod fecit Dominus, & esse de jure divino; multa egit de abusibus suæ Diocesis, Episcopatus nempe Braccarensis, & quòd providendum esset, ut etiam Canonici Cathedralium cohererent ad residendum personaliter in suis beneficiis.

Philippus Mocenicus, Venetus, Archiepiscopus Nicosiensis, Regni Cypri Primas, & Legatus natus, dixit postea, sed non facile est auditus propter gracilem ejus vocem.

Die Sabbathi duodecimā ejusdem mensis Decembris, dixit, ubi in decreto agitur de morum correctione non placere sibi, ut hoc in casu deferatur appellationsi ad Sedem Apostolicam, & quia jubentur Episcopi residere, tollenda esse impedimenta, quæ à Principibus secularibus inferuntur.

Germanicus Bandinus, Senarum Archiepiscopus, vult mentionem fieri in decreto, de juramento præfrito in consecratione quod sint visitaturi limina Apostolorum.

- Gaspar de Fosfo, Cosentinus, vir bonus, Ordinis Sti. Francisci de Paulâ, Archiepiscopus Reginus, visus est concionari, dixitque residentiam non modò necessariam, sed personalem esse debere, sed non continuam, nam præcepta affirmativa semper obligant, sed non ad semper, sed præceptum residentie est affirmativum: igitur pro loco, pro tempore fas est, Episcopo abesse, ut dixit Cardinalis Lotharingius. Potest autem quis abesse utpote vocatus à Papâ, cui parere nos oportet ratione consilii, vel à Principe, & etiam ratione ægritudinis, sunt enim qui si sex menses residerent, morerentur ob loci intemperiem.

Archiepiscopus Pragensis, qui suprà, dixit disputatum esse diutius de residentia, sed sine fructu, & non sine scandalo, non hic agendum foret de residentia tantum, sed petenda esset reformatio veta & realis, ut jam petierunt Oratores. Quod verò ad residentiam attinet, dixit summo perè necessariam, quod testari possunt Ecclesie in quibus Episcopi non resident, & Episcopum de necessitate juris divini teneri ad regendam Ecclesiam, & curam animarum exercendam: ergò eodem jure teneri ad medium sine quo ejusmodi cura exerceri non potest, scilicet ad residentiam, cum maximè teneantur reddere rationem ovium in die judicii, & imponenda est Parribus necessitas residendi, non quòd propterea velimus ligare manum Summi Pontificis, non quòd etiam Episcopus abesse non possit pro commodo Ecclesie, cum sit præceptum affirmativum, allegavit Bernardum in Epistola 131. ad Mediolanen.

Initium decreti quo dicitur jure divino nos teneri ad rationem villicationis reddendam, non placet, cum sit nimis universale.

Circà causas absentie, quàm profit quandoquæ Ecclesie, ut Episcopus sit alicujus Regis Consiliarius, norunt ii quibus negotium est cum Principibus. Ubi agitur de Principibus hic videmus (ait) nos Principibus subditos, quod libenter admitterem nisi quandoque essent hæretici.

Pœnitentias promereri, hæc quàm malè sonarent in auribus multorum alii videant? quòd videlicet Episcopi teneantur ad residendum, & residentibus præmia dentur, quasi aculei & calcaria.

Non placuit de casibus in Bullâ reservatis, cum vix Papalis casus repetiatur, qui non ibi contineatur, propterea non esse de dignitate Synodi, ut roget & hortetur Principes, sed suo potiùs uti debet officio & illis statuere sub excommunicationis pœnâ.

De publicatione hujusmodi Decreti, non placuit, ut nec Cardinali Lotharingio.

À meridie dixit Leonardus Marinus, Genuensis, Ordinis Prædicatorum, Archiepiscopus Lancianensis, in te tam arduâ (inquit) quò me vertam nescio? Interim dum hic terimus tempus, lupus rapit & dispergit. Sunt qui dicant residentiam juris esse divini, alii humani, alii nolunt leges sibi imponi ad residendum, cum non sint filii servitutis & timoris, sed dilectionis. Fuitque in sententiâ, ut omninò tuenda esset lex de residentia quæ tam est necessaria, ne dicatur nobis, oves meæ dispersæ sunt, quia non erat pastor. Dominus ait ad Zachariam, finge te pastorem & ecce ego suscitabo pastorem qui derelicta consolidabit, & ubi describit conditiones pastoris stulti, deinde

deindè exclamat, O pastor & idolum? perindè est enim habere pastorem absentem, & idolum. Dum dorminus, diabolus seminat zizania, nunc videmus Regnorum magnam vicissitudinem, ut in Galliâ, & proptereaque omnes peccavimus.

Causæ absentiae placent, nec claudendum est ostium Epischeiz.

Clausula de visitandis liminibus, in decreto inferenda non est, licet hoc juramentum non sit inutile, nempe ad unitatem & profitendum fidem nostram. Non fuit in sententiâ eorum qui dixerunt unicum esse remedium, ut dicamus residentiam esse juris divini, cum hoc nihil prodesset.

Quintius de Rusticis, Romanus, Episcopus Millerenfis, ex scripto dixit, atque imprimis petit per Papam provideri pauperibus Episcopis, qui non habent undè vivant in Episcopatibus.

Alexander Piccolhomineus, Senensis, Episcopus Pontinus, utrumque dixit, non stare per Episcopos, quominus residentia non servetur promissa per Papam, tam ex parte Pontificis, quàm laicorum &c.

Jacobus Suretus, Græcus, Episcopus Milopotamenfis, Ordinis Minorum S. Francisci, dixit residentiam esse necessariam, jureque divino naturali & humano præceptam.

Decretum hoc demonstrat dignitatem Episcopaletti.

Quod ad collationem beneficiorum attinet, non dixit, ne in causâ propria jus dicere videretur, sed hîc adhibendum fore remedium, cum ex eâ tanquàm pandorâ nascantur omnia incommoda.

Die Dominicâ, decimâ tertiâ non interfui Capellæ propter concionem hispanicè habitam apud Divum Bernardinum, à Reverendissimo Segobricensi Episcopo, Joanne de Munnarones, Ordinis S. Augustini. Deinde pransus apud Pragensem, cenavi apud Cardinalem Madrutium, cum Reverendissimo Lotharingio & Episcopis Gallis.

Die Lunæ decimâ quartâ ejusdem mensis Decembris, dixit Octavianus Præconius Ordinis Minorum S. Francisci, Archiepiscopus Panormitanus, residentiam omni jure necessariam, sed in decreto non apponendum jure divino.

Scipio Bongallus, Romanus, Episcopus Civitatis Castellanae, excitavit risum dum Cardinalium laudes declamavit.

Angelus Mafarellus Septempedanus, Episcopus Thelesinus doctè dixit, Gabriel de Bouverri, Gallus, Episcopus Andegavensis, ex se ipso protulit sententiam postulans residentiam declarari esse de jure divino.

Leonardus Daller, Germanus, Episcopus Philadelphiensis, proposuit gravamina Episcopi Aistetenfis, Domini sui, & ad risum provocavit Patres.

Die Martis decimâ quintâ, Egidius Falcetta Cingulanus, Episcopus Caprulanus, dixit cum hic agatur de residentia, nullam de eâ fieri mentionem in decreto; itaque dicendum ut residerent, & munia Apostolica per se obirent.

De poenis, non placuit ut non residens inhabilis redderetur, ne gravaretur provifus, nec reatus peccati, nec absolutio Pontifici reservata, cum de reservationibus conquerantur Patres.

Julius Contarenius, Venetus, Episcopus Civitatis Bellunensis, doctè admodum dixit, & ad reformationem hortatus est.

Thomas Casellus, Rossanensis, Ordinis Prædicatorum, Episcopus Ca-

nenfis, voluit decretum sub Paulo 3. fatius & potius isto de residentiâ, & dixit non esse ex dignitate ut iterum de residentiâ agatur; quod etiam gratiæ concessæ residentibus per constitutionem Pii 4. nuper editam, essent hic infertæ.

Egit contra Patres, qui residentiâ juris esse divini contendunt, allegans Haymonem, in primæ ad Corinthios 12. qui videtur asserere jure canonico Episcopos in Ecclesiis suis residere. Sed non crediderim hoc dixisse.

Die Mercurii decimâ sextâ Decembris, visum fuit Patribus de constituendo die Sessionis habendæ intrâ quindecim dies.

Dictum est residentiâ juris esse divini, non quod non liceat ob bonum majus abesse. Absuit & Timotheus, & Ambrosius Mediolanensis; Et qui est in diocesi adesse constat, propterea dicendum in decreto minus decere à diocesi abesse.

Quod ad causas absentiæ dictum est, aut omnes exprimendas, quas est difficile exprimere ob varios casus emergentes, aut sola hæc clausula generalis sic apponenda, *nisi iusta & notabilis causa subsit*.

Thomas Stetta, Venetæ, Ordinis Prædicatorum, Episcopus Justinopolitanus, dixit nullo pacto apponendum esse, residentiâ esse juris divini, alioquin tonitrua audirentur ab Aquilone, etsi fuerit juris divini, quomodo dispensabit Papa, qui non potest contra jus divinum dispensare, licet interpretari valeat, & pernegavit residentiâ esse juris divini, sed potius Ecclesiastici. Voluit standum esse primo decreto de residentiâ tempore Pauli tertii, nec voluit novum de residentiâ nisi quod jam aliquandò dixit, placeat, quia omnibus placuit. Sola residentiâ personalis, si nihil proficiat nulla est, cum potius juris divini esset, ut quis non resideat cum nihil proficit.

Die Jovis decimâ septimâ Decembris, multis visum fuit decretum non esse publicandum, cum de residentiâ jam confectum decretum sit eodem in Concilio sub Paulo tertio.

Sententiam dixi eodem die, primò commendatissimam esse Episcoporum præsentiam, exemplo Jacob qui in pascendo grege foci sui Laban constantissimus fuit, in perferendis frigoribus & æstu, diu noctuque vigilans, fidelis & diligens; nam absentia pastorum, est præcipua causa & caput malorum quibus concutitur orbis; qui si resideant rariores esse hæresum assertores. Dignissimum igitur argumentum in quod intendat oculus Episcopi, sed quod definire breviter possit, nimirum si jubeantur ad amissum observari Canones, eâ de re antè editi, C. Apostolorum 13. C. 8. 11. & 14. Concil. Laodicen. C. 2. Concil. Antioch. C. 9. & 24. Octavæ Synodi. Decretum de residentiâ sub Paulo tertio promulgatum, & constitutio Pontificis nuper contra non residentes edita, nec puto necessarium esse anxie querere, sit residentiâ juris divini nec ne, quandoquidem constat non modò non esse utilem, sed summè necessariam. Dabo tamen meum exiguum obolum ne videar rem dignam non nihil contempsisse. Prius tamen cum veniâ hoc dictum volui, satis jam satis adversariis nostris fabula fuimus, videamus ne dicatur nos more Gy-gantium Deo bellum inferre, ut quemadmodum montes montibus imponentes Deos è caelo deturbare, & hominibus æquales reddere conantur, sic nos Canones, Canonibus, disputationes disputationibus addentes videamur persuadere velle juris esse humani, quod juris divini esse dignoscitur. Ut igitur hoc argu-

mentum uno verbo absolvam, mea hac de re erit sententia hujusmodi. Quando quidem ex præscripto juris divini tenemur pascere gregem nobis creditum, agnoscere vultum pecoris, vocare nominatim, illi invigilare, Sacramenta administrare, ordinare, visitare, quæque functionis sunt Episcopalis, ea omnia sedulo exequi, & quod est in proverbio, Spartam in quâ nati sumus ornare, idque per nos ipsos, non per mercenarios suffraganeos, ita necessario astringimur residere, non quidem expresso Dei verbo, sed ex consequentiâ & dependentiâ præcepti divini, quâ expressè Dei verbo præcipiuntur Episcopis ea, quæ præstari nullo modo possunt sine residentiâ. Nam cum aliquid est præceptum, ad quod implendum necessario requiritur alterum, quo jure unum præcipitur, alterum quoque eodem jure præceptum censetur. Exempli gratiâ, de potestate sacerdotibus concessa peccatores absolvendi, & peccata remittendi, quod exequi non possunt, nisi pœnitentes confiteantur peccata sacerdotibus, undè jure divino præcepta censetur confessio, licet de eâ non fiat expressa mentio in sacris paginis. Itaque mihi videri residentiam jure divino imperatam & sancitam more cætorum præceptorum affirmativorum, quæ quidem obligant semper, sed non pro semper, sed pro tempore duntaxat & loco; actum enim inquit Theologi exigunt hujusmodi præcepta, in continuo autem actu esse, cumque nullo temporis momento intermittere, nemo nescit esse longè supra vires imbecillitatis humanæ: quare fateor esse tempus quoddam, cum non minus prodest, imò commodius fuerit Episcopum abesse, quàm adesse, propter scilicet majus Reipublicæ, Ecclesiæ universalis, vel particularis commodum. Equidem de re Ecclesiasticâ esse puto, ut Imperatori, Regibus, Principibus, adlînt à Consiliis docti, graves, & quod est omnium primum probatissimæ fidei Episcopi, aliique Prælati, qui suo consilio & hortatu, propensiores reddant Principes, ad profliganda harum tempestatum studia, & ad occurrendum his malis quæ pro suâ prudentiâ & ingenii perspicacitate fortasè prospiciuntur ventura; sed quia hoc argumentum Cardinalis Lotharingus dixit tam doctè, apertè, tantâ sententiarum gravitate, argumentorum pondere, ut novæ & iniquæ rei propemodùm videri debeat studiosus, qui ei sententiæ vellet reclamatum, prudentissimo ejus judicio, & exactissimæ sententiæ, cum hîc, tum in cæteris ad decretum animadversionibus subscribo.

Ad decretum venio in quo paucissima dicam quæ non-nulla visa sunt repurgatione indigere, cum in verbis, tum in sententiis. Primum initio commodius dici posset, *& illi omnium maxime quibus animarum cura est commissa*, paulò post dicitur *diversæ pene*, aut expungere hoc nomen *diversæ* aut loco ejus surrogare *variæ* cum hoc nomen *diversæ* apud Latinos repugnantiam quandam probet.

Quoad causas quibus fas est Episcopis abesse, ut gregem derelinquant, videntur commodius in hanc clausulam revocandæ, *nisi summa urgeat necessitas, vel evidentissima, Ecclesiæ, vel Reipublicæ, id exposcat utilitas quæ à Metropolitano esset approbanda*. Post innumeras absentiæ causas subiciatur clausula generalis, *vel si similis causa subsit*.

Hic video multa prudentissimè adjecta quæ afferrent absentiæ cupiditatem adumbratam. Verùm hanc clausulam sublatam esse vellem quæ justissimas etiam absentiæ causas adferret, & latiore pateretur explicationem, quando æquum sit & expediat; cum enim hæc doctrina satis multas conti-



neat absentiae causas, non videtur in Sanctis inferenda constitutionibus; quæ plerumque magis facerent ad destructionem, quàm ædificationem, & fenestras ut ita dicam, aperirent ad absentias.

Ubi agitur de poenis in non residentes, non placet *reatus culpe*, nec ut Episcopus *non absolvatur à Confessore*: ne hoc nimis grave jugum sit & molestum.

Ut plenius Episcopi suum exerceant munus, laudo piam Sanctissimi Domini nostri Papæ voluntatem, qui non-nihil de suo jure cedit Episcopis, modò concessio illius sit laxior, & liberalior, & protrahatur ad casus in Bullâ Cœnæ reservatos, & absolvantur Episcopi à visitatione liminum, sed & Episcopi imitatores Patrum voluntatis, debent & Parochis non-nihil de suo jure cedere, ad timidarum conscientiarum securitatem.

De collatione beneficiorum in mensibus Apostolicis, hinc quasi ex pandora Hesiodi omnium malorum & morborum agmen erupit, atque adeò adhibendum erit remedium.

Quòd tam benignè hortetur Principes Synodus, non est ex dignitate Synodi, quæ seriò illis injungere & præcipere debet nè sub poenâ Anathematis latæ sententiæ, gravent Ecclesiasticos decimis, quas ipsi subsidia charitativa vocant. In plerisque locis videre est quàm indignissimis modis tractent omnis ordinis Ecclesiasticos, eosque crebris vexent exactionibus, præter omne jus & fas, citrà Episcoporum & Cleri consensum. Hæc quidem gravamina sunt à Synodo tollenda.

Ubi agitur de Curatis adhibendum esset hic remedium, ut provideretur de personis idoneis, cum plerumque malint habere vicarios in Parochiis, quàm Curatos residentes, atque ideò revocandus Canon. Cal. Conc. *ut nemo absolute ordinetur*.

Præterea Exempti putant sibi indultum à Sede Apostolicâ, ut non resideant in suis beneficiis, saltem majori parte anni, quòd videantur residere in majori Ecclesiâ.

Publicatio hujusmodi decreti facienda in Cancellariâ, nullo modo placet, ideò retinenda postrema decreti pars.

Hæc sunt quæ circa propositum decretum dicere decreveram, quæ vestro consilio; & calculo hujus Stæ. Synodi, & me ipsum subijcio.

Die Veneris decimâ octavâ, celebrata Missa pro defuncto Rege Navarræ apud Divum Bernardinum, præsentibus Cardinali Lotharingio & Episcopis Gallis.

A meridie Martinus Perezius de Ayala, Hispanus, Episcopus Segobienfis, doctissimè multa ad reformationem spectantia dixit, quæ sibi videbantur priùs discutienda, quàm de residentiâ tractaretur, quam juris divini esse dixit, ut Episcopi sint à Deo instituti, nec per hoc imminui auctoritatem Summi Pontificis, imò qui aliud dicunt, non cupiunt honorem illius. Quomodò Episcopus potest cogere curatum ut resideat, nisi habeat portionem undè vivat?

Quòd autem dicit residentiam de jure divino esse. Consideranda est duplex, in ordine ad actum, & hæc est juris divini, & in ordine ad applicationem, & hæc est juris humani.

Posuit tria Capita justæ absentiae, scilicet obedientiam justam, urgentem necessitatem, & obligationem.

Maximi-

Maximilianus Doria Genuensis, Naulensis dixit residentiam juris esse divini secundum distinctionem.

Segobienfis Episcopus multa petiit à Papà seu Synodo, super quibus petebat justitiam administrari.

Eustachius Bellayus, Gallus, Episcopus Parisiensis in initio dixit se cupere presentiam Pontificis Maximi in hac Synodo, ut audiat nostras Tragœdias, in hac materia de residentia, quæ jam duobus mensibus agitata fuit, quæ utilis & summe necessaria est.

Episcopi à Deo instituti, non ut sint otiosi, sed ut munus suum ob- eant; munia enim Episcopi non possunt exerceri, sine presentia. Allegavit quardam decreta Nicolai primi contra Episcopos negligentes.

Proponere volebat impedimenta residentia, nisi hoc fecisset Segobien- sis. Concubinae, inquit, quas tenemus cum excommunicationibus, sunt in causa ut non liberè loquamur de reformatione. Vigilandum cum grege suo, sicut Christus initio nativitatis apparuit pastoribus vigilantibus.

Cyprinus perstitit ut residentia esset juris divini, & hoc in decreto infes- rendum, loco pramiorum quæ in decreto proponuntur residentibus, vellet proponi impedimenta per rationes. Poenæ decreti, reducantur ad poenas juris.

Albertus Duimius de Gliricis, Episcopus Veglensis, doctissimus, multa dixit.

Omissio debiti officii, peccatum est. Thomas in 2a. 2æ. questione 754. Opus pascendi summe necessarium, & est fundamentum reformatio- nis. Jure divino præceptum est pascere, jure etiam naturæ tenemur præstare opus propter quod recipimus mercedem, & proventus Ecclesiasticos.

Dissentio inter Patres, quod alii dicant perpetuò, & per nos ipsos pas- cere jure divino teneri, & ad residentiam, alii non.

Pascere personaliter debemus secundum Paulum qui ait, *ut mihi, si non evangelizavero, necessitas enim mihi incumbit.* Vide Cap. 8. Synodi 81.

Premium decreti nimis universale, & videtur quod dicendum est initio *propositi alicui muneri Ecclesiastico*, & cum omnes teneantur jure divino reddere rationem villicationis.

In decreto infetendum esse *jure divino, & naturali.*

Narrativa decreti, dispositiva, exceptiva, punitiva, indicativa & exe- cutiva displicuerunt; sic nihil in decreto remanet.

Exceptiones justæ absentia, impossibilitas, charitas & ubi de premiis agitur, non placuerunt, sed remaneant Pontifici, quæ antiquitus illi tradita fuerunt, sic Episcopis.

Item restituantur quæ antiquitus habebant, cum omnes penè exem- pti sint ab Episcopis, tot indultis & concessionibus.

Die Sabbathi decima nona Decembris Ægidius Fuscararius, Bononien- sis, Ordinis Prædicatorum, Episcopus Mutinensis, Vir doctus: dixit, quod ex præcepto Dei astricti sunt ad residentiam Episcopi, & quod cuperet in decreto hoc inferi, quod facit etiam ad illustrandam dignitatem Pontifi- ciam: quod autem quidam dicunt nihil unquam profuturum, dixit se cre- dere verbo Dei quod nunquam redibit vacuum.

Exceptio quæ cui fas est abesse ab Ecclesiâ, videlicet causa hostilitatis, est contraria Augustino. Placet ut qui duo habet beneficia, quorum alterum curatum, alterum simplex, in curato residere cogatur.

XXX

De publicatione hujusmodi decreti in locis publicis, non placet nisi quod qui instituentur imposterum ad aliquod beneficium, jurabunt se observaturos hoc decretum.

Die Dominicâ fuit Capella more consueto.

A meridie nulla Congregatio.

Die Lunæ vigesimâ primâ, à meridie inter alios, dixit Bartholomæus de Capranicâ, Romanus, Episcopus Carinensis, jure divino residendum & hoc opus Episcopale per se, non per mercenarium præstandum, ut colligitur ex decreto de residentiâ in eodem Concilio sub Paulo 3.

Optaret ut declararetur quanto tempore quis abesse posset. Ubi agitur de beneficiis in titulum, vel commendam, dixit quod vox commendæ, tollenda est, & usus illius, quod commenda videatur ad corrodendum introducta.

Bellisarius Balduinus, Neopolitanus, Episcopus Larinensis, Vir bonus, dixit principium decreti non placere, non quod falsum, aut aliquam impietatem contineat, sed quod nimis universale, non tangens materiam de quâ hic agitur, quæ est particularis & magni momenti, ex eo quod de reddendâ ratione vellicationis agitur, & quod introducere videmur sententiam Ambrosii Catharini, qui residentiam dixit juris esse humani. Deindè quid dicent adversarii, nisi residentiam jure divino asseramus, & in decreto inferendam. Vellem igitur declarari jus quo tenentur Episcopi residere, si enim notum est juris esse divini, cur non inferitur? aliis si materia non est certa, proponatur Theologis discutienda, quanquam ipse non dubitat juris esse divini, sed ferre non potest quod sit juris divini, & tamen in decreto non declaratur, allegevit Thomam 2a. 2æ. questione 183. articulo 5.

Ambianensis doctè dixit, atque inter cætera inferendum in decreto non solum ut residant Episcopi, sed etiam omnia munia Episcopi inferantur quæ ipsemet exerceat, ecquid enim alioqui residere prodesset?

Spinellus Bencius, Politianus, Episcopus Montis-Politiani dixit, imprimis habendam esse rationem eorum quæ annotata sunt circa impedimenta Prælatorum, cum in Regno Neapolitano suppressa penè sit omnis jurisdictio Ecclesiastica, aliàs, (inquit) residere non possumus.

In stabiliendâ verâ residentiâ, tria sunt observanda, primò, ut nominationes, sive præsentationes Prælatorum sint bonæ & legitimæ, quod fiet si duo observentur. Quod primò antè omnia eligantur tales Episcopi & plebani qui meritò & probabiliter residere debeant. Secundò quod tales nominentur quales Paulus requirit. Hodie verò in Ecclesiâ pastores paucissimi & mercenarii multi, & provideat Synodus, ut residentia sit stabilis, & quod Episcopi habeant sua munia libera ad hoc, ut possint suas regere Ecclesias. Tertiò declarat quo jure teneamur ad residentiam, quamvis quoad se tam habeat certum de jure divino residentiam esse, atque illud philosophicum *totum est majus sua parte*. Idque propter multas causas jam allegatas, ut sit notum omnibus juris esse divini, sed etiam ut provideatur necessitati Ecclesiæ, ut omnes intelligant, Episcopos ex præcepto juris divini teneri ad residentiam in suis Diocæsesibus.

Die Martis vigesimâ secundâ Decembris, multi Patres dixerunt, sed non interfui ex consilio medici, neque die Mercurii, à quo intermisisse fue-

runt Congregationes propter festa Natalia, usque ad diem Martis 28. sequentem.

Die Lunæ 27, quæ erat festum Innocentium, celebrata fuit solemnibus processio pro pace & tranquillitate Regni Galliarum, & extirpatione hæreticorum dicti Regni, & ad Oratorium Sancti Petri itum est.

A meridie venit Cursor à Galliis ad Cardinalem Lotharingium, vel ex parte Ducis Sabaudie, qui nuntiavit confictum habitum inter exercitum Regium & Principis de Condé, non prociß à Ramboüillet, atque initio quidem satis infelicitè pugnatum, quia prima acies exercitus Regii rupta fuit, captis interim Conestabili & Marschallo Sti. Andreæ, verùm Deus misertus Regni, victoriam dedit Duci Guyssiano, qui mox repressit impetum adversariorum, & cum militibus Hispanis, qui venerant in auxilium Regis, aliisque militibus magno impetu irruit in exercitum adversariorum, quem sudit, maximamque cladem inulit, capto interim Principe de Condé vulnerato, adeo ut pauci, circiter octingenti qui deducebant captivos remanserint, quos exercitus Regis prosequabatur. Statim litteris acceptis per Cardinalem, inivit Legatum Mantuanum certiorum futurus de rebus gestis, quibus auditis ipse cum aliis Legatis, Cardinalibus & Episcopis, adiit summum Templum, acturus gratias Deo cum cantico (*Te Deum*) & oratione pronuntiata per Episcopum Parisiensem, deinde circiter vigesimam quartam horam, bonæ pars Episcoporum comitata est sumus bonæ memoriæ, Carolus de Cibo, Genuensis, Archiepiscopi Taurinensis, qui pridie obierat, usque ad Sanctum Petrum, serò autem Cardinalis Lothar. cum Episcopis Gallis curavit strui rogum in signum lætitiæ ob dictam victoriam.

Die Martis 29. Andreas de Cuesta, Hispanus, Episcopus Legionensis, inter multa dixit, residentiam jure divino imperatam.

Carolus de Angennes, qui suprâ, Episcopus Cenomanensis, sententiam dixit eodem die disertè & eloquenter.

Die Mercurii trigessimâ, à meridie actum fuit de Sessiope proximâ, & conclusum quod intra quindecim dies deliberaretur.

Inter alios Granatenfis dixit, mirari se quod toties deliberaretur de eadem sine fructu, & quod mutetur ordo in dicendis sententiis, ne Patres sint adeo prolixi, & quod Legati dividant Episcopos per classes, ut brevius audiantur vota omnium, & ea postmodum ad Synodum referantur.

Pragensis reservavit se ad dicendum post quindecim dies.

Andreas Duditus Bardellatus, Hungarus, Episcopus Quinque-Ecclesiensis, sententiam dixit super decreto perspicuè, doctè, & graviter, cum applausu omnium. Dixitque residentiam non inveniri in litteris Apostolicis & Prophetis, nisi apud Canonistas. Deinde triplicem esse, superstitionem ut non liceat unquam à Dioecesi discedere. Hypocritam qualis eorum qui corpore tantum præsententur.

Tertiam veram, realem & effectivalem, ut videlicet Episcopus per se ipsum pascat gregem, verbo, vitæ exemplo, & sacramentis, hanc jure divino imperatam dixit; Adeoque necessariam ut non fas sit Episcopo abesse nisi iustis & legitimis prædeditis fuerit causis, videlicet ob justam obedientiam, necessitatem, & charitatem ut dixit Segobienfis, quibus casibus licet abesse, & causâ majoris boni & quando Episcopi habent munera publica & secularia, ratione Episcopatum, ut in Hungariâ. Quod autem li-

ceat quandòque abesse, probavit ex Augustino in Epist. 185. ubi scribens clero & populo Hypponenſi, ait, ſc quidem corpore abſentem, ſed ſpiritu præſentem, & abſentem quidem non licentioſâ libertate, ſed neceſſariâ ſervitute, ut propter ægritudinem.

Eodem die venit novum de morte Dandelot Mareſchalli Sci. Andræ, & Filii Coneſtabilis, & quod Dominus de Damville coeperat Principem de Condè in conſpectu quem habuit Illuſtriſſimus Dux Guyſianus adverſus hæreticos, & quod Dux Nivernenſis fuerat vulneratus.

Segobienſis mihi dixit quod timebat ne Legati deciperent Cardinalem noſtrum, & quòd nihil minùs cuperent quàm reformationem, ſed potiùs ſolutionem Concilii, & quod illum Hiſpani multum obſervabant, quaſi ſit in puncto ut ſit auctor Eccleſiaſtica libertatis, & ſacræ reformationis, quem admodum frater ejus reſtituerat Regnum in integrum cui multum debebat tota Gallia.

Ultimis diebus Veſperæ celebratæ ſunt ſolemnes in æde majori, & deputatus fui ad miniſterium, & ſequenti die videlicet primâ Januarii anni milleſimi quingentefimi ſexageſimi tertii Miſſam celebravi in quâ orationem habuit D. Robertus Fourmerius Doctör Gallus.

Die Sabbathi horâ vigefimâ dixerunt tres Hiſpani, Aſciſelus Moya de Conterras Epicoſopus Vicensis, Arias Gallego Epicoſopus Gerundenſis, & Antonius Gorriorero Epicoſopus Almerienſis, doctè & piè. Gerundenſis dixit amovendos eſſe à conſecratione decretorum Curiales, & eos qui tam libenter remanent in Romanâ Curiâ & qui volunt habere plures Epicoſopatus, & Abbacias, quodque nihil hætenùs reformatum, licet ſanctiſſimus in Bullâ convocationis Concilii hortetur ad reformationem & morum & abuſum.

Almerienſis Epicoſopus, paſtores, dixit, teneri ex præcepto juris divini reſidere, & citavit Athanaſium in quâdam Epiſtolâ ad Epicoſopos Sardinis, ubi ne pauliſper quidem abeſſe ſas eſt, & tamdiù tenentur reſidere quamdiù oves egent præſentiâ paſtoris, ſerè autem ſemper egere cenſentur.

Die Dominicâ tertiâ à meridie dixerunt Petrus Faunus Coſtacciarus, Aquenſis, & Joannes Carolus Bovius, Bononienſis, Oſtunenſis Epicoſopi, primus fuit in ſententiâ eorum qui juris divini reſidentiam eſſe tuentur. Hic fuit ejusdem opinionis, & citavit multos auctores, inter quos Innocentium in quodam decreto.

Hugo Boncompagnus, Bononienſis, Epicoſopus Veſtanus, multa dixit, ut probaret Epicoſopo non licere per noctem abeſſe ſine Superioris licentiâ.

Bernardinus Delbene, Florentinus, Epicoſopus Nemaufenſis, dixit fruſtrâ agi, niſi agamus poenitentiam de peccatis, & poenitentiam etiam publicam, & viſus eſt concionari, verum inter cætera dixit, contra jus divinum eſſe ſtatuerè reſidentiam eſſe de jure divino, licet pia ſit opinio. Abuſus intollerabiles allegavit.

Joannes de Quignones, Hiſpanus, Epicoſopus Calaguritanus, dixit, nullum præſentiùs remedium quàm ſtatuerè reſidentiam juris eſſe divini, & lege divinâ Epicoſopos ad reſidentiam teneri, initium ſumpſit ab eo quod vulgò dicitur: *ad ſolvam ne ligna feras.*

Die Lunæ Congregatio facta, in quâ Itali quidam Canonix ſatis doctè dixerunt. Niſi quod Philippus Gerius, Piſtorienſis, Epicoſopus Aſſiſenſis, conqueſtus eſt de penſionibus civitatum. Die

Die Martis quintâ Januarii, Vesperæ celebratæ fuerunt per Didacum de Almanza, Hispanum, Episcopum Corientem, quibus finitis, jussu Cardinalis Lotharingii invisi Granatensem & Segobientem, quibus ostendi quosdam Canones missos ab urbe, in hunc qui sequitur modum.

Si quis dixerit, Episcopos à Romano Pontifice constitutos non esse, positos à Spiritu Sancto regere Ecclesiam Dei, neque presbyteris majores, anathema sit.

Deindè serò paulò antè cœnam Reverendissimi dicti Cardinalis, advenit ad eum è Galliâ nobilis quidam ex parte Regis & Reginæ matris, qui illi narravit quæ gesta erant in Galliâ superioribus diebus, in conspectu inter exercitum Regium & Principem de Condé. Et quòd spatium viginti quatuor horarum, Regina mater, Rex, & tota Luteria arbitrabantur actum esse de Regno, & quòd adversarii obtinuissent victoriam, sed paulò post missus est ab invictissimo Principe Duce Guyfiano Dominus Cosseus ad Regem, & uxorem suam, ut indicaret quomodo se haberent negotia, captus fuit Constabilis & Marefchallus Sti. Andreæ interfectus, alique multi nobiles exercitus Regii sunt capti, & interfecti, inter quos la Brosse, Givry &c. Captus fuit Princeps de Condé, & traditus in manibus Ducis Guyfiani, qui eum humanissimè excepit, & admonuit officii, quòd rebellis fuerat in Principem suum, & cogitaret priùs de conservando capite, quàm de Regni gubernaculo.

Regina mater admonuit inter cætera Cardinalem Lotharingium per litteras, ut esset causa restitutionis Ecclesiæ, & ageret de seriâ reformatione in Concilio, undè sequi posset tranquillitas firma Ecclesiæ & publica.

Propositum fuit Legatis Regiis (ut fertur) de communione sub utràque specie, & de Psalmis gallicè cantandis in Missâ.

Nonnihil deliberatum inter quosdam num expediret centum monasteria Regni destinata esse usui Regis, ut indè decimæ Ecclesiasticis illatæ à Rege, cessarent. Omnis autem novitas metuenda nimis, quod Deus avertat.

Die Mercurii non fuit Congregatio propter Capellam in die Epiphaniæ.

Die Jovis 7. Januarii in Congregatione, inter alios dixit Petrus de Albert, Gallus, Episcopus Convenarum, qui inter alias absentiæ Episcoporum causas, voluit haberi rationem dispensationis, juxta cap. cum pridem de &c.

Petrus Danesius, Gallus, Episcopus Vaurensis, primùm ad reformationem hortatus, dixit, quòd licet residentia sit juris divini, non tamen existimat declarationem hanc faciendam esse, nisi declararentur particularia Episcopi officia.

Alexander Sfortia de S. Fiora, Episcopus Parmensis, admonuit satis juveniliter & imprudenter, ut nonnulli Patres mitiùs agerent cum Curialibus, alioqui futurum, ut illis respondeatur.

Martinus de Corduba de Mendoza, Hispanus, Ordinis Prædicatorum, Dertusensis Episcopus, post Petrum Gonzales de Mendoza Hispanum Episcopum Salamantinum, contra opinionem aliorum Hispanorum, dixit, non expedire hoc tempore, ut declararetur residentia juris divini, & præsumptuosum, ut aliqui petant à Synodo, cum sit Pontificis, qui est director Concilii, proponere in Concilio, & nostrum super propositis dicere nostras sententias, tamen multum parti quæ residentiam jure positivo asserit, favia

Yyy

Dixit, quod Papa tenetur de jure divino compellere pastores ut resideant, tollere impedimenta quæ fructuosam residentiam impediunt, auferre regreffus & similes gratias, defendere Episcopos adversus quoscunque, & quòd præmia non sunt tam gratiæ, quàm æquitatis.

Die Veneris octavâ Januarii, Petrus de Xaque, Hispanus, Ordinis Prædicatorum, Episcopus Nioquensis, satis acerbè dixit, contra eos, qui petunt declarationem juris divini circa residentiam & reformationem, quam petierunt nonnulli Oratores.

Melchior Avosmediano, Episcopus Hispanus Guadicensis, dixit, munia Episcopalia jure divino præcepta esse, ergò & residentiam sine quâ exerceri nequeunt. Athanasius in Epistolâ ad Episcopum Cretæ, & assiduitatem residentie probavit, & usque ad sanguinis effusionem, ex dictâ Epistolâ Athanasii ad dictum Episcopum.

Peccatum esse grave & mortale abesse à Dicecesi absque urgentissimâ causâ, undè instantèr petiit declarari jure divino præceptam esse residentiam, juxtâ illud sapientis, quodcumque potest manus tua instantèr operare. Vult tolli abusus, ut pluralitatem beneficiorum, ut fecit Clemens IV. filio suo legitimo, qui illi non permisit, ut plura haberet beneficia, sed uno contentum voluit esse, contra abusum.

In decreto ubi agitur, non fas esse cuique primati, nec Episcopo &c. velle fieri mentionem, ut Cardinalitia dignitas non exciperetur.

Circâ abusus dixit, aliquem fuisse in Legionens. Dicecesi, qui 28. aut 30. habuisset beneficia.

Didacus de Leon, Hispanus, Ordinis Carmelitarum, Episcopus Còlumbrienfis dixit, senatum hunc divisum circâ residentie præceptum, se esse in sententiâ, ut sit juris divini, sed licet veller declarari in decreto, est in dubio an declarandum sit.

Annibal Sarracenus, Episcopus Liciensis, dixit ex scripto & prolixè, sed ira submissè, ut vix à quoquam audiri potuerit. Ajunt virum bonum esse, mediâ nocte surgere ad orandum, & abstinere à vino, à tempore quo Tridentum venit.

Die Sabbathi nonâ Januarii, aliqui Itali dixerunt Canonistæ, inter quos Theophilus Gallus, Tropiensis, Episcopus Oppidenfis, dixit, Episcopos neque à Deo, neque à Petro potestatem habere, sed à Principibus, qui absorbent totam jurisdictionem Ecclesiasticam, & movit risum.

Dominicâ 10. Januarii, Cardinalis Lotharingus celebravit Missam solemnem de Corpore Christi præsentibus Legatis, Oratoribus & Patribus magno ritu, cum admiratione omnium, Episcopus Metensis orationem habuit prolixam & doctam pro agendis gratiis Deo super victoriâ obtentâ contrâ Huguenotas per Ducem Guyfianum cui post Deum, regnum hanc victoriam debet, res gestas à dicto Duce & statum rerum Gallicarum ab Henrico secundo, consilium habitum inter exercitum Regium, & Principis de Condè memorans, cum apostrophè ad Ducem, Magistrum Equitum, & strenuos milites qui pugnarunt pro religione, memoriam etiam faciens defunctorum maximè Broffi, Bellovaci Givry, & Mareschalli Sti. Andreæ, & aliorum Catholicorum pro quibus die crastinâ celebrabitur Missa per Episcopum Meldensem Ludovicum de Breac; Deindè admonuit Concilium ut seriò

procedat ad negotia reformationis, nec relinquere intacta nisi velit experiri ruinam Christianismi, & quod factionibus suspensum hæcenus fuit, & tranquillum, & cum hodiè per verè piū summum Pontificem inchoatum sit, tam frequentissimum & celeberrimum, non debere permittere ut suspendatur & solvatur, maximè cum opem allaturus sit Ferdinandus Cæsar & Rex Catholicus.

Die Lunæ undecimâ celebrata est Missa per Episcopum Meldensem pro defunctis Catholicis militibus in conspectu Gallico.

A meridie in Congregatione dixerunt inter alios Franciscus Delgado Hispanus, Lucensis Episcopus, doctè & liberè super decreto. Et Jacobus Gylbertus de Noguera Episcopus Aliphanus. Lucensi quidem minus placuit quòd in decreto utamur his verbis præfati & præpositi, quia videntur innuere jure positivo institutos esse, habentes potestatem ab his à quibus præficiuntur & præponuntur, quòdque hujusmodi decretum videatur confectum hac arte, quâ septimus Canon de quo tantâ controversia fuit; utendum esse nomine Episcoporum, ut in Canonibus Episcoporum, & quòd statuatur Episcopis, per se ipsos residere.

Ubi dicitur *abire ab Ecclesiâ*, non placet. Quia non includit residentiam, præcipuè Cardinalium esse incomparabilem cum Episcopatu, quòd confirmavit ex usu Ecclesiæ Romanæ. Nam dùm Pontifex creat aliquem Cardinalem aufert illi titulum suæ Ecclesiæ, & dat illi in commendam, & probavit ex capite de potestate Prælatorum.

Ubi agitur de peccato mortali, vellet inferi propter transgressionem juris divini, & naturalis, & quamvis residentia esset juris positivi; adhuc tamen peccarent mortaliter.

Videretur illi inconueniens, ut in decreto dicatur Sanctissimus Dominus noster, cum non utantur præcedentia Concilia; deindè adversarii dicebant nos deferre plus Romano Pontifici, quàm Christo, qui vocatur Christus Dominus.

Instantissime petit declarationem juris divini, & quia Neoquæsis dixit, imprimis reformandos Principes, multa dixit de laudibus Regis Catholici, qui sanctè providet Ecclesiis, & Regna gubernat cum omni justiciâ, adeò ut nolit eum comprehendere ab eo qui talia dixit, cum sit Hispanus, & quòd licet Principes nolint reformari, tamen imprimis reformandam esse Ecclesiam, & admittendos saltem aliquos Principes, maximè Regem Catholicum in regendis nostris Ecclesiis.

Mutandus ergò ordo gubernandi Ecclesiam, alioqui futurum, ut diù non daret propter tot abusus, quorum enim attinet conficere trecentas leucas, & Romam adire pro consequendâ justitiâ? fatius fore jus suum indefensum relinquere, quam tantis sumptibus suum prosequi, ut probè expertus est pro Canonatu Tolerantæ Ecclesiæ.

Aliphanus, qui suprâ, doctè, liberè & satis prolixè dixit de decreto quòd sibi non placuit; nisi in uno, videlicet majori opus esse declaratione, quam ut adferret scripturam de quâ in Decreto sub Paulo III. *attendit vobis* & qui locus declarandus esset.

Episcopi non sunt delegati Papæ, sed in Diocesi jurisdictionem habent ordinariam.

Admonuit, ut Patres advertant super declaratione residentiar. A multis annis fuimus spectatores incendii, quo Ecclesiam conflagrare videmus, adeò



ut nisi adhibeatur remedium, diù duraturus non est ordo hæcenus in Ecclesiâ Romanâ observatus.

Petiit declarari Residentiam juris esse divini, quòd maximè suæ Sanctitati expediat, alioqui quid dicturi sunt adversarii si viderint non declarari, atque etiam Catholici?

Solutâ Congregatione, bona pars Episcoporum interfuit funeri Ludovici Vannini de Theodolis, Forlivienf. Episcopi Britonorienf. qui senex obiit, sepultus apud Dominicanos, & à Julio, mense quolibet obiit unus Episcopus.

Die Martis duodecimâ Januarii, dixit Andreas Duditus Bardellatus, Hungarus, Episcopus Tininienfis, qui suprà, Oratorum more proponens calamitatem nostrorum temporum, niximè in Hungariâ, in quâ Prælati cum adversariis est perpetuum bellum; propterea Synodus properare debet ad reformationem seriam, quò ad propria revertantur, nec ita formidare jus divinum quo firmandam esse residentiam admonuit, resellens argumenta eorum qui ajunt, si declaretur in Decreto, non-nihil imminui dignitate Pontificiam, aliaque plura, neque hoc tempore hanc declarationem expedire, cum nihil magis necessarium sit quàm ut declaretur quo jure sit residentia; hoc enim non solum adversarii expectant, sed & probatissimi quique Catholici, & in hoc Concilio Patres à vobis omnibus expectant. Satis prolixus fuit.

Spinellus Bencius, Politianus, Episcopus Montis-Policiani, dixit sententiam, & censuit residentiam esse juris divini.

Die Mercurii, neque die Jovis, nullæ Congregationes habitæ propter negotia Legatorum.

Die Veneris decimâ quintâ, horâ vigesimâ primâ Congregatio habita, in quam Legatus Mantuanus duo propoluit de eligendis videlicet deputatis ad consecutionem canonum & decretorum, & de die futuræ Sessionis. Placuit Cardinali Lotharingio, quem sequi sunt omnes, ut eligantur arbitrio Legatorum, & quod dies Sessionis designetur ad diem quartum Februarii, juxta sententiam dicti Legati Mantuani, modò tamen die sequenti Sessionem, Patres deliberent de observando alio ordine in dicendis sententiis, ut prolixitas vitetur, & omnis contentio procul arceatur; deindè antè dogmata alia fidei quæ restant, tractetur omninò de reformatione quæ dependet ab ordine, & ordinatis, quod omnibus placuit.

Deindè Sebastianus Vantius de Arimino, Episcopus Urbevetanus, dixit super decreto, allegans ex juribus multò plures alias absentiar causas, & quòd residere sit, per seipsum certæ Ecclesiæ deservire secundum doctores, neque hoc præceptum esse à Deo injunctum. Cum non sit determinatus pascendi modus, dixitque munia Episcopalia esse delegabilia, atque idèò minime personalia, quem secutus Tininienfis, multa inutilia, & vana circa residentiam allegavit, quam jure divino non esse, sed Pontificio firmare conatus est, & cum non reperiatur residentia in jure divino, idèò non esse juris divini.

Craftinâ die nominabuntur Patres, deputati ad consecutionem canonum & decretorum, per Legatos.

Die Lunæ decimâ octava, in Congregatione Legatus Mantuanus nominavit deputatos, Cardinales Lotharingum & Madrutium, penes quos sit facultas

facultas adfciſcendi & advocandi alios Epifcopos Synodi, quod omnibus placuit, niſi quòd Antonius Ciurelia, Barenſis, Epifcopus Buduenſis, more ſuo contradicendi, dixit Cardinales non admittendos in conſeſſione Decreti de reſidentia, cum ipſi non reſideant. Deindè inter alios dixerunt ſententias Petrus Daneſius, Gallus, qui ſuprà, Epifcopus Vaurenſis, & Hyeronimus, Gallus, Abbas Claravallens. Vaurenſis quidem ob morbum hæcendũ ſuo loco dicere non potuit, & dixit reſidentiam Epifcoporum divino jure ſancitam ex Cypriano in Epiftołà 8. aliſque multis locis, Ambroſio in paſtorali dùm exponit illa verba Joannis 21. *paſce oves meas*, Auguſtino in ſuo tractatu de paſtoribus & ovibus Cap. 13. tractans locum illum Ezechielis de paſtoribus *ego iudico inter pecus & pecus*, ubi oſtendit paſtorem illum Chriſtum eſſe, & in illo omnes paſtores, & ſacerdotes conſtitui à Deo, ex Lucae duodecimo; unde colligere licet diſpoſitionem Domini eſſe ut Epifcopi paſcant. Cùm enim Dominus admonuiſſet ut vigilarent, dixit Petrus hanc parabolam dicis ad nos, reſpondit Chriſtus *quis putas fidelis ſervus ſive oeconomus & prudens*, & quòd propriè dictum eſt de paſtoribus, primæ Corinthiorum ſextimo, *ſic nos exciſtinet homo ut miniſtros & æconomos, & diſpenſatores* & deindè in illo textu intulit Chriſtus, *& ſi moram fecerit Dominus, & veniet Dominus ſervus illius in illà horà quā non ſperatur*, unde præcipitur ut qui non paſcant, conſumententur inter infideles. Sunt & præcepta Apoſtolorum maximè Petri *paſcite inquit qui in vobis &c.* Ubi græcè ſignificantius dicitur ut exerceant ſuum officiũ non ex neceſſitate, ſed ſpontaneè, & reſpicit locum Pauli ubi dicitur *vae mihi ſi non evangeliza- vero! Neceſſitas enim incumbit mihi*, & tamen diſpenſatio mihi creditur eſt, (inquit) ſequitur in verbis Petri non *turpis lueri gratiã, ſed alacriter*: Sunt & multa alia in ſacris ſcripturis teſtimonia à Patribus commemorata. Eſt etiam quidam liber editus de reſidentia Paſtorum hoc in eodem loco, per quemdam tunc doctorem, nunc autem Archiepiſcopum, hoc idem probans.

Præterea munus paſcendi ſine reſidentia exerceri non poteſt; itaque putat faciendum à nobis eſſe, ut declaremus hanc veritatem ut tollatur omnis diſpenſandi occaſio contra jus divinum: neque derogabitur auctoritati Summi Pontificis, cujus eſt interpretari jus divinum, neque tamen ita arcè accipiendum eſt, quin abeſſe poſſit Epifcopus, ſi hoc ſit de re ſui gregis, & de cauſis legitimis. Noſtro tempore id tractavit Cardinalis Sti. Sixti.

Quoad decretum, cauſe abſentia placent ſecundum ſententiam Cardinalis Lotharingii. Similiter dixit quoad poenas, ut ſimus contenti poenis legitimis priſcorum Patrum. Et quòd fiat promulgatio decreti in Synodo Epifcopali.

Abbas Claravallis clarè & ſuccincte probavit præceptum divinum paſcendi per ſe gregem ſuum, eſſe charitatis, non juſtitia, quod ſatis non intellectum eſt. Allegavit multa inconvenientia ſi perpetuò actu reſideatur, maximè quòd ſpectat ad Principes Imperii, & quia (dixit) hoc petunt adverſarii, ideo minis declarare hoc non expedit.

Intermiſſæ ſunt Congregationes donec deputati reſotmaverint decretum de reſidentia & Canones.

Die verò vigefimà Januarii, hi Patres fuerunt per Illuſtriſſimos, Lotharingium & Madrutium deputatos à Legatis, nominati in deputationem, ſeptem ſcilicet Archiepiſcopi, & Epifcopi ſeptem.

Georgius Drafcovirius Croatus, Episcopus Quinque-Ecclesiensis, Orator Cæsareus pro Regno Hungariæ.

Daniel Barbarus, Venetus, Electus Patriarcha Aquilegen. Petrus Antonius de Capua, Neapolitanus, Archiepiscopus Hidruntinus.

Petrus Guerrero, Hispanus, Archiepiscopus Granatenfis.

Bartholomæus de Martyribus, Lusitanus, Ordinis Prædicatorum, Archiepiscopus Braccarenfis.

Joannes Baprista Castaneus, Romanus, Archiepiscopus Rossanenfis.

Leonardus Marinus, Genuensis, Ordinis Prædicatorum, Archiepiscopus Lancianensis.

Ægidius Fuscarius, Bononienfis, Episcopus Mutinen. Urbanus Vigorius de Ruere, Genuensis, Episcopus Senogalien.

Franciscus Blanco, Hispanus, Episcopus Auriensis.

Antonius Augustinus, Hispanus, Episcopus Ilerdensis.

Hugo Boncampagnus, Bononienfis, Episcopus Vestanus.

Martinus de Corduba de Mendoza, Hispanus, Ordinis Prædicatorum, Episcopus Dertusensis.

Et ego, Viridunensis Episcopus, & convocati sunt omnes in ædibus dicti Cardinalis Lotharingii, horâ vigesimâ primâ, ubi propositum fuit per dictum Lotharingium quoddam decretum novum de residentiâ, super quo deputati dicrent sententiam.

Die Veneris vigesimâ secundâ, quanquam Hidruntinus reluctari visus est, propter quod infligeretur poena peccati mortalis non residentiibus, & quod Patres non reciperent, Dertusensis dixit, nullam deputatis esse conficiendi novi decreti potestatem: tamen conclusum fuit, ut quisque acciperet copiam hujus decreti ad deliberandum super eo, dicto die Veneris, & quod interim adferrentur in medium vota Patrum per Secretarium, ut viderent deputati, in quibus præsentés pro majori parte consentirent, & dissenserent.

Finitis Patrum sententiis, deputati fuerunt omnium unanimi consensu Cardinales Lotharingius & Madrutius, ad conficiendum & repurgandum decretum de residentiâ cum canonibus, qui adsciverunt secum in deputationem hujusmodi dictos Patriarcham Aquilegiensem, Archiepiscopos Hidruntinum, Granatensem, Rossanum & alios qui super, qui per tres continuos dies congregationes celebrarunt in ædibus Cardinalis Lotharingii, à quo proposita fuit quædam forma decreti, ut quid singulis videretur, dicrent sententias: quod majori parti placuit, cum animadversionibus, additionibus & mutationibus multis, ex quorum sententiis ego, Viridunensis Episcopus, qui Secretarii officioungebar, redegî in formam proponendam Synodo, post multas altercationes. Hidruntino enim semper displicuit, qui planè negavit residentiâ jure divino sancitam, nec voluit munia Episcopalia præcipi jure divino, sed positivo statuenda, neque absentes ab Episcopatibus, incurrere reatum peccati mortalis, sed sibi sufficere decretum sub Paulo III. de residentiâ factum. Displicuit etiam Rossanensi & Lancianen. declaratio illa illativa; *idcirco declarat Sta. Synodus* &c. quod videretur innuere nos teneri ad personalem residentiâ. Additum fuit quicquam in gratiam Cardinalis Madrutii, qui petierat mentionem fieri de sex mensibus, de quibus in superiori decreto.

Altercatio mota est inter Granatensem & Hidruntinum, quod dixisset Granaten. pastores non legitimè excusatos, per se teneri sua munia exercere, de quo non magis dubitat quàm de fidei articulo, undè scandalum patiebatur, quòd videret de eo dubitari (id in Hidruntinum & Rossanen. quadrabat) undè approbarunt præmium decreti, quod vel dæmones interni admitterent, & quòd contraria opinio est hæretica, quod sit juris positivi, undè excaudit ille Hidruntinus. Petitum est à Cardinali, ut imponeret gratià silentium, qui respondit non esse de suâ potestate, neque videri sibi hoc faciendum.

Post aliquot dies, cum die Sabbathi vigesimâ tertiâ, singuli dixissent sententias, ac non-nulli petiissent inducias ad deliberandum, tandem Cardinalis Lotharingus seriò dixit se non ampliùs compariturum, quòd videret istas impietates, & scandalum pareretur ex his, quòd nollet nominis sui existimationem periclitari, & mirari se quòd quidam negarent munia Episcopalia præcepto divino mandata esse, quæ scripturis probavit, quod pastor oves suas cognoscat, in quo Spiritus Sanctus posuit vos regere Ecclesiam Dei, & hoc facite in meam commemorationem, prædicate baptizantes, pascite, pauperum memores estote. Undè cùm Hispani rogarent ut dignaretur adhuc suam operam præstare in re tunc seriâ, tandem lecto iterum decreto, cum additione Cardinalis Madrutii, videlicet an vigore illius decreti, quinque continuis mensibus liceret abesse, conclusum fuit extremam manum apponendam, atque Synodo proponendum, exceptis Hidruntino, Rossanenſi, nescio an Laucianenſi & Rossano.

Injunctum deindè mihi fuit ut describerentur mihi copiæ Decreti, quod factum est die Dominicâ sequenti manè, ad distribuendum Legatis Madrutio, & non-nullis aliis, & unam Cardinali in quâ adjectum est in superſicie, ut certò sciant Regno Christianissimo sicut non-deesse suum Josuè, qui qui fortissimè prælietur prælia Domini, ità Christianæ Reipublicæ suum Moſen minimè dubitamus adesse, qui hic prudentissimè curet quæ sunt Dei.

Die Lunæ vigesimâ sextâ Januarii, Orator Ducis Sabaudie, Episcopus Augustanus unâ cum Episcopo Gebnennenſi Francisco Bachodio, Sabaudò, venit Tridentum, cui Episcopi Galli cum multis Italis Patribus obviam iverunt.

Hoc die & sequenti videlicet die Martis vigesimâ septimâ Januarii, intervenit maxima controversia de 7. Canone, cùm Legati vellent inseri clausulam quâ asserunt Summum Pontificem habere potestatem regendi Ecclesiam universalem, quod multis non placuit, nisi accederent Theologi, maxime Oratoribus Gallis, qui hac de re cùm Legatis egerunt.

Cardinalis Lotharingus laborat per omnia ut Canon iste conficiatur in bonâ formâ, cum decreto de residentiâ, sed timendum ne quorundam Itælorum culpâ qui perturbant omnia, neque habent rationem temporum, Sessio differatur adhuc, mirum enim videri debet Deus bone l quid dicturi sunt adversarii, quòd tandiù tractatum quo jure residentiâ stabilita sit, & Episcopi à Deo, an à Papâ instituti, & tamen Patres hoc vili sunt ignorare, undè dubitandum ne dum hic tandiù de residentiâ quarimus, adversarii sedes nostras occupent.

Hujus mensis initio Pius IV. duos Cardinales creavit admodùm juvenes, unum nepotem Cardinalis Mantuani Legati, alterum filium Ducis Florentiæ, qui jurgium habens cum fratre, paulò post obiit gladio, quem fecerunt novem tantum annorum fuisse.

Eodem die, diffensio inter Italos & Hispanos cum Gallis, tum de decreto de residentiâ, tum de 7. Canone, proptereaque nonnulli petierunt in decreto residentiæ expungi verba (*injuncto divinitus*) & verba *neque assilunt*, & cum ageretur de institutione Episcoporum, volebant agi de primatu Petri in universam Ecclesiam; unde nata quæstio, an Papa suprà Concilium. Undè Oratores Galli conquesti sunt, apud Legatos, nolentes admitti hanc decisionem contra Constantiense Concilium. Propterea Orator Lanslac curavit die Mercurii sequenti ad se accersiri Doctores Gallos, cum Lusitanis; inter quos nata est diffensio de superioritate Papæ suprà Concilium, alii aliud sentientibus: eodemque die alia controversia suborta est, de locis & sedibus Legatorum Gallorum & Hispanorum, propterea quòd brevi venturus sit Orator Regis Catholici, cui Legari locum assignarunt contra mentem Oratorum Gallie, unde Cardinalis Lotharingius certior factus, tenavit dissidium istud pacificari. Sunt qui querunt occasiones, suspendendi, aut solvendi Concilii, & Tragedias excitandi inter nationes. Faxit Deus, ut consilia hominum mutet in melius.

Die Dominicâ ultimâ Januarii, habita Congregatio horâ vigesimâ primâ, in quâ Marcus Antonius Bobba, Cafalensis, Episcopus Augusten. in Pedemontio, receptus fuit tanquam Orator & Procurator Emanuelis Philberti, Ducis Sabaudie, qui orationem habuit ad Synodum. Deindè Secretarius Concilii proposuit Patribus formulam Decreti, quæ cum placuisset, ille nomine Concilii respondit: & lectæ fuerunt litteræ Ducis ad Synodum, & mandatum, sive procuratorium in formâ. Sic finita fuit Congregatio absque eo quòd nulla facta fuerit mentio de Sessione die Jovis faciendâ, sed Legati quartâ sub nocte inviserunt Cardinalem Lotharingium in adibus suis, colloquuti de potestate Pontificis summi & de decreto residentiæ, & quòd videatur illis Sessio differenda.

### FEBRUARIUS.

Sequenti verò die, videlicet 1. Februarii, Cardinalis Lotharingius invisit illos, daturus responsum super dilatione faciendâ, & certè valde timendum est, ne quod Antonius Ciurelia, Barensis, Episcopus Buduensis, voluit dicere accadat, ne scilicet in hujusmodi Congregationibus Tridentinum Concilium inclinato capite emittat spiritum.

Die Martis secundâ, habita fuit Capella, in quâ D. Marcus Antonius Columna, Romanus, Archiepiscopus Tarentinus, celebravit post processionem solemnem & benedictionem cereorum, quos benedixit Cardinalis Mantuanus, Legatus, in altari præsentibus aliis Legatis, Cardinalibus, Oratoribus & Prælatiis ferè ducentis, indutis pluviali & mitrà albâ simplici, qui omnes antè processionem adierunt Legatum sedentem in medio altaris, à quo singuli post reverentiam & osculum manûs dîcti Legati acceperunt cereos, deindè celebrata fuit processio in circuitu summi Templi, cum pluvialibus, mitris & cereis.

Sed de Sessione ne minima quidem mentio, nisi quòd indicta fuit Congregatio ad crastinum diem, horâ vigesimâ; Undè vereor ne dùm res Sacro-Sanctæ Synodi diutius quàm æquum sit protrahimus, atque totâ die stamus otiosi, quia nemo nos conduxit, nos minus Christianis scandalo & hæreticis, hætenus inficiis quid hic agatur & quantæ sint inter Patres de institutione

institutione Episcoporum, & Prælatorum residentiâ contröversie, contentionis, diffensiones, fabula. Quod igitur ad Sessionem attinet, nullo pacto prorogandam esse censeo, sed potius Patribus proponendum esse decretum de residentiâ à deputatis reformatum, ut dicant quid placet, vel non, & quid sibi videatur. Idem est mecum de doctrinâ & Canonibus sacri Ordinis judicium: quæ omnia cum sint à Patribus à quinque mensibus huc usque agitata, longè latèque examinata & discussa, nihil aliud superesse video quàm ut invocato divini spiritus auxilio sententias in hujusmodi causis pronunciemus. Quod si in præsentiarum res definiri non queat, non ulterius quàm ad octavum diem differendam esse Sessionem sentio, nisi fortè placeat primo quoque tempore argumentum Sacramenti Matrimonii, unà cum de reformatione seriâ & necessariâ à Doctoribus Theologiæ discuti & examinari: alioqui quorsum Sessionem ad mensem, vel duos menses rejicimus? nolim hic quicquam ominari, verùm, si inter Calicem supremaque labra, multa contingere possunt, timendum ne dum sumus plùs satis cunctatores, & animos videmur gerere remissiores, ut apertissime dicam, ne dum opus Dei facimus nimis negligenter, ea interim arte Sathanicâ feminemus Zizania dissidiorum quibus quemadmodum jam aliquandò eodem in Concilio accidisse meminimus, magno nostro omnium qui hic adsumus probro, & majori Reipublicæ Christianæ detrimento, ante constitutum Sessionis diem solvatur Concilium, atque ideò impleatur istud Danielis vaticinium, *Et erit abominatio desolationis &c.*

Die Mercurii 3. Februarii, in Congregatione proposuit Legatus Mantuanus, de prorogandâ Sessione ad diem Jovis post Paschæ octavam, & placuit majori parti Patrum, sed hujusmodi procrastinatio & dilatio summo perè mihi displicuit, quòd allatura sit offendiculum Catholicis & ritum adversariis qui probè noverunt discordias nostras, atque ideò subscripsi sententiæ Segobien. qui ad diem præscriptam voluit Sessionem fieri ad modicum tempus, & quòd decretum residentiæ à deputatis reformatum erat, Patribus exponendum. Displicuit id Bracharensi, quem ferè omnes secuti sunt Episcopi Hispani, & ferè omnibus Episcopis Gallis. Faxit Deus, ut Sessio fiat saltem tempore præfixo, atque assignato, atque interim prout promissum fuit per Legatum, tractetur tam de ordine, quàm matrimonio, residentiâ & aliis negotiis quæ ad reformationem spectant, ad Dei gloriam & Ecclesiæ ædificationem, in illâ Sessione definiantur; aliàs futurum est, ut navicula Petri magnam passura sit jacturam, & sinus fabula adversariis, & piis offendiculum: sed verèor ne dum Sessiones tam sæpè protrahimus, nulla fiat Sessio, quod Deus avertat.

Die Dominicâ 7. Februarii, Missâ submissâ voce celebratâ in navi Ecclesiæ majoris Sti. Vigili, habitus est sermo per Carmelkam, præsentibus Legatis & Patribus, deindè orationes factæ sunt pro successu Concilii, & pace, cum antiphonâ quâdam musicali, deindè Litania incepta & continuata usque ad *Sandâ Mariam*, tum processio facta in circuitu summi Templi cantando usque ad finem Litaniarum, quousque quisque in locum suum reversus, & cantores antè medium altaris perſecerunt totam Litaniam, quâ finitâ, commissus sui ad dicendas collectas, & stans cum pluviali in cornu Epistolæ cantavi, *Pater noster*, cum versibus & collectis consuetis.

Eodem die exhibui litteras Capituli Virdunensis illustrissimo Cardinali Hosio, qui omnem promissit operam apud Legatos, ut rescriberent Duci Lotharingæ super immodicis exactionibus quibus Clerum opprimit. (a)

Die Lunæ octavâ inchoatæ Congregationes ad audiendos Theologos super Sacramento Matrimonii, coelibatu Sacerdotum, clandestinis Matrimonii, & gradibus consanguinitatis & affinitatis.

Eodem die manè Congregatio Doctorum prorogata fuit propter contentiones inter Doctores Gallos, & Hispanos, super prælatione, quæ tamen sopitæ sunt.

Eodem etiam die invisi Legatos super gravaminibus illatis capitulo meo Virdunensi jam per multos annos, qui responderunt se daturos responsum super litteris ad eos per dictum capitulum directis, & facturos precibus apud dictum Ducem, ut abstinere à gravaminibus, & exactionibus, supradictis.

Die Jovis undecimâ ejusdem mensis Februarii post congregationem Theologorum matutinam, statim à prandio reliqui Tridentum, & abii Oenipontem ante Cardinalem Lotharingum, ad recipiendum seudum Comitatus Virdunensis.

Die Veneris recepi seudum à Cæsare Ferdinando in cubiculo suo aperto, præsentibus multis Episcopis, Principibus, Nobilibus, & maxime Rege Romanorum, Cardinale Lotharingio, Episcopis Gallis, Senonensi, Ebroicensi, Aurelianensi, Nolensi, Meldensi, Suessionensi, aliisque multis, habitâ oratione latinâ petitoriâ feudi, & excusatoriâ quòd hæcendûs propter gravia impedimenta maxime hæreticorum rebellium non licuit suam adire Majestatem. Responsum est à Vice-Cancellario, quod Sua Majestas exculationes meas pro legitimis habebat, & quod adventus meus illi esset gratus, & benignè me reciperet ad investituram feudi; tum præstiti jumentum, tactis Evangeliiis ambabus manibus, more & verbis consuetis coram Cæsare genu-flexus, qui porrexit mihi ensen, dicens: *Accipe potestatem brachii secularis*, & oscularus sum ensen: tùm illi gratias egi pro accepto beneficio, cum laude virtutum ejus. Postea lis intervenit cum Marefchalco imperii, quòd ultrà trecentos florenos auri in auro, peteret mulam nostram contra solitum, neque tempore Caroli quinti equus ullus fuit à me quesitus, adeò quòd jura omnia officialium in pecuniâ numeratâ ascenderunt ad plus quàm quadringentos & quinquaginta florenos, auri, in auro, quod nimium, & relictis litteris in manibus sigilliferi, eam ob causam, reliqui Oenipontem & redii Tridentum.

Litteræ Christianissimi Regis Caroli exhibitæ fuerunt ab ejus Oratoribus in Congregatione die undecimâ Februarii, tenoris subsequæntis.

*Epistola Caroli IX. Regis Gallie ad Patres Tridentinos.*

**C**AROLUS Dei gratiâ Francorum Rex, Sanctissimis & in Deo Reverendissimis Patribus, apud Tridentum celebrandæ Sanctæ Synodi gratiâ

(a) Opprimebat ratione doni gratuiti, quod sibi primariam Lotharingæ urbem, unâ cum Claudiâ de Franciâ conjuge suâ, solemniter ingrediens, fæcesque subeunti Ducatum, debitum exigebat non modò à subditis, verùm etiam ab exteris, qui dominia, vel fundos intrâ Ducatum metas possidebant, cujuscumque illi forent ordinis sive civilis, sive etiam Ecclesiastici,

congregatis salutem. Non dubitamus Sanctissimi Patres, quin nobis Charissimus nosterque amantissimus confobrinus noster Carolus à Lotharingâ, vos ejus nuncii participes fecerit, quem nos ad eum nuper scripsimus de foelici, & divinitus nobis oblata victoria adversus eos nostrorum hominum, qui falso religionis prætèxto, ex ipsâ sacrarum rerum profanatione, & alienissimis, in sacros Ecclesiæ ministros crudelitatis exemplis, nihil se aliud conari declararunt, quam ut Catholicæ nostræ Religionis, & Christianæ pietatis statum omnem everterent, & armorum vi atque injuriâ reliquos omnes populos nostros, in errorem suum inducerent: quorum audaciæ (sicuti omnes norunt) tanto nos animi ardore obstinimus, ac obstatum quotidie, ut nulla nos aut rerum difficultas, aut periculorum discrimen, ab hoc instituto avertere aut remorari potuerit, quin sceleratis eorum consiliis ac inceptis vel ipsam vitam nostram opponeremus? Cum non ignoremus in hoc toto negotio, præcipue de Omnipotentis honore, quo nihil nobis potest in hac vitâ esse charius, & Catholicæ ejus Ecclesiæ statu, ac salute decertari, cujus ut primogenitus & majorum meorum hæreditario titulo Christianissimus filius censeor. Itâ equidem defensor protectorque præcipuus toto orbe Christiano agnosci haberique studiosè percipio, & exopto. Cùm igitur certò nobis persuadeamus vos in hoc tam foelici, tamque salutari instituti nostri successu optimo maximo exercituum ac victoriarum Deo gratias esse ex animo acturos, fructumque hujus beneficii ad vos præ cæteris facillè intelligamus perventurum, lubenter vobiscum comune hoc gaudium pariter gaudere constituimus, planèque atque palàm testificari hanc tam insignem, tamque admirabilem victoriam nos uni Christo summo Regum Regi, ac bonorum omnium auctori reserte acceptam. Undè cum nos toto studio, totâque mente laudamus, & immortalî gratiarum actione prosequimur, Majestatem ejus obsecrantes, ut in perficiendo quod foelicitè ipsius gratiâ inchoatum est negotium, tantâ virtutis suæ præsentia adesse atque adistere dignetur, ut ad laudem ejus, & Ecclesiæ pacem, pro nostro desiderio omnia passim sedata, ac tranquilla, & in antiquum statum splendoremque restituta, propè diem possimus intueri. Cæterùm cùm probè noverimus, Sanctissimi Patres, optima & saluberrima eorum malorum, quæ & nos hodie hic affligunt, & penè omnibus Christiani nominis Provinciis impendere videntur, remedia à Sanctissimis Christianæ Ecclesiæ Pastorum comitis, publicisque Synodis quondam petita esse, atque habita, cum illi Beatissimi Patres pro injuncti sui muneris officio de universalis Ecclesiæ salute solliciti, tam maturè tamque accuratè, enascentibus erroribus obviam irent, tantâque vigilantie assiduitate eis resistere perseverarent, ut nunquam, nisi extinctis illis, & è medio sublati, sibi quiescendum esse arbitarentur. Oramus vos, Patres Sanctissimi, & in Dei, atque unici Filii ejus Jesu Christi nomine obsecramus, ut pro eâ expectatione, quàm de pietate, ac paterno in se animo vestro omnes conceperunt, tam sanctam tanque seriam rerum, quæ tum bellorum injuriâ, tum temporum iniquitate in populo Dei vitiatæ corruptæque sunt, emendationem, ac reformationem instituere, atque inire velitis, ut qui se ex animi levitate temerè ab Ecclesiâ separarunt, ex eâ quam instauratam probè atque perfectè restitutam, ipsis expectandam exhibebitis, Catholicæ Ecclesiæ antiquam faciem, puritate atque integritate in salutis viam facillimè reducantur. Atque ut neque nos quidquid opum ac virium nobis est



divinæ gratiæ munere concessum, ad Christianæ Religionis tuendam dignitatem cupidè impendimus, & nobiscum non pauci præstantes viri, & militiæ nostræ Duces ac Præfecti nobis charissimi, in eadem istâ causâ sibi non pepercerunt, sed vitam & sanguinem suum in hoc recenti prælio Domino Deo consecraverunt: sic vos pro vestri muneris ratione, eo animi candore, & conscientiæ sinceritate, in hoc ipsum (cujus gratiâ convenistis) negotium incumbatis, ut ex sanctissimo labore vestro, verum sincerumque Dei cultum tanquam præcipuum operæ vestræ fructum, passim renasci, atque inflaurari videamus, atque adedò eam in Ecclesiâ morum emendationem ac disciplinam vigere, quæ non modò placandis Regni nostri procellis, sed etiam conciliandæ & in eadem Religione per omnes Christianæ Ecclesiæ populos, constituendæ paci sufficere possit. Datum in Civitate Carnut. die 18. Januarii 1562. CAROLUS.

Eodem die, suprà dictis litteris addidit Orationem sequentem, Raynaldus Ferrerius, Orator Regis, in generali Congregatione.

**Q**UONIAM ex litteris Regis Christianissimi quæ nunc recitatæ sunt, & orationibus non ita pridem habitis tam ab eloquentissimo Principe Cardinali à Lotharingâ, tum ab eruditissimo viro antistite Metensi, intellexistis Galliarum vastitatem, & Regis Christianissimi aliquot egregias victorias, nolo esse vobis, Patres Sanctissimi, in illis rursus recensendis, vel eò maxime molestus: Quod si vobis, calamitates nostras quales sunt exponerem, nemo certè vestrum est, qui rem non potius fictam, quàm factam existimaret. De postremâ autem victoriâ, tametsi magnâ & gloriosâ, quam ut Deus suâ immensâ providentiâ daret, eam de manu victoris hostis eripuit. Quid ego plura dicam, cum adhuc in mediis visceribus vivat & grassetur victus inimicus? utar igitur eo argumento quo soleo, & orationem meam totam convertam ad vos, sapientissimi Patres, unicum miseriarum nostrarum perfugium: si enim per vos naufragii nostri tabulas (si modò ullæ supersunt) non conservamus, omninò perimus. Moyses cum pugnaret adversus Amalech habebat magnum delectorum militum numerum, cui præerat fortissimus imperator Josué, verum nisi montem conscendisset, nisi petra, cui insideret supposita ei esset, nisi virgam in manu intecâ dum pugnabatur, habuisset, nisi Moyses utramque manuum, Aaron & Hur, usque ad occasum solis sustentassent, ut eas in sublime attolleret, victurum fuisse Amalech, vel eo solo agnoscimus, quòd simul ac Moyses manuum dimitteret, vincebatur Josué. Non desunt Regi Christianissimo copiæ, & propriæ, & auxiliares, illarumque Imperator prudens, & magnanimus Princeps Guyfiæ Dux, nihil non molitur, aut intentatum relinquit Christianissima & prudentissima Regina piissima Regis mater, quòd ad reconciliandos, vel propulsandos hostes pertineat, verum Aaronem & Hur, qui Regi Christianissimo petram subjiciant, qui illius manus in altum tollant (si vos, Patres Sanctissimi, si non estis) neminem prætereâ habemus. Moyses omnium modestissimus quotquot in orbe unquam fuerunt, Dei vir, cui Dominus non in ænigmate, & simulachro, sed ote ad os loquebatur, per quem tot tantaque miracula edita sunt, & ut uno verbo dicam, Moyses typus Christi, non poterat vincere, nisi manus sublimes haberet. Quid est quòd de nostris victoriis possit merito sperari, si Regis Christianissimi manus demissæ

demissa sunt? Moyſes per ſenectutem & grandioreſem ætatem notè poterat per ſe manus attollere, hoc idem non poteſt Rex noſter pupillus, per impuberem & teneram adhuc ætatem. Veſtrum eſt Patres Sanctiſſimi, qui veri & legitiſimi eſtis Aaronis ſucceſſores, non ſolum Regis Chriſtianiſſimi, veſtri primogeniti filii, ſed etiam omnium Chriſtianorum Principum manus uſque ad occaſum ſolis ſuſtinere: Id autem à vobis fieri facile poteſt, ſi petra illa cui Moſes inſidens vicit Amalech, ſit veſtrorum decretorum baſis & fundamentum. Ità enim ad ſolis occaſum uſque perdurabunt, neque ſole meridiano, quaſi nebula diſſolventur, & nos tum re verà vicerimus. Si minùs neque victoria noſtra, erit victoria, neque inimici noſtri, iidemque veſtri reconciliabuntur, immò quaſi remediis irritati, magis ac magis vociferabuntur, vos in Samarià ab hominibus excogitato, non Hieruſalem Dei tabernaculo ſemper permanere, voſque non Aola, ſed Oola filiam appellabunt. Sed quid ego adverſarios veſtros moror? Si eos cõtemnitis habetè ſaltem rationem Catholicorum & Chriſtianorum hominum, qui huc uſque in fide, & Religione Sanctæ Romanæ Eccleſiæ permanſerunt. Non eadem eſt hodie ætas, non mens omnibus Chriſtianis hominibus, atque erat antè quinquaginta annos. Laboramus ſerè Catholici omnes eodem morbo (ſi modò morbus rectè appellari poteſt) quo quidem olim Samaritani, qui mulieri à puteo redeunt, & dicenti Chriſtum veniſſe, viſiſſe, auſiſſe, familiariter alloqutum eſſe, non priùs crediderunt quàm urbem exiſſent, rem omnem diligenter inquiſiviſſent, cùmque Chriſtum agnoviſſent, crediderunt, non quidem, ut dicebant, ampliùs propter mulieris ſermonem, ſed quòd illi ipſi Chriſtum cognoviſſent. Scrutatur hodie, ſcrutatur (mihi credite) Patres ſapientiſſimi, bona pars Chriſtianorum omnium Sacras Scripturas, rejeçtis aliarum diſciplinarum libris, hoc ipſum proſpiciens Rex Chriſtianiſſimus curavit diligenter, ne quid mandatis noſtris contineretur, quod ad illam Moyſis petram non proximè accederet, quodque à Catholicis omnibus vehementer non expeteretur, & ab adverſariis nullo jure repelli, aut repudiari poſſet. Ea autem Illuſtriſſimis DD. Legatis dedimus, ſi propè diem (uti polliciti ſunt vobis Patres Sanctiſſimi) examinanda & judicanda proponent, ad vos enim potiſſimum mittuntur, veſtrumque de illis iudicium magno deſiderio expectat Rex Chriſtianiſſimus & tota Gallia. In illis (ut videbitis) nihil præcipuum præ cæteris Chriſtianis petimus; omnia ſunt nobis cum Eccleſià Catholicà communia. Quòd ſi videmur plerique graviora & magis neceſſaria prætermiſiſſe, illi ſi placeat, exiſtiment nos conſultò à levioribus cœpiſſe, quo faciliùs graviora poſſent ſuo tempore proponi, utque horum leviorum facilior eſſet executio, à quâ, Patres ſapientiſſimi, niſi vos inceperitis priùs quàm hinc abeat, clamabunt Catholici, ridebunt adverſarii, & dicent Patres Tridentinos optimè quidem ſcire, ſed facere nolle, optimas quidem leges ſtauiſſe, eas tamen ne digito quidem attigiſſe, poſteris tantùm & ſucceſſoribus obſervandas reliquiſſe, quâ in re etiam atque etiam conſiderandum vobis eſt, juriſ conſulti enim putant legem, cujus cauſa creatio eſt antiqua, non ſolum futuris, ſed etiam præſentibus negotiis formam dare. Quoniam autem impietatis propemodum nos inſimulant, qui ſe olſacere dicunt in poſtulatibus noſtris nonnulla quæ cum adverſariorum libris faciunt, nos quidem illos reſponſione indignos cenſemus, vos ſi aliter judicatis,

ipſi pro nobis reſpondete, vim enim patimur. Qui verò in illis modum ac moderationem quandam deſiderant, & ſi aliquid videantur dicere dum nos prudentiæ, cujus in vitâ maximus uſus eſt, admonent, duorum tamen meminere oportet, primum quod Marcus Cicero ſcribit adverſus Neoptolemum, aut potiùs adverſus Ennium, apud quem Neoptolemus ita loquebatur, philoſophandum eſſe, ſed paucis errat, inquit Tullius, qui temperantiam, mediocritatem, modum denique deſiderat in re optimâ, & eo meliore quo major eſt: alterum quod de iſis tepidis moderatoribus, & (ut ita dicam) lepidis & bellis mediatoribus ſcriptum reliquit Spiritus Sanctus, incipiam, inquit, ille, vos evomere, utinam aut calidi, aut frigidi fuiſſetis. Valeat hoc genus hominum in prophanis & civilibus rebus, nam in divinis, mediocres eſſe non dii, non homines, non conceſſere columnæ: Nemo enim poteſt duobus Dominis ſervire. Proponite vobis, Patres ſapientiſſimi, quid proſuerit Catholicæ Eccleſiæ, moderata illa Eccleſiaſticæ diſciplinæ emendatio facta in Concilio Conſtantienſi, aut paulò ſeverior in ſequenti Concilio, cujus ego homini parcam, ne quorundam delicatas ac teneras aures offendam: Quid ea quæ in Concilio Ferrarienſi, Florentino, Lateranenſi ultimo, Tridentino primo, aut qui unum tantum Concilium fuiſſe putant, quid proſuerunt decreta Tridentina facta poſt duos de viginti annos? quot interea omnium hominum ordines, quot provinciæ, quot regna, quot nationes, ab Eccleſiâ Romanâ defeceſerunt? non eſt, Patres ſapientiſſimi, hæc Gallorum cauſa tantum, valeant Galli cum ſuis tumultibus, res ſuas ſibi habeant. Vos Itali, vos Hiſpani Patres appello? periculum ex aliis facite vobis, quod ex uſu fiet, cujus magis intereſt hanc veram & ſeriam diſciplinæ Eccleſiaſticæ emendationem fieri, quam Romani Epiſcopi Pontificis Maximi, ſummi Chriſti Vicarii, Petri ſucceſſoris, in Eccleſiâ Dei ſupremam poteſtatem habentis? nunc hic agitur de capite, de fortunis veſtris, hoc ego pluribus dicerem, niſi vos veſtrâ ſpontè ad eam rem ſatis incitatos agnoſcerem, intercè verò de veſtrâ in Regem Chriſtianiſſimum piâ voluntate & grato officio, gratias agimus, & oramus Deum opt. max. Patrem Domini noſtri Jeſu Chriſti, ut vos Eccleſiæ noſtræ diutiùs ſalvos & incolumes faciat.

*Petitiones, Caroli noni Galliarum Regis Chriſtianiſſimi nomine,  
factæ ab illuſtriſſimis Oratoribus in Concilio Tridentino.*

Conſtitutum nobis Oratoribus erat jampridem ex officiî noſtri ratione, & Chriſtianiſſimi Regis mandato ad Sanctam Synodum ea referre quæ hoc ſcripto continentur. Sed cum Cæſ. Majeſtas per Reverendiſſimos & Clariſſimos Viros Oratores ſuos, eadem ſerè proponenda curaſſet, noſtraque omnis petitió, cum eorum poſtulatibus mirificè conveniat, ſuſtinuimus aliquantulum, expectantes dum aliquid à vobis decerneretur. Quid enim multis poſtulatibus minimè inter ſe pugnantibus, vix etiam diverſis moleſtos eſſe vobis neceſſe fuit? Præſertim cum ea quæ adjicienda fortè videbantur, vel tacitè ineſſent, vel neceſſariam ex ſuperioribus conſequentiam haberent. Itaque reſtituimus atque diſtulimus certo judicio. Nunc autem Principis noſtri litteris victi, & quia Cæſareum illud negotium longiùs protrahatur quàm ſpes fuerat, diſſerendum ampliùs minimè rati, quantâ poſſimus ſimplicitate & brevitate verborum, quæ nobis ad conſtituendam

Rempubicam Christianam necessaria videntur & opportuna, scripto complexi sumus. Hoc autem volumus vos existimare, nil nobis à cæterorum Christianorum salute præcipuum esse, nihilque singulare. Carolum verò Regem nostrum petere quidem ut petitionum suarum omnium ratio habeatur, sic tamen à Christianâ disciplinâ edoctum & institutum esse, ut vobis omnia tribuat, rerumque omnium istarum rationem, cognitionem & iudicium ad vos omninò sciat pertinere.

1. Cùm Sacerdotes inprimis castos esse oporteat, ex Sacerdotum autem incontinentiâ, in Dei Ecclesiâ magnæ nascantur offensiones, provideat Sancta Synodus, ut non alii in posterum ordinentur Sacerdotes, quàm qui seniores sunt, & à populo bonum habeant testimonium, ut ex antea vitâ, quales postea sint futuri, non levis sit conjectura, & Sacerdotum libidines & flagitia accerimis Canonum poenis coerceantur.

2. Cavendum est ne eodem die aut tempore omnes sacri ordines conferantur, cùm oporteat secundum antiquos, promovendum ad majores Ordines, prius in minoribus dignè & aliquo tempore versatum.

3. Nullus Presbyter ordinetur cui non continuò secundum Concilium Calcedonenſe detur unâ cum ordine beneficium, aut ministerium: Sic enim fiebant ordinationes à priscis illis Patribus qui titulos Presbyterales multo postea tempore inventos, non agnoverunt.

4. Diaconis & aliis sacris Ordinibus restituatur debita & antiqua functio, ne amplius nuda, & in caeremoniis tantum posita nomina dicantur.

5. Presbyteri, sacrisque initiati, & cujusvis Ecclesiæ ministerio addicti, in eâ vocatione in quâ à Domino vocati sunt permaneant, neque in alio munere & officio, quam quod Dei ministerium deceat, versentur.

6. Nullus eligatur Episcopus qui non ætatis sit legitimæ, iisque moribus & doctrinâ præditus, ut populum docere & ei vitæ exemplar esse possit, & qui satis sit omnibus eis instructus, quæ sufficiant ad Episcopali munus ritè per se obeundum.

7. Is quoque creetur plebanus, qui & probatæ sit vitæ, & qui populum in lege Dei instruere possit, sacrificium rectè celebrare, & sacramenta (ut par est) administrare, & illorum usum & effectum, illos, quibus ea administrat, rectè docere.

8. Ad Abbatiam autem & Prioratum Conventualem, nisi prius in celebri aliquo gymnasio sacras literas publicè professus, & magisterium aut alium gradum adeptus sit, non admittatur.

9. Episcopus per se, aut per eos quos ad prædicationis munus assumet, qui tot erunt, quot per Diocesis magnitudinem videbitur opus esse, in civitate aut in quacumque parte Diocesis censebit expedire, omnibus Dominicis & diebus Festis, tempore autem quadragesimæ, jejuniorumque & adventûs Domini, quotidie verbum Dei annuntiet & quotiescumque id opportunè fieri posse iudicabit.

10. Idem quoque faciet plebanus, si non desint apud quos concionetur.

11. Abbas verò & Prior Conventualis interpretabitur libros veteris & novi Testamenti, Xenodochia instituet, & ita monasteriis, antiquæ scholæ & hospitalitates restituentur.

12. Qui hodie sunt Episcopi, Plebani, Abbates, aut alii Ecclesiastici, si suum officium præstare non possint, accipiant Coadjutores, per quos illud præstent, aut omninò beneficia dimittant.

13. De Catechesi, & summâ doctrinæ Catholicæ conscribendâ, deque post illis etiam agendis ea decernantur, quæ Cæsareæ Majestati visum est, ad hoc Sanctum referre Concilium.

14. Unum beneficium uni tantum conferatur, sublata quod attinet ad pluralitatem compatibilium & incompatibilium, personarumque differentia, quæ distinctio, ut est nova, & antiquis decretis incognita, ita Ecclesiæ Catholicæ magnam calamitatem attulit. Dentur autem regularia regularibus, secularia secularibus.

15. Qui verò nunc duo, plura-ve possident, aut illud tantum retineant quod intrâ breve tempus elegerint, aut in poenas antiquorum & veterum Canonum incidant.

16. Ut à sacerdotali ordine, sordes omnes & omnis avaritiæ labes procul expellantur, nec ullo prætextu pro rebus divinis quicquam exigatur, curet Episcopus aut per unionem beneficiorum, aut decimarum assignationem, & si hoc fieri non poterit commodè, Princeps provideat ut per Parochianorum symbola & collectas, plebanus, & cum eo duo ac plures Clerici habeant undè vitam congruam traducant, & hospitalitatem præbeant.

17. In Missis Parochialibus Evangelium aperte & dilucidè, & pro populi capto copiosè in suggestu exponatur: quo in loco, quæ præeunte plebano à populo fiunt preces, linguâ fiant vernaculâ; peracto autem sacrificio latinè & mysticis precibus, linguâ etiam vernaculâ publicè ad Deum fiant orationes: eo autem tempore & aliis statutis horis cantari poterunt pia & spiritualia cantica, vel Psalmi Davidici prius ab Episcopo diligenter examinati, si id è re suæ Ecclesiæ esse censebit Episcopus.

18. Antiquum illud Leonis & Gelasii decretum de Communionem sub utràque specie renovetur.

19. Ac ut omnes, præcipuè imperiti usum & efficaciam Sacramentorum intelligant, præcedat semper linguâ vernaculâ brevis expositio, quæ Sacramenti quod administratur, rationem contineat.

20. Beneficia secundum veteres Canones non conferantur ampliùs exteris, neque per vicarios, sed per ipsos ordinarios, quorum est in hoc maximè delectu, industria: illis intrâ sex menses non conferentibus, aut si indignis contulerint potestas conferendi devolvatur ad proximum superiorem, & gradatim ad Papam, secundum Concilium Lateranense, & aliter collatio facta à quocumque, nulla sit.

21. Mandata de providendo, Expectativæ, Regressus, fiduciariæ Resignationes & Commendæ revocentur, & omninò arceantur ab Ecclesiâ, veluti decretis contraria.

22. Resignationes in favorem extinguantur omninò à Curiâ Romanâ: Est enim à sacris Canonibus institutum, ne quisquam sibi sui officii quærat, aut eligat successorem.

Prioratus seculares, aut (ut dicitur) simplices, quibus contrâ institutionem, cura animarum adempta est, & translata in vicarium perpetuum, cui tantum parva quædam decimarum, aut aliorum proventuum portio assignatur, cum primùm vacaverint, curam animarum recipiant, & in antiquum statum restituantur.

24. Cumque plura sint beneficia in quibus contra beneficiorum omnium institutionem invaluit depravata consuetudo, ut qui ea possident, nullo teneantur concionandi, Sacramenta administrandi, aut alio opere Ecclesiastico,  
Episcopus

Episcopus consilio capituli, his beneficiis, curam aliquam spirituales imponat, aut si utilis videatur, ea beneficia vicinioribus Parochialibus Ecclesiis uniat. Beneficium enim sine officio necesse est debet, neque potest.

25. Pensiones super beneficiis non constituentur, & quæ sunt constitutæ tollantur; Quod redditus Ecclesiastici in alimenta pastorum & pauperum aliosque usus pios transferantur.

26. Restituantur Episcopis intra omnem Diocesim, jurisdictiones Ecclesiasticæ, & tollantur omnes exemptiones, exceptis Capitibus ordinum, iisque quæ ipsis subsunt monasteriis, & quæ capitula faciunt generalia & iis monasteriis quibus multis jam retrò sæculis, evidentibus scriptorum monumentis constat, datam esse exemptionem, quæ tamen ne a correctione omnino se eximant, aliquâ ratione provideantur.

27. Cum Episcopus eâ jurisdictione uti non debeat secundum antiqua decreta, nisi consulto Capitulo, quemadmodum nec alie sue Diocesis gravia negotia tractare, danda est diligens opera, ut Canonici Cathedralium Ecclesiarum sint assiduò in Ecclesiâ Cathedrali, bonis moribus & scientiâ præditi, qui quæ saltem vigesimum quintum annum attingant: nam antè illam ætatem cum non possint per leges humanas, rebus suis prospicere, quomodo Episcopo consulere poterunt?

28. Retineantur antiqui, aut novi constituentur consanguinitatis, affinitatis, vel cognationis gradus, intra quos non liceat obtentu cujusvis dispensationis, matrimonium contrahere, exceptis solis Regibus aut Principibus, propter bonum publicum.

29. Cum nostris temporibus exorti sint Iconomachi, qui imagines evetendas censent, & maxime perturbationes plurimis in locis ex eo sint excitatæ, provideat Sancta Synodus, ut doceatur populus, quid de cultu imaginum sit sentiendum, curetque, ut si quæ in eis colendis irrepserunt superstitiones, & abusus, tollantur; quod ipsum quoque provideat in indulgentiis, peregrinationibus, reliquiis Sanctorum & iis sodalitatibus quas vocant fraternitates.

30. Quoniam sæpè ob unum enormè delictum affligitur universus populus, quem de proximi peccatis sollicitum, & anxium esse oportet, restituatur Ecclesiæ Catholicæ, non solum antiqua illa, propter graves & publicas offensas, publica poenitentia, sed etiam ad Dei iram placandam, jejunia & luctus publici.

31. Cumque excommunicatio sit Ecclesiæ supremus gladius, non est passim pro quovis delicto, aut contumaciâ decernenda, sed pro pravissimo tantum peccato, cumque in eo, post unam & alteram, & nonnunquam tertiam admonitionem reus perseveret.

32. De beneficiis forentes controversiæ, quæ universum sæpè Ecclesiasticum ordinem contaminaverunt, non solum breviores erunt, sublata petitorii & possessorii in causis beneficialibus nuper inventa distinctione, sed omnino cessabunt, si sublati etiam Basiliensis Concilii universitatum nominationibus, præcipiatur Episcopis, ut beneficia, secundum Gregorii auctoritatem, non ambientibus, sed fugientibus, & de Ecclesiâ bene-meritis conferant: merita autem in universum judicabuntur, si post magisterium, aut alium gradum in scholis adeptum, is cui confertur beneficium auctore Episcopo & probante populo, fuerit publicè concionatus aliquo tempore, cumque

CCCC

ordinarius semel beneficium contulerit, aut patronus præsentaverit, non aliter liceat superiori conferre, quàm si priùs præsentatum, aut cum cui colatum est beneficium, eo beneficio iudices dignum judicaverint.

33. Quod si aliquando de conferendi aut præsentandi potestate lis oritur, primùm ab Episcopo Diocesano consulto Capitulo, œconomus beneficij vacanti præficiatur, qui fructus omnes percipiat, & munera omnia Ecclesiæ subeat: deindè litigatores consentiant in aliquot viros doctos Ecclesiasticos, & si non elegerint, ab Episcopo dabuntur, qui saltem infrà sex menses litem omnem dirimant, à quibus appellare non liceat, aut si existimet Synodus appellationi deferendum, mandetur interea executioni sententia, neque teneatur œconomus, aut qui sententiam prior obrinuit, restituere fructus pendente lite perceptos, qui tantùm ministris, & pauperum alimentis cedere debeant. Ita fiet, ut aut nulla unquam de beneficio lis, aut si quæ fuerit brevi transigatur.

34. Decernat Sancta Synodus, ut non solum Synodi Episcopales quot annis semel ad minimùm, sed etiam tertio quoque anno, Provinciales congregentur, in quibus de his quæ ad statum Ecclesiasticum pertinent, diligenter tractetur de ministrorum delictis maturè cognoscatur, & in eos qui deliquerunt, severè animadvertatur, ut Concilia generalia, nisi aliquod obstat impedimentum, decimo quoque anno celebrentur.

Die Jovis vigesimà quintà dicti mensis Februarii, interfui Concioni, & Congregationibus Doctorum, & mihi relatum fuit per unum ex apparitoribus Concilii, me cooptatum in numerum Deputatorum pro abusibus circa Ordinem, à Patribus ejusdem Concilii, in absentia meâ, atque ideò denuntiavit, ut comparerem in deputatione, in ædibus Oratoris Regis Poloniæ, cum cæteris deputatis, nempe eodem Oratore, Patriarchâ Veneto Joanne Trivisano, Joanne Bruno de Olchinio Macedone, Regni Serviæ Primare, Archiepiscopo Antibaren. Nicolao de Peluè, Gallo, Archiepiscopo Senonensi, Francisco Blanco, Hispano, Episcopo Auriensi, Joanne Antonio Fachinetto, Bononienfi, Episcopo Neocastrensi, Parmensi, & quodam alio Episcopo, ad audiendum quosdam articulos propostos super abusibus circa Ordinem.

### MARTIUS.

**D**ie Martis secundâ Martii, circiter quartam noctis obiit illustrissimus Legatus Mantuanus, non absque dolore Patrum.

Sequenti die celebratâ Missâ pro defunctis, corpus ejus deportatum est Mantuam.

Die Sabbathi sextâ, relatum est Ducem Guysianum à quibusdam in obsidione Aurelianensi vulneratum, conspiratione forsân Admiralis, quem auctorem aiunt omnium malorum, quæ hodiè patitur Regnum. Faxit Deus, ut Reipublicæ Christianæ diù incolumè servet illud Religionis & fidei propugnaculum Guysianum, quem nobis proponere debemus tanquàm alterum Josuè, & Judam Machabeum.

Die Martis nonâ renunciatum est post rumorem sparsum inter Patres, Reverendissimo Cardinali Lotharingio de obitu fratris Guysiani, undè mœrore confectus, remansit totâ die in lecto. Eodem mœrore affecti sunt pii quique. Faxit Deus ut misereatur Ecclesiæ suæ.

Eodem die, noctu incidit in febrim Legatus Seripandus.

Nulla Congregatio habita est ob causas supra-dictas, & luctum obitûs dicti Illustrissimi Ducis Guysiani cujus anima quiescat cum Beatis, & mortem dicti Hieronymi Seripandi Cardinalis Stæ. Sufannæ, Neopolitani, Legati Apostolici, Generalis olim Fratrum Eremitarum Sancti Augustini, usque ad diem Lunæ decimam quartam mensis ejusdem, quo die celebrata est Missa in æde majori per Guillelmum d'Avanson, Gallum, Archiepiscopum Ebredunensem, pro Domino Guysiano defuncto.

Die Lunæ serò, vigesimâ secundâ, Cardinalis Lotharingius accepit litteras ab Aulâ, quibus de morte fratris sui magni Prioris certus factus est, ac de quâdam concordia inter Regem & rebelles. Faxit Deus ut omnia benè verret.

Die Martis vigesimâ tertiâ discessit Tridento Cardinalis Lotharingius, profecturus Venetias animi recreandi gratiâ, unâ cum Episcopis Ebroicensi, Aurelianensi, Senonensi, Suessionensi, Senonensi, Meldensi, & Cathalonensi, Doctore Dupin & aliis suis familiaribus.

Interim deputatus sui ad conscienda decreta reformationis abusum qui irreperunt in sacrum ordinem, & sollicitatus à Legatis, & Oratore Polono, ut ea producerem in medium, cùm tamen interim nihil videam geri eorum quæ spectant ad negotia Synodi, quæ magis ac magis protrahitur, prætextu, expectationis aliorum Legatorum ab urbe.

#### APRILIS.

**D**ie Dominicâ in Ramis Palmarum, quartâ Aprilis, celebravit Franciscus Bachodius, Sabaudientis, Episcopus Gebennensis, nulla habita Oratio propter processionem solemnem, cui adfuerunt Episcopi cum mitris & pluvialibus, Ramos benedixit Legatus Warmiensis, & distribuit singulis sedens antè altare more solito.

Die Jovis octavâ, à Missâ, Corpus Domini fuit delatum in quoddam sepulchrum pulchrè & devotè ornatum cum processione Episcoporum in insulâ & pluviali & cereo albo, dicto Legato Warmiensi descensente Corpus Domini.

Die Veneris nonâ Aprilis celebravit Archiepiscopus Cataputaquensis frater bonæ memoriæ Cardinalis Veralli. Antonius Demochares Doctör Gallus, habuis Orationem de Passione Domini cujus fuit initium *Scio me nihil scire inter vos, nisi Jesum Christum* 1.e. *Corinth. 2.* dixit Adam formatum eodem die, Evam formatam ex ossibus Adæ; Eodem die Adam & Evam comedisse fructum, & ejectos à Paradiso eodem die, verbum etiam incarnatum eodem die, totum divisit in tres articulos 1us. continebat prædictiones passionis Christi ex lege & Prophetis, citavit promissiones factas Abraham, Isaac, Jacob, &c. 2us. continebat fructum passionis Christi, ubi allegavit nuda verba scripturarum usque ad nauseam, 3m. articulum de historiâ Passionis omisit propter prolixitatem & horam importunam. Interim monuit Patres, ut idem sentirent in Domino, mille adessent contentiones, agnoscerent se pastores, ut pascere non tanquàm Domini, sed forma facti gregis &c.

Deindè finitâ Oratione, Patres bini ad adorandum Crucem discalceati venerunt, factâ triplici genuflectione, cum pausâ ante osculum pedum in Offertorio. Deindè singuli cum cereis ardentibus processionaliter comitati sunt chorum, Legatos, & celebrantem ad portandum Corpus Domini à sepulchro ad altare, magnâ cum solemnitate, descensente Legato Warmiensi



cum Baldachino, quæ cæremonia utinam ita solemniter fieret in Ecclesiis Cathedralibus.

Eodem die venit cursor ad Cardinalem Lotharingium, Novum deferens, initæ pacis inter Regem & Huguenotos.

Visitaverunt Patres multa sepulchra honorificè adornata, in quibus quiescebat corpus Domini. Noctè ejusdem diei, multi Hispani induti ciliciis verberabantur semel cum canticis in memoriam passionis Christi.

Die Sabbathi summo manè, vigiliâ Paschæ, decimâ Aprilis, interfuit benedictioni novi ignis, factæ per Vicarium Sti. Vigili, in cemeterio, qui processionaliter deindè rediit ad fontes, & benedixit eos more solito: tum ad majus altare chori, ubi benedictio incenso, benedictus est quoque cereus. Paulò post, Antonius Puteus Niciens. Archiepiscopus Barenfis, baptizavit in dictis fontibus tres Judæos Cathecumenos, majores viginti quinque annis, qui vocati sunt Petrus, Antonius & Paulus, præsentibus Oratoribus Cæsaro, Gallo, & Lusitano, Legatis & aliquot Episcopis. Quo facto chorum adivimus omnes Episcopi, ubi benedictus est cereus contequatâ Letaniâ, tum Donatus de Laurentiis, de Asculo, Appulus, Episcopus Arianen. post lectas prophetias, & collectas cantatas, celebravit cum cæremoniis prolixis.

A meridie, circiter horam vigesimam primam, post Legatos ivimus obviam Rmo. Cardinali Morono, venienti ab urbe, qui magnificè receptus fuit ab aliis Legatis, Oratoribus & Patribus, cum appulisset ad SS. Crucem, non procùl à portis civitatis descendit ab equo, & adiit dictum templum, ut transmutaret vestimenta, & sumeret cappam cardinalitiam, cum quâ ascendit mulam: tunc multi ex civitate venerunt illi obviam congratulaturi adventus, cum verò appulisset antè portas civitatis, Clerus excepit illum processionaliter, cantantibus symphoniacis Concilii, cum baldachino, sub quo equitans deductus est usque ad SS. Vigilium, ubi cantatum est *Te Deum* cum versu & oratione, deindè Antiphona de SS. Vigilio, cum versu & collectâ, quam cantavit idem Cardinalis Moronus, & solemniter benedixit.

Tum Diaconus nomine ejusdem Legati indicavit indulgentias, centum annorum cum tot quadragenis, & abiit domum Legatus pedes, cum magno comitatu. Faxit Deus, ut adventus tanti Cardinalis, Sanctissimi Papæ, nostri Legati, lætiora nobis adferat, & negotia Concilii faciliùs procuret ad Dei laudem.

Die Paschatis undecimâ, celebravit Illustrissimus Cardinalis Moronus Legatus, & concessit quadraginta annos, & totidem quadragenas, de verâ indulgentiâ. Ipse præ se fert magnam gravitatem & prudentiam.

Die Martis, secundâ feriâ Paschatis, idem Cardinalis Moronus exhibuit suum mandatum congregationi, cui non interfui, propter eâ quod 1â feriâ, post ingressum Comitiss de Lunâ, Oratoris Regis Catholici, Tridentum cum magno comitatu, discesseram, ut irem obviam Cardinali Lotharingio redeunti à Venetiis, qui venit Tridentum 24. Aprilis, quo die obiit Petrus à Sofo, Dominicanus Doctor, dictus pius, Hispanus, & sepultus est apud divum Laurentium, statim post reditum Cardinalis Lotharingii.

Die Mercurii 25. Congregatio manè facta, in quâ propositum fuit per Wanniensem Legatum de prorogandâ Sessione ad diem Jovis post Pentecosten, quæ erit 3. Junii.

Cardinalis

Cardinalis primus dixit videri non statuendum hunc diem, sed differendum esse usque ad vigesimam Maji, in quo præsentibus Legatis Morono & Navigerio agetur de certo die Sessionis futuræ, & quòd expectetur adventus eorum priusquam aliquid agatur. Major pars Patrum approbavit sententiam illius. Itaque conclusum, ut eo die vigesimo Maji deliberaretur de futurâ Sessione. Ego autem dixi, quod erat optandum imprimis, ut hæc tam longæ, sessionis moræ penitus tollerentur. Quis enim nesciat quantopere Catholicos offendant, & nimis justam & amplam ridendi materiam præbeant, non sine maximo omnium nostrum qui hic adsumus probro, nec minori totius Reipublicæ Christianæ detrimento. Verùm cum multarum & variarum rerum de quibus tamdiu disputatum est, gravitas non patiar, ut hæc brevissimo temporis spatio definiantur, mihi placet sententia Illustrissimi Cardinalis Lotharingii, camque libere amplector, ed tamen mente & conditione, primo quoque die absque ulteriori dilatione examinentur ea quæ à deputatione conclusa sunt, ad tollendos eos qui in sacras Ordinationes irrepsérunt abusus, de quibus inter deputatos convenit, aut decreta residentiar, & ordinis in spiritu charitatis concludentur, ne totâ die hic sumus desides & otiosi, alioqui metuendum est ne dum nimis cunctatores sumus, & negotia Dei & Ecclesiæ videmur remissius peragere, interim arte Sathanæ, seminentur zizania dissidiorum, quibus ut jam accidit, aut solvatur, aut transferatur Concilium, magno nostro malo, & impleatur scriptura, hereditas nostra vertitur ad alienos & domus nostra ad extraneos.

Budenfis suo more prophetavit non futuram Sessionem antè mensem Septembris.

### MAJUS.

**D**ie Lunæ decimâ Maji horâ 21. celebrata fuit tandem Patrum Congregatio, post otia & intermissiones hæcenus factas. Obtinuit Cardinalis Lotharingius, paulò antè aliquot dies à Legatis Warmiensi, Symonetà, & Navigerio, ut exhiberet quasdam litteras Serenissimæ Mariæ Reginæ Sæcæ, ad Concilium Tridentinum. In quâ quidem Congregatione Cardinalis Lotharingius exhibuit dictas litteras: quibus lectis orationem habuit de laudibus dictæ Reginæ, natalibus, pietate & animo ergâ Sedem Apostolicam, deindè responsum est dictæ Reginæ per litteras, juxta formulam à Legatis præscriptam, quæ lecta fuit, & paucis immutatis approbata à Patribus; iterum lecta, deindè soluta fuit Congregatio.

Die verò Martis undecimâ, habita fuit Congregatio ad dicendum super Capitibus abusu, qui irrepsérunt circâ Ordinem, in quâ prius omnium dixit doctissimè & liberrimè Cardinalis Lotharingius super quatuor capita. 1. Super examine Episcoporum ordinandorum, parum admodum probans ea quæ initio dicuntur, de his quorum notitiâ itabuerit Romanus Pontifex & quòd hoc faciant Metropolitani tanquàm delegati. Deindè cupiens restitui electiones, abrogatis Principum nominationibus, ex quibus multa nata sunt incommoda, & quod concordata Regni Franciæ non poterunt fieri futuris perpetuis temporibus, minus potuit probare electiones eorum qui ex gremio hujus Ecclesiæ fieri solent, ut in Germaniâ Germanos Episcopos taxando quod sua non exerceant of-

Dddd

facta, & quòd sua Sanctitas liberè relinquere debet suas provisiones Episcopatum, ut electiones suam habeant locum, quodque fiant juxta primitivam & puriorem Ecclesiam, non tamen modo quo antè nominationes fuerunt, in quibus tot symoniae committebantur, à quibus tamen absolvit Pontifex.

In 2. Capite de consecrationibus, noluit exceptiones illas inferi quibus admittuntur dispensationes, quæ dispensationes sunt dissipationes, & quòd consecrationes non-nisi in Provinciâ fiant, non Romæ, nisi ipsum Romanus Pontifex velit consecrare, quemadmodum & deberet alia pastoralia obire.

Quoad 3um. Caput, censuit omninò rejiciendos esse tutelares Episcopos, & Patriarchas inutiles, quodque quis non debeat creari Episcopus in Græcorum Ecclesiis, cum etiam Græci ipsi, sint à suis Patriarchis provisus, qui & verè conficiunt, absolvunt & ordinant, licet sint schismatici.

Multa allegavit in 4to. Capite, & hunc ordinem observavit.

Sufficiencia nostra ex Deo est.

Ministratio mortis fuit in gloriâ & zelo Dei.

De ministratioe Spiritus & zelo Jesu Christi.

De translatione Sacerdotii & legis.

Nos debere gloriam Dei speculari & transformari.

De Samuele, de Saule, de loco, de armo, & coquis.

An satis dictum sit priùs ut non accidat repetitio.

De notitiâ in Curiâ, testimonio Nuntii, vel Legati Universitatis, & Monachorum Ordinarii vel vicinorum.

Utinam materia exactius tractaretur, ne id ipsum tam sæpè reverteretur.

Intelligamus qui abusus esse possint circâ Sacramenta Ordinis, maxime circâ Episcopatum qui summus & perfectissimus ordo est.

1. De materiâ & formâ, nihil ad abusum.

2. An dignus & debitè examinatus proponatur.

3. An omnia in Ecclesiâ secundum ordinem fiant.

De 2. qui assumi debeant & quomodò sint examinandi, à Christi primæ institutione agamus. Pauci & selecti, ut tot operarii quot messis postulat.

Perpetua ædificatio & conservatio Ecclesiæ.

Quæ differentia inter Christum & nos.

Examinandi juxta munus & officium ad quod exequendum assumuntur.

Christum ergò audiamus, hoc facite, ite prædicare baptisantes, accipite Spiritum Sanctum quorum remisistis peccata &c. In generatione cum sederit filius hominis sedebitis & vos, & canente Ecclesiâ *vos sæcli jussi judices*, quæcumque ligaveritis & vos estis & discite à me quia mitis sum. Estote prudentes & si quis vult venire post me, & si quis diligit me & sufficiencia nostra ex Deo est, qui idoneos fecit ministros novi Testamenti non litterâ, sed spiritu. Act 10. adhuc loquente Petro cecidit Spiritus Sanctus.

3. Quòd si ministratio mortis litteris deformata in lapidibus fuit in gloriâ, ita ut non possint intendere filii Israël in faciem Moyfi propter gloriam vultus ejus quæ evacuatur, quomodò magis ministratio spiritus erit in gloriâ? Translato enim Sacerdotio, necesse est ut & legis translatio fiat.

Nos verò revelatâ facie gloriam Dei specularantes, in eandem imaginem transformamur, à claritate in claritatem, tanquam à Domini spiritu.

1. Regum 9. assumens itaque Samuel Saulem & puerum ejus, introduxit eos in triclinium & dedit eis locum in capere eorum, qui fuerant invitati: erant enim quasi 30. viri, dixitque Samuel coquo da partem quam dedi tibi: & præcepi ut reponeret seorsum apud te. Levavit autem coqus armum & posuit antè Saul, dixitque Samuel, ecce quod remansit, pone antè te, & comede, quia de industriâ servatum est tibi, quando populum vocavi.

Nonne duodecim vos elegi, & unus vestrum diabolus est. Designavit & alios septuaginta duos. Messis quidem multa, operarii autem pauci.

Ecce ego vobiscum sum usque ad consummationem sæculi. Quod vobis dico, omnibus dico.

Exemplum dedi vobis, ut quemadmodum feci vobis, ira & vos faciatis.

Te occulta non fallunt, tu cognitor es secretorum & scrurarum cordium: vitam nostram examinare judicio statuisti, nos ramen omnes divini sensus & summæ rationis ignari, horum vitam quantum possumus existimare debemus.

Sic luceat lux vestra coram hominibus &c.

Vos estis sal terræ. Lux mundi. Jam non dicam vos servos, sed amicos. Potestis bibere calicem.

Si hæc desiderarenur, ergò inquirendum est, an tales sint, sed timendum, ne variis vestibus cooperiamur. Idola, O pastor, & idolum, Orig. in Ezech. hom. 219.

Hoc fecerunt Episcopi Actorum 1. Oportet ergò ex iis viris, qui nobiscum sunt congregati in omni tempore quo intravit & exivit inter nos Dominus Jesus, incipiens à baptismo Joannis usque in diem qua assumptus est à nobis, testem resurrectionis ejus nobiscum fieri unum ex istis.

Act. 6. Non est æquum nos relinquere verbum Dei & ministrare mensis. Considerate ergò, fratres, viros, ex vobis boni testimonii septem plenos Spiritu Sancto & sapientiâ, quos constituamus super hoc opus; Nos verò orationi & ministerio verbi instantes erimus.

Act. 13. Erant autem in Ecclesiâ quæ erat Antiochiæ, Prophetæ & Doctores in quibus Barnabas & Simon qui vocabatur Niger, & Lucius Cyrenensis &c. ministrantibus autem illis Domino & jejunantibus, dixit illis Spiritus Sanctus segregare mihi Saulum & Barnabam in opus ad quod assumpsi eos. Tunc jejunantes & orantes, imponentesque eis manus, dimiserunt illos &c.

Primæ ad Timotheum 3. si quis Episcopatum desiderat, bonum opus desiderat. Oportet enim Episcopum irreprehensibilem esse, unius uxoris virum, sobrium, ornatum, prudentem, pudicum, hospitalem, doctorem &c. Oportet autem illum & testimonium habere bonum ab iis qui foris sunt, ut non in opprobrium incidat, & in laqueum diaboli. Et hæc tibi scribo fili Timothee sperans me ad te venire citò, si autem tardaverò, ut scias quomodo oporteat te in domo Dei conversari, quæ est Ecclesiâ Dei vivi &c.

Secundæ ad Timotheum 2. Tu ergò fili mi confortare in gratiâ quæ est in Christo Jesu, & quæ audisti à me per multos testes, hæc commenda fidelibus hominibus qui idonei erunt, & alios docere &c.

Ad Titum 1. Oportet enim Episcopum sine crimine esse, & ut potens sit exhortari in doctrinâ sanâ, & eos qui contradicunt arguere.

Ex C. 1. Apost. Episcopus à duobus aut tribus Episcopis ordinetur.

Ex Canone 4. Nicæni Concilii Episcopum oportet ab omnibus Episcopis (si fieri potest) qui sunt in Provinciâ ejus ordinari, si verò hoc difficile fuerit, vel aliqua urgente necessitate, vel itineris longitudine, certè tres Episcopi debent in unum esse congregati. Ita ut etiam cæterorum qui absentes sunt, consensum litteris teneant, & ita faciant ordinationem. Potestas sanè, vel confirmatio pertinebit per singulas Provincias ad Metropolitanum Episcopum.

Ex Ep. 4. lib. 1. Cyp. propter quod diligenter de traditione & Apostolicâ observatione servandum est, & tenendum quod apud nos quosque & ferè per Provincias universas tenetur, ut ad Ordinationem ritè celebrandam Episcopus deligatur præsentè plebe, &

Corde creditur ad justitiam, & ore confessio fit ad salutem.

Clemens in Epistolâ 1. ad Jac.

Ex Epistolâ 2. Anac. Ordinationes Episcoporum auctoritate Apostolicâ, ab omnibus qui in eadem fuerint Provinciâ Episcopis sunt celebrandæ, qui simul convenientes scrutinium diligenter agant &c. Et non minùs quàm à tribus Episcopis, reliquisque omnibus assensum præbentibus, Episcopus ordinetur.

Ex his concludo, de jure divino sunt nominationes Episcoporum, ergò seligendi. Jure divino præscribuntur functiones, ergò his apti quærendi & examinandi, jure divino mores descripti, ergò de his aliqua sit probabilitas necesse est, jure divino teneor seligere, exigere fidei confessionem, testimonium habere bonum &c. quæ si omittantur pecco mortaliter & facio contrà jus divinum, nec tantùm damnantur qui talia faciunt, sed & qui consentiunt facientibus.

Quid ex his censendum quæ ad gubernationem Ecclesiæ sunt instituta, & observata ab Apostolis. Quæ non ut Sacramenta accipienda sunt & mutari possunt.

Populus Conciliorum auctoritate & Sanctorum Patrum judicio ab electione Episcoporum abstinuit.

Quomodo omnia murata, & in alium ordinem & modum translata sint.

De electione Canonicorum, & de his quæ dicebat Leo X. ad Cardinalem de Prato.

De provisione pleno jure.

Omninò rejiciendum hoc primum de Episcoporum examine decretum. Cur tamen propositum? Vocemus puellam & quæramus ejus voluntatem, Genesis 24.

Omnia in Ecclesiâ secundùm ordinem fiant, ut Ecclesia tanquam acies ordinata, appareat.

Non est dissensionis Deus, sed pacis, sicut & in omnibus Ecclesiis Sanctorum doceo, & omnia autem honestè & secundùm ordinem fiant in vobis. 1. ad Corinth. 14.

Ecclesia terribilis ut castrorum acies ordinata. Cant. 6.

Deus in domibus ejus cognoscetur, cum suscipiet eum. Psal. 47.

Archiepiscoporum primatum & Patriarcharum institutio, dilata à Spiritu Sancto, quos ut rejicimus, quantam Sedi Apostolicæ injuriam asseramus, his sat scalis edocta plebs, ut de scalâ Jacob. Castra Dei sunt hæc.

De scalâ Jacob. Genes. 28. & 32.

Ad

Ad unitatem servandam hic ordo observandus est ut necessarius.

Ambrosius supra 1. Timo. 3. una est Domus Dei Ecclesia, cui præsudet Damasus.

Pontifex Fratrum & Coepiscoporum negligentiam suppleat.

Lucas 22. Simon ecce, Sathâna expectat vos, ut cribaret sicut triticum, ego autem rogavi pro te, ut non deficiat fides tua; & tu aliquando conversus confirma fratres tuos.

Non juramento, ut dicunt hæretici sed mihi jure divino obstricti estis.

Quid Legati, & quòd de ordine hierarchico non sint.

Quod dictum est aliàs de Papali dignitate, Episcopali, & Presbyterali in Ecclesiâ, non immutandum ullo jure.

Legationis mōus à Christo Apostolis, & eorum successoribus commissum.

1. Corinth. 4. Sic nos existimet homo ut ministros Christi, & dispensatores mysteriorum Dei.

2. Corinth. 5. Omnia autem ex Deo qui nos reconciliavit sibi per Christum, & dedit nobis ministerium reconciliationis, & pro Christo ergò legatione fungimur tanquàm Deo exhortante per nos. Obsecramus pro Christo reconciliamini Deo &c.

Joan. 20. Venit Jesus & stetit in medio, & dixit pax vobis &c. Dixit ergò eis iterum pax vobis, sicut misit me pater, & ego mitto vos; & Legatus est Christi, & pro Christo, & pro Christi Corpore quod est Ecclesia, quando stans ad altare sacrificat & orat.

Chrysostomus de verbis Esa. medium stare dicit inter Deum & humanam naturam, & lib. de Sac. Dicit Legatum intercedere pro universo orbe, pro hominibus vivis & defunctis. Omitto quam plurima antiquissimorum Patrum testimonia.

Nulla ergò major est in Ecclesiâ dignitas instituta, & nulli majori præscribere aut imperare Summus Pontifex potest.

Sed non possunt hoc suo jure Episcopi præstare, quis hoc dixerit? Episcopi positi sunt à Spiritu Sancto regere Ecclesiam quam acquisivit &c. Qui ex con. sortiti sunt, omnes inspiciant, cuncta speculentur ac de populo & omni clero diligenter curam gerant.

Possunt consecrare & manus imponere comprovinciali suo jure, ergò poterunt multò magis consecrandum interrogare, cum non citò manus sint imponendæ.

Absurdum est facere aliquem delegatà potestate, quòd suo jure potest; omne enim ministerium extraordinarium in Ecclesiâ timendum est.

#### *Quoad Decretum secundum de consecratione Episcoporum.*

Nolim hic quicquàm de dispensationibus loqui, non est enim generalium Conciliorum loquendi usitatus modus. Quæ hinc nasci inconvenientia possint & quòd in usum verti consueverit quòd non-nisi ex magnâ causâ fieri debet.

De his qui jam habent dispensationes, intrà sex menses promoveantur, & consecrentur, etiam Cardinales.

De consecratione. Si extrà curiam etit faciendâ, nunc est stylus curiæ, ut à quocumque fiat.

Eccccc

*Quoad Decretum tertium.*

Principium non placet de manuum impositione: neque etiam placet; quod Episcopi introduxerint multa mala, nisi de Titularibus intelligatur.

*Circa Decretum quartum de Episcopis Titularibus.*

Verba pulchrè explicant necessitatem istorum hominum, ridicula sunt quæ in consecratione eorum, provisionibus, & vanis pollicitis fiunt, & de his qui in partibus Græcorum Episcopatus obtinent.

Quod si Græcia ad unitatem redeat, negandum esse Episcopis duos maritos uni Ecclesiæ.

At necessitas exposulat? non possum mihi persuadere. Tolerabilius esset dare Coadjutorem, si uti comprovincialium operâ, aut viciniorum Episcoporum nolumus.

Ultimo loco nulli postea commendari debere Episcopatum censet, & sic auferendus ille dicendi modus.

Sic solus dixit in hac Congregatione pro ut constat ex illius suffragio.

Die Jovis decimâ tertiâ, dixit Cardinalis Madrutius in non-nullis probans sententiam Cardinalis Lotharingii.

Inter alios dixit Hidruntinus, cui displicuit totum primum Caput quod non respiceret abusum, deinde satis esset provisum in superiori proximâ Sessione.

Quod non sit consentaneum ut præficiendus Ecclesiæ probeat qualitates requisitas in Episcopis ordinandis, cum potius tantum onus refugere debeat: non placet etiam, quia dum tot examina requiruntur, Inducitur diuturnior carentia pastoris, & præbetur occasio litibus.

Quod non sit derogandum nominationibus Regum Hispaniarum & Portugalliæ, qui hæcenus bene usi sunt.

Et si servarentur ea quæ describuntur in Concordatis cum Rege Francorum, bene provisum esset.

Neque placuit ut veniant Archiepiscopi expensis Ecclesiæ viduata, neque necessario exigendum ut prædicare sciant, cum non sit solum munus Episcopi prædicare, sed etiam visitare, bene præesse, aliaque facere, quia hæc faciens, licet non sciat prædicare, non minus est idoneus, sunt enim qui linguâ prædicant, cum sint malæ vitæ, in quo visus est tacite carpere Cardinalem.

Ubi agitur de eligendo ex gremio Ecclesiæ, non placuit ut sit graduatus, modo omnium sit doctior, non est rejiciendus.

Circa Caput secundum satis provisum sub Paulo 3. ideò nihil immutandum.

Circa Caput quartum, placet Titulares nunquam nisi ex causâ urgenti, ordinari.

Quod ad Caput sextum, provisum est sub Paulo 3. item quod etiam ordinationes extrâ tempora fieri possunt ex causâ.

Circa Caput octavum, dixit privilegia non esse auferenda, nisi propter abusum.

Circa Nonum in quo agitur de ætate Clericorum dixit, jus commune requirere tantum septem annos, cum tonsura non sit ordo, & ab infantia officiis Clericorum assuescere bonum sit, licet non planè noverit ea.

In fine ubi dicitur in Synodo *moniti*, satisfuerit quod ab Episcopo fuerint moniti.

Caput decimum , non placuit quia semper fuerunt aliqui absolute ordinati ut Religiosi.

Circa Caput 11. dixit addendum, nisi aliter Episcopo expedire videbitur.

In Capite 13. dixit nimis esse rigorosum, ut sint parati omni poscenti rationem reddere.

In Capite 14. non placuit rigorosum examen circa presbyterum, cum satis sit Missas celebrare.

Quod autem dicitur licentiam absolventi à solo Episcopo obtinendam, inconveniens est, cum & à Papà dispensari possit super hoc.

Ad 15. Caput, dixit pium & sanctissimum esse decretum, de scholis instaurandis, sed non lege communi statuendum, cum multæ sunt Ecclesiæ valde pauperes, sit etiam Decretum in eodem Concilio.

Ad 16. Caput, juramentum Magistratum licet bonum sit, referendum tamen esse censuit ad reformationem generalem.

Die Veneris 14. Maji, Cardinalis Lotharingius dixit super cæteris Capitibus abusu Ordinis, ac primum quidem post captatam benevolentiam quod unico contextu non dixerit, super omnibus placere sibi quod à Patriarchâ Aquilegensis dictum fuerat, videlicet quod repetantur & restituantur prisca à quingentis ultra annis Canones, quo remedio posset Ecclesia respirare, atque interim Romanus Pontifex abstinere à dispensationibus ad aliquod tempus, quinquennium, vel biennium, ne sibi credi velint, saltem credant Cardinalibus deputatis à Paulo III. ad reformandos abusus, qui ajunt, sic illud verò ante omnia, beatissime Pater, putari statuendum esse, sicut in unâ quaque republicâ, ita & in hac Ecclesiastica gubernatione, hanc præ omnibus legem habendam, ut quantum fieri potest, leges serventur, neque putandum nobis licere dispensare in legibus &c. nulla namque perniciosior est consuetudo, neque etiam Ordinarii impedirentur in puniendis scelestis, ut in dicto consilio Cardinalium deputatorum &c.

Antequàm descenderet ad Caput 5. dixit abusum esse, ut Cardinalibus commendentur Episcopatus, hoc enim indignum esse, & quod ad se attinet malle se galero renuntiare, quàm sponsam suam relinquere.

Abusum esse dixit, ut Episcopi quidam non consecrati, præcederent in Synodò consecratos, & propterea tales curarent se consecrari intra proximum diem Pentecostes, & interim suffragium habere non deberent, quia ignorabatur an essent Clerici.

Dum ageret de Capite 5. quale testimonium asserendum per ordinandos. Reformationem cupiebat in quatuor minoribus Ordinibus, ne sint nuda nomina, sed functiones eorum restituantur, hic allegavit unum religiosum presbyterum, Episcopum & Cardinalem, Petrum de Soto nuper defunctum, Crupperum Segobiensem, alijs Martinum Perezium de Ayala, Hispanum, & Hosium, quos audiatis, inquit, non me. Neque omisit formulam reformationis Augustanæ, sub Carolo V. & certè habenda est ratio animadversionum illius hic & ubique.

Caput 6. placuit præterquàm voluit expungi verbum *exaltè*.

In Capite 7. non placuit vocula (quantumvis exemptis) ne inquit canonizemus istas benedictas exemptiones, de quibus dicitur suo loco.

Voluit expungi clausulam, *si saltem triennio ibi non fuerit commoratus.*



Quòd attinet ad conferendum tonsuram, familiari, non Dioecesano, frustra additum, cum quod jure cautum est, servandum sit.

In Capite nono, de atate & qualitate &c. non placet, ut non-nisi in 14. anno tonsura conferatur, ideò placeret magis decennium.

In Capite 10. particula Divo Clemente teste, auferatur in sententiâ tam trita. Deinde quod dicitur Canonem Concilii Calcedonenfis aliquâ ex parte restitui, non videt quomodò in aliquâ sui parte rejiciendus. Itaque omninò totus Canon est restituendus, neque Religiosi absolutè ordinantur, ut constat ex Canone dicto, quem non legisse visi sunt qui allegarunt.

In Capite 11. in Minoribus ordinibus quæ cura adhibenda, tractandum esset de functionibus Minorum ordinum secundum Sotum & Crupperum, ut diximus, quamvis in plurimis Ecclesiis vix restitui queant, at in Ecclesiis Cathedralibus, & in monasteriis insignioribus saltem restituantur, ubi fieri poterit, ne quis objiciat Ecclesias Cathedrales valde pauperes. Quod si ita sit, uniantur tres Ecclesie, aut qui commodè vivere non possunt, veniant ad Ecclesias Hispanicas, aut Gallicanas.

Caput duodecimum aliter conficiendum esse censuit & voluit Cardinales triginta trium annorum esse ad minus, non autem juniores admitterentur ad Cardinalatum triginta annis.

In Capite 13. & 14. vellet curatos promoveri omninò intrâ sex menses, sine dispensatione, aliàs privari suo sacerdotio.

Caput decimum quintum placet, sed vellet id tantùm intelligi de Sacramentorum administratione, & absolutione, non autem celebratione Missæ. Nollet etiam injuriâ fieri fratribus mendicantibus, qui tam benè-meriti sunt de fide, & quos Episcopi juvare debeant, sed abusum esse dixit, quòd nonnulli vigore privilegiorum Apostolicorum exerceant jurisdictionem Episcopalem aut parochialem, unde inconvenientia allegavit in Flandriâ. Itaque nullus impostorùm hujusmodi jurisdictionem exerceat, quocumque nitatur privilegio.

Quoad scholas attinet, censuit eos etiam admittendos qui decem annorum fuerint.

Quòd dicitur de Theologo. Statutum in hac Synodo est, quoad prædicationem attinet, verùm aliis deputandus est qui doceat, cui assignetur una præbenda.

Quòd ad censum attinet, quòd provideatur hujusmodi scholis non expectandum esse censuit Concilium provinciale. Sed provideat Episcopus (inquit) cum aliquot Canonicis, & quamvis ibi sint universitates, æquum est tamen hujusmodi scholas institui, ut habeamus bonos ministros, neque voluit, ut ex redditibus monasteriorum aliquid assumatur, pro hujusmodi scholis, sed ipsi monachi suas scholas habeant, non autem adeant hujusmodi collegia cum secularibus, etsi egeant, sunt à nobis juvandi.

Caput de juramento magistratuum, censuit omninò rejiciendum.

Die Sabbathi decimâ quintâ Maii, dixit Granatenfis subscribens omnibus, & per omnia communiter sententiæ Cardinalis Lotharingii, qui piè doctè & eloquenter dixit.

Die Veneris vigesimâ primâ Maii honorificè receptus est in Congregatione Comes à Lunâ Orator Regis Catholici, qui sequentem hic protestationem

tionem fecit, super præcedentiâ quam sibi deberi proxima Oratoribus Regis Romanorum asseruit.

*Protestatio Oratoris Regis Catholici super præcedentiâ.*

**D**om Claudius Fernandés Vegil de Quignones Comes Lunæ &c. Philippi Hispaniarum utriusque Siciliæ, Hierusalem &c. Regis Catholici, Archiducis Austriæ, Ducis Burgundiæ, Brabantiæ, & Mediolani, & Comitum Hapsburgi Flandriæ & Tyrolis & ad hoc sacrum Oecumenicum Concilium Tridentinum Orator &c. Etsi mihi ut tali Oratori, his & aliis, & in hoc confesso locus debeat, qui primus post Imperatoris Romani Oratorum sedes est (quod antè omnia testificor ac protestor) verùm cum hic locus, & ea causa de qua agitur, tempusque etiam ipsum, & Respublica, sit huiusmodi, ut humanis ullis contentionibus, sanctissimus hic divinarum rerum, & salutis publicæ petendæ cursus non impediri debeat, cumque sit maximè consentaneum, ut qui ad iuvandum, suscipiendum, præstandum hoc communis causæ consilium adfuerit, si primum ipsi diligentissimè eurent, dentque operam, ne quam à se asserant contentionis, discordiæ, secessionis, ullis hominibus, vel minimam causam. Cum hæc ita sint quod ad locum sedemque attinet, accipio quod datur, eoque in præsentia, & quo aderit commodum, utar, ita tamen, ut omnes intelligant, velle me, (id quod sedulo prædico ac protestor) ne quod hæc mea moderatio & salutarium huius sacri oecumenici Conventus deliberationum, à me habita ratio, præjudicium ullum, ullâ ratione dignitati, Majestati, juri Principis mei Philippi Regis Catholici, posteris-ve ejus asserat, neve attulisse videatur, quominus & hoc & alio quovis tempore, ac loco, quâvis causâ, jus id suum integrum salvumque sit: quas ob res jus id, Domini mei Philippi Regis Catholici, posterorum-ve ejus nomine, justissimam verissimamque intentionem, omnibus ut Regibus loco & honore omni præferatur, & ad has & alias omnes causas, omnia loca, tempora, reservatam esse volo, ac reservo: ut semper ea jura, eamque intentionem, & persequi & tueri perinde possint, ac si hoc tempore, & hoc loco debitus mihi, ut tali Oratori locus quem dixi, datus fuerit, iisque omnibus quæ à quovis hominum objecta huic meæ asseverationi & protestationi adversari videri poterunt, minimè obstantibus, omninoque abutgatis: quam meam protestationem hoc libello comprehensam à vobis, peto, Patres Sanctissimi, ut actis hujus Sanctissimæ Synodi inferi adscribique faciatis, neque sine ejus integro exemplo hodiernæ actionis hujus, monumenta circumferri, edi-ve cuiquam patiamini, mihi-que imprimis hujusce rei exemplum testationemque publicis tabulis obfignatam, à Reverendissimo Secretario, Scribisque vestris jubeatis dari, Patres Reverendissimi.

*Responsum Oratorum Christianissimi Regis ad protestationem Oratoris Catholici, eodem die in Congregatione.*

**S**i nos hodie in hac Stâ. Synodo alio loco sederemus, quàm semper majores nostri, & novissimè in Concilio Constantiensi, & ultimo Lateranensi, qui primi post Imperatoris & antè omnes cæterorum Regum Oratores sederunt, si etiam novus hic locus, in quo nunc extrâ ordinem Oratorum sedere incipit Clarissimus Catholice Majestatis Orator, Illustris Comes à Lunâ, posset nobis, aut aliis Oratoribus esse damno; Vos cettè, Patres Sanctissimi, qui Ecclesiam universalem representatis, nobili vestro officio &

FFFF

majorum exemplo non omnes ad antiquum ordinem revocaretis : aut saltem denuntiatione Evangelicâ nobiscum ageretur. Cum antè taceatis, neque etiam huic novitati intercedant Clarissimi Cæsareæ Majestatis Oratores, quibus-cum causa nostra non potest non esse communis: Nos qui hodie in ordine Oratorum, & proximi Cæsareæ Majestatis Oratori, pristinam possessionem Regi nostro conservamus, fretique fide, amicitia, & affinitate maximi & potentissimi Philippi Regis Catholici in Carolum fratrem; pupillum Regem Christianissimum, postulamus tantùm à vobis, ut hodiernum dictum & factum illustris Comitis ♣ Lunâ ita interpretemini, ne quod inde præjudicium fieri possit antiquissimæ prærogativæ, & perpetuæ possessioni Regis Christianissimi, idque in acta vestra referri jubeatis.

Die Sabbathi vigesimâ secundâ, Cardinalis Lotharingus profectus est Ferrariam, invisurus Cardinalem Ferrariensem. Eodemque die à meridie pronuntiavi votum in Congregatione super abusibus Ordinis in medium propositis.

### JUNIUS.

**D**ie Mercurii, secundâ Junii comparuit in Congregatione quidam Consiliarius Regis, nomine Birague, qui post exhibitionem litterarum Regis, & lectionem, Orationem habuit ad Synodum, quâ explicare doctè conatus est causas pacis initæ; inter Regem & adversarios suos, & persuadere justas fuisse, ne majus sequeretur incommodum; deindè seriò monuit, ut quam citissimè negotia Synodi quæ ad fidem & vitam pertinent, expedirentur, cum in minimâ morâ maximum inesset periculum. Hoc efflagitare Regem Gallorum, Reginam matrem, & totam Galliam. Cui responsum est Synodum deliberaturam maturiùs, super rebus propositis, & responsuram Regi.

Die Martis 15. Junii, Legatus Moronus petiit sententiam Patrum super die proximæ Sessionis, præscribendo, & quòd sibi commodum videretur prorogari ad 15. Julii, ut interim nonnulla controversa inter Patres posset componi. Inspiret Deus bonam mentem Synodo ad decidenda ea quæ spectant ad ejus gloriam & Ecclesiæ ædificationem.

Placuit serè omnibus sententia Legati, & interim Deputati, repositurum canones ab usum, sed Senonensis movit questionem, ex eo quòd in 1. Cap. diceretur Pontificem providere de pastoribus, Ecclesiis, quasi derogaretur his verbis Gallorum Concordatis, & tunc eo casu confirmatio non ad Papam, sed Metropolitanum spectaret; hic verò asseri confirmationem omnium Ecclesiarum majorum ad Papam spectare. Sed meo judicio non facit præjudicium si habeatur horum temporum ratio, quibus nemo inficias ierit Papam omnes Episcopos instituere, confirmare, & de pastoribus providere Ecclesiis. Res ad Legatos delegata est, apud quos quisque sententiam dixit præsentè Cardinale Lotharingio.

Die vigesimâ octavâ, à vespèris, convocatis Patribus Deputatis, coram Legatis, lecti fuerunt Canones reformati, visum fuit non agi de Titularibus, augendam ætatem subdiaconi usque ad vigesimum tertium annum, saltem coelibatum annexum, restituendas esse functiones ordinum dixit Cardinalis Lotharingus, maxime in Ecclesiis Cathedralibus, & monasteriis, ubi commodè fieri poterit, ne remaneant nuda nomina, neque hujusmodi gradus in tantum contemptum veniant apud adversarios, & hujusmodi

ordinati possunt sumi ex seminario erigendo, quibus certæ portiones poterunt assignari, amovibiles ad nutum, ex proventibus præbendarum quarundam ad hujusmodi officium supprimendarum. Idque futurum magnum ornamentum Ecclesiæ, si ipsi ordines distinguerentur in Ecclesiis, & quisque sua munera exerceret.

Die Sanctorum Petri & Pauli 29. inter sacrorum solemnia, finito Evangelio, nata controversia pro incenso dando Oratoribus, Gallo & Hispano, quod Hispanus vellet primò sibi offerri sedenti propè Legatos juxta sedem Cardinalis Madrutii, paulò inferiùs. Legati, Cardinales Lotharingius & Madrutius discesserunt ad sacristiam, deliberandi causâ, vocatis Senonensi, Granatensi & Aurelianensi. Interim habita fuit oratio de primatu Petri, quâ finitâ, paulò post reversi sunt ad loca sua Legati & celebranti Orator Sabaudus prosecutus est Missam, in quâ nec amplius incensum, nec pax more solito data fuit, neque Legatis, neque Oratoribus, neque aliis.

### JULIUS.

Die Mercurii 7. Julii discessit à Tridento Orator Gallus, generosus & nobilis Lánfacus, vir humanissimus, & omnibus gratissimus.

Die autem sextâ præcedente, Cardinalis Lotharingius, laboravit multum in Congregatione factâ apud Moronum, vocatis ad eam multis, ex quâlibet natione Patribus, in componendis dissidiis quæ multis mensibus nata erant inter Patres, de Episcoporum institutione divinâ, & residentiâ jure etiam divino faciendâ, & quæ hæcenus remorabantur progressum Concilii.

Die Jovis in Congregatione generali dixerunt Patres omnes super doctrinâ Canonibusque Ordinibus, & super decreto Residentiæ, & quamvis antea magnæ contentiones subortæ essent de Episcoporum institutione à Christo & residentiâ jure divino faciendâ (quod utrumque verissimum credo) tamen longè major pars Patrum inhaerendo sententiæ Cardinalis Lotharingii, omnia probavit quæ de his proposita erant, adhibitis tamen nonnullis Patrum animadversionibus. Ejus tamen sententiæ non fuerunt Granatensis, Segobienensis, Auriensis & plerique Hispani. Dixerunt displicere sibi sextum Canonem de Ordine, ubi dicitur hierarchiam ordinatione divina institutam, & Caput octavum de assumptis auctoritate Romani Pontificis Episcopis; propterea dicendum esset, Episcopos esse à Christo institutos; deinde in decreto residentiæ, declarandum clarè & dilucide residentiâ jure divino statuendam. Nonnulli alii in 6. Capite voluerunt dici institutione divinâ, alii addi peculiari, ut diceretur peculiari & particulari ordinatione, ut Clodienfis Episcopus Jacobus Nadantus, Florentinus, Ordinis Prædicatorum, quem nonnulli sequuti sunt. Segobienfis de consensu populi requirendo Egit. Iprensis, ubi agitur de sacrificio Missæ, successile in locum sacerdotum veteris legis, dixit potius dicendum de Crucis sacrificio, & quædam etiam de Episcopis auctoritate Romani Pontificis assimilendis, adjecit, cum non videatur scriptum: verum cum Apostoli quorum loco successerunt Episcopi, non à Petro, sed à Christo sint instituti. Alii nonnulla in scriptis annotatione digna promiserunt dare secretario, ne diutius in dicendo morarentur. Sic itè unanimi consensu statutum est, ut omnia de ordine & residentiâ probarentur jucundæ concordie & pacis gratiâ, ut &

publicæ utilitati consulatur, tum maximè & die præscripto tandem habeatur Sessio, quam omnes serè expectant. Sententiis latis, in solutione Congregationis dixit Legatus Moronus confirmet Deus quod operatus est in nobis.

Ego verò sententiam pronuntiavi. Horum iudicio qui pie & Christianè affecti sunt, dubium non est quin doctrina de Sacramento Ordinis & Canones ex eà deducti, Christianam, Catholicam & Spiritu Sancto dignam complectantur sententiam, adeò ut de his subdubitare aut contentiosius disputare tanquàm de problemate, inipium sit, & eorum qui nimio contradicendi studio laborant. Quapropter quæ de his, paucis & simplicibus verbis, dixit Illustrissimus Cardinalis Lotharingus tantoperè mihi placent ut ejus in dicendâ sententiâ exemplum omnibus sequendum, atque pedibus in ejus sententiam eundem esse putem. Sed quoniam video animos quorundam Patrum circa sextum Caput de hierarchiâ adhuc suspensos hærrere, ego quoque quid sentiam dicam. Placitet enim mihi ut loco verborum (ordinatione divinâ) diceretur institutione divinâ: maximè cum ordinatio hoc in sensu non sit latina adeò locutio, atque institutio, tum quòd interpretatio ordinationis in alienos sensus trahi à non-nullis potest, ut inde colligant ex ordinatione Ecclesiasticâ institutam hierarchiam.

In decreto residentie nihil reprehensione dignum, nisi quòd nimiam continet indulgentiam, ideò placeat, modò verbum *assistent* maneat, aut loco ejus dicatur (neque suam impendunt operam) quod autem reticetur verbum *regere* me offendit, cum verbum *pascere* importet verbum regendi, ut Joan. 21. Pisce oves ex quibus verbis omnium Christi ovium regimen Petro traditum creditur.

Die autem Martis, proximè præcedente, in Congregatione particulari apud Moronum, in quâ aderant post eum & Cardinalem Lotharingum, plusquàm sexaginta Patres, actum fuit de Canonibus abusu, & quia primus Canon visus est multis Italis displicere, ubi agitur de Episcoporum examine, juxta ea quæ antea dicta fuerant ab eis, postquàm plerique dixerunt, Cardinalis Lotharingus licet primus dixisset, cum dubitaret ne hujusmodi dissensio protraheret Sessionem proximam, dixit satius fore, ut hic Canon de quo tantoperè digladiatur, in aliud tempus rejiciatur: quod Legatis imprimis placuit & serè omnibus aliis, licet quidam petissent admonitionem juxta proximum Canonem 1. faciendam. Ego verò dixi placere mihi differri hujusmodi Canonem in aliud tempus, juxta sententiam Cardinalis Lotharingi, neque super aliis sententiam dixi, maximè de Titularibus, ætate ordinandorum, seminario, & functionibus ordinum.

Die Sabbathi decimo, præsentatæ fuerunt in Congregatione litteræ Margaritæ Gubernatricis Handriæ, nomine Regis Catholici ad Synodum per Comitum de Lunâ, Oratorem Hispanum, & Episcopum Atrebatensem, quibus excusabat se quòd jamdiu non miserit Prælatos, commendans dictis litteris suis Atrebatensem, Iprensem, & Namurcensem cum Theologis, quæ lectæ quidem fuerunt, sed nullum responsum datus. Itaque mox Cardinalis Lotharingus sententiam dixit super abusibus, censens primum Canonem in aliud tempus rejiciendum, item de Titularibus, & ætate, quod nisi 23. anno fiant subdiaconi, aliàs omitatur Canon. De regularibus mendicantibus voluit rationem haberi, seminarium probavit, cum functionibus quæ brevius poterunt describi. Cætera placuerunt nisi de ætate quam in clericis esse quatuordecim annorum voluit.

Bracca-

Braccarenſis inchoandum eſſe dixit ab examine Epiſcoporum, quod niſi fiat, nescire ſe unde incipiendum, cum hic Canon & ſeminarium, ſint præcipuæ columnæ huius reformationis. Quod autem quibuſdam non placuit Canon 15. de abſolutè ordinandis, ut non ſit quis adſcribendus certæ Eccleſiæ, dixit Canonem optimum eſſe, functiones hoc loco tractandas cenſuit, & commodum eſſe ut functiones juxta veterem Eccleſiam in memoriam reducantur.

Hidrunſinus Canones primum & quartum rejiciendos putavit.

Jadrenſi non placuit præmium primi Capituli ibi in eâ re ſtatuenti, idè melius dici in Epiſcopis deligendis &c.

Pragenſis cupiebat exordium reformationis ſumi à probatione Epiſcoporum, & allegavit Epiſtolam Leonis I. 82. ad Anaſtaſium Epiſcopum, de formâ probandi Epiſcopos, ut etiam habetur in Capite Metropolitan. 63. diſt. ca. de perſonâ, 65. diſt. & in prin. diſt. 77.

De ſeminarium non placuit, ut cogantur ſumere Corpus Chriſti pueri cum non ſint adigendi, contrarium dixit Senonenſis, compelle, inquit, eos intrare.

Lancianenſis ſuper ſeminarium cuperet monaſteria in quibus ſtudia vigent, eximi.

Milopotamenſis ſuo mote riſum movit, cum ageret contra eos qui dixerant contra auctoritatem Papæ, & Cardinalium, quibus ſux Commendæ deberent manere ſalvæ & integræ.

Idem fecit Philadelphicus Titularis, Germanus, dum ageret gratias quod Titulares non tollerentur, inò eorum portio augetur, ſed poſtea nescio quid de his quæ Romæ ſunt venalia egit.

Die Dominicâ undecimâ Julii, inter alios ſententiam dixi, Canonem primum nullo pacto rejiciendum, licet propter argumentum examinis multis exoſum. Quod poſſet remorari Selliſionem proximam ab omnibus deſideratam, diſferendam in aliud tempus. Formula paucis tradita & pronuntiata à Sagiſenſi placuit. Titulares abrogandos eſſe, quod quia obtineri non poteſt ob multitudinem votorum, Canonem qui eorum reſtringit poteſtatem, retinendum eſſe.

De ordinandorum ætate, ut ſubdiaconi, non antè 23. annum ordinentur, ob cœlibatum annexum, juxta Cardinalis Lotharingii ſententiam, de paedagogis, ſcholæſtico, ſeu ſeminarium, exiſtimo melioribus conſiliis ſuccuſum eſſe non potuiſſe afflictiſ, & penè deploratiſ rebus Eccleſiæ; quoniam ſi primo quoque tempore gymnafia ubique ſtatuantur, quæ ſint ſeminarium ordinandorum miniſtrorum in Eccleſiâ, in quibus pueritia, quæ eſt ſeges omnium rerum publicarum, in timore Domini & diſciplinis Eccleſiaſticis educetur. Juxta formam C. 23. Tolet. 4. functiones reſtituendas omninò cenſeo, ut quiſque ſua ad quæ ordinatus eſt miniſteria exequatur, ne nuda ſint nomina, & in cæremoniis poſita maneant. Idem quoque agendum de functionibus dignitatum Eccleſiarum Cathedralium, Decanorum, Archidiaconorum, Primiceriorum, Cantorum, ſcholæſticorum aliorumque ſimilium, de quibus in C. *perleſis* 25. diſt. ubi quid ad unumquemque ordinem, etiam minorum ſpectat, declaratur, & quomodo hujusmodi gradus in curâ & ſollicitudine Archidiaconorum, Primiceriorum & Theſaurariorum dividuntur.

Die Lunæ Patres omnes & generales sententiam dixerunt.

Die Mercurii 14. à meridie in Congregatione generali Moronus Legatus proposuit Patribus, ut dicerent sententias super doctrinâ & canonibus de Ordine, de Residentiâ, & articulis reformationis abusuum, subdens primum Caput de examine Episcoporum dilatum in sequentem Sessionem, cum ageretur de provisionibus Ecclesiarum. Omnia omnibus placuerunt, præterquam Granatensi, Segobienti, Auriensi, Gaddicensi, Segobricensi, Lucensi, Vicensi, Coriensi, aliisque paucis qui dixerunt Canonem sextum de hierarchiâ Ecclesiasticâ, ordinatione divinâ institutâ non placere, nisi dicitur à Christo, vel Christi institutione. Paucis admodum Italis displicuit decretum de residentiâ, sed de ætate ordinandorum, Patribus non sic visum fuit, cum major ætas in illis requiratur, ex Conc. Const. quàm in sacerdotibus; deinde de functionibus paucis actum juxta formulam propositam. Postremò proposuit Sessionem differendam ad 16. Septembris, in quâ ageretur de Matrimonio & aliis quæ ad fidem spectare viderentur, & seriâ reformatione generali. Omnibus itâ placuit. Et sic soluta fuit præter opinionem Congregatio cum gratiarum actione.

Die Jovis verò 15. celebrata fuit Sessio in æde Divi Vigili, quæ est Cathedralis, præsentibus Legatis Morono, Hosio, Symonetâ, & Navigerio, Cardinalibus Lotharingio & Madrutio, Oratoribus tribus Imperatoris, duobus Regis Gallorum, Comite de Lunâ, Oratore Regis Catholici, Oratoribus Regiis Poloniæ, Lusitanæ, duobus Venetorum & altero Ducis Sabaudie & ducentis & octo præsentibus Episcopis, unâ cum Generalibus Ordinum, Abbatibus, Doctoribus &c.

Primum quidem celebravit Missam de Spiritu Sancto Episcopus Parisiensis. Finitâ Missâ, benedictione acceptâ, cum indulgentiis, Aliphanus, habuit Orationem in quâ in initio gratulatus est de die Sessionis, quòd post tantas dissensiones, Patres tam unanimes sint. Proposuit duo vulnera Ecclesiæ, & remedia; duo petit, ut dogmata dilucidè explicentur verbo Dei & traditione. Secundò ut mores ad pristinam ætatem revocentur, sed ut dixit nescio an simus adversariis meliores, chorus symphoniarum cœpit psalmum *exaudi*, & interim Legati adierunt faldistorium propè altare ad suscipienda vestimenta Pontificalia. Requiriti Episcopi cœperunt indui pluviali & mitrâ simplici, paratâ sede in medio altaris, ibi sedit Moronus Legatus, orate dixit Diaconus, flexis genibus oraverunt Patres, erigite, orate, erigite, Collecta. Evangelium, *Dixit Jesus Simoni Petro*; & alii Legati finito Evangelio, à suis sedibus iverunt ad altare sedentes, à dextris & sinistris Moroni, *Veni creator*, versus & collectâ, consuetis, benedicamus Domino. Tum Castellanus qui vices obijt secretarii, legit quoddam Breve quo eligitur Moronus Legatus loco Mantuani, & aliud quo Navigerius loco Scripandi, sub datâ vigesimâ Martii. Tum Orator Regis Poloniæ exhibuit suas litteras Legatis cum omni reverentiâ, quæ traditæ sunt Magistro ceremoniarum, & postmodum lectæ, ex suggestu unâ cum responso in auditione illius, deinde eodem modo lectæ fuerunt litteræ Ducis Sabaudie, cum procuratorio ad Synodum, & responso Synodi. Comes deinde de Lunâ exhibuit suas litteras Legationis, & litteras Regis Catholici ad Synodum, quibus Pium 4. vocat universalis Ecclesiæ, Pontificem Maximum, & responsum ad dictum Comitem, ankè tamen lectæ fuerunt litteræ Mariæ

Reginæ Scotiæ, ad Synodum, exhibitæ per Cardinalem Lotharingum tum responso. Litteræ autem gubernatricis Flandriæ Margaritæ non fuerunt lectæ, quia antè prolatae fuerant per Episcopos Flandricos, & exhibitæ per Episcopum Atrebatensem, in Congregatione Patrum.

Ascendit demùm suggestum Parisinus, & legit 1. doctrinam & Canones de Ordine, & auditis Patrum votis, dictum fuit à Legato, deindè à dicto Castellano omnibus placuisse, exceptis sex aut septem, qui petunt aliquam reformationem sexti Canonis, & octavi, & uno solo circa Canonem quartum.

Consequenter legit Decretum de residentiâ cum 17. Capitibus reformationis. Placuerunt omnia omnibus, præterquàm ut dixerunt idem Legatus & Castellanus, tribus super decreto de residentiâ, & 10. aliis qui in diversis Canonibus non-nulla adli vel immutari cupiebant, ideo dixit, Deo agendæ sunt gratiæ quam maximæ.

Tum coepit Canticum *Te Deum* &c. & sic soluta fuit Sessio, aliòquæ ab omnibus desiderata cum pace. Antè Canticum tamen indicta fuit Sessio proxima per Parisiensem ad diem decimum sextum Septembris, ubi agetur de Matrimonio, & aliis ad fidem spectantibus, & de reformatione generali. Quod omnes pii & Catholici votis omnibus efflagitant. Faxit Deus, ut his quoque aliquem det finem, & possimus revivere nostra ovilia.

Sessio prædicta coepit horâ nonâ, & finita fuit horâ 16. aut circiter, & sic per 7. horas duravit, & hac quidem per Dei gratiam liberati sumus ab onere disputationis super abusibus Ordinis in quibus colligendis, & reformatis deputati erant, Orator Polonus Episcopus in cujus adibus nostræ Congregationes fiebant, Patriarcha Venerus, Antibatenfis, Senonensis, Archiepiscopi, Episcopi Ilirienfis, Maceratenfis, Auriensis, Neocastrensis, Patmenfis, & ego Virdunensis. Sed Ilirienfis vix ter aut quater comparuit.

Canon primus ut diximus de examine Episcoporum in sequentem fuit dilatus Sessionem.

Die Dominicâ 18. Julii celebrata Missa de Spiritu Sancto, ob victoriam quam Rex Catholicus, obtinuit contra infideles, qui in obsidione oppidi Oran in Aphricâ, ab Hispanis comprehensi cæsi sunt circiter tria millia, captis tribus magnis machinis bellicis ab Hispanis. Aliphanus Orationem habuit exhortatoriam ad agendas gratias Deo pro hujusmodi victoriâ, quæ causâ erat conventus Episcoporum, & exorandum Deum ut armis Regis Catholici, faveat, qui tam meretur de Religione & sede Apostolicâ.

Die Sabbathi 24. inchoatæ sunt Congregationes ad dicendas sententias super Canonibus Sacramenti Ordinis, postquàm admissus fuit Orator novus Ducis Florentinæ, Episcopus quidam. Lectis litteris, & procuratoriâ illius sub plumbis per licentiam à Summo Pontifice. Dixit primus Cardinalis Lotharingus super Canonibus & magnoperè contendit irritanda esse clandestina matrimonia ob tot quæ ex iis sequuntur incommoda.

*Oratio (a) Oratorum Christianissimi Regis Caroli IX. Ferrerii & Fabri, habita mense Augusto, ortâ controversiâ de præcedentiâ.*

Cum videamus, Patres Sanctissimi, vos ex omnibus totius orbis Christianissimi Provinciis, conciliandarum de Religione controversiarum causâ in

(a) Habetur impressa in lib. cui titulus est: *Mémoires pour le Concile de Trenté* p. 485. Parisiis apud Sebastian. Cramoisy anno 1654.



hunc locum advenisse, idque maximè factum fuisse, diligentia, operâ, studio; Francisci & Caroli fratrum, Regum Christianissimorum qui apud Pontifices maximos, Regem Catholicum & ceteros Reges & Principes Christianos hanc Synodum œcumenicam primum promoverunt, non possumus non graviter & molestè ferre nostram legationem in ea tempora & angustias incidisse, ut cogamur aut re infectâ abire, aut antiquam Regis nostri dignitatem minuentibus assentiri. Quæ fuerit Regum Christianissimorum præ cæteris Regibus auctoritas, dignitas & prærogativa, norunt qui juri Pontificio & receptis in Ecclesiâ Rom. historiarum libris operam dederunt, sedisse autem & præcessisse in Conciliis Ecclesiæ generalibus, antiquis & novissimis, Regis Christianissimi Oratores, qui Conciliorum volumina legistis, non potestis ignorare. Qui verò Juris-consulti estis, negare haud licet hujus antiquæ & perpetuæ possessionis æquitatem & veritatem, cum sint plura conjuncta & necessaria consequentia Capita, vini in uno factam, in omnibus factam videri. Videtis autem, Patres Sanctissimi, & oculis cernitis, quod hodie sit adversus antiquissimam possessionem, contrâ omnia jura divina & humana, pupillumque Regem Christianissimum. Regis Catholici Oratores in Conciliis generalibus, post Regis Christianissimi Oratores semper sedebant & insedebant, Ecclesiasticarum Cæremoniarum honores accipiebant; immutata hodie res est, & Regibus Christianissimis antiquissima prærogativa adempta, non quidem à vobis, Patres Sanctissimi, qui si antiquum dignitatis & libertatis vestræ gradum retineretis, potius majorum vestrorum exemplo Regibus & Principibus avita Regna & Imperia, undè essent iniquè expulsi restitueretis, quàm antiquâ possessione quemquam moveri pateremini. Nihil item factum est hac in re à Serenissimo Principe Rege Catholico, cui cum Rege Pupillo quanta sit amicitia, eaque cum affinitate conjuncta, nemo est qui non intelligat. Quem igitur accusamus? adeo nos, Patres sapientissimi, hujus impietatis pudet, piget, tædet & miseret, ut si fieri ullâ ratione posset, auctoris nomini parceremus; quis enim adeo impius pater à quo si filius panem petierit, non ei panem det, si piscem, piscem, si ovum, ovum? Et tamen inventus est omnium Christianorum Pater, qui pro pane lapidem, pro pisce serpentem, pro ovo scorpionum filio primogenito dederit. Veneramus nos Galli esurientes & famelici petentes à Beatissimo Papâ, velut communi Patri, panem, non quidem naturalem, cujus non indiget Gallia, regio seracissima, sed illum divinum Angelorum & super substantialiam, cujus in toto serè orbe Christiano tanta fuit caritas, deinde inopia, ut vix unquam post Christum-natum major, ille verò non quidem dedit panem quem petebamus, sed scorpionum, cujus cauda uno ictu simul Regem Christianissimum & Ecclesiam Gallicanam sciret. Sic enim existimat Pius IV., qui dum prætexit unitatem & concordiam Ecclesiæ, aperta spargit dissidiorum semina, sperans hoc suo discordiæ pane, maximorum Regum benè compositam pacem facillè posse dejicere, unanimesque Reges fratres in prælia armare, & mutando per vim & scelus ordinem, quo semper & novissimè in Concilio Constantiensi & Lateranensi federunt Reges Christianissimi Oratores, ipse æquus, scilicet causæ suæ, judex & æstimator, manifestum facere, Papam esse supra Concilium, ausus est, sed errat toto cœlo, quoniam horum Regum amicitia altius radices egit, quàm ut isto levissimo vento evelli posse videatur. Nostra verò de decretis Concilii Constantiensis & Basiliensis,

& Basiliensis, ea semper erit constans & perpetua sententia, quæ de Concilio Ecclesiæ universalibus inter omnes Catholicos esse debet. Audierat & didicerat Petrus, aut ex statere in ore piscis invento, aut cum rogaretur Phariseus, cujus esset imago, aut cum dictum est, quis me constituit iudicem, aut ex responso matris filiorum Zebedæi, non esse miscendum psalterium cum cltharâ. Hic autem Petri successor, & non imitator, ausus est Regibus & Principibus, non solum novos honores, & prærogativas tribuere & præscribere, sed etiam veteres suo motu & voluntate mutare. Magna quidem fuit iure divino, gentium, & civili habita ratio filii primogeniti, qui non solum vivo patre inter fratres primum & præcipuum honoris gradum teneret, sed etiam defuncto, hæreditatis paternæ maiorem partem cerneret. Hic autem Pius 4. non existimat Regem Christianissimum Ecclesiæ Catholicæ filium primogenitum ulla in re præferendum cæteris Regibus, qui longo post illum tempore, suo præsertim exemplo, & operâ Ecclesiæ Catholicæ nati sunt. Fuit certè Regis Salomonis & quorundam Judææ Regum magna impietas, & gravissima scelera: verum noluit Dominus ob Davidis memoriam, & egregia ejus in Ecclesiam merita, quamdî Salomon vixit, de regni amplitudine, de dignitate, & auctoritate, quicquam detrachere: Neque duas illas tribus, quibus Reges Judææ imperabant, omnino perdere. Pius autem quartus nullâ habitâ ratione meritorum in Ecclesiam Romanam; Pipini, Caroli Magni, Divi Ludovici, & aliorum Galliæ Regum, qui ipsam Romanam Pontificis sedem, & omnem quem habet Ecclesiâ Romana reditum, & multò maiorem quem nunc possidet, inunificè & tam largè donarunt, Primatum in Ecclesiâ Occidentali & Imperium Pontificibus Romanis concesserunt, ipsos urbe profugos, & exules in suam sedem, & dignitatem sæpè restituerunt, carcere detrusos exemerunt, sanguinem toties pro Sedis Romanæ amplitudine fuderunt, bellum sacrum instaurarunt, consecrerunt: quodque intolerabilius est, eo tempore quo Regina Christianissima pupilli Regis mater in periculum adduxit tanti Regni Imperium, ob hanc solam causam ut posset Ecclesiæ Romanæ auctoritatem in Galliâ factam, rectam conservare, iste inquam Pius 4. crudeliter ingratus, præscam Regibus Galliæ prærogativam, & honorem, quæ semper fuerunt Regibus charissima pignora, suo decreto abstulit. Noluit Deus prius judicare quàm descendisset & vidisset: prohibent Pontificum & Imperatorum constitutiones, jure-consultorum responsa, quemquam indictâ causâ condemnare, vel pronuntiare de re quæ in controversiam & iudicium deducta non est. Hic autem Pius 4. contemptis omnibus legibus divinis & humanis, non solum de plano aut per libellum, sed sine ulla omnino edictione, confessione, vel cognitione Regem condemnat. Maledictus (inquit Dominus) execratus, incoelix; insaustrus, aut si quod aliud vocabulum latina lingua habeat, quo Ebraici nominis vim significet, qui movet limitem proximi sui, & dicit omnis populus amen. Magna fuit etiam inter Barbaros homines reverentia longissimæ possessionis, quæ semper vim constituti, juriq; legitimi auctoritatem habuit. Jura denegant omnino actionem adversus eum qui longo tempore possedit, & auctorem jure, vel injuriâ à limine iudicii repellunt. Hic autem Pius mutare sedes, & antiquas possessiones, deque illis possessores deicere nihilum quidem esse putat. Sæpius Deus per majores & minores Prophetas commendavit, Principibus & iudicibus pupillorum & viduarum

Hhhhh

causam, nihilque est in toto jure Civili in quo tanta judicendi religio desideretur, quàm in condemnando pupillo. Noluerunt Paulus, Sanctissimæque Ecclesiæ decreta, quæquam excommunicare nisi ob magnam in gravissimo delicto contumaciam; abstinerunt præci Patres & Pontifices à quibusve decretis faciendis, interea dum sedebat, & coacta erat Synodus Oecumenica, penes quam semper fuit summa Ecclesiæ potestas, aut si quid aliquando constituerunt, id sacro probante Concilio definiebant. Nihil est quod Dominus noster Jesus Christus magis curaverit, quam ut suæ & discipulorum actiones essent omnibus manifestæ, perpetuæ, & cognitæ, hic autem Pius ut uno decreto omnia jura divina & humana confunderet, vobis Patres, in Concilio universalis legitime congregatis, & qui Ecclesiam universalem merito repræsentatis, ausus est Romæ de Regis pupilli, Oratorum causâ qui ad vos tantum, & non ad illum mittuntur, possessione, prærogativâ, inconsulte pronunciare, pupillumque Regem non solum non auditum, sed nec vocatum quidem condemnare. Atque ut nulla in hoc decreto iniquitas desiderari posse videretur, & nos Oratores imparatos executio offenderet, non solum cavet diligenter, ne quis nostrum de eâ re quidquam resciret, sed etiam vos, Illustrissimi Legati, si contra faceretis, id est si id faceretis quod sine æsario scelere non facere non poteratis, excommunicavit. Videte, rogamus, Patres Sanctissimi, qui Theologiæ, juri Civili, & Pontificio operam dedistis, num verissimè hoc dici possit, ita quidem vis est, num hæc sunt Petri, Lini, Damasi, Gregorii, aliorumque summorum Pontificum facta & gesta? Num Pium IV. pro summo Pontifice & Petri successore habere debeat Gallia, qui ut antiquam dignitatem & majestatem Pupilli Regis minueret, omnia divina, & humana jura pervertit? num nobis, & si ingratisimo animo iusta, tamen & necessaria causa hinc discedendum sit, ubi nullum legibus locum, nullum antiquorum Conciliorum vestigium libertatis Pius IV. reliquit? quid enim vobis judicandum proponitur, aut à vobis judicatum publicatur, quod non prius Româ missum, & Pio IV. placuerit? quàm putatis aliam esse causam toties dilati & procrastinati judicii petitionum nostrarum, quam quod ille ex Epistolâ Adriani VI. Pont. Max. optimè noverat, curatis quantumvis morbis corpus sanum esse non posse, nisi etiam caput diligenter curetur? huic tamen capiti quæ quantaque immincant, in aliud tempus dicendum reservamus. Hic est igitur Pius IV. ad quem solum hominem præsens hæc nostra denuntiatio & protestatio pertinet. Sedem Apostolicam, summum Pontificem, Sanctam Romanam Ecclesiam, pro cujus dignitate augendâ majores nostri sanguinem fuderunt, & hodie adhuc in Galliâ acriter pugnatur, veneramus, suscipimus & maximè ad cælum laudibus efferimus: Pii autem IV. imperium detestamur, quæcumque sint ejus judicia, & sententias rejicimus, respicimus & contemnimus: illum pro Vicario Christi, pro capite, pro Petri legitimo successore aspernamur & rejicimus; & quanquam, Patres Sanctissimi, vestra omnis religio, vita, eruditio magnæ semper fuit & erit apud nos auctoritatis, cum tamen nihil à vobis, sed omnia magis Romæ, quàm Tridenti agantur, & hæc quæ publicantur magis Pii IV. placita, quàm Concilii Tridentini decreta jure existimantur, denunciamus, & testamur, quæcumque in hoc Conventu, hoc est Pii IV. motu decreta sunt & publicata, decernuntur & publicabuntur, ea neque Regem Christianissimum probaturum, neque Eccle-

siam Gallicanam pro decretis œcumenicæ Synodi habituram. Interea quotquot estis Galliæ Archiepiscopi, Episcopi, Abbates, Oratores, Theologi, vos omnes hinc abire Rex Christianissimus jubet, redituros ut primum Deus opt. max. Ecclesiæ Catholicæ generalibus Conciliis antiquam formam & libertatem restituerit, Rex autem Christianissimus debitum dignitatis & majestatis suæ locum receperit. (a)

**D**ie septimâ Septembris cœperunt Congregationes ad dicendas sententias super canonibus de matrimonio, & reformatione, circa hujusmodi matrimonium reformatis, à suprâdictis Deputatis.

Eodem die receptus fuit Orator Ordinis militum Hierosolymitanorum, & exhibuit literas ad Synodum & procuratorium generalis Militiæ, quæ omnia lecta fuerunt; deinde habuit Orationem prolixam, & responsum lectum fuit coram eo, & sic fuit admissus cum protestatione ut nullum fieret præjudicium Patriarchis, Archiepiscopis & Episcopis, & sedit post Oratores Clericos.

Die octavâ Nativitatis Beatæ Mariæ Virginis F. Francisquius, Italus, concionatus est apud Divum Franciscum, præsentibus Cardinalibus Lotharingo & Madrutio, & Episcopis multis, qui copiosè suo more, eloquentet & cum magnâ verborum copiâ, de laudibus Virginis dixit, de natalibus maximè, Regali ex progenie & cum apostrophe ad nobiles hodiernos, qui vix honoris & virtutis umbram retinent. Non carebat gestulationibus capitis, manuum & totius corporis, quæ tamen mihi non improbantur, cû ex animo loqui videretur, & ea sit apud Italos recepta consuetudo.

A meridie ejusdem diei, cû non fuisset Capella in Congregatione, sententiam paucissimis dixi super præfatione, canonibus, de Sacramento matrimonii, & reformatione, & de decreto super clandestinis matrimoniis.

Die 17. ejusdem mensis, dixi sententiam, ut sequitur.

Et si (Patres Sanctissimi) decreta de reparandâ disciplinâ Ecclesiasticâ sint quidem præclara, non sunt tamen hujusmodi ut præfatos illos mores in integrum restituant, quod ut fiat omninò necesse esse mihi persuadeo, ut jamdiu desiderata velut postliminio inter Christianos redeat concordia. Sedulo certè res agitur ab Illustrissimis Legatis, & laudandus eorum animus,

- (a) Hanc orationem à Ferrerio Caroli IX. Regis Galliæ Legato, recitatam, vel potiùs paratam fuisse narrat Pallavicinus l. 21. hist. Conc. Trid. c. 10. non mense Augusto, sed initio Julii. Vehemens illa quidem est oratio, vehementior tamen fuit Cardinalis Lotharingi allocutio ad Legatos Pontificios quibus assidebat, affirmans, inquit Pallavic. ibid. c. 8. Disertum esse Regis mandatum provocandi coram Synodo & contestandi adversus Pium tunc Pontificem, quem ipsi haud legitimum existimabant, aientes illum per simoniam electum fuisse & penes Galliæ Reginam esse litteras Pii manu conscriptas, id comprobantes .... ubi etiam legitimus fuisset Pontifex, ab eo provocaturos, tamquam à Pontifice tyrannico qui deponi merebatur, ex notoriâ injustiâ quam exercebat, dum antiquâ possessione spoliabat Regem pupillum & innocentem, ne audirâ quidem illius causâ, adeoque se dejectum iri ab obedientiâ Pii. Hæc Cardinalis Lotharingus ad terriculamentum dixit Legatis, sed nunquam de violatione libertatis suffraginrum, conquestus est cum Ferrerio, nec omnia Romæ, magis, quàm Tridenti placita & decreta agi asseruit, imò nec asserere potuit testis & conficius ipse summæ in opinando libertatis.

sed quid tot tantisque opus est decretis, sufficeret, si unus aut alter Canon adderetur, maxime cum Concilio & Pontifici Maximo unus sit scopus, Christi gloria, unumque decus & splendor Ecclesiæ, nempe ut antiqui Canones quantum fieri potest in usum revocentur, inviolabiliter ab omnibus observentur, ut ne latum quidem unguem ab eis discedere liceat, nisi vel summa necessitas, vel evidentissima urgeat alicujus Ecclesiæ utilitas. Nam *quamdiam* (ut dum ageretur de electione Episcoporum jam dixi) Canones à *præfiscis & Sanctissimis Patribus* pro scelici ordinis Ecclesiastici regimine conditi, observati fuerunt, floruit in Ecclesiâ Dei, honestas, disciplina, religio, pietas & pax: Neque ulla ratio inveniri potest firmitior & validior opis ferendæ labenti Reipublicæ Christianæ, quam si veteris disciplinæ, sacra jaciatur ancora: Quod quidem ut fiat cupiunt Catholici quique, dicam tamen quid de articulis hujusmodi propositis sentiam. Non erit etiam ab hoc nostro instituto alienum, si postea-quàm ea attulerimus ad quæ sunt cogendi Episcopi, Sacerdotes, alique Ecclesiæ ministri, ut præfisci in usum revocatis moribus, suum accurate munus exercent, simul etiam ea proferamus quibus aliundè non parùm impeditur quominus hujus Sanctæ Synodi salubria statuta liberè observare possimus, ut de his quoque eadem Sancta Synodus ferio provideat juxtà formam Can. 36. quem secundum locum obtinere, unâ cum aliis Sanctissimis Patribus obnixè peto atque postulo.

Antè omnia corrigenda sunt quæ malè aguntur in Dei Ecclesiâ, tam in Capite, quàm in Membris, maxime ab Ecclesiasticis personis, quæ sunt aliorum lumen & lucernæ super candelabrum posite, cum vitiato fonte, non possint nitidi manare rivuli, & male affecto capite non benè sit membris, ut quam Deo & Ecclesiæ debeo fidem liberem reformationem Capitis fieri imprimis debere existimo, Cardinalium, Episcoporum ex quibus salus aut exitium gregis Domini pendet. In Canone I.

*De provisionibus Ecclesiarum Cathedralium & Episcoporum præficiendorum, ac Cardinalium qualitatibus.*

**H**Æc materia dum discuteretur semper visum fuit restituendas esse canonicas electiones, à quâ quidem sententiâ recedere non possum.

In præficiendis fiat examen serium & rigidum à Metropolitano Provincia, edant specimen ingenii, faciant professionem fidei juxtà C. *Episc.* & Capitulum vacantis Ecclesiæ, si quid habeat adversus promovendum, excipiat.

Quoad verba Capitis supradicti (nihil in iis pro præfenti temporum ratione innovando) potius mihi placeret dicendum (nihil in illis antiquis canonibus derogando, vel canonicis electionibus) quas Sancta Synodus in integrum votis omnibus restitui optaret. Reformanda Ecclesia in capite & in membris, ut ceptum in Conc. Constant. & Basil. licet non ubique approbato, quod bonorum omnium votis maxime expetitur.

Item inhærendo vestigiis Cardinalis Lotharingii, mallem omitti (quodcumque jus) ne tacite videatur Synodus Principum nominationes approbare, ex quibus omnis fundi Ecclesiastici calamitas manavit.

Difficet verbum (providere) habitâ ratione præfentis temporis, quod omnis Ecclesiarum majorum provisio ad Sanctissimum spectare cernitur, salvo

salvo semper electionum jure & Metropolitanorum, ad quos ex Conc. Nic. Episcoporum spectat confirmatio.

(Digniores) placet dici, cum, ut dixit Gra. vix scienter pratermitti possit dignior absque peccato. Hoc idem sentire videtur Hieron. in Nam. nulla consanguinitatis ratio, nulla propinquitatis contemplatio facere debet hoc ut populi gubernatio, alii quam meliori tradatur.

Semper placuit examen fieri in Episcoporum institutione, cum etiam & illud in inferioribus exigamus, ut dictum est à Cardinali Lotharingio. Eò maxime quò hic ratio examinandi si non poterit institui, quomodo in Concilio Provinciali, juxtà Hyduntinum. Quod si impetrari non queat, saltem hic dicatur, examinatores Episcoporum in provinciis deputandos. Forma examinis hic præscribenda, quomodo examinandi, habetur C. *Episcopus* 23. dist. Ca. *omnes psallentes* 38. dist.

Clausula (etiam Cardinalium) deleatur, nisi fortè scorsum Canon de Cardinalibus edatur, juxtà sententiam Cardinalis Lotharingii, Jadien. & Bracharen. quod ordinis Cardinalitii magnitudo postulat, ut de eorum qualitatibus & munere agatur, ex quibus eligitur pastor universalis Ecclesiarum totius mundi.

## CANON II.

### *De Conciliis Provincialibus & Episcopalibus.*

**P**Risca illa & tandiù expectata Ecclesiæ disciplina mox restitueretur, si imprimis optimos & selectissimos haberemus Episcopos, quales C. 1. exigat: deindè Episcopalia & provincialia Concilia celebrarentur. Quare decretum istud mihi magnoperè probatur: cuperem tamen explicari qui votum habent decisivum, propterea quòd vidi magnam hac de re controversiam in Concilio Trevirensi, dum præfens essem anno 1548.

Displicet clausula, (vel contra statuta suorum ordinum) & alia (nec Capitulis generalibus subdantur) ne hac ratione Capitula Cathedralium quæ tot annis generalia quæ vocant Capitula celebrant, eximiantur.

Loco, *placet Sanctæ Synodo* vellem uti verbis efficacioribus juxtà Cardinalem Madrutium, vel saltem diceretur *præcipit*.

Nec placet clausula (in reliquis omnibus prædictorum exemptio, & privilegia salva permanent.)

Quamvis autem antiquis constitutionibus, ut in Con. Nic. C. 3. Antioch. C. 20. Calced. C. 29. frequentius celebrari jubeantur provincialia, hoc tamen decretum placet juxtà Basil. & Lateran. novissimum, triennio quolibet tantum saltem celebrandum. In quo Comprovinciales soli sunt iudices; Capitula & Abbates, vocantur quidem, sed ad tractandum & consulendum, non autem ad judicandum.

## CANON III.

### *De vifitatione Episcoporum, Archiepiscoporum, Archidiaconorum, & eorum officio &c.*

**Q**UOD autem dictum est, si Metropolitanus reperiatur Episcopum notoriè hæreticum, fornicatorem, dilapidatorem, aut ignorantem, malim hunc accusari in Synodo in quâ cum certo Episcoporum numero priùs ju-

dicetur. Hoc valdè probatur quod si Metropolitanus visitans reperiat aliquem Episcopum notoriè hæreticum, aut scandalosum, præviâ denuntiatione Evangelicâ, informatione desuper factâ, ad Sanctum transmittat juxta sententiam Cardinalis Lotharingii.

Nomen (*visitalia*) non placet.

Est autem Episcopo tota sua diligentissimè obeunda diocesis, & ut hoc fiat, vicariâ non est utendum operâ, nam cum sit juris divini pascere gregem sibi commissum, procul est expellenda illa non-nullorum opinio, qui existimant satis pascere, qui pascit per alium, & optarem juxta sententiam Varmienfis ut sine sumptu plebes suas Episcopi visitarent, exemplo Apostoli: Sum expertus Dei gratiâ, quantum profit hujusmodi visitatio, quæ animas tantum quaerit, non victum, aut latam, aut quicquid aliud præter salutem. Dum anno uno, serè octoginta millia hominum confirmavi, exceptis parvulis, quanquàm visitatio mea ad hunc scopum non esset instituta, sed tantum ut agnoscerem vultum pecoris mei.

#### C. IV.

##### *De officio Episcopi, & Curati in predicatione verbi & instruendis pueris.*

**P**Lacet præter clausulam (*nullus autem secularis, sive regularis, etiam in Ecclesiis suorum ordinum, contradicente Episcopo, prædicare præsumat*) cum satis sit provisum sub Paulo III.

Nec placet, ut Parochi per se, vel alios, quotidie vel saltem tribus diebus hebdomadæ, Adventûs, Quadragesimæ, & jejuniorum cogantur prædicare; hoc enim rigidum videretur, cum Parochi sit officium sacrorum administratio in quâ frequentius occupatur. Placet adnotatio Cardinalis Lotharingii, ut spectacula impudica & nundinæ in diebus Dominicis prohibeantur, etiam Tabernæ tempore Concionis.

#### C. V.

##### *De causis criminalibus Episcoporum.*

**C**Anones antiqui statuunt ut causæ Episcoporum discutiantur & decendantur in Conciliis Provincialibus, adhibitis saltem sex Episcopis, si numerus antiquorum Conciliorum non retineatur.

Quod si à majori parte obtineri non poterit, non displicebit decretum, modò causæ, non-nisi Episcopi admittantur. Commissio manu propriâ describatur, & procedatur juxta formam C. Lat. in C. qual. & qu. & ejus Conc. sub Jul. 3. Sess. 3. C. 6. 7. & 8. qui si fieri datur, legantur.

Quoties Episcopus accuiatur, in provinciali Synodo, prius audiatur ex antiquis Canonibus. Jul. 1. in Epistola contra Orient. pro Athanasio C. 17.

Nullus Episcopus extrâ suam provinciam ad judicium evocetur, ut ab omnibus Comprovincialibus audiatur, qui supremam proferant sententiam. Propterea Metropolitanus est judex ordinarius suæ Provinciæ.

Ultimò probare non possum ut per aliquam inquisitionem agatur contra Episcopos, ut fit in non-nullis Provinciis.

## C. VI.

*De Exemptione & Correptione Canonica.*

Argumentum placet, verum maturius hic providendum arbitror, ne major exciteretur tragoedia, utar verbis Cardinalis, nulla sanè gravior pestis in Ecclesià Dei esse potest, quàm si eximantur Canonici ab Episcopis. Possem abundè testari quanta ex his incommoda nascantur, quæ prudens taceo; habitâ tamen ratione temporum, an expediat hujusmodi exemptiones absolutè & simpliciter tollere, dubito; nili quòd non possum non probare sententiam Hidruntini, qui exemptiones ex fundatione tolli noller partibus inauditis, ne majores exciterentur controversiæ: cupere tamen, ut exempti tales ex fundatione, exhiberent titulum suæ fundationis, intra annum, alioquin nullius ampliùs essent momenti, & quòd in his ad unguem servaretur Constitutio Lateranensis Concilii sub Innocentio III. cui initium est *Irrefragabili*. Quòd si majori parti visum fuerit penitus è medio tollendas esse, habeatur tamen ratio animadversionis Cardinalis Lotharingii, ut jus commune servetur, neque alteri, sine alterius consilio agere liceat quicquam, imò ut mensa sit communis, ut sint corpus unum, & anima una. Ut adhibeatur remedium super hujusmodi exemptionibus mover auctoritas Smi. illius Poli Cardinalis, qui cum aliis Deputatis, inter abusus decrevisset hujusmodi exemptiones, ut videre est in quodam libello. Olim Episcopi & Clericorum, unum fuit velut corpus, cujus caput erat Episcopus, dicti autem sunt Clerici, Canonici quòd canonice viverent, quamvis verbum Canonici non reperitur præterquam in Conc. Laod. C. 14. & Concilii Magun. tempore Caroli Magni, quo tempore adhuc in communi vivebant; postea verò cum communio pareret discordiam, visum est bona Ecclesiarum inter Episcopos & Clericos dividi. Hinc factum est, ut nihil postea habuerit Episcopus commune cum Canonicis, adeò etiam ut distincta esset eorum jurisdictio, & eò usque res processit, ut in plurimis locis Episcopus in eos nullam haberet jurisdictionem, essentque omninò exempti, ita ut eos visitare non liceret, quod à Concilio abrogandum est. Et certè ut ingenuè fatear, semper exotas habui istas exemptiones, ob multa scandala & incommoda ex illis provenientia; si quidem illis ordo universalis destruitur & confunditur status, honor, gradus, & potestas superiorum parvi aut nihili penditur, tolluntur obedientia & reverentia quas exempti suis exhibere debent Ordinariis. Quid plura eas censeo juri divino ex diametro contrarias & oppositas, *bonora patrem* & an quorsò filius audiendus esset qui vellet se eximere ab obedientiâ patris. Deindè quam reverentiam & obedientiam impendent laici Episcopis, si Canonici in eos sint irreverentes. Quod expertus sum dum in Ecclesià prohiberem deambulationes in sacra solennia & multis in aliis casibus. Correptiones excessuum, hujusmodi exemptionibus etiam impediuntur & fit universalis Ecclesiæ summum præjudicium, cum nonnisi à Papà judicandi sint exempti, qui valdè remorus ab eis existit. Tollitur jus Ordinariorum qui propriè vocantur Diocesani. Fovetur per hujusmodi exemptiones, rixæ, contentiones, scandala aliaque inaudita mala, cum per impunitatis audaciam reddantur iniquiores quidam, & suis abutantur privilegiis, idque nemo melius scit, quàm qui continuo residet.



Tollantur igitur omnes exemptiones purè & simpliciter, ita ut omnes & singuli Clerici seculares, etiam Canonici, aut cujusvis dignitatis personæ omnino in civilibus & criminalibus subdantur Episcopis, etiam Officiales Apostolici & Capellani, modo tamen actû sua officia non exerceant: Et de cetero non concedantur amplius exemptiones.

De exemptionibus memini tempore Julii III, transmissos esse à Carolo V. ad Cardinalem Crescentium quosdam articulos reformationis, in quibus inserta erant quædam impedimenta, quæ Ordinariis in gubernatione suarum ovium inferebantur, quorum unus erat supradictum remedium. Nempe ut tollerentur exemptiones purè & simpliciter; an verò sic expediat his temporibus ex abrupto & absolute eas tollere, adhuc sum anceps, cum sciam multa Capitula exempta omni virtutum luce clarescere.

## C. VII.

*De absolute in casibus Sedi Apostolica reservatis.*

**D**Eletî cuperem verba novissimè adjecta (*provenientibus ex delicto occulto*) cum modica esset potestas Episcopis concessa in occultis absolvendis, ut dixit Granatensis. Et verba illa (*ubi nulla est, vel fuerit probatio*).

## C. VIII.

**Q**uid agendum in administratione factorum placet & hoc quidem in Diocesi nostrâ observari cepit.

## C. IX.

*De publicâ Penitentia.*

**C**uperem ut in criminalibus publicis, penitentia publicæ usus in Ecclesiâ revocaretur, & præbenda una in qualibet Cathedrali esset impostitum Penitentiatio addicta (juxta sententiam Cardinalis Lotharingii) qui esset Doctor in Theologiâ. Cuperem etiam ut duæ præbende saltem assignarentur duobus Theologis, quorum unus sacras litteras interpretaretur, alter singulis Dominicis diebus concionaretur, maxime in Cathedralibus insignibus, in quibus sunt plusquam quadraginta Canonici, ut in Virdunensi, quæ est potius referta curialibus, quam doctis & piis.

## C. X.

*De visitatione beneficiorum & exemptorum & nullius Diocesis.*

**P**lacet, verum exceptio illa (*ordinum regularium*) non placet, nisi ita expresse dicatur (*nisi illorum ordinum sint in quibus viget disciplina regularis, & quot annis celebrantur Concilia generalia, & quod nihilominus Episcopi tanquam Apostolicæ Sedis delegati possint visitare monasteria illorum Ordinum quorum Generales longius absunt, neque quot annis visitant*).

## C. XI.

*In materiâ correctionis aut visitationis non sit locus provocationi aut inhibitioni.*

**C**lausula (*subditorum suorum*) non placet, mallemque dici gregis Dominici.

## C. XII.

## C. XII.

*De privilegiis quorundam officialium Romanæ Curie.*

**S**I habenda sit ratio militum Hierosolymitanorum juxta Oratoris petitionem, non displicebit, ut personarum eorum, & monasteriorum in quibus in communi vivunt, privilegia ferventur tantum, nullo verò pacto faciendum, ut parochiæ Commendis illis unitæ eximantur. Juxta Bracharen. hoc Decretum videtur Synodo indignum, dum videtur protonotarios aliosque officiales Curie Romanæ canonizare, ut dixit, Senonensis.

## C. XIII.

*De dignitatibus Ecclesiarum & Canonici.*

**D**Eleri cuperem verba (*ut saltem sex, & clausulam per eſſo*) non enim debent esse melioris conditionis quam Episcopi, quibus tantum duo menses conceduntur.

Item valdè rigidum mihi videtur, ut dimidia pars Canonicorum sint Doctores aut Licentiat. Et post verba (*ut, meritis senatus dici queat*) vellem infereretur *aut alibi, loco commodiori*. Clausula quod Canonici in elevatione Corporis Christi genua flectant, non obstante quavis contrariâ consuetudine, quæ potius corruptela censenda est. Ubi de Canonicis agitur, fiat mentio duorum Canonicorum, qui in Episcopi servicio sint, ut in absentia, fructus præbendarum percipiant. Juxta C. *ad audien. de præben. & dignit.*

## C. XIV.

**D**E unione & divisione Episcopatum, ubi dicitur (*in quibus viget disciplina regularis, vel quæ Capitulis*) vellem dici copulativè.

§ *Imposterum* non placet, ut lex in futurum protrahatur, ut quam aliis ferimus legem, ipsi pariamur. Et ut dixit Cardinalis Lotharingus, providetur pauperibus Episcopis. Placeret mihi juxta Granaten. decretum de pensionibus seorsim edî in quo ageretur quomodo, & quibus ex causis pensiones creati debeant.

Item loco verborum (*adhibito Regis consensu*) vellem dici, juxta Senonensem, vocatis his quorum interest.

Non admodum placet magnos Episcopatus dividi, nisi subsit causa, quam Sanctissimi judicio censeo relinquendam.

## C. XV.

*Nulla conventio aut conditio interveniat in beneficiorum collatione aut possessione.*

**P**Lacet, sed hic subicere nequeo, quod Græculus ipse cum in Episcopos Gallos tam acerbè ageret, quam perperam monasteria illis ex dispositione Apostolicâ commendata negans, eaque passim ruinam minari asserens, ipse trabem in oculo nostro conspexerit. Si sortè in commutandis Episcopatibus nulla intervenit pactio, conventio, aut promissio ipse videat, priusquam fratres suos tam præcipitanter judicet. Quem cum charitate admonitum velim, aliquando rectum facturum se, si prius ex evangelio didicerit, ex oculo suo trabem tollere, quam festucam in Clerico repre-

Kkkk

hendere. Neque arbitror te Rme. Græcule, quā es prudentiā, quod hīc dico, iniquo posse animo ferre, cūm dicat Sapiens, *argue sapientem & diliges te*. Id autem quæso ex meā charitate factum existima, quā senilem tuam ætatem complector.

## C. XVI.

*De unionibus beneficiorum simplicium cum præbendis.*

**P**lacet, nisi quod vellem expungi clausulam, (*non tamen regularia*) & similes clausulas, quæ passim serè in hujusmodi capitibus inseruntur, cum de his nobis aliquandò auxiliante Deo sit dicendum; & de abusu exemptionum hujusmodi Ordinum Regularium.

## C. XVII.

*De Oeconomo instituendo sede vacante.*

Placet, sed deleantur (*aut exempta*.)

## C. XVIII.

*De tollendâ pluralitate beneficiorum.*

**L**iberius loqui possum qui neque Commendas, neque Parochiales, neque pensiones Dei gratiā habeo, et si constitutiones Concilii Lateran. sub Inn. III. in C. *de multa*: Lugd. sub Gregorio X., Lateranen. sub Leone X. & hoc idem Concilio abundè videamus de refræmandâ sacerdotiorum pluralitate, tamen remedia adhuc non profuerunt ob crebras dispensationes, quæ cum ex causâ tantum concedendæ erant, passim & ubique hætenus serè non sunt denegatæ; nullum puto decretum adeò necessarium atque hoc ipsum decimum octavum sit, cujus, ut dixit Granatensis, præcipuus scopus est, ut decretum illud de residentiâ à Spiritu Sancto suggestum exactius observetur. Undè non possum tam pium & antiquis Canonibus consonum non amplecti & veneranter suscipere decretum, quo sacerdotiorum multitudo tollitur, magis autem placeret si ad parochiales Ecclesias tantum non restringeretur, sed nullâ habitâ Curatorum & Simplicium ratione, caveretur ne quis duorum personam gereret, cum nullum detur beneficium, nisi propter officium, quod & in sæcularibus magistratibus servari cernere est; neque detur licentia, ut intra annum resignent, sed duo tantum, aut tres menses concedantur.

Quod autem annotavit idem Illustrissimus Cardinalis circa § *illi verò* usque ad verba *susâ conscientiâ*, non placet, cūm repugnare videatur cum residentiâ. Itaque audiendi sunt qui tenent monasteriorum minorem esse habendam rationem, quàm beneficiorum quæ adjunctam habent curam animarum: quasi verò non sint etiam rationis participes antè dicti Monachi, quorum exitium de manu Commendatariorum Deus requisiturus est, si eorum culpâ acciderit. Mature itaque de re tantâ censeo deliberandum, quæ tanti est momenti, ut ex eâ vel reformatam, vel planè deservatam habituri simus Ecclesiæ disciplinam.

Beneficia Curata quibus cura animarum annexa est, Simplicia quibus ista cura non est annexa, sed aliquod aliud officium, omne autem beneficium tam Curatum, quàm Simplex requirit residentiā nisi causa ratio-

nabilis excuset, sicut Canones permittunt servitoribus Papæ, & Episcopis occupatis officio beneficii, prædicando, studendo, & similibus. Ut habet Clingius.

Dispensatio beneficiorum duo exigit, justam necessitatem, quæ duplex est, nempe Ecclesiæ, propter defectum personarum, & personæ propter tenuitatem, & paupertatem beneficiorum non sufficientium ad congruam sustentationem personæ, in quâ attenditur ejus status & meritorum prærogativa, 2us. propter piam utilitatem, quæ est commune bonum Ecclesiæ, alias dispensatio nulla excusat pluralitatem beneficiorum à culpâ mortali.

## C. XIX.

*De ratione providendi Parochialibus & examineribus deputandis.*

Summoperè probatur, cum præcipua capita reformationis, sint habere bonos Episcopos & Parochos. Vellem etiam, delerentur verba (*per edictum publicum vocentur*) & aliquid adderetur juxta annotata dicti Cardinalis Lotharingii, qui citavit Gregorium ad Januarium.

## C. XX.

Canon 20. placet, nisi quod vellem expressam fieri mentionem de creationibus in Canonicum, quas quotidie Curiales impetrant in partibus obedientiæ, maximè verò Metis, Tulli, & Virduni, quas mallem concedi Theologis quorum opera longè magis est necessaria, quibus quotidie est negotium cum vicinis parùm Catholicis, atque utinam Sanctitas sua probè nosset morbum Ecclesiarum nostrarum in extremis laborantium; certè huic morbo pharmacum adhiberet pro suâ pietate necessarium. Cum in Concilio non sit tacenda veritas, experientia rerum magistra me à 15. annis docuit quibus assidue in Ecclesiâ resideo. Scio quid agatur in Ecclesiis Metensi, & Tullensi, & quantoperè sint noxiæ illæ gratiæ, quæ ansam præbent malis captandæ aliorum mortis. Præterea Mandata de providendo, Gratia Expectativæ, Reservationes etiam mentales, unâ cum dispensationibus quas Bernardus non dubitavit vocare dissipationes, Coadjutorii, nempe ex quibus aliquis sit hæres viventis, Commendis perpetuis, quibus oves lupis commissas esse dicas, Permutationibus beneficiorum, Renunciationibus in favorem, Reservationibus fructuum, Regressibus & Accessibus, quibus introducta est in beneficiis quadam perpetua successio, gravissima Reipublice vulnera imposuere. Atque utinam Pontifici persuaderi posset, ut non à veteribus discederet Canonibus, nisi summa urgeret necessitas, vel evidentissima alicujus Ecclesiæ utilitas. Super est unum quod postulo post Patriarchas Hierosolimitanum & Aquileiensem, ut secundum locum obtineat in Capitulis reformationis Canon ille ab omnibus desideratus, de tollendis impedimentis Principum, de quibus iustissimam habeo conquerendi ansam. Inferatur etiam in hac eadem reformatione decretum de juramento Magistratum præstando, de quo Patres in præcedenti Sessione sententias dixerunt. Hæc omnia calculo Synodi submissa sunt.

## C. XXI.

Canonem 21. imprimis amplector & suscipio, cum nihil sanctius statui possit maximè in Ecclesiis transalpinis, quam ut lites in partibus de-

finiantur, neque ullâ appellatione, aut inhibitione factâ (quæ apud nos sunt frequentissimæ) ad curiam evocari queant. Causas tamen majores juxta Senonen. ad Sedem Apostolicam deferendas censeo. Et hæc & aliâ quæcumque, eo quæ à me dicta sunt, animi candore, Patres suscipite.

Die Mercurii 23. Ferrerius, Orator Gallus, proposuit Synodo ne hic ageretur de excommunicandis Principibus, & ne quid statueretur contrâ antiquas sacras leges Gallorum, quas antè 400. annos, antè librum Decretalium Reges ediderant, juxta quas antistites vixerant, cum Rex Francorum, Rex & Regni Ecclesiarum fere omnium sit patronus & fundator, qui de proventibus etiam Ecclesiasticis disponere potest, maximè urgente necessitate. Non esse Principes excommunicandos, cum sint nutriti & alumni Ecclesiarum. De causis Episcoporum, & de decreto contrâ Principes, super immunitatibus non vult quicquam fieri in præjudicium. De Annatis tollendis, aliisque negotiis Apostolicis egit, appellationes ab abusu non esse tollendas; possessoria tractanda juxta privilegia Gallicana; nonnullos Episcopos abissile dixit præter mentem Regis, & Concilium Legatorum, sed reversuros, aliaque multa proposuit parùm grata Patribus.

Die 4. Octobris, idem Ferrerius monuit, me præfente, Episcopos Gallos, ne quid dicant in Canonem 21. de causis in præfenti tractandis, in 19. de Præventionibus, quia tacitè has probare videtur, dum dicitur non obstantibus præventionibus, quia qui de uno negat, de alio affirmare videtur; in causis de pensionibus, quas minime probare debeant; & in Can. 5. de causis Episcoporum quæ soli cognitioni Pontificis reservandæ non sunt; ex privilegiis Gallorum, in quorum privilegium nihil decidi permittant, aut non compareant in Sessione.

#### DECEMBER.

**D**ie 1. Decembris allatum est ab urbe nuntium obitus Smi. Pii IV. ad Cardinalem Lotharingum. Manè rumor ubique sparsus fuit Tridenti. Faxit Deus, ut suæ aliquandò Ecclesiæ misereatur In tanto rerum omnium discrimine. Judicia Dei abyssus multa, ego verò nihil boni (utinam falsus sim vates) ominari queo.

Die Jovis 2. Decembris, horâ XXI. celebrata fuit Congregatio generalis, in quâ 1<sup>o</sup>. Legatus Moronus jussit legi canones de Purgatorio, Imaginibus, Reliquiis, & veneratione Sanctorum, confectus & approbatus à nonnullis doctissimis Patribus & Theologis, quos tamen vix nobis integrum erat legere, quia paulò antè traditi erant nobis in scriptis à Secretario Concillii, qui tamen fere omnibus placuerunt.

Tandem lecta fuerunt 20. decreta reformationis generalis reformata juxta sententias Patrum à Deputatis, hæc non alia decreta de Regularibus, aliud de Exemptionibus, & aliud de Commendis, in quibus major pars Patrum sequuta est Cardinalem Lotharingum, demptis nonnullis, qui noluerunt respondere propterea quòd nec dum ea viderant. Aliis displicuit decretum de Commendis, aliis aliud de Exemptionibus, alii probaverunt omnes annotationes dicti Cardinalis. Ego verò dixi decretum de Commendis, tanquam indignum tanto concessu, prorsus rejiciendum, & innovandum potius, quod alias desuper statutum fuit in Concilio Lateranensi, in cæteris subscripsi Lotharingio. Sic omnia placuerunt majori parri. Deindè Legatus proposuit

proposuit propter urgentissimas & gravissimas causas, celebrandam die sequenti Sessionem, quod relinquit prudentiæ Patrum, quanquam Oratores etiam instarent. Tandem Oratores sigillatim alloquuti sunt eos desuper, & exquisierunt vota omnium, de celebrandâ die crastinâ, Sessione, & imponendo sine huic Concilio, quod serè omnibus placuit, demptis 14. ad summum, & ibi remansimus per sex horas continuas; & sic indicta fuit Sessio ad sequentem diem, quæ est 3. Decembris. Rogavit Patres Cardinalis Moronus, ut orarent Deum pro salute Summi Pontificis, & ut dignaretur cuique nostrum infundere Spiritum suum.

Die Veneris 3. Decembris, relatum est Patribus Romanum Pontificem convaluisse ex gravi morbo in quem inciderat, quod magnam attulit omnibus Patribus lætitiâ. Tum celebrata fuit Sessio in quâ Sulmonensis celebravit, Famagustanus adhuc juvenis orationem habuit; tum verò idem Sulmonensis celebrans, ex suggestu, (orationibus in talibus haberi solitis, peractis, & acceptâ à Synodo benedictione) cantato etiam hymno, *Veni creator*, cum versu & Collectâ primùm legir decreta de Purgatorio, Imaginibus, Sanctorum Invocatione, & Reliquiis, quæ omnibus placuerunt, demptis duobus Episcopis, Montis-Marani, & Gaddicensi, qui dixerunt se non esse informatos. Deindè decreta de Regularibus, cum decreto de Commendis, & multa alia decreta de reformatione generali, quæ etiam serè omnibus placuerunt, demptis 40. quibus decretum de Commendis non placuit, fueruntque moti diversis rationibus, & aliis 40. qui petierunt Regulares extra Claustra delinquentes, puniendos esse ab Ordinariis locorum. Erant autem vota Patrum qui aderant in dictâ Sessione ducenta duo. Tum idem Sulmonensis schedulam legir, quâ continebatur diè alterâ continuandam esse Sessionem, in quâ deliberaretur de cæteris rebus, quæ ad felicem exitum hujus Concilii spectare videbuntur. Itaque spes est, quòd tunc omnia decreta ab initio hujus Concilii huc usque publicata repetentur & perlegentur, ut sciatur an omnibus Patribus placeant, eo quo solet interrogari modo, videlicet, Illustrissimi atque Reverendissimi Domini primique Patres, placent-ne hæc omnia vobis? ut tandem Patres subscriberant, & expectetur Summi Pontificis confirmatio eorum quæ hæcenus tractata sunt.

Cantatum est tunc *Te Deum*, postquam permansimus in Sessione in æde Divi Vigili à xv. matutinâ usque ad xxii. ejusdem Diei.

Die verò Sabbathi 4. ejusdem mensis, celebrata fuit manè Congregatio Patrum, præsentibus Oratoribus in quâ lecta fuerunt nonnulla Decreta de Indulgentiis, & de aliis quæ omnibus serè grata fuerunt; tùm continuò adierunt Sanctum Vigilium, ubi celebrata fuit altera & postrema Sessio, in quâ celebravit Catanensis. Deinde post Orationem à Domino Morono lectam, ex suggestu, primùm legir Decretum de Indulgentiis, alterum de Delectu ciborum, jejunii & Festis, aliud quod incipit *Sacro Sancta Synodus*, & aliud quod incipit *tanta fuit* &c. Et cùm interrogaret more solito an omnibus placerent, omnia placuerunt, demptis viginti Patribus qui cupiebant quædam verba addi in Decreto de Indulgentiis. Tum idem Catanensis cepit legere Decreta de fide publicatâ sub Paulo III. & Julio III. & initium decretorum de moribus. Quibus perlectis, petiit an hæc omnia Patribus placerent, placuerunt. Deinde legir aliud Decretum quo petiit à Patribus an placeret finem huic Synodo imponi & confirmationem eorum

quæ hæcenus acta sunt per Legatos à Smo. peti, quod omnibus placuit, præterquam tribus qui noluerunt aliam confirmationem. Postremò prohibitum fuit omnibus Patribus sub pœnâ excommunicationis, ne quis hinc recederet nisi priùs subscripsisset propriâ manu. Et sic Legatus dixit : *Ite in pace.*

Tùm rebus ità magno cum omnium assensu foeliciter Dei gratiâ gestis & confectis, Illustrissimus Cardinalis Lotharingus acclamavit ex sede suâ stans, voce magnâ.

Beatissimo Pio IV. Papæ, & Domino nostro, Sanctæ & universalis Ecclesiæ Pontifici multi anni,  
& æterna memoria.

*Responsum Patrum.*

Domine Deus, summum Patrem diutissimè Ecclesiæ tuæ conserva multos annos.

Deindè idem Cardinalis acclamavit :

Beatissimorum Summorum Pontificum Pauli III. & Julii III. quorum auctoritate hoc sacrum generale Concilium inchoatum est, pax à Domino, & æterna gloria, atque foelicitas in luce Sanctorum.

*Respon.*

Memoria in benedictione sit.

*Deindè*

Caroli V. Imperatoris, & serenissimorum Regum, qui hoc idem Concilium promoverunt & protexerunt, memoria in benedictione sit.

*Respon.*

Amen, Amen.

*Acclamatio.*

Serenissimo Imperatori Ferdinando semper Augusto, orthodoxo, & pacifico, & omnibus Regibus, Republicis & Principibus nostris multi anni.

*Respon.*

Pium & Christianum Imperatorem Domine conserva, Imperator cœlestis terrenos Reges rectæ fidei conservatores custodi.

*Acclamatio.*

Apostolicæ Romanæ Sedis Legatis, & in hac Synodo præsidentibus, cum multis annis, magnæ gratiæ.

*Respon.*

Magnæ gratiæ, Dominus retribuat.

*Acclam.*

Reverendissimis Cardinalibus & illustribus Oratoribus.

*Respon.*

Magnas gratias &amp; multos annos.

*Acclam.*

Smis. Episcopis vita, &amp; sc̃elix ad Ecclesias suas reditus.

*Respon.*

Præconibus veritatis perpetua memoria, orthodoxo Senatui multos annos.

*Acclam.*

Sacro-sancta œcumenica Synodus ejus fidem confiteamur, ejus decreta semper servemus.

*Respon.*

Semper confiteamur, semper servemus.

Deindè

Omnes ita credimus, omnes idipsum sentientes, omnes consentientes &amp; amplectentes subscribimus, hæc est fides Beati Petri &amp; Apostolorum, hæc est fides Patrum, hæc est fides orthodoxorum.

*Respon.*

Ita credimus, ita sentimus, ita subscribimus. His decretis inhærentes, digni reddamur misericordiis, &amp; gratiâ primi &amp; magni supremi Sacerdotis J. C. Dei, intercedente simul inviolatâ Dominâ nostrâ Deiparâ &amp; omnibus Sanctis.

*Respon.*

Fiat, fiat, Amen, Amen.

Anathema omnibus hæreticis.

*Respon.*

Anathema, Anathema.

Quibus dictis, magno cum applausu chorus symphoniacorum inchoavit *Te Deum*, quo finito circa 22. aut 23. à meridie recessimus omnes in pace.

Eodem die missus fui serò à Cardinali Lotharingio ad Legatum Moronum, rogaturus eum, ut cùm omnia ad Dei laudem præclare acta essent, die Dominicâ sequenti juberentur omnes Patres, Oratores & Doctores adesse in ædē divi Vigiliæ ad audiendam Missam, in quâ omnes communicarent per manum dicti Moroni, & singuli super altare post communionem subscriberent; quod sanè esset honorificum & tanto confessu dignum. At respondit Moronus, gratissimum sibi serò, nisi jam multi subscripsissent, aut alii essent parùm ad communionem parati, alii parandis sarcinulis jam occupati. Sic finis Concilio Tridentino fuit die 4. Decembris impositus. Faxit Deus, ut dirigat gressus nostros, ad ovilia nostra regenda & gubernanda in fide Catholica, pietate & optimis moribus, urque simus illis exempla bonorum operum.



\*\*\*\*\*

# ELUCIDATIONES NONNULLORUM LOCORUM SACRI CONCILII TRIDENTINI,

A Sanctæ Romanæ Ecclesiæ Cardinalibus, dicti Concilij  
Interpretibus, nonnullis Prælati, & aliis concessæ,

COLLECTORE

NICOLAO PSALMÆO,  
Episcopo Virdunensi.

1.

**O**rdinarius potest examinare, seu approbare de vitâ & moribus eos, etiam de scientiâ, qui Sacram Scripturam interpretaturi sunt, in Conventibus Regularium, & multò magis eos qui tali munere fungi volent in Claustris Monachorum.

*Circà Cap. 6. Sess. 5. de reformatione.*

2.

Episcopus in alterius Diœcesi de licentiâ loci Ordinarii, non potest ordinare personas quæ non sunt subiectæ illi Ordinario, nisi habeant dimissiones generales à suis Ordinariis, nec potest de licentiâ ipsius Ordinarii ministrare Sacramenta Chrismatis.

*Cap. 6. Sess. 6., & Cap. 2. Sess. 24.*

3.

Vicarii perpetui non possunt constitui absque erectione tituli vicariæ.

*Cap. 5. Sess. 7. vide 226.*

4.

Episcopus ob multitudinem populi potest compellere Rectorem ad sibi adjungendos alios sacerdotes pro Missis & aliis divinis officiis celebrandis, & Sacramentis ministrandis, cum moderamine, multitudinis, & temporis Missarum.

*Cap. 4. Sess. 23. Cap. 13. ejusdem Sess.*

5.

Episcopus non potest Dignitatibus, Personatibus, & Officiis statuere certam officii & servitii formam præter solitam pro lucranda tertiâ parte præbendæ, in distributionibus conversâ.

*Cap.*

*Cap. 3. Sess. 24.*

6.

Ordinarius non potest multis & pœnis, etiam in casu notabilis absentiae, negligentiae, aut contumaciae, cogere ire ad audiendam Missam & sacram concionem in eorum Parochiali, nec pueros ad discendum doctrinam Christianam, etiamsi hoc fieri voluerit in oppidis, villis, & aliis locis extra civitatem.

*Cap. 4. Sess. 24. vide 498.*

7.

Electio semel facta ab Episcopo exempto à Metropolitano, ad cuius synodum conveniat, ligat successores, similiter ligat successores electio facta à Praelatis nullius Dioecesis, pro visitatione.

*Cap. 2. Sess. 24.*

8.

Obtinentes praebedas in Cathedrali, quatenus eorum aetas patiat, statim cogendi sunt suscipere & exercere illos Ordines qui annexi sunt illis praebedis.

*Sess. 24. Cap. 12.*

9.

Obtinentes dignitates, seu Canonicatus in Cathedrali, non possunt cogi ab Episcopo, ut sibi assistant, seu inserviant, si quando in Ecclesiâ praedictâ, privatim Missas celebrabit, praedictos nihilominus cogere potest sibi assistere & inservire quando exercet Pontificalia, & extra Cathedrali, in civitate tamen solum, non autem Dioecesi, & ad praedicta potest cogere eos, qui solent quando ea exercet in ipsâ Cathedrali Ecclesiâ ei inservire, & assistere.

*Cap. 9. Sess. 24.*

10.

Vacantiae omnes unius, aut plurium mensium, quibus absentes distributiones quotidianas percipere solebant, sublatae sunt, nisi absint in causis à jure permixtis, praeterquam quod si dictae vacationes concessae essent in fundatione quae etiam intelliguntur sublatae, si Canonicatum fructus sint omnes distributiones quotidianae.

*cap. 22. Sess. 24. cap. 3. Sess. 21. cap. 13. Sess. 22. vide 448.*

11.

Dies festi quos Clerus secularis, & populus more & instituto alicujus Ecclesiae observant Regulares, si ex illorum ritu tales dies festos observant, ad id tamen non sunt cogendi, licet ex observatione dictorum dierum ritus praedictorum in suis officiis observandus, intactus remaneat.

*Cap. 12. Sess. 25.*

12.

Vicarius generalis, & ad id facultatem habens ab Episcopo, potest sine praevia cogitatione facti ab ipso Episcopo, excommunicationes ad finem revelationis pro rebus deperditis decernere, dum tamen ipse Vicarius causae cognitionem adhibeat.

13.

Moniales Sti. Spiritus in Saxia gubernandae sunt ab Episcopis.

M m m m

## cap. 3. Sess. 25.

14.

Episcopus potest post contractum matrimonium, antè illius consummationem, si ita expedire judicaverit secundum ejus prudentiam & judicium, ex aliquâ causâ arbitrio suo remittere denunciations, etiam si non sit suspicio quâ matrimonium malitiosè impediatur.

## Vide cap. 4. 96.

15.

Episcopus potest ob vicinitatem temporis quo prohibetæ sunt nuptiæ, remittere aliquas denunciations, secundum ejus prudentiam, non potest tamen jubere, ut fiant diebus ferialibus.

## Cap. 10. Sess. 24.

16.

In electione Abbatissarum de quâ in decreto Concilii Tridentini Sess. 25. C. 6. de Regul. Episcopus potest unâ cum vicario suo, vel secretario, vel alio ab illo assumpto vota singularum monialium ore-tenens expressè audire.

17.

Duo Canonici electi ab Episcopo ad constituendam educationem puerorum in seminariis, non possunt per eum mutari, nisi ex justâ & legitimâ causâ.

18.

Episcopus debet concilium Canonicorum prædictorum adhibere in constituendis rebus universalibus seminarii, loco & similibus & esse in singulis rebus ut puta in electione puerorum singulorum introducendorum, electione magistrorum, librorum legendorum, & similibus.

19.

Episcopus quatuor deputatos seminarii debet adhibere in constituendis rebus universalibus in concilium pro totâ temporali administratione præfati seminarii, exemptâ exactione quæ ad ipsum solum Episcopum spectat.

## Sess. 23. Cap. 18.

20.

Quatuor deputati seminariorum sunt perpetui, nec possunt amoveri nisi justâ & legitimâ de causâ.

21.

Episcopus tenetur adhibere in concilium præfatos deputatos, neque tamen tenetur sequi concilium eorum.

22.

Excommunicatio lata à judice Ecclesiastico, antequàm legitimè constet de impedimentis, vel perturbationibus propter quas non potest devenire propriâ auctoritate ad executionem realem, vel personalem, est valida, & qui tali excommunicatione ligatus existit, indiget absolutione: debent tamen Ordinarii adhibere omnem diligentiam, ut in proferendâ excommunicatione observentur decreta Concilii Tridentini Sess. 24. Cap. 8. de Reform.

23.

Ordinarius potest habenti parochialem Ecclesiam, alteram parochialem eidem conferre, sed per ademptionem pacificæ possessionis, vacabit prima.

24.

Episcopus potest habenti Canonicatum, aut beneficium simplex quod ad victum ejus sufficiat, parochialem Ecclesiam conferre, & adeptâ possessione pacificâ parochialis, vacabit Canonicatus.

25.

Habens simplex beneficium ad ejus vicum, si adipiscatur pacificam possessionem parochialis Ecclesie sibi legitime collata, vacat beneficium simplex.

*Cap. 17. Sess. 24.*

26.

Per Caput 4. Sess. 24. nihil aliud imponitur Episcopis quam ut current, ut tempore Quadragesimæ, & Adventus, suo arbitrio quotidie, vel tribus diebus prædicetur.

27.

Sponsus qui sponsam stupravit, antequam matrimonium inter eos per verba de presenti juxta formam Concilii Tridentini contraheretur, non potest puniri ab Episcopo poenâ contra stupratorem à sacris Canonibus institutâ, & maxime si ipsa sponsa antè matrimonii celebrationem id petierit, sed ambo sunt arbitrio Ordinarii graviter puniendi per statutum Cap. 1. Sess. 24. de Reforma. Matrim. qui præfati ordinarii curare debent, ut factis sponsalibus, quam primum contrahant matrimonium, per verba de presenti coram Parocho, eatenus ne sponsi hoc periculum subeant.

28.

Vigore Bullæ, secl. re. Pii Papæ IV. de professione fidei faciendâ, Regulares concionatores non tenentur facere professionem fidei antequam munus prædicationis assument, potest tamen Ordinarius tempore quo concionandi licentiam ex decreto Concilii Trident. Sess. 24. Cap. 4. dabit Regularibus, exigere ab eis regularem professionem fidei, si ita ipsi expedire videbitur.

29.

Moniales quæ à Capitulo sui monasterii electæ sunt in officiales, ut bona illius administrent, possunt in hujusmodi officio perseverare quamdiu superioribus monasterii visum fuerit.

30.

Canonicus qui abest à servitio suæ Ecclesie ultra tres menses, licet sit, & maneat in Civitate, seu loco in quibus ipsa Ecclesia consistit, potest multari, pro ut à Concilio statuitur. *Vide* 296. c. 13. *Sess.* 14.

31.

Ordinarius potest præcipere Regularibus in suâ Dioecesi commorantibus, ut eant ad processiones publicas, ut puta in die Corporis Christi, in Litanis & Jubileis faciendis, in quibus ipsi sua habeant monasteria, dummodò processiones sint ejus generis, quod Bulla Sanctissimi Domini mendicantes non comprehendat; & dummodò regulares non sint ex illis conventibus, Collegiis nuncupatis qui in eadem Bullâ excipiuntur.

32.

Regulares qui non accedunt ad processiones ab Ordinario indictas, possunt ab eo puniri per censuras, & poenas arbitrarias, & alia juris remedia.

33.

Residens in Parochiâ quæ non longè à Collegiatâ in quâ Canoniarum obinet, diebus serialibus ad præfatam Collegiatam accedere, & in illâ divinis inservire potest, dummodò omnibus diebus de horis fuerit debitis Parochie inserviat, ut nihil prorsus derelinquat ex debito officio ipsius Parochialis.

<sup>34.</sup> Obtinens Canonicatum cui unita sit Parochialis Ecclesia, ad vitam obtinentis, tenetur in Parochiali residere, si unio facta sit ad vitam obtinentis tantum.

<sup>35.</sup> Poena Canonicis præscripta eis qui intra annum sacerdotium non susceperunt, non habet locum in rectore qui intra annum à die adeptæ pacificæ possessionis, vel infra tempus comparuit, & se promoveri petiit, offerens quantum in eo erat se paratum ad suscipiendum sacerdotium, sed Ordinarius noluit cum propter literaturam, vel aliam causam promovere.

<sup>36.</sup> Verisimilitudo illa, quod distributiones quotidianæ negligantur, & ob id tertia pars fructuum præbendæ in distributiones quotidianas sit converrenda, ut in Cap. 3. Sess. 21. considerari debet, habitâ ratione omnium Canonicorum, tam residentium, quam non residentium.

<sup>37.</sup> Episcopus potest prohibere Parochis sub poenâ pecuniariâ arbitrariâ, quæ tamen dimidiam decimam non excedat, ne ultra biduum à suâ Ecclesiâ abesse possint, non tamen id potest prohibere, sub poenâ excommunicationis latæ sententiæ, & quo-ad Canonicorum absentiam pertinet, tempus & poenâ observari potest, pro ut præscribitur à Concilio Sess. 24. C. 12. *verl. præterea absinentibus.*

<sup>38.</sup> Canonici & Beneficiati debent dare notam & copiam authenticam omnium bonorum ad dictos Canonicatus & beneficia pertinentium, Capitulo, ut eas reponere, & conservare possit in Archivio.

<sup>39.</sup> Episcopus non potest cogere ut Canonici efficiantur omnes Sacerdotes, sed sufficit si media pars Canonicorum Presbyteri sint, inter quos præcipuè debet esse prior, cæteri verò Diaconi, Subdiaconi ut decrevit Concilium Sess. 24. Cap. 2.

<sup>40.</sup> Licentia ut quis abesse possit causâ studiorum à servitio suæ Ecclesiæ, vel sui Canonicatus non suffragatur ultra quinquennium impetrata à die quo cœpit studere.

<sup>41.</sup> In Cap. 9. Sess. 24. incipiens *quod si aliquis* ubi dicitur an Ecclesiæ singulares, quæ in nullius Diocesi esse dicuntur, visitentur ab Episcopo ejus Ecclesiæ Cathedralis, est proximior, si id constet, legendum est *constet & non possit.*

<sup>42.</sup> Visitator vigore prædicti Cap. 9. Sess. 24. est eligendus à Prælato illius loci qui visitandus est, non autem ab alio.

<sup>43.</sup> Filius illegitimus presbyteri, dimidiis beneficiatus in unâ Ecclesiâ, in qua pater ejus olim beneficium habuit, non potest ascendere ad integram portionem. Cap. 5. Sess. 25.

<sup>44.</sup> Hæretici moderni Calvinistæ verè baptizant, nec ab eis baptizati amplius sunt baptizandi. Cap. 4. de baptismo, Sess. 7.

45. De-

<sup>45.</sup>  
 Decretum Concilii Sess. 25. Cap. 1. de reformatione matrimonii, annulat tantummodo contractus Matrimonii per verba de presenti clandestinè facti, sponsalia autem per verba de futuro relinquit in terminis juris communis præterquam quòd per copulam præfatam, sponsalia non transibunt in matrimonium.

<sup>46.</sup>  
 Qui contraxerunt in tertio, vel quarto gradu, etiam post confirmationem Concilii, antequàm tamen confirmatio illis innotesceret, petierunt simpliciter dispensari, in civitatibus & aliis locis, ubi propter paucitatem civium, vel quoniam eorum pars inter se cognatione conjuncta est, ut difficilè matrimonium contrahere possint, erit hæc iusta causa, cum sis dispensandi in quarto, & quandoque etiam in tertio.

<sup>47.</sup>  
 Qui verò contraxerant sponsalia antè confirmationem Concilii, cùm essent in gradu prohibito, & nunc volunt contrahere matrimonium, non poterunt absque causâ dispensari, causa autem idonea videtur, si conversatio cum sponso, aut sponsalium publicatio præcesserit, aut quid simile, præter alias causas.

<sup>48.</sup>  
 Cum his verò qui contraxerunt in secundo, antè confirmationem Concilii, sub spe obtinendæ dispensationis, & præsertim illi qui venerant ad Curiam & jam coeperant peragere poenitentiam salutarem eis impositam, videretur cum illis esse dispensandum, etiam si nulla sit signata supplicatio.

<sup>49.</sup>  
 Non dentur dispensationes matrimoniales sub pretextu ignorantie decretorum Concilii, si hæc ignorantia fuerit post Calendas Maji 1564. tamen in supplicationibus non exprimantur Calendæ Maji, sed tantùm colligantur ex narrativâ facti.

<sup>50.</sup>  
 Quod etiam post Calendas Maji cum his qui ignorantes contraxerunt post confirmationem Concilii, in tertio vel quarto & allegatur quod non fuerit publicatum in Parochiâ suâ decretum super reformatione Matrimonii, dispensari potest.

<sup>51.</sup>  
 Placuit quoad tertium tantùm pro illis qui ignorantes gradum non clandestinè contraxerunt post confirmationem Concilii, dùm tamen eorum ignorantia probabilis fuerit, item pro his qui contraxerunt ignoranter etiam in tertio & quarto, si postmodùm factis proclamationibus juxta formam Concilii Tridentini, habetur noticia impedimenti.

<sup>52.</sup>  
 Pro his qui etiam in tertio, vel quarto, propter angustiam loci, aut quod non inveniatur paris conditionis; similiter quando vir vult ducere in uxorem, sibi attingentem pauperem, constituendo illi dotem, aut etiam pro sedandis litibus, & discordiis componendis, contrahere volunt, visæ fuerunt legitimæ causæ istæ ad dispensandum, dummodo gratis prorsus, & in tertio maturius procedatur.

<sup>53.</sup>  
 Item idem servandum est in casibus supraddictis, matrimoniis per verba  
 Nnnnn

de futuro publicatis & præcedentibus, aut subsecutis osculis, aut per fidei, aut munerum dationem quæ in nonnullis Provinciis habent vim matrimonii contracti per verba de præfenti. Placuit dùm hujusmodi sponsalia contracta sint antè confirmationem Concilii, & fuerint publicata intervenientibus aliquibus ex suprædictis actibus, etsi de tertio gradu agatur, possit accipi Componenda.

§4.

De petitione eorum qui contractis sponsalibus post publicatam tam confirmationem Concilii, quam denunciandi necessitatem in matrimonio, non servatâ denuntiatione in postulatione expresseverunt, ut ipsi dicunt errore agentium antè Concilii confirmationem esse facta sponsalia, non conceditur dispensatio.

§5.

Electio officialium qui administraturi sunt bona Monasteriorum spectat ad superiores Monasterii, & ideo licet Episcopus sit ejus superior, ipsi officiales eligere possunt.

§6.

Officiales electi pro administratione bonorum monasterii à superioribus ejusdem, possunt pro ut ipsis magis expedire videbitur, redditus ipsorum monasteriorum in loco convenienti, etiam in loco extrâ monasteria conservare ab eisdem administrari, pro tempore necessaria ipsis monialibus.

§7.

Decretum Sess. 25. non obstat quin filius presbyteri in cujus favorem fuit imposita pensio antè Concilium Tridentinum, & si per partem quam tunc temporis pater ejus resignavit, possit præstitam pensionem exigere.

§8.

Matrimonium, si antequam fiant denunciationes publicæ consummatum sit, seu factis denunciationibus, consummatum, itidem antequam coram Parocho, & testibus celebretur, est verum matrimonium si postea contractum sit coram Parocho, & testibus, & nullum aliud impedimentum adsit, & ubi talis est abusus quod matrimonio consummato, factæ sint publicæ denunciationes, seu post & antequam matrimonium contractum sit per verba de præfenti coram Parocho & testibus, est omnino tollendus, & qui commiserunt, & imposterum committent, debent puniri poenâ stupri.

§9.

Episcopus in ordinatione faciendâ, qui Canonici presbyteri, qui Diaconi, & Subdiaconi esse debeant vigore C. 12. Sess. 24. tenetur solummodo adhibere Capituli consilium, non enim consensum, quia potest eis invitis, quod eis magis expedire judicaverit, perficere.

60.

Episcopus debet cum consilio Capituli designare quibus Canoniciatus, quisque sacer ordo annexus esse debeat, non quibus Canonicis, quoniam Concilium Sess. 24. C. 12. mandat sacros ipsos ordines annexi Canoniciatibus ipsis, non autem personis eos obtinentibus.

61.

Episcopus potest pro visitatione suæ Diocesis uti operâ Parochi, qui tamen ob eam causam, ultrâ quadrimestre singulis annis abesse non potest à suâ Parochiâ, & interim debet poni in eâ vicarius idoneus, congruâ portione fructuum dictæ Parochiæ, arbitrio ipsius Episcopi assignata.

62.

In vacatione Parochialis Ecclesiæ, cujus collatio ad inferiorem pertinet, examen & electio personæ idoneæ & edictorum appositio spectat ad ordinarium. Cap. 18. Sess. 24.

63.

Clausula Bullæ Breviarii Romani, illis tamen exceptis qui ab ipsâ primavâ institutione à Sede Apostolicâ, approbatâ, vel consuetudine quæ ab ipsâ institutione 200. annos antecedit, illis certis Breviariis usum fuisse constitit, refertur non solum ad monasteria, sed etiam ad Ecclesias Cathedrales, & Collegiatas, sicque vigote ejus, salva sunt omnia Breviaria illa quæ præcise super 200. annos in usu sunt.

Cap. 4. Sess. 24. Decretum Concilii Tridentini de reform. Matrim. ibi impedimentum quod propter affinitatem ex fornicatione contractam inducitur, & matrimonium postea factum ad eos tantum qui in primo & secundo gradu conjunguntur, restringitur, in ulterioribus vero gradibus, statuit hujusmodi affinitatem, matrimonium contractum non dirimere, habet etiam locum & comprehendit sponsalia per verba de futuro.

64.

Decretum Concilii Tridentini irritans matrimonium, seu matrimonia clandestinè contracta absque licentiâ proprii Parochi incipit habere robur post 30. dies à die publicationis ipsius Decreti in Parochiâ factæ, quæ tamen publicatio sic facta post Calendas Maji 1564. juxta Bullam Sni. Domini nostri Pii Papæ IV. sicque tempus duplex concurrere debet; alterum post dictas Calendas Maji 1564; alterum post dictos dies 38. adeo ut si ante dictas Calendas Maji, facta fuisset publicatio, decretum non obligasset. Matrimonia contracta ante publicationem prædictam Decreti de reform. Matrim. in Parochiâ contrahentium factam, ideo non sunt irritanda, neque irrita declaranda.

65.

Si hæc verba &c. *quod fierent matrimonia presentibus Parocho, & testibus alioquin quod essent irrita, fuerint publicata in Parochiâ, sufficit & æquipollet publicationi totius Decreti*, quantum ad irrationem matrimonii pertinet.

66.

Quando contrahitur matrimonium inter duos de diversis Parochiis, debent fieri denuntiationes in ambabus.

67.

Matrimonium contractum coram Sacerdote, qui non habuit licentiam ab Ordinario, neque à proprio contrahentis parocha, non debet per Ordinarium irritari, sed tantum declarari irritum esse, quia cum Concilium Tridentinum illud irritum fecerit, non est aliàs irritandum, sed opus est solâ declaratione, quod irritum sit.

68.

Quando contrahitur matrimonium inter duos alienigenas, & à paucis tempore in Parochiâ habitantes, qui tamen sunt cogniti quod non sunt de comprehensis inter vagabundos, proprius eorum Parochus esse intelligitur, in cujus Parochiâ contrahentes habitant tempore quo matrimonium contrahitur. Sess. 24. de Reforma. Matrimonii.



<sup>69</sup>  
Clerici recusantes parere decretis Concilii Trident. non sunt Romæ coram Illustrissimis Dominis Cardinalibus Congregationis Concilii Tridentini citandi, sed ipse Episcopus sive ejus Vicarius in hosce contumaces animadvertere debet, illis censuris & poenis quæ tam de jure communi, quàm decretis Concilii Tridentini impositæ sunt.

<sup>70</sup>  
Collationes & provisiones Parochialium Ecclesiarum factæ post publicationem Concilii Trident. ab Ordinariis absque examine per concursum nullæ sunt, sed prædictæ Parochiales eo modo collatæ vacant, earumque collatio ad Sedem Apostolicam spectat, ut expressè cautum est Bullâ Pii V.

<sup>71</sup>  
Habens Parochialem Ecclesiam, ac aliam dignitatem etiâ cum Curâ animarum an teneatur ex decreto Concilii Trident. Sess. 24. C. 18. infra sex menses alter-utram dimittere, nam quidam aiunt non teneri jure, *Cap. statutum de Elect.* quodque de jure communi ut ex aliis decretis Concilii, erit hoc casu providendum, Sanctitas sua censuit teneri, quia eadem ratio videtur subesse quando Cura animarum à principio juncta fuit dignitati.

<sup>72</sup>  
Qui matrimonium sine Parocho clandestinè contraxerunt atque consummaverunt, possunt si nullum aliud impedimentum adest, sine dispensatione de novo in facie Ecclesiæ matrimonium contrahere, qui tamen contrahentes, & testes, & Notarius, qui interfuerunt, dùm sic clandestinè contractum fuit, graviter sunt puniendi poenâ arbitrariâ.

<sup>73</sup>  
Qui matrimonium extrâ Provinciam Parochi proprii & testium clandestinè contraxerunt & consummaverunt, ipsius arbitrio Ordinarii sive ejus Vicarii, graviter sunt puniendi, deinde si nullum aliud impedimentum ad sit, & ipsi in matrimonium consentiant, permittendum est ipsis, ut de novo illud contrahant, servatis tamen servandis, ex decreto Concilii Tridentini Sess. 24. de reform. Matrimonii C. 1.

<sup>74</sup>  
Plebani non potest uniri præposituræ C. 5. Sess. 21. & C. 13. Sess. 24.

<sup>75</sup>  
Ubi distributiones quotidianæ, sunt adeò tenues ut præbeant occasionem, & materiam casu negligendi, non potest Ordinarius aliquam partem fructuum præbendarum, aut dignitatum illis amplius attribuire *Cap. 3. Sess. 21.*

<sup>76</sup>  
Cardinalis in Diocesi alienâ non habet auctoritatem consecrandi Ecclesias prophanatas, nisi de indulto Papæ.

<sup>77</sup>  
Parochiales Ecclesiæ sunt incompatibiles cum beneficiis, in quibus assignatæ sunt distributiones quotidianæ, quas à divinis absentes amittunt, & illi qui obtinent duo aut tria beneficia cum legitimâ dispensatione antè Concilium Trid. obtentâ, & requirentia personalem residentiam, tenentur residere in quo est major necessitas, nec tamen possunt alterutro privari, amittunt quidem distributiones quotidianas ejus beneficii, cujus ministerio non inserviunt.

78. Ratio

78.

Ratio sumptuum fabricæ Ecclesiæ est reddenda Episcopis Ordinariis, nisi aliter in institutione ejus fabricæ statutum sit. Vide 47.

79.

Canonici debent in propriâ Ecclesiâ residere & personaliter deservire eorum muneri, non obstantibus quibuscumque. Illi tamen qui aliud beneficium ex legitimâ dispensatione obtinent, quod majorem, vel æqualem causam residendi habeat, licet non intersint muneri quod exigit Canonatus, non possunt eo privari, nec aliquâ aliâ pœnâ affici, nisi privatione distributionum quotidianarum, nec Concil. Trident. super pluralitate beneficiorum providit, nisi ad futurum, præterquam in parochialibus quas nec etiam per dispensationem antè Concilium Trid. obtentas, non-nisi unitas obtinere possit.

80.

Dignitates quibus à principio conjuncta fuit cura animarum, sunt incompaibiles, si verò ex post-facto conjuncta fuit, possunt ex legitima dispensatione antè Concilium Trid. obtentâ, retinere. Vide 477. C. 4. Sess. 7.

81.

Uniones perpetuæ per obteptionem obtentæ à 40. annis à publicatione Concilii Trid. computando, debebunt ab Ordinariis irritæ declarari.

82.

In privatis domibus non debet permitti, ut Missæ celebrentur, nisi propter necessitatem, & tunc fieri debet in oratorio, aut altari ad divinum cultum tantum dedicato, vide 508. Sess. 22. de obser.

83.

Cap. 18. Sess. 25. Concilii Trid. ubi dicit quod vacantia omnes de Ecclesiis parochialibus, etiam per resignationem examine per commissarium facto, ab Ordinario debent conferri ei quem judicaverit esse aptiorem. Non habet locum in resignationibus factis in manibus Papæ in favorem &c.

84.

Caput 15. Sess. 25. Concilii Trid. vigore cujus filii illegitimi arcentur à beneficiis quæ in Ecclesiâ sunt, in quâ fuit beneficiatus eorum pater, non habet locum nisi in filiis qui mortuo patre beneficia in eadem Ecclesiâ impetrare volunt, & in illis qui unâ cum patre in præfenti repertiuntur obtinere in eadem Ecclesiâ.

85.

Licentia de celebrando Missam in aliquo Oratorio, seu Ecclesiâ de novo ædificatâ, non debet dari nisi cum clausulâ, salvo jure & sine præjudicio parochialis Ecclesiæ.

86.

Concilium Trid. non prohibet quin puellæ in monasteriis monialium educationis gratiâ recipi possint, nisi fortasse ratio aliqua, vel institutum Religionis alicujus monasterii aliter prohiberet. Vide 94. & 472.

87.

Episcopus debet providere his quæ faciunt ad clausuram monialium, & aliis earum necessitatibus.

88.

Illi qui in eadem civitate, parochiam & Canonatum in Cathedrali, vel Collegiata obtinent, utrumque retinere possunt, modò resideant in Pa-

O o o o o

rochiali, nullibique ejus officio necessario defint, qui üdem si possint debitis horis, Canonicatui inservire possunt percipere omnes fructus & comoda, quæ illi muneri attributa sunt valeant. Si verò inservire nequeunt, distributiones solùm eorum dierum quibus non interfunt amittunt, neque alio damno affici possunt.

89.

Licentia de celebrando Missam in Ecclesiâ, seu Oratorio, nuper ædificato, sine præjudicio Parochialis Ecclesiæ, concessa, præjudicium intelligit quæ ad Sacramentorum administrationem, & alia quæ ipsi Parochiæ de jure debita attinent, in reliquis verò non.

90.

Canonicatus in Romanâ civitate est dignior Canonicatu Cathedralis alterius civitatis.

91.

Non promotus ad sacros ordines intrâ annum prout in C. 2. Sess. 24. Concilii Trid. cavetur, non debet privari à Canonicatu, si ejus provisionem habuit à Papâ, & impedimentum non promotionis provenit solùm propter defectum ætatis.

92.

Obtinens Canonicatum & habens Parochialem quocumque in loco sit, in Parochiali residere tenetur. Neque ob hoc privandus est Canonicatu, sed solùm ejus quotidianas distributiones perdit, & si quid propterea absentes justâ de causâ non percipiunt.

93.

In his quæ pertinent ad residentiam, servanda sunt quæ habentur in C. 14. & seq. de Reform. Sess. 24. Concilii Trid. & in reliquis, si non possunt servari decreta Concilii prædicti, id agendum est quod commodius fieri potest & melius. Et qui non habet propriam domum in loco ubi residere tenetur, aliquam conducere debet, & ubi populus non potest vicium subministrare presbytero ejus curato, Ordinarius ea observare debet quæ habentur in Cap. 13. Sess. 24. Concilii Trid. & in casu quo jura disponunt, non debet pro juris declaratione recurri ad Papam.

94.

Puellæ sæculares non prohibentur quin in monasteriis monialium educari possint, servanda tamen sunt instituta cujuslibet monasterii, nec-nisi de consensu ejus superiorum admittendæ sunt.

95.

Monialis non potest exire Clausura Monasterii nisi de consensu ejus Superioris Regularis & Episcopi Dioecessani, Cap. 5. Sess. 25.

96.

Regulares tam scemina, quàm masculi non possunt tenere propria, sed omnia tenentur dare Superioribus suis, à quibus primò subveniendum est necessitatibus eorum, vel earum quibus munera destinata fuerunt. Nulla est danda licentia introeundi septa Monasterii Monialium, nisi in casibus necessitatis, quorum aliqui explicati fuerunt in edicto vicarii urbis Romæ.

97.

Plura beneficia non possunt obtineri licet sint simplicia, sine dispensatione Papæ.

98.

Ordinarius non habet jus visitandi Capita Ordinum, licet annexam habeant Curam animarum, nec membra proxima capiri.

99.

Habens Canonicatum in Ecclesiâ, in quâ pater ejus similiter Canonicatum obtrinit, non potest in eadem, de Canonicatu ad dignitatem ascendere.

100.

Metropolitani providere debent ut provinciales eorum Episcopi juxta decreta Concilii Tridentini resideant in eorum Ecclesiis. Vide 493.

101.

Virgines quibus facienda est professio, si clausura monialium facta sit, examinandæ sunt ab Ordinario extra monasterium ad cancellos, vel crates ipsarum monialium, & clausurâ factâ, Ordinarius abstinere debet ab ingressu monasterii. Vide 498. 17. Sess. 25.

102.

Si Parochialis non est unita Canonicatui ab initio, sed ex post-facto, non comprehenditur in decreto Concilii Trident. loquente de Parochialibus. Vide 477. 499.

103.

Episcopus modò in Episcopatu resideat, solutus est à residentiâ dignitatis, quam sine ullâ animarum curâ obtinet, etiam extra Dioecesim in aliquâ Cathedrali, eamque retinere & ejus fructus percipere potest, exceptis portionibus, aut distributionibus quotidianis, & aliis, si quæ sunt fortè quas absentes juxta aliâ de causâ percipiunt.

104.

Cap. 13. Sess. 24. Concilii Trid. non habet locum in iis qui perpetuò in strictiori clausurâ vivunt, quorum sunt Canonici Regulares Str. Crucis Colimbrien. Dicto autem Capite decernitur omnes tam Clericos Regulares & Monachos ad publicas processiones vocatos debere accedere.

105.

Viduae nobiles quibus permittitur iterum ingredi monasterium, eis conditionibus uti debent, ut nullas secum ducant ancillas, & ut omnino progrediantur, ut nolint amplius exinde exire, & dum apud moniales sunt, his clausuræ finibus & legibus tenentur quibus ipsæ moniales.

106.

Translatio monasterii monialium cum ei imminet scandalum, est facienda ad aliud monasterium ejusdem Ordinis, nec redditus monasterii translari, sunt applicandi seminario, sed sunt uniendi monasterio in quo translatum fuit, licet aliundè non possit provideri dicto seminario.

107.

Monialium-translatio de uno monasterio ad aliud ejusdem ordinis, est facienda propter supervenientiam aëris pestilentis.

108.

Mulier conjugata si sit in monasterio monialium, & si constiterit quòd, si ex eo exeat versabitur in periculo mortis, debet relinqui in monasterio, etiam sine ancillis, & ullo famulatu extraneo, teneturque clausuram, & alia, prout ipsæ moniales servare.

109.

Obtinens Canonicatum & monasterium, seu commendam liberam à curâ animarum, in Canonicatu debet residere.

110.

Abbatissa licet per quinquennium non permanferit in religione, dum tamen excedat 30. annos, & id fiat ad requisitionem suarum monialium de licentiâ 2<sup>æ</sup>. Dignitatis Ecclesiæ Cathedralis, & earum superioris regularis, dummodò laudabiliter superiori anno in officio se gesserit, debet confirmari per biennium in officio. Quòd si ad confirmationem dictæ Abbatissæ deesset consensus superiorum regularium propter eorum absentiam, servatis iis quæ in præcedenti Capitulo rescripta fuerunt, procedendum est ad dictam confirmationem.

111.

Episcopus residens in Cathedrali sede, liber est à residentiâ monasterii monachorum regularium quod obtinet cum dispensatione Papæ, licet illi annexæ sint aliquæ curatæ Ecclesiæ post erectionem monasterii, & præsertim si in tali monasterio non sit fons baptismatis, nec aliqua animarum cura, & curatæ gubernari soleant per vicarios.

112.

Hospitalia in quibus sunt Ecclesiæ, ubi assidue divina officia celebrantur, & bona eorum, vel earum sunt implicita, debent ab Ordinariis visitari, Cap. 8. Sess. 22.

113.

Mulier quæ venit in suspensionem mariti de adulterio, & ob id timet, ne ab eo aliqua vis inferatur, debet ei permitti, ut possit ingredi monasterium monialium, si modò constitutiones monasterii non repugnent, & accedat consensus monialium, & Abbatissæ, & ministri provincialis, & ingrediatur sine ancillis, & servet clausuram & reliqua prout ipsæ moniales, & causâ cessante ingressus, debet inde exire, & si semel exierit, nunquam postea in id monasterium ingredi possit.

114.

Relicta pauperibus, deinde conversa ad educationem, & Christianam institutionem miserabilium personarum cujusdam Collegii, quæ postea sub lata, tandem ad hospitale aliquod ex conditione, seu lege pervenerunt, ut alicui darentur qui ad pristinum pietatis usum & officia ea conferret, ex Decreto Concilii Trid. bona illa seminario attribuere debet, & jam ei applicata censentur : Cap. 18. Sess. 23.

115.

Residens in Prioratu qui habet curam animarum, potest retinere Canonicatum & beneficium simplex, sed beneficio simplici per alium inservire debet.

116.

Habens tres Canonicatus dignitate pares in Ecclesiâ, cui altera earum in quâ habet Canonicatum est unita, alterius tertii non perdit nisi distributiones quotidianas, & alia si quæ sint, quæ absentes iustâ de causâ non percipiunt.

117.

Episcopi, tanquàm sedis Apostolicæ delegati, sunt in possessione visitandi omnes suæ Diocesis Collegiatus, eis tamen salvo jure suo in petitorio.

118.

Habens dignitatem in Collegiâ quæ unita sit Cathedrali, quæ Collegiata sit destructa, potest si talis non reperitur in Cathedrali, alibi si habet

bet beneficium in eo residere, & dignitatis suæ fructus percipere, exceptis distributionibus his si quæ sunt, quæ absentes iustâ de causâ non percipiunt.

119

Episcopi Provinciales non tenentur accedere Metropolim, nisi ut intersint Synodo Provinciali, non obstantè aliquâ in contrarium consuetudine. Vide § 10. Cap. 1. Sess. 24.

120.

Monachi non possunt ædificare monasterium in Parochiâ in quâ jus habent, sine cognitione & licentiâ Papæ.

121.

Presbytero habenti inimicitias cum Domino loci, ubi situm est ejus beneficium, Episcopus debet, si non potest eos reconciliare, eidem dare aliud beneficium, extrâ jurisdictionem illius Domini, vel permittere eidem presbytero ut abesse possit à beneficio, constituto tamen vicario idoneo, cum assignatione æquæ portionis fructuum beneficii, qui ei deseruiat, donec causa inimicitiarum inter eos reconcilietur. C. 1. Sess. 25. §. eadem omnino.

122.

Obtineis beneficium quod sit simplex, & sine curâ animarum, & extrâ Ecclesiam Collegiatam, nec personalem residentiam ob aliam causam requirens, non tenetur in eo residere, sed ad intervendum illi per aliquem alium qui approbatus sit per Ordinarium.

123.

In privatione fructuum & emolumentorum Canoniarum & præbendarum observanda sunt quæ habentur in Cap. 14. Sess. 24. Concil. Trid.

124.

Episcopus potest ob legitimam causam dare licentiam Canonicis, ut ab eorum Canoniciatibus per 4. menses abesse possint.

125.

Quando non stat per aliquem quominus in suo beneficio resideat, ubi non residentiam nullum detrimentum sentire debet.

126.

Hospitalia quæ data non sunt in titulum, commendam seu administrationem, non tenentur contribuere seminario. C. 18. Sess. 25.

127

Ordinarius debet vel dare beneficium Ecclesiasticum Archidiacono de consuetudine jurisdictionem exercenti, vel permittere ei exercere jurisdictionem Archidiaconatus, quemadmodum erat solitus, cui tamen Archidiacono cum promissum fuerit de aliquo beneficio, vel Archidiaconatus ipsius, Archidiaconi cessione vel morte vacarit, Archidiaconatus imperpetuum postea sublati esse intelligatur. Interea verò dum ipse Archidiaconus jurisdictionem exercet, si ipse, vel ejus ministri quicquam injustè, vel perperam egerunt, Ordinarius in eos animadvertere debet.

128.

Monachis solitis exire de monasterio, debet eis residentiam & clausuram præscribere Episcopus.

129.

Neoplatæ possunt manere in monasteriis monialium, si earum superioris consensus accesserit, ipsæque solæ permanent in monasterio, neque inde exeant, nisi in monasterium amplius postea non reditura, reliquæque

Ppppp

in rebus omnibus, præsertim in his quæ ad clausuram pertinent, leges servant monialibus præscriptas.

<sup>130.</sup>  
Episcopus non habet jus visitandi sacellum, vel altare, quod curæ careat animarum & membrum sit Religionis Sti. Antonii Viennen. & qui pacificè per biennium beneficium aliquod possedit, non tenetur ostendere titulum.

<sup>131.</sup>  
Indusa per vim in monasterium debet indè educi, & si quid damni ob eam causam passa sit, curari interim debet, ut indemnitati ejus provideatur impensis eorum qui talem vim intulerunt, qui debent etiam severè castigari.

<sup>132.</sup>  
Episcopus debet vacante Parrochiali Ecclesiâ, servare formam examinis per concursum, licet velit eam conferre ejus vicario.

<sup>133.</sup>  
Monialibus non licet possidere propria, etsi quid eis legatum, relictum, donatum, datumve fuerit, vel etiam earum labore, vel industriâ partim, tradi debet Abbatisse quæ ex eo primum monialis ipsius. cujus causâ id acquisitum est, necessitati providere debet, reliquum conferri debet ad usum monasterii. Debent tolerari in monasteriis monialium puellæ quæ delectæ sunt ex hospitalibus & aliis piis locis, donec offeratur facultas eas nubendi, quæ licet inserviant monasteriis monialium, non possunt tamen privatim cuique moniali inservire, quæ puellæ cum adducentur in publicum omnes personaliter debent incedere, nec se comites illis adjungere moniales, & perfectâ processione, debent reverti ad monasterium, & quamdiu ibi sunt, servare tenentur clausuram & reliquam vivendi rationem prout ipsæ moniales, & nullas secum habere ancillas, nec singulæ possunt indè egredi, nisi postea nunquam in idem monasterium revertiuræ.

<sup>134.</sup>  
Puellæ quæ educationis causâ in monasteriis sunt, debent ibi manere, sine ancillis, nec indè nisi reversuræ, possunt egredi, & obligatæ sunt ad clausuram & ad cætera quemadmodum ipsæ Moniales. Idem statutum est in puellis quæ propter tenues facultates, vel propter inopiam domi suæ, tuto ali nequeunt, & eodem etiam victu à propinquis suppeditato sunt in monasteriis collocandæ.

<sup>135.</sup>  
Vidux quæ viris mortuis honestatis causâ se contulerunt in monasteria, modò bonæ sint æstimationis & famæ, legibusque monialium supradictarum pareant, debent tolerari, de cætero nullæ hujusmodi vidux debent recipi, nisi moniales fieri voluerint Scff. 25. de Monialibus.

<sup>136.</sup>  
Puellæ verò quæ propinquis & facultatibus destitutæ sunt & propterea sine dote nec collocari in monasterio, nec exire monasterio possunt, nisi misericordiæ causâ admittæ sint, in monasteriis debent tolerari, dummodò obediant supradictis legibus; in futurum verò nullæ tales conditiones admittantur.

CHRONICA  
BEATI EMONIS  
ET  
MENCONIS  
ABBATUM WERUMENSIUM  
SIVE  
FLORIDI-HORTI  
ORDINIS PRÆMONSTRATENSIS  
IN FRISIÂ  
AB ANNO MCCIV. AD ANNUM MCCLXXVI.  
QUIBUS ACCESSIT  
CONTINUATOR WERUMENSIS  
ANONIMUS  
AD ANNUM MCCXCIV. HISTORIAM SUI  
TEMPORIS TUM ECCLESIASTICAM  
TUM CIVILEM DIDUCENS.



STIVAGII,

---

Litteris JOANNIS MARTINI HELLER, Typographi.  
M DCC XXV.



CHRONICA  
BEATI EMONIS  
ET  
MENCONIS  
ABBATUM WERUMENSIUM  
EORUMQUE CONTINUATORIS,  
*NOTIS ILLUSTRATA.*



UIT vir quidam moribus integerrimis (\*) piè vivere volentium dignus recordatione. Vir iste secundum carnis considerationem nobilitate, & aliâ quoque dote corporis admodum beatus extitit, staturâ quidem brevis, facie formosus, corpore validus, velocitate & valetudine viguit. In rebus domesticis fuit providus, in moribus circumspectus & cautus.

1204

Ab adolescentiâ suâ puritatem innocentie & deinceps diligebat, subiectus parentibus; à quibus quasi unicus plurimum amabatur, quorum providentiâ postquam geminæ ejus sorores nupsissent, acutatum est, ut cujusdam nobilis filia ei desponsaretur, quæ postmodum est eidem copulata. Defuncto itaque patre, matre supersite, & Danæ commotante adhesit uxori, quam, sicut nuptie postulant, maritali diligebat affectu. Ipsa tamen fortassis occulto Dei judicio infœcunda petmansit. Cumque aliquot annis onus matrimonii strenuè perferret, tactus intrinsecus molestiâ, quia prole, quæ præmium solet expectari nuptiarum, caruit, accensus est igne divini, ut creditur, caloris, & cepit meditari reinotioris vitæ conversationem, & certiotem fratrum & filiorum secunditatem. Aggressus igitur nuptiam suam verbis dulcibus hujusmodi inspirationis, uti ipsa assensum præberet; sed, minimè consensit, & restitit ei more carnalium, una quidem caro facta, sed non eadem inspiratio erat in eâ. Quid ergo faceret ille tantum accensus? non acquievit carni & sanguini. Cœpit vigilare, genua flectere, crebras orationes fundere, sed occultè in medio domûs suæ.

Q9999

(\*) Emo, cognatus Emonis Chronographi, fundator novi Claustrî postea Werum dicti, in agro Omelandiæ, hæud procùl à Groningâ consistentis.

1204. Fugiebat thorum nuptæ, ut vel hoc modo ad commutationem ipsam provocaret. Cumque fatigatus esset in duro domus suæ pavimento, breves & dulces carpebat somnos, & manè servus, vel ancilla impingebant in illum ignari. Adfuit sacrum Quadragesimæ tempus, quo se præparat ad militiam universitas fidelium, & ipse aliquid cæteris altius meditabatur, quatenus licitis ex consilio spiritûs, quo affectus erat, quippiam supererogaret. Postulavit igitur partem panni lini & crudi, & fecit membris aptari, & strictissime assui, & sic quasi lorica indutus vestes superinduit communes, & contra carnem & sanguinem vigiliis & orationibus, jejunio panis & aquæ, bis tantum in hebdomadâ refectionem capiens, fortiter dimicavit. Sed & hanc consuetudinem aliquot sequentes Quadragesimas observare consuevit, exceptis aliis observantiis seriarum, quas sibi jugiter imponebat, juxta Apostolum dicentem : *castigo corpus meum & in servitutem redigo.*

Cœpit igitur dicere sororibus suis & nuptæ, quod facturus esset claustrum de patrimonio suo, & multorum filiorum & filiarum hæres futurus, quod subsannare consueverunt illæ, quia sperabant & in bona succedere, illaque non quod spirituale, sed quod carnale cogitabat. In illâ autem tempestate transmissa est à Summo Pontifice (*Innocentio III.*) crucis prædicatio, ut jam secundo incitarentur fideles ad succursum Terræ Sanctæ. At ille sicut cervus fontem sitiens, gratias egit Altissimo in corde suo, qui talem sibi devotam ostendit occasionem, & id ipsum nuptæ suæ innotuit, quod jam dudum voluit ire post Christum, & tunc instabat hora abnegandi sese & tollendi crucem. Porro illa videns insuperabile propositum habito consilio, recollectisque bonis suis & donatione antè nuptias, cum dolore se ab illo dissociavit, & in domum patris regressa, deinceps sub custodia matris & fratrum suorum, more turturis, vitam castam ducebat, & sine bono quievit.

Denique zelo sanctæ conversationis & promotionis ejusdem in loco avito torus ardebat & transiit se ad Claricampenses, (4) ut locus & religio promotionem caperet & incrementum. Sed illi aliud meditates, quatenus venditis prædiis ad eos rediret, amarius infidlis sororum ipsius & ab earum proquinquis arceabantur, & idcirco ab eo recesserunt. Monachi quoque in viciniâ positi, metuentes à Cisterciensibus opprimi propter locorum vicinitatem, ipsum alliciebant; & vocatis clam sororibus semel & iterum convenerunt cum eis, ut tandem datis ducentis maris ingrederetur ad eos, illi verò residuis bonis liberè potirentur. Sed non cessit divinæ dispensationi tale cupiditatis commentum carnale, & idèd ille sedit solitarius, quia levarat se super se, donec sua spontè, se & suâ obtulit Domino Reyndoni Abbati, qui tunc extitit Abbas præfatorum in viciniâ monachorum, eâ conditione, ut asserere solebat, ut in loco suo transponeret conventum, & ipse cum illis ibidem faceret residentiam perpetuam. Cui grante concurrentes omnes promiserunt, & de communi consensu oratorium construxerunt, quo constructo adfuit pax recordationis Dominus

(4) Clarus Campus primaria Ordinis Cisterciensis Abbatia in Diœcesi Leovardensi & Dantumanâ Præfecturâ consistens, anno 1165. fundata. Primus cœnobii Abbas extitit Eysa, ex Riddershusano monasterio, Bruunsvicenfi civitati contiguo, assumptus. Plures Abbatias genuit Clarus Campus, & primum inter Frisiz Abbates locum tenebant Abbates Clari-Campi.

Otto (a) Monasteriensis Episcopus, & instantiâ Abbatis conventus, venit ad locum, & præparavit se ad dedicandum oratorium in loco constructum. Cui astantes & resistentes fratres Emonis jam dicti fundatoris dedicationi reclamaverunt. At ille nihilominus dedicavit, dicens quod causâ Christi triumphare deberet, & oratorium cum aliis rebus possideret. Dedicatum est oratorium primum anno Domini MCCIV.

Circâ idem tempus cœpit cœnobium Sancti Joannis Evangelistæ in Merna (b) & cœnobium Sororum in parochiâ Skeldensi quodam Henrico Canonico Cappenburgensi, Præposito in Merna. Verùm claustrum in gratiam Sanctæ Mariæ convaluit, cooperante matronâ Conversâ, longava, amita fratris Herdrici, postmodum Præpositi ibidem. Surrexit etiam cœnobium in portâ S. Mariæ (c) per quendam bonæ memoriæ, qui hunc præfecit familiæ in Benerthe, olim Abbatem in *Docum*. Igitur post hæc omnia præfatus Abbas (d) se illuc transfudit, sed subitò post unius noctis moram rediit nunquam illuc rediturus. Ille igitur propter promissam conditionem liber esse voluit, & prædium suum promovere; sed de consilio transposita est illic familia XII. Sororum cum Priore. Qui cum lautius se procurare voluisset, orta est animorum scissura inter fundatorem & Priorem, & recessit Prior. Proindè iteratò institutus est alius Prior cum paucioribus, qui cum non attenderet, nec acquiesceret animo fundatoris, sed licet ad velle suum rebus uteretur, offensus est fundator, & jam terriò separatus solus remansit. Duo quidem notabilia simplicibus in eò apparuerunt. Quidam ultra modum literaturam amplectabatur, sed vena ingenii, ut apparuit, arida fuit, & non est subsecuta fecunditas. Sed tamen antè novissima admodum legere edoctus, ordinem Diaconatus suscepit. Alterum erat, quod præfectus in loco competenter obtemperare non poterat. Plurimas tamen & varias sustinuit angustias & labores in initio caloris, pii præpositi querens fideles cooperatores & non inveniens per annos circiter octo. Et tunc non erat invitatus quispiam nisi secularis sacerdos, qui Divina celebraret retentis paucis in habitu regulari.

(a) Comes de Benthem, Comitum Capenbergæ propinquus, & post Hermannum, Episcopus Monasteriensis electus, cum antea Bræmensis Ecclesiæ præpositus esset. In spiritualibus verò cum subesset Omland, ad Ottonem pertinebat oratorium Emonis dedicare.

(b) *Joannis Evangelistæ in Merna*. Merna, quam alii *Merme*, comitatus olim, nunc Huntingiæ portio est apud Frisios ex suo portu celeberrima, in quem Ufingis & Lavica se exonerant. Eo loci fundatum est monasterium duplex Ordinis Præm. Virorum alterum sub invocatione Sti. Nicolai, sub annum 1163. à Tacone B. Friderici Abbatis Horti-Mariæ discipulo. Alterum Virginum ab Henrico Capenbergæ Canonico in honorem Sancti Joannis Evangelistæ, anno 1204. institutum, & utrumque in Diocesi Groningensi.

(c) *Porta S. Mariæ*, patrio nomine *Cusmar* apud Fredewoldios, Diocesis Groninganiæ, præpositura Virginum nobilium Ordinis Præm. anno 1205 ab Abbate Dockingæ fundata. Eodem quoque anno & in eadem Diocesi surrexit altera Virginum nobilium præpositura in parochiâ Skeldensi, sub nomine Stæ. Mariæ in *Schilwoldia*, autore Henrico præposito Mernenfi, dotem augente matronâ conversâ, amitta Henrici præpositi.

(d) De Reyndo.

1204.

In tempore illo fuit clericus adolescens præfati fundatoris amicæ filius & nomine æquivocus (a) qui à primis pueritiæ suæ annis liberalibus fuit studiis imbutus. Is cum fuisset in limine adolescentiæ suæ, & ipse parvulus, parvulos imbuebat apud quosdam B. Benedicti religiosos, mediante abyſſo iudiciorum Dei cepit gustare, sed tenuissimè, quia suavis est Dominus, & displicuit ei mundus præ dulcedine religionis, ad quam quo pacto pertinere posset, nondum cogitabat. Vallaverat eum verecundia, quæ radicem traxit ex simplicitate, & pudicitia, & stupore quodam animi sui, qui jugiter ab annis pueritiæ premebat linguam suam à turpiloquio, & animum à motu concupiscentiæ, & cogitationum trahentium ad opus inhonestum, ne quasi passer instabilis rueret. Qui cum mare versùs Angliam anno ætatis suæ quasi x. transisset communis causâ studii litterarum, quod fuit Oxoniæ, astuabat uberius liberalibus artibus se implicare, in quarum foribus stans à fratre suo carnali secum commorante revocatus, & ut zelo innocentie protegendæ, disciplinæ juris intenderet persuasus. Deinde in patriam remeans fervorem juventutis verecundiâ erudiente temperavit, quæ sic per Dei gratiam ipsum ad ordinem clericalis militiæ præparavit. Tandem de media abyſſo secularis vitæ nesciens eligitur & invitatur ad titulum cuiusdam Ecclesiæ. Quamobrem ad sacros ordines properavit, & à Venerabili Mindenſi Pontifice Domino Thidmaro (b) primitias quinque ordinum suscepit simul, & deinceps per legitima interſtitia, ad ordinem sacerdotii est provectus. Functus ergo sacerdotio plebem pro viribus custodivit sine delectu personarum omnibus omnia factus, & sic de manu Archidiaconi de more Monasteriensis Ecclesiæ, recepit curam animarum. Porro jugiter cum, qui est Deus virtutum, cujus est totum, quod est optimum, preceibus & desideriiis perquisivit, ut quæ bona essent nutrentur, & nutrita custodirentur. Vulneraverat cor ejus amor & timor, & adhæsit anima ejus post eos usque ad fores justificationis. Sed nondum adhuc caminum doloris & laboris ingredi conabatur, in quo, sicut postmodum experiebatur, examinantur, qui per portam justificationis introducuntur. Parturiebat animus ejus scetum vitæ remotioris, sed non peperit propter sæculares, quibus adhuc serviebat, satis ignarus futuræ novitatis post consiliis vetustatis. Interim diligebatur ab omnibus in simplicitate suâ, sed ipse altius meditabatur, eo quod Apostolus proloquitur: si adhuc hominibus placerem Christi servus non essem. Inter prospera præsentis vitæ, & dulciâ dulcedine patriæ cœlestis afficiebatur tanquam in aure cordis diceretur ei; transi in locum tabernaculi admitte, ubi est verè sonus epulationis, in voce exultationis, & confessionis. Nunquam fruitione temporalium incertorum animæ refriguit suspiratio, sed adhuc morabatur, quasi in Jerico, sicut ille qui starurâ pusillus erat, qui vix potest subsistere, fragilitate carnis infirmus, aut compede consuetudinis ligatus, cui displicent mala, nec resistit, quia caro concupiscit adversus spiritum. Peccat tamen magis sub Deo, quam contra Deum, semper de veritate cogitans, & de misericordiâ confidens. Meditatur de veniâ, quia terretur à culpâ, ratione repugnans, sed sensualitate succumbens. Intus voce dicitur: concupivit anima mea justitias tuas, quia nondum

(a) Emo Chronographus pastor Husingis.

(b) Vigessimus septimus fuit Mindenſis Episcopus, miraculis, teste Crantzio, in vitâ clarus, uno suprâ viginti annos sedit in Episcopatu.

nondum perficere desiderat. Quemadmodum quidam dolent, quod dolere non possunt, sed dolent, ut doceant, ut dolor inefficax inferat dolorem efficacem. Postpositis itaque secularibus litteris, mel & lac Evangelicæ lectionis elurrit, & potum de psalmodum nectare quæsit. Vacabat officio sibi injuncto, cum officio scribendi & legendi, redarguens se serulâ pii desiderii, quo detrimenta ante-actæ ætatis redimebat, quia spiritus adjuvat infirmitatem nostram. Mater enim sua carnalis onus rerum familiarium administrabat, femina provida, & Deum timens, sollicitè satagens, & orans, ut fide & opere proficeret coram Deo & hominibus, quia scriptum est; *cant sunt sensus hominis, & ætas senectutis, via immaculata.*

Quodam igitur tempore dum solemnia Dedicationis ex more peraguntur, aderat quidam sibi valde familiaris, qui specialis fuerat cultor decoris Dei in construendis Ecclesiis & ornandis, & in hoc studio ab adolescentiâ & deinceps flagrabat; qui etiam post horam prandii in sobrietate consumptam, cum simul per viam cum hospite deambulet, coeperut se se mutuo invitare ad melioris vitæ conversationem, & vilescere mundus utriusque cum delectationibus suis. Ille quidem, uti postmodum deprehensum est, calore novi operis, iste simplicitate novæ vitæ trahebatur. O altitudo sapientiæ & scientiæ Dei! qui regna transfert & constituit. Placuit igitur illis, ut locum illum visitaturi convenirent, & accesserunt & invenerunt illum solum, qui se & locum, quasi elapsus de manibus multorum; solitarium conservabat, & gavisus est in conventu eorum, & accensa sunt corda eorum, ita ut concordarent ad invicem super altari ad locum illum promovendum rebus, & religione.

Interea præfatus sacerdos trifariam religionem corde tenens ponderavit, & unam illarum propter vicinitatem decrevit vitare, alteram quoque, licet eam diligeret, non elegit. Præmonstratensem ergo Ordinem acceptavit fiduciâ incorporationis animo conceptâ. Egit ergo medio tempore mediante viro illustri piæ opinionis Popekone in (a) Thamerfwerne plebano, ut omnis scintilla discordiæ orta aliquando inter monachos vicinos & fundatorem loci extingueretur, constitutis ab Episcopo Monasteriensi delegatis, qui anno gratiæ MCC VIII. citatis partibus, cum Abbas Reyn-  
do nollet comparere, compositionem super rebus, sumptu & expensis in loco novello, vallatam attestatione virorum proborum confirmarunt vi.  
Kalendas Martii. Testes compositionis prius celebratae fuerunt Oibrandus de Incawerth, (b) Evo de Romefwerve, (c) Eggardus de Nothenfum. (d)

Inde ubi tempus visum fuit opportunum memorato Sacerdoti, coepit parochianis suis propositum propalare, & dispositis rebus suis valedixit omnibus, profectus cum amico memorato & cum fundatore loci jam

Rrrrr

- 
- (a) Thamerfwerve & contractius Tiamsweer, haud procul Appingadamo, vicus in Fivelingis ad rivum Dammensem in Diocesi Groningana.  
 (b) Hodie Juckwert, vicus in Fivelingis Appingadamo penè contiguus.  
 (c) Vicus propè Feldwirth, cœnobium Ordinis S. Benedicti anno 1183. fundatum ab Harebrando. Emo factus Abbas Werumenfis, locum de Romefwerth in cœnobium Sanctimonialium commutavit, nomine *Campi-Ræfarum*, quod modò novum Claustrum appellatur *Nye-Cluisser* anno 1261. consummatum.  
 (d) *Neibensum* vicus Werumo proximus, cujus vestigia non supersunt.

1208. semel dicti. Pervenerunt igitur ad Hortum B. Virginis (a) trans Lavicam, & expositâ intentione eorum coram venerabili Abbate loci Domino Syardo, dictus Abbas revolutò libro Institutionum, voto ipsorum Deo fortassis disponente satisfacere minimè consensit. Quamobrem turbati sunt & tertius rediit ad propria. Sacerdos ergò memoratus, & loci novelli fundator habenas propoliti minimè laxarunt, & se ad invicem considerabant, quoniam ille adhuc cucullam gestabat, quam conditionaliter & electus, ut dixit, accepit in Ordine, quem professus erat, antè tempus regularis institutionis, & ideò ne dispar habitus concordem utriusque voluntatem impediret, suâ spontè nigrâ veste depositâ candidam cappam sibi aptavit & induit, & perfecti sunt per Groningam in ebdomadâ Pœnosâ post Dominicam Palmarum, & in Sabbato sancto Monasterium venerunt. Ibi remorati per diem resurrectionis. Die sequenti acceptis litteris bonæ memoriæ Ludgeri Canonici, quoniam in civitate tunc non erat Episcopus, ex ejus consilio accesserunt ad *Abbatem Varlarensem*, (b) qui vocatis senioribus & astantibus in Capitulo vestem dedit benedictam, & remittens ad titulum Novi Claustrî curam loci fideliter commendavit, asserens se non posse more Paternitatis, tam remotum locum visitare. Sicque reversi sunt anno gratiæ MCCIX. conversionis eorum primo. Postquàm verò ad sua regressi sunt, simul cogitare cœperunt, quomodò possent se munire adversus invidorum malevolentias. Cumque nihil efficacius esse, inter se deliberando putavissent, quam ad Episcopi auctoritatem confugere, ambo Monasteriensem Episcopum accesserunt, cique Emo de Hufdinge explicavit qualiter votis infectis cucullam S. Benedicti induissent, postea verò habitu dimisso, habitum & regulam de Præmonstrato vovissent in monasterio Horti B. Virginis, undè ad suam primam habitationem reversi, ad professionis suæ normam vixerant; & quia invidentium malevolentia erant expositi, rogabant suppliciter, ut eos in suscepto opere confirmaret, & in suâ susciperet protectione locum in quo perseverare resolverant. Humilium orationem exaudivit Episcopus, & personas ac locum eorum in suam tutelam suscepit & sequenti scripto roboravit.

Otto, omnipotentis Dei gratiâ Monasteriensis Ecclesiæ Episcopus, tam presentibus quàm futuris hoc scriptum inspecturis salutem in vero salutari. Accessit ad nos Magister Enno quondam in Hufdinge Plebanus, & suâ nobis insinuatione monstravit quod laicus quidam Emo de Romervert religiosè vivere cupiens in possessione suâ capellulam fundavit, ac habitum religionis, & B. Benedicti in Fildverth ab Abbate recepit nullâ factâ professione, & postea reversus in possessione suâ liberè est versatus. Postmodum verò idem magister Emo in eodem loco conversus secundum regulam B. Augustini & Ordinem Præmonstratensem ibidem vivere & Deo servire cœpit, cui & fundator illius loci Emo tanquàm majori cessit, & in eadem regulâ quasi majori & liberiori similiter versari consensit. Nos autem factum utrorumque commendantes eidem magistro Emoni in eodem loco secundum ordinem

(a) Hortus B. Virginis monasterium Præm. Ordinis in Diœcesi Leovardienſi & præfectura Ferverdiana à Friduricq illius loci pastore fundatum anno 1163. & primo Abbate.

(b) Varlaria præpositura Ordinis Præmonstrat. quam Otto, Comes Capenbergensis erexit in Diœcesi Monasterienſi haud procul Coesfeldiâ anno 1123. Præposituram gerebat anno 1208. Jordanus. V. suprâ p. 36.

prædictum Deo serviendi, fratres insuper & sorores colligendi præsentem fundatore consentiente plenam concessimus auctoritatem. Et ne res gesta posteris in dubium venire queat, scripto & sigillo nostro confirmavimus. Acta sunt hæc anno Dominicæ Incarnationis MCCIX. pridie Kalendas Aprilis, feriâ paschalis ebdomada, indictione XII. epacta XII. concurrente III.

Post reditum verò eorum fundator loci memoratus cœpit ventilari spiritu contradictionis versus in arcum pravum, sive ut loci regimen, cui ipse adhuc idoneus non erat, rector sibi in futurum servaret, sive quia simulabatur à quodam falso fratre Waldrico sacerdote, qui subintraverat valde astute, qui utique conabatur per eum in loco dominari, sed postmodum exigente malitiâ suâ non sine adminiculo virorum proborum more basilisci eliminatus est. Alter verò convocatis pluribus, qui loci & religionis ibidem incrementum optabant, monitis & minis eò-usque perductus est, quòd tandem volens fixis in terram genibus sub attestatione stolæ obedientiam promitteret. Nam propter inconstantiam suam sacerdos memoratus, eundem & locum deserere meditabatur.

Ecce persecutio duplex & utraque domestica, quam consequenter lenire dignatus est Altissimus. Irascitur enim & miseretur, conturbat terram, & sanat contriciones ejus. Sanè accesserunt ad eum duo adolescentes Deo inspirante, qui seminarium dici possent messis in Christo postea colligendæ. In ipso initio caloris cordis fluctuabat anima sua pro desiderio futuræ, quam desiderabat, societatis. Trahebatur nempe amore contubernii clericorum ex occulto, ut creditur, instinctu spiritûs. *Nam quid oremus sicut oportet nescimus, sed ipse Spiritus pro nobis orat gemitibus inenarrabilibus, qui autem scrutatur corda scit quid desiderat spiritus.* Ipse desiderio piæ conversationis vigiliis & jejuniis attemptabat, & orationi vacabat. Lectioni quoque & meditationi psalmorum præcipue intentus erat, & inquirebat in eis non verba tantum scientiæ, sed compunctionis. Noctæ quâdam cum devotioni hujuscemodi propositi vacaret ferventer, & sopori se dedisset, audivit sibi dici per nocturnam revelationem, *postula à me, & dabo tibi gentes hereditatem tuam, & possessionem terminos terræ,* & evigilans exhilaratus est, & eventum hujus oraculi spe latus expectabat. Die itaque sequenti juvenis quidam acer, moribus & actibus, ut fama fuit, dissolutus, cum quâdam nepte suâ, ut sæculo renunciaret, accessit, qui in conventu, ut erat flagrans spiritu quodam vehementis indignationis, votum fecit, & obedientiam, & stabilitatem spondit, sed quia spiritu pietatis accensus non erat, perseverare non potuit, qui autem perseveraverit usque in finem, salvus erit. Verum antè discessum suum laboribus & opibus suis conventu jam congregato fideliter providebat, & ideo antè obitum suum corde ut speratur contrito, ut saltem defunctus reduci mereretur, postulavit, & meruit. Anima ejus requiescat in pace. Puella verò de ipsius detrimento dolebat, & dolore erudita, moribus & bonâ conversatione proficiebat. Reliquam partem oraculi credebat partim impletam, & partim orabat semper impleri ut-pote sicut Ysachar inter terminos portionem cupiebat, ita ipse in rememoratione finis vitæ suæ & mundi hujus ad æternæ patriæ detrimentum dolebat, ille autem qui fecit omnes terminos terræ, qui inquam per dona Sancti Spiritûs concessit omnibus suis de terrenis triumphare, ipse eodem Spiritu doceret terrena despiciere, & amare cœlestia. Porro impletum quo-

1209. daumodo opinabile est in dispositione domorum, quæ constitutæ sunt ad subsidium conventûs, Deo disponente in terminis terræ per plagas coeli. Quarum prima versus austrum quantum est beatorum cultu divino & conubernio fratrum, tantò majori labore & sudore dici & æstus fundata est.

1211. Anno Conversionis suæ tertio, anno verò gratiæ MCCXI. primo collata est Ecclesia in *Wetum*, Novo claustrum, paucis adhuc ibi fratribus collectis, vigiliâ Joannis Baptiste à majori & saniori parte Canonicorum, pastore ejusdem Ecclesiæ in religionem B. Benedicti cedente. Ernestus autem quidam præpotens importunitate paucorum, qui residui non consenserunt partem sibi vindicavit, pro cujus instantiâ Otto Monasteriensis Episcopus donationem jam dictam Canonicorum impedit per sententiam laicam contra Canonicos, à quâ appellatum est per præpositum Novi claustrum die sextâ post sententiam 19. Calendas Octobris in Villâ Reydensi. Quarto igitur idus Novembris collectis expensis iter Romam arripuit adhaerente sibi Henrico illo antiquo sodali, qui in initio religionis defecit. Sed tunc posthabita omni curâ rei familiaris propriæ, comitem se indivisum ultrò exhibuit.

Transcuntes autem per Covordiam & villas reliquas Rhenum tandem apud Diezburch (*Duisbourg*) traducti sunt. Deinde per Trajectum, per Tungriam, per Heldonum, per Villarium, per Bonam-spem, (a) per Altummontem, per Claros-fontes, per Cuißiacum, per Thenolium, per Laudunum, Præmonstratum venerunt, ubi summâ charitate retenti, per pæ recordationis Abbatem Gervasium, per dies aliquot requieverunt. Præpositus igitur negotium Domino Gervasio planè intimavit, qui corroborans ipsum, litteras ad Summum Pontificem pro ipso sub tali dedit tenore.

Reverendissimo Patri, & piissimo Domino, Dei providentiâ Sacrosanctæ Romanæ Ecclesiæ Summo Pontifici (*Innoc. III.*) humillimus ejus servus Gervasius, fratrum Præmonstratensium minister humilis, cum omni instantiâ devotam obedientiæ voluntatem. Lator præsentium Canonicus *Novi-Claustrum*, quod est Ordinis nostri, de Frisiâ oriundus, in quâ rari inveniuntur Præmonstratenses, vel alterius Ordinis profectores, ad me nuper accessit, credens quod humiliter meæ preces apud Sanctitatem vestram

(a) *Bonam-spem* &c. Quinque recenset Abbatis Ordinis Præmonstrat. quarum prima est Bona-spes, celeberrima in Hannoniæ agro Abbatia, quæ suam Rainardo à Cruce equiti debet originem, confirmationem Burchardo Cameracensi Episcopo, anno 1127.

*Claros-fontes*, de quo supra pag. 111.

*Cuißiacum*, gallicè *Cuiffy*, monasterium Campaniæ Gallicæ & Diocesis Laudunensis, titulo quartæ paternitatis in ordine gaudens, habens si non fundatorem, saltem primum ordinatorem B. Lucam, ex Decano Laudunensi, solitarium in fecellu Cuißiaci, demè B. Norberti alumnus, anno 1124. S. Patris magisterio mancipatum.

*Thenolium*, gallicè *Thenaille*, alterum Diocesis ejusdem cœnobium in Terasciâ, à Bartholomæo Laudunensi præfule fundatum anno 1130. & subducto ex S. Martini Laudunensis Abbatia, canonicorum examine primitus ordini attributum.

S. Martinus Laudunensis ab origine suâ Canonicis regularibus additus, quos upote indomitos reformare non potuit S. Norbertus. Postmodum Bartholomæo Episcopo agente, iis expulsi, Præmonstratenses substituantur anno 1124. quibus Abbatem secundâ ordinis paternitate decoratum præfecit Gualterum, Norbertus.



stram pro eo debeant gratiam invenire. Licet igitur supplicare nequa- 1211.  
quàm sufficiam pro meipso, sciens tamen quòd sicut sapientibus & insi-  
pientibus, ita divitibus sitis & pauperibus debitores, vestrae humiliter sup-  
plico pietati, quatenus ipsum in recitationibus suis, in quantum permit-  
tit honestas, vestra dignanter exaudiat Celsitudo. Allegant autem pro ip-  
so & personae petentis simplicitas, & religionis in patria memoratà tatitas,  
quae si in partibus diffusius propagaretur, videretur opus esse caritatis, &  
sapere caritatem. Valeat in Domino Sanctitas vestra, quam Dominus Ec-  
clesiae suae conservet incolumem.

His acceptis litteris & valedictio viam incognitam est ingressus. Via  
autem haec est, quā ivit perveniens Romam, habens civitates & castella  
signata, vice quasi commonitorii in perpetuum laboris ipsius; *Session*,  
(*Suessiones*) Castellum-Theoderici, *Sechana*, *Mer sur-Seine*, *Trees-sur-Sei-*  
*ne*, *Bar-sur-Seine*, Lugdunum super Rodanum. Denum Vallem Moria-  
nam ingressus est usque *Tbrinte*, qui est terminus vallis. Post vallem se-  
quuntur civitates Longobardiae, Susia, deinde post aliàs Pompeia super  
Padum, Placentia super Padum, deinde Pons-tremulus, Luke, Castellum  
quod dicitur Sanctus Quiricus, Radecoph, Viterbium, Sutrium, Castellum  
Beati Petri. Kalend. igitur Februar. xiv. die Mariæ & Marthæ Romam ven-  
nit, praesidente Innocentio Papâ, tertio anno Pontificatus ejus. Mansit au-  
tem per dies quinquaginta, in quibus devotionem Domini Papæ in Missa-  
rum celebratione, in verbi Dei prædicatione per stationes consideravit;  
licet iisdem diebus pro causâ plurimùm laboraverit sub auditore Domini  
Papæ, Subdiacono Domino Andrea, Notario maximo. Per dies illos  
quadragesimales Divina officia in principalibus ecclesiis, videlicet Beati Jo-  
hannis Baptiste & Sancti Salvatoris, audire consuevit.

Quinto igitur idus Martii Romam reliquit, & Papiam venit, ibique  
in vigiliâ Paschæ apud monachos Vallis-umbrosæ mansit extrâ muros.  
Deinde relicta Papiâ Bononiam profectus est: litteras enim suas Romæ  
mercatoribus Bononiam tendentibus commiserat, & pignus tradiderat pe-  
cuniâ ab eis acceptâ. Custodes namque in praesidiis, quos posuerat Otto  
IV. Imp. jam excommunicatus à Domino Papâ, spoliaverunt clericos, lit-  
teras de Curia deferentes. Cumque Bononiam venisset, vi. dies, videlicet  
Papiâ relicta, expectavit ibidem mercatores praefatos. Post multos ergo  
dies tandem quidam ex eis venerunt, & gavisus ut reddant quantocius  
litteras postulavit. Illi deinde post longas inducias confessi se perdidisse  
litteras apud quoddam praesidium. Plenus ergo anxietate propter labores  
& tædia correptus est febri per aliquot dies. Cumque labor habitus in  
Curia totus esset cassus, nisi etiam teverteretur, consiliis Dei misericordiâ  
plus quàm in viribus propriis, pecuniâ jam exhaustâ, placuit domum re-  
dire & querelas ad pedes B. Petri deponere. Sed ille sodalis ejus magis  
animam illius quam propriam salvare cupiens sese ultro exhibuit, sed ne  
cum eo rediret periculum febrium prohibuit, sicque solus Deo duce re-  
dux, & à Cancellario coram Papâ introductus, & auditis litteris adver-  
satis ipsius, jussit Papa rescribi litteras & reddi, & cooperante Deo licet  
fatigatus optato nunc potitus est. Multum interim pro salute sodalis sui solli-  
citus Bononiam reversus est, & eum salvum invenit. Ipse interim scribebat,  
& Missarum solemnibus vacabat, & orationibus apud capellam beatæ Teclæ

1212. virginis, socius Domini Egidii p̄x memoriz ejusdem capellæ rectoris. Frequenter etiam intravit & exivit inter monachos Beati Stephani, ubi requiescunt pretiosi martyres Christianus, Vitalis & Agricolaus. Postremò vale, facto omnibus familiaribus, iter arripuit cum comite suo, & per aliam viam reversus est, videlicet Mediolanum & Cumas, & sic Alpibus transmissis venit Basileam super Rhenum & Argentinam, ubi navi conductâ, Spirâ, Vormatiâ, Maguntia, & quamplurimis castris relictis, Coloniam venit. Post hæc pedestre itinere reversus est Deo disponente & cooperante circâ octavas Apostolorum.

Anno autem Conversionis suæ iv. facta est amicabile compositio cum filio Ernesti, præstitis sibi expensis pro redimendâ pace super collato jure à patronis majoris & sanioris partis, quod licet dictus filius Ernesti voluisset usurpare post inquam sententiam interpositâ appellatione nunquam fratres perdiderunt, & ideo secundum Augustinum projectâ pecuniâ pacem sibi comparavit.

1213. Anno autem sequenti quantum pro ordine, personis, & rebus laboraverit, facilius mente, quam litterâ potest ponderari. Pro ordine inquam, quia perpexit quòd diversæ essent consuetudines in Ecclesiis unius & ejusdem ordinis contra institutionem primævam; talem varietatem nolens, cœpit mendicare libros & transcribere. Aderat pro hac mutabilitatis medicinâ carus amicus, & hujusmodi sollicitudinis medicus scolasticus, frater Frethericus, qui junctus fuit ei corde in primo introitu in *Hortum*, cum ab aliis, ut suprâ dictum est, pateretur repulsam. Ipse ore & manu verbis & stilo instillabat auribus ejus, ut libros ordinis suis laboribus de ipso gremio matris Ecclesiæ transferret, & novam plantam novo potu rigaret, & exclusâ varietate, caput textum librorum musicorum conscribere, quem apud fontem facile posset corrigere, & notis quasi scaturigine primâ aspergere. Quæ ipseniet opera simplicitatis mirari se sæpe asseruit hac ratione, quia quasi oblitus fuit virtutum Dei disponentis & operantis, & ponderabat imperfectionem sui suprâ se aliquid præsumptis. Igitur profectus est assumpto secum fratre Thidardo in multâ simplicitate, & invenerunt gratiam coram optimæ recordationis Domino Gervasio Abbate, & in tempore competenti votis suis satisfecerunt & redierunt. Denique reportavit litteras confirmatorias laboris sui in monasterium, quod de novo *Floridus-Hortus* nomen accepit, in *Werum* in hæc verba.

1214. Gervasius Dei patientiâ Præmonstratensis dictus Abbas, Venerabilibus in Christo Fratribus Ordinis Præmonstratensis Abbatibus universis has litteras inspecturis salutem & sinceram in Domino caritatem. Non facile debet convelli, quod cum labore conficitur, nec à filiis immutandum, cui Patrum autoritas suffragatur, quin potius in suâ debet semper integritate persistere, quod constat esse & multâ diligentia comparatum, & providâ Patrum sanctione statutum, sed & propriâ insuper honestate subnixum. Sanè dilectus in Christo Emo *Floridi-Horti* provisor nuper veniens Præmonstratum multo fategit studio, multâ curavit instantiâ, ut in Ecclesiâ suâ, quæ adhuc nova est, libri Ecclesiastici haberentur secundum usum omnino & ordinem, quo ipsa Ecclesia Præmonstratensis utitur, in cantu. Ordinarium quoque ad exemplum nostri, & institutiones conscripsit, & quas in scriptis non invenit expressas. Quoniam ergo omne totum pulchrius elucescit, si

partes à se ipsis non discrepent, & membra eò rectius disponuntur, quò suo capiti coherrentia conformantur, nos ipsum Emonem, qui ad hoc sollicitius laboravit, ut Ecclesià sua suo toti, hoc est, ordini conveniret, & suo capiti, videlicet Ecclesiæ nostræ, per identitatem consuetudinum cohereret, attentius in Domino commendamus, præcipientes districtius in virtute Spiritus Sancti, & sub pœnâ excommunicationis, quatenus usus legendi pariter & cantandi, quem ad uniformitatem ordinis conservandam secum tulit à nobis in Ecclesiâ Floridi-Horti perpetuò modis omnibus habeatur, nec Priori, Abbati, nec alicui nostri Ordinis professori, aliquatenus liceat omnium eorum, quæ notavit, aut scripsit, jota unum, vel unum apicem immutare, sciturus qui hoc fecerit se ex eà horâ sententiam excommunicationis incurrisse, quâ aliquid prædictorum omnium innutare præsumpserit, nisi mutationem illam in Præmonstratensi Ecclesiâ factam esse noverit & receptam. Datum Præmonstrati vi. Id. Junii anno MDCCXIV.

Postmodum pro consummatione cœpti illius congratulatus est fratribus, qui eodem afficiebantur desiderio, subscribens in hunc modum: Credo fratres observantium institutionum Præmonstratensis Ecclesiæ verè Apostolicæ, esse quasi civitatem super montem sitam, cujus cives Apostolos & eorum successores, patres nostros Dominus commendans dixit: *Qui vos recipitis, me recipitis*. E contra de perversis dixit: *Quicumque non receperit vos, neque audierit sermones meorum &c. iterabilis erit terra Sodomorum &c.* Sed hoc quidem Apostolis. Nunc autem per successores eorum, in limine vobis quoque professus Ordinem Præmonstratensem audite, & recipere, & servare sub prædictâ spe vel pœnâ prædicuntur. Denique ex inspiratione, ut spero, Spiritus Sancti institutiones factas hujus sanctæ civitatis complexus, præcipue Deo disponente pro viribus, uniformitatem eorum, quæ ad cultum Dei pertinent, deesse dolui. Quæ quidem suo loco, in capitulo *Missale*, textus commendat. Postò aliquandiù circumferebar vento varix consuetudinis, donec dante Deo attraxi spiritum pietatis, & primò ad immolandum hostias jubilationis Deo uniformiter, usum cateus de gremio Præmonstratensis Ecclesiæ, non sine labore, sed cum solatio fratris Thitardi transtuli. Sanè hunc laborem satis dulcem persuasit mihi caritas fratrum, quos non minùs quàm me dilexi, quos eadem Spiritus Sancti inspiratio id ipsum mecum petere & expectare fortiter pœdocuit. Persuasit etiam obedientiæ donum, genitrix virtutum. Monuit concordia uniformitas. Sed credo, fratres non deerunt, qui dicent curiosum esse pro his quasi minimis acquirendis laborare, sicut Dominus arguit Scribas & Phariseos, qui decimabant mentam & anethum, & reliquerunt, quæ graviora sunt legis. Sed subjunctum est, *hec oportuit fieri, & illa non omittere*. Planè Deo disponente pro viribus domum sibi more converso fieri desidero. Romani nempe, ut legitur, postquàm civitas erat munita muris, volebant eam munire legibus. Religiosus verò priùs spiritualibus ditare se studeat, quàm temporalibus. Puto adhuc esse, qui quasi dedignando dicent me uti posse consuetudine vicinarum ecclesiarum. Sed legant mecum & intelligant: *nolite cantare, nisi quod constat esse cantandum*. Quid explicatis his verbis, vel simplicius? his jam Jimilis, filii dulcissimi, quorum palatum sanum est, vobis, inquam, laborem meum pro uniformitate Ordinis durum satis, sed dulcem, commendo, vos, inquam, cognoscite quanta sit hilaritas conscientia

1214. etiam in hac vitâ sine hæreticâ contradictione uniformiter Deo psallere, secundum instituta Ecclesiæ Præmonstratensis, quæ mater omnium Ecclesiarum suæ professionis. Porro pro imperfecto meo, quod à vobis facile deprehenditur, super audaciâ tanti corporis veniam peto. Sed ignorare nolo vos duo esse imperfectioris materiam, videlicet animum ad ulteriora pronum, qui nihil credit actum, dum quod superest agendum, & usum pristinum, qui etiam virtutem cognitam cogit negligere. Modum tamen in notandis libris servavit exceptâ clune cornutâ pro quâ ipsi utuntur flexâ rotundâ, & torculum frequenter habent, & podarum præpunctatum, & puncto percantato fortiori voce, quasi cum quadam subdistinctione resumunt podatum. Hæc ideo de notis vel figuris dixerim, quia certus usus earum dulcem modum cantandi reddit, qui haberi non potest de exemplaribus confusè & superbè notantium. Semitonium quoque clune circumflexâ cantant. Postremò, fratres dulcissimi, gratias ago Deo in exultatione, quâ me non meis meritis, sed vestris orationibus cumulavit, quòd opus sanctum, opus dignum benedictione à multis desideratum pro uniformitate Ordinis per me & fratrem in Christo transferri cum pace concessit.

Anno eodem, anno inquam gratiæ CIO CC XIV. inagister Oliverus, Scholasticus Colonienfis, verbi crucis legatus ingressus est in Frisiam, ad cujus exhortationem multitudo hominum utriusque sexûs cruce signata est per singulas Frisias maritimas, & trunci in Ecclesiis erecti causâ pecuniæ ad subsidium Terræ Sanctæ. Anno namque Domini CIO C LXXVII. Apostolico Urbano VI. imperante in Alemanniâ Frætherico, Constantinopoli Yfacio, in Franciâ Philippo, in Angliâ Heinricho, in Sicilia Willelmo, in Hungariâ Belâ, captæ est Jherusalem à Saladino Ægypti & Syriæ Rege. Hanc urbem Latini xcvi. annis tenuerant, ex quo ipsam cum Antiochiâ Christianorum recepit victoriâ, cum eam Gentiles prius per annos xl. possedissent. Commendationem verò Innocentii Papæ, qui pro liberatione Terræ Sanctæ prædicationes direxit, sic posuit Magister Oliverus dicens: Innocentius qui successit Cœlestino favorem suum impendit Ottoni & eum Romæ coronavit Imperatorem. Qui nimis ingratus benefactori suo patrimonium S. Petri statim post acceptam coronam invasit, nec pepercit puero Frederico, sed Apuliam hostiliter ingressus Deum & homines contrâ se provocavit. Ideoque Summus Pontifex multis præmissis admonitionibus eum excommunicavit. Deindè ejus Barones ab ejus fidelitate absolvit, & sic imperio perduto mortuus est in Saxoniâ cum signo maximæ contritionis.

Innocentius Papa ingenio, facundiâ, memoriâ præcellens fuit, in jure & lege Domini eruditus valdè, magnanimus plurimum, qui contumaciam Regum & aliorum Principum compressit, Regem Francorum Philippum uxorem suam, sororem Regis Daciæ, quam abjecerat, per interdictum Franciæ recipere coegit, Joannem Regem Angliæ, qui admittere recusavit ad sedem Cantuariensem Cardinalem Sanctæ Romanæ Ecclesiæ Dominum Stephanum, vitâ & scientiâ fulgentem per sententiam excommunicationis & interdictum Angliæ in tantum humiliavit, ut ipse & successores sui à Sede Apostolicâ Regnum Angliæ recipiant.

Temporibus ejusdem Pontificis populus Aquilonaris, qui ambulabat in tenebris, vidit lucem magnam fidei Catholicæ. Nam gens Livonum, Hestonum, Prussorum, variis erroribus delusa, ignorans Dei Filium, & incarnati verbi

verbi mysterium, numina Gentilium colebat, Dryades, Amadryades, Orca- 1214.  
cades, Napeas, Hinnides, Satyros & Faunos. Separabat enim sibi Lucos,  
quos nulla securis præsumpsit violare, fontes & arbores, montes & colles,  
rupes & valles venerabantur, quasi aliquid virtutis & auspicii reperiri posset  
in eis. Nunc autem sanam doctrinam secuta & adepta, ac in pastorem  
animarum suarum conversa Jesum Christum, Pontificibus suis obediens, ec-  
clesias ædificat ac frequentat, legibus Christianis pro magnâ parte subiecta.

Præterea Constantinopolitana civitas schismatica, in diebus suis expu-  
gnata, in Latinorum transiit dominium & potestatem. Insuper Tolosanum  
Comitem, receptatorem hæreticorum & defensores humiliavit, & Albi-  
enses hæreticos per largas remissiones Catholicis indultas ad nichilum deduxit,  
quos primo loco per prædicatores humiles ac litteratos ad orthodoxam fidem  
reducere studuit, deinde quasi contra Ethnicos & publicanos peregrinos ar-  
matus transiit.

Amiramolinus Rex Carthaginensis, in tantam surrexit elationem,  
ut missis litteris blasphemiam plenam, generaliter omnes Christi cultores ad  
consequendum invitaret. Unde propter indulgentiam à Domino Innocentio Papâ  
factam, de duobus regnis Franciæ & Angliæ, multitudo maxima congregata  
apud Toletum, sed qui vitiis pleni erant, non fuerunt digni diem condiciis  
expectare, nec placere Domino videbatur, ut dispositâ cœlitus Christianis  
victoriâ, multitudini bellatorum ascriberetur, & licet Rex Castellæ libera-  
lissimus, & miles secundum vires ætatis suæ strenuus, largâ manu stipendia  
distribueret, reversi sunt tamen ad propria, remanentibus paucis. Dux Au-  
striæ (a) propter viarum intervalla maxima tardè venit, nec assequi diem  
belli valebat. Rex autem Castellæ, & Arragoniæ, & Navarræ in fide Trini-  
tatis, & cum signis unitatis transeuntes portum, & obviantes principi per-  
fidie, qui licet eminentiorem locum occupasset, & numero equitum, ac  
peditum, Christianos multipliciter vinceret, virtute tamen divinâ superatus,  
in bello fugatus evasit, cæcis militibus multis Saracenorum, & amissis civi-  
tatibus ac castellis plurimis. Factum est anno Domini c10 cc xii. xvi.  
die Julii.

Post hanc gloriofam victoriam idem Apostolicus Orientali Ecclesiæ  
compassus prædicatores Crucis per regna misit Occidentis, cor apponens ad  
liberationem Terræ Sanctæ, orationes generales instituit, Concilium indixit,  
quod celebravit in Lateranensi basilicâ anno c10 cc xiii. mense Novembri,  
(b) & interfuerunt cccc & xiii. Episcopi, Abbatum & aliorum Prælatorum  
Ecclesiæ turba, conventusque numerari facile non poterat, ubi principa-  
liter ordinatum est de his, quæ ad subsidium Terræ Sanctæ pertinebant.  
Terminus etiam generalis expeditionis præfixus erat, infra quem idem  
Summus Pontifex obdormivit in Domino.

Ttttt

(a) Leopoldus.

(b) Indictum re ipsâ fuit hoc anno Concilium ab Innoc. III. anno 1213. Ex-  
tant apud Revnaldum litteræ indictionis, sed non eodem anno fuit ce-  
lebratum, nec celebrari debuit, cum post duos annos & dimidium coire Pa-  
tres tantum debuerint, computandos à die citationis, uti patet ex termi-  
nis litteræ encyclicæ in hunc finem datæ Laterani 13. Kal. Maji anno  
Pontificatus 16.

1215. Anno quoque VII. Conversionis suæ, Concilium Romæ celebratur III. idus Novembr. Sic namque scripsit Dominus Papa: taliter vos præparatis, quòd à præfenti Incarnationis CIOCCXIII. anno usque ad duos annos & dimidium, præfixit vobis pro termino idib. Novembr. &c. Quæ Synodus congregata est in Basilicâ Lateranensi, quæ Constantinopolitana dicitur, CCCCXIII. Episcoporum, tam Latinorum, quàm Græcorum, & Abbatum DCCC. & aliorum Ecclesiæ Prælatorum, Præpositorum, Decanorum, anno Pontificatus Domini Innocentii XVIII.

Completis igitur piis laboribus ut suprà dictum est, fratribus collocatis in Florido-Horto, & sororibus in *Campo*, inquam, *Rosarum*, multiplicata est familia, Dei gratiâ, hæreditate admodum sc̃stinatâ. Fundator autem persecutionem movebat, singulariter volens in communi conversatione jejunare, & singulariter prandere, & occasione litteraturæ modò versus Austrum, modò versus Occasum, modò versus Orientem pergebat, assumpto sibi jumento, & rebus quas quoquo modo conquerere valebat. Dicebat aliquandò ad quosdam, quòd in conscientiâ communiter torqueretur pro mutatione habitûs, & apud tales, qui vermem conscientiæ non medicabantur, & ideò nec licentiâ, nec consilio accepto Romam adiit, & reversus ultra à conqueſtione cessavit. Porro cum esset apud *Hildeshheim* causa studii litteralis, ubi discēbat in habitu regulari, cœpit agrotare usque ad mortem. Et venit quidam religiosus causâ visitationis & consolationis, & interrogavit eum de professione & moribus ejus; & comperto quòd quadam singularitate ductus, illuc transierat, injunxit ei sub spe salutis, ut postcâ innotuit, quatenus ad locum suæ conversionis, & ad stabilitatem, & ad obedientiam rediret, & convaluit, & rediit, & resedit in melius commutatus, & mansit aliquo tempore, gratiâ Dei visitante, in loco stabilis & quietus. Et appropinquante termino, qui præteriri non potest, quia inperſcurabiles sunt dies hominis, ne innotesceret ei finis suus, ille inquam finis, qui est sine fine, dissolutionem sui corporis perſensit, & dixit, quod pedes & nervi obsequium subvectionis ei denegarent, & procedente tempore præ habundantiâ humorum, ut putabat, vertigine & totius corporis, quasi mole, premebatur, & tali pressus stupore, fecit sibi fieri sanguinis diminutionem, & exindè in lecto decubuit. Cùmque decubuiſſet, & certa sui custodia non fuisset, citò vocavit Conversionem, qui in eadem domo dormire consuevit. Ac ille occurrens vidit eum agonizare, & continuò vocavit sacerdotem, qui assistens post verba consolationis & exhortationis, cœpit psallere, & officium more canonico agonizanti exhibere. Quo peractò reclinavit caput, & paululùm obdormivit, & evigilans dixit, quòd per visionem vidisset omnes charas in Christo sorores excentes de Oratorio, & gratanter occurrentes, & astantibus commendavit, ut oratio fieret pro eo ab eis, & dormivit in pace. Nocte igitur dormitionis suæ, ut dicebatur, cuidam sanctimoniali B. Benedicti per revelationem ostentum est vidisse virum albis vestibus & usque in cœlum penetrare. Et manè comperto obitu illius, gratulata est anima ejus, cum cæteris charis & amicis ejus. Obiit autem anno gratiæ MCCXV. octavo idus Octobris.

Mors  
Emonis  
funda-  
toris  
Florido-  
Horti.

Denique post mortem præfati fundatoris domus Dei, & Beatæ Virginis in Campo prænominato, sicut antè mortem ejusdem, dictus Præpositus

Floridi. Horti sollicitudinem utriusque familiæ fratrum & sororum gerebat, 1215.  
 qui sæpè ut dicebat de difficultate sollicitudinis obstupuit, quam misericorditer Deus mitigabat, diversis modis, quos inspirabat, quibus invigilabat correctioni suorum, necessariis quoque rebus ad sustentationem competentem, donis quoque Spiritûs Sancti, quibus personas fratrum & sororum accendit, ut patientiæ, humilitati, caritati, & obedientiæ invigilarent, ex quibus in uno corpore collegii fratrum diversam spargebat utilitatem, sicut dicit Apostolus: Unicuique datur manifestatio spiritûs ad utilitatem; per timorem, per pietatem, quæ est cultus Dei, scilicet Deum cognoscere, cognitum diligere, dilectum adorare: per scientiam quoque, per quam fratribus suis clericis, & laicis concessit res terrenas & negotia sæculi ritè dispensare, & se suosque fratres contrà adversitatem & pusillanimitatem munire, ut rectè & securè viverent in *medio nationis prave*, & cæteris bonis, de quibus scriptum est: in bonis justorum exaltabitur civitas. In rebus autem gerendis & administrandis se simplicem æstinavit & insufficientem. Et cum plerumque in stuporem traheretur propter temporis malitiam & fratrum conquestionem sub pondere suspirantium inunctæ sollicitudinis, & imminitendum humanæ solertiæ audaciter dicerent, ille meditabatur de Deo confidendum, & de eo præsumendum, & ab eo solo petendum, ut vias hominis dirigat. Sicut ille, qui oppressus à Gigantibus, & contradicторibus, ab proditoribus, ab iniquitate, & dolore, usurâ, & dolo, pro se & omnibus clamavit, *Jacka cogitatum in Domino*. Quod etiam expertum se dicebat multis casibus minùs subtiliter examinatis, de quorum eventu timebat turbari, sed de eisdem in melius tractatis meruit laudificari. Undè illud Apostoli: *Scimus quòd diligentibus Deum omnia cooperantur in bonum*.

Anno Conversionis ejus non soluta est compositio, quæ imita fuit cum filio Ernesti decimo sexto Kalendas Martii, cujus pater decimo quarto Kalendas Novembris collectâ multitudine bellatorum venit Loppersum (\*) ejicere Eghardum de domo dotali Ecclesiæ, asserentem se Jussu habere in Ecclesiâ fratris sui Alberti jam defuncti. Cujus dimidia pars ab Episcopo concessa fuit filio suo, sed tum stimulante invidia quorundam, in illâ seditione quidam igne appposito, domum, pro quâ litigabant accendit, de cujus incendio exulta est Ecclesia S. Petri vicina, pro cujus restauratione compulsus est à Parochiâ exponere mille marcas, & pro ipsis solvendis hypothecariâ satisfecit cautione. Ernestus verò Idibus Decembris nocte B. Lucie martyris mortuus est, & nutu Dei reddita est pax fratribus, quemadmodum Beatissima Martyr & Virgo astantibus Christianis promiserat. Et uni ex fratribus eadem nocte Venerabilis Virginis per somnium revelatum est, quòd fumo domus Ecclesiæ repletur, & cista in quâ erant indumenta sacra adhuc communia, conventui & præfato Ernesti filio, de loco sursum tolleretur. Qui manè intellexit jam dictum Ernestum moriturum. Quod & factum est.

Eodem quoque anno facta est donatio Ecclesiæ in Werum ab universitate patronorum decimo quinto Kalendas Aprilis præfente Menkone Decano in Loppersum, & aliis plurimis, constitutis jam fratribus sub Ordine Præmonstratensi. Ipse verò conscriptis exemplaribus Ecclesiasticorum

(\*) Loppersum Fiwelingorum vicus, præpositurâ & arce *Tenham* insignis, in Diocesi Groningana.

1215. librorum cum fratre præcordialissimo memorato de *Horto-Beate-Virginis* (a) primò ad Capitulum proficiscitur, & triduo Capitulo terminato, remansit usque in diem omnium Sanctorum. In quo Capitulo se & locum novellum imbutum suavi sapore Præmonstratensium consuetudinum in usu vivendi & religione Deo serviendi optulit, petens paternitatem, & percipiens, & litteras reportans in hunc modum: Ego Gervasius, Dei patientiâ dictus Abbas Præmonstratensis omnibus in perpetuum. Notum esse volumus tam præsentibus, quàm futuris, quod cùm Ecclesia *Floridi-Horti* in Frisia per Dei gratiam dilatarî coepisset, ita quod surgens de paupere fundamento jam haberet incrementum, quoniam vir religiosus Eino ejusdem loci Præpositus, qui fuit unus de duobus primis inhabitatoribus & fundatoribus dicti loci, idem Præpositus tandem veniens ad generale Capitulum Præmonstrati se obtulit, & locum suum Ecclesiæ & Ordini Præmonstratensi, quem elegit, & professus fuerat à primis Ecclesiæ sibi commissæ fundamenti, ipsamque Præmonstratensem Ecclesiam immediatè matrem elegit, ut Ecclesia *Floridi-Horti* tanquam specialis filia Præmonstrati per Præmonstratensem Abbatem tanquam per Patrem regatur, secundùm quod Ordinis exigunt instituta: nos autem devotionem ipsius & suorum in Domino commendantes, sicut erat meritò commendanda, recipimus eum in filium, & Ecclesiam suam in filiam spiritualem. Ne igitur futuris temporibus super hoc possit aliquis scrupulus suboriri, præsentès litteras in testimonium rei gestæ conceptas sigilli nostri appensione duximus roborandas. Actum anno gratiæ CIO CC XVII.

1217.

Forma Capituli general.

Formam Capituli, quod per triduum celebratum, in scriptum redegit hoc modo: primo die postquam ingressi sunt Capitulum Abbates Præmonstratensis Ordinis, procurantur litteræ varæ, & pro causis quibuscumque tam per Patres Ordinis, quàm per Nuncios potentem, & pro excusatione absentium & conceditur fraternitas supervenientibus per librum solito more, item pro absolutione defunctorum, quibus olim vel per certum Nuncium, vel pro se petentibus per litteras datâ fuit fraternitas. Quorum litteræ recitantur. Quibus lectis subjungit Abbas, *Anima ejus & anime omnium fratrum defunctorum* &c. pro fraternitate quoque dandâ multi tam viri, quàm feminae religiosæ, pauperes & divites, introducuntur.

Die secundâ antè ortum lucis pulsatur unum de maximis signis, & statim omnes surgunt Abbates & Capellani, dicentes apud se Primam, & pulsatis omnibus signis, omnes Chorum ingrediuntur, & mox Abbas ille, cui pridie injunctum fuerit, imponit solemniter, *Dum sanctificatus* &c. cum sequentiâ, *Veni Sancte Spiritus*. Missâ itaque percantatâ, vel usque *Agnus Dei*, pulsatur nola, quæ suspensa pendet antè ostium Capituli, vel caminatae Abbatum, ter interciso sono. Finita Missâ omnes intrant Capitulum, & omnilus decenter stantibus imponit Abbas Præmonstratensis, *Aleluja, Veni Sancte Spiritus*. Quo percantato dicit, *Benedicite*, & mox Abbas aliquis humilians se antè dictum Præmonstratensem acceptâ benedictione facit sermonem.

Postea

(a) *Hortus B. Virginis* Abbatia Ordinis Præmonst. in Diœcesi quondam Ultrajectanâ nunc Leovardienti, fundatur an 1163. à Friderico illius loci patre, beatorum filius ascripto, cujus corpus ob favientem in sacra quoque hæretim, ad cenobium Bonæ-Spei in Hannoniâ solemni ritu & pompâ delatum est 6 Decembris 1616.



Postea sicut prius fraternitas à supervenientibus postulatur & conceditur, 1217.  
& Abbates pro familiaribus postulant. His ita peractis Prior Capituli, Abbas aliquis, publicè pronuntiat, ut exeant Capellani, & continuo surgunt Circatores secundum ordinem cum sedulis, duo, in quibus continetur, quomodo se habeat domus illa, quam vísitavit in spiritualibus & temporalibus. Quibus recitatis porrigunt cartulas Priori Capituli, & coràm Domino Præmonstratensi se prosternunt, dicentes, si quid minus fecimus, quàm debuimus, veniam petimus, & Abbas subjungit, *Indulgentiam* &c. Post hæc omnia dicit D. Præmonstratensis his, qui diffinitores dicuntur, ut factò prædico conveniant, & super singulis, quæ recitata sunt, tractent & disponant.

Die tertiâ, ut prædictum est, ante ortum lucis pulsatur Prima, & ingressis omnibus chorum, inponitur solemniter, *In medio Ecclesiæ*. Abbates interim, qui volunt, Missas celebrant. Missâ verò percantatâ, pulsantur nola capituli, ut dictum est, & omnibus in templo constitutis, inponit Dominus Præmonstratensis, *Veni Creator*. Postea dicit *Benedicite*, & rursum fit exhortatio. Diffinitores autem, si adhuc habent indiscussâ, iterum conveniunt seorsum, & alii quo-libet exeunt. Fit tamen interim exhortatio in Capitulo Claustri, cui multi interfunt. Reversis verò diffinitoribus in Capitulum pulsatur nola, & conveniunt singuli Abbates, & surgens Prior Capituli dicit, exeant Capellani, & nuncii Abbatum remaneant, & ex tunc de tabulâ pronuntiat, quæcumque diffinita sunt, & scripta, videlicet de Abbatibus deponendis, quibus dicitur Abbates illi præ insufficienciâ suâ cedant. Et statim surgunt, & reddunt sigilla, & dat eis prostratis indulgentiam, quibus ritè de Abbatibus peractis surgunt, & Capitulum Claustri intrant & si quæ sunt de culpis subditorum ordinata pronunciantur in audientiâ omnium. Postremò Dominus Præmonstratensis more prælationum in parafceve, orat pro omnibus gradibus Ecclesiæ. Tandem accensis candelis & allatis stolis, & baculo pastorali, excommunicantur proprietarij, & alij secundum ordinem, & dicit: omnis proprietarius &c. auctoritate Domini nostri Jesu Christi &c. subjungens *fiat, fiat*, & projicit ad terram candelam, quam tenuit & alij Abbates similiter. Postea subjungit *Confiteor, Misereatur, Indulgentiam*. Sequitur benedictio, *sit nomen Domini benedictum &c. adiutorium &c. benedicat &c.*

Eodem anno applicuit exercitus Christianorum *Acon* contra Saracenos. Anno gratiæ *MDCCXVII*. hoc in loco libuit interponere pro favore peregrinorum topographiam & eventus quos pertulerunt viriliter pro Christo peregrini navigantes per mare versus Terram Sanctam, quos quidam familiaris suus in viâ peregrinationis suæ conscripsit, & ei transmiit in hunc modum. Anno Dominicæ Incarnationis *MDCCXVII*. Pontificatus Honori Papæ secundo, ultimo die mensis Maij, natales fines & arva dulcia liquentes primities peregrinationis nostræ libavimus ei, qui peregrè proficiscens, suis bona sua, quandoque cum usuris repetenda distribuit. Per ostium itaque Lauricæ fluminis in altum emissi, ventis usi pro voto secundis, die tertio Angliam vidimus, quam præ oculis, & à dextris habentes, insulam, quæ dicitur *Wick* vidimus, quæ mari excedente divisa ab Angliâ, per se facit insulam, sed debitam Angliæ servat obedientiam. Sequenti autem die Sabbatii *Dunelmithæ* pervenimus, ubi portus interduos montes altos sinuoso nos collegit amplexu, ubi Hollandiæ Comitem (*Florentium*) & Co-

1217. mitem de *Vetba* (Veda) cum multis viris nobilibus, & XII. navibus ad-  
 vectos invenimus, ubi consilio prudentiore promulgatis legibus in exercitu  
 servandis, omnibus quoque ad salutem animarum, & pacem pertinentibus  
 ritè dispositis, Comes de *Vetba* Prædux totius classis est electus, posteriore  
 custodiâ Comiti Hollandiæ deputatâ, quem Ducem & Dominum jam totus  
 sibi delegerat exercitus. Die igitur Dominico aliquantùm aëre perturbato  
 propter dies inter-lunares semper navigantibus suspectos, Comes de *Vetba*,  
 ventis suadentibus se mari commisit cum multis navibus, quibus vento  
 opposito, nebulis & imbre disiectis unâ in scopulos incidit Britannix, quæ  
 salvis hominibus cum multâ rerum jacturâ deperiit. Nos igitur cum Co-  
 mite Hollandiæ Britanniam dimittentes, quartâ feriâ portum S. Mathæi atti-  
 gimus, secundò perlectis constitutionibus totius eisdem legibus servandis se  
 astrinxit exercitus. Sequenti verò die Dominico mutatis custodiis Comiti  
 Hollandiæ præducatus, & Marcallo Colonienfi postducatus committitur. Por-  
 tum S. Mathæi linquentes Aquiloni vela laxavimus, qui Ulix-bonam ten-  
 dentibus, & omnibus suis collateralibus est utilis. Ventis itaque prosperis  
 sed nimis lenibus usi sextâ feriâ proximè Phare pervenimus, quod est oppi-  
 dum Galiciæ, dives admodum, portum habens flexuosum, turre sublimi  
 præfignatum, à Julio Cæsare constructâ. Sequenti die versùs Compstellam  
 iter arreptum, per diem & noctem continue laborantes vix confecimus.  
 Unde post oblata Deo & beato Apostolo sacrificia reversi per IX. dies ven-  
 tis oppositis Phare sumus detenti. Hortatu igitur Comitis Hollandiæ, qui  
 ab incolis dicerat, quod ab illo portu ventis Ulixbonam serenitus exire  
 non possemus, versùs Britanniam ad unius milliaris æstimationem reversi,  
 portum optimum, inter duos montes, ut dictum, aëreos situm, intravi-  
 mus, à quo in festo Apostolorum progressi ventis instabilibus, per tres  
 dies & noctes jactati fluctibus quarto die Portugaliâ pervenimus. Hic  
 portus faucibus arcibus & objectis scopulis est præclusus, ubi quædam de  
 navibus nostris non sine magno periculo, cæteræ verò extrâ portum in  
 conspectu scopulorum anchoris missis in angustia spiritûs noctem exegerunt.  
 Manè autem factò, ventis suadentibus, iterùm iter attemptantes, sed voto  
 fraudati, portum *Silere* intravimus, ubi in grangiâ portui proximâ ad  
 Abbatem de *Alcubar*, Ordinis Cisterciensis, intravimus. A quo de situ  
 terræ & portuum difficultate, multa audivimus, qui etiam inter cætera  
 nobis retulit, qualiter Magister Regis de Maroch ad fidem nostram con-  
 versus, palam coràm Rege prædicavit, regnum ipsius finem habiturum  
 in proximo. Quo ad jussu Regis interfecto, filius ipsius in lege doctissi-  
 mus, fidem Christianam publicè professus, contrâ legem Regis prudentis-  
 simè disputavit, & de fine Regni ipsius ex dictis Prophetarum, probabi-  
 lem collegit sententiam, qui secundâ die mille lanceis consossus interiit.  
 Cujus Rex corpus cum immundo loco projici juberet, Deo volente, nullâ  
 poterat arte moveri. Quo miraculo Rex confusus, Christiani roborati in  
 tantum, ut ab illo die publicè Missas celebrarent, & Ecclesias construe-  
 rent in civitate *Maroch*. His igitur & plurimis ab eo auditis portum *Si-  
 lere* tertiâ feriâ post festum Alexandri martyris linquentes, sextâ feriâ pro-  
 ximâ Ulixbonam pervenimus. De cujus situ quædam propter utilitatem,  
 quædam propter delectationem annectimus. Est igitur Ulixbona civitas  
 Hispaniæ, terminus Gentium & Ecclesiæ, citu veteri sita in monte ab

Ulixæ & Achille condita, quod probant antiqua ædificia, *Turres veteres*, appellata, & pagus vicinus *Achele* vocatus ab Achille. Caput autem civitatis ipsius circumiun implens, muro & turribus altis verticem civitatis pulchrè coronat, ubi est domus Episcopalis & sedes. Corpus verò civitatis per dexum montis, usque ad aquam fluminis descendens ad Austrum muro cingitur & turribus, ubi miro schemate constructam in honore Beatæ Virginis ostendit Ecclesiam, in quâ corpus Beati Vincentii martyris in sarcophago-requiescit argenteo. Ad Orientem verò extrâ civitatem, quoddam est venerabile coenobium, ubi palma de sepulchro martyris Christi Propteri, Ulvinga pulchrè confurgens in aëre demonstratur, qui mutato nomine Henricus, Princeps militiæ Christianæ, antè LXX. annos ibidem cum suo armigero vitam finivit in Christo, qui nunc divîna revelatione canonizatus, gloriâ temporali letatur & aternâ. Tagus autem flumen ad Austrum descendens largo sinu innumeris navibus stationem præbet tutissimam. Notandum verò, quòd naves portum intrare volentes sinistri litoris latere decurrunt, usque dum in faucibus ipsius fluminis receptæ, oppositi litoris montem ascendunt, donec scopulum transeant quinquaginta cubitorum, in sinistro latere sub aquis latentem. Collectis igitur in hoc portu multis navibus, adunato totius exercitus consilio, & populo civitatis, Episcopus loci illius sermonem faciens ad populum, persuadere nitebatur, ut in Hispaniâ remaneret, & inimicos Ecclesiæ Dei in urbe *Alcor* dictâ expugnaret, utile hoc fore & honestum multis rationibus asseverans, suum, & suorum, & Regum terræ promittens auxilia, lucra promittens, & moram sine lucris etiam utilem probans, tum propter rerum copiam ibidem venalem, tum propter moram Regum & Principum, qui eo anno non transirent, cætera, quæ rationi videbantur consentanea, annexens. Sed his omnibus magna pars exercitus, sed præcipuè Frisones reclamabant, multa in contrarium allegantes, illud præcipuè, quod Dominus Innocentius negaverat cuidam licere peregrinos in Hispaniâ detinere, vindictam Ecclesiæ docens inchoandam à Capite. Diviso igitur exercitu quintâ feriâ post Beati Jacobi festum simul à portu exivimus, mediâ parte pavium versus Terram Sanctam tendente, & cæteris ad expugnandam urbem *Alcor* properantibus. Nos autem urbe à sinistris relicta *Caput Sancti Vincentii*, & *Caput de Sacis*, & *Alvor* quoque & *Silvis*, urbes captas quondam à nostris, *Almadra* quoque & *Albusera* castra fortia pertranseunt ad lavam antè portam civitatis, quæ quondam Sancta Maria, nunc *Hairin* dicitur, ventis fallentibus anchoras projecimus de navibus XXV. ibique noctem agentes manè socios nocte dispulsos à nobis, venientes lati suscepimus, simulque cum ipsis vela levantes, dum procedere temptaremus, subito voto, & vento fraudati, rursus uncas harenæ mandare cogebamur. Nec mora minoribus ad terram navigiis advecti de obsidendâ civitate consilia ventilavimus. Diversis itaque diversâ sentientibus, divîno spiritu, nescio an suo impetu inflammati, circa vesperam Frisones signa levantes in Cælum, & Beatam Virginem in subsidium cum cantico invocantes, hostes dispositos in campis, & urbem, audacter insiliunt, statimque hostibus in fugam conversis, dum portis appropriant, Saracenum per murum descendente conspicunt. Quo statim interfecto quidam Friso sagittam iniecit, & eodem sine transcendens murum, vexillum in turri sublime deposuit, portisque apertis so-

1217. cios recepit. Qui totâ nocte spoliis intendentes, manè succedentes civitatem, multam navibus prædam invexerunt. Licet autem nox illa nubibus atris texisset Coelum, multi tamen imaginem Beatæ Virginis se vidiſſe teſtabantur, in aëre, tanquam ſuæ vindictæ congratulantis. Erat autem hæc civitas fortiffima, cujus duæ partes aquâ cingebantur, totâ muro turrato vallatâ, ſpiſſo in tantum, ut in ejus vertice duo poſſent equites concurrere. Hæc vaſtatio onnem in tantum terruit viciniâ, ut nullus in ſuis præſidiis ſperaret ſalutem.

His itaque peractis in die S. Petri ad vincula procedentes, civitates & oppida terrarum illarum, *Odiamam, Harmund, Keſalam*, ſaltus quoque & *Arenam S. Eulaliæ* cum Hiſpali magnâ tranſeuntēs ad levam ſequenti die *Rodete* pervenimus. Jactis anchoris terram propere conſcendimus, converſis in fugam civibus, noſtri caſtrum invadunt, ſpoliis vaſtant & ignibus, totâque illâ nocte in oppido permaſerunt. Mane facto plurimis ad naves cum prædâ reverſis, quibuſdam ſpe lucri per vineas incaute diſperſis, Saraceni multitudine magnâ per noctem collectâ noſtros invaſerunt. Paucis itaque caſis utrinque, miſſis de navibus auxiliis, totâ die pauci de noſtris cum multis Saracenis commiſerunt, ita ut pauci de noſtris, Mauri plurimi, arcubus morerentur & balifſis. Sole verò ad occaſum vergente Saraceni fortius conglobati, diù ventilaris conſiliis, clangore horrido intonantes velut parati omnia fortuna committere, cum impetu noſtros inſiliunt, ſed ſtatim in fugam converſi turpia poſt tergum vulnera ſuſceperunt. Noſtri ergò tunc demum navibus ſe ſuſcipientes, balifſariis ultimam mandavere cuſtodiam, qui repulſo Barbarorum impetu, poſt omnes navibus inveſcî, primam & ultimam meruerunt victoriam. Tunc verò victores mutuis ſe laudibus efferentes, dum ſe humiliant in laudibus, in gloriâ plus crevit timidiſſimis quibuſque audaciâ loquendi. Mane facto ſeriâ ſextâ Nationem ſolventes, contra inſulam *Cadix* proras direximus, portuque recepti in magnanimitate ſpiritus, qui ſemper naſcitur ex proſperis, terram conſcendimus, civitatem ejusdem nominis turribus multis munitam obſedimus. Civibus in inſulam ulteriorem elapſis, civitas deſolata, inimicos ſuos, ſuæ ſolitudinis accepit ſolatium. Cujus ædificia materiâ, & arte fulgentia, vineas & pomeria &c. nobis vendicantes in labores aliorum intravimus, hortosque & vineas, ficus & oleas, & omne genus arboris promiſcuè ſuccidimus, Mahumeriamque ipſorum tantis impensis, tanto conſtructam ingenio, ut referenti nemo crederet, ad referendum nemo ſufficeret, ſolo æquavimus, cujus ligna coloribus, & floribus exciis, neceſſariis uſibus deputavimus, & uſque ad dies aliquot ibidem permanentes, tandem ſaturati ſpoliis, reliquias civitatis per ignem judicavimus, velisque levatis, uſque ad ſauces ſtricû maris, quod *Oſtrica* dicitur eodem vento & velo volavimus, ubi Evro ſe opponente, ſuper anchoris noctem exegimus. Mane verò ventis ſurentibus ad inſulam prædictam redire compulſi, damna & pericula & multas pertulinus anguſtias. Quatuor namque diebus continuè aſcendendo ad coelum, & deſcendendo uſque ad abifſus, fluctibus iratis jactati ſub inſulâ, ventorum vim ſequi, & mari procelloſo nos committere, quod plurimum timebamus, judicavimus tutiſſimum, illud Senecæ ad Lucillium recolentes; in tempeſtate navigantibus nil æque timendum, quàm terram.

Anchoris

Anchoris itaque primâ Sabbathi manè levatis, sed pluribus in fundo relictiis, LXXXVI. naves statione solutâ, ubi erat spiritus ventorum & procellarum impetus, illuc ferebamur, fidei & propoliti scindentes unitatem, necessitatis exigente articulo. Nos verò in portum *Hispalis magnæ*, quæ nunc *Sibilia* dicitur, non sine periculo magno intravimus. Dominus autem qui deducit ad inferos, & reducit, humiliat & sublimat, eodem die nutatis pro voto ventis, ceteras naves, & socios nostros in viam voluntatis eorum reduxit. Nos verò à portu exire non valentes duas ibi noctes exegimus. Tertio tandem die vela levantes, eodem die circâ solis Occasum horridas fauces intravimus, ubi Europa & Africa montibus erectis in cœlum facillè conspiciuntur à dextris & sinistris, ibi *Mutemuda* civitas Africae & *Ceteripb* oppidum Hispaniæ, ex parte montium Occidentali libi contrâ ponuntur ex directo, ubi Commeatui brevissimus est transitus. Ad Orientem verò *Cepta* civitas conspicietur in Africa, cui ex directo *Malagam* opponit Hispania. Igitur in alis Zephiri velut carcere emissi, die Beata Virginis itinere assumpto, non navigare, sed volare videbamur, ita ut qui saepe descenderant in navibus, & operationes fecerant in aquis, numquam se tam immanibus procellis jactatos jurarent. Ventis itaque ingentibus à conspectu Hispaniæ, quæ præ oculis semper habenda est, Balbellonam (*Barcellona*) euntibus longè delati *Evice* insulam quarto die venimus, & nos deviasse cognoscentes, prorsus ad terram conversis, tertio die *Tortosam* civitatem accessimus, ubi *Errora* (*Iberus*) fluvius limes gentium, & terminus fidelium dulcibus aquis influens amaritudinem temperat, & reddit potabilem. Ibi tandem Saracenis à tergo relictiis libertatem consecuti, & aquas potabiles nacti veteris veritate probatâ proverbii, quod libertatem existimat, & Peium Ponto aquæ potabilis, laudavimus inventorem. Defecerat enim nobis aqua, & multi de nostris, sitis, & febrium, & dysenteriae calore serventes, aquas maris amaras haurientes, sitim extinguendo incitabant. Alii llim in lagenis inventam, alii quoscumque fructus, manibus exprimebant necessitatis suæ judicantes auxilium, alii foeces vini vel cervisiæ fugebant. Nonnulli quoque gemino famis & sitis malo confecti, in amaritudinem animæ suæ panes amarissimos, aquâ maris confectos comedeant. Duobus igitur diebus in convivio dulcium aquarum deductis, ventis prospectis navigantes, Arragoniam à sinistris, & castra plurima linquentes, vigiliâ Sancti Bartholomæi Balbellonam venimus ubi secundis ventis gavisi, laisis corporibus, suadentibus ventis tamen provecti, octo miliaribus emensis portam Sancti Feliciani martyris in territorio Catalogniæ contigimus, collectisque sociis, qui ibi stationem fecerant, *Marsiliam* properavimus, sed duris Boreæ flatibus à terrâ repulsos portus Sancti *Mandriani* martyris nos suo collegit in gremio, unâ dietâ distans à *Marsiliâ*, qui inter montes altissimos complicitus *Toloniam* civitatem habet à dextris, Capella verò Sancti martyris in latere sinistro villi scemate constructa, sed multâ sanctitate famosa monstratur. Inde verò xv. die provecti, relictiis à lavâ *Gandâ*, & *Gerâ*, & *Antibure* civitatibus, portum, qui *Olivæ* dicitur, in festo Lamberti martyris intravimus, qui morte interjecto ad Occidentem *Vaccam* habet Castrum in monte sublimi constructum. Unde per dies octo progressi relictiis à sinistram civitatibus famosis *Jannâ* & *Pisâ* & Castris innumeris, ad dextram verò insulis *Sara*

XXXXX

1217. *diniâ, Corsicâ, Capricorne Gorgonio, & Ellâ, & aliis quàm plurimis ad oppidum in territorio Pisano, quod Plumbinum dicitur, pervenimus. Unde post octo dies Messinam tendentes ventis contrariis agentibus portum Civitatis veteris, quæ quondam Centum-Cellis dicebatur, in festo beati Dionisii martyris non sine magno intravimus periculo. Unde propter angustum spatium & navium multitudinem, quæ portu stricto collidebantur, egressi cum navibus XVIII. stationem fecimus in portu Cornetano. Est autem Cornetum à cornis dictum Castrum Domini Papæ, in patrimonio Sancti Petri fundatum, tribus miliaribus distans à mari, & duas dietas à Româ. Igitur à civibus Cornetanis honestè suscepti, de fide & securitate litteris ipsorum muniti, cuncta quæ ad hiemis solatium pertinebant, disponere curavimus, quos Dominus Papa benignè suscepit, de virtute Frisonum & audaciâ, & in destructione civitatum Hispaniæ non parùm gavissus, qui nostris aures suæ Sanctitatis inclinavit in tantum, ut Veronicam (a) Domini, nobis infra paucos dies bis videndam monstraret. Præterea litteris suis transmissis Cornetanis, Biterbiansibus, Tuscanis, Vetrallis, & cæteris vicinis civitatibus & castris nos cum multâ commendavit diligentia, sub anathematis interminatione præcipiens, ut in commerciis, & contractibus & cæteris necessariis nos fideliter traderent. Quod ab omnibus inviolabiliter est observatum. Igitur hyeme peractâ in primâ veris adolescentiâ, Vigiliâ S. Benedicti, naves in altum à portu deduximus acceptâ à Cornetanis, ut & à Potestate, à Senatu & universâ communitate licentiâ, qui bonum principium meliori fine concludentes honestè susceptos honestius dimiserunt cum multis milibus utriusque sexûs, cum apparatu insigni & gloriâ, cum baneris & vexillis CLXVIII. usque ad mare deduxerunt, ubi collecto cætu, dispositis in gyro populis, Potestas Cornetanus qui prudens & legum doctissimus, Frisonum fidem & audaciam multâ commendavit sacundiâ, satisfactionem offerens spontaneam, si qua facta fuisset in nos injuria. Signatos quoque Corneti, Biterbi, Tuscani, Senæ, Vetrallæ, Montisalti, Montisfalconii, & cæteros, qui in navibus nostris in Terram Sanctam properabant, fidei nostræ commendavit, & in omnibus nobis præcepit esse subiectos. Omnibus igitur in hoc consentientibus, ipse Senator vexillum insigne, in signum potestatis & domini, propriâ manu porrexit, omnibus Latinis fide adstrictis, ut in omnibus negotiis pacis & belli nobis tanquam patribus obedirent. Nosque respondendi tempore accepto, qualescumque gratiarum actiones ipsis retulimus de beneficiis acceptis, & pietate ergâ nos usque in finem servatâ, cum æquanimiter memoris sui incisionem, suis vetitam civibus, in nobis tolerassent, & piè nos in suis hospitibus & fideliter in commerciis tractassent, nec non humanè infirmos nostros visitassent, quicquid vel usus communis, vel petitiâ Physicorum in remedium morborum adinvenerat, secum afferentes & prout cuique opus erat impertientes, quod denique tantâ pietate infirmos nostros ut filios suos deplorassent, sepulchra eorum ut Sanctorum venerantes & cætera. Pro quibus omnibus nostri laboris participium & Deum ipsum retributorem constituentes, non sine lacrymis abrepti, & divisi in die Annunciationis Dominicæ vela levavimus,*

(a) Hinc collige quantum aberrant à vero qui Veronicam Sanctarum ascribunt catalogo, & iconem veram, sive imaginem Christi, in Beatam transformant, ut somniavit P. Sebastianus à S. Paulo.

& per diem & noctem prosperè navigantes ventis contrariis in portum Veneris-Civitatis sumus revecti. A quo eodem die feriâ tertiâ, recedentes velis Aquilone tumentibus, *Ostia Tiberina*, *Tagetam*, *Baias*, *Neapolim* Principatus Apuliam, Calabriam, Siciliam, quò tendebamus, relinquentes ad Iavam, sexto tandem die, feriâ secundâ, pluribus defatigati periculis ex imperitiâ ductoris in insulam, quæ dicitur *Lampeosa* (a) duce Christo devenimus, ubi Cursarios Janvenses in galeâ unâ foeliciter invenimus. Qui de prædata Barbariâ & captis Sarracenis, tempestate coacti illic in portu recepti, socios à se divisos expectabant: à quibus de errore nostro & imminentibus periculis sufficienter instituti, quartâ feriâ *Siciliam* CCC. miliaribus à tergo relictam proras direximus. Emenfis igitur CXX. miliaribus *Maltam* insulam devenimus, quâ à dextris relicta, feriâ III. *Sarrogasam*, quæ Siracula dicitur, foeliciter contingimus CLX. miliaribus à Malthâ distantem. Est autem Siracula sedes Episcopalis ad Orientem Siciliæ inter Mezaram & Cataneam, ubi diem Palmarum solemniter celebravimus, Canonicis ejusdem Ecclesiæ morem Latinorum per omnia sequentibus. Quartâ feriâ proximâ inde recedentes, per dies & noctes ventis usi prosperis, sed nimium validis in die sancto Paschæ sub *Cretâ* insulâ ad Occidentem anchoras propinquimus, & ibidem totâ nocte jactati fluctibus & procellis præter spem, Dei misericordiâ servati, manè insulam, quæ *Sikilon* dicitur, accessimus cum tribus tantum navibus, quarum duæ in portu tenacibus anchoris remanserunt. Nos verò fallente anchorâ ventis oppositis à portu repulsi circa vesperras sub *Cretâ* recepti ad Aquilonem totâ nocte ventis usi secundis, die secundo ad vesperam *Candiam* civitatem pervenimus, ubi à custodibus insulæ diligenter educti, quæ sydera, quam coeli plagam sequi deberemus, tendentes versus *Acon*, post solis occasum portum linquentes, ventis & mari plus quam pro voto blandientibus die VII. sequenti, die post Marci Evangelistæ portum Aconensem gaudentes intravimus, gratiarum actiones, non quas debuimus, sed quas potuimus, referentes Deo, qui nobis omnis humanæ societatis solatio destitutis tanto affuit suæ pietatis præsidio, ut post multos labores requiæ corporis indulgâ docere videretur expressè, quòd sit beatorum post mundi pericula, futura requies animarum, & tunc demùm quæ passi sumus periculorum meminisse juvabit. Amen. Et hæc ad gentis Frisonum gloriam retulisse sufficiet. Nunc ad intermissâ revertamur.

Sanè corporis sui complexionem eatenus temperatam esse novit, (Ema) quòd nec aspectu, nec tactu subito, quibus appetit & appetitur concupiscentia sceminarum, castitas, erudiente stupore verecundiæ per Dei gratiam unquam violaretur. Quamobrem immittebat, & imprimebat suggerendo hostis antiquis illecebras cogitationes per absconditam tentationem, quæ est carnis concupiscentia, quæ teste Apostolo concupiscit adversus Spiritum & è converso. Cumque tribularetur aliquotiens oraculo Apostolicæ sententiæ armatus est. Nam cum immineret, linguâ palpitante, in verba hujusmodi solebat erumpere: *Infelix ego homo, quis me liberabit de corpore mortis hujus*. Gratiâ Dei per Jesum Christum Spiritus quodam robore convalescebat, juxta quod quidam sapiens dixit: *Vincit in certamine, qui Spi-*

(d) Forstè Lampetiam in Calabria.

1217. *ritu ductus gratiam attendit.* Et tunc expertus est utiles esse tentationes. Sicut caro sine fide, sic anima sine temptatione corrumpitur. Et vilescbat ei mundus, sicut ille, qui afflictus dicebat; Ego dixi in pavore meo, quo scilicet erudiebatur, omnis homo mendax & infirmus. Duo inter utilia, utiliora & efficaciora, aegritudine urgente probavit antidota, quod, quandoque cum non sentiret, Ieronimo dicente, oratione fugarentur pestes animæ, & jejuniis pestes corporis. Nam cum corpori auctoritate spiritûs indiceret abstinentiam panis & aquæ, prævaluit spiritus, & in corpore, qui obstupescens languore naturæ suæ, fomes refriguit. Legerat aliquandò, quod à temptatione maligni nulla persona excipitur, nullus locus excluditur, ubique dolus, quia temptatio est vita hominis super terram, & multiplices sunt hostes, Dæmon cum vitis, homo cum bestiis, mundus cum elementis, caro cum sensibus, specialiter tamen tres hostes nos affligunt, dæmon, mundus, caro. Ex his tribus duo conjurant tertio, ad subversionem nostram. Denique temptationem carnis & illecebras mundi expertus erat aliquando acrius sibi inferri post memorabile festum Laurentii Levitæ, & Martini Episcopi. Acrius inquam præ aliis vicissitudinibus maligni, rotam complexionis forsitan Deo permittente, ex sua versutia ad subvertendum, inflamabant.

Quodam igitur tempore cum à Capitulo Generali reversus fuisset, adedò duobus hostibus illis vexatus est, quod nisi restitisset, ille ternarius amoris & timoris, & pudoris, tanquam piscis ruptâ sagena, forsitan evasisset. Interim confitebatur, orabat, & per intervalla, propter reverentiam corpus & sanguinem Dominicum participabat, nec tamen adhuc requievit spiritus ejus, donec salubrius meminit & plenius illorum trium, quæ incensæ divitis; id est, veritatis apparent. Sunt autem ista, utilis sagina, bona terra, medulla tritici, quæ sunt Eucharistia, lectio, oratio. Hæc enim tria apparent contra tria, quæ nos infestant, videlicet carnem, mundum, dæmonem. Eucharistia contra carnis incentiva. Sic enim carnis vitia edomanda sunt, ut ad usum Eucharistiæ semper dignus minister sit. Convertit ergò se ad libros scientiæ, ut agnitos excluderet laqueos concupiscentiæ; redarguit namque ab exordio conversionis Vitas Patrum, & libros Cassiani tanquam Ethicam incipientium, non lætitasse. Apprehendit igitur volumen B. Augustini de sermone Domini in monte, & legebat, & intus garriebat, & elevabat spiritum à terrenis. Querebat differentias peccatorum & invenit; Quod qui viderit mulierem ad concupiscendum eam, & hoc sine & animo attendit, ut concupiscat, quod jam non est titillare, sed plenè libidini consentire. Quod si anima titillata fuerit, culpa est, non tamen crimen. Visus præcedit propriè motum, qui est ad delectationem corporalem, & interior est concupiscentia quæ dicitur & est mater adulterii, in quo primis parentibus malè aperti oculi leguntur. Cùm verò transit in affectum cordis, ubi non deest voluntas, sed occasio, passio dicitur, mors videlicet in domo. Et est passio, quedam animi forma, vel deliberatio ex consensu, undè dicitur iracundus, vel amator, aliàs passio est subitus animi motus, sine deliberatione boni, vel mali operis, vel subitus animi affectus iræ, vel amoris. Sicut autem bona voluntas, cum deest copia agendi; temuneratur, sic deliberatio cum molimine vitiorum damnatur. Tribus modis peccatum confirmatur, suggestione, delectatione, consensu. Suggestio fit per memoriam, vel per corporis sensus, cum quid videmus, vel tangimus. Quod si quid delectaverit, illicita delectatio refran-

nanda



handa est. Sed huic non consentimus, si damnantis rationis jure cohibemus. 1217.  
 Si consentimus, plenum peccatum erit Deo notum in corde nostro, & si factio innoteſcat hominibus, & tamen à ſerpenſe ſit ſuggeſtio, & quedam ſuaſio in appetitu carnali, tanquam in Evâ delectatio, in ratione tanquam in viro conſenſus. Delectatio antè conſuetudinem vel nulla eſt, vel tam tenuis, ut propè nulla ſit, cui conſentire magnum peccatum eſt, cum eſt illicita. Tribus gradibus pervenitur ad peccatum, ideò tres ſunt differentiæ peccati, in corde, in factio, in conſuetudine. Primos motus qui non abjicit, in delectationem incidit, deindè in opus, deinde in conſuetudinem. Secundùm magiſtrum Stephanum poſt primos motus ſequitur conſpectio, deindè delectatio, poſt, conſenſus in actum, deindè opus, poſt, conſuetudo, deindè obſtinatio, quæ dividitur in præſumptionem & deſperationem. Secundùm Innocentium Papam, anima diſtemperatur cogitatione, infirmatur delectatione, moritur conſenſu, eſſertur operatione, ſepelitur conſuetudine. Si adhuc temptationis ardor non deſecit, ardenti ſtudio libros moralium arripiat, in quibus egregius Doctòr non minùs humiliter quàm ſalubriter, quæ ſit vicaria ſucceſſio, vel ſucceſſiva alternatio hujus temptationis & divinæ contemplationis in eodem homine oſtendit. Hic eſt temptatio, hic eſt pugna, hic eſt militia, hic eſt conſictus viriorum & virtutum. In hujus conſictis conſideratione ardebat, ardentè legebat, & elevabat ſpiritum à ſœcibus carnis & curis hujus mundi. Verè lectio illa novitium inſtruit, titubantem erigit, hominem ſibi ipſi oſtendit. In hoc conſictu homo ſe totum Deo committere debet. Nam teſte Job; ſi ſubverterit omnia, vel in unum coartaverit, quis contradicet Domino? cum vel virtutes, quas habuit ſubtrahit, vel has omninò non ordinans viriorum concuti temptatione permittit. Deus unam eandemque mentem, & in contemplantando illuminat, & importunitatem temptationis obſcurat. Secreta ſapientiæ ſuperne ſunt opera, cum Deus quos creavit, deſerit, cum eos illuminat, & cum carnis temptationibus coercitos pulſat. Tamen cum fatigant iſta, nec ſuperantur, nequaquam propter pollutionem trucidantur. Temptatur juſtus, ut erudiat, ſolidetur, bona ſibi non attribuat, ne torpeat, à fortitudine non deficiat, ſed ſit in jugi cuſtodia ſui proſectus. Nam ſæpè mentis noſtræ cogitationes ardore libidinis immundi ſpiritus ſuccedunt, & quaſi igne nos concremant, dum caſtos motus animi luxuriæ temptatione perturbant. Virtutes autem noſtræ, temptationis tempore etſi ab incolumitate ſui ſtatûs deficiunt, per intentionis tamen perfeverantiam integrè in mentis radice ſubſiſtunt. Item Job: *Beſtiæ terræ vobis pacifice ſient.* Beſtiæ, ſcilicet motus carnis contrà nos inſurgentes. Sed cum cor ſub divinâ lege deprimitur, & carnis incheſta detuneſcunt, etſi temptando ſubmurnant, non tamen ad efficaciæ operam quaſi ad morſus exſurgunt. Qui has beſtias terræ plenè edomat, certe ille ad tertium cœlum raptus dicat: *video aliam legem in membris meis repugnantem legi mentis meæ.* Sed aliud eſt has beſtias in campo operis ſervire, aliud intrà cordis ſoveam trementes tenere. Ideò illicitâ cogitatione affligimur, qui in quibuſdam terrenæ actionis, vel converſationis actibus liberè occupamur. Neceſſè eſt, ut immundas cogitationes, timor ſævus diluat, & quidquid mens de inſcripto certamine, vel de converſationis priſtinâ memoriâ patitur, laceretur. Sæpè immunda animo vertitur, quotiens à precibus vacamus, & in oratione earum rerum

Yyyyy

1217. imagines patimur. Quid in multis moror? his arque his similibus, animus ejus redundabat, qui Spiritus Sancti apothecâ efficiebatur, & reficiebatur dulcedine mirabili, & sic virtute sacræ lectionis & compunctionis nebula temptationis evanuit, & animus ejus ad lucem propositi pristini renovatus requievit, juxta illud: *Et misertus es nobis*, item: *commovisti terram & conturbasti eam*. item: *ostendisti populo tuo dura*. Perpendit quoque Sanctos sine donis Spiritus Sancti nihil agere potuisse meritorie, quia omne optimum ex dono est. Quapropter optabat unice inesse fidem, & caritatem, cæterasque virtutes, ut in Beato Martino, & inter alias fugam opportunis, sicut alius etiam dixit: *Si vis salvus esse, fuge homines*. Intellexit quoque quod virtutes naturali voluntate ad effectum deduci non poterunt, nisi gratiâ Dei suam voluntatem perficiendi facultatem administraret, reprimendo fragilitatem, per quam incipientes & proficientes semper relabuntur, undè hic trepidabat. Quoniam juxta cujusque fragilitatem, sive ex sensualitate per gulam & luxuriam, sive ex ratione per superbiam, maligni spiritus mala multa proponunt. Undè si damnetur avaritia ex tunc lucrum cum fraude proponunt. Luxuria quoque, testante Beato Gregorio, etiâ in carne abscissa est, à corde tamen funditus abscissa non est. Hinc & Ieronymus ad Eustochiam virginem: si post nuditatem, jejunia, famem, carceres, flagella, supplicia, in semet-ipsam reversus Apostolus exclamat: *Inferre ego homo quis me liberabit?* quis se putet securum esse debere? si quidem offert Deus gratiam bonis & malis, & quibusdam perdendis non solum offert, sed & confert, ut Saul. Et hoc propter præsentem justitiam, cui deserviebant; sed secundum præscientiam Dei erant de medio malorum. Porro præscientia non mutat naturam hominis, qui liber creatus est. Sed Deus ita præscit aliquid futurum, ut & nihilominus præsciat ipsum hominem æque potentem ad dimittendum, si vellet, sicut ad faciendum, quod necessariò est futurum. Sicut quidem si Deus prævidit hominem peccaturum, & non possit esse quin peccet, tamen non vidit ex necessitate peccaturum, sed ex voluntate. Quia providentia Dei etsi falli non possit, neminem tamen cogit, & non de præscientiâ Deus judicat, sed de justitiâ. Salvandis verò oblique omni merito præcedente, quasi velint nolint, aliquando inferitur gratia, ut Paulo. Timeant ergo omnes servi Dei, quoniam nichil deest timentibus Deum. Ipse enim prævenit nolentem, ut bonum velit per gratiam. Sequitur volentem, ut bonum possit per Dominum. Adjuvat liberum arbitrium, ut sponte bonum sequatur. Avertit captivitatem, ne sequi abnuat, firmat fragilitatem, ne sequens relabatur, & dar mericum, quod sequens non deficiat, & dabit præmium æternum, videlicet gaudium sempiternum, quoniam gratiam & gloriam dabit Deus. Nam & Spiritus Sanctus ad fideles suos venit per gratiam illuminantem. Virtutes acquirendo anxius est spiritus, quoniam in primo ingressu vitæ regularis majorem habuit orandi devotionem, verum aliquanto minor in operatione religio propter inexpertas adhuc vitæ illius observantias, multiplicatis verò fratribus imminuta apparuit affectus devotio, propter quod valde trepidabat, quoniam hæc duo onera sunt, oratio & misericordia, undè illud: *Benedixit Dominus qui non amovit orationem meam, nec misericordiam suam à me*. Sanè ex compassione sollicitus fuit circa fratres, quæ aliquando interruptâ oratione perurgebat ipsum. Quapropter postulabat sibi reddi læ-

titiam orationis, & principaliter spiritum ad firmandam perseverentiam pristinæ devotionis. Legerat namque quod oratio est de bonis impetrandis ex pietate & perseverantiâ pro se & omnibus Catholicis. Unde cum sollicitudo fratrum in orando perseverentiam turbaret, deprehendit sui ipsius infirmitatem. Itaque necessario inventa est pro malis removendis deprecatio. Delinquit nempe homo vel fragilitate infirmus, vel consuetudine comeditus, & in his improvidus putrescit, donec Deus per inspiratam deprecationem dignam sibi fragilitatis & negligentiae inspiret detestationem.

Effectum orationis, & jejuni expertus est hoc modo. Quædam puella in annis adhuc puerilibus, oblata est monasterio, quæ ut postmodum innouit ab infantia invidias immundi spiritûs, cum magnâ importunitate, & in formâ cujusquam animalis terribi coloris se ingerentis terebat. Cumque in claustro fuisset quasi subtractione deceptus spiritus, illic non comparuit. Porro pater puellæ cum die quâdam inquireret, si bene se haberet filia, respondit, bene, & eò melius, quia monstrum tale me illic non invenit. At ille dicta dissimulavit, & valedicens recessit. Verum post dies aliquot, & res horrenda affuit manè, & vesperè, & in crepusculo, & terram solidam per magna & parva fragmenta in scolas spargebat. Sed interim quidam strepitus fiebat, quasi super ligneo interstitio, priusquam caderent super pavimentum. Et hæc illusio multis diebus fiebat. Interea quibuscumque maturioribus sororibus, manè & vesperè permissum est id ipsum experiri, & apparuerunt ad parietem, quasi duæ scintillæ ignei ruboris, moventes se sursum & deorsum, antequam fragmenta spargerentur. Ex hac tandem illusione doluit conventus, & assumpto sacerdote, & præmissa Litaniâ exorcisavit aquam, & invocato nomine Jesu Christi, & excitatâ fide cordis necessariâ contra tumultus phantasticorum, orationes complens aspersit, & recessit, & sic per dies aliquot evanuit, & rursus rediit. Sed jam tum multiplicatis orationibus, & jejuniis mirè devotæ congregationis, nocte quâdam cuidam virgini per nocturnam visionem compulsus est sateri, quod fas non erat ei illic ultra commorari.

Effectum quoque confessionis hoc modo expertus est. Cuidam puellæ in monasterio oblata, cum esset in annis pueritiæ, O altitudo sapientiæ & scientiæ Dei! permissus est spiritus immundus illudere. Si quidem certis noctibus videlicet quatuor ante novilunium, & vi. per inter-lunares noctes post dictas matutinas quasi de lecto alterius veniebat, & se quasi palpabilem ingerebat: Nam curiositas illius ætatis, hanc dedit audaciam, ut apprehenso monstro, quidam vice inquireret, quo nomine vocaretur, & respondit intelligibiliter, quod non usuali, sed alio nomine vocaretur. Sed cum adhuc accederet, & illa horeret, invita sopore phantastico premebatur. Cumque evigilaret, monstrum ad stratum alterius quasi repedabat. Quæ cum postmodum illusione decepta desipere inciperet, ad confitendum testinavit. Quam consolari studuit, & revocare ad virtutem fidei Jesu Christi, & compatiens ejus instituto, voluit ut istis præfatis diebus illa & aliquot puellæ singulis diebus confiterentur & communicarent, injunctis aliquot psalmis & vigiliis, verum licet pro eâ fideliter præcarentur, tamen illarum deprecationes, contra consuetudinem illius mali, non sunt exaudite. Crebrò ergo confitebatur, sed turbulento animo, tanquam illi compateretur, vel non crederet, recedebat. Denique cum quâdam vice affectasset, quatenus

1217. ipse sciret condolens horrore suo, confitendi causâ accessit ad fenestram. Qui cum exhortaretur eam firmiter credere, invasit eam subito horripilatio, & irruit vehementia horrore cum tremore totius corporis, & excidit quasi à mente per modicum, sicut lumen à cereo, flante vento, lingua interim palpitante verba cantici usque in finem; *quoniam tu solus Sanctus, tu solus Dominus, tu solus altissimus Ihesu Christe* &c. & recedebant ab invicem. Cumque adhuc illâ die quidam anxie confiteretur, & auxilium peteret, respondit: funde coram Deo orationem tuam, & pete ab eo, ut dignam tibi infundat deprecationem. Quibus ex-verbis toto corde commota, sicut rei exitus declaravit, dignè Deum pro peccatis suis deinceps peroravit. Nam quâdam nocte per revelationem nocturnam audivit ter percantari antiphonam Evangelici oraculi, *usque modo non petistis quicquam in nomine meo, petite & accipite*. Sicque per Dei gratiam ab illusionibus liberata est.

Recogitabat aliquandò annos pueritiæ & adolescentiæ suæ, & gratias agebat altissimo, qui usu temperantiæ, cuius adhuc scientiam nondum habuit, vitam suam præteritam exercitaverat. Qui secularis inter seculares, nec tamen gulæ deditus erat, nec ebrietati vacabat, & castigabat eum ignarum, temperantia, cum esset in aliquantulâ rerum abundantia, ne corrumpere importunè serviendo gulositati, & ebrietati juxta appetitum concupiscentiæ. Postmodum cum sæculo renuntiasset, & virtutem abstinentiæ deprehendisset constare in æquanimi- tate tolerandi inopiam, & in non corrumpendo per abundantiam, miratus est se evasisse, & congratulatus est illi, à quo concessum esset per innocentiam communia vitia declinare, & per intellectum ad regularis vitæ institutionem forè perductum. Meditatus est aliquoties corde, pensans misericordiam ejus, qui est pater luminum, quòd adeò simplicitate sui salubriter delectari concessit eidem, ut nec honoris, nec dignitatis ventiletur ambitione. Postmodum cum diligeretur & honoraretur à plerisque bonis, cavebat sibi fieri inflationem aurium honore & nomine falsæ simplicitatis, & quotiens ad consilium, vel colloquium vocabatur, semper solitudinem in corde quærebat. Denique cum sæculo renuntiasset, non ad loci dignitatem præmemorati, sed ad sollicitudinem se præparabat. *Nam neque qui rigat, neque qui plantat est alicujus momenti, sed qui incrementum dat Deus*. Et quia discipulus hominis non fuit, ne magister fieret erroris, per magisterium erudiebatur timoris, de quo scriptum est: *qui timetis Deum, sperate in illum, & illuminabuntur corda vestra*. Censura nostra quoque divini amoris obedientiam docet & reverentiam. Cum autem caritas, quæ manet immobilis, sit radix justorum, & flos ejus spes cœlestium, metuebat justus in animo vitium cupiditatis temporalium, quæ est radix malorum, verum cum flos illius radicis est delectatio temporalium, illuminatus est ex opposito, & sperabat, & præsumebat de Christo cupiditatem cum flore suo partim aruisse, ex eo quòd temporalia nunquam ad delectationem, sed ad usum duntaxat fratrum propter Dei cultum diligebat. Porro cupiditas solet deviare in avaritiam, quæ amatores suos præcipue ad duo exercet, ut de quæsitis rebus opera misericordiæ minimè fiant, & sive benè, sive malè, semper in augendis rebus nrmetur. Sicut scriptum est, venatio leonis, onager, & pauperes, pascua divitum. Recurrebat ad suam conscientiam, & invenit in eâ pro modulo suo largitatem ab eo utique, à quo

à quo est omne datum optimum, repositam, ut si posset omnipotenti daret, & super omnem vocem querulantium turbabantur viscera ejus. Non enim comedit aliquando, si vidit, vel audivit pauperem, quin compatretur ei, & subveniret, & super omnibus afflictis pia gestabat viscera. Sæpè etiam cum collocasset se in stratu suo, tempore algotis, antè oculos mentis, penuriam pauperum, & defectus senum & debiliùm compatiendo constituit. Sanè secundùm evangelicam sententiam multi hodiè ad monasteria currunt, & omnes habere cupiunt, quod delectat, pauci brevissimam viam ad delicias, videlicet contemptum earum inveniunt. Et utique quidam sunt in Ecclesià Prælati, sua querentes non quæ JESU CHRISTI, Deum non propter Deum querentes, sed temporalia querentes, & propter hæc Deo servientes. Quisquis talis est mercenarius, & cum Simone mago mercatore, est ejiciendus. Etiam Apostolus quæstum & avaritiæ, quæ est idolorum servitus, in eo exhorruit, sed ne ob augurium nimis fallax obstupesceret, sententiam Sanctorum in hac perplicitate investigavit, & advertit ad principalem intentionem semper forè recurrentum, qui affectus operi nomen imponit, & Reverendus Pater Augustinus astruit idipsum dicens exemplo Johannis; *videtis, non quid faciat homo confiderandum, sed quo animo & voluntate faciat*. Item beatus Ieronymus: *de sensibus Deus judicat & voluntate*. Et Poëta: *ut desint vires, tamen est laudanda voluntas*. Igitur ut per ostium intret, qui ad Deum converti desiderat, introduci debet principaliter propter Deum, & secundò propter temporalia, quia hoc sine temporalium subsidio nequit fieri. Sic scribit Beatus Gregorius cuidam Episcopo, ut pauperrima regularia monasteria requireret, quæ secundum Deum vivere sciunt, & eisdem sacerdotes lapsos tradat cum rebus eorum. Sic etiam Apostoli pretia pro prædiis à Conversis acceperunt ad fovendos egenos. Sicut Dominus habebat oculos & à fidelibus oblata conservans. Verùm quoniam Deus videt veraciter, utrum intentio illius fuerit prior ad cultum Dei, quàm ad cupiditatem, hoc solum superesse æstimabat, ut tuncat ne alios lucretur, & seipsum perdat.

Anno quoque conversionis suæ XI. quo fundata est grangia secùs Emetha (a) ut extrinsecis etiam temptationibus excitaret fidem retributionis æternæ, & illuminaret corda ad cognoscendum, quòd non sit Christianæ virtutis in temporalibus exultare, fratres pusillanimes pro tenuitate temporalium & amissione eorum placuit in camino probationis examinare. Per exercitium temptationum enim probatur fides. Vigente ergò æstate ignis corripuit quandam officinam, & subito multa consumpsit, quæ erant fratrum ulibus reposita. Porro quàm certum sit, quòd irascitur & miseretur Deus, hic apparuit experimento, quòd dormitorio fratrum, quod propter vicinitatem flagrantis incendi humanis viribus defensari non potuit, pepercit. Hoc in autumno die beati Magni. Sed mitigavit iram, non prorsus amovit. Medià namque hyeme sequente, cum putarent se pœnas sufficienter exfol-

Zzzzz

(a) Emetha villa in Fiwelingiis, ab Emetho flavio, qui portum præbet, nomen obtinens, insigni pridem foro famosa, sed suum splendorem fata everterunt, flumine tantam limi copiam in portum ingerente, ut totus fuerit obstrictus. Sicque in tenuem vicum abiit Emetha, nomenque immutavit in *Weslerinda*.

1220. viſſe, & ultrà ſe in probatione deficere, venit diluvium, & operuit ſubito totam terram, & manſionem virginum & ſorum ſuarum, & ſubmerſit oves, & boves, & univerſa pecora earum, & ventilata ſunt per direptionem procellarum neceſſaria, quæ uſibus earum præparata. Quid facerent illæ agniculæ nunquam expertæ talem cladem? Cœperunt quarere tutam ſtationem, & ſe connexis manibus tenere gregatim, conſiteri ad invicem, & pſallere, & ad exitum præparare. Sed in illo articulo periculi non aderat Præpoſitus. Cumque domus illa, in quam conſcenderant, cujus columnæ in terram minimè deſixæ erant, jam icibus procellarum diſſiparetur, diſixæ ſunt ab invicem, & pars conſcendit oratorio, pars altera domum australem, & ſtatim domus poſt fugam earum ſtare ultrà non valuit. Porro ex collisione trabium fractæ domus, rumpebantur partes alterius, & tunc præparabant ſe, & animas ſuas Deo commendabant, connexæ manus & mentes, & aquæ inundaverunt in altum, & ecce confortatæ ſunt ſubito, & ſtabant ſimul, & domus valde debilis pondere earum, immobilis reddebatur & firmior. Sanè Deus pepercit oratorio miſericorditer, quòd propter ſui eminentiam facile potuit expugnari à ventis, propter ſemetipſum, & ſereniſſimam Virginem matrem ſuam, & ancillas ſuas. Et fugit mare. Et cœperunt ſeſe nominatim inquirere & clamare, & tandem, convenerunt, & gratias egerunt Deo omnium redemptori. Hanc vaſtationem nequam ſpiritus quodam præludio multis antè hebdomadibus prænunciaverunt, & conſtat nimirum, ſicut teſtatur egregius Doctòr Auguſtinus, quòd aliquandò nequam ſpiritus, quæ ipſi facturi ſunt, prædicunt. Accipiunt namque poteſtatem, aërem morboſum reddere. Aliquandò non quæ facturi ſunt ipſi, ſed quæ ſignis naturalibus futura pernoſcunt, prædicunt. Nam cum memoratæ ſores in domo Auſtrali, quam præſatus ſum, in quâ erat reſectorium, quodam vespere ad bibendum conſediſſent, ſubito paries tribus icibus vehementer percuſſus alto ſtrepitu inſonuit, & ſic ſecundò & terciò, dein multis locis, & multociens. Et confirmatæ ſunt ancillæ in Chriſto, & tandem fide cordis animatæ contrà phantaſiam ſurrexerunt, & more ſolito potum cum gratiarum actione terminarunt. Porro fratres per ignem, & aquam examinati valdè facti ſunt puſillanimes, & ſi quiſpiam quantumlibet verè teſtificaretur eis, quòd poſſent in tantâ perturbatione perſeverare, nulla-tenùs crederent, nec affirmarent. Sed fidelis eſt Deus, qui non patitur quenkumque temptari ſuprà id quod poteſt. Occaſionem tamen hinc oſtendit ſuis conſilii, & auxilii ad habendum neceſſaria in durâ afflictione, ad innovandas domos novas & veteres, ad emendandum granum, ad conſtruendas grangias, pro ſubſidio fratrum & ſorum Chriſti. Et apud Dominum miſericordia & copioſa apud eum redemptio.

Magnaninus igitur erat in colligendis fratribus, ſicut qui paratus erat omni ſi poſſet petenti tribuere, ſed de iſdem in melius mutatis meruit lætificari, & in grangiis inſtituendis, & domibus conſtruedis. Veruntamen ſibi ſuſpectus erat, ne quòd foris rectè agebatur, intus proſuturum cenodoxia, mercede vacuaretur, & intrinſecus quâdam moleſtiâ premebatur propter malitiam temporis, cujus ſimilis non erat comperta ab annis priſtinis, quia univerſa uſibus humanis neceſſaria in ſummo erant pretio, & pretium eorum quaſi nullius pretii reputabatur. Denique in ſimplicitate ſuâ ſententiam fratrum expectabat, & ſemper extorſit ab eis honeſta & ne-

cessaria. Proinde cum staret ad laudandum Deum inter psallentes sono multitudinis mulcebatur, & erupit aqua de oculis, & lingua palpitavit verba intercisus suspiriis, & exultavit spiritus ejus in Domino, dicens Deo: *Pasce agnos tuos, non meos, ut quid voluisti me dici pastorem? timentibus te nihil deest.* 1220.

Anno gratiæ CIO CC XIX. noctu Beatæ Julianæ Martyris anno III. Honorii Papæ tertii, mense Januario, die mensis XVI. lunâ ipsius diei XVII. die Paschæ, VII. idus April. Dominicali litterâ F. die inquam Januarii XVI. Cum aliquot diebus præcedentibus spirasset Africus, sed non immoderate, die præfato plus solito invaluit à manè usque ad vespèram, sed præcipue, ut visum est, ab horâ nonâ diei invaluit, qui ut asserunt nascitur è reflationibus Oceani vergentibus ex Occidente & Oriente, & concursum facientibus in latere Australi. Frigidus autem & siccus erat secundum tempus, quod per diem naturalem quadriariè secundum Philosophos dividitur. A mediâ parte noctis usque ad mediâ diei, calidum & humidum. A mediâ diei usque ad mediâ ejusdem, calidum & siccum. A tertiâ diei usque ad tertiâ noctis, frigidum & siccum. A tertiâ noctis usque ad tertiâ ejusdem, frigidum & humidum. Verùm per intervalla grandinem cum magnâ acerbitate projecit, quia calor solis in alto erat, qui guttas attraxit, sed frigore contrictæ in grandinem sunt versæ. Et his jaculis ille cruentus Africus armatus, miseros tam mari quàm in terrâ afflixit crudeliter. Cumque homines pro defendendis domiciliis suis plurimum usque ad solis occasum & ultrâ laborassent, & furorem Oceani unimè formidassent, jam horâ dormitionis securitatem qualemcumque promittente, illicò Choro cruentissimo, crudelis cecit Africus collateralis zephyri à Septentrione. Et quia mare funditus motum fuit per Africum, Choro ruente effluxit, & effusum est multis voluminibus, & citatius more bullientis aquæ, & obtinuit præcipue maritimas Frisias, & more repentinæ mortis invaluit, & attraxit pauperum domicilia, divitum domos indomitè aggrediens, sicut quidam dixit: *Mors aquè tuguria & turres Principum ac divitum pulsât.* Cumque aliud quid resisteret, eò ampliùs furor arma nocendi exacuit more humani ingenii assiliendo recurrens, relabendo fugiens, donec crebris assultibus ipsas domorum columnas effodiendo & frangendo evulsit. Dum igitur horâ dormitionis securitatem, ut dictum est, promississet, & subito violentia maris ampliùs invaluisset, & quasi per spatium unius horæ noctis ascendisset, cœperunt miseri mortales fugere, & scandere domorum solaria, & præterea trabium robora calcare, & fenestras pro tecto facientes tutissimum sibi refugium putaverunt non in tectis, sed super tecta commorari. Multi siquidem volentes, sed non valentes tempestatì resistere, & res perituras defendere, perierunt, quos violentia currentis aquæ in terrâ subsistere non permisit. O dolor & gemitus videre homines tanquam natacilia maris inter fluctus jactari, videre miseros aliquot sudibus compressis & substratis sibi, vel sceno & stramentis, quo trahebat vis maris, sine navi navigare. In quo diluvio millia virorum, mulierum, & parvulorum perierunt, & Ecclesiæ destructæ sunt.

Sanè diluvium diei Mercurii in tertiâ parte feriæ ascribimus, quia dies à vespèrâ in vespèram computamus, ut sic Hebræi à manè in vespèram incipientes, secundum quos dies præcedit, & nox sequitur, nam mysticè à luce in tenebras definit, mirum in modum, cum secundum Philosophos de

Famosum  
Diluvium  
in Frisia.

1220. XXIV. horis seriaz tertiæ præcedentis feriam quartam, luna teneret horas secundam, IX. XVIII. XXIII. secundum quas, ut asserunt, mare moveretur subito, nec hora diei IX. nec hora noctis XVI. sed quasi confusus, quasi in medio horarum suarum irruit cataclysmus, & legis suæ oblitus est Neptunus, ut eò atrocius Deo permittente, contrà incautos insaniret. Manè factò cœpit favire Africus, & miseros mortales submersos cum cæteris animalibus, quasi gremio terræ immeritos eventilare, cui accedente vespere, restitit Aquilo à Septentrione. De singulis horis singulis planetis in uno die deputatis sic dicunt. In die Lunæ prima hora de XXIV. horis, quæ sunt in die naturali, deputata est lunæ, sex sequentes aliis planetis. Item VIII. est lunæ, VI. sequentes aliarum planetarum. Item XV. est lunæ, VI. sequentes aliarum planetarum. Item XXII. Lunæ, XXIII. Saturni, XXIV. Jovis, XXV. Martis, & illa est prima hora sequentis diei. Unde illa dies dicitur Martis. Ordo verò planetarum hic est, Sol, Venus, Mercurius, Luna, Saturnus, Jupiter, Mars, de hujusmodi dixit Poëta:

*Felix qui potuit rerum cognoscere causas,  
Unde tremor terris, quasi si maria alta tumescant  
Obicibus ruptis, rursusque in seipsa revolvant.*

Augustinus de his: non est curandum Christiano, si ignorat de illis rebus, quas Philosophi se invenisse existimant, quia nec ipsi omnia repererunt. Quædam humanâ conjecturâ investigantes, quædam historici sapientiâ scrutantes, plura opinantes potius quàm scientes; factis est Christianorum creatarum sive coelestium, sive terrestrium.... nec non bonitatem credere creatoris, qui ventis imperat & mari, & misericordiz non obliviscitur, parcendo & servando incolas terræ, quando in quarto septenario lunaris temporis illam violentiam permittit ebullire. Primo namque die nascentis lunæ primi septenarii, Oceanus copiosior esse videtur, quia aer in aquosam substantiam transit, lunâ nihil caloris habente, & proficiente lunâ, proficit calor, & minuitur mare, humore nimirum aëris desiccato per calorem accensionis usque ad VII. diem. Post eundem diem paulatim ebullit & crescit Oceanus, & tantum videtur facere calor, quantum videbatur facere humor. Secundum opinionem Philosophorum diluvium fit ex elevatione & depressione stellarum, ut si omnes planetæ simul eleventur plus solito à terrâ remotæ, minus de humore consumunt, unde humor excrescens per terras se diffundit, & fit diluvium. Si verò omnes simul deprimantur, ex vicinitate terras adurunt. Et propter hanc inæqualitatem contingit terrena, modò diluvio, modò incendii aduersione finire.

Signa ergò causam esse futurorum crediderunt Gentiles, quia, ut dicit Beatus Augustinus, superiore cæteris omnibus causam esse voluntatem Dei, videre non potuerunt. Voluntas namque Dei prima & suprema est causa omnium spirationum & motionum, quæ & propter raritatem mira videntur. Hæc est sola, unde ortum est, quidquid est. Sed & sidera vel stellæ sunt in signa tempestatis vel serenitatis, sicut de ortu jubilei dicit Magister in historiâ Ecclesiasticâ, qui ab hoc instituit annum quinquagesimum, quia Abraham peritus erat in astris, & noverat, quòd intemperies aeris, quæ fit ex elevatis vel depressis planetis, semper usque ad L. annos ad temperiem redeat, & quod vidit fieri in astris, voluit fieri in terris. Contingit autem diluvium propter scelera hominum, quia scriptum est, quòd sub



sub Noë filii Cham abutebantur uxoribus fratrum suorum, nimis fornicationibus, iratusque Dominus peccatis hominum dixit: *penitet me fecisse hominem, delebo hominem, quem feci, disperdam eum cum terrâ, videlicet omni fertilitate terræ: terra enim vigorem suum in fertilitate perdidit per diluvium.* 1220.

Hæc & his similia in scriptum redegit sibi soli, ad contemplandum jugiter magnalia, & mirabilia, & terribilia Dei, quæ fecit, sed & tibi, o lector, ut admonerentur singuli super petram & in alto cum sapiente domos sibi stabilire, ut firma faciant domorum suarum laquearia. Et si quando Dominus Sabaoth coeperit maritimas Frisiz quasi per servum suum flagellare, & permiserit ventos ruentes validos, certos nuncios interitus, Africum & Evrum, sursum cor habeant, & peccata sua ante se statuant, & ex tunc tutiora, & altiora loca ascendant, neglectis rebus perituris, quæ iusto Dei iudicio necesse est amittere, sed cum dolore, quo tanquam in fornace vasa figuli torquentur mortales. Ecce talem stragem attulit furens Oceanus, vicem faciens Totilæ & Theoderici, qui persecuti sunt Ecclesiam Dei, peccatis hominum exigantibus. Sed adhuc iratus erat Altissimus, & residuum maris, fames flagellavit & pestilentia, juxta comminationes Prophetarum, qui semper populum rebellem ac peccatorem vel ne perirent à facie gladii, famis, & pestilentiz, terruerunt. Unde Davidi dictum est à Nathan:

*Ecce trium rerum tibi Rex datur optio: Septem*

*Annis vexabit teque tuosque famer.*

*Aut tribus instans patieris mensibus hostes,*

*Aut tres vexabit pestis ubique dies.*

Erant quidam blasphemi; qui in labore hominum non fuerunt in cacuminibus villarum constituti, & sylvarum accolæ, in quorum terminis quasi unius horæ incursum, quia non erat nisi unica maris aestuatio, licet multum aucta incrementis, quibus tot millia stravit, ut civili prælio, rabies Oceani, & mitigata recessit, & ideo illi habundantes, panem pauperibus & annonam indigentibus negaverunt, sicut olim Idumæi, aquam Israëlitis. Et isti res alienas ex inundatione rapientes ut proprias cum gaudio amplexati sunt, & creatis iustitiariis pro restitutione earum, malitiose absconderunt.

In illâ maris inundatione accidit, cum hinc inde aggeres dissipasset, & quasi irrecuperabiliter destruxisset secus *Emesam* circa terminos fratrum, & multi depauperati decessissent de finibus illis, quorum erat reparare, quod mare crebro ascendit pristinos terminos reposcens, & facta est querela ab incolis sex villarum, quorum patres immunes erant operis illius, ut fratres *Floridi-Horsi* ex parte sororum suarum, & alii pauci ad reparationem compellerentur. Et circumvenerunt Consules illius anni, & contra responsum est, omnes ad onus teneri, quia quorum erat reparare urgente necessitate, recesserant, & ideo agros fratrum & aliorum quorundam non debere immoderate onerari, vel etiam magis, quam singulos sex villarum, quod esset fraternæ compassionis, & publicæ utilitatis. Unde factum est, ut cum viderent per fratres impediri, graviter minati sint, & communitatem cundi & ducendi per vias etiam publicas auferre conati sunt. Cum ergo tanto periculo fratres se exposuissent, factum est mirabiliter, quod majores de septem villis mari conterminis, statuerunt convenire, & convenientibus eis continuè elegerunt juratos, qui pro utilitate & necessitate instantis periculi

1220. justam dicarent sententiam; nam jam consules anni diffinulabant tale negotium diffinire, & partibus citatis talem dederunt sententiam: quòd omnes agri æquo onere propter necessitatem in reparatione aggerum respondere deberent. Qui volentes efficacem fore sententiam, quoniam pars altera nondum consensit, collecti in unum spoliaverunt rebelles. Qui sequentes spoliū vulneraverunt unum letaliter, peccatum cumulantes damno. Et sic fratres per gratiam Dei cum triumphantibus triumpharunt.

Pro violentiâ verò Frisiz oppressionē per subitam maris diruptionem, multas secūm causas pertractabat, quod licet multis religiosorum conventibus sit insignis, qui pro affectu, pro eā indefinenter supplicant, quia tamen numerosā hominum multitudine, est elata, & libertate, quæ res est inestimabilis, & pauperum & divitum ditissima, animalium quoque copiâ, pascuis, & fructuum fertilitate opulenta, & jucunda, forsitan in oculis Altissimi pro tot & tantis bonis rea arguitur ingratitude, & convincitur judicio diluvii, famis, & pestilentie, ne innoxia sibi videatur, sed ut reatum suum agnoscat, & abominationes suas, & præcipue illorum, qui deberent esse sal terræ, saporcin sapientie, & lucem scientie, in saluginem convertunt & tenebras. Unde posita est terra in saluginem à malitiâ inhabitantium in eâ. Ibi ordinantur presbyteri sine certo titulo contrâ illud *dist. 70.* Ferri candentis purgatio non aboletur contrâ illud *II. qu. 5. abolenda.* Ecclesiæ constructæ hinc inde in Episcoporum potestate non sunt. Clerus Ecclesias ingreditur & non ædificatur. Dotem Ecclesiæ auctoritate propriâ disponunt, vel vendunt laici. Nummi pro chrismate extorquentur, contrâ illud in *Extravagantibus prius de Simoniâ.* Ecclesiæ jure hæreditario à filiis Sacerdotum possidentur contrâ illud *VIII. qu. 3.* Presbyteri & ceteri altaris ministri ex oblatis convivantur, & tabernas intrant, contrâ illud *dist. 44.* Conjugati sacros ordines capiunt, & beneficia Ecclesiastica, & conjugēs conjunguntur contrâ Decretales *ff. de cleric. conjug.* nec res, quæ acquirunt, post ordines, Ecclesiis, sed liberis suis relinquunt contrâ illud *de pecul. cler.* Peccata igitur Sacerdotum & altaris ministrorum maxima sunt propter dignitatem officii, ut dicit Dominus Innocentius Papa, & propter perversitatem exempli, & scitur quod multa sunt venialia laicis, quæ mortalia sunt presbyteris. Eis enim datum est nosse mysterium regni Dei, & claves regni cælorum, & panem & vinum consecrare in corpus & sanguinem Domini nostri Jesu Christi. Sed heu in diebus nostris sine examinatione & indignè manducant illud, non enim vivificationem, sed judicium manducant, nec advertunt, quæ advertenda sunt in ipso, & ideo sine reverentiâ quasi ad alium cibum accedunt. Ideo multi sunt infirmi, incognitis videlicet febribus, & imbecilles, in longas, & incurabiles infirmitates incidentes, & dormiunt in morte, quia ex his contingunt mortalitas, fames, diluvium. Sunt etiam qui consideratione velut mundi, ad corpus & sanguinem Domini accedunt, manentes tamen in criminali, vel impenitentes in veniali, vel manentes in voluntate peccandi. Ideo rei efficiuntur corporis & sanguinis Christi, nec ipsas negligentias, quas in tractando, sumendo, servando admittunt, emendare maturant, non attendentes & peccatum & periculum totius Ecclesiæ esse quod delinquant.

Laici etiam oblationes, primitias, decimas ad cumulum mutæ damnationis non persolvunt, quæ danda sunt ministris Dei, non servis Demo-

niorum. Olim in populo Judeorum fiebant decimæ frugum Levitis. De his Levitæ summo Sacerdoti decimabant, de quo panis propositionis. Item x. partes decimabant decimarum, ex quibus in anno Hierosolymis se procurabant. Item ad opus peregrinorum decimabant de illis, sed nihil retinebant. Decimas solvere est de jure divino, undè & antè legem, & in lege solvebantur. Quod Adæ in extasi ostensum est, ut ostendatur initium & finem boni esse à Deo. Item decimam damus & novem retinemus, quia omnis imperfectio à nobis est, ut ostendamus nos ex illis esse, ex quibus decimus ordo Angelorum replendus est. Primitias tamen recompensat Ecclesia, per processiones & oblationes cotidianas, & jejunia quatuor temporum. Sacerdotes mortaliter peccant, quòd non prædicant minutas etiam decimas esse persolvendas. Sed omnes laici tenentur in generali decimas persolvere, undè Beatus Augustinus: *si tu decimam non dederis, tu ad decimam revocaberis*. Ideò penuriam patimur. Decimæ sunt, teste Augustino, tributa egentium animarum, & pro eis Deus dat salutem corporis & animæ. Sed & verum est, quòd Deus nulla peccata impunita dimittit, nec homo poenitens, non punitur. In medio nationis prave impediuntur electi, qui si effectum censualem capiunt, inflammantur contrà illos laici, & sunt quasi jumentum irrationabiles, terrena quoque immoderate ambientes. Sed utinam sint apud te Deus, quando est à te solo gratia, quam negligunt plurimi.

Hic seipsum acculabat, & timebat periclitari ex participatione rerum etiam licite acquisitarum, quas asserunt seculo abrenunciantes, quando monasterium ingrediuntur, & examinabat utrobique intentionem sui suscipientis, & alterius offerentis, ne forte vitio Simonie corrumpereetur. Simon olim sua optulit, spiritualia emere volens, & de emptis gloriam & lucrum habere. Verùm sua dare licuit, emere thesaurum & margaritas, quod est virtutes, Deus jubet, sed non secundum intentionem Simonis, qui in iniquitate volens remanere, quæ iustis debentur, appetiit possidere, undè Deum justum probavit. Pecuniam quoque Spiritui Sancto coarquivit, & Deum cupidum comprobasse arguitur. Porro quia in pravitate voluit perseverare, & pecuniam Spiritui Sancto parificare, respondit Apostolus, *pecunia tua tecum sit in perditione*, innuens, quòd primitus unusquisque seipsum & deinceps res suas debeat Deo offerre. Quod verò religiosi faciunt, qui projectis veteribus pilis & comibus currunt ad fontem aquæ salientis in vitam æternam, non ambientes celsitudinem, sed carcerem, desiderantes secum debitum bonorum suorum subsidium, gratis accipientes spiritualia, chori introitum, fratrum communionem, orationum participationem, ut ministrent pro suo ordine in psalmodiâ & hymnis, & divinorum celebratione. Carceres enim Ecclesiæ, sunt monasteria, vincula poenalia, & excommunicatio. Nam si etiam quispiam spem habens & promissionem, ut Abbas fieret, ut dicitur 16. qu. 5. *per laicos*, ambitiosa mente & cum munere ingrederetur, pro hujusmodi delicto, in monasterium detrudendus esset, ut habetur 1. qu. 1. *reperiuntur*, sed cum non exprimatur in quod detrudi debeat, in illud quod visum, detrudi potest, & erit ibi, ut in ergastulo, ablatis ei, quæ sunt honoris, & quæ sunt oneris, remanentibus.

Disputabat adhuc de peccato illius Magi, volentis spiritualia emere & vendere, & vendendo gloriam & lucrum optinorè. Qui dum pro spiri-

122Q. tuali gloriam voluit usurpare, Deo, cui debetur gloria, se voluit parificare, quia auctoris sui gloriam negare convincitur, quisquis sibi tribuit, quod operatur, & dum propter spiritualia, pecuniam intendit accipere, creatoris cultum, creaturæ attribuit, in eo idololatriam incurrens, & Deo cultum auferens, sacrilegii crimen non effugit. Porro ipse testimonio conscientiæ suæ, fixum habuit, nichil prorsus horum unquam intendisse. Unde & sperabat & præsumebat de illo inspectore desiderii, reatum non habere. Non enim venditur in clauistro quicquam à Prælato propter suam, vel privata lucra, quod condemnat Canon. Unde magister Simon Tornacensis arguit illum duntaxat Simoniam committere, qui lucrum proprium captat. Et sic ut dicitur XII. *qu. 1. futuram*, Beatus Hilarius autem parentibus omnia dereliquit, aut vendita erogavit, ipse tamen factus Episcopus Ardatis (*Prælatii*) quæ illa Ecclesia tunc habuit, non solum possedit, sed & acceptis necvotis fidelium hæreditatibus ampliavit. Licuit ergo religiosi & res & rerum stipendia cum illis, qui ad monasterium veniunt, recipere sufficientia ad corporis procuracionem. Similiter habetur XVI. *qu. 1. de lapsis Sacerdotibus*, qui si parentes habeant, res eorum legitime parentibus tradantur, ita tamen ut eorum stipendio, qui in præsentia dati fuerint sufficienter procurentur. Sed propter temporalia non licet allicere simplices, qui illecti fuerint, & comam deposuerint, in eo, quod coeperunt perseverant, & res eorum hæredibus reddantur, propter occasione[m] mali & præsumptionem. Pro ingressu monasterii quia spiritualis est, non licet aliquid exigere, compositio tamen consecusivè & temporaliter expetit. Solita erat dari pecunia pro ordinatione Pontificis, id est, quando ordinabatur, sed nihil est extorquendum. Qui verò promisit,olvere tenetur. Quare Ananias opulerat, quicquid habuit? postquam idem retinuit, & fefellit, quia habuit, multatus morte. Ergo si licuit non solvntem morte punire, licet promissum solvendum exigere. Magister *in verbo abbreviato* contigit, quod aliquis accedens ad claustrum dicat: *offero me & mea huic Ecclesie, vel Monasterio ad serviendum perpetuo*. Si sine distinctione recipitur, sanus erit ejus ingressus, si non plura quam oblata ab eo, exigantur. Si distinguitur inter illum & sua, ut scilicet ille sit causa, quare sua recipiantur, sanus erit ingressus & licitus. Si autem distinguatur inter illum & sua, ut sua scilicet sint causa, quare recipiatur, vitiosus erit ingressus. Si autem monasterium egerit, ita quod offertentem se illi sine pecuniâ recipere non possit, vel sustentationem spirituales & fraternitatem concedat, rem corporalem, vel in exceptionem paupertatis suæ, & in sustentationem vitæ illius potest exigere, ut recipiat temporales redditus, quibus sustentetur dum vivit. Quod si perpetuos exegerit, jam manifesta cupiditas vitiosum facit ingressum. Ex his autem liquet non debere construï monasterium, sine certo numero agrorum, pecorum, & personarum. Cum enim alioquin augmentum susceperit non-nisi difficile laqueos cupiditatis & Simonie vitare poterit.

Item peccatum est, si in recipiendo canonicum, vel monachum pecunia intervenit, nisi, ut dicit Magister, fortè fuerit oblata. Similiter sub conditione & permixtu contractus, si quis se & sua reddit Domino. Potest tamen non esse pecunia. Quid enim si dicat Prælatus: benè recipimus te, si vis, sed hic non habes, quod comedas, nisi tecum ducas, quia nec

nos habemus, quia nec nostra nobis sufficere possunt. Argumentum simile de Simonia *Tua nos.*

Consuetudo etiam in multis est Ecclesiis ubi numerus taxatus est monachorum vel canonicorum, si superveniat aliquis qui aliquam portionem sufficientem ad præbendam instituendam offerat, admittitur, & approbatur institutio talis, quæ contigit de facto in Ecclesiâ Parisiensi, consentiente toto capitulo, recepto cantore. Item Magister Bartoldus: si paupertas monasterii sit in tantum, ut aucto numero personarum necesse sit augere patrimonium, ibi statum loci, introitum petentibus significare non improbamus. Quidam plus dicunt, etiam taxationes & rei pretium imponere licere, in hoc casu habentes, quæ tucantur suam opinionem, cœnobarum consuetudines.

Unde si consisterit monasterio omnia bona, quæ habet, acquisita per simoniacum ingressum omnium ibi commorantium, credimus esse distinguendum, quod locus aut est carceris, aut voluptatis. Si carceris, non oportet tamen monachos exire, quia arcuorem non inventrent locum vel carcerem. Unde ipsi non emerunt honorem, ut dictum est, sed onus, & ideo doleant, quia extraordinariè introierunt. Bona verò illorum sive mobilia, sive immobilia, in manus alicujus personæ, Ecclesiæ resignata, per eandem possunt eidem Ecclesiæ, sicut & aliis conferri. Si verò claustrum voluptatis, sicut regalium monachorum, videlicet Urbana claustra, tunc quia non onus, sed honor emptus est, omnes statim abscedant. Si verò mixta sint omnia & confusa, tum, sicut dicitur, in Ecclesiâ assumant ventilabrum, & mudent aream claustrum & conscientiæ, ut dona fornicatoris & raptoris rejiciant, & grana scilicet pura & munda sibi assumant. Sed si non poterunt, quia nesciunt, quæ sint de granis, quæ de paleis, faciant, quod possint astimare, & nihil, quantum in se est, omitant de contingentibus. Si autem omnino in hoc est aliquis solus, & resistere non potest, sequatur conscientiam.

Sanè adhuc meditabatur, si tanta perplexitas in participatione rerum licitè acquisitarum, quanto plus vinculi in oblatione & communicatione rerum illicitè acquisitarum, cum quibus plerique accedunt, qui titulo usuræ divitias accumulaverunt, sicut prædiximus, quia acquisitio illicita dinoscitur in acquirendo & retinendo, ut potè furtis, usuris, & simoniacè acquisitis. De quibus, ut quidam dicunt, eleemosina vana est, imò nulla est. Porro ex dictis Sanctorum intelligebat, quia bona talium, qui in iniquitate pristina præcipuè volunt permanere, non congruit religiosi recipere, non quod pecunia sit in perditione, sed quod mala eorum videntur ex tali deceptione sequi, & illi ex his magis confirmantur in iniquitate, & infirmis fratribus scandalum ex hoc generatur, de quibus Beatus Augustinus: nummi tui convertuntur in bonum, & tu remanes malus. Rectè quidem offertur, sed non rectè dividitur. Sic etiam Beatus Augustinus xiv. qu. 5. videtur reprobare eleemosinas omnium avaritiam sectantium, dicens: *fideles totus mundus divitiarum est, infideli autem nec obolus.* Nonne omnes, qui videntur sibi gaudere de acquisitis, eisque uti nesciunt, alienum possidere convincuntur. Omne igitur quod malè possidetur, alienum est. Malè autem possidet, qui malè utitur. Ex quo videtur, quod eleemosinam non posse hinc fieri dictum sit, tantum in odium usurariorum, vel avarorum. Usurarius quippe non est dominus scœnoris pecuniæ de æquitate, peccat in

Bbbbbb

1220. Deum & in proximum contrā illud : *in sudore vultus tui vesceris pane tuo*. Primum ex usurā, ut dicitur *xiv. qu. 5.* elemosina fieri non potest, sed refundere debet eam ei, à quo accepit, ut dicitur ibidem. Si non sit, dabit heredibus. Si non sint heredes, dabit pauperibus. Et transfertur dominium in pauperes, auctoritate juris, non facto refundentis *tit. de usur. cum tu*. Et si coenobitæ aliqui pauperes essent, possent possidere titulo ex donatione, quia jus eis donavit. De quibus Beatus Augustinus : *nec prodest dispergere pauperibus, & pauperem fieri, cum anima misera superbiar efficiatur divitiis contemnendo, quam fuerat possidendo*.

Movebatur quoque ex eo, quod pecuniam Ecclesiæ dederat cuidam adversario, qui violenter voluit ipsam supplantare Ecclesiam, quam veraciter à majori & saniori parte patronorum collatam sibi tenuit, & à dioecetano confirmata fuit, & tunc possessa, & legit, quod causarum decisiones etiam in re dubia & pro lite incertā sunt plerumque in spiritualibus aliquo dato, vel retento, vel promisso, & advertebat disquisitionem hanc utilem esse propter scrupulosos fratres, & propter æmulos eidem oblatrantes. Fit igitur litis decisiō, vel transactio, aliquo dato; aliis in personis *ut c. generalis*, ubi dicitur, quisquis serviles personas putaverit non esse restituendas, nisi de voluntate Dominorum, testimonio subscriptionis absolutas, vel legitimā transactione concessas, periculum non se ambigat proprii honoris subiturum. Item fit in rebus Ecclesiasticis, ut habetur *xii. qu. 11. quod si necessitas optulit* &c. ut aliquid rerum Ecclesiæ distrahatur, apud duos Episcopos causa probetur, & licet quæ facta fuerit venditio, vel transactio corroboretur. Item in criminibus maximè injuriarum *xxiii. qu. 1v. ff. illic*, ubi hæc acta sunt, supplicatione suscepta constiterit eum, qui malè tractatus est, ignovisse, semel in ablatione remissa puniō recidivo dolore non debet iterari. Item pro vexatione *xxiv. qu. ult. Tributum*. Item *ex. tit. de Simon Matthæus*, ubi non præcipit Papa dimittere administrationem, qui quid dederat pro suâ vexatione. Item pro impenso beneficio *xii. qu. 2. quicumque*. quicumque Episcopi suffragio cujuslibet aliquid Ecclesiasticæ utilitatis providerint, & pro eo quodcumque commodum in remunerationem promiserint, promissi solutionem eos exolvere oportebit. Ecce in tot casibus solet celebrari transactio. Sed in re spirituali transactio fieri cum temporali non debet, sed dicam quod in re spirituali intrinsecā & extrinsecā fieri possit transactio. Si enim veraciter quisquam probaverit, vel sciat se justè possidere Ecclesiam, licetè daret rem aliquam extrinsecam. Quippe unicuique licet jus suum retinere, sicut dicitur *1. qu. 3. quesitum*, quod si credat tantum se justè possidere, potest partem reddituum auctoritate superioris concedere, quia si rem extrinsecam daret, posset esse emptio. Igitur dantur munera pro re spirituali adipiscendā, & malè *1. qu. 1. per tot.* pro recuperandā quoque, illicitè, ut *1. qu. 1. nullus*. pro eā retinendā licetè ut *1. qu. 3. quesitum*. porro si justè possides, & non potest adversarius cogi per censuram Ecclesiasticam, detrahendum est severitati; ut habetur *d. xxxiv. fraternitatis*. Is autem potest, qui commodè potest. Tunc demum dare pecuniam non est vitiosum. Sed secundum Augustinum licet projicere pecuniam, & emere tibi pacem.

1221. Anno conversionis ejus *xii. bissexto* intrante, lunā *xxvi. ii. septenariō* lunationis, octavā Innocentium, Dominicali literā E. facta est horrenda

maris disruptio, & multis metuenda in horrore crepusculi. Sed quamvis in 1221:  
multâ profunditate æstuavit, non æquo molimine delevit homines ut antea,  
quia terminos maris nondum occupare ausi sunt, ut olim. Anno eodem D.  
Theodoricus Episcopus tertius inravavit partes Frisix. Qui cum multis ve-  
hiens, multis eguit, & dixit ad se pertinere quantum Sinodalem negotio-  
rum illius anni, cujus ipse teneatur facere visitationem, & sic pertransivit  
etiam Emelgoviam (*Emde*) qui bello concertaverant diuturno, & suum  
est illi, ut pro bono pacis se interponeret, & non audierunt eum. Tellus  
mater vix pro compensatione laboris & seminis, ordeum genninavit, & con-  
stabat, quod ira Dei nondum fuit averſa, & non restabat nisi orare, ne de-  
clines in irâ à servis tuis Domine petentibus nobis æterna & temporalia:  
Scimus Domine iratum te esse, quia tollis temporalia, sicut cum faciem tuam  
avertis à querentibus æterna.

Anno conversionis ipsius XIII. in IV. septenario lunationis, cum hyems 1222:  
secundum naturam piscium versus finem suum magis humida, aquis vide-  
licet pluvius, & minus frigida fore debuisset, spes tamen fecellit. Nam die  
præſatâ cum aliquot diebus præcedentibus dirupit aggeres Neptunus, & to-  
tam terram replevit amaritudine, loca tamen statûs superiora deferuit, sed  
in inferioribus expatiens ruptis obstaculis versus sylvas moram fecit odiosam.  
Siccitas magna secuta est, collecta est messis ordeï, quod debile fuit tam  
culmo, quam aristâ, & tenuè. XIV. Calendarum Octobris, lunâ XXXIX. effu-  
dit se Oceanus, & totam terram optinuit, & quæ licca fuit paulò antè re-  
pleta est amaritudine. Eodem tempore Magister Joannes Xantenſis, verbi  
Crucis prædicator, cum disposuisset stationes per loca, prohibitus est invi-  
diâ Oceani.

Anno quoque Conversionis ipsius XIV. & in medio Januarii, magna rã- 1223:  
bies fuit ventorum, & circa aniversarium diluvii pristini sub titulo Beate  
Julianæ, undè rursus formidabant subversionem. Quid ergo utilius orant?  
nisi verba Prophetæ: *quo-usque irasceris super orationem servi tui? qui non*  
*inimicis sed & factis servis tuis irasceris.* Orarent utique & dicerent, ci-  
babis nos pane lacrymarum, & potum dabis amaritudinis. Transeat ira à  
servis tuis Domine, ne in aeternum damnemur. Scis enim quamdiu utilis  
erit castigatio, & tamdiu pascemur & potabimur hujus vitæ doloribus ad  
sufficientem eruditionem. Dicant ergo universi supplicando, quia in nos,  
ô Deus! à te nobis iſtata, non transierunt iræ afflictionis tuæ; sed adhuc  
terrorestui conturbant. Quia quod accidit accidere posse non imprudenter  
timeatur. Promittit autem & facit Deus misericorditer tribulationem, nec  
alimentum subtrahit, sed desiderium movet, & misericordia suavis est pa-  
tienti, sicut panis esurienti. Siccitas arefecit pascua. Herba ordeï & avenæ  
brevis fuit & rara, sed silvæ abundabant siligine. Veruntamen si tellus irri-  
guum superius suo tempore aliquot hebdomadibus habuisset; sanem, fru-  
gum ubertate depulisset; decursis jam arvis tribus, & mensibus sex. Hic  
est annus VII. ab incurſu Orientalium Frisonum in Evelgoniam in die Beati  
Lauréntii contrâ Rhodbernum, & generum suum & ceteros parentes, quo-  
rum domus incineratæ sunt & Consulum terræ ex parte. Contremuit tota  
terra propter juratos quos Universitas Frisonum de more vetustissimo

1223. creaverat apud (a) Upstallesbome. Item hic ipse annus est, in quo vinculum societatis Fivelgoniz & Hunefgoniz (b) secundo nonarum Augusti penè scissum est, occasione injuriæ cuidam illatz, instigante Eppone Rembada de Monemavalda (c) cujus domus incendio vastata est, & multi de parte Fivelgoniz cæsi occubuerunt. Pluviz verò in capite Kalendarum Septembris, & deinceps læserunt messem hordei, avenæ, fœni. Luna autem xiv. proximâ die post festum undecim millium Virginum facta est Eclipsis lunæ. In Augusto verò stella multis incognita flammivoma ab Aquilone apparuit multis noctibus, quam propter ignitos radios, quos fursùm spargebat, Cometam fuisse existimabant, quæ, ut dicitur, Regni mutationem, aut pestilentiam, sive bellum, vel æstus ventosque portendit. Undè quidam Poëtarum dixit:

*Præpes sanguineo delabitur igne Cometes,  
Prodigiale Rubens, non illum navita tuto  
Non impunè vident populi, sed crine minaci  
Nuntiat aut ratibus ventos, aut urbibus hostes.*

Pluribus autem diebus quàm vii. visus est, sed nondum per lxxx. dicunt quidam, quod non sit stella, sed ignis, juxta voluntatem Creatoris ad aliquid designandum. De eo dicunt, quòd anno destructionis Jherusalem multotiens visus sit ad modum gladii bis acuti. Est autem attestante Davide Dominus in cælo, qui revelat mysteria, mutat tempora, transfert Regna, ut universi cognoscant, quod dominatur Excelsus in regno humano, & cui voluerit dabit illud. De eclipsi dicunt, quod cum sol est in inferiori hemisphærio, luna in superiori, terra in medio, tumor terræ interpositus non patitur radios solis ascendere ad lunam, sed non-nisi in xv. lunâ, quia tunc est soli opposita, non tamen in omni xv. sed quando contingit, in eâ contingit. Eodem anno, Summo Pontifici D. Honorio Papæ occurrit illustris Imperator Fridericus apud urbem Campaniæ de Latere, & illic cum Episcopis & proceribus Imperii de negotio Terræ Sanctæ tractaverunt, & in festo S. Martini Veronæ Concilium celebrare statuerunt.

Torquebat plerumque inquietum (*Emonem*) curiositas vanitatis inter prospera & adversa. Circà quæ dupliciter movebatur & appetitu & metu. Nam nec appetitum cohibebat, ut Deum gratis diligeret, nec clavus fortitudinis confixit metum, ut occultâ fide cum Prophetâ psalleret: *quoniam fortitudo mea non in terrenis, & refugium meum es tu*, in quo solo est securitas. Duo utique hi affectus quali pedes curiosæ mentis. Alter fugiendo quid timet, alter eligendo quid appetit. De quorum ascensu & descensu terribiliter dicitur: ascendunt, Doctores videlicet Ecclesiæ, cum pro temporali habundantiâ, aut prosperitate religionis eriguntur contra Deum, & descendunt usque ad abyssos, gravitate peccatorum; & anima eorum in malis ascendendo & descendendo tabesceat. Contra prospera autem & adversa interpellat Ecclesia caput suum, martyrum mota fortitudine dicens: ex eorum mutatione tribue nobis prospera mundi despiciere, & nullâ ejus adversitate moveri. Hoc oraculo serò à somno concupiscentiæ excitatur & convaluit.

(a) Locus propè Auricam est in Fritiâ Orientali. Arboribus confitus, ad quas Fritii judicabant, & conventus habebant publicos. Undè & leges Opstal-bomicæ, quas edidit olim Siccama.

(b) Hufinge vicus Omelandiæ in proximis Hufingiz finibus.

(c) Vicus Fiuvilengiorum.



convalluit. Expertus est vires, vel potentiam animi detestabili sopore curiositatis enervari, sensum quoque imaginandi præsentia, præterita, & futura, intellectum quoque, quæ vis est cernendi & capiendi invisibilia, ipsam rationem, quæ vis est discernendi species & genera imaginum. Denique ipsam mentem concupiscentia aggreditur, ut fallat ambitione honoris ad gloriam, potentia ad superbiam, ad habendum & retinendum plus iusto temporalia, etsi non in habitu & qualitate suæ mentis difficulter mobili, inflexione tamen favoris, vel detractiois, quibus quatitur mens, in despectu videlicet claustralium cæterorum, consummationem in omnibus, non tantum virtutum exercitiis, sed rebus æquare contendit, oblita Doctoris egregii dicentis: Ille non est arundo vento agitata, quem à statûs sui rectitudine nulla varietas rerum flectit. Nam ut dicit Beatus Augustinus: in temporalium provisione Regnum Dei cogitetur, in militia Regni Dei temporalia non cogitentur. Hinc est quod orationis suavitatem, quicquid ex caritate non nascitur, multa sollicitudine & occupationibus rerum, & negotiorum facit vilesce... Hæc advertit detrimenta & damna cancerosæ cupiditatis, & alia innumera. Sancti verò scientiâ pollebant, per quam res terrenas & negotia sæculi ritè disponebant, qui teste Beato Gregorio omnia simpliciter aspexerunt, & in his quæ videntur rapacitatis studio non trahebantur. Intelligentiam quoque divinorum habuerunt, quæ oculum mentis illuminabat ad contemplationem æternorum, & sapientiam specialis jucunditatis de utroque provenientem, præsertim de arcanis Dei pleni erant.

Sanè testimonio conscientia gaudebat, & de Dei gratiâ præsumebat, quia stimulum timoris, & amoris Dei in corde suo postmodum sentiebat, sicut dicitur; *Latetur cor meum & timeat nomen tuum Domine*; Et recolebat jugiter detrimenta inexorabilis fragilitatis humanæ, & caliginem invincibilis ignorantia. Natura enim hominis & ad bonum se habet, & ad malum ex libero arbitrio, & arbitrium quidem, videlicetabilitas rationabilis voluntatis, ad aliquid esse potens dicitur, & ad aliquid infirmum, quia liberum est, & ad bonum & ad malum, & mala voluntas ex homine est, & à Diabolo, & ad aliquid infirmum, quia opus habet gratiâ ad eligendum bonum, & bona voluntas à Deo est. Siquidem bonis & malis Deus offert gratiam. Sed per hanc, nisi perseverat, nemo bonum operatur. In bonis perseverant, ubi jam incipiunt bonum & velle & operari. Et hoc in illis ex justitiâ Dei perseverat, non quod ipsi boni vellent ipsi gratiæ adherere, quia nec vellent nisi gratia perseveret. Sed quia Deus videt quosdam tales, qui si gratia adjuvans perseveret, ipsi gratiæ vellent adherere, quod velle nunquam in actu posset haberi, nisi gratiâ perseverante. Ibi itaque conjuncta sunt misericordia, quæ obtulit, & justitia, quæ perseverare facit. Justum quippe est, ut gratia Dei non subtrahatur, quæ erat ei, si perseveraret consensus. Malis verò subtrahitur gratia ex justitiâ, quia videt Deus eos tales esse, quibus etiam si gratiam conservaret, illi tamen arbitrii libertate nolent consentire, & opereretur gratiam, quæ neminem compellit, in illis ad bonum velle compellentem esse. Itaque simul sunt subtractio gratiæ, & hoc malum velle & operari. Præscientia ergo Dei manet, quia gratia aspirans tales facit, quales providit. Gratia ergo secundum justitiam, justitia autem ejus in filios filiorum, & justitia ejus sicut montes Dei. Et hi sunt justi, qui per justitiam

Cccccc

1223. fiunt montes Dei. Sed ne quærat quis, cur quidam eligantur, quidam reprobentur, præveniens Propheta dicit: *judicia tua, abyssus multa*, videlicet inscrutabilis profunditas, & quam homo non attingit. Undè dicit Beatus Augustinus: cur Deus quosdam trahat, quosdam non, *noli investigare, si non vis errare*. Ecce descensus quasi ad inferos titubantis conscientia, sed, ô Deus! & si descendero ad infernum, ades. Adjuvit quoque dictum Apostoli quasi quoddam canticum ascendendi usque ad spem. Spe enim salvi facti sumus, & beatus est, qui habet eum in spe, qui est omne bonum. ait enim: *Gloriemur in tribulationibus nostris, scientes quòd tribulatio patientiam operatur, patientia probationem, probatio spem. Spes autem non confundit, quia charitas diffusa est in cordibus nostris per Spiritum Sanctum qui datus est nobis*. Unde illud: *si sumpsero pennas meas diluculo*, videlicet geminam charitatem, quasi volaturus ad extrema mundi, etiam illuc ad extrema mundi *manus tua*, id est, virtus, *deducet me*. Charitas verò pto signo est Spiritûs Sancti, qui in mente est, illa, dico, quæ est *de corde puro, & conscientiâ bonâ, & fide non fictâ*. Siquidem ipsius animus movebatur frequenter cogitare severitatem, requirere emendationem vitæ, remedia animæ, diversos quoque articulos temperantiæ in rebus & personis, ut quasi diversis mansionibus more Hæbreorum ad terram pertingeret promissionis. Et voluntas, quæ bonorum esse dicitur, nam mali cupiditatem habent, urgebat operari principaliter propter honorem Dei, utilitarem proximi, in quibus teste sapiente quodam, constat cor purum. Porro conscientia bona dinoscitur esse in poenitentiâ & patientiâ. Denique patientia, omnium scilicet injuriarum remedium, quæ est in charitate, fructuosam facit poenitentiam, quandò usus ejusdem poenitentiæ vertitur in consuetudinem. Consuetudo quasi innovat naturam, ut possit ille dicere: *vivo, jam non ego, vivoit verò in me Christus*. Jam verò ad veterem naturam, quia similia de similibus dicuntur, pertinent illecebraz sensualitatis, secundum quinque sensus, per quos oblectamenta hujus mundi influunt ad replendum appetitum carnalitatis & concupiscentiæ. At si comedit religiosus, dirigat motum ad hunc finem, ne deficiat in Dei servitio. Si esurit, esuries ejus ad hoc dirigatur, ut caro assicta redigatur in servitutem. Patientia itaque per poenitentiam ad serviendum Deo reddit hominem velut insensibilem, quòd fit spiritu consilii, qui intercidit flammam ignis, id est, somitem peccatorum, ut peccatum quod est in carne, jam non appareat peccatum.

1224. Anno conversionis ejus xv. vii. Kal. Feb. postquam Asicus, & cum Zephro Eurus imbres largos sparsissent, quos interim flatibus suis fursum in aerem trahentes, & in nubes condensantes, de eisdem nubibus deorsum projecerunt per nubes collisas, quæ ex aquis per ventos elevatz & conglobatz, de quibus venti iidem inclusi, ut asseritur, volentes erumpere magno murmure tonuerunt, & fulgura excussa micuerunt. Veruntamen ille solus sapiens & potens, cujus altum potentia, profundum sapientia, longum & latum veritas & charitas, novit plenè causam tanti terroris super terram, mare, & omnia quæ in eis sunt. Rumor fuit, terræ motum fuisse apud Brixiam civitatem Longobardiæ. De terræ motu dicunt, quòd venti concavis locis inclusi, qui de spiramine aquarum concipiuntur, qui & spiritus procellarum vocantur, dum erumpere gestiunt, terram tremere faciunt. Hinc fit terræ hiatus in locis fragilibus continuis aquis, quæ fa-

cilè rumpuntur. Hic autem in terrâ tremor, quòd in nube tonitru. Hic 1224.  
hiatus, quòd in celo fulmen.

11. Kal. Maji frustra taurus prodiit, quòd agricolæ parùm opinati sunt. Quippe gelicidium & pruina terram concludens, insuper pluvia immoderata sinum terræ siccare non petmiserunt, nec superficiem, & sic non minùs dulcis quàm salsa aqua fecit nocumentum. Ecce secundùm interpretationem Joseph super somnio Pharaonis, qui vidit boves obesas secùs fluvium, à macris totidem devotati; superfluitas aquarum adducit famem & multimodam miseriam, & adhuc manus Domini non est remissa, qui tamen populum sibi peculiarem, non-nisi post longam afflictionem, in quâ contraxerunt ducibus sibi à Deo præordinatis, suspirantes & dicentes, fratre fecistis nos coràm Pharaone, liberavit & liberare distulit. Qui secundùm Prophetam adjutor est in opportunitatibus, in tribulatione, sed quandò oportunum & salubre est, & quandò gratior est liberatio. Sperabunt igitur in te, qui noverunt nomen tuum, quod est, *Ego sum qui sum*. Ex his tuâ ope æquanimitè ferentes mutabilia, orabunt ultrâ pro pace populi & Ecclesiæ, & pro peccatis suis orantes, parce Domine, parce populo tuo & Ecclesiæ tuæ. Utique etiam si in continenti, quod peterent, acciperent, semper tamen rogandus est Deus, ne quandò perdat, & non debet esse fastidium petendi, ut largitas donatoris non habeat defectum. Accessit memorabile festum Assumptionis Beatæ Virginis, in quo post peracta Missarum solemnia, inundantiâ pluviarum, fossæ & depressa terrarum quasi lacus adimplentur, & campi in stagna aquarum conversi sunt. Et videres lateas adhuc, cum jam regio alba deberet esse ad messem. Ecce elementa contrâ peccatores pugnant. Cœli cometam misertunt, aer immoderatam inundantiam. Terra sterilitate, mare subversionis horrore triumphavit. At tu Christiane, qui afflictionibus erudiendus es, dicas: justus es Domine in disponendo, & justus es in operando. Miserationes tuæ super omnia opera tuâ, & ita super opera diaboli. Petiit scœni copia ex parte maximâ, & messis præcipuè vernalis latè per multas provincias. Arbore olim fructuosæ poma negabant, & vindemia diù dilata est. Ad hæc extendit manum suam Altissimus, ut eò feriret fortiùs in tectibundo.

Anno conversionis ejus xvi. bissexto intrante v. Id. Mart. vigiliâ Beati 1225.  
Gregorii rusticus tellurem scindere, & sabam ferere, debitis se atnavit instrumentis. Negotiorum enim diversa sunt genera. Medicina bona est, quorum ordini convenit. Mercatura si tenuis est, sordida est. Agriculturâ nil melius, nil ubertius, nil homine libero dignius. Circiter festum S. Gertrudis erexit se libisticum & lilium. Rediit tempestas vernalis, & color campis prænortuus in ortu Arietis, decimo quinto Kalend. Aprilis croceos flores erexit, & salices foliis cepit vestire. Idus verò Maji Magister Oliverius Groningham ingressus est cum magno favore totius populi teriâ iv. Deindè feriâ sextâ Bedum (a) stationem habuit. Proximâ verò Dominicâ Winchium, (b) ubi multos divites signavit. Pertransiit autem Fivelgoniam in tribus statio-

(a) Vulgò *Beem*, vel *Bedechem* vicus in Hunsingiis, Ecclesiâ collegiatâ olim insignis & martyrio S. S. Radfridi & Willfridi inclitus.

(b) Aliàs Winsumum, & patrio idiomate *Winchem*, ubi Dominicanorum extitit cœnobium anno 1276. ædificatum.

1225. nibus Lopperfum (a) Berumum, Fernelum (b), unâ in Menterne (c), & duabus in terrâ Rheydensi (d) postquas Sabbatho sacro Pentecostes, & die sacro in Florido-Horto paulavit. Secundâ verò feriâ ingressus est Emefgoniam, & stationem habuit Huttum. Dein Hufum in multâ spe reconciliandi gentem illam, sed tunc non profecit. Quapropter reversus est Hunsegoniam, & habitâ ibidem statione declaravit iv. Judices cruce signatorum, & rediit Coloniam obviam D. Conrado Cardinali Portuensi tunc Legato totius Teutoniæ; qui postmodum concilium proposuit cum Episcopis celebrandum, sed propter occursum Friderici Imperatoris dilatum est. Judicibus igitur Magister Oliverius tale dedit mandatum. Ad Concilium Domini Portuensis Episcopi Sedis Apostolicæ Legari pro negotio Crucis principaliter nos oportuit accedere. Ideoque quia fidelitatem vestram & industriam experimento didicimus, negotium Crucis, quod nobis à Summo Pontifice commissum est, vobis tam in Groningâ, quàm per totam Friisiam Monasteriensis Diocesis, committimus in absentia nostrâ, sive in terrâ pacandâ, & armis deponendis, sive in causis signatorum. Formam quoque expressit Sacerdotibus ad parochianos suos, ut in exhortando nulli darent crucem, qui non corporaliter, nec rebus Terram-Sanctam posset juvare. In quâlibet Ecclesiâ poni jussit truncum, ut in priore predicatione, & processione fieri in quolibet mense, & singuli sacerdotes darent indulgentias decem dierum iis, qui secundum facultates offerrent, & de his quinque in carinam (e) computarent, & quinque in annalem poenitentiam de indulgentiâ verò quadraginta dierum quatuordecim computarent ad carinam, reliquos in annuam poenitentiam. Reconciliandi Ecclesiæ, ab uno tantum subdelegatorum introduci deberent, si tamen personaliter crucem acceptarent. Nam nulli robusti signari debebant ad redimendum. In absentia verò suâ talibus litteris salutavit Prælatos Friisæ.

Honorabilibus viris in Christo, dilectissimis Abbatibus, Præpositis, Decanis, Consulibus & populo Friisæ, Oliverius servus emptitius crucis, Colonienfis Scholasticus, verbi crucis minister, vitam bonam & exitum felicem. Laudans Dominum laudabo, gaudens in Domino gaudebo, nuncians nunciabo profectum crucis. Nam postquam à vobis recessi, Lantgravius Turingiæ (f) Regis Hungariæ gener, miles, juvenis & in armis strenuus, dives & potens, crucem transmarinam accepit, & cum eo decem Comites, milites autem plurimi, & popularium turba, quæ dinumerari non potest. Norum præterea vobis esse cupio, quod Dani cum provinciâ Bremensi & Colonienfi navalem exercitum præparant. Unde vos moneo quatenus perseverantes & constantes esse velitis in apparatu navium secundum formam

(a) Berumum, vulgò *Berum*, vicus in orâ Amasi fluminis, arce quondam munitus.

(b) Fernelum, aliàs *Farnsum*, vicus in Fivelingis ad litus Amisæ arcis Riporedæ vicinus.

(c) Menterna, illic monasterium Ordinis Cister. fundatum est ab Eppone anno 1258. & est Adoardi filiale.

(d) Terra Rheydensis, vernaculè *Rheyderlands*, regio vastissima inter Lavicam & Amasum, innumerabilibus vicis, & cœnobiiis 23. opulentissimis famosa, quæ furcens Oceanus abstulit.

(e) Id est quadagesimam partem, vel anni, vel cujuslibet rei. Hic autem pro jejunio quadagesimali accipitur.

(f) Ludovicus sponsus Sæc. Elizabethæ.

formam temporis, quam vobis præscripsi, cum apud vos essem. Illud etiam scitote, quod Dominus Imperator de Saracenis Siciliæ triumphavit. 1225.

Reversus est tandem x. idus Julii, & stationem habuit Groningæ. Deinde proximâ Dominicâ Frudawaldæ (a) in loco harenoso. Deinde Sutherbushum, (b) deinde Doccum, (c) & recepit illum gens illa honorificè, & commissæ sunt illi dissensiones terræ illius terminandæ, quæ diu convalescerant inter duo castella, Tithardi videlicet, & Vigeri, cui favit totus populus propter seditionem & rebellionem præfati Tithardi. Transiit deinde ultra Bordenam. Deinde reversus est, & formam compositionis inter præsentem enuntiavit. Et acceptâ licentiâ & valedictio, iter eundi Groningæ arripuit, volens redire in Emesgoniam ad sopiendam discordiam gentis illius, quæ jam crebrò per nuntios invitaverat ipsum, volens regi consilio ipsius. Cumque in itinere esset eundi Groningæ cum religiosis viris & secularibus honestis, & propter treugam crucis sine armis pergentibus, supervenit præfatus Tithardus, & simulans se pacis colloquium habiturum cum Magistro, paulò ipsum à consortio societatis traxit, & corripuens eum irruit in nobilem & honestum virum Elterdm in Den-Oert, Capitaneum in Middelstein, (d) & caput ejus gladio percussit anno ciro cc xxvi. sexto Kalendas Augusti, concurrentibus in idem seculus, & ferientibus impiissimis fociis suis brachia & crura illius militis & cruce signati, post frequentes indulgentias peccaminum suorum, qui odivit, ut creditur, Ecclesiam malignantium, & cum impiis non sedet. Anima ejus requiescat in pace.

Anno Domini ciro cc xxv. Herdricus Præpositus de Skelwalda (e), dum plenâ autoritate Episcopi fungeretur, & nimis insolensceret; tum quia Acephalus erat, tum quia divitiæ ei affluebant, in quibus speravit, & præcipuè de brachio Episcopi, quia dixit se planè non curare, quid universi religiosi sentirent, dummodò in gratiâ Episcopi consisteret. Motus est ergò Præpositus & Conventus *Floridi-Horti* contrâ eum Zelo Phinees, qui coeunti cum Madianitide non pepercit. Sed & iste Madianitidem amavit, quia judicia Dei non custodivit. Madian namque *declinans judicium* interpretatur. Ille namque excommunicavit & solvit pro pecuniâ, Ecclesias clausit & aperuit clave cupiditatis, præter ebrietates & commestationes suas. Eodem anno dictus Præpositus, cum tribus Abbatibus Frisiz, duobus noviter institutis, ivit Præmonstratum, ubi factâ mentione prædicti Herdrici breviter, Dominus Conradus Præmonstratensis Abbas dedit litteras Capituli Abbatibus de Horto S. Mariæ, de Doccum, & de Valle B. Virginis, ut eundem sub poenâ ascriptâ in Frisiz habere respectum compellerent, quarum tenor hic erat: Conradus Præmonstratensis Abbas & Abbatum ejus-

D d d d d

(a) Fredovalda Olmandiz Regiuncula plures sub se vicos continens.

(b) Octopagiz præfecturæ vicus *Suderbuisen* dictus in Episcopatu Leovardienfi.

(c) Doccum, sive Docconis villa, patrio idiomate *Dschek*, ibi celebris in honorem S. Bonifacii Ecclesia, successu temporis in Abbatiam Præmonstratensium immutata, exstitit, nunc diruta.

(d) Husingiorum oppidum; collegio Canoniconum insigne, in Episcopatu Groningensi.

(e) *Skelvalde* vicus in Tylvis australibus Fivilengiz, olim præpositurâ Ordinis Præmon. insignitus, anno 1204. fundatâ io Diocesi Groningauâ.

1225. dem Ordinis Capitulum generale de Horto S. Mariz, de Doccum, & de Valle B. Virginis Abbatibus, salutem in Domino. Intelleximus relatione Abbatis de Hamburnâ, qui auctoritate generalis Capituli curationis officio in Frisiâ functus erat, duas esse in Frisiâ præpositas, quas tenent frater Herdricus, & frater N. quibus Abbas præfatus auctoritate Ordinis præceperat, ut infra certum tempus, videlicet quadraginta dierum, secundum debitum Ordinis Præmonstratensis, quem professi sunt, ejusdem paternitatem sibi procurarent. Quod quia facere contempserunt, poenâ excommunicationis jure punire possemus eisdem, nisi fecunditatem scilicet steriles per patientiam expectaremus. Quia igitur libertas, secundum Apostolum, multis velamen malitiæ forè dignoscitur, vobis in virtute sanctæ obedientiæ strictè præcipimus, ut præfatos præpositos auctoritate Capituli Præmonstratensis ad præsentiam vestram citetis, & sub poenâ suspensionis & interdicti præcipiatis iisdem, ut antè Nativitatem Domini, secundum debitum ordinis, alicujus Abbatis in Frisiâ paternitatem sibi eligant. Quod si facere contempserint, extunc suspensos & excommunicatos, sicut Acephalos, auctoritate ordinis & nostrâ denunciatis &c. Præmissis citationibus postremò anno Domini c110 cc. xlv. in conversione S. Pauli pro contumaciâ excommunicatur. Sed ille extraordinariè Romam appellavit. Cujus excommunicationis denunciatio transmissa est Episcopo; qui consuluit, ut mitteret Præmonstratum, quod & fecit, & obtinuit revocatorios ad Clarloltensem, & Varlerensem, ut ipsi accedentes de statu suo cognoscerent, & cessare à procuratore Episcopi, & respectum habere etiam in Westphaliâ persuaderent. Quod si non faceret, Præmonstrati citarent: tales etiam litteras misit ei Abbas Præmonstratensis. Conradus Dei patientiâ dictus Abbas Præmonstratensis, dilecto in Christo filio Herdrico Præposito in Sketwaldâ salutem, & sinceram in Domino charitatem. Cum didicerimus te regularem vitam elegisse, & gerere habitum in nostro Ordine assuetum, propositum tuum plurimum in Domino commendamus, monentes te ob salutem tuam, & ob Ordinis honestatem, ut eligas aliquem religiosum locum de nostro Ordine infra Diocesim Monasteriensem, ad quem habeas respectum ratione paternitatis, & de quo recipias & visitationes & consuetudines Ordinis approbatas. Credimus enim quòd hoc ipsum & tuæ honestati expediat pariter & saluti, nec in aliquo erit Juti Episcopi Monasteriensis, aut sui Capituli, quod honnare volumus, derogatum. Cum præsumamus, quòd augmentare potius velit, quàm minuire Ordinem nostrum, Episcopus memoratus. Super eo autem quod dixisti in litteris tuis ad nos missis, quòd secundum mandatum circatorum accessisti ad Venerabilem Fratrem nostrum Præpositum Cappenbergensem obedientiam facturus eidem, non es redarguendus, imò meritò commendandus, cum bene placeat nobis, ut recipiaris ab ipso, si gratiam inveneris apud ipsum. Super eo vèrò quod postulasti in calce litterarum tuarum, ut duabus, vel tribus sine suspitione personis præciperemus, quòd de omnibus circumstantiis causæ & loci inquirerent veritatem, scias quòd in hoc exaudivimus preces tuas, prout videre poteris in nostrâ commissione ad Väterum & Clatholrum emanata. Hoc siquidem scite te volumus, quòd si dilexeris Ordinem, Ordo te diligit & honorabit etiam in quantum poterit cum suâ honestate.

Herdricus itaque cognito quòd litteræ contra ipsum essent allatæ, plenius profanitate, & irâ, in superbiam exarsit, credens præfatum conventum

conculcare, quemadmodum Julianus Basilium, & extinguere, ut Arioch sapientes Babilonis. Confinxit multa contra præfatum Præpositum & conventum, & faciens A. Notarium Episcopi scribere singula deputavit. Petiit & A. de Loppesum Decanus, ut super illis peremptorie in Purificat. S. Mariæ eundem Præpositum citarent Monasterium, qui ad cumulum depressionis mote adulantium, qui semper dicunt euge, euge, in cætu laicorum, executionem citationis fecerunt circiter festum S. Lucie. Igitur Præpositus multis ex causis Romam appellavit, & tunc Monasterium missus est Frater P. Procurator, qui appellationem illam solemniter innovavit. Cum ergo pendente appellatione nihil innovari debeat, ille præcursor Antichristi sedens in insidiis, sub cujus lingua labor & dolor, quia innocentior fuit lingua illius labote, quem ingressus, Sabbatho proximo Dominicæ Quinquagesimæ de facto congregavit ceterum, & per litteras Episcopi mandavit præfatum Præpositum & conventum excommunicatos denunciari, ita ut nullus in terrâ vel eis quicquam venderet, vel ab eis compararet, contra decreta Romanorum Pontificum. Quod ne fieret Frater Paulus Procurator conventus secundo appellavit Coloniam, nuncio jam Romam destinato. Interim supplicatum est Ecclesiæ Præmonstratensi per litteras præfati conventus & Magistri Oliveri in hunc modum.

Reverendo in Christo & Venerabili Domino Contrado Dei providentiâ Præmonstratensi Abbati, Emo Dei gratiâ dictus Abbas Floridi-Horti, salutem, & tam devotam quam debitam, & cum orationum sinceritate obedientiam. Notum sit paternitati vestræ, quod claustrum, quod Floridi-Horti dicitur, in quo Deo auctore in regimine deservio, Domino Gervasio antecessori vestro suisque successoribus obtuli immediatè Sanctæ Præmonstratensis Ecclesiæ, circa fratrum meorum & domus curam, ejus cupiens vigere sollicitudinem. Affectu itaque meo pensato locum istum in filiam suscepit, & affectum suum spondit circa eundem indefinenter vigere, & ne rem hanc apud posteros in oblivionem venire contingeret, suis voluit litteris confirmare, quarum hic formam duxi breviter inferendam; Ego Gervasius, Dei patientiâ Præmonstratensis Abbas omnibus in perpetuum. Notum esse volumus tam præsentibus, quam futuris, quod cum Ecclesia Floridi-Horti in Frisîa, per Dei gratiam dilatarî cœpisset, ita quod surgens de paupere fundamento jam haberet conventum, quem vir religiosus Emo ejusdem loci Præpositus gubernabat, qui fuit unus de duobus primis inhabitatoribus & fundatoribus dicti loci, idem Præpositus tandem veniens ad generale Capitulum Præmonstratense optulit locum suum Ecclesiæ & Ordini Præmonstratensi, quem elegerat, & præfectus fuerat à primis commissis sibi Ecclesiæ fundamenti, ipsamque Præmonstratensem Ecclesiam immediatè matrem elegit, ut Ecclesia Floridi-Horti tanquam specialis filia Præmonstrati, per Præmonstratensem Abbatem tanquam per Patrem regatur, secundum quod exigunt ordinis instituta. Nos autem devotionem ipsius & suorum in Domino commendantes, sicut erant meritò commendandi, recepimus eum in filium, & Ecclesiam suam in filiam specialem. Ne igitur futuris temporibus super his possit aliquis scrupulus suboriri, præsentibus litteras in testimonium rei gestæ conceptas sigilli nostri appositione duximus roborandas. Actum anno gratiæ MCCCLXXII. Harum litterarum intuitu supplico, ut filie vestræ solitam impendere dignemini pietatem, & contrâ pravorum violentias consilio &

1225. scripto vestra prompta sit defensio. Verum quia tribulatio proxima est, ad vos suspiro sperans, quod injuriæ meæ vobis expositæ vestram movere debeant pietatem. Quidam igitur Herdricus dictus præpositus de Skelwada inordinatè tumens tactus officialis & exactor Episcopi Monasteriensis, (*Theodoric*) occasione continuæ procurationis, Decanus nimis procurationem, quam foris prætendit, per insolentias plurimas confundit, ut ei cui venando pecuniam accumulavit, possit placere. Qui inter cætera, quæ ingerit scandala, eum se auctoritate vestrà & Capituli Generalis ad eligendam paternitatem sensisset urgeri, me tanquam hujus coactionis cooperatorem, ab Episcopo Monasteriensis in vindictam malitiosè criminari & gravari persuasit. Cumque super injuriâ Episcopi legitime Sedem Apostolicam appellassem, dictus præpositus, sive ex mandato Episcopi, sive non, contra privilegia Ordinis & juris, me & fratres meos excommunicatos denunciari fecit, humanitatis beneficium & vite necessaria ab aliis percipienda prohibendo, quæ etiam sicut optime novit vestra discretio, in articulo necessitatis justè excommunicatis, propter excommunicationem non sunt amputanda. Hanc igitur inauditam coram vobis depono querelam supplicans, ut de Horto S. Mariæ & in Doccum Abbatibus viris religiosis detis in mandatis, quòd si ista invenerint plenè corrigant, & ipsum ad refarcienda damna fratribus per eum data, per poenam suspensionis & excommunicationis compellant, & nihilominus sententiam excommunicationis, quam contra ordinis privilegia tulit, nullam esse publicè denuntient. Præterea supplico, quatenus super ordinis disciplinâ, adeò vestra invigilet discretio, ut supra-dicto Præposito Herdrico correctio, tantum vobis apud omnes in Frisiâ accedat honoris incrementum, quantum dissolutio ipsius ordinis ingessit opprobrium. Quò verò efficacius id promoveatur, fratrem unum latorem præsentium, canonicum ad vos destinavi, rogans obnixè, ut ipsum tanquam filium recipiatis, & in his quæ ad domus nostræ protectionem, & fratrū dicti Præpositi correctionem spectant, secundum scientiam à vobis datam benignè expediatis. Præterea obnixè flagito, ut auctoritate vestrà & ordinis, imperiosè pro reverentiâ Summi Pontificis Domino Episcopo Monasteriensis scribere velitis, ut me & fratres meos, inculpatae famæ per Dei gratiam apud omnes optimos vicinæ nostræ, sine vexatione temerariæ excommunicationis Deo servare permittat, quoniam per Dei gratiam in tantâ libertate in Frisiâ constituti sumus, quòd nec pullo gallinæ violenter per suos, nos poterit spoliare.

Item per litteras Magistri Oliverii: Venerabilibus Viris, Dominis, Conrado Præmonstratensi Abbati, cæterisque Abbatibus, ac toti Præmonstratensi Capitulo Oliverius, servus Crucis emptitius, Colonienfis Cancellarius, paratum semper cum devotis orationibus obsequium: Cum ex mandato Sedis Apostolicæ Frisiam, sedis Colonienfis Provinciam, peragrarem, duos in eâ viros Præmonstratensis habitûs inveni. Alteri eorum, videlicet Emoni Abbati Floridi-Horti, à clero & populo plenum testimonium modestiæ ac laudabilis vitæ perhibetur. Reliquus Herdricus de Skelwada Præpositus, non solum apud populares, verum etiam à bonis & gravibus sufficienter infamatur. Officialis enim gerens officium, excommunicat & absolvit, Ecclesiæ claudit & aperit pro pretio, & quod abominabilius est, baptismum parvulorum impedire nititur, quibusdam Ecclesiæ chrismâ negando pro unius, vel paucorum delictis, ut ita pecuniâ chrismâ redimatur.

Hxc



Hæc autem vobis significo, quia gentem Frisonum diligo, quia fide stabilis & in armis strenua, iterum se præparat ad Terræ Sanctæ subsidium, tam in bellatorum numerosâ multitudine, quàm navium utili ac necessario, & instanti expeditioni provido, apparatus. Sanè quoniam Ordinem vestrum veneror & amo, Excellentie vestræ religiosiùs scribendo, quantum audire placet, caritative consulo, quarens si prænominati fratris vulnus sit medicabile, sicut habitu suo testatur, protinus ad emendationem ejus vitæ & scandalî refecationem, carceri incorporetur. Alioquin si immedicabile vulnus, ense spiritualis gladii præcidatur, ne pars sincera trahatur in scandalum, & per gentem devotam & ad obsequium Salvatoris mundi promptam, latius dilatarum, gravius animarum periculum inducat.

Accepto itaque instrumento de Capitulo Colonienſi in hunc modum; G. Dei gratiâ Major in Colonia Decanus, & Archidiaconus, totumque Capitulum majoris Ecclesiæ, Viris Venerabilibus S. de Horto S. Mariæ T. in Doccum (a) Abbatibus Præmonſtratenſis Ordinis, & Magistro I. in Novâ Ecclesiâ Plebano Trajectenſis Diœceſis, Salutem in Domino. Querelam Magistri E. Præpositi in Florido-Horto Præmonſtratenſis Ordinis Monasterienſis Diœceſis recepinus continentem, quod cum ipsum Episcopus Monasterienſis Theodoricus super quibusdam causis, contrâ privilegia Ordinis Præmonſtratenſis, & formam juris, gravare niteretur, idem Præpositus super omni injuriâ ipsius, per se & procuratorem suum Paulum Canonicum Præmonſtratenſis Ordinis, Sedem Apostolicam appellavit, ac postmodum cum se & fratres suos à jam dicto Episcopo per excommunicationem, & negandam in omnibus necessariis vitæ communionem, nimis injustè gravandum perſenſiſſet, per Procuratorem suum P. ne id fieret, nostram legirimè audientiam tanquàm à suspecto appellavit. Mandamus igitur vobis, quatenus partibus convocatis de appellatione ad nos interpositâ cognoscatis, & si causam, ex quâ gravatum se putat, secundum ea quæ dicta sunt, legitimam interveneritis, excommunicationem in Præpositum & Conventum ipsius latam nullam publicè renunciatis. Testes autem qui nominati fuerint &c. Eodem instrumento tractus est in causam universus Clerus, qui non debuit obedire iniquæ denuntiationi per Ecclesiâ amplius quàm quinquaginta, & citatus est frater numerus post Dominicam *Misericordia Domini* locis deputatis trans Lavicam, Vemenge, & Doccum. Cumque comparuiſſent, & præiatus Præpositus Floridi-Horti, ex ſententiâ judicum, appellationem præceſſiſſe excommunicationem probaſſet, illi Coloniam appellaverunt. Miſum est ergò Coloniam in occurſum illorum, & intellecto proceſſu cauſæ, Decanus remiſit cauſam in eundem ſtatum, in quo fuit tempore primæ appellationis in hunc modum: G. Dei gratiâ major in Colonia Decanus & Archidiaconus, totumque Capitulum Ecclesiæ Beati Petri Viris Venerabilibus G. Præposito in Fermeshum, & G. Priori in Feldwirth (b) Salutem in Domino. Conſtitutis in præſentiâ A. Domini Episcopi Monasterienſis &

Eeeee

(a) Thomas primus Abbas Documi Diœceſis Leovardienſis oppidi. Hæc autem Abbatia S. Bonifacio Apostolo Frisonum nuncupata ad diſciplinam S. Norberti tranſiit anno 1204.

(b) Cernobium Ordinis Sti. Benedicti Dammonæ vicinum in Diœceſi Gronin-ganâ, vernaculè *Oldeshouſer*, ab Hathebrando fundatum pro utroque ſexu an 1183.

1225. L. Præpositi Floridi-Horti, & V. Plebanorum de Fivelgoniâ procuratoribus, de consensu ipsorum ita ordinatum est, & terminatum, quod commissio ad S. de Horto S. Mariæ, & T. de Doccum Abbates, & L. Plebanum Trajectensis Diocesis impetrata super excommunicatione à Domino Monasteriensi Episcopo in eundem Præpositum E. & Conventum Floridi-Horti facta, à nobis penitus est cassata, & quicquid auctoritate ejusdem commissionis fuit factum, sive in citando, sive in absolvendo, sive ad interesse condemnando, cassatum est, & pronuntiatum est non tenere. Procuratores quoque prædicti appellationi tam ad Capitulum, quam ad Dominum Archidiaconum ipsum factæ renunciaverunt. Reliquimus etiam negotium in eo statu, in quo fuit tempore appellationis, quam Magister E. & præpositus dicit se ad Sedem Apostolicam interpoluisse, de qua cognoscere non est nostræ auctoritatis, salvo jure utriusque partis. De eo ergo, quod apud nos de consensu Procuratorum factum est sollemniter, maneat occultum. Mandamus vobis quatenus convocato Clero Fivelgoniæ, ea quæ supra dicta sunt, & in conventu laicorum publicè denunciatis, nullum ex his partibus præjudicium generando.

Interim rediit Nuncius Romæ, & tria paria litterarum reportavit contra Episcopum, duo super causâ, tertium super iniquis exactionibus & injuriis ipsius. Fecerat enim Ecclesiam nostram spoliari christmate. Honorius Episcopus Servus servorum Dei Venerabili Fratri Monasteriensi Episcopo Salutem & Apostolicam Benedictionem. Dilecti filii, Præpositus & Conventus Floridi-Horti suâ nobis conquestione monstrarunt, quod tu in eos sine causâ rationabili, nullâ competenti monitione præmissâ, contra statuta concilii generalis, auctoritate propriâ excommunicationis sententiam promulgasti. Ideo Fraternitati tuæ per Apostolica scripta mandamus, quod si ita est, infra octo dies post datam præsentium, sententiam ipsam sine qualibet difficultate relaxes. Alioquin dilectis filiis de Horto S. Mariæ & de Doccum Prioribus, & Magistro I. Scolastico de Novâ Ecclesiâ Trajectensis Diocesis, nostris dedimus litteris in mandatis, ut ipsi ex tunc sufficienti ab eis juxta formam Ecclesiæ cautione receptâ super his, pro quibus est hujusmodi sententia promulgata, relaxent eandem, & injuncto eis, quod de jure fuerit injungendum, audiant si quid fuerit questionis, & appellatione remotâ debito fine decident, & faciant, quod decreverit auctoritas nostra, firmiter observari. Datum Laterani.

Honorius Episcopus Servus servorum Dei dilectis filiis de Horto Sanctæ Mariæ, & de Doccum Prioribus, & Magistro I. de Novâ Ecclesiâ Plebano, Salutem & Apostolicam Benedictionem. Dilecti filii Præpositus & Conventus Floridi-Horti suâ nobis insinuatione monstrarunt, quod Venerabilis Frater noster Monasteriensi Episcopus in eos sine causâ rationabili, nullâ competenti monitione præmissâ auctoritate propriâ excommunicationis sententiam promulgavit contra statuta Concilii Generalis. Unde ipsi nostris dedimus litteris in mandatis, ut si est ita, infra octo dies post susceptionem ipsarum, sententiam sine quâlibet difficultate relaxet. Quocirca discretioni vestræ per Apostolica scripta mandamus, quatenus si dictus Episcopus mandatum nostrum neglexerit, vos ex tunc sufficienti ab eis juxta formam Ecclesiæ cautione receptâ, super his, pro quibus est hujusmodi sententia promulgata, relaxetis eandem, & injuncto eis, quod de jure fuerit injungendum,

audiatis si quid fuerit quæstionis, & appellatione remotâ, sine debito terminetis, facientes quod decreveritis auctoritate nostrâ firmiter observari. Datum Laterani vi. idus April. 1225.

Honorius Episcopus Servus servorum Dei, dilectis filiis de Horto Sanctæ Mariæ, & de Doccum Abbatibus Præmonstratensis Ordinis, Salutem in Domino & Apostolicam Benedictionem. Ex parte Præpositi & Conventus Monasterii Floridi-Horti Præmonstratensis Ordinis nobis oblata querela, quod Venerabilis Frater noster Monasteriensis Episcopus ipsos indebitis exactionibus aggravat & molestat, aliâs eis plurimum injuriolus existens. Ideoque Discretionem vestrâ per Apostolica scripta mandamus, quatenus partibus convocatis audiatis causam, & appellatione remotâ sine debito terminetis, facientes, quod decreveritis, auctoritate nostrâ firmiter observari. Testes verò qui nominati &c.

Citatus itaque est Episcopus denuò, & assignata loca trans Lavicam prætaxata, & die cedente propositum est secisse excommunicationem appellatione pendente, & Ecclesiam Conventus chrismate spoliasse. Judices ergo cognitâ spoliatione chrismatis, habitâ interlocutoriâ per sententiam adjudicarunt Ecclesiæ illi restitutionem chrismatis sub certo articulo diei, videlicet B. Virginis. Cùmque Procurator Episcopi id minime curaret, Præpositus propter contumaciam petivit, ut Episcopus excommunicaretur, quod & factum est. Interim cùm Herdricus omnium mala ista procuraret cum A. Notario Episcopi, Deo ordinante accidit, quod Dominus C. Episcopus Portuensis Cardinalis Coloniam veniret. Ad ipsum præfatus Præpositus misit cum litteris Abbatem, ut moneret Episcopum absolvere Herdricum à procuratore negotiorum suorum, & si Episcopus non faceret, daret in mandatis Abbatibus de Horto S. Mariæ, & de Doccum, ut prædictum Herdricum compellerent cessare, quod factum est in hunc modum.

Conradus (a) Dei gratiâ Portuensis & Sanctæ Rufinæ Episcopus, Apostolicæ Sedis Legatus, Venerabili in Christo eadem gratiâ Monasteriensi Episcopo Salutem in Christo Jesu, Significaverunt nobis de Horto S. Mariæ, de Doccum, & alii plures Abbates Præmonstratensis Ordinis, quod Herdricus Præpositus de Skelwaldâ contra constituta sui Ordinis vagatur per mundum, & negotiis secularibus se immiscet, & alias plurimas inhonestates committens in salutis suæ præjudicium & gravamen, & scandalum plurimorum, quocirca vobis mandamus auctoritate Legationis, quâ fungimur, quatenus dictum Herdricum, in suo errore nullatenus soveatis, sed ipsum moneatis, & efficaciter inducat, & si necesse fuerit compellatis, ut reliquiæ seculi vanitatibus redeat ad observantiâs regulares. Alioquin sciatis nos dedisse in mandatis Abbatibus de Horto S. Mariæ, & de Doccum, de Valle Beatæ Virginis Præmonstratensis Ordinis, ut dictum Herdricum ad id censurâ Ecclesiasticâ compellant justitiâ mediante. Miramur enim quod talem officialem haberis. Datum Tulpeti xii. Kal. Julii.

C. Miseratione Divinâ Portuensis & Sanctæ Sabinæ Episcopus, Apostolicæ Sedis Legatus, dilectis in Christo de Horto S. Mariæ, de Doccum, de Valle Beatæ Mariæ, Abbatibus Præmonstratensis Ordinis, Trajectensis Diocesis, Salutem in Christo Jesu. Vestras & aliorum multorum Abbatum vestri

(a) Vide quæ diximus de hoc Conrado p. 115.

1225. Ordinis Præmonstratensis recepinus continentes, quodd Herdricum dictum Præpositum in Skeldwaldâ sæpe à vobis monitum, à vexatione seculari & aliis acibus inhonestis compesci censurâ Ecclesiasticâ faceremus, monendo primum Venerabilem Fratrem nostrum Episcopum Monasteriensem, ut ipsum familiaritate suâ penitus amoveret, Nos verò supradictum Episcopum monuimus diligenter, Mandantes eidem, ut ipsum ad hoc, si fuerit necesse, compellat. Quocirca discretionis vestræ, legationis quâ fungimur, auctoritate mandamus, quatenus si præfatus Herdricus monitionem dicti Episcopi noluerit exaudire, vel Episcopus super his negligens fuerit memoratus, ipsum Herdricum ad observantias sui Ordinis monitione diligenti præmissâ per censuram Ecclesiasticam auctoritate nostrâ firmiter compellatis. Datum Bunnæ xi. Kal. Julii.

Cumque dictus Herdricus Abbatibus parere contemneret, excommunicatus est. Mirâ Dei providentiâ cum A. & B. Procuratores Episcopi post Nativitatem B. Virginis in Frisiz partes venissent, & serverent adhuc furore diuturno, & peragratis villis (a) Besclo, Hugemthe, Lidinge, venissent Usquert, ibidem à Fratre S. viro constante & defendente Ordinem, Procuratore Abbatum, denunciatur Episcopus excommunicatus, & illi, si procurarent negotia, excommunicati, & credidit populus & recessit ab eis die primo, die altero D. Herdricus impedit populum, mobilitate suâ volens & nolens, vel magis timens Episcopum aliquantulum gravari, tum quia gravis ipsi erat Episcopus, & non præcesserunt, quia datæ sunt litteræ universis pro defensione ipsorum, si Episcopus, vel nuncii sui antè absolutionem suam gravaret. Veniunt itaque Loppersum, & die primâ D. Herdricus de Usquert; & obtulit conventui compositionem, ut omnis controversia inter Episcopum & ipsum quiesceret, & ad Herdricum pax esset, & cautionem daret Præpositus, ne Abbates contra eum scriberent. Ad quod respondit Præpositus, nihil se velle spondere pro Abbatibus, quia hoc non esset in suâ potestate. Quo audito A. & B. coeperunt perfidere quasi contemnentes reconciliationem. Recessit ergo Frater S. Procurator Abbatum interitus, & Frater P. & alii Fratres volentes excommunicationem denunciare, sed G. de Femesum Decanus, P. & A. in Loppersum Præpositi, & quamplurimi cum ipsis gravissimum fecerunt strepitum currendo, clamando, & conviciando, putantes eos tali insultu à proposito coercere. Factus est concursus & clamor, ut possent dicere Fratres, contra tales infidias, inermes: *circumdederunt me canes multi, concilium malorum obsecravit me.* Sed dicti Fratres indefessi testiterunt. Affuit eis, Deo sic ordinante, Vir nobilis Stitho inflammatus caritate correctionis Ecclesiæ, non rogatus: amor enim Christi otiosus esse non potest, & quasi tuba vehemens voce & manu illos furentes dimovit, & ita usque ad crepusculum vis vi repulsa est, cum multâ tamen læsione.

Die sequenti congregatus est Populus quasi vir unus. Aderant ibi consules terræ & jurati de Upstallesbome, & auditâ denunciatione excommunicationis Episcopi à delegatis Summi Pontificis, & Herdrici à Cardinale, decreverunt sententiam admittere, & nisi Decani duobus millibus

marcarum

(a) Melius in Mss. vic. *Beslha*, vernaculè *Bassel*, *Husdinge* & *Lidenger* villæ totidem Adoardinæ præfecturæ sicut & *Usquert*, qui est vicus amplissimus haud procul à maris litore.

marcatum terram immunem fore, si assisterent Nunciis Episcopi, caverent, 1225.  
non debere eis impendi obedientiam. Quod quia visum est illis intol-  
erabile, dixerunt se nolle hoc facere, & ideo Nuncii Episcopi soli & con-  
tempti vacare mensæ accedebant, videntes vacuos honores & vacuas cru-  
menas se habere, & sic compulsi sunt, Dei misericordiâ disponente, for-  
mam compositionis Præposito & Conventui beneplacitam, per amicos &  
familiæ præcipuos ipsius Conventus offerre & conscribere in hunc modum:

In Nomine Domini Amen. Ego Theodoricus, Dei gratiâ Monasterien-  
sis Episcopus, Omnibus, ad quos præsens scriptum pervenerit, Salutem in  
Domino. Notum esse volumus universis, quod discordia, quæ inter Nos  
ex parte unâ, & Præpositum E. Floridi-Horti & suum Conventum ex al-  
terâ parte vertebatur, sopita est in hunc modum: Præpositus E. obedi-  
entiam quam aliquis alius Abbas, vel Præpositus Præmonstratensis Ordinis,  
salvo jure Privilegiorum & Ordinis, suo Episcopo facit, vel fecit, Domino  
suo Episcopo Monasteriensis faciet & exhibebit, & omnes causæ, si-  
ve cri-  
mina super quibuscumque articulis, quæ contrâ eum, vel Conventum  
suum motæ fuerunt, sopitæ sunt & extinctæ. Omnes quoque sui fautores,  
Clerici, si-  
ve laici, qui propter causas contrâ ipsum motas, in aliquod dei-  
venerunt gravamen, liberi erunt penitus ab illo & exempti. Instrumenta  
quæcumque ex utrâque parte, tam nostra, quam Emonis Præpositi & sui  
Conventus, à quocumque optenta fuerint, nullius erunt penitus momenti,  
& ipse Præpositus obediens erit nobis modo supradicto, & nos ipsum,  
quantum poterimus, promovebimus. Discordia verò quæ inter Episcopum  
& suum Conventum ex unâ parte, & inter Herdricum de Skeldwaldâ &  
suum Conventum ex alterâ vertebatur super quibuscumque causis, sopita est  
in hunc modum. Uterque supradictorum Præpositorum, dextrâ sibi ad in-  
vicem datâ, veram amicitiam inter se promiserunt se fideliter servaturos,  
adjicientes, quod neuter ipsorum consilio, vel factio alium, si-  
ve in gene-  
rali Capitulo, si-  
ve alio quocumque loco, gravabit, nisi si quis eorum re-  
quisitus fuerit in animam suam, liberum erit ei dicere veritatem super re,  
de quâ fuerit requisitus. Instrumenta quoque ex utrâque parte, à quocum-  
que etiam optenta fuerint, si-  
ve à Domino Papâ, si-  
ve à delegato, si-  
ve ab Ecclesiâ Colonien-  
si, si-  
ve ab Episcopo Monasteriensis, si-  
ve à Capitulo  
Generali, in manus Domini Gereonis de Fernesum, & Aliardi de Midlesum  
relinquunt, nullo unquam tempore valitura. Fautores quidem utriusque  
partis ab omni gravamine, quod propter eos incurrerant, liberi erunt &  
soluti simul cum illis, qui propter denunciationem cujuscumque excommu-  
nicationis sese à Synodo subtraxerunt. Acta sunt hæc apud Loppesheim Anno  
Dominicæ Incarnationis c10 cc xxv. xiii. Kal. Octobr. præsentibus te-  
stibus G. de Fernesum Decano, P. & A. Decanis de Loppesheim, & aliis  
quàm plurimis. Ut autem hæc compositio firma maneat & inconvulsa, præ-  
sens pagina nostro sigillo, & E. Præpositi Floridi-Horti, & H. Præpositi de  
Skeldwaldâ sigillis est roborata. Data per manus Magistri A. Notarii Episcopi  
Monasteriensis.

Cum ergo forma pacis inter Episcopum & Conventum ordinata fuisset,  
& jam conscribenda, & dextram idem Episcopus dedisset societatis, quia  
dies eundi ad Capitulum generale instabat, dixit Præpositus Herdrico: si in

Ffffff

1225. proposito haberet ire in societate suâ, quatenus se prepararet. Ille ad hæc fore adhuc dubium dixit, utrùm personaliter iret, an pro se legatum mitteret. Quod clàm procuravit mittens duos, qui litteras Episcoporum Coloniensis, Traiectensis, Monasteriensis Capitulo præsentarent. Præfatus verò Præpositus cum Fratre Sibrando Abbatum Procuratore, die B. Matthæi, de Groningâ profectus est, & Præmonstratum pervenit. In Capitulo itaque Abbates de Cappenberge, de Varler, de Claholt ipsi restiterunt consilio quantum valuerunt, & auxilio quorundam aliorum dicentes sibi fore periculofum, si dictus Herdricus à procuratore negotiorum Episcopi prohiberetur, cum monasteria ipsorum possiderent Ecclesias, in quibus ipsi synodalia jura procurarent. Postremò cum causa ipsa tractaretur à diffinitoribus, diffinitum est illum penitus debere cessare à procuratore negotiorum Episcopi, auctoritate generalis Capituli, & auctoritate privilegii ejusdem Summi Pontificis collati Ordini Præmonstratensi in hunc modum:

Honorius Episcopus Servus servorum Dei dilectis filiis Abbatibus & Fratribus universis Ordinis Præmonstratensis, Salutem & Apostolicam Benedictionem. Cum relictis seculi vanitatibus, ei soli impendere teneamini famulatum, cui servire regnare est, indecens constat esse, ut cum debeatis orationibus invigilare, involvatis vos quæstionibus alienis. Quocirca universitati vestræ auctoritate præsentium inhibemus, ne quisquam vestrum in pertractandis alienis causis præsumat existere Procurator. Nulli ergò omnino hominum liceat hanc paginam nostræ inhibitionis infringere, vel ei ausu temerario contraire. Si quis autem hoc attemptare præsumpserit, indignationem Omnipotentis Dei, & Beatorum Petri & Pauli Apostolorum ejus se noverit incursurum. Datum Laterani x. Kal. Julii, Pontificatus nostri anno vi.

Et directæ sunt litteræ per Abbatem Cappenburgensem Domino Monasteriensi Episcopo, quòd Capitulum Præmonstratense non admitteret, ut sæpè dictus Herdricus esset de cætero officialis, & aliud par litterarum transmissum est, Abbatibus de Horto S. Mariæ, & de Doccum, ut citarent illum, & ad sententiam Capituli servandam compellerent in hanc formam: Quod efficacissimè per ipsum Abbatem Præmonstratensem, in consistorio Abbatum proximo, & postea in Capitulo claustrî pronunciatum est.

C. Dei Patientiâ dictus Abbas Præmonstratensis & Abbatum ejusdem Ordinis Capitulum Generale, Venerabilibus in Christo Fratribus S. de Horto S. Mariæ, & in Doccum Abbatibus Salutem. Cum expositum sit nobis in Capitulo Generali, quantâ dissolutione & insolentiâ Frater Herdricus Præpositus in Skeldwaldâ sit repressus, quanta etiam scandala ex eo, quòd synodalia procurata, cum sit insufficiens & minus idoneus, sint exorta, Discretionis vestræ Auctoritate nostrâ Fratrumque mandamus, quatenus dictus H. citatus fuerit ad Capitulum Generale, nec Capitulum curaverit visitare, sub præfata vobis auctoritate mandamus, quatenus ex parte nostrâ & Ordinis firmiter injungatis, competenti tamen monitione præmissâ, ut infra instantem Quadragesimam apud Hamburgam, vel Varlare, sibi Paternitatem assumere non omittat, ut Patrem super se habeat, à quo & Ecclesia ejus formam sibi religionis assumat, & à quo etiam visitetur secundum consuetudines Ordinis approbatas. Cæterum cum idem H. citatus fuerit ad Capitulum Generale, nec Capitulum curaverit visitare, sub præfata vobis auctoritate mandamus, quatenus ex parte nostrâ firmiter injungatis eidem,

ut infrà instantem Solemnitatem Pentecostes veniat personaliter Præmonstratum satisfactorius Ordini super eo, quòd ad mandatum nostrum visitare Capitulum non curavit. Verùm quia ex procuratione synodaliùm, quibus vacat, multa scandala provenerunt, tum quia infufficiens & minus idoneus, tum quia exhibet se dissolutum, Volumus, ut ex decreto Generalis Capituli ab eorum procuracione desistat, & ex parte nostrâ ei præcipiatis hoc ipsum:

Ille inquam frater Herdricus plenus blasphemiam Ordinis sui & habitus, cum tenuisset mediam partem Ecclesiæ vicinæ sibi, tam per preces, quam per potentiam, in corde semper ambiens, & rapere volens; oculos habens, & non considerans, persuadet sacerdoti, qui tenuit residuam partem Ecclesiæ, ingredi monasterium, cogitans per illius introitum Ecclesiam, de qua exiit, intrare. Verùm continuò versus est populus in conspirationem seditionis, & ejecit omnia, quæ in domo dotali collocaverat; cum damno, & dedecore. Postmodum nullo religiosorum usus consilio, aciem collegit armatam amicorum & cognatorum suorum, & illi de parte adversâ robore multorum se se munitunt, & convenerunt Consules terræ, & Jurati Orientales, pro reformandâ pace inter eos. Ille verò violentèr voluit vindicare domum manu armatâ, & coepit applicare exercitum; sed prohibitus est à Consulibus præfatis. Populus autem de parte alterâ, sicut semper solet esse inquietus, & malignis perurgentibus spiritibus applicuit se ad fossatum claustrî, & coeperunt se altrinsecus congregati spiculis provocare & vulnerare. Et mortuus est quidam nobilis de Menterâ Silvâ, (a) cuspidè transmissâ in caput ejus. Quò comperto coepit multitudo cingere obsidione fossatum per diem & noctem; & tunc non immeritò Frater Herdricus timore magno timuit, & fugâ se servare constituit. Unde dimoto paululùm populo valdè metuchis vitæ, equum cum paucis conscendit, & portâ apertâ erupit, & secuti sunt cum quidam. Equus autem ipsius præ rapido cursu, ut dicitur, scellit eum, sed tamen tunc non fallax ad salutem ejus, cecidit tantum, & continuò à socio suo alii impositus est iumento, & non perijt fuga ab eo, sed evalit, & animam suam pro equo & cappâ perditâ redemit. Consequenter propinqui illius defuncti morte suâ coeperunt exurere domos proximorum suorum in ultionem. Quare ille reversus ad se præcepit illis offerri mille marcas pro compositione vitæ ipsius, & in redemptionem monasterii sui ut parcerent. Interè illi sepelientes mortuum suum, & multitudinem magnam congregantes denuò venerunt, & non pepercit oculus eorum cuiquam cognatorum suorum. Postremò ingressi claustrum, domos magno sumptu constructas, unam, & aliam, & tertiam, & quartam, quæ erat nidus sororum Christi bonæ opinionis & conversationis, incinerabant, quæ quasi continua cohesit oratorio ipsarum, & exusta est, & mira res apparuit, quòd ventus pro oratorio pugnavit, & flammam ventilavit, ne læderet domum Domino consecratam. Sed illi Assyriis & Chaldeis crudeliores non pepercerunt, sed more Romanorum antiquo, sitientes pecuniam, lapidem in altari consecratam evulserunt, credentes pecuniari ibi fuisse sepultam, insuper & Sacro-sanctum Dominicum corpus cum vase suo detulerunt.

(a) Aliàs *Mentervvalda*, vicus insignis, ubi olim vixit Cænobiùm Ordinis Cisterciensium anno 1258. fundatum ad oras Dullarti, in Diocesi Groningana. Seculo XVI. cadente conflagravit monasterium, cujus proventus residui unâ cum superfluis monachis, ad paternam Aboardiz Abbatiâ transierunt.

1225.

Eodem anno Augustus pluviosus spem fœni, & annonæ fraudavit, Nam faba præter solitum inter festum B. Bonifacii effloruit, & circiter idem festum rosa natalitia habuit. A festo B. Martini gelu sorte constrinxit lutum & lacus ad meandum, exceptis paucis & brevibus interstitiis per totam hyemem, & ultrà.

Anno quoque conversionis ejus XVII. Sacratissimo die Paschæ, videlicet, III. Kalendas Aprilis, Eurus ab Oriente nubibus intumuit, & in octavâ, ejus nive candidâ & tecta & prata operuit, & sic intravit cano capite Aprilis & frigido, nondum pro voto multorum, qui fœno, & pabulo, & annonâ caruerunt, & fuit illis diebus magna caristia omnium rerum. Mortua sunt pecora præ inopiâ fœni, & agni præ frigore, & debiles erant oves. Tria enim concurrerunt, frigus insolitum, mortalitas animalium, & caristia annonæ metuenda. Vendebatur nempe quarta pars modii pro duabus marcis & dimidiâ, consternatæ sunt mentes multorum considerantium, quod talia exigunt iniquitates eorum, & omnia opera Domini sunt veritas & judicium. In quo triplex est consideratio misericordię suæ & justitiæ. Cum enim graves poenas solvimus, etsi causam ignoramus, intelligimus tamen esse de justitiâ Dei. Tertia est à fletu. Unde, *discedite à me omnes, qui operamini iniquitatem*. Rectius est Deus, quia neminem fallit, fidelis, quia reddit promissa, justus, quia omnia æque discutit. Per misericordiam invitos liberat, quod ubi non facit, veritate vindictæ non immerito damnat. Sapientiæ namque Dei non est numerus, quum hic finitum sit, quod mundus iste complectitur. Octavo Kalend. Maji intravit D. Theodoricus tertius Monasteriensis Episcopus, IX. Kal. Junii, & decimo Kalend. Junii in ebdomadâ Pentecostes, apud Floridum-Hortum sicut amicus honorifice susceptus. Eodem die Ecclesiam ipsius dedicavit. Eodem die Emo Præpositus Floridi-Horti per manus impositionem præfati Venerabilis Antistitis ex miseratione Divinâ astantibus fratribus suis nomen & officium Abbatis suscepit. Anno conversionis ejus XVII. indictione XIV. concurrente XI. Epacta IX. anno præfati Pontificis VII. in ordine Pontificum Monasteriensium vicissimi quinti, qui rexit anno gratiæ CIOCCXIX. & sedit annos VII. Beatus namque Ludgerus primus Pontifex fuit Monasteriensis. Successerunt ei Gerfridus, Alfridus, Luibertus, Bartholdus, Wilhelmus, Niehardus, Reynoldus, Hildeboldus, Dodo, Suetherus, Theodoricus primus, Sigefridus, Hermannus primus, Rodbertus, Frithericus primus, Erpo, Burchardus, Theodoricus secundus, Egbertus, Wernerus, Frithericus II. Ludovicus, Hermannus secundus, Otto primus, Theodoricus tertius, Ludolphus. Anno inquam gratiæ CIOCCXXV. anno Pontificatus D. Honorii Papæ V. anno à Concilio Lateranensi X. anno à primâ prædicatione Magistri Oliverii XII. anno à fundatione Ecclesiæ sororum XXII. anno dedicationis Ecclesiæ in Werum XV. anno Cataclysmi noctu B. Marcelli VII. Sanè prædictus Pontifex, qui anno transacto instinctu quorundam nimis persecutus erat Præpositum cum conventu Floridi-Horti, cum eodem pacem firmam stabilivit, & fraternitatem poposcit, & accepit, & ibidem die illo demoratus est. Et sequenti Sabbâtho scilicet quatuor temporum, Ordines Clericorum in Firmesum Solemniter celebravit, & post nonam, undè exivit reversus est. Nimum siquidem sollicitus fuit, & laboravit ab introitu suo, usque ad exitum, super causâ Herdrici, quæ vertebatur inter ipsum & Syl-

vanos



vanos Skeldenses. (a) Ideòque in primo ingressu invitavit Consules terræ, 1225. ut ope illorum compellerentur reddere pecuniam pro incendio Claustrī ipsius. Undē illi non crediderunt ei, nec comparuerunt. Tandem mulrotes, vocati proposuerunt nullatenus obedire, vel damnum rescire, nisi ille in perpetuum Ecclesiā præfatā parochiæ liberam forē hypothecariā cautione sufficienter caveret, & idipsum contrā eum conclamavit totius terræ multitudo. Nondū enim recuperaverat favorem populi propter insolentias & abusiones suas detestabiles, & audire eum dedignabantur, nisi illud fieret. Quod intelligens Episcopus, præcepit Herdrico, ut id suo consilio committeret & arbitrio. Quod & factum est, & arbitratus est Episcopus præfatos parochianos debere pro incendio ei restituere mille marcas & sexcentas, & illum in perpetuum silere super præfatā Ecclesiā, & super hoc cautionem immobilium sufficientem præstare, & altrinscūs jurare, ne postea pacem unquam violarent. Ipse verò pro bannis nongentas marcas percepit, & ita pridie Junii reversus est. Julius sicut leo servidus in initio sui secutus est, sed posteriora ejus pluviola usque ad vii. Id. Aug. & expectabatur tempestas, quā prata densa erant, & fata ad messem propter irriguum Julii. Sed lunā quartā quasi post horam vespertinam turbo cum tempestate subito exortus est, & secuta est continua inundantia pluviae. Undē Poëta de Lunā:

*Si nigrum obscuro comprehenderit aëra cornu,  
Maximus agricolis pelagoque parabitur imber;  
Sin ortu quarto, namque is certissimus auctor,  
Pura, neque obtusis per cælum cornibus ibit  
Totus & ille dies, & qui nascentur ab illo,  
Exactum ad mensem, pluvia vèntisque carebunt.*

Augustus totus pluviosus fuit, & terræ cultoribus injuriosus, & collecta est messis cum culmo viridi, & grano lactenti, & mentita est spes segetis. Septuano Idus Decembris anno cto cc xv. Consules terræ confirmaverunt fratres Floridi-Horti in possessione esse in Emethā. Eodem anno occubuit Engelbertus, Præsul Colonienſis, occisus à Comite Frætherico Ysenburgense. Eodem anno in vigiliā Apostolorum Simonis & Judæ, factus est terræ motus horribilis in multis locis, & circā horam sextam diei ipsa quasi superficies pavimenti rupta est, & muri quasi concussi, & laquearia ventilari videbantur. Postea maxima pluviarum inundatio sequuta est, & impleta sunt prata aquis abyssi superioris. Nam inferior abyssus est Oceanus. Abyssus ricmpe, profunditas dicitur aquarum. Nubilosus siquidem aër iste pertinet ad abyssum inferiorem, quia hinc sunt nubes, venti, tempestates, pluviae, coruscationes, tonitrua, grando, nix. Eodem anno cum multiplex fieret quærela corā Papā Honorio tertio contrā exactiones advocatorum, quas extorserunt à religiosīs domibus præcipuè monialium inverecundè, Abbatissa Asidenſis super causā simili incitat Engelbertum Archiepiscopum, & obtinuit delegatum contrā Fræthericum cognatum suum, fratrem Episcoporum Monasterienſis & Osnabrugensis. Præfatus Episcopus tunc temporis summus fuit & fidelissimus in causis Ecclesiasticis, qui commonitum patruelem suum habuit Fræthericum Comitem Isenburgensem, promittens se velle

Gggggg

(a) Hoc est Schilwoldenses, sive incolas *Schilwolda* vici mediis in sylvis & aquis constituti, in quo erat Sororum Ordinis Præm. Parthenium.

1225. ipsum de rebus patrimonii sui ditare, ne idem plus iusto peteret, sed ille non acquievit. Accidit ergò, quòd pro causâ Imperii præfatus Pontifex Sofaciam pergit, & in viâ dictum Comitem obviam habuit, qui Frethericus minando, ne eum jure suo, scilicet advocatiæ, privaret, torvâ facie & animo furioso & linguâ pulsavit. At ille Episcopus æquanimiter toleravit, & cœptum iter illo dimisso peregit. Jam tunc multi Comites, ut fama fuit, in mortem ejus conspiraverant. Cumque Sofaciam venisset, & illic patruus sui, videlicet Episcopi Monasteriensis & Osnaburgensis affuissent, affuit & frater eorum sicut Satan. Sed cùm Archiepiscopus milites ad hospitium præmisset, ut cum paucis commodius rediret, adjuncto sibi Comite de Tremonia, (*Dortmund*) dictus Frethericus dispositis in nemore insidiis cum aliquot servis Episcopi Monasteriensis, ut fama fuit, insecutus est. Cumque dictus Episcopus nemus quoddam perambulare; servi Fretherici antè & post de latebris profilierunt, & occurrentes trahebant & tenebant jumentum Episcopi. At veniens post tergum Episcopi, clamat Frethericus, ut Episcopus sibi soli servetur, & accurrens percussit reverendum caput tribus ictibus, deinde cætera membra, donec humi cecidit multis de comitatu suo nescientibus, & aliis fugientibus, præter Comitem Tremonia, qui se super mortuum, sed frustra totum expandit. Accidit, ut dicitur, vi. feriâ, die Beati Willebrordi. Postmodum corpus ejus ad Abbatiam *Montis veteris* primò deductum est, deinde Coloniam.

1226. Illis diebus Dominus Conradus Cardinalis, Episcopus Portuensis & S. Rufinae, cum Teutonium visitaret, ad instantiam Episcoporum, & omnium Prælatorum Ecclesiæ, nec-non illustris Henrici filii Fretherici, celebrare constituit Concilium in civitate Maguncia, in quo Priores Ecclesiæ Colonienfis pileum suum primo ter gladio incisum, & sanguine respersum, deinde camisiam cum Wambicio quali recenter tincto ejulantes & cantantes, videtis Jacob vestimenta &c. inferebant, & ipse Cardinalis stens cum omni multitudine subjunxit, Fera pessima &c. Deinde à ministerialibus Ecclesiæ Colonienfis accusati sunt, principaliter Episcopus Monasteriensis & Fratres & Comites multi. Monasteriensis autem quasi moræ impatiens diem & locum petiit, ad se de objectis expurgandum. Præfixus est ergò ei dies Purificationis Beatæ Virginis, & pro loco civitas Leodienfis. Interea collegit expensas, & invitavit Priores Ecclesiæ Cathedralis, necnon & Priores totius Episcopatus, videlicet Abbates, Præpositos, Priores, & Decanos. Invitavit quoque Episcopos Bremensem (a), Verdensensem Isonem Comitem de Welpâ, qui Verdensensem Ecclesiam annis 26. administravit. Mindensem (b), Trajectensem (c), & occurrir in Comitatum suum Mindensis cum fratre suo Osnabrugensi (d). Aderant & Abbates Frisiæ, Sancti Bernardi, Floridi-Horti, & de Doccum. Et profecta est omnis multitudo vi. Kal. Febr. proximâ feriâ post conversionem Sancti Pauli. Et solum est gelu forte, & tendebant versùs Austrum. Euronothus & Africus flatibus & imbris valde homines, & jumenta fatigarunt. Primo igitur die festi

(a) Gerardum, qui ab anno 1217. ad 1257. Episcopatum rexit.

(b) Conradum ordine 27. ab anno 1221. gessit Præfultatum ad 1236.

(c) Ottonem 2. Bernardi Comitis Lippienfis filium, anno 1212. electum, & 1228. vitâ functum.

(d) Adolpho, qui cathedræ Osnaburgensi insedit ab anno 1217. & rexit annis 21.

venerunt ad Lippiam, secundo Duzburch, tertio Nussiam, quarto Ruram, quinto Aqualgrani, vi. videlicet in Purificationis vigiliâ Leodium. Die igitur Dominico mane factô in equis pompaticè ibant ad Ecclesiam Beati Lamberti Cathedralē, & expectantibus Episcopis & omnibus, post horam Primæ venit Vicarius quidam, & officium Missæ cœpit legere sine cantu. Ecclesia namque Colonienſis pro signo mœstitiæ solemnitate cantandi prohibuerat, donec ultio fieret condigna pro scelere, & totus Clerus quasi in triduô antè Pascha in habitu lugubri, & voce submissâ horas reddebat. Cardinalis interim missô Episcopo Hildexmensē (a) proposuit, si placeret Dominis Episcopis differri Capitulum in seriam sequentem, & placuit. Aderant ibi, ut fama fuit, Episcopi ix. Comites plurimi, & multitudo infinita. Die sequenti ascenderunt Episcopi cum comitatu suo aulam Episcopalem, in medium videlicet cœnaculum, & moram fecit Cardinalis, & fluctuabat plebs avida novitatis, & implebat domum. Episcopi quoque plurimi expectabant. Sed pro signo cunei Episcopalis, Cathedra Pontificalis super capita manu ferebatur. Accessit tandem Cardinalis, & semel & secundo datâ indulgentiâ urgebat populum descendere, & descendit paulatim. Tandem placuit excommunicare remanentes, & in negotio illo alienos, & tunc timentes dederunt locum, & factô silentio post prælationem paucorum verborum Domini Cardinalis, surrexit Scholasticus Domini Osnaburgensis Olricus, & pulchrè peroravit pro electû Ecclesiæ suæ captando benevolentiam, elidendo malam præsumptionem, exhibendo contrâ inimicorum confuſionem, justam satisfactionem. Surrexerunt & ministeriales Colonienſis Ecclesiæ, & Comes Gelrenſis (b) contra Monasterienſem. Contra ministeriales Monasterienſis, pro Monasterienſi, & factô tumultu dilata est causa. Die verò proximâ finxit se Cardinalis iurum extra civitatem, & recessit Populus de aulâ & Clerus: Sed clam rediens cum Episcopis intravit, & clausâ januâ dedit audientiam, & adjudicata est eis expurgatio per Episcopos. Et subtraxerunt se Episcopi, & territi defecerunt, & subsequuta est ab officio suspensio & beneficio, & appositæ sunt pro custodiâ spiritalium, & temporalium Dicecesis Mnaſterienſis, Episcopus Patherbornenſis (c) & Comes Gelrenſis. Septimo igitur Martii profecti sunt Romam, & pridie Kal. Maij innouit rumor depositionis eorum, videlicet Monasterienſis, & Osnaburgensis electi fratris sui. Monasterienſis autem post brevi defunctus est, & Frater gratiam Domini Papæ invenit. Eodem anno Ludovicus Rex Francorum obiit veneno apud Albigenſes. Succedit Ludovicus.

Anno Domini ccccxxvi. die Dominico, quarto nonas Octôbris migravit Beatus Franciscus inventor Ordinis Pauperum Fratrum. Sequenti verò anno xvii. Kalend. Augusti die Dominico canonizatus est. In autumno pestilentia equorum fuit, quorum linguæ & ungulæ putrescebant, sed sanguine fuso super ungulam convaluerunt.

(a) Conrado Magistro in Theologiâ & Siffridi successore, qui annis 27. Episcopatum possessum abdicavit anno 1246. & tertio à cessione suâ anno mortuus est, Henricum habens suæ Prælationis hæredem.

(b) Gerardus 3. Ottonis 2. Patris comitatum adiit anno 1202. dimisit cum morte anno 1229.

(c) Wilbrandus, de quo infra.

1227. Anno Domini CIO CC XXVII. Cruce signati versùs Terram Sanctam portum Januæ liquerunt 5. Idus Maji. Sed xi. Kal. Maji recesserunt de Bordena. Una navium ipsorum comparata & instructa fuit ad usum pauperum de pecuniâ divitum virorum & mulierum penè duobus millibus marcarum in terminis duorum Decanatum per labores Emonis Floridi - Horti Abbatis, & E. Prioris de Feldwirth, & P. & G. Decanorum de Lopellum & Fermellum. Eodem anno conflagrata est villa Groningensis decimo Kal. Maji. Anno eodem Episcopus Ludolus Frisiam est ingressus xvii. Kal. Junii & antè ingressum ejus occisus est Hevo Subdiaconus, juvenis satis probus. Occisus est etiam Herbrandus de Ripa xii. Kal. Jun. Occisus Folcardus, Diaconus de Fene, & factum est interdictum Divinorum per Fivelgoniam propter occisorem Herbrandi xvii. Kal. Junii. Circiter Kal. Julii reversus est Episcopus. Anno eodem quinto Kalendas Augusti coësus est crudeliter Otto Episcopus Trajectensis, filius Bernardi de Lippia, Abbatis olim in Livonia, & postea Episcopi ibidem, (\*) juxta Coverdian, & cum eo ingens multitudo nobilium, qui collectâ manu Comitum & militum, voluit cohibere rebellionem Rodulphi qui cum quibusdam seditiosis de Groningâ, qui Geliconidæ dicebantur, contra Episcopum prælatum & Egbertum, præfatæ villæ rectorem conspiraverant. Applicuit igitur contra prædictum castellum, & ingressus est cum exercitu quandam paludem. Et miserabiliter in eadem à Trentonibus prostrati & conculcati perierunt. Anno eodem xv. Kalendas Aprilis migravit Honorius Papa tertius. Successit Gregorius nonus. Anno eodem consummatum est fossatum Clausutri. Eodem anno Boritius de majoribus Principibus Chunorum, (*Hungarorum*) quos Teutonici Waelwyn vocant, per fratres de Ordine Predicatorum ad fidem Christi conversus est, & baptisatus cum multis gentis suæ hominibus à Domino Roberto Strigonenſi Episcopo, præſente Belâ, juniore Rege Ungariæ fratre Regis Andrea.

1228. Anno Domini CIO CC XXVIII. post constitutionem satisfactionis pecuniariæ, quam priori anno Dominus Episcopus Monasteriensis de consilio Decanorum, & Abbatum, & cleri edidit pro occisione Sacerdotis H. videlicet in mille marcis Groningensis monetæ, de consilio arbitratorum in eadem causâ tales conscriptæ sunt litteræ: in nomine Sanctæ & individue Trinitatis. Ego Thomas de Docum, Dei patientia Abbas, Prior, & Monachus Claricampi, subdelegatus Domini H. Abbatis loci ejusdem, & Frethericus de Fekenhorſt Domini Ludolpi Episcopi legatus in Frisiâ suæ diocesis, arbitri in causâ, quæ vertebatur inter Godescalcum pugilem & Gersonem H. de Ripâ, Plebani occisorem super occisione ipsius H. à partibus constituti, dilectis suis D. de Loppeshem Decano & H. Upwirth plebano, & omnibus, ad quos hæc litteræ pervenerint Salutem: notum facimus vobis, quod cum dissensio inter Godescalcum & Gereonem super corpore H. occisû verteretur, nec-non inter Dominum Ludolſum Monasteriensem Episcopum & ipsum G. super formâ bannorum, in Nos ex consensu partium solenniter in clauſtro Feldwirth, tam de compositione, quàm pro bannis est

(\*) Ab Ortone filio & Episcopo Trajectensi ordinatus est Bernardus Episcopus Leathensis in Livoniâ, teste Crantzio l. 7. Metrop. c. 24. & Alberto Staden. quibus conciant Chron. Werument.

est compromissum, Nos verò diligenti super his Loppeshem cum prudentibus habito tractatu, in hoc concordatum convenimus, quòd sententiam Domini Episcopi, quam Fermeshem super ordinibus tulit, quantum ad nos forè ratam decernimus. Verùm quia Pœnitentiarius Domini Papæ pro jam dicto G. supplicavit, quatenus cum ipso Dominus Episcopus misericorditer agere dignaretur, Nos pro reverentiâ Sanctæ Crucis, de compositione per Episcopum taxatâ CCC. marcas ex misericordiâ, alleviavimus, constituentes, ut septingentæ markæ Groningensis monetæ pro ordinibus dentur, secundum consuetudinem terræ memoratæ, & CC. libræ pro bannis Domini Episcopi &c. Actum est hoc anno Domini CIO CC XXVIII. Loppeshem 3. nonas Maji, feriâ sextâ proximâ post Ascensionem Domini. Eodem anno factæ sunt sedes Chori. Eodem anno rediit à Româ Wilbrandus quondam Episcopus Patherbornensis, quem elegerat Ecclesia Trajectensis (a) & in ultionem decessoris sui cum multo exercitu per plurima loca, & pridie idus Octobr. per incendia intravit & obtinuit Drentoniam.

Anno Domini CIO CC XXX. anno verò Conversionis XXII. quidam Canonicus Sacerdos in Horto S. Mariæ Abbati suo piæ Recordationis D. Sigardo (b) apud vallem S. Mariæ dormienti, nasum cultello, sacrilegâ manu amputare conatus est, quem penitus præcidisset, nisi clamor prædicti Abbatis & tandem advenientium fratrum concursus impedivisset, perpetuam tamen maculam Abbati illi imposuit, quem circatores illius anni primum Domino Stenveldensi tanquam Patii, deinde Domino Præmonstratensi mittendum decreverunt, sed Abbas laesus & conventus institerunt, ut primum Romam pro absolutione iret, & sic factum. Qui cum in itinere esset, subiit Ordinem Pauperum Fratrum, (hoc est *Franciscanorum*) & postea Romam profectus est, & post modicum tempus mortuus. Eodem autem anno, quo vulneratus est Dominus Sigardus idib. Novembris, postquam convaleuit, defunctus est, anno eodem. Annus erat transitus B. Ludgeri primi Monasteriensis Episcopi XXI. Annus Pontificatus Gregorii Papæ IX. quartus, annus consecrationis Frætherici illustris & semper Augusti Romanorum X. Annus conversionis Beati Augustini DCCC XXI. Eodem tempore viguerunt Ambrosius, Marrinus, Ieronymus, Prudentius, Claudianus. Annus conversionis Beati Benedicti DCC IV. Annus quando cœpit Papa Gregorius Doctor egregius DC X. Annus passionis Beati Bonifacii IC. V. Annus ex quo capta Jherusalem à Saladino XL. Ex quo Magi Coloniam translati sunt LXVI. Annus ex quo cœpit Ordo Cartusienſium C XL. Ordo Cisterciensis CXXXII. Ordo Præmonstratensium CX. Ex quo plantatus est Hortus S. Mariæ LXVI. Floridus Hortus XVII. Annus primæ peregrinationis contrâ Saladinum XLII. Mediæ, XXXIV; Tertiæ, prædicante Magistro Olivero XIII. primi adventus Magistri Oliveri XVI. quartæ peregrinationis IV. concertationis inter Menternes & Sylvanos XXIX.

H h h h h

(a) Mortuo Ottone 2. anno 1226. in ejus locum, supplicante Florentio Hollandiæ Comite, postulatus est Wilbrandus filius Comitis Oldenburgii, tum Episcopus Paderbornensis, qui ad annum 1236. Trajectensem rexit Ecclesiam, & decessorem suum versùs Trentam à Frisonibus rufficis occisum, ultus est, & magnâ strage factâ, Rudolphum captum & supplicem multavit.

(b) Syardo, qui miraculis clarus, Sanctorum albo inscriptus est.

1230. Annus XVIII. à Concilio præfidente Innocentio Papâ III. Donationis Ecclesie in Werum annus xv. Introitus fratrum in Floridum-Hortum xvii. Annus diluvii noctu Beate Julianæ xi. à Cataclysmo noctu Beati Marcelli Papæ xii. Prioris pestilentie animalium xxxvii. Posterioris xxiv. Annus Engelberti Colonienfis Archiepiscopi occisi vi. Domini Ottonis Trajectensis Episcopi apud Covordiam occisi iii. Annus conflagrationis Ecclesie in Loppershem xiiii. Idem incendii monasterii Sancti Bernardi. Triumphate Threntoniæ victore exercitu Domini Wilbrandi Trajectensis II. pridie id. Octobr. Sed anno Domini c10ccxxix. 3. Kal. Septemb. Rodulphus semel ejectus usurpavit sibi Covordiam occisis quibusdam, & captis custodibus præfati castelli.

1231. Anno gratiæ c10ccxxx1. 12. Kal. Junii facta est donatio Ecclesie in Skirame (a) Dominicæ Sanctæ Trinitatis à potentioribus, sed 5. id. Jul. castrata est fratribus absentibus, instantiâ quorundam, videlicet Decanorum & aliorum, sed 4. Kal. Aug. innovata est, præsentibus jam dictis Decanis. Eodem die confederati sunt Trentonibus Fivelgones datis juramentis, & disposuerunt præliari contrâ Groningenses. Eodem namque anno ortum est bellum inter Emerenses & Uthusenles (b) propter insulam, quam jurati apud Upstallesbome Uthusenlesbus adjudicaverunt. Sed quia jam dicti Emerenses parere recusaverant, decimo quarto Kalendas Augusti juratos secuta est universitas Fivelgoniæ pro cohortione ipsorum, & congressæ sunt partes in pugnam. Groningenses itaque quos causa non urgebat, sed magis elatio instigabat, & aliquantula societas Egberti Rectoris jam dictæ villæ cum quibusdam fautoribus Emerensium, qui sibi astiterant in seditione civium suorum, Groningenses inquam, cum denso globo virorum gerentium arma Fivelgonibus insulata, sociati Emerensibus in pugna, Fivelgones in fugam vertērunt, & lassos in fugâ nudaverunt, vulneraverunt, occiderunt, & prostratos Eccllus vir potens lingue, & universitati terræ, quia iustus dicebatur, acceptus. Qui mortuus est die B. Mariæ Magdalene. Ex tunc valdè timuerunt Emerenses, & vetus tollatum antiquissimæ discordiæ inter Emerenses & Huneſgoneses foderunt usque ad mare. Interim confederati sunt Fivelgonibus Fredasilvani & Trentasilvani contrâ Emerenses ad pugnandum. Verum Fredasilvani, parochiani eis amnem, commisso prælio vili sunt inferiores in pugna. Sed impositâ eis ad placitum pecuniæ summâ quieverunt, & tunc cum Trentonibus Groningam applicuerunt 14. Kalendas Septembris, & deinceps. Threntones tamen 7. Idus Augusti applicuerunt, 7. quoque idus Augusti Fivelgoneses collecto exercitu fossata per loca repleverunt, & congressi sunt ad præliandum. Et quia illo die Groningensibus propter metum Trentonum nemo adfuit, post aliquantum bellum, Emerenses fugam inierunt, etiam reliquis villis post tergum, & in fugâ illis fessis & lassis & feminis nihil nocuerunt, quos redeuntes à fugâ Emerenses occiderunt, & diem illum læti in triumpho terminaverunt. Die sequenti vigiliâ S. Laurentii, die luctûs & miseriæ, denuo ad fossatum applicaverunt, & res aliquantulum prosperè gesta

(a) *Skiramere* vicus in Fivelingiis propè Trentam, in quo erat cœnobium Præmonstratensium, quod, referente Sibrando Leone, ad crucigeros transiit anno 1400, auctoritate Præpositi in Schilwoldâ.

(b) *Enerum*, & *Uthusa* amplissimi Hufungiorum vici in Omlaadorum regione.

audaces secerat debiles, & inermes Sacerdotes quoque, qui adfuerunt. Et ecce solutâ obsidione Trentonibus, qui dolo quorundam, ut postea compertum est, reversi fuerant, adfuit cuneus Groningenium ut nubes densa præcuntibus sagittariis, & impetu factio transierunt fossatum, & tanta multitudo Fivelgonum nec unam miserunt cuspidem, sed impleta stupore, in fugam se dederunt, & statim qui lassi, qui debiles fuerant vulnerati, nudati turpiter, & occisi passim per prata jacuerunt. Nobiles quoque hinc inde nudati. Ignominiosè & capti sunt, tam à Groningensibus, quàm ab Ermerensibus, & ditiores Groningæ incarcerati, & nihil testabar, nisi per dies & noctes, nudos, captos, & occisos quærrere & deplangere.

His ita gestis 14. Kalendas Septembris repetiit fossatum Universitas Fivelgonum pugnatura. Sed septimo idus Septembris excusaverunt se non posse venire propter metum belli, quod 4. idus Septembris Episcopus ipsorum indixit se facturum, sed pro fide servandâ obliides dederunt. Quarto vetò idus Septembris Ermerenses adductis plurimis trans Lavicam bellatoribus & aliis quàm plurimis, hinc inde factio impetu, vastarunt villas adversariorum, quot voluerunt, sed nec Ecclesiis Dei, pepercerunt, nec foeminis reverentiam exhibuerunt. Incenderunt etiam Ecclesiam in *Husquers*, & juxta illam inclusum bonæ famæ, & tunc in illâ Ecclesiâ consumptum est igni Dominicum Sacramentum. Ecce ad tantum nefas attraxit eos scritas rebellandi, cum pro fide violatâ impeterentur. Confoederati fuerunt illis de *Hugemercke*, de *Midag*, de *Merna*, de *Groninge*, cuncti bellatores, instigante quosdam solâ superbiâ, quosdam quidem timore patriæ spoliandæ. Inter ceteros de Hunelgoniâ, Capitales erant Eppo, Ezzo, & Egbertus Rector Groningæ oblitus totius consilii, & auxilii, quod impenderunt ei Fivelgones, quando ejectus fuerat à præfatâ villâ per Geliconides, & hoc in recenti. Propter hujusmodi detestabile sacrilegium procurante honesto Viro D. Herbrando Decano Ecclesiæ illius, excommunicati sunt ab Episcopo Ludolpho. Et eadem excommunicatio confirmata est à D. Gregorio Papâ IX. Ermerenses igitur inconsulto D. Papâ pecuniam ad repationem Ecclesiæ exposuerunt, & per pecuniam præfatam Episcopo reconciliari studuerunt. Eodem tempore defunctus est præfatus Decanus possessor Ecclesiæ in *Husquers*, tertius hæres illius nominis, relicto parvulo ejusdem nominis.

Cum autem dicat Apostolus, *pacem habete, & Deus pacis erit vobiscum*, dicunt Sapientes militare non est peccatum. Dicit enim Augustinus: Quid culpatur in bello? an quòd moriuntur alioquin morituri, ut dominentur in pace victuri? hoc reprehendere timidum est, non religiosum. Nocendi cupiditas, ulciscendi crudelitas, implacatus animus, scritas rebellandi, libido dominandi, hæc sunt, quæ in bellis jure culpantur. Unde sciri potest, quod illud sit justum bellum, quo edito à Principe, vel populo nec vindicantur illata, nec propulsatur inferenda injuria. Clericis non licet arma movere manu propriâ, sed moventibus possint auctoritatem dare *XXIII. qu. ult.* omni tempore militari potest, nec culpa subest. Pugnandum causâ necessitatis, & utilitatis pro defensione sui, & suorum, & Ecclesiæ, & fidei, & patriæ regnique. Leo enim propterea populum contra Saracenos congregari præcepit, & cum eis Româ egressus ad litus descendit maritimum. Quia Deum videtur tentare, qui Sanctæ Religionis detrimenda non præcavet *XXIII. qu. 3. C. igitur &c. si nulla*. Nam si

1231.

1231. hodierni temporis Ecclesia perfectionem Evangelicam, & patientiam imirata minoratis paganis colla submitteret, evacuetur prædestinatio, & excideret promissio. Et ideo Machabæi magis Sabbatho rebellare, quàm pariter omnes interire elegerunt. Sed valdè cavendum, ne prædicta verba Augustini nocendi cupiditate conscientiam remordeant.

1232. Anno igitur CIO CC XXXII. Hunelgonenses intraverunt terminos Fivelgoniæ, & succenderunt Wigbaldefwerff, & postea 15. Kalendas Octobris post placitum solemne, quod Groningæ habuerunt, cui etiam interfuerunt Translavicenses, post pocula exhausta ascenderunt equos equites, & admixta est multitudo peditum spe prædandi adversarios, & horâ vespertinâ intraverunt superbe villam *Emetba*, horrendâ, & incertâ nebulâ, & concrepatione campanarum stupescitû suæperunt, & in fugâ in viâ publicâ comprehensi miserabiliter sunt occisi, & capti penè meliores terræ ad quadringentos. Alii innumeri vulnerati evaserunt. Quidam verò secus viam relicti, & sic nox hos & illos obrexit. Post proximo Sabbatho Episcopus Ludolphus celebravit Ordines clericorum *Bedum*, qui jam tertio Frisiam intraverat. Postmodum Fivelgones habito consilio statuerunt, quod captivi omnes in turribus quarundam Ecclesiarum includerentur, donec plenius deliberarent, quid de illis utilius fieret, sed medio tempore ad magnam confusionem omnium furtivè de turribus aufugerunt. Et sic præterea illo anno nihil memoratu dignum actum fuit.

1233. Anno CIO CC XXXIII. effudit abyssus superior horrendam fatis pluviarum inundantiam à Kalendis Julii, & deinceps, & expansa est aqua huc atque illuc per campos, & planitiem terrarum, duobus annis retroactis fatis aridis, præsertim post exaltationem S. Crucis. Tanta fuit inundatio mense Septembri, ut diluvio Maris possit æquari, & ideo scemum multum periit, & prata relicta sunt cum vellere suo. Residuum sceni magnis navibus ducebatur per campos & vias quasi per alta maria. Annus ille fuit magnæ afflictionis hominum & animalium, ut homo & deinceps reddat Deo vota laudis suæ, & cogitationibus suis consecratur ei, & reliquæ cogitationis & recordationis peccatorum quasi debent esse in memoriâ, ne superbiant abstinentes ab operibus malis. Veritèmilè fuit, quod in illâ inundatione superioris abyssi, quæ hactenus fassugo in sinu terræ delituit, diluta sit & absorpta. Ex tunc terra coepit solitos fructus reddere. Undè, ô vos Christiani, dignis flagellationibus castigati, orate humida solstitia propter æstum ætatis, & hyemes serenas. Duo quippe dicuntur esse solstitia, videlicet XII. Kal. Januar. & XII. Kal. Jul. & duo æquinoctia XII. Kal. April. & XII. Octobr. dicitur ergo ille pronosticus: cum libra fecerit æquinoctium in Octobri, seriet ordea campis, si fieri possit, etiam usque ad Januarium, & lini segetem verè cum aliis sationibus, cum signum tauri XI. April. apparuerit. At si triticum & aliud genus farris, quod habet aristas serere volueris, antè abscondantur Pleiades, quæ pridie nonas Aprilis occidunt, debita quàm sulcis committas semina. Multi antè occasum earum, videlicet antè Aprilem coepere, sed illos expectata seges vanis elusit avenis. Signa in sole & lunâ commendantur agricolis. Nam Deus est, qui fecit luminaria & potestatem dierum & noctium. Sol in ortu maculosus abscondens se, signat imbrem, radiosus & pallida aurora grandinem, cæruleus pluviam, igneus Euros, maculæ cum igne, ventos & imbres in occasu. Luna  
nova



nova nigra, signat imbrem, rubea ventos. Quarta verò certissima signa dat: 1233.  
Si tunc

*Laxa, nec obscuris per cælum cornibus ibit,  
Totus & ille dies, & qui nascentur ab illo,  
Exaltum ad mensem pluviâ ventisque carebunt.*

Imbrem etiam prænuntiat bucula cælum suspiciens, rana querulans, hirundo lacui circumvolitans, formica ova efferens, corvi facio agmine raucè crepitantes. Signa serenitatis hæc sunt: stellæ per imbrem nec nimis obtusæ, nec nimis scintillantes, nebula ima petens, noctua non clamans, corvi ter, vel quater gutture presso clamantes, & ut dicitur:

*Nocte rubens cælum, cras indicat esse serenum,  
Si de mane rubet signum donat pluviale.*

Eodem anno Statuta D. Gregorii Papæ IX. transmissa sunt (a) Præmonstratum in Capitulo Generali. Obiit Geico, Decanus in Fermesum, vir per omnia secularibus artibus idoneus, & bonè religiosus, & obsequiosus. Successit ei Sicco quartus à proavo Sigrepo.

Annò gratiæ CCCCXXXIV. circa Epiphaniam duo de Prædicatoribus Bremensis collegii, Fivelgoniam intraverunt ad crucem signandum contra Sthedingos (b). Sed post negotium eorum in Ecclesiâ Damenium declaratum aliquanto tumultu populi vexati sunt, & ideò Groningam se transtulerunt, & Damenies excommunicatos denunciaverunt in Groningâ, & per Hunefgoniam stationes instituerunt, & adulatî sunt invicem cum Gronienfibus, & Hunefgonibus, ac Statingos, Trinrones, & Fivelgoncos pares esse propter inobedientiam dicere non timuerunt. Illi inquam Prædicatores Inklusis, (c) quorum fuit ingens multitudo, propter abusiones, quibus simplices allaciebant, valdè insultabant, & præcipuè uni illorum de Stetheswerth, quî incorrigibilis apparuit, & illusionibus deceptus simplices alliciebat, & contra eum adeò processerunt, ut ejicerent de Clusâ, & per manum armatam Gronienfem, duceretur Groninge, qui post confessionem multarum blasphemiarum, vix quòd non conbureretur evasit, & in præsentiam perpetuam in specu subterraneâ peragenda Abbati suo de Rottum (d) redditus est. Nam ibi olim conversus fuit. Isti inquam Prædicatores, ut multis visum est, sine discretione vii sunt auctoritate ligandi & solvendi, quasi gladio in manu furentis. Pauci igitur cruce signati sunt contra Stathingos. Damenies itaque post multas comminationes, vix optinuerunt reconciliari post castigationem (e) virgæ profusis genibus, nudi & prostrati per aliquot signatos emissos contra prætaxatos Stathingos. Denique prædicatorum istorum vexatione quasi divinitus timor, & tremor cecidit super Fivelgoncos propter conjuratio-

IIIIII

(a) Hæc statuta ad jussionem Greg. IX. condita fuerunt per Abbatem S. Michaelis Antwerp. B. Mariæ de Midelburgo, Fulcardi-Montis gallicè *Fouquarmont* & Fleildi-Montis, & ab iisdem in Capitulo generali promulgata auctoritate Pontificis anno 1233.

(b) Sthedingos, genus hominum palustre, inquit Crantz. l. 7. metrop. c. 30. & perinde indomabile ultra Bremam conficiens, Deo hominibusque contumax.

(c) Gallicè *Reclus*, genus erat Monachorum in cellis vitam abditam degentium.

(d) Abbatia Ordinis Sti. Benedicti in Diocesi Groningana & Regione Omlandorum. Non procul ab hac Abbatia erat Parthenium nomine Bethleem.

(e) Flagellis, solebant excommunicatos, exceptos absolvere, isque mos ad nostra tempora perseveravit apud Monachos, qui in laicis pridem vigebat.

1234. nem, quam fecerunt, instigante Excello, & quibusdam aliis contra Episcopum, super rescriptis, quæ impetrabat Clerus, & contra interdictum Ecclesiarum, & contra bannos immoderatos, & contra satisfactionem pecuniariam, quam statuerat Episcopus pro sacerdotibus occisis, jam ante annos quasi quinque, conspirantes & conjurantes compositionem sacerdotis occisi non excedere cccc. marcas, & alia quædam conjuratione firmarunt, in præjudicium canonicarum sanctionum, contra quod dicit Callixtus Papa 2. qu. 1. *Conjuratōis astutia non solum inter Christianos abominabilis est, sed & inter Ethnicos, etiam ab exteris legibus prohibita.* Ludolphus Episcopus Monasteriensis, recto utens ordine, à Domino Papâ judices obtinuit, Sancti Petri, & Sancti Joannis Decanos, & custodem Osnaburgensis Ecclesiæ, per quos frequenter commoniti, & interdicto Ecclesiarum puniti, non respuerunt, sed justam quandam querelam sibi habere videbantur adversus Sacerdotes fornicarios, & tabernarios, quos antè humiliationem laicorum corrigere dissimulavit Episcopus. Et non solum de ordinibus, sed nec de rebus Ecclesiasticis, legitur aliquandò laicis attributa disponendi facultas. Verùm quæcumque in ordinibus à Principibus decreta inveniuntur, nullius auctoritatis esse monstrantur. Ita continetur *Dist. XCIV. bantum quidem.* Casus talis. *Simmachus* Papa infirmabatur, cùmque de salute cœpisset desperare, supplicavit Basilio urbis Romæ Præfecto. Quod audiens Basilius agere tulit, & convocatis Episcopis protulit constitutionem. Deindè defunctus est Basilius & convaluit *Simmachus*, reprobavitque constitutionem à Basilio factam, & hoc ne in posterum laici de rebus Ecclesiasticis disponendis se intromitterent. Anno igitur præfato, Kalend. Martii, de beneplacito Episcopi soluta est constitutio stulta laicorum renuntiantium eidem, præcipiente Episcopo, ut pœnitentiam agerent, & ex gratiâ, de expensis quas fecerat liberi essent. Eodem anno Prædicatores hæc, & illæ versùs Rhenum, Westphaliâ, Hollandiam, Flandriam, Brabantiam quasi nubes volabant, & Principes & populos contra Statingos concitabant. Quos contra querela Bremensis Archiepiscopi (a), jam penè per quinquennium auribus Domini Papæ illata est, qui causam hujusmodi tribus Episcopis delegavit, & ut multis innotuit, inter cætera reprehensibilia principalior causa fuit inobedientia, quæ scelere idololatriæ non est inferior, dicente Salomone, *nolle obedire scelus est idololatriæ.* Illi namque, licet gens modica fuit, secùs ripam Wiseræ (b) fluvii, propter violentias, quas milites & servientes intrantes ad eos irrogabant, omnes hujusmodi ejecerunt & se defenderunt, & interim redditus Episcopi & Ecclesiarum non reddiderunt, propter quod Sacramentis Ecclesiasticis & Sacerdotum ministerio privati sunt. Præfati igitur Episcopi propter inobedientiam eorum, causam sibi commissam, Prædicatoribus commiserunt, quatenus ad cohercionem ipsorum crucem darent omnibus peregrinari volentibus in remissionem omnium peccatorum. Non parva ergò multitudo signata est in præfatis partibus. Terminus quoque peregrinationis ad præliandum constitutus est sextus Kalendas Junii, Sabbato antè Ascensionem Domini. Adfuit ergò (c) Comes Hollandiæ cum multâ acie pugnatorum in

(a) Gerardi de Lippia. (b) Aliàs Visurgis, gallicè *Weser*.

(c) Hoc bellum describit Crantz. l. 7. c. 47. Metrop. Indè verò Henricus, inquit, Dux Brabantiæ & Florentius Comes Hollandiæ Bremam venientes contrà Stedingos perfidos viriliter se accinxerunt, tanquàm contrà manifestos Ecclesiæ inimicos &c.

multis navibus. Aderat & Comes Geldrix & Clivix. Adfuit Dux Brabantix cum incredibili multitudine bellatorum. Stratingi ergò quid facerent pauci inter multos, inobedientes inter Catholicos, præmoniti & obſtinati, nolentes relinquere glebam patriam? & in primo congreſſu Comes de Oldenburgh, laxatis habenis, cum equo cadente corruit, & occiſus eſt. Fama fuit apud Statingos fuiſſe xi. millia pugnatorum. Princeps exercitus Chriſtianorum fuit Dux Brabantix, qui tandem coactâ militiâ, hinc inde illos perditos & laſſos jam circumcinxit, & factò impetu in ore gladii conſumpſit. Fama fuit multos viros & mulieres exitu præconſiderato in palude & alibi ſe per fugam ſervaviſſe. Et hæc eſt tertia Crux data contrâ inobedientes quaſi idololatras. Nam Prima fuit contrâ Saracenos. Secunda contrâ hæreticos Albigenſes. Tertia contrâ Stratingos. Multæ ſiquidem novitates in diebus D. Gregorii noni pullularant. Prima eſt religio Prædicatorum, qui ut nubes volant. Item Humiliatorum, ſeu Nodoforum, vel Nudipedum. Item quorundam Simplicium, qui dicuntur Beggini. Item Communium collegia Fœnânarum. Item Aſininorum ducentium aſinum, Item Fratrum de gladio. Item de novitate miraculorum. Item de quodam de Armeniâ, qui Romæ in turbâ, cum tubâ perſtrepuit, dicens, Laudate & properate. Item ordo de Redemptione captivorum, qui dicitur S. Trinitatis. Anno eodem fuit annus concertationis Nordeniſium duodecim, qui conſiſſerant cum Hundrenſibus, Herbingenſibus, & Ugentenſibus, & Emefgoniis Brockmannis, & multos centenarios hominum hinc inde proſtraverunt. Ipſi quoque damno, ut dicitur, quingentorum occiſorum puniti ſunt. Cuncti prædicti ſummam puri auri mille inarcarum, & quinque millia argenti, pro pace obtulerunt. Totidem quoque marcas ſecundum monetam Emethenſium, exhibuerunt Uthenſenſibus, quas olim acceperant ab eis, ne ſe eorum inimicis aſſociarent. Annus etiam fuit quartus guerræ Rheydenſium cum Parochianis de Eſendorp, & fautoribus ſuis. Reidenſes (a) quippe poſtquam offeſſi fuerant propter injurias iſtis illatas, redeuntibus, vel etiam euntibus ad nundinas frequenter indiſto bello, inducti ad arma, & inermes, cum pileis pennatis armati, & equis impinguatis congreſſi ſunt in campo tràns Emefam, & diſpoſitâ acie ipſorum, in multitudine gravi irruerunt hoſtes, licet pauci, & verſa eſt multitudo in fugam ſecus Emefam in obliquum, & penè omnes nobiles, vel divites capti ſunt, alii aliâs fugientes naves non apprehenderunt, & anni ſe crediderunt, & in eo capti ſunt, vel ſubmerſi. Duces adverſæ partis fuerunt Stephanus & Euſtachiûs, & milites de Caſtellulo Freſenburch, ſub Comite de Ravenſburch, qui conſilio pacifico uſi reddiderunt captivos, & ſic aliquantulum quieverunt.

Anno ſecundo poſt inchoatam guerram à Reidenſibus contra incolâs Emefæ ſuperiores præſatos, ortum eſt bellum inter Emefgonos inferiores, & Hreidenſes, propter quendam Hreidenſem ſubmerſum, qui voluit prædari venientes de nundinis, quem Emefgones indignum compoſitione cenſuerunt jure prædonis. Emefgones ergò collectis navibus & repletis applicuerunt, & ſciſſis aggeribus proximas villas compulerunt ad deditionem. Amnicolæ verò non conſenſuerunt, ſed viriliter eos de partibus ſuperioribus repulerunt. Anno ergò Domini MDCCXXXIV. auxilium veterum hoſtium & Comitûs de Ravenſburch poſtularunt, ſed pauci venerunt. Eodem tem-

(a) Populi reg. onis ampliſſimæ inter Lavicam & Amaſum.

1234. pore Hreidenſes à Fivelgonibus auxilium petierunt, Fredoſilvani (a) ſimiliter. Mota enim gens à quatuor marcis à Stauriâ (b) uſque Lavicam contrâ Longawaldenſes & Frodawaldenſes, qui in prælio Epilcopi Wilbrandi (c) adjuutores extiterant Threntonum in occiſione & ſpoliatione ipſorum, & ſimiliter contra Fivelgones quorum quidam propè Emefam piraticam prædam contra mercatores eorum exercebant. Sed non credidit gens illa ſibi, & ideo ab invicem reſceſſerunt, cum hæcenus unius fori fuiſſent.

Ecce quid expertus ſit ille nobilis concionator in manifefto nobis eſt, qui dum ſufficienter oſtendiſſet humanum ſtatum eſſe incertum & fluctuantem, ſubjunxit: omnia in mundo ſibi contraria & nichil æternum, dicens, tempus & tempus omni rei ſub cælo, & poſt pauca: tempus pacis, & tempus belli. Reverſus itaque in ſe contemplatus eſt in illâ ſpeculâ generali, quæ eſt ſui ipſius cognitio, unde Boëtius, Cognosce teipſum, & cognosces omnia præſentia, præterita & futura, & invenit, quod multiplex eſt bellum. Inter Deum videlicet & hominem, inter hominem & mundum, inter hominem & carnem, inter virtutes & vitia. Locus belli, mundus, tempus militiæ & præſens vita. Unde eſt illud: Domine qui conteris bella ab initio. Fuit enim bellum ſub Lucifero, ſub gigantibus, ſub turrim ædificantibus, inter Circumciſos & Incircumciſos. Sub lege inter Judæos & Iſraelitas. In novo teſtamento inter Chriſtum & Diabolum, inter Chriſtianos & paganos, inter hæreticos & Catholicos, inter veros fratres & falſos. Sub Antichriſto inter Angelos & homines in judicio. Eſt & jugis pugna virtutum cum vitiis in animâ hominis. Nam prima omnium virtutum petiit campum pugnatura fides. Secuti ſunt Apoſtoli & Martyres. Adjuutores erant fidei, ſpes, charitas & patientia. Occurrit idololatria cum proceribus hujus mundi, & poſt viii. generales perſecutiones, Dei gratiâ evanuit idololatria. Deinde prodit pudicitia, & occurrit Sodomica libido, quæ gladio verbi per collum fixa, proſtrata eſt. Poſt fidem & caſtitem procedit patientia. Occurrit ira tumens, quæ fructu arma conſumens, ſed deiciens, culpe verſâ ſeipſam tranſfigit. Sequitur ſuperbia in equo impatienti, cui occurrit humilitas junctâ ſibi ſpe. Sed poſt multas blaſphemias ſuperbia corrumpit in foveam & concuſcata eſt. Prodit luxuria videlicet omnium totius terræ ſuperſtuitas ebria, cui occurrit ſobrietas, & Crucem Domini intentans fugat hoſtem, & de curru cadens lacerata eſt, & dentibus ſilice contritis vomuit, quas hauſerat eſcas. Inſtat adhuc avaritia ſuccincta gremium, quæ poſt multas ſimulationes etiam virtutum comprehenſa eſt à largitate & ſtrangulata. Adhuc prociſus bellicus non eſt ſolvendus tibi, ô anima! quia oritur invidia ex diſcordiâ ad deturpandum triumphum latens, cui occurrit concordia, ſtipata legione omnium virtutum, ſed fides pilo tranſfixit linguam illius hærentem palatio. Hæc ſunt multiſorina bella in animâ. Unde ille: conturbata eſt anima mea, & merito, quia adhuc ſuperſunt ſeculentiæ turbationes propter prædictos conſuetus, etiam in animâ ſapientis, ſuccedentes ſibi viciliſim pro cauſarum varietate, quæ potius dici debent in animâ ſapientis affectiones, nam affectio eſt mutabilis mentis impulſio. In inſipiente perturbationes ſunt. Primus quidem modus perturbationis, ſecundum Poëtam, eſt metus. Unde,

hinc

(a) A Fredowoldæ regnunculâ ſic dicti, & hæc eſt pars Omlandia.

(b) Staverca. (c) Trajeſtraſis.

hinc metuunt, cupiunt, gaudentque, dolentque. Auctoritate verò Sacrae Scripturae primus motus est cupiditas, secundus metus, tertius dolor, quartus gaudium, quia radix omnium malorum cupiditas. Cupiditatem sequitur tenacia, multiplicatio, inaffectio, voluptas. Metum sequitur sollicitudo, inconstantia, fectio, irrationabilitas. Dolorem sequitur livor, amaritudo, clamor, crudelitas. Gaudium sequitur dissolutio, iactantia, mendacium, superbia. Ecce quot & quales perturbationes sequuntur quaterniones praedictas. Hi etiam dicuntur nuntii importuni in malum, quibus in animâ sapientis respondent cardinales virtutes, videlicet, timori prudentia, dolori fortitudo, spei iustitia, gaudio temperantia. His etiam ratio domum suam, id est, carnem & animam disponit in bonum, utens timore pro janitore, dolore pro dapifero, coronâ in homine, ut caput animae coronetur. Timor in fronte, suppositâ sibi iustitiâ. Spes in capite, suppositâ sibi prudentiâ. Dolor à sinistris cum fortitudine. Gaudium à dextris cum temperantiâ. Quis non miretur tot varietates in bono & in malo? Sunt etiam gaudium & dolor de praesenti, timor & spes de futuro. Dolor tamen de malo, gaudium & spes de bono. Novit qui inter ista quasi inter diversas molas conteritur, quod sicut non est pax temporis, quamvis instanter oreitur, sic nec ista sinunt miserum animum requiescere. In tantâ tristitiâ consuluit Propheta, dicens, effudi super me, vel in me animam meam, ad Dominum videlicet, qui est solus super rationalem animam, cui similis est, quia casu corpore non decrevit. Sic & Deus impermutabiliter permanet, quod est, quamvis res, in quibus est anima, variantur. Anima dum super se extenditur videt Deum, in se remanens, nec comprehendit, sed cogitat super se esse illam invisibilem Deitatis essentiam. Visione corporeâ nullus videt Deum, qui Spiritus est. Visione enigmatica videt per fidem in praesenti. Comprehensive, purè, videtur ab Angelis, à Sanctis, ab animabus bonis. Videtur tamen in praesenti per inspirationis, contemplationis, orationis, meditationis, praedicationis officium, vel etiam quando redit ad se, dimissis exterioribus & dilatato intellectu Deum intelligit, & quodammodo videt & recognoscit. Si verò inferior vis animae contristetur, consolatur eam ratio, & revocat ad se exhortando, dicens: *quare tristis es anima mea, & quare conturbas me? Spera in Deo* &c. Anima hominis propriè dicitur, non pecudum, quia illorum anima in sanguine est constituta. Hinc quoniam immortalis est anima rectè dicitur amœna, id est, à sanguine longe discreta, quia post mortem corporis perfectam ejus constat esse substantiam, vel dicitur anima, eo quòd animet substantiam atque vivificet. Anima dicitur animi, id est, à vento, quod cogitatio ejus ad instar venti motu celeri pervagatur. Fit autem ex appetitu ejus & desiderio. Mens dicitur à Mene, id est, à lunâ, modò enim tribulationibus attenuatur, modò lætitiâ reparatur. Spiritus quoque tripliciter dicitur. Veraciter spiritus nullius indigens, completus univèrso, totus in toto, immobilis loco, & voluntate æternus, singulariter potens. Spiritus quoque dicitur tenuis substantia, nobisquæ invisibilis, creatus, immortalis. Undè & spiritus per totum corpus emissus atque receptus, per quem vita mortalium statu necessario continetur, nec otium capiens jugi mobilitate teperatur. Anima igitur, nec animus, nec mens propriè vocatur. Sed quatenus res ista in eâ excedunt. Dicatur igitur

Kkkkkk

1234. anima dum corpus vivificat, animus dum vult, mens dum scit, memoria dum recolit, ratio dum rectè judicat, spiritus dum spirat, sensus dum sentit, voluntas dum consensit. Anima igitur hominis dicitur spiritalis substantia, quare nullatenus sanguinis effusione consumitur.

Anima hominis est à Deo creata, spiritalis propriaque substantia, rationalis, & immortalis, sed in bonum malumque convertibilis. A Deo creata est, quia dicitur, omnem statum ejus feci. Spiritalis, quia nec longo, nec lato, nec profunditate clauditur. Propriaque substantia, quia nullus spiritus alterius carnem suscepit, ut ejus passionibus condoleat, vel lætetur. Item ineffabili conditione diligit carnem suam. Vita corporis, animæ præsentia est. Accepto vulnere in corpore dolet. Alimenta competentia ubique dispergit, nec potest se segregare, nisi secundum justionem conditoris. Rationem habet, quia divina tractat, qui est animi probabilis motus; quo per nota ad ignota ducitur, cogitationes suas apprehendit, movetur, erigitur, fluctuari cognoscitur. Immortalis est, quoniam corpus vivificat, in semetipsâ vivit. Non constat ex partibus, simplex namque est. Ad imaginem & similitudinem Dei facta est, & ideo ab eo non discrepat. Sed imago potest habere aliquam similitudinem, nec hic potest implere totum virtutis opus. Passionibus obnoxia est, & mœroribus pervia. Vivit in se. Post hujus sæculi amissionem pura, subtilis, cita, æterna, videt, audit, tangit, omnia spiritaliter ex toto cognoscens. Affectionibus hic obnoxia est, modò gaudio levatur, modò mœrore deprimitur. Semper eam naturalis mobilitas exagitat ad cogitationes. Nam sopitis sensibus imaginatione deludimur. Bonarum rerum amissibilis ac receptibilis est, nec recolit magis quàm discit artes usuales, & nova sic audit, quasi nihil ex his didicisset. Nobili semper ardore vegetatur, & calore membra vivificat. Lumen implere dicitur propter imaginem Dei, quod pro modulo necessarium accipit. Potest quidem ex aliquâ parte sentire, sed ydoneè non valet explicare. Lumen aliquod spirituale anima habet in cogitatione posita. Et quamvis in se lucida est, clarior tamen fit, cum à Deo bonis actibus intenta non recedit. Anima formam habere nullatenus putanda est. Forma dicitur, quod aliquod spatium linea clinsive concludit. Et anima tamen licet informis, formas legitur accipere frequenter. Ipsa quoque quantitatem penitus non habet. Quantitas enim aut de conjunctis conitat, ut arbor, homo, aut de disjunctis, ut populus. Nec formam recipit, nec quantitatem, ubicumque est. Creatori tamen circumstantia ejus & quantitas patet, qui omnia sub mensurâ, numero, & pondere creavit. Justitiam habet contrâ parva & magna, prudentiam contrâ consula & incerta, fortitudinem contrâ prospera & adversa, temperantiam contrâ non rectos sapientie carnis & delectationes. His quatuor animæ salus custoditur. His quatuor præterita complectitur contemplatione, ratione, memoriâ. Stultis juvenibus obviat, quod aut in parilitate partium aut humoribus anima inepta nimis habitatione deprimitur. Multis morbis accedentibus acumen solitæ sapientie tollitur. Cæterum anima nec crescit cum parvulis, nec satius aliæ tribuuntur, sed sicut immortalitatem assumunt, ita & rationabiles esse se generaliter sentiunt. Parvulis ratio crescit longâ meditatione, non animâ.

Anima rationalis habet virtutes. Prima est imaginatio, per quam incorporalia imaginariè sentimus. Secunda imperatoria, quæ facit transferri de

loco ad locum, voces edere, manus curvare. Tertia principalis, quæ facit 1234.  
 corporalibus sensibus sopitis profundius firmitusque aliquid tractare. Quarta  
 naturalis, id est, calor animi vitalis, qui nobis propter fervorem suum mo-  
 derandum auras æthereas hauriendo & reddendo vitam tribuit. Quinta de-  
 lectatio, appetitus boni malique, quam sub jucunditate animus concupiscit.  
 Prima est attractiva capiens de utili, quod sibi necessarium sentit. Secunda de-  
 tentoria, donec decoctum procuretur. Tertia translative; Quarta expulsi-  
 va, quæ contraria expellit.

Legitur mox ubi corpus de limo est effectum, statim Deum insufflasse,  
 factumque esse Adam in animam viventem. Insufflatio Dei mandatum est,  
 & jussio. Secundum hoc dixerunt, mox ubi semen humanum coactum fuerit  
 in vitalem substantiam, illico creatas animas corporibus dari discretas atque  
 perfectas. Phisici xl. die humanum corpus ac mortale animam dicunt acci-  
 pere. Fixè credendum est, & Deum animas creare, & occultâ quidam ra-  
 tione justissimè illis imputare quòd primi hominis peccato tenentur obnoxie.  
 Dominus autem Jesus-Christus absque peccato sine dubio venit, qui erat  
 omnium peccata solutus.

Quidam animæ sedem, quamvis sit in toto corpore diffusa, in corde  
 esse volunt dicentes, quod ibi purissimus sanguis & vitalis spiritus continetur,  
 ut inde & cogitationes sive bonas, sive malas exire confirmet, quòd animæ vir-  
 tutem operari posse non dubium est. Plurimi autem animam in capite insidere  
 manifestant ad similitudinem aliquam divinitatis, quæ licet omnia ineffabili  
 substantiâ suâ repleat, scriptura tamen eam coelos insidere confirmat. Fuit in  
 primo homine beatitudo naturalis, arbitrii liberi potens, & inviolata scientia,  
 sed in transgressione perdidit, quod posteris traditurus acceperat. Ad nos  
 transmittere non potuit, quod amisit. Inde nutrita defectio, inde ignorantia,  
 inde curæ, inde poenitenda consilia, obscurata cognitio, turpè deside-  
 rium, justitiæ neglectus, plura nobis cum pecoribus communia, multum  
 Divinitas à nobis discreta. Prænuntiat enim nobis, proh dolor! solis dis-  
 cussio serenitatis adventum, venturam sæculis libertatem temporum ratione  
 colligimus, lætitiâ nobis interdum ignari animi præfugio promittimus. Sed  
 quid tale ignorare potuisset anima, si ejus fuisset dignitas custodita? depressa  
 est jure ad ignorantiam, quæ scire voluit contumaciter verita. Modò lignis  
 aut conjecturis sapit aliquandò, quæ sine labore nosse potuit universa.

Anima est res spiritalis vicina substantiæ Dei, quæ corpus movet,  
 regit, sensit, capit quasi infinitatum ymaginem, & revocat se ab exte-  
 rioribus, secundum quod dicitur mens rationalis. Est autem à Deo, non de  
 Deo, nec de aliqua præjacenti materiâ, sed de nichilo creata, nichil habens  
 simile in aliqua creaturâ. Quidquid intelligit, tota scit, essi non totum scit,  
 scit se viventem & intelligentem, vel aliquid volentem. Cum ergo se in-  
 telligentem scit, se utique scit. Vis animæ ingenium, & vis scilicet ad ali-  
 quid percipiendum, à quo est sensus applicatione exteriorum per visum.  
 De sensu surgit opinio rerum. Opinio, scilicet fluctuans, & incertum vel  
 falsum de rebus animæ ludicium. Ratio verum & certum videlicet de re  
 corporeâ. Intelligentia, certum est judicium de re incorporeâ, quæ est so-  
 lius Dei. Efficientia animæ in vi vegetandi, sentiendi, ratiocinandi. Ratio  
 in præsentium notitiâ, quid sit, in absentium intelligentiâ, quale sit, in  
 cognitorum inquisitione, cur sit, & extenditur ad cognitionem naturæ, &  
 morum disciplinam.

1234.

In animâ sunt ratio, memoria, voluntas, triplex dignitas. Unde; *diligēs Dominum Deum tuum, ex toto corde tuo, ex totâ mente, & ex totâ animâ tuâ.* Hæc trinitas corrumpit per suggestionem, delectationem, consensum, item imprudentiam, infirmitatem, inunditiam. Ratio recipit malum pro bono, pro vero falsum, incommodum pro commodo, & sic perdit Ethicam, Logicam, & Præcticam. Memoria scissa est in cogitationes affectuosas, onerosas, otiosas. Voluntas in concupiscentiam carnis, & oculorum, & superbiam vitæ. Sed per virtutes Catholicas reparatur, fide, spe, charitate. Item cordis proprium est Deum diligere, animæ Deum credere, & quæ Dei sunt. Mentis est recordari, diligere Deum, sapere. Item anima habet tres dignitates, intellectum, voluntatem, memoriam. Intellectus in corde, ex intellectu generatur voluntas de ambobus procedit memoria.

Sunt autem tres vires animæ, rationalitas, irascibilitas, concupiscibilitas, quibus assistunt fides, spes, charitas. Sunt enim quatuor virtutes Cardinales datæ animæ in adiutorium operationibus suis. Prudentia assistit rationi, ne erret in agendo, vel omittendo. Temperantia concupiscibilitati, irascibilitati adest Fortitudo, Iustitia assistit libero arbitrio, ex quo procedunt opera meritoria vel demeritoria. Hæ vires etiam dicuntur affectiones naturales, quæ faciliè corrumpuntur. Ratio convertitur in superbiam, & concupiscibilitas in vanam gloriam, irascibilitas in invidiam. Sunt etiam duæ naturæ animæ propter semetipsam & corporis conjunctionem. Superior ratio, inferior sensualitas, vel carnalitas. Per rationem affectat cœlestia, per sensualitatem terrestria. Ratio autem & sensualitas inter se rixantur. Sensualitas habet quinque sensus, per quos oblectamenta huius mundi influnt, ad replendum appetitum carnalitatis.

Anima habet quatuor status, primum creationis, quo ab unitate profluit ad ternarium, quia anima suscipit unitatem substantiæ, & ternarium potentiarum, nimirum irascibile, concupiscibile, rationale. Secundum, quo à ternario ascendit ad novennarium, quoniam in statu vegetationis suscipit officium regendi corpus, quod secundum naturam influit & desluit per 1x. foramina per oculos, aures, nares, os, & per duos inferiores meatus. Tertium operationis, quo anima visibiles & invisibiles exercet actiones. Quartum resolutionis, quo anima post varietatem vitæ præsentis redit ad puritatem naturæ. Item de eadem: tres sunt animæ potentiales virtutes. Ratio quæ circa caduca vertitur, & ad res transitorias pertinet, & ad historiam. Intellectus circa mores hominum & proprietates. Intelligentia, superior potentiâ animæ, Divina considerans secundum Magistrum Alanum. Item: sensus est vis animæ, quâ præterita, præsentia & futura imaginamur. Ratio quâ imaginum genera, & species discernimus. Intellectus, quo incorporea intelligimus. Sensus tenet primam regionem ascendendi, imaginatio secundam, ratio tertiam. Intellectus fidem transcendit, per quem Sancti vident Cœli secreta. Fides autem secundum Alexandrum eminentior est ratione. Memoria intellectum & fidem comprehendere non potest, nec per se inquisitio rationis, vel acumen intellectus, sed dicitur inesse secundum vim rationabilem, & ideo excedit rationem. Sed fides catholica virtus inest secundum quandam vim animæ, quæ synæresis dicitur, & est secundum vim rationabilem, secundum supremam partem ipsius, quæ quidem superior est ratione, imò & intellectu, quia fides peccat, quo usque non attingit intellectus.

Superior



Superior igitur ratione ac scientiâ & certior, firmitior, & verior est fides, 1234.  
 in quantum virtus est, simplicis vetulæ, quæ credit Christum esse passum,  
 quam scientia mathematica, quæ scit omnem triangulum habere tres angu-  
 los æquales. Fides etiam virtus superior est & certior scientiâ ænigmatica.  
 Sed scientia comprehensiva certior est fide. Hæc verò non est fides, sed  
 loco ejus scientia comprehensiva. Fides appellatur id quod creditur, scilicet  
 quod subest fidei, ut passio Christi, vel Christum esse passum. Appellatur  
 etiam fides Christum credere. Undè Augustinus: quid est fides nisi quod  
 non vides credere; quandoque vocatur ulus fidei, vocatur etiam Sacramen-  
 tum fidei. Undè quod dicitur, Cornelius pervenit per opera ad fidem, id  
 est, fidei Sacramentum, vel augmentum. Dicitur etiam habitus mentis, &  
 talium habituum, alius virtus, alius non virtus. De fidei virtute dicit Apo-  
 stolus; fides est substantia rerum sperandarum, argumentum non apparen-  
 tium. Substantia dicitur res per se existens, & secundum Theologos quan-  
 doque pro creaturâ, quandoque pro essentiâ Dei, quandoque pro hypo-  
 stasi, sive personâ, & tunc propriè pro substantiâ, similiter etiam dicitur  
 divinum gratiarum, virtus scilicet, per quam subsistit vita gratiæ. Item di-  
 citur vita æterna. Item dicitur fundamentum. Undè fides est substantia, vel  
 fides est id, per quod subsistit quid, in quantum inquam est res speranda.  
 Stola enim animæ & corporis, licet nondum adsit nobis, tamen quantum  
 est in certitudine fidei subsistit in nobis. Etiam virtus est fides. Argumen-  
 tum, id est, arguta probatio rerum æternarum. Fides autem Catholica hæc  
 est, unum Deum in Trinitate, & Trinitatem in unitate venerari. Honor qui  
 exhibetur uni personæ exhibetur cuilibet trium. Unitas trium personarum  
 consideratur in unitate essentiæ, in æqualitate, in æternitate. Undè Patris,  
 & Filii, & Spiritus Sancti una est divinitas &c. Unitas ergo essentiæ in tri-  
 bus, æternitate, proprietate, assignatione. Undè alia est proprietas Patris,  
 alia Filii, alia Spiritus Sancti. Alia prædicatio Patris, alia Filii, alia Spiritus  
 Sancti. Spiritus Sanctus est amor Patris & Filii ab utroque procedens, sed  
 non posterior, non minor utroque, tanquam consubæternus & coæternus  
 utrique, quia sicut in Christo tres substantiæ in unâ personâ, sic sunt in  
 Deo tres personæ in unâ substantiâ. In tribus autem personis est alius, sed  
 non aliud, quia tres unum sunt, quod est æternum & simplex, quod nec  
 principium habet, nec finem, sed principium est sine principio, & finis est  
 sine fine. Persona est rationalis substantia, & individua natura. Persona  
 Filii incarnata est, animam & corpus suscepit. Augustinus; *Deus verbum  
 non accepit personam hominis, sed naturam.* In Christo sunt duæ naturæ  
 divina & humana, & tres substantiæ, caro, anima, & verbum, sed non duæ  
 personæ. Alia natura Deus, & alia ille homo. Aliud Dei Filius, aliud Fi-  
 lius hominis, sed non alius. Anima & corpus simul conjuncta, hinc una  
 persona. Sed antequam anima assumeretur à verbo, non erat simul conjuncta.  
 Illam enim assumendo univit, & uniendo suscepit. Indubitanter tenendum  
 est, quod non assumpsit personam, nec est alia persona homo assumptus à  
 verbo, sed una persona cum verbo. Undè legitur, homo assumptus est in  
 unione personæ non naturæ, quia non est naturâ una cum verbo, sed una  
 persona. Sicut enim anima & caro unum est, unus homo est Christus, quam-  
 vis multo major unio sit inter Deum & hominem, quàm inter carnem &  
 animam. Dicitur itaque Deus est homo, homo est Deus, quia ille idem,

1234. qui est homo, est Deus, ille idem, qui est Deus, est homo. Anima non videtur, cum egreditur. Quid mirum? quia manens in corpore non videtur, natura quippe ejus invisibilis. Sed potest invisibiliter vivere, quam oportet invisibiliter in obsequio conditoris manere. Nulla visibilia nisi per invisibilia videntur, quia oculus nichil videret corporeum, nisi illum res incorporea ad videndum acueret, & ita sensus vivificat carnalia corpora quæ videntur. Si vitam animæ in corpore manentis deprehendis ex motu membrorum, cur non perpendis vitam animæ post corpus & per ossa mortua in virtute miraculorum? multi mentis oculum purâ fide & uberiori ratione mundantes, egredientes corpore animas frequenter vident. Apparent in columbæ specie, ut ostendatur, quam simplici corde servierint. Iusti in morte suâ Sanctorum visiones conspiciunt, ne mortem pertimescant. Animabus exeuntibus laus cœlestis erumpit, & fragrantia cœlestis odoris, ut non trepident. Magna vis est, quæ egredientem suscipit, cujus egressum sæpè nullus mortalium ferre potest. Meritum animæ non semper in suo egressu ostenditur, sed post mortem, quia qui Deo hic servire studuit, post mortem veriùs vivet. Justus quacunque morte præoccupatus fuerit, justitia ejus non auferetur ab eo, & ideo non obest, si durè moriatur. Exemplum de Prophetâ, quem leo occidit, sed de cadavere ejus non comedit.

Antè resurrectionem animas recipi in cœlum, neque de omnibus fieri, neque de omnibus negare possumus. Nam sunt quædam, quæ à cœlesti regno adhuc quibusdam mansionibus differunt, quia perfectam justitiam non habuerunt. In judicio non tremescunt, quæ in cœlo sunt, quod corporum beatitudo perficiantur. Ipsa aliquin animarum vis subtilitate suâ aliquid prævidet. Aliquandò per revelationem, aliquandò cum jam sunt recessuræ, afflatæ divinitus in secreta cœlestia mente immittuntur. Quis occulta Dei judicia cognovit? iniquorum animas in inferno esse credendum est; nam sicut electos beatitudo lætificat, sic à diæ exitus ignis reprobos excruciat. Si viventis hominis spiritus in corpore tenetur in corpore, cur non post mortem, cum incorporeus sit spiritus, etiam corporeo igne teneatur? teneri autem per ignem dicimus spiritum, ut in tormento ignis sit vivendo, videndo & sentiendo. Quis sanè sapiens, esse spiritus corporeos dixerit? ignem gchennæ corporeum esse non ambigo, quo certum est corpora cruciari. Si autem diabolus & angeli ejus, cum sint incorporei, corporeo sint igne cruciandi, quid mirum si animæ & antequam recipiant corpora, possint corporea sentire tormenta? Quod item nonnulli extrahuntur à corpore, & redeunt, & se aliquid audisse, vel vidisse dicunt, hoc ideo fit, ut tormenta inferni, quæ audita non crediderunt, saltem visa pertimescant. Sed humano cordi gravis valdè duricia est, ut ipsam etiam poenarum ostensionem, quæ omnibus utilis est, contemnat. Ipsa siquidem inferni supplicia, cum demonstrantur, aliis in adiutorium sunt, aliis ad testimonium, ut illi videant mala, quæ caveant, illi verò eò amplius puniantur, quò inferni supplicia etiam cognita vitare noluerunt. Quædam animæ in suis corporibus adhuc posite poenale aliquid vident, quod quibusdam ad ædificationem suam, quibusdam ad ædificationem audientium.

Purgatorius ignis credendus de quibusdam levibus culpis, pro eo, 1234.  
quod veritas dicit: *Si quis in Spiritum Sanctum blasphemiam dixerit, neque in hoc seculo remittetur ei, neque in futuro.* Sed illic saltem de minimis nichil quisquam purgationis obtinebit, nisi bonis hoc actibus in hac virâ adhuc positus promereatur.

Anima mortalis & immortalis esse dicitur. Mortalis quæ beatè vivere facultatem amittit. Immortalis quæ nunquàm essentialiter vivere desinit, & naturæ suæ vitam perdere non valet. Augustinus: *Si non præcessisset peccatum, mors subsequuta non esset.* Mors animæ præcessit deferendo Deum, mors corporis secuta est, deferente animâ. Sæpè de culpis minimis pavor egredientes animas purgat, sicut dicitur de quodam sancto viro, qui ad mortem veniens vehementer tremuit, sed post mortem discipulis in stolâ candidâ apparuit. Quorundam etiam mentes trepidantium prius revelationibus roborat, ut mortem non pertimescant. Sex modis tangunt animum imagines somniorum, ventris plenitudine, vel inanitate, aliquandò illusione, aliquandò cogitatione simul & illusione. Aliquandò revelatione. Aliquandò cogitatione simul & revelatione. Sancti autem viri inter illusiones atque revelationes ipsas visionum voces, aut ymagines quodam intimo sapore discreverunt. Nam si mens cauta non fuerit per discretionem spirituum multis vanitatibus se immergit.





# CHRONICON MENCONIS ABBATIS TERTII IN WERUM APUD OMLANDOS.

**C**HRONICA ista cum moralibus opusculis, quæ ad ingenium exercendum, vitam, ac mores informandos inscriuntur, usque ad locum istum conscripsit Magister *Ems*, primus Abbas & fundator *Floridi-Horsti*, vir venerandæ memoriæ, ac Spiritu Dei plenus, diligenter inserens omnia memorabilia, quæ non solum suis, sed & vicinis temporibus contigerunt, secundum annos Dominicæ Incarnationis singula diligenter explanans, de diluviis, de bellis, peregrinationibus, incendiis & aliis omnibus emergentibus, nihil intactum relinquens, in quo etiam opere Spiritu Dei actus de se tanquam de alio sæpe loquitur, exemplo Moysis qui dicit, *Eras Moyses vir mitissimus super omnes habitatores in terrâ; & Job. Vir eras in terrâ Hus nomine Job, simplex & rectus*. Quod dicit Beatus Gregorius ipsos de se per Spiritum Sanctum tanquam de aliis dixisse, non ut seiplos extollerent, sed ut aliis exemplo prodescent, & Joannes etiam dicit, *discipulus quem diligebat Jesus, qui & recubuit in cenâ super pectus Jesu, & dixit; Domine quis est qui tradet te*. Et Apostolus: *Scio hominem in Christo antè annos XIV. &c. &c. & multa similia*.

Circà finem vitæ suæ, ad aliquot annos nihil inemotabilè contigit. **1237.** Anno verò Domini **CID CC XXXVII.** præcessit hyems calida & humida, & in hoc distemperata, & ideo secutæ fuerunt infirmitates, quoniam secundum proprietatem temporum hyems debet esse frigida & humida. Quatuor enim sunt elementa, quatuor humores, quatuor tempora anni, quatuor ætates, quatuor principales venti, ut sit sanguis calidus, & humidus, sicut aër, adolescentia, auster, ver, dies naturalis, ab horâ diei tertiâ usque ad nonam. Melancholia frigida, & sicca, sicut terra; senium, ventus borealis; autumnus, dies naturalis ab horâ diei nonâ usque ad tertiam noctis. Phlegma frigidum & humidum, sicut aqua; senectus, venti occidentales, & dies naturalis ab horâ noctis tertiâ usque ad nonam. Colera calida & sicca, sicut ignis; juvenus, subsolanus; æstas, dies naturalis ab horâ diei tertiâ usque ad nonam. Cum ergo qualitates aëris & temporis secundum suas proprietates se habent, homines in sanitate conservantur. Si verò aër & anni tempora distemperantur, & tali aëris epidemiâ, id est, distemperantiâ varîe infirmitates secundum varietatem temporum & complexionum oriuntur. Cum ergo sicut prædiximus, lenis præcessisset hyems, quæ deberet esse potius frigida & humida,

humida, ætas verò fuerit horribiliter humida & frigida usque ad Kal. 1237.  
 Aug. postea successit calor & siccitas satis immoderate, & sic ferè annus  
 totus fuit distemperatus & naturæ contrarius. Unde aer corruptus spiran-  
 do, vel edendo perceptus, diversas in hominibus generabat infirmitates.  
 Secundum Physicos enim malus odor plus nocet quàm mala diætæ, & sic  
 varia febris vexabat ubique homines, & maximè religiosos invasit quar-  
 tana febris. Quotiens enim febris crebrescit, in religiosis maximè domi-  
 natur, fortè propter diætæ frigiditatem, vel potius quòd filios quos diligit  
 Deus punit, & *flagellat omnem filium, quem recipit*. Lues etiam in lin-  
 guis & ungulis equorum exorta est. Sed per sanguinis minutionem sub  
 linguâ & super ungulis convaluerunt. Omnia ferè semina degenerarunt,  
 fœnum abundavit propter irriguum. Autumno itaque prolabente, cum va-  
 ria febris vexaret religiosos, in tantum ut per totam Frisiam vix suffice-  
 rent sani ministrare infirmis, nec etiam infirmitoria caperent infirmos, eo-  
 dem tempore Reverendus Pater *Emo*, piæ recordationis & clarissimæ opi-  
 nionis apud omnes religiosos, & seculares sanè sapientes, typo febrium  
 correptus, circa Festum Omnium Sanctorum paulatim cepit elangescere,  
 & ex abstinentiâ ciborum, quæ firmum est, ut dicit Hypocrates, contra  
 febrium discrasiam remedium, deficere, & colorem vultus, quem naturali-  
 ter habebat rubicundum, mutare, ac toto corpore attenuari. Attamen  
 quamvis febre exardescente, & vires dissipante jam deficeret, vigorem  
 tamen animi & constantiam mentis felix contemplatio cœlestium, & pro-  
 videri sollicitudo temporalium, & vigilans cura animarum confortabat, in  
 tantum, ut rarè etiam his diebus, quibus ipsum febrilis calor exurebat,  
 post præambuli frigoris incommoda lecto decumberet, sed nunc infirmos  
 visitans, nunc in clauistro constitutos verbo & exemplo confortans & ani-  
 mans, sicut verus pastor, deambulabat. Sed antequam exitus vitæ suæ de-  
 scribatur, volumus de ejus vitâ & villicatione quædam perstringere.

Mors &  
 encomi-  
 um B.  
 Emonis  
 Abbatis  
 I. Flo-  
 ridi-  
 Horti.

Reverendus siquidem Pater à primis infantiae rudimentis, studiis litte-  
 ralibus implicitus, inter scholares fuit, in scripturis divinis adeò studiosus,  
 ut aliis conscholaribus ludentibus & discurrentibus nunquam otiosus invepi-  
 retur, nisi aut studeret, vel scriberet, vel illuminaret. Unde contigit, ut  
 omnes Authores, videlicet Ethicos, Ovidianos, Virgilianos, Satiricos, &  
 alia opera Poëtarum, & metrica opera Theologiæ, ut Aratorem, Sedulium,  
 Theopistan, & similia, Priscianum majorem & minorem, & Petrum Heliam,  
 ac alios libros, & Summas artis grammaticæ, nec-non & Summas dialecticæ  
 cum fratre suo bonæ memoriæ, Domino Addone plenè conscriberet. Quos  
 omnes ipsi ambo Parisiis, Aurelianis & Oxoniæ audierant, & ex ore Ma-  
 gistrorum glossaverant, & etiam glossas diversas & burfarios retulerant.  
 Oxoniæ etiam Decreta, Decretales, Librum Pauperum, nec-non & alios  
 libros Canonici Juris & Legalis, vigilias dividendo scripserunt, audierunt,  
 & glossaverunt, nihil se habere credentes quamdiù ipsis aliquis liber defuit  
 ex utilioribus, secundum illud Lucani de Julio: *nil credens actum dum  
 quid superesses agendum*. Cum verò de Studiis mitterentur prædictis, Do-  
 minus Addo, beneficium in Emethâ obtinuit, ubi Magister Emo ad aliquod  
 tempus multis præfuit scholaribus, & post modicum honestâ & communi  
 electione in Hulsdengum electus est in Plebanum, & sic suscepto Ordine  
 Sacerdotii plebem sibi commissam multâ cum diligentia gubernavit. Sine

Mmmmm

1237. delectu personarum, omnibus omnia factus, ut omnes lucrificeret. Et cum esset artium liberalium, & maximè juris canonici ac legalis super omnes Clericos Frisix<sup>o</sup> sui temporis peritus, ac linguæ latinæ præcipue facundia præditus, ita se Sacris conformavit, & in bonâ simplicitate quantum decuit virum tam sapientem, ambulavit, ut à clericis & laicis amaretur & honoraretur, vir formâ decorus, staturâ gracilis, & aliquantulum longus, aspectu hilaris, in vultu serenus, in genis rubicundus, sermone admodum jucundus, conversatione mansuetus, locietate affabilis, eloquio cultus, vitâ & moribus præclarus, vir totius prudentiæ, in sermone verax, in consilio providus, in judicio justus, in commissio fidelis, in intervantu strenuus, in bonitate conspicuus, in universâ morum honestate præclarus, & necesse fuit, ut quem Deus tantâ gratiâ perfunderat, ab omnibus amaretur. Cœlibatum autem vitæ ac continentiam carnis, adhuc secularis in tantum amplectebatur, ut & occursum scœminarum subterfugeret, tanquam si semper diceret: *tolle, tolle paleam, ne ignis amoris & libidinis semper exardefcat.* Job. 31. *Pepigi fidus cum oculis meis, ut ne cogitarem de virgine.* Ecclef. 19. *Vinum & mulieres apostatate faciunt etiam sapientes, & propter speciem mulieris multi perierunt.* Prov. 5. *Favus distillant labia meretricis & nitidius oleo gustur ejus, nivissima autem illius amarara, quasi absinthium, & acuta quasi gladius biceps. Longè fac ab eâ viam tuam, & ne appropinques foribus domûs ejus.* Multos vulneratos dejecit, & fortissimi quique interfecti sunt ab eâ. Semper illam præcedunt ardor & petulantia, semper comitantur fœtor & immunditia, semper sequuntur dolor & pœnitentia. Nunquid abscondere potest homo ignem in sinu suo, ut vestimenta illius non ardeant? aut ambulare super prunas, ut non comburantur plantæ ejus? & in Ecclef. dicitur cap. 25. *Commorari leoni & draconi placebit magis quàm habitare cum muliere nequam.* Familiaris enim est inimicus habitans non procul, sed propè. Job. 40. *Virtus ejus in lumbis ejus, & forsitudo illius in umbilico ventris ejus.* Nunquam iugatur, nisi cum fugitur. Nunquam maciatur, nisi cum maceratur caro.

• Cum autem placuit ei, qui ipsum segregavit ex utero matris suæ, vocare eum per gratiam suam ad excellentioris vitæ initium, cepit habitum religionis concupiscere. Et ut gratiâ Dei, quæ secundum Beatum Gregorium aspirando prævenit, ut velimus, adjuvando persequitur, ut possimus, in eo vacua non esset, ne panem otiosius comederet, non elegit in labores aliorum introire, & ad claustra ditiora se transferre, sed occultâ Dei inspiratione, ut ipsius gratia in eo abundantius esse dignosceretur, ad *Novum Claustrum* se transtulit propè villam *Rheomerf-werff*, quod à quodam cognato suo & æquivoco fundatum, in temporalibus multis de causis fuit adeò desperatum, quod nisi suâ solertiâ supervenisset, convalescere vix potuisset, maximè propter litem, quam dictus Fundator cum vicinis monachis Sancti Benedicti in *Feldwerth* habebat. Prædictus autem Sacerdos ad prælatum Claustrum accedens factâ compositione cum Domino Reindone Abbate vicini Monasterii, ad Ordinem Præmonstratensem se transtulit, & habitum candidum, in quo Angeli apparere consueverunt, prælegit.

• Cumque die noctuque de ampliando Dei cultu sollicitus cogitaret, & Dei clementiam, à quo omne datum optimum, imploraret, ut ei socios, & maximè clericos, quorum contubernio, maximè in officio divino, & in

lectione, nec non in exercitio, & sanctæ meditationis studio plurimùm delectabatur, per gratiam suam assignaret, contigit, ut quâdam nocte cum hujusmodi desiderio serveret, & sopori se dedisset, audivit sibi dici per nocturnam revelationem. *Postula à me, & dabo tibi gentem hereditatem tuam* &c. Et evigilans exhilaratus est, eventum hujus oraculi spe lætâ expectans, & statim in processu temporis Domino disponente, accesserunt ad eum duo adolescentes, qui seminarium dici poterant messis in Christo colligendæ, videlicet Dominus *Sifridus*, qui multis annis fuit Prior *Floridi-Horti*, & magister totius disciplinæ; Quoniam, Domino Abbate pro Ecclesiæ necessitate exeunte, ipse in choro & in omni disciplinâ serius fuit domus observator, nec ad aliqua negotia exteriora per se agenda animum inflexit: Imò circâ scolares laboravit, officium vestiarîi peragens, omnia etiam officia, quomodo se singuli in disciplinâ ac rerum utilitate haberent veloci transitu circumspiciens, nunquàm tamen à choro & communi opere Conventûs se absentavit. Et ideo animam ejus cum Deo esse certissime speratur. Obiit anno Domini *MDCCCXXII*. Cùm fuisset Prior *Floridi-Horti*, annis *XIX*. Accessit & alius, videlicet Frater *Thitardus Canonicus*, qui Ordinis zelator fuit indefessus, & artificio manuali, quo præminebat, novellam plantationem plurimùm einendavit, chorum tamen nunquàm occasione laboris negligens, potius se vigiliis afficiebat. Angebatur etiam in aliis de die in diem curis clericorum & scolarum, quos Magister Emo cum Priore præfato, spiritu charitatis summo studio in literaturâ promovit, scientiam sibi divinitus collatam non sub modio, sed super candelabrum ponens, neque thesaurum concessum in terrâ abscondens, sed omnibus studere volentibus benignè participans. Undè cum Apostolo posset dicere: *innocens ego sum à sanguine omnium vestrum, qui non subterfugi, quominus annuntiarem vobis*. Cæteros autem labores, quos pro Ecclesiâ sustinuit, longum est describere, & maxime labores & sollicitudines quibus habuit pro Ecclesiâ in *Werum*, quandò ibidem Claustrum fundavit, quod *Floridum-Hortum* nominavit; & hodiè per Dei gratiam ac ipsius providentiam in spiritualibus ac temporalibus rebus ac personis & virtutibus floret.

Quantas etiam sustinuit tribulationes dum Romam pro confirmatione dicte Ecclesiæ & privilegiis obtinendis pedes ivisset, non facile declaratur. Quæ tamen omnia parvi pendit, cum ad scelicem exitum Domino gratiam suam apponente perduxit. Convenerunt autem ad ipsum Laici non pauci, ex quibus quidam fuerunt bonæ opinionis homines, & nobiles, quos ipse libenti animo in conversos recepit, & cum omni diligentia, & disciplinâ, & honestate Claustrali informavit, fovebat, ac diligebat, & omnes sollicitudines de temporalibus eis commisit, quia ipse cum clericis in quantum potuit, ordini ac lectioni, nec non & sanctæ meditationi studuit insistere, & divinum officium plenè ac perfectè in libris ordinis, & pause in psalmodiâ in Ecclesiâ novellâ ordinare, ac egit sic multo labore in principio, ut conformitatem librorum ordinis secundum usum Præmonstratensis Ecclesiæ in suâ plenè haberet etiam Ecclesiâ, benè observans quod Dominus præcepit, *primam querite regnum Dei, & hæc omnia scilicet temporalia; adjiciuntur vobis*. Undè cùm hujus desiderii perfectionem non posset habere, nisi in ipso capite, scilicet Præmonstratensi Ecclesiâ, quia *dulcius ex ipso fonte bibuntur aquæ*, præsertim cum tunc temporis in totâ Alemanniâ liber ordinis non

1237. inveniretur, labori ac periculo se voluntarie subjiciens, cum solo comite videlicet prædicto Fratre Thitardo Præmonstratum pedes transivit, & ibi libros Ordinis, scilicet *Ordinarium*, *Capitulare*, *Collectaneum*, per seipsum conscripsit, *Graduale*, *Antiphonarium*, *Hymnarium*, notavit, & plenè correxit, Evangelia, Epistolas, & Lectiones matutinales, quæ omnia propter sui prolixitatem & temporis brevitatem, quia apud filios, quos adhuc in Christo parturivit, quibus absentia sua propter novitatem fuit non modicum periculosa, redire festinabat, ad plenum scribere non valuit, & ideo magnâ & mirabili, quantum ad novitatem suam in Ordine, usus sagacitate principia & fines notavit. Modum pronuntiandi Capitula, Collectas, Versiculos, Epistolas, Evangelia, & similia, notavit diligenter, etiam libello, quem *Signaculum* appellavit, singula assignans. Quæ omnia postmodum conscribi, ac plenè corrigi in Præmonstrato per Magistrum *Fretbericum* de *Horto Sanctæ Mariæ* specialem amicum suum, & in his cohortatorem ac adiutorem, maximè in his, quæ spectabant ad uniformitatem Ordinis, corrigi de verbo ad verbum procuravit. Cumque in his & aliis, quæ ad instructionem novellæ domûs pertinebant, sollicitus & indefessus die noctuque invigilaret, humani generis adversarius, qui quieti contemplationis semper invidet, exteriores sibi suscitavit non paucas adversitates, ac principaliter litem cum Præposito de Skeldwaldâ, qui per seculares tam clericos, quàm laicos, & præcipuè per Dominum *Theodericum* Monasteriensem Episcopum, qui dicto Præposito favorem suum in tantum impendit, quòd ei omnes arduas causas, quæ ipsum specialiter contingebant, commisit. Undè cum idem Præpositus in his Synodalibus multas committeret enormitates, Magister *Emo* zelo ordinis sicut Phinees accensus, in faciem ei resistit, primùm pacificè suadens ac monens, ut his inordinatis actionibus ac evagationibus prætermisissis, Ecclesiæ suæ, sicut decet religiosum, provideret. Sed ille videns alios nobiles colla sua inclinare, & suis levitatibus applaudere, intolerabili irâ, sicut olim Aman contrâ Mardocheum, adversus eum exarsit, & per prædictum Episcopum, cujus omni tempore membranas quot voluit habebat, Venerabilem Patrem Magistrum Emonem, & Conventum suum fecit denunciari excommunicatos, per totam viciniam interdicens firmissimè, ne quisquam ipsis in emptionibus, vel venditionibus communicaret, & per seculares gestus & mores, nec-non & liberalitatem suam, maximè in ebrietatibus, attraxit sibi Decanos, & alios nobiles terræ quàm plurimos, & sic non modicum angustiabatur Ecclesia Floridi-Horti, cum eodem tempore propter inundationem salis maris, quæ antè paucos annos in Festo Marcelli præcesserat, & quasi quatuor annis fuit continuata, maxima fuerit annonæ caristia. Et licet talis angustia etiam viro constanti posset dolorem non modicum incutere, Dominus Emo tamen in Domino jactans cogitatum suum, qui eum & Conventum in Domino collectum enutriret, largiores in tali caristiâ præcepit elemosinas erogari, nolens esse de numero illorum, qui ad tempus credunt, & in tempore tentationis recedunt, semper sibi & fratribus suis de exemplis patientiæ Sanctorum dulcem quærens consolationem. Verùm Deus fidelis, qui non patitur justum tentari suprâ id quod potest sustinere, qui sperantibus in se dat in perturbatione & tribulatione auxilium, in persecutione solatium & in omni tentatione virtutem, ipse famulo suo in se speranti, & in suâ misericordiâ



1237.

misericordiâ confidenti, hujus litis tam gloriosum dedit exitum, ut prædicto Episcopo à iudicibus Papalibus excommunicato, Legati ejus in Frisiâ ad Synodalia nequaquam admitterentur, antequam tota causa esset terminata ad arbitrium & voluntatem prædicti Patris, formam compositionis eo dictante, ac ipsis sigillantibus. Sic demùm Domino Episcopo præfato, cujus nomine missi fuerant synodare, ab excommunicatione absoluto, ad mensam à Decanis, & ad Synodalia à subditis sunt admissi. Et ita plenè impletum est, quod in Ecclesiâ dicitur: *Cum placuerunt Domino viæ hominis, inimicos ejus convertet ad pacem.* Acta sunt hæc anno Domini M<sup>o</sup> CC<sup>o</sup> XXIII.

Has & multas alias tribulationes vir Dei ab extraneis patienter sustinuit, maxime super beneficiis in *Emetha*, & in *Skiramne*, super quibus non modicas sustinuit offensas, & malignorum insultus, cum tamen non pretio nec prece, vel etiam obsequiis intervenientibus eas suscepisset, sed à majori & saniori parte verorum patronorum piâ liberalitate offerentium. Et cum quidam ex eis post-modum instinctu maligni hostis, qui omnibus bonis operibus invidet, allecti ab aliis, vel etiam potius alios allicientes manu missâ ad aratrum retrò vellent aspicere, & donationem ritè factam revocare, ipse pro jure Ecclesiæ & concessione factâ, periculis se objiciens viriliter dimicavit; quoniam etsi inconcessa non licet appetere, oblata tamen licet accipere, ac recepta retinere. Qui enim aliquid Domino, vel Ecclesiæ offert vel promittit,olvere tenetur, quoniam & Ananias, qui sua obtulit, sed fideliter non solvit, morte punitus est. Ergo cum licuit Petro non solventem morte punire, multò magis licet oblatum solvendum exigere. Nec obstat quod Ecclesiæ illæ non vacabant de facto, nihilominus enim de jure vacabant, quia illa Ecclesia dicitur de jure vacare, quæ legitimum non habet pastorem, sed illæ ambæ legitimos non habebant pastores, quia ambo uxorati erant, & sic irregulares & excommunicati, *ext. de cleric. conjug. per tot. ext. de fil. præbit. cap. ut filii &c. ad præsentiam &c.* Præterea ille de Emethâ fuit filius Sacerdotis, & paternæ incontinentiæ amator, viduam duxerat, & sic per omnia irregularis. Nec obstat si non fuit ab omnibus facta electio, quia in omni electione majori & seniori parti cedendum est, *ext. de elect. dudum &c.* Notandum etiam est, quòd Professores Præmonstratensis Ordinis licitè possunt Ecclesias possidere, & curam animarum recipere, quoniam nec in ordine, nec in jure prohibetur, & quòd non prohibetur permittitur. *ext. de translat. Episc. vel elect. c. inter corporalia.* Contrà, videtur prohibitum, quòd non invenitur concessum. *Solutio*: edicta quædam sunt stricti juris, quædam bonæ fidei. Stricti juris de quibus dictum est, *nihil venit in judicium, nisi de quo actum est, ut veniat.* Et sic sunt edicta prohibitoria, ut si appellatio est interdicta in litteris Domini Papæ, tunc non licet appellare, nisi causa subsit legitima. Edictum etiam prohibitorium est, *non occides*, bonæ fidei sunt, de quibus dicitur: *non solum id venit in judicium, de quo actum est, ut veniat, sed & id, de quo non est actum, ut veniat.* Ut sunt edicta affirmativa, sicut omnibus licet judicare, advocare, testari, qui à jure non prohibentur, quidquid canon non exprimit, nos exprimere non debemus. Ubi constitutio promulgatur affirmativè, intelligitur concessum, nisi reperitur prohibitum ut c. 31. q. 1. *des. & seq. quod si.* Si verò negativè promul-

Præmonstratenses possunt habere curas animarum,

Nnnnn

1237. gatur, specialiter intelligitur prohibitum, maximè ubi fuit eadem ratio, nisi inveniatur concessum, ut c. 22. qu. 1. *si vero*. Nam cuncta licerent, nisi iura vetarent. Dicitur etiam 16. qu. 1. doctos ac per bonos monachos posse predicare, baptizare, poenitentias dare, decimis, & primitiis frui. Idem dicitur proximis duobus Capitulis, quod ligandi & solvendi habeant potestatem, & hi non ex ordine prohibeantur. Sanctus autem Augustinus, & Venerabilis Pater Norbertus Episcopi fuerunt, & curam gesserunt Ecclesiarum pariter ac monasteriorum, & subditis gerendam commiserunt. Unde de approbatâ consuetudine est, quod à latere Domini Papæ Legatis, ubique terrarum Professoribus hujus Ordinis cura animarum conceditur. Venerabilis etiam Pater Dominus Emo Ecclesias istas nec ambitione avaritiæ concupivit, cum ipse parimoniam, quæ decet religiosos, specialiter & quasi naturaliter amavit penitus omnem abhorrens superfluitatem, sed pro fratrum suorum imò pauperum Christianorum alimoniâ, quibus in illâ novitate multiplicatis animo plus quàm divitiis, in illâ famosâ frugum penuriâ, post diluvium Sancti Marcelli necessaria non sufficiebant, quia omnia necessaria humanis usibus in summo erant pretio, & pretium eorum quasi nullius pretii reputabatur. Quid ergo pauperibus Christi faceret? Ecclesias istas legitimè receperat. Licite poterant à conventu possideri. Et nuncii satanæ possessionem, impediabant. Attendit quod dixit Augustinus de Maximiano Episcopo Vagiensi. 23. qu. 3. si defensionem rerum Ecclesiæ oblatam prætermisisset, *non ejus fuisset laudata patientia, sed negligentia meritò culpanda*. Neque Apostolus Paulus vitæ suæ transitorie, sed Ecclesiæ Dei consuluit, quod contra illos, qui cum occidere conspiraverunt, adolescens ut tribuno traderetur effecit. Unde factum est, ut ad locum, quo fuerat deducendus, eum miles armatus deduceret, ne illorum pateret infidiis. Dicitur etiam 12. qu. 1. quod Hilarius Episcopus omnia sua aut parentibus reliquit, aut pauperibus erogavit. Hic tamen factus Arelatenis Episcopus, quod tunc illa Ecclesiâ habuit, non solum possedit, sed & acceptis nervosis fidelium hereditatibus ampliavit. Itaque divinarum Scripturarum doctissimi, si scirent res Ecclesiæ oblatas non debere defendi, nunquam eas deberent suscipere, qui & sua propter Deum reliquerant. In his tamen & aliis negotiis fora & Conventus secularium, quantum poterat, subterfugit, quorum ebrietates & insolentias epulantium, non solum in habitu religionis, sed etiam in seculari habitu adhuc positus, toto corde detestabatur, quia sicut dicitur, Prov. 20. *Luxuriosa res est vinum, & tumultuosa ebrietas*. Item in Ecclef. 31. *Vinum multum potatum iritationem & iram, & ruias multas facit*. Prov. 31. *Noli Regibus dare vinum, quia nullum secretum, ubi regnat ebrietas*. Multa enim mala facit ebrietas. Depauperat, Ecclef. 19. *Vinum & mulieres apostatate faciunt etiam sapientes*. Aufert cor, id est, discretionem cordis. Olee 4. *Vinum & ebrietas auferunt cor*. Turpitudinem denudat. Genes. 9. *Bibens Noe vinum inebriatus est & nudatus in tabernaculo* Secreta revelat. Prov. 31. *Nullum secretum ubi regnat ebrietas*. Cor venenat. Prov. 23. *Ingreditur blandè, sed in novissimo mordebit ut coluber, & sicut regulus venena diffundet*. Amaritudinem cordis facit. Ecclef. 31. *Amaritudo animæ vinum multum potatum* Mentem enervat. Ecclef. 35. *Ebrietatis animositas imprudentis offenso, minorans viriutem, & faciens vulnera*. Rixas facit, poenam æternam parat, oculos excutit. Prov. 23. *Cui vâ? cuius patri vâ? cui rixa? cui fovea? cui sine causâ vul-*

nera? cui suffusus acubrum? nonne his, qui commorantur in vino, & fludent calicibus epotandu? Ebrietas enim non voluptas, sed plena est. Tullius: Si videres istos epulantes sicut boves apinus stridere & sudare, tunc intelligeres eos, qui maxime voluptatem sequantur minime affeque. Ieronimus: Nihil ad id ebrius intelligentiam, sicut comessio & ebrietas. Seneca: Ciberum cap. d. subtilitas sensus impeditur. Ieronimus: Venter pinguis non gignit tenuem sensum. Seneca: Nihil aliud est ebrietas, quam voluntaria insania. Tullius: Mentis uti resse non possunt multo cibo & potu repleti. Salvia: Ebrius est serpens omnium peccatorum. Ieron. 5. Saturavi eos & mortati sunt. Paulus Apost. Nolite inebriari vino, in quo est luxuria. Ieronim. Quidquid seminarium est voluptatis, venenum poma. Seneca: Quis huius unquam tam intumescens fuit, quantum in quosdam voluptates sua sunt. Eccles. 22. In multis esus invenitur infirmitas, & propter crapulam multi perierunt. Seneca: Potest nostra prudentia huic corpuscule longam prolongare vitam, si voluptates quibus major pars perit, possumus rigere & coercere. Idem: Fastidientis stomachi est multa degustare, qua ubi varia sunt & diversa, inquantum, non alunt. Idem: Si vis esse in perpetuis deliciis, non voluptatibus est adhaerendum, sed cupiditatibus detrahendum. Ieronim. Voluptas famem, non satietatem parit. Osee. 4. Comedent & non saturabuntur. Psal. Famem patientur ut canes. Luc. 15. de filio prodigo: Ego autem hic fame pereo. Seneca: Stultus serviet, qui servit corpori. Eccles. 6. Omnis labor hominis in ore ejus. Ieronim. Tauri paucorum iugerum pascuis aluntur, unica sylva pluribus Elephas sufficit, homo vero terram & mare, ac aere pascitur. Gregorius: Non licet inuerti, quod non licet concupisci. Non enim est securum intueri, delectabilia. Mai 5. Pa qui consurgitis mane, ad seilandum ebrietatem, & ad potandum usque ad vespertam, vix qui potentes estis ad bibendum. Gregorius: Ebrietas est blandus daemon, dulce venenum, suave peccatum, quam qui habet, se non habet, quam qui facit, non facit peccatum, sed ipse totus est peccatum. Augustinus: Ebrietas auferit memoriam, dissipat sensum, confundit intellectum, conturbat libidinem, involvit linguam, corrumpit sanguinem, omnia membra debilitat, vitam dimittit, & omnem salutem exterminat.

Propter has causas, & continentiam, quam quasi naturaliter amplectabatur, omnem penitus abominans superfluitatem, consortia potatorum fugiebat. Si quando iudex delegatus erat, petitionum omnino acceptor non fuit. Levit. 18. Non facies quod iniquum est, nec injuste iudicabis, non consideres vultum potentis. Jacob. 2. fratres mei nolite in personarum acceptione habere fidem. Actor. 11. in veritate comperi, quia non est personarum acceptor Deus. Prov. 17. qui justificat impium, & qui condemnat iustum, utque abominabilis est apud Deum. Ilai 6. vix qui dicunt bonum malum, & malum bonum. Unde in Exodo; Elige tibi viros potentes, Deum timentes, amantes veritatem, detestantes avaritiam. Summopere enim cavebat, ne amor, vel timor, a recto tramite ipsum seducerent, & alia quae ponuntur 3. qu. 5. propinquitatis ac familiaritatis affectio veritatem impedire solet. Amor etiam carnalis, & timor atque avaritia plerumque sensus hebetant humanos, & pervertunt opinionem, ut quantum pietatem putent, & pecuniam quasi mercedem prudentiae 11. qu. 3. quatuor modis humanum iudicium pervertitur. Timore, cum metu alicujus potestatis veritatem loqui pertimescimus, cupiditate, odio, amore, supra eodem cap. pauper diu non habet, quod offerat, non solum audiri contemnitur, sed & contra veritatem opprimitur. Quare cito violatur iustitia.

Haec omnia considerans vir Dei & spiritu sapientiae repletus, quantum poterat iudicia subterfugit. Quando vero subterfugere non poterat, penitus non fuit acceptor personarum, sed via regia procedere sategit. Vir etiam tri-

1237. bulatis valdè compatiens, ac pœnitentibus post illatas sibi injurias indulgens, vindictam in calumniantes ac injuriantes, etiam cum posset non interens, summum genus vindictæ reputans misericorditer indulgere, cum possis vindicare. Quia hæc est summa victoria de maligno hoste, qui est omnium malorum inceptor, & nunquàm plenius vincitur quàm per patientiam & humilitatem. Undè quantum rigor disciplinæ permittebat, plùs appetebat a subditis amari, quàm timeri, & quasi unum ex illis, in omnibus gestibus & moribus se exhibuit, secundùm Ecclef. 32. *rectorem te posuerunt, noli extolli, esto in illis, quasi unus ex illis.* Dicitur etiam in libro Sapientiæ 6. *quoniam à Domino data est potestas, & virtus ab Altissimo, qui interrogabis opera singulorum.* Et intra: *judicium durissimum fili, in his, qui præsunt; exiguo enim conceditur misericordis, potentes autem potenter tormenta patientur.* Non enim subtrahet personam cujusquam Deus, nec revelabit, magnitudinem ejus, quoniam pusillum & magnum ipse fecit, & aequaliter illi cura est de omnibus. Fortioribus autem tortior instat cruciatio. Undè summooperè vitavit typum superbiæ, contra humiles, parvos, & pauperes se præbens affabilior, attendens quòd dicitur in Ecclesiastico: *initium omnis peccati superbia, & qui tenuerit illam abominabilis erit apud Deum.* Sedes enim superbiorum destruxit Deus, & sedere fecit mites pro eis, cùm dicat Beatus Gregorius; *Superbia, nazione celestis, celestes appetit meatur.*

Superbos autem & rebelles sine personarum acceptione corripcebat, arguendo, obsecrando, increpando, bene observans id, quòd alibi; *Parce humili, facilis oranti, frange superbum,* & quod in Aneid. Virgil. *parcere subjectis, & debellare superbos.* Quoniam sicut dicit Augustinus 23. *quæ 1. Cui licentia iniquitatis admittitur, utiliter vincitur. Quoniam nihil est infelicius felicitate peccantium, quàm penalis nutritur impunitas, & mala voluntas, velut hostis interior roboratur.* Et idem quæ 2. *In Prælati circa correctionem subditorum non est laudanda patientia, sed negligentia merito culpanda.* Augustin. *Sæculi nequitia, est impunita nequitia.* Unde contigit, ut mali spiritus, qui secundùm Job, cum justum comedant, non dormiunt, ipsum etiam tentarent periculis & falsis tratribus. Nam in diebus suis multi labores in jejuniis, & vigiliis, ac silentio, nec-non in parsimonia cibi & potus, quæ omnia decent religiosos qui non terrentes ipsum, multatim perturbabant, & etiam plurimi apostatabant, quæ omnia ipse patienter sustinuit, sciens quoniam necesse est, ut veniant scandala, sed ve illi, per quem veniunt, & ex ejus culpâ. Super quo & alio loco dicit Dominus: *ut non scandalisemur eis, vade ad mare, & mitte bannum, &c.* Ubi dicit Gregorius; in quantum possumus, vitare scandalum proximorum debemus. Si autem de veritate scandalum sinitur, utilius permittitur nasci scandalum, quàm veritas relinquantur. Undè versus: *scandala pro vitâ, doctrinâ, justitiâque, non fugias.* Beati enim qui persecutionem patiuntur propter justitiam. Et Apostolus, *tribulationem patimur, sed non angustiamur. Apertamur, sed non destrui-mur. Persecutionem patimur, sed non derelinquimur.*

Scientia  
& erudi-  
tio Emo-  
nis.

Providebat intus & foris disciplinæ ac honestati, temperantiæ ac sobrietati, Fratrum discretè providens necessitati, raro aut nunquàm superfluitati, in onni gestu compolitis, facie pro tempore jucundus, in verbis circumspectus, nec profusus, sed breviter studens, omnibus donis naturalibus & gratuitis adornatus, præterquam in facundia seculari, & linguâ Teutonica quam propter studium, & amorem vitæ spiritualis, & lectionis nec dilexit,

dilexit, nec exercuit. Qui licet esset in linguâ latinâ expeditissimus, & juris legalis ac canonici peritus, tamen ubique locorum maluit audire, quàm audiri, cum tamen multo propter gratiam sibi insitam, cum reverenter desiderabant audire. Adulari majoribus nec scivit, nec voluit, plausum vel favorem secularium, nec in dictis, nec in factis quaesivit. Vanam gloriam amicientes in secreto mentis detestabatur. Humiles ac simplices in viâ mandatorum Dei gradientes venerabatur. Multiloquia omnino abhorruit, quoniam secundum quod dicitur, *in multiloquio non deest peccatum*. Et in Evangelio, *de omni verbo otioso reddent homines rationem*. Iacobus in Epistola Canonica I. *Sic omnis homo velox ad audiendum, tardus autem ad loquendum*. Et idem: *Si quis putat se religiosum esse, & non refrenat linguam suam, bujus vana est religio*. Prov. 12. *Propter verba labiorum proximi ruina malorum*. Ps. *Per linguas non diu eris in terra*. Imò multo minus in cælo. Prov. 13. *Qui custodit os suum, custodit animam*. Eccles. 14. *Beatus vir qui non est lapsus in verbo ex ore suo*. Iacobus 3. *Si quis in verbo non offensus, hic perfectus est vir*. Item. *Lingua modicum membrum est, & totum corpus mittit in gehennam, & totum corpus maculat, & inflammat rotam navitatis, inflammata a gehennâ*. *Est enim iniquitum malum, plena veneni mortifero*. Omnis enim natura bestiarum, & volucrum, & serpentium domatur ab humana naturâ, linguam autem nemo domare potest. Eccles. 19. *Quis est, qui non deliquit in lingua sua? quis admittit, vel ideo dicit quis, quia difficile habetur, nili detur à Domino*. Eccles. 10. *Quis dabit ori meo custodiam, & super labia mea signaculum verum, ut non cadam ex ipsis, & lingua mea non prodatur me?* Et in vitis Patrum, quidam legitur orasse omni tempore, *Domine, libera me à lingua mea*. Seneca: *Tardi-loquum te esse jubet, & propè erit tibi Deus*. Cato: *Proximus ille Deus est, qui fuit ratione tacere*. Ovid. *Eximia est virtus præstare silentia rebus*. Idem: *Quis minor est unquam quàm tacuisse labor*. Amos 2. *In omni loco eris silentium*. Iai. 32. *Cultus iustitia silentium. A Deo factum est silentium*. Iai. In silentio & spe erit fortitudo nostra. Eccles. 23. *Verbis tuis iuste placentiam & fructus ori tuo*.

Habebat & specialem gratiam consolandi per auctoritates Sacræ Pagine, quam semper gerebat in pectore, & in ore, nec non & in opere. Legendo, scribendo, & utiliora notando, quia fuit mirabiliter studiosus, in lectione sacræ pagine, creber & devotus in oratione; pervigil in matutinis observandis, & serè usque ad annos senectutis suæ. Matutinis cum conventu viriliter observatis, postcà modicum vel nihil dormivit, quia illam partem noctis post Matutinas potiùs vigilabat, propter consuetudinem observatam Parisiis & Oxoniæ tempore studii, quando fratre suo Addone priorem partem noctis vigilante ac scribente, ipse partem posteriorem pervigilabat. Quæ divisio noctis in libris eorum potest perpendi, & maxime in Decretis & in libro Pauperum. Ex illâ ergo consuetudine post Matutinas hyemali tempore vigilabat scribendo, ut potè qui sennè omnes primitivos libros Chori & Missales familiarium Missarum in utroque claustrò, nec non & multos alios scripsit, notavit & illuminavit. Conscriptis autem & correctis omnibus libris, qui ad divinum pertinent officium, attendens in vitâ contemplativâ post orationes proximam esse lectionem, deindè meditationem, multo satagit studio, ut armarium librorum in capitulo libris sacræ scripturæ impletet, hoc operis non solùm sic in clericis, quos ad scribendum servidè incitabat, & per seipsum instruebat, verùm etiam sedulitatem in scemineo sexu observans, sorores ad hoc habiles sollicitè in scribendò informabat, primò quidem textum veteris ac novi testamenti, & scholasticam historiam,

1237. expositiones Sanctorum Patrum, videlicet Augustini super Joannem, & Beati Gregorii ac aliorum, nec-non & magistrorum; Præterea faciens diligenter conscribi, tanquam, *nil credens actum si quid superesset agendum*. Quasi enim spiritu prophetico sæpè dicebat, quòd post tempora sua, dum inchoarentur opera lapidea, tepesceret studium librorum conscribendorum. Ipse verò interea legendo, corrigendo, & utiliora notando, serè in omnibus libris armarum vestigia manus suæ reliquit, nunquam otiosus existens, tanquam sibi cum Ieronimo diceret, *semper aliquid operare, ne se diabolus otiosum inveniat*. Et idè Jacobus *otiositas inimica est animæ: & in desiderii est omnis otiosus*. Prov. 13. *anima operantium impinguabitur*. Et post à contrario *anima otiosa & moriens marcescet, & extenuabitur*. Dicit etiam Poëta *otia si tollas perire cupidinis arcus*. Et similiter: *queritur Egebius quare sit factus adulter, in promptu causa est, desidiosus erat*. Undè contigit, ut propter studium divinæ paginæ paratas haberet autoritates, modò de Dei præceptis, modò de Sanctorum exemplis, dulcedinem sibi, & aliis faciens consolationem, & ut esset & in ore suo sacra pagina sicut turris David quæ erat ædificata cum propugnaculis. *Mille clipei pendens ex eâ, omnis armatura fortium*. In Scripturâ enim divinâ sunt clipei, id est, præcepta Dei, ut, *diligas Dominum Deum tuum ex toto corde tuo, & diligas Proximum tuum sicut teipsum. Non concupisces. Non quæres ultionem &c.* Ibi est etiam armatura fortis, scilicet exempla Sanctorum, sicut exemplum innocentis Abel Abraham obedientis, Isaac simplicitatis, Jacob fortitudinis in labore, Joseph castitatis, Moyses mansuetudinis, qui inter millia fuit mitissimus, Phinees zeli & fortitudinis, Samuel benignitatis, qui de Principatus culmine dejectus dixit: *absit ut cessem orare pro vobis*. David non reddendi malum pro malo, qui & Saul pepercit. Quapropter vir Dei collegit sic opuscula, manualia & btevia, sicut, *arborem vitiorum & virtutum*, quam prius editam ipse correxit, & multis locis supplevit. Similiter, *de differentiâ criminum, de differentiâ virtutum Politicarum & Theologicarum*, & tractatum *de animâ*. Vitas Patrum etiam in ordinem congruum secundum virtutes & vitia collegit, incipiens ab oratione, lectione, meditatione, quæ sunt membra præcipua vitæ contemplativæ, & sic de aliis, quæ ipse in suâ senectute plano stilo composuit, plus prospiciens utilitati legentium, quam ornatus illorum intendens. Seneca: *plus me occupat medulla sensuum, quam spuma verborum*. Chronica etiam de omnibus mirabilibus, quæ non solum suis imò & vicinis temporibus contigerunt, cum multâ diligentia conscripsit, secundum annos Dominicæ Incarnationis singula luculenter explanans, de diluviis, de bellis, peregrinationibus, incendiis, & aliis omnibus emergentibus, nihil intactum relinquens. Undè Spiritu Dei actus, de se tanquam de alio sæpè loquitur, exemplo Moyse, qui dicit, *& erat Moyses vir mitissimus super omnes habitatores in terrâ*. & Job. *Vir erat in terrâ Huius, nomine Job, simplex & rectus*. Quod dicit Beatus Gregorius ipsos de se per Spiritum Sanctum tanquam de aliis dixisse, non ut se extollerent, sed ut aliis exemplo prodescent. Et Joannes Evangelista dicit; *Discipulus iste quem diligebat Jesus, qui & recubuit super pectus Jesu*. & Apostolus; *Sic hominem in Christo &c.* & alia multa exempla.

Ratione igitur præviâ & spiritu intellectus mores fratrum examinabat, & singulis in suis obsequiis contrâ vitia insidiantia consulebat, con-

scribens antidota multimoda. Generalia Ordinis instituta toto sinu complectens commendabar assidue, caput totius religionis in communi statuens subditorum obedientiâ, & dilectione mutuâ, cum mediocritate cibi & potus, & castitate, & humilitate. Fratribus etiam in secularibus Ecclesiis & Conversis in grangiis (a) formam vivendi mirabili sagacitate in scriptis contradidit. Exhortabatur etiam, ut ubicumque duo Fratres Sacerdotes simul essent in Ecclesiâ, studerent ad mutuam charitatem, ad paritatem in prædicatione, secundum datam sibi à Domino sapientiam, in hebdomadarum partitione & confessione; priorem inter eos parochianis tantum ad inquisita respondere, negotia declinare, quantum fieri posset, minorem domi subsistere, ambos in Ecclesiâ ante omnes, & post omnes esse, disciplinæ Claustri meminisse, in parochiâ, vel alibi nunquam inebriari, propter infirmos, domos simul intrare, non interesse Conventibus secularium, post competentes dies in Abbatia se præsentare, vicissim in Claustro post orationem Conventui conjungi, rumores non deferre, sed per licentiam loqui, labores secundum formam claustris servare, clauso coenaculo comedere, breviter & discretè loqui in confessione, sine licentiâ Abbatis litteras non exequi, nec judicia exercere, in omni negotio testem habere, oblationes fideliter colligere, à Minori quantitate conscribi, & præsentari, hospitium Religiosis tantum laicis ministrare, libellos Conventus servare, & non faciliè sine memoriali ac licentiâ præstare, alienos libros, super unum, non multiplicare, cognatos sine necessitate non frequentare, mores familiaris emendare, libenter quicquid possunt operari, apud seculares iudices non intercedere, pecuniam alienam non recipere, nec deferre, lectioni & studio operam intendere, vestes suas subdolis non præstare, nec pecuniam, ne Conversi cum hospitibus bibant inhibere, semetipsos non amare, se non habere plenam potestatem profiteri.

Non solum autem Canonicis & Secularibus Ecclesiis, sed & omnibus tam in claustris, quam in grangiis certam formam vivendi limitabat, videlicet qualiter infirmi, quomodo minuentes sanguinem, quomodo custodes, quomodo in Claustro Sororum manentes se gerere deberent, ordinavit & conscripsit, nihil de Ordine mutans, sed dubia declarans, & minus expressa, sicut fidelis & bonus dispensator, supplens secundum quod in Ordine dicitur, quod singuli officiales se debent gerere secundum Abbatis ordinationem.

Anno igitur Domini MCCCXXXVII. à diluvio Beate Julianæ XXIV. Nicolai XLII. Marcelli XIX. ab Aquæ-ductu stabilito XLV. à Captivitate Jerusalem XLVIII. Primæ peregrinationis XLVII. Secundæ XL. ab adventu Magistri Oliveri XXIV. Tertiæ peregrinationis eo prædicante XX. Quartæ peregrinationis prædicante Magistro Arnoldo, & Joanne Zantenſe X. à Conversione Beati Augustini DCCCXXVIII. à Conversione Beati Benedicti DCCXI. à die Passionis Sancti Bonifacii DXXI. transitus Sancti Ludgeri CCCCXXVIII. ex quo claruit Papa Gregorius DCXLVII. Translationis Magorum Colonia LXXIII. Ordinis Carthusiensium CXLVII. Ordinis Cisterciensium CXXXIX. Præmonstratensium CXVII. Plantationis *Horti-Sanctæ-Mariæ* LXXII. Floridi-Horti in Werum XXIV. transitus Sancti Francisci XI. translationis ejus 7. translationis Sanctæ Elizabeth II. translationis Emonis Fundatoris Novi-Claustri, quod dicitur

(a) Prædia erant rusticana quæ fratres laici excolebant propriis manibus. oratorium habentes, & Sacerdotem qui divinis operabatur & turmam laicalem regebat.

1237. Campus Rosarum xvi. Egburgis Donatæ in Novo-Claustro sepultæ xxiv. Anno Imperii Frederici II. Romanorum Imperatoris xvii. Regni Jerusalem xiii. Siciliæ xli. indictione x. Pontificatus Domini Gregorii Papæ noni XI. Episcopatus Domini Ludolfi Monasteriensis Episcopi XII. Reverendus Pater Emo & piæ recordationis apud Deum & homines in nocte Beata Luciae Virginis quam semper specialiter dilexit, ac ei servivit, vigiliam ejus jejunando, & omnes, quos potuit, ad honorem ejus exhortando, accedente Festo ejus supplicavit eidem Virgini morbo invalescente, ut si eo anno secundum Dei ordinationem esset moriturus, eâ nocte ipsius precibus ad requiem transiret. Eâdem igitur, dictis Matutinis, coram positis fratribus & sororibus in Novo-Claustro, cui ipse tanquàm rigator nomen *Campus Rosarum* (a) imposuit, de laboribus & ærumnis carnis creptus dormivit cum patribus suis, omnibus qui adstant fratribus non modicum stentibus & patrem se tantum amisisse lamentabiliter conquerentibus, nec-non & sororibus, quas ipse tanquàm oculos debiles, & infirmas, quò fragilior erat sexus, eò sollicitius nunc blanditiis demulcendo, nunc etiam minis & terroribus deterrendo, uni viro desponderat, virgines castas exhibere Christo. Corpore itaque ejus sacerdotalibus indumentis, ut decuit, & mos est de Prælati, involuto, & in Ecclesiam processionaliter delato, post lecta psalteria & Missas celebratas, sororibus extrâ portas cum cantu exequali prosequentibus, & fratribus qui aderant comitantibus, in navi corpus est collocatum, & ad Abbatiam deductum, ubi completis psalteriis post nocturnas vigiliis, & officio divino, & Missis in Capitulo Claustrum, ubi ipse sibi sepulturam elegerat est sepultus. Capitulum quippè dum viveret diligens, propter studium Confessionum, correptionum, lectionis, & sanctæ meditationis, adstrinxit Sacerdotes, qui in obitu suo præsentem erant, ut corpus suum in Capitulo humarent, & si quandò novum Capitulum fieret, in illud transferrent, ut sicut vivus locum illum dilexit, sic & ad illum intraret defunctus, ubi Deus omnipotens suâ ineffabili gratiâ, per Confessoris sui merita, multa infirmis confert beneficia sanitarum. Homo siquidem iste spiritu prophetiæ in quantum ab hominibus sciri voluit, à Deo fuit ditatus. Nam in anno obitus sui cuidam laico nobili in parochiâ *Werum*, qui fuit Cruce signatus, quærenti consilium, si adhuc præparare deberet pecuniam ad passagium Terræ Sanctæ, dixit præcisè: neque in diebus meis, neque tuis erit generalis peregrinatio in Terram Sanctam, quoniam post mortem meam, te adhuc fortè vivente, erit tanta dissensio in Ecclesiâ Dei, quòd propter bella intestina non poterunt Christiani contrâ paganos unanimiter dimicare. Dixit etiam quibusdam civibus super emptione prædiorum litigantibus, quòd fortè visuri essent diem, quandò etiam si pecuniâ abundarent, vix eam auderent in prædia convertere propter carissimam intolerabilem, maxime cum essent multo plures venditores, quàm emptores, quòd anno 12. post mortem suam, per inundationem falsi in diversas plagas, manifestè accidit. Cuidam etiam familiari suo antè horam mortis quærenti,

(a) Antè *Romerfwerf* dictus, vicinus Monachis Felwerthensibus apud quos habitum Emo laicus nobilis assumpserat, & in suo feodo oratorium struxit anno 1204. quod postea, suggerente amitorio Emone Huldinger Plebano Abbate Werunti, cui se comitem adjunxerat, in cœnobium Sororum Ordinis Præm. immutatum est.



querenti, quem vellet sibi succedere, dixit Fratrem Paulum esse bonum, 1237.  
 sed brevi tempore victurum, & Domini Pauli successorem nominatim ex-  
 pressit; quia omnia rei exitus vera esse probavit, post mortem quoque  
 suam probabilia signa Deus dignatus est per eum operari. Nam etiam  
*Damma* coecam illuminavit, mutam loqui fecit, & quandam per trien- <sup>Plura</sup>  
 nium contractam & decumbentem, liberè fecit ambulare; cui etiam Deum <sup>mirac-</sup>  
 & Sanctum Nicolaum ac alios Sanctos, cum esset paupercula, & necessaria <sup>la patr-</sup>  
 deficerent, invocanti, responsum est crelitus, ut Venerabilem Patrem *Emma-  
*nem* invocaret, quia ipsi collatio sanitatis suae divinitus esset reservata: Et <sup>vic</sup>  
 sic eo invocato sanitatem recepit. Post decessum tam Reverendi Patris &  
 solliciti Pastoris, devota illorum Fratrum congregatio, quam idem Pater  
 Venerabilis in Christo plantavit, & intentà oratione munivit, Domini  
*Sibrandi* Abbatis de *Horto Sancte Mariae*, vices Patris Abbatis, videlicet  
 Domini Pramonstratensis gerentis, pacificè ac humiliter expectavit adven-  
 tum. Qui anno Domini cccc xxxviii. vere inchoante veniens, assumpto 1238.  
 secum Abbate de *Doccum*, in octavà Epiphaniæ Capitulo praefedit, ac ex-  
 hortatione praemissâ, Fratres de concordia monuit, & triplicem formam ele-  
 ctionis secundùm ordinem eis proposuit. Qui sine votorum examinatione  
 ac familiari scrutinio electionem in ipsum Abbatem Dominum Sibrandum,  
 eo quòd esset vir honorabilis & discretus, & locum eundem semper di-  
 legerat, compromiserunt, adjunctis ei tribus Ecclesiae Canonicis, qui in  
 formâ electionis approbatâ in Constitutionibus Domini Innocentii Papae III.  
 procedentes, ceteris interea Fratribus in Capitulo residentibus, Ecclesiam  
 intrantes, Spiritus Sancti gratiâ invocatâ, & collatione invicem habitâ,  
 unanimiter in personam Domini Pauli ejusdem Ecclesiae Supprioris, consen-  
 serunt. Quem cum in Capitulo reversi ad onus suscipiendum nominaf-  
 sent, sine contradictione ab omnibus est acceptatus. Fuit enim vir nobilis  
 & valdè litteratus, juris peritus, sacundiâ & dulcedine linguæ praeditus,  
 & ab adolescentiâ claustrali disciplinâ imbutus. Imponente igitur Cantore  
*Te Deum laudamus*, & campanis concrepantibus in Chorum est deduc-  
 tus, & dictâ debitâ oratione, in stallò Abbatis collocatus. Deindè sit  
 Capitulum reductus professiones Fratrum sine contradictione alicujus rece-  
 pit, ac eodem anno in Ecclesiâ *Floridi-Horti* in die Beati Magni marty-  
 ris, praesentibus Fratribus, à Domino Ludolfo Monasteriensi Episcopo ini-  
 nus inponente, Abbatis Benedictionem accepit. Eodem anno proximâ  
 die post S. Bavonis Festum, consecrata est Ecclesia Sancti Andreæ in *Emes-*  
*stbâ*. Die Callixti data est sententia à Consulis de solutione per duo  
 millia marcarum exponenda in die Beati Martini. Subdiderunt se Fidejuf-  
 sores de quantitate, videlicet de cccc. marcis, quia reliquum fuit ex  
 gratiâ indultum. Et termini solutionis sunt assignati.*

Eodem anno, videlicet anno Domini cccc xxxviii. anno ab inchoa-  
 tione Lateranensis operis tertio, praedictus Abbas veniens in *Hortum Sanctae*  
*Mariae* de consilio Domini *Sibrandi* Abbatis, ibidem conduxit Magistrum  
*Everardum* Lapidariae artis peritum, natione Coloniensem ad novam Ec-  
 clesiam in *Florido-Horto* faciendam, mercede ipsius taxatâ tam hyeme, quam  
 aestate, videlicet ut reciperet praeter victum aetivo tempore addicem vii. Da-  
 ventrienfes, hyemali verò tempore à Festo Martini ad Purificationem tres,  
 & hoc tempore sederet ad secandos lateres, sed satis damnosè propter dies

Pppppp

Plura  
mirac-  
la patr-  
vicEligitur  
sancti-  
for le-  
monaePaulus  
Abbas &  
eugeniusPaulus  
Abbas  
fuit  
novus  
Eccles-  
siam

1238. brevitatē & aëris obscuritatem. Quæ tamen forma conventionis post-modum propter suam & filiorum intolerabilem gulositatem mutata est, ut ad annum reciperet xxiv. libras, & ad diem perciperet duas uncias Groniensium. Idem autem Magister in vigiliâ Assumptionis fundum in atrio Ecclesiæ perterritavit, & statim postea initiatum est fundamentum cum gravissimis laboribus & expensis, quia subito vacillat operis ædificium, cui debile subiacet fundamentum. Apposito igitur lineari perpendiculo Magister est metitus, quàm profunde fodiendum esset fundamentum, ita ut ligna in fundo posita omni tempore haberent aquam, quæ ipsa solet à putredine conservare. Hic autem pendit per aquam, quæ erat in fossato atrii, ita ut illa æqualitas aquæ posset derivari per cuniculos terræ super tignorū superficiem ad duos pedes, cum tamen in illo autumno fuisset siccitas maxima, & sic necesse fuit totum fundamentum fodere ad profunditatem xx. vel xviii. pedum. Præterea ad Occidentem, ubi est major pars ædificii, olim decurrebat amnis, cui nomen erat *Fivole*, ita ut esset ibi portus navium. Qui cum in *Emetâ* esset obstructus & desiccatus, paulatim fimo sterquilinū, & straminibus fuit repletus, & ideo necesse fuit in profundum fodere, ut ad solidum fundum posset perveniri. Effosso igitur fundamento vicissim de caveâ ad caveam posita sunt inferius ligna abiectione adhuc recentia, & succorosa propter securiorem conservationem operis, prima in longum operis, videlicet ad Orientem & Occidentem, & desuper alia in transversum. Quibus cum multâ diligentia collocatis superjecta est terra primo pinguis, & fimsa, pro majori attractione humoris & conservatione lignorum, post-modum sicca, quæ condensata est truncis, accedentibus ad singulos quatuor viris fortibus, quibus lassatis, alii quatuor succedebant, & sic oportebat omni tempore huiusmodi foundationis interesse lxxx. viros, cum essent x. trunci, & vicissitudinalibus commutationibus carere non possent. Quibus pleno robore laborantibus tota villa contremuit, ita ut in vicinis domibus ollæ lacticianorum effunderentur, & ova aucarum (*Anserum*) ex tremore terræ commixta foetus perferre non possent. Cooperabantur autem fideliter cum parochianis ejusdem Ecclesiæ cives de Wakerfum, (a) ita ut ipsi ferè medietatem operis explerent. Et dabatur quotidie laborantibus medietas rotundi panis, & buccella casei ad meridiem, & tres, vel ad minus duæ magnæ stullæ ad bibendum. Et sic in magnâ hilaritate operabantur, & autoritate Domini Episcopi singulis operantibus quinque dies de injunctâ poenitentia indulgebantur. Canonici autem & Conversi fideliter & viriliter cooperabantur. Principales in promotione operis fuerunt, *Andreas* Prior, vir prudens in dulcedine jucunditatis, & vultus arrisione, homines ad operandum optimè alliciens, & Frater *Menko* tunc Vestarius & Cellarius interior, nec-non & parvorum Magister, post-modum verò ejusdem Ecclesiæ Abbas effectus, & Frater *Itatus* Canonicus, & *Sigrepus* Conversus. Hi, quia efficaciores in duabus parochiis poterant habere petitiones, homines ad laborandum convocabant, & sæpè post diurnum laborem & sollicitudinem circa operis ordinationem & promotionem, aliis in vespere tendentibus ad quietem, etiam post occasum solis ostiatim circuibant, petendo, & ad crastinum laborem invigando; sibi & partitionibus parochiarum, prout qualitas operis exigere vices distribuendo. Positio autem fundamenti intra quinquennium fuit consummata, Deo

(a) Fortè *Wiribum*, hodiè Werdum.

gratiam suam apponente, ut essent optima tempora, & frumentum ubique 1238.  
abundaret. Nam ab inceptione fundamenti usque ad tertium annum Eccle-  
siae Floridi-Horti in singulis grangiis partitiones duas vel tres de clibanis  
frumenti poterat intrituratas relinquere anno futuro. Sed statim fundamento  
posito, tempora coeperunt in incremento annonae vilesce-  
re, nam eo anno, cum fuisset siccitas magna ante Festum Joannis Baptistae, postea successit plu-  
via maxima, quae fundamentum Ecclesiae in fine occidentali non modicum  
impedivit, quia saepe terra de die effosa propter ponderositatem, & labili-  
tatem ex pluvia relabebatur, & sic non poterat illa cavea, cum haberet in  
latitudine, quantum ad statum Ecclesiae, plusquam LX. pedes, & in longum  
XL. fatis in fundo effodi, & complanari, nec ligna fatis ad placitum collo-  
cari. Tamen per totam illam caveam ligna fuerunt in fundo collocata, & ad  
parietem finis Ecclesiae duplicata. Fundus vero ad Aquilonem fuit debili-  
or in eadem parte Occidentis, quam ad Austrum, & minus solidus, quia vir-  
gam Geometricam poterant levi labore ad finem imprimere. Unde si forte  
ibi periculum eveniat, ex hoc sciatis evenisse. Non solum autem ex his causis  
finis Occidentalis plus descendit, sed etiam quia Orientalis jam prius fuerat  
ad XX. pedes exaltatus, & sic suum fundamentum fuit jam stabilitum, an-  
tequam aliud inchoaretur. Praeterea quoniam difficile est super aedificare, nisi  
sciatur intentio primi Fundatoris, cum quilibet artifex discretus primo in  
mente disponat materiam sui operis, & diversos diversa juvant, ideo pri-  
mam ordinationem operis hoc loco duximus describendam, ut si posteris  
placuerit super aedificare, ex hoc habeant materiam proficiendi. Primum  
enim erat propositum, ut inter duo brachia Ecclesiae fieret ciborium (a)  
in modum turris, cujus laquearia super tectum Ecclesiae in hujusmodi ope-  
ribus solent extolli, ut fenestras super tectum prominentes chorum illumi-  
nent, ubi tamen volebant campanas conventus suspendi. A latere vero  
ciborii super duas capellas, quae firmissimum habent fundamentum, pro-  
positum erat fieri duas turres minores, & in fine occidentali turrem ma-  
gnam ad campanas parochiae. Quae omnia licet satis essent ad ornatum,  
tamen propter multos labores & expensas, quibus tam Praelati, quam uni-  
versitas Fratrum quasi in fornace tribulationis fuerunt excocti, hoc ad  
praesens praetermiserunt, & posteris, qui labores eorum quasi gratis, &  
utinam non ingrati, erant intraturi, si facultates suppeterent, haec perfi-  
cienda reliquerunt. Perficientibus autem cum inexplicabili difficultate, nam  
opus, sicut evidentia declarat, erat magnum, parietes diversi, Magister  
& operarii omnes summo pretio conducendi, anni durissimi supervenerunt,  
& multi, etiam qui praediis abundabant, coacti sunt terram exire, &  
alimoniam undecumque poterant requirere. Nec hoc praetermittendum,  
quod Dominus Sibrandus Abbas de *Horto Sanctae Mariae* instigabat, ut  
in Sanctuario fierent duo altaria, sicut in Praemonstrato. Et ideo dilata fuit  
Ecclesia ad Orientem, ut largus esset ministrorum circuitus, maxime prop-  
ter pressuram offerentium & communicantium.

Anno Domini CIO CC XL. mortuus est Dominus Sibrandus Abbas Horti 1240.  
S. Mariae, vir in omni populo valde honorabilis, corpore pinguis-  
simus, statura procerus & robustus, ac bene dispositus, satis litteratus, facundus

(a) Tholus, gallice *Dome*, columnis subnixus, fastigium tecti Ecclesiae tran-  
scendens, medius inter Sanctuarium & Chorum.

Mon-  
strandi  
Abbatii  
Horti S.  
Mariae.

1240. in linguâ, & latinâ, & naturali, ingenio subtilissimus, qui Ecclesiam suam cum bonâ magnanimitate à perversis defendit strenuè, quia intus & foris magna suæ personæ habebatur reverentia. Ipse autem Ecclesiam *Floridi-Horti* specialiter dilexit, & in omnibus suis necessitatibus & antequàm esset Abbas, efficaciter promovit. Successit ei Dominus *Jaricbus* ferè octogennarius, qui à primâ infantia in primâ fundatione religioni mancipatus, & satis litteratus, ac bonus prædicator, fuerat Ecclesiæ satis utilis. Sed post electionem statim cœpit corpore ac sensu deficere, & vix duobus annis in officio perstitit Abbat, & renunciavit.

1241. Anno Domini CIO CC XLI. die Dominicâ in Festo S. Michaelis, lunâ xxvii. circâ horam nonam facta est Eclipsis solis, quæ secundum rationes Philosophorum poterat esse naturalis per objectum terræ inter nos & solem. Cum enim sol est in medio zodiaci, & eclipticâ lineâ, & luna accedit ad ipsum, ut reaccendatur, ipsis in eadem lineâ directe convenientibus, sole suprâ & lunâ infrâ, & terra sic utrique in eadem lineâ directè supposita, necessè est lunari objectu nobis solarem subtrahi aspectum. Zodiacus enim circulus continet in latitudine xii. lineas, quarum mediam, quæ vocatur ecliptica, sol tunc perambulat, luna autem per rotam ejus latitudinem vagatur. Unde licet omni mense luna ad solem accedens reaccendatur, non tamen uno semper loco & eadem lineâ directè in eclipticâ lineâ ei supponitur, & ideo non omni mense, vel anno fit Eclipsis. Sol autem in suâ Eclipsi nihilominus lucet, licet nos ejus aspectu fraudemur. Cum verò luna Eclipsim patitur, lumine privatur, quia lumen à se non habet, sed à sole. Cum enim sol est sub terrâ, & luna suprâ terram, vel è contrâ, uterque tamen in Eclipticâ lineâ, terra in eadem lineâ interposita privat lunam lumine, quod à sole contrahit. Et hoc semper circâ plenilunium xiv. vel xv. vel xvi. Sed si luna per aliam quamlibet, præter Eclipticam, ab oppositâ parte feratur, terra ob sui exiguitatem, solare non potest ei lumen adimere, & ideo luna non omni mense patitur Eclipsim. Poterit etiam eadem Eclipsis esse prodigialis, quia circâ idem tempus, decessit Dominus Gregorius Papa IX. qui fuit homo valdè litteratus, & Ecclesiæ sibi creditæ strenuus defensor, qui quinque volumina Decretalium, ob librorum diversitatem & prolixitatem in compendium voluminis unius per Magistrum *Remundum* ordinavit contrahi. Hic *Fretbericum* Imperatorem, Deo & Ecclesiæ inobedientem, & multa signa incredulitatis habentem, & apertius monitum excommunicavit, ac postmodum anathemati subjecit. Post ipsum electus est quidam *Celestinus*, qui post electionem tantum xvi. dies supervixit, & sic Sedes Apostolica sermè per annum vacavit, *Fretberico* Imperatore electionem tam occultè, quàm manifestè impediente, & maxime per quosdam Cardinales, quos in captivitate detinuit, sine quibus electio non poterat celebrari. Et sic accidit illud Propheta, *vidi Israel sicut oves sine pastore*. Utrum autem illa Eclipsis fuerit naturalis, vel prodigialis ei relinquimus, qui dicit, *non est vestrum nosse tempora, vel momenta quæ Pater posuit in suâ potestate*. Et Apostolus: *observatis tempora, & menses, & annos, timeo ne frustra laboraverim in vobis*. *Paradius: De luna gyris & solis sæpè requiris, sed de stellarum scis ratione parum.*

Anno Domini CIO CCXLI. occisus est *Rudolfus*, primogenitus *Egberti* qui fuit Præfectus Villæ Gronientis, & hoc per *Tibzonem* militem & *Rodulfum*

*Adulfum* filium cognatum ejusdem occisi, & per *Gelekonidas* & *Popellinus* 1241.  
confederatos in destructionem prædicti *Egberti* & fratrum suorum. Sed  
aliter quàm æstimatum fuit evenit. Nam *Egbertus* juvenis, cum fratre  
*Godescalco* effugiens, vocatis ad se *Rodulfo* de *Nurech* & *Menzone* ad am-  
nem fratruelibus suis, auxilio militum de *Pedese*, & aliorum, domum  
suam viris & armis munivit. Prædicti autem occisores domum *Menzonis*,  
Ecclesiam Sanctæ *Walburgis*, & alias duas domos occuparunt, & sic ali-  
quandiu pugnantes, plurimos hinc inde occiderunt. Sed plures & melio-  
res ceciderunt de parte *Thibonis* & *Rodulfi*, & tandem eis deficientibus  
ceperunt cedere, & captæ sunt domus eorum, & quædam funditus de-  
structæ, & ferè tota villa igni tradita, quando *Rothgerus* Scultetus & sui  
fratres fuerunt *Thibonis* & *Rodulfi* principales coadjutores. E contrà per  
*Thifonem*, & suos destructum est castrum in *Gronenburch*, quod fuit semi-  
narium totius discordiæ, & domus militum de *Pedese*, videlicet *Adulfi* &  
*Rodulfi* fratrum, & similiter patruelium suorum, ubi & in optimis pomeriis  
& pretiosâ suppellectile multa bona sunt igne consumpta, vel etiam destructa.

Eodem anno circa ad vincula Sancti Petri est electus ad apicem Apo-  
stolica Dignitatis Dominus *Syneboldus* Presbyter Cardinalis, & quia aliis di-  
versa sapientibus, ipse dilexit vivere pacificè ac innocenter, dictus est *Inno-*  
*centius*, quartus in illâ Sede hujus nominis hæres. Is statim post electionem  
suam confirmavit sententiam latam à Domino *Gregorio* Papâ contrâ *Fresbe-*  
*ricum* Imperatorem, propter quod insidias multas, & injurias perpeffus, tan-  
dem Roma secedens secundum illud, *si vos persecuti fuerint in unâ civi-*  
*tate fugite in aliam*. Primò se Januam, unde fuit oriundus, transiit, ac  
post-modum Lugdunum super Rodanum in Burgundiâ secessit, & sic omnia  
jura Papalia Lugdunum sunt translata. Eodem anno Dominus Papa concessit  
(a) Moguntino Primati & Colonienti Archiepiscopo, (*Conrado*) ut ab omni  
Clero suorum Suffraganeorum perciperent quintam omnium proventuum Ec-  
clesiarum, eo quod ipsi viderentur se periculo pro Ecclesiâ contrâ prædi-  
ctum Imperatorem viriliter opponere. Super quo mota est quæstio & dis-  
sensio non modica, quia nec Archiepiscopus *Bremensis*, nec *Trajectensis*,  
nec *Monasteriensis*, nec aliqui Episcopi totius *Alemanniæ*, præter *Leodien-*  
*sem*, & *Osnabrugensem* voluerunt in suis Diocesisibus hanc exactionem ad-  
mittere. Sed pro relaxatione miserunt ad Dominum Papam supplicationes,  
qui nec voluit ad plenum revocare, nec etiam sententias à prædictis Ar-  
chiepiscopis latas confirmare, sapienter expectans, ut medio tempore fie-  
rent amicabiles compositiones, quod & factum est. Nam & prædicti Ar-  
chiepiscopi videntes se non posse ad plenum prosperari, suam mitigaverunt,  
& quod eis singuli Episcopi ex gratiâ appoluerunt, gratanter acceptarunt.

Anno Domini CIO CC XLII. mense Augusto in Inventione S. Stephani 1242.  
Dominus *Paulus*, secundus Abbas *Floridi-Horti*, anno ab obitu Domini  
*Emonis* & suæ successione v. acutissimâ febre correptus de Claustro Soro-  
rum ad Abbatiam est deductus. Sextâ die infirmitatis recepto officio com-  
munionis & inunctionis, cum summâ devotione & multiplicatis correp-  
tionibus, quas singillatim à singulis Sacerdotibus expetivit, sciens sibi ho-  
ram mortis imminere, ad exemplum Domini *Emonis*, de lecto se erigens,

Q999999

(a) Sigefrido 3. Moguntino. De hac concessione nihil habet *Annales Mogun-*  
*tinus*, *Christianus Joannis*.

Electio  
Inno-  
centii  
IV.

Mors  
Pauli 4.  
Abbas  
Horti-  
Floridi.

1242. acceptâ stolâ & baculo, absolvit ab excommunicatione omnes, quos ipse auctoritate ordinariâ seu delegatâ excommunicavit, quoniam omnis excommunicatus à suo excommunicatore est absolvendus, nisi per appellationem ad audientiam superioris fuerit causa devoluta. Quo facto se in lectum recipiens circâ horam nonam in festo S. Ciriaci corâ positus fratribus, & de morte tanti Patris dolentibus, & gementibus, omnibus quæ ad suam salutem, aut Ecclesiæ utilitatem pertinebant sapienter pertractatis, dormivit cum Patribus suis, ac peractis illâ die ac nocte secundum consuetudinem psalmis, sequenti die per Venerabilem Virum Dominum *Hayonem Abbatem de Mer-nâ* a dextro latere Domini Emonis Abbatis, sicut ipse posuivit, in Capitulo est sepultus. Qui mortis suæ quasi præsciis sapius eo anno desideravit sibi complanari, ac poliri operimentum sarcophagi & denigrari, ac à latere Prædecessoris sui collocari. Erat autem hic Pater Venerabilis, in parentelâ nobilis, scientiâ excultus, Juris ac Theologiæ peritus, & in Deo iustus ac fervidus, in sermone jocundus, in omnibus fratribus suis habilis & compositus, in morum honestate præclarus, facundiâ præcipuus, ita ut etiam dulcedinem linguæ suæ mirarentur audientes. Quem etiam Dominus tanquam aurum in fornace probatum multis tribulationibus fatigari permisit, tam ab extraneis, quàm etiam periculis cum falsis fratribus, in quibus viriliter contra hostes visibiles, & invisibiles decertavit. Etiam ubi necessaria erat patientia, quasi naturaliter erat patientissimus, juxta illud Salomonis; *melior est patiens viro forti*. Contra instantes Ecclesiam suam strenuissimus defensor, secundum illud: *ne des alienis honorem tuum*. Cum enim quâdam vice Dominus *Ludolfus* Episcopus Monasteriensis, vir naturali ingenio pollens, instinctu quorundam æmulorum, Ecclesiam *Floridi-Horti* gravare voluisset, & publicè mandasset fidejussoribus super solutione Ecclesiæ in *Emesbâ* datis, non conventui quidquam exponeret, nisi prius ex parte delinens sibi satisficeret. Idem Abbas constanter allegabat ipsum antè obitum absolutionem petivisse, & cautionem de parendo mandatis Ecclesiæ præstitisse, & sic à suo Confessore absolutum in formâ Ecclesiæ, & idcò à Sacramentis Ecclesiæ, & sepulturâ non fuisse excludendum, cum etiam sacrilegis & aliis, qui ad Sedem Apostolicam essent mittendi, in extremis possit & à simplici Sacerdote, & maxime suo Confessore beneficium absolutionis impendi, acceptâ, ut dictum est, cautione, ut pareat mandatis Ecclesiæ, si supervixerit, & sic heredes tenentur ad interesse, nec moriens sic absolutus Sacramentorum & Ecclesiasticâ sepulture habebit aliquem defectum. *ext. de sepultur. Parochiano*. His & aliis allegationibus coegit Episcopum factum suum revocare, & Ecclesiam *Floridi-Horti* ab illâ impetitione liberam denunciare, & nihilominus prædictis fidejussoribus sub poenâ excommunicationis mandare, ut solutionem Ecclesiæ terminis statutis exponerent. Etiam hic præcisè dixit Episcopo, quod nisi Ecclesiam in suo jure paternè defenderet, ei nullam procuracionem impenderet. Et sic Dominus Episcopus, cum esset vir sapiens, & juri Ecclesiastico satis deferens, omnia, quæ contra ipsum Abbatem, vel Ecclesiam suam fuerunt attentata, publicè in Synodo *Loppershem* revocavit.

Defuncto igitur hoc Venerabili Patre, cum Dominus *Elgerus* Abbas *Horti-Sanctæ Mariæ* vices Patris Abbatis, videlicet Domini Præmonstratensis, gerens ivisset in Daniam pro visitatione faciendâ, Prior & Conventus pastore orbatî vocaverunt Priorem *Horti-Sanctæ Mariæ* cum Domino Joanne Abbate de

*Insula Sancta-Maria*, qui eo año missus fuit ad visitationem Circariæ Frisariæ. Quibus venientibus primò ordinatum fuit quoddam arbitrium, sed accedentibus dictis Prælati, ad Capitulum omnes Fratres unanimiter concordaverunt in personam Fratris *Menconis*, qui tunc erat Prior ejusdem loci. Qui post *Te Deum* cum aliis consuetis solemnitatibus percantatum, in Capitulum reduciis professiones omnium fratrum concorditer accedentium recepit. Eadem nocte mortuus est Dominus *Rotbwardus*, Abbas Sancti Bonifacii in *Deckum*, morte subitaneâ in *Florido-Horto*, cum eadem die Missam devotè celebrasset, & ideo de salute talium nullatenus est dubitandum, cum dicatur in Libro Sapientiæ: *justus si morte præoccupatus fueris, in refrigerio eris*, maxime quia idem Abbas, tam in spiritualibus, quàm in temporalibus, Ecclesiâ suam in bono statu conservavit, & in multis emendavit, & in locum illum in optimâ vexit voluntate pro cooperatione pacis & concordie in electione. Recepit autem prædictus Abbas electus administrationem Ecclesiæ *Floridi-Horti* año sexto transitus Domini Enionis fundatoris, & primi Abbatis, in Festo Magni martyris, anno Foundationis ejusdem monasterii xxx. anno ætatis suæ similiter xxx. Professionis xii. Subdiaconatus xi. Diaconatus ix. Sacerdotii vii.

Anno Domini m cc xlv. præsidente Domino Innocentio Papâ iv. Pontificatus ejus anno iii. mense Julio, primâ die mensis, in octavâ Joannis Baptistæ, celebratum est Concilium apud Lugdunum Galliæ, quod est super Rhodanum in Ecclesiâ S. Joannis in pede montis, præsentibus Archiepiscopis & Episcopis fermè trecentis, tribus Patriarchis, Abbatum verò aliorumque Prælatorum Ecclesiæ magnâ multitudine. Ubi cum citatus fuisset Fridericus Imperator, super objectis jam dudum sibi criminibus responsurus, cum non veniret, nec responsum mitteret, protelatum est Concilium ad decem, deinde ad octo dies. Tandem venerunt Magister Thadeus de Soëssa, & Magister Petrus de Vineâ, judices Palatii sui. Et surgens Magister Thadeus, homo statu corporis & pulchritudine, scientiâ & facundiâ præditissimus, verbis conabatur dealbatis ipsum excusare, cum tamen nullam ex parte ipsius cautionem sufficientem offerret. Causæ autem contrâ eum fuerunt principaliter quatuor. Primò arguebatur de ruptâ pace inter ipsum & Ecclesiâ. Secundò de perjurio septemplex, quia fidelitatem, quam juravit D. Innocentio III. in receptione Regni Siciliæ, & D. Honorio in coronatione Imperii, & Gregorio IX. multoties non servavit. Tertiò de hæresi, utpote Clavium Ecclesiæ contemptor, Sarracenorum amator & cohabitator. Quartò de sacrilegio, quia Cardinales capi fecit & vinculari. Aliæ quoque in ipsum causæ allegatæ sunt, nempe quòd de Apuliâ & Sicilia serè omnes Archiepiscopos & Episcopos depulit, & Claustra destruxit, redditus Ecclesiarum & Claustrorum suæ deputans militiæ & avaritiæ, imò Sarracenorum, qui secum erant, procuratióni. Undè assentiente universali Synodo, quomodò ipse se omni honore & dignitate per iniquitates suas reddidit indignum, sententialiter ab Imperio est depositus, & omnes qui ei juramento fideliter fuerunt adstricti, sunt absoluti. Et mandatum est eis, ad quos pertinet electio, ut libere idoneum eligant successorem. Factum est hoc, anno Imperii sui xxv. Regni Jerusalem xxi. Siciliæ xlix. ex quo submersus est avus Fredericus lv. anno enim Domini m c lxxii. Fridericus Imperator corpundus est de persecutione factâ in Alexandrum Papam.

1242.

Menko  
3. Abbas  
Horti-  
Floridi,  
electus  
anno  
1242.  
Mort  
Kotha  
vardi  
Abbat  
in De-  
ckum,  
Ord.  
Pæm.

1243.

Celestia  
tio Con-  
cilio  
Lugdunensis.

1245. Alexander enim tertius in Concilio habito apud Turoniam Fredericum avum ipsius excommunicavit. Qui apud Hizingonem eundem Apostolicum tenebrosis insidiis cum Rege Franciæ capere voluit, sed non perfecit. Anno verò MCLXXVII. quidam de Cardinalibus Sacramentum de satisfactione ab Imperatore receperunt. Quo factò Imperator Venetias venit, & ibi renuntiavit causæ Octaviani Antipapæ, & secundum Canones ab excommunicationis sententiâ, quâ tenebatur, est absolutus coram multis, antè Ecclesiam, B. Marci Evangelistæ, Præfatus Imperator venit ad pedes prædicti Alexandri, & omnem Reverentiam, quam Imperator Apostolicis impendere consuevit, exhibuit. Anno verò MCLXXVIII. Fredericus crucem accepit, & postmodum Iconium obtinuit, & tandem anno MCLXXXV. pervenit ad loca Armeniæ, & ibi specie delectatus torrentis, nudus, transnatare conabatur, ibique diem clausit extremum, mense Augusto, die Dominico. Anno verò MCLXXXIX. obiit Henricus Imperator, filius antiquus Friderici, & Otto in Imperio successit, Regno Sicilia Friderico parvo, commisso. Innocentius enim tertius favorem suum impendit Ottoni contra Philippum Regem, qui pugnabat pro parvo, & coronavit Romæ eundem Ottonem coronâ & sceptro Imperii, qui nimis ingratus benefactori suo Patrimonium S. Petri statim post coronam acceptam invasit, nec pepercit parvo Frederico, sed Apuliam hostiliter accessit, & sic Deum & homines contra se provocavit. Ideoque Summus Pontifex multis præmonitionibus præmissis ipsum excommunicavit. Deinde Barones ab ejus fidelitate absolvit, & sic Imperio perduto mortuus est in Saxoniâ cum signo maxime contritionis, & sic devolutum est Imperium ad Fredericum juvenem.

Henricus  
Landgra-  
vus Thu-  
ringiæ  
eligitur  
Impera-  
tor in lo-  
cum Fri-  
derici.

Eodem anno lectus est ad Imperium D. Henricus Landgravius Thuringiæ, frater mariti S. Elizabeth, vir, ut fama testabatur, per omnia devotus & iudex optimus, qui à D. Papâ est confirmatus, & postmodum apud Francfordiam cum filio Friderici congressum faciens ipsum iugavit & quosdam de suis cepit & occidit. Sed antequam esset coronatus annuente eo, cujus iudicia abissus multa, de medio sublatus est. Fortè quòd Dominus voluit adhuc castigare Ecclesiam, & temptare. Deuter. 13. *Tentat vos Dominus Deus vester, ut palam sciat, utrum diligatis eum*, vel fortè, sicut dicitur Sapient. 4. *Raptus est, ne malitia mutaret intellectum ejus. Placita enim Deo anima illius, propter hoc properavit educere eum de medio iniquitatum.* Eodem anno, à Cathedrâ Sancti Petri, cepit exoriri siccitas, gelu in principio terram constringente, ut facillimè aratris tereretur, & sic labor agricolarum est deminutus, sed circâ Pentecosten pluvia tamen increvit. Quapropter segetes in multâ parte perierunt, & sic eo anno facta est maxima penuria panis, & duravit usque post diluvia illa multiplicia, quæ fuerunt anno Domini CIOCCXLIX.

1246.

Prædica-  
tio Gra-  
cis con-  
tra Fri-  
dericum  
Impera-  
torem.

Anno Domini CIOCCXLVI. exivit Frater Wilbrandus de Ordine Minorum Fratrum anno XII. à prædicatione suâ priori, quando fuit cooperator venerabilis viri Domini Joannis Decani Olnaburgiensis; nunc verò missus fuit à Domino Maguntino Archiepiscopo, cui Dominus Papa speciale super hoc dedit mandatum. Prædicavit autem crucem super Fredericum de Schwaben, quondam Romanorum Imperatorem, & indixit treugas ad quinquennium. Et multi secuti sunt ipsum in prædicationibus, quoniam largas dabat indulgentias, & plurimi crucem receperunt. Sed cito

functi



sunt eum fratres sui dicentes, ipsum fuisse Ordini inobedientem; & ideo non esse audiendum. Quæ dissensio per Prælatos Frisiæ sic est sopita, quod idem *Wilbrandus* iter suum ad Papam acceleraret de omni negotio suo melius certificandum. 1246.

Eodem anno in Festo Lucæ Evangelistæ crescente rabie ventorum aggravata est inundatio salis maris, & sic factum fuit diluvium particulare, & multæ naves fuerunt submersæ, vel contractæ, & homines submersi. Quardam verò ad aggeres appulsæ vix homines conservarunt. In eadem inundatione Abbas *Floridi-Horti* emit navem magnam à civibus de *Lywerth* (a) periculis marinis apud *Spich* (b) appulsam.

Anno Domini c10 cc XLVII. venit quidam de Ordine Minorum Fratrum cum quodam Romano ejusdem Ordinis, dicens se appellari *Reinaldum*, & ostendit litteras Domini Papæ directas ad quendam *Reynoldum*, & quæsit instantè pecuniam truncorum, & deposita Crucis, & legata Cruci in testamento defunctorum, quasi ad usum expensarum Domini Papæ. Sed Dominus *Sicco*, Decanus de *Fermessum*, & Nobiles terræ, pro libertate Frisonum viriliter stantes in faciem ei restiterunt, dicentes, pecuniam illam conservari ad usum pauperum peregrinorum, qui de Frisiâ essent exituri, cum generalis fieret peregrinatio, & sic vacuis crumenis, cum consusione fuit reversus. Postea compertum est Fratribus, quod *Reinaldus* fuit falsarius, & cum illæ litteræ directæ fuissent cuidam *Reynoldo*, ac ipsum mors interceptisset, iste litteras illas qualitercumque arripens, falsum sibi nomen imposuit, ut per illas collectâ pecuniâ, ab Ordine apostataret, vel fortè potiùs favorem Curiae per pecuniæ præsentationem sibi vendicaret. Undè à fratribus suis est captus, & sicut decuit carceri mancipatus. O mirabilis honoris & dignitatum ambitio! quæ sicut *Adam* nudum in paradiso decipit, ita & quosdam ex istis omnibus renuntiantes, & quasi nudos non veretur tentare. Sed quid mirum! non fuit domus ab initio, in quâ *Cain* imitatores suos non habuit. In domo Noë, *Cham* patrem irrisit. In domo *Abrahæ*, *Ismael* *Isaac* illulit. In domo *Isaac*, *Jacob* *Esaü* persequabatur. In domo *Jacob* fuerunt *Simeon* & *Levi* vasa iniquitatis, & *Ruben*, qui cubile Patris ascendit. *Samuel* sanctus, filios genuit perversos, sicut & *Heli*. In domo *David*, *Amon* corruptit *Thamar*, *Abšalon* surrexit contra Patrem. *Josias* etiam bonus & justus, filios habuit nequissimos. Imò *Jesus Christus*, in consolationem nostræ fragilitatis, in suo collegio voluit *Judam* avarum & ambitiosum, imò furem sustinere.

Eodem anno Frater *Wilbrandus* ivit ad Curiam Domini Papæ, & quia multam pecuniam secum detulit nomine Redemptionis Crucis acceptam, & magna in Curia ex parte Frisonum promisit in rebus, & personis subsidia, multam ibi invenit gratiam. Quo existente in Curia, Rex Franciæ, qui jam coeperat se accingere ad peregrinationem in Terram Sanctam, quæ à paganis miserabiliter polluebatur, supplicavit Domino Papæ, ut dirigeret Prædicatores in Frisiâ, qui animarent Frisones ad eundem cum ipso. Et sic negotium illud Fratri *Wilbrando* est commissum. Principaliter tamen Domino

Rrrrrr

(a) Aliàs *Lychtavers* Feverdianæ præfecturæ locus pastorem à *Lidlumi* Abbate excipiens, & in *Leovardiensi* diœcesi situs.

(b) *Spich* vicus *Fivjüngiorum* ad *Amali* ostium.

1247. Alberto Archiepiscopo (a) Livoniæ, Estoniæ, & Prussiæ, fuit commissum, ut ipse in transitu suo per Frisiam prædicationem Fratris Wilbrandi roboraret, & eum defenderet. Venerunt autem post Exaltationem Sanctæ Crucis *Graniſſe*, muniti multis litteris, & autoritatibus dispensationum, nec-non & privilegiis super libertatibus Frisonum. Convocatis ergo ibi Abbatibus, ac aliis Prælati Frisiæ, & juratis, ac Nobilibus Laicis, & maxime Cruce signatis, ostensis litteris suis & autoritate, indixerunt tempus passagii transmarini in Maio proximo, anno futuro, mandantes ut omnes Cruce signati se ad illud tempus præpararent. Sed reclamatum est ab omnibus quòd propter brevitatem temporis, penuriam argenti, & navium incertitudinem, nullo modo possent tam citò præparari, & sic dilatum est usque ad Maium sequentis anni. Sed & tunc propter obsidionem Aquensis Civitatis, ad quam plurimi Frisones iverunt, iter transmarinum est dilatatum, & vota autoritate Domini Papæ commutata.

Eodem anno mortuus est Ludolfus, Episcopus Monasteriensis, vir per omnia pollens ingenio naturali, qui superbiam officialium Ecclesiæ Sancti Pauli potenter ac sapienter repressit, & bona Ecclesiæ viriliter de manibus eorum liberavit, in omnibus actibus suis fortunatus existens. Religiosos ac humiles satis dilexit, ac efficaciter defendit. Obiit autem Episcopatus sui anno xxii. Anno transitus Sancti Ludgeri primi Monasteriensis Episcopi cccc xxxiii. Fuit in ordine Pontificum à Beato Ludgero xxvi. Successit ei Otto, secundus filius Hermannii de Lippia fratris Domini Gerardi Archiepiscopi Bremensis, & Domini Ottonis quondam Trajectensis Episcopi apud Covordiam à Rodulfo & Threntonibus occisi.

Eodem anno, mortuo D. Henrico Lantgravio Thuringiæ, qui fuit electus ad Imperium, & illud strenuè cœpit administrare, missus est à Domino Papâ *Petrus S. Georgii ad velum aureum*, Diaconus Cardinalis Apostolicæ Sedis Legatus, qui veniens Coloniam convocavit omnes Episcopos ac Principes totius Alemanniæ in Festo Michaelis. Qui omnes unanimiter conveniunt, nec deerat aliquis, quin vel per se venisset, vel per certum nuntium, vel per litteras se excusasset, & ratihabitionem misisset, ubi communiter omnibus assentientibus electus est ad apicem Imperii Wilhelmus, Comes Hollandiæ, filius sororis Ducis Brabantiæ, Consobrinus Comitum Gelriæ. Erant autem principales in electione sua cum Legato Domini Papæ, Maguntinus, Treverensis, Colonienſis Archiepiscopi, & Episcopi quamplurimi, cum aliis Principibus, ad quos pertinet electio, sicut dictum est, vel præsentibus, vel per se, vel per litteram excusantibus.

Eodem anno concremata est Ecclesia in Hruerahusum (b), de qua datur Episcopo centum marcarum novorum Monasteriensium, sive Sterlingorum. Oblatae sunt Ecclesiæ in Halwirth (c), & in Bèrum (d), de pugna Ra-

(a) Vide Crantzium l. 7. metrop. c. 14. & l. 7. Vandalizæ de hoc Alberto Archiepiscoporum Livonienſium primo & Episcopatus pridem erecti præfule quinto.

(b) Scribe *Ruoverabusum*, parochia in Hunsingiis, cujus nullum superest vestigium.

(c) Lege *Holwirth*, hodiè *Holwirth*, vicus in orâ serè Amaliæ, lateritiâ turre munitus.

(d) Idem quod Berum, ambæ Ecclesiæ interdicto subjectæ ob cruentam pugnam à Ruperto & Albertidis incensoribus commissam, absolutæ sunt ab Episcopo Monasteriensis, pretio 40. marcarum priùs pæso.

petti & Albertidarum, & habuit Dominus Episcopus ab utroque XL. marcas Monasteriensis monetæ.

Anno Domini CCCCXLVIII. Pontificatus Innocenti Papæ quarti, quinto electionis D. Wihelmi Comitis Hollandiæ ad Romanum Imperium, obfessa est Civitas Aquis (a) ab eodem Rege, præbentibus sibi auxilium D. Petro Cardinali Apostolicæ Sedis Legato, Archiepiscopo Colonienſi, Episcopo Leodiensî, Comite Gelrenſi, Joanne de Avenes, Comite Hannoniæ, & aliis Nobilibus plurimis de Brabantia, Hollandiâ, Zelandiâ & Friſiâ.

Cùmque ferè totâ æstate fuissent obfessi, circa Autumnum supervenerunt Frisones occupantes planitiem campi, versus Aquilonem & Corum, antè introitum Civitatis, quem nemo Principum audebat prius occupare. Aqua etiam ab Oriente obstructa fuit aggere fortissimo benè quadraginta pedum in altitudine, & sic aquæ præclusæ occuparunt ad minùs tertiam partem Civitatis. Undè dicti cives videntes se ex omni parte coarctatos, elegerunt inire pacem, & concordiam cum Rege, & tradere in manus ejus Civitatem. In festo B. Lucæ Evangelistæ ordinata est compositio, & juramento Advocati Civitatis Aquis, & duodecim Nobilium ejusdem Civitatis confirmata. Qui omnes juraverunt servare obedientiam Domino Papæ, nec - non & Ecclesiæ ac Regi fidelitatem, quam aliis Imperatoribus servaverunt. Rex autem voce propriâ affirmavit in verbo Dei, nec-non in verbo Imperiali, quòd formam compositionis ordinatam fideliter servaret, & eos in libertatibus consuetis conservaret, ac roboraret, dummodò ei fidelitatem & obedientiam servarent. Acta sunt hæc die Dominico in Festo Lucæ Evangelistæ.

Licet autem quidam laboraverint primò burſas Frisonum emungere, antequam daretur eis licentia revertendi, tamen consilio & auxilio Abbatis *Floridi-Horti*, (b) qui de Capitulo Præmonstratensi rediit amore compatriotarum in castra diverſerat, & nobilis viri ac fortis & facundi Thitardi de Dokingâ interventum obtentum est à Rege & Cardinali, quòd cum multâ honestate ac gratiarum sunt actione remissi, quoniam ex eo quòd campum, ubi incumbere totum periculum belli, occupaverunt, & Aquis cives tribus vicibus irrumpentes de civitate viriliter represserunt, præ omnibus aliis nationibus specialem consecuti sunt gloriam, ac ideo cum gloriâ sunt remissi. Rex verò in Festo Omnium Sanctorum Coronam Regni Alemanniæ recepit, & eodem die in throno Caroli Imperatoris est inthronisatus, præsentibus duobus Cardinalibus, videlicet Domino Hugone Sabinenſe, & prædicto Petro *ad velum aureum*, Archiepiscopo Colonienſi, & ferè omnibus Episcopis Alemanniæ.

Eodem anno Fredericus quondam Romanorum Imperator apud Parmam, Civitatem Longobardiæ, per potestatem ejusdem Civitatis, auxilio Octaviani Cardinalis & civium Mediolanensium in fugam est conversus, plurimis occisis, vel captis de suo exercitu, castris suis spoliatis ac incensis, & custodes castrorum ducti sunt in captivitatem. Occisus est ibi Magister Tadeus de Soëſſa, judex Palatii Imperatoris, vir magnæ prudentiæ, facundiæ ac pulchritudinis. Eodem anno Conradus filius prædicti Frederici superatus est ab Abbate Sancti Galli, (c) & Episcopo Argentinensi. (d)

Eodem anno Ludovicus, Rex Franciæ, arripuit iter in Terram Sanctam, & apud Marſiliam præcepit sibi præparari centum naves, sed Frederico im-

1248.

(a) Aquisgranum. (b) Menkonis. (c) Bertholdo. (d) Henrico 3.

1248. pediente non habuit nisi medietatem, quarum quælibet poterat capere mille viros, & sic cum L. millibus in Cyprum navigavit, & ibi hyemavit, præcipiens fratri suo Roberto Comiti Atrebatensi, ut sequeretur in vere cum aliis quinquaginta navibus, & sic simul in Terram Sanctam transfretaverunt. Eodem anno Thizo miles de Groninge circa Festum Omnium Sanctorum occisus est à Rodulfo de *Pedese* & suis complicitibus.

Eodem anno seriâ vi. post Octavam Sancti Martini, surgente rabie ventorum satis inmoderata, primùm ab Africo, demùm à Zephiro, postmodùm à Coro & Circio, facta est elevatio maris, & rupti sunt aggeres Oceani, & operuerunt aquæ superficiem terræ, ita ut in *Campo Rosarum*, aggerem plurimis locis supergrediens totam Curiam impleret, & sic dolores & gemitus non modicos suscitavit. In ipsâ maris æstuatione ventus Boream à Circio transiliens, ad Aquilonem se transtulit, & sic in aggeribus versis contrâ Aquilonem & Vulturnum, præter consuetudinem maximum damnum evenit. In ordeo etiam hyemali & tritico, quæ abundantius seminata fuerunt, propter siccitatem æstatis & autumnî, damnum accidit gravissimum. Sed citò rupto aggere mediterraneo juxta fossatum effluxionis aquarum, quod dicitur *Delf*, (\*) aquæ hinc indè sunt diffusæ, maxime ad silvas australes, & maxima pars fuliginis periit. Et sic modicum, imò nihil profuit agger Mediterraneus tanquam ex invidia factus, quia nihil est sapientia, nihil est consilium contrâ Deum, silvæ occidentales, cum non flaret ventus ab oriente, aggere suo conservato, eâ vice evaserunt.

1249. Anno Domini CIOCC XLIX. jam inchoante, anno à diluvio Sanctæ Julianæ LXXXVI. Sancti Nicolai LX. Marcelli xxxi. Lucæ Evangelistæ vi. Luce XIX. in Festo Joannis Evangelistæ, Zephirus contrâ proprietatem suæ lenitatis, borealiter innotans, post vespertas horribiliter increvit, & in tantum circa conticinium invaluit, quod à diebus multis non est tantus fragor ventorum auditus, & ideò domus quamplurimæ tecto sunt nudatæ, Quædam etiam novæ & fortes corruerunt. Et nihil audiebatur ubique nisi dolor & moestitia. Circâ medium autem noctis, visus est splendor in aëre quodammodò scintillans, quem quidam putabant esse fulgur, sed tonitruum non est subssecutum. Quidam autumabant esse draconem, de quo dicit Iliodorus *Estimol*. quod ignea sit natura, & in tempestatibus soleat elevari. Sed cum in calidissimis Ætiopiæ partibus soleat nasci ac habitare, de hoc splendore maluimus humiliter dubitare, quàm temere definire. Illud tamen intelleximus, quod ubicumque visus fuit per totam Frisiam, cuilibet videbatur, quod quasi ad jactum balistæ à se distaret, & in terram descenderet. In primo galli cantu Zephiro successit Circius, qui est collateralis Boreæ ad occidentem, ac sic æstuatio maris irrupit aggeres, & inundatio operuit terram, & erat ubique dolor & gemitus, eo quod Dominus flagella sic multiplicaret. Sed tamen Pater misericordiarum, & Deus totius consolationis, qui irascitur & misereatur, iram suam inter ipsa flagella mitigavit, nam si Circius Zephiro paulò antè in plenâ maris effusione successisset, & in tantâ vehementiâ persistisset, Frisia vix substitisset. Sed Dominus, qui & ventis imperat & mari, & obediunt ei, qui ambulat super pennis ventorum, ipse ventum in occidente retinuit, donec jam instaret tempus, ut Charibdis aquas suas

(\*) *Delf* ille portus maritimus in ora Amistæ positus, munitionibus cinctus.

suas reciperet. Unde poterant dicere mortales: *nisi quod Dominus adiecit me, paulo minus periissem.* Jeremias etiam; *sunt misericordiae Domini quod non sumus consumpti.* Et in Psalmo: *non secundum peccata nostra fecit nobis.* In his omnibus non est averſus furor ejus, ſed adhuc manus ejus extenta. Nam ſicut dicit Beatus Greg. *Non ceſſant flagella divina juſtitiæ, quamdium non ceſſant actiones culpæ.* Adhuc enim quidam evaſerant, qui aliis jam punitis inſultarent, ſicut ſecerunt vicinæ gentes in vaſtatione Judææ per Nabogodonofor, donec & ipſæ vaſtabantur. In craſtino ergo Blatii, vigiliâ Agatæ Virginis ſeria v. increvit ventus horribiliter primum à Zephîro, poſt-modum à Circio, & iterum elevatum eſt mare, & ſupergreſſum aggeres terram implevit, & ſic inſtante Circio jugiter per triduum, ſingulis diebus naturaliter effudit ſe Oceanus. Nec tam inmaniter elevabatur, quâ domus in maritimis poſſent ſubſiſtere, & idè non ſunt tanti ſubmerſi, ſicut olim in diluvio Sancti Marcelli, quin unâ effluſione nimis intemperatâ ſe quaſi totum effudit, & multos in maritimis oppreſſit. Modo autem ut Dominus ubique ut plagam quaſi æquâ lance communicavit, ſtatim ut prior effluſio niaris per diverſa terrarum ſpatia ſuit diviſa, alia ſecunda, Oceanus naturam ac principaliter Dei ordinationem ſubſequens, & aggeres conſtractos faciliſter tranſiens, non ſolum per loca maritima exſpatriabatur, ſed etiam interiora ſpatia terrarum penetravit, & tunc agger Occidentalis, qui dicitur novus, ſuit interruptus, quia ix. influxiones continuatæ fuerunt. Et quia plaga circa extremam partem hyemis accidit, aquæ toriens augmentatæ tardè deſluerunt, & in humilioribus locis vix circa Feſtum Sancti Ludgeri terra fuit arabilis, & tunc ex quâdam vi falſuginis & matutino gelu terram conſtringente ſuit terra valdè ſolubilis, & videbatur pinguis, delectabanturque agricolæ in facilitate laboris, ex tali ſolubilitate terræ, & ſerè ubique locorum plus ſolitò ſeminatum eſt. O cæcitas & ignorantia humani generis! quia de ſua præſumens ſcientiâ, & ſubtilitate incidit in laqueum quem tetendit. Si enim minùs aratum & ſeminatum eſſet, ipſum ſemen ad ſuſtentationem hominum non modicam utilitatem conſervaret, & jumenta laboribus fatigata, modicum pretium ſolverent. Quibus ſi in Vere parciſſimum eſſet, ex ipſorum pretio, & ſeminibus perditis ad ſuſtentationem hominum non modicum profuiſſet. Cœpit autem ſemen terræ commiſſum prima ſolia pulchrè oſtendere, ſed natura aruit, quia non habebat humorem vegetantem, ſed potiùs ſua falſugine arefaciente, quia quò magis Sol incalſcebat, eò magis falſugo ad ſuperficiem terræ trahebatur, & ſic homines ad augmentum flagellationis ſuæ ſemen & laborem perdidērunt. Quidam etiam propter defectum graminum pecora in Threntiam, & quocumque poterant pro alimonia miſerunt, ex quibus ad augmentum flagellationis plurima mortua ſunt, & non fuit locus, quo quiſquam flagellum Dei evaderet, ſecundum illud; *Si aſcendero in Cælum, tu ibi es, ſi deſcendero in infernum ades &c.* In ſilvis autem & aliis locis, ubi propter locorum eminentiam ſiligo per falſam aquam non poterat attingi, aliud acceſſit flagellum. In agris enim, eorum paſcuis falſugine inſectis, quaſi nulla ſuerunt gramina, nec tœnum in pratis, & ſic miſera pecora terram corruptam cum radicibus evulſerunt, & ſerè in illis locis omnia mortua ſunt. Et ſic nulla pars Friſiæ tum à flagellis libera.

Anno Domini ccccl. ſimiliter prior pars æſtatis ſuit nimis licca, & peſtilentia animalium increvit, & ſerè omnia pecora ſilvanorum, quæ ſuerunt

1250. priori anno residua, vel ex novò aliis jam mortuis empta, moriebantur, & in calore æstivo corpora mortuorum animalium computrescebant, & fuit ibi fœtor intolerabilis, de quo etiam homines corrumpebantur, quia ut dicit Galenus, plus inficit aër corruptus, quàm etiam cibi corrupti. Alia etiam pestis in silvis, in homines confurrexit, quòd quædam gutta venenosa oriebatur inter carnem & cutem, primo ad quantitatem glandis quercinæ, & credebant homines esse punctionem alicujus venenosi volatilis. Sed qui diligentius examinabant dixerunt, quòd aliquot diebus, antequàm erumperet, poterant sentire distemperantiam, quæ quasi deambulabat per corpus quærens sibi exitum, & sæpius circa collum super scapulas erupit. Cui autem citò abscedebatur primo die, & locus ferro adurebatur, poterat convalescere. Alioquin infra VII. dies moriebatur, vix paucis indè convalescentibus sine Chirurgiâ, fortè ex corrupto aère, vel aliquâ venenosâ materiâ. In his, qui habebant humores corruptioni habiles, in calore ad exteriora trahebatur, quia calor est attractivus, & maximè sibi similia attrahit, quod est naturale omni creatura. Ecclef. 13. *Omnis homo sibi simili associabitur.* Ecclef. 27. *Volatilia ad sui similia conveniunt.* Dicit autem Galenus, quòd aër corruptus plus nocet, quàm cibi corrupti. Utrùm autem hæc pestis fuerit ex aère corrupto de cadaveribus pecorum in silvis putrescentibus ad solem, vel cibis corruptis, vel quod credibilis est, ex divino flagello, Deo relinquimus, cujus judicium est summa causa omnium causarum. De tali pestilentia animalium dicit Virgilius in Georgicis, quòd olim in Venetiâ & Illirico, ex corrupto aère piscium & serpentium, qui in quadam inundatione super terram manentes, ex calore solis corrupti, aërem corruerunt, orta est pestilentia pecorum. De Illirico dicit:

*Hic quondam morbo cæli miseranda coorta est  
 Tempestas, totoque autumnus incanduit æstu:  
 Et genus omne neci pecudum dedit, omne ferarum,  
 Corruptique lacus, infecit pabula tabo.  
 Nec via mortis erat simplex, sed ubi ignea venit  
 Omnibus aëta sitis, miseros adduxerat artus,  
 Rursus abundabat fluidus liquor, omniaque in se  
 Ossâ minutatum morbo collapsa trahabat.  
 Jam maris immensi prolem & genus omne natantum  
 Littore in extremo seu naufraga corpora fluitus  
 Proluit: insolita fugiunt in flamma phoca.  
 Interit & curvis frustra defensa latebris  
 Viscera, & attonitis quamvis astantibus hydræ.  
 Ipsis est aër avibus non æquus, & illa  
 Precipites alta vitam sub nube relinquunt.  
 Præterea nec jam mutari pabula refert,  
 Quasistaque nocent artes, cessere magistri.  
 Balatu pecorum, & crebris mugitibus \* aër,  
 Arentesque sonans ripa, collesque supinus,  
 In stabulis turpi dilapsa cadavera tabo:  
 Donec humo tegere ac foveis abscondere disunt.  
 Nam neque erat corvis usus, nec viscera quisquam  
 Aut undis abolere potest, aut vincere flammâ,  
 Nec tondere quidem morbo illuvieque peresa  
 Vellera, nec tales possunt attingere putres.  
 Verùm etiam invisos si quis tentaret amulus,*

\* Editiones jam habent amplex.

*Ardenter pabula atque immundus sletitia sudor  
Membra sequebatur, nec longo deinde morantur  
Tempore contactus artus facies ignis edebat.*

1250.

Hæc autem idè interposuimus, ut si, quod absit, unquam in futuris temporibus talis pestilentia ingruerit, maximè tempore æstivo, corpora talia profundo terræ insodiantur, ne aërem corrumpant, & hominibus ac pecotibus pestem inferant.

Eodem anno Dominus Innocentius Papa Lugduno Romam reversus est. Eodem anno cum Frisones tam graviter essent flagellati, Gronienses eis quasi insultabant, & pretium annonæ, quam de aliis terris navigiis advehebant, sine misericordiâ aggravabant. Sed ecce aliud vix ipsis accidit. Nam cum Conradus de Groninge, & Rodulfus milites de *Pedese*, & eorum complices, ac major pars Gronensium vicinis Frisonibus multas inferrent injurias, & nundinas equorum in pace consuetas non servarent, imò meliores equos pro placito suo sibi tollerent, ac etiam Nobiles de *Fivelganiâ* captivassent, & *Hunesgonibus* multa inferrent damna & incommoda, tandem *Fivelgones* & *Hunesgones*, cum pro insulâ *Utsbusensium* xxii. annis discordassent, pacem ultrò inter se ordinaverunt, quasi Deo destructionem Gronensium procurante. Et hæc facta sunt mediante Domino Siccone Decano de *Fermesum*, viro sacundo, & secularibus negotiis idoneo, cum aliis vitis discretis, religiosis, ac secularibus, ut tamdiu pertractata & sanguine multorum aggravata terminaretur hoc modo, ut quarta pars cederet *Ernerensibus* (a), qui primo medietatem sibi usurpare volebant, reliquæ tres *Utsbusensibus* & omnes occisi hinc inde à capitalibus utriusque partis solverentur. Fuerunt autem à parte *Fivelgonum* occisi setè centum viri. Ab alterâ parte totidem, præter octodecim. Redemptiones captivitatum restitutæ, & hæ à capitalibus hinc inde, non ab illis qui receperunt. Pro spoliis manifestis & incendiis *Ernerenses* dederunt *Fivelgonibus*, & eorum capitalibus, scilicet *Utsbusensibus*, xxiv. millia marcarum, motetæ *Fivelgonensis*, *Utsbusenses* *Hunesgonibus* nongentas marcas. Spolia vestium, armorum, & omnia vulnera præter mutilationem sex membrorum, propter Deum & bonum pacis dimissa sunt. Pace igitur inter eos ordinatâ, illis tamen nondum finaliter terminatis, concurrerunt omnes quasi populus unus, ut invaderent Groningenses, & post audacter invadentes Castrum *Gronenburch* destruxerunt, quod erat contrâ illos de *Frentawaldâ* principaliter ædificatum in litore *Hunse*, ipsâ *Hunse* in quodam circulo ipsum castrum fere totum cingente, & putabatur multis & maximè vicinis non modicùm nocitutum. Postmodum Groningam obsederunt, sed propter humilitatem autumnii & aeris intemperiem hoc anno non profecerunt.

Anno Domini cccc li. post Pascha *Fivelgones* & *Hunesgones* foedera sua datis obsidibus innovantes, adjuncis sibi Menternensibus, Groningam obsederunt. Et quidam vallum transeuntes per scalas cœperunt ascendere, & eos vitiliter impugnare, qui tamen Saxi & balistis se diu defenderunt, sperantes Frisones secundum consuetudinem suam citò ad propria reversuros, sed ipsis in obsidione serè ad quatuor hebdomadas perseverantibus, Groningenses timentes ne, si bello caperetur civitas, nimia fieret strages,

(a) Id est incolis *Eneri*, quod est vicus apud *Hunsingios* turrin habens spectabilem instar *Phari*.

1251.

1251. se in manibus hostium tradiderunt, eo pacto, ut destruerentur muri, & domus lapideæ humiliarentur usque ad cellaria, Mercatores ibi cum omnibus rebus suis liberè manerent, milites salvis corporibus & rebus exirent, nunquam ibi stabilem mansionem habituri. Et sic muri pro majori parte fuerunt destructi, & domus humiliata. Et milites ad illum annum ultra Coverdiam, ubi poterant habitabant. Munitio etiam in *Pedese* (a) destructa est.

Eodem anno mortuus est Fredericus quondam Romanorum Imperator, anno depositionis suæ ab Imperio vi. & quantum in se fuit Conrado filio suo Imperium commisit, cuius mater fuit filia Joannis Regis Acaron, & sic jure hereditario debuit succedere in rebus maritimis, transmarinis in Asia. Qui statim exemplo Patris violenter occupat Siciliam, Apuliam, Calabriam, & loca vicina. Fautores D. Papæ etiam in Tusciâ infestabat, sed tamen Romam non pervenit. Eodem anno flagellatus est in domo suâ miserabiliter Magister Gerbrandus de Ingaldum, homo multâ subtilitatis, literaturæ, & summæ facundiæ, per Elculium & suos complices.

1252. Anno Domini ciccclii. milites de Groninga in autumnio in primâ aurorâ quibusdam consilium addentibus in villam Groningæ prorumpentes, Hermannum Buchel occiderunt confidentem in pace, tibi, mediante Episcopo Trajectensi, juramento firmata, & Geliconidas multis spoliis, & injuriis affecerunt, quia totam causam destructionis civitatis eis imposuerunt, dicentes eos vicinas terras commovisse, & tempore obsidionis, non, sicut poterant, restitisse. Unde interim conturbati *Fivelgones* & *Hunefgones*, collecto exercitu eos invadere voluerunt. Sed ipsi considerantes se non sufficere ad resistendum, gratiæ se commiserunt. Et Conradus in *Hunefgoniam*, Egbertus in *Fivelgoniam* se obsides tradiderunt, eo pacto, quod absque conditione parerent ipsorum ordinationi. Eodem anno mortuus est Dominus Ropertus, Decanus de *Lopershem*, recepto habitu religionis ab Abbate *Floridi-Horti*, & restitutus omnibus, quæ injustè acceperat. Mortuus est etiam *Menko*, Abbas de *Rip*, juris peritus, & honestæ scientiæ, morte subitanæ.

1253. Anno Domini cicccliii. milites de Groningâ falsis promissionibus de locis, ubi obsides erant, evadentes, & collectis viribus Groningam venientes in Claustrum Minorum Fratrum se receperunt, & tam Claustrium, quam domos vicinas lapideas munientes, Geliconidas in Ecclesiâ S. Martini, Walburgis, Nicolai impugnabant. Tunc *Fivelgones* commonentes *Hunefgones* de fide datâ in auxilium eos vocabant. Sed ipsi inter se dissentientes non venerunt, & sic soli *Fivelgones* prædictos milites, & eorum coadjutores quam plurimos viriliter invaserunt, & die ac nocte impugnantés ad deditionem compulerunt, quibusdam tamen hinc inde prius occisis, & sic recepti sunt obsides Adolphus de *Pedese*, Egbertus de Groninge milites, cum tribus aliis, ac in *Fivelgoniam* deducti. Conradus autem subtiliter se prius de bello subtraxerat, sciens sanguinem suum plus quam alium desiderari. Cum ergo prædicti obsides ad aliquot dies in liberâ custodiâ mansissent, hæc occisorum & vulnerati conclamabant, ut arctiori custodiæ manciparentur, donec omnibus læsis satisfacerent. Et sic ingravescente tumultu puli

(a) Vulgò *Peyse* Trentiæ vicus arce munitus.



puli *Appenzadomme* juxta turrim in superiori domate in trunco sunt reclusi, & ibi ad sex hebdomadas manserunt, donec præstarent sufficientes cautiones, quod omnibus læsis satisfacerent, & sic ad propria sunt reversi.

Anno CIOCCXLIV. migravit Dominus Innocentius Papa IV. cum pro defensione Ecclesiæ à Frederico, & filio suo Conrado, ac fautoribus eorum, multas sustinuisset tribulationes. Successit Octavianus Cardinalis Diaconus Sanctæ Mariæ in viâ latâ, & dictus est Alexander IV. Eodem anno obiit Conradus filius Frederici quondam Imperatoris, & intromisit se de Regno Siciliæ, Apuliæ, Calabriæ, Mainfridus filius Frederici naturalis, quem genuit de filiâ cujusdam Comitis non legitimâ. Iste plus patre & fratre studuit deservire in Ecclesiâ & fautores Domini Papæ, & copulatis sibi Sarracenis, quasdam civitates in prædictis regionibus funditus evertit. Eodem anno *Eneşgones* versi sunt in seditionem, *Federşgones* contra *Huşşenses*, qui dicuntur *Heneşştan*, & cum eis ferè omnes Frisones orientales. Nam *Federşgones* sibi contöderaverunt parochiam de *Hinte* cum suis adjacentibus, & de *Sibetatesumbechte* & *Evesumbechte*. Insuper attraxerunt sibi *Nordenşes* à parte alterâ, & *Reydenşes* ab alterâ, ut *Huşşenses* & *Brokmannos* penitus destruerent. Sed illi *Harlingos* contra *Nordenşes* sibi attrahentes, & superiores *Eneşşgones*, contra *Reydenşes* se viriliter defenderrunt. Et tunc effossa fuit obstructio aquæ *Gent*, quæ dicta fuit *Caldameresdam*, Contra *Brokmanni* per immisionem aquarum multa damna sunt perpeffi.

Anno Domini CIOCCLV. Conradus & Nepos suus cum quibusdam strenuis sociis, noctu de *Padapale* venientes, audaciâ inauditâ se periculo subijcientes, per scalas Ecclesiâ Sancti Marrini superius ascendentes, diluculo per colear descendentes, ac strictis gladiis super incautos irruentes novem viros occiderunt, & interim reliqui per fenestras, & ubicumque poterant, desilierunt. Et sic omnes res & jumenta, quæ fuerant in Ecclesiâ, & multa vasa vini ex novo ablata militibus ad usus suos cesserunt, & exindè largas habuerunt expensas. Tandem advenientibus militibus de *Binechum*, videlicet *Stephago*, & fratre suo, & aliis duobus ad pacem sunt redacti in tali formâ, quod super homicidiis, spoliis, & aliis damnis, nulla hinc indè fieret exaëtio. Insuper communes cives bonum pacis affectantes, omnia damna partibus indulserunt.

Anno Domini CIOCCLVI. Dominus Willelmus, Rex Romanorum, à quibusdam militibus suis irritatus, surrexit contra Frisones extremos versus occidentem, qui dicuntur *Westlingi*, & æstivo tempore novem parochias obtinuit, & ibi Castrum edificavit in locis arenosis, & equitibus instruxit. Sed cum reliquam partem terræ propter aquosiratem & fossata non posset obtinere, hyemali tempore, cum essent aquæ congelatæ & meabiles, agmine confusus equestri, interiora terræ illius super glacies confidenter adivit, & cum Frisones pedestri agmine occurrerent, militibus Regis glacie minimè credentibus, & ideo fugientibus, sub pedibus equi Regis glacie fractâ, ipse comprehensus est, & agnitione ac proditione cujusdam occultè terræ in fossus est. Electus fuit ad Imperium Dominus Richardus, Comes & frater Regis Angliæ, qui cum pecuniam copiosè D. Conrado Archiepiscopo Colonæ, & aliis Principibus Alemanniæ distribuisset, nihil proficiens ad propria est reversus.

1257. Anno Domini CIOCCLVII. initiatus fuit novus agger in *Soude*, & satis fuit firmatus, sed cum non esset satis exaltatus, crescente nimis Oceano denuò antè Festum Gereonis *Fivela* fuit irrupta, quæ anno eodem, videlicet in æstate instanti, fuit reparata. Sed illa irruptio, quæ fuit in aggere Thitardi *Juldelenga*, non potuit stabiliri.

1259. Anno Domini CIOCCCLIX. mortuus est Otto Monasteriensis Episcopus, natione Lippenfis. Successit Dominus Willelmus, nepos Domini Ludolfi Episcopi. Eodem anno consecrata est Ecclesia *Floridi-Horti* à Domino Christiano, Lecowienfi Episcopo, vigiliâ nativitatis Beatæ Virginis, præsentè Domino Willelmo electo Monasteriensis Ecclesiæ, cum Summo altari, & Sancti Viti, quod est in medio Ecclesiæ. Sequenti die, in Festo Beatæ Virginis, consecrata sunt alia quinque altaria. Eodem anno ipsa Ecclesia cum altaribus, & suis ornatis, quatuor novis calicibus, fenestris, testudinibus, & cæteris necessariis, non sine maximis laboribus, & expensis, temporibus D. Pauli Abbatis fundata: Anno verò XVI. officii D. Menconis Abbatis per suam servidam & laboriosam promotionem perfectâ, & decoratâ, ac dedicatâ: cum, ut præostensum est, essent tempora durissima propter frequentes inundationes falsi maris, & omnia necessaria, essent in summo pretio. Dedicatâ est autem Ecclesia anno à primâ fundatione Claustrî, & transitus Fratrum in *Floridum-Hortum* XLVI. Eodem anno manifesto flagello Dei per terræ motum ac fulmina, & tonitruum, Civitates quædam Italiz in majori parte sunt destructæ, cum essent prius admonitz per quemdam Episcopum, ut de peccatis suis pœnitentiam agerent, & vitam suam emendarent. Sed illi non sicut Ninivitz pœnitentiam egerunt, quin imò sicut Sodomitz in peccatis suis persisterunt. Et ideò apud *Trapanam* (a) civitatem, mons, in cuius pede Civitas posita erat, terræ motu scissus fuit, & pars ejus super ædificia ejus corruit, ita ut peregrinis nostris non invenirentur domus ad hospitandum in Civitate, sed in temore manserint. Messana, est nobilissima Civitas Siciliz, quæ vulgò dicitur *Messin*, fulmine succensa fuit superius, & inferius à terræ motu consumpta. Tertia verò civitas post *Trapanam* & *Messanam*, fuit *Anekoni*, similiter terræ motu destructa. Quarta *Mentalion*. Quinta ad *Sanctum Antonium*. Sexta *Mons Marinus*. Septima *Castellum Paganorum*. Octava *Milleflore*. Nona *Quilian*. Decima *Marigetz*.

Eodem anno Dominus Henricus (b) Episcopus Trajectensis, propter exactionem pecuniz ultrâ consuetudinem, cum *Threntonibus* quatuor parochias de *Threntawalda* armatâ manu voluit invadere, sed cum obento introitu silvæ quasi victores exultarent, & jam quatuor domos igni tradidissent, accurrentibus vicinis Frisonibus & ipsis civibus, Threntones in fugam versi sunt, & viginti occisi, centum secundum latinam computationem fugientes in *Huneja* sunt submersi, & plurimi vulnerati, & turpiter dearmati, vel etiam nudati, & quidam captivati.

1260. Anno Domini CIOCCCLX. talis Littera fuit à partibus transmarinis transmissa: „ Illustribus Regibus, Principibus, Venerabilibus Archiepiscopis, Episcopis, Abbatibus, & aliis Ecclesiarum Prælati, ac Nobilibus Viri,

Epistola  
Episcopi  
Bethleem  
mit. de  
flara  
Terre  
Sanctæ,

(a) Lege *Trapanum*.

(b) Henricus de Vianda, Comitis Viandenfis filius, ex Colonienfi Archidiacono fit Episcopus Trajectensis, postquam Goswinus dignitatem abdicasset an. 1250.

Comitibus, Baronibus, Militibus, Universis præsentēs litteras inspecturis, 1260.  
 Frater Thomas de Ordine Prædicatorum, Miseratione Divinā Beth'leemitanus Episcopus, in partibus transmarinis Apostolicæ Sedis Legatus, Salutem in Filio Virginis glorioſæ, qui in Bethleem naſci dignatus eſt. Tribulationes Civitatum partium orientalium, quas paſſæ ſunt, non ſolū ex longinquo, ſed ex vicino, quaſi poſt parietem audientes deſecimus. Timor & hebetudo mentis cecidit ſuper nos, & ſuper filios noſtros. Quis enim, o Viri Catholici! non videt, non ſolū illam, ſed illas Civitates quamplurimas & muniſſimas ex terræ finibus ad ſe uſque ab aquilone ſuccenſas, videns manum Domini duriffimam, & inflexibilem tam ſollicitè, tam attentè, tamque continuè in totius ſerè orbis excidium vigilantem; Veremur enim ac Jeremiæ verbum ad iſtarum partium incolas extendatur, dicentis; Ecce populus venit de terrâ Aquilonis, gens magna, conſurgens de finibus terræ, ſagittam & ſcutum arripens, crudelis eſt, & non miſerebitur. Audivimus ſamam ejus, diſſolutæ ſunt manus noſtræ. Nec mirum, quia ex tribus nobis unum formidamus inſtare, ut vel Terram Sanctam deſertam & ſolitariam relinquamus, vel tradamur in manus, non ſolū ſanguinem ſitientium, ſed etiam in hoc delicias ſuis ponentium, ut vel eorum gladio conſumamur, vel exponamur ſervituri perpetuè infidelium, & non miſerentium dominorum, qui nec die nec nocte dant requiem ſervis ſuis. Nam Tartari, potiùs nominandi Tartarci, gens eſſeta, gens immitis, ſerè totam Orientalem plagam indeſeſſâ ſalce metentes, poſtquàm Baldach (meliùs *Balbec*) Civitatem famoſam, locum Regium, & Caput præcipuum paganorum ſuo dominio ſubjugarunt, expoſitis in ore gladii cum Caliphâ eorum omnibus ſerè habitantibus in eadem, è veſtigio omnes conſequenter Civitates, & Regna uſque ad *Halapiam*, conterrentes, demùm *Halapiam* infrâ quindenam per ſuam violentiam occuparunt, divitiis & honoribus abundantem, & eam, per fraudem, non per vim obtinuerunt, per inhabitantes callidè ſibi traditam, & apertam, occiſis cunctis viventibus in eâ. Tandem Caſtrum ipſi civitati annexum, quod fuit firmiſſimum, ſimiliter propter quaſdam inhabitantium diſcordias ſubintraverunt, in quo theſauros repeterunt quam plurimos cum lapidibus pretioſis. Quibus ſublatis Caſtrum ſubverterunt, & Civitatem per circuitum diruerunt. Quod videntes ceteri Regni illius nobiliores, ſcilicet Soldanus de *Ruſſiâ*, Soldanus de *Camollâ*, Dominus de *Hambac*, & Dominus de *Amon*, & alii quamplures venerunt ad eum, & pedibus provoluti facti ſunt ei obedientes. Soldanus verò *Damaſci* trium regnorum Dominus, ab eorum facie fugiens, terram dimiſit, & major pars populi ſui ab eo receſſit, & ad auxilium Babiloniorum conſugit. Sed omnes Civitates Sarracenorum Regi Tartarorum claves cum nunciis miſerunt, ejus dominio ſe ſubmittentes, ut ſic atrocitatem ſuam placarent. Non-nulli verò Sarracenorum, quos fides catholica Chriſticolis inimicos conſtituit Capitaes, cum uxoribus, & filiis, & ſupelleſtilibus ad maritima conſugunt, & Chriſtianorum manibus velut aves, quas inſequitur accipiter, ſe committunt. Plures verò fugam ad Babilonios ineuntes, quod incredibile eſt auditu, ſe contractis viribus velut attoniti per prærupta montium, & per ſparſa camporum diſpergebant, ſic quòd parentes filiorum obliti, frater ſororis, maritus uxoris, dimiſſis ſpoliis, aut per viam projectis, ſolam vitam ſalvare, conculcatis in itinere debilibus & infirmis, ſauagebant. Videte ergò ſi Tartarorum nomen con-

1260. „ venit his, qui id agunt, vel quia ad tartara pertrahuntur, vel quia tarta-  
 „ reis satellitibus in omnibus concordant, vel à *Tartariffis*, quod in græco  
 „ sonat tremere vel horrere. Procul dubio enim sunt horribiles & tremendi.  
 „ Inebriant enim terram sanguine, & humum adipe pinguescunt, quia dies  
 „ ultionis Domini, & annus retributionis venit. Et si non sufficiunt ista ad  
 „ doloris cumulum & terroris, Antiochena Civitas prius de victoriâ despe-  
 „ rans quàm perveniret ad bellum, cum toto principatu suo, eorum obedit  
 „ voluntati. Princeps autem Antiochenus cum terrâ *Tripolitana* incredibili  
 „ tremore contractus, Antiochenorum vestigia est securus. Itaque aliis uni-  
 „ versis jugo se Tartarorum subjicientibus, aliis attonitis, & quasi stupidis  
 „ ad terrorem fulminis ex Dei judicio fulgurantis, sola Civitas *Aconensis*  
 „ & *Tyrus* cum castris domorum templi, & hospitalis, & Teutonicorum,  
 „ quæ Fratres domorum prædictarum pro viribus muniverunt, ad tantum  
 „ & tantorum confictum se præparant sustinendum, die noctuque fossatis,  
 „ machinis, & aliis instrumentis bellicis præparandis continue insistant.  
 „ Sed cum jam existente periculo non in incerto timeamus, licet cum la-  
 „ crimis & suspiriis paucæ reliquæ fidelium Provinciæ Cismarinæ de die  
 „ in diem tot & tantorum hostium imperum præstolantur, non tamen om-  
 „ ninò deijcitur in Dei auxilio confidentes, & post Deum in vestro fe-  
 „ stinato subsidio totam ponentes fiduciam spei nostræ, velut in singulari  
 „ refugio, & consueto præsidio populi Cismariui. Et etiam idem Rex  
 „ Tartarorum nobis litteras blasphemiarum plenas in Deum viventem inau-  
 „ ditæ superbiæ destinavit, & verè dicere possumus, dies hic est tribula-  
 „ tionis & angustiarum; & ideo eas expandimus voces coràm Deo vivo, di-  
 „ centes unanimiter & orantes: Domine Deus noster, tu fecisti cælum &  
 „ terram, inclina aurem tuam, & audi omnia verba Regis Tartarorum, qui  
 „ misit, ut exprobraret nobis Deum viventem, dicens posse tuum esse in  
 „ cœlis Mangohan, non verò in terris. Nunc ergo Domine Deus, salvos  
 „ nos fac de manu ipsius, ut sciant omnia regna terræ, quòd tu es Do-  
 „ minus Deus solus. Nihilominus etiam expandimus coràm vobis, qui estis  
 „ pugnatore præcipui Dei vivi, ut tantis auditis blasphemiarum vos zelus  
 „ Dei ad vindictam accendat, & ad Terræ Sanctæ defensionem inflammet,  
 „ & ad succursum provocet sanguinis populi Christiani. Non putetis, o  
 „ viri Christianissimi! quòd ut animam vestram tantum liberetis vos Domi-  
 „ nus viros præcellentes ordinavit, & Principes, sed ut tali tempore in cli-  
 „ peum & defensionem vos Dominus præpararit. Propterea ad vestræ pie-  
 „ tatis gremium fufis lacrymis post Deum præcipue in tanta necessitatis  
 „ articulo recurrentes, quantum possumus supplicamus, ut ad defensionem  
 „ Terræ Sanctæ, ubi Dominus noster Jesus Christus nasci ac mori digna-  
 „ tus est pro nobis, ubi nostram operatus fuit salutem, pro quâ tanto la-  
 „ boravit tempore universitas populi Christiani, cum studio omnique solli-  
 „ citudine intendatis, nec patiamini, sicut infideles intendunt, nomen Do-  
 „ mini Jesu in partibus Orientis deleri, & oblivioni mandari, sed potius  
 „ exurgat velut gens inclita, apprehendat arma & scutum, & exurgat in  
 „ adiutorium Terræ Sanctæ cum robore & vigore, ita quòd in ætate præfenti  
 „ sui succursus remedio valeat recreari, donec tandem cum Regibus & Princi-  
 „ pibus de subsidio Terræ Sanctæ altius disponat, & ad tot tantorumque ho-  
 „ stium resistantiam invincibiliter animetur. Valeat universitas vestra in Do-  
 „ mino. Datum Acon. Cal. Martii. Pontificatus Domini Alexandri Papæ IV.  
 „ Anno vi. Indictione iii. (1257. Item

Item alia Epistola: „Fratres Thomas de Ordine Prædicatorum, Do-  
 „minici præsepî & virginalis puerperii Custos indignus, Apostolicæ Sedis  
 „Legatus, Discretis viris universis præpositis, & aliarum Ecclesiarum Recto-  
 „ribus Frisiz in Christo charissimis, Salutem in Filio Virginis gloriosæ, qui  
 „in Bethleem nasci dignatus est. Licet locorum intervalla, & personarum  
 „distantia nimia nos disjungat, tamen in quantum possumus, & divina  
 „gratia subministrat, libenter Provinciæ vestræ habitatoribus providemus,  
 „& ipsorum animarum periculis obviamus. Attendentes siquidem ex ac-  
 „cessu mulierum Frisiz ad has partes præ devotione, vel subsidio Terræ  
 „Sanctæ, pro locorum nimia distantia, & permultis aliis casibus, qui  
 „offerunt se in viâ, multa pericula provenire, cum contingat frequen-  
 „tius, instante humani generis inimico, quod cum aliquibus earum, prout  
 „fertur, adulteria & fornicationes à peregrinis gravia, dum iter faciunt,  
 „committantur, universitati vestræ consulimus, attentius vos monentes,  
 „quatenus omnes & singulas mulieres vestræ Provinciæ, quæ causâ devo-  
 „tionis, vel quâcumque aliâ de causâ, assumpserunt olim, vel assument  
 „de cætero signum Crucis, universi & singuli in suis parochiis monea-  
 „tis attentius, & inducere procuretis, ut pro causis prædictis partes non  
 „visitent Cismarinas, sed quod in viâ debebant expendere, vobis assign-  
 „nent, vel alicui fideli à vobis super hoc constituto, per fidelem nun-  
 „tium ad partes istas mittendum pro subsidio Terræ Sanctæ, vel aliquem,  
 „vel aliquos bonos viros, dictæ mulieres de dictâ conducant pecuniâ, loco  
 „earum mittendos pro subsidio memorato. Illos autem, quos vobis con-  
 „stituerit à x. annis, & suprà, Crucis signaculum recepisse, attentè monere &  
 „inducere procuretis, ut exequantur votum crucis, vel redimant se à la-  
 „boribus ex causis legitimis excusantibus. Quibus omnibus prædictis mu-  
 „lieribus, & aliis prædicto modo excusandis, ex nunc autoritate nobis ab  
 „Apostolicâ Sede tributâ, illam indulgemus suorum veniam peccatorum, quam  
 „obtinerent, si Terram Sanctam visitassent. Datum Acon. &c.

Emissis autem præscriptis litteris *Hullebum*, Frater summi Regis Tartar-  
 totum, per quosdam nuntios didicit fratrem suum *Mangocan*, qui super om-  
 nes Tartaros regnaverat, universæ carnis debitum persolvit, sperans se do-  
 minium suscepturum, ulterius non processit. Veruntamen magnam reliquit  
 partem exercitus ad custodiendas terras, quas expugnaverat, & præcepit  
 omnes destruere munitiones. Postea venit idem exercitus in Terram Sanctam,  
 & Castra juxta Jordanem fluvium est metatus, & tùm temporis tradita est  
 eis Damascus cum omnibus munitionibus, sicut *Masbele*, & *Belmas*, &  
*Aschilon*, & *Psaltus*, & cætera Castra Sarracenorum. Et non solum Sarra-  
 cenis, verum etiam Christianis fecerunt multa incommoda & partialitatis  
 fraudulentas. Civitatem quoque *Sidoniam* destruxerunt, in quâ Christianos  
 plurimos occiderunt. Quibus auditis Soldanus Babilonis, anno Domini  
 ciro cc. lx. mense Augusto imminente, cum omni exercitu de partibus Ægypti  
 egrediens, cum eis congressus est in terrâ Canaan, eosque vicit viriliter &  
 potenter. In quo conspectu ibidem de Tartaris lx. millia ceciderunt, cæteri  
 fugerunt. Dein cum Soldanus Babiloniam redire deberet, à quibusdam suis  
 Ammiralibus est occisus, & alium Soldanum, prout intelleximus, elegerunt,  
 virum ignobilem, virtutibus vacuum, cæterisque maleficiis criminofum.  
 Quod patet ex eo, quod non multò post suam electionem, nobiliores, ut

Vvvvvv

1260. dicitur, occidit Ammirales. Infuper Bajulos fuos Regno fuperpofuit *Damasceno*, *Jerufalem* quoque ac Sepulchrum Domini in fuam redegit potestatem, expulſis Surianis & aliis habitatoribus.

Hic libet pauliſper intueri, quomodò eſt Dominus in paganis; quos curare non videtur, imò projecit à ſe, quia ipſi ab eo receſſerunt. *Ezech. Non affligam te ultra, quoniam projecit te.* Tamen in eis etiam complet quod dicitur *Genef. 20. Ego ſum Deus tuus fortis, Zelotes, viſitans iniquitates Parentum in filios uſque in tertiam & quartam generationem eorum, qui me oderunt.* Duo autem fuerunt fratres, Salatinus & Saphatinus, qui Dominum ſuum Regem Ægypti occiderunt, & Regnum Ægypti poſſederunt, & poſtmodum Dominum de *Baldach*, quæ eſt Civitas maxima, habens dominium ſuper omnes Sarracenos, ſicut Roma ſuper omnes Chriſtianos, occiderunt. Undè & ejus dominium, ſicut totam Aſiam, ulque ad Indiam obtinuerunt. Iſte Saladinus coepit Jeruſalem anno Domini *CIO CC LXXXII.* capſis & expulſis Chriſtianis, & muros deſtruxit, præter templum & turrim David, & multas crudelitates exercuit contra Chriſtianos. Idcirco ſua crudelitas non fuit à Domino tolerata, nam eo mortuo, frater ſuus Saphatinus *xv.* filios ſuos occidit præter unum, qui Regnum *Halapie* obtinuit, & ſic Saphatinus adhuc vivens filiis ſuis *vii.* Regna Aſiæ diviſit, qui nunc in quartâ generatione, ſicut patres eorum Dominis ſuis ſecerant, à ſuis ſervis receperunt, quia & Rex Ægypti, & Rex Damafci, uterque à ſuis officialibus ſunt occiſi, & ſervus Regis Ægypti & Babylonis Regnum ipſum poſſedit, & Regnum Damafci Bajulo contradidit. Sicut olim Baltaſar fuit quartus à Nabugodonofor, qui à Dario & Cyro fuit occiſus, ſicut prædixerat. *Iſa. x. Ve Aſſur virga furoris mei.* Item *13. Ecce Babilon illa glorioſa, in regnâ inclita, ſicut ſubvertit Dominus Sodomam & Gomorram, ſic non habitabitur in perpetuum, ſed requieſcent ibi beſtiæ, & replebuntur domus draconibus, habitabunt ibi Strutiones, & pilofi ſaltabunt ibi.* Similiter Nero fuit quartus poſt Auguſtum, qui Imperium perdidit, & ſeipſum cultello occidit. Et poſtea tranſiit Imperium ad Veſpaſianum, qui erat de aliâ generatione, & ſucceſſit filius ſuus Titus, & poſt eum Domitianus. frater Titi, qui propter ſuam nequitiam in tertiâ generatione Regnum perdidit. Quamò magis timere debent Chriſtiani, quòd res malè acquiſitæ non ſtabilientur. *Non roborabitur hoc quod eſt impietate.*

- 1261.

Anno Domini *CIO CC LXI.* mortuus eſt Dominus Conradus Archiepiſcopus Coloniënſis, qui erat in omnibus agendis vir magnanimus, & Eccleſiæ ſuæ defenſor ſtrenuus, qui Duces Brabantæ & de Limburgh, & Comites de Juliaco, & de Cleve, & de Monte potenter humiliavit, & Eccleſiam Colonienſem exaltavit, & ditavit. Succceſſit Dominus Engelbertus de Falkenberg (a) Frater Comitis. Eodem anno conſummatum fuit fundamentum Eccleſiæ in *Campo Roſarum*, & ipſa Eccleſia inſtrâ triennium in muris ædificata. Eodem anno Dominus Carolus Frater Regis Franciæ à Romanis in Senatorem eſt electus.

- 1262.

Anno Domini *CIO CC LXII.* inundatione magnâ invaleſcente & vento impellente vehementiſſimo, multæ domus corruerunt, & campanæ in *Worum* cum omni ſuo instrumento loco motum eſt. Conventus Occidentalis

(a) San. Marthani ſelluntur qui ad annum 1272. exordia Epifcopatûs Engelberti rejecerunt.

totus corruit, & pars tignorū in *Campo Rosarum* de lignea Ecclesiā corruit, & erat terræ motus, ita ut altaria parieti inharrentia vitibiliter moverentur, & Oceanus vehementer commotus aggeres infregerit, & aquæ falsæ superficiem terræ operuerunt, sic ut aqua per diem & noctem irrumpere, donec ferventissimo labore omnium Fratrum *Floridi-Horti*, & totius Parochiæ, & Civium de *Waltersum*, spatium aquæ-ductus lignis infixis, & straminibus cum terrâ interjectis, fuit obstructum, & in vigilia Purificationis exaleatum & firmatum. Quia verò terra fuit dulci aquâ satiata, salugo eam infecit, sed fruges sequentis æstatis competenter fuerunt prosperatæ.

Anno Domini *cio cclxiii*. transivit Dominus Alexander Papa IV. in illo nomine. Successit Dominus Urbanus, qui fuit Patriarcha Jerosolimitanus, cum tamen vacasset Sedes serè ad duos menses, propter dilationem Cardinalium.

Anno Domini *cio cclxv*. transivit Dominus Urbanus Papa, hî creditur dolo Principis Meinfredi veneno infectus. Successit Clemens IV.

Anno Domini *cio cclxvi*. feriâ sextâ post festum Mathiæ collectis hinc inde exercitibus quam-plurimis occisus est Meinfredus, Frederici Imperatoris Filius naturalis, à Domino Carolo Fratre Regis (*Ludovici IX.*) Franciæ, Senatore Romanorum, & Comite Andegaveni quem Dominus Papa jam declaravit Regem Siciliæ, Ducem Apuliæ, ac Principem Calabriæ, nec-non & Campaniæ, habito congressu belli juxta Beneventum, quamplurimis Sarracenis, Teutonicis, & aliis diversarum nationum populis, cum eo interemptis. Et sic Dominus Carolus Siciliam & prædictas terras potenter intravit, & ab indigenis satis honestè fuit receptus, quia tyrannidem Meinfredi & Sarracenorum, quibus terras illas repleverat, exemplo patris, exosam habuerunt. Sicque prædictus Carolus thesaurus auri & argenti, quos Fredericus & Conradus in munitissimis locis deposuerant, omnes obtinuit.

Eodem anno feriâ secundâ post Ascensionem Domini, Abbas & Conventus *Floridi-Horti*, cum *Soudensibus*, & aliis consortibus, novum aggerem viriliter aggressi, eadem ætate in multâ firmitate ac altitudine compleverunt. Eodem anno Dominus Geraldus Episcopus Monasteriensis Castrum *Fretbeburc* ædificavit contrâ cives de *Esketorp*, & eorum complices. Eodem anno destructum est Castrum in *Eletbe*, quod filii Rodgerii Sculteti *Tbrentiæ* & fratruales eorum cœperant ædificare, & propter hoc paulò post occisi fuerunt filii Adulfi de *Pedese*, eo quòd ipsi cum Geraldo *Clinke*, adjutorio Domini Henrici Trajectensis Episcopi, principaliter destruxerunt Castrum prædictum. Eodem anno in Festo duorum Euvaldorum, pridie antè Festum Francisci, nova Ecclesia in *Campo Rosarum* est aspersa in testudinibus, fenestris, Choro Sororum, & omnibus ornatibus perfecta, anno inquam à sui fundatione v. à primâ fundatione ipsius Claustri *Lxii*. quod fundatum fuit Clausrum anno Domini *cic cc iv*. Anno verò ab inchoatione *Floridi-Horti* *Liii*. quod inchoatum fuit anno Domini *cio cclxiii*. A fundatione verò novæ Ecclesiæ in *Florido-Horto* *xxviii*. à Consummatione & Dedicatione ejusdem Ecclesiæ, nec-non & Ecclesiæ in *Emetba* *vii*. Consummata verò fuit dicta Ecclesia *Floridi-Horti* in tecto, testudinibus, fenestris, & omni suo ornatu, & cum novis calicibus decorata. Fundata quidem tempore Domini Pauli secundi Abbatis, sed serè abundantius cum omni ornatu suo consummata tempore Domini Menkonis, tertii Abbatis Ecclesiæ supradictæ.

1267.

Anno Domini CIOCC LXVII. anno à diluvio Sancti Marcelli inchoante quinquagesimo, cum ventus per aliquot dies per Norhum & Africum mare concitasset, subito inter crepusculum & conticinium Africo successit crudelis Circius vehementi afflatu. & per plurimas Frisiz partes Oceanus aggeres infringens diluvium induxit. Sola verò *Fivelgonia* ab hac plagâ suit libera, fortè quia suos aggeres plus aliis Frisonibus exaltavit, vel potius quia pauperes de diversis terris illuc confluentes, eleemosinis & hospitibus benignius pertractabat, & potissimum quia jam ad XII. annos, vel ultrâ, per iudices eorum & alios potentes bonam servabat iustitiam, & æquum facit iudicium divitibus & potentibus, ac pauperibus, plurimum ad hoc studentibus & efficaciter cooperantibus honestis Frisiz civibus laicis Enelgero de *Skiranne*, Riperto de *Northensum*, Tamnone Pugile de *Aldeſum*, Consilium principaliter addente Abbate *Floridi-Hott*, cujus consilio dicti laici, & alii nobiles satis terræ acquievere. Inundatio autem ista facta fuit, ut dictum est, anno L. inchoante, à famosa plagâ diluvii, quæ fuit in nocte Sancti Marcelli, & eadem seriâ, scilicet quarta, & serè eodem lunatione, quia tunc erat luna 27. nunc verò 28. & serè eodem die Paschæ, quia tunc erat dies Paschæ 7. idus Aprilis. Nec te moveat si fortè aliqui scriptores Cronicorum posuerunt famosum diluvium Marcelli fuisse anno Domini CIOCC XVIII. alii XIX. quia isti incepterunt annum à nativitate Domini, quo in carne apparuit, alii ab annuntiatione, quo scilicet in utero Virginis carnem assumpsit, & is erat annus XVIII. citò finiendus. A senioribus autem probatum fuit in libro experientiz quòd natura Oceani est, ut anno L. plus solito elevetur. Undè cum olim à diluvio Julianæ, usque ad diluvium Marcelli fuissent anni LX. eò amplius & crudelius sæviebat. Hæc autem consideratio laicorum seniorum aliquo modo concordat rationi Phyllicorum, qui dicunt quinquagesimo anno, proprietatem planetarum aliquam habere mutationem. Et secundum hoc dicitur, quòd Abraham peritus in Astronomiâ quinquagesimum annum Jubilæum constituit, & annum Jubilæum Dominus in lege Moyſi confirmavit. Credibile autem est, quòd quia Frisia inter omnes nationes Christianorum decimas & primitias non solvit, plagam Oceani tolerare, quoniam Deo denegatur, secundum quod in Psalmo dicitur: *posuit terræ fructum, & salvus manet habitans in eâ*. Qui autem decimas dant, quadruplo remunerantur, scilicet abundantia fructuum, sanitate corporis, indulgentiâ peccatorum, & cum regno cælorum. August. *Si decimam dederis, non solum abundantia perfrueris, sed sanitatem corporis consequeris*. Item: *qui premium cælestè comparare, atque indulgentiam peccatorum suorum vult promereri, reddat decimam, & de IX. partibus studeat unam dare*. Undè Dominus per Malachiam III. *Vos configitis me in decimis & primitiis*. August. *Hæc est iustissima Dei consuetudo, ut si decimam Deo non dederis, tu ad decimam, quando corrupta est deducaris*. Item: *Dabis impio militi, quid non vis dare Sacerdoti. Deus enim qui dignatur totum dare, decimam vult à nobis recipere, non sibi, sed vobis profuturam*. August. *Decima requiruntur ex debito, & sæpè tollit scilicet, quod non accipit Christus*. Et sic contigit sæpè in Frisiâ, quod non datur Christo, tollit Oceanus.

1268.

Anno CIOCC LXVIII. captus fuit Archiepiscopus Coloniensis à Comite Juliacensi, & Simon Episcopus Paderburgensis (a) à Domino Gerardo, Episcopo Monasteriensi,

(a) Simon Comes de Lippia, Bernardi successor, annis præfuit viginti tribus testè Crantzio, sed belli & captivitatis indè secutæ non meminit.

Sola Frisia à decimarum solutione immunis.



Monasteriensis, qui collecto exercitu invaserunt terram prædicti Comitis, 1268. cum Comite de Falkenburgh, qui fuit frater carnalis Domini Archiepiscopi Colonienfis, & aliis multis Principibus, ac Nobilibus, quorum pluri cum eis capti fuerunt, congregatis contra eos Episcopis Leodiensibus, Monasteriensibus, & electo Traiectensibus, Comite Gelrensis, & multis aliis nobilibus præbentibus Comiti de Juliaco auxilium, qui tamen deberet esse officialis Ecclesiæ Colonienfis, sed semper fuit inimicus, & ideo D. Colonienfis Archiepiscopus tunc terram suam incendiis vastavit.

Eodem anno dedicata fuit Ecclesia in *Campo Rosarum* per Venerabilem virum D. Edmundum, Episcopum Tutenensem, (a) qui fuit de Ordine Militum Teutonicorum, quia Dominus Episcopus Monasteriensis, licet esset in Frisiâ, tamen propter captivitatem prædicti Episcopi Paderburnensis officio suo nonungebatur, non quod sententia iudicis in eum fuerit prolata, sed quia omnis sacrilegium in Ecclesiasticas personas committens, ipso jure est excommunicatus, & maximè in Episcopos & Sacerdotes. Consecrata est autem Ecclesia in crastino Nativitatis Beatæ Virginis ad honorem ejusdem S. Virginis.

Dedicatio Ecclesiæ Comiti Rosarum.

Eodem anno captus est Fredericus, dictus Cortadinus à Contrado patre, per Carolum Regem Apuliæ ac Siciliæ. Iste Fredericus genitus fuit à Frederico primo de *Staph*, qui cum esset Dux Sueviæ primus de parentela illâ ad Imperium fuit sublimatus. Cui in quodam rivulo (b) submerso in Syriâ, successit filius suus Henricus, qui octavo anno imperii mortuus est, & quia Fredericus filius suus puer erat, electus fuit ad imperium Otto frater Ducis de Brunefwick, cui avunculus suus Rex Angliæ dedit Ducatum Pictaviæ. Quo mortuo octavo anno imperii sui, traditum fuit imperium prædicto juveni Frederico, qui propter timorem Ottonis viventis, missus fuit ad Sarracenos transmarinos, & ne præsumeretur nobilis esse, diversas artes Mechanicas addidit, velut sutoriam & tabricatoriam in auto & omni genere metallorum. Mortuo autem Ottone revocatus, ut dictum est, imperium obtinuit. Et heu! mores gentilium, quos apud eos didicit, ac idololatriam & consortia eorum nimis diligens, Ecclesiam in tantum persequabatur, quod à Domino Gregorio IX. sæpius excommunicatus, tandem ab Innocentio IV. apud Lugdunum fuit finaliter depositus. Quo mortuo, Conradus quem de filiâ Joannis (c) Regis Ierosolimitani genuerat, Regnum Siciliæ & Ducatum Apuliæ violenter sibi usurpavit, & Dominum Papam, ac Ecclesiam multipliciter inquietavit. Unde & cum Dominus de medio sustulit. Cujus filius fuit iste Fredericus, qui similiter sicut pater & avus per inobedientiam, quod est scelus idololatriæ, claves Ecclesiæ contempsit, ac Siciliam & prædictas terras violenter occupavit, cum à temporibus Constantini Imperatoris, qui primus inter Imperatores per Silvestrum Papam baptizatus (d) verus fuit Christianus, & prædictas terras Domino Papæ, ac Cardinalibus & eorum Officialibus liberè donavit, ut essent

Xxxxx

(a) Nullum hujus nominis Episcopum lego in serie Archiepiscopulorum Tutenensium.

(b) Cydno Ciliciæ flumine Tarsum præterfluente, in quo pridem Alexander magnus se lavans, viæ periculum subiit.

(c) Comitibus Brenensis.

(d) Inveteratum errorem, tum circa baptismum, tum circa donationes Constantini, hauserat autor à vulgi fabulâ, dudum invalescente.

1268. quasi speciale patrimonium Sancti Petri, & de Regno, vel aliquo Dominio se nemo ibi intromitteret, sed de manu Domini Papæ reciperet, cum consensu Cardinalium in feodum, & fidelitatem Ecclesiæ Romanæ juraret. Quod quia Imperatores de parentela non servaverunt supradicta, imò omnes terras istas violenter occupaverunt, videlicet Regnum Siciliæ, ac Ducatum Apuliæ, & Principatum Capuæ, ac Calabriæ, & Beneventi, ideò in tertiâ generatione medius Fredericus fuit ab imperio depositus, & post quartam in isto juvene Frederico, qui fuit quintus, nomen illius parentelæ, quasi penitus abolitum, quia in linea ab avo descendente; nullus hæres est inventus, ut etiam in eis satis sit impletum, quod dixit Dominus Gen. 20. *Ego Dominus Deus tuus fortis, zelotes, visitans iniquitates parentum in filios, usque in tertiam & quartam generationem, qui me oderunt.*

Eodem anno apud Coloniam occisus fuit Comes de *Falkenburg*, frater Domini Archiepiscopi Colonienfis, quia Civitatem occulte intraverat, ut faceret vindictam contrâ quosdam nobiles burgenfes, qui dicebantur fovere partes Comitiss Juliacensis in Archiepiscopi captivitate ac detentione. Eodem anno Ludovicus Rex Franciæ recepit Crucem in Terram Sanctam, anno à priori suâ peregrinatione xx. Item D. Papa Clemens per litteras suas omnes Christianos in auxilium peregrinationis dicti Regis invitavit, & ipse Rex per litteras suas, specialiter Frisones in consortium suum invitavit, ac sic per Frisiâ ubique Crux prædicabatur, sed præcipue per Fratrem *Herardum*, qui Claustrum Majorum Fratrum, seu Jacobitarum in *Norden* fundavit. Ponebantur etiam trunci in singulis Ecclesiis, quos potius gazophilacia dicere possumus, ad quæ singulis Dominicis Festisque diebus sicbant oblationes, & indulgebantur offerentibus quinque dies panis & aquæ, & plurimi nobiles, & divites, ac pauperes signum Crucis receperunt. Significavit etiam supradictus Rex per prudentem virum Dominum *Gerbrandum*, Abbatem de *Doctum*, sequenti anno post illum se in Maio exiturum, & antè Iestum B. Joannis Baptistæ ad *Aquas-mortuas* de portu eodem in Terram Sanctam Domino annuente navigaturum, cum Regibus & Principibus & Episcopis sibi adhaerentibus.

1269. Anno Domini c10ccLXIX. navibus & peregrinis per totam Frisiâ paratis, ne penuria victualium & pecuniæ tantum negotium valeret impedire, primum in *Fivelgoniâ*, & postmodum per alias Frisiæ partes fuit ordinatum, ut potius pauciores proficiscerentur omnibus necessariis expediti, quam multitudo nimia & indigens, quæ citò reverti cogeretur propter defectum necessariorum, vel Terram Sanctam potius aggravare, quam in bellis adjuvare. Idcirco sic fuit ordinatum, quod singuli peregrini ad minus haberent vii. marcas sterlingorum, & vestes, & arma necessaria, sex cados butyri, unam pernam de carnibus porcinis, & unum latus bovis & dimidium, modium seu duos quadrantes farinæ. Omnibus ergo paratis, feriâ quintâ in hebdomadâ Paschæ naves solemniter per Missam & alias orationes benedictas intraverunt peregrini cum multâ devotione, & multæ offensæ de homicidiis, mediante cruce tuerunt indultæ. Cumque prospero vento usque *Borkna Emselgonum* venissent, vento contrario impedito, serè ad viginti dies ibi sunt retardati. Exierunt de Frisiâ L. Cogones (a) de Fivelgoniâ spe-

(a) *Cogones*, navigii genus in formam conchæ, gallicè *Caque*.

cialiter quatuor, omnes hæc quinquaginta naves circa Ascensionem Domini in portu Flandriæ, qui dicitur *Stein*, fuerunt congregatæ (a), & ibi à Comitissâ Flandriæ (b) & suis officialibus honorificè suscepti per aliquod tempus demorati sunt, instrumenta nautica, & alia necessaria innovantes, ac suppletes. Deindè procedentes, licet quandoque per tempestatem navibus divisîs, tandem *Marfiliam* venerunt, quæ vicina est portui ad *Aquas-Mortuas*. Sed Regem Franciæ cum suo comitatu non comprehenderunt, quia ipse per litteras suas promiserat usque-ad Festum S. Joannis Baptiste se adventum Frisonum expectaturum, & tunc iis non venientibus itinere suo ad Terram Sanctam procedere properabat. Sed medio tempore recepit litteras à Domino Carolo Rege fratre suo, quod Soldanus Babiloniæ misisset exercitum suum in Africam adversus *Tunisium*, quo cum Africanos in itinere impugnaret, & quod illo exercitu apud *Tunisium*, expugnato, faciliter Ægyptum intraret, & Babiloniæ Regem expugnaret, quod etiam cum equestri agmine, de Africâ possit intrâ quatuor dies in Ægyptum pervenire. Præterea per quosdam Prædicatores recepit litteras, quod Rex *Tunisi*, jam Catholicam fidem recepisset, & paratus esset hoc publicè confiteri, & baptismum recipere, si posset à Christianis contrâ proprios subditos descendere. Iis causis inductus Rex Franciæ in Africam transivit, cum tribus Regibus, & aliis multis Principibus, qui eum comitabantur, & circa littora *Tunisi*, ubi fuit antiqua Carthago, castra posuit. Est autem nunc *Tunisium* Metropolis totius Africæ, loco Carthaginis magnæ, sed longius à litore maris ædificatum. Quia inter *Tunisium* & litus maris apparent adhuc quædam vestigiâ murorum antiquæ Carthaginis olim à Scipione Africano destructæ, qui ab eventu nomen accepit, quia Africanos vicit, & Carthaginem quam olim Didus de Tyro veniens ædificavit, destruxit. Ibi præfatus Rex cum Principibus, & universo exercitu, ut prædictum est, litus ascendens statim cum paganis bellum commisit. Rex autem Babilonis, qui est Dominus totius Asiæ, præter Indiam & Armeniam, ut prædictum est, miserat exercitum suum in auxilium Africanorum, malens ibi cum Africanis progressum peregrinorum impedire, quam in terrâ suâ cum eis dimicare. Inito ergo bello Dominus inopinabiliter contra innumerabilem populum paganorum Regi Franciæ & suis comperegrinis dedit victoriam, & ceciderunt de exercitu paganorum ferè quinque millia, reliquis in fugam conversis, & in civitatem se recipientibus, paucissimis de exercitu Christianorum occisis. Postea Christiani obsederunt Civitatem, quæ dicitur Carthago passva, non longè à *Tuniso* in litore maris positam & eam obtinuerunt, quibusdam civibus inde fugientibus, aliis verò occisis. Invenierunt autem Christiani non modicum fermenti in puteis absconditum, & etiam terræ infusum, relictis verò ibi militibus, qui civitatem contra paganos defenderent, Rex Franciæ cum exercitu iterum planitiem campi inter *Tunisium* & litus maris occupavit, & ibi posuit castra. Sed aqua falsa & arenosa multos ibidem corripit, & ad mortem perduxit. Tanta enim ibi est falsitas maris, quod accedente calore, qui est ibi maximus, aquæ in salem coalescunt, & vicinus fundus in-

(a) Portum in Flandriâ hoc vocatum nomine nullum invenio, est equidem oppidum in Flandriâ dictum *Steinvorde* in Castellaniâ Montis-Casselli, sed nec portum offert, nec *Stein* præcisè dicitur.

(b) Margaretâ.

1269. dē falescit. Præterea de cadaveribus non solum equorum, sed & hominum occisorum & submerforum, ex multo calore putrescentium, aer corrumpebatur, & multi peregrinorum moriebantur, quia secundum Galenum, aer corruptus quandoque plus nocet, quam cibi corrupti. In qua corruptione Dominus Ludovicus Rex Franciæ auctor totius peregrinationis, & unus filiorum suorum (a) defunctus est. Huic autem Regi Ludovico ab omnibus perhibebatur testimonium, quod in hac malitiâ temporum solus inter Principes sæculi, inventus fuerit iustus, & crucis Christi amulator, & inimicorum crucis persecutor, quippe qui non solum modò, sed & antè xx. annos in magno exercitu, & gravissimis expensis ad Terram Sanctam profectus *Damietam* forti manu obtinuit, expugnato prius in littore maris exercitu Regis Babiloniæ, & plurimis paganorum occisis, sed postea fratre suo Roberto Comite Arrebatenſe occiso à Rege Babiloniæ, dum ipse sine consilio fratris, montes ad pugnandum transisset, & ipse in auxilium fratris, quem adhuc vivere putabat, properaret, in descensu montis fuit captus, & sic pro suâ liberatione *Damietam* restituit, addito non modico pondere auri & argenti. Sed Rex Babilonis *Damietam* sic receptam funditus destruxit, ne iterum à Christianis caperetur, & esset eis in refugium, & obſidionem Regni sui. Rex autem Franciæ *Acon* Civitatem novis muris munivit, & in multis roboravit, & tandem expensis exhaustus, & fratre cum multis militibus occiso, ad patriam revertens, ibi iudicem suum reliquit cum expensis pro defensione Civitatis & Ecclesiæ transmarinæ, promittens se Deo auxiliante reverſurum cum majori apparatu exercitus & largioribus expensis. Quod & fecisset, si non fuisset apud *Tunisium* morte præventus. Unde merito cum Apostolo possumus cum admiratione clamare, sicut dicitur Rom. xi. *O altitudo sapientiæ & scientiæ Dei, quam incomprehensibilia sunt opera Dei, & investigabiles viæ ejus! quis enim novit sensum Domini, aut quis consiliarius ejus fuit?* Verùm Ecclesia non fuit tali Principe digna, sicut olim in diebus Jeremiæ, Josias Rex iustissimus, qui excelsa abstulit, & cultum Dei renovavit, & tamen pro defensione pacis Terræ Sanctæ fuit occisus, quia populus jam idololatriæ assuetus, cum in publico propter timorem Regis non audebat, in occulto tamen idola coluit, & ideo Josiâ Rege occiso, Jerusalem fuit capta, & populus in captivitatem ductus. Ex sic potest hic timeri, quod fortè tota Ecclesia, ut ille exercitus; non fuerit digna habere talem Principem. Vel fortè transmarini non fuerunt digni talem habere coadjutorem & defensores propter suas civiles discordias, quia non solum Januenses, qui de Januâ, vulgò *Genua* Civitate venientes, *Acon* olim *Ptolemais* Civitatem inhabitabant, & Pisanî de *Pisa* Civitate invicem discordaverunt, sed etiam illi, qui dicuntur milites Dei, videlicet de Hospitali Sancti Joannis, & de domo Teutonicâ, nec non & Templarii debitam charitatem, secundum exigentiam religionis & nominis, quod dicuntur milites Dei, non observant, sed invicem sibi inimicantur. Unde statim eodem anno disturbato exercitu Christianorum propter mortem prædicti Regis, & initis treugis inter Dominum Carolum, Regem Siciliæ, & Regem ac Principem Tunisi, Rex Babilonis, castra militum de domo Sancti Joannis, & de domo Teutonicâ obsedit, & obtinuit castrum

• (a) Joannes Triflanus Comes Valesiæ, quem seriùs mortuum referunt Historiographi Galliæ.

castrum in manu forti, quod credebatur inexpugnabile, & habitatores salvā vitā, auro & argento, & rebus omnibus, quas secūm deportare poterant, præter arma liberè dimissi sunt, & ad Civitatem *Akon* pacificè reducti. Obtinuit & hæc castra *Crak*, *Duplicar*, *Merogad*, *Blenka-Cassel*. Civitates verò *Cæsarea*, *Joppe*, *Antiochia*, prius à paganis captæ fuerunt. Similiter *Carpbas*. Potest etiam esse, quod Dominus iratus fuit Regi Franciæ, quod aliquibus litteris, vel relationi credidit, ut à viâ inceptā in Terram Sanctam diverteret, & contrā *Tunisiū* tenderet in Africā, cum nonnisi contrā detentores Terræ Sanctæ & Civitatis Jerusalem, ac Sepulchri Domini Crucem accepisset, & votum peregrinationis emisisset, & peregrinos de Frisiā, & aliis diversis terris invitasset, ut Terram Sanctam secum visitarent, & in contemptores Sepulchri Domini & Civitatis Sanctæ in Asiā pugnarent. Sed prædictis litteris mutatus, in Africam tendens, propositum iter sibi, & omnibus peregrinis impedivit, sicut legitur 3. Reg. 13. quod Propheta de Judā missus à Domino in Bethel ad Jeroboam, arguens eum, quod relicto Domino immolaverat vitulis aureis, cum contrā præceptum Domini per pseudoprophetam senem, panem & aquam cum eo comedisset, à leone in viâ est occisus, sed tamen leo nec carnes ejus, nec alinos suos devoravit, ut sic iustitia, & sanctitas ostenderetur. Sic fortè Dominus prædictum Regem in omnibus aliis actibus justum corporaliter in vitā punivit, ut animam ejus in Cælo plenius remuneraret. Sed quia secundum Augustinum inquisitio divinæ voluntatis insipida est, causam mortis suæ illi relinquimus, cujus judicia sunt abyssus multa. Merito enim in talibus cessare debet humani sensus hebetudo, cum dicat Apostolus, Rom. 12. *non plus sapere quam oportet sapere* &c. & 1. Cor. 2. *nihil judicavi me scire* &c. & 14. *ex parte cognoscimus* &c. & iterum videmus nunc per speculum. Philip. 3. *Ego non arbitror me cognovisse*. Eccles. 3. *altiora te ne quaesieris*. Prov. 30. *Sicut qui mel comedit multum non est ei bonum, sic qui scrutator est majestatis operum primetur à gloriā*. Eccles. 8. *amice, quod voluerit Dominus, faciet, nec potest ei quisquam dicere, cur ita facis?* Potest tamen colligi ex Scripturis, quod triplici ex causā justī sapē tolluntur de medio, qui hic videntur utiles. Primò propter suam dignitatem, quia meruerunt educi de carcere hujus mundi, & ad gloriam Dei intrare. Apocal. *ambulabant mecum, quoniam digni sunt*. Secundò propter mundi, vel subditorum indignitatem, quia non sunt digni talibus habitatoribus propter suam malitiam? Isai. 7. *Colliguntur viri misericordie, quia non est qui intelligat, à facie enim malitiæ collectus est justus*. Hebr. 11. *Quibus dignus non erat mundus*. Tertiò propter sui securitatem, Sap. 4. *Raptus est de medio, ne malitia mutaret intellectum ejus*. Quæcumque harum causarum fuerit, quod tam justum Regem voluerit de medio tolli, Deo relinquimus, qui novit, quæ ventura sunt, & antequam fiant.

Interim autem peregrini Frisiæ venerunt Sardiniam, quæ est insula magna & potens, & cum intenderent secundum votum suum transire in Terram Sanctam, prædicatores cum magnā instantiā hortabantur eos transire in Africam ad Regem Franciæ, qui adhuc vivere putabatur, ut cum eo & cum aliis Regibus & Principibus *Tunisiū* obsiderent, quatenus habitō ibi, ut sperabatur, triumpho, directè cum toto exercitu Regum ac Principum; contrā Soldanum Babiloniæ aciem dirigerent. Et sic primò turbatio

Yyyyyy

1269. fuit in populo, quibusdam volentibus transire in Terram Sanctam, aliis malentibus sequi majorem exercitum in Africam, tum ut prædicatoribus suis obedirent, tum quòd consideraverunt, quòd ipsi tanquam pauci, in Terrâ Sanctâ modicum posset prodesse, antequam major exercitus illuc adveniret. Et sic consilio habito elegerunt transire versus *Tunisi*um. Quòd pervenientes statim litus ascenderunt, cumque Regem Franciæ defunctum intellexissent, de consilio Caroli Regis elegerunt sibi in Ducem belli Dominum Henricum, Comitem de Lucelengburch, virum magnum, & fortem, ac bellicosum. Cum tamen Comes Flandriæ multum desideraret eos in Comitatu suo habere, & cum morte Frisonum, impatientes moræ Frisones accelerarent ad bellum contra paganos, qui multitudine innumerali occupaverant planities campi inter *Tunisi*um & castra Christianorum, Comes prædictus vix tardavit eos, donec suum ordinasset exercitum, & custodia, ac defensio contra exercitum paganorum sibi competeret. Itaque instaurato exercitu suo, veniens ad Frisones, & fovens eos tanquam gallina pullos, hortabatur, ne aliquâ temeritate equites suos præcederent, sed ipsum sequentes cum multâ discretionem, simul in hostes irruerent cum equitibus, & sic facto impetu contra paganos, eos in fugam verterent. Et casâ magnâ multitudine, plurimi ex eis ad vicinam aquam, quæ de magno mari, *Tunisi*um influebat, confugerunt, & ibi tanti submergebantur, quot in gladio ceciderunt. Et sic Frisones ibi victoriam habuerunt satis gloriosam. Sed quia Carolus Rex vidit exercitum paganorum quotidie multiplicari, non solum de Africa, sed & de Asia, imò de Sicilia, tam paganos, quàm etiam malos Christianos, qui primum Frederico Imperatori, postmodum filio suo Contado, deinde Meinfredo Principi adhaeserant, & à facie Caroli aufugerant, & quibus civitas *Tunisi* munitissima fuit, dissimulavit adversus eos ire in bellum. Ac sic Frisones moræ impatientes ad naves redierunt, & iter suum ad Terram Sanctam direxerunt. Sed in viâ illâ quàm plurimi moriebantur, & in mare missi sunt, quia ut videbatur de corrupto aere apud Africam ex cadaveribus mortuorum, & aquâ falsâ & pessimâ, de quâ supra dictum est, non modicum fuerunt distemperati. Reliqui versus *Akon* applicuerunt. Sed ibi non modicum defectum experti sunt, quia Patriarcha Jerosolimitanus mortuus erat, verum tamen Vicarius Patriarchæ, ac Archiepiscopus Tyrensis, nec-non & milites Sancti Joannis, & de domo Teutonicâ, ipsos honorificè receperunt, cum communitate totius civitatis. Archiepiscopus autem Tyrensis prædicans, & innovans Crucem, ac indulgentiam, multos secum versus Tyrum abduxit, quia de Paganis ibi majus imminerebat periculum, quàm apud *Akon*. Et sic quamdîu Frisones in terrâ illâ manserunt, Civitates & Castra Christianorum in bonâ pace manserunt. Interea Rex Carolus cum Principibus sibi adherentibus acceptâ, ut dicebatur, pecuniâ non modicâ à Rege & civibus *Tunisi* pacem cum eis ordinavit. Insuper tributum, quod Rex *Tunisi* cum populo suo antiquitus solebat dare Regi Sicilia, innovavit.

1270.

Anno Domini CIOCCCLXX. petegrini Frisonum videntes quòd propter mortem Regis Franciæ, & filii sui, cum corpore patris & fratris in Franciam reverlionem, ut etiam de regno suo disponderet, & quòd nullus Rex vel Princeps in Terram Sanctam comitaretur, vel sequeretur, quia ipsi etiam tanquam pauci & inermes non valeret contra Regem Babilonis, imò con-

trà multa Regna, vel gentes *Ægypti, Damasci, Halapie & de Balдах*, 1270. ubi est thronus Papæ Paganorum, quem *Calipham* dicunt, pugnare, cum consilio Archiepiscopi prædicti, & Vicarii, quem Patriarcha reliquerat, & Magistrorum ac militum de domo Sancti Joannis, & domus Teutonicorum, iter suum in patriam reflexerunt. Oblatâ ibi pro defensione terræ satâ largâ pecuniâ, licet tamen quidam prius sine communi consilio & licentiâ se nequiter subtraxissent. Et quia navibus in diversos portus Euporæ deducti sunt, non simul redierunt, & multi defuncti in viâ, & quidam in Græciâ spoliati. Postmodum in vigiliâ Joannis Baptistæ, cum Rex Babilonis festinaret obsidere *Tripolim* cum innumerabili exercitu, Princeps Tripolitanus fortis & potens in armis, sed numero exercitus valde impar, constanti animo militi ei legationem, quod eum non oporteret properare ad obsidionem Civitatis, eo quod ipse vellet cogitatum suum jactare in Domino, ejus auxilio unus persequeretur mille, & duo fugaverant x. millia, qui fecit mirabilia in *Ægypto*, & Pharaonem cum populo suo demersit in profundum maris, & ideo si nollet cum eo habere Soldanus pacem, ipse cum fiducia & adjutorio Dei vellet cum populo suo contra eum usque ad mortem pugnare. Soldanus verò considerans audaciam suam & constantiam, nec non & fiduciam in Domino, noluit se periculo committere, sed sapienter dissimulavit, dicens, quod pro tantâ virtute eum in gratiam suam vellet recipere, & ipsum cum Civitate suâ & omnibus quæ ad Civitatem pertinebant, liberum dimisit. Insuper tria Castella, videlicet *Meregard, Duplicar, & Crak* suæ custodiæ commisit, quæ prius ipse Soldanus de manu Christianorum jure belli acquisierat, ita ut ipse de illis ipsi competens pro recognitione tributum solveret, & sic à partibus illis Soldanus cum exercitu recessit.

Anno Domini MCCCLXXI. circa Dominicam Passionis Domini, versus 1271. *Akon* Soldanus cum exercitu maximo applicuit, & sic cives cum magistris trium domorum, & consiliariis eorum, qui dicuntur milites Dei, non valentes, nec audentes, imperum ejus sustinere, & timentes, ne si bello caperet civitatem, penitus eos omnes deleteret, ac sic in partibus illis Christianitas deperiret, & peregrini nullum invenirent portum securum, neque refugium, pacem cum ipso inierunt, firmantes Treugas usque ad xi. annos, hoc interposito, si aliquis Rex potens de Ecclesiâ, terram illam intraret, & per eum bellum fieret, ipsi essent excusati. Et sic Soldanus Legatos eorum honorificè fecit ad se adduci, & sic ipsâ die Parasceves Treugas istas ordinaverunt, scilicet quod Aconenses cum omnibus civibus, ac Religiosis ibidem commorantibus, absque tributo, & omnibus exactionibus omnia sua possiderent, absque civitatibus, & castris, & suis attinentiis, quæ Soldanus jure belli acquisierat. His Treugis ordinandis, assensit, & interfuit Rex Cypri. Sed Dominus Eduardus Rex Angliæ, qui adhuc ibi morabatur, graviter tulit, quia ut potè vir bellicosus, ex quo illuc venerat, semper fuit paratus contra Soldanum in campo pugnare, si milites de tribus domibus, & cives hoc vellent admittere, & eidem, & Regi Cypri cum suis exercitibus assistere, & ideo statim ordinatis Treugis, non sine indignatione Rex Angliæ recessit. Soldanus verò firmatis Treugis Legatos Aconensium cum honore fecit reduci, & liberam dedit omnibus Christianis licentiam adeundi omnes terminos Regnorum suorum, & loca sancta visitandi, & sic multi ex

1270. indigenis, ac peregrinis Bethlehem, ac Nazareth, & alia loca Sanctorum visiterunt, sed Sepulchrum Domini pauci visitabant, quia hoc sub poenâ excommunicationis fuit prohibitum, ne per oblationes, quas Christiani ibi faciebant, & diversa telonea, inimici Crucis Christi ditarentur, & fideles detrimentum paterentur.

Loquela  
reddita  
muta  
per inter-  
cessio-  
nem B.  
Emonis.

Eodem anno Dominus qui per suam misericordiam innovat signa, & immutat mirabilia, duo gloriosa miracula operatus est in medio nostri, & digna memoriæ posterorum commendari. In *Florida-Horto* quædam beggina satis devota, nomine *Parutbewa*, quæ ad dimidium annum usum loquelæ amisserat, penitus muta effecta, dum ad sepulchrum Domini Emonis Abbatis cum gemitu & lacrimis oraret, infra elevationem hostiæ, meritis & intercessionem prædicti Patris, & suæ fidei constantiâ, juxta ejus sepulchrum usum loquelæ recuperavit, ac Dominum voce publicâ benedixit, & suo benefactori liberâ voce gratias egit. Eodem etiam anno dum corpora Reverendorum virorum, videlicet Emonis fundatoris *Campi Rosarum*, & Domini Emonis qui multo tempore fuerat Prior ibidem, de loco lignæ Capellæ in novam Ecclesiam transferrentur, fuit ibidem puella sanctimonialis virgo, quæ duos annos & dimidium fuerat muta, dum per VII. dies à translatione ipsorum quotidie cum lacrymis & gemitibus eos ambos imploraret, & omnes sorores cum ipsâ supplicarent, octavo die, dum infra vespertas & coenam Conventus ad ostium Ecclesiæ cum fletu & planctu sola oraret, usum loquelæ planè recepit, & currens ad Conventum Sororum, quæ fuerant in cenâ, liberâ voce clamavit; *agite gratias Deo & Patribus nostris, in Ecclesiâ sepultis, quia solutum est vinculum lingue meæ, & ecce loquor liberâ voce.* Sorores autem omnes de mensâ exilientes cantando, *Te Deum laudamus*, in Chorum ascenderunt. Quædam verò præ gaudio stentes Dominum benedixerunt, qui facit mirabilia, qui per se, vel suos mirabilium suorum signa etiam nostris temporibus dignatus est demonstrare. Eodem etiam anno in *Horto Sanctæ Mariæ* quædam scœmina paupercula, toto contractâ corpore ad sepulchrum Domini Siardi, ejusdem loci tertii Abbatis, est sanitati omnium membrorum restituta, cum prius per revelationem signis manifestis ei hoc fuisset ostensum, quod ad sepulchrum hujus Patris esset sananda. Hic siquidem Pater triginta & tribus annis Ecclesiam Horti Sanctæ Mariæ gloriose rexit, & eam in spiritualibus ac temporalibus mirabiliter ampliavit, se nihilominus in jejuniis, vigiliis, & laboribus non modicum affligendo. Unde sanctâ conversatione suâ non solum suam familiam, sed & multos in vicinis locis ad Dei servitium provocavit. Et inde non solum hoc miraculum, sed & alia diversâ ad ejus sepulchrum contigerunt. Hæc autem miracula Deus in nostris temporibus & multa alia per hos Reverendos Patres, ac alios Deo servientes, & se, ac familiam sibi creditam sollicitè custodientes, & sollicitudinem præterea sui & totius Ecclesiæ cum instantiâ quotidianâ fideliter gerentes, vitæque & exemplo multos erudientes, operatus est secundum illud, *qui docti fuerint, quasi splendor firmamenti erunt, & qui erudiunt multos quasi stellæ in perpetuas æternitates.* Verùm Dominus per tam Reverendos Patres impleat, quod ipse dixit: *ecce ego vobiscum sum omnibus diebus usque ad consummationem sæculi.* Cum sic gloriam sibi servientium in hoc ipso manifestet, & alios ad imitandum invitet.

Miraculum ad  
sepulchrum S.  
Siardi.



Anno Domini CIOCLXXI. electus fuit ad Sedem Apostolicam Romanæ Ecclesiæ Gregorius X. cum essent in Terrâ Sanctâ peregrini in comitatu Domini Eduardi, Regis Angliæ, cum vacasset Sedes per tres annos & duos menses. Eodem enim anno prædictus juvenis Rex Angliæ patre adhuc vivente, post discessum Frisonum, cum honesto comitatu Terram Sanctam adivit, Rege Cypri sibi in itinere associato. Hi parati erant contra Regem Babilonis pugnare, sed fratres de tribus domibus dissuaserunt, asserentes, quod impetum magnitudinis exercitus sui non possent sustinere.

Eodem anno Archiepiscopus Colonienfis fuit de captivitate Comitissæ Juliacensis liberatus. Eodem anno Orientales Frisones de *Emesgoniâ*, ac terrâ *Reydenfi*, cum illis de *Aldaombechte* confederati, domos Decanorum suorum destruxerunt, & combusserunt. Principium hujus seditionis fuit inter Wilbertum *Eppenga* & *Hrodbernum*, qui parvo suo, adhuc puerulo, obtinebat Ecclesiam in *Fernesum*, cum Decanatu adhaerente, post mortem Siconis, & filii sui *Gerkonis*, ac nepotuli. Wilbertus enim primò suscitavit universitatem in *Aldaombechte* in Episcopum & Decanos super exactione bannorum, quibus universitas gravabatur, & sic attraxit sibi *Herewardum* *Lusum*; quo mediante omnes *Reydenfes* & tandem *Emesgones* simul conspiraverunt, quod quidam eorum Decani satis immoderatè homines in bannis affligebant, & ideò domos eorum destruxerunt, & eos de terrâ depulerunt, licet ipsi filios suos eis dedissent obsoles, quod prudentium virorum de ipsis terris parentem ordinationi. Deindè homines de prædictis tribus terris concurrentes, domum *Hrodberni* obsederunt. Sed illa cum propugnaculis ita fuit vallatâ, quod eam capere non potuerunt, imò per strenuos viros, qui eam defenderunt, xvi. viris ex eis occisis, vacui sine honore recesserunt. Et tunc confusi & erubefcentes, quod ipse solus cum suâ parentelâ tribus terris resisteret, causam illam in universitatem *Fivelgonia* conjecerunt. Sed cum *Snelgerus* de *Skirame*, & alii nobiles cum consulibus requirerent à *Hrodberno* & suis cognatis, si vellent universitati cavere de indemnitate, si bellum ingravesceret, & universitas *Fivelgonum* defensionem terræ sic assumeret, si hostes irruerent, ipse sano usus consilio noluit sibi tantum periculum assumere, & se ac parentelam suam depauperare, imò potiùs domum suam lapideam, eis reliquit destruendam, & sic delatis omnibus armis & suppellectilibus per ipsum *Hrodbernum* ad loca secura, domus est destructa. Dominus autem *Gerardus*, Episcopus *Monasteriensis*, videns jurisdictionem suam & suorum officialium annihilari, pro evidentiâ patrati sceleris, interdictum generale promulgavit, quod Sacerdotes eorum plurimi satis stricte observaverunt, præterquam in *Aldaombechte*. Wilbertus & sui complices non solum sub obtentu beneficiorum, sed & sub pœnâ proscriptionis, coegerunt plebanos eorum celebrare, assumentes sibi in argumentum excusationis, quod plurimi Decani contrâ jura, Patribus successissent absque dispensatione Sedis Apostolicæ, & maximè quod essent paternæ incontinentiæ imitatores.

Eodem anno cepit accrescere fames & ovium pestilentia, præter jugem pluviam trium annorum.

Anno Domini CIOCLXXII. obiit Dominus *Gerardus* (a) Episcopus *Monasteriensis*, bonæ memoriæ, & sui Episcopatus strenuus defensor, qui castrum in *Luidengbusum* destruxit propter eorum rapinas, castrum etiam

ZZZZZZ

(a) De Comitibus de Marca. vir sacerdotio illo majore dignus.

1272. in *Horstmere* (*Horstnow* juxtà Crantz.) Sancto Paulo & Ecclesie Monasteriensi obtinuit. Eodem anno destructum fuit Castrum novum juxtà *Eska-tborp* post mortem prædicti Pontificis. Eodem anno stabilitus fuit aqueductus in *Sonde* in novalibus. Eodem anno fuit maxima fames in Frisiâ & per totam Westphaliâ, & mortalitas ovium, multa enim Frisonibus & maximè Orientalibus, à *Fivelgoniâ* usque ad Orientem, eo anno ad augmentum famis accesserunt incommoda. Primò quia per peregrinos terra fuit evacuata argento. 2. Quia propter nimiam pluviam per quatuor annos nimis modicum creverat frumentum, & maximè in silvis, ubi aliis temporibus solebat abundare, aut etiam in *Trentiâ*, nec secùs *Emesam*, nec alicubi ad emendum inveniebatur, nisi in Daciâ & Slaviâ, ubi Dominus qui irascitur & miseretur, magnam dedit copiam frumenti, ut saltem alicubi inveniretur, undè creatura Dei sustentaretur, quia & ipse dat corvis escam ipsorum, & pullis carnes, invocantibus eum. 3. Quia in odium *Emesgonum* & *Rbeydensium* propter suam inobedientiam Dominus Episcopopus nundinas secùs *Emesam* interdixerat, & ita Frisones non poterant pecora vendere, nec necessaria comparare cum butyro, caseis & equis, cum pecuniam non haberent, nec cum aliis rebus possent comparare. Et illi de Daciâ & Slaviâ pecora eorum & similia non curabant, sed solam pecuniam fitebant. Insuper Judices eorum in quibuslibet Civitatibus interdixerunt, ne frumenta de terris illis deportarentur, & sic mercatores tardaverunt, donec ab ipsis Judicibus mediante pecuniâ quasi secundo emerentur. Undè Dominus justus Judex, quia ipsi servis suis non compatiiebantur, eodem anno coepit eis retribuere retributiones, quia cum in terris suis artivales fructus tardè soleant seminare, post Festum Sancti Bonifacii, circà tempus illud tanta increvit siccitas, quòd fere omnes fructus artivales perierunt, & sic impletum est quod dicitur: *qui abscondit frumenta maledicetur in populis*; quia statim anno sequenti tanta facta est penuria, quanta priùs abundantia. Sicut enim ait Beatus Gregorius, quia Dominus, cujus sapientie non est numerus, de consilio prudentie, ut nulla terra omnibus necessariis abundet, ordinavit, ut sic mutuam pacem inter se observent, sed quandoque una terra, quandoque altera, pane abundat, ut sic sibi invicem subserviant, quia statim sequenti anno mercatores coeperunt fabam de Frisiâ in Daciam transvehere, quia illa eo anno in Frisiâ fuit prosperata. In *Grippevalda* enim, ubi multis annis frumenta superabundaverant, eo anno summa fuit egestas, sicut contigit in diebus Jacob & Joseph, ut terra Chanaan quæ præ omnibus aliis solebat frumento, & vino, & oleo abundare, egeret, & Aegyptii per prudentiam & merita Joseph abundarent. Quartò etiam aucta est penuria, quòd jam septem annis de loco ad locum serpsérat pestilentia pecorum, & plurima moriebantur. Istis verò duobus annis ferè ubique moriebantur oves, & ideò non poterant homines lacticiis famem sublevare, sicut quandoque solebant, & sic tantum fuit fames aggravata, quòd modius magnus ad tempus circà Pentecosten vendebatur pro decem & octo solidis sterlingorum paratorum denariorum ad manum. In *Menteravaldâ* (a) unus modius pro quatuor marcis sterlingorum ad inducias anni, ipsi enim immoderatas accipiunt usuras, ità ut pro unâ

(a) Menteravaldâ vicus olim vicinus Abbatie Cisterciensis & insignis, ut diximus suprà.

marcâ ad manum, accipiant quatuor post annum; & ideò verum videtur esse quòd ideò laboraverint evertere jurisdictionem spiritualem, ut usuras suas liberè possent exercere. Prædia autem eo tempore, quasi nullius erant pretii, maxime in locis humilibus, ut in *Waltersum* (a) & eorum confiniis, propter subversionem avenæ, nec inveniebantur emptores propter defectum pecuniæ. Ideò tantum invaluit fames, quòd multi moriebantur fame, & plurimi erant morituri, si claustrales eis non subvenissent. Multi enim religiosi, sanè sapientes, & in Domino cogitatum jactantes, juverunt etiam non paucos, scientes illud Augustini, si videris fame morientem & non pavisti, occidisti. Et quia id sic fecerunt, Deus eis in suis necessariis melius providit. Qui enim, ut ait Augustinus, decimas ad eleemosinas dant, propter Deum quadruplo remunerantur, abundantia fructuum, sanitate corporis, indulgentia peccatorum, & regno Cælorum. In hac carissima plurimum angustati sunt silvani, & maxime in *Astvaldâ* (b) & in *Broche* (c) propter humiditatem agrorum, & ideò non pauci confugerunt ad Villas, quidam mendicando, quidam & quasi pro solo victu serviendo, qui prius habebant proprios agros colendos, quia cum silvanis non prosperatur siligo, nec ad pecora, nec ad lacticiam habent refugium. Multi etiam tam de *Frisiâ*, quàm de *Threntiâ*, patriam exierant, sperantes se alicubi meliorem habere sustentationem. Nonnulli & de urtica, & tribulis, & lolio, miseram vitam utcumque sustentabant, maxime de lanceolâ, & fude, quia Dominus, qui in irâ suâ non solet nimis oblivisci, sæpius in charis annis permittit lanceolam in pratis, pisces in mari, & præcipuè conchilia menarum plus solito abundare. Sed in istâ æstate paulò melius prosperata fuit annoha, licet evaneret pluvia plurimam agriculturam, quia eo anno ad Cathedram Petri cœperunt homines arare, & seminare, & ideò competenter fuit prosperatum. Postmodum circâ Gregorii, cum tutissima est agricultura, increvit pluvia, serè per septem hebdomadas. Et tunc quicquid projectum fuit in lutosos agros, modicum fructum attulit feminanti, & sic primæ sætionis fructus melius fuerunt prosperati. Eodem anno in autumno cœpit oriri hominum mortalitas, & quidam etiam subitaneâ morte moriebantur.

(a) Hodie *Wapsterveen*, vicus *Trentiæ*.

(b) *Afterwalda*, hodie *Oestmold*, in silvis australibus *Omlandicæ* existens.

(c) Nunc *Broek*, vicus *Drenticæ*.





# CHRONICON CANONICI ANONIMI FLORIDI-HORTI

Ab anno 1276. ad annum 1296.

1276. **R**ODOLPHUS Rex Allemannie, pro inobedientiâ Regis Bohemie (a) ipsum bello aggreditur, in quo Rex Bohemie victus occidit. Regnum suum heredibus confertur. *Folkringones* & *Gardringones* (b) de Menternâ pugnantes, centum viros exceptis quinque occiderunt. Fratres majores in *Winfum* (c), aliâs Jacobitar, aut Predicatores, in casâ locum habitationis cœperunt sibi præparare. Dominus Abbas Menko prædictus ad mandatum Domini Pramonstratensis, & Definitorum, studium puerorum transtulit ad Parochialem Ecclesiam *Emetba*.

Collatio beneficii in *Utsufum* ante mortem dicti Patris facta fuit Ecclesiæ *Floridi-Horti* cum omnibus attinentiis, per dispositionem Guardi Sacerdotis, qui tunc temporis verus pastor fuit Ecclesiæ prædictæ, homo nobilis & in omni conversatione suæ vitæ devotus, & honestus, & quia suam melioris vitæ desideravit, & dilexit, solus noluit venire, sed gregem sibi commissum secum adduxit, & in Ecclesiâ prænominatâ vixit.

1283. Anno Domini 1283. Dominus Ewerardus Monasteriensis Episcopus venit ad partes Frisiæ causâ visitandi, & ad corrigendos subditos suæ Diocesis secundum consuetudinem antiquam, & approbatam. Cumque *Ufquert* devenisset, accessit ad eum Dominus *Oudgerus* Abbas *Floridi-Horti* petens humiliter confirmationem & investituram in Ecclesiâ *Utsufum*, quæ sibi & Conventui suo à veris patronis ejusdem Ecclesiæ absque prece & pretio antè introitum Venerandi Patris in Frisiâ canonicè fuerat collata. Sed timens quidam Juris peritus Menolphus nomine, tali petitione auditâ, ex instinctu quorundam surrexit, & acceptâ licentiâ loquendi hujusmodi collationem, rationibus quibus potuit, allegavit, à Domino Episcopo minime admittendam, vel potius irritandam, tum quia patroni non concordarent, tum quia Regula Beati Augustini non permitteret Canonicos suæ professionis secularia beneficia possidere. Affirmavit etiam nulla privilegia eis ad hoc

\*(a) Ottocari 2. cujus fata non anno 1276, sed 1278 posuit Balbinus 7. Kal. Septembris belli exitum narrans, cujus initia Chronicon recenset.

(b) Familæ nomina sunt ambo, Menternâ habitantes.

(c) *Winfum* vicus ad Houesi flexum, in quo florebat Conventus Dominicorum anno 1276 ædificatus.

hoc à Romanis Pontificibus indulta de jure communi, & rationes apposuit pro-  
hibitu suæ voluntaris ad confusionem petitionis Abbatis, licet minus rationabili-  
liter & iustè, tamen petitionem Abbatis sine effectu protulit. Cumque in di-  
ctum locum venissent Episcopus & sui, adfuit & magister Menolpurg allegans in  
Synodo, Ecclesiam Uthufensem vacare, & ex protractu temporis jus electionis  
Ecclesiæ ad Dominum Episcopum devolutum, quia patroni Ecclesiæ suo tempore  
non elegerunt, cum collatio fratribus in *Wernum* facta propter rationes prædictas  
de jure subsistere non posset. Hujusmodi rationibus finis, surrexit Magister  
Wiardus, qui tempore illo super omnes clericos, & magistros terræ Frisiæ  
scientiæ, & facundie donis imbutus, quam plurimum pollebat, & allegata  
prænominati magistri multis juribus, audientibus omnibus potenter evacua-  
vit, docens præclare Ordinem Præmonstratensem, super omnes Ordines Ec-  
clesiastica beneficia posse recipere. Habuit & rationes de privilegiis Ordini  
concessis, proponens articulum de privilegio Urbani quarti, qui talis est, *Ca-  
nonici vero ex nostrâ indulgentiâ speciali, possunt Ecclesias Parochiales ha-  
bentes curam animarum impetrare, & impetratas per nostram licentiam offi-  
ciare.* Et sic cavillationes prædicti oratoris in tantum enervavit, quod de  
prædictis paulatim loqui cessaret. Advocatus Domini Abbatis, humiliter no-  
mine Abbatis, & Conventus, petit à Domino Episcopo quod fuerat peten-  
dum. Sed Dominus Episcopus non ita benevolè justam petitionem exaudi-  
vit, sicut allegata patienter audivit. Et idè protelationis causâ, partes usque  
*Fermesum* protulit. Ibidem verò cum advocatus Abbatis petitionem Abbatis  
nomine emissam, per jura, & argumenta declararet esse admittendam, & Meyn-  
co, & Godescalco, & Ayboldus fratres, viri nobiles, & discreti, tam de seipsum,  
quàm de aliis veris patronis, dicerent constanter donationem beneficii pet  
ipsos, factam Abbati, & Conventui prædicto, nullâ de causâ immutandam,  
dummodò ipsis vita, & res ad descendendum hujusmodi violentiam remane-  
rent. Dicebant enim in facie Episcopi quod non consulerent alicui presbi-  
tero, quantacumque authoritatis esset, qui mitteret ipsum, ut veniret ad  
Ecclesiam ipsorum tali voluntate, ut eam officicaret tamquam suam. Et ista  
propterea dicebant quia secretò intellexerant, quod in recessu proposuerat,  
ad officandam Ecclesiam eorum alicui ex clero committere in confusionem  
Abbatis, & sui Conventus ac simul eorum Warandorum, & de isto articulo  
fuit valida præsumptio, & suspicio quod ob vindictam, dilationem quereretur.  
Quia Prælati Frisiæ & Diocesis audito quod ipse adventaret, dexteras dede-  
runt ad invicem in signum foederis, quod nullus eorum sine continui noti-  
tiâ, & consensu alterius, dictum Patrem colligere deberet, & hoc propter im-  
moderatas expensas, quas minùs rationabiliter per suos fieri procurabat in domibus  
Religiosorum. Religiosi etiam in *Hunefgentiâ* per coercionem brachii secularis  
prohibitionem fieri sub quâdam poenâ contra in hujusmodi facto delinquentes  
statuerunt. Sed verba antiquorum proinde rarissimè falluntur, de quibus unus  
legitur sic dixisse: *quære fidem, & non invenies, fraus regnat.* Nam Mona-  
chi de *Advert* (a) qui super alios in Frisiâ divitiis gaudent, pactum fidei  
infregerunt, mittentes qui Dominum Episcopum cum suis de villâ *Baslos* (b)  
ad claustrum invitarent. Quo facto reliqui focii, & Prælati licet confusi;

Aaaaaa

(a) Latine Adoardia Ordinis Cisterciensis Abbatia, filia Clari-Campi.

(b) Basso, latine Bassloa, vicus in Hunfingiis, natalibus Rodolphi Agricola inclytus.

1283. aut ipsum receperunt, vel in paratâ pecuniâ, ratione procurationis ei compenter satisfecerunt. Nec ex hoc beneplacitum ipsius, & suorum plenariè sunt consecuti. Quia sæpissimè altius ascendunt injuriæ, & remanent ad vindictam in corde aliquorum, quàm remuneratio boni operis, quod ex bonâ voluntate, & conscientia procedit. Sed constantia horum fratrum, & eorum complicitum audirâ, Monasterienses propositum, sivè intentionem paliabant, & Dominus Episcopus commisit hujusmodi causam suo officiali Magistro Henrico in recessu terminandam. Dissensiones hinc ibi subortas, quantum in se fuit ipse subtraxit, sicut in parochiis *Waltersum*, *Gersoufen* & *Sutberoke*, rei eventus demonstravit. Ubi beneficia clerici discordantes in maleficia propriæ salutis converterunt. De beneficio *Utsusum* quia tam citò nihil lucri adfuit, in post Synodo *Loppeffum* Abbatibus D. Folcardo de *Rottbium*, & D. Menardo de *Thiasingat-closter* (a), unâ cum Decano Alberto in *Loppeffum*, per litteram suam commisit, ut ad prænominatam Ecclesiam accederent, & voluntatem singulorum Warandorum intelligerent & prout verius, ac melius possent *Monasterium*, post ipsum mitterent in scriptis sigillis suis appensis. Quâ commissione sic factâ turbatio litigii prædicti modicum cessavit. Sed Henricus ad suam voluntatem, officialis non solum curiæ Colonjensis, verùm & Monasteriensis effectus, sequenti anno in infirmitatem incidit, in quâ fortior solito factus, & sui minime compos mortuus est, nec fuit qui adjuvaret, sed tum Dominus *Floridi-Herti*, propter alia impedimenta Ecclesiæ suæ, non ita servidè causam commissam modo prædicto, ut decuit, & litteram commissionis habuit, finaliter studuit terminare.

1284. Anno Domini cto cclxxxiv. Frater Folcardus novus Abbas electus misit nuncios ad Abbatem de *Rottbium* & *Thiasingat-Closter* & ad Decanum Albertum, petens instanter, ut mandatum officialis eis adscriptum adimplere vellet. At illi annuerunt, & sic die statuto, Festo B. Nicolai Episcopi, unâ cum Domino Alberto Decano, qui fuit vir magnæ discretionis & competentis literaturæ in negotiis Ecclesiasticis, & secularibus valdè tritus, duobus Monachis ex parte Abbatis adjunctis, *Utsusen* pervenit. Ibi quia voluntate singulorum Warandorum perscrutatâ, omnes concorditer absque omni prece & pretio in Dominum Abbatem & Conventum *Floridi-Horti* consenserunt, uno tantum Balone *Frouvekegna* excepto, qui quantum potuit reclamavit, propter metum Decanorum in *Ufquera*. Aliqui mediocres tacebant, quibus ipsi damnum pro ejusmodi electione asfuturum dicebant. Fuit tamen voluntas eorum cum pluribus permanere. Cumque plura obstacula prædictæ donationi non occurrerent, conscriptis litteris quibus fuerat necesse, & sigillatis sigillis duorum prædictorum, detulit secum Monasterium. Benedictione itaque Festo Conversionis Apostoli in Ecclesiâ Sti. Martini, per manus impositionem D. Ewerardi Episcopi benevolè & devotè acceptâ, omnia instrumenta super collatione *Utsusen* Ecclesiæ ad mandatum Domini Episcopi, ad manus D. Henrici Cantoris ad D. Paulum, & Gerardi Officialis Frisiæ, & Bullarii Domini Episcopi dimisit examinanda, & sic licentiâ Domini acceptâ, sine omni perturbatione satellitum, qui novos Prælatos spe lucri sæpissimè conturbant, curâ Domini Episcopi exivit, & sceleriter est reversus. Post mensem verò Dominus

(a) Thesinge vicus in viciniâ Groningæ, Abbatiali Canobio monialium Ordinis Sti. Benedicti nobilitatus.

Episcopus misit duo paria litterarum per manum Hermannii *Busel* Domino Abbati, & Conventui *Floridi-Horti*, unum de jure patronatus, aliud de investiturâ.

Anno eodem fuit hyems humida & cataraçibus apertis recens aqua superabundavit, & superexpatiata est plana terræ, in tantum quod homines prudentes afferent, infra 50. annos nunquam sic aquam pluvialem increvisse. Pestilentia autem eodem anno Sacerdotum maxima, nam infra quindecim septimanas 42. moriebantur. *Lubeck* eo tempore incendiis conflagratur. Isto tempore igne devastatum est *Hamburg*, in tantum quod Domus lapideæ ceciderunt, ignis ardorem non fufferentes. Perierunt & tunc in solario cujusdam domus centum personæ utriusque sexûs, naves in aquis ardebant, & pontes comburebantur, nec fuit qui posset adjuvare. Motiva autem causa incendii fuit braxatio cujusdam pauperis.

Anno MDCCCLXXX. jam incepto, scrupulosa quæstio in terrâ *Fivelgonia* oritur in consulatu, quam dignitatem quilibet habere voluit, etiam si nihil juris in eâ illo anno habere dignoscatur, inter quos omnes principalis fuit *Elbo* & sui. Nam carnali fratri suo *Rodmaro*, cui competebat hujusmodi potestas, auferre conatus est eam, sed non prævaluit, & inter cives forenses contradictionem sibi procuravit contra *Adulphum de Tuktalvertb* per quendam *Tadeconem Rembrechta*, qui minimè hæc attentasset sine instinctu prædicti Laici *Elbonis*, sed nec habuit effectum, sed fomitem controversiæ inter Nobiles generavit, quod ad infelicem exitum deductum est die Dominico, qui vocatur à vulgo *Skeznosmanderv*, quia civile jus, per novos jurantes conlictum est ab antiquo novari in terrâ *Fivelgonia*, sed tunc omnino dissipatum est, nam die prænotato, non in foro, sed in *Hechissel* (sortè *Hejselen*) convenerunt, ibique aciebus hinc inde directis, cum quinque Religiosi & probi sæculares ad concordiam inducere non possent potentes utriusque, auditus est clamor talis: pugneamus & defendamus nos: & statim rapido impetu commissum est prælium, & lugatus est *Elbo*, & sui in ore gladii, nec est inventus dignus honore die illâ, quia sicut *Elbo* fuit causa motiva totius mali, sic etiam primus fugit interjugientes. Unde omnis multitudo per eum in fugam convertitur. Quidam de *Wirzbum*, quidam de *Emum*, alii etiam de *Emetbâ* timore perterriti currebant, & dispersi sunt, vulnerati sunt, & infinitis vestibus spoliati. Multi etiam Nobiles de societate *Elbonis* laici in pauperrimis domibus circa aggerem latitabant, cupientes effugere manus pugilis *Toberti*, & *Adulphi* & sociorum suorum, qui quasi leones ferocissimi, ungulos, & universos partis adversæ insequabantur. Et tunc in cimiterio *Thiadmevit* occisus est quidam nobilis de *Ferwerb*, nomine *Focco*, per manum *Odulphi*. Occisi sunt, & alii quinque in modicâ horâ diei. Et sic extunc multiplicata sunt mala in terrâ.

Anno Domini MDCCCLXXX. *Hunefgones* arma receperunt. Isti *Hunefgoner* antea ad duos annos arma deposuerunt in tantâ voluntate quod nihil in manibus nisi virgas portabant. Debuit autem pax ista durare ad 4. annos, secundum quod omnes masculini sexûs dummodò duodennes fuissent conjurarent. Sed contentio quæ fuit de consulatu inter *Duerdeconem de Faldaberâ*, & juvenem *Gysonem de Ferbrandâ* eos fecit perjuros, & subsecutum est bellum armorum, in quo occisi sunt primo *Duerdeco*, postea

Ordine  
tempo-  
rum non  
ritè for-  
vato  
conti-  
nuatur  
annali-  
um  
scripsit  
sequen-  
tia.

1284. *Gyfo* per quos primò discordia mora fuit, & alii nobiles quamplures, ut *Éppo Hoyekna*, *Pero Popta*, *Rensbo Nama*, *Bebelto de Wortbussâ*, *Sido & Huyo*, & eorum complures. Grangiam Conventûs de *Mernâ*, in eadem parochiâ manu armatâ invaserunt, auferentes frumenta, & alia comestibilia de domo lapideâ, quam & correre fecerunt, muro subfosso, & Conventûs vulneratis, ac quibusdam fugatis, nec aliquam rationem pro se habuerunt, nisi quòd tinerent ne iniunici eorum monachis nescientibus domum possiderent in eorum confusione. *Gotsfcalcus*, & *Ailbodus* fratres in *Urbusum*, grangiam de *Rosbum*, quæ grangia fuit in agro, invaserunt, & omni frumento, ac aliis utensilibus spoliaverunt, pro eo quod monachi dicti, duas præbendas denegarent eis, nolentes sateri quod pater dictorum fratrum, conventui illas contulisset.

1285. Anno Domini *CIOCCCLXXXV*. pluvialis aqua valdè terram implevit circâ Festum Martini hyemalis trans Lavicam mare intumuit, & aggeribus fractis bis Occidentalem Frisiam spatio interposito supetexpatiata est. Postea die Nativitatis Christi cum frigore intolerabili congelatio aquarum subsecuta est, cum nive & grandine intermixta. Contigit & tunc temporis homines propter intolerabile frigus inter silvas, & villas in pascuis mori. Fuerunt & tunc aquæ congelatæ in tantum quod solidum iter itinerantibus trans Lavicam præberent, intrantes per paludes & nemora. Ubi priùs ad centum annos nullas viam quaesivit, indubitanter cum curribus pertransibant. Trans *Emesam* propè *Ostertbum* (a), *Longere* (b) & *Knoeka* cum equis homines in glacie solidum iter capiebant. Nec mirum quia ad Festum Petri Cathedralæ gelavit, & pluvialis aqua est subsecuta usque ad Festum Gregorii. Et sic quidquid in autumno tritici aut hordei seminatum fuerat, deperit omnino. Gregorii Papæ Festo cum agriculturâ deberet esse potissima per gelu quod de manè fortiter terram corripuit, tardius sunt agriculatores & pabulum jumentorum in villis etiam ad greges pascendos non poterat inveniri propter æstatis præcedentis siccitatem, & hyemis subsequenter frigiditatem. Fuit enim fœnum tanti pretii, ut modius frumentalis benè repletus ad 4. vel 6. denarios vix emulset.

In *Daventriâ* plautrum fœni pro decem solidis *Daventriensibus* vendebatur, & cum gramina nulla in pascuis crescerent, plures rusticâ confregunt, & stramina rapientes de læcis suis, de domibus, pecudi apposuerunt, ne inediâ deperirent. Pretium vaccæ unus, fuerunt sex solidi *sterlingenses*, vel octo ad majus, propter defectum pabuli.

1287. Anno *CIOCCCLXXXVII*. decimâ quartâ die Decembris factum est diluvium in partibus Fritiæ periculofum in homines, jumenta & res, & propter hoc famofum in tempus futurum. Aquæ autem sic coadunatæ & commotæ inter conticinium noctis & gallicinium libere aggeres transeunt, & omne genus hominum quod in locis humilibus mansionem habuerat, cum tumentibus domibus frumento fœnoque, gurgēs aquarum miserabiliiter funditis, evertens, ad silvas deportabat. Domus lapideæ quamplures corruerunt. In silvis etiam quærens ab imo evulsæ aquis ferebantur in locis humilibus. Sine obstaculo aquarum impetus transivit paludes. Nec fuit mirum, quia à tempore, cujus non exstat memoria, in partibus, tam magna salû maris ebullitio

ad

(a) Lege *Osserdum*, vicus in *Amisiz* orâ supremus.

(b) Lege *Lidenger*.



ad mensuram quinque pedum non est visa. Et propter hoc infinita populi multitudo petiit submersa. In Occidente, ut Sacerdotes & Decani conceperunt, à *Stauria* usque ad *Lavicam* triginta millia hominum submersa. A *Lavica* usque ad *Eimesam* viginti millia perierunt. Orientales, ut sunt *Russingi*, *Astlingi* & *Hertlingi*, à plagâ prædictâ immunes fuerunt. Agri etiam eorum stationales & pascuales fructum dederunt competentem; sed in locis humilibus, ut est in *Sunedewalda* & *Sconamera* agri quamplurimum fuerunt destructi. Res mira. Vir unus, lupus unus, & canis & lepus in baculo ad silvas venerunt vivi. Multi etiam qui rabiem aquarum miserabiliter evaserunt, & plerique pauperes, recedente aquâ, paludes ascenderunt, construentes ibi casâs, in quibus frumentum, quod ibi ab aquis fuerat projectum, tritabant. Circâ Martini hyemalis vacca pro 3. solidis aut 4. vendebatur, & hoc nullâ de causâ, nisi quod paucissimi paucos fructus collegerant.

1287.

Sequenti anno circâ Assumptionem Mariæ, etiam circâ exaltationem Sanctæ Crucis, Oceanus turbine ventorum commovetur, itâ ut penè omnes naves quæ se alto pelago commiserant, periclitarentur; & submersi sunt centum gubernatores. In reliquâ populi multitudine, & divitiis, & præcipuè frumento, non minor plaga fuit, navibus annuementis, quàm illa quæ hyeme sævierat per inundationem salis maris. Eodem anno periculosum bellum inter Ducem Brabantie & Comitem Gelrensem oritur (a) in quo plus quàm duo millia hominum in spatio diei naturalis hinc inde vulnerati diem clauserunt extremum. Comes Gelrensis capitur, & Dominus Archiepiscopus Colonienfis, (b) qui dicto Comiti in adiutorium venerat cum suis ad expugnandum Principem Brabantie.

1288.

Anno gratiæ ut supra septimo Kalendas Novembris circâ Festum Simonis & Judæ in Oriente propè *Osterdam*, & in Occidente propè *Usguæt* in *Merna* & in *Suterdicke* propter destructionem aggerum, qui minime in dictis locis fuerant reparati, salsum mare ebullit, & superexpatiata est aqua planitiem terrarum, venitque ad locum humiliorum, ut est *Geruora-volt* (c) *Waltersum*, *Astavaals* (d) ubique fluitando.

Anno Domini CIOCCCLXXXIV. inter pugilem Robertum de *Fermessum* & Adolphum de *Zuckawerb* & Limponem *Haggingsa* ex parte unâ, Elbonem *Menalda*, Dodonem de *Hek*, & illos de *Stedum* ex parte alterâ, lis oritur, & propter hoc, proh dolor! jus civile Fivelgonum quod multo tempore floruerat, dissipatur. Sed ne à legentibus, nobis imponatur, illud Horatii, dum brevis esse laboro, obscurus fio &c. Anno gratiæ CIOCCCLXXXII: filius juvenis Elbonis *Menalda* de *Bellum*, decoratus æquivoco nomine patris duxit in tixorem quandam juvenculam nomine Ydam de *Menterawalda*. Cumque ad annum commansissent, sponsa sponsum reliquit, & lares paternos revisit, & cum culparetur de hujusmodi diffidio dicebat affirmative, quòd nec in eum cui tradita fuerat consensisset aliquando, nec ipse eam carnaliter cognovisset. Medio tempore Gaycko de *Imeckna*, &

1284.

Bbbbbb

(a) Joannem Brabantie Ducem & Rainaldum i. Comitem Gelrie.

(b) Sigisfridus.

(c) *Oermervvalda* Fivelengie vicus, ubi Benedictinorum floruisse fertur Cœnobium.

(d) Lege *Astervvalda*.

1284. *Mildevalda*, quod Yda fuit neptis uxoris suæ, callidè disposuit ut quidam civis suus *Folbertus* nomine, filius *Theodorici Folpetra* fugitivam juvenculam duceret in uxorem. Quo facto *Elbonides* scandalum tale aggreferentes, habito consilio ductu *Walbartinorum* de *Senjedâ* in noctis silentio, ex improvîso patrem cum filio, & juvenculâ capiunt in domo *Japideâ*, & cum victorioso gaudio *Hellum* (a) omnes captivos deduxerunt. Sed *Tidricus* in brevi cum quadraginta marcis puri argenti datis *Elboni*, seipsum post paucos dies redemit. Deindè pro pecuniâ, & filio saragit, ut emendaret, & quia amuli sui sibi nocte dieque præcavebant, fecit quod potuit, & viduam nomine *Frouwam* de *Skelwaldâ* relictam *Briwib*, temerè, & minùs iustè cum filiâ parvulâ nocturno tempore captivam abduxit, & sic feminata sunt zizania undè amarissimæ segetes pullulabant, & hoc totum à juvenculâ originem sumpsit, quare præviâ ratione nomen habuit *Yda*, quia *Ydos* græcè divisio interpretatur, undè *yda*, id est *divisa*, & separata ab omni honore, & discretione, & sapientiâ quâ minimè utebatur, cum à legitimo viro cui primò nupserat, voluit absque congruâ ratione separari. Sed cum hæc ita congruè agerentur, & pugil *Robertus* consulatum haberet, & simul esset edictor, & alii quamplures Nobiles cum eo, ut *Aylwardus Snelgerus*, ordinatum est, proinde consilio inter consules habito quod *Folbertus* qui destinebatur captivus ab *Elbone*, in securum locum deberet mitti, & deindè cum deliberatione absolvi, ita ut vidua & filia priùs de captivitate redirent, & sic pax inter terras firmaretur. Sed tali consilio promulgato, quia non placuit *Elbonibus*, mandatum consulum protervè contemplerunt. Quare Consules irâ præceperunt, ut benè convenirent ad superbiam *Elbonis* & suorum comprimendam, & sic anno 1283. feriâ Apostolorum *Petri & Pauli*, Consules meliores, fortiores & agiliores terræ *Fivelsingie* conveniunt *Hellum* quasi vir unus, ut domum prædicti comburerent, & captivum potenti manu auferrent. Quo viso cum dictus *Elbo* & cognatio ejus tota, ac amici cum plures qui ipsum defendere venerant, Consulibus ac toti terræ resistere non possent, nec auderent, Principibus, placitis & consilio habito, probis & honestis viris mediantibus, fecit coactus quod priùs voluntariè facere nolebat, deditque captivum in manibus *Oudgeri*, Abbatìs *Floridi-Horti*. Consules verò benedicebant communitati, & recesserunt illâ die cum gaudio & honore, dimittentes domum *Elbonis* in eo statu quo invenerunt. Sed Dominus Abbas *Floridi-Horti*, sicut minùs providè fecit, captivum ab *Elbone* recipiendo, sic etiam ipsum minùs cautè fecit custodiri in claustrò, quâ brevi intervallo temporis postea nullo sciente, tractus in ambitum Claustrì per fenestram manu illorum de *Mildevalda* deportatus evanit.

Medio tempore Dominus Episcopus *Everardus* misit litteras suas, ut juvenculam mitteret in locum securum, pro ipsius voluntate examinandâ, sed quia dictus laicus de constantiâ juvenculæ diffidebat, mandatum Episcopi contempsit, & curiam Domini Papæ appellavit, & Dominum *Thitar-dum* Abbatem *Clari-Campi* in iudicem obtinuit, qui autoritate Apostolicâ sententias contrarias sententiis Domini Episcopi promulgavit. Et sic multiplicatæ sunt sententiæ. Tandem per sententiam utriusque partis, facta est arbitraria commissio, in Decanum in *Loppellum* virum constantem, & *Hesse-*

(a) *Hellum* *Fivelsingiorum* vicus in sylvis Australibus.

lum Decanum in *Fermessum*, qui *Hesselus*, adhuc juvenis, habuit in loco suo Magistrum *Elbonem*, qui fuit juris peritus, & in omni consilio suo providens. Arbitraria compromissione sic facta, ex mandato illorum in quos arbitrati fuerunt, pars utraque pro se, dedit autem ad valorem quadraginta marcarum, & hoc sub tali conditione, ut si aliquis eorum à sententiâ arbitrariâ recedere vellet, si in sententiam concordarent, aurum amitteret, & pars consentiens illud recipere posset. Et sic illud aurum recepit Dominus *Floridi-Herti*. Habuit captivum, habuit aurum quod recepit, & ista duo bono zelo fecit, & magis pro *Elbone*, quàm pro parte alterâ, licet in exitu idem *Elbo* mala fuisset comminatus, quia captivo elapso, constanter de Abbate ipsum requisivit, & dixit, quod aut satisfacere ei deberet, aut captivum restituere. Prædicti arbitri quia non poterant concordare in sententiam cum pluries ad hoc convenissent, ab invicem discesserunt. Et sic omnia ad malum exitum tendebant. Sed Dominus *Oudgerus* Abbas pie memoriæ hunc exitum non vidit. *Albertus* verò Decanus callidè, per nuntium antè horam mortis petiit ab eo aurum *Elbonis*, & obtinuit pro majori parte. Novo Abbate creato, statim assijt *Elbo* & sui, requirentes captivum, & totum aurum, tam illorum de *Mildevaldâ*, quàm etiam quod suum fuerat. Cui favit *Albertus* Decanus perhibens testimonium, quod aurum illorum de *Mildevaldâ* jure cedere deberet Laico prædicto. Iis auditis *Robertus* venit, & sui tantummodò aurum quod dederant in pignus requirentes præviâ ratione, tum quia arbitri non concordabant, tum quia aurum alterius partis, fuerat pro majori parte D. *Alberto* restitutum. Dominus Episcopus misit litteras Domino (*Folcardo*) electo ut aurum partibus restitueret, sub obtentu amicitie sue: Præcepit etiam arbitris, ut ampliùs de causâ matrimoniali nullatenùs se intromitterent, dicens sententiam definitivam prædictæ causæ ad ipsius spectare definitionem. Tandem habito consilio cum paucis, inter duo mala minus elegit, & quod justius videbatur fecit, deditque pugili *Roberto* aurum illorum de *Mildevalda*, & quod residuum fuit de auro prænominati *Elbonis* laici, etiam remisit, nec per hoc gratiam est consecutus, quia Dominus *Albertus* in suo officio, in omnibus quibus potuit malefactorum se Abbati, & Ecclesiæ promissit. Et *Elbo* quali leo rugiens ad prædam, cum suis, pessimo usus consilio, disposuit auferre boves, & aratra Ecclesiæ prædictæ. Conversis mutilatis, & verberatis, Abbati non minus tacere proposuit. Sed suscitavit probos viros qualis fuit *Dodo de Heide* vir disertus, *Haicke*, de *Heppenga* de *Emetba*, & *Eppo Bolefmona* de *Stedum*, prædicto Domino in omni virtute consimiles, & *Eppo Stithenga* de *Germervvalda*, qui sæpèdicto laico *Elboni*, si Abbatem, & Convantum suum in aliquo laderet, quod in momento eorum adjutorio carere deberet, denuntiarent. Et super prædictos nobiles monitus, factò, non voluntate, quievit. Quia per mala consilia, & per malas diversas vexationes, Prælatos ad hoc excitavit. Quod & similiter fecit *Albertus* Decanus.

Anno Domini cccc lxxxv. Nordenfes arma receperunt propter homicidia quæ in dolo eis sæpissimè contigerant, cum pacem servarent. Inceperunt enim tunc temporis proprium construere castrum, quod priùs non fecerant. Quia pax quæ est mater dilectionis & sanitatis plebis, viguit inter illos tredecim annis laudabiliter servata.

1285. Eodem anno Comes Hollandiæ maximam exactionem lapidum sub obtentu amicitiae suæ per nuncios & litteras exegit à Claustris trans-Lavicanis ad construenda Castra in *Wessfreslande* dominio suo subjugato. Comes Gelrensis à captivitate Ducis Brabantiae absolvitur omni materia dissensionis terminata.

1290. Anno Domini c1290. frequens pluvia autumnalis, segetes cum sono destruxit in agris & pratis propter nimiam abundantiam aquæ pluvialis, propè Arnem (*Arabeim*) & Daventriam. (*Davenser*) Rhenus & Isla (*Liffel*) effluerunt, & destructa est *Betua* (a) propè Islam, domus multæ devotiæ sunt hominibus submersis. Item castro Benedicte Abbatis rabies aquarum ventis agitata Frisiam replet, & in istâ congregatione aquarum, antiquum *Selstetb* inunditis est evulsum in *Otterdum* (b), & aquæ transierunt terminos suos repleveruntque omnia prata.

Anno c1290. interea dum Ecclesia in transmarinis partibus gerneret à Paganis conculcata, & D. Papa Nicolaus (IV.) debita carnis solvillet, bella atrocissima per omnes fines Christianorum oriuntur. Nam Romæ Cardinales certabant pro Papatu, Rex Angliæ & Franciæ pro potentia & libidine dominandi.

1291. Anno c1291. est dissensio magna inter Alricum & Elbonem, Decanos in *Loppersum*, pro parte alterâ in tres parochias, *Schelvolde*, *Slestra*, (c) *Hemmenis*, quæ concordēs fuerunt contra Decanos, & sic invaluit dissensio, quod Decani non admittentur ad Synodalia in silvis. Cum autem hinc inde sententiæ excommunicationis & interdicti fulminarentur, nec tamen esset finis, facto arbitrio convenerunt partes in Abbatem *Floridi-Horti*, & in *Skelvalda* & in *Asterloo* (d) Monasteriorum Præpositos, qui statim ut convenerunt concordabant Abbati in *Werum* committere, ut secundum quod condixerant, litteras diceret.

1287. Anno Domini c1287. facta est visio mirabilis in Claustro Grisei Ordinis in Civitate Tripolitana. Monachus quidam dixit Missam coram Abbate suo, uno præsentē Ministro. Inter oblationem & communionem manus quædam missa apparuit, scribens super Corporale litteris aureis, in quo dictus Monachus Corpus Domini consecravit, „ Cedrus alta Libani „ succidetur, & Tripolis in brevi capietur, destruetur, Acharon capietur, „ & Mars Saturnum superabit, & Saturnus insidiabitur Jovi, & vespertilio „ subjugabit Dominum Apostolicum, infra quindecim annos erit unus Deus, „ & una fides & alter Deus evanescet, & filii Jerusalem à captivitate liberabuntur. Gens quædam veniet sine capite, & tunc vix Clero & tibi „ Christianitas. Navicula Petri jactabitur variis fluctibus, sed evadet & „ dominabitur in fine. In mundo erunt multa prælia, strages magnæ & „ fames valida, hominum mortalitas & regnorum mutationes. Terra Barbarorum converteretur, ordines mendicorum & aliæ sectæ quamplurimæ „ annihilabuntur, Bestia occidentalis & Leo orientalis totum mundum subjugabunt & tunc pax erit in toto orbe terrarum, & copia fructuum „ per 15. annos erit, & tunc erit commune pastagium ab omnibus finibus „ ultra

(a) Betite urbs ad Lingam fluvium sita.

(b) Otterdum, Fivelingorum vicus ad oram Amisæ.

(c) Slestra vicus in sylvis Australibus, ubi arx nobilis Fraylenburgica.

(d) Vicus in sylvis Australibus Fivelingiæ, nunc extinctus sicut & monasterium.

„ultrà aquas congregatum ad Terram Sanctam, & vineæ & Civitas Jerusalem gloriabitur, & Sepulchrum Domini honorabitur in tantâ tranquillitate. Audietur de Antichristo, & alia miracula. Ergo vigilare.

Annò Domini c10ccxcvi. nova Ecclesia Skiramera (*Skiramere*) fundata est, cujus ædificatio funditus super arenam totaliter incepta in tantâ sumptuositate, quòd tota illa Ecclesia lapidea, quæ prius ibi fuerat constructa in palude, à proavis, qui eam suis temporibus ædificaverunt, una rigâ mortuorum in palude inferius fuit inventa, quoniam todiebatur fundamentum. Alia desuper. Tertia fuit tunc temporis quo fòssum est fundamentum, & illa complanata est per totum cimiterium, in quo non aparuerunt sepulchra antequam à novo fiebant.

1296.

Annò Domini c10ccxcv. orta est dissensio magna & questio contrà *Menaldamum* & *Hellum*. Primò *Alius Zadema* & *Ajlvvalda* pro morte nepotis sui quem juvenis *Elbo* occidit, cui adhæsit semitater suus *Ujo* & omnis cognatio simul coorta contrà *Menaldamum* pro faciendâ vindictâ. 2º. Questio fuit ab hæredibus *Lucii Rodmari* qui occisus fuit prope aquam, sive mare *Seil-Skeld*: inter istos hæredes principalis fuit *Albero Aldinga* & *Lueppo Rondage*, & omnis cognatio eorum, dicentes quod *Menaldama* & ejus adherentes dictum *Rondagem* occidissent, & propter hoc potenter eorum occisi *Rodmari* munierunt, facientes conspirationem cum dicto *Lueppo* & suis, qui etiam munivit suam domunculam lapideam simul contrà *Menaldamum* in tantâ constantiâ. quod *Elbo* senior qui fuit homo insigni consilii, & mirabilis ingenii, cum suis sibi faventibus non potuit nec scilicet invenire concordiam, & bonum pacis. Medio tempore, cum prædicta mala sic essent in foribus, pugnatum est inter nepotes *Menaldama* & *Elbonem Haiglenga de Sletbra*, propè *Lunserveb*. De quâ pugnâ cum satisfacere vellent *Menaldamum* prædicto *Elboni* sine contradictione *Aylwardi Snelgra* qui fuit filius matetere *Elbonis*, noluit acceptare, sive recipere, sed protervè animo elato erexit se contra *Menaldamum*, & cum eo omnis cognatio sua, ut fuerunt *Aylwardus*, & *Aiso* fratres filii *Snelgeri de Skiramera*, & eorum filii, & nepotes, *Brinckmarus*, & *Wiardus* fratres filii *Elbonis*, & eorum adjuutores. Iis ita fieri incipientibus *Effibellus Merechia* in *Skelvalda* incepit contendere pro consularu cum *Menaldamo*, & quia timuit nec potuit resistere eis, fecit conspirationem cum *Elbone* & *Snelgera* & simul cum eo omnis cognatio ipsius, & sic in fortitudine juravit *Effibellus*, quia confederatæ fuerunt in unum cum eo duæ sectæ de orientali parte silvæ, & de occidentali *Snelgani*, & *Elbo* & multi de *Trentawaldâ* divites & nobiles ei astabant, & quamplures milites de villis diversis, & etiam silvis in secreto quantum potuerunt prædictas *Flintas* ad confusionem *Menaldingorum* provocabant. *Elbo* verò & filii sui, nepotes & consanguinei in quantum volebant, per majores & meliores, qui non fuerunt pro parte suæ sectæ, petebat ab eis simpliciter pacem, & illam eis offerebat, dicens, quòd omne crimen, sive malum quod eis, sive suis imponerent, & omnem materiam dissensionis inter eos exortam, qualiscumque esset & indecunque originem haberet, quòd lubenti animo ad verbum Domini Abbatis de *Werum* & *Wretberonis Folricba*, *Aylwardi Snelgra*, & *Aylwardi Walbreta* finaliter componere vellet & emendare, secundum terræ justitiam, simul & consuetudinem, sed quamvis sic rogaret, & prædicti nobiles cum eo, nichil est eis responsum, quod bonum pacis aperiret. Dicebat etiam

1296.

Cccccc

1295. interdu: iſtæ quatuor Flintæ (a), *aratra ſunt inſtaurata*, quod verbum unum principalium eorum, qui etiam fuit principalis inter compoſitores, at-  
 tinens ad quatuor ſectas quas vocabat aratra ſæpiſſimè, revocabat cum ſidu-  
 ciâ, ponens ſpem in multitudine populi & non in Deo. Et cum iſta tamen  
 debuiffet conſideraſſe, quia fuit competentis litteraturæ & magnæ diſcretio-  
 nis homo quoad ſenſum naturæ, & ideo ſuam ſpem in Domino poſuiſſe &  
 ab eo victoriam quaſiſſe debuiffet, quod non fecit, & ideo deſecit. Cum  
 dies prælii adveniſſet, congregati ſunt in unum contrà *Menaldamum*. Et ſi-  
 cut iſti parati venerunt ad pugnam, ſic & *Limbraldus* & *Viſſi*, fratres cum  
 omnibus conſanguineis, & amicis, quos habere potuerunt de orientali  
*Brucke* (b), & de villis, & ſilvis *Aſlavvalda* (c), *Ludibrundkircha*, & *Sperda-  
 kircha*, & cum eis *Abero Aldinga*, & *Luippo Vodega*, cum omnibus conſangu-  
 ineis ſuis, & amicis, quos habere pretio, & precibus potuerunt, de ſilvis  
 & villis, convenerunt in unum contrà *Menaldamum* ab oriente, habentes pro-  
 poſitum firmum deſtruire munitiones eorum, & ipſos omnes interficere,  
 vel de terrâ fugare. Menaldingi verò cum non haberent magnum adiutorium  
 de civibus, & ſilvis vicinis, nec ſurgeret eis confidentia, vocaverunt in ad-  
 iutorium ſintam *Walbertuorum*, cumque *Menaldamum* ex utrâque parte val-  
 lati fuiſſent ab inimicis, ne aliquis eſſet, qui poſſet tardare inimicos, quin  
 vellent intrare ſuper eos; & cum libenter de omnibus cauſis, in quibus  
 fuerunt, & eſſent nocentes, ſecundùm conſuetudinem terræ, & juſtitiam li-  
 benter vellent commutare in melius, & cum omnibus bonum pacis ſervare,  
 quid plura? *Inelgerani* & eorum aratra, inceperunt campanas trahere in  
 turri *Skelluvvalda*, ut maniſeſtum fieret Orientali ſocietati, quòd ipſi ab Occi-  
 dente conveniſſent, & ſtatim concito curſu, cum clangore tubarum, & ſtre-  
 pitu multitudinis proceſſerunt, voluntatem opere volentes adimplere. Quod  
 audientes *Menaldamum* & videntes, intrepidi tanquàm Machabæi circa do-  
 mum lapideam *Dodonis Feddigna*, eis occurrerunt animo deſcendendi ſe & ſua,  
 cumque ſic conveniſſent & fortiter dimicaret, converſi ſunt in fugam tandem  
*Inelgerani*, & eorum turba magna, & inſecuti ſunt eos *Menaldamum* ſicut  
 viri ſortes. Aliquos denudabant, non-nullos vulnerabant, & multos mutila-  
 bant. In iſtâ fugâ occiſus eſſet *Aylouardus* Snelgera niſi Eppo Stitinga eum  
 defendiſſet. *Eyſi* & frater ejus hic idem paſſus fuiſſet, ſi equum velocem  
 non habuiſſet; Occubuiſſet tamen uſus ex ſocietate eorum qui fuit nationis  
*Skiramera*. Iſtis ſic fugatis, congregati ſunt *Menaldamum*, ut pugnarent de  
 novo contra duo aratra, quæ fuerunt inſtaurata ab Oriente, cumque etiam  
 adveniſſent fugati ſunt Orientales, & captus eſt *Viſſi* frater *Brulbonis*, & alius  
 quidam cum eo, & ſic reverſi ſunt in die illâ *Menaldamum* ad caſtrum  
 ſuum cum omni ſocietate eorum, cum gloriâ & victoriâ magnâ. Fuit ta-  
 men unus nobilis de ſocietate eorum occiſus, qui fuit nationis de *Middle-  
 vvalda* (d). Cumque ſic *Menaldamum* uno die quatuor cornua inſultantium  
 deviciſſent in fortunâ bonâ, poſtmodum non ſunt iſta aratra in tali multi-

(a) Flintæ nomen Friſum, idem ſonans ac ſæctiones, ſive ſectas.

(b) Hodie *Zuit* & *Northreck* vicus ſilvanorum primarius, Satrapæ ſedes, &  
 in duas parochias diviſus.

(c) Lege *Aſlavvalda*.

(d) *Middlevalda*, parochia ampliffimi tractûs, cui ſanum ingentis ſublimitatis  
 in crucis formam ſtructurum adhæret.

tudine instaurata contra eos, sed secreto in latibulis die nocteque, ipsorum interitum moliebantur. Undè accidit quòd *Elfbatus Frethra*, nepos *Elbonis* senioris, & cum eo *Elbo juvenis*, qui fuerunt ambo viri viriles, & in eis aliqui armigeri, post crepusculum iverunt *Slotbra*, & violenter in manu forti de quâdam domo extraxerunt *Abbonem Hagenga*, qui fuit unus ex maximis inimicis eorum, & cum eo *Renwardum* filium *Ludmari* divitis de *Herna* qui habuit in uxorem neptem *Aylwardi* & *Ayfinis Snelgera*, & eos sine vulneribus captivos traxerunt per silvas *Hellum*. Ex quamvis isti sæpius machinati essent inortem in *Menaldamenses*, tamen eis pepercerunt, & eos vivos in vinculis detinebant. Sed nec sic pacem habere potuerunt, nam consilio habito de nocte, incastellaverunt domum lapideam *Dodonis Jeldinga* in *Skeldevvalda*. Istæ quatuor sectæ contra *Menaldamum*, & combusserunt domos ligneas. Quod audientes *Menaldamenses* cum paucis quos habebant ad manum, invaserunt eos, & omnes qui fuerunt extra castrum fugaverunt, & tunc *Hessilus* Consul occisus est ab *Eppone* fratre *Ellonis*, & *Wardus Trauvama* vulneratus ad mortem, & captus. Tunc etiam miserunt in Orientali *Proke Menaldamenses* pro adjutorio. Qui statim venerunt, & pugnantes ad castrum miserunt in illud ignes per fenestras. Aliqui etiam fodiebant parietem subter. Quibus sic dispositis defecerunt vires pugnantium superius in castro propter acerbiteriam fumi, & ardorem ignis, præcipue quia non viderunt defensores, sive adjuutores aliquos, qui eos descendere advenire. Undè dederunt se, & sua in manus *Menaldamensium*, eâ conditione, ut eos non occiderent. Quo facto mitigatum est etiam cor *Menaldamensium*, & receperunt eos vivos, concedentes eis vitam, qui eorum quærebant mortem. Contigit ergo sic ex bonitate *Menaldamensium*, quod habuerunt in castro *Elbonis*, quod fuerat unicum effugium eorum, viginti captivos, quos omnes potuissent occidisse, & si fecissent, digna pro meritis dona eis reddidissent. *Abero Aldinga* ad castrum *Rodmari* Lusci, proximi consanguinei sui, pro cuius morte iniit guerram, ductus est in sola familia cathenis duabus cathenatus, ut ibi occideretur. Sed mediante Abbate *Floridi Horti*, & aliis Sacerdotibus bonis, qui cum eo fuerunt ordinatum est, quod *Luippo Rondage*, & alii qui fuerunt cum eo in castro, sine timore, & offensâ cum omnibus quæ habebant, abirent de castro, promittentes quod amplius non obsiderent. Et ut nulla fallitas interveniret, pet se etiam castrum inutile reddiderunt. *Elbo* verò medietatem castri, & hereditatis emit, ab hæredibus *Rodmari* post paucos dies, & illam dimidietatem dedit ad structuram Ecclesiæ in *Hellum*. Fuerunt enim aliqui hæredes qui volebant post *Rondage* pugnare. *Inelgerani*, cum hoc factum audivissent *Aylwardus*, & *Eyfo*, miserunt pro Abbate *Floridi-Horti*, qui tum temporis fuit in Novo-Claustro, rogantes intimè, ut sine morâ quantocius posset iret *Hellum*, in subsidium eorum, qui in castro capti fuerant, & faceret quantum pro eorum adjutorio posset ne occiderentur, vel aliâs destruerentur. Cumque Abbas venisset divertit se *Hellum*; Sed quia vidit multitudinem propè castrum *Dodonis Jeldeckna*, divertit faciem suam, ad domum illam, & vidit superius *Jouttonem Abenema* expectantem exitum rei. Nam *Uv-lo*, & *Herdricus* fratres dicti *Mommanga*, & *Butto Buttesmuna*, qui duxit furorcm eorum, cum omnibus consanguineis, & amicis volebant occidere *Touttonem*, qui fuit superius in castro in vindictam, quia prius filium *Buttonis*

1296. *Buttesmona*, qui duxit sororem eorum, cum omnibus confanguineis, & amicis volebant occidere *Touttonem*, qui fuit superius in castro in vindictam, quia prius filium *Buttonis Buttesmona* occidit. Quo audito Abbas procuravit cum *Eltato*, *Menalda*, & *Elbone*, & cum melioribus qui venerunt ab Orientali *Proke*, qui fuerunt confanguinei sui.

Iis itaque peractis monuit Abbas *Menaldamenses*, ut captivos omnes præcipuè vulneratos in bonâ custodiâ haberent. Quod ipsi sicut probi viri fecerunt. Sequenti verò die Abbas occurrit *Snelgrinibus* in *Stotbra*, dixitque eis quod omnes viventes in castro, sine timore essent tuti de vitâ, quamquam aliqui ex eis essent vulnerati. Tunc fratres *Aylwardus* & *Eysa* ceperunt tractare cum Abbate de bono pacis, intimè rogantes, ut Abbas quantum posset pro concordia laboraret. Qui statim in bonâ voluntate annuit. Tempore intermedio cum *Snelgera*, & ejus adherentes de quatuor flintis emendare non possent per bellum, neque judices, & consules terræ, ut captivos *Ameldamenses* liberos de damno reciperent, nec surgeret eis spes aliquo modo emendandi, compulsi sunt necessitate magnâ petitionibus adire Abbatem de novo, ut ipsorum impotentiam, & defectum per suam discretionem sublevaret. Quod & fecit Abbas, sicut enim prius & postea, sic & tunc pro eis fideliter laboravit. *Elbs* verò, qui pater & patruus *Menaldamensium* fuit, dicebat: sicut antè consilium, volebam confidere Domino Abbati & *Aylwardo Snelgra* & aliis personis superius scriptis, si nunc volo esse principalis vobiscum, & cum aliis probis hominibus in compositione ordinanda; & quia cum bonis suis dederunt seipso in manus meas & meorum, ut parceremus eis in vitâ, est necesse, quia dedimus eis vitam, ut conferamus eis res temporales. Ista cum Abbas nuntiasset *Snelgra* & sui valdè fuerunt confusi, sed quia aliud juvamen habere non poterunt, placuit eis potius res amittere quàm personas, & sic totius negotium belli in contrarium venit. Nam quatuor flintæ sine retardatione voluerunt destruere *Menaldamenses* & bona eorum dissipare, quod totum in eos reverteretur. Modus compositionis patet in litteris ab Abbate super hoc confectis, de quibus ipse tres retinuit, & *Menaldamenses* tres, & unaquæque flinta tres. Formam compositionis per se edixit, præhabito sermone sicut semper consuevit facere.

1280. Anno Domini MDCCCLXXX. Hesselus Decanus de *Fermessum* exiit solum paternum, & venit Parrisiis pro remedio, & adutorio alterius oculi sui, & etiam pro studio cum famulo, & duobus sociis. Hic cum esset Parrisiis, auditiv quod duo magistri ad invicem disputaverunt de Conceptione Virginis Mariæ, utrum esset digna celebratione vel non? cum non possent convenire in unum; quid esset faciendum, quia alius dicebat, & rationibus firmis affirmabat, quod esset celebranda, alius in contrarium, quod non esset, docebat, factum est in die Conceptionis, quod Magister qui non volebat honorare Conceptionem Virginis Mariæ, & cepit suis scholaribus legere, ut suam disputationem descenderent, obmutuit in præsentia omnium qui aderant, cumque modum loquendi non haberet, rediit ad cor, & contritionem, & poenituit de sua disputatione perversâ, quam fecerat contra Conceptionem Virginis glorioisæ, promittens si mater misericordiæ, usum loquendi donaret, quod omnibus diebus vitæ suæ festum in Conceptione Virginis Mariæ faceret, & omnibus quibus posset prædicaret

Questio  
agitata  
Parrisiis  
de festo  
Concep-  
tionis B.  
M. Vir-  
ginis.



prædicaret esse Festum Conceptionis solemniter celebrandum. Quid multis moror? Mater omnis gratiæ quia sinum misericordiæ omnibus invocantibus eam de toto corde benignè aperit, non vindictam longiore pro contemptu fecit, sed in momento, sicut obmutuit, ita usum loquelæ recepit, & palam quid sibi acciderat prædicavit. (a) De quo signo Festum Conceptionis tunc in majori reverentiâ coepit haberi, donec hic Decanus cum talia & similia Parisiis audivisset, & etiam ibidem totum officium de Conceptione invenisset, in reditu suo secum attulit, prout ibi invenit, & in Decanatu suo per licentiam Officialis Domini Episcopi per Villas prius fecit annuatim celebrari.

1280.

*De Capellâ in Frewerth & qualiter sit constituta.*

Fuit quædam Vidua *Tyadeka* in *Frewerth*, nobilis & dives simul & discreta, unicum habens filium nomine *Menconem*, qui cum in pueritiâ suâ infirmari coepisset ad mortem, vovit pro filio, si Dominus daret ei vitam, & Mater misericordiæ Maria, quod construeret Capellam in propriis bonis, & in tantum dotaret eam de proprio fundo, quod sufficeret uni Sacerdoti. Quo voto sic emisso, filius revixit. Quod considerans dicta Domina præ gaudio & dilectione sæculi, aliquantulum retraxit animum à proposito, & coepit tractare quomodo nobilissimam & ditissimam juvenculam terræ *Fivelgonie* filio suo alliniret in uxorem. Fuit enim tunc temporis in *Loppersum*, nobilis vidua dives & discreta, relicta Domini Gayconis quondam Decani ibidem, viri prudentissimi & insignis nobilitatis, unicam ex eo habens filiam nomine *Tetam*, providentem & in literali scientiâ suprâ omnes mulieres pollentem. Ille etiam Decanus promisit in quadam infirmitate, cum consensu mulieris suæ *Tbaldis*, quod construeret Capellam & filiam offerret religioni, sed quod vovit, non ita citò & perfectè ut decuit, adimplevit. Et hoc potuit esse propter juventutem filia & spem longioris vitæ. Et idè morte præventus est, & obiit in Domino in confessione purâ, & sepultus in *Floridi-Horto* inter Canonicos dicti loci. Relicta verò ipsius non immemor voti Capellam construxit, & Canonicum in *Floridi-Horto*, qui ibidem quotidie divina officia celebrabat; accepit; filiam etiam unicam jam duodennem de claustris abstraxit. Medio tempore conceperunt amicitiam juvenis prædictus & juvenula prædicta, & sic evenit quod accedente consensu matris, merito duxit *Tetam* in uxorem, & facta est inter eos læticia magna propter abundantiam divitiarum, & floridam vitam. Post anni circulum, cum dicta *Teta* parere festinaret, vir ejus correptus infirmitate mortuus est. Quod audiens uxor præ nimio dolore abortivit, & ipsum nomine patris *Menconem* vocabat, & defunctus est puer, & sepultus apud patrem in *Campo Rosarum*. Et *Tyadeka* cl. marcas pro filii defuncti requie transcripsit in hereditatem Monasterio. Concessit verò Abbas plenam fraternitatem *Tyadekæ* in Ecclesiâ *Floridi-Horti*. *Teta* juvencula viro & filio sic privata quando prius potuit rediit *Loppersum* in domum patris, ubi etiam postea correpta infirmitate vocavit Abbatem *Floridi-Horti*, & surgens de lecto transfugam, & habitum cum summâ

1297.

Erechio  
Capellæ  
in Fre-  
werth.

D d d d d d

(a) Hujus historiæ non meminit *Bulæus*, hanc ignoravit *Launoyus*, Parisiensis Academiæ celebres Historiographi.

1597. devotione accepit, bona paterna offerens secum in præsentia Sacerdotum, & matris quæ ad hoc consentiebat, Ecclesiæ *Floridi-Horti*. Quò factò defuncta est. Medio tempore antè mortem prænominatæ *Tete* mater ejus *Tialdis* infurrexit contrà Dominam Tyadecam, dicens, quòd omnia bona ipsius jure hæreditario, mediante filiâ, essent ad eam devoluta. Alia, scilicet Tyadeca in contrarium loquebatur. Nobiles cognati, & amici viduarum sequebantur eas, alii in voluntate aliquid offerendi, alii in voluntate retinendi. Et sic evenit quòd illi qui priùs fuerant amici, facti sunt inimici, & pro eis dividendis certarent, qui multa bona comportaverant. Iis taliter finitis rediit Tyadeca ad cor, revocans de voto quòd vovit, & non implevit, & de amissione hæredis crevit cogitare, quomodò adimpleret votum. Cumque *Fermessum* quaereret adiutorium, quasi omnes parochiani & Sacerdotes de *Halwirth* (a) cum Decano, & consilio Decani exclamabant dicentes, quòd deberet edificari Ecclesia in *Frewerth* (b), ne schisma fieret in parochiâ propter duas villas *Frewerth*, & *Crewerth* (c), quæ ei adherere volebant ratione novi ædificii, si ad hoc licentiam possent obtinere. Quibus rationibus auditis cum proficere non posset, nisi cum muneribus & petitionibus magnis, divertit se ad Abbatem *Floridi-Horti*, & ipsius invocavit consilium cum auxilio. Abbas autem audiens ejus intentionem esse firmam, & habere voluntatem bonam ædificandi Ecclesiam, quia fuit ipsius pater spiritualis, respondit ei, iis verbis. Verba ista sunt priùs sæpè ab ore vestro prolata sine effectu; Nunc autem si vultis adimplere prout votum urget, & ratione voti tenemini, sciatis quòd capella ista, si ædificabitur, non erit utilis Ecclesiæ nostræ, tamen ut divinus cultus augmentetur, promittite Deo & tibi quòd ad honorem Dei genitricis Mariæ, in proprio fundo constitueris Ecclesiam cum omnibus attinentiis ad divinum officium. Pro posse meo juvabo vos. Ad hæc verba Tyadeca vidua respondit tanquam voti compos. Omnia quæ dixistis volo cum effectu in maximâ voluntate adimplere, & hoc Deo, & vobis Pater charissime promitto. Adjecit etiam & dixit, Quia multa bona venerunt Ecclesiæ vestræ de domo nostrâ *Frewerth*, ut nunc & deinceps non habeatis damnum, dummodò vos & ego vixerimus, donec omnia plenariè fuerint consummata, quæ pertinent ad novam structuram, habeo voluntatem vobis, & Conventui vestro Ecclesiam cum suis pertinentiis offerre. Respondit Abbas: In nomine Jesu vivas & facias. Medio tempore ordinat Abbas negotium cum amicis, & notis suis ad Dominum Episcopum pro voluntate viduæ prænominatæ. Et quamvis quibusdam non placeret, tamen suam obtinuit voluntatem.

(a) *Halwirth* cœnobium Ordinis Stri. Benedicti.

(b) *Frewerth* villa Fivilengie.

(c) *Crewerth* cujus parochiali Ecclesiæ addita fuit Capella B. Mariæ nuncupata.

## • F I N I S .



# INDEX RERUM ET VERBORUM.

## A.

**A**bie Prioratus filialis Hyreval-  
lis. 130  
*Absentia* Canoniconum à suis Ec-  
clesiis non extenditur ultrà quinquen-  
nium 416 *Absentia* à jure permiffa,  
vel quæ ell contrà canonici volunta-  
tem non privat distributionibus. 413 425  
*Absentia* à carnibus præscripta etiam  
infirmis Canonici Hyrevallis. 128  
*Adamus* Abbas Montis-Syon O. P. ac-  
cusatus à fratribus & ab Episcopo  
Pragensi, vindicatur à Rege Bohe-  
miæ &c. 88 89  
*Adelbertus* Monachus Gorziensis refor-  
mar Medianensis. 188  
*Adolphus* Episcopus Monasteriensis. 204  
*Ago* parochia ab Hyrevalle pendens.  
164  
*Albertus* Patriarcha Jerosol. 38  
*Albertus* Præpositus Rochi O. P. in Suc-  
vâ. 61  
*Albigenses* expugnati à Simone Monis-  
tortis. 42  
*Alexander* IV. successor Innocentii IV.  
533  
*Almonich* Abbatia O. P. laxius vivens  
corrigitur. 64 112  
*Alternacum* Abbatia O. S. A. ejus funda-  
tio. Abbatum series & diplomata.  
207 & seq.  
*Antellus* de Darnieulle fundator Xeno-  
dochii Plumberiarum. 130  
*Andreas* Episcopus Lundensis. 108  
*Anima* natura, sedes, functiones. 498  
& seq. Recipiuntur in cælum antè  
resurrectionem. 502  
*Aufelmus* Episcopus Laudun. ad precum  
participationem admittitur à Capitulo  
Generali Præm. 51  
*Apparitio* facta monacho Griseo cele-  
branti Missam, & mira prædicenti. 560  
*Appellatio* à iudice inferiori quando-  
nam licita. 239

*Aquisgranum* obfessum à Wilhelmo Co-  
mite Hollandiæ, electo Imperatore  
se dedit per compositionem. 527  
*Arbogastus* ex monacho Episcopus Ar-  
gentinensis. 181  
*Arentella* vicus infestus S. Neodato. 179  
*Arnaldus* Archiep. Narhon. & Inquisitor  
adversus Albigenfes. 41 42 43  
*Arnaldus* de Erpfe Vifitator Ordinis Præ-  
monst. instituitur à Gerualdo. 69  
*Arnibergâ* Abbatia O. P. 92  
*Articuli* reformationis propofiti & requis-  
fiti à Carolo IX. Rege Gallie in Sy-  
nodò Trid. 375  
*S. Abacus* Abbatia O. P. 39  
*S. Agatha* Abbatia O. P. in Angliâ 112  
*S. Amanda* monachos reformat Gerua-  
fius. 17  
*S. Auberti* Abbatia O. S. A. 98

## B.

*Bannorum* proclamationes potest remit-  
tere Episcopus. Non potest permit-  
tere ut fiant diebus ferialibus. 414  
*Baribulmannus* Comes Albigenfium vice-  
papa. 116  
*Beatrix* Lotharingæ Duciffa, ejus ge-  
lla. 197  
*Begham* Abbatia O. P. in Angliâ. 73  
*Bella Vallis* Prioratus O. S. B. ejus fun-  
dator. 201  
*Bella Vallis* Abbatia O. P. 77  
*Bellipodus* Abbatia O. P. ejus Abbas Or-  
dinem Carthufiæ ingreditur. 102  
*Bellum* inter Ernerenfes & Uthufenfes  
490. Inter Reidenfes & Emefones.  
495. Inter Fivelgones & Hunelgo-  
nes, milites de Pedefe & Groningen-  
fes. 531 & seq. Inter Orientales Fri-  
fones 549 555. Inter Ducem Braban-  
tiæ & Comitem Gelrenfem. 557. In-  
ter Menaldamingos & Walbertinos.  
561 & seq.  
*Bellus-lacus* Abbatia O. P. ejus fundator.  
85

# INDEX.

*Benedictus* Episcopus Roffensis. 73.  
*Beneficia* residentiam exigunt. 407 & seq.  
*Beneficium* pluralitas tollenda. Quando nam toleranda. 406 & seq.  
*Beneficium* possidens pacifice per biennium non tenetur ostendere titulum. 426  
*Bedonismasterium*, quis ejus fundator, situs, extinctio. 204  
*Bona-vallis* Prioratus pendens ab Hyrecevalle. 130  
*Bonsilium* Parthenon O. P. 44  
*Bonus-fons* Abbatia O. C. 52  
*Bonus-bonus* mons dividens Lotharingiam ab Alfiarâ. 182  
*Bruna* de Braunsberg Abbas Romersdorfii O. P. ejus encomium. 69 109  
*Bulla* Julii 3. citatoria ad Conc. Trid. 229  
*Burgalensis* præpositura O. P. 96  
*Buxeria* parthenon, nunc secularis Abbatia. 191

## C.

*Calmasiacum* Abbatia O. S. A. ejus origo & fundator. 201 & seq.  
*Campus-Rufarum* parthenon O. P. 433.  
*Candida. Casa* urbs Episcopalis cujus sedes unita est O. P. 82  
*Cannes* & decreta de Eucharistiâ. 231. sq.  
*Canonici* obtinens cum parochiâ illi unitâ, residere debet in parochiâ. 416  
 Quomodo utrumque possideri potest. 422  
*Canonici* Cathedrales sint quoad dimidiam partem Doctores. In elevatione Corporis Christi genuflectere debent. Fructus integros præbenda percipiant dum Episcopi ministerio inserviunt. 405 & seq. Qui seminariorum præfati sunt non muteantur nisi ex justâ causâ. 414  
*Capella* monast. O. P. 13  
*Capenbergæ* Abbas O. P. 58  
*Capitula* Generalia Canoniconum Regul. O. S. A. 145 & seq.  
*Capitulum* Generale superius est ipso Abbate Præmonstrati. 99. Modus & forma tenendi Capitulum Gener. 444  
*Cardinales* in alienâ diocesi non possunt Ecclesiam consecrare. 421  
*Carnibus* vesci extra infirmitorium non licet Præmonstratensibus, nec arma ferre. 92  
*Carls V. Imp.* epistola ad Pfalmæum 250  
*Carolus* Andegavensis Comes, Regnum

Siciliæ & Calabriam obtiner. 539  
 In Terræ Sanctæ subsidium proficiscitur. 544  
*Carolus* Cardinalis à Lotharingâ Episcopis Argentinenfis & Legatus indicit Capitula Generalia, edit constitutiones pro reformatione Canoniconum Regul. 129 145 & seq.  
*Casa-Dei* Abbatia O. P. 101  
*Castrum* Portuense. 12  
*Casuum* reservatio. 267  
*Causa* criminales & majores Præmonstratensium ad tribunal Ordinis pertinent. 109  
*Chemnin* Abbatia O. C. 54  
*Christiani* cruce-signati quid in Oriente, quid in Hispaniâ gesserunt. 446. 447. sq.  
*Clarbultum* præpositura O. P. 16 84  
*Clarus-Campus* Abbatia O. C. 430  
*Clarum-fons* Abbatia O. P. 111  
*Calceæ* pro subsidio Terræ Sanctæ Ger-vasio committuntur. 34  
*Cancies*, quæ causa, quis effectus. 468  
*Commendarum* abusus rescandus. 407 & seq.  
*Conceptus* B. M. V. festum agitur Parisiis à Doctoribus, quorum alter celebrationem festi negans de repente loquellam perdit. 564  
*Concilio* Trident. acta, decreta, vota Patrum. 217. & seq.  
*Concilium* Generale an universalem Ecclesiam repræsentat. 221  
*Concilium* Lateran. 442 & alibi.  
*Concilium* Lugdun. exautorat Fridericum Imp. 523. Ei sufficit Henricum Landgravium Thuringiæ. 524  
*Concilium* Moguntinum in causâ B. Engelberti. 486  
*Confirmatus* Sacramentum an potest conferre simplex sacerdos. 296  
*Conradi* Portuensis Episcopi epistola pro subsidio contra Albigenfes. 115  
*Conradi* Archiep. Colon. laudabilia gesta. 528  
*Conradus* ex Abbate Minoris-Augie fit Abbas Præmonstrati. 60 61

## D.

*Dedicatio* Horti-Floridi. 484 534  
*Dei-locus* Abbatia O. P. 113  
*Dei-locus-in-Jards* Abbatia O. P. 113  
*S. Deodatus* Vosagum adit. 178. Alfiariam lustrat. 179. Novietum struit. 181. In Valle-Galileæ stationem ponit,

# INDEX.

nit, Ecclesias ædificat. 182. Piè moritur. 184.  
*Diluvius* in Frisîâ frequenter contingunt. 457 459 492 460 462 528 556  
*Dispensatio* in tertio & quarto gradu quibus in casibus concedenda. 417  
*Distributiones* Canonicis absentibus ablatæ. 413. Nisi absentia contra absentis voluntatem sint. 425  
*Doxan* parthénon O. P. in Bohemiâ. 91

## E.

*Echbertus* Bambergæ Episcopus. 49  
*Eclipsis* solis anno 1241. undè orta. 519  
*Eduardus* Rex Angliæ pro recuperatione Terræ Sanctæ strenuè pugnat. 549  
*Electio* Abbatissarum potest fieri per vota secreta in aurè Episcopi suggesta. 414  
*Electio* Metropolitanì facta ab Episcopo exempto, ligat successorem. 413  
*Electio* nem Abbatum antè debet Regis consensus in Galliâ. 2  
*Electio* nis Abbatis Corbeiz præfès ex commissione Apostolicâ Gervasius Abbas Præmonstrati. 2  
*Electio* nis forma nova investita à Gervasio Abbate Præm. 70  
*Electores Ecclesiastici* primam antè omnes Archiepiscopos sedem obtinent in Concilio Trid. 220  
*Electus* Abbas Dei loci in Jardo & electioni rebellis, per excommunicationem cogitur. 114  
*Emonis* Abbatis primi in Werum vita & mores. 422 Ex pastore Husingis fit Præmonstratensis Canonicus. 434  
 Romam proficiscitur pro defensione sui monasterii. 436. Libros institutionum & caeremoniarum transcribit Præmonstrati. 439. Monasterii confirmationem obtinet ab Episcopo. 434  
 Parochiam Werumensem unit suo cœnobio. 443 Præmonstrati Abbati tanquam patri se & suam subijcit Ecclesiam. 444 Ex Præposito in Abbatem sublevar. 484. Scientiâ & pietate claret. 505 Miraculis post mortem fulget. 512 548  
*Emonis* fundatoris Floridi-Horti vita & mores. 429 Deposito habitu monastico candidum induit. 434. Fundat monasterium. ibid. Vita ejus singularis. 442 Romam petiit. ibid. Moritur piè. ibid.

*Encherbertus* S. Deodati Abbas monasterium dehonefians expellitur, & monachis Canonicis Regulares substituit Dux Fridericus. 190  
*Engelberti* Colonienfis Archiep. mors. 486 & seq.  
*Episcopatus* magni non sunt dividendi sine causâ legitimâ Summi Pontificis judicio relinquenda. 405  
*Episcopi* an jure divino instituti. 399. Sententia Psalmæi. 342 391  
*Episcopi* nec ordinate; nec confirmare possunt in alterius diocesi, personas quæ non sunt illius diocesis, nisi ordinandi habeant dimissorias. 412  
*Episcoporum* causæ ex privilegiis Galliæ non sunt soli Rom. Pontifici reservatæ. 408  
*Episcopos in-partibus* extinguendos esse censuit Card. à Lothar. & alii Patres Tridentini. 274 382 386 392  
*Episcopus* solemniter celebrans potest cogere Canonicos ut sibi inserviant, secus si privatas Missas celebret. 413  
*Episcopus* quando & quas ob causas debet citatus comparere coram iudice. 441. Qui testes audiendi contra illum. ibid. Causæ criminales Episcoporum à Summo Pontifice tantum, judicandæ. ibid.  
*Epistola* Caroli IX. Regis Galliæ ad Synodum Trid. 331 370  
*Eugibaldus* autor vitæ canonicæ apud Hircvallem. 127  
*Examinari* possunt ab Episcopis qui Sacra Scripturæ interpretationi destinantur etiam in monasteriis. 412  
*Excommunicatio* ex convictu cum excommunicatis incurritur. 13  
*Exemplones Ecclesiarum* an conservandæ. 403  
*Extrema unctio* nis doctrina. 258 269

## F.

*Fabrica* Ecclesiarum computus coram quibus sunt reddendi. 421  
*Ferricus* à Lotharingâ Princeps & Dominus Plomberiarum; ibi arcem struit. Ex Canonico Tullensi eligitur præpositus S. Deodati. Ad matrimonium convolat. 173  
*Floressia* Abbatia O. P. 74  
*Floridus-Hortus* Abbatia O. P. filia Præmonstrati. 120 121  
*Fougerolles* (Joannes) benefactor Hircvallis. Ejus sepulchrum & dentes. 131

Ecccece

# INDEX.

*Frederic* Capella erigitur à Tyadeca. [565](#)  
*Frederic* 2. Imp. educatio apud Saracenos. [541](#) Excommunicatur à Greg. IX. [520](#) Exautorat imperio. [523](#) & seq. Moritur [532](#)  
*Fridericus* Præpositus Clarholtri ad Monasteriensem Episcopatum aspirat, postea ad Corbeicensem Abbatiam. Privatur suâ præpositurâ, contrâ Ordinem rebellat. [16](#) Excommunicatur. [92](#) [94](#). Vexat successorem. [95](#)  
*Frisia* sola non solvit decimam. [540](#)  
*Frisianum* mores bellici. [462](#) In subsidium Terræ Stæ. crucem accipiunt. [642](#) & seq.  
*Fusnatum* Abbatia O. C. [59](#)  
*Fusuth* Parthenon O. P. [109](#)

## G.

*Garnerius* Scholasticus Remensis juris professor. [64](#)  
*Gaufridus* Archiepiscopus Rothomagus pro debellandis Albigenis intercedit. [115](#)  
*Georgii* Cardinalis, cognomento monachi, vita & mors. [283](#)  
*Gerardus* de Marka Episcopus Monasteriensis. [549](#)  
*Gervasius* Innocentio charus. [6](#) Pallium Archiepiscopo Remensi confert. [112](#)  
 Pro subsidio Terræ Stæ. prædicat. Eligitur Episcopus Sagiensis & sepelitur Silicii. [124](#)  
*Glinex* parthenon O. P. in Angliâ. [63](#)  
*Gurzenfis* Abbatie fundatio, prærogativæ. [188](#)  
*Gratum* ab Apostolicâ Sede per subreptionem, impetratam non admittat Episcopus. [240](#) [241](#)  
*Greg. 9.* electionem suam Episcopis provincie Remensis notificat. [118](#)  
*Guido* Archidiaconus Parisiensis. [69](#)  
*Gundelbertus* fundator Senonensis Abbatie, an fuit antistes Senonensis. [176](#)

## H.

*Halle* Abbatia O. P. in Angliâ. [81](#)  
*Hamburnensis* Abbatia O. P. [56](#) [92](#)  
*Harcia* parthenon O. P. [98](#)  
*Hayo* Abbas de Merna O. P. [523](#)  
*Hazelacum* Abbatia in Alsatiæ finibus, nunc secularis præpositura. [181](#)  
*Heldvith* cœnobium O. S. B. [566](#)  
*Heriberg* Abbatia Q. P. in Diocesi Bremensi, fundata à Gebhardo Comite

in Werningerod [19](#)  
*Helissem* Abbatia O. P. [97](#)  
*Helinus* Abbas Florefsiæ ad Summi Pontificis præceptum in Terram Sanctam proficiscitur [39](#)  
*Henricus* 3. Rex Angliæ bellum indicit Baronibus Regni [18](#)  
*Herculani* patria, ejus historia de antiquitatibus Vallis-Galilææ [171](#)  
*Herdicus* præpositus in Schiwaldâ O. P. vexat Floridum - Hortum. [473](#) Præcipitur illi à Capitulo generali ut Domum suam alicui Patri Abbati subijciat. [474](#) Per Episcopum Monasteriensem cujus officialis erat feriuntur excommunicatione judices contra eum delegati à Capitulo Ordinis. [475](#) Relaxat excommunicationem Decanus Ecclesiæ Colonienfis. [478](#) Rescinditur eadem excommunicatione per Summum Pontificem. [479](#). Amoveatur ab officialis & præpositi munere. [482](#) Inobediens excommunicatur. Pacem cum Emone pascitur Episcopus Monasteriensis. Herdricus à Capitulo generali citatus comparere jubetur satisfactorius. [482](#)  
*Himberga* præpositura Virginum O. P. [58](#) [109](#)  
*Hircevalis*, prioratus O. S. A. Illius situs [127](#)  
*Hivannus* Abbas Parcenfis O. P. legatus Ducis Brabantie ad Flandriæ Comitum [19](#)  
*Homerius* 3. Flandros & Brabantinos ad sacram expeditionem excitat. [122](#)  
*Hortus B. Mariae Virginis* Abbatia O. P. [434](#)  
*Hubertus* de Burgo magnus Angliæ Justitiarius. [71](#)  
*Hunna* S. Deodatum hospitio excipit, sovet abeuntem. [179](#) [181](#) & seq.  
*Hugo* Episcopus Leodiensis [55](#)  
*Hydulpbus* (Sanctus) institutor Mediani Monasterii. [181](#)

## I.

*Ianduria* Abbatia O. P. [54](#)  
*Joannes* Abbas Casæ-Dei O. P. postulatus Episcopus Adurensis conceditur. [42](#) [43](#)  
*Joannes* Cancellarius Romanæ Ecclesiæ. [33](#)  
*Joannes* monachus S. Dyonisii, eligitur Abbas Corbeiz. [3](#)

# INDEX.

*Joannes* Rex Ierusal. mandat Gervasio  
Statum Terræ Sanctæ. 36

*Joannes* (Sanctus) in Merna abbata O. P. 431

*Joannis* Archiep. Trevis. epistola ad Plam-  
mæum Episcop. Virdun. invitatoria  
ad Conc. Trid. 217

*Joannis* (Sancti) Ecclesia in suburbio  
Ambianensi O. P. incendio diruitur.  
Pro ejus restauratione intercedit Ger-  
vasius Abbas Præm. 68

S. *Joseph* Arimathensis corpus sibi vin-  
dicant Medianenses. 188

*Incorrigibiles* expelluntur è claustris &  
ordine secundum constitutiones O. P. 62 92

*Ingeburgis* Regina Franciæ postulat par-  
ticipationem orationum O. P. & ob-  
tinet 49

*Innocentii* 4. electio. 521 Ejus pro Ec-  
clesiæ labores. 523 533 Ejus obitus  
ibid.

*Ivo* Cracoviensis Episcopus, & bene-  
factor Hebdovici O. P. 83

## K.

*Knechtstedenium* Abbata O. P. 56

## L.

*Leo* Cardinalis protector O. P. 31

*Leysione* abbatis O. P. in Angliâ. 112

*Letes* definiendæ in partibus, nisi sint  
causæ majores. 408

*Lettera* Henrici 2. Regis Galliæ ad Con-  
cil. Trid. 224

*Lettera* Julii 3. ad Henricum 2. Regem  
Galliæ in causâ belli Parmensis. 255

*Longobardi* ab Ordine *Præm. accentur* 81

*Longum. Mare*, origo Voluminæ, anti-  
quus Eremitorum. 200

*Ludolphus* Episcopus Monasteriensis ex  
multiplici dote commendatus. 526

*Ludovus* (Sancti) expeditio in Terram  
Sanctam, ejus obitus. 527 542 544

*Lutemissel* Abbata O. P. erecta in Epil-  
copatum servato habitu & ritu Ordi-  
nis. 72

## M.

*Macarius* Abbas Steinfeldæ. 58

*Maberi* Episcopi Tullenis & præpositi  
S. Deodati viri, mores, inreritus. 202

214

*Mandata* de providendo, expectativæ,  
nocent Ecclesiæ. 407

*Mainfridus* filius spurius Friderici Imp.  
occupat Siciliam. 533: Mortis Urba-  
ni Papæ autor probabilis. 539 Occi-  
ditur propè Beneventum. ibid.

*Maria* (Sancta) de Parvo - Ponte Brun-  
dusii, Abbata O. P. in suis privile-  
giis impetita defenditur. 24 De laxi-  
ori vitâ accusatus Abbas increpatur  
ab Abbate Gervasio. 27 28

*Marianus* (Sanctus) Altitodorensis Ab-  
batia O. P. 61

*Marius* Abbas S. Petri - Montis fit Ge-  
neralis Canoniconum Regul. Loth. 129

*Maternus* (Sanctus) falsò ab Apostolis  
missus dicitur. 175

*Matrimonium* clandestinè contrahens,  
est puniendus. 420

*Medianum - Monasterium* ad Canonicos  
Sæculares transit. 186 Restituitur Mo-  
nachis. 187

*Melitenisum* privilegia servanda, sed il-  
lorum parochiæ subsunt visitationi  
Episcoporum. 405

*Melavutium* Abbata O. P. Primus Abbas  
Stus. Gerlacus. 116

*Memo* autor Chronici, Abbas eligitur  
Floridi-Horti post Pauli mortem. 523

*Mubael* Abbas Stellæ dignitatem abdi-  
cat 70

*Mulo* Episcopus Bellovac. init copcam-  
bium cum Gervasio Abbate Præm. 77

*Missa* celebratio in privatis domibus  
extra necessitatem est vetita. 420

*Monachi* non possunt ædificare mona-  
sterium in parochiâ etiam si in illâ jus  
habeant, nisi accedat consensus Papæ  
425

*Monasteriensium* Episcoporum series. 484

*Moniales* non possunt exire extrâ clau-  
strum sine licentiâ superioris regula-  
ris, & Episcopi 422

*Mons. Der Carthusia*. Ejus fundator 100

*Mors* & canonisario S. Francisci. 437

*Mortalitas* equorum quo medicamine  
prævertitur 487

*Motuum* terræ, quæ causa. 470-485: 534

## N.

*Nebus* Abbata O. P. in Angliâ 63. 4. 112

S. *Nicolas* reliquæ quomodo in Lotha-  
ringiam advectæ. 201

*Nicolaus* Episcopus Tusculanus. 57

*Novientum* à S. Deodato erectum, dota-  
tur ab Attico Duce. 179

*Nudipedes* incedebant Canonici Hyrc-  
vallis. 128

# INDEX.

## O.

- Oliverus* predicat crucem in Frisia. [449](#)  
 Pro defensione Flori di-Horti scribit  
 ad Capitulum generale. [476](#)  
*Oratio* legatorum Wirtembergæ & Ar-  
 gentinæ. [320](#) Legatorum Ducis Sa-  
 xoniæ in Concil. Trid. [213](#) Cardina-  
 lis à Lotharingia. [333](#) Archiepiscopi  
 de Zarâ. [335](#) Ferrarii Legati Regis  
 Galliz. [395](#)  
*Ordines* varii monachorum sub Grego-  
 rio IX. exorti. [495](#)  
*Ordo* sacer & hierarchicus. [306](#) & seq.  
*Otto* Trajectensis Episcopus occiditur. [488](#)  
*Ottonis* Episcopi Monasteriensis obitus. [534](#)

## P.

- Papa* an supra Concilium. [368](#)  
*Paruchia* & Canonicatus vacant per adep-  
 tionem alterius parochie possesse pa-  
 cificè. [414](#) [415](#)  
*Paruchia* S. Germani Ambianensis ablata  
 Præmonstratensibus, pro ejus restitu-  
 tione multi Abbates intercedunt apud  
 Honorium 3. [21](#) [22](#) [23](#)  
*Paruchia* collatio per ordinarium facta  
 omisso concursu est nulla. [430](#)  
*Paruchus* intra annum non ordinatus sa-  
 cerdos ob defectum litterarum, vel ob  
 aliam causam ab Ordinario probatam  
 non cadit suo beneficio. [416](#)  
*Paruchus* potest per quadrimestre comi-  
 tari Episcopum suum in visitatione  
 diœcesis. [418](#)  
*Paruchus* Officiis aut Missis gravatus pos-  
 test compelli ad assumendum vicarios [412](#)  
*Paruchiani* cogi non possunt ad Missam  
 & concionem parochialem sub pœnis  
 & multis. [413](#)  
*Paternitas* quid est in O. P. [122](#) [123](#)  
*Paulus* Emonis successor in Florido-  
 Horto Ecclesiam ædificat. [517](#) Vita,  
 pietas & mors Pauli. [523](#)  
*S. Paulus* Virdunensis O. P. Abbatia. [79](#)  
*Paupertatis* votum rigidius observabant  
 Hyrevalleses Canonici. [128](#)  
*Pax* Angliæ per quatuor clericos impo-  
 dita. [35](#)  
*Perrucum*, sive *Perrodium*, Abbatia O. P.  
 ejus fundator. [69](#) [84](#)  
*Petrus* Episcopus Vineoniensis fundator  
 Abbatie de Halle. [80](#)

*Petrus de Carheil* Episcopus Senonensis. [81](#)

- S. Petrus de Cameris* Abbatia O. P. in diœ-  
 cesi Policastrensi. [28](#)  
*Philippus* Cancellarius Parisiensis. [15](#) [78](#)  
*Philippus de Dreux* Episcopus Bellova-  
 cent. ejus vita, & gesta. [39](#) [52](#)  
*Pleinfesim* vicus Vallis-Galileæ, locus  
 natalis Herculan. [171](#)  
*Ploeketa* parthenon O. P. [83](#)  
*Plumberiana* Therme. [173](#)  
*Portus-Suavis* Abbatia Canoniarum sa-  
 cularium [198](#)  
*Psfula* parthenon O. P. [74](#) In virilem  
 abiit Abbatiam, sicut ex post factâ edi-  
 tione didicimus.  
*Puna* decreta adversus falsarios littera-  
 rum Superioris. [112](#)  
*Punitentia* publicæ usum revocandum  
 suadent Trid. Patres. [404](#)  
*Punitentia* Sacramentum doctrinaliter  
 examinatur à PP. Concil. Trid. [256](#)  
 Definitiones Patrum. [262](#) & seq.  
*Præcedentia* in confesso Trid. disputata  
 inter Legatos Galliz & Hispan. [389](#)  
[391](#) [395](#)  
*Prædictio* Crucis contra Sthedingos. [493](#)  
*Prædictio* Crucis contra Tolosates Albi-  
 geneses. [43](#)  
*Præmonstratenses* à solutione vicessimæ  
 pro subsidio, l'erræ Stæ. exempti. [104](#)  
*Præmonstratenses* in diœcesi Thebanâ  
 moribus degeneres. [79](#)  
*Principes* an possunt, vel debeant excom-  
 municari. [468](#)  
*Probatio* per ferrum candens viguit in Fri-  
 siâ sæculo 13. [462](#)  
*Proprietarii* excommunicantur à Capitu-  
 lis generalibus O. P. [106](#) [107](#)  
*Protestatio* Henrici 2. Regis Galliz in  
 Concilio Trident. [235](#) Legati Regis  
 Hispaniarum. [389](#)  
*Puella* & viduæ in monasteriis moniali-  
 um possunt esse pensionariæ. [421](#) [422](#)  
[423](#)

## Q.

- S. Quiricius*, Abbatia O. P. in diœcesi  
 Reatinâ traditur Gervasio ab Innoc. 3.  
 Confirmatur ab Imp. Friderico. [29](#)  
 30 Abbas deponitur. [31](#)

## R.

- S. Radegundis* Abbatia O. P. in Angliâ. [71](#)  
*Radulfus* Abbas S. Joannis Ambian. [5](#)  
*Radulphus*



# INDEX.

*Radulphus* (Beatus) Abbas Viconiæ dignitatem exuit, miraculis chret. [99](#)  
*Raimaldus de Ribemonte* Abbas S. Martini Laudunensis. [99](#)  
*Reformationis* articuli. [233](#) [259](#)  
*Regimen* Episcopale quale esse debet. [239](#)  
*Reginaldus* Episcopus *Tullenis*. [77](#) Ejus mors funesta. [207](#) [213](#)  
*Regulares* ad processionem potest cogere Episcopus si collegiorum servitio non sunt addicti. [415](#) Non possunt possidere propria. [422](#) [426](#)  
*Reliquias* O. P. decreto Pontificis & Ordinis prohibetur admittere. [97](#)  
*Residentia* an jure divino præscripta Episcopis. [354](#) & seq. [391](#)  
*Romanus-Montis* Abbatie status primus, & modernus. [199](#)  
*Romani* Prioratus O. S. B. [178](#)  
*Reinwardus* Abbas Dockingæ, ejus vita [523](#)

## S.

*Sacrificii* Millæ doctrina. [397](#) & seq.  
*S. Salvator* in Vosago Abbatia O. S. A. ejus fundatio. Abbatum elenchus [204](#) & seq.  
*Salvus-Condultus* datur protestantibus ab Imperatore, à Patribus Concilii. [219](#) [242](#) [211](#)  
*S. Samuel* Abbatia O. P. in diocesi Jerosolimitanâ. [38](#) [117](#)  
*S. Samuel* in Barolo Abbatia O. P. in Italiâ. [27](#)  
*Sanctitas* titulus olim Episcopis & Cardinalibus communis. [41](#)  
*Sayna* Abbatia. O. P. [109](#)  
*Scheda* præpositura O. P. [84](#)  
*Schivvoldia* præpositura O. P. incendio consumpta, restauratur. [483](#) [485](#)  
*Sessiones* Concilii Trid. [220](#) [221](#) [223](#) [261](#)  
*Skirameræ* Cænobium O. P. [490](#)  
*Subrands* Abbatia Horti-Mariæ vita, doctrina, mors. [519](#)  
*Significum* Vicus Alfatæ cujus paræcia est de patronatu Abbatis Seivagii. [185](#)  
*Simon* Comes Montisfortis domitor Albigeum. [42](#) In obsidione Tholosæ occiditur. [86](#) De viri morte afflictam uxorem consolatur Gervasius. [87](#)  
*Simon* Episcopus Paderburgensis capitur ab Episcopo Monasteriensi, & Archiep. Colonienfi à Comite Juliacensi. [540](#) [541](#)

*Sorum* Ordinia Præm. claustra non licet ingredi, nec cum eis confabulari. [107](#)  
*Statuta* O. P. transmissa à Gregorio IX. [493](#)  
*Statuta* vetera & moderna Hyerevallis [112](#) & seq.  
*Stephanus* Abbas Perrodii O. P. amoveatur tanquam epulo. [84](#)  
*Stephanus* Archiep. Cantuariensis. [18](#)  
*Stephanus* Cardinalis S. Adriani interpellatur ad defensionem S. Mariæ de Parvo-Ponte. [36](#)  
*Stephanus* Noviomensis Episcopus procuraciones exigens à Præmonstratensibus compescitur. [9](#) [43](#) [45](#) [47](#)  
*Struagium* (Elstival) totius Vosagi Abbatia antiquior. Quis ejus fundator, quis situs. [177](#)  
*Stuprator* qualiter puniendus. [415](#)  
*Subsidium* Terræ Sanctæ procurat Gervasius Abbas Præm. [5](#) [7](#) & alibi  
*Syardus* (B.) Abbas Horti-Mariæ, dormiens appetitur à malevolo qui cultro nasum vult ei amputare. [489](#)

## T.

*Thornellus* Abbas Gervasius. [8](#)  
*Tepla* Abbatia O. P. in Bohemiâ. [72](#) [90](#)  
*Terra Sancta* status. [334](#) [36](#) [37](#)  
*Thomas* Abbas Domni-Martini excusatur à frequentatione Capituli Generalis. [120](#)  
*Treuga* Christianorum cum Soldano. [547](#)  
*Tres-Fentes* Abbatia. O. C. [64](#)  
*S. Trinitas* Abbatia O. P. in suburbio Tuamensi. [67](#)  
*Tuamensis* Metropolis profitebatur Ordinem Præm. [68](#)  
*Tupholm* Abbatia O. P. [103](#)  
*Tyadeke* construit capellam in Freverth [565](#)

## V.

*Vagabundi* qui censeantur. [419](#)  
*Valis Galileæ* descriptio [182](#). Jurisdictio Episcopalis præpositi [183](#). An S. Gerardo Episcopo Tullenfi data est Ecclesia S. Decodati. [192](#) & seq.  
*Valis-Labrum* (Val-de-Liepvre) Prioratus O. S. B. filialis S. Dyonisii [174](#). pro illato damno prioratui satisfacit Dux Theodoric. [289](#)  
*Vergavilla* Abbatia monialium O. S. B. [175](#)

FFFFF

# INDEX.

*Veromandia* Abbatia. O. P. 44  
*Vestis* antiqua & moderna Canonico-  
 rum Hyerevallis 131. Eorum vita in la-  
 xio-rem degenerat. 128  
*Vestitus* Præmonstratensium itineran-  
 tium. 96 102  
*Vicarii* perpetui non possunt constitui  
 absque erectione tituli vicariæ. 412  
*Vincula* Abbatia O. P. Valterum habuit  
 Abbatem. 67  
*Visitare* non potest Episcopus sacellum  
 carens curâ animarum. 426  
*Visitatio* monasteriorum in quibus cali-  
 bus permissa est Episcopis 404. Or-  
 dinum capita visitare nunquam eis  
 licet. 423

## W.

*Walo* Cardinalis ambit canonicatum Bel-

lovacensem 39. Commendantur illi  
 Abbatibus O. P. in Angliâ constitu-  
 tæ. 40  
*Walter* Episcopo Tornacensi concedit  
 Gervasius canonicum Clari-fontis O.  
 P. in cothubetnales. 110  
*Warlaria* præpositura O. P. 56  
*Werum* sive Floridus Hortus. 434  
*Wilbrandus* prædicator crucis in Frisiam  
 à Papâ missus. 525  
*Willem* Archiep. Remensi Gervasius  
 pallium ex commissione Papæ impo-  
 nit. 11  
*Wilhelmus* Comes Fladriæ Imperator  
 eligitur 526. Aquis-Granum sibi re-  
 belle cogit ad obedientiam 527. Fri-  
 sones aggreditur perduelles. Glacie  
 sub equi pedibus fractâ, obruitur &  
 interit. 533

# ERRATA.

PAGINÂ 4. lineâ 8. lege inferioribus. p. 16. l. 21. lege Ecclesiæ. p. 17. l. 41.  
 lege Tornacensi. l. 44. lege Duacum. p. 33. l. 38. adde usi. p. 71. l. 16. lege  
 protegendo. p. 80. l. 11. lege si ipsum. l. 18. lege curas. p. 97. l. 37. lege statutum.  
 p. 108. l. 28. post eam adde non. p. 117. l. 40. lege II. p. 118. l. 40. lege quod.  
 p. 124. l. 47. dele punctum. p. 190. l. 43. lege 1051. p. 196. l. 15. lege offensus.  
 p. 213. l. perultima lege lapideam. p. 235. l. 31. lege annuntiare. p. 236. l. 15. post  
 totus adde enim. p. 242. l. 34. lege conviciis. p. 244. l. 4. lege fortasse & Confilia.  
 p. 250. l. ultimâ lege fellis. p. 260. l. 14. lege delinquent. l. 30. lege excessibus.  
 p. 262. lege tueremur. p. 263. l. 9. lege admillis. l. 11. lege in illo. p. 265. l. 5.  
 lege lenit. l. 14. lege qui. l. 41. lege in fratrem. l. 42. lege carnificinam. l. 44. lege  
 quisque. p. 267. l. 20. lege potuerunt. l. 21. post Deo, adde sunt. p. 268. l. 15.  
 lege sanè divinæ. l. 22. lege labamur. l. 24. lege coërent. p. 269. l. 4. lege illo vim.  
 lineâ 9. lege peccatorum. p. 270. l. 3. lege & orent. l. 32. lege cessasse. p. 273. l. 5.  
 lege ut. p. 274. l. 6. lege tacitè. l. 8. lege conversatione. l. 12. lege Dei. l. 28. lege  
 verè. l. 33. lege erigunt. l. 41. lege refederint. p. 275. l. 15. lege aliàs. l. 27. lege  
 rerum, bonorum. l. 29. lege concedentis. l. 45. lege se solent. p. 276. l. 12. lege ut.  
 l. 42. lege quærunt. p. 277. l. 5. lege ac. l. 11. lege porciones fuerint. l. 12. lege be-  
 neficiatorum. l. 13. lege beneficio aut. l. 42. lege aliàs. p. 279. l. 13 & 14. lege vici-  
 nior & similior. p. 281. l. 13. lege excogitatum. l. 21. lege quid. p. 291. lege incruen-  
 tus. p. 294. l. 21. lege quorum. p. 297. l. 11. lege succellisse. p. 314. l. 30. lege emis-  
 surus. p. 334. l. 32. lege pertinuerunt. p. 344. l. 16. dele non. l. 23. lege presbyterum.  
 p. 345. l. 23. lege omnis.



1807 04954

